







京 学 編

北京大學《儒藏》編纂與研究中心

圖書在版編目(CIP)數據

儒藏,精華編,七三/北京大學《儒藏》編纂與研究中心編,一北京,北京大學 出版社, 2012.1

ISBN 978-7-301-11791-0

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館 CIP 數據核字 (2011) 第 282596 號

名:儒藏(精華編七三)

著作責任者:北京大學《儒藏》編纂與研究中心 编

責任編輯:王應 董祁

標準 魯號: ISBN 978-7-301-11791-0/B・0477

出 版 發 行,北京大學出版社

址:北京市海淀區成府路 205 號 100871 批

址: http://www.pup.cn

電子郵箱: zpup@pup.pku.edu.cn

話. 郵購部 62752015 發行部 62750672 編輯部 62765691 鸖

出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 78.5 印張 870 千字

2012年1月第1版 2012年1月第1次印刷

價: 500.00元 定

未經許可,不得以任何方式複製或抄襲本書之部分或全部内容。

學報電話: 010-62752024 版權所有,侵權必究

電子郵箱: fd@pup. pku. edu. cn

《儒藏》精華編第七三册

首席總編纂 季羡林

項目首席專家 湯一介

湯一介 龎

總

編

纂

樸

孫欽善

安平秋

(按年齡排序)

嚴佐之

本

册

主

編

彭

林

則的典籍的叢編。 爲儒家經典和反映儒家思想、體現儒家經世做人原 、中國傳統文化以儒家思想爲中心。《儒藏 收書時限自先秦至清代結束。

二、《儒藏》精華編爲《儒藏》的一部分,選收《儒

藏 》中的精要書籍

部類 録,並注明互見。 出 越南儒學者用漢文寫作的儒學著作,編爲海外文獻 以古文字書寫者一律收其釋文文本。韓國、日本、 凡單書已收入入選的個人叢書或全集者,僅存目 録》和《中國古籍善本書目》,於個別處略作調整。 四部分類法分類,大類、小類基本參照《中國叢書綜 土文獻。傳世文獻按《四庫全書總目》經史子集 三、《儒藏》精華編所收書籍,包括傳世文獻 出土文獻單列爲一個部類,原件 和

> 四、所收書籍的篇目卷次,一仍底本原 立性,

《貌,不

選

編,不改編,保持原書的完整性和獨

爲主,酌校異同。校記力求規範、精煉 勘價值的版本爲校本。 確定内容完足、精確率高的版本爲底本,精選有校 五、對入選書籍進 行簡要校勘。 出校堅持少而精 以對校爲主, ,以校正 誤

例,進行規範化標點。 六、根據現行標點符號用法,結合古籍標點通 專名號除書名號用 角號(《》)

落。正文原已分段者,不作改動。 千字以内的 外,其他一律省略。 七、對較長的篇章,根據文字内容,適當劃

短文 分段

般不分段。

及其他 出現順序前詳後略 及整理時所確定的底本、校本(舉全稱後括注簡稱) 介紹作者生平、該書成書背景、主要内容及影響,以 八、各書卷端由整理者撰寫《校點說明》,簡 有關情況。 重複出現的作者,其生平事 蹟 按

九、本書用繁體漢字豎排,小注一 律排爲單行。

凡

《儒藏》精華編第七三册

經部

禮 類

家禮[南宋]朱熹	司馬氏書儀〔北宋〕司馬光	雜禮之屬	經部 禮類	禮經學[清]曹元弼	禮經釋例〔清〕凌廷堪	通禮之屬
143	1021			491	1	

1143

禮經釋例

[清]

一淩廷堪

彭

林

校 撰

				
			•	
		•		
			•	
	_			
	•			
	-			

八四

八四

四

九

四

七

四

禮經釋例卷十一目録 三六五	詩楚茨考 三六一	祭例下 三三九	禮經釋例卷十 三三九	禮經釋例卷十目錄 三三七	祭例上 三一一	禮經釋例卷九 三一一	禮經釋例卷九目録 三一〇	封建尊尊服制考 二七七	變例 二五〇	禮經釋例卷八 二五〇	禮經釋例卷八目錄 二四八	射禮數獲即古算位説 二四六	周官鄉射五物考 二四四	射例 二一七	禮經釋例卷七 ·························· 二一七	禮經釋例卷七目録 二一五	覲義 二一二二	禮 經 釋 例
						燕樂二十八調説下 四六八	燕樂二十八調説中 四六七	燕樂二十八調説上 四六五	雜例 四三五	禮經釋例卷十三 四三五	禮經釋例卷十三目錄 四三三	論語黄衣狐裘説 四三〇	器服之例下 四〇四	禮經釋例卷十二 四〇四	禮經釋例卷十二目録 四〇二	器服之例上 三六六	禮經釋例卷十一 三六六	

校點説明

府學教授。 學。 二卷、《元遺山年譜》二卷、《校禮堂文集》三十六 紫陽二書院。 次年中進士,例授知縣,自請改爲教職,入選寧國 二,輟學從商,兼習詩詞。 次仲,安徽歙縣人。 經釋例》十三卷、《燕樂考原》六卷、《梅邊吹笛譜》 卷、《校禮堂詩集》十四卷及劄記若干卷。 乾隆五十四年(一七八九)應江南鄉試中舉, 後仰慕 凌廷堪(一七五五─一八○九),字仲子,一字 之後因母喪,到徽州,一度主講敬亭、 其 晚年下肢癱瘓,畢力著述。 同鄉江永、戴震學術,遂究心 年幼失怙,家道艱難。 弱冠之後,始復讀書嚮 著有《禮 年十 於 經

禮》,意識到:「蓋悉體夫天命民彝之極而出之,信據淩廷堪自述,他年將三十,始肆力於《儀

校

點

明

算仿照《爾雅》作《禮經釋名》,後漸覺《儀禮》「宏 之本哉!!」(《禮經釋例序》)於是常人眼中委曲 細目,必以例爲主」,乃仿照杜預《春秋釋例》作《禮 他在研經的 重的節文威儀,在淩廷堪心中有了不一樣的意義。 非大聖人不能 同時,隨時記下自己的心 作也。 學者舍是,奚以 得。 爲 節 開始 性 修身 打

經釋例》,積十餘年成書。

世救民,必須復禮,而此書之作,正是爲了復禮。當網領。他將名物度數與義理之學相結合,以爲論網領。他將名物度數與義理之學相結合,以爲為理就在名物度數之中,「不獨大經大法悉本夫天義理就在名物度數之中,「不獨大經大法悉本夫天義理就在名物度數之中,「不獨大經大法悉本夫天義理就在名物度數之中,「不獨大經大法悉本夫天義理就在名物度數之中,「不獨大經大法悉本夫天義理就是人。」

每於異中見同,同中見異,抓住《儀禮》的關鍵,闡在指明器物之用,不涉及大小形制;發凡起例,每於闡説、研究《儀禮》有重要價值。它疏解名物,重於闡說、研究《儀禮》有重要價值。它疏解名物,重

大多附有專文,意在貫通全經,發明古制。訂正文字,有例可依。另外《禮經釋例》正文之下,發禮義,揭示禮法之靈魂,推求省文,洞悉其例,

次。《禮經釋例》問世後,學術界評價很高。盧文弨認為《禮經釋例》問世後,學術界評價很高。盧文弨認為《禮經釋例》問世後,學術界評價很高。盧文弨認之。

《禮經釋例》早期版本主要有兩種:

選樓刻本(簡稱文選樓本)。

、嘉慶十四年(一八○九)揚

州阮氏文

二、道光九年(一八二九)廣東學海堂《皇

禮》及《四部叢刊》影印明徐氏仿宋刊本《儀禮注》,次整理以國家圖書館所藏文選樓本爲底本,以清終來各版本基本上是對這兩種版本的翻刻。故本後來各版本基本上是對這兩種版本的翻刻。故本

字羲音,號鶴田,謚文節)所爲。本次校點吸收其李慈銘題跋,知爲呂賢基(一八〇三—一八五三,圖所藏文選樓本有朱筆批校,校勘價值甚大。據分別簡稱「唐石經」、「叢刊本《儀禮注》」。另外,國

校勘,並修訂了部分標點。理,在原整理本的基礎上,依照《儒藏》體例,重加理,在原整理本的基礎上,依照《儒藏》體例,重加本書曾由臺灣中國文哲研究所出版,這次整

成果(簡稱吕校)。

校點者 彭 林

經釋例序

阮 常生

朝 爲八類。 客之例、射例、變例、祭例、器服之例、雜 杜征南之於《春秋》,分通例、飲食之例、賓 不輟寒暑昏曉者二十餘載,探索既深,遂仿 者,悉具於是。 東閣不觀。不知冠、昏、喪、祭以及飲、射、 有旁涉他經,如《周官九拜解》、《九祭解》、 釋牲》上下等篇,各以其 聘之儀法度數,士大夫日 禮經》一書,韓文公尚苦其難讀,人多 又撰《復禮》三篇,弁諸其首。 吾師淩次仲先生從事是經, 類 相 用 附。 所 不可闕 \pm 易槀 間 例

經釋例序

《大射儀》「如初去侯」,謂司馬命去侯時,以 伏 與校讐之役。 「去侯」二字非衍文,辨《鄉黨》「割不正 兩髀之説,與經文「髀不升」之文始合, 酬」,皆以尊酬 内學人,當不苦其難讀矣。 其功不在后蒼、大小戴、慶普諸 而 刊。今夏,家君在杭州爲師開雕 禮》拜而後踊,獨取杜子春之説:並精鑿不 草服,辨《周官》九拜之「振動」,云即 衣狐裘」爲韋弁服; 而非黄衣黄冠之野夫 云當引《少牢》賈疏,割本末爲正食,辨「黄 上,辨二十一牲體」,取陳 秩然,非 凡經中同異詳略之文,多抒特見,務使條 誦 後成書,名曰《禮經釋例》,共一十四卷。 遺編,不禁感泣 鄉 壁虚造,憑臆斷以 刊刻既竣,吾師歸歙不禄。 卑,非謂 也 舉觶 氏 其 間 於其長 争勝於前 有兩觳而 是書 人之下,海 如辨「旅 爲 下爲 喪 辨 無 理

7

業揚州阮常生謹序。 嘉慶十四年,歲在己巳,七月既望,受

經釋例序

已矣。 之皆 塗 酬尸 飲 徐歷之皆有塗徑可躋 威儀,委曲繁重。 之主人獻賓、主人獻介、賓酢主人也。 獻尸、主人獻 司徹》祭畢飲 可以勉而 酒》之賓也,侑 徑,雖上哲亦苦其難,苟其得之,中)、奠而 1有經 儀 如《鄉 禮》十七篇,禮之本經也。 赴焉。 緯 不舉, 可 飲 酒,其 侑、主人受尸酢,即《鄉 分也, 乍覩之如 酒》,此飲食之禮 經緯塗徑之謂何? 即《鄉飲酒》之介也。 驟閱之如治絲 即《鄉飲酒》之主人酬賓 例亦與之同。 也。 是故 不得其經緯 人 丽 也,而 尸 Щ 棼,細繹 其 節 ,即《鄉 而 飲 主人 主人 例 材 酒》 $\stackrel{\sim}{\sim}$ 迷, 有 文 固 而

其例 奠而 禮 觶 觶 獻尸、獻 射 與介而 人酬賓之觶,主人 于賓而已。 但獻衆賓 有獻長賓、主人自酢及酬賓之儀、《鄉 但主人一獻而已。《有司徹》獻尸侑畢, 之禮,主人、主婦、上賓凡三獻, 肉消、燔從諸 旅 主人,但 于尸 ッ明 恓 》,冠畢 以發端,《鄉飲 無算 不 (日息) 角以 大約 른 舉 | 薦與 院有及受尸酢,有豆籩、牢俎、匕湇、 而已。 爵 醴 也 《有司 司正、《特牲饋 也。 此同中之異也。 發端,《鄉飲酒》但使 賓以 俎 節,《鄉飲酒》獻賓、獻介及酢 旅 丽 <u></u> 此異 酬 酒》則但使二人舉觶 八黨則 틷 徹》無算爵,賓黨則 有司徹》旅酬,使二人舉 獻之禮 無 中之同 《有 算 用兄弟後 爵 食禮》祭 司徹 《鄉 即《 也。 推之于《 》獻尸、獻 飲 鄉 鄉 二人 生 畢 酒 飲 有 所 一獻賓, 飲 飲 酒 司 士 用 舉 于賓 舉 徹 类 冠 主 觶 之 復 侑

經釋例序

皆

相

同

而

 \wedge

鄉

射

②之同

于《

飲

禮》納采、納徵之屬,其例 酒 筵; 卿及《昏禮》納徵。 授束帛、《昏禮》授鴈,即享禮之授璧也 此 禮》無授玉之事,但 異 錦、庭實用馬 卿幣用束錦、庭實用 賓 面 實用皮也。《昏禮》使者禮畢,主人禮賓, 卿畢,不儐,但行面卿之禮而已。 而 聘禮》之聘賓禮畢,主國之君 即即 中之同 賓客之禮也,而 (,侑醴 른 問 《聘禮》聘賓至、《昏禮》使者至,皆設 聘賓之私覿畢,介覿、衆 卿,賓及廟門,不 更 以幣,《昏禮》禮賓,但酌醴禮之而 聘禮》既享未觀之際,則 也。 無 論 也。 聘 也 用圭,享用璧,面 聘賓面 聘畢問卿、面 用東帛及鴈,如享 庭實用皮,即享禮之 又 馬,即 如 几 《聘禮》之聘享 卿畢,介面、衆 亦 筵,但擯 私觀之幣用 與 禮 之同 介覿也。 卿,及《士昏 《聘禮 賓 禮 即及《 者 也 賓 請 禮 問 一》禮 昏 此 介 庭 問 命 几 束 即 問 而 面 卿

《燕禮》、《大射》不同也,而 射釋 不同 不同 旅酬、 于《士相見禮》及《聘 者,主人但玄端 릲 獻 而 則同也;《特牲饋食》、《少牢饋食》不同也, 禮》者,更無論也。 則受鴈于楹間 與東楹之間,問卿則受幣于堂中西,《昏禮 裼之殊; 問卿聘賓 餼,其例皆大約 、祭畢飲酒之例 其爲尸飯、主人初 也 也 獲飲不勝者、三射以樂節射飲不勝者 聘享聘 無算爵之例 而 ,而其爲郊勞、執 其爲司 賓, 而已。 相 主 而 則同 則同也; 릲 射誘射、初射不釋 同,而《聘禮》之同于《 國之君皆皮弁 是故《鄉飲酒》、《鄉射 ,主人但朝服 獻、主婦亞獻、賓長三 此同中之異也。 禮》郊勞、致館、歸 《聘禮》受玉于中堂 也,《鄉射》、《大射》 玉、行享、庭實之例 《聘禮 其爲獻、酢、酬 ;《昏禮》 一》、《覲 服 獲、再 有 推之 禮 朝 使

之例

則同也。

不會通其例、

以貫之,祇厭

既久, 于册。 故,蓋悉體夫天命民彝之極而出之,信非大 其膠 《儀禮釋例》,又見杭氏《道古堂集》有《禮例 如是者有年,漸覺 身之本哉 聖人不能作也。 序》,慮其雷同,輟而 秋》,定爲《禮經釋例》。 乾隆壬子,乃删 庫書存目》,載《儀 例序》,又似欲 類,寥寥數頁,蓋未成之書。」復考杭 「江永撰,是書標目『釋例』,實止《釋服》一 一,必以 葛重複而已耳,烏覩 廷 知 初仿《爾雅》,爲《禮經釋名》十二篇。 堪 例爲主,有非詁 其 年將三十,始肆 間 肄習之餘,心有所得,輒 .同異之文,與夫詳略隆 合《周禮》、《儀禮》而爲之者, '學者舍是,奚以 蕪 禮 非他經可比,其宏綱細 就 弗作者經歲。 釋 簡,仿杜氏之于《春 例》 已而聞婺源江氏 訓 所謂經緯塗 力于 名 一卷,提要云: 物 是 所能 爲節 經。 後撿《四 態者。 氏《禮 書之 性 殺. 徑 潛 修 Ž 有 玩 者 卷: 禮 志 而 曰

目

哉

《儀禮釋宫》已詳故 治絲登山之一助。 **矻十餘年,稾凡數易矣。** 例》之後。 不别立宫室之例者,宋李氏如 意,乃爲《封建尊尊服制考》一篇,附於《變 闕之,區 合者取之,離者則置之,信者申之,疑者則 來,說者雖多,由不明尊尊之旨,故罕得 食之例,上中下三卷, 曰賓客之例,一卷, 且以《大射》爲天子禮,《公食大夫》爲大夫 二卷,曰器服之例,上下二卷,曰雜例, 射例,一卷, 曰變例,一卷, 曰祭例,上下 規之,則幸甚焉 而未之逮也。于是重取舊稟,證以羣 ,則于《禮經》尚疏。 共爲卷十三。至于第十一篇,自 爲八類: 曰通例,上下二卷, 也。 知禮君子,矜其失之煩 然則江氏 回憶草創之初,矻 困學之中,聊借爲 7、杭氏 漢 皆 經, 經 以

嘉 慶四年,歲在屠維協洽,日 躔

禮經釋例

六

凌廷堪

之數也。」按《春秋正義》,九爲老陽,七爲 其意度,猶是騷人之遺,相其體製,未改湘 陽,故東方朔仿之而爲《七諫》焉。 崔 爲取天子有争臣七人之義者,非也。然考 説》、張衡之《七辯》、馬融之《七廣》,魏、晉 京作者,若傅毅之《七激》、崔駰之《七依》、 變激響而成鉅觀,洋洋乎盡態極妍矣。 纍之貌。獨枚乘《七發》因舊 .琦之《七蠲》、李尤之《七欵》、桓麟之《七 昔屈子作《九章》,王逸曰:「九者,陽 名 而 創新格, 王逸以 東 少

> 哉 ! 駘 下,典午之士可配乎當塗矣。 徵》、左思之《七諷》。 作者,若曹植之《七啟》、王粲之《七釋》、張 木 之響,騁歷塊之技,不與燕雀 圭 景摹聲,層見疊出。 游觀之盛,田獵、音樂、服飾、嬪御之美,襲 今,尋其存者,皆不外乎飲饌、車馬、宫室 還,梁簡文、何仲言更衍其緒。 之而爲《林》,昭明采之而入《選》。 至於元 協之《七命》、成公綏之《七唱》、陸機之《七 嘉以後,謝康樂、顔特進尚嗣厥響,太清 齊走。 魚鹽 璋,安能離枚叟之規矩,脱吴客之杼軸 若夫柳宗元之《晉問》,咸謂其振 ,語奇而意近。 究之險馬戈 雖組織類錦綺,雕琢 鄴中之才不殊於洛 甲,名異 求其鳴鳳翔千仞而 是以 競噪,不與駑 丽 而自漢迄 實 休 同 変集 在 '; 材 · 陰

■ 此標題原無,乃校點者所加。

序

七

理、 力有 籍紛綸,無暇旁及。 足深論 能 發》之體,爲《七戒》| 自 服 協 經 乎簫 魯 所末遑,才有 濟、史學之等 也 人 優 廷堪 飛 孟 兔 不 賦質 所 馳 能 客 有 相勸 難 萬 椎 治楚國, 篇以答之,兼用 給 里 魯,專嗜《禮經》,群 矣。 而 勉者,於是擬 以書畫、辭章、性 不覂乎 似 總之,有若 與不似,未 軌 徹 自 二 七 厲 則

者遵。 中 當 之異同,守古經之訓故。於是增美上 有 布 南 而 心許。 矩 。 牖 司存。 而 東 從 前 尊者給巾。 **阼階之席,厥** 抗志乎西雍,希 肆 宜處士,居於環堵。 而 謀於致仕之老,立爲鄉飲之賓。 下 陳器之先,乃朝 布 席,中 篚 在 西階 洗 房 惟 户 西 主 東 心 而 而 人。 服 面者介,賓東 乎 設 南 而 周旋中規,折 東 尊。 陳 造 牲 魯。 體 處士 上篚 緣 脯 考淹 席 之門。 一卿,聞 醢 者 南 在 緇 禁 旋 中 面

豪

鑿横浦之石,合易水之膠。

夭矯兮,縹

常。 遠 妙。 爲誰 辱承 苦於 拜。 脩 則 鄲淳,京兆韋仲將,衛氏之伯玉,鍾氏 府 興之志。今將禮子以一獻之禮,吾子其 古 處 意乎?」處 上,賢哲符利見之占,教成于下,庸 竹 岫 曹 以 史所能、《考工 士 無 不興 績水 書則 ·?!上卿 高訓,良慰鄙 希 覆 告以賓 拜 獲,君 其 纖 所擇; 辱 了; 績 則張 塵不 建安師宜官,黄初梁 右 • 士曰: 立 興 人則 子 曰 于 動,鳴琴初奏。流 了; 敬 僧 率 爾 藏器 一》所效。 門 繇 乃抒扶桑之繭,拔 爾 「唯唯。 懷。 顧 恭 外。 績 慢之。 曲 應 丽 以 敢問 命 藝 Щ 待 戒 上 者,闇 或 可 日 則陸 試。 卿 夫 書 庭收 介與衆賓 通 貿 門 或 孟 偏 是 探 吾 於不 黄,潁 然納交者, 西 繢 泉響其左, 宿 微 以 聞 、各臻 長足耀 , 丽 中山 愚 運 東 儒 自 一, 户 之元 繢 有 者 隆 Ш 面 知 之 納 其 有 奮 于

焉,非敢與古人較得失也。

其辭曰:

所不 狀。 上。 怫 緲 也。」 此 寂 好女之鬭 頏乎?」處士曰:「走素蹇拙,未暇 爲 鬱 兮,若時花之競奇焉; 亦天下之技巧精良也,子能 逸 敢 蓋信本、誠 俄頃紛 輪 心, 欹侧, 望。 囷 姿焉。 一**,** 淋 況復宋、元以還,術 萬類 取妍。 漓 懸所不克晞 酣 由是争 於筆端,咫尺幻五嶽 暢。 遞 相 縱横 出玄構,互矜意匠 **偠**優兮,窈窕兮,若 祖 亦朝 述,奚足道 譎 出 與代遷。 詭,不 丽 川、洪 有 與之頡 於堂 可 此 焉。 枯 谷 長 名

僕。 此數 迴。 追; 之流,太冲、士衡、安仁、文通之屬。 李、曹、劉 其 其 運 君者、驅使 上卿曰:「將使長卿、子淵、武仲、亭伯 放 虚 筆 思也,幽 而 以 也,灝 解 指 揮,進 構 百 子 育 乎 靈 境 沛 似 實 鮑、謝、徐、庾以 乎,騰 乎 車 侕 ', 排 馬,控馭 能 開 山 天 人 決 淵 既 萬 泂 景 夏 丽 而 引蘇、 馳 戛 類 不 不 逐。 可 可 臣 而

> 餙,而 常 真。 春。 神 乎 與之游 志之而 肅 務 新 主 ,或如圭 去,爰汨 或雋 雖鞶 餙玄黄以 地 奔逸絶塵。 此 不 處 謂 帨之繡,而 能 亦天下 如豪士,或 乎?」處士曰:「走本鈍椎, 之才。 汩 璧尊;或 極 圃 其 相 遂 托精 八量,鍾 之繩 雜 來。 或 華 配 淒 鬱 豔 墨 誠 麗 藻 嶸 宫 如 如 淒 機 乎日 以不朽,共光 可 밂 徵 美 若 龍 杼 珍。 之 而 秋 人; 虎 也 月 而 適 ¬**,** 號 均 或蓬 或 或 雖 不 百文, 如 變 能 能 虚 未 景 摰 蓬 彝 如 車 得 出 暇 其 虞 鼎 之 若 鬼 而 而

前, 數取 乎? 極。 友。 堯夫讓於後。伊 考亭後 希夷之術,理 援體用 上卿曰:「意者子其卑 則將 爲之闡 ,判感寂。 至,居客之右。 兼 性 命之旨,衍 曹溪之禪。 ĬII 出新義 以 爲師 講 辭 破破 章 河、洛,畫 横渠 精 茂 而 舊釋。 叔 高 之傳 以 揖 太 爲 於 天 爲其伍

也。

發兩 理 和 問 也。」 下之高明奇特也,子能出 夫 漢、唐諸儒之説,距之而 處士曰: 望之而 致 學 其室,頓 間 知 以易通 方 未 以 擅 灉 「鄉者竊浮慕焉,而 立 羞沮,巨子對之而 發 掃 ,德性乃夸。 操厥戈。 之藏,謂 其宗 爲天符,以《正蒙》爲鴻實。 應對 一,變五 , 居 恥 傳 敬 門户 千聖 相 存 行 唯恐 而與之辨析乎?」 剽 誠 爲 水 玩 傾 不 以 襲,各鳴一 不 ,攻扞,莫可 倒。 火土 徴 索未嘗有得 傳之道。 力。 所 此亦 若夫 石。 造。 家。 天 小 云 調 同 窮 彼

業隆。 乎 末 而 約計宇宙,蓋有數公。 不 ? ,則京兆杜氏之包括也, ·可窮。 上 夫明者妙於 卿 唯其大也故能濟,唯其博也故能通。 曰:「意 深於學者其 者 應 子其輕 而 其 節 無 品 所 其措之而 正,發於事 惑 目 道 疏 學 知者 阔 丽 ,有本有 重 達 点正,施 者其 事 於 功 變

> 之而 指陳 稽 志其 俊也,子能 其鉅,氏族、六書、七音、金石、昆蟲、草木 用 賦、錢幣、户口、職役、征 職官、禮樂、刑法、州郡、邊 之,設施者,起 夾漈之作博 敗 鄉者竊有志 ´´, 則 品 山 行, ,坐一堂而 川之險要,明政治之失得。 細。 其類,經籍、帝系、對建、象緯、物異考 涑水之書 則鄱 生民盛衰之原,往古是 出 且詳焉。 焉,而空疏未敢自信 陽 而 而運之。 簡 規 馬 與之答問乎?」處 畫。 而 氏之粹 備 且 此亦天下之英 焉 権、 夫著述者,坐而 是故食貨、選 精 其制 市 防 也, 糴 統 度 其治 援千 也 、土貢、 其 非之蹟 浜 士 全; 章 傑 載而 亂 曰 雄 國 田 論 成 則

則 范蔚宗 導其源,蘭臺循 魏 %伯起。 L 卿曰:「紀 事 闕 其義次於六籍,其說超乎百家 而 文 其軌。 靡。 傳之材,表 冮 陳承祚文簡 左 則 志之體 沈 休 文,河朔 而 事該 龍

其事。 乎? 苑於儒 慎,而 丐翦 爲 咸納之函丈之間,悉置之尊俎之側。 之音義,司馬貞 服 居 也。 贍賅 事 天下之大典 旁行斜 殊,聊舉一以例百。 稽者遂 (博,而 裁、竊 ·昭、裴駰、薛瓚、顔 寓 下至紀月編年,雜 林、曷爲别日 廣、孟康、崔浩、 褒貶、分正 上,若者 廣,研究者 論 藻繪者不 曰:「間嘗學之,而 鉅文也。 邪 正、評 爲之述其贊,裴松之爲之補 爲 閏 者於龜策。 因 數焉; 1孔多。 善惡者不 者不 其文也端嚴簡貴,而 子能出 革 籀之等爲之注 包愷、蕭該之徒 損 取 出 其 益 於是 焉 而 而 例 與焉。 不可 不能 唯時 曷爲 與之究 也 其 應劭、晉 持 事 勝記 若者 此 擇 異 也 析 釋 殫 亦 宏 矜 則 文 爲 觀

者,衆説之指歸。道統興而傳注息,心學盛上卿曰:「六藝者,羣言之標準,五經

未足 上選。 丽 子慎、《周官》則鄭司農、鄭大夫。 **徴馬、鄭以講《尚書》。** 欣然曰:「善。」上卿曰:「此特義 成者孔穎達、賈公彦。」上卿之語 焯、劉炫。 文字之辨。 也,然而爲之心動矣。」 嘗孜孜於是焉。 也,子能出而與之折衷乎?」處士曰:「 而 之《公羊》,范氏之《穀梁》。 東海之衛、《戴記》則涿郡之盧。 章 較經義之短長。 -句微。 以深羨也。 矻矻乎名物象數之蹟,斤斤 扶其 試爲溯 於 梁 (墜者楊 進 愧材質之愚惷而 則 圃 師 此亦天下之肅 皇 召荀、虞以 《左氏》則 承之厥 侃 士 動、邢 沈 集石 重,于 初,極 説《周 叔明, 賈景伯、服 渠之秘閣 疏之儒耳 未竟,處 《毛詩 不能 加 穆 以 隋 乎 聲 專 何 嚴 、 易 》, 集 家 兼 則 走 氏 則 其 音 重 之

逸者三十九,其傳者一十七。曹褎升慶氏上卿曰:「《禮》更祖龍,漢興乃出。其

專壹。 賓 俎 牲 儀者 秣,陳祥道見之而車不及脂 仰 聖之精神可接,先王 栗腶脩之異。 酬 事宜。講之者忘倦,肄之者 飯、三獻、陰厭、陽厭之制。 有授玉、享禮、醴賓、私 加 敢不奮興!」上卿歸 諾 則 速之,三揖至於階,三 , 彷彿 遇之。 ,射何以堂 由獻而 -, 已禮 别 冠 康 子大夫有命,賓賢 何 肩 地則考户牖 成 以 臂 酢。 辭 入小 有 脊 西有 矣, 脅 燕何以膳宰爲主 此 戴之室。 醴 肫 圃 人 固 位 堂階、 三 胳,器則辨箋 可 舉觶 而 崔 之制 而 醮之殊,昏 固 覿之儀,祭何 陳器,羹定實晉。 靈 洗 讓 辭 獻 位則分尸侑賓主。 而 下 恩聞 作 東 而 以節民 乎? 能。 行 不 有 逮 也 可 後 旅酬,二人舉 疲。 之 推 次。 黄、李, 升。 走雖 而 處士 吾 丽 何 豆 性,以 子習 然 大 簠 馬 以 雍 聘 以 由 固 後 夫 簋 憔 有 酢 曰 不 容 有 何 陋, 拜 於 遑 俯 爲 悴 往 制 九 棗 鼎 而 以

> 賓後 而 主,先主後 行 無 算爵。 介。 以 下 其 爲 (心既 恭 辯 而 其 交錯 體 匪 先

觶

歸 俎奏《陔》,成禮 而 退

笥,俟就正 槀 始,嘉慶戊辰歲卒業,凡二十有二年, 綴諸簡末 丽 後成。 右《禮 經釋 以 於 用 當後序。 有 力既 道。 例》十三卷,乾隆丁未 久,未忍棄置,録 并 是年穀 以 舊 作《七 酮 日,凌廷 戒》 存 Ŧî. 歲 篇 堪 於 易 創

記。

0 之要而 有 節 正 下 自矣。 公所爲。 月得此于廠市。 有 李 慈 加精密,條分縷晰, 銘 癸亥十二月十 文節之父雲里先生受業于次仲氏, 小 字 其中間 語: 「淩 日日 誠學 有 氏此 會稽李慈銘記。」 朱字附 禮者之津梁也。 書 綜江 注 者,乃舒城 氏《禮 淵 后文 辛 原 目 酉

次仲淩君列傳

阮 元 撰

復讀 祖 記姓名而已。 文焻,業賈於 八年,至京師,始多交游。 慕其鄉江慎修、戴東原兩先生之學。 困苦窮巷中。 辨志賦》以見志。 安,唐顯慶中任 淩君 所撰述,大嗟異,始導之爲四書文。 書嚮學,能屬文。 諱廷堪,字次仲,安徽歙縣人。 海 母王氏, 鬻簪 去學賈,不成。 州。 歙 乾隆四十六年,遊 州 君 州判,遂家於歙 生 懼 海 大興 時 珥,就塾師 州,六歲 過 年二十餘 翁覃溪先 難 成 也,著 揚 而 四 **廳** 州, 始 始 + 遠 父 牛 應

> 之。 子願之,甚善。」文正題其《校禮圖》曰:「君 君投牒吏部,自改教授,曰:「必如此,吾乃 皆以宏博見拔者也。殿試三甲,例授知縣 朱文正、王文端二公之門,蓋與洪君亮吉等 四 秋,三應順天鄉試,始中 年,從翁 以 順 才富江、戴。]又曰:「遠利就治官。」蓋甚重 可養母治經。]文端曰:「吾不强子改冷官 兄意。 年,應江 天鄉試,不第。 相 益 先生於江 五. 南鄉試,中式。 干一 君乃擬李白《大鵬見希有鳥 年,復入都應試,不第。 明年,復遊 西。 副榜,南歸。 又 明年,成進士,出 明 揚州,見元,以 年,客 河 五十 賦 明

於《禮經》。不輟寒暑二十餘年,著《禮經釋學,博覽强記,識力精卓,貫通羣經,而尤深官,孝弟安貧,謹身節用,畢力著述。君之官,孝弟安貧,謹身節用,畢力著述。君之既選寧國府學教授,乃奉母暨兄嫂之

矣。 腽 射例,一卷;曰變例,一卷;曰祭例,上下二 例,上中下三卷, 曰曰賓客之例, 一 其經緯塗徑,雖上哲亦苦其難, 苟得之, 例》十三卷。 後。不别立宫室之例者,宋李氏如圭等已 爲《封建尊尊服制考》一篇,附於《變例》之 者雖多,由不明尊尊之旨,故罕得經意,乃 共爲卷十三。 至於第十一篇,自漢以 卷,曰器服之例,上下二卷,雜例,一卷: 複而已耳,烏覩所謂 材可勉赴焉。 君雄於文、《九慰》、《七戒》、《兩晉辨亡論》、 詳故也。」君又著《魏書音義》、《燕樂考源 崇實新書》、《元遺山年譜》、《校禮堂集》。 十六國名臣序贊》諸篇,上擬《騷》、《選》; 爲 不會通其例 八類,曰 君謂 通 經緯塗徑之謂何 例,上下二卷, 曰 一以貫之,祗厭其膠葛 ::「禮儀委曲繁重,不 經緯塗徑者哉! ? 飲食之 卷; 例 來,說 於是 而 中 曰 重 己 得

> 有五。❶ 有也。 繼 者,則有《復禮》三篇,唐、宋以 子常生從君學。 君免喪,來游杭 説經之文,發古人所未發。 牲》、《詩楚茨考》、《旅酧下爲上解》諸篇 鄉 一般,哀且病。十三年,元復任 射五 嘉慶十一年,君以母喪去官,兄嫂相 物考》、《九拜解》、《九祭解》、《 州,出所著各書相 明年,歸歙,病卒,年五 其尤卓然 來儒者所 浙 示。 江巡撫 元命 可 未 釋 傳

此篇文字與《揅經室二集》卷四所載《凌次仲君傳》頗 有不同,讀者可參閱、

0

四

禮經釋例卷首目録終	復禮下	復禮中	復禮上		禮經釋例卷首目録
-----------	-----	-----	-----	--	----------

禮經釋例卷首

歙凌廷堪次仲學

禮 上

復

禮 友有 其學者,禮也: 道 聖人知其然也,因父子之道而制爲士冠之 子有親,君臣有義,夫婦 矣。《孟子》曰:「契爲司徒,教以 有 万 因 者,善也,所 圃 制 信。」此 夫人之所受於天者,性 君臣之道而 爲士昏之禮,因長幼之道 五 者,皆吾性之 以 是 制 復其善者,學也 故 爲聘覲之禮,因夫婦之 聖人之道,一 有别,長 也; 所 固 幼 而制 性 有 有 人倫,父 禮 之 所 者 序,朋 所 爲 丽 以 也。 鄉 已 貫 固

當别 爲堂、廉、拜、稽之文以達焉,其禮非聘、 以復其性焉?」是故知父子之當親 能 者則 也。 之、别之、序之、信之,則必由乎情以達焉 其 能 情 禮 自 也,而於士冠焉始之, 醴、醮、祝、字之文以達焉,其禮非士冠 之中,發而皆中節謂之和。」其中節也,非 於性者也,所謂人倫也。 飲 中 無 之外,别 性 則 元子以至 酒之禮 非禮以節之,則過者或溢於情,而 節 漢焉遇之,故曰:「喜怒哀樂之未 焉? 過不 緣 也、長幼當序也、朋友當信 也,必有禮 性 一、因朋 及之偏。 而 父子當親 無 於 有者也。 所 庶人,少 謂 友之道 學也。 以節之,故曰 非禮 也, 性本至 知君臣之當義 而 而習焉,長 而 君 以節之,則何 夫性 制爲士相 臣 其所以親之、義 一當義 中,而 具於生初 也,五者 手非 也,夫 也 而安焉 見之禮 情 ,則 也, 禮 發 以 則 不 ", 而 則 賅 自 及 者 根 復 爲 謂 婦 不 何

其 篇 事蓋 禮 當序也,則爲盥、洗、酬、酢之文以達焉,其 即 達焉,其禮非士相見可賅也,而於士相見焉 知朋友之當信也,則爲 也 可 禮 能 築氏之鎔鑄 始之。《記》曰:「 士昏可 不 而 鄉飲 非 賅 之於 爲 $\overline{\mathcal{H}}$ 其大者而推之,而 **,則爲笄、次、帨、鞶之文以達** 能 鄉 也 量 禮舉不 亦不僅 不僅父子、君臣、夫婦、長幼、朋友也, 爲 酒 而 焉; 飲 賅也,而於士昏焉始之。 性 轂 **>** 酒 也 焉 於聘、觀 良 不能 外乎 士相 |《士冠》、《聘》、《覲》、《士昏》、 可 亦 非 材 賅 猶 輈 之在 是矣。 也, 爲削焉,非奧氏之模範 見》也,即其 禮儀三百,威儀三千。」其 是 人 焉 丽 百行舉 而 之繩 始之; Щ 雉、腒、奠、授之文以 已矣。 於鄉飲酒焉始之; 也,非輪人之規矩 良金之在丱也,非 墨 知夫 不外乎是矣; 不 存者而 如曰 高,其 能 知長幼之 婦 爲轅焉。 [舍禮 之當 推之, 禮 不 面 非 别

> 幽深微 也。 也; 舍禮奚· 也。 自 算 判然矣; 之禮,自親迎以至於徹饌 以至於親勞,●而君臣之義秩然矣,學 模 可 三代盛王之時,上以禮爲教也,下以禮 而父子之親油然矣,學聘、覲之禮,自受玉 ·莫見乎隱,莫顯乎微,故君子慎其獨 範 以 初見執贄以至於既見還贄,而朋友之信 性至微 君子學士冠之禮,自三加 如曰 復 也 由 眇 性也,是金之爲 長幼之序井然矣, 學 學 | 舍禮 材之爲轂、爲轅 哉 而 鄉飲酒之禮,自 也,而 ! 後 可。 而 蓋性 可以 禮 若猶是聖人之道也, 至 則 復性 削、 隱 顯 也 成禮,而夫婦之別 不 焉 爲 也,必 前 必 始 者 量 士相見之禮, 以至於受醴 待 獻 也 禮 不 以 如 規 則 必 釋 至 故 見焉者 矩 待 於無 士香 爲學 氏 繩 也。 白 鎔 則 之 墨

❶ 「親勞」,揆諸文意,當作「效勞」。

昭 朋友有信是也。 父子有親、君臣有義、夫婦有别、長幼有序、 定命也。 所謂命也。」是以 自 事不依於禮,循循焉日以復其性於禮 所以明人倫也。」 道,修道之謂教。」夫其所謂教者,禮也,即 然矣。 知 也 故曰:「天命之謂性,率性之謂 蓋 劉 康公曰:「民受天地之中以 至天下無 有動 故曰:「學則三代共之,皆 作、禮義、威儀之則以 一人不 囿於禮 **無** 圃 生, 不

復禮中

交也,五者,天下之達道也。知、仁、勇三「君臣也,父子也,夫婦也,昆弟也,朋友之禮所生也。」此仁與義不易之解也。又曰:者,宜也,尊賢爲大。親親之殺,尊賢之等,《記》曰:「仁者,人也,親親爲大,義

階,其俎用肩,獻介則共階,其 其介則次之,其衆賓又次之。故獻賓則分 之殺」也。 祖昆弟又次之。故昆弟之服則疏 之制論之,昆弟,親也,從父昆弟則次之,從 也,故曰:「義者,宜也,尊賢爲大。」以 者,天下之達德也。」此道與德不易之解 獻衆賓則其長升受,有薦而 昆弟之服 期,從父昆弟之服則大功布衰裳九月,從祖 天屬之親而其人爲賢者,則尊之,從其 也,故曰:「仁者,人也,親親爲大。」亦有 者,仁而已矣。凡天屬之親則親之,從其 不必舍此而别求新説也。夫人之所以爲人 以鄉飲酒之制論之,其賓,賢也, 則小功布衰裳 皆聖人所制之禮 $\overline{\mathbf{h}}$ 月: 無俎: 也。 (俎用 所謂 所謂「尊 衰裳 故 · 肫 胳 ; 親 日 喪 親 齊 服 宜 非

殺,仁中之義也;尊賢之等,義中之義也。「親親之殺,尊賢之等,禮所生也。」親親之賢之等」也。皆聖人所制之禮也。故曰:

賓

昆

子

服

烏

生。 也。 信以 義起 介、獻衆 義,復於義外求禮,是不 全人 故 行 (,則謂之不 弟之服 覩先王制禮之大原哉! 制仁義之中也。 服從父昆 亦可以 摩民以義,節 君 義生,然 也。」《 協諸義而協,則禮雖先王未之有,可以 成之。」《禮運》 之而 義 之制 因 子 賓 滅親 協 服 義 仁 郊 禮也,本於君臣、父子、夫婦、昆 則謂之過; 於中 及。 昆 弟、從祖昆 以 而 後 特 弟,以獻介、獻衆 爲質 後 性》曰 禮 後 民 蓋聖人 ·, 庶 生, 作。」董子 儒 以禮。」然則禮也者,所 故至親 了, 禮 曰:「禮 幾 不 禮 :「父子親,然 以 弟,以 以 無 識 知 制之而執其 因 行之,孫 過不及之差焉。 從 可 仁且不識義矣, 是故 義 往 也者,義之實 Ė 祖 以 獻賓之禮 往 而 昆 揜義,而 賓之禮 以 於仁外求 漸 後 弟、從 以 昆弟之 生。 中, 出 民 後 大 獻 義 君 獻 父 以 故 若 間 也。 蓋 者 所 謂 致

以

日

義

緣禮而著見,而 弟、 者,格此也。 微、一儀節之細,莫不 藉禮爲依歸,而 德者,則虛懸 也。」天下之達德是 三者,皆爲斯 可憑矣。 大法悉本夫天命民彝而出之,即一器 至德,至道不凝焉。」是故禮也者,不獨 ,所謂「物 必先習其器數 泛指天下之物,有終身不能 ,所由適於治之路 朋 若舍禮而 友,五者皆爲 知也。 而君 有本末,事 《禮器》一篇,皆格物之學也。 而 人 子之行 别求所謂 制 無所薄矣。 行 儀 所 知 禮 禮 也。 其 節,然後 同 斯 者 者以之;德無象也, 也」,「天下之達 (原於: 得,故 禮 - 各有 有終始」是 人 以 若舍禮 道 也、本之知、仁、勇 之。 所 性 蓋 者,則杳渺而 知 精義 共 曰:「德者, ,然後行之出 故 禮 道 山 丽 盡 之原 無 日 彌 也。 别 一識者 故 跡 綸 求所 一荷 於性, 道 也, 曰 於其 數之 格物 大經 矣。 道 不 得 不

子以 於誠 中 乃别求所謂仁義道德者,於禮則視爲末務, 又爲修身之本也。後儒置子思之言不問, 者,禮而已矣。 以道,脩道以仁。」即就仁義 正 成。」此之謂也。是故「君子尊德性 曰:「非禮 學,致廣大而 而 禮所 心 者鮮矣。 臨 而知新,敦厚以崇禮」。 不當在誠意之後矣。《記》曰:「自 時 至 生也」,是道實 以 於 不動,所以修身也。」又曰:「修身 庶 「誠 《曲禮》曰:「道德仁義,非禮 理衡量之,則所言所 人, 壹是皆以脩身 盡 意」也。 蓋修身爲平天下之本,而禮 精微,極高明而道 禮 若舍禮 也。 然 丽 而言誠意, 則 申言之。 爲本。」 行 修身爲 中 不 而道 庸 失 其 温 問 不 本 又 天 日 則

復 禮 下

稽也。 其秀者 是故冠、昏、飲、射,有事 者,禮焉爾,不遠尋夫天地之先也,其所以 矣、賢者過之、不肖者不及也。」彼釋氏 者過之,愚者不及也。道之不明也,我知之 也。《記》曰:「道之不行也,我知之矣, 子之言備矣,但恒言「禮」,未嘗一言及「理」 不 升、降,有儀可按也;豆、籩、鼎、俎,有物可 節性者,亦禮焉爾,不侈談夫 知之過。 流,言心言性,極於幽 敢 爲 聖人之道,至平且易也。《論語》記孔 使天 有所 惡; 上者 聖人之道不如是也。 憑 下之人少而 圃 陶淑 入於善,頑者 而底於成,下者 深微眇,適成 習焉,長 可 循 理氣之辨也。 其所 有所 也,揖、讓 而安焉。 其 撿 以 (爲賢 東 亦 節 者

即《中

庸》

引

而

伸

著於天地

而

已,曷嘗

上

曰

逝

者

如

斯

躍

於淵。」説

者

援

實始於此

矣。

是

同

之一境也。」復從而闢之,曰:「彼之以 性,不如我之以理爲性也。」嗚呼! 也,吾聖人之於彼教,僅 而已矣,烏足大異乎彼教哉 以爲喻惡人遠 「吾聖· 夫釋氏 理事之説而小變之,以 怖之,愧聖人之道 之,亦不過 夫,不舍晝夜。」說者 《詩》曰: 聖人之道所以 所 陰 有化機 滴 人固已有此 之言心言性,極 以别於異端 人 所 於異端 如 以 「鳶 也? 謂聖 彼 去,民得其所。 小聖人 教 飛 幽 人之德 性相 也。 萬世 「子在 儒釋之互 戾 者, 以是 以 深 也 /天,魚 之不 誠 鑿 爲 其 心 微 亦 不 ; 以 川 明 如 以 爲 爲 眇 聖 弗 易 幽 此 言者 禮。』」聖人舍禮 夫子 禮 復禮爲仁。』請問 言 道 道 過 爲感歎時往,不可 孔子告之爲仁者, 子所雅言者也。仁者,行之盛也,孔子所罕 也,深求之,流 義 曷嘗有 之,亦不過 爲學也。 外乎禮而言者也,空無所依也。「子所 本 勿聽,非 以 顯 乎禮 詩書、執禮。」「顔淵 也。 争勝 然,此所以 循 悟 循然善誘人,博我 顔淵 詩、書,博文也; 於 境 丽 禮勿言,非禮 謂 也? 異 言者也,實有所見也, 放 大賢, 端 入於幽深微眇, 無以 無 乎 其目。 丽 過不及,爲萬世 惟 復 蓋 四 已矣。 爲教 禮 具 追。 聖人之言,淺求之,其 海 焉 體 問 有 曰:『非禮 勿動。」「顔淵 、也,賢· 執禮,約禮 即《孟 爾 圃 本 何 微。 者, 以 也? 子曰:『克 仁不 人舍禮 則爲賢

尊聖人之道,而

不

知

是爲闢異端,而

不

知

如

,於是竊取其

人之遺言,曰:

深微

眇

也,

往

往

也。

後儒

熟聞

漬

而

可

以

勉

加

至。

一子》推

而

極

如

是

耐

不易之

·; 此

也

聖人之道

其

問

賏

己

異端

之

聖人

知之

勿視,非

曰

文,

約

我

以

無

以

也

孔

諸 於情者也。 而 但 性者 後 此。後儒不察,乃舍禮而論立,縱 迨至博文約禮,然後曰「如有所立卓爾」, 顔淵見道之高堅前後,幾於杳渺 諸空言也。 可 也。」文章,詩、書、執禮 天下歸仁焉。」夫《論 渺,皆釋氏之學,非聖學也。 又曰:「不知禮,無以立也。」其言之明 立於禮之立也。 聞 理 得而聞,即具於詩、書、執禮之中,不能 求 有所立,於是 也; 其所以不違 必 ,復於禮 理 至 夫子之言性與天道,不可 也。 一於師 聖人不求諸 夫仁根於性,而視聽言動 也。 子貢 心,求諸 馴 故曰:「不學禮,無 者, 故 而 曰:「夫子之文章 復其性也。 曰:「一日克己 語 致之其心,三月不 也。 symp禮 理 始 聖人之遺 而 性與天 顔子 可 求 以 諸 其 所 圃 極幽 由 復 禮 不可憑, 得 道 學 以 書 復 性 則 非 禮 深 立。 顈 而 可 也。 也。 禮 復 違 求 生 微 如 即 託 不 聞 而 得

> 也,其道正相反,何近而亂真之有哉 理 ? 附 聖人之遺 後儒 會 而大亂真。不然,聖學禮也,不云 於其所未言之理,是果聖人之 之學本出 書,必欲舍其 於釋氏,故謂其言之 所 恒言之禮 而 意 理 彌 事

邪

近

事

説

儀 徵阮亨梅 叔 校

禮經釋例 卷 目

通 例

凡迎賓,主人敵者于大門外,主人尊者于大

凡君與臣行禮皆不 迎。 門内。

凡入門,賓入自左,主人入自右,皆主人先

凡以臣禮見者,則 入門右。

凡入門,將右 曲, 揖; 面 曲, 揖; 當 碑,

揖: 謂之三揖。

凡升階皆讓,賓主 一敵者 俱升,不敵者不 · 俱

上

凡臣與君行禮,皆堂下再拜稽首,異國之君

爲敬。

凡室中、房中拜以

西面

爲敬,堂下

拜以

北 面 凡門外之拜皆東西

面,堂上之拜皆北

面

凡升階皆連步,唯公所辭則栗階

亦如之。

凡君待以客禮,下拜則辭之,然後升成

拜。

凡 爲人使者不答拜。

凡 丈夫之拜坐,婦人之拜興, 丈夫之拜奠

凡拜送之禮,送者拜,●去者不答拜。

爵,婦人之拜執爵。

凡婦人于丈夫皆俠拜。

凡婦人重拜則扱地。

凡 推 手曰揖 ,引手曰 厭

凡 送賓,主人敵者于大門外,主人尊者于大

0 送者拜」、原脱、今據《清經解》本補。

禮經釋例卷 一日録 升。

九

禮經釋例卷一目錄終 凡君與臣行禮皆不送。 共十九例。 共十九例。

0

鍁 淩 廷堪次仲 學

例 上

通

門内。 凡迎賓,主人敵者于大門外,主人尊者于大

門左」,賓,注謂「主人之僚友」,主人,注 外,細目則迎于廟門内外。此例 于外門之外」,注"「外門,大門。」「主人迎,出 爲主,而以廟門附注之。《士冠禮》賓「立 廷堪案:禮之通例,大綱則迎于大門内 出 ·將冠者之父兄」。《士相見禮》主人 ,迎于門外」,此門亦大門。 又還贄,注:「異 以大門

《覲禮》王使人勞侯氏,「迎于帷門之外」。 以 外」,此大夫兼卿而言。 卿。《公食大夫禮》大夫相食,「迎賓于門 則皆于廟門外。考《聘禮》:「君與卿圖事,遂 門外。又「賓問卿」,迎于外門外。又「君 注:「郊舍寡狹,爲帷宮以受勞。」又「天子賜侯氏 餼」,賓迎于外門外。 儐使者,賓出迎,則迎于廟 大門外。又儐勞者,賓出迎當于廟門外。 門之外」,注"「每所及至皆有舍。」此即所舍之 禮》「君使卿 命使者。」是聘賓,卿也。 使卿還玉」,賓迎于外門外。 此即所館之大門外。 舍,或有内門歟? 又「卿致館。 日 人,見鄭注。 則 車服,迎于外門外」。考郊勞使大行 出迎,同日則否。」此賓、主人皆士。 賜車服使諸公,王臣 朝服,用束帛勞」,賓「迎于舍 此賓、主人皆大夫。 又「君使 此賓、主人皆 還璋、報享,賓迎 賓迎,再拜」, 與侯氏皆 卿 此郊外之 歸 《聘

禮經釋例卷

外,如聘」,「公如賓服,迎賓 注:「門外,大門外。」禮寶,經云:「主人迎賓于 昏禮 廟門,公皆在廟門内。 國之君,賓則異國之臣,皆主人尊者,故 注:「不出大門,降於國君。」又《燕禮》記 門也。《公食大夫禮》「賓朝服 其君也。」禮賓,公出迎賓。敖氏繼公曰:「出,出廟 賓于大門内」,注:「公不出大門,降于待 大門外也。 注"「婦家大門之外。」又云"「主人玄端 使 廟門外。」此使者,注謂「夫家之屬,若羣吏 迎于大門内也。 注:「四方之賓,謂 「若與四方之賓燕,則公迎之于大門内」, 往 臣 》納采,使者至,主人「迎于門 來 也。 者」。 《聘禮》賓皮弁聘,「公皮弁 皆賓、主人相敵者,故皆迎于 又親迎,壻「至于門外」, 《聘禮》執圭、行享、私覿,賓皆入 惟禮賓,公出廟門迎。又《士 來聘者也。」考公則主 ,即位于大門 于大門 内」, 卯

《鄉飲酒禮》同。考《鄉飲酒》主人,諸 故盛 夫若有遵者,則入門左。 注:「主人迎之于門内也。」《鄉射禮》「大 僕。」《禮記·鄉飲酒義》亦作「僎」字。 大門外者,尊賢,故具賓、主正禮也。 夫也;而賓皆處士。 之鄉大夫也,《鄉射》主人,州長及鄉 禮》賓及門,「主人一 主人乃自出迎賓于大門外」也。《鄉射 于庠門之外。」此經云「一相迎」者,疏 于門外」、《鄉飲酒義》云:「主人拜迎 主人尊者,而 迎于門外。」此主人,注謂「女父也」。 飲酒禮》「賓若有遵者」、《鄉射》注:「今文遵爲 迎大夫于門内也。不出門,别于賓。」此 主人于羣吏中立一 其禮 也。 《鄉飲 迎于大門外,以賓客接之, 相出 相,使傳賓主之命。 酒 賓、主不敵,而 禮》「主人一 主人降 迎于門外」, 「主人迎」, _**,**注: 相 迎 《鄉 此 謂 侯 與 賓 迎

也。」此又殺于親迎,成主人之尊也。 大門。出内門不出大門者,異于賓客門,東面」,注:「出門,出内門。入門,入親迎,壻見,「主人出門左,西面。壻入親迎,壻見,「主人出門左,西面。壻入親迎,壻見諸公大夫,賓、主人相敵,而迎之遵者是諸公大夫,賓、主人相敵,而迎之

凡君與臣行禮皆不迎。

嘗爲臣者」,「賓入,奠贄,再拜」,是大夫 辱也」,注:「大夫於士不出迎。」又云「若 相見禮》士見于大夫,「于其人也,一拜其 儀》之門謂 禮又殺也。《燕禮》之門謂寢門,《大射 自餘卿大夫不出門,公揖之就席,不降, 之爲賓,亦不迎,但降階一等,揖之而已。 禮》不言,文略也。」是君與臣行禮,雖命 逡遁,不敢當盛。」疏云:「此言賓辟、</ 及庭。公降一等揖賓,賓辟」,注:「辟, 出,立于門外,北面」,又云「擯者納賓,賓 之。」《大射儀》擯者大射正也。 外,東面」,注:「當更以賓禮人。」又云: 廷 「射人納賓。 選案: 、士行禮,嘗爲臣者不迎,未爲臣者亦不 《燕禮》命賓畢,「賓出,立于 射宫門,皆非大門也。 賓人,及庭,公降一等揖 命賓畢,「賓 又《士 門

迎 之于大門内」,然則主國之君燕賓介,當 考《燕禮·記》「若與四方之賓燕,則公迎 爲賓」,疏云:「介在廟門内西北面,降至 以其降等也。」又《聘禮・記》「燕則上介 與臣之禮也。 禮》公以束帛侑賓後,賓出 因 與問禮相因也。」凡自敵以下,客禮之相 迎之。」敖氏繼公曰:「大夫不出迎,以 又《聘禮》賓 燕其臣,則降一等揖之,不至庭,不迎矣。 迎于大門内,不迎于廟門内也。 庭迎之。」蓋以《燕禮》推之,其實非也。 食,公不迎。此亦禮之相因而行者,非君 「大夫辭」,注:「大夫于賓人,自階 也 而行者,惟于門内俟之。又《公食 敖氏繼公曰:「大夫于士不出迎, 面,問卿而後面,猶聘君而後觀。 廟門,復 若公自 入卒 大夫 下 辭 面

凡人門,賓入自左,主人入自右,皆主人先

也。 揖,人門右」之文,不獨此也。是人門,主人皆人 也。 《有司徹》「主人揖,先入門右」,敖氏繼公 也。又《士相 則入門左」。《鄉飲酒禮》遵人不言左者,文不具 賓,衆賓皆入門左」,又「大夫若有遵者, 廷堪案:《士相見禮》「賓奉贄,入門左」。 曰:「凡主人與客揖而先入,皆入門右 人門左」。此廟門。 是入門,賓皆入自左 享,「賓入門左」。此皆廟門。《公食大夫禮 人,衆賓皆入門左」。《鄉射禮》「賓 「大夫納賓,賓入門左」,此大門。卒食,「賓 納賓,賓入門左,介皆入門左」。 鄉飲酒禮》「賓厭介,入門左,介厭 《聘禮》「賓入門左」,此大門。及廟門, 經獨於此見之。」案《士相見禮》亦有「主人 見禮》「主人揖,入門右」, 。 又行 (厭衆 衆賓

揖人。 先人」。《聘禮》郊勞,「賓揖,先人」。此時 先人。注:「先入,道之。」《士昏禮》納采,主人 自右也。 問卿,大夫迎 勞者爲賓,賓爲主人。 揖,先人」、《鄉射禮》賓至,「主人以賓揖, 迎賓,揖入。大門,廟門同。 在 門右也。又凡入門,經皆書主人在先,賓 者,文不具也。其實皆賓入門左,主人入 餼,賓迎于外門外,「揖入。 及廟門,賓揖 廟門,「公揖 玉,賓「帥大夫以入」。《公食大夫禮》及 人,賓執鴈從」。 及 後,是知皆主人先入也。 廟門,大夫揖入」、「賓奉東帛入」。 此亦賓爲主人,還玉同。 禮賓,「公出,迎賓以入」。 至于《士冠禮》迎賓,主與賓揖, 人」、「賓人」。 于外門外,「大夫先人」。 《鄉飲酒禮》賓至,「主人 「勞者奉幣人」。聘,公 大夫奉束帛入」。 親迎,「主人揖 經不云左 經或云「先 歸饔 右

> 人門而左。」即此例矣。 固辭,主人肅客而入。主人入門而右,客寢門,則主人請入爲席,然後出迎客。客寢門,則主人請入爲席,然後出迎客。客至於曰:「凡與客入者,每門讓于客。客至於人」,或但云「入」,亦文不具也。《曲禮》

《特牲》不云「人門右」者,文不具也。《士 也。 **儐尸于堂,全乎賓客,故主人與之行禮** 歟?《有司徹》「主人揖,先入門右。 虞禮》祝入門左,反吉也。 祝左,尸或右 東」,不出迎,而以祝迎之,故祝入門右 左」,此皆正祭之尸。「主人降,立于阼階 **牲饋食禮》「祝迎尸于門外」、「尸入門** 之外」,「祝先,入門右,尸入門左」。 又案:《少牢饋食禮》「祝出,迎尸于廟門 人門左,侑從,亦左」。 侑如《鄉飲酒》之介。 如主人之禮。 注謂「辟尸盥」,疑非也。 尸 特 則

六

門制,二扉之間有一闑,入門左者由 東之位也。」蓋主人就東階,客就 見》疏云:「凡門,出則以 也。 又案:《士冠禮》「出門左」,注:「左, 西,入門右者由闑 記》「餞尸,尸出門右」,即出門西也。 之位常在西,故入門左即西也。 主人之位常在東,故入門右 左,入則以東爲右,以西爲左,依賓西、主 儀 禮釋 出以東爲左,入以東爲右。」《士 宫》。 《儀禮釋宫》,舊誤作朱子撰,今據 東也,詳見宋李氏 西爲右,以東 即 <u>~</u> 東 〈士虞 也 西階。 如 ; 賓 爲 相 圭 闑 考 東

公、卿、大夫,諸公、卿、大夫皆入門右」。夫皆入門右」。《大射儀》:「小臣師納諸廷堪案:《燕禮》「小臣納卿、大夫,卿大凡以臣禮見者,則入門右。

四庫提要》改正

之,然後 禮入也。 從介。」疏云:「對人門右行臣禮,不得從介也。」又 門左,介皆入門左」,注:「以客禮人,可 出」,注:「辭其臣。」又云「擯者請受」, 注:「以 皆入門右也。 事,故先以臣禮見,入門右,主國之君 右」,注:「終不敢 又云「擯者請受」,亦請以客禮受之。又 又云「擯者辭,介逆出」,此 上介覿皆入門右者,此亦先 注:「請以客禮受之。」又云「賓奉幣,入 臣道,不敢由 士介賤,但入門右,雖辭之,終以臣禮見 云「上介奉幣,皮先,入門左」,此亦以 覲 禮》「侯氏入門右」,注:「入門右,執 臣禮 出 又云「擯者又納士介,士介 つ, 復 賓客位也。」是以 見也。」又云「擯者辭,賓 《聘禮》「賓覿,人門右」, 以客禮 以 客禮見。」蓋 見,入門 亦 以 辭 臣禮見者, 臣禮見也。 左 其臣 覿是 也。 À 也。 客 門 唯 辭 私

也。 右 ? 覿君 侯氏 氏 肉袒于廟門之東。 即左者,殺于君也。 人門右,爲若降等然」是也。 大夫辭,賓 此聘賓及介面主國之卿之禮。夫概與賓 氏繼公曰:「介入門左。」又「衆介面,入門右」。 人門右,大夫辭,擯者反幣,介奉幣人」,敖 門右,大夫辭。 外,「射人納賓。賓人,及庭」。《大射儀》 客禮也。 亦先入門右,天子辭之,乃復入門左。侯 及庭」。 命賓畢,賓出,立于門外,「擯者納賓,賓 前 詳見《賓客之例》。 又問卿畢,賓面,「人 「出自屏南,適門西,遂入門左」。 聽事,故從臣 同,賓、介非卿之臣,何以先 注謂「見、私事 《燕禮》「賓」下有「人」字。 又《燕禮》命賓畢,賓出,立于門 賓遂左」。又「上介特面 禮,後天子勞之,故從 乃入門右」,天子辭, 《覲禮》覲畢,「乃右 也。 雖敵,賓猶謙。 此賓入門,經 此 門

> 禮也。 君自燕其臣,雖命之爲賓,亦終不敢當客不云左右,蒙上文,或亦入門右歟? 蓋

常禮。 東」,但據《聘禮》而言,非禮之通 賓客皆然,不獨聘賓也 法。」亦據《玉藻》文。 臣 方爲得之。又《燕禮》疏云:「由闑東者, 大夫出入君門由闑右。」專指見君之禮, 也,唯士介終入門右耳。《曲禮》曰:「士 私覿雖先入門右,至主君辭之,仍入門左 拜 則辭,于是升堂,復再拜稽首,謂之升成 乃復入門左,猶之拜禮,君以客禮待之, 君降階再拜稽首也,「拜例」見下。皆見君之 又案: 臣于君入門右,猶之拜禮。臣 朝 也。 君之法,由闑 若君 《玉藻》「公事自闑 以客禮待之,則辭,于是出 西者,聘賓 竊謂 西、私 由闑西者,凡 入門之 事自 例。 闑 于 且

八

揖:謂之三揖。 凡入門,將右曲,揖,北面曲,揖,當碑,

言也。 陳,揖 揖。」《鄉飲酒禮》「主人與賓三揖」,注: 揖,當碑,揖。」《士昏禮》「納采,使者至 揖」,注:「人門,將右曲,揖,將北 廷堪案:《士冠禮》「至于廟門,揖入。 三 揖,注雖不同,皆據此三節爲三揖,義不 三分庭一在北。 與客相 疏云:「主人將右,欲背客,宜揖; 將北 故人門必再曲然後當陳。當碑,揖。」《士冠禮 至内霤 于廟門,揖人。三揖」,注:「人三揖者, 揖者,將進,揖, ;即將北曲,揖。 《昏禮》及《聘禮》、《鄉飲酒》,入三 ·見,又揖,碑是庭中大節,碑在堂下 將曲,揖,既曲北 又宜 揖。」是知三揖據 陳,堂塗也,陳與門不相 即 入門將右曲,揖。 面,揖, 當碑, 此 曲, 直 當 而 曲

北曲揖。

當碑揖,相人偶。」亦是公先揖入,

人。 賓人,三揖」,注:「每曲揖,謂右曲

近而 親 碑,乃得賓主相 詳其意,蓋謂入門將曲揖者,公先在庭 者不同。 碑,揖。」據上文「及廟門,公揖人,立于中 禮》「主人以賓三揖,皆行」,皆無注,亦 異 臣行二,非謂賓入門時,主君更向内霤 揖訖,主君亦東面向堂塗,曲 南,賓既 庭」,與《鄉飲酒》、《鄉射》賓主相敵並 也,人門,將曲,揖,既曲北面,又揖 三揖也。又《聘禮》「三揖」,注:「君與 面,又揖主君。 也 迎,「至于廟門,揖人。三揖」、《鄉射 揖也。《公食大夫禮》「及廟門、公揖 案《聘禮》三揖小異,詳下。 入門,將曲,揖 此節疏文,刊本錯誤不可 二者主君皆向賓揖之,再 向 而 揖。 主君; 是以得君行一、 又《士昏禮 而北行,當 賓既 曲 了; 當 相 北 賓

了古者天子適諸侯,必舍于太祖廟。諸侯行,舍于諸公禮,及廟門,此廟門,謂聘賓所舍之廟也。注云:異。 又《聘禮》主君 使卿歸聘賓饔餼之異。 又《聘禮》主君 使卿歸聘賓饔餼之蜜後人,主尊賓卑,與《聘禮》立于中庭小

止執幣,賓侯之于門内,謙也」。疏云:先入者,注以爲「賓與使者揖而入,使者帛,入,三揖,皆行。此賓主相敵,而聘賓廟。大夫行,舍于大夫廟。」賓揖入,大夫奉束

卿,卿受于祖廟,賓主相敵,及廟門,亦大與使者敵,故賓在門内,謙也。」又聘賓問「聘時,主君揖人,立于庭,尊卑法。 此賓

竊謂主人先人,道賓也。凡禮皆然,似不夫先揖人,然後賓奉束帛人,三揖,皆行。

必别求其義也。

使者不答拜,遂執玉,三揖。」此于郊爲帷璧勞。 侯氏亦皮弁迎于帷門之外,再拜。又案:《覲禮》:「至于郊,王使人皮弁用

于中庭又揖歟? 三揖皆在人帷門之後,疏于此皆無文,蓋將右曲揖、北曲揖、至宫以受勞,非若寢廟有碑而亦三揖。注、

經不云入門,文不具也

位,揖;參分庭一在南,揖;參分庭一在 敖氏繼公曰:「三揖者,于入門 及階矣,故三揖。 賓主必相背,故揖。 故賓主入門,至内霤 又案:堂塗 北,揖。」與注乖違,不可從也 面 「,則賓主又相見,故再揖。 與門不相直, 非 既至堂 將 此 固 右 無 丽 曲 塗,俱曲 與 緣 當 就 階 碑,則 相 堂 左右之 相 揖 塗 而 也。 直。 將 北 則

揖; 直廟將 曲 相人偶爲敬 又案:《士冠禮》主人與賓揖,「先 ,每門、每 揖」,注:「周左宗廟,入外門將 少也。」 北 曲 揖」,注: 曲,又揖。」《聘禮 疏云: 每 諸 門 侯 三門: 輒 揖者,以 》「公揖 東曲 人,每 臯

者。 者,人也。」鄭注:「讀如相 文,疏未明析。 之揖而言,與人廟門三揖不同。 東,二穆居西。 儀》、《公食大夫禮》注皆有「相 人偶者,以人意 人大門東行,即至廟門,其間得有每 無疏,朱文公、王深寧皆不知出于何 諸侯有五 則應門爲中門,左宗廟,右社 廟,太祖之廟居中,二昭 廟皆别門。」又云:「以 相存偶也。」皆指入大門 又《禮記 中庸》:「仁 人偶之人。」孔 又《大射 人偶」之 稷 相 居 門

,俟考。

人讓于客三。敵者,則客三辭,主人乃許注:「讓不言三,不成三也。凡升者,主廷堪案:《聘禮》歸饔餼,「至于階,讓」,

讓。 者、賓、主俱升、若士冠與此文是也。」是 阿,東面」,疏云:「禮之通例,賓、主 升,立相鄉。」《士昏禮》納采,「至于階,三 西面,賓西序,東面」,注:「主人、賓 禮》「至于階,三讓。主人升,立于序端, 不從古文也。」是凡升階皆讓也。《士冠 讓,與彼合。 禮。』即得行三讓之禮。此中古文云三 讓,登聽命。』又云:『致饔餼,如勞之 云: 『諸公之臣相爲國客。 則不成三也。」又云:「案《周禮 辭,成也。今有三讓,大夫即升,無三辭, 主人也。古文曰三讓。」疏云:「三讓、三 也。公雖尊,亦三讓乃許升,不可以不下 則許升矣。今使者三讓,則是主人四讓 升,亦道賓之義也。 主人以賓升,西面。 「問卿」節注亦云「古文曰三讓」。 使者尊,主人三讓, 賓升西階,當 大夫郊勞,三 • 司 俱 敵 鄭

不敵 鄉,亦尊卑法。《鄉飲酒禮》「至于階,三讓 升」,注:「不讓先升,奉王命,尊也。升 進宜難也。」《聘禮》「至于階,三讓。 公升 者同也。《鄉射禮》「及階,三讓,主人升 主人升,賓升」,主人,大夫。賓,士。此賓、主 不敵者不俱升也。 者,升壇。」疏云:「以帷宫無堂可升。」是賓、主 君。」《覲禮》郊勞「至于階,使者不讓,先 行一、臣行二。』《公食大夫禮》「至于階, 是主人先讓于賓。不俱升者,賓客之道, 階,讓,大夫先升一等。 賓從,升堂」。 大 三讓。公升二等,賓升」,注:「遠下人 二等,賓升」,注:「先賓升二等,亦欲君 一等,賓升」,注:「三讓而主人先升者, 丽 敵者俱升也。 亦俱升者,盛其禮,尊賓,使與敵 主人升, 西面。賓升,北 《聘禮》歸饔餼,「至于 又壻親迎,「至于階 面」。不相

> 《士昏禮》疏云:「《鄉飲酒》、《鄉射》皆主 升,敵也。」賓,謂聘賓,此時聘賓爲主人。 升,至卒洗之後,亦俱升。」考《鄉飲酒》經 尊賓卑,故初至之時,主人升一等,賓乃 賓升一等。大夫從,升堂」,大夫,主國之卿 先升也。又聘賓問卿之禮,「至于階,讓 故大夫先升。 「賓升 文,但云主人升,無「一等」二字,與《鄉 而不俱升者,尊其君,故尊使者也。又 也。注:「賓先升,使者尊。」此皆賓、主敵 饔餼時,大夫奉主君之命來,則使者尊 夫,即歸饗餼使者也。 一等,大夫從,升堂」,注:「賓先 已致命訖,則賓尊,故聘賓 又聘賓儐歸 響餼 使者, 蓋 歸

霤,相揖。至階,又讓。」此既祭儐尸之先升自阼階,尸、侑升自西階」,注:「没又案,《有司徹》迎尸侑,「揖,乃讓。主人

射》不同,疏説誤也。

禮 經 主人與客讓登,主人先登,客從之。」蓋古 人之階。 人就東階,客就 與與 師釋禮之辭,亦可與經相證也。 賓客略 主人固 相 西階。 同 辭,然後客復就 也。 客若降等,則 又《曲禮》曰:「 西 就主 階 主

凡升階皆連步 廷堪 堂九尺,諸侯七尺,大夫五尺,士三尺。』 階」,注:「栗,蹙也,謂越等急趨 則一尺爲一階。」《今云凡栗階不過二 多,卑者庳而少。案《禮器》云:『天子之 發而升堂。」疏云:「凡堂及階,尊者 始升,猶聚足連步,越二等,左右足 也。」又云「凡栗階,不過二等」,注:「其 「降三等,下至地。」則士三等,以此推之, 、士冠禮》:『降三等,受爵升。』鄭注云: 案:《燕禮 ',唯公所辭則栗階 • 記》「凡公所辭,皆 高 各 君 命 栗 而

階而走」是也。」今考連步是升階常法,猶

越三等,若《公羊傳》云『趙

盾

避靈公,躇

言。 也。 若《禮記· 等: 連步, 一也。栗階, 二也。歷階, 三 升」是也。 階。』則栗階亦名散等。 堂,其下無問多少,皆連步。《雜記》云: 下,皆留上等爲栗階,左右足各一發而 足相隨不相過也。」此 足,謂前躡一等,後足從之併。連步,謂 從注作「涉」。連步以上。」鄭注云:「涉等聚 故《曲禮》云:「涉級聚足,「涉」,本作「拾」,疏 有栗階之法。 等,言凡,則天子九等已下,至士三等,皆 『主人之升降散等。』鄭注云:『散等,栗 故鄭云: 歷階,謂從下至上皆越等,無連步 越階,四也。 檀弓》云『杜蕡入寢,歷階 『其始升 栗階不過二等,據上等而 即聚足也。 ,猶聚足連步也。**』** 凡升階之法有四 越階,謂 天子以 左右足 升 而

之平 趙盾 經所 平 注 • 之事 當之,似未可從。 歷 階,下曰 不云頓首也。 再 隨 又案《曲禮》「連步 威儀」也。 弟之戚,上文云「將祭而 散等,執 階當 敵 拜 不 「散等,栗階。」此言練祥及虞附 也。 無。 相 考《士虞禮》,升降 躇階,疑 升階,經 敵 稽 過 即 相 首 | 躇階。 事者亦散等。 敖氏 是 也。」孔氏《正義》云:「上,上 又《雜記》:「祭,主人之升、 拜 也 以 栗階,疏 也, 栗階于 非行 栗階爲略,與《燕禮》不同。 不云連步 若疏所云歷階、越階,皆禮 繼公曰:「越等而上 見諸《禮經 栗與歷,聲相 以 蓋《禮經》降階,無君 禮常法,敖氏乃 上」,鄭注: 昆弟死」。 不 者,猶之平敵 本 雖虞附 必 君 礻 强 ₹, 辭 散 生 近。」 以等,以 惟此二節 故鄭云「 則 分 亦然。」 一謂 然 以 别 竊 猶之 足 有 下 謂 曰 相 堂 略 降 栗 相 兄 之 鄭 辭 階 若 拜

> 也。」 - 也 行此法。」夫逃難之時, 燕禮》疏而失之者。 毛氏 毛氏 在級未在堂,後足不相過,故 又云,「躇階,在 奇 给 據之,遂分聚 何暇 急難 行禮,此 足、 奔 連 逃 云 步 者 則 連 爲 則 步

凡門外之拜皆東 再拜。 左,西 拜」。 牲饋 廷堪 牲,「主人及子姓、兄 迎于門外,西面再拜,賓東面答拜」。《特 出 再拜,尸答拜。」又宿賓,賓「出門左,西 賓至,「主人迎,出門 門左,西面 食禮 案:《士冠禮》 亦東面拜。 面。 主人東 》:「宿尸, 主人辟,皆東面 再 西 《士昏禮》親 面 拜。 面 ,答再拜」。 ,堂上之拜皆北 宿賓,「賓 左,西 主人東面答拜」。 户 弟 。, 即 如 主 面 一, 北 迎,「主人 位 再拜。 人 又視 如 于 上。 服 菛 主 東, 濯、 人 面 出 (玄端 主 賓答 服 門 又 如 視

「初,筮位 也。」案上經筮日,主

于門外,西面。子姓、兄弟立于主人之南,西面 又云:「賓及衆賓即位于門西,東面 人即 北 北 下 位

上。」又云:「主人再拜,賓答再拜,三拜

衆賓、衆賓答再拜。」又祭日、「主人及賓、

兄弟、羣執事,即位于門外,如初」。「主

昏·記》若不親迎,「主人出門左,西面。 人拜賓,如初」。此皆大門外之拜。《士

擊,再拜,出」。此内門外之拜。是門外 注"「出内門。」壻入門,東面。 注:「人大門。」奠

之拜皆東西面也。又《士冠禮》戒賓、宿

贊冠者,《士相見禮》迎賓,《鄉飲酒》、《鄉

射禮》戒賓、速賓、迎賓、《聘禮》致館、《公

食大夫禮》戒賓,亦皆門外之拜。 經不云

者不答拜,而主人門外之拜當亦西 東西面者,文不具也。又送賓及爲 面 人使

士冠禮》孤子冠,「凡拜,北面于阼階上,

賓亦北 拜,賓西階上當楣北面答拜」,《鄉射》作 飲酒禮》拜至,「主人阼階上當楣北 迎,「賓升,北面,奠鴈,再拜稽首」。 北面,再拜,賓西階上北面答拜」,又親 主人阼階上北面,再拜」,又醴賓,「主人 賓主相拜之正位也。」《士昏禮》納采,賓「致命 面于西階上答拜」。 敖 氏 繼公曰 面 此

再拜」。又主人獻賓,「賓西階上北面坐,卒 人「適阼階上,北面坐卒爵,興,坐奠爵, 爵,興,坐奠爵,遂拜」,又賓酢主人,主

射》無「北面」二字,文不具也。又主人酬賓,「阼 遂拜」,又云「阼階上北面再拜崇酒」,《鄉

階上 北 面 坐奠鱓,遂拜」,又云「賓西階

賓答拜」,亦有「北面」二字。 又主人獻介,「介西 上答拜」,《鄉射》作「北面答拜」。下文「主人卒鱓,

階上北面拜」,,又云「主人介右北 爵」,又云「介降席,北面坐卒爵,興,坐 面 拜

四

爵」; 送」; 蓋誤。 奠爵,遂拜」。 旋北 《大射》作「西階上」。此時賓未升筵,《燕禮》「降筵」字 面 注"「拜賓來至也。」又主人獻賓,「賓西階上北 禮》「主人升自西階,賓右北 解拜」。《鄉飲酒》不云「北面」,文不具也。 《燕 侑皆北 授尸儿,「東楹 上獻賓,賓北 遂 升,公北面再拜」。 北 坐卒爵,興,坐奠爵,遂拜」;《大射》無 」字。又賓酢主人,「主人北 鄉,擯者進,公當楣 面 又主人酬賓,「賓降筵,「賓降筵」三字, 又二人舉觶,「西階上北 北 面 拜」, 面 面答拜」。《聘禮》賓致命,「公左 拜洗。 答拜」, 又云「賓,主人之西,北 面拜受爵」。《有司徹》主 \sim 東,北 鄉射禮》旅酬 主人東楹 拜至亦 《特牲饋食禮》「西階 面 北面。 [拜]; 再拜」;又賓覿 東、北 面至再拜」, 主 又云「尸 又「尸西楹 面 面奠爵 一, 皆 面拜 人 阼 坐 面 與 受 奠 拜 階

主人東 答拜」。 拜」; 爵。主人在 酢于 西楹 拜,又「尸、侑皆北面于西楹 答拜」,又主人「北面于阼階上卒爵 旨,「主人北 爵」,又主人酬尸,「東楹 面 人東楹東,北 人拜洗,尸北面于西楹西答拜」,,又「主 又「主人酌、獻 面卒爵,拜,「主人北面于東楹東答拜」, 面于西楹西卒爵,拜」,又尸酢主人,「主 主人在其 于 ·長賓,西階上北 東楹 西,北 又上 楹 又主人酌獻尸,「尸北 東,北 東,再拜崇酒。 (右,北 賓三獻,「西楹 面答拜」,又獻賓于西階上, 其右,北 面 面拜受爵,尸西楹西,北 侑。 于東楹 面 面答拜」,又「主人酌、 侑西 拜 面,賓在左。 面答拜」。 送 東答拜」; 爵」 楹 東、北 西,北 尸、侑 西,北面拜 西。主 面拜受爵 又 面 又侑「北 , 又 尸 皆 尸 拜 主人坐 面 拜。 答 拜 人 北 送 再 北 受 告 面

奠爵,拜,賓答拜」,又尸作三獻之爵,

面答拜」,又酌致主人,「三獻東楹東,北「三獻、北面答拜」,又酌獻侑,「三獻,北

受爵」,又二人舉解,「西楹西,北面東面答拜」,又尸酢三獻,「西楹西,北面拜

主人,主人在右。坐奠爵,拜,主人答上,坐奠爵,拜」,又「尸北面于阼階上酬

拜」,是堂上之拜皆北面也。又《士冠禮》

拜」。張氏爾岐曰:「賓答主人拜,當西階北面。此西賓醴冠者,「冠者筵西拜受觶,賓東面答

獻,「尸升筵,南面答拜」。敖氏繼公曰:「不同序東面,故注云「異于答主人」。《有司徹》尸酢三

北面者、辟正主也。又《士昏禮》婦見舅面拜、遠辟主人獻寶之禮也。」此皆堂上拜,而不

贊北面答之,變于丈夫始冠成人之禮。」《有司徹》拜受,贊西階上北面拜送」。注:「婦東面拜,姑,「升進,北面拜」,,又贊醴婦,「婦東面

西面奠爵,又拜」,又獻祝,「主人西面

之禮,雖堂上拜,不皆北面,異于男子也。面拜。致爵于主人,則北面拜。此則婦人主婦獻尸侑,及受尸酢,皆西面拜。尸則北

凡室中、房中拜以西面爲敬,堂下拜以北面

爲敬。

二六

答拜。 之西 爵,「 酢及 饔,「主人西面三拜饔者」; 拜 送 首 北 禮》主婦 此男子室中之西面拜也。 拜 食 户 主人之北, 賓 ´; 户 一爵 ; 北 内 面 北 獻 面 牖 《少牢 拜 酌 面 又獻上 《特牲 此男子室中之北 面 佐 西 [拜]; 拜 東 受 以 <u>~</u> 獻 答 食,皆西 北 角, 有 北 也 醋 尸,「入户,西面 拜」;又賓 饋 西面 左 面 司 面 于 又賓 饋食禮》主人獻佐 \Rightarrow 食 又 答拜」; 徹》不 户内, 拜」,又主 食,「主人 (士虞 禮》獻上 嗣 拜送爵」,又主婦受尸 長 面 舉奠,「北 「答拜。 禮》主人初 獻尸,「户西 儐尸之禮,賓 西 又賓致爵 自 面 面 西 拜 酢 婦 佐 又主人受上養 拜」,又主婦, 又《少牢饋 坐 ~; 户 也 此 面 獻 食 奠爵,拜」。 答拜 了, 上 佐 面 婦 食,佐 《特 獻 于主人, 西 人 再 北 食,「佐 (室中 ; 長 佐 北 拜 北 面 獻 又 拜 食 稽 食 面 食 面

陰陽 拜。 拜」。 例 于 中,「主人西 爵 爵 吉禮以證之者、《郊特 知 南 禮》婦至成禮,酌酳主人,「贊户内北 不 食禮》主婦亞 面 面 面 房中,「南 于主 又異。 婦 ,主人西 席者 奠爵拜」,疏云:「壻拜當東面,婦拜 拜 面 儐尸之禮,主婦 也。 拜 酳 送 此婦· 《少牢》『養,答拜』,注云:『在 婦 一婦,席 南 東面拜,在 爵 《特性 亦 面。」此嘉 房中之拜,與婦人行禮 人室中之北 面 面 面 如之」;又贊 獻、「北 又 答 于 答拜」。 拜受爵,主人 饋 房 拜」; 主 食禮》賓三獻,主 致 西 中, 婦 禮 面 面 爵于主人,「户 性》所 自 又獻 室 拜送」。 面 《有 南面 席 中 拜也。 醋,「户 自 者南面 司 之 謂 内 酢,「户 南 徹 拜 昏 《有司 兄 主 面 禮 又《 内 弟 婦 而 拜。」 于 獻 也,其 人「致 鬼 其 内 于 拜 士 北 西 西 疏 面 徹 受 神 當 故 東 答 引 北 昏 北 面

二人

爵, 與君行禮,見下例。 之拜,自臣與君行禮外,皆禮之殺者。臣 室中以 蓋 徹》獻内賓南 《特牲》獻内兄弟,「主人西面拜」。《有司 受爵,賓西面答拜」。 答拜」;又不儐尸之禮, 南 正獻服不」。 拜受爵,司 中則統于室,亦 主人酬賓,「賓北面拜」。下又云「東面拜」,戴氏震以 食禮》主人獻 「主婦北堂」,注:「中房以北。」「席北東面 獻獲者于侯」,侯向堂。 堂上以 司 射 釋獲者 東 北 又司 鄉 南鄉 馬西 面 位 爲 賓,「降阼階,西 拜送爵」。《大射》同。 在 面拜者,士與大夫之殊 尊,故 `射「獻釋獲者于其位, (以西 爲尊,故拜 中 面 ゥ 鄉 拜送爵」,《大射》作 射 解以 面爲敬歟? 此皆房中之拜也。 釋 禮》 「獲者負 賓致爵于主 獲 西)再射 以 者 面 面 北 東 拜賓 爲 (侯,北 後,司 面爲 若堂下 特 面 敬 牲 拜 司司 敬。 也。 婦 又 饋 受 馬 房 拜 面 馬

> 北 画。 堂下。又兄弟後 稽首。《公食大夫》注:「不北面者,異于辭。」此 獻、《公食大夫禮》禮終賓降 下之拜以北 之拜,有東面、南 階南,長在 酬長賓于西階南,北面」,拜,吉禮旅酬皆在 賓門東,北 答拜」。長兄弟亦北面答拜。 「主人降,南 拜」爲衍字,詳《飲食之例》。 面者,以禮殺之故,非正 然堂下再拜稽首,類多北 左。 面,皆答 面爲 面 拜 生舉觶,「降,北面立于 坐奠爵,拜」。 面、西面之不 衆賓 敬 也。 一拜」,●又主人「降 于門東,三拜。 又旅 《有司徹》獻 唯《聘禮》記 例 ,皆東 也 酬,「實北 同,不皆 面者,則 此皆堂 面 再 賓 不 阼 堂 下 拜 私 北 面

凡臣與君行禮,皆堂下再拜稽首,異國之君

亦如之。

子也。 媵爵于公,皆于阼階 射》,主人獻公、主人自酢于公、獻畢二人 摯,再拜稽首」。《燕禮》、《大射》命賓, 首,此士、大夫于諸侯也。《覲禮》郊勞、 立司正安賓、司正升酌散,亦降階再拜稽 廷堪案:臣與 摯,「賓再拜稽首,受」。《聘禮》賓覿,先 《士相見禮》若他邦之人,則使擯者還 者,是臣 再拜稽首。命使者,反命,皆于朝。《覲禮》賜 行享,侯氏皆降階再拜稽首,此諸 侯氏舍,「侯氏再拜稽首」。 使者再拜稽首、解」,使者反命、賓介皆 賓 以臣禮見,「入門右,北面奠幣,再拜 再 :拜稽 士相見禮始見于君,「士大夫則奠 與君 首,許諾」。 行禮,皆堂下再拜稽首也 君 行禮,如《燕 下北 《聘禮》命使者, 面 亦皆拜于庭 再拜稽首 禮》、《大 侯于天 其

首。 稽首」。 首。 稽首也。至于行聘享正禮之時,賓將其 禮》使大夫戒賓,「賓再拜稽首」。 使卿致館,「賓再拜稽首」。 《公食大夫 禮》主君使卿郊勞,「賓北面再拜稽 稽首」。 也。 北面再拜稽首」。雖人門左,猶再拜稽首,尊主君 禮》「大夫納賓,賓入門左,公再拜,賓辟 記》若私獻,賓「再拜稽首」。《公食大夫 幣,再拜稽首」。 君命而來,不但不稽首,併不敢答拜矣。 異國之使者行禮,而尊其君命,故亦再 再拜稽首」。 再拜稽首」。 明日,「賓拜賜、拜食與侑幣,皆 禮畢,主國之君勞賓、介,賓、介「皆 介覿及士介覿,亦「皆入門右,奠 拜饔餼,皆再拜稽首。《聘禮 此皆與 侑賓後,「賓入門左,没霤 歸饔餼,士介則「北 異國之君 介送幣,于中庭再拜稽 行 禮 也。 此 面 首 皆 再 再 聘 拜 拜 拜 與

經 釋 例

又案: 皆再拜稽首。主國之卿餼賓,「賓再拜稽 聘賓儐、郊勞及歸饔餼使者、受幣、送幣, 《士昏禮》親迎,「賓升,北 故 拜稽首,此主人嗣子之事尸也。皆尊之, 厭,在尸未入之前。 皆再拜稽首。 幣,再拜稽首,主人送幣亦然」。 首受」。 首」,此壻之于女父也。 人之事尸與神也。 敵者之禮也。《特牲》、《少牢》宿尸,主人 盛其威儀,又不可以常禮論也 《公食大夫禮》大夫相食,「受侑 有 非 《士虞》、《特牲》、《少牢》陰 君 主人亦再拜稽首。 臣 《特牲》嗣舉奠,亦再 丽 再拜 此不答拜。 面奠鴈,再拜 稽首者。 此皆 《聘禮 此主 相 稽 如

凡 君待以客禮,下拜則辭之,然後升成拜。 辭,不升成拜,此全乎爲臣者也。 堪案: 臣 與君 行 禮,皆 拜于堂下,不 若君以

拜。 酬、公「立卒觶。 拜」,注:「大史辭之降也。」此皆先 氏降 罪,「王勞之。再拜稽首。擯者延之, 擯者延之,曰:『升。』 升成拜。」 覲畢。 《覲禮》執圭行覲,「侯氏坐取圭,升致命 拜」,注:「升成拜,復再拜稽首也。先時 公命小 爲賓舉旅行酬,「賓降,西階下再 客禮待之,如《燕禮》、《大射》公舉媵 如《燕禮》、《大射》公舉媵爵,爲賓 堂下,君使人辭之,復拜于堂上者也。又 曰:『升。』升成拜。」王賜侯 王受之玉。 公爲士舉旅 君辭之,於禮若未成然。」又賓媵觚 小臣 兩階之間,北 臣《大射》作「小臣正」。 辭,賓升成拜」,受酬者亦 侯氏降,階東北 行酬,「賓降洗,升酌膳,降 賓下拜,小臣辭。 面 再 拜 面 氏車服,「侯 辭,賓升成 稽 再拜稽首 首,升 拜稽首。 **【舉旅行** 賓升, 于公, 拜 爵 成 于

辭。 等,小臣辭。 升,「酌膳觶,《大射》無「觶」字。 下,實未 拜稽首,受爵」,但降席。不云「降階」者, 也。《士相見禮》「若君賜之爵,則下席再 之,即升堂 賓升,再拜稽首」。 數獲後飲不勝者,「若飲公,則侍射者注: 之。賓媵觚于公,「酌散,下拜。 不言成拜。」君親辭,見《公食大夫禮》,注蓋統言 未拜。凡下未拜有二:或禮殺,或君 再拜稽首」,注:「不言成拜者,爲 ·侍射者,賓也。] 降拜。 公降一等,小臣正 命 無算爵而言。 所賜。 君親辭,則聞 賓升,再拜稽首」,注:「下拜,下亦 拜也。 所賜者興受爵,降席下,奠爵 再拜稽首,故不云「升成拜 賓升,再拜稽首」。 下不輒拜,禮殺 《燕禮》、《大射》無算爵, 命即升,升乃拜,是以 此皆降而未拜,君辭 下拜。 也。」又 公降一 《大射》 小 拜故 辭。 親 賓 臣

> 稽首。 《燕禮》、《大射》將終之時,「公有命徹幂, 凡此瑣節雖不同,皆君以客禮待之,故拜 辟」。此則君雖辭之,亦不復升拜。 則卿、大夫皆降,西階下北面東上,再 降拜、升成拜。 「小臣辭,不升成拜,明雖醉,正臣禮也」。 甫拜,故卒爵不復再降,亦殺其禮也。 前酌散之時,已降階拜,因 飲公,凡卒爵,皆于階上再拜稽首者,蓋 也。」《燕禮》、《大射》賓滕觚于公,《大射 再拜稽首」,疏云:「旅酬以前受公爵 公命小臣辭。 至此不 公答再 復 降 君 拜 拜,大夫皆 辭 者 m ,禮殺故 升堂, 注謂 皆 唯 拜

楣再拜,賓降,「西階東,北面答拜。擯者拜于堂上者。《公食大夫禮》賓升,公當然後升成拜者,有降而未拜即升拜者,有又案:以客禮待異國之臣亦然。有降拜

于堂上也

降 稽首。 稽首」。《公食大夫禮》賓祭正饌、賓祭 等辭,今公辭拜,不降一等,注云:「殺也。」升,再拜 禮賓,受幣,「降拜,公辭。 使人辭之,然後升 北 親辭之,即升拜也。 升,再拜稽首」。 饌、公以東帛侑賓,賓皆降拜,「公辭,賓 稽首」,私覿,賓授幣,「降,階東拜送, 歸饔餼,「大夫東面致命,賓降,階西再拜 拜稽首」,此皆拜于堂上,禮殺故也。 卒食,「揖讓如初,注"「如初人也。」升。 拜送几,賓不降,階上答再拜稽首」,又 賓不降,壹拜,受醴」。 面再拜稽首」。 等辭,栗階升,公西鄉,賓階上再 賓栗階 大夫辭,升成拜」。 升,不拜。 此降階 此先降階拜,異國之君 成拜 《聘禮》禮賓,「公壹 《公食大夫禮》賓 也。《聘禮》主 命之,成拜 未拜,異國之君 前賓降辭幣,公降 上介如賓 賓 再 階 加 拜 君 君 上

> 奉其君 聘賓問 氏疏 僅此二事也。 證之,蓋舉以 有加焉爾。又《論語》:「拜下,禮也。」邢 稽首與再拜不同。蓋待異國之臣,其禮 堂,明禮有終。」則賓降拜,公亦降拜,唯 降,再拜」,注:「答之也。 不辭之使升 禮》卒食後,賓降階,「東面再拜稽首。公 升成拜,亦如見其君也。至于《公食大夫 階 西 引《燕禮》酬賓及《覲禮》賜車服二 再 命,以客禮待異國之臣,故降拜 拜稽首。 卿,「賓東 例其餘,非謂拜下、升成拜 賓辭,升成拜」。 面致命,大夫即卿也。 此使者 降, 事

堂也。」此聘賓聽使者致主君之命。賈疏云:命,下拜,登受」,後鄭注:「登聽命,賓登夫郊勞,旅擯,三辭,拜辱,三讓,登,聽夫郊勞,旅擯,三辭,拜辱,三讓,登,聽又案:《周禮・秋官・司儀》「諸公之臣,

同。 受也。 臣相爲國客,與天子之卿使於諸侯者不 證之。而《司儀》注不引者,蓋以諸公之 北面再拜稽首」,注引僖九年《春秋傳》以 《覲禮》賜侯氏車服,「侯氏降兩階之間, 西,北面」,幣亦東帛。 「下拜」也,「大夫辭,升成拜。受幣堂中 致命,賓降,階西再拜稽首」,即司儀所云 如勞之禮」,考《聘禮》歸饔餼,「大夫東 也。」《聘禮》郊勞之幣用東帛。 孔穎達《左傳正義》亦引《覲禮》,未引《司 齊侯胙」,齊侯「下拜,登受」,亦此禮也。 儀》,不知《禮經》下拜登受之例尚多也。 禮經》升堂之「升」、《左傳》皆作「登」。 拜登受者,下堂拜命訖,登堂受幣 然禮雖不同,其爲下拜登受則同也。 《左傳》僖公九年,「王使宰孔賜 即《司儀》所云「登 又曰「致饔餼 面

凡爲人使者不答拜。

拜。 拜」,又聘賓問主國之卿,卿「迎于外門 使者,卿也。 于帷門之外,再拜。使者不答拜」,注: 爲人使也。」《覲禮》王使人郊勞,侯氏「迎 外,再拜,賓不答拜」,注:「不答拜者,奉 廷堪案:《士昏禮》納采,主人「迎于門 外,再拜。 禮》主君使卿歸聘賓饔餼,賓「迎大夫。 出,拜辱。大夫不答拜」,注:「不答拜 其禮。」《公食大夫禮》「使大夫戒,賓 賓辟,不答拜」,注:「辟位逡遁,不敢當 其禮。」又行聘之際,「賓入門左,公再拜。 主君使卿郊勞,聘賓「迎于舍門之外,再 使不敢當其盛禮。」實,壻家使者也。 「不答拜者,爲人使,不當其禮也。」《聘 勞者不答拜」,注:「凡爲人使,不當 于外門外,再拜。 賓不答拜」,皆爲人使之故 大夫不答 《聘禮 即

再拜。 勞致命,「 《士昏禮》納采,「賓升西階,當阿,東面 此主國之君拜聘賓之君之命,故聘賓不 注不云者,其義 也。 幣,則降階拜,辭之,始升拜。 敢答拜,但三退負序而已。至私 拜 禮》賜侯氏 命,大夫即卿也。 賓降,階西 「公北面 公再拜受幣」,又歸饔餼,「大夫致 賓升致命,公當 Щ 主人 拜,故答拜,不同聘享時 考《士昏禮》納采授鴈、《聘禮》郊勞、 經皆不云「答拜」, 卿致命,賓再拜稽首」;又享時, 再拜,賓三退,反還 八
作
階 賓再拜稽首」,又致館,「賓迎, 再拜稽首」;又問 車服,「侯氏 上 降,階 已别見也。 北 楣 面 再拜,賓三退負 西 再 再拜 則 迎于外門外, .拜」。 亦 又授玉之際 卿、「聘賓致 稽首」。 不 負序」。 <u></u> 也。 此主君爲 答拜可 (聘禮) 親時, 他 序」, 命 送 知 覲 郊 致 如 再

> 使者當亦三退負序歟 歸 饔 皆略] 餼 同聘享、授 問 卿、 授幣, 玉、授璧之例,則 致 館 不 用 束 帛 但 致 拜 命 時

《禮經》甚明,《曲禮》之注亦引《聘禮 拜,則還辟,不敢答拜」,注 于士;《聘禮》郊勞歸饔餼 禮 遷就而爲之説。 不得其義,遂以爲大夫、士見于國君之禮 記》出于漢儒説禮者之言,徒見《聘禮》有 降階再拜稽首,安有不答拜之禮? 禮,若君拜之,在庭則再拜稽首,在 抗賓主之禮。」此 又案:《曲禮》「大夫士見于國君, 大夫禮》戒賓,皆不答拜,則大夫 而記之,不知此爲人使者之禮 「賓人門左,公再拜,賓辟不答拜」之文, ·則《士昏禮》之使者不答拜,則 若謂不答拜爲嫌 光説誤 也。 ,問卿。 凡臣 謂 也。 嫌 與 見于大 與 君 羣 君 若 堂 君 鄭 與 褿 迎 則 君

經合者,有與經違者,當據經以正傳記,于諸侯,又何所嫌乎! 傳記之文,有與夫,《覲禮》郊勞,使者不答拜,則王臣見

可强經以就傳記

也

凡拜送之禮,送者拜,去者不答拜。 《陔》。主人送于門外,再拜」。《鄉射禮》 廷 矣。《論語》説孔子之行曰: 出,反告賓不顧。 注: 「公既拜,客趨辟君 答拜,禮有終也。」《燕禮》、《大射》禮畢,公不送。 于門外,再拜」,注: [門東西 既畢,「《陔》作,賓出,衆賓皆出。主人送 賓不顧矣。』」又聘賓問 色勃如也,足躍如也。 聘禮》禮畢,「賓出,公再拜送,賓不顧 堪 案:《鄉飲 酒 于此,君 禮》既 賓退,必復命曰: 卿、 n 命。 畢,「賓 面 可 『君召使擯 面 卿,及介 上擯送賓 以 拜也。不 返 出 路 寢 面 奏

> 從。 云『禮有終』是也。」《有司徹》「尸出,侑 主人拜送,賓皆不答拜。鄭注《鄉飲 乃還也。」《特牲饋食禮》祝告利成,「賓 難進易退之義。 畢,賓出,公送于大門内,再拜,賓不 不顧」,注:「不顧,言去。」公食大夫 卿畢,「賓出,大夫送于外門外,再拜。 注:「從者,不拜送也。」又不儐尸之禮 又曰「拜侑與長賓,●亦如之。 也,故孔子云:『賓不顧矣。』』《有司 注:「拜送之。」疏云:「儐尸之禮,尸 也。凡去者不答拜。] 疏云:「總 出,主人送于門外,再拜」,注:「拜送賓 注:「初來揖讓,而退不顧,退 主人送于 廟門之外,拜,尸不 擯者以賓不顧告公,公 禮 衆賓從」, 解諸 略也,示 角賓 · 顧 顧 文 酒 禮 賓

❶ 「司」,原誤作「尸」,今據《清經解》本改。

三六

拜也。 注: 《士相見禮》賓見主人,「賓退,主人送于 送。』《鄉飲酒 門外,再拜」,還贄亦然,皆此例也。《士 禮》納采問名,「主人送于門外,再拜」, 如賓,侑如介也。他如《士冠禮》醴賓畢, 者,拜送其長可知。」皆送者拜,去者不答 時,鄭注言『從者不拜送』,則此云拜送 賓者,下大夫無尊賓也。」疏云:「賓 拜辱,介亦如之」;始主人至賓門,賓拜辱,主人 冠禮》戒賓、宿賓。皆云:「主人退,賓拜 「賓出,主人送于外門外,再拜」,、《士昏 主人退,賓送,再拜」,此皆主人至賓之 速賓亦然。 賓 主人退,賓拜辱。不云主人答拜者,亦禮有終 拜送賓也者,亦 《有司徹》尸亦然者,賓尸之禮,尸 出 主 人 禮》主人戒賓,「主人退,賓 鄉 拜 射禮》戒賓、速賓 送 于 拜送其 廟 門 長。 外, 不言 乃 皆 反 云 尸 長

> 驂出。 《聘禮》郊勞,「勞者揖皮出 門,賓送之。 天子使人于侯氏,則侯氏爲送者,使者爲 氏車服,「使者出。 者。《覲禮》王使人郊勞,「使者降,以 使人于聘賓。 不拜」者,辟君也。 送于外門外,再拜」,還玉、報享,「大夫出 拜」,歸饔餼,「大夫降,執左馬以出。 再拜」,致館、設飧,「卿 去者,故經皆不云「答拜」也 侯氏 送于門外, 則賓 賓迎大夫,亦不拜。 則聘賓爲送者,使者爲 爲送者, 侯氏送,再拜」。 再拜」,王 退,賓 ,乃退。 主人爲 此皆主 送。 賓送。 去 此皆 賜 賓送 再 左 去 君

白君賓已去矣。」邢氏疏亦據《聘禮》經注顧矣。」」何氏《集解》引鄭注曰:「復命,又案:《論語》:「賓退,必復命曰:『賓不

❶ 「外」,原脱,今據《儀禮注疏》補。

裏。若以爲泛泛稱譽聖人,則失之遠矣。以釋之,足徵《鄉黨》一篇與《禮經》相表

爵,婦人之拜執爵。 凡丈夫之拜坐,婦人之拜興,丈夫之拜奠

然後拜也。 拜,皆坐而奠爵。 射》、《特牲》、《少牢》、《有司徹》丈夫之 是婦人之拜則興也。 婦降席,東面,「坐啐醴,建柶。 席,「姑坐舉以興,拜,授人」,又贊醴婦, 頓首也,空首也,皆屈 廷堪案:《鄉飲酒》、《鄉射》、《燕禮》、《大 徹》主婦受尸酢,「立卒爵,執爵拜,尸北 自醋,「左執爵,拜。主人答拜」。 云:「凡 面 [答拜」,注:「執爵拜,變于男子也。」疏 ,男子 《士昏·禮》婦見姑,奠笲于 拜卒爵,皆奠爵乃拜,故 蓋丈夫之拜,稽首也 《特性饋食禮》主婦 膝,故必坐而奠爵 興,拜」, 《有 司

非也。

《禮經》。 可執 奠于席。 退」,即肅拜也。 之,《左傳》成十六年,卻至「三肅 云"「但俯下手,今時撎是也。」丈夫亦 肅拜歟? 拜亦興而 婦人之拜,肅 變于男子也。」是婦人之拜則執爵也。 「執笲、棗、栗。 自門人,升自西階,進拜, 爵 拜也。 《周禮·大祝》「肅拜」,鄭司 舅坐撫之,興,答拜」,此丈夫之 後 宋王貽孫以爲始于唐武后時, 拜。 拜也; 又《士昏·禮》婦見舅姑, 又婦人之拜不跪,見于 然則舅答婦之拜,其 不屈 膝、故 必 使者 (興,兼 亦 有 蓋

凡婦人于丈夫皆俠拜。

拜受,子拜送,母又拜」,注:「婦人于丈兩次也。《士冠禮》冠者取脯見于母,「母廷堪案:俠拜者,丈夫拜一次,婦人則拜

獻尸。 拜。 婦西 拜。」又贊醴婦,「婦東面拜受,贊西階 還于先拜 興,答拜。 《士昏禮》婦見舅姑,「執笲、棗、栗,自門 姊,如見母」,注:「姑與姊,亦俠拜 夫皆俠拜,故舉子以見義也。」又「入見姑 俠拜。」《少牢饋食禮》主婦亞獻,酌,「拜 又拜」,注:「必先一拜者,婦人于丈夫必 親迎,壻見主婦,「一拜,壻答再拜,主 北面拜送,婦又拜」。又啐醴,「拜,贊答 司徹》主婦拜獻尸,「尸拜于筵上,受,主 人,升自西階,進拜,奠于席。舅坐撫之, 雖其子,猶 婦又拜」,皆俠拜也。《士昏・記》不 面 尸拜受」,主婦西面 拜送爵」,不賓尸之禮,「尸醋 主婦,主婦拜受爵,尸答拜,主婦 處 婦還,又拜」,注:「還又拜者, 拜。 俠拜。」疏云:「婦 婦人與丈夫爲禮 拜送爵。 人于丈 則 也。」 有 婦婦 俠 上

推矣。 《特牲》主婦亞獻,注:「不俠 主婦 答拜」,注云:「不俠拜,下尸也。」餘可類 義。《少牢》「主婦獻祝 徹》主婦獻尸,啐酒卒爵,不賓尸之禮, 簡耳。」《少牢》主婦亞獻,卒爵。 酒,唯《有司徹》主婦致爵于主人有之。皆不俠拜。 致爵于主婦,受爵、送爵、啐酒、卒爵 婦獻侑、主婦致爵于主人、主婦自酢、 酢,不俠拜爵,此俠拜爲異。」亦 尸,降崇敬。」 反 人、主婦自醋,《少牢饋食禮》尸酢主婦、 特牲饋食禮》主婦亞獻、主婦致爵 醋主婦,卒爵,亦不 位 獻祝、主 ,又拜」, 張氏爾岐曰:「儐尸者正祭,主婦 注 婦 獻 「主婦俠爵 兩 佐 祝 ·俠拜。 食 皆 ;《有司 拜,受爵,主婦 俠 拜,士妻儀 拜,爲不 皆隆殺之 拜。 《有司 徹》主 于主 至 啐 賓

拜

,手拜亦然,反謂

孔

氏、

陳

氏

婦人

八不跪

語

録》以兩膝齊跪、手至地、

頭不下爲

肅

又案:明王氏廷相《婦

人拜解》,據《朱子

凡婦人重拜則扱地。

丐 婦人 事乃手拜耳。」是拜扱地即手拜 手拜,手至地 則不手拜。」鄭氏注:「肅 拜。爲尸坐,則不手拜,肅拜。 考《少儀》曰:「婦人吉事,雖有君賜,肅 子之稽首』,亦拜中之重,故以相况 扱地,猶男子稽首。」 疏云: 「婦人肅拜爲 又拜如初」,注"「扱 廷堪案:《士昏禮》舅姑没,三月廟 手拜用于凶事 婦拜。 今云扱地,則婦人之重拜也。 (之拜皆立, 扱地 扱地,坐奠菜于几東 也。 **y**,扱地 婦人以 始 拜 地,手至地也。 坐拜 用 于 拜 肅 也 ·吉事 7,拜 拜 席 爲喪主, 之類,唯 爲 低 上。 爲異,蓋 | 循 Œ 頭 也。 婦 一, 凶 還, 也。 見, 男 人

> 漫 拜 爵、禮經》言之甚詳 而 不 也。 拜之説 加 察,混 目未覩《儀禮 爲非。 肅拜、手 不知婦人之拜,興 》,奉 ,唯扱地乃坐, 拜 而 先 生之言 之,豈《少 即 而 一, 而 手 執

凡推手曰揖,引手曰厭。

儀

》鄭氏注亦未暇檢邪?

揖」; 廷堪 手 食大夫禮》「及廟門,公揖入,賓入,三 昏》、《鄉飲酒》「三揖至于階」,《鄉射 三揖,歸饔餼、問卿,「三揖,皆行」,《公 「三揖,皆行」,《聘禮》公揖 推 日 手曰揖,引手曰厭。」如《士冠》、《士 揖 案:《鄉飲 《覲禮》郊勞,「三揖,至于階」,皆推 也。 《鄉飲酒》迎賓,「賓厭介,人 酒 禮》「賓厭 人,及君與賓 介」,注

❶ 「手」,原誤作「拜」,今據《禮記注疏》改。

揖,土 畢,一 無此 祝》注: 意,「厭」字或作「撎」字,似是注文。 字或作『撎』字者,古字義亦通也。」詳 推手曰揖,引手曰撎,故爲此解也。」此疏 時揖,平推手也。天揖,推手小舉之。」以 曰 介厭衆賓升」、《鄉射》無介,餘同,皆引手 亦作「撎」字。 云:「鄭彼注云: 揖」、「厭」,●今文皆作「揖」。 厭」作「撎」者,考《鄉飲酒》 厭也。又《覲禮》注引《司儀》文:「三 左 ,介厭衆賓 句,蓋傳寫者脱之。 人舉觶 揖庶姓 「肅拜,但俯下手,今時擅是也。」 行,時 之時,「揖 《鄉飲酒》、《鄉 入,衆賓皆入門左」。 『土揖,推手小下之也。 揖異姓,天揖同姓。」 疏 讓升,賓 又 鄭 疏云,「「厭」 則揖、厭 司 射》注: 厭 『農《大 今注 獻 疏

> 蓋推手、 引手之别也

> > 四

Ö

凡送賓,主人敵者于大門外,主人尊者于大

門内。

《聘禮》歸饔 出 拜」;又問 拜」。《鄉射禮》「《陔》作,賓出 贄,「出,主人送于門外,再拜」。 賓退,「主人送于外門外,再拜」; 拜」。敖氏繼公曰:門者,外門也。」《士相見禮 廷堪案:《士冠禮》醴賓畢,「賓出,主人 禮》賓出,奏《陔》,「主人送于門外, 畢,「賓降,授人脯,出,主人送于門外, 送于外門外,再拜」。《士昏禮》女父醴 ,主人送于門外,再拜」。 卿私 餼 面畢 畢,「賓送于 「賓出,大夫送于外 外 皆 了,衆賓 《鄉飲 門 是大門 ; 又還 外, 外 皆 再 再 洒 再 箵

飲酒》疏「引手曰厭」者,以手向身引之,

擅三字,對文則異,散文

則

通

矣。

又《鄉

⁰ 厭」,原誤作「厥」,今據《儀禮注疏》改。

拜也。 氏送 未畢者,其迎送皆于廟門外也。又《聘 又《士冠禮》賓字冠者後,「賓出,主人送 前 者降,以左驂出,侯氏送于門外,再拜」, 此亦當送于舍門外也。 禮》郊勞,「賓送,再拜」,前迎于舍門外, 前迎于大門外,故送亦于大門外也。《聘 此皆賓、主人相敵,或尊賓使與相敵 敵 于外門外,不拜。此送亦當于外門外,不 于廟門外」,注:「不出外門,將醴之。」禮 出,公送于大門内,再拜」。 蜜出,公再拜送」。《公食大夫禮》「賓 者,前 迎于帷門外,此亦當送于帷門外也。 》還玉畢,「大夫出,賓送,不拜」,前 ,再拜。 再 《聘禮》「公出送賓,及大門内」, 拜 迎于大門内,故 前迎于外門外,此亦當送于外門外。 《覲禮》賜車服,使者出,侯 《覲禮》郊勞,「使 送亦于大門 此 皆 | 賓 主 内 迎

送亦當于内門外,外門内也。人出門左」,注云:「出門,出内門。」則此送于外門外。」竊謂此説非也。前迎,「主出,主人送,再拜」,敖氏繼公曰:「送,謂也。又《士昏・記》若不親迎,「壻見畢,

《士虞·記》餞尸,「賓出,主人送,拜稽 出 禮》「賓出,主人送于門外」,以《士虞》 當送于廟門外。 主人拜送于門外」,下篇設遷祖奠,「賓 外」,注:「廟門外也。」又大斂奠,「賓出 禮》上篇小斂奠,「賓出,主 之,當于大門外。經不云「迎賓」,但云 顙」,注:「送賓拜于大門外。」《特牲饋 顙」,注:「送拜者,明于大門外也。」 又案:《士虞禮》「賓出,主人送,拜 ·送賓」者,祭禮之賓壓于尸也。《士 ,主人送于門外」,以 送于廟門外,與吉禮異 小斂奠注證之,皆 人拜送于門 稽 喪 證 又

門外」。尊君之使,故迎于寢門外。 外」,「賓出,主人拜送于外門外」, 也 大門外也。《有司徹》「尸出,侑從,主人 于外門外也。 云:「貳車畢乘,主人哭,拜送。」亦當 寢也,以鬼神所在則曰廟。 「賓出,主人送于外 公賵,「主人釋杖,迎于廟門外」,廟,即上經 此皆異于賓客正禮者也 無 賓者,下大夫無尊賓也。」 大夫尊于士,又 賓出,主人拜送于廟門外」,注:「不言長 故送亦于廟門外也。 送于廟門之外,拜」,前迎尸侑于廟門外, 尊賓,故送于 又上篇「君使人弔,主人 君親至,益尊,故迎送皆于 廟 門外,不于大門外也。 又不賓尸之禮,「衆 迎 于 下篇 , 寢 送 又 門

廷堪案:「《燕禮》:「賓醉,北面坐取其薦凡君與臣行禮皆不送。

降,于己太崇,不敢當也。下亦降 若降送之,則不敢 退,送再拜,是賓主之禮,此當爲臣者, 不云「送」,天子尊,故不送也。 卿、五大夫,臣中尊者,亦得辭降也。」竊 云:「士 辭退下,比及門,三辭」,注:「不敢 不送,則君臣之禮 云「送」,是主人不送也。 于門外」,考經文但云「還贄于門外」,不 大夫,若嘗爲臣者,「賓出,使擯者還其 行禮皆不送也。又《士相見禮》: 士見于 安燕交歡,嫌亢禮也。」《覲禮》侯氏出,經 公不送」,經文與《燕禮》同。 注:「臣也,與之 注:「賓禮訖,是臣也。」《大射儀》「賓出 脯 内 以降,奏《陔》。 **霤,遂出,卿、大夫皆出,公不送。**」 卑,不 敢 辭 賓所執 顧辭。 也。又君賜之食,「君 降。 士見于大夫,賓 (脯,以賜鐘人于 大夫之 遂出。 是臣 大夫 内 .也。] 疏 兼 辭 與 其 則 君

門也。 送。 降一等揖之,然則賓出不送,公亦當 謂 等揖之。此經之賜食,亦是燕類。 也。 降送」,注:「主人不降送,禮不參。」此 禮》親迎,賓出,「婦從,降自西階,主人不 禮》、《大射》,則禮之通例明矣。又《士 當君之降。及門,指大夫而言,非君送至 皆非也。經云「三辭」,即終辭也,終不 退,則君興,下階,則君降,及門, 也。 壻與女行禮,故女父不送,非君臣 曰:「送之亦當至門。」又曰:「大夫起 「公與其臣燕,而不送者,以其不 君降送之」,蓋亦降一等歟? 《燕禮》、《大射》賓入不迎,及庭,公但 于此三節皆辭之,故曰三辭。]其 又《燕禮》「公不送」,敖氏 若于異國之臣,雖不爲正賓,君 君但 降而已,不送至門。 敖氏 繼 證以《 爲 公曰: 之禮 則 繼公 降 經云 獻 雖 主 因 昏 燕 敢 説 君 不 而

云「于異國之臣猶送之」也。謂迎之于大門内,亦當送之于大門内,故方之賓燕,則公迎之于大門内。 敖氏蓋爲獻主,猶送之。」考《燕禮・記》,若與四

周官九拜解

字。首,此 爲之疏通而證明之。 有 之,則升堂,復 凡臣與君行禮,皆降階再拜稽首。 首,拜頭至地也。」《燕禮》、《大射》、《覲禮》, 上下二篇,細按之亦無確見。今據《禮 之拜」尤多臆説。 而後,釋《周官》者多語焉而不詳。 降 而 《大祝》九拜,《周禮》作「操」字。鄭注、賈 未拜即升堂拜者,禮殺 臣 于君之拜也。 再拜稽 陳用 一曰:稽《周禮》作「鮨 首,謂之「升 之《禮書》有 鄭 康 也; 成 若君 而「振 日 有不 成 $\stackrel{\sim}{\sim}$ 拜儀 拜」。 稽 經 降 辭 疏 動

即 首 首」者,文不具也。若《左傳》文七年,晉穆 《禮經》賓主相敵之拜皆頓首。 也。 拜 稽首,蓋亦敬之至者。 尸,《士虞》、《特牲》、《少牢》陰厭,《特牲》嗣舉奠,皆再拜 者,故亦盛其禮也。《士昏》親迎,《特牲》、《少牢》宿 饔餼使者、卿餼聘賓及大夫相食,皆敬之至 首也。 大 也,禮不應頓首。 嬴頓首于趙 敵相拜者,雖不云「頓首」,皆頓首可知 禮之變,故傳特書 云:「頓首者,平 、夫禮》,異 于堂上 君 而坐」,頓首並壹拜再拜,無九頓首者,皆 鄭康 法」是也。 又有非君臣而稽首者,如儐郊勞、歸 拜 成 國 者 曰:「頓首,拜 宣子,則小 之臣 ·, 禮 敵 賈氏《儀禮疏》云「稽首,臣 二曰頓首,此 定四年,楚申包胥「九 又 以别之。 相拜法。」然則 與 殺 主君 也。 ·君于其臣,且 行 《聘禮 賈氏《儀 頭 禮 吅 相 經不云「頓 亦然,皆 地 敵 浸禮 》、《公食 者之 也。」凡 經 禮 婦 也。 学 疏》 頓 拜 稽 人

後踊也。 《尚書》臣之于君,如臯陶、伊尹、周公,亦皆 皆拜稽顙,成踊;非君之弔、隧、賵,則拜而 襚,及君臨大斂。 首,皆拜之最重者。《士喪禮》君使人弔 春得之。蓋凶事之有振動,猶吉事之有稽 首,非此空首矣。 拜空首」,郭注:「空首,頭至于地。」則即 拜手稽首也。至于《穆天子傳》「許男降,再 拜,君答臣下拜法」是也。 於周公,非常禮 臣,則拜手稽首,如太甲之于伊尹,成王之 猶之平敵相拜,不云頓首也。 若君特敬其 君拜其臣皆「空首」拜。 三日 即《尚書》『拜手稽首』,則誤矣。 空首,拜頭至手,所謂 空首,此君答臣之拜也。 振動之拜,諸 也,賈氏《儀禮疏》云「空首 四日 《既夕禮》君使 儒 振 拜手也。」凡《禮經 經不云 [空首]者 言人人殊,惟杜 動,此即喪 而《周禮疏》又云 鄭 人赗 康 禮 何也? 成 ~,主人 曰 稽 子 而

也。

而

歸

先、後鄭之失 拜謂之凶 拜。」《左傳》昭二十五年:「叔 喪禮之拜。 康成曰:「凶拜,稽顙而後拜也。」二者亦 曰:「吉拜,拜而 也。二即 秦穆公使人弔公子重耳, 後稽顙謂之吉拜;稽顙 ,季平子稽顙。」此徒稽顙,非 拜」之文,則拜而 ,猶之拜而 然考之《禮經》,但有「拜 乎其 是拜 動,讀爲哀慟之慟。」其義甚明,惜 所 7拜也。 踊 謂 《檀弓》:「孔子曰:『拜而 順 與 而後踊,于君始行之,故 吉 也; 其 稽 後稽顙謂 拜、凶 杜子春曰:「振、讀爲 (解也。 後 顙 稽顙 稽顙 皆非 後稽顙,其周禮 拜也。 而後 五日 也。」六日 拜,拜而 之吉拜 而後拜謂之凶 重耳 稽 拜,頎乎 吉拜,鄭 又《檀弓》: 孫 類」而 拜 ´; 稽 稽顙 昭子 成 也。 凶 敷 踊 \Box 顙]拜,鄭 ? 無 · 其 至 而 康 自 後 與 唯 振 丽 皆 稽 拜 拜 闙 不 稽 成 乎 鐸 後 之 拜。」 也。 也。 曰

顙,頹

之振。

振

動

不

踊

也

尸」,賈公彦謂「襃拜 答一拜者,即空首之奇拜也。 即頓首之奇拜也。 首皆有之。 事,雖有君賜,肅拜。 拜,再拜」是也。 謂之襃拜。稽首無不再拜者,頓首、空首亦 「奇拜附空首」,皆非也。 拜,無一拜者,鄭大夫曰「奇拜 氏《檀弓》注以爲殷之喪拜者,似與經未. 再拜」者,即空首之襃拜也。鄭大夫曰「 頓首之襃拜也。 有之。《鄉飲酒》、《鄉射》所謂「再拜」者,即 肅拜,謂婦人之拜也。 七曰 鄭康成謂「一拜,答臣下拜」,賈 鄭氏注 奇 《鄉飲酒》、《鄉射》所謂 拜,凡一拜謂之奇拜,頓首、空 曰:「肅 《燕禮》、《大射》所謂「公答 鄭 《燕禮》、《大射》所謂公 康 附 拜,拜低 爲尸坐,則不手拜,肅 成 稽首」,皆非 八曰襃拜,凡再 《少儀》:「婦人吉 謂 再 頭 唯稽首皆再 謂 拜,拜神 也 一拜者, 也 公彦 手拜, 拜 謂 是 九 與 襃 拜 合

耳。」 拜也 是也 唯 子之襃拜也。 稽首也,手拜即男子之凶事拜也,俠 地 人于丈夫 之拜矣,此九拜之序也。 也,六者以爲之經也,奇拜、襃拜,凡拜皆 皆有論著,均未能得其要領。 有之,二者以爲之緯也,肅拜則專言婦 古之拜如今之揖,古之肅 大可、閻百詩、惠仲孺、江慎修諸君,于九 潛邱劄記 軍 至 肅使者 ,猶男子稽首。」由此推之,極地 禮 其 地 振 始肅 説 蓋 也 動、吉拜、凶拜三拜、皆凶事之拜 稽首、頓首、空首三拜,皆吉事之 而退。」即鄭司農所謂「介者不拜」 是 答萬公擇書》,蓋本宋項氏說。 爲 婦 也 拜。《左傳》成十六年:「郤至 禮, 人 肅 則俠拜。」又曰:「 以 拜者,婦人之正禮 又 鄭 肅 拜 氏 令香 爲正 近人如顧寧人、毛 拜如 禮》 今之拱 而閻氏 凶 注 事 即男子之 則尤謬。 曰 : 婦人 拜 乃 (手,見 至 男子 手 即 扱 拜 人 男 婦 拜

> 按飲 誤,並爲附辨于末云 拱手乃古之揖耳。 文皆作揖。」 賓。」鄭氏注曰:「推 手明矣。考《鄉飲酒禮》:「賓厭介,介厭 拜 興拜,贊醴婦,婦興拜。」是婦人之拜不坐,如今之揖,即 手,今時撎 肅拜,婦人之拜,鄭司農曰:「肅拜,但 之後,始 也。 酒之禮,凡拜 軍禮亦用此拜。 執 是也。」擅同揖。《士昏禮》:「婦見姑,姑 爵 然則今之揖 興,則古之拜非 然則古之肅拜,非今之拱 必 閻 手曰 坐 氏 奠 乃古之肅 不深于禮,故有此 揖 爵 ,引手曰 今之 然 後 拜, 揖 拜 厭 明 今之 既 衆 今 肅

禮 經 釋 例卷 終

禮經釋例卷二目録

通 例 下

凡授受之禮,同面者謂之並授受。

凡授受之禮,相鄉者謂之訝授受。

間。 凡授受之禮,敵者于楹間,不敵者不于楹

凡相禮者之授受皆訝授受。

凡卑者於尊者、皆奠而不授、若尊者辭、乃

授。

凡賓、主人禮,盛者專階,不盛者不專階。凡佐禮者,在主人曰擯,在客曰介。

凡戒賓、宿賓,宿者必先戒,禮殺者則不宿。

凡賓升席自西方,主人升席自北方。

凡禮盛者必先盥。

凡降洗、降盥,皆壹揖、壹讓升。

凡一辭而許曰禮辭,再辭而許曰固辭,三凡賓、主人敵者,降則皆降。

不許曰終辭。

諸侯當東霤,卿、大夫、士當東榮,水在洗凡庭洗設于阼階東南,南北以堂深,天子、

東。

不入《飲食》及《器服之例》而入《通按"自此以下八例,皆行禮之大節,故

例》。

凡内洗設于北堂上,南北直室東隅,東西直

房户與隅間。

於東楹之西,並兩壺,有玄酒,有禁。 凡設尊,賓、主人敵者于房户之間,君臣則

凡醴尊皆設于房中,側尊,無玄酒。

四七

凡堂上之篚,在尊南,東肆。

門外南面,西上。反吉,則西面。凡陳鼎,大夫、士,門外北面,北上,諸侯,凡堂下之篚,在洗西,南肆。

上,東鄉、西鄉,于神則南上,于人則北上。凡設席,南鄉、北鄉,于神則西上,于人則東

共二十一例。

禮經釋例卷二目録終

歙 淩 廷堪次仲學

凡接受之禮 ,同面者謂之並接受。 通

例

下

廷堪案"《士昏禮》納采,「授鴈于楹間 禮》授幣,「宰執書,告備具於君,授使者, 面。」又使者受命,「宰執圭,屈繅,自公左 使者受書,授上介」,注:「其受、授,皆北 面,不辨賓主,故知俱南面並授也。」《聘 面」,注:「並授也。」疏云:「以經云南

授使者。

使者受圭,同

面,垂繅,以受

命」,注:

同同

面

者,宰就使者,北面並

受

宰夫自東房授醯醬」,敖氏曰:「此亦並

禮經釋例卷二

束帛。 南鄉。 鴈,《聘禮》儐歸饔餼使者,又賓面卿,受 者,由便也。」皆同面而授,故曰「同 敖氏繼公以納采爲訝受。《公食大夫禮》 不能明。豈以士卑,故與使者不嫌歟? 爲並受,儐歸饔餼使者、面卿爲訝受,疑 謂之並授受」也。又《士昏禮》納采授 自公左受玉,受上介璋亦如之」,注: 並受者,若鄉君前耳。」又使者反命,「公 注:「自左,南面,右大夫,且並受也。 與賓同受君命,故同面並受,與相禮授受不同。 之。」又云:「既述命,同面,授上介。」上介 「亦於使者之東,同面並受也。不右使 上介執璋屈繅,立於其左,反命」,畢,「宰 玉,賓「升自西階,自左,南 經皆云于楹間 卿進使者,使者執 南 面,而注以納采 圭垂繅,北面 面,受圭」, 又還 面 必 者

四九

事,並 訝受,不得以受命時並受例之也。 又皆北面於君,故並受。 之事,皆並受,不知非經意也。受命時, 此求之。」敖氏蓋謂聘時廟門外賈人上介 命,同面授上介」,敖氏 受也,下放此。」 蓋以訝受爲賓主行禮 及上介,皆同面授受,與前受命之例正 於聘賓反命,亦於北面,於君前,宰與 醴,君燕其臣,使宰夫爲主人,皆是。至 獨聘之受命也。 禮之授受例中。 賓立接西塾,東面,上介北面受圭,進,西 君尊,不與其臣行禮,故使宰授書授圭。 及賓之授受,非廟中賓主之儀,是相禮者 面,别於聘時賓主之儀也。其不見者,以 面授賓。據注文。賓東面,上介西面,明是 一受爲 相 又凡尊者不與卑者行禮 禮之事。 如舅姑醴婦,使贊者授 曰 故《聘禮》「既 聘時,廟門外, 「此授受皆同 詳見相 不不 同 賓 之 述

> 賓面卿之注,則是訝授受。 是並授受,依《聘禮》儐歸饔餼使者,及 敵者之授受,依《士昏禮》納采之注,則 矣。又《士相見禮》雖受贄於庭,亦是相 非相禮之事,敖氏以爲並受,亦自亂其 授之」,敖氏 也。 又《有司徹》尸酢三獻,「尸在其右 曰:「尸在其右,並受也。」此 例 以

夫授 受者,授醴則 此亦並受者,不自前左,由便也。」考宰 注:「自,由也。適牽者之右 受馬者自前,還牽者後,適其右,受」, 受醴」,不訝受,故不面擸也。」賓覿,「士 來,在公旁側,並授與公,是以下文「公側 也。」疏云:「公西面 又案:《聘禮》禮賓,「宰夫實觶 柶於觶,面枋」,注:「不面攛,不訝 醴 ,實覿,經皆 以經之面枋知之,賓覿 無 向賓,宰夫自東 明 文,而 而受之也。 注 以醴, 以 爲 則 並 箱 受 加

邁·即繼也。」訝受不並受者,冠者及使者皆體,皆加柶面葉。注:「葉,柶大端。古文葉爲敢注以爲並受,不訝受也。《士冠禮》賓安夫授醴於賓前,若訝受,則嫌於背賓,知非訝授公,而公則並授賓乎? 愚謂以經之適其右知之。或疑宰夫面枋,安

卑故也

禮》,獻、酢、酬皆授由其右,受由其左,故 南 授受者並受也。 其左。」疏云:「據《鄉飲酒》、《鄉射》、《燕 受命」,注:「凡授受者,授由其右 又案:《聘禮》「使者受圭,同面,垂繅以 後受。]鄭注: 云『凡」以廣之。」詳疏意,蓋以獻酢酬之 並受明矣。《曲禮》曰:「鄉與客並 面獻介。介進,北面受爵」,則是訝受, 於堂上則俱 考《鄉飲酒禮》,主人「西 南 面 ·; 禮 ·; 受 前敵 然 由

並受亦不皆敵者也。「並受」,蓋據《曲禮》也。以禮經證之,則者並授。」考《禮經》,無並受之文。注云

凡授受之禮,相鄉者謂之訝接受。 用 攝之,進,西鄉。 授几,「公東南鄉,外拂几三,卒,振袂,中 北面訝受幣,勞者南面可知也。」又禮 廷堪案:《聘禮》郊勞,「勞者奉幣人,東 君西鄉,賓東面,故經云「訝受」。 於筵前,東面俟」。● 注:「今文訝爲梧。」時主 歸饔餼時,堂上北面受幣。 首,受幣」,疏云:「此行禮尊卑訝受法 面致命。 束帛,賓「受幣,當東楹,北面」,注: 賓北 面 擯者告。 賓進, 訝受几 聽命,還,少退,再拜稽 此在廷,亦當 又 禮 賓

0

[「]面」,原誤作「南」,今據吕校改。

也。」疏云:前聘享時,賓東面,主君西「亦訝受,而北面者,禮主於己。己,臣

此以主君禮己。己,臣也。故北面受,異面,訝授受,但以奉君命,故賓不北面。

於聘享時也。」據此,則上文聘時,公側襲此以当君祖己一己,呂也一哉才祖受,異

幣,謂東帛加璧。皆訝受也。 又賓覿,「振幣受玉于中堂與東楹之間,享時,公再拜授

幣」,此受幣在廷。又歸饔餼及賓問卿,皆受進授,當東楹,北面」。又介覿,「北面受

受也。又賓面卿,「受幣于楹間,南面」,幣堂中西北面。以「郊勞」疏考之,皆訝

注:「賓亦振幣進,北面授。」《公食大夫

面」,注:「主國君南面授之。」亦皆訝受。禮》公以東帛侑賓,「賓受幣,當東楹,北

醴,加柶,面枋,出房,席前北面。 婦東面北面。 賓拜受醴」, 又贊醴婦,「贊者酌《士昏禮》醴賓,「主人受醴,面枋,筵前西

爵,賓東南面酢主人,主人進受爵,以及野, 資東南面酢主人,主人進受爵,以及謂「並受」。公既並受宰夫之醴,則授賓謂「並受」。公既並受宰夫之醴,則授賓謂「並受」。公既並受宰夫之醴,則授賓謂「並受」。公既並受宰夫之醴,則授賓,则是,面枋可知也。若宰授公是訝受,以便以枋拜受」,云「面枋」者,皆是訝受,以便以枋拜受」,云「面枋」者,皆是訝受,以便以枋

云:行禮於尊者之前,則同面受。即並授受又案:授受之例,統觀《禮經》全文,當

虞

《燕禮》、《大射》獻賓酢主人之屬,《士

之矣。 並受。 訝 説 異,竊疑《士昏禮》之注非 間,南面」,與《士昏禮》納采同,而注 **饔**餼使者、賓 雖相禮者之授受,而行於尊者之前,故亦 君前耳。」此外則皆訝授受。以此求之, 前,亦同面受者,注云:「必並受者,若鄉 禮行於君前,皆同 也,「並受」二字,不見於經。不於尊者之前 爲授者北面,受者南面 亦並受,則與此例不合。然《聘禮》殯 面,注以爲並受。 則《聘禮》禮賓,宰夫授醴,●面枋,賓覿, 「士受馬者自前,還牽者後,適其右,受」, 相受。 ,以訝受爲尊卑相受法,並受爲敵 惟《士 如此,則經例固條理分明,一以貫 如《聘禮》授幣、受圭、反命,其 面 昏禮》納采授鴈于楹 卿,經文皆云「受幣 此非行於尊者之前,而 面受也。還玉不在 ,非並受。 也。 蓋鄭、 經 間 賈之 者相 于 同 又 南 "; 則 注 以 楹 歸 君

凡授受之禮,敵者于楹間,不敵者不于楹が受爲相禮之事,皆與經不合。今仍依據氏注釋之,而附鄙見於此,俟深於禮者擇焉。

間。 中西。 也。 問卿是奉其君之命,故卿受於堂中西。 之卿,皆相敵者,是相敵者授受于楹 卿,歸饔餼使者是上大夫,所面 楹間,南 廷堪案:《聘禮》歸饔餼儐使者,「受幣于 《士昏禮》納采,使者「授于楹間,南 又賓面卿,「受幣于楹間,南面」,前 面」,前受幣是使者奉主君命,故受於堂 此 者 亦主國 聘 賓 間 是

0

面」,授鴈也。

注:「授於楹

間,明爲合好,

[「]醴」,原誤作「禮」,今據《清經解》本改。

四

間 也。 堂與 楹 其 行 賓主不敵者,《聘禮》「公側襲,受玉于中 授於楹間,尊其使,如相敵者之儀也。 若 夫家羣吏,故疏云「不敵」。 歸 當東楹 禮》「公受宰夫東帛以侑」,賓升,「受幣, 升,「受幣,當東楹 君行一、臣行二。」又禮賓,公用束帛,賓 東。主在東,故賓趨東就之也。 國之臣,皆主尊賓卑,故 振幣,進授,當東楹 |間,故云「明爲好合」也。 (,不敵者不於楹間。)今使者不 節 一、臣行二也。」主是主 人堂深,尊賓事也。 東 同 賓饔餼之禮,「受幣堂中西,北面」, · 北 楹 也。」疏云: |之間」,注:「中堂,南北 面」,注:「當東楹者,欲得君 「凡賓 ,北面」。《公食大夫 北 面; 東楹之間,亦 國之君 主敵 授受於中堂之 因好合之故 納采,使者是 又私 者 「寶是」 《聘禮 敵 授 覿,賓 之中 於 丽 異 以 於 楹

蓋授 間。 曰 : 及面 主趨 注 位。凡敵者授受,當於兩楹 楹之東,士貞伯以爲視流行速,不安其 也。」《春秋傳》鄭伯 於楹間也。 賓尊主卑,故授受於堂中西。 卿聘賓爲賓,聘賓奉聘君之命,亦尊。 餼使者爲賓,使者奉主君之命,故尊。 又聘賓問卿、「受幣堂中 飲酒禮》介酢主人,「授主人爵 於堂中央之西受幣,趨聘君之命。」歸 卿,皆自行禮,卿與 西就之也。 玉、授幣,此授受之盛禮也; 此飲酒之禮,與受擊之禮不同 禮賓,賓 趨主君 此制禮之精義也。 命 覿 也 若聘賓、儐歸饔餼 受幣,皆當 0 堂 如晉拜 中 卿相敵,故授 西,北 西 成,授玉 間 中 東楹 賓在 也。 於兩楹之 李氏 面」,注 央之西。」 又《鄉 授 西 臣 於 使 如 也。), 故 東 禮 # 受 者 皆 問

授醴,次之,授祭,又次之。

若《飲酒》之

授爵、《士昏》記之授綏,則其殺焉者矣。 禮 **衆介面卿,「老受擯者幣於中庭** 左,士介幣,宰夫受於士。敬之差。」又 側授宰。此賓觀之幣。 夫受幣於中庭,以東」,注:「使宰夫受於 也。不受於堂,介賤也。]又士介覿,「宰 振幣自皮西進,北面授幣」,注:「拜中庭 下人君也。」《聘禮》上介覿,「公再拜,介 再拜受,賓再拜送」,注:「不受贄於堂, 庭。《士相見禮》「賓奉贄,入門左,主人 又案: 授受之禮,盛者受於堂,殺者受於 東 於庭者,有親受、不親受之殊矣。又《鄉 然則受於堂者,有楹間、不楹間之殊,受 士,士介幣輕也。 受之於公左。 酒》旅酬,「受酬者自介右」,注:「由 ·記》賓私獻,「擯者授宰夫於中庭」, 也,尊介,使不失故位。] 疏云:「凡 上介幣,宰受於公 賓幣,公 <u></u> 聘

應自介左,而自右者,尊介也。」此亦授受受之法,授由其右,受由其左,此受酬者

之例也。

凡相禮者之授受皆訝接受。

禮賓庭實乘馬,故注云然。《公食大夫禮》公以 受圭,進 注:「今文曰「梧受」。」又《聘禮》將聘時,「上介 束帛侑賓,「上介受賓幣,從者訝受皮」。 注:「此謂餘三馬也,左馬賓執以出矣。」 庭實,則主人遂以出,賓之士訝受之」, 皆進,訝受其幣」。《聘禮・記》「主人之 士介。」又上介觀,請受,「介禮辭,聽 不襲,執圭,屈繅,授賓」,注:「上介北 上介受賓幣,從者訝受馬」,注:「從者, 廷堪案:《聘禮》禮賓,「賓執左馬 「授賓東面於其右者」,非也。 西 面授賓。」是亦訝受。 敖氏 《既夕 以 出 命 面

禮 授矢。 葉」,贊者 對 賓醴冠者,贊者「側 授受也。 進」,,又士介覿,「宰夫受幣于中 側受几于序端,宰夫内拂几三,奉兩端以 從」,又將聘,「賈人東面坐,啓櫝,取圭, 啓櫝,取圭,垂繅,不起 射儀》君與賓耦射,大射正授弓,小臣 冠禮》「執冠者升一等,東面授賓」。 並受爲相禮之事者 女父醴使者同,則亦訝受。然則敖氏 垂繅,不起 「上介受圭,屈繅,出 相授,不委地。」此相禮者之授受,皆訝 賓賻,「 《聘禮 《聘禮》使者受命,「賈人西面 此皆以 面葉,以枋授賓也。 若 而授 • 記》賓私獻,「擯者授宰夫 ·無器,則捂受之」,**●**注: 上介」; 經文爲據者。《士冠禮》 ,顯與經違矣。 酌醴,加柶,覆之,面 授賈人, 衆介不 又禮賓、「公升, 而授宰」; 《士昏禮 ·庭,以 又《 又云 <u></u> 坐, 師 大 士 以 謂

不云者,略之也。

不云者,略之也。

不云者,略之也。

《公食大夫禮》「宰夫自東房授于中庭」。《公食大夫禮》「宰夫自東房授于中庭」。《公食大夫禮》「宰夫自東房授于中庭」。《公食大夫禮》「宰夫自東房授

《有司 《覲禮》嬪郊勞使者,「侯氏先升,授几」。 退。 授尸于筵前。 拜送,賓以几辟,北 又案:《士昏禮》禮賓,「主人拂几,授校, 于筵上,左之,南縮,不坐。」以《聘禮 之,以右袂推 尸還几,縮之。 徹 》: 主 尸進,二手受于手間,主人 拂 几,三, 人 西 右手執外廉,北 面設於坐,左之」。 面,左手執 二手横 執 几, 几 面 || 禮 進 縮

^{● 「}捂」,原誤作「梧」,今據《儀禮注疏》改。

授。凡卑者於尊者,皆奠而不授,若尊者辭,乃

者,「奠摯再拜,主人答壹拜」,注:「尊首」。《士相見禮》士見於大夫,若嘗爲臣昏禮》親迎,賓升,「北面,奠雁,再拜稽廷堪案:《士冠禮》「奠摯見於君」。《士廷堪案:《士冠禮》「奠摯見於君」。《士

進、北 《士昏禮》婦見舅,執笲棗栗,「自門人,升 受,壻再拜送,出」,此女父辭,壻乃授也。 禮》不親迎,壻見,入門,「東面,奠擊再 因公事未行,辭之,故奠摯也。又《士 雁,再拜,上介受,勞上介,亦如之」,此 尊,不敢授也。」又見姑,「受笲腶脩,升, 摯,奠卑異,不親授也。」又始見於君,「士 又云:「壻禮辭,許,受摯,人。主人再拜 以摯出,請受」,注:「欲使以賓客禮見。」 也。」此卑者先奠而不授也。 拜,出」,注:「奠摯者,壻有子道,不 於尊者,皆奠而不授也。又《聘禮》聘後 自西階,進拜,奠于席」,注:「奠之者,舅 大夫則奠擎 ·賓即館,卿大夫勞賓,賓不見,大夫 聘禮》賓覿,「人門右,北面 面拜,奠于席」。此女子之禮。是卑者 再 拜稽首」。 此男子之禮。 ,奠幣,再 又云「擯者 敢 香 奠

授也。 首」。 覿,「皆入門右,東上,奠幣,皆再拜 奠摯而不授。」此侯氏 卿 辭,擯者反幣」,又云「介奉幣人,大夫揖 拜」,此上介先奠而不授也。 乃授也。又上介面卿,「人門右,奠幣,再 幣自皮西進,北面授幣」,此主君辭,上介 又云「擯者辭、介逆出」、讀者以幣出。 進授」,此主君辭,聘賓乃授也。又上 又云「擯者辭, 右,坐奠圭,再拜稽首」,注:「卑者見尊, 讓如初。 擯者請受, 賓禮 擯者請受,介禮辭,聽命」,又云「介振 首」,此 辭,上介乃授 此上介先以臣禮見,奠而 又云「擯者謁」,注:「謁,猶告也。 介升,大夫再拜受」,此主 聘賓先以 賓 也。《覲禮》「侯氏 解,聽 出 臣禮見,奠而不授 <u>+</u> 覲天子,先奠而不 命」; 擯者以 又云「大夫 又云「振 幣 出 不授也。 又云 入門 國之 又云 也 稽 介 幣

者東面坐取獻,舉以入告,出,禮請受,賓 記賓若 者執上幣出,禮請受,賓辭」。又《聘禮 擯者執上幣以出,禮請受,寶固 以客禮待之也。又《聘禮》士介覿,「入門 也。皆卑者先奠而不授,尊者辭乃授,蓋 授也。天子不親受,使宰受之,殺於覲 子,先奠而不授也。又云「擯者曰:予一 右,奠幣,再拜稽首。擯者辭,介逆出。 自西階,東面授宰幣」,此天子辭,侯氏 人將受之,侯氏升致命,王撫玉,侯氏 玉」,此天子辭,侯氏乃授 也。」又云「侯氏 上 右,奠幣,皆再拜。大夫辭,介逆出。 固,衍字,當如面大夫也。」又衆介面 **奠幣**,束帛加璧。 |擯告以天子前辭,欲親受之,如 私獻 「東面 坐取 再拜稽首」,此侯氏享天 坐奠獻,再拜稽首 圭,升 也。 致命,王受之 卿,「人門 一辭」,注: 又四享, 賓 降 擯 時 乃 客

不敢授,禮又殺也。賓私獻,奠而不授,注以爲固辭」。注:「「固」亦衍字。」此皆尊者雖辭,終

並受者,則以擯者東面知之。

見乎? 不授,亦此例也。 之,則聖人親親之殺、尊賢之等,何由 其繁縟之中,有條而不紊,非比其例 禮,堂下再拜稽首,爲卑者拜之正禮也。 之正禮,猶之入門右,爲卑者入門之正 之,乃升成拜也。其實奠而不授,爲卑者 例,尊者辭之,乃入門左,拜例,尊者 稽首也。至尊者辭之,乃授。 之人門例,先入門右,拜例,先堂下再 又案: 授受之例,卑者先奠 飲酒之禮,獻酢皆授,酬 而不授。 猶之 則 人 奠 圃 猶 谿 門 面 觀 拜 而

廷堪案:《士冠禮》「擯者請期」,注:凡佐禮者,在主人曰擯,在客曰介。

記》: 相見禮》「士見於大夫」、「若嘗爲臣者」、 侑賓,「擯者進 飯」、「擯者退負東塾而立」; 又公以束帛 上擯也。」又拜至,「擯者辭」,又「賓 夫禮》賓入,「大夫納賓」,注:「大夫**,**謂 寳」、「擯者反命」、「擯者納寳」。《公食大 儀》:「大射正擯,擯者請賓。」又「擯者 擊出,請受」。《燕禮》「射人納賓」,注: 至,擯者請」,又不親迎,壻見,「擯 者出請事」、問名禮賓同。《士昏•記》「賓 塾」,又迎賓,「擯者告」。《士昏禮》「擯 通例也。 介。」所謂擯、介者,凡禮皆有之,亦 ·射人,爲擯者也。今文曰擯者。」《大射 ·擯者,有司佐禮者,在主人曰擯,在 賓 出 「卿擯由下。」此嘉禮之擯也。 1,使擯 《士冠禮》又云「擯者玄端,負 (者還其贄於門外」, 又「寳 相 幣」。 《公食大夫 禮之 者 客 士 以

也。 而迎之,主人益尊。 徹》「主人出迎尸,宗人擯」,注:「賓客尸 命,擯者出請」,此凶禮之擯也。《有 者出請,入告」,又「賓奉幣,擯 傳擯」,此賓禮之擯也。《既夕禮》公賵, 者謁諸天子」,又「諸侯覲於天子」、「四 注:嗇夫,蓋司空之屬也。爲末擯。」又 獻」、「擯者入告」。 卿,「下大夫擯」。《聘禮·記》「賓若私 上擯,大夫爲承擯,士爲紹擯。」又賓 人」,又賵畢,「擯者出請」,又「贈者 擯者出請,人告」,又「賓賵者將命,擯 擯者謁」,又「擯者延之曰升」,又享, **擯者曰:予一人將受之」;又禮畢,「擯**); 則 皆在主人曰擯也。《士冠禮》冠畢, 使擯者還其摯」。 擯者對 _**;** 又始! 《覲禮》「嗇夫承 擯,贊。」此吉禮之擯 見於君,「 《聘禮 若他 *****: 者 命」, 邦 卿 司 將 問問 先 爲 之

《鄉飲酒禮》「主人就先生而謀賓、介」, 外」,、又郊勞「上介出請,入告」,、又聘, 於廟門中,西面,如相 面」,「衆介面」,,又還玉「上介出請」,,又 饔餼,「上介請事」,又賓問卿,「上介特 受命,遂行,「上介及衆介俟於使者之門 此,則響禮亦有介。此嘉禮之介也。《聘禮》 注:「饗賓有介者,賓尊行敵禮也。」❶據 注:「賢者爲賓,其次爲介。」《聘禮·記》 其次爲介。」疏云:「此禮賓與饗禮同。」 注:「介,賓之輔。 「介皆入門左」,又上介覿,士介覿,又歸 「大夫來使,無罪,饗之」、「其介爲介」, 乃 ·公館賓,賓辟,上介聽 醴賓以壹獻之禮」、「贊冠者爲介」, 飲酒之禮,賢者爲賓 拜者然也。」《覲禮》 命」。 注:「聽

^{■「}賓尊」,此二字原誤倒,今據《儀禮注疏》乙正。

宗人戒侑」,賓尸之禮,尸如賓,侑如介, 者立於門中「私獻」作「閾外」。 館賓之上介聽命,即覿面 饔餼作請事。 時皆賓爲主人,故上介所行皆擯者之禮 此吉禮之介也。 .聘禮》郊勞、歸饔餼、還玉之上介出請,歸 上介皆奉其君之旂,置於宫」,此賓禮之 《有司徹》「乃議侑于賓,以異 即聘問禮之擯者出 皆在客 日介 以相 及 私 也。 獻禮之擯 請也。 拜 也。 至 姓。 此 於

《司儀》『每門止一相』,是也。」《士相見 也。 禮》「請還贄於將 又案:《士冠禮》疏云:「《聘禮》及《大行 義》皆云 『每門止一相』,是謂擯介爲 人》皆以在主人曰擯,在客稱介,亦曰相, 傳命,謂擯相也。」疏云:「出接 禮 曰 相, 也。 命者」,注:「將,猶 故《聘禮》與《 賓 相 冠 傳 曰

凡賓、主人禮,盛者專階,不盛者不專階 拜。 揖 于阼階上。賓亦北面于西階上答拜」。 廷堪案:《士冠禮》孤子冠,「凡 命,主人阼階上北 士昏禮》納采「賓升西階,當阿,東面 鄉飲酒 讓 亦 於 如 作階 》、《鄉射》賓至,「主人升,賓升。 初,如授 上。 賓 鴈時。 西 面 再拜」,禮畢醴賓 階 升。 上 主 北 人北 面 拜, 答拜」。 面,再 北 面

介而言也。

階上 東楹 拜。 酒;主人 爵,主人受尸酢,拜洗,受爵,卒爵,崇 北 皆賓主專階。 等,賓升,西楹 階上拜,賓西 楣 夫》拜至,賓雖降階拜,辭之,始升成拜 送几,受几,拜洗,受爵,送爵,告旨,卒 人先升自阼階,尸、侑升自西階,西楹 人酬賓,先卒觶,及受觶,送觶,皆主人阼 主人,拜洗,受爵,送爵,卒爵,崇酒; **介,**拜 面 北 [東上。 也 作階 東拜,尸于西楹 主人又拜侑,侑答拜」。 面答拜」。 洗 ,受爵,送 西楹 酬 H P 主人東楹 當 階 西, , 先卒觶 《有司徹》迎尸、迎侑,「主 西東 楣 《鄉射》作「答再拜」。 上拜。 北 即 爵,告旨,卒爵; 面 西 西拜。 面」,歸饔餼及問 東,北面 再 階上也。《公食大 ,受觶,皆主 《聘禮》「公升二 拜。 東 主人獻尸, 賓 楹東,即 拜至,尸 西 主 階 一人于 人 賓 + 卿 西, 答 阼 主 酢 獻 當

拜,主·

一人獻

賓,拜洗,送爵,受爵

, 告 旨

升

自

西

階;

主

人賓

右至

再

拜,賓

再

卒爵;賓

酢主人,拜洗,受爵,送爵,卒

受爵、送爵、皆賓于西階上拜,主人于賓

爵

主人不崇酒,辟君也。

主人酬賓,先卒爵,

夫,即 拜。 右拜。 然亦 在 拜送」,注:「拜送爵於衆賓右。」是 階上,「衆賓之長升,拜受者三人。 崇酒,亦大夫于西階上拜,主人于大夫右 人,實 爵,大夫亦授主人虚爵于兩楹間。 卒爵,崇酒,皆介于西階上 介酢主人,介不自酌,但以虚 鄉飲酒》主人 .西階上也。 《燕禮》、《大射》賓、主人 《鄉飲酒》、《鄉射》主人獻衆賓 各 遵者。 同拜于西階上。 拜 于 受爵,送爵,卒爵; 其 獻 階 介,受爵 · ', 是 **《鄉** 禮 射禮》主人獻 盛 爵 一拜,主 者 授主人。 送 則專階 爵,卒爵; 大夫酢 人于介 卒爵 實爵 亦同 于 主 也。 皆 西 主

82

也。 與 圭, 酒》 及 牲 侑 司 卿、獻大夫、獻士,亦同于西階 敢 拜,異於賓主 拜,祭畢飲 主人獻公,則降自 右 自 聘禮》還玉,「大夫升自西階 (賓行) 酌 徹》主人獻侑,侑于西楹 .饋食禮》主人獻賓,受爵,送爵,卒爵, 右 專 拜 碑 獻衆 "階,而 至 《燕禮》、《大射》公席于阼階上,不 聘賓 酢寶,皆于西階上拜。 拜,是禮不盛者則不專 内 一于《有 獻酢之禮 聽 賓之儀,故亦同 與 命 酒,殺于飲酒正禮,故不 與賓 卿,皆在西階 正 升 司徹》獻長賓,略 禮 同 ,别使宰夫爲主人,故**不** 自 也。 西 行禮 西 一階,于阼階 階 于西階上也。 自 在 行禮,又皆不 階 西拜,主人于 主人于賓右 左, 西 i, 鉤 上拜。 也。 階 同 下拜,獻 南 楹。 又《特 上 鄉 専 面 《有 也。 受 賓 飲 階

凡戒賓、宿賓,宿者必先戒,禮殺者則不宿 廷堪 賓,賓拜辱。 主人答拜,乃請賓」,陳器之 衆賓,或悉來或否。』《鄉飲酒禮》「主人 也。 於當日,爲 猶警也。」又「主人朝 迎,再拜。主人答再拜,乃請」,注:「戒, 射》皆有 速即宿也。《特牲饋 先戒賓而後宿賓,所謂「宿者必先戒也」, 後,「主人速賓,賓拜辱,主人答拜」,注: 冠》速賓於前 「速,召也。」《鄉射禮》「主人戒賓。 凡「宿」,或作「速」。」此 速,召也。」《士冠》、《鄉飲酒》、《鄉射》皆 ·戒,警也,告也。」又「宿賓」,注:「宿,進 宿者必先戒,戒不必宿。其不宿 案:《士冠禮》「主人戒賓」,注: 戒 無 小 宿,非 異 日、《鄉飲酒》、《鄉射》速賓 耳。 也。 疏 食禮》「宿尸」,注: 服, 謂《鄉飲酒》、《 若《 其 乃速賓」,注 證 燕禮》「小臣 也。 惟《 賓出 士 鄉 戒 爲

夫戒 《少牢饋食禮》筮日之後,「乃官戒」。注: 戒, 射。 肅,進也。」前 性》文不具。 官 戒 齋戒矣。至前祭一日,●又戒以進之,使 筮尸之後,「乃遂宿尸」,此 食禮》宿尸、宿賓之前皆無戒,疏以爲《特 宿視滌」,疏以 也。」則又謂《特牲》有宿無戒,與《士冠》 士 知祭日當來。」疏云:「其 云"「大夫尊,儀益多,筮日既戒諸官以 官戒,戒諸官也。」又云:「宿。注:「宿讀爲肅。 有 有 與 《宰及司馬」、《公食大夫禮》「使大 方是有戒無 司士戒士射與贊者。 事 者」、《大 宿 於 而 射者。 無 宿一日,宿戒尸。」此戒尸 其實亦有戒,疏説 戒,是儀 射》「君 爲非戒宿之宿。《特牲 宿也。 射人戒諸公、 有 略,故 命 又《大射》「射 大夫宿戒兩 前射三日, 戒 宿 云大夫儀多 射。 P 皆是 卿、大 也。 宰 戒 也。 也。 有 夫 夫 注 饋 人 百

> 疏 文互異矣。

> > 六四

凡賓升席自西方,主人升席自北方。 凡升席 《燕禮》、《大射》但有「升筵」、「降筵」之 《鄉射》賓酢主人,主人皆升席自北方,將 酬 方。《鄉飲》不云「自南方」,文不具也。 主人獻介,「介升席自北方」。 立司正安賓。及徹俎,主人皆降席自南 自東方也。 升席由東方。]是賓升席自西方,遵升席 大夫,大夫即遵也。「大夫升席」,注:「大夫 賓,賓皆升席 廷堪案: 介,「介降席自 自北 《鄉飲酒 《鄉飲酒·記》:「主人、介, 方,降自南 自 西 方。 禮》、《鄉 南方」,經 \sim 方。」《鄉飲酒》、 鄉射 射禮》主 悉與記合。 禮》主 旅 《鄉飲酒 酬、主人 入 人 獻 獻

0

[「]前祭」,此二字原誤倒,今據《儀禮注疏》乙正。

筵尸 自北 侑 尸,「尸升筵自西方」,主人獻侑,「侑升筵 獻賓,賓「降席」,注皆云:「降席,席 酒》異者,少變於飲酒正 序,西面 方,亦與《鄉飲酒》同 輔尸,如介以輔 文,不云升、降自何所者,蓋以禮 自東方歟 也。」是賓升降皆自西方,然則遵升降皆 由下,降由上,非通例。 鄉飲》、《鄉 丁西序東 于户 方」,與《鄉飲 侑主人降筵,皆自北方,與《鄉飲 西 射》故 面,如《鄉飲酒》之介,,侑以 南面, 賓 《鄉飲 也。 也。 酒》同。 如《鄉飲酒》之實; 也。《有司徹》主人席于東 《有 故主人升筵自北 禮也。 酒》、《鄉射》主 司徹》主 蓋 祭畢儐尸, 據此,益見升 已 人 具 筵 於 西 人 獻

東 注:「升由 又案:《 Ŀ 而言。《鄉 鄉 下 飲 也。」此 酒 飲 禮 酒 》「賓升 /據《鄉 記》「主人、介,升 席, 射 自 經文賓 西 方 席

> 取 《鄉射禮》「賓升席,自西方」, 升降由下也。」賈疏不得注意,徵 皆因文釋之,非謂禮之通例 由 席自北方,降自南方」,注:「席南上,升 而膠葛不明。 以 下 、爲例。 由上,由便。」此據《 經注無文者,不敢爲之説也。 今但據見于經 曲 如 文及注者, 注 此也。 禮》而言 引雖繁, 云 : 「賓 故

凡禮盛者必先盥。

盟」,注:「盥者,當爲介酌。」疏云:「主人自 、一、同。又介酢主人,降洗,「卒洗,主人 此冠、昏之盥也。《鄉飲酒》、《鄉射禮》主 人,同。又介酢主人,降洗,「卒洗,致 人獻寶,「盥洗」,注:「已盥乃洗爵,致潔 人獻寶,「盥洗」,注:「已盥乃洗爵,致潔 人獻寶,「盥洗」,注:「已盥乃洗爵,致潔 人,同。又介酢主人,降洗,「卒洗,主人 人,同。又介酢主人,降洗,「卒洗,主人 人,同。又介酢主人,降洗,「空洗,主人 人,同。又介酢主人,降洗,「空洗,主人 人,同。又介酢主人,降洗,「空洗,主人 人,同。又介酢主人,降洗,「空洗,主人

食及 也。 拜 又祝 辭。卒盥」,此食禮之盥也。《士喪禮》飯 序進」,又設正饌,「公降盥。賓降,公 又主人獻公、盥洗、升。未拜、故不降盥。 賓,盥洗,卒洗,升,復降盥,賓酢主人同。 飲 厭,「主婦盥于房中」;又云:「宗人遣佐 巾」,注:「淳,沃也。」《特牲饋食禮》陰 食及執事盥」,又迎尸,「淳尸盥,宗人授 凶事無洗,但設盆盥而已,此喪禮之盥 含、小斂奠、大斂奠、朝夕奠,經皆云盥, 上,序進盥。退者與進者交于前。卒盥, 賓至載俎,「大夫長盥,洗東南,西面,北 燕飲之盥 而 時手坋汙,禮尤盛也。《公食大 盥 《士虞禮》陰厭,「祝盥,升」,,又「佐 迎 執 一者,尊 尸,「尸入門左,北 事 也,獻賓拜洗後,復降盥者,爲 盤,出。 介 ∵也。」《: 燕禮 主人降,及賓盥,出。」 》、《大射》主 面盥,宗人授 夫 人 此 獻

授尸。 巾 南。 階之南,簞巾在其東」。 《士虞》陳器,「匜水錯于槃中,南流,在 舉奠」;嗣子也。 盥匜水,實于槃中,簞巾,在門内之右」。 **養,**「上佐食盥升」。此祭禮之盥 徹》主人獻尸,降洗,卒洗,降盥,卒盥 上。卒盥,坐奠簞,取巾,興,振之三,以 又云:「宗人遺賓就主人,皆盥于洗。」又 下」。《少牢饋食禮》將祭,「士盥,舉鼎」, 又主人受尸酢,尸卒洗,降盥,卒盥,又 奉簞巾,南面于槃北。 自阼階」,又迎尸,「宗人奉槃,東面于庭 陰厭,「祝盥于洗,升自西階。 少牢》陳設,「小祝設槃、匜與簞巾于西 ; 一宗人奉匜水,西面于槃東, 一宗人 又 坐取簞,興,以受尸巾」。《有 嗣 舉奠,盤,人」,又養,「宗 又「長兄弟盥,立于西 《特牲》陳設,「尸 乃沃尸,盤于 主人盥,升 也。又 人 西 司 槃 階 撌

六六

後洗。 爵者。 階 굸 爵。」疏云:「凡洗爵者必先盥,盥有不 洗,而盥于槃匜者,尊尸 面 醴冠者,「贊者洗于房中」,注:「盥而 人授巾,南面」,皆言尸盥也。 盥 東 而 執 不云盥者,文不具也。 此經直云洗,明盥手乃洗爵,故 **酒**,東面。 洗 《士虞 爵。 一則經 記》「淳尸 執巾在其北,東面。 云「洗爵者」,皆盥 也。 盤,執 考《士冠禮 尸不盥 槃, 鄭 洗 洗 于 而 西

凡降洗、降盥,皆壹揖、壹讓 揖 盥,亦壹揖,壹讓升。 洗,「主人卒洗,壹揖,壹讓,以 降盥,賓降」,主人辭降。 降洗,賓降」,主人辭降。 堪案:《鄉飲酒》、《 讓 如初,升。 降盥,如主人之禮」。 賓酢 鄉 升。 射》主人獻賓, 主人洗,賓 賓不辭盥,卒 主人,「卒洗, 賓升」。 又 主 辭

升。 《燕禮》、《大射》主人獻賓、賓酢主人,降 洗。 《鄉射》獻遵,皆「揖讓 尸、侑亦降,卒洗、卒盥。 故公先升也。《有司徹》主人降洗、降盥 揖、壹讓,公升,賓升」,此賓是異國之臣 揖,不讓、先升也。《公食大夫》卒盥,「壹 酒》、《鄉射》是賓、主人 酬賓,降洗,卒洗,亦揖 洗、降盥,皆賓揖先升,主人乃升,主人 獻賓,「降阼階,西面拜賓如初,洗。 禮 卒洗,揖讓升」,主人卒觶,訖。 人酬賓、「降、賓降、主人辭降、賓不 「賓辭降,如獻禮,升」。 ,升」。不盥,不拜洗,殺於賓也。《特牲》主人 「讓」,禮殺也。 《燕禮》、《大射》則宰夫爲主人,故賓 卒洗,揖 讓 升。 《鄉飲酒》、《鄉射》主人 是皆壹揖、壹 升」。 正 升,不讓。《鄉 《鄉飲 經但云「揖」,不 禮,故揖 降洗,「如 酒》 又降 讓 獻 . 辭 讓 賓辭 洗, 也 洗, 飲 俱 賓

六八

升」。復降盥,如主人禮;主人酬賓,「降降,寶酢主人,「賓降洗,主人降。卒洗,洗,升。復降盥,注:「復盥,爲手坋汙。」賓亦链,降洗。賓降」,注:「從主人也。」卒庭,降洗。賓降」,注:「從主人取爵于凡賓、主相敵者,●降則皆降。

《大射》同。《有司徹》主人獻尸,「主人降 酬尸,「降,洗爵,尸、侑降,卒洗,尸升,侑 階。卒洗,升」。復降盥,主人降,主人 降,主人受尸酢,「尸降洗,主人降自 洗,尸侑降。 卒洗,升」。 復降盥,尸、侑 主人降,主人酬賓,「主人降洗,賓降」。 以虚爵降,主人降。卒洗,升」。復降盥 洗,升」。復降盥,賓降,賓酢主人,「賓 人此主人以宰夫爲之。 辭如初」。《鄉射》同,唯無介。《燕禮》主 階,降獻介,主人與介同在西階上,降時方復阼 洗,介降」,介酢主人,「降洗,主人復阼 不升」。主人先卒觶,「降洗,尸降」。《聘 復降洗,賓降,如獻禮;主人 洗,賓降,升」。 主人卒觶, 獻賓,「降洗,賓降,卒 酬 酒, 獻 主人先 介,「 阼 階 飲。 降

❶ 「相」,目録作「人」。

備 獻 賓,不似正 禮》介面卿,「介降拜,大夫降辭」,此皆賓 子也。《聘禮》歸饔餼,聘賓 賓之後,亦降復位也。 降者,蓋 人獻卿、獻大夫,皆云「主人洗升」,不云 辭」,賓主不敵亦降者,主君尊賓也。 尊也。《公食大夫禮》「公降盥,賓降,公 如《鄉飲酒》也。 賓尸之禮 主相敵者 止」,注:「止不降,使之餘尊。」疏 降堂,受老束 燕禮》、《大射》主人獻公,公不降者,公 、,洗於房中,不降者,婦人之禮變於男 ·升降之禮者,卑也。 衆賓,不備升 卿、大夫之位本在堂下,主人 一, 尸 ,降則皆降也。 祭時尸尊,故亦與主人 如 錦 賓,侑 ,將以授 《鄉飲酒》、《鄉射》主人 降之禮者,衆 如 《有司 使者。 獻士、獻庶子,不 《有司徹》祭畢 介。 **儐使者,「賓** 大夫即使者。 '徹》主婦 則 賓卑也。 尸、侑皆 (俱降, 凡 酬 獻

> 降。」注蓋謂使者 降,使者不降者,使之餘 賓 能發明「餘尊」之義也。 之餘尊,故不降。 主體敵之法,主人降,賓亦 奉主君之命來,有主 疏 但 覆 尊,雖合降而 述注文而已,未 降。 今賓 君 不

不許曰終辭。凡一辭而許曰禮辭,再辭而許曰固辭,三辭

廷堪 禮 禮,既畢,請醴賓,賓皆禮 畢,「請醴寳」;《士昏禮》納采、問名之 許」,注:「禮辭,一 請賓、鄉 命賓、《鄉飲酒》、《鄉射》安賓,賓皆禮 曰 鄉飲酒》、《鄉射》「作相爲司正」,司正 [固辭。 案:《士冠禮》「主人戒賓,賓禮 (聘禮》主國之君使卿郊勞,聘賓 射禮》戒賓、《燕禮 三辭曰 終辭,不許也。」又 辭而 許 辭。 也 》、《大射 《鄉飲 再辭 冠 圃 儀 酒 皆 禮 許

達。 請 辭 禮 辭 禮 終賜 某將 謂 歸 請 吾子之就家 子命某見,吾子有 也 主 使者禮 人 饔 問 以 見,儐者辭; 辭 使儐者請 某子 對 介衆介覿,先 餼 見。」主 走見。] 賓對曰: 又《士相 卿 客禮受,介亦禮 聘享正 辭 郊 辭。 曰 賓朝 ጢ 主國之君 勞 示不 以命命某見。」主 許」者,是「一 《士昏 禮 人對曰 畢 也,某將走見。」賓 · 敢固 服 禮賓,及私覿,聘賓 見禮》:「『某 已畢 出請 禮 聘 辱。 以 一辭」,是 記》不 禮 賓 辭 , 未 : 臣 以客禮受,聘賓皆 辭 『某 不 『某 不 ; 辭,主國之君使 將 禮 私 請吾子之就 禮 辭 儐 聘禮既畢,聘 覿 見,擯者辭 畢,將償使者 亦 親 勞者 之前 足以 也 敢 人 而 禮 迎壻,請覿 許 願 爲 對 對 辭。 見 日 儀 辱 ···, 主 曰 曰 勞 先 禮 家 命 皆 者 固 無 以 國 某 某 所 禮 由 卿 賓 出 臣 Z 禮

禮辭 終辭」 曰 : 辭,不 以請 子之 禮》、《大射儀》之辭 其贄」,注:「終辭其贄,以將不親答 於大夫,終辭其贄,「若嘗爲臣者,則 辭 亦固辭。若下文致命,則禮辭矣。 臣 與客燕,曰:『寡君有 不 請。』『寡君,君之私 臣,臣敢 下文辭贄、辭還贄皆固 一,臣 敢 而 與 ,一辭其贄而 許 。』『某固辭,不 爲 寡君,君之私 敢 得命,將走見。」」 也 日 寡 儀 解。』『寡君 固 固 君 固 至 辭。』『寡 辭」也。 須 以 於《 臾焉, 請 鄉 許 ្ន 也。 降、 固 也,君 · 得 君 飲 也。」是「三 主 又《士相 使某 不腆之酒,以請 固 命,敢不從 曰不腆,使 辭 酒 解。 疏 人 君無 日 洗 st以 對 無 雖 不腆,使某 《燕禮》: 此 也 日 所 所 鄉 見禮 爲 : 以 較禮 辱 辱 辭不許 射》、《 固 某 請 某 賜 賜 是「再 禮 土 固 于 于 也 也 燕 見 吾 固 使 對 使 以 則 固

「賓爲之辭,士介賤,不敢以言通於主君。禮見,擯者辭,「禮請受,賓固辭」,注:殺,亦禮辭之屬也。《聘禮》士介覿,以臣

曰固也。禮請受者,一請;賓固辭者,再經所云「固辭」者,蓋賓再辭而後公許,故記》私獻,「賓固辭」,注亦以爲衍字。考「一辭而得,遂亦可謂之固。」又《聘禮・固,衍字,當如面大夫也。」敖氏繼公曰:

辭。

注未確,敖説亦曲爲之解也

引,而旁及注外之義,何也?

凡庭洗設于阼階東南,當東榮」。《士冠禮》 「設洗于阼階東南,南北以堂深,天子諸 「設洗于阼階東南,南北以堂深,東西當 東榮。水在洗東」。《鄉飲酒》、《鄉射》 「設洗于阼階東南,南北以堂深,東西當 東榮。水在洗東」。《鄉飲酒》、《鄉射》 下阼階東南」,記:「設洗,這:「洗,承盥洗者 東樂。水在洗東」。《鄉飲酒》、《鄉射》 「設洗于阼階東南,南北以堂深,東西當 東榮。水在洗東」。《鄉飲酒》、《鄉射》 「設洗于阼階東南,南北以堂深,東西當

者,文不具也,其實亦當東榮之洗,所謂階東南」,經注不言當東榮及南北之節于北堂上内賓之洗,《士昏禮》「設洗于阼以堂深。」此皆當東榮之洗,言庭洗者,别以堂深。」此皆當東榮之洗,當東榮,南北「醮用酒」,注:「洗,庭洗,當東榮,南北

卿、 也。 罍水 其近者也。 洗 阼階東南 繼公云:「篚」,衍文。 霤之洗,所謂天子、諸侯之禮也 夫》之洗當亦 階東南。」鄭氏以《燕禮》證之,是《公食大 如 大夫、士之禮 亦南 在東」,注:「當東霤者, 人君爲 饗」,注:「必如饗者,先饗後 **,罍水在東」、《公食大夫禮》**「設 北 饗禮亡、《燕禮》則設洗於 以堂深。」《大射儀》「設 在阼階 也。 于 作階 《燕禮》「設洗篚 東南也。 東 南,當 此皆當 食,如 東 洗 殿 敖 阼 東 于 屋 氏

堂 榮」;人君 近 不異其處也。 又案:卿、大夫、士兩下屋,故云「當 廉北 ,洗亦去堂三丈,以此爲度。」 庭洗爲 深 淺 其 實 設 至房屋之壁。堂下,洗北去堂 取 殿 於堂上深淺。 洗 《鄉 屋 皆 四 飲酒》疏: 在 向 阼 流 階 水,故云「當 東 假 南,異 「堂深,謂 令堂 其 深 文, 從 東 東

禮》注作「内洗」,文亦小異。

蓋

經

例

在

此

也

禮之節,故經注言之特詳焉

内 洗設 于北堂上,南北 直 室東隅,東西 直

房

户

與隅

間

凡

中, 中; 中; 堂。 姑洗 廷堪 間。」《士冠 北。 室東隅。」婦洗、《士冠禮》注作「房中之洗」、《士虞 中」,注皆引《昏禮》曰:「婦洗在北堂,直 昏・記》「婦洗在 「洗在北堂,所 洗南北 設兩洗者,獻 手北 《少牢 案:《士昏禮》 《特 《士虞禮》亞獻,「主婦洗足 牲 洗」,注: 饋 禮 饋 直 食禮》亞 食禮》陰厭 》醴冠 室 謂 東 北 北堂,直室東隅」,注: 酬 「南洗 隅,東西直 饗婦,「舅洗于 洗。 酢 者,「贊者洗 以潔清爲敬。』《士 獻,「主 北堂,房 在 一主 庭、北洗 婦婦 婦 房 洗 盥 爵 户 中 南 與 于 于 于 半 于 在 洗, 房 房 房 房 隅 以 北

《特 之後,則注所云南洗、北洗,非指庭洗、内 婦至,「媵、御沃 皆不言何洗,當亦是内洗。 司徹》「主人洗,獻内賓于房中」,注 南洗,御沃 牲 及主人洗,獻内兄弟于房 饋食》「主 婦 盥 盥交」,注"「媵沃 于北洗。」此在夫 婦 洗 爵 于房, 又《士昏禮 酌, 中。 入于 (壻盤 與 亞 室 于 疏 有 獻

洗明矣,豈昏禮室中復有二洗歟?

潔 在 與《昏禮》同。」未能申鄭 不反吉,賈疏 則引《昏禮》以證之。然則 水在洗西,篚在東」,注以 又案,《士虞禮》庭洗則「設于西 水在東,篚在西。内洗,《士昏 西可 清爲敬」之故; 知。 蓋變于庭洗,篚在東,則罍水 又《士昏禮》注謂 但云:「經不言設 疏又謂「婦人有事 義 爲反 也。 内洗禮 設 言, 記》云 庭洗, 洗 階 兩 而内 處,宜 殺,故 西南 齐 下 洗

> 疏文雖異,而義則同也。 堂」。聖人制禮,蓋以明夫婦有別。注與

於東楹之西,並兩壺,有玄酒,有禁。凡設尊,賓、主人敵者于房户之間,君臣則

《鄉飲酒禮》「尊兩壺于房户間,斯禁。 也。 在 注:「禁,承尊之器也。」玄酒在 尊于房户之間,兩甒,有玄酒,故兩甒。 廷堪案:《士冠 禮》「司宫尊兩甒于房户之間」,注:「房 西,上也。》《特性饋 玄酒,在西」。注:「斯禁,禁切地無足者。玄酒在 枋」,注:「房 西」,注:「户東,室户東。」《少牢饋 雖今不用,●猶設之,不忘古也。」加勺, 户 禮》「若不醴,則 間者,房 食禮》「尊于户東,玄酒 西,注:「玄酒,新水 西 室 户 醮 東 有禁。 用 也。 酒 有 南

❶ 「雖今不用」,原誤作「今雖不同」,今據《儀禮注疏》改。

禮 經 釋 例

酬 于房户之間者,既祭獻 户之間 間 言户 間者,此射于序是也。 于序,序有堂無室,無 勺。」《鄉射》不云房户之間者,蓋《鄉射 尸之禮,因《少牢》正祭之酒,但攝之而 有 司徹》皆在房户之間。」敖氏繼公曰:「不 及醮子,與《鄉射》、《特牲》、《少牢》、《有 云「尊於賓席之東」。 左玄酒,注:「設尊者北面,西曰左,尚之也。」皆加 鄉射禮》: 乃席賓,南面,東上。」注不言于户牖之 設酒之尊,皆於顯處。 無 也 東房西房 牖間者 明矣。」皆與注異。《有司徹》既祭 算 房房 爵, 西 「尊於賓席之東,兩壺,斯禁。 可可 ,則中有室,而席賓于**户** 皆具賓 室户東也。」飲 知也。 (主,如飲酒 **《鄉** 室 記云『出 《鄉飲 賓,及酢、酬、旅 見其文,是以 則 射》上經云: 無 酒 (酒) 疏 房户,故但 與祭,皆 自 之禮 東 牖之 云 房 也。 此 儐 尊

也。兩方壺,臣之尊也。 藻》曰:「唯君面尊。」玄酒 壺 也。 已,不 在尊東。 設尊在東楹之西,自北 之所,貴賤不同,若諸 與君行禮,故尊于 君面尊,言專惠也。」《燕禮》、《大射》皆臣 云:「酒在北 君 「司宫尊于東楹之西,兩 注:「于東楹之西,予君 在南,有豐」,膳尊即《燕禮》公尊,君之尊 面也。」兩瓦大在方壺之南,亦 ·侍飲於長者」,孔穎達《正 也。 ,左玄酒,南上。 《燕禮》「司宫尊于東楹之西,兩方 更設尊,故 皆有玄酒,故 西嚮,以酌 ,尊統于君,南 疏 東楹之西也。 公尊 亦以爲「在 者之左爲 侯《燕禮》、《大射》, 君 繒 君臣 專 南上。 瓦 方 臣 南 義》曰: 壺 在 此 大 皆 ::陳之。 爲 一,膳尊 南,順君之 兩 不同尊,尊 酒 房户之間 《大射儀 上尊。 上也。 兩 一, 有 也。 : 「陳尊 尊。 曲 酌者 豐. 兩 \sim 尊 唯 注 甒 玉

七

四

間 主 尊 飲 面 在 精矣。《燕禮》:「尊士旅食于門西,兩圜 得夾尊,示 酒 有 ,但云《鄉飲 面 |阼,西嚮,賓在 及 嚮 鼻,鼻向 則 南,酌: 卿、大 設 尊 | 者總: 陳 君 不敢 夫 酒 一,示君 于 燕,此禮不見《禮經》,蓋 》,不云《鄉 北,以 房 專 户 惠也。」 户之間,東西 西牖 專有此 西 前 爲 射》,較 尊于房 惠 ,南嚮,使 上尊。 也。 一壺。」士賤 列 孔 賈氏 户 時 若 尊 氏 之 賓 主 鄉 推

皆據 又案:《燕禮》疏 射》云『尊於賓席之東,兩壺斯禁,左玄 也。』」據《燕禮》向君 面 酒」,鄭注云:『設尊者北 尊 尊者以酌者之左爲 其 兩 酌 壺于房户之間,玄酒在 者 北 鄭 面 注云:『鼻在 而 굸 言。」「若據設尊之人及 而書。 上尊。』●《鄉飲 「《少儀》云『尊 面 「《少儀》又云 面 西。 中,言 西 日 左。 」此 又《鄉 (酒) | 云 嚮 壺 人 者

> 東,則 禮 以 尊 南 爲《鄉 ··; 則 若 面 丽 以 以 有 言, 南 西爲 異 飲 者。 爲上,經例 ***** 即 上,《燕禮》、《大射》尊 南 鄉 考《鄉飲》、《鄉射》尊 面,以右爲尊。」詳 射》設玄酒之位,與 固不異也 疏 面 面 意 燕 向 向

酌 北 尊,是以下文媵爵于公者交于東 君 굸 楹 降,作階 公,「升自西階,序進, 也。」考《燕禮》,主人酬賓訖,二人媵 又案:《燕禮》疏云:「若據酌者 了,右還 m ,西楹之北 北一,而 「二大夫盥 西面 而 下皆奠觶, ,當尊西 返,往 前 也。 疏 手 云 來 交而 東 洗爵訖 以 東 再 面 右 楹 拜 ,則酌者之右 相 酌散,交于楹 爲上。」注云「 待於西階上 稽首」,注: 北 先者升 」, 據 「, 不 此 西 楹 節 爵 爲 得 楹 一,既 北 疏 西 于 北 背

0

故也。

[「]酌者之左」,原誤作「酌之左者」,今據《儀禮注疏》改。

亦由西 北 階 還 誤 次第而降。」蓋 階,亦由 由 楹之西,往來皆折旋,故前 由 也。《燕禮》後節,升實之序進。 ,故注云交于 西楹之北 不然,則前 西楹 楹之北 西楹 北 向東楹之西, 之北 向 向西階上,北 媵爵者二人升降皆由 西 疏「東」字或是「西」字之 귪 階 楹 向 上,北 東 北 楹 東 丽 之西,酌酒訖, 面 疏 面 注云:「序進,往 酌 面 云 酌 交于東 酒 相 後者升 酒訖,右 則 待。 在 乃 楹 西 西 東

尊。 《大射儀》疏云:「此 當爲「篚」之屬。此所承者,有酒之解,與篚小異 酒,實于觶,加于豐」、《公食大夫》不獻 燕亦謂之坫,致爵在於上,故《論語 又案:《大射儀》注:「豐 豐」當爲「禁」之屬。 注:「豐,所 以 承觶 豊若 《公食大夫禮》「飲 者也。」則「豐」又 在宗廟,或 以 承尊也。」則 ,酬,故 兩 $\stackrel{>}{=}$ 君 無

來由尊北,交于東楹之北。」

《大射》是君 豐,射而飲不勝者,又一豐也。《燕禮 《大射》飲不勝者,皆有豐,是公尊所設 器,説與《公食大夫》注 站,反爵之站**]**是也。」賈氏以豐爲反爵之 反爵于篚。 邦君爲兩君之好,有反坫」,鄭注云『反 若兩 燕其臣 君燕,當反爵于豐歟 一,故豐 同。 但 以 考《鄉 承 尊,而仍 射

尊皆 之間。 房中,亦有篚有 醴 無玄酒也。 經皆云 曰 廷堪案:《士冠禮 · 尊。 」,注:「側,猶 在 側者,無玄酒。」若醮 士昏禮》主人禮 房中 「側尊甒 亦有 也。 籩豆,如冠禮之設。」是 體于房中」,注:「側 特也。 不尊于房中者、聘禮 禮 事 質 使 無 冠 而 者、舅 者 偶 用 禮盛 酒,則 曰 側 側。 故 姑 尊于房户 尊 醴 特 尊 置 婦 於 醴 酒 甒

凡

醴尊皆設于房中,

側尊,無玄

酒

可知。 中北 于房 以 敷 ? 云 則在東廂也。 「瓦大,瓦尊。」是《聘禮》主君禮賓,醴尊 記》「醴尊于東廂,瓦大一,有豐」,注 箱。」敖氏蓋據《聘禮》記 醴 「醴尊設于房,臣禮也; 代玄酒、故醴、酒 墉下,當户,兩甒醴、酒」,此是反吉, 中,非醴尊正 亦有不側尊者、、士虞禮》「尊于室 醴尊在東廂,則籩豆之屬亦在東廂 例也。《儀禮 i.並設。 而 國君則于 言,理 不側尊,不 集 或 説》 然 東

「坐取爵于篚,降洗」,此堂上之篚也。「雖,陳也。」《鄉射禮》「尊于賓席之東」,「肆,陳也。」《鄉射禮》「尊于賓席之東」,注:「建文文),與別灣》「設篚于禁南,東肆」,注:「是上之篚,在尊南,東肆。

端」。酬賓後,即取序端之爵獻衆賓,無 之篚也。 賓畢,主人始以此爵降奠于篚,此則堂 也。 又案:《鄉飲酒 堂上不設篚,雖膳篚 酒》不言上者,文略也。《燕禮》、《大射》 人獻賓,「坐取爵于上篚,以降」,疏云: 介故也。 及獻衆賓,仍用此西楹南之奠爵。 主人實爵自酢,畢,奠此爵「于西楹南 畢,介降洗,升,「授主人爵于兩楹之間 主人獻介,仍用前東序端之奠爵。 亦堂上之篚也。此觶賓奠于薦東不舉。 奠于東序端。 ·凡取爵于篚以降者,皆是上篚。」《鄉飲 適洗,南面坐奠爵于篚下」,此堂下之篚 賓酢主人,亦用此爵。 《鄉射》主人獻賓畢,「奠爵于序 餘皆與《鄉飲 主人酬賓,「坐取觶于篚」, 記》「獻工與笙,取爵 亦在堂下也。 酒》同。 主人受酢畢 《鄉射》主 獻介 獻衆 于 下

爲 獻遵、即大夫。 爵。」楊 器,敬也。 取觶酬賓,一也。 上 上 于下篚,至二人皋觶時,再 異,蓋謂一人所舉之觶,旅酬 舉觶爲 **篚鱓三也。** 上 旅 篚,既獻笙,乃奠于下篚。」 篚 **篚爵三觶** 酬 始,一 無算爵始,四也。」敖氏 氏 既 復 獻 如是,則獻大夫亦然。 敖氏又云:「既獻 曰 : 也; 獻 奠 一,下篚觶三。」説 工,皆異爵,三也;主人 「上篚 于下篚」,注: 司正舉 下篚 爵 解四:一人舉解 三觶 觶,二也,二人 取 之,故 工,則 畢, 繼公曰 : 明 上篚 則仍 與 獻賓 奠于 楊 其 云 下 奠 氏 異

又設篚者也。《士冠禮》醮用酒,「洗,有《鄉射禮》同。此皆堂上設篚,而于堂下廷堪案:《鄉飲酒禮》「篚在洗西,南肆」,凡堂下之篚,設于洗西,●南肆。

《大射》二篚皆在堂下。 于洗 無堂 設篚,而但于堂下設篚 食禮》「設篚 陳。《特牲饋食・記》「篚在洗西,南順,實 也。」疏云:「洗篚言南陳,亦西面, 儀》「篚在洗西、南陳。 設膳 洗 篚 二爵、二觚、四 亦南陳。言西 注:「肆,陳也。 二能,一盛諸臣 面」,注:「或言南陳,或言西 西 在 西。 西 上篚者,蓋堂上之篚,所 南 , 肆。 南順」,注: 南順、北爲上也。」《燕禮》「篚 于 輝、一 設膳、篚,在 洗西,南肆」,此皆堂上 面,尊之,異其文。」《大射 膳篚者,君象 飲器,一 角、一散」。 「篚亦以盛 置者也。 盛氏世佐 盛 其 膳篚言西面,亦 篚 君 (北,西 面 觚 在 飲 《燕禮》、 以 《 少 , 異 其北,西 勺觶 所饌也, 器。 盛 其 面, 牢 日 爵。 不 丽 饋 文 在 陳

❶ 「設于」,目録作「在」。

《燕禮》、《大射》君 《特牲·記》下篚實爵二,是下篚 下之篚歟? 牲》、《少牢》祭畢而飲,禮更殺,故僅設堂 賓主皆尊,禮盛,故堂上、堂下並設篚, 也,盛氏之説恐非。 飲》「上篚爵三觶一」,是上篚亦盛 燕禮》輕,不用爵也。」 考楊信齋 燕其臣,禮殺,《 蓋《鄉飲酒》、《鄉射》 亦 觶 謂《 盛 也 特 鄉 爵

門外南面,西上。反吉,則西面 陳 禮 舉 階下,西 禮》疏:「凡鼎 賓客之禮,在内者,私家之禮也。」《士昏 廷堪案:《士冠禮》疏:「凡陳鼎在外者, 鼎 》「期,初昏,陳三鼎于寢門外東方,北 鼎,大夫、士,門外 陳于門外,直東塾,北面」。《士昏 「面爲正。」考《士冠禮》「若殺,則 陳 于外者,北面 北 画,北 上 爲正。 諸 侯, 阼

凡

皆北 也。 《公食大夫禮》「甸人陳鼎七,當門, 外。」謂在外之禮盛也,非私家之禮在内也。 子未聞。」此説得之。 門外之右,北面北上」。入設于西階前, 陳鼎在外者也。《士冠禮》注:「父在,有鼎不陳門 外,北面北上」。《少牢饋食禮》「陳鼎 東面北上。則又禮之變,不可引以爲據 陳鼎,皆門外西面。 喪禮》小斂奠、大斂奠、朔月奠,《既夕禮 文證疏,多不合,疑疏説誤也。至于《士 西上」。此陳于門外 廟門之外,北面北上」。 面。 北上」。《特牲饋食禮》「陳鼎 敖氏繼公曰:「大夫士陳鼎于門外, 面 ,惟喪奠西面,國 《士虞禮》「陳三鼎于 圃 南面者也。 此皆私家之禮 君陳鼎南面,天 疏非注 南 以 于門 面 意。 經 于 而

凡設席,南鄉、北鄉,于神 則 西上 ,于人則東

上

尾。」首爲上,尾爲下。 也。 爲人則東上。』《聘禮》行聘之時,「几筵既 席西上,右設几, 父也。筵,爲神布席也。 廷堪案:《士昏禮》納采及親迎,皆云「主 設 公曰:「几亦右之。」此據《少年饋食》言之,東面 人也。神位,于室則居主位,于堂則居客位。」《特华 于堂上,南嚮以西爲上者也。敖氏繼公曰: 尊,不豫事也。 設」,注:「有几筵者,以其廟受,宜依 以南爲右。 饋食禮》「祝筵几于室中,東面」,敖氏 人筵于户西,西上,右几」,注:「主人,女 右几,席南面,几在席西端也。席西上,右几,變于生 几于筵上,右之」,注:「布陳神坐也。 賓至廟門,司宫乃于依前設之。 西 《少牢饋食禮》「司宫筵于奥,祝 鄉 (,于神) 席西上。」此皆爲神布席 神不統于人,席有首 則 疏云:「爲神則西上, 南上,于人 户西者,尊處 (則北上。 繼 神 神

《燕禮》「司宫筵賓于户西,東上」,又爲 《士昏禮》「主人徹几改筵,東上」,注: 室中 射禮》「乃席賓,南面,東上。 神几,改神席,更布也。 賓席東上。』《 禮賓,「宰夫徹几改筵」,注:「將禮賓,徹 皆爲神布席于室中,東嚮以南爲上者也。 當亦東面,如《特牲》、《少牢》之禮也。此 禰,筵几于室。 禰,有司筵几于室中,使還奠告,乃至于 右,几在南,故南上也。 南嚮,以西爲右,几在西,故西上也。席東嚮,以 卿設席,云「司宫兼卷重席,設 面,有加席。卿席賓東,東上。小卿 而西」。 「徹几改筵者,鄉爲神,今爲人。」《聘禮》 西 《大射儀》「司宫設賓席于户西,南 南隅謂之奥,席東 衆賓卑于賓,賓東上,故衆賓繼而西 經不云何嚮,既在室中, 《聘禮》聘賓將行,告 面 近南 衆賓之席繼 于賓左,東 爲右。」 (南爲 也 鄉 賓 席

南面。 以 東嚮以北爲上者也,經例甚 西 故席主人之北,西面 公、則大夫于主人之北、西面」、遵尊于主人、 以東爲上者也。 阼階西 席,南嚮以 西,東上。大夫繼 不 序,東面 于阼階上,西 酒》若有遵者,「席于賓東」。 食大夫》「宰夫設筵,加几、席」。 面 席于尊東」。 . 具也。 東爲 者 繒 , 則 以 此祭畢儐尸、當以人禮事之。 一, 北 上。 北 , 亦皆以北爲上。經不言者, 文 北上」,謂大夫之席。 李氏 爲上者也。 東爲上者也。《大射儀》「諸 《燕禮》、《大射》「小 面,東上」,此爲人布席,北 鄉 《有司徹》尸席筵于户西, 如 以北爲上也。 《鄉飲 圭 而東上」。 $\stackrel{\wedge}{\sim}$ 日 有司徹》侑席筵于西 令大 酒 $\overline{\sim}$ 射 記》「若有 有司徹》尸 此爲人布席 此爲人布席, 明。至于《公 《鄉射》遵者 此皆爲 儀》「若有東 亦皆南 臣 設 《鄉飲 公席 人布 面 諸 繒

東上北上可知矣。席,與《鄉飲酒》賓介之席位同。」則其爲

前。 致誤。 也。 席 《燕禮》、《大射》之有卿 由下 記,信傳 東方爲上,東鄉、西鄉,以北方爲上,說 文,遂爲此説,不 禮家見《士昏禮》有「筵于户 方爲上,席東鄉、西鄉,以 文,而疏以爲遵席西 故遵席 又案:《 「大夫升席 亦南面東上可知。 與《曲禮 《禮經》之例,席于人南鄉、北鄉,以 降 考《曲禮》:「席南 亦 固 鄉飲酒》、《 由 在 上,則大夫升由東方爲下, 不 由 賓東, 卿席 如信 東 正 方。」疏意以爲注既云升 相 知經所 經 反。 鄉 上者,亦因《曲 也。 經與注皆無西上之 射》 [《]曲 也。 南 謂 \wedge 鄉、北 南方爲上。」蓋 之有 鄉 禮》出諸 西上,指神席 面 卿 西,西上」之 射禮》注 東 席 鄉,以 上,則 遵,猶之 在 賓東 禮 儒 遵 西 所 丽 見

學者莫知適從矣。《曲禮》之文附會以就之,疏又因注而自為說以實之,以致禮之通例游移無定,而爲說以實之,故謂遵席爲西上也。夫注因

禮經釋例卷二終

禮經釋例卷三目録

飲食之例上

凡 主人進賓之酒謂之獻。

凡賓報主人之酒謂之酢。

凡 正獻既畢之酒謂之旅酬。 凡主人先飲,以勸賓之酒謂之酬。

凡旅酬既畢之酒謂之無算爵。

凡獻

酒皆有薦,禮盛者則設俎。

凡薦 脯 醢在升席先,設俎在升席後。

凡獻酒,禮盛者則啐酒,告旨。

凡獻酒,禮盛者受爵于席前,拜與卒爵于階上。

凡 啐 酒 于席末,告旨則降席拜。

凡禮盛者坐卒爵,禮殺者立卒爵。

凡賓告旨在卒爵前,于席西拜。

主人崇酒

在卒爵後,于階上拜。

凡酢如獻禮

,崇酒,不告旨,禮殺者,則以

人,禮殺者不拜告旨,又殺者,不酢主人。

凡獻酒,禮盛者受爵、告旨、卒爵皆拜,酢主

虚爵授之。

凡酬酒,先自飲,復酌,奠而不授,舉鱓、

媵

103

爵亦如之。

凡酬酒奠而不舉,禮殺者則用爲旅酬、無算

爵始。

凡酬酒不拜洗。

凡

獻工與笙于階上,獻獲者與釋獲者于堂

下,獻祝與佐食于室中。

共十八例。

禮 經 釋例卷三目録終

禮經釋例卷三

歙 淩 廷堪次仲學

飲食之例上

凡主人進賓之酒謂之獻。 席之《鄉飲酒》作「之席」。前,西北 詳見下例。《鄉射禮》「主人坐取爵,實之賓 寶」,注:「獻,進也,進酒于賓。」獻之儀節, 廷堪案: 此燕飲之始也。《鄉飲 注:「進于賓也。 主人坐取爵,實之賓之席前,西北 凡進物 日 獻。』《燕 面獻賓」, 酒 禮》、 面 禮 獻

《大射儀》主人酌

膳

,

筵前獻賓、《士虞》、

特牲饋食》、《少牢饋食》、《有司徹》主人

獻工,獻笙。《燕禮》升歌畢,「主人洗,升

《鄉射》無「于」字。 《鄉飲酒》、《鄉射》主人升實爵,「于西 《大射》作「酌膳」。 禮》、《大射儀》「主人盥,洗象觚,升實之, 席前,西南面獻介」。 之最尊者也。《鄉飲酒》「主人實爵介之 初 酒》升歌三終,「主人獻工」,笙奏三終, 庶子于阼階上」。又其次焉者也。《鄉飲 射儀》主人獻大夫,「獻士于西階上」,「獻 公,則先卿獻之」。 洗,升,實散,獻卿于西階上」。 「若有 徹》事尸以賓客之禮,非正祭時之獻尸。 三獻,即賓長。酌獻侑。此獻之次焉者也。 人實爵,席前獻大夫」。 主人獻之于西階上」。 獻 户、 主 婦 亞 東北面獻于公」,又「主人 上獻衆賓」。《燕禮》、《大 獻 尸、 《有司徹》主人、主婦 《鄉射》遵者入,「主 賓 《鄉射》合樂後 長三 大夫即遵者。 獻 此皆獻禮 尸 **,**《有 《燕 階 諸 司

四

者,司 者。 也。 《有司徹》獻内賓于房中,獻私人于阼階 獻工、《鄉射》次射飲不勝 獻工」,笙奏畢,「主人洗,升,獻笙于 酬、無算爵乃得與也。又《鄉飲酒· 時執事之大者,主人皆獻之,其餘至 賓,獻長兄弟、衆賓、衆兄弟、内兄弟; 食;《少牢》賓三獻,不獻佐食。 勝後,司馬正獻服不,即獲者。 階上」。《大射儀》升歌《鹿鳴》三終,主人 射》獻用觚,《大射》獻服不用散,禮殺故 上,皆執事之人,則其殺焉者也。 鄉 、射》記皆云「獻用爵」**,**而《燕禮》、《大 《士虞》、《特牲》、《少牢》獻祝 射獻釋獲者。《大射儀》次 《特牲》,祭畢 後,司馬 司射獻 射 蓋 記》、 及 飲 行 釋 獻 旅 及 禮 佐 西 獻 獲 不 獲

獻介、獻衆賓,及遵者人,公如賓,大夫如又案:主人獻賓,正禮也。《鄉飲酒》之

也。 兄弟及衆兄弟,獻内賓及私 者及釋獲者,祭禮之獻祝及佐食也,非賓 堂之禮,始以賓客事之,尸如賓,侑如 牲》、《少牢》之三獻,此室中事尸之禮,不 於賓者也。 射》之獻公卿、獻大夫、獻士及庶子,皆次 精密如此,學者審諸 主人正禮矣。 也、合樂畢、獻工及笙、猶之射禮之獻 與賓客同,唯《有司徹》之尸侑,乃儐尸于 公者,尊公,不使與賓同也。 介、《鄉射》之獻衆賓、獻遵、《燕禮》、《大 細按之,皆有條而 又《燕禮》、《大射》之主人獻 祭禮之獻賓及 不紊。聖人之心, 《士虞》、《特 衆賓,獻 人,亦此類

凡賓報主人之酒謂之酢。

畢,賓「實爵主人之席前,東南面酢主廷堪案:《鄉飲酒》、《鄉射禮》主人獻賓

饋食 授尸 獻、賓長三獻同。《特牲饋食禮》「祝 畢,「祝酌授尸,尸以醋主人」。 主婦 取爵 《有司徹》主人獻尸侑畢,尸降盥,升,「坐 畢,「祝 尸。主婦拜受爵,尸答拜」,又賓長獻 獻,「尸卒爵,酢」,注,「酢于賓也。」《少牢 又主婦獻尸畢、「酢、如主人儀」。又賓三 不洗,尸不親酌,尊尸也。 上」,此賓酢主人也。 獻賓畢, 婦獻尸侑,致爵主人畢,「尸降筵,受主婦 爵」,此正祭時,尸酢主人、主婦、賓長也。 人」,又主婦獻尸畢,祝「易爵,洗,酌,授 , 尸以 、禮》主人獻畢,「祝酌授尸,尸醋主 '酌」",注"「酌者,將酢主人。」又主 酌,授尸。 賓升 「酢,報。」《燕禮》、《大射》主)醋主 酌 人」,注:「醋,報 膳, 二 賓拜受爵。 《士虞禮》主人 以 酢 古文醋作酢。」 主 人于 也。 , 拜 獻 西 送 亞 酌 尸 P 階 人

于兩楹 儀同。 爵以 之」,不儐尸之禮同。 《特牲禮》主人獻賓 主飲 西階上」。 禮》主人獻大夫畢,大夫,遵也。「大夫授 酢于西階上」。自酢也,獻衆賓不酢。 酒禮》主人獻介畢 主婦、賓長 在酌致主人後。 人達其意。」《有司徹》獻長賓衆賓畢,「乃 注:「主人 **阼階下**]。 主人獻公畢,「洗,升,酌膳酒以降,酢于 人爵于兩楹間,復位。 降」, 酒故 之間。 《燕禮》酌膳,此酌散者,主于射不 注 此即《鄉飲酒》介酢主人之儀。 也。 亦是自酢。《大射》作「酌散」, 酌 也,此酢禮之盛者也 「尸降筵,受三獻 自 介西階上立。 此 將酢主婦。」又賓三獻 酢 ,「介揖 者,賓 此儐尸時,尸酢主人、 介遵及公酢主人也。 畢,「受爵,酌,酢」, 主人實爵,以酢 不 讓 敢 升,授主人爵 敵 主人實爵 爵 主 。《鄉飲 ,酌以酢 《燕禮 **《鄉** 射

升 爵 于主人畢,「受爵,酌,醋」; 又主人致 此 酒 與養時,亦禮之殺者。 于主婦畢,「主人更爵,酌,醋」; 酌自酢,序賓意,賓卑不敢酢。」此祭畢 内」,●以及不儐尸之致醋,則行於賓三獻 主人酳賽畢,「上賽洗爵,升酌,酢主人」, 少牢禮》「主人受上養爵、酌以醋于户 長 于主人主婦畢,「更爵,酢于主人」,,又 ,則不敢酢矣。 ,賓酢主人也,皆酢禮之殺 資。 主人酌,酢于長賓」,注:「主 又《特牲禮》主婦 者 又賓 也。 致 致 飲 人 爵 爵 下

凡主人先飲,以勸賓之酒謂 酢 廷 酒 用爵,唯賓、主人乃行之。《鄉飲 主人後,「主人實鱓酬賓」,注:「酬 堪 也 案: 酬之言周,忠信爲周。」疏 梱 禮 行 於賓酢主人後,用觶 之酬 云: 酒禮》賓 硱 勸 不

> 則 又主人獻卿後,再請二人媵爵,「公又行 又二人媵爵觚、爵、皆鱓也、散文則通。 也。 賓後,「主人洗觶,酌于西方之尊,西階前 此皆酬禮之殺者 此酬是卿舉旅之酒。若爲大夫、士舉 人,故公亦酬賓也。 是主人酬賓,此是公酬賓,宰夫代公爲主 爲主人,降於正主,故不曰 「主人實觶,酬之」,此主人酬賓之正禮 酒先飲乃酬賓。」《鄉射禮》賓酢主人後, 「公坐,取大夫 「升,媵觚于賓」,此媵 爵,若賓若長,唯公所酬」、《大射》作「賜」。 日 《燕禮》、《大射》主人自酢于公後, 賜,不曰酬。《大射》爲卿舉旅,亦作「賜」。 所媵觶,興 也。 此觶賓即用以旅酬 《特牲 觚,亦酬 以 酬 饋 門,而曰 酬賓」,媵觚 食 也。 禮 于公, 媵 宰夫 獻 旅, 觚。 衆

❶ 「醋」,清經解本同、《儀禮注疏》作「酢」。

面 酬賓」,此 觶 即 後賓旅酬之觶。

升。 北 徹》主人自酢于長賓後,「宰夫洗 主人受,酌,降酬長賓于西階南」,此 觶 <u>~</u> 有 以

觶即後無算爵之觶。此祭畢,飲酒之酬,

後,主人實爵酬尸,張氏爾岐曰,「《特牲》 亦禮之殺焉者也。又《有司徹》賓三獻尸

奠而不舉。」則正祭後,以賓客事尸之禮, 及下不儐尸,皆無酬尸之事。此特有之,

故獻酢之後,主人酬之如賓也。

又案:獻酒逮及賤者,如工、笙、獲者、釋

獲者、祝、佐食之類。 酢主人,唯賓、介及

賓。 意 遵者有之,酬酒,雖介遵亦無之,尊賓之 也。祭禮 若酬尸,亦唯主人而已。 ,尸酢主 人,而下及主婦、長 蓋酬禮 唯

祭之賓,則又酬之,上大夫儐尸之禮 尸如賓,獻 威威 助

儀多也。

凡正 獻既畢之酒謂之旅

廷堪案 :《鄉飲酒禮》合樂後,「主人曰

人命司正留之,將以旅酬也。 注,「爲賓欲去,留之。」此正獻禮成,賓欲去,主 請安于賓。」司正告于賓,賓禮辭,許」, 又云「賓北 面 坐 取

起旅酬也。凡旅酬者,少長以齒,終於沃 俎西之觶,阼階上北面酬主人」,注:「初

酒則旅酬,亦不與旅酬,所以 **盤者**,皆弟長而 無遺矣。」疏云:「不及獻 酬正獻 也。

又云"「鄭君連引無算爵與旅酬,而言終

于沃洗。 其實此時未及沃洗也。」按"俎

之觶,即前一人所舉之觶,其儀節詳見後例。 禮》射畢,「賓北 面 坐取 俎 西之觶,興、鄉 鄉 射

飲酒》無「興」字。作階 上北 面酬主人」,此《鄉

主人獻賓、獻公、酢酬禮成,公取大夫所 飲》、《鄉射》之旅 栖 也。 《燕禮》、《大射》

也。 于 媵 文也。「公坐取賓所媵鱓、《大射》作「觚」。興。 舉旅行酬,皆二大夫媵觶。此以賓媵觶者,禮以相變爲 媵 與《鄉飲》、《鄉射》不同,皆行于正獻之後 之旅酬 舉旅行 唯公所賜。 後,主人始獻士,獻畢,賓媵觶于公,前三次 夫舉旅行酬禮之三成也。 又舉奠觶,以 人獻大夫畢,升歌 初」,則爲卿舉旅行酬禮之再成也。 賓坐 觶 也。 解,「公又行一爵,以旅于西階 西 階 酬 又主人 取 也。 酬 賓後,「賓以旅酬《大射》作「旅大夫」。 上,則 特性饋食 觶 禮之終也。 ,此即主人酬賓之鱓。 《燕禮》、《大射》旅酬 受者如初受酬之禮」,則爲士 獻卿 旅于西階上,如初」,則 爲 ·或「獻孤」。 賓舉 禮 後、《大射》在射畢後。 ~ 賓 此《燕禮》、《大 旅 與兄弟辯 行 畢,二大夫 又徹俎安賓 酬 **阼階前** 禮 凡四次, 之 獻後, 又主 初 北 爲大 射》 成 如 再 面

> 是禮之大成,故云小成也」,考《有司 祭畢 酬 後,旅酬之前,疏説蓋誤。 無嗣舉奠之文、《特牲》有之,亦在加爵之 勤于尸侑。」疏云:「此論旅酬之事。」此 注:「三獻而禮小成,使二人舉爵,序殷 遂 司 疏又謂旅酬後仍有舉奠加爵等,終備,乃 執 徹》三獻禮成,二人舉觶于尸侑後,「尸 長兄弟」,疏云:「此論旅酬之事。」《有 飲 觶 酒之旅酬,亦行於正獻之後者也。 以 興,北 面于阼階上酬主人」,

考《燕禮》、《大射》,主人獻賓後,亦獻公, 而后 大夫舉旅 又案:《禮記 旅於賓」也 而后獻卿,卿舉旅行酬,而后 燕義》云爲君即爲賓,故上文亦云「君舉 獻庶子,即 行 酬,而 燕義》獻君,君舉旅行酬 據《禮經》之儀節 后獻士; 土 舉旅行酬 獻大夫; 而 言也。

凡旅酬既畢之酒謂之無算爵。

飲,爵 羞。 觶 廷 觶 畢,賓弟子及兄弟弟子舉觶後,「爵 正 此 疏云"「此對 也,爵行 主 説屨,升,坐。乃羞。 人以賓揖讓,説屨,乃升。 大夫及衆賓皆 鄉射禮》旅酬畢,使二人舉觶,徹俎 則 |人獻庶子後,「無算爵」,注:「算,數 堪 禮之無 酬賓之黨,唯己所欲,亦交錯以辯,無 」,注:「賓取觶酬兄弟之黨,長兄弟 徹俎,「説 無算 無 案: 次 無 無 **《鄉** 無數也。」《大射儀》同。 (算爵 ·爵」,注:「算,數也。 次無數、唯意所勸、醉而止。」 數,醉 飲 四舉旅 屨, 也。 酒 丽 揖 禮 《 特 性 影旅 讓 以前,皆有次有 止也。」儀節詳 無算爵」。 如 酬畢,使 初,升,坐。 饋 食 禮》旅 賓主 《燕禮》 此 二人 見下例。 皆 燕 主主 數, 舉 取 無 胐 燕 飲 乃

> 坐,脩 與也。 及獻 者,《 禮,次賓加爵後,「賓、兄弟交錯其酬,無 酬,皆遂及私 鄭注:「終遂 不廢夕。賓出,主人拜送,節文終遂焉。」 北上,不與。 祭畢飲酒之無算爵也,皆行於旅酬之後 算爵」,注:「此亦與儐同者,在此篇。」此 至賓一人舉爵于尸後,「賓及兄弟交錯其 勸之。」《有司徹》旅 次弟之數。 乙 酒 鄉飲酒 降 爵 <u>~</u> 故 《禮記 説 (無數。 屨 不 因 記》:「主人之贊者 無算爵,然後與。」謂贊者不 升 猶 與 • 人,爵無算」。又不賓尸之 今接會,使之交恩定好,優 鄉飲 充 飲 旅 坐 酒 者 酬,至無算爵 備 幡 酒 之節,朝不 也。」 畢,兄弟後 此謂 義》:「 孔 無 降 氏 算 廢 . 説 時 ₩ 正 生舉 爵之初 ·, 乃 朝, 屨,升 西 面

❶ 「充」,原誤作「克」,今據《禮記正義》改。

矣」。」然則飲酒之禮,至無算爵乃備,可數者,謂無算爵也。熊氏云『謂爵行無數也。以前皆立而行禮。」又云:「脩爵無

知矣。

獻者。 類也。 也。 注:「壹獻者,主人獻賓 賓之觶,即用爲無算爵發端,與《鄉飲》、《鄉射》不同。 先自飲訖,乃 之禮,主人獻賓,賓酢主人,主人將酬賓, 成。《特牲》、《少牢饋食》之禮獻尸,此 又案:《士冠禮》「乃醴賓以壹獻之禮」, 疏 舅姑共 謂《鄉 云「即燕」者、謂一獻之後即行旅酬也。 射》皆然,非獨《特性》、《少牢》獻 《特牲》酬賓之觶,即用爲旅酬發端,《有司徹 士禮一獻,卿、大夫三獻。」考一獻 獻、酢、酬,賓、主人各 饗 飲 酒》未 婦 以 酬賓,奠而不舉、《鄉飲》、 有燕,非也。 獻之禮 而 已,即 奠酬」,注: 兩 《士昏禮 燕 爵 無 而 賓 其 禮 弫

獻也。 《鄉射》大夫與士行禮、《燕禮》、《大射》君 卿,獻大夫,皆不酢,禮漸殺也。 禮》、《大射》主人獻賓,亦一獻禮成,獻 牲》則無之也。 獻,非一獻。《有司徹》償尸之禮,如《鄉飲酒》,《特 敷 ? 算爵 已不傳。 與臣行禮,膳宰爲主人,故皆用士禮,一 饋食》之禮獻尸,此其類也。」「尸」,當作 舉旅行酬爲燕,不知《鄉飲酒》之旅酬 行酬之事,非此經所有。」賈氏蓋誤以《燕禮》之 使人舉爵。」疏云:「案《燕禮》獻酬訖, 「賓」。 有人舉旅行酬。」張氏爾岐曰:「其燕更使人舉爵 「凡酬酒,皆奠于薦左,不舉。 亦 又《士冠禮》注云:「《特牲》、《少牢 獻尸皆主人初獻、主婦亞獻、賓三 又注云「卿、大夫三獻」者,其禮今 燕 《特牲》士禮,于尸乃三獻者,祭 也。 惟祭畢獻賓,乃一獻耳。 此經是饗 禮,或饗後 其燕,則 《鄉飲 亦 燕 燕 無 别 重

九二

則攝 《士冠禮》「歸賓俎」,注:「一獻之禮,有 傳:「醻,道飲也。」箋云:「主人既卒酢 乃薦羞。禮不下庶人,庶人依士禮,立賓 獻之」,箋云:「飲酒之禮,既奏酒 禮,故牲用狗。 勸酒。」據箋意,庶人之禮,亦一獻 爵,又酌自飲,卒爵,復酌進賓,猶今俗之 卒爵,洗而酌主人也。」又「酌言醻之」, 主爲酌名。」又「酌言酢之」,箋云:「賓既 體 醴,故下文引《内則》證之。 庶人之禮,其牲用兔歟? 亦不云何牲,唯《既夕禮》注「士腊用兔」 鄉飲》、《鄉射》、《燕禮》、《大射》皆行士 也。 有俎,其牲未聞。」薦,脯醢 盛 又醮用酒 故 也 \sim 此詩云「有兔斯首」,然則 詩 ,「三醮,有乾 • 然有獻酢酬,則當用酒 小 雅 注蓋疑冠禮醴賓用 瓠葉》「酌言 也,俎,牲 肉折俎」, 于賓 也。 币

> 又案: 醴 張氏爾岐曰:「「醴」,疑當作「禮」。 若用 幣」,注:「及,與也。 讓 迎,壻見主人、主婦畢,「主人請醴,及揖 此士與大夫之別也。《士昏・記》若不親 文。]又曰:「孔子曰:「誦詩三百,不足以 子其從之。」《禮器》:「一獻質,三獻 穆叔,且告之。穆叔曰:『趙孟欲一獻, 戒趙孟,禮終,趙孟 姑饗婦同也。 孫豹、曹大夫入于鄭,鄭伯兼享之。 一獻。」《有司徹》三獻,《鄉飲酒》一獻 ,則無酢酬。」竊謂經云「奠酬」,當與舅 人,醴以一獻之禮。主婦薦,奠酬, 《左傳》昭元年: 賦《瓠葉》。子皮遂戒 無幣,異於賓客。」 「夏四月,趙孟 子皮 無 叔

凡獻酒 廷堪案,《鄉飲酒》、《鄉射》主人獻寶,薦 !皆有! 薦,禮 盛 者 則設 俎

耳。

112

者、司 受者三人。每一人獻,則薦諸其席。 者,諸公如賓禮,大夫如介禮。《鄉射》司馬獻 笙,「辯有脯醢」,注:「薦之皆於其位。」 射》注少略。 賓辯有脯醢」。注:「亦每薦於其位,位在下。、《鄉 主人獻寶,「膳宰《大射》作「宰胥」。 正與射人于觶南,北面,東上,司正爲上。」疏云:「此不 言其數,又不言司 人、司士一人、執幂二人」,●《大射》:「乃薦司 笙,「辯有脯醢」,《大射》不獻笙。 主人獻士 脯 士長升,拜受觶。 胥薦脯醢」,主人獻工,「薦脯 鄉飲酒》主人獻介,「薦脯醢」。賓若有 」,主人獻卿,「薦脯醢」,主人獻大夫, 醢」, 主人獻衆賓,「衆賓之長,升 主人獻公,「士《大射》作「宰胥」。 `射獻釋獲者,皆薦「脯醢」。 主人獻工、「薦脯醢」、主人獻 土 與執幂。 乃薦司 文不具。」辯獻士。 正,與射 **薩」** 《燕 薦 獻 脯 獲 衆 拜 遵

> 卿無俎。 《大射》主人獻卿,「庶子設折俎」。《燕禮 凡 薦者,前主人獻尸已薦也,但設鉶加糗與腶脩,司士 《有司徹》主人獻尸,主婦自 禮 獻庶子,如獻士之禮,獻左右正與内小臣,如獻庶子之 乃薦· 人獻賓,「膳宰《大射》作「庶子」。 設折俎」,主 獻介,俱設折俎。《鄉射》獻賓同。 豕膋而已。 籩,主人獻侑,主婦薦豆籩,主婦獻尸侑,不 醢」。《特牲饋食》主人獻賓,「薦脯 人獻公,「膳宰《大射》作「庶子」。設折俎」。 宰夫有司薦」, ,唯在阼階上爲異。 獻酒皆有薦 士、祝史、小臣師亦就其位而薦之。 《特牲》主人獻賓,「設折俎」。 主人獻長賓,宰夫薦脯醢。 也。 《大射》司馬正獻服不, 司射獻釋 《鄉飲 酒》主人獻 獲者,「薦 東房薦 《燕禮》主 醢」。 《有 賓 是 豆 脯

❶ 「二」,原誤作「一」,今據《儀禮注疏》改

九

四

籩,司 設 侑 薦俎 也。 禮 賓設羊俎」,主婦受尸酢,「婦贊者 亦庶子設之。 射》獻服不及釋獲者,皆設折俎。 딝 如衆賓儀; 俎者,前賓酢時已具也。《燕禮》、《大射》 有司徹》主人受尸酢、「主婦薦豆籩、長 鄉飲酒》賓 薦俎設 俎也。 酢主人,無 ,「司馬設羊俎」; 主人獻長賓,司士設俎。 者,殺于尸也。 《特牲》、《有司徹》主人自酢于賓,無 》主人獻尸,「賓長設羊俎」, 獻 馬設羊俎」,酢所以答獻,故亦盛其 同 于其位」。 **《鄉** 内兄弟,如衆兄弟之儀。 也。《鄉飲酒》介酢主人,無薦 禮主於射,故 酢主人,「薦脯 薦 射》獻 俎 者,宰夫 獻長兄弟,如賓儀,衆兄弟 《特牲》主人獻衆賓, 獲者及釋獲者、《大 尸 侑豕俎,至主婦獻 亦 爲 醢 《 有 是禮 盛 主人,辟君 ,設折俎」。 其 司 服不之俎 豆盛者: 主人 徹》主 禮 薦 時 也 獻 則 豆 設

神,故盛其 間」。主婦、賓長獻祝、皆因主人之薦 脯 飲食之通例也。《士冠禮》 祝、「設菹醢、俎」,主人獻佐食,無薦 牢》,佐食皆有,俎則此亦當有之。《特牲》主人獻 設俎」,主人獻佐食,無薦俎。《特牲》、《少 也。至于《士虞禮》,主人獻祝,「薦菹醢 人 令芳」,注:「嘉,善也。 殺其禮,有俎 俎」;主人獻兩 記云:「佐· 惠,不同於飲酒,故禮雖殺,亦薦俎並 獻内賓、獻私 主人獻兄弟,「其 一。」《少牢》主人獻祝 `獻衆賓,「其薦脯 ,籩實;醢,豆實。 食俎: (禮,薦) 圃 人,「亦有薦脀」,祭畢行 無 佐食、「俎 觳折,脊,脅,膚 蔦 薦。 俎 醢 並 脅設于其位」; 主人 凡經所謂 與脅,設于其位」; 一萬 有; 且. 善 正 薦 醴 佐 設 兩豆,佐 祭之獻,亦 食 俎。 辭曰「嘉 于 薦 事 一,離 兩 蓋 脯 者 階 醢 薦 非 之 設 有 故 神 肺

凡 子。 薦 俎; 也。 俎 無 主人獻大夫,「乃薦脯 脯 北 廷 侑 折俎」。 宰胥」。 薦 俎 時,始載于羊 堪 醢 方,設折俎」。 脯 升筵自北 脯 設折俎」。 案 醢 賓酢主人,「薦 皆薦 有 乃乃 醢。 在 薦 介升席自北方,設折俎」。 《燕禮》主人獻賓,「膳宰《大射》作 司 升席 脯 薦 鄉 徹》主· 脯 方,司 俎 賓 升 席, 醢 脯 醢 飲酒》、《 先,設! 賓升筵。 《大射》主人獻卿、燕禮 在 醢 主 《鄉飲酒》主人獻 人獻侑,「主 馬設羊俎」,豕俎,至主婦 升 婦 席 俎 一受尸 卿 脯 醢。 自 鄉 在 先,設俎· 升席, 醢。 西 升席 , 酢,「婦 膳宰《大射》作「庶 射 大夫升席。設 方。 **>** 主人升席 婦 主 後 庶子 在升 人 薦 乃 《鄉 攢 介 獻 豆 設 設 者 席 籩。 射》 鄭 薦 自 薦 後 折 折

大夫禮 《有司徹》賓皆無席 《大射》賓未升堂之時,公已升就席,故主 五事。 籩。 也。 設凡五 豆籩。 于飲酒之例矣。 獻賓薦俎時,無升席 主人升筵自北 羞匕溍,司馬羞羊肉湇,次賓羞羊燔」,薦 人獻公,薦俎,皆在 匕湇,司馬羞羊肉湇,次賓羞燔」,薦設 飲酒,亦薦脯 ,升筵在設俎先,爲小異。又《燕禮 賓長設羊俎,尸 又《有司 二者皆同,唯尸升筵在設俎後,主 一》設正 主 事,主人受尸酢,「主婦 婦 升 饌 徹》主 醢 筵,司 方。 在 畢,賓始升席,則食禮 升 ,但有位而 升席後也。 長賓設羊俎 人獻 之文也。 席先,設 **海設** 升筵自 尸,「主 羊俎」,此 西 俎 至于《公食 已,故主人 《特牲》及 方。 在 薦豆籩。 ,次賓羞 婦 升 次賓 薦 席 祭 亦 畢 豆 後

九五

獻 廷堪 階上 作階 以 正立自定之貌。」立。 西階上疑注:「疑,讀爲「仡然從于趙盾」之仡。 上位 復西階上位也。又云「主人阼階上拜送 少退,於席前少退也。 降席拜,主人於阼階上答拜。 於階上少退也。至賓升席時,經云「主人 人少退」,此賓受爵之拜,在西階上,主人 復位」,此賓自西階上進至席前受爵, ,賓少退」,此主人席前授爵後,復阼 爵在賓席前也。又云「賓西階上拜,主 實之賓之席前,西北 東疑 也。 拜送爵,此拜即答賓受爵拜。 案:《鄉 至賓祭畢,啐酒、告旨後,賓告旨 立,此 飲酒禮》主人獻賓,升、「賓 時賓在席上,主人在 主人坐 經云「賓西階上北 又云「賓進受爵, 面獻賓」,是主人 取 爵,前降盥 賓少退,則 時 疑, 阼 階 所

階上。又云「介西階 《鄉射》同。又《鄉飲酒》主人獻介,「介西 興也。賓執爵,將以酢主人也。又云「主人阼 面 受爵,復西階上位 階上立。主人實爵介之席前,西南 肺,不啐酒,不告旨,下于賓。 立于西階東」,在介右少東。 授爵後,即于西階 又云「主人介右拜送爵,介少退」,此 退」,此介受爵之拜也,在西階上。 介」,是主人獻爵在介席前 階上答拜」,此答 爵興」,此因 卒爵後復 面 介進,北面受爵,復位」,此介進至席前 坐卒爵,興,坐奠爵,遂拜,執爵興」,此 坐 一,卒爵 興 拜而奠爵,既拜之後復執 也。 興」, 是賓 又云「坐奠爵 上拜送也。又云「主人 也。 賓 上 西階 介席東面,受爵則 坐卒爵 「自南 北 至介祭畢,不嚌 面 上卒爵 也。 拜,主 于 方降席,北 · , 遂 介席即在 西 拜也 之拜,執 階 又云 人人少 主人 面 北 面 爵 獻 西

也。 北 唯大夫席于尊東南 在 禮》無此三字,文不具也。 旨亦降席拜,主人西階上答拜。 獻賓,賓西階上拜,筵前受爵,反位。 射》主人獻賓,升,酌膳,公酒謂之膳。 在 爵 司 肺、啐酒、告旨者,賓之禮盛 射》宰夫爲主人,故殺于正 酒》獻介、《鄉射》獻大夫同。《燕禮》、《大 右 鄉射》主人獻大夫,與《鄉飲 西 徹》主人獻尸,「尸、侑升。主人 拜 面 賓右拜送爵」,至賓祭畢,啐酒,告旨,告 西 ,酌,獻尸」,亦在尸之席前獻也。 階 若獻卿則亦不啐酒,不告旨矣。 階 坐卒爵,興,坐奠爵,拜,執 也。 上 上也。 賓主 也,賓主人專階,介主人共階,禮殺也。 又云「主人介右答拜」,亦 人同 面 在 主人答拜」,亦于 [爲異。 西階上,與《鄉 然後「賓西階上 主 《燕禮》、《大 一于介與 \\酒 \\ 獻 也。 爵興、燕 「 筵 介同 坐取 亦 大 又云 ^ 有 嚌 飲 賓 主 前 夫

追。 祭畢 卒 即 也。 拜」,注:「答拜,拜于侑之右。」例與《鄉飲酒》 楹 西,北面拜受爵」,亦進至席前受爵,復 卒爵,執 東答拜。 也。 侑」,亦在侑之席前獻也。 又云 「侑西 酒》、《鄉射》獻賓同 主人北 介、《鄉射》獻大夫同也,此皆禮之盛者 云「主人東楹 户 爵, 拜送爵也。 西之位也。 北 然後「降筵自北方、北面 西楹西,即西階上。 若《 ,亦齊肺。 面 執 然後尸降筵,「北 面 鄉 拜受爵」,亦于 爵 于 飲 以 東,北 東 興,坐奠爵,拜,執爵 啐酒,告旨,尸降席拜,主人東楹 酒》、《鄉 至侑祭畢,不齊肺,不啐酒,不告 又云「主人在其 興, 楹 東答 坐奠爵,拜。 面拜 東楹 也。 射》獻衆賓以下, 拜」,例 東,即東階上。 ·送 西 面于 又主人「酌, 爵 楹 于西楹西,坐 」,此答尸拜 西 西 右答拜」, 拜 與《鄉 楹 主人答 也。 以 西,坐 至尸 興。 勮 西 楹 獻 飲 又

北面 此臣 公,「公拜受爵。主人降自西階,阼階 諸儀節矣。 司 亦于主人之北,西面答拜。 北,拜送爵」,,尸卒爵拜,主婦亦于主人之北,西面 主婦,主人之北、西面答拜」。 ·尸拜于筵上,受。 主婦西面于主人之席 燕禮》、《大射》獻大夫以下,《 徹》獻 ,故皆與獻酒之正例不同也 與君行禮也。 拜 主婦獻侑,「侑拜受爵。 送爵」。 長賓以下,則其 至于《燕禮》、《大射》主 公卒爵拜,主人亦于階下答拜。 《有司徹》主婦獻尸, 此婦人與男子行 禮 漸 侑卒爵拜,主婦 當亦于席上拜。 殺,不 特性》、《 能 禮 下 獻 備 有

凡 獻 味。」《燕禮》、《大射》主人獻賓,亦皆啐 廷 啐酒,告旨,疏 堪 酒,禮盛者則啐酒,告旨。 案:《鄉飲 酒》、《鄉射》主人獻賓,皆 云:「賓言旨,甘主 人、

之

《燕禮》、《大射》主人獻卿,亦皆不啐酒, 殺,亦所以辟主人也。 人獻尸時已啐酒告旨矣。 徹》主婦獻尸,尸不啐酒,不告旨者,則 人之崇酒,禮盛者皆有之。至于《有 不告旨,皆禮之殺者。 告旨,皆禮之盛者。 酒 不告旨。《有司徹》主人獻侑,亦不啐酒, 鄉射主人獻大夫,皆不啐酒,不告旨。 ,告旨。 \Rightarrow 有 司 微》主 《鄉飲酒》主人獻 蓋賓之告旨,猶主 人獻 且主婦之禮 尸 , 亦 啐 司

凡啐酒于席末,告旨則降席拜。 席末也。 獻尸,尸 賓,亦皆「席末坐啐酒」。《有司徹》,主 「席末坐啐酒」。《燕禮》、《大射》主人獻 廷堪案:《鄉飲酒》、《鄉射》主人獻賓,皆 亦「席末坐啐酒 《鄉飲酒義》曰:「啐酒,成 是啐酒 則

於

嚌肺 階 拜: 也。 禮》、《大射》主人獻賓,亦皆「降席,坐奠 拜告旨,執爵興,主人阼階上答拜。 酒 也。 唯 則降席拜 拜」,經不云降席者,文不具也。是告旨 爵,拜告旨,執爵 也,爲行禮也。」鄭氏注云:「祭薦、祭酒 告旨,執爵以興。 拜也。 上答拜也 賓與尸告旨之拜則降席,而主人亦于 》、《鄉射》主人獻賓,皆降席,坐奠爵, 《有司徹》主人獻尸,尸坐奠爵、「拜, 受爵送爵 於席末,言是席之正,非 於席中,唯啐酒於席末也。」《鄉飲 受爵、送爵、卒爵皆拜于階上, 也。 一拜也,告旨一拜也,卒爵 蓋 興,主人答拜」。 正 主人北面于東楹 獻之時,賓主人各三 專爲飲食 於賓右拜 東答 《燕

凡獻酒,禮盛者受爵、告旨、卒爵皆拜,酢主

人,禮殺者不拜告旨,又殺者,不酢主人。 《燕禮》、《大射》主 廷堪 主人獻大夫,獻士、士之長,獻工、工之 賓之長,獻工、工之長,獻笙、笙之長; 爵,如《鄉 獻衆賓、獻兄弟、獻内賓是也。不拜卒 人,如《鄉飲酒》、《鄉射》主人獻衆 非不酢主人也。主人獻長賓是 侑、尸酢主人,至再拜崇酒時,侑亦升,與尸皆答再拜 人獻介,《鄉射》主人獻大夫,《特牲 人獻尸是也。不拜告旨,如《鄉飲 酢主人,如《鄉飲酒》、《鄉射》主人獻賓; 士,《特牲》主人獻衆賓,《有司徹》主 食》主人獻賓、獻内賓;《有司徹》主人 鄉射》獻獲者、釋獲者、《燕禮》、《大射》 燕禮》、《大射》主人獻賓,《有司 案:獻酒,拜受爵,拜告旨,拜卒爵, 飲酒》、《鄉 人獻 射》主人獻衆賓、衆 卿、獻 也。不酢 大 (夫, 獻 徹 酒》主 賓 美主 人 獻 主 饋

賓;《有司徹》主人獻衆賓、衆賓長,獻兄可知也。司射獻釋獲者;《特牲》主人獻衆

弟、兄弟之長是也。不拜受爵,如《鄉飲

三人,衆賓獻則不拜受爵。獻衆工,獻衆笙,酒》、《鄉射》主人獻衆賓、衆賓之長,升拜受者

《燕禮》獻衆笙;《有司徹》主人獻衆賓,經《燕禮》、《大射》主人獻衆工,獻衆士;

拜。」獻衆兄弟是也。至于《燕禮》、《大射》云:「衆賓長升,拜受爵。」注:「言衆賓長拜,則其餘不

小臣,則如獻庶子之禮也。獻庶子、左右獻庶子,則如獻士之禮,獻左右正與内

正、内小臣

皆于阼階上,獻士則于西

階

內實。于房中則如獻衆兄弟之儀也。若賓儀,獻衆兄弟則如衆賓儀,獻内兄弟即上。《特牲》主人獻長兄弟于阼階上則如

是群私 長拜」。 弟不拜受爵之例不同也。 長答拜,與衆賓、衆工、衆笙、衆士、衆兄 私人于阼階上。拜于下,升受,主人答其 尸 酒是己物,非 燕 香,不崇酒者,辟主人也。又主人「獻 禮 *\ \!\ 人皆于階 又云「主人於其羣私人不答拜」, 大射》主人獻 -禮殺 下拜受爵,主人唯于其 也。 \sim 公, 有司 不 徹》主婦 告旨者

虚爵授之。 凡酢如獻禮,崇酒,不告旨,禮殺者,則以

席前 北 賓 **阼階上拜,賓少退。主人進受爵,復位。** 廷 實爵主人之席前,東南 方。 (西階 堪 案:《 適作階上,北 設 上 折 拜送爵,薦 鄉飲 ,俎,祭. 酒》、《鄉 面坐卒爵,興,坐奠爵, 如 脯 賓 (禮。 醢 面 射》賓 酢主人。主人 不告旨。 主人升席自 酢 主人, 自

酌

升, 奠爵于序端,阼 拜崇酒 坐奠爵,拜,執爵 爵以興」,至次賓 匕淯」後,主人「席末 西階上答拜」,《有司徹》主 遂拜,執 啐酒,不拜酒,不告旨。《大射》不云不告旨,文 不崇酒者,《燕禮》、《大射》賓酢主人,「 方,北面于阼階上,坐卒爵,執 人 膳,以酢主人于西階上。主人北 面 坐取 尸西楹 坐奠爵 而 于 ,賓主人之左拜送爵。 崇酒 。尸、侑皆答再拜」,是酢酒 ·西楹 爵 爵 興。 酌。 西,北 ,與獻禮異,餘皆同 西。 于 東序 階 賓 主人 主人北 以 羞 上 西 面答拜」,至「次賓 南。 興。 燔後,「主人降筵自 坐啐酒,亦不告旨。 北 階上 / 東楹 尸 西 面 侑升。 面于東楹 一答拜。 東,北 再拜崇 人受尸 主人坐祭,不 楹西答拜。 也 爵以 尸、侑皆 主人 ,酢,二 面 酒。 温東,再 唯 拜 面 亦 興, 羞 受 P 坐 升 有 執 賓

北

主

北

殺者。 位。 興。介答拜。 是也 不具也。 拜崇酒,大夫答拜」。 拜,大夫答拜。主人坐奠爵 坐祭,遂飲,卒爵,興,坐奠爵,遂拜,執 之酒是君酒,故不崇酒。注云「辟正 賓答拜。主人不崇酒」,此主人以宰夫爲 人同,皆以虚 主人,升,「大夫授主人爵于兩 右坐奠爵,遂拜,執爵興。 介西階上立。 介酢主人,升,「授主人爵于兩楹 右再拜崇酒。 復西階上位。 坐奠爵,拜,大夫答拜。 皆賓酌之以 遂卒爵,興,坐奠爵,拜,執爵 鄉飲 主人實爵,酢于 酒》注云「介不自酌,下賓。 爵授主人,不自酌,蓋禮之 主人坐奠爵于西楹 介答拜」。 主人實爵,以酢于 酢主人者。《鄉 與《鄉飲酒》介酢 **《鄉** 介答拜。 于西楹 坐祭,卒爵 射》大夫 ,西階 楹 一之間。 間, 南, 南,再 飲酒 西 主 君 興。 階 復 酢 介 人

席北 羊燔。 戸 卒爵。《大射》此下有「興,坐奠爵」四字,此文不具。 降,酢于阼階下,北面坐奠爵,再拜稽首, 敢因君之爵。」升,酌膳 物 酒 **畢,薦設凡三節,婦贊者薦豆籩、司馬設羊俎、次賓羞** 北面于侑東答拜。 臣 再拜稽首。公答再拜」、《大射》作「答拜」。 公答再拜。《大射》作「答拜」。 IE 答拜」,則男子與婦 席于房中,南面。 更爵,洗,疏云:「獻君自酢同用脈,必更之者,不 |與君 也。 者 例異。 酌。 ,立卒爵,執 賓主共之」是也。 主婦 《燕禮》、《大射》主人自酢于公, 行禮 主婦 至于《特牲》主人獻賓畢,「受 執 也。《有司徹》主婦受尸 出于房,西 爵以 爵 主婦立于席西」。 主婦人于房。司宫設 人行禮 出于房,西 拜。尸西 酒《大射》作「酌散」。 亦崇酒者,酒,己 面拜,受爵。 也。 主人坐 楹西、北 面于 皆與 一祭,遂 薦設 主 酢 酢, 以 尸 則 人 面

> 授之。 《有司徹》「主人酌,酢于長賓,西階 爵授賓者,尊賓,故盛其禮也 卒爵,拜。尸答拜」,亦尸親 三獻西楹 降筵,受三獻爵,三獻即賓也。 殺矣。又《有司徹》賓三獻,受尸酢,「尸 賓答拜。 祭,卒爵,拜。 爵,酌,酢, 奠爵,拜。賓答拜」,則皆祭畢飲酒 面,賓在左。主人坐奠爵,拜,執爵以興。 尸 坐祭,遂飲,卒爵,執 升筵,南面 西、北 奠 爵 賓答拜」。 面拜,受爵 拜。 l 答拜。 賓 答 獻 拜。 長兄 酌。 坐祭,遂飲 尸在 酌以酢之。 爵 弟 以 不以 其 主人坐 如 『,禮又 /興,坐 石以 上北 賓 虚

主人主婦,更爵酢于主人。《少牢饋 致爵于主人、受爵酌 又案:《特牲 婦,更爵酌醋; 人,主婦亞獻,尸酢主婦,賓三獻,主 饋食禮》主人初獻,尸 尸卒爵,酢賓; 醋;主人致爵 賓 酌 于主 醋 致 食 于 主

在卒爵後,于階上拜。 凡賓告旨在卒爵前,于席西拜。 主人崇酒

然後賓西階上北面坐卒爵。是賓告旨皆然後賓西階上北面坐卒爵。《燕禮》、《大射》主人獻賓,亦皆坐卒爵。《燕禮》、《大射》主人獻賓,亦皆坐卒爵。《燕禮》、《大射》主人獻賓,皆上北面建、「降席,席西也。」然後賓西階上北面

尸, 如 之,酒非己物,故其例異也。 拜崇酒」,是主人崇酒皆在卒爵後,於階 拜崇酒」。 降筵,北 獻尸,亦「席末坐啐酒,拜告旨」,然後「尸 者,所以申主人之敬也 卒爵拜後,不崇酒者,主人本宰夫代公爲 上拜也。 上,坐卒爵拜」,然後「北面于東楹 射》大夫酢主人,「坐祭,卒爵,拜」,然後 飲,卒爵」,然後「介右再拜崇酒」。《 上,北面坐卒爵拜」,然後「阼階上北 酒》、《鄉射》賓酢主人,皆「自席前適阼 在卒爵前,于席 主人受尸酢,「降筵自北方,北 「再拜崇酒」,亦在大夫右拜。《有司徹 飲酒之賓,故其例同 面于西楹西,坐卒爵」。 《燕禮》、《大射》賓酢主人,主人 《鄉飲酒》介酢主人,「坐祭,遂 西拜也。 《有司徹》主人 崇酒必再拜 也。 面于阼階 **儐**尸之 **《鄉** 一東,再 面 鄉 階 飲 再

凡禮盛者坐卒爵,禮殺者立卒爵。

主 主人, 主人自酢于公, 主人獻 人, 主人獻介,介酢主人。《鄉射禮 廷 禮盛者坐卒爵也。又《鄉飲酒》、《鄉射》 尸、獻侑、致爵于主人; 主人獻長賓,主 饋食禮》主人獻賓,主人自酢。《有司徹》 酢主人。《燕禮》、《大射》主人獻賓,賓酢 人獻賓,賓酢主人; 主人獻 司 饋食》主 夫、獻士; 人自酢于長賓,賓受尸酢,皆坐卒爵,是 大射》、《鄉射》獻獲者、釋獲者;《特 堪 一人獻 人獻尸、獻 徹》主人辯獻衆賓、獻兄弟、獻内賓 案:《鄉飲 衆 人 賓 獻庶子,如獻士之禮,左右正,内小臣 獻衆 ;《燕禮》、《大射》主人 侑,主人受尸酢,主婦 酒 賓 禮》主人獻賓,賓 衆兄弟,内兄弟同 遵,如賓禮。 卿。《特牲 太太大 酢 () 獻 牲 同 主 獻 有 遵 主

> 《鄉飲 酢,皆 《大射》主人酬 《特牲》、《少牢》獻祝與佐 皆坐祭遂飲。《燕禮》、《大射》二大夫媵 酬賓,皆坐祭 畢,姑酳,《特牲》、《少牢》餕畢,主人 坐也。《少牢》云,尸升筵,遂坐。 室中獻尸,不云坐卒爵者,蒙上文尸即 者,以其接神事尸,尊之,故盛 爵, 獻工, 坐卒爵者, 工不能備禮 與賓同也。《鄉飲酒》、《燕禮》獻 私人,皆坐 鄉飲酒》、《鄉 燕禮》、《大射》主人獻 坐卒爵者,以其尊者之餘也。 酒》、《鄉 祭立飲,是禮 遂飲。 射》一人舉觶、二人舉 賓;《有司 射》主人酬賓,《燕禮 此 公,立 酬 殺 徹》主 《士昏禮》婦 禮 食,皆坐卒爵 者 之盛 立卒 卒 一人酬 其 爵 笙,立卒 禮 者 爵 者 觶, 也。 也。 也。 也 酳 席 又

賓,坐祭卒觶,此旅酬之發端,禮亦盛

爵

,皆坐祭,遂卒鱓。

《特性饋

食》主人

卒爵 觶 則皆立飲矣。 坐 從此禮。」亦卒爵之例也。 注:「降殺各從其宜,●不使相錯 ,此又隆殺之義 |卒爵也。至於旅酬、無 者拜 既 爵,立卒爵 獻酢用 也。 爵,自 **《鄉** 者 算爵,其禮 飲 不 酬 酒 拜 以下皆用 唯 既 記》「坐 爵 殺

爵亦如之。 凡酬酒,先自飲,復酌,奠而不授。 舉鱓、媵

興。 廷 拜,主人少退,卒拜,進,坐 立,主人實鱓賓之席前,北 拜」,此主人先自飲也。 興,坐奠觶,遂拜,執 **觶酬賓,** 作階上北面 卒洗,揖讓升。 堪案: 賓西階上答拜,坐祭,遂飲,卒觶, **《鄉** 飲 酒》、《鄉 賓西 觶 坐奠觶,遂拜,執觶 階上疑立。 興。 又云「賓西 射》主 奠 面,賓西 賓 解于 西 人酬 階 主人實 薦 [階上 階 上 賓, 西 答

> 送爵」。 賓辭。 之例。 也。 《大射》作「西階」上三字。 説是也。 北面答拜,酬前賓皆無逆在席者。或言降筵,蓋誤。」 酒》、《大射》酬時皆主人西階上,坐奠爵,拜,賓西階士 是主人復酌,奠而不授也。 奠爵,當亦如《鄉飲酒》、《鄉射》奠而不授 此三字異也。 階上坐奠爵,拜賓。賓降筵,《燕禮》疏 射》主人酬賓,升,「酌散,此自飲,故酌散。 賓辭,坐取觶,復位。主人阼階上拜送」, 西階上拜。 「案賓前受獻訖,立于序内以來,未有升筵之事。 又云「主人酌膳,此將以酬賓,故酌膳。 卒爵,拜,賓答拜」,此主人先自飲 今以《大射》經文校之,則「賓降筵」三字當 疏謂主人不坐奠于薦西者,非也。 經但云賓受爵,不云主人授爵、 北面答拜。 受爵于筵前,反位。 蓋此節經文與《大射》同,唯 主人坐祭,遂飲, 《燕禮》、《大 主人拜 《鄉飲 賓 西

❶ 「降」,原誤作「隆」,今據《儀禮注疏》改'

也。 也。 興。 階 則酬酒之例,皆奠而不授可知也。又《鄉 位,答拜」。不云主人奠觶者,亦文不具 爵,拜。 興,賓答拜。降洗,升實觶,立于西階上, 坐 飲酒》、《鄉射》一人舉觶于賓,「實 飲,卒爵,拜。尸答 所」,此觶爲旅酬之始,故奠于其所。《鄉 人酬賓,自飲訖復酌,亦先奠觶于薦北, 上,皆坐奠觶,遂拜,執觶興。 二人舉 拜。 祭,遂飲,卒觶興,坐奠觶,遂拜,執觶 上坐奠觶,遂拜,執 司 又云「主人實觶,尸拜受爵。 主人酬賓亦然。 舉觶者西階上拜送,賓坐奠觶于其 徹》主人酬尸,「東楹 進,坐奠鱓 尸 西 觶 于 楹西,北 賓、介,洗,升實觶于 于薦西。 考《特牲饋食禮》主 拜」,此 解興,賓席 面 答拜。 東,北 賓辭,坐受以 主人先 賓、介席末 坐 末答拜。 主人 面 飲酒》 (觶, 西 西 自 坐 階 反 飲 遂 奠

奠而 拜,執 答拜。 降。 爲無算爵始。是舉觶之例,亦先自飲,復酌 皆復位,答拜。長皆奠觶于其所」。 者皆奠觶于薦右。 洗,各酌于其尊,復初位,長皆拜。 舉觶者祭,卒觶,拜,長皆答拜。 子各「舉觶于其長,奠觶拜,長皆答拜。 兄弟,如主人 皆奠于其所。《鄉射》二人舉觶于賓,與大 薦南奠之。介坐受以 進,薦西奠之,賓辭,坐 升實觶,皆立于西階 同。《特牲饋食禮》兄弟弟子「舉觶于長 人媵爵于公,「升自西階,序進,酌散,交 不授也。 賓、介奠于其所」。 觶興,賓、介席 皆坐祭,遂飲,卒觶興,坐奠觶 酬賓儀」,賓弟子及兄弟: 《燕禮》、《大射》下大夫二 長皆執 上,賓、介皆拜。 末答拜。 興。 此觶爲無算爵之始,故 取 輝以 以 退,皆拜送, 興,舉 興。 逆降,洗 舉 此二鱓 介則 耀 者 觶 舉 者 皆 弟 夫

于楹 獻卿 北 爵者洗象觶,升實之,序進,坐奠于薦南 再拜」。 執觶興,公答再拜。 獻士後,賓「媵觚于公,注"「此當言媵鱓,酬之 答再拜」。 于篚,阼階下皆再拜稽首,公答再拜。 觶,興,坐奠觶,再拜稽首,執觶興。 射》皆作「小臣正辭」。 升 爵 賓升,再拜稽首。 禮皆用觶。 由此誤爾。」酌散,下拜。公降一等,小臣辭。 士舉旅 ,再拜稽首。 上 酌膳,坐奠于薦南,降拜。 後媵爵亦同。 一,降,阼階下皆再拜稽首,送觶。 北。 ,以此 又云「若君命皆致,則序進 言觚者,字之誤也。古者鱓字或作角旁氏, 降,作階下皆奠輝,再拜稽首 爲賓舉旅,爲卿舉旅,即以此二觶發端。 觶 發端。 公答再拜。 賓升成拜,公答再拜」, 公答再拜。 爲大夫舉旅,以此觶發端。 是媵爵之例,亦先自 媵爵者皆坐祭,遂卒 賓降洗象輝, 小臣辭。《大 賓坐祭,卒 ~,奠觶 公答 公 媵

> 無算爵始。不云後生奠觶,皆文不具也。 展,❶舉觶者皆拜」,此輝,與前主人酬賓之輝,爲 要爾者東面答拜」,此二輝爲旅酬始。不云 臣,自飲畢,升酌,但云「長拜受于其位, 是,自飲畢,升酌,但云「尺侑皆拜受 于尸侑,自飲畢,升酌,但云「尺有皆拜受 一學觶者皆拜送」,此二輝爲旅酬始。不云 以,復酌,奠而不授也。至于《有司徹》主 飲,復酌,奠而不授也。至于《有司徹》主

爵始。 凡酬酒奠而不舉,禮殺者則用爲旅酬、無

算

觶于薦東」,注:「酬酒不舉,君子不盡人奠觶于薦西,主人拜送後,「賓北面坐奠廷堪案:《鄉飲酒》、《鄉射》主人酬賓,坐

❶ 「拜」,原誤作「升」,今據《儀禮注疏》改。

右也。 《大射》主人酬賓,拜送爵後,「賓升席, 南。 **賓,「奠觶于薦北。** 舉也。」《有司徹》主人酬尸,尸拜受爵,主 祭酒,遂奠于薦東」,注:「奠之者,酬 之歡,不竭人之忠, 别 司 後 坐奠爵于薦左」,此觶至旅酬後,與兄 酬賓,「賓拜受爵,主人拜送爵。 舉之觶,同爲旅酬發端。《有司 酒皆奠而不舉也。《特牲饋食禮》主人酬 人答拜後,「尸北面坐奠爵于薦左」,是酬 之飲酒。 徹 使二人舉觶于尸與侑爲之始,是士禮 生所舉之觶,同爲無算爵發端,皆祭畢 シ無 始 賓位東面 也。 此觶至嗣舉奠後,與兄弟弟子 算 是酬酒禮殺者,即用爲旅酬、無 爵 蓋 之禮 「薦北」 《特牲》旅酬之禮,同于《有 ,而《有司 賓坐取觶」,奠于薦 以全交也。」《 即 薦 左也,薦南 徹》 '徹》主人 賓西 旅 燕 酬 即 禮 則 弟 所 薦 不 面 坐

以證之,而不引《有司徹》也。故鄭注《中庸》「旅酬下爲上」,引《特牲》殺于大夫也。漢儒推士禮而致于天子,

凡酬酒

不拜洗。

也,拜告旨,三次也,拜卒爵,四 拜,三次也。 如 卒觶之拜,二次也;卒觶之後,主 次拜: 主人自實觶之拜,一次也, 主人自 酒 四 爵,二次也,拜卒爵,三次也,再拜崇酒 拜:拜洗在未酢之前,一次也,拜受爵送 禮殺者則不拜洗也。 未獻之前,一次也,拜受爵送爵,二次 廷堪案: 獻 次也。 ,雖是賓主人正禮,亦不拜洗,但有 禮,升不拜 禮 獻酒禮盛者共四次拜: 拜洗 酬酒奠而不舉,故亦 殺者則不拜洗 洗,至受爵送爵 酢酒禮盛者亦四次 也。 至 之時始 人 無卒觶 次也 降 于 酬 洗 在

然,蓋酬酒之禮又殺于獻酢矣。人酬賓,《有司徹》主人酬尸、主人酬賓皆禮》、《大射》主人酬賓,《特牲饋食禮》主拜也。《鄉飲酒》、《鄉射》主人酬賓,《燕拜也。《鄉飲酒》、《鄉射》主人酬賓,《燕

下,獻祝與佐食于室中。 凡獻工與笙于階上,獻獲者與釋獲者于堂

拜送爵」,公在阼階,故獻于西階上,與《鄉飲》、《鄉 是 獻工,「西階上拜送爵」,管《新宮》三終畢不獻 階上。 射》不同也。 廷堪案:《鄉飲酒禮》升歌畢,主人獻工, 上」。《燕禮》升歌畢,主人獻工,「西階 西階上」、《鄉射禮》合樂畢,主人獻工, 作階上拜送爵」,獻畢,「遂獻笙于西階 作階上拜送爵」。 **笙奏畢,「主人獻之于** 獻 工與笙于 《大射儀》歌《鹿鳴》三終畢,主人 笙奏畢,「主人洗,升,獻笙于 階 上也。 《鄉射禮》二次射 西 F.

> 獻上佐食,●「上佐食户内牖東北面 尸,致嘏畢,主人獻祝,設席南面,獻畢 如初。《少牢饋食禮》尸入十一飯,主人獻 人九飯,主人初獻,「筵祝南 獻獲者與釋獲者于堂下也。《士虞禮》尸 升實之,降,獻釋獲者于其位,少南」,是 西北三步,北面拜受爵」,又司射「洗觚 實 爵,此尊在堂下。 第二次射飲不勝者後,「司馬 降,獻釋獲者于其位,少南」。 獲者于侯」,又司射「洗爵,升實之,以 面」,主人獻祝畢,「酌獻佐食」,亞獻,三獻 饋食禮》尸入九飯,主人初獻,「筵祝 祝畢,「酌獻佐食」。亞獻,三獻,如初。 飲不勝者後,「司馬洗爵,升實之以 獻服不。 即獲者。 面」,主人獻 Ē 《大射儀 洗散,遂 《特牲 服不侯 、降,獻 拜, 南

0

[「]上佐食」,原脱,今據吕校補。

_ O

釋獲者有事于堂下,故獻于堂下。 者,統于工也。獻獲者及釋獲者,不用主 于階上, 笙有事于階下, 而皆獻于階 佐食有事于室中,故獻于室中。 工有 獻佐食。是獻祝與佐食于室中也。 人而用司馬、司射,各以其職也。 受爵」,下佐食亦如之。 主婦亞獻同,唯賓長不 獲者、 祝與 事 上

禮經 釋例卷三終

禮經釋例卷四

飲食之例中

人舉觶爲旅酬始,二人舉觶爲無算爵

始。

凡旅酬,不及獻酒者不與。

凡旅酬皆以尊酬卑,謂之旅酬下爲上

凡旅酬,不洗,不拜既爵。 凡旅酬皆拜,不祭,立飲。

凡無算爵,必先徹俎、降階。

凡無算爵,皆説屨升坐乃羞。

凡無算爵不拜,唯受爵於君者拜。

凡 無算爵,堂上、堂下執事者皆與。

> 凡君之酒曰膳,臣之酒曰散。 凡奠爵,將舉者于右,不舉者于左。

凡食禮,初食三飯,卒食九飯。

凡設饌以豆爲本。

凡正饌先設,用黍稷俎豆,加饌後設,用稻

粱庶羞。

凡初 食加饌之稻粱,則用正饌之俎

豆,卒

食正饌之黍稷,則用加饌之庶羞。

凡正饌醯醬大羹湇,加饌簠粱,皆公親設。

凡公親設之饌,必坐遷之,公親臨食,必辭

之。

凡食禮有豆無籩,飲酒之禮豆籩皆有。

凡燕禮使宰夫爲主人,食禮公自爲主人。 凡食賓以幣曰侑幣,飲賓以幣曰 酬 幣。

共二十例。

禮 經 釋 例卷 四 目録終

禮經釋例卷四

淩 廷堪 次仲

歙

飲食之例中

始。 凡一人舉觶 爲旅酬始,二人舉觶爲無算爵

廷堪案:《鄉飲酒禮》主人獻衆賓畢,「一 舉觶爲「旅酬」始也。至樂賓畢,立司正 曰舉也。」旅酬畢,「使二人舉觶于賓介」, 於沃盤者,謂 後,賓即取 人洗,升,舉觶于賓」,注:「一人,主人之 發酒端曰舉。」《鄉射》亦然。 此觶以 之旅 怬 翢 主人,少長以齒,終 ,故注云:「發酒端 此一人

亦二人舉觶

也。

皆與飲酒正禮同。

亦有

一人舉觶爲旅酬

始者、《燕禮》、《大射》主

人獻賓後

,使二大夫媵爵於公,公取 一

觶。 東階之尊。舉觶於其長,爲無算爵發端,是 《特牲饋食禮》之旅酬、無算爵,則祭畢之 與,謂之無算爵。此皆飲酒之正禮也。 受。」注:「長,衆賓長。」 爵行無算,執觶者皆 也。 舉觶於賓與大夫。 洗,各酌於其尊,賓弟子酌西階之尊,兄弟弟子酌 人舉觶也。 飲酒也。 注:「二人,亦主人之吏。」《鄉射》則使二 人舉觶于賓與大夫、《鄉飲酒》,若有大夫,則亦 |
解
以 **觶**,爲旅酬發端。是雖有二觶,實亦 至徹俎,説屨,升坐後,賓介即取此 至嗣舉奠後,兄弟弟子復舉東階 酬主人與衆賓、鄉射禮》:「大夫之解長 西階前之一觶,即主 旅酬畢,賓弟子及兄弟弟子 此二人舉觶爲「無算爵」始 人酬賓之 前

舉旅 夫旅 旅酬 主人 奏間 歌畢,公又行一爵,爲大夫舉旅行酬。 又使二大夫媵爵於公,公若命長 酬發端,皆二人舉觶,唯賓媵觚於公爲 人。然《燕禮》、《大射》爲賓、爲卿、爲大 人舉觶於尸侑,尸舉 人奠觶於前取 有司徹》旅酬,雖二人舉觶,所行者 有司徹》無算爵,賓所舉之一 觶也。 爲 쏌 太太出 賓之鱓,至 歌畢,立司正,《大射》立司正後,即行射禮 ,爲卿舉旅行酬。主人獻大夫後,升 酬, **,是祭畢儐尸之禮,上賓三獻後,**二 行酬,此飲 賓舉旅行酬。 亦有 雖二人媵爵,所行 後,賓媵 酬 旅 酒 人舉觶爲 賓之觶之空處。 之正 酬畢 觚於公,公舉之,爲士 主人獻卿或 一觶以酬 禮也。 ,兄弟之後生者 無 者 觶,即前主 算 《有司 主人,爲旅 實 獻 爵始者 致 公又行 , 則 孤 亦尸 徹 後 笙 西

觶

也。 算爵 舉 爵,賓及兄弟交錯 無算爵 至合樂後,《大射》則爲大夫舉旅 又案:《特牲饋食禮》主人酬 人酬賓西階 人酬賓之觶,主人酬賓之觶,奠而不舉。 士旅酬, 之下觶也 旅酬,此二大夫所媵 一次爲卿旅酬,此前二大夫所媵二觶 派禮 鄉射》旅 一大夫中一人所 階南之一觶,祭畢飲酒之禮殺故 解於長,與前主人酬賓之解,交錯 若《特牲》旅酬,賓酬 》、《大射》旅 則 是 則賓所媵之觶 用 二 酬 雖一人舉 三次爲大夫旅 祗 前之 人舉觶以 一次,用 媵於旅賓空處之觶 其酬 酬 觶 觶 (二) 輝 皆三次: ,所行者實二觶也 《有 ,亦即用主人酬 也。 發端,皆 人舉 長兄弟 酬,此 中之上 亦在射後也。 爲 賓節,「主人 **《鄉** 司 · 輝以 初 徹 小, 即 獻 禮盛 飲 不 次 觶 也 卿後 發端 酒 無 用 爲 也 爲無 用 也 賓 算 主 中 賓 主 故

洗 觶 酌 于 西 方之尊, 西 階 前 北 面 陋

賓

賓 在 左。 主人奠觶拜,賓 答 拜 主人 坐

祭,卒觶,拜,賓答拜。 主人洗觶,賓

主人對。卒洗,酌,西面。 賓北 面拜。主

主人 人奠觶于薦北。 答 拜。 賓奠觶 賓坐取 于薦 觶 南 還,東 揖,復 面 位。 拜,

戴氏 震 曰:「上經「賓北面拜,主人 奠 觶

拜 於薦北」,下云『主人答拜』,答賓北 也。 賓 坐 取 觶 還 東面』下,不得 面 之 有

賓取觶未奠,亦無持觶拜之理。 『拜』字 ·拜』字,故注但云 『還 東面 ,就其位」。 况

主人 不知 答 一 何 時誤 次拜 浴,宋 者,凡 本 拜皆 Ė)然矣。 北 面 無 戴 賓 説 兩 是 拜

之尊,阼階前 也。 考下文旅 ·酬,「兄弟弟子洗酌 於 主 東 方

弟 個 賓 北 儀」,疏 面 拜,弟子奠於薦 云:「如 北面 舉觶於長兄弟,如 主人酬 南、長兄弟 賓儀者,長 坐 取 兄

> 正同。 文推出 觶 本已有之,但賈氏 奠於薦 還 者。 則戴氏所謂「拜」字誤衍者,唐 北 西 揖 面 還 拜 復 西面 ,弟子北 位。」此 未 拜, 能 訂正 與上經還 是 面 賈 耳。 答 氏 拜 由 東 長 上 節 兄 面 初 拜 經 弟

尸侑之尸觶發端 之觶發端;《有司 端,無算爵 無算爵,亦士禮殺於大夫之義也。 觶發端,是《特牲》之旅 又案:《特性》旅 用賓弟 無 徹》旅 幡 子、兄弟弟子二人 用 主 算 酬 爵 酬 人酬 如《有司 用 用二人舉觶 主 賓 人酬 之 '徹 ||之 賓之 所 觶 鬼 發 於

凡旅酬

皆以

尊酬

卑,謂之旅

怬

下爲上。

廷 堪 案 《 鄉 射 禮 旅 栅 ,一司正 升 自 西

字,受酬 階,相旅,作受 某者,字 者曰 也。 某子。 某子 《酬者曰:某酬某子」,注 者, 旅 氏 膰 也。 下 爲上,尊之 稱 怬 者之

西

歡

獻

不

者

惟飲酒始有之。凡飲酒 爲上,故不言易而言更也。 酬,「更爵,洗」,疏: 主人獻之,酢亦 禮》、《大射》,宰夫爲主人,則用觚,下爵一等也。 次也,雖祭畢之飲酒 酢、有酬、有旅酬、有 則賓酬 之輝 也。 不與,至旅 、酢、酬所以 與,終於沃洗者,故曰 酬下爲上」之確 《春秋 卑,故曰 用 耀,唯 如《鄉飲酒》旅酬 主人,主人酬 ,此即一人所學之鱓,疏云: 酬、 主 「旅酬下爲上」也。 申敬,旅 曰:『字不若子。』、《燕禮 尊者與卑者之爵不言易者,旅 人 用 無 酬 爵 算 解也。 亦然。 賓而 無 鄭氏此注,即《中 介, ,禮盛者 爵 八酬、無 算 「賓北 所以 一爵,此 介酬衆賓,皆 른 之禮、有獻、有 則 獻酒 考旅酬之禮 凡 算 前 逮 則酢主 至 執 爵 賤 面 主人酬 一定之節 用爵《燕 於 獻 坐 所 事 也 旅 取 者 酒 以 賓奠 人。 膕 庸 酬 皆 》旅 俎 爲 蓋 無 賤 以 席。 若 正 升

尊酬

櫃

酒

也。

旅

同,唯無介,賓酬主 賓又以少長爲次序相 奠于篚。 賓酬主人之禮。 「辯,卒受者以 於主人之西。 拜,卒觶,不洗,實觶,東南面授主人。 遂拜,執觶與,主人答拜。 於薦東者不舉,故言俎西以别之。」作階上北 主人揖,復席」,此主人酬介也。又云「司 南方,立於主人之西,如賓酬主人之禮。 也。又云「主 人阼階上拜,賓少退。 主人受觶,賓拜 主人。主人降席,立於賓東。 介右,衆受酬者受自左,拜,興,飲」,皆 無大夫,則長受酬 相 司正退立於序端,東面 旅,曰:『某子受酬。』受酬者 司正降,復位」,此介酬衆 人西階 賓揖,復席」,此賓酬 人後,則主人酬大夫。 上酬 ,亦如之。 酬 也。 介。 不祭,立飲 **《鄉** 賓坐奠 受酬 介降 又「司 射 解降,坐 ())旅酬 賓 .席自 主 者 面 衆 降 主 自 送 如

六

子二, 觶。 成拜。 升 降,西階下再拜稽首。 陋 酬少者,故曰以尊酬卑。 其次長者,以 者,如酬衆賓,則先酬其最長者,最 以尊酬卑也。 亦較《鄉飲酒》爲詳。蓋賓尊于主 不易不洗。」「反升酌膳觶,下拜。 先後,亦是以尊酬 爵,降奠于篚,易觶 公坐奠觶,答再拜,執 辯,遂酬 尊於介、《鄉射》則大夫。 自 「坐,取大夫所媵觶,興以 西 賓下拜,小臣辭。 與 公坐奠觶,答再拜,執 階 在下者」,皆升受酬 鄉 相 次 飲 《鄉飲酒義》云「少長以 旅 酒》 而 作 卑 及 洗。 《燕禮》公爲賓舉旅 受酬 某 也。 最 公命 子 賓升, 觶 少。 經又曰:「公有命,則 長尊於少,今以長者 介尊於衆賓,是 者 受 興。 小 日 栅 雖以 於西 再拜稽首。 觶 臣 異。 凡旅酬,賓主 賓 酬賓。 興,立卒 一辭,賓 進 少 某 下階上, 受虚 長 又 怬 齒 升 酬 某 行

射》旅 階上。 之禮 注 旅行 夫舉 以 于篚」,此賓酬大夫諸大夫,兼三卿 受賓酬之禮,不祭。卒受者以 也。 之右坐奠觶,拜,執觶興,大夫答拜。 拜」,此公酬 酌 酬賓,是君臣禮,故公卒觶不實觶,但以虚爵授賓, 於西階上,亦以 也,則降更解洗。」「升實散。 坐祭,立飲,卒鱓,不拜」。 也。 爵之尊卑爲次序相 「公起,酬賓於西階,降尊以就卑也。」亦旅酬下爲 大夫拜受,賓拜送。 資酬 怬 旅 小 怬 射人作大夫,長升受旅 , 亦 行 ,臣辭。 主人,皆賓先卒觶 酬 大略 如 ,皆於西階上,如 賓 初。 也。 賓升,再拜稽 士之尊卑爲次序也。 相 大夫卒受者 同。 又云「賓 酬 然後實觶 《大射》: 方壺之酒爲散,非 大夫 也。 經又曰:「若 以 首。 初,爲 以 1,興以 辯 爲 虚 「興以 旅 授主人: 受 卿、 觶 而 公答 賓 怬 降 言。 酬 恓 大 爲 於 栅 士 賓。」 此 膳 如 賓 夫 再 舉 又 西 大 觶 公

上之義。 答拜。 爲左而北爲右。 弟,如主人酬賓儀」。此輝蓋兄弟弟子先奠於薦 兄弟弟子始於「阼階前北 畢,至長兄弟、衆賓長加爵,及嗣舉奠後, 南爲右。俟主人獻長兄弟、衆兄弟、内兄弟 於薦,南,籩豆之右也,賓位西階前東面,故北爲左而 賓之觶,奠於薦北,籩豆之左也。 以大夫酬 大夫爲之,然命之爲賓,則尊于卿矣。 兄弟拜受觶。 長兄弟,長兄弟在右。 賓奠觶拜,長兄 於是賓取主人酬賓之觶,「阼階前北面 南,長兄弟取之奠於薦北,長兄弟位阼階前西面,則 正禮之旅酬也。 以公酬賓,以 賓立卒觶,酌于其尊,東面 蓋公尊於賓,賓尊於卿大夫,賓雖 士,亦是以尊酬 此二 賓北 濱酬 《特牲饋食禮》主人酬 解皆旅 面答拜,揖,復位」,此 卿,以 卑也。 面 쪰 舉觶于長兄 卿大夫尊於 之發 卿 賓取之,奠 怬 此皆飲 <u>小</u>。 端 大夫, 也。 長 弟 酬 南

士。

酒

尸舉一 此尸酬、 在右。 酬賓。 酬卑也。《有司徹》旅酬,則賓三獻後,使 交錯以辯,皆如初儀」,此長兄弟酬衆賓 兄弟北面答拜,揖,復位。衆賓及衆兄弟 觶,酌于其尊,西面立。 賓酬長兄弟也。 飲酒,尸如賓,侑如介。 主人。主人拜受爵,尸拜送。尸就筵」, 飲,卒爵,不拜既爵。 二人舉觶於尸侑,「侑奠觶於右」。不舉, 長兄弟尊於衆兄弟,交錯以辯,亦是以 而相酬也。長兄弟又取弟子所舉之觶以 衆賓又酬衆兄弟,各以尊卑少長爲次序 面,衆賓長自左 觶,「北面于阼階上酬主人,主人 主人也。《有司徹》是祭畢儐尸之禮 如賓酬兄弟之儀,蓋賓尊於衆賓 坐奠爵,拜,主人答拜。不祭,立 一受旅 又云「長兄弟西階前 又云「主人以酬侑 酌,就于阼階上 受旅者拜受。長 如 初。 長 兄弟 于西 剪 北 如

一八

答拜。 復位 位。 之,如主人之禮」,此侑酬長賓也。 楹 於 以 此主人酬侑也。 注 非 此 於衆賓兄弟及私 主人,主人尊於侑,侑尊於長賓,長賓尊 拜受者升受,下飲,卒爵,升酌,以之其 上。 儐尸旅酬在堂上,與《特牲》異。 下爲上」以證之,而於《禮記 至于衆賓,遂及兄弟,亦如 皆祭 鄉 尊卑少長爲次序 西 旅 云:「旅酬下爲上者,謂《特牲饋食》之 射注已詳言其義,且引《中庸》「旅 恓 相酬辯」,此衆賓與兄弟及私 侑 不祭,立飲,卒爵 侑拜受,主人拜送。 畢 以 在 尊酬卑,即 飲酒之旅 左。 坐奠爵, 又云「乃升長 人,亦是 而相 酬 以 也。 下爲 不,不 酬 拜。 也。 以尊酬卑也。 比 拜既爵 上 中庸篇》復 主人復 之,皆飲于 執 遂及私 而 乎 賓。 蓋 爵興,侑 觀 戸尊 之,豈 又云 筵」, 侑 鄭 於 膰 쪰 氏

子」,唯 事也。 算爵。 賤者 凡執 禮 説。 性》賓弟子、兄弟弟子發端之文,以 爵然後與。 酬唯獻者得與,其餘執事之人,必至無 逮賤者,宗廟之中,以有事爲榮也。」蓋 益 考《禮經》,疏通 不與,故曰「以 下爲上也。爵至無算,則神惠均於在庭 書燕説 晦。 ,賓弟子、兄弟弟子,「弟子」,今本誤作「之 事者,以得與飲酒爲榮,不 ,使亦得 至《中庸章句 孔疏尚作「弟子」。 非謂 孔氏《正義》不知引《鄉射》注 ,無有能辨正者矣。 自是數百年來,踵譌 鄭氏欲明逮賤之義,故引《特 旅 以 有事爲榮」,非謂 酬,亦非謂 申 證 》<u>,</u> 因 其 明,但因文 敬也」二語,而 各舉觶 舊注 舉觶於其長 一復增 襲謬,不 於 面 舉 執 其 故 妄爲 一 解 爲 事者 長 ·啻郢 逮 括 鄭 博 也 夃 之 텕 爲 無 旅 有 算

又案"《有司徹》下大夫不儐尸之禮

酬。 者 謂 弟交錯其 堂下兄弟及 不儐尸未嘗無旅酬 但云無算爵,不復及其 考《鄉射》,詳言無算爵之禮、《鄉 也 賓、兄弟交錯),與上 ,謂旅酬也。云「無算爵」者,謂無算 無算爵也,此經云「賓兄弟交錯其 疏 説 經「爵無算」承上文而 酬 非 賓 也。 ,皆遂及私人,爵無算」,此專 行 其 上經儐尸之禮,「賓及 酬,無算 無算爵,似下大夫無 也 (儀節、 爵」,疏云:「此 亦此例,是 言者 飲 \酒 | 則 不 酬 同。 旅 爵 兄

凡旅酬,不及獻酒者不與。

者。 算爵 廷堪案:《鄉飲 之屬,佐助主人禮事,徹鼏,沃盥,設 面,北上,不與」,注:「贊,佐也。 與,及也。 ,然後與」, 不及謂不獻酒。」又云「無 酒 注 記》「主人之贊 燕乃及之。」是不及 謂 薦 主 者 俎 人 西

以觶 酒• 旅酬 在下 酬士」。又云「士旅 旅酬 受者以虚 旅酬,云「大夫辯受酬,如受賓酬之禮,卒 及衆賓以下也。 于篚」,注:「在下,謂賓黨也。」是旅酬 皆升,受酬于西階上。 爵之節。 齒,終於沃洗 賓酬主人,主人酬介, 獻酒者不與旅 士 祝史、小臣,旅食皆及焉。」 蓋 時,祝史、小臣 ,始云「大夫卒受者 者。』《鄉射》旅酬 降,坐奠于篚」,注:「辯,辯衆賓之 記》,證少 ,皆如初,並不及大夫以下。 考《鄉飲酒》旅酬,「辯,卒受者 **觶降,奠于篚」。 爲卿、爲大夫** 長 者 酬 《燕禮》、《大射》公爲 焉。 也。 以 師及旅食者皆與,故 齒,終於沃洗,是無算 于 《禮記 ,「辯,遂酬 孔 ·西階 卒受者以 介酬衆 穎 以 達 上,辯」, 爵興,西 亦引《 鄉 賓,少長 前主人 飲 解降,奠 在下者, 至爲 酒 階上 鄉 注 以

禮經釋例

衆兄弟交錯 禮 與 旅酬 位 拜受者升受,下飲,卒爵,升酌,以之其 弟,皆飲于上。注:「上,西階上。」遂及私人, 酬,尸主人侑相酬 賓、衆兄弟、内 賓、衆兄弟、内賓而止,故旅酬亦不及 婦及内賓宗 西 云 不 工、獻笙,爲樂 射》、《大射》獻 階 然 旅 》、《大射》獻工、獻笙;《大射》不獻笙。 與 射而獻 也 旅 亦辯及私人也。皆不及獻酒者,不 怬 相酬辯。」前主人獻酒,辯及私 觶,長兄 恓 ,與《鄉飲 《特牲 者 以 T,如《 婦亦旅」,前主人獻酒,至 非正獻之禮,故不 辯。 而 獲者、獻釋獲者是也。 弟 饋 獻 鄉 酒》記合也。 畢,「至于衆賓,遂及兄 以 食 旅 《特牲 ; 飲 禮》祭畢,飲酒 阼 下也。《有司 獻 階 酒》、《鄉射》、《 獲者 觶,並衆 記》又云「主 獻 亦有 與旅 釋獲 徹 人,故 酬 獻 賓 賓 **《鄉** 也。 旅 衆 衆 旅 燕 獻 而 及

内小臣,在爲士旅酬之後也。臣,亦不與旅酬者。獻庶子、獻左右正、臣,亦不與旅酬者。獻庶子、獻左右正、内小

凡旅酬皆拜,不祭,立

飲。

皆如 夫之右坐奠觶,拜,執觶 再拜」,又云「賓以 作「小臣正」。 酬亦同。《燕禮》公舉媵爵,爲賓旅酬 主人,主人酬大夫,大夫酬衆賓及衆賓相 飲」。主人酬介,介酬衆賓及衆賓相 觶,「遂拜,執觶興,主人答拜。 不祭, 廷堪案:《鄉飲酒》旅酬,賓酬 又云「大夫辯 賓降,西階下再拜稽首。公命小臣《大射》 賓酬主人之禮。《鄉射》旅 爲卿旅酬、爲大夫旅 辭,賓升成拜。 受酬 旅酬于西階上。賓大 如 受 興,大夫答拜」, 派酬、爲 賓 公坐奠鱓,答 酬之禮,不 主 一人,坐 酬 士族酬, 賓酬 酬 立

弟之儀」。 禮》祭畢,飲酒 皆如之。《大射》旅酬亦同。 祭,立飮」,,又云「主人以酬侑于西楹 階上酬主人,坐奠爵,拜,主人答拜。 受酬者,則不祭矣。 禮,且膳 拜,不祭,立飲也。 于衆賓,遂及兄弟,亦如之」。 坐奠爵,拜。侑答拜。 亦不祭也。 長兄弟答拜。 公爲賓旅 云「乃升長賓。侑酬之,如主人之禮。至 酒 《有司 酬,賓坐 也 又云「長兄弟酬賓,如賓酬 ,賓酬長 賓 故雖 徹》旅 立卒鱓」,經不云祭,是 祭立飲者,臣與君 至於《燕禮》、《大射》 旅酬亦祭,若大夫辯 兄弟、「賓奠鱓拜 不祭,立飲」,又 酬 ,尸「北 《 特 牲 是旅 面于 酬 饋 西, 不 阼 行 皆 兄 食

廷堪案:《鄉飲酒》旅酬,賓酬主人,「不凡旅酬,不洗,不拜既爵。

旅 降更觶洗」,非膳觶,則不 西階上、「立、卒觶、不拜。 禮》、《大射》公爲賓 席。若無大夫,則長受酬,亦如之」。 觶適西階上酬 人之西,北面 階上北面拜,賓少退。 主人進受觶,賓主 觶,不拜,不洗,實之,進東南 主人之禮。 拜,卒觶,不洗,實觶,東南 觶」,不云 食禮》旅 人之西,如賓酬主人之禮。主人揖 云「卒爵,不 有司 酬、 酬介、介酬衆賓及衆賓相 徹》旅 爲大夫旅 酬,賓 拜 《 鄉 拜 既 栅 拜送。 户 , 爵,亦 既 大夫。大夫降席 酬 射》旅酬,賓酬 酬、爲士旅 爵」,不云洗。 長兄弟,經云「賓立卒 煙 旅酬,賓以 賓揖 不云 主人,主人酬 ,就席。 洗 洗 若膳. 面授主人」,主 ·酬,皆. 酬,皆如之。 可 面。 則皆不洗 知。 旅大夫 主 《 特 文 丁 于 觶 主人 主人 如賓 有,皆 也 爲 牲 《燕 卿 于 主 俪 饋 則 就 以 阼 卒

與君 首。 膳 拜 小 取 之,則必洗,所以示新也。 不 有命,則不易不洗」矣。 鄉射》記皆云「凡旅不洗,不洗者不祭」。 也。 拜既 臣 大 觶,故易之,不敢襲君之爵也。 公坐奠觶,答拜」,此卒觶亦拜者,臣 夫 行禮,故于卒觶 正 所 又云「易觶,興 |《燕禮》作「小 爵 媵 可 爵 知 也。 以 酬 臣。 若《燕禮》、《大射》,公 賓,「公卒觶,賓下拜, 時先拜,然後公乃答 、洗」, 此酬 辭。 ~ 鄉 故下經云「公 賓升,再拜稽 飲 酒 「賓之觶 · 記 ※ 既 易 是

凡無算爵,必先徹俎、降階。

於序端。 升自 于 廷 司 堪案 Ē 賓。」賓 降 階前 階,受命于主人。 賓降席,北 解 鄉 以 飲 命 俎。主人 弟子 酒 禮 》二人舉觶 俟徹 面 俎 請 主人降席,作階 主人曰:『請 徹 司 俎,賓許 畢 正 升 司 了, 立 坐 正

阼階 序端。 北 子以 俎 皆降」。 以 席 授從者。 之降,遂立于階 取 自西階, 阼階上受命于主人, 適西階上, 諸公、大夫,則使 俎,還授弟子,弟子以降,介從之。 西階,階前 人,主人曰:『請 上 席 ,降自西階以 俎 面 降,賓從之。 北 還 上 請 降自西階。主人降 面 東、 賓降席,北 北 《鄉射禮》二人舉 坐 授司正。 主人 南 介降 面 一于賓。 命弟子俟徹俎。司 面 取 席 大夫降席, 東。 主人 西,東面 徹俎。」賓許。 濱 俎 人受俎,如賓 司正 賓辭 画。 西 取 還 主人降自作階, 取 階 俎 主人降席自南 以 授 以 俎,還授弟 上北 , 還 降自 席 自 弟子。 俎。 **觶畢,**「司正 司正 授司 阼 東 面 西階,賓從 正升,立 反 ·· 階。 禮。 司 南 以 正 弟 命 Œ 遵 面 俎出 子, 介 若 子 降 于 衆 者 西 司 賓 白 主 升 賓 有 取 弟 降 面

者也。 公許。 南。 立。 然。」卿大夫皆降,東面,北上」。《大射儀 階以東。 賓北面 階,東楹之東請徹俎,降,公許。告于賓, **阼階以東」,此皆徹俎于爲大夫旅酬之** 獨立于堂上,故降復位。」庶子正徹公俎,降自 階,東楹之東,北 射畢,爲大夫舉旅酬訖,「司馬正升自 上」,此皆徹 西階,遂出授從者。大夫從之降,立於賓 復位。疏云:「大夫雖無俎,以賓公卿皆送俎,不可 出,授從者于門外。《燕禮》卿無俎。 面取俎以出。諸公、卿取俎如賓禮,遂 大夫取俎,還授弟子。 衆賓皆降,立于大夫之南,少退,北 《燕禮》立司正訖,司正「升自 遂適西階上,北面告于賓。 取俎以出。 注:「膳宰降自阼階,以賓親徹,若君親徹 俎 于旅酬之後、無算爵之前 面告于公: 『請徹 膳宰徹公俎,降自阼 弟子以 大夫降 賓 降 俎。 北 西 西 自

坐行禮 旅以前 焉。張而不弛,弛 辭之者,不敢以禮殺當貴者。」疏云:「自 請坐者,將以賓燕也。俎者,肴之貴者。 俱成,酒清肴乾,賓主百拜,强有力猶 廷堪案:《鄉飲酒禮》將行無算爵,主人 如 請坐于賓。賓辭以俎」,注:「至此盛 初 如初,如一人舉 ,謂之殺。」至徹俎畢,「説屨,揖 立行禮,是盛,自此以 一解時。 而不張,非文武之道。 升,坐」,注:「説 後無算爵 讓 侏 一槽

凡無算爵,皆説屨升坐乃羞

屢者,爲安燕當坐也。必説于下者

屨

二四四

賤,不空居堂。説屨,主人先左,賓先右。

今文説爲稅。」疏云:「凡堂上行禮之法"立行禮

者,案《曲禮》云:「上於東階則先左足,上於西階則先不説屨,坐則説屨。」又云:「「説屨,主人先左,賓先右」

右足。」❶鄭注云:「近於相鄉敬也。」案《玉藥》著屨之

法,坐左納右,坐右納左。令説之亦北面鄉階,主人先

坐左,賓先坐右,亦取近於相鄉敬之義也。」「乃羞」,

設骨體,所以致敬也。今進羞,所以盡愛注:「羞,進也。 所進者,狗胾醢也。 鄉

也。敬之,愛之,所以厚賢也。」疏云"「骨體語一情」」

也。」「無算爵」,注:「算,數也。 賓主燕

貴,人不食,故云「致敬」,, 胾醢賤,人所食,故云「盡愛」

飲,爵行無數,醉而止也。」「無算樂」

也。《春秋》襄二十九年,吴公子札來聘,注:「燕樂亦無數,或間或合,盡歡而止

請觀

于周樂。此國君之無算。」是無算爵

乃安。 同。 皆説 畢,「主人以賓揖讓,説屨,乃升。 皆説屨,升就 衆賓皆説屨,升,坐。 《燕禮》徹俎畢,「賓反入,及卿大夫 屨 羞庶羞。 升, 坐, 席。 乃 大夫祭薦。此先獻大夫所 公以賓及卿大夫皆坐, 羞 乃羞」,與《鄉飲酒 也 0 鄉 射 禮 大夫及 **>** 徹 俎

興,對曰:『諾。敢不醉!』皆反坐」,《大命,皆命:『君曰無不醉。』 賓及卿大夫皆

薦,注:「燕乃祭薦,不敢於盛成禮也。」司 正升受

射儀》徹俎畢,「賓、諸公、卿皆入門,東

面,北上。司正升賓。賓、諸公、卿、大夫

坐,乃安。羞庶羞。大夫祭薦。司正升皆説屨,升就席。公以賓及卿、大夫皆

公、卿、大夫皆興,對曰:『諾,敢不醉!』受命,皆命。 公曰:『衆無不醉。』賓及諸

❶ 「左」、「右」二字,原誤倒,今據《禮記正義》改。

異也。 户外。 卑在室,則尊者説 行 同。 皆反位坐」,是《燕禮》、《大射》無算爵,説 算爵、《燕禮》、《大射》升坐後先獻士,始 屨,升,坐,乃羞,亦與《鄉飲酒 已羞也。 酒,禮殺故也。不云「乃羞」者,前旅 階下行之,故無 明公舄在堂矣。」亦與《鄉飲酒》、《鄉射》 射》臣皆説屨於階下。 在堂,其餘説屢於堂下,是以《燕禮》、《大 升坐」,但於是時 無 於堂上,然 無算 唯《鄉 算爵爲異耳。 若尊卑在堂,則 至於《特牲饋食禮》無算爵,本于 爵, 飲 有司 雖 酒 亦祭畢飲酒,故不云「説 有 、《鄉 徹》儐尸之禮無算 説 堂 羞 屨 屨 又《鄉射》疏云:「 庶羞 上堂下之分,而 在户内,其餘 升坐之文,祭畢 射》升 公不見説屨之文, 亦尊者一人説 加 릳 坐 後 》、《鄉射 其於《 説屨 即 爵 其 舾 行 特 飲 屨 於 尊 爲 屨 雖 時 無

自酢後,亦與《特牲》異也。 禮殺則一也。不儐尸之禮,羞庶羞在

賓

凡無算爵不拜,唯受爵於君 爵。 廷堪 受,而錯,皆不拜。 觶 拜既爵。 飲 旅,當執觶也。 人,謂曏者二人也。使之升,立於西階上。 **觶飲,卒觶,不拜**。 行禮,禮殺,故不拜。 是立行禮。 下者于西階上。 燕禮》、《大射》爲大夫舉旅 卒解 ,遂實之。 使二人舉觶。 案: 此坐 ,以實之。 《 鄉 于席,禮 卒觶者固不拜矣,著之者,嫌坐卒爵者 禮盛,故 賓觶 飲 酒 長受酬,酬者不 以之主人,大夫之觶長 既 ***** 辯,卒受者興,以 受酬者不拜受,辯旅 即前二人所舉之解,注: 賓與大夫不興,取 殺,不復崇。」執 拜 考《鄉射禮》「無 鄉 至 2者拜。 射》旅 無 算 行 酬 爵 賓與大夫將 酬 以 時 觶者 ·拜,乃 以 前 旅 則 前, 在 受 奠 算 坐

者皆與

不 拜 執 觶 旅 卒受者以 虚 觶

降,奠于篚。 執 解者洗,升實觶,反奠于

賓與大夫。注:「復奠之者,燕以飲酒爲歡,醉乃

止,主人之意也。」無算樂」。 是無算爵皆不拜

也。 以《鄉射》推之,則《鄉飲酒 **※**無 算

是賓 《與介取奠鱓,餘當與《鄉射》儀

經不云者,文不具也。《燕禮》、《大射》無

算爵.

,「卒受爵

者興,以

酬士于西階上。

爵。 士升。大夫不拜乃飲,實爵。 大夫就席。 士旅 酌,亦如之」,又云 士不拜,受

「士終旅於上,如初。 無算 樂」。 是《 燕

禮》、《大射》無 算爵 亦 不 拜也。 《特牲 饋

食禮》賓弟子及兄弟弟子各舉觶於其長, 長皆奠觶於其所,皆揖其弟子,弟子皆

弟之黨,長 復其位。 爵皆無 兄弟 取觶 算」,注:「賓取 酬賓之黨,唯 觶 舾 己 所 兄

欲,亦交錯以辯,無次第之數。』《有司徹》

交錯其酬,無算爵」。經雖不云不拜, **賓尸之禮,「賓及兄** 私人,爵無算」,,不賓尸之禮,「賓、兄弟 弟交 錯 其 酬 ,皆遂 進 及

以飲酒 君者始拜。《燕禮》、《大射》「無算爵。 正禮,則皆不拜可知 也,唯受爵

於

酌以進公,公不拜,受」,是酌 也,有執膳爵者,有執散爵者。 膳進公,公 執膳爵者 士

同。

賜。 不拜也。又云「執散爵者酌以之公,命所 所賜者興,受爵,降席下,奠爵,再拜

稽首。不降階拜者,禮殺也。公答拜。受賜 爵

者以爵就席坐、公卒爵、然後飲。 執膳 爵

者受公爵,酌,反奠之。 爵」字。興,授執散爵者、《燕禮》無「者」字。 受賜爵者《大射》無 執

散爵者乃酌行之。唯受爵《大射》無「爵」字。

於公者拜」。 則已殺於旅酬之禮矣。 然亦降席拜,而不 《鄉 射》無 降 算 階 拜,

受酬者不拜受」,注:「禮殺,雖受尊者

皆辟。 階拜。 正。 之酬,猶不拜。」而《燕禮》、《大射》受君之 有終也。 東上,再拜稽首。公命小臣《大射》作「小臣 酬則拜者,君尊異於常人也。又《燕禮》、 命徹幂之拜,而非無算爵之拜,此拜亦降 「賓及諸公」四字。 大射》「公有命徹幂,則賓及諸公《燕禮》無 辭。公答再拜。《大射》無「再」字。 公雖命小臣辭,而不升成拜,示禮 遂升,反坐」。《大射》作「反位」。 注:「升不成拜,於將醉正臣禮。」 卿大夫皆降,西階下北 此 囬 則 夫

酬,此旅酬即指無算爵。不以己尊孤人也。● 致而酬主人之贊者,大夫之末,飲而酬 致而酬主人之贊者,大夫之末,飲而酬 廷堪案:《鄉射禮》無算爵,「卒受者興, 凡無算爵,堂上、堂下執事者皆與。

> 食・記》「宗人、獻與旅齒於衆賓。 佐食 散爵者,亦皆與於無算爵也。《特牲 佐助主人禮事、徹鼏、沃盥、設薦俎者。」 是也。注云:「贊,佐也。 贊者西面,北上,不與。 注:「嫌已飲不復飲也。 皆大夫,則先酬賓黨而已。 其末若皆衆賓,則先酬主人之贊者,若 爵 此推之,則《燕禮》、《大射》執膳爵者,執 蓋據《鄉飲酒義》終於沃洗者言之也。 非逮下之惠也。亦自以齒與於旅也。」主 於旅齒於兄弟」。 人之贊者,即《鄉飲酒·記》所謂「主人之 上辯,降復位。」又云「執觶者皆與旅」, 無 算」,是祭畢飲酒,堂上、堂下執事 《有司徹》「遂及私人, 無算爵,然後與」 上使之勸人耳, 謂主人之屬 執觶者酌,在 以

「孤」,原誤作「於」,今據《儀禮注疏》改。

事爲榮。」亦謂宗廟之中,堂上堂下,雖執 也。 也」,鄭注謂:「逮賤者,宗廟之中,以 事之賤者,亦得以與於無算爵爲榮也。」 皆 中庸》云「旅 得 與 於 無 算 膕 爵 下爲 與 飲 上, 酒 所 之正 以 逮 禮 有 鼷 同

凡 薦西 奠爵,將舉者於右,不舉者於左。 祭俎 妨。」又云「將舉者於右」,注:「便 廷堪案:《鄉飲酒•記》、《鄉射 賓舉也。 主人酬賓,「坐奠觶於薦西」,凡獻酢之爵 也。」注謂「不飲」,即不舉也。《鄉飲 云「凡奠者於左」,注:「不飲者,不欲 鄉射》主人獻賓,賓祭 授受,酬酒之觶則奠之,奠於薦右,欲 而奠爵,故奠于薦右,爲將卒爵也。 」,賓席南 又云「賓北面坐,奠鱓於薦東」, 面 薦 西 即 脯 薦 醢 畢,「奠爵 右 也。 • 記 此因 其 酒 舉 於 其 皆

旅酬 奠於薦右者,亦示將 受以興。退,皆拜送,降。 唯賓。」蓋亦一人舉觶也。 記‧鄉飲酒義》作「僎」。《鄉射》又云:「若無大夫,則 《鄉射》無介,則二人舉觶於賓與大夫,大夫即遵者,《禮 取此觶以酬主人,以其將舉,故且奠之於 受以興。 即 東南面,則皆 所。」介席西階上東面,以 辭,坐取 右也。」二人舉觶於賓介,爲無算爵始 薦西者,疏云:「待作樂後立 於其所」,注:「所,薦西也。」賓仍奠觶 之歡,不竭人之忠,以全交也。」一人舉解於賓,爲 薦南奠之」。 薦 左。 始。 示不舉 觶 舉觶者西階上拜送,賓坐奠 「進,坐奠觶 以 興。 以 若《鄉 也。 薦 介則 西 注: 「皆進、薦西奠之、賓 、射》之大夫, 席於賓 舉 爲 於薦西。 酬酒 也 薦 薦右也。 南奠之。 賓、介奠於其 南爲右,故云 不舉,君子不 \sim 司 燕禮》、《大 賓辭,坐 正 賓 一賓乃 介坐 介仍 盡 于 觶 人

左也。 端 端,主人獻卿之後,二大夫又媵爵於公, 人獻 爲卿舉旅發端; 酬賓後,二大夫 射》同。 東」,酬 射》主人獻賓,賓將 禮》祭畢,主人獻賓酌酢之後,主人酬賓 則薦南爲薦左。此媵爵將舉 而 取 左,薦南爲右。 奠觶於薦北 石」,爲將卒爵 ,皆云「奠於薦南 以 栖 注云:「不敢 士之後,賓 酒不 長兄弟,爲旅酬之始,是將舉之觶 亦有將舉奠於左者,《燕禮》主 是皆將舉者奠於右,不舉者奠於 だ左者。 賓位 舉也。 也, 此一 媵 爲大夫舉旅,亦舉此媵爵。 媵爵於公,爲賓舉旅 注 必君舉也。』《特牲 西階前東面,則薦北 觚 主人酬賓,賓「奠於薦 祭俎,亦先奠之於「薦 물 0 皆與《鄉飲酒》、《鄉 **觶、嗣舉奠之後,賓** 於公,爲士舉旅 公席阼階上西鄉, 「行神惠,不 而奠於薦左 饋 可 發 發 主 同 爲

注 長 舉觶者徑奠於薦右,其儀 取觶奠於薦右者,示將 於公、奠於薦左之意,不敢 也 西 既 於飲 無算爵,故其儀繁。 奠於薦左者,當亦如《燕禮》二大夫 爵發端,則舉觶者皆奠 弟子,兄弟弟子,各舉觶於其長,爲無 長兄弟,如主人酬賓儀」,此 子洗酌於東方之尊,阼階 面 於薦右非神惠也。」竊謂 一,亦爲 階 皆奠觶於其所 ,則以薦南爲左,薦北 以 以 酒 行 示 **觶也,爲旅酬發端。** 將 也。」賓取 神 旅 惠、非 舉,亦質 酬 發端。 "; 可 神 此 文 **觶**奠於薦南者 惠 見蓋: 無 長兄弟 相 解 算 舉 解 變 之, 爲 皆 簡 爵 旅酬之鱓,主人 之義 也。 于 石矣。 前北 必賓舉也 下文「兄弟弟 以 也。 輕於旅酬 似 薦右。 位 舉 相變爲禮 與 旅 阼 阼 面 也。 觀下文, 禮 酬 階 階 舉 至於賓 即 媵 ·鱓 于 重 注: 前 此 薦 不 爵 算 觶 右 於 西 舉

三〇

合。 解酬 端,是將舉之觶 旅酬 堂下,「賓西 三獻 非。 觶於右」。 示猶 又二人舉觶於尸侑,爲 奠之於薦左,注「神惠變於常」是也。 左,儐尸如飲酒 人受尸酢,將舉者奠於左,則主人獻尸, 北 ,正爵則更無確見矣。 疏所謂神惠「均於室中」,神惠 於下,故侑 唯《有司徹》主人受尸酢,將祭俎,先 舉 後,與兄弟之長交酬,爲無 面 也。 坐 蓋雖舉尸侑二觶,實止用尸一 奠爵 面坐奠爵于薦左」。 注以 之例 于薦 此 而奠於薦左者,相變也。 爲「神惠 觶 《有司徹》主人酬尸 也。 左, 雖 旅酬 不舉,亦奠於右 主人酬 此 右,不舉」,恐 「均於在庭」, 發端,「侑奠 不 舉 此觶 - 者奠 鋽 長 爵 賓 牽人 於 至 於

禮》賓 又案: 醴不卒爵,故皆奠於薦左。 醴冠者 「冠者奠觶于薦東」,注: 《士冠

將舉者亦奠於左矣。

《士冠禮》醮用酒,「冠者奠爵于薦東」,此 注云「不啐」,蓋傳 《士昏》皆啐醴,此經上文亦云「坐啐禮 注:「糟醴不啐。」考禮之通例,《士冠》、 《聘禮》主君禮聘賓,賓「北面奠于薦東」, 者,「賓即使者。 者於左。」體子之席,筵於户西,南 爵 禮雖用 卒爵」,則與奠于薦 注以薦東爲薦 醴婦,「奠于薦東」,婦席户牖 南面,故注以薦左爲籩豆之東也。 薦左,籩豆之東。」薦即籩豆也。 薦東,薦左。 ··, 與 、醴同,異於飲 酒 不用 左也。 凡奠爵,將舉者於右,不 醴,亦但 即筵,奠于薦左」,●注 寫之誤,當作「糟醴 酒 東經文相應 《士昏禮》女父醴使 Œ |啐酒 禮,故亦奠于薦 而 淵間南 릲 也。 賓席 面也。 面, 舅姑 不卒 又 不 亦 故 舉

⁰ 「奠」上,原衍「坐」字,今據《儀禮注疏》刪

凡君之酒曰膳,臣之酒曰散。 方壺之酒,臣之酒也。瓦大、《大射》作「甒」。 宰夫代君爲主人也, 主人獻卿,升酌 膳者,尊賓也;賓酢主人,亦升酌膳者 也。考《燕禮》、《大射》,主人獻賓,升酌 酌以進公,公不拜,受。 執散爵者酌以之 也,有執膳爵者、有執散爵者。 惟《燕禮》、《大射》有之,故無算爵時,「 廷堪案:膳謂瓦大之酒,公之酒也,散謂 也 屬,皆酌散可知。經不云酌散者,文不具 士、獻庶子、獻工、獻笙《大射》不獻笙。 者,辟賓也,獻卿既酌散,則 共之也, 禮殺者酌散酒, 示臣 公,●命所賜」。蓋禮盛者酌膳酒,明君 主人獻公、「盥洗象觚、升實之、東北 獻大夫、獻 不敢並 執膳 爵 散 君 者 臣 士

> 《大射》主人自酢于公,酌散者,《大射》主 畢,復「洗象觶,升實之」者,唯公所賜也。 者、《燕禮》主於飲酒,故酌君之酒也。 故禮殺也。 《燕禮》主人自酢于公,酌膳 人媵爵同也。 此觶爲士舉旅行酬之始。 于公,先酌散,自飲畢,復洗象觶酌膳者 夫者,非君賜,不敢酌君之酒也。 酌膳者,承君賜也。 公爲賓舉旅,卒爵後,以虛爵授賓,賓仍 膳酒也。 於射,故不敢飲君之酒也。又《大射》飲 人媵爵于公,先酌散者,亦自飲也。 自飲畢,復酌膳酬賓者,代君行 面獻于公」,經既云「象觚」,則所酌者亦 主人酬賓,先 立司正 賓卒鱓後,實散酬 ,酌散者,司正卑, 酌散者,自飲也 故其禮與前二 禮也。 賓媵 自飲 觚 大

0

禮經釋例卷四

原誤作「膳」,今據唐石經改

也。 禮 師 不 尊以就卑也。 膳爵」。 沙。一士旅食者,則兩 服不及釋獲者,皆兩 則賓如媵觶之禮,復多飲一夾爵也。 飲,謂之夾爵。 復酌膳。俟公卒爵後,侍射者又酌散自 燕禮》記若與 洗 殺 勝者 也。 若飲公,則侍射者先酌散,自飲訖 升實觶,經不云酌散,則 異國之臣,不同於己之臣,故降 勝者之弟子,洗觶升酌 若賓諸公卿大夫不 四方之 蓋侍射者,賓也,公不勝, 圜 壺 壺 賓 獻酒、注:「獻,讀爲 ,亦散酒之屬 燕,「無膳尊,無 亦酌 勝 ~,則僕 散者,亦 散可 也。 獻 知

饌;爲賓設加饌,「贊者負東房,告備于者負東房,南面告具于公」,則賓祭正廷堪案:《公食大夫禮》爲賓設正饌,「贊凡食禮,初食三飯,卒食九飯。

席,公不辭。 幣前,故三飯,卒食在侑幣後 則十二飯矣。」是卒食九飯也。初食在侑 三飯乃飲,此三飲,則 公,如初。賓升,公揖退于箱。賓卒食會 奠于豐上」。 漿飲與其豐以進」,又云「賓坐祭,遂飲 者,辭公之親臨 賓升,公揖退于箱」,公辭者,辭賓降也,賓辭 階升,北面反奠于其所,降辭公。公許, 飯,三飲,不以醬湇」,吴氏廷華曰:「上 賓受侑幣出,復入門左,揖讓升,「賓降辭 止,君子食不求飽」,是初食三飯也。 面坐奠于階西,東面對,西 坐,左擁簠粱,右執 公」,則賓祭加饌。 禮器》曰:「是故七介以相見也,不然則 三飯則一飲,注謂「三飯 己食也。 賓三飯以湇醬。 滑以 又云「賓 祭畢,「 九飯也。 降。 面 賓北面 公辭。 坐,遂 宰夫 坐取之,栗 。 合 正 , 故 九 卷 自 執 賓 食, 又 而 間 加 西

已慤,三辭三讓而至,不然則已蹙。」即此

意矣。

若謂備周于具,不應加饌反周于正饌也。周于具。」竊謂備即是具,似不必分别。告備于公。敖氏繼公曰:「此言備者,備又案:前設正饌,告具于公,後設加饌,

凡設饌以豆爲本。

壺。 此 爲本」。」考《士昏禮》「贊者設醬於席 皆先設 其實與其陳,亦如饔餼。」 疏云:「凡 爲本。堂上八豆、八簋、六鉶、兩簠、八 六」,注:「八、六者,豆數也。 豆 爲壻 [堪案:《聘禮》設飧「堂上之饌八,西 設豆畢, 西夾六豆、六簋、●四鉶、兩簠、六壺。 設 豆,乃設餘饌,故鄭云『凡饌 饌 乃設 也。 設 俎 醬畢,乃薦菹 設俎畢,乃設 凡饌 醢 前 以 以 設 稷 $\overline{\nabla}$ 饌 豆 夾

> 《士虞禮》陰厭,贊薦豆畢,乃設俎;設 敦,與 《公食大夫禮》設正饌,「宰夫自東房授醯 畢,設俎,設敦,次序 畢,乃設敦,設敦畢,乃設鉶。《特牲 設簋,設簋畢,乃設湇,設湇畢,乃設 畢,乃薦豆,薦豆畢,乃設俎,設俎畢,乃 醬,公設之」,注:「以其爲饌本。」設醬 東」,此爲 二敦,至末 餼,堂上之饌,先設豆,次設簋,次設鉶 之豆,則先設菹醢之豆也。 有醯醬之豆,則先設醯醬之豆。 入飯時始設之,爲小異也。 食禮》陰厭同。 、壻饌 婦設 同三俎,及湇,則 始設滑。 《少牢饋食禮》陰厭,薦 亦同。 設醬畢,乃薦豆 又云「設對 是設饌之時, 《聘禮》歸 唯 夫婦共之。 兩 無醯 鉶 醬 至 鉶 뾾 俎 P 於

^{■ 「}簋」,原誤作「簠」,今據《儀禮注疏》改。

三四

次設 餼之禮 本之例,則 簠 雖 一、次設 變於親食賓之禮,而 未嘗變也 壶 ,兩夾之饌 亦 然。 其 以 蓋 歸 豆 爲 饔

梁庶羞。 凡正饌先設,用黍稷俎豆,加饌後設,用稻

鉶 設 設 廷堪案:《公食大夫禮》正饌,公設醯醬, 牢 陰厭、「贊薦菹 酒,實於觶,設於豆東」。 南,宰夫設黍、稷六簋於 饋食禮》設饌 公設之於醬西,宰夫設鉶 宰夫薦豆六,設于醬東。● 饋 芼 于豆東」。 二敦於俎 食禮》設饌 設 于 豆 南 南 主婦設 陰 設 醢 厭,「主婦 陰厭,主婦薦 祝 一鉶于 酌 俎人,設於豆東。 兩 奠設 敦 俎 黍稷 薦 《士虞禮》設 <u>豆</u> 四於豆西。 西。 于 兩豆。 一南」。 士設俎於豆 鉶 豆、佐食設 于俎 大羹湇, 南 《特牲 俎 南,兩 少 饌 飲 贊

> 大羹消· 《少牢》尸入十 加饌 用 也。」皆加 又羞胾兩 所以爲異味。 上,有醢」,注:「庶,衆也。 **消於醢北**。 設於左」。 時、「泰羹湇自門人、設於鉶南、胾四豆、 羞庶羞」,設於稻南。 饌畢,公始設飯粱,「宰夫膳稻 俎 豆之北」,注:「設於薦豆之北,以其 俎 豆也。 主 《公食大夫》, 一婦設 在 (饌後 Œ 《 特 瓦豆,有醢,亦用 《公食大夫禮 饌 佐食羞庶羞 黍稷,祝酌奠。 設用 牲》尸入九 一飯時,「上 四豆者,膮、炙、胾、醢。」 士虞》、《特 庶 《士虞禮》尸入九飯 加 羞 四 也。《公食大夫》 饌 飯 豆、設於左、南 衆羞以豕肉, 瓦 佐 加 皆正 有 性》大羹消在 時,「設大羹 豆,設于 食 饌,賓祭正 於粱西, 稻粱,《 羞 饌先設, 兩 鉶 薦

0

[「]東」,原誤作「西」,今據吕校改。

之也。《聘禮》歸饔餼、「膷、臐、膮,蓋陪 《士虞》、《特牲》鉶羹皆在正饌,《少牢》鉶 禮,與祭祀之禮相 虞》、《特牲》、《少牢》加饌無稻粱,賓客之 鉶畢,始設簠,注:「簠不次簋者,粱稻加 膮陪之,庶羞 牛、羊、豕」。注:「陪鼎三牲,臛、膷、臐、 羹在加饌者,《少牢》無大羹,故以鉶羹易 也。」●是加饌 士昏》無加 饌者,尚質也。 加也。」堂上及兩夾之饌,設 有稻粱,與《公食》同也。 變也。《公食大夫》、

凡初 食正饌之黍稷,則用 公所親設之太羹湇也。 公所親設之飯粱也,此湇即前設 粱,❷右執湇以降」,此簠粱即 廷 **﹑堪案:《公食大夫禮》賓初食,**「左 食加饌之稻粱,則用正饌之俎 加饌之庶羞 又云「賓三飯 前 設 正饌 加 豆,卒 擁 饌 以以 時 時 簠

> 用。」此 復用 正飯 皆公所親設,故先食之。言粱,則 醯醬也。 饌也。」此醬亦前設正 初時食稻粱。」又云「不以醬湇」,注:「不 賓取之,是優賓也。」餚即牲體之屬矣,此 故也。注:「不言其餚,優賓。」疏云:「任 言消醬,則兼 消醬」,注:「每飯,歠湇,以殽擩醬,食正 也,正饌即俎 「卒,已也。 食加飯也。 用 正饌也。 食 庶羞,互相 加饌之簠粱,正饌之湇與醯醬 正 又「賓卒食會飯,三飲」,注 會飯,謂 飯 豆也,正飯即黍 俎豆。經不言者,非公親設 初時 也。 成也。 考注,云加 食加 黍稷。 饌時,公所親設之 飯用正饌,此食 後言滑,或 此食黍稷,則 稷 飯 也 即 兼稻 賓 稻 時 初 粱 後

粱稻」,此二字原誤倒,今據《儀禮注疏》乙正。

左」,原誤作「佐」,今據《儀禮注

食用正飯之黍稷,佐以加饌之庶羞,故云食用加飯之稻粱,佐以正饌之俎豆,卒

互相成」也

凡 東房授 正饌 設 親設也。又設 之於醬西」,是正饌之醯醬、太羹湇皆公 廷 也。」故賓初食時,用正 此、殷勤之加也。」是加饌之簠粱亦 設之于淯西」,注:「既告具矣,而 不升堂,授公,以蓋降,出,入反位 執鐙,左執蓋,由門入,升自阼階,盡階 和醬也。」又「大羹淯不和,實於鐙。宰右 之簠粱。 也。 堪案:《公食大夫禮》設 醯醬大羹湇, 敖氏繼公曰:「公設之、示親 醯醬,公設之」,注:「醯醬,以 卒食後, 脱手興, 北面坐取 加饌,「宰夫授公飯粱,公 加饌 饌之消醬,及 簠粱,皆公親設。 正饌,「宰夫 公設 公親 又 粱 加 設 與 饋 醯 自 饌

> 之西; 東、故 爲上。 消也。 醬 故 經云「賓北面自間坐」,注:「由 也。」兩饌,即所謂正饌、加饌 也。 以 降,西 云「於淯 加饌在 Œ 正 湇 饌 饌 西 面 在 者,即 以 坐奠於階西,皆因 中 西也。 中席已東,太羹 大羹湇 席已西,飯粱 前 公所 爲上,加 兩饌之間 設 也。 正 在 滑 饌 饌 公親 兩饌之間 容人,下 加 之大 在 以 微饌之 簠 設 正 饌 粱

之。 凡公親設之饌,必坐遷之,公親臨食,必辭

側 東遷所」,注:「東遷所,奠之東 東房授 廷堪案:《公食大夫禮》設正饌,「宰夫自 上,君設當席中,故 處也。」疏云:「『東遷所』者,謂 近也。 醯 醬,公設之,賓辭 近其故處。」敖氏繼公曰: 東遷 之,辟君 "; 北 面 側,其 以 坐 設 西爲 遷 遷 故 丽

也。 遷之也。正饌東遷,加饌西遷,則中間 西。 又設加饌、「宰夫授公飯粱、公設之於淯 醬西遷之,明亦東遷所移之故醬處 者,亦前醬東遷所。 遷之」,注:「亦東遷所。」 疏云:「言 『亦』 也。」又大羹湇,「公設之於醬西,賓辭,坐 之者,示不敢當公親設之意,且以爲 賓升,公揖退于箱」,注:「降辭公,敬 以容人矣。又賓初 西之,以其東上也。」是公親設之饌必坐 矣,而又設此,殷勤之加也。遷之,遷 也,皆尊不敢當之意。 食,❷贊者之事。」又賓卒食,降辭公如 蜜升,公揖退于箱」,是公親臨食必辭之 賓北 必辭公者,爲其尊而親臨己食。侍 面辭,坐遷之」,注:「既告具 食、「降辭公。 以醬既東遷所,今於 公 許, 也。」 初, 口 丽 禮

> 凡食禮有豆無籩,飲酒之禮豆籩皆有。 則二十豆。 廷堪案:《公食大夫禮》正饌,「宰夫自 南」、「設對醬于東,此設婦饌也。 于席前,菹醢在其北。 無箋也。《士昏禮》婦至設饌,「贊者設 膳稻于粱西,士羞庶羞」。庶羞十六豆,上大夫 于醬西」,「宰夫設鉶四于豆西」,加饌 設黍、稷六簋于俎西」,大羹湇,「公設之 六,設于醬東」,「士設俎于豆南」,「宰夫 房授醢醬,公設之」,「宰夫自東房薦 「宰夫授公飯粱,公設之于湇西」,「宰夫 贊設黍于醬東,稷在其東,設湇于醬 經皆無薦籩之文,是食禮有 俎人,設于豆東」, 菹醢在 其 醬 東 豆 豆

^{♪ 「}降辭公,敬也」,原誤作「辭公故也」,今據《儀禮注疏

[「]侍」,原誤作「待」,今據《儀禮注疏》改。

南」; 主 如食禮正饌。 如食禮加 菹 北 正饌。又尸入飯前,「上佐食羞 豆東 北」,三飯後,「佐食羞 黍稷于俎南」,「及兩鉶,芼設于豆南 自門人,設 無大羹,前陰厭無鉶,與士禮異。 三飯後,「上佐食羞 有醢」。此如食禮加饌。《少牢饋食禮》陰厭 兩豆」,「俎人,設于豆東」,「主婦 南 肊 豆 婦薦自東房,四豆 醢 _ ,共四豆。 ,主婦設四敦于俎南,二黍稷,此如食禮 ,「俎人,設于豆東」,「贊設二敦于 此如食禮正饌。 此即 設 饌。 黍 如食禮正饌。 又尸人飯前,「設大羹湇于醢 于铏 《特性饋 于 設于 腊 南 北 薦 , 胾四豆, 設于左」。 又尸入飯前,「泰羹 一胾兩瓦 ,菹醢各二。 食禮》陰 《士虞禮 其 豆 庶羞 之北」。 西 《昏禮》設饌 稷 豆,有醢 四 厭 豆、設于左, 》陰 司 兩 設 主主 此加 士設 厭 鉶 設 湇 一, 亦 贊 饌 俎 兩 婦 于 有鉶 P 用 在 湇 敦 薦 俎 薦 醬 此 此

獻 也。 俎; 禮尸 南 又 有俎,及不獻笙爲異。 師 獻,「乃薦士」,有事者則先薦。「祝史、小臣 獻工、獻笙,「辯有脯 醢」,主人辯獻大夫,「遂薦之」, 薦脯 至獻大夫後,乃 公,皆「薦脯 獻笙,皆辯「有 介,遵入,薦脯醢,設折俎。 主人、主人獻介,皆「薦 豆 主 無 祝,「薦菹 亦就其位而 《士冠禮》醮用 飯 籩 婦 脯,籩實。 豆已設于陰厭時。 皆 亞 也 獻,「自 用 鄉 漢声洗北。 醢」,「設折俎」,實酢主人未 醢 黍。 **醢,豆實。主人獻衆賓、獻工** 薦之」。 脯 稷 飲 是飲 主婦 醢」、《鄉 反 酒 脯 《燕禮》主人獻賓、獻 蓋 ...禮》 兩 醢」;主人獻士, 特牲饋 醢,《士虞禮》主人 酒之禮,豆籩皆 主人獻卿,「 《大射》同。 食禮之屬,故亦 獻祝,「籩燔從 籩 主人獻 脯 射禮 棗 栗,設 醢」,「設 食禮》主人 賓、賓 闸。 唯獻 薦 于 醢 唯 會 既 薦 有 也 脯 折 酢 有 無

籩。 獻 獻佐食不薦,但有俎,禮殺。 祝,「設菹 豆 已設于 陰 醢」,主婦獻祝,「籩 厭 時。 又主人 又主婦亞獻 獻賓,「 潘 ‴; 設 「薦 從 脯 兩

酒之類也

祝,薦兩豆菹醢,不用脯 牢》主婦亞獻,不薦籩者,至儐尸時始薦也。 籩,主婦受尸酢,婦贊者薦二豆二籩", 一豆二籩,主人受尸酢,主 □, 設折 ,主婦薦 俎 四 」,衆賓 豆四籩; 禮略。 「薦俎設 主人獻侑,主婦 《有司徹》主人獻 于其位」。 婦薦二豆二 又主人獻 《少 薦 主

之禮,主婦二獻,薦四籩,主婦致爵于主 弟、獻内賓、獻私人,皆有薦晉。 賓,宰夫「薦脯醢」,設俎 辯獻 衆賓、 主人獻 不儐 獻 兄 尸 長

婦獻尸、獻侑、致爵于主人,皆用羞籩。

禮之醮,祭禮之獻酢,皆用 醴 屬,故亦豆籩皆有也。 人、主人致爵于主婦,皆薦二 冠者、《士昏禮》女父醴賓,贊醴婦,《聘 至于《士冠 酒 豆二 蓋 飲酒之 籩。 1禮》賓 冠

> 禮》主國之君禮聘賓, 皆薦 脯 醢 者 禮 亦

凡食賓以幣 日侑幣,飲賓以 幣日 怬

若不親饗,則公作大夫致之以酬幣,致食 以侑幣」,但言饗食,不言燕,燕輕,無 廷堪案"《聘禮》「大夫於賓,壹饗,壹食。

幣也。 夫東帛以侑,西鄉立。賓降筵,北面。擯 《公食大夫禮》賓三飯後,「公受宰

者進 相幣。 賓降 辭幣,升聽 命。 降 拜。

面。 公辭,賓升,再拜 退,西楹西,東面立。 稽首,受幣,當東楹 公壹拜,賓 北 降

以出。 也,公再拜。介逆出。賓北面揖,執庭 公降立。 上介受賓幣,從者 訝 實 受

幣也、蓋食禮盛 皮」、然後賓復入門左、升堂卒食。 於《燕禮》,故有束帛,有 此 侑

庭實 也。 《士冠禮》冠畢,「乃醴賓以壹獻

禮 經 釋 例

者以 者,蓋 較飲 也。 東帛,十端也。 客而 帛、乘馬。」是饗禮有庭實也。敖氏繼 《聘禮》「致饗 酬以東錦」,此饗禮但云東錦,不云庭實 寳,又從之以束錦。」又「姑饗婦人送者, 曰 酒 一獻之禮 體賓而有束帛庭實儷皮即庭實。 從之以財貨日酬,所以 酬幣、侑幣皆束錦,亦有庭實。」 一昏禮 之禮 主 人 之饗,殺于諸侯大夫故也。 爲 酬 以 ,酬以束錦」,注:「爵至酬 賓 盛 儷皮,兩鹿皮也。」此酬 酬幣」,注云:「 也。 束帛 《士昏禮》「舅饗送 儷 皮」、 申暢厚意 注 禮 者,亦 幣 飲 也 公 束 幣 賓

又案: 幣。 若不親食,使大夫致之以侑幣,致 大夫致之以酬 亦 饗有酬爵,故有酬幣。 如 陳氏祥道 之。 大夫於賓若不親饗,則公作 幣,致食以侑幣。 日 :「食有侑食,故有 聘禮 公於 春秋 《饗以 之 酬 侑

禮》數 禮先置醴酒,恐誤。 禮》篇亡,《禮經》可考者,唯《士昏》及《聘 皆玉五瑴、馬三匹。 蓋謂饗及醴賓之庭實,故《聘 **瑴、馬三匹。** 公、晉侯朝王,王饗醴,命之宥,皆賜玉 此説,蓋旁通 醴皆曰宥,以侑者、勸酬之通名也。」陳 食,以皮帛束錦,則侑幣固有差矣。 相饗,酬幣用玉也。 諸侯、諸侯相酬之禮。又王饗虢公、晉 也。《禮器》『琥 時 亦謂之侑,侑幣不謂之酬,故《春秋 魯侯享范獻 云「賓執左馬以 · 秦 后子 語 而 享晉 己。 子,莊 饗謂饗禮,醴謂 傳記,推而言之。其實《 侯, 出」也,杜 《左傳》莊十八年春 璜爵」,鄭氏 叔 歸 《士昏禮 諸侯食大夫,大夫 是天子饗諸侯,諸 執 取 怬 幣,是饗 預 幣 以 注 》婦見舅姑 禮》禮賓,亦 醴賓,馬者 終 以 爲 事 爲行響 天 有 (傳)字 八反。 酬 子 柵 _, 虢 響 五 氏 幣 相 侯 酬 幣 侯

贊醴婦、婦饋舅姑、舅姑饗婦,亦分醴、饗

凡 燕 《公食大夫禮》「公如賓服,迎賓于大門 賓客之獻飲食者也。 注 禮,是食禮公自爲主人也。 禮》亦然,是《燕禮》使宰夫爲主人也。 不親獻,以其尊,莫敢伉禮也。 天子膳夫 廷 下皆宰夫與士設之,則食 内」,入門、升階、拜至,設饌,皆公與 又《聘禮 「宰夫爲獻主」是也。」《大射》之先行,《燕 醯醬」,加饌之「飯粱」,皆宰夫授之,以 獻主」。 :「主人,宰夫也。 堪 禮使宰夫爲主人,食禮公自爲主人。 案:《燕禮》「主人亦 記》燕則 疏云:「按《禮記 「宰夫獻」,注:「 宰夫,大宰之屬,掌 君於其臣雖爲賓, 重 升自西階 公設正饌之 一於燕 燕義》云 可知 爲主 賓

> 幣; 燕牲 饗爲輕,則誤 賓;皆其例矣。 又案"食重於燕,不獨公自爲主人及 安」,杜氏曰:「比公於大夫也。」然 獻。若兩君相 夫爲主人之别 公失國,齊侯不以 於二十七年傳「公如齊飲酒,使宰獻 主人也。 人代公獻。」然 二年《左氏傳》「晉侯 食行於廟,燕行於寢,食牲 用 狗,食 蓋 君 甚。 燕,亦 也。 與 則 使大夫 萬氏斯大乃謂食禮視燕 臣 燕異國之臣,亦 《饗禮 兩君之禮待之矣。 食禮有幣、《燕禮》無 行禮 以 自 爲 齊侯宴」是 戒賓,燕於 》篇亡,不可考, 不 主 敵 人,如昭 , 故 用 使 宰 也 太 庭 公十 夫 則 而 宰 牢, 命 宰 至

所與燕者爲賓者,燕爲序歡心,賓主敬賓,與大夫燕,亦大夫爲賓」,注:「不以又案:《燕禮·記》「與卿燕,則大夫爲

其禮盛

,則又重於食焉。

者,雖大夫、士,亦自爲主人也。 也。公父文伯飲南宫敬叔酒,以路堵父也。公父文伯飲南宫敬叔酒,以路堵父也。公父文伯飲南宫敬叔酒,以路堵父也。公父文伯飲南宫敬叔酒,以路堵父也。公父文伯飲南宫敬叔酒,以路堵父也。公父文伯飲南宫敬叔酒,以路堵父也。公父文伯飲南宫敬叔酒,以路堵父也。公父文伯飲南宫敬叔酒,以路堵父也。公父文伯飲南宫敬叔酒,以路堵父

禮經釋例卷四終

禮經釋例卷五日録

飲食之例下

凡 醴皆設柶,用籩 豆。

凡祭醴,始扱一祭,又扱再祭,謂之祭醴三。 凡醴皆用鱓,不卒爵。

凡 凡執爵皆左手,祭薦皆右手。 酌 而 無酬酢曰醮。

者奠爵。 凡祭薦者坐,祭俎者興,祭薦者執爵,祭俎

凡祭薦不捝手,祭俎則捝手。

肺 凡祭酒,禮盛者啐酒,不盛者不 ,禮盛者嚌肺,不盛者不嚌 肺 · 啐 酒; 祭

> 凡 餕者亦祭。

凡祭皆于豆籩之間,或上豆之間。

凡飲酒,君臣不相襲爵,男女不相襲爵

凡 脯 醢謂之薦,出自東 房。

凡牲二十一體,謂之體解。

凡牲皆用右胖,唯變禮反吉用左胖。

凡牲七體,謂之豚解。

凡

肺皆有二,一舉肺,一

祭肺

凡牲,殺曰饔,生曰餼。

凡 下, 餼之屬皆陳于門内外。 食于廟,燕于寢,鄉飲酒 三于庠。

共十八例。

附周官九祭解一篇。

儀禮釋牲上下二篇。

禮 經 釋 例 卷 五 目 録 終

四三

饔之屬皆陳于堂上

禮經釋例卷五

淩 廷堪次仲 學

歙

凡醴皆設柶,用 飲食之例下 籩 豆。

主人 葉 栖大端。」又「賓受醴于户東,●加柶,面 房中,側酌醴,加柶,覆之,面葉」,注:「葉 面 者,「贊者酌醴,加角柶,面葉,出于房。 冠者筵西拜受觶」。 廷堪案:《士冠禮》賓醴冠者,「贊者洗于 以 賓拜受醴 受醴,主人,女父也。 授 醴 者。 0 所以然者,醴者尊,不 賓,使者也。 《士昏禮》女父醴使 面 枋,筵前西 此皆酌 者 枋。 北 自 面

> 即葉也。不訝受也。」疏云:「公西 者。 宰夫自東箱來,體尊皆在房中,唯《聘禮》在東箱 觶 枋者、《聘禮》主國之君禮聘賓,「宰夫 自授,徑由酌者授之,故面 葉以扱醴而祭也。《士昏禮》贊者醴婦,❷ 酌 不降,壹拜,進筵前受醴」,注:「不 面葉而祭也。亦有酌者由醴者轉授 婦東面拜受」,此則酌者面 面枋以授受醴者,受醴者受之,乃得 授受,酌醴者 贊者酌醴,加柶,面枋,出房,席前北 一, 必 以 所以然者,舅姑 醴,加柶于觶,面枋。 由 酌 醴者授之。 面 葉以授 益尊,不自酌,併 醴者,則 凡訝 公側受醴。 枋,徑授受醴 枋,以便受醴 受皆 醴 面 者 對 面 向 而 前 始 面 賓 面 擸 賓 實 不 面 其 得 相

四

四

贊者」,原誤作「舅姑」,今據吕校改。 受」,原誤作「授」,今據《儀禮注疏》改。

禮經》之通例

如

此,非

:獨《聘

禮》宰夫實

0

禮 受。 糟,與酒不同,故 並受皆並面 在公傍側,並授與公。 者、《士昏禮》女父醴使者,皆 横之」,是醴皆設柶,用籩豆也。 面 **贊者酌之,亦贊者授之,是醴** 用贊者酌之。 又案:《聘禮》「宰夫實觶 記》言「脯」不言「醢」者,舉籩以 冠者,「薦脯醢」。《士昏禮》女父醴使者 《聘禮》禮賓,「宰夫薦 君不自酌,尊也。」考《士冠禮》賓禮 攢 枋授公,公亦面枋授聘賓,此授聘賓是 •記》「禮,不拜至,薦脯 人者薦 而聘賓受醴,亦得面 脯醢」, .相授受,宰夫與公皆西面 至《士昏禮》舅 用柶 又 費 也。 故不 醴 籩 葉而祭也。 婦,「薦 《士冠禮》賓醴 豆 五職,祭半職, 以 脯 面 不 姑 不 醴」,注: 該豆 醢」, 擸 《聘禮 自 自酌,蓋 醴 脯 也。」凡 婦 酌 也 醢 醴 , 故 聘 則 冠 而 有

> 則設 《冠禮》禮子之類,故以房户之間顯 粱醴 尊也。」考醴尊皆設于房中,《聘禮 不用柶之文也。 清。」此注蓋據《内則》言之、《禮經》 賓」,注:「醴 則》曰:『飲,重醴,稻 醴授公爲尊君也。 于東箱,皆不于房户之間,疏 清 糟。」凡醴 賓 不 又疏云:「質者,謂 事,質者 · 用 又《士 柶 醴清糟,黍醴清 ,●游其 用 冠 糟,文 禮 醴。 一一一 説 者 醴 處 無 《 内 若 非 尊 設 醴 用 醴

廷甚案:《士过豊》、凡醴皆用觶,不卒爵。

矣。

興。賓答拜。冠者奠觶于薦東」。《士昏醴,捷柶,興。降筵,坐奠觶,拜。執觶廷堪案:《士冠禮》賓醴冠者「筵末坐,啐

「醴賓不用柶」、「醴」、叢刊本《儀禮注》作「禮」。

同擸。 禮 爲俠拜。 興,拜。 舅姑醴婦,「降席,東面坐,啐醴,建 即筵,奠于薦左」,賓南面,薦左即薦東也。 建 不云「西階上」,皆文不具也。《士昏》、 啐醴」,主君禮聘賓,但云「北面 醴」,賓醴冠者,但云「筵末坐啐醴」,不云 卒爵也。 于薦東」,是凡醴皆用觶,但啐之而已,不 擸,擸即葉,《士冠禮》注:「古文葉爲擖。」《集韻》,擖 東面」,女父醴使者,「西階 庭實設。降筵,北 開成石經》亦作「建栖」,蓋後人因《釋 聘禮》皆云「建柶」,唯《士冠》作 **柶**,興,坐奠觶,遂 》女父醴使者,「西階上北 坐 奠于薦東」。《聘禮》主君 一啐醴。 贊答拜。婦又拜,贊一拜,婦兩拜,是 舅姑 公用束帛。 醴婦,「降席,東面坐,啐 面,以 拜。 主人 柶 建栖,北 面 上北 兼諸觶,尚 答拜 坐啐醴」, 坐 '-'捷 醴 一, 啐 啞聘賓, 面 極し、 面 · 坐, 柶, 醴 奠 又 賓

又盛矣。實,用東帛,與冠昏不同者,蓋國君之禮寶,用東帛,與冠昏不同者,蓋國君之禮爵,從其質也。至於主君禮聘賓,有庭羹之有大羹湇,酒之有明水,故啐而不卒文》而誤改,當從《石經》也。醴事質,如文》而誤改,當從《石經》也。醴事質,如

壻。」此數語直可補 確處與經並行,良不誣 昏禮也。女奠爵于薦東,立于 注:「父醴之于房中,南 又案:《士昏 • 記》「父醴女而 經。 也 識 面、蓋母薦焉,重 者謂鄭氏 (俟迎者), 位 丽 注 俟

公曰:「始扱一祭,又扱則再祭,示隆殺起》「祭醴,始扱一祭,又扱再祭」,敖氏繼安父禮使者、又舅姑醴婦、《聘禮》主君禮女父禮使者、又舅姑醴婦、《聘禮》主君禮》(於醴,始扱一祭,又扱再祭,謂之祭醴三。

於《士昏・記》及《聘禮・記》故也。然。經但云「祭醴三」,而注無文者,以見也。疏云:「禮成于三。始祭,禮之初,也。疏云:「禮成于三。始祭,禮之初,也。疏云:「禮成于三。始祭,禮之初,也。疏云:「禮成于三。始祭,禮之初,也。而云:「禮成于三。始祭,禮之初,故云极一祭。及又扱,則如葉如勺矣。」

凡酌而無酬酢曰醮。

使人醮之」,注:「庶婦,庶子之婦也。 使 之物,●自然質 注:「酌而 廷 醢 無酬酢得名醮也。」《士昏・記》「庶婦,則 。」考 堪 醮之,不饗也。 案:《士冠禮》「若不醴,則 酒事文 無酬酢曰醮。」疏云:「醴,太古 了, 無 也,有獻、有 酒不酬 膰 了酢,酒· 酢曰醮,亦有脯 本有酬酢,故 亦、有 (醮用) 酬 酒 如

> 無酬 用醮,亦質文相變之意也 子而命之迎,男先於女也」。 命之辭」。《石經》無「辭」字。 記》「父醴女而 「醮於客位」,此言用醮者也。《士 醮,唯《冠》、《昏》二禮有之,雖用酒,而於 賓及賓醴冠者、贊醴婦之屬皆是也。 牲》、《少牢》祭畢,飲酒之屬皆是也。 故有醴辭,又有醮辭。《禮記 醴事相近,經皆不云酬酢,故注云「酢 事質也,無酬、無酢,如《昏禮》、《聘禮 鄉飲》、《鄉射》、《燕禮》、《大射》、《特 酢 日 醮」也。 【俟迎者」,又云「父醮子而 《士冠禮 《昏義》云「父醮 》有醴,有醮, 女用醴 冠義》云 香 而 漫禮 若 男 丽 醴

曰: 『往迎爾相,承我宗事。 勗帥以敬先又案: 《士昏·記》「父醮子,命之,辭

0

[「]物」,原誤作「初」,今據吕校、《清經解》本改。

堪 子》之書所述者,皆周、孔之微言矣。 不能,敢忘命矣。」」與《禮經》同,足徵《荀 先妣之嗣,若 命之:「往迎爾相,成我宗事,隆率 迎之禮,父南鄉 妣之嗣,若則有常。」子曰 不敢忘 命。』《荀子・大略 則 而 有常。」子曰:『諾,惟 立,子北 : 面 『諾。 圃 篇 跪,醮 唯 以 恐 恐 敬 親 弗 面

凡執爵皆左手,祭薦皆右手。

皆冠者即筵坐,即筵醮用酒,經作升筵。 廷堪案:《士冠 同,唯有 君禮聘賓 注:「左執觶,則祭以右手也。」贊醴 父禮使者,「賓即 婦 ,右祭脯 升席,左執 柶 ,賓祭脯 醢,用 無 折 觯 禮》用醴及 俎 ,右祭脯 筵坐, 左執 醴 醢 爲 執 ,皆用醴之儀 異 觶 耳。 祭薦之儀 醢 醮 解,祭脯 \sim 士 用 《聘禮 昏禮》 酒之儀 與與 左執 《聘 婦 女 酒

《大射儀》作「執觚」。《鄉飲 者中。 《少牢饋食禮》主人獻尸,「尸左執爵,右 豆; 獻賓 食,坐祭之」。 豆; 兼 角,右取肝 于醢,祭于豆間」,主人初獻尸,「尸左 之前,「祝命挼祭。尸左執觶,右取菹,猰 **腝于醢**,祭之。 飲酒之禮也。 手,是以《鄉射》亦云『右祭脯醢』。」此 以右手。」疏云:「此經左執爵,明祭 禮》不云右祭者,文不 賓坐,左執爵,祭脯 取肝, 挳 ,皆賓坐,左執爵,右祭脯 《鄉射禮 尸酢主人,「主 尸酢主婦、「主婦左執爵、右撫祭」。 计于俎 **抨于鹽、振祭、嚌之,加** 右受佐食,謂右手受墮 祭脯 》、《燕禮 《特性 鹽,振祭,嚌之,加于 醢 醢 人左 其 饋 者,皆右手取祭 」,注:「祭 酒 ***** 也。 食禮》尸 禮》主人獻 執 大 注見《昏 射 醢。 祭于佐 儀》主 右受 人 脯 「執爵」 禮 九 于 用 醢 佐 飯 者 脯 皆 右

間。 此皆祭時之禮也。 酢、「主婦坐、左執爵、右取菹換于醢,祭 授尸。尸受,兼祭于豆間」; 于豆間 坐,左執爵,右取菹 酒同。至于《士虞禮》主人獻祝,「祝左 祭之」,此皆祭畢儐尸之禮也,儀並與 于豆間。又取麷蕡,兼祭于豆祭」,主人 遂祭籩」,又賓致爵于主婦,「主婦升筵 人,「主人坐,左執角,受祭,祭之」,,又主 主人左執 侑坐, 左執 ,坐,「左執爵 長賓,「賓坐,左執爵,右取 ·祭薦」;《特牲饋食禮》尸醋即酢字。 司 又取麷蕡同祭于豆祭」,主 徹》不儐尸禮,主婦致爵于主 尸 爵 取 ,右取菹 換于醢,祭于豆間 方右取 魏蕡,宰夫贊者取白黑以 《有司徹》主人獻尸, **媆于醢,祭之,祭籩」** 韭 菹 , 換 于 三 豆 , 祭 脯 主人獻侑, 挳 一婦受尸 于醢 人, 執 飲

> 手,經、注不云右者,可知也。 以授尸,尸兼祭于豆祭」,其祭亦皆是 婦亞獻,「尸左執爵,取棗糗。 爵,取糗脩,兼祭于豆祭」。 鉶,祭于豆祭」, 主婦 于豆祭。 主婦獻尸、「尸坐、左執爵、祭糗脩、同祭 祭畢,主人獻賓,「賓左執爵,祭豆」。《有 主婦致爵于主人,「主人左執爵,祭薦」, 人 司徹》主人受尸酢,「左執爵,祭豆籩」; 獻 祝,「祝左執角,祭豆」,又賓三獻 以羊鉶之柶挹羊鉶,遂以 獻侑,「侑坐,左執 不儐尸禮,主 祝取栗 挹 右 脯 豕

有

祭酒亦必用左手矣。 爵 執 又案:《特性饋食禮》尸醋主人,主人左 侑祭酒 , 祭酒, 啐酒。 角,祭酒,啐酒,尸 ,皆左執爵。 \sim 有司徹》主 , 酢主 執爵既 一婦,主 人獻尸侑 用左手,則 婦婦 左 執

獻

者奠爵。 凡祭薦者坐,祭俎者興,祭薦者執爵,祭俎

祭, 禮 取 左 廷 爵 也。 豆, 坐 左執爵,右祭脯醢 于 也 小異耳。 唯《燕禮》膳宰贊授肺,《大射儀》庶子 興 絶 堪 執 俎 並 肺 于薦右,興取 (`,起也。」《 故必興。祭用 尚 爵 案: 祭。 《燕禮》、《大射儀》主人獻 取 同 卻 左 2,祭脯 肺 主人 唯《鄉飲酒》繚祭,《鄉射》絶祭爲 左手 手, \wedge 祭肺 興,祭時 尚左 鄉 飲酒 獻 嚌之。 鄉射禮》主人獻 醢 執 用 手,嚌之。 公,皆云「公祭如 肺,坐絶祭,嚌之。 兩手,故必奠爵,俎 本,坐,弗缭,右絶 ,奠爵于薦西,興取肺 禮》主· 奠 乃坐,祭畢,加 右 爵 興,加 手,執 于薦西,興,右手 人獻賓,「賓 興 于 肺 加 賓,「賓 本 俎 寶, 于俎 注, 賓 用 俎 皆 興 末 左 禮 又 高 坐, 坐 加加 以 贊 興 手 奠 于

也。 醢。 皆無 授 取肺、坐祭、嚌之、興、加于俎 牲也。」《士虞禮》主人獻祝,祝「奠爵,興, 賓興受,坐祭」,注云:「賓興受坐祭,重 「三牲之肺不離 皆無俎,與《燕禮》同 不嚌者,自貶于君。 祭,不嚌肺 爵,右祭脯 之「共祭」 肺,坐絶 左 食禮》主人獻祝,又云「奠角」者,文不 而《大射 /肺,較 執執 爵 又賓三獻,主婦致 卿 俎。 升席,庶子 ,祭薦,宗 賓爲 儀 祭, 嚌之, 興, 令大 也。 興 醢 》有俎 ,奠爵 隆 射 加 後鄭《大祝》注: ,贊者辯取之,壹以 , 蓋 7儀》主 于俎 人贊 者,注謂「射禮 設 于薦右,興取 即《周官 至于獻大夫以下,亦 也。 _ 折 人獻 加于 祭。 爵于主人,「主 俎。 《燕禮》卿 《公食 「共,猶授 • 俎」,主人 奠爵,興, 卿,「乃 卿坐, 大祝》九 《特牲 大夫 肺, 尊」也。 、授賓。 無 也。」 左 薦 坐絶 禮 俎 獻 取 具 饋 執 脯 餘 祭

祭薦者坐而執爵,祭俎者興而奠爵,蓋祭 取 婦,皆左執爵,右祭豆籩,後,「奠 尸 侑同,唯主婦祭肺奠爵爲異耳。 祭,嚌之,興,加于俎」,主婦受尸 也。 俎」,此祭畢儐尸之禮,尊主人,故與 左,興,受肺,坐絶祭,嚌之,興,反加 受尸酢,司馬羞羊 肺,坐絶 之禮,主 肺,坐絶祭,嚌之,興 主婦受尸酢、「奠爵、興、取 不 馬 - 贊祭 祭,嚌之,興,反 羞 婦 羊 致爵 ,餘皆同。 -肉滑。 于主人,及賓致 肉滑。 加 尸 《有司徹》主人 , 坐 加于俎」;主 于俎」。 主人坐奠 奠爵,興, ,酢,與 肺 又不 以 一爵 爵 上並 于主 坐 尸 爵 于 儐 獻 獻 絶 同 湇 于 人 取

祭薦俎」,注:「祭俎不奠爵,不備禮。」又馬獻服不,即《鄉射》獲者。「獲者左執爵,右又案:亦有祭俎不奠爵者,《大射儀》司

薦、祭俎之正禮

也

肺 祭肺,始一奠爵也。 有祭俎不興者、《士虞禮》尸入坐,佐食舉 獻尸及主人受尸酢,至司 殺于飲酒 尸酢,祭與獻侑同。又主婦獻侑、主人獻 獻尸,次賓授匕湇,「尸興,左執 振 三飯,舉骼,又三飯,舉肩」,尸皆坐受, 長賓,侑賓祭 肺,坐祭之」,主人獻 不奠爵,如《大射儀》也。 獲者、司射獻釋獲者,皆設折俎,有祭, 俎不奠爵,亦賤 爵,右祭脯 司 興,左執爵,右取 射獻 ·脊,「三飯,佐食舉幹,注"「幹,脅也。」又 祭嚌之,不興。 釋獲者,「釋 正 醢,興,取 禮,故祭 肺 皆 不備禮。」《鄉 尸坐之後,經不云興,故知不興 不奠爵 肺,坐祭之」;主人 獲者 此皆禮之殺 俎 肺,坐祭」,注"「 侑,侑祭豆 不 《有 就其薦 - 奠爵。 馬羞 蓋 、射》司 祭 司 羊 畢 爵,右取 徹》主人 坐,左 者。 唯主 肉 籩畢 · 儐 尸 馬 受 亦 執 亦 獻

上牢肺正脊也」。據此文,則賈作疏時,經文尚有「尸受 舉尸牢肺正脊以授尸,尸受祭肺」,明今食先云食舉,是 唯下文食舉疏云「云舉牢肺正脊也者,上文云「上佐食 舉尸牢肺正脊以授尸,張氏爾岐曰:「吴氏云: 飯,舉肩。《少牢饋食禮》尸入坐,上佐食 舉以授尸。 「授尸」下有「尸受祭肺」四字。 今案唐石本亦無四字, 特 牲 三飯,舉幹,又三飯舉骼, 饋 食禮》尸入坐,舉 肺 脊 亦 又三 佐 食

飽。 舉 食,告飽。 魚,又食,舉腊肩,又食,舉牢骼,又 祝侑之後,尸又三飯。亦皆坐受,振 祝侑之後,尸又食,舉牢肩,告

祭肺1四字,故吴云然也。」三飯,舉牢幹,又食,

《士虞》實于篚,《特牲》、《少牢》加于肵 祭,嚌之,不興,與《士虞禮》同。唯祭畢, 爲異。尸祭俎 不興者,尊尸 也。 此 皆 褿 俎

大射》,主人獻公,亦禮之隆,而祭俎

亦

祭

再考《公食大夫禮》及《燕禮

興者 祭畢,儐尸于堂 ,事人之禮,不 一,則 同于事 以 人道 鬼 事尸,與在 神 也 至于 室

中者不同,故祭俎 亦 興 也。

不興, 脯乾肉, 故不捝手。《鄉飲 祭于豆間,用一手,故不奠爵,籩豆卑,故 又案:祭薦者,以右手取祭脯,擩 于醢 酒 而

記》「薦脯,五挺,横祭于其上」、《鄉射

醢以豆,出自東房。 記》「薦,脯 用籩,五 膱,祭半膱,横于上。 職長尺二寸」,注:

脯用籩,籩宜乾物也。 醢以豆,豆宜濡

物也。 又《鄉飲酒・記》注引《曲禮》曰「以 祭横于上,殊之也。于人爲縮。」 脯 修

置者,左朐右末」,疏云:「膱長尺二寸,

之皆横于人。」前疏 則祭半膱者長六寸。引《曲禮》者,見設 謂 横于人前者,指薦

脯也; 脯 縮 注謂「于人爲 于人前者,爲其便于取之擩 縮」者,指祭 脯 醢 而

坐, 祭 也。」賈氏引《 爵于薦西」,疏 了于右。 也。 是以 《鄉飲酒》主人獻賓,祭薦畢,「 《禮記 取 時 少儀》者,蓋亦 云:「爲取 奠爵興,至加 少儀》云『取 肺奠之將舉,故 據 俎 于 經 進俎 文祭 俎 又 不不 俎 興 奠

之正

禮

而言。

繚,猶終也。 尚左手」,注:「肺,離之。 九 篇亡,無以 大夫以上,則天子諸侯亦繚絕兼 射》士禮,云絶 之,尚左手者,明垂 肺,卻左手執 又案:《 不得兼繚,是以 云:「此《鄉飲酒》大夫禮,故云繚祭,《鄉 祭,『七日 《鄉飲》 知 也。 絶 酒 (本,坐,弗繚,右絶末以祭, 大夫以上,威儀 祭。 祭, 禮 此 》賓祭俎 案《周禮 經云 但云 総之,乃絶其末。」 疏 曰 繚兼言絶 繚 一繚必 本,端厚大者。 祭』。 ,「興,右手取 ·大祝》云辨 兼絶,言絶 多。 有,但 注 也 云: 紾 禮 絶 言

> 祭。 直以「弗繚」作「不繚」解,與注疏異矣。 禮》、《大射》雖諸侯禮,以賓皆大夫爲之, 繚,士則否。 末以祭,不必繚也。 經注相證。張氏爾岐曰:「弗繚者,直 繚」,考《説文》:「弗,撟也。」其 祭、絶祭,注 臣在君前,故不爲繚祭,皆爲絶祭也。」繚 與《鄉射》而言也。 禮多者繚之,禮略者絶則祭之。 繚 祭,以手從肺本循之,至于末,乃絶 絶 祭 不 循其本,直絶以祭。]本 疏 經文言弗繚 之説 大夫以上爲繚祭,《 大夫 甚 明。 以上威儀多 以 賓固士也。」 經 文 義亦可 亦據 굸 了, 乃 同。 絁 燕 賏 弗 此 以

凡祭薦不捝手,祭俎則捝手。

《燕禮》、《大射》主人獻賓,《大射》主人獻锐手者,考《鄉飲酒》、《鄉射》主人獻賓,廷堪案:祭薦不捝手,説見上。祭俎則

Ŧi.

四

不敢備· 手。 獻服 也。 饋 執 卿 不 祭,並禮之盛。 爵 人獻賓;《有司徹》不儐尸之禮 徹》主人獻尸、主人受尸酢、主婦 亦同,不奠爵,用一手,則非繚祭絶祭可知。 見之于吉禮者也。 加于俎之後,坐捝手,然後執爵祭酒。 人獻長賓,祭俎皆不捝手,亦不 (于主人,及賓致爵于主婦 食禮》賓三獻,主婦致爵 爵祭酒。 捝 肺,《特牲》主人獻祝,祝執角祭肺,皆 《鄉射》司馬獻獲者,司射獻釋獲者, 亦有祭俎不捝手者、人大射 手。 不,司射獻釋獲者,皆不奠爵,不捝 祭 也。 肺 《少牢 興 《士虞禮》主人獻祝,祝奠爵 此見之於嘉禮 加 - 》祝俎 用 于 俎 蓋祭肺或繚祭,或 兩手,故 無 之後 肺,禮 更 于主人,及 者 坐 ,亦皆祭肺 必奠 殺 也 捝 也 宁主婦 (儀))司 備禮也。 獻 手 介爵 《 有 侑、主 禮殺, 特 捝 然 馬 絶 主 手 興 牲 司 此 致 後

> 手歟? 《燕禮》公祭俎,膳宰贊授肺,《大射》公 禮》、《大射》公祭俎,皆捝手可知矣。 捝手」,此有**贊者授之,而亦捝手。**則《燕 贊者辯取之,壹以授賓。 不云捝手與否。既云祭如賓禮,或亦捝 祭俎,庶子贊授肺。 脊、幹、骼、肩,舉幹後又舉魚與腊肩,方士禮爲盛 幹、骼、肩,《 至于《士 皆不捝手者,有 《公食大夫 虞 》、《特牲》尸 少牢》尸 禮》「三牲之肺 佐食授之, 尊 經並云「祭如賓禮 、 入 十 人 九 賓興受,坐祭。 飯 飯,舉 舉 肺 不離 Ė 也。 肺、

肺,禮盛者嚌肺,不盛者不 凡祭酒,禮盛者 爵也。 廷堪 案:《 《鄉飲酒》、《鄉射》主人獻賓,賓皆 筵末坐,啐酒 士 冠 啐酒,不盛 禮》醮 」。若醴,但啐之而 用 · 嚌 酒 者不 肺 冠 啐酒;祭 者 己,不卒 祭

酒」,主人獻公,與賓同。 獻尸、尸酢主人、主人獻祝、賓長獻祝、上 初獻尸,「尸祭酒,啐酒」,,尸醋即酢字。 祭酒,不啐酒」,《鄉飲酒》主人獻介,「不 注:「殺於賓也。」《燕禮》主人獻卿,「遂 禮》主人獻遵,遵祭如賓禮,「不啐酒 射》主人獻賓,亦皆祭酒,「興,席末坐 受尸酢、主婦獻尸、主婦致 養嘏主人,●,《有司徹》主人獻尸、主人 于主人、嗣舉奠,皆同。 酒,啐酒」,主婦亞獻、賓三獻、主婦致 人,主人「祭酒,啐酒」,,主人獻祝,祝「祭 啐酒」:皆禮之殺者。《特牲饋食》主人 人獻尸、主人獻祝,經並云「祭酒,嘗之」, 婦受尸酢,皆「祭酒,啐酒」。 酒,「興,席末坐,啐酒」,《燕禮》、《大 酒即 啐酒也,亦皆禮之盛者。 皆禮之盛者。 《少牢饋食》主人 爵于主人、主 《士虞禮》主 《特性饋 鄉 一, 啐 主 爵 射

> 同。 禮》、《大射》主人獻賓,亦皆祭肺,嚌之, 尸,尸受,振祭,嚌之」。 者。《士虞禮》尸九飯,「佐食舉肺 於君。」《燕禮》卿無俎,但不啐而已。 主人獻卿,「不嚌肺」,注:「不 肺,《鄉射禮》主人獻遵,不嚌肺,《大射》 皆禮之盛者。《鄉飲酒》主人獻介,不嚌 者啐酒,不盛者不啐酒 皆祭酒,不啐酒,亦皆禮之殺者。 獻侑、主人酬尸、主人獻長賓、上賓三獻, 食、賓長獻尸、尸 主人獻兩佐食、主婦 食》主人獻佐食、主人獻賓,《少牢饋 鄉射》主人獻寶、皆 《士虞》、《特牲》主人獻祝,《特牲 酢 賓 獻尸、主婦獻 長,《有司徹》主人 祭 也。《鄉飲酒》、 《特牲》尸九 肺, 嚌之;《燕 嚌啐,自貶 皆禮 是禮盛 脊 之 兩 飯 殺 佐 授

^{● 「}養」,原誤作「餕」,今據吕校改。

五六

不具 主 飲酒 祭肺,不嚌肺,亦皆禮之殺者。 徹》主人獻侑、主婦獻侑、主人獻長賓,皆 牢肺正脊以授尸」,經不云「祭嚌」者,文 之盛者。《少牢》尸十一飯,「上佐食舉尸 尸酢、主婦受尸酢,皆祭肺,嚌之,亦皆 啐酒 《燕禮》、《大射》之有公,亦猶《鄉飲酒》、 之賓也,《有司徹》祭畢儐尸之尸,亦猶 飲酒》、《鄉射》之賓,猶之《燕禮》、《大射》 夫則如介禮,不啐酒,不嚌肺 人之禮,若公則如賓禮,啐酒,嚌肺 嚌肺,不盛者不嚌肺也。 《鄉飲酒》遵者 之有卿、《鄉射》之有遵、《鄉射》之遵不嚌啐,則 鄉射》之有遵也,諸公爲遵,則如賓禮。 人 八獻賓 嚌 之賓 也。按:疏下當有「尸受祭肺」四字。 肺,尊之與賓同 也,故皆啐酒 《有 司 徹》主人獻尸、主人 《燕禮》、《大射》 嚌肺,盛其禮 也。 是禮盛者 《有 蓋《鄉 也、大 故亦 受 司 禮

> 卿皆不 《特牲》祝嚌啐,佐食不嚌啐,《少牢》祝啐 故不祭嚌。 卑於侑賓皆不嚌啐也。 酒,佐食不啐酒也。《少牢》祝及佐食俎皆無肺 宰夫爲之,遠下于賓,故不特不嚌啐,併 如賓尸禮。《燕禮》、《大射》之主人,則以 及尸也。《鄉飲》、《鄉射》之主人,《有司 亦無俎,但祭酒而已。 徹》之主人、主婦,皆尊,故亦啐酒嚌肺 酒》之有介也,故不啐酒,不嚌肺 大夫爲之。 嚌啐也。 \sim 嘉禮介 (有司 徹》之有侑, 吉禮 與 卿不嚌啐,則卑於介 侑 祝尊于佐食,故 與賓 亦 不嚌啐, ,殺於 猶《 鄉 則 賓 飲

延堪案:《公食大夫禮》賓祭正饌,升席,凡祭皆于籩豆之間,或上豆之間。●

❶ 「鑊豆」,目録作「豆鑊」。

五七七

取

挳 于 祭于豆間」。

庶羞輕也。

賓祭加饌,「贊者北面坐,辯取庶羞之大, 辯取之,壹以授賓。賓興受,坐祭」,注: 也。」此祭黍稷也,「三牲之肺不離,贊者 賓祭之」,注:「賓亦興受,坐祭之于豆祭 手,辯,又取稷,辯,反于右手,興以授賓 也。《士虞禮》尸人九飯,「取菹,擩于醢 則注所謂「膷、臐之間」者,亦上豆之間 也。」庶羞亦實于豆,膷、臐、膮三豆近賓 興,一以授賓。賓受,兼壹祭之」,注: 豆間祭之。云「上豆」者,正饌六豆故也。 祭飲酒于上豆之間」,此祭酒也。皆于 賓亦每肺興受,祭于豆祭。」此祭俎也, 韭菹,以辯擩于醢,上豆之間祭」, 醢,祭于 自祭之于膷臐之間,以異饌 「贊者東面坐 《特牲饋食》尸人九飯,「右 豆間」, 主婦亞 取 黍,實于左 獻 取韭 《大祝》注引《玉藻》「君若賜之食,而君客之,則命之祭 菹 尸受,兼祭于豆間」,主人獻侑,侑「右 蕡,體費,籩實也。宰夫贊者取白黑以授尸。 祭于豆間」。《有司徹》主人獻尸,尸「右 爲命祭,亦非。主人獻祝,「祝取菹猰于醢 祝》九祭之命祭也。《少牢》經不云命者,文不具也。注 佐食兼與黍以授尸。尸受,同祭于豆 佐食取牢一切肺于俎,以授上佐食。上 云「墮祭,爾敦,官各肅其職,不命」者,非也。又後鄭 之前之祭爲墮祭,又名挼祭,皆祝命之祭,即《周官•大 祭」,《士虞》、《特牲》尸人九飯之前,《少牢》十 食》尸入十一飯,「尸取韭菹,辯 腝于三 豆,祭于豆間。上佐食取黍稷于四敦,下 **抨于醢,祭于豆間,又取麷蕡同祭于豆** 菹, 抨三豆, 祭于豆間。

「祝贊籩祭。尸受,祭之」,注:「籩祭,棗

栗之祭也。其祭之,亦于豆祭。』《少牢饋

此

祭豆

坐取

飯

尸

取麷

挳于醢,祭于豆間。 祭于豆祭」,主婦受尸酢,主婦「右取 于豆祭」; 主婦獻侑,侑坐,「取糗脩 祭,以羊鉶 婦 之柶 獻 尸 , 挹羊鉶,遂以 尸 又取麷蕡,兼祭 祭 糗 脩, 挹 同 豕 祭 鉶 于 于 菹 豆 豆

糗。 祭于豆間」。 主婦致爵于主人,主人「右取菹 主婦 祝取栗脯 不儐尸之禮,主婦 獻祝,祝 《士昏禮》女父禮使者,賓 以 授尸。 「取棗糗祭于豆祭」; 亞 尸兼祭于豆 獻,尸「取 **拠于醢**, 棗

祭于脯醢之豆間。」則祭醴 云:「此 左執觶,祭脯醢,以柶祭醴三」,注:「凡 及《冠禮》、《鄉 飲 酒》、《 亦於豆間。 鄉射 疏

《燕禮》、《大射》皆有脯醢 食大夫》及《有司徹》豆多者,則言祭于上 此注不言籩,直言豆者,●省文。 則在籩 豆 之

間。

者,文不具也 禮》、《大射》諸經文,不云祭于籩豆之間 醴之祭, 士冠》、《士昏》、《鄉飲 皆于 籩 豆 立之間 酒》、《鄉 或 上 豆 一之間 射》、《燕 也。

五八

所親 間祭」,疏云:「「上鉶之間祭」者,著其 然醬本豆實,大羹湇「實于鐙 岐曰:「醬湇不得言加,注偶誤。 席末,「取梁,即稻,祭于醬湇間 于餘者,餘祭于上豆之間。」賓祭加饌,坐 賓祭正饌,「扱上鉶以 又案:亦有祭不于豆間者。 豆謂之鐙。」則醬湇間亦豆間,但非前所 處,故祭粱不于豆而於此 祭稻粱不以豆祭,祭加宜于加。」張 設,醬湇亦公所親設,公設是 一栖,辯擩之,上鉶之 耳。」張説是也。 《公食大夫》 」,注:「瓦 粱是公 注 饌 氏 異

直」,原誤作「及」,今據吕校改。

豆之間也。」據此,是脯醢、殽羞、食羹、酒

然也。 柶。 用一柶,則當有四柶,今唯一柶,故疏 鉶、豕鉶各一,牲用一柶,則當有三柶,鉶 考《公食大夫》之牲牛羊豕,牛鉶二,羊 鉶之間爲異,蓋《有司徹》尸 祭上豆之間耳。 祭也。《公食》有四鉶,故云上鉶,疏 扱上鉶辯擩,則唯有一柶優賓,故用 《少牢》二鉶,祭神 唯《公食大夫》祭鉶于上 ,故宜各有柶 祭鉶 亦 于豆 也。 云: 云

凡餕者亦祭。

舉,各一膚。又云「皆取舉、祭食、祭舉乃及長兄弟養、注:「古文「養」皆作「飯」。」佐食授食,卒。姑酳之,婦拜受,姑拜送。坐祭,食,卒。姑酳之,婦拜受,姑拜送。坐祭,在以。 御贊祭豆、黍、肺,舉肺、脊。乃廷堪案:《士昏禮》婦饋舅姑畢,「婦餞姑爺不必

夫之于妻耳。可謂深得經意。 祭」,故鄭氏云: 餕而 考之《禮經》,餕者亦祭,此則云「餕餘不 祭,唯此類也,食尊者之餘則祭,盛之。」 不祭妻」,鄭注:「食人之餘曰餕,餕而不 又案:《曲禮》「餕餘不祭,父不祭子,夫 尊酳之」。又婦饋舅姑,婦餕畢,「媵 餕,姑酳之」,皆不云祭者,禮又殺 昏禮》「媵餕主人之餘,御餕婦餘,贊酌 是殺禮,亦祭者,重尊者之餘也。 酳,「皆祭酒,卒爵」,是餕者亦祭 又云「養者皆祭黍、祭舉」。卒食,主人酌 饋食禮》尸出,「司宮設對席,乃四人賽」。 賽酌酢主人,●「主人坐祭,卒爵」,《少牢 食,祭鉶,食舉」。主人「酌,酳上賽」。上 不祭,唯父之于子, 疏復引熊 也 也。 又《 士 外 御 餕

「上賽」,原脱,今據呂校補。

一五九

失經意 經》 與陳氏等。蓋顧氏之學雖博,而于《 祀之祭,而不蒙上「餕餘不祭」之文,其失 祀之祭 氏 亦誤以「餕餘不祭」爲祭祀之祭。 食」、《集注》:「食恐或餕餘,故不以 説 特疏,故其言 以 則 ,尚知是祭食之祭,前説 申之,尤爲完密。 陋 甚 矣。 如此。 顧氏 《論語》「君 炎武 陳 氏 亦以 直 灝 後 以 (薦。) 爲 爲 説 賜 禮 祭 祭 雖

飲酒,君臣 廷 爵。」又公舉大夫所媵爵酬 君自酢 注:「更爵者,不敢襲至尊也。」疏云:「獻 爵,洗,升,酌膳酒以 飲者象觶,故賓必易觶也。 賓進受虚爵,降奠于篚 堪案:《燕禮》主人洗象觚 同 用觚,必更之者,不敢因 不相襲爵,男女不相 降,酢于阼階下」, ,易鱓洗」。 又主人獻士 賓,卒觶後, 獻 襲爵 公畢,「更 公所 君之

禮,降,更爵,洗」。

此媵爵者自飲,皆用

《燕禮》作「膳」。 洗」,公所賜者亦象觶,故受者必更爵也 唯公所賜。 畢 更,易也。 ,賓媵觚 于公,「公坐取寳 受者如初受酬之禮,降,更爵 所 媵觚,興。

致者。 媵 賓 酬賓,卒觶後,「賓進,受虚觶,降,奠于 象觶,「升實之,序進,坐奠于薦南」。 觶,升酌散。 爲易,與《燕禮》注不同,說見下。又主人酬賓後 《大射儀》主人獻公畢,「更爵洗,升酌散 觚,升酌膳,坐奠于薦南」,「公坐 篚,易鱓,興洗」。 「小臣作下大夫二人媵爵」,媵爵者洗 觚,興。 「媵觶于公,酌散」,卒爵後,降,「洗象 若命皆致,則序進,奠觶于篚」,洗 唯公所賜。 易爵,不敢襲至尊。」此注即以更 卒觶後,待于洗南,「 以降,酢于阼階下」,注: 又射畢,主人獻 受者如初受酬 「小臣 取 士後, 賓 之 角 所

凡

非常例 爵,明 角觶 角 爵自 觶,洗」,敖氏繼公曰:「公優所酬者,或 婦後,「主人更爵,酌,醋」,注:「主人更 角觶。」受酬者得用象觶,蓋以君命之故, 使得用 禮也。」賓卒觶後,「若膳 易不洗」,注:「不易,君義也。 不洗,臣 于《燕禮》、《大射儀》酬賓,「公有命,則不 又主人「洗,獻内兄弟于房中。 人」,注:「賓更爵自酢,亦不承婦人 爵,酌,致于主人、主婦」,「更爵,酢于主 曰: 『夫婦相授受,不 燕禮》亦然。 觶 始酬 ; 酢,男子不承婦人爵也。 夫 媵爵于公,皆用象觶,故受者仍 也。 膳觶,而不可及乎其他,是以更用 婦之別。」又三獻,謂賓也。 其他,卑者不敢用尊者觶 此皆君臣不 《特牲饋食禮》主人致爵于主 · 相 相襲 襲 觶 處。 也,則降, 爵者也。 更爵 《 祭 酢 八爵。」 必 酢 統》 也。 洗 易 更 更 至

祝。 牲饋 《有司徹》主婦獻尸、獻 畢,「尸降筵,受主婦爵以降」,注:「將酢 篚,以授主婦于房中。 答拜」,注:「祝出 人、主婦畢,「易 以醋主婦」,又「主婦獻祝,其酌如償」,如 亞獻,尸卒爵,「祝易爵洗,酌,授尸。 者,男女不相襲爵。」又不儐尸之禮,主婦 婦。「尸易爵于篚,盥,洗爵」,注:「易爵 尸酢後,「主婦 爵,「易爵,洗,酌,授尸。 儀」,注:「不易爵,辟内子。」《有司徹》不 人」,此皆男女不相襲爵者也。至于《 儐,如《少牢》禮也,則亦易爵。 少牢饋食禮》主婦亞獻,尸卒爵,祝受尸 食禮》,主婦亞獻,尸「酢,如主人 男女不 相 以 爵于篚,洗,酌,醋于 襲,故 爵出,贊者受,易爵 易爵,男女不同爵。]又 獻祝 侑、致爵于主人 主婦洗,酌,獻 主婦拜受爵,尸 又賓致 亦 易 公爵于 爵 也。 特 主 主 干 È

禮經釋例

禮殺也。
一世,一是爵,酌,醋」,經不云易爵,亦爵,皆禮殺之故。然則《特牲》主婦致爵醋」,注:「自酢不更爵,殺。」蓋男女不易離」,注:「自酢不更爵,殺。」蓋男女不易

也。 又案:敖氏繼公曰:「易觶,謂更取 尊者與卑者之爵。不言易而言更者,旅 初受酬之禮。 易觶洗,是與卑者言易。」又云:「下士舉 洗」,注:「于尊者言更,自敵以下言易, 或言更,或言易,互文耳。」《燕禮》「易 酬下爲上,尊前人,故不言易而言更也。」 旅,公坐取賓 人獻公,更爵洗,下文賓酬卿,若膳 更作新。易有故之辭。」疏云:「上文主 則降更觶,是與尊者之爵言更,此文 所勝 降更爵洗,升酌 解,唯公所賜受者,如 膳,彼亦是 角觶。 觶 觶

言更爵酢者,欲得嘉賓美客,以事其先, 言更爵酢者,欲得嘉賓美客,以事其先, 故言更。《少牢》不儐尸,致爵于主人、主故言易。」張氏爾岐曰:「易猶更也。注於言易。」張氏爾岐曰:「易猶更也。注於之說是也。考《大射儀》,主人獻公畢, 氏之説是也。考《大射儀》,主人獻公畢, 作之説是也。考《大射儀》,主人獻公畢, 能自守其説,而疏文出於附會明矣。

凡脯醢謂之薦,出自東房。 堂,脯醢亦出 醮 廷堪案: 薦即 **『凡』以該之。」考《士冠禮》「陳服于房** 射》、《特牲》、《少牢》薦者皆出東房,故云 云:「醴,尊在房,脯 用 脯 醢」,注:「凡 脯 自 醢也。《士冠禮》 「始加 東 醢 房。《鄉飲酒》、《 薦 出 自東房,酒尊在 出 自 東 房。」疏 鄉

又云:「《特牲》賓長致爵于主人、主婦

一婦」。

又云「主

婦婦

《公食大夫禮》賓升,設正饌,「宰夫自東 與篚于房中」,又云「改饌豆、籩于房中, 濯,《少牢》視濯即于祭日,與《特牲》異。「饌」豆、籩 菹、醢」,又云「婦贊者執昌、菹、醢 《有司徹》主人獻尸,「主婦自東房薦韭、 厭,主婦薦、自東房,此皆疏所已言者也 脯,五挺,横祭于其上,出自左房」。 房授醯醬」,又云「宰夫自東房薦豆六」。 南面,如饋之設,實豆、籩之實」,又陰 醢以豆,出自東房」。《特牲饋食禮》 又云「婦贊者執白、黑以授主 用箋,五膱,祭半膱,横于 南上」,士東房西室,云 在東房」, 《鄉飲酒·記》「薦 興,取 《少牢饋食禮》視 籩于房, 麷 又祭 日 ,「實 以 鄉 也。 執以 注"「凡,非一也。 房,其餘疏云:「謂衆賓兄弟之薦也。」在東堂」是 者、《特牲·記》云「賓與長兄弟之薦自 皆出自東房可知 賓致爵于主婦,所薦籩豆,經雖 **儐尸之禮、主婦** 《大射》、《聘禮》以及《有司徹》主人獻侑 栗、脯」。 取籩于房中,執棗、糗」,又云「婦贊者執 食大夫禮》「凡宰夫之具,饌于東房」, 主人受尸酢、主婦 脯、醢」。又不賓尸之禮,主婦亞獻,「反 如尸禮;又主人獻長賓,「宰夫 又主婦獻尸,「興,人于房,取糗 也。」下文,凡宰夫所設者,皆在東房,酒漿亦在東房。 簠、簋、鉶、庶、羞亦有在東房者、《公 出」, 又主婦致爵于主人, 設糗 此皆疏所未言者也。 獻 也。 祝、主婦致爵于主人、 獻侑、主婦受尸酢、不 飲食之具,宰夫所掌 薦亦有不

視濯

, 「豆、籩、鉶

豆、籩、鉶,陳于房中」。

上。

射•記》「薦,脯

中」,又云「脯

醢

房中」,即

東

房

也。

自

東

房

薦

與瑕

脩,

《燕禮

無

文,

則

在東

房

東

西。 從」。《特牲》鉶在房中,見上。 在 徹》及不賓尸之禮,「宰夫羞房中之羞 **贊者執豕鉶以從」。** 中」,又云「下佐食又取一豕鉶于房中以 牢》尸人,「上佐食羞兩鉶,取一羊鉶于房 受贊者敦稷」,此簠簋之在房者也。《公 主婦興受」,「又興受贊者敦黍」,「又興 敦黍」;又云「婦贊者執敦稷以授主婦, 饌,「宰夫授公飯粱」。又「宰夫膳 此羞之在房者也。此内羞,故在房。亦有不 獻尸,「入于房,取一羊鉶」,又云「主 食大夫禮》「宰夫設鉶 正 饌,「宰夫設黍、稷六簋 東房者、《特性》視 鉶,如尸禮,此鉶 《少牢》陰厭,「主婦自東房執 主婦致爵于主人,設 之在房者也。 濯 四于豆西」。 下,兩敦 《有司徹》主 于俎 在 西 西 《有司 稻 堂 一 金 ^ 于 婦 少 婦 加

> 是也 糗餌、粉餈,其豆則酏 又案:《有司徹》注:「房中之羞,其籩 之,四籩亞之」,則是反吉,非恒例矣。 亦籩豆也。 之東,醢在 0 若《士虞禮》「饌 西, 内羞是穀物,庶羞是牲物 一鉶亞之。 食、糁食。」則内羞 兩 豆菹、醢于西 從獻 豆兩 則 楹

《特牲饋食·記》「尸俎:右肩、臂、臑、 脊、脅、臂、肺。 射・記》「賓俎,脊、脅、肩、肺。 主人俎, 脊、脅、肫、胳、肺。皆右體,進腠。」《鄉 肩、肺。 廷堪案:《鄉飲酒• 肫、胳,正脊二骨,横脊, 「右體,周所貴也。」此嘉 《少牢饋食禮》實鼎,「司馬升羊右 主人俎、脊、脅、臂、肺。 皆右體 記》「賓俎,脊、脅、 也。進 長脅二骨,短 禮用右胖也。 腠」,注: 介 俎,

《公食大夫》士羞庶羞,由門入,升自西階

凡牲皆用右胖,唯變禮反吉用左胖。

胖 載俎,「上利升羊,載右胖,髀不升」。 又云「司士升豕右胖,髀不升」。 胖,髀不升」,注:「上右胖,周所貴 亦 **遣奠陳鼎,「其實:羊左胖,髀不升。豕** 朼豕,亦司 士載,亦 馬朼羊,亦司馬載。 體 俎 用左胖也。至于《特牲·記》賓骼,注: 肩折」。 司徹》「侑俎 云「升腊左胖,髀不升」。 云「下利升豕,其載如羊」。 骼,左骼也。」實用左骼者,下尸也。《 解,「升左肩、臂、臑、肫、胳、脊、脅」,又 如之」,注"「反吉祭也。」《士虞・記》 也、是凡牲皆用右胖也。 ,羊左臑」,主 下主人也。 侑用左體者,亦下尸也。 「主 ,羊左肩、左肫」,又云「豕 婦 此皆禮之殺者,故 用 右體」。 載右體」,又云「司 左體者 是變禮反吉,始 《有司徹》「司 《既夕禮》大 此吉禮用 「, 因 阼 又將 俎 也 甪 左 有 右 \pm 無 又 祭

《士冠禮》「若殺」,注:「凡牲皆用左胖。」 終:故皆合升左右胖,異於他禮 道之始,昏禮,男女之始,大斂,人道之 注:「合升,合左右體,升于鼎。」冠禮,人 升,去蹄」,注:「合升,合左右胖,升于鼎 胖。』《士昏禮》初昏,陳鼎,「其實特豚,合 升」,注:「煑于鑊曰亨,在 注凡牲皆用左胖,當作「右胖」,「左」字蓋 用左,鄭據夏、殷之法,與周異也」。 射》用右體。 胙用左,則用右而祭之。 儀》云:『大牢則 也。」《士喪禮》大斂奠陳鼎,「豚合升」, 曰載。載合升者,明亨與載 又案:《士 疏云:「《特牲》、《少牢》皆用右胖,《少 冠 與祭同,據周而言也。 禮》「若 以 牛左肩折九箇。」爲歸 殺 《鄉飲酒》、《 則 鼎 特 日 皆合左 升,在 豚 也。 此 載 竊 云 鄉 又 俎 合

右

|胖也

六六

升左。 」 升,用成牲則升其胖 足信也。 夏、殷冠子之法,故爲此説 寫之誤。 陳氏祥道 疏以「若不醴則醮 曰:「豚 而 去髀,吉升右 以 則吉凶皆合 遷就之,不 用 酒 而 凶 爲

凡牲二十一 前 旁中爲正。脊先前,脅先後,屈而反,猶 臑 肫、胳,正脊二骨,横脊,長脅二骨,短 廷堪案:《特牲饋食・記》「右肩、臂、臑: 器之絳 脅一」,注:「髀不升,近竅賤也。 羊右胖,髀不升,肩、臂、臑、膊、胳,正脊 脅。」此九體也。 一、脡脊一、横脊一、短脅一、正脅一、代 爲正,其次名脡,卻後名横。」此三脊之 ,肱骨。膊、胳,股骨。 也。」此十一體也。 體,謂之體解。 《少牢饋食禮》「司馬升 脊從前 疏云:「脊以 爲正,脅 肩、臂、

> 之上 與左右 脊也。 脅骨三,代脅、長脅、《特性》又曰 胳、亦作骼。 觳也。 脊骨三,正脊、脡脊、横 肩、臂、臑也。股骨三,肫、亦作 骨二,膊、胳也」,陳氏祥道曰:「肱骨三, 脡、脊、代脅,爲十一 中,短脅在後矣。● 此三脅之次序也。 短脅也。 注「凡牲,前脛 股骨二、脅骨三,爲十九體,加二觳,爲 士升豕右胖,同《特牲》九體;《少牢》多 次序也。 二十一體,皆體解也。又《鄉飲酒 可則髀 股之肫、胳、觳而爲十有二。脊骨 也 正脊之前則 疏又以代脅最在前 骨三、❷肩、臂、臑 然則左右 體, 合左胖肱骨三、 膉 也。 「肱之肩、臂、臑, 亦謂之脰。 ,則正脅 也,後脛 膊,音純 · 記 》 幹。 肫 司 居

❷ 「三」,原誤作「二」,今據吕校改。 ■ 「短」,原誤作「代」、《清經解》本同,今據上下文改。

主 説,亦不相合矣。 數,不但與 穿鑿,欲去兩觳,而 取二觳,不取二髀,與陳説同。 羊」,注:「凡牲體之數及載,備于此。」疏言二十一 之説,蓋本之于《少牢》疏,《少牢》「上利升 而二十有一,去二觳 虞》:「祝俎,髀、脰。」則祭之所用者,去髀、膉 薦于神尸主人之俎。 兩髀,不升于主人、 三,與左右脅骨六而爲九。二觳,正祭不 婦之俎。 / 賈 疏 **膉**,不升于吉祭之俎。《士 異 7,且與經文髀不升之 以 而爲十九矣。」陳氏 兩 朱文公以陳氏 髀 備 二十一體之 爲

凡牲七體,謂之豚解。

七體也,此左胖之七體,亦謂之體解。脅,正脊、正脅也。喪禮略,七體耳。」此「升左肩、臂、臑、肫、胳、脊、脅」,注:「脊廷堪案:七體之説有二。《士虞・記》

虞 • 脊 脊』、《既夕》鼎實羊左胖,亦如之。 喪禮 乃體解,升于鼎也。」是注所謂豚解,即 也。 殊肩 鬄,去蹄 四鬄者,殊左右肩髀 也。房脀,體解也。 房晉、親戚燕飲有殺晉。 語》曰:禘郊之事則有全脅,王公立飫 四鬄、兩舶、一脊也。 解」,注:「豚解,解前後脛脊脅而已。 解之,殊肩髀而已。」「胉,脅也」,如注言, 士喪禮》,小斂,陳一鼎,「其實特豚, ",豚解 圃 爲七。 記》「殺 髀 此全牲之七體,則謂之豚解。《 》特豚,『四 爲 而 四,加 兩舶、脊」,注:「鬄,解也。 此 子 所 廟 至虞 兩脅一脊爲七,亦七 謂 鬄,去蹄, 門 而 ,然後豚 豚 殺脅,骨折 西,主 陳氏祥道 爲 解 四。 也。 則全脅,豚 人不視。 又兩 兩 解 $\hat{\pm}$ 日 : 脏、 體 也。 一喪禮 胎、一 解 脋 也 體 + · 指 + 則 或 兼 解 有 熟 豚 四 四

經 例

六八

朝踐 體 二十一體。 其俎,謂豚 有 解 牲體之法,有全晉,其豚解爲二十一體。 禮》主人獻賓,「乃設折 及《士虞》 體,爲十一體,爲十九體,爲二十一體, 之」,則亦以其説爲 公《儀禮經傳 一, 而 解 《禮運》曰 ~, 則 獻 别 若夫 腥 议 此 解而腥之爲七體。 大夫士有體 之禮: 七體,蓋皆 折 折 「腥其俎,孰其殽」,體其犬豕牛羊。 正祭,則天子諸侯 俎爲體解,不可從 通解》曰 俎是 故 也。」説與 也。」則誤 然也。 解,無豚解,以 體 「豚解之義,陳説 孰其殽,謂解之、爓之爲 俎」,疏云:「凡解 解 若夫析之爲 鄭注合。 矣。《鄉飲 以 有豚解、 體解 也。 朱 爲豚 其 酒 以 九 得 無 體 腥

凡 肺 也 堪 皆有二,一舉肺,一祭 割肺 案:《士 者,使可祭 冠 禮 三》「離 也,可 肺, 肺 嚌也。] 此即 注 舉 割

注 虞 肺也。 少許 尸主人、主婦祭。今文刌爲切。』《少牢 食禮》司馬升羊,司 心,謂之舉 肺,舉肺也。』《特牲饋食·記》「離肺一」, 肺 下文,「賓興受,坐祭」,不云嚌之,則爲 祭離肺者,絶肺祭也。」此即祭肺也。考 注:「不離者,刌之也。 肺也。《公食大夫禮》「三牲之肺不離 射》、《燕禮》、《大射》皆先祭後嚌,是皆離 在 肺 • 미 左 也 記》云「離肺」,又云「祭肺」,注:「離 相 知。 手 「祭肺三」,注:「舉 離 此舉肺 者,則 連,祭時,以 離者,午割之, 猶 達也。 注以爲「舉肺」者、非也。 肺。」又云「刌 不 嚌 離 小而 之也。 而刌之者,便賓祭也。 右 士升 長,午割之,亦不提 手 離 不言刌,刌 肺一,尸食所先 絶 而 肺三」,注:「爲 豕,皆云「舉 鄉 不 丽 飲 殊,留 祭之,其 酒》、《 中 則 + 祭 祭 鄉 央

舉 切 肺 俎 肺 禮》大遣奠「鼎實離 此得有祭肺者、 而 也。」今考亦有 云:「祭時二肺俱有,生人唯有舉 「玄冕齊戒,鬼 一」,注:「每 皆祭 肺 祭 也。 用祭肺者、《公食大夫禮》「三牲之肺 不 是也。 ,亦舉 ·備禮 ,無嚌肺 肺 肺 兼 祭肺三,爲尸、主人、主婦。」皆 也。 有 一,羊肉湇皆嚌肺一,豕俎 肺 者也。 祭肺兼 `皆二者,夫婦各一耳。」 ,主婦俎有 《士昏禮》「舉肺脊二,祭肺 神陰 鬼 (禮記 神 $\stackrel{\wedge}{\sim}$ 肺」是 陽 有。 丽 有 郊特性》論 也」,故 用 司 嚌羊肺,無祭肺 侑 羊 俎、 豕 舉 徹 也 肺 》尸、主 與 者 亦有 祭 肺。 祀 娶 既 人 生 俎 皆 疏 婦 羊 不 夕 同 嚌 舉

下,餼之屬皆陳于門内外。 凡牲,殺曰饔,生曰餼。饔之屬皆陳于堂上

堂之饌 牢,鼎 列。 牛,以東羊、豕。 稷,錯。 鼎,設于阼階前 鮮腊,設于阼階前,西面,南陳如 腊、腸、胃同鼎,膚、鮮魚、鮮腊,設扃 壺設于西序,北上,二以並,南 醢 西,西陳,皆二以並,東上,韭菹 殺者曰饗也。 西階前。 謂之飪 膷、臐、膮,蓋 廷 面 '; 北 堪案:《聘禮 屈。 牲之未亨者謂之腥,此腥二牢各七 九、設 上,上當 一,此飪 西夾六豆,設于西塘 注"「屈 六鉶繼之,牛以 又云「腥二牢、鼎二七、無鮮 于 陪牛、羊、豕」。牲之已亨者 猶錯也。] 八簋 又云「堂上 牢鼎九,及陪鼎三,設于 碑,南陳; 西 影歸 , 飪與腥皆饔也。 兩 階 簠 聘 前 繼之,梁在北。 賓饔餼,「饔,飪 陪 西羊、豕, 牛、羊、豕、 八豆,設于户 鼎 繼之,黍 下,北 當 陳。 丁,其 内廉, 飪 是牲之 **鼎**,二 此 南 其 陳于 魚 鼏 魚 南 南 東 韭 醓

禮經釋例

南陳。 以北牛。 菹 也。 在東」,又云,「米百筥、《記》:「四乗日筥。」設 也。又云「醯醢百罋,夾碑,十以爲列,醯 陳于東西夾之饌。此堂下所陳,皆從飪牢者 牢,亦在階前。又云「堂上之饌六。 牢,在東,鼎七」,此上介之饔,飪腥 之屬皆陳于堂上下」也。又「上介,饔餼 行,稷四行」,此堂下 于中庭,十以爲列,北上。黍、粱、稻皆二 方,亦如之,西北上。壺東上,西陳」。 亦如之」,此從飪牢者,陳于堂上。 三牢,飪一牢,在西,鼎七,羞鼎三,腥 筥及罋,如上賓」,此從腥牢者,陳于堂 其 皆饔之屬,陳之以堂爲則,故曰「饔 六壺西上,二以並,東陳。饌于東 東 四鉶繼之,牛以南羊,羊東豕,豕 醓 兩簠繼之,粱在西。 醢 一, 居。 六簋繼之。 所陳,皆從腥牢者 皆二以並, 黍其 西夾 又 各 東

> 《聘禮》記:「四百秉爲一秅。」設于門西,西陳 門東,爲三列,東陳。禾三十車,車三秅 禮》記:「十六斗曰籔,十籔曰秉。二百四十斗。」設于 之生者曰餼也。又云「門外,米三十車, 牢」。注:「亦飪。」上介有飪無腥,衆介飪 鼎三;堂上之饌六」。又云「衆介皆 車秉有五籔,注:「秉有五籔,二十四斛也。」《聘 上。牛以西羊、豕,豕西牛、羊、豕」,注 饔餼,聘賓「餼二牢,陳于門西,北面, 牛,皆隆殺之義。設強,故有饗無餼也。 三,腥一牢,在東,鼎七。 設飱,聘賓「飪 下,其數皆減于賓,禮殺也。 西夾六」,「上介,飪一牢,在西,鼎七,羞 「餼,生也。」此餼二牢皆陳于門内,是牲 一牢,在 西,鼎 堂上之饌八, 又聘前宰夫 九,羞 又 東 歸 少 無

陳于門外,陳之以門爲則,故曰「餼之屬

薪芻倍禾。」此

米禾薪

芻從生牢者也。皆

也。 米,又皆在門外,禮又殺也。 也。」士介、饔則有米無牢,餼 筥,設于門外」,注:「牢米不入門,略之 牢,殺也。又「士介四人,皆餼大牢,米百 其實與陳,如上賓」,賓餼二牢,上介餼 外米、禾視死牢,牢十車,薪芻倍禾。 皆陳于門内外」也。又上介,「餼一牢,門 經,歸上介饔,飪、腥各一牢,「堂上之饌 腥牢,車米從生牢,經例甚明。考之下 餼、「米百筥,設于中庭」,敖氏繼公曰: 然則歸賓饔餼米百筥節,似非其次,宜在 賓」,則米筥在醯醢罋之上,則從饔可知 醯 六,西夾亦如之」,下即云「筥及罋、如上 二牢」之下,故望文生義,以爲從 此米從餼者也。」竊謂敖氏以此節在「餼 以米言之,簠簋之米從飪牢,筥米從 百 罋 「節之上,絶爛誤在餼二牢節之 前歸賓 則有牢 餼 非 凡 貗 無

下也。

又案:《聘禮》「夫人使下大夫章弁歸 以並,南陳。禮、宗,皆必牢,米六筐。 群。」上介亦如之,衆介皆少牢,米六筐。 料。」上介亦如之,衆介皆少牢,米六筐。 料。」上介亦如之,衆介皆少牢,米六筐。 大夫有餼無饔,皆遠下人君也。 大夫有餼無饔,皆遠下人君也。 大夫有餼無饔,皆遠下人君也。

後,説《論語》者皆不知爲 生」,即禮所謂餼也。自何氏《集解 也,「君賜 又案:《論 江氏永之深於禮,而所著《鄉黨圖考》亦 腥」,即禮 語》「君賜 所謂腥 食」,即 典禮所關。 也; 禮 所 謂 君 賜 飪 而 雖

0

[「]兩」,原重文,今據《儀禮注疏》刪

七二

之難也。 未引此經以證之。甚矣! 讀書會通者

無餼 受饔禮。 羞陳于碑内。 筐,陳于楹 罋,陳于楹外,二以並,北陳。 各以其爵、朝服以 又案:《公食大夫禮》「若不親食,使大夫 豕陳于門内西方,東上。 賓朝服以受,如 也 無 内、兩楹間,二以並 償」,此歸食禮于賓,故有饔 庭實陳于碑外。●牛、羊、 侑幣致之。 簋實,實于 豆實,實于 ,南陳。 庶

路寢。」《燕禮・記》「燕,朝服於寢」,注:《燕禮》「膳宰具官饌于寢東」,注:「寢,内,「公揖入,賓從。及廟門,公揖入」,在堪案:《公食大夫禮》公迎賓于大門凡食于廟,燕于寢,鄉飲酒于庠。

寢也。 《鄉飲酒義》者,以其記鄉大夫飲賓于庠 人,謂諸侯之鄉大夫也。」則《禮經》此篇 序之禮,尊賢養老之義。」據此,則鄉飲 于序門外也。」●又鄭《目録》云:「名 州、黨曰序。」孔氏《正義》曰:「此謂 也。《鄉飲酒義》鄭注云:「庠,鄉學也, 之外,人,三揖而后至階,三讓而后升,所 行之于庠可知。 亦有行于序者。 夫,故迎賓于庠門外。 以致尊讓也」,是《鄉飲酒》之禮行于庠 《禮記 燕於路寢,相親昵也。」 是《燕禮》行於路 · 鄉飲酒義》「主人拜,迎賓于庠門 **《鄉** 飲酒禮》經文不云行于何處 故《鄉飲酒義》亦云「迎 考《鄉飲酒 若州 長、黨 禮 ※注: 正 鄉 主 大 則 酒 日

序」,原作「庠」,慈銘校改作「序」,今從。

0

[「]碑」,原誤作「楹」,今據吕校改。

及鄭《目録》皆云「庠序」者、蓋兼州長習賓于庠門之外」也。而《禮記》鄭注、孔疏

《昏禮》納采云『至于廟』,記云『凡行 禮》云『不腆先君之祧』,問卿云『受於祖 皆禰廟 射、黨正蜡祭言之。 也。 牢以飲賓,獻依命數,在廟行之。」蓋饗、 廟,燕輕於食饗,又在寢,是其差次也。」 用昏昕,受諸禰廟』。以此而言,則言廟 又案:《公食大夫禮》「及廟門」,疏云: 故賈氏云然。若然,則饗禮亦行于禰 食、燕三者,饗最重,食次之,燕又次之, 禮,親四方之賓客」,賈疏亦云:「饗烹大 廟」之類是也。 「《儀禮》之内單言廟者,皆據禰廟。 響禮》篇亡、《周官·大宗伯》「以饗燕之 也。 若非禰廟,則言廟桃,若《聘 但受聘在祖 廟,食饗在 事必 是以 廟 禰

周官九祭解

《特牲》作「挼祭」,注:「《周禮》曰:『既祭,則藏其墮。」墮 徵傳記,未能 與接讀同耳。」必祝命之,故曰命祭。《特牲 率同也。 祭」,祭豆在祝命之前,與《特牲》小異,餘大 鉶,嘗之,告旨」。《士虞禮》 「祝命佐食 祭授尸。 尸祭之,祭酒,啐 亦作「擩」。 食禮》尸人,「祝命挼祭,尸執觶,右取菹,猰 即挼祭。《士虞》作「墮祭」,注:「今文「墮」爲「綏」。」 之學者擇焉。 善者從之,餘 之説,以爲皆飲食之祭。 《大祝》「九祭」,後鄭破杜子春及先 于醢,祭于豆間。 《特牲》不云命佐食者,文不具也 ,則以經爲主,下以己意,俟後 悉依《禮經》也。 曰命祭,謂墮祭也。 善矣! 酒,告旨」,「祭 佐食取黍稷 爰取舊注之 惜其 墮 猶 膧 肺 饋 祭 鄭

拜也。 者,故以爲首。二曰 此祭在尸未飯時、悉備諸祭、蓋祭食之最重 此 有 祝、 祭。 面,互見也。 虞》、《特牲》、《少牢》、《有司徹》之獻酒 知衍祭爲祭酒 洗角,升,酌,酳尸」,注:「酳,猶衍也。」是 毛傳:「衍,美貌。」又《特牲饋 命之。《士虞》、《特牲》云命祭,《少牢》云南 詩 特性》命挼祭亦南面,則《少牢》墮祭亦當 鄉飲 事也 説 獻佐食之屬,無不祭者。 · 小雅 雖 非 酒 與《少牢》同。 也。 獻工、獻笙、獻 食禮》尸人,「祝 》、《鄉 墮祭,爾敦,官各肅其職。 伐木》「釃酒有衍、箋 按《士虞》「祝拜妥尸」,此 大夫威儀多,不宜 也。 射 拜畢,就 》、《燕禮》、《大射》、《 飲酒之禮,獻酒必祭,如 獲者、獻釋 衍祭,謂 反 南面位,命墮祭。 南 酢酒 面」, 食禮》「主人 殺于士矣。 祭酒 豆 獲者、 酬酒 注: 不命。」 有 踐 西 也。 面 獻 士 未 以 皆

兼祭。 左執 獻祝、致爵于主人,賓致爵于主婦、皆豆 尸、獻侑、致爵于主人。不儐尸之禮,主 尸;《有司 故謂之兼祭。不儐尸之禮,主婦亞獻,「尸 取 祭或振祭,籩實爲糗脩,豆實爲菹 猶 成曰:「「炮」字當爲「包」,聲之誤 之,祭鉶亦嘗之而告旨。 及舉 于豆祭」,亦兼 **麷蕡兼祭于豆祭」,此祭籩也。** 于衍祭也。三曰炮祭,謂祭豆籩也。 酒,皆左手執 菹 兼也。」按: 籩實爲脯,豆實爲 唯至 爵,取 觶 挳 《有司徹》主婦受尸酢,「左執 于醢,祭于豆間」,此祭豆也,「又取 媵 旅 爵 徹》主人獻 棗糗,祝取 酬 爵,于豆間 爲 祭 旅 無 也。 酬 算 爵,乃不祭耳。 栗脯 他 無算爵始之酒, 侑、受尸酢,主 容祭之。 則祭醴、祭鉶 如《 以 特性》主 授尸 又祭 豆籩 醢 , 尸兼祭 **一醢,**則 則 也。 醴 凡 同祭, 爵, 婦 鄭康 當 用 亦 亦 獻 擩 婦 獻 右 附 用 啐 必

七四

《曲禮》曰:『殽之序,徧祭之。』」按《公食大 故云辯。又云「贊者東 擩于醢,上豆之間祭」,此祭豆也,豆有六, 夫禮》,賓祭正饌,「坐取韭菹,以辯即偏字。 以授尸,尸受,兼祭于豆祭」,則主人獻尸之 也,庶羞十六豆,故云辯。皆周祭也。至于 賓祭加饌,「贊者北 鉶之間祭」,此祭鉶 豕,故云辯。 又云「扱上鉶以柶,辯擩之,上 賓興受,坐祭」,此祭 賓祭之」,此祭黍稷也,簋有六,故云辯。 又 手,辯,又取稷,辯,反于右手,興以授賓。 云「三牲之肺不離,贊者辯取之,壹以授賓。 也。 祭。 後 以授賓。 鄭所舉《有司徹》「宰夫贊者取 經或云兼祭,或云同祭,其 四曰周祭,鄭康成曰:「周,猶徧 賓受,兼一 也, 鉶有六, 故云辯。又 面 肺 坐 面 也,食禮用牛、羊、 祭之」,此祭庶羞 ,辯取庶羞之大, 坐取黍,實于左 (實皆: 白 兼 也 黑 祭 爵

也。

同

禮

半臟,横于上」,職長尺有二寸。 皆是擩祭。 之,此則擩 徹》凡以 祭嚌之。經不云者,文不具也。 既擩必振乃祭也。」按《士虞》、《特牲》尸入 振者也。 舉肩,皆振祭,嚌之。《少牢》尸入十一飯 九飯,佐食舉肺脊、舉幹、舉骼、《士虞》作「胳」。 飲酒》、《鄉射》、《燕禮》、《大射》所云祭 振祭,嚌之。前此上佐食舉牢肺正脊以授尸,當亦振 上佐食舉牢幹、魚、腊肩、牢骼、牢肩,尸 六曰擩祭,皆謂 豆間」,則又命祭中之周祭矣。 少牢》墮祭,「尸取 振祭、擂祭本同,不食者擩則祭之,將食者 ,右取祭脯,擩于醢,而祭于豆間,不食故 肝 《士虞》、《特牲》、《少牢 而後振者也。將食故必振。《鄉 《郷射・記》云「薦,脯,五膱,祭 燔從者,皆擩于俎 祭 **韭**菹,辯擩 薦 俎 此皆祭俎不擩 也。 蓋祭 鄭康 于三豆,祭干 鹽,振祭, 五. - 》、《有 曰 者 成日 振祭, 左 而 煮薦 亦 執 嚌 司 即

七六

肺 不 于主 酢。 亦本同 末,乃絶以祭也。」鄭康成曰:「絶祭、繚祭 肺 周祭中之擩祭。 若挼祭,所云則命祭中之擩祭。 《公食大夫》祭豆祭鉶 牢》主人獻祝,「祝取菹擩于醢,祭于豆間」,此方是擩 牢》挼祭,以明不食則不振,非注意也。《少 實祭之,又爲兼祭矣。 脩之屬,不可擩,則必取菹 主人獻卿,《特牲》主婦致爵于主人、主人 獻賓,《有司徹》主人獻尸,主人、主婦受尸 士皆絶祭,非繚祭也。 鄉射》、《 振 也 以 婦 不儐尸之禮,主婦致爵于主人、賓致爵 祭也。 經不 鄭 ,經皆云「興 禮多 司 燕禮》、《大射》主人獻賓,《大射》 農日: 云 繚祭,以手從 七日 |者繚之,略者絶則祭之。|按 擩 者, 絶祭,八曰 取 「絶祭,不 省 肺,坐絶祭」,是大夫、 唯《鄉飲酒禮》主人 賈疏引《特牲》、《少 文 也 肺 擩 本 繚 循 于 若 循之,至 其 祭,皆 醢 籩 本 兼 實 直 謂 取 是 于 絶 則 祭 祭 簜 糗

繚,右 夫禮 臣在 俎。 墮祭,皆佐食授之,此命祭也。尸入飯時, 授肺,此 固 大夫以上乃繚,士則否。 若曰:「弗繚者,直絶末 也。」又云:「《燕禮》、《大射》雖諸侯禮 兼 云缭祭;《鄉射》,士禮,故云絶祭。 繚祭之證。 獻 公,膳宰贊授 共猶授也。」謂授祭也。 禮經》無繚祭矣。 士 絶,絕不得兼繚,是以此 賓 当非在 君前,故不爲繚祭。」然則《有司徹》, 也。」説 賓 注以弗繚爲繚祭,鄭司農亦引此以 絶末以 絶祭 興 君前,何以 疏云: 《鄉飲 與 肺, 右 也。 祭, 鄭、 手 \sim 《大射》主人獻公,庶子贊 尚 取 賈異。 九曰 士虞》、《特 肺 左 亦不繚祭也? 手, 嚌之。 卻 按《燕禮》,主人獻 共祭,鄭康 以祭,不必繚也 經文言弗繚,以 如 左 酒》,大夫禮 經云繚 手 張 性》、《 執 氏 本, 興,加 所 兼 但繚 成 (少牢) 言, 坐 張 曰 一, 以 則 客 穋 絶 爲 大 必 于 故 弗

以

爲「祭百神」,皆與《禮經》不合,則不暇

天,周祭,鄭司農以爲「四

面爲坐」,賈公彦

延客祭」;

炮祭,鄭

司農

以爲燔

柴祭

鄭司農

以

爲

「祭殤」,鄭康成又以

(爲《曲)

禮

命」,鄭康成又以爲《玉藻》之君命,衍祭

悉爲之辨矣。

徹

儀禮釋牲上笆

《有司徹》主婦致爵于主人,「其祭糗脩、祭

鉶、祭酒,皆如尸禮」,張忠甫

疑「其」字是

·共」字之誤,非也。

前尸祭籩是兼祭,若祭

羞

,亦贊者授之。

此周祭也。

皆爲共祭也。

此

兼祭也。《公食大夫》祭黍稷、祭肺、祭庶

主人獻

尸,「宰夫贊者取白黑以授尸」,不

儐尸之禮,主婦亞獻

,「祝取栗脯以授尸」,

舉牲體

亦佐食授之,此振祭也。《有司

之脰。 脅骨三,中骨謂之正脅,又謂之長脅,前骨 地 注"「脊從前爲正,脅旁中爲正。」肩上謂之膉,又謂 謂之代脅,後骨 脊兩旁之肋謂之脅,又謂之胉,又謂之幹。 謂之正脊,中骨謂之脡脊,後骨謂之横脊。 胳下謂之觳。 之肫,又謂之膞, 肫下謂之胳,又謂之骼, 謂之股骨,又謂之後脛骨。股骨三,最上謂 前體謂之肱骨,又謂之前脛骨。肱骨三,最 上謂之肩,肩下謂之臂,臂下謂之臑。 謂之蹄。《士昏》、《士喪》皆云「去蹄」,則凡牲皆 凡牲左體謂之左胖,右體 肫上 謂之髀。餘骨謂之儀。 中體謂之脊。脊骨三,前骨 謂之短脅。 《少牢饋食禮 謂之右 所以踐 ッ鄭 後 體 氏

授。

脯醢、羹酒皆在

席前,故祭薦、祭鉶、祭

酒

無授祭

也。

共祭亦備諸祭,故以

(爲九

祭

之終焉。

若夫命祭,杜子春以爲「祭有

所

主

鉶、祭酒,則不授也。凡祭,遠者授,近者不

七八

心舌。 躃 之全晉。《士虞·記》:「豚解。」鄭注:「豚解,解前後 肉在汁中者謂之肉湇。殊左右肱股四、脊 《鄉飲酒・記》、《鄉射》記皆作「腠」、《公食大夫禮》作奏。 與正脊謂之舉。 之嚌肺。祭肺謂之刌肺,又謂之切肺。 謂之倫 一、兩脅二,謂之七體,又謂之豚解,豚解 可 知 氣主謂之肺。 膚。 脊骨盡 腹 腴謂之腸胃。 處謂之尻。 肉理謂之腠,又謂之奏。 舉肺謂之離 皮謂之膚, 知食味者謂 肺,又謂 精 肺 謂 之 者 脛

同牲。 同牲。风腊之體,進概。风腊之體體,進腠,變禮則用左體,進柢。凡腊之體勝胃。《少儀》曰:「君子不食圂腴。」凡牲皆用右羊、豕。凡牛羊有腸胃,無膚,豕有膚,無膏、水、少牲》之牲,本、寒》、《特牲》之牲,豕,《既夕》、《少牢》、《有

儀禮釋牲下篇

夫七鼎,其二鼎則魚、腊。若上大夫,增鮮魚、鮮腊,爲九鼎,合左右胖、離肺。《士昏》之鼎,合左右胖、雄肺。《士昏》三鼎,其二胖,去蹄,舉肺脊二,祭肺二。《士昏》三鼎,其二胖,去蹄,舉肺脊二,祭肺二。《士昏》三鼎,其二鼎则魚、腊。《公食大夫》之鼎,牛、羊、豕各一鼎则魚、腊。《公食大夫》之鼎,牛、羊、豕各一鼎则魚、腊。《士冠》之

❶ 「骨」,原脱,今據吕校補。

酒》、《鄉射》、《燕》、《大射》之牲,狗,《士

凡《士冠

》、《昏》、《喪》之牲,特豚;

鄉

飲

與陳説異。

節

解

謂之折骨,折骨謂之殺脅。●

書》曰:「肫也, 胳也, 觳也。

不數髀,以經云「髀不升」故

也。」《儀禮經傳通解》謂當去二觳,增二髀,爲二十

體。

謂之體解,體解謂之房晉。股骨三,陳氏祥道《禮

六、脊骨三、左右脅骨六,謂之二十一體,又

脊脅而已。

熟乃體解,升于鼎也。」左右肱股骨各

夫也 《士虞》、《特牲》皆三鼎,其二鼎則魚、腊。 豕皆左胖,其三鼎則魚、腊、鮮獸也。 遷祖奠皆三鼎,其二鼎則魚、腊。《既夕》大遣奠五鼎,羊、 射》記 賈疏:「大夫俎卑于賓,主人尊于介。 不升。《少牢》五鼎,其二鼎則魚、腊。 鼎,羊、豕右胖各一 見。」或曰 臂、肺,遵俎,脊、脅、臑、肺。 射》賓俎,脊、脅、肩、肺;主人俎,脊、脅、 肺祭一」。《特牲》之鼎,豕右胖,十一體。 脅、肺、臑」,臑字宜衍。 介用肫。 左肩、臂、臑、肫、胳、脊、脅、離 ^ 士 證 《鄉飲酒》「介俎,脊、脅、肫、胳、肺 此即豚解。 之,亦無「臑」 若有二大夫分用臑 「肫」字衍。 喪》之鼎,「四 小斂奠一鼎,大斂奠、朔月奠、《既夕》 **《鄉** 字。 鼎,豕膚 射》「獲者之俎,折 《大射》:「獻服不。」注引《鄉 鬄,去蹄, 脏,則 釋 獲者之俎,折 若有一大夫用臑,即 介用胳。 **《鄉** 見賈氏疏。 《士虞》之鼎 鼎。羊豕之髀皆 肺 飲酒》、《鄉 《少牢》之 兩 ,膚祭三, 故肫 胎、 脊、 遵即大 脊、 胳 脊、 쩞 俎。 俎 脅、肺。 ;

鼎。

肺

《燕禮》、《大射》賓俎,脊、脅、肩、肺;《燕禮 虞》尸俎,如 俎。上大夫或九,或十一。 《公食大夫》用右胖,其左胖以爲庶羞。 脅,此賈疏所説,即《士虞》記七體也。《士虞》用左 尊。《公食大夫》之俎,肩、臂、臑、肫、骼、脊 注:「卿折俎未聞、蓋用脊、脅、臑、折、肺。 脊、脅、臑折、肺。《大射》主人獻卿,「庶子設折俎」, 俎如《鄉飲酒》、《鄉射》之主人俎也。 公俎,脊、脅、臂、肺。《大射》主人獻公,庶子設折 記曰「賓俎,脊、脅、肩、肺」證之。《燕禮》當與《大射》同 記》:「唯公與賓有俎。」《大射》「主人獻賓」,鄭注引《鄉射 饋食》「尸俎:右肩、臂、臑、 肺」。《特牲》、《少牢》肵俎,心,舌。《特牲 注引《鄉射・記》曰:「主人俎,脊、脅、臂、肺。」然則 牛、羊腸胃七,共 皆有祭」,注:「皆,獲者也。 其 鼎了祝 俎 下大夫或七,或九。 一俎;豕倫膚七, ,髀、脰、脊、脅、 肫、胳,正脊二 《大射》卿俎 牛羊、豕各 卿有俎者,射禮 祭,祭肺 令士 也。」 胖 離

宗婦,公有司、私臣俎,皆殽脅」,膚、離肺各 俎:臂,正脊二骨,横脊,長脅二骨,短脅」, 刌 各一、膚三。佐食俎、折、一膚。《有 另俎。祝俎,牢髀、横脊、短脅各一,腸、胃 牢》十一體也。 尸豕俎如羊,無腸、胃,豕膚九, 代脅各一,腸胃各三,舉肺一,祭肺三,此《少 膊、胳、正脊、脡脊、横脊各一,短脅,正脅、 折,其餘如佐食俎」,「衆賓、衆兄弟、内賓、 膚、離肺各一,賓俎,骼,「長兄弟、宗人俎, 折,其餘如阼俎」,「佐食俎:觳折,脊,脅」, 膚、離肺各一 髀脡,脊二骨,脅二骨」,膚、離肺各一;「阼 正 尸羊俎右體,肩、臂、肫、胳、臑、臑 肺三。 脊、脡脊、横脊各一,短脅、正 《少牢饋食》尸羊俎右胖,肩、臂、臑、 此《特牲》九體,無脡脊、代脅。 , 阼俎,主人俎也。 骨, 短 脋 膚三, 「主婦俎: 觳 脅、代脅各 在 離 「祝俎: 肫 司 肺 胳 徹》 下。

> 送之。 脀。 胃、切肺、豕膚各一。 長兄弟俎 肉清二俎。尸、阼、侑豕魚各三俎。 肺、祭肺各一。尸、阼、侑唯羊俎爲正俎。其尸、阼羊 豕膚、嚌羊肺 正脊及脅各一,腸、胃、切肺 腸、 衆賓、衆兄弟俎,儀。 主婦俎,羊 胃、 祭肺 各一。長賓俎,羊骼一,腸、 各 左臑、脊、脅各一,腸、 侑羊 共八俎。 各 内實、私人俎, 俎 左左 ,折脅一,膚 肩,左 皆以二俎 阼羊俎, 胃

禮經釋例卷五終

禮經釋例卷六目録

賓 客 之例

凡賓至,則使人郊勞。

凡郊勞畢皆致館。

凡賓至廟門,皆設几筵。 凡賓、主人相見,皆行受摯之禮

凡賓、主人受擊畢,禮盛者則行享禮。

凡賓、主人行禮畢,主人待賓,用醴則謂之

醴,不用醴則謂之儐。

凡爲人使者,正禮畢,則行私覿或私面之禮

凡賓、主人禮畢,皆還其摯。

凡庭實之皮,皆攝之,内文。 入設于庭,賓

者受之。

致命于堂,則張皮于庭。

主人受幣,則受皮

凡庭實之馬,右牽之,入設于庭,賓授幣于堂

凡聘、覲禮畢,主人皆親勞賓。

則受馬者受馬于庭,主人授其屬幣則馬出。

凡禮畢勞賓後,則使人致禮于賓。

凡會同之禮四傳擯,皆如覲禮

凡會同、巡守之禮,皆祀方明。

凡天子於諸侯則傳擯,諸侯於聘賓則旅擯。

凡相大禮皆上擯之事。

凡諸侯使人于諸侯謂之聘,使人于大夫謂

凡聘、問、覲皆于廟,會同于壇,士相見于寢。 之問,小聘亦謂之問

附覲義 二篇。

共十八例。

禮 經釋例卷六目録終

禮經釋例卷六

歙淩廷堪次仲學

賓客之例

たってできずって。また四月及・月で延堪案:《聘禮》「賓至于近郊,張旜。凡賓至,則使人郊勞。

退,再拜稽首,受幣。勞者出。授老幣」,學者奉幣人,東面致命。疏云:「資在館,如主之外,再拜。資揖,先入,受于舍門内。之外,再拜。賓揖,先入,受于舍門内。人,故勞者東面向之也。」賓北面聽命,還,別門東帛使下大夫請行,反。君使卿朝服,用東帛廷堪案:《聘禮》「賓至于近郊,張旜。君廷堪案:《聘禮》「賓至于近郊,張旜。君

注:「老,賓之臣。」此使者勞賓也。

又云「出

拜稽首,使者乃出」,此王使人勞侯氏

也。

還

而

立、侯氏還璧、使者受。

侯氏降,再

栗。 聽命,降,再拜稽首,遂升受玉。 帷門之外,再拜。 擇,兼執之以進。 聘賓儐使者也。以上皆君使卿勞賓之禮。 幣。勞者揖皮出,乃退。賓送再拜。」此 者。勞者再拜稽首受。賓再拜稽首,送 三揖。至于階,使者不讓,先升。 王,使人皮弁用 用東帛,夫人用棗栗。《覲禮》「至于郊, 人使下大夫勞賓之禮。 或作「簋」。玄被纁裹,有蓋。其實棗蒸、栗 人,勞者從之。 迎勞者。 「夫人使下大夫勞以二竹簠方、《釋文》「簠 賓之受,如初禮。 儐之如初」,以上夫 此聘賓出 乘皮設。 、璧勞。 也。 此皆《聘禮》之郊勞也, 使者不答拜,遂執玉, 賓受棗,大夫二手授 勞者 侯氏亦皮弁迎于 I禮辭。 賓用 束錦儐 賓揖,先 侯氏升 使者左 又云 勞

送幣。 《聘禮》郊勞用 聘賓儐勞者用束錦,侯氏儐勞者用束帛 外,再拜。 帛、乘馬儐使者,使者再拜受。 侯氏拜送几,使者設几,答拜。 郊劳禮畢儐 又云「侯氏乃止使者,使者乃入。 聘,所以爲小也。」皆禮之殺也。 乘馬,皆隆殺之義也。 遂 朝 禮》郊勞畢,下大夫勞者遂以賓入,謂 也。」又小聘 聘禮》聘遭喪,「不郊勞」,注:「子未君 從之」, 也。 此則《覲禮》之郊勞也,用璧。 升。 入朝方致 使者降,以 使 前 侯氏 注 「 2者,故 使者郊勞,是奉王命。 日 館。 朝服、《覲禮》郊勞用皮弁, 問,「不郊勞」,注:「貶於 遂從之」,此 讓升也。 從之者, 《 覲 左 **驂出。侯氏** 禮 亦有不郊勞者, 侯氏 学郊 遂 隨 侯 先 勞畢,「侯氏 故不讓 使者 侯氏 升,授 氏嬪使 侯 侯氏 送 氏 又《聘 先升 至於 於 以 再 用 几 了, 此 至 人 者 門 拜 束 與

> 朝。」其儀並 同。 唯《聘禮》聘賓不拜送,

《覲禮》侯氏 拜送爲 異

《禮經》本義矣。 讓 臣相爲國客,及大夫郊勞,三辭拜辱,三 受勞於堂。」疏云:「案《司儀》:『諸公之 又案:《聘禮》郊勞,「受于舍門内」,注 「不受于堂,此主於侯伯之臣也。 則鄭氏此注、蓋 ,登聽命。」是公之臣受勞於堂之事。」 據《周禮》而推之,非 公之臣

凡郊勞畢皆致館。

祧 以 再 敢進見也。」大夫帥 也。」賓曰:『俟閒。』張氏爾岐曰:「俟君 廷堪案:《聘禮》 既拚 賓人。 拜。 卿 以俟矣。」注:「明至欲受之,不敢稽 至于朝,主人曰:『不腆 致 命, 賓 至 郊勞畢,「下大夫勞者 于 再 館 拜 卿 稽 首 致 館 卿 先君之 燕閒,乃 退, 賓 迎, 遂 賓

八四

此《覲禮》賜舍也。 送,再拜」,此《聘禮》致館 商」,注:「館者必於廟,不館於敵者之 也。」是郊 再拜稽首,注:「受館。」●儐之東帛、乘 『伯父,女順命于王所,賜伯父舍。』侯氏 勞畢,「侯氏 者,如今使者護 也。士,衆介也。訝,主國君所使迎待賓 士,皆有訝」,注:「卿,使者。 大夫,上介 介也。」又云「卿,大夫訝,大夫,士訝。 工商則寢而已。」此記賓館之所也。 廟,爲大尊也。 管人,掌客館者也。客,謂使者,下及士 卿 管人爲客,三日具沐,五日具浴」,注: 館於大夫,大夫 又云「賓於館堂楹間 勞畢,皆致館也。《聘禮 遂從之。 自官 客。」此記 注:「賜舍,猶 師 館 天子賜 以上,有廟有寢 於士,士館 即 也。 釋四皮、東帛。 館 《 覲 舍。 後 所 禮》 · 記 又云 於工 致 馬」, 日 館 郊

> 耳。 車。 後聘賓不儐使者、 設飱、《觀禮》賜舍後則 禾。衆介皆少牢」。考《聘禮》致館 堂上之饌六,門外米禾皆十車,薪 堂上之饌八,西夾六。門外米、禾皆二十 禮》致館後,「宰夫朝服 主人之禮也。 賓不致,主人不拜」,此記賓將 **儐之,蓋王朝之與侯國禮** 西,鼎九,羞 上介,飪一牢,在西,鼎七,羞鼎 薪芻倍 禾。 鼎三,腥 皆致 設飱有饔無餼,但有門外米禾 館之節文也。 一牢,在東,鼎七。 禮》賜舍後侯 無之、《聘禮》 設飱, 飪 不同歟? 去, 一牢,在 謝 又《 芻 氏 後 所 致 倍 則 即 聘 館 館

主人 致 以上卿 覲 禮》不 禮 稱 致 致,無 之。」疏云:「有禮 禮 故 也。」上疏云: 則 稱

又案:《聘禮》「卿致館」,注:「賓至

此

⁰ ·注受」,原誤作「受注」,今據《清經解》本乙正。

也。 以 氏 東帛,經無明文,唯注云禮致之。 注 致館如郊勞之儀,是亦於堂也。] 敖氏 職言『公、侯、伯、子、男之臣 故言賜舍也。」説 不 云「賜舍猶致 賓於館「釋 廣言之,謂禮爲束帛。 命,草次饌,飱具輕。」前 一、蓋破 幣 繼公曰:「致命者,致其 致,固不在束帛之有無也。 ·記》「飱不致」,注云:「不以東帛致 「此不言致館 而 致命於門外者,以 在 用 門外,亦與《周官》異。 四 東帛則 館 皮、束帛,賓不 也」,不必强 與《聘禮》疏異。 言賜舍者,天子尊極 稱致 之説。 竊 無 疏 謂《聘 幣 遂據《司 君致館之命 相爲 生分 致」,然則致 也 考致 禮 《司儀》 考注 舍」,疏 致館 别。 國客」, 又《 儀 館 記 **※推** 敖 聘 不 此 明 用

> 凡 賓至廟門,皆設几筵。

廷

無

禮

謂

無

束

帛。」《覲

禮》「天子賜

出請 其儀 也。 既設之文。《聘禮》疏云:「《覲禮》不 依神也。賓至廟門,司宫乃于依前設之。 壻,「至于門外。 若群吏,使往 設斧依於户牖之間,左右几」,別無几 賓,「宰夫徹几改筵」,《覲禮》但云「天子 于中庭。 上,右几。使者玄端至」,事畢,請醴賓 几筵,文不具也。」是賓至廟門,皆設 神尊,不豫事 主人徹几改筵」。 湛 ,西上,右几」,又云「主人揖入,賓執鴈 《士昏禮》納采,「主人筵于户 命」,注:「有几筵者,以其 **案**: 略如《聘禮》也。 《聘禮》賓「及 賓立接西塾。 也。 來者,猶諸侯之於聘賓,故 此是大門外。 席西上。」聘享畢 《昏禮》使者,士之屬 又《士昏禮 廟門,公揖入, 几 筵 主人筵于户 既 設,擯 廟受,宜 ,西,西 一》親 -,請禮 几 筵 굸 筵 迎 立

卿乎? 從。 筵 尊,不敢設神位以臨之。不几筵之義 君也。」敖氏繼公曰:「不几筵者,君 《聘禮》賓問卿,「卿受于祖 又不神之。」又云小聘曰 几」,注:「致命不 廟,不爲神位。」又《聘禮》聘遭喪,「不筵 注:「謂受聘享時也。 几筵者、《聘禮 賓,女父爲主人,故 輕於聘,問 大夫揖入。擯者請命」,注:「不几筵,辟 几」,注:「記貶於聘,所以爲小也。」又 亦不設,小聘之禮 二,禮太 至于 重 重 注云「辟君」,其義長 也。 廟 |者不設,此 卿之禮又輕於聘君,故不几 門,揖入」,壻至女家, 小 聘 • 記》「唯大聘有 于廟,就尸柩於飱宫, 曰 是也。」敖説誤 亦設几筵也。 同,且 類是也 小聘輕,雖受于 問,「主人不筵 廟」,「及廟 不 一,禮差 矣。 几 筵,况 几筵 亦 也。 又《士 輕 則 有 門, 問 使 者 有 爲

> 冠,故異於賓客之禮也。 冠禮》賓至廟門,不云几筵。此禮主於

凡賓、主人相見,皆行受擊之禮。

等,賓升,西楹西,東面。 賓奉贄,與擊同。 四皮,受擊即設庭實,貶於聘也。 主國之君受聘賓擊也。 賓降,介逆出。賓出。公側授宰玉」,此 中堂與東楹之間。 楣再拜。賓三退,負序。 賓致命。 面,西上。三揖,至于階,三讓。公升二 擯者「納賓,賓入門左。 介皆入門左,北 之禮,此士大夫相見之受摯也。《聘禮 賓再拜送贄,出」。 大夫相見,如士相 廷堪案:《士相見禮》「主人揖,入門 公左還,北鄉。 人門左。 擯者退,負東塾而立。 又 公側襲,受玉于 擯者進。公當 問問 擯者退中庭。 主人再 賓奉束帛入。 卿,「庭實設 7拜受。 見

代其君行禮者。 禮」,此主國之下大夫受介擊也。 服,三介,問下大夫,下大夫如卿受幣之 幣」,此主國之卿受賓摯也。 降,階西再拜稽首。 丢。 擯者謁。 執臣道,不敢由賓客位也。卑者見尊,奠摯而不受。」 氏人門右,坐奠圭,再拜稽首。注:「人門右, 君答壹拜」,此君受臣摯也。 又始見于君,「士大夫則奠摯,再拜稽 主人答壹拜。賓出」,此大夫受士擊也。 相見禮》士見於大夫,「賓入,奠摯,再拜。 堂中西 從,升堂,北 三揖,皆行,至于階,讓。 延之曰:『升。』升成 侯氏降,階東 一; 北 侯氏坐取 面。 面聽命。 皆賓授摯而主人受之。 賓降,出。 北 圭,升致命。 拜,乃出」,此天子受 賓辭,升成拜。 賓東面致命。 面 再拜稽首。 賓升一等,大夫 大夫降,授老 又「上介朝 《覲禮》「侯 王受之 賓與介皆 擯者 受幣 大夫 **企** 首,

北面 禮 諸 送,出」,此不親迎,壻見女父,先奠摯,如 若不親迎,三月、壻見,「壻入門,東面。 父,略如士見於大夫之禮。《士昏•記》 北面奠鴈,再拜稽首,降,出」,此壻見女 問卿之禮。又親迎,「主人升 徵禮」。此主人受使者摯,略如《聘禮》及 賓升西階,當阿,東面致命。 揖,至于階,三讓。 士見於大夫之禮。 禮辭,許,受摯,人。主人再拜受,壻再拜 奠摯,再拜,出。 帛、儷皮,如納吉禮」,「請期,用鴈,如 主人降。授老鴈」。 納吉,用鴈,如納采禮」,「納徵,玄纁束 ">納采用鴈,使者「至于廟門,揖人。 三 侯摯也,其摯皆奠而不授。又《士昏 再拜。授于楹間,南面。 擯者以擊出,請受。 後擯者辭,乃如士 問名執鴈,如初 主人以 賓 主人阼階上 西 賓降,出 升, 面,賓升 西面 禮 壻 納

《士相見禮》見於君、見於大夫之禮 又案:《士冠禮》冠畢,易服,「奠摰見於 説見盧氏文弨《鍾山札記》。 當作「見於卿大夫」,敖氏蓋未之深考也。 所見經文正是「卿」字。 作「卿」,見君後乃見卿大夫耳。疏云: 曰 鄉大夫,敖氏繼公曰:「鄉之異爵者,或 君。遂以摯見於鄉大夫、鄉先生」,此即 禮,皆有 見之禮 卿大夫,不言士,其實 即主治一鄉者。」此説非也。「鄉」,當 也。 玉帛以將之,亦受摯之屬 他若 郊勞、致館 《禮記 亦當有士。」則賈 冠義》亦 歸 也 獿餼 也。 諸

凡賓、主人受摯畢,禮盛者則行享禮。 廷堪案:《聘禮》公受玉畢,此玉 裼,降立 擯者入告,出許。 一 擯者· L出請。 賓裼,奉束 庭實,皮則攝之, 帛 是 加壁 瑑 圭

問卿之禮,則擊與庭實同受,《士昏禮》納 《覲禮》受摯畢行 有。 則三享。 降自西階,東面授宰幣,西階前 注"「四當爲三。」皆東帛加璧,庭實唯國 璋,享用琮,如初禮」,此言聘享夫人之禮 禮》受擊畢行享也。 公側授宰幣,皮如人,右首而東」,此《聘 受皮者自後右客。 毛在 諸侯使人于諸侯但一享,諸侯見于天子 首,以馬出,授 人將受之。]侯氏升致命。王撫玉。侯氏 西上,奠幣,再拜稽首。 也。《覲禮》受玉畢,此玉是命圭。「四享, 讓 如初 奉東帛,匹馬卓 内,内攝之,人設也。 升致 《 覲 禮 命、張皮。 人,九馬隨之」,事畢。 》又盛 享也,皆禮之盛者也。 賓出,當之坐攝之。 上,九馬隨之,中庭 又云「聘于夫人用 于《聘禮》也,至於 公再拜受幣。 擯者曰: 『予一 賓人門左, 再拜 此 稽 所

八八

汶陽之田,皆是也。無庭實也。」是此禮于齊、公子遂如楚乞師、晉侯使韓穿來言則束帛加書以將命。」《春秋》臧孫辰告糴則以東帛,如享禮」,注:「記曰:『有故,實,皆禮之殺者也。又《聘禮》「若有言,徵亦然。士相見之禮,但受擊而已,無庭

但無庭實,餘皆如享禮矣。

注:「間猶代也。 致之。」此據《禮器》文 絲纊、竹箭也,其餘無常貨。 此地物,非 又案:《覲禮》「庭實唯國 無爲禮。」言有皮則以皮,有馬則以馬,即 《聘禮 三牲魚腊,籩豆之實,龜也,金也,丹漆、 覲 初享或用 國所能有,唯所有分爲三享,皆以璧帛 • 記》「凡庭實,皮馬 唯 馬,或用虎豹之皮。 國 所 有」之義。 土物有宜,君子不以 而言,其説 相間 所有」,注: 觀下文但 其次享, 口 非也。 也, 云 所

服猛 以鐘 發德 非。 也」,又云「旅幣無方,所以别土地之宜 之義也。 又鄭氏《禮器》注以大饗爲祫祭先王,亦 牲、魚腊、籩豆之屬,非謂《覲禮》之享也。 送之。」蓋指饗食燕之饗禮 其王事與?」又云:「其出也、《肆夏》而 馬,皆互見也。至于《禮器》云:「大饗, 享皆皮馬,無他 而節遠邇之期 爵而樂闋,孔子屢歎之。 奠酬而工升歌 「賓入大門而奏《肆夏》,示易以敬也。卒 云皮,私覿庭實云馬,《覲禮》享庭實亦云 匹馬卓上,九馬隨之」,不云他物,則 《郊特牲》云「鼎俎奇而籩豆偶,陰陽 也。 次之,以 也。 **籩豆之實,水土之品也」,又云** 歌者在上,匏竹在 東帛加璧,往德也」,皆指饗禮 和 也。 居參之也。 物 可 龜爲前列,先知也 知。《聘禮》享庭 虎豹之皮,示 而 下,貴人聲 言,故有三 實

獻,爓, 注 六年「享有體薦」是也。 爲祫祭。 唯有皮馬也。又《禮器》云「大饗,腥 無方」以下爲論朝聘庭實之物,蓋依 可考,竊附鄙見於此 ጢ 賓人大門」以下爲論燕饗之禮 而爲此説,不知《禮經》聘、覲之享庭 言,與《禮器》 疑亦指賓客之饗,即《左傳》宣十 一獻、孰」,鄭氏以上文云郊血,故以大饗 正 一相合。 《饗禮》篇亡,無 孔氏《正 謂 義 違 **>** 實 鄭 謂 幣

凡 ·●不用醴則謂之儐。 賓、主人行禮畢,主人待賓,用醴則謂之

注 廷堪案: 賓主人行禮 改筵,東上。 儐使者之禮,所以申主人之敬也。 此 納采、問名禮 醴亦當爲禮。」賓禮 側尊 甒 畢 ,「擯者出請 醴于房中。 既畢,必 辭,許。 有 主 人 禮 主人迎 《士香 醴賓 徹 賓及 几

> 告。 以待之。」請禮賓,賓禮 拜。 人拂 賓 請 禮賓也。《聘禮》聘享禮畢,「賓奉束 脯,主人辭。賓降,授人 啐醴,建柶,興,坐奠觶,遂 觶,祭脯醢,以柶祭醴三,西階上北面 上 前 角 于坐,左之,西階上答拜。 拜送。 覿。 西 · 机,面葉,出于房。 主人受醴,面 北 于廟門外, 賓即筵,奠于薦左,降筵,北 宰夫徹几改筵。 北 几,授校,拜送。 面 擯者入告,出辭。 画。 費者: 再 拜。 賓 揖 薦 拜受醴,復位。 賓西 讓 脯 如初,如 醢 階 公出,迎賓以入,揖 解,聽 賓以 上 脯,出」,此 注:「客有大禮 賓即筵坐,左 北 授鴈時。 贊者酌醴 几 拜。 命。 面 解,北 主人 答 擯 主人答 拜。 面 升。 枋 阼 女父 錦 坐 面 加加 取 執 設 有

禮」,目録作「醴」。

0

九〇

外拂 宰夫 擯者 建 脯 籩 進筵前受醴,復位。 于觶,面 階上答再拜稽首。宰夫實觶 讓 楹 降拜,公辭。 降,辭幣。 以 公壹拜送。 者訝受馬」,此主國之君禮賓也,皆用 公再拜,賓執左馬以出。 袻 醢 豆 如 柶 内拂 北 以以 脯 初。 兼 几三,卒,振袂,中攝之,進,西 面。 諸 醢,賓升筵,擯者退負東塾。 枋。 **机祭醴三**,庭實設。 面奠于薦東。 如聘享時。 几三,奉 賓進,訝受几于筵前,東 觶,尚擸,坐啐醴。 退,東 公降一等辭,栗階升,聽命。 賓以几辟。 公側受醴。 升,再 面 兩端以 俟。 公升,側受几 拜稽首,受幣,當 公拜送醴。 擯者進,相幣。 北面設几,不降, 公壹拜,賓降也。 進。 上介受賓幣,從 賓不降,壹拜, 降筵,北面 公用束 以醴,加 公東 于序端。 宰夫薦 面 南 賓祭 帛。 俟。 鄉 醴 鄉 東 賓 柶

對,北 南面 設,馬乘。 歸饗餼時。 之。乘皮設。 歸禮畢,賓「儐之乘馬束 餼,「 儐之 兩馬 賓奉幣西面,大夫東面。賓致幣。 欲儐之。] 大夫禮 皮出」, 又夫人使下大夫勞, 「儐之如 拜稽首受。 也 兩 夫降,執左馬以出」,又下大夫歸上介饔 初」,又歸饔餼畢,「出迎大夫。注:「賓出迎 又《聘禮》郊勞畢,聘賓「出 欲償之。」勞者禮辭。 '馬東錦」,此聘賓及上介儐主國之使者 ,退,東 《覲禮》郊勞畢,「侯氏乃止使者,使 面 當楣,再拜 賓升一等,大夫從,升堂。 賓降堂,受老束錦,大夫止 賓再拜 面俟。 賓用束錦儐勞者。 辭,許。人,揖 束錦」; 賓再拜 稽首。 稽首,送幣。 賓揖,先入,勞者從 又夫人使下大夫 錦」,上介「儐之 稽首送幣。 受幣于 迎勞者。 讓 如 勞者 勞者 楹 初。 大夫 庭實 注 間, 大 揖 再 如

几 即乘馬。 服畢,「儐使者,諸公賜服者,束帛、四馬。 賜舍畢,「儐之束帛、乘馬」,又賜侯氏車 再拜送幣。 用束帛、乘馬儐使者,使者再拜受。 乃 侯氏拜送几,使者設几,答拜。 **儐大史亦如之」,此皆侯氏儐天子** 侯 使者降,以左驂出」,又天子 氏 與 之讓 升。 侯 氏 先 升 侯氏 侯 氏 授

或不用 實。 或用 之使者也。 又《聘禮》問 至於禮賓,或用東帛庭實,或不用東帛庭 儐使者,或用束帛,或用束錦。 皮,或用 几。 蓋禮 皆不用醴,經例之分明如此 卿,「無儐」,注:「不 乘 馬,或用 有大小,故 兩馬。 儀有隆 或用 儐賓,❶ 殺 庭實 也

辟君也。」使大夫致食饗,「無儐」,注:

以

己本宜

往。」又贈

送無

儐

敖

氏

繼

公

灌

不儐爲殺耳 禮 也 · 唯 此 不授玉,致 皆無 儐 之義 庭實,有束 也。 問 卿 帛,無璧,及 略 如 聘君 之

九二

儐」, 鬯禮賓 然《覲禮》覲享畢,經不云禮賓,注亦不引 乃天子禮賓之事,後鄭注亦 畢儐賓也。」考《禮器》此文,若兩君相見, 經》,非也。 氏蓋以上文凡諸公相爲實,故云「敵者 之」,後鄭注: 又案:《周禮 王 朝 用鬱鬯,不用醴也。 禮再裸而 ,灌用鬱鬯,無籩豆之薦」,謂 與禮例未合。賈氏引之以釋《 也。上於下曰禮,敵者曰 鄭注又引《禮器》曰: 酢」,侯伯壹裸而酢,子男壹裸不酢 「『賓』,當爲『儐』,謂 秋官 又《大行人》上公, 司儀》云「賓 以 爲用鬱鬯。 儐。 「諸 此 亦 朝 以 禮 禮 如 鄭 侯 鬱

相

饔餼,無儐,敖氏繼公曰:「無儐者,賤

無償,以其答己之覿故也。」歸

士介

⁰ 「賓」,原脱,今據《儀禮注疏》補。

《大行人》以釋之,蓋以其難强同歟?

凡爲人使者,正禮畢,則行私覿或私面之

廷堪 受。 先請 者請受。 面。 又云「賓奉幣、入門左、介皆入門左、西 設」,此賓者請 人牽馬以從,出門,西面于東塾南」,此賓 擯者辭,賓出。 二人贊。 二退,反還,負序。 禮賓,禮賓畢,「賓覿,奉束錦 公揖讓 牽馬 士受馬者,自前還牽者後,適其右, 以臣禮見,而擯者辭之也。又云「擯 案:《聘禮》享畢,賓請覿,擯者辭, 賓禮辭,聽命。 人門右,北面奠幣,再 者自前 如 擯者 初 以 分, 升。 西,乃 客禮受,而賓許之也。 振幣進授,當東楹 坐取幣,出,有司二 公北 出。 牽馬,右之。 賓降階 面 ,總乘 再 拜稽首。 拜。 東拜 北 賓

贊。 幣。 請以臣禮見,而後以客禮受也。又云「上 皮南面,執幣者西 幣,有司二人舉皮,從其幣,出請受。 擯者辭,介逆出。擯者執上幣,士執 擯者入告,出許。 見,故再拜稽首也。 享是代君行禮,故不拜,此覿是 送,君辭。 拜稽首送幣。介出。宰自公左受幣。 介振幣,自皮西進,北 介奉幣,皮先,入門左,奠皮。公再拜。 介禮辭,聽命。 介奉束錦,士介四人皆奉玉錦束,請覿 拜稽首。公少退。 二人坐舉皮以東」,此言上介覿也。 皆入門右,東上,奠幣,皆再拜稽首 馬出。公降立」,此言賓覿 栗階升。 皆進,訝受其幣」,此亦先 面 上介奉幣,儷皮,二人 又云「擯者出 賓降出。 公西 , 北 上。 面授幣,退復位 鄉。 擯者請受。 公側 賓階 也 以 請。 私 前聘 授 上 委 衆 禮 宰 再

覿幣。 殺也。 立。 拜。 納 升 門右,爲若降等然。」庭實設,揖 辭。 《聘禮》問 見,公不親受幣,宰夫受之於中庭,禮 又云「公答再拜。擯者出,立于門中以相 受,賓固 擯者辭,介逆出。 執幣者序從之」,此言衆介覿也。 退,西面 夫對,北 士介。 于 等,賓從之。大夫西面,賓稱 擯者 庭,不升堂 賓遂左。 士介皆辟。 賓奉 以上皆聘君後 立。 面當楣再拜,受幣于楹間,南 辭」,此則終不敢以客禮見也 士介入 進。 卿畢,「擯者出 幣,庭實從。 注:「見,私事也。 賓當楣 宰夫受幣于中庭,以 . 門右,奠幣,再拜稽首 禮 士三人,東上,坐 擯者執上幣以 殺 再拜送幣,降, 也。 私 請 覿之禮也。 入門右,大夫 讓 又云「擯者又 事。 雖敵,賓猶謙,人 如 初。 賓 出 以 臣 面。大 画, 一,禮請 取 大夫 東。 出 面 如 又 又 禮

衆介 之有覿 禮 面 辟君也。又云「上介問下大夫,其面 介面卿,猶衆介覿主君也。 于中庭,士三人坐 于門中以相拜,士、介皆辟。 老受擯者 受,賓辭。大夫答再拜。 大夫辭,介逆出。 也。凡異者皆禮殺。又云「擯者出 再拜送幣」,此上介面 大夫再拜受。 實設,介奉幣人,大夫揖 右,奠幣,再拜。 大夫辭。 擯者反幣。 庭 面 大夫降,授老幣」,此聘賓 也。 于卿之禮」,以上皆問卿大夫後 ,幣如覿。 面 也。 ,如覿幣,入門右,奠幣,皆 又《聘禮 又云「擯者出 介奉幣。皮,二人贊。 介降拜,大夫降辭。 記》「實即館 取 擯者執上幣出 群幣以從之」,此衆 卿,猶上介覿主君 擯者執上幣,立 讓如初。介升, 面 請 再拜不稽首, 「卿,猶 事 ,訝將公 上介 私 聘 一, 禮 介 升, 再 享 面 如 拜 門 賓 幣 請 之 特 後

鄭、孔之説甚明,悉與經合也

凡

言大 也。 此 敢 無 非 賓代君行禮,故享後另有 又 舍於賓館之外,宜相親也。」亦私 經》證之,《覲 而 信也」,鄭注:「以 天子,享時已申其敬,無緣 命,又見之以 聘禮》享後有覿者,享是聘賓致其 大 私 禮也。」此言朝覲之禮,大夫從君而 案:《覲 申 行 私 不 至覿 夫 夫執圭 《郊特牲》云:「朝覲,大夫之私 覿 覿 言上文朝 ?,所以 也。 奉使出聘則 敢 時,聘賓始得 過費》享 行 又云「大夫執 而使不 禮 致敬 私 其摯」,注:「復以私禮見者,訝將 覲大 13)無 覿 後 君 ,所以致敬 也」,孔疏:「覆明從 私 夫 敢 無 有私 命聘,則有 覿 私 私 覿 2自申 《聘禮》有 覿也。 覿 覿 者,諸侯 私 圭 面之類也 也。 復有 非 覿,與覲不 而 其 於 禮 使,所以 敬。 私見。」此 己君 又云「不 私 今以《禮 之義,非 親 私 覿 蓋 君之 見于 也 覿, 也 君 申 同 聘

即 楹 賓、主人禮畢 不 弁,還玉 之人,則使擯者還其贄」,賓再拜稽首受。 此大夫還士摯也。 者還其贄 **還擊也。又士見於大夫畢,賓出,「使擯** 拜送贄,出。 此君還他邦臣贄也。《聘禮》「君使卿皮 夫相見,如士相見之禮。 復見之,以其贄」,固辭許。 廷堪案:《士相見禮》賓見主人畢,「主人 面 拜,帥 前主人。 受 賓自 一于館。 大夫 主人再拜受。此主人即前賓。 退負 碑 子門 内 ·,皆還其 主人送于門外, 右 以 聽 ·外」,固辭,許。 賓皮弁,襲,迎于外 人。 房而立。 命,升自西階,自 又見于君畢,「若他邦 大夫 摰 此士、大夫相 「賓奉贄人,此賓 大夫 升自西 賓再拜受。 再拜」。 降中庭 左,南 階, 門外, 賓再 鉤 見 大

用

九六

還圭 賓降· 也。 還 注: 如 幣,無償。 禮 使卿 大夫賄用束紡。禮玉、束帛、乘皮,皆如 璋,如初入」,此還璋也。 又云「賓裼,迎 還摯之類 事,復見訝以其摯」,注:「復,報也。」皆 來,輕財 士贈衆介,如其覿幣。 r,報其 無價。 其面幣」。 玉 郊 皆聘禮還摯也。 0 贈, 禮。 也。 自 勞用 碑 「還玉,重禮。」夫郊勞且還璧,覲 如 而重禮也。又《聘禮》賓行,「公 面 内,東 又云「上介出請,賓迎。 也。 贈上介亦如之。使人贈衆介, 大夫 使下大夫贈上介,亦如之。 也。 觀幣。受于舍門外,如受勞 璧,「侯 公贈者,報其覿也。 《覲禮》不云還玉,考《覲 出,賓送,不拜」,此 面 《聘禮 ,授上介于阼階東」, 氏 必還擊者,禮 大夫親贈,如其面 還 記》「實 壁,使者受」, 既將 大夫贈 大夫還 尚 報 使 公 往 享 此

> 《聘禮》問 於己,故不拜。」敖説長也。 去,不純爲主也。」敖氏繼公曰:「禮不主 玉,賓與大夫皆不拜,注:「不拜,示 大夫賄以束紡,方答聘君之束帛也。還 朝、夏宗、冬遇禮亡,或别 命圭,自 卿,雖無還摯之事,然還玉時 無不還之理。 見三時禮 今 覲 《禮存》: 敷? 將 春

意見矣。 禮殺者答之亦殺也。 皆襲,享與報享皆裼; 迎」。敖氏繼公曰:「大夫於賓裼亦裼。」聘與還 敖氏繼公曰:「大夫亦襲。」享時,「公裼,降立」, 側襲,受玉」,至還玉時,「賓皮弁襲」, 又案:《聘禮》授玉時,「賓襲,執圭」,「公 賓裼,奉束帛加璧」,至報享時,「賓裼 比而觀之,禮之精 禮盛者答之亦盛 王

⁰ 受注」,原作「注受」,今據吕校乙正。

致命于堂,則張皮于庭。主人受幣,則受皮凡庭實之皮,皆攝之,内文。人設于庭,賓

足。 幣。 廷堪案:《士昏・記》「納徵,執皮,攝之, 皮者張皮于庭, 主人受幣于堂之時,則 攝皮,逆退,適東壁」,注:「攝,猶辟也。 内文,兼執足,左首。隨入,西上,參分庭 賓入門左,揖 實,皮則攝之,毛在内,内攝之,入設也。 受皮者受皮于庭也。 注云「爲節」者,謂賓致命于堂之時,則執 首。」賓致命,主人受幣,庭實所用爲節。」 兼執足者,左手執前兩足,右手執 一在南。 士受皮者自東出于後,自左受,遂坐 左首,象生。《曲禮》曰:『執禽者 賓致命,釋外足見文。主人受 讓如初,升致命,張皮。公 《聘禮》行享,「庭 後 左 兩

介面 聘賓問卿、「庭實設四皮」、,問下大夫、如 也。 受于中庭,不升堂,「有司二人、坐舉皮以 執皮、受皮之節,經皆不詳,蓋文不具也。 卿受幣之禮。郊勞儐使者,「乘皮設」,其 外足見文」,故注引之,是其節同也。又 内攝之者,兩手相鄉也。 入設,亦參分庭 手并執後足,毛在内,不欲文之豫見也。 當之坐攝之。公側授宰幣,皮如人,右首 東」,其執皮、受皮之節,殺于享禮也。 至於上介覿,儷皮,入門左,奠皮,公再拜 左在前。 再拜受幣。士受皮者自後右客。賓出 「致命張皮」,即《士昏・記》賓致命,「釋 而東」,注:「攝之者,右手并執前 一在南。 卿,經但云皮二人贊,則又殺可知 皮右首者,變于生也」,此經云 張者,釋外足,見文也。如人, 足,左 上

又案: 受皮者右首,而執皮者無文,其 記》執皮者左首,而受皮者無文,《聘禮》 皮者則左首,受皮者則右首也。《士昏 象生」、「右首,變于生」,其説非也。 足。」以爲左首、右首之别。又云「左首, 足。」《聘禮》注:「右手執前 《士昏·記》注:「左手執前足,右手執後 受皮,其例皆同。 首,皆失經之意。 首,敖氏據《士昏·記》,欲改《聘禮》爲 也。鄭氏以《士昏》爲左首,《聘禮》爲右 左首,受者右首,禮相變也。」方之舊説 〈聘禮》受皮云「右首」,鄭君遂生異儀。 《士香 I 納 徴、、聘 蔡氏德晉曰:「凡獻者 《士昏》執皮云「左首」, 禮》行享,執 足,左手執後 例互見 蓋執 皮 左 爲

> 出 堂則受馬者受馬于庭,主人授其屬幣則 馬

九八

受幣 節也。 廷堪 注:「廟中宜清。」此《聘禮》賓覿受馬 皮。」又公側授宰幣之時, 受馬者,自前還牽者後,適其右,受。 設」,注:「庭 牽者之右而受之也。受馬自前,變於受 馬者自前西,乃出」,注:「自,由也。 適 右牽之。」」●又賓升堂授幣之時,經云「士 人,事得申也。 人居馬左,任右 以 案:《聘禮》賓覿「牽馬,右之。人 張氏 爲節也。」《覲禮》侯氏享,「奉束 爾岐曰:「此受馬,亦視堂 實先設,客禮也。右之,欲 《曲禮》曰:『效馬效羊者 手便也。 於是牽馬者 經云「馬出 之 上 四

凡庭實之馬,右牽之,入設于庭,賓授幣于

⁰ 解》本改 ·效馬效羊」,二「效」字原誤作「郊」,今據吕校、《清經

致命。 實用 又《聘禮》面 主人之士受之者,皆以堂上授受爲節。」 節,亦至尊之禮異也。 氏繼公曰:「王臣不於内受馬者,無以 宰幣,西階前再拜稽首,以馬出,授人,九 餼,儐使者,「庭實設,馬乘」,「大夫降,執 又禮賓,庭實設,「賓執左馬 庭實用四皮,賓面卿,類 馬隨之」,此《覲 左馬以出」。 庭實,四馬。」蓋賓問卿,類正聘之享,故 使 王之乘, 者降,以左 四馬。 拜稽首」,注:「馬必十匹者 馬 王撫 卓上,九馬隨之,中庭 用成數,敬也 其授受之節,當 玉。 卿,「賓奉幣,庭實從」,注: 《覲禮》郊勞,儐使者乘 驂 禮》三享受馬之節也。 侯氏降自 出 」,皆受者親 凡他禮之庭實,其 。」又云「侯 正聘之覿,故庭 西階,東面 亦如 以 出 執 賓覿 西 二,歸 ¬, 不 馬 氏 , 其 也。 饔 爲 敖 授 敢 奠 升

> 賓儐使者乘馬,上介兩馬。 馬,或兩馬、或乘馬,猶之用皮,或儷皮、 不云授受之節,文不具 節又與賓覿 儐使者 乘馬,賜 異也。 車服 又《聘禮》夫人歸禮 僧 也。至於庭實用 使 者 《覲禮》賜舍 四 馬。 經皆

或四皮也。

帛,

匹

上,

馬。 皮,亦庭實也。 釋之,疎 而 璧,庭實所設之馬爲屈産之乘,享禮,庭實四 鴻以東帛、乘韋自請救於吴」,乘韋者,四 晉人聘虞,享時束 加以垂棘之璧,以假 又案:《吕氏春 「晉獻公乃使荀息以屈産之乘爲庭 人,左先,皮馬 何休、杜預、范甯、趙 言其良也。三傳及《孟子》皆有此文, 矣。《左傳》哀公七年,「邾茅 相 《聘禮・記》「凡庭實,隨 秋 間 慎大覽》、《權 帛 可 道於虞而伐虢」。 所 也。 岐 加之璧爲 不 賓之幣,唯 知引享禮 垂棘之 實 勳》 夷 馬 以 篇

1100

宜,君子不以 出 間之義也 皮,覿用馬,介覿又用皮,如經所云,亦 産馬,庭實用皮也。若皮馬並産,則享用 相代。」故晉國産馬,庭實用馬,邾國 其 其 餘皆東」,注:「間 所無爲禮,畜 猶 代 熠 也。 同 類, 土物 可 相 不 以 有

凡聘、覲禮畢,主人皆親勞賓。 告事畢。 廷堪案:《聘禮》私覿後,「擯者出請, 右 主君勞聘賓也。 内,公問君。注:「蘧伯玉使人於孔子,孔子問曰: 答拜。公勞介,介皆再拜稽首」,此聘畢 大夫也。又云「公勞賓,賓再拜稽首,公 公問大夫,賓對」,此勞賓之前,公問君及 「夫子何爲?」此公問君之類也。」 賓對,公再拜。 肉袒于廟門之東。 擯者入告,公出送賓。及大門 《覲 禮》侯氏三享後 乃入門右,北面立, 污乃乃 賓

> 《聘禮》「賓請有事於大夫。 告 勞使人,此親勞之,下君也。 勞賓,猶正聘之郊勞,非禮畢勞賓也。 亦如之」,此則問卿之前,卿、大夫往賓館 不見。大夫奠鴈再拜,上介受。勞上介, 公禮辭,許。 也。是聘、覲禮畢,主人皆親勞賓也。又 面立」,此勞賓之前,侯氏請罪也。又云 拜稽首,出,自屏南適門西,遂入門左,北 氏,曰:『伯父無事,歸寧乃邦。]侯氏 王勞之。 ·升。1升成拜,降出」,此覲畢天子勞侯氏 聽 事 擯者 再拜 賓即 謁 稽 諸 館。 首。 天子。 卿、大夫勞賓,賓 擯者延之日 注:「請,問卿也。」 天子辭 於 郊 再 侯

凡 禮畢勞賓後,則使人致 廷堪案: 「君使卿韋弁,歸 《聘 禮》 饔餼 賓 即 五牢。 禮 館 卿 于賓。 大夫勞賓介訖 上介請

聽命。 賓朝 此 稽首,拜餼亦如之。大夫辭,升成拜。 階,讓,大夫先升一等。 賓從,升堂,北 拜,大夫不答拜。 牢 夫朝服,牽牛以致之。士介朝服,北面 饔餼也。又云「士介四人,皆餼大牢。 受,如賓禮。 下大夫韋弁,用東帛致之。上介韋弁以 日,賓拜于朝,拜饔與餼 老幣」,儐大夫乘馬東錦。 幣堂中西,北面。大夫降,出。賓降,授 人。大夫奉束帛,人,三揖,皆行,至 飲食之例》。 - ,禮殺. 稽首受。 歸賓饔餼也。 服 大夫 禮 也。 解。 「賓皮弁迎大夫于外門 無償」,此餼士介也。 東面致命。 僧之兩馬束錦」,此 士 有 一介有餼無饔,禮又殺也 又云「上介,饔餼三牢。 司 揖 入陳」。 人。 賓降,階 ,皆再拜稽首」, 及 儐使者見上。 陳饔 廟門,賓 歸 西 再 (節,見 上 「明 受 于 揖 再 拜 面 再

> 是右。 籩 服,加命書于其上,升自西階,東面,大史 帛 卿大夫畢,「夕,夫人使下大夫韋弁歸禮 不同,而其爲致禮則一也。● 于侯氏也。 氏送,再拜,儐使者,諸公賜服者,束帛 大史加書于服上,侯氏受。使者出。 氏降,兩階之間 四 **畢,**天子親勞侯氏後。 此皆聘後主君致禮于賓介也。 四馬,儐大史亦如之」,此覲後天子致 迎于外門 豆六。 致之。 ,亞之。重賜無數,在**車南。諸公奉** 侯氏升,西 醙、黍、清,皆兩 外,再拜。 賓如受饔之禮,償之乘馬、束 歸饔餼與賜 ",北面 「天子賜侯 面 路先設, 立。大史述命。 再拜稽 車服,名物。 壺。 又《聘禮》問 首,升成拜。 氏 西上,路下 《覲禮》覲 大夫以 以 車 服 束 雖 禮 筬

0

[「]而」,原誤作「面」,今據吕校改。

<u>_</u>0__

錦 儐之兩馬、束錦。 上介四豆、 四籩、 明日,賓拜禮於朝」,此 四 壺,受之如賓 禮

夫人 歸 禮 于賓介,無牢 ·, 但 有籩豆及壺

禮殺也。 賓迎,再拜。 老牽牛以致之,賓再拜稽 又云「大夫餼賓大牢,米八筐。● 首

介皆少牢,米六筐,❷皆士牽羊以致之」, 老退,賓再拜送。 上介亦 如之。

禮,貶於君也。 也。 饔餼皆有 則 衆介用少牢,又殺於賓介 使者 用東帛以致之,有

此大夫餼賓介,無饔,如主君餼士介之

餼無饔,則使者但牽牛羊以致之,亦禮

例

凡會同 之禮 四傳擯,皆如覲 禮

也。

注:「四時朝覲,受之於廟,此謂 廷 三百步,四門,壇十有二尋,深四尺」, 堪 '案:"《覲禮》「諸侯覲於天子,爲宮方 時、會、

> 同」也。 同以 傳》 殷、 諸侯,發同禁。』」即此 徧。」又《大行人》「時會以 歲,王如不巡守,則六服盡 「殷見曰同」,鄭注:「殷猶衆 不順服者,王將有 會」,鄭注:「時見者,言無常 曰:『時 如王巡守。殷見,四方四 王亦爲壇,合諸侯以 王爲壇於國外,合諸侯 曰『有事而會,不協 同 施天下之政」,鄭注"《司馬法》 也。」考《周 以 覲 禮會諸侯,施 禮又云「上介皆奉其君之旂, 禮 征 命政焉。 大宗伯》「時 討之事 注所謂 丽 同 而盟1是也。」又 發四方之禁,殷 時分來,終歲則 命事 政, 殷 朝,朝禮 則 期。 時、會、殷、 所命之政 焉 也。十二 既 諸 以 参春 既畢 朝覲 禮宗 侯 見 秋 有

「筐」,原誤作「篚」,今據《儀禮注疏》改

筐」,原誤作「篚」,今據《儀禮注疏》改。

下

儀

東上。 君見 建旂,公東上,侯先伯,伯先子,子先男, 西階之西,東面北上。 位,及天子揖之之儀也。注皆約《朝 見揖,位乃定。」此會同之禮,五等之君之 享幣,公拜於上等,侯伯於中等,子男於 設擯,升諸侯,以會同之禮。 又云「四傳擯」,注:「王既 三揖: 土揖庶 右,各就其旂而立。 位皆上東方也。 而 》、《明堂位》及《周禮 王之位也。 諸侯,東階之東,西面北上。 宫,尚左。 立」,注:「置于宫者,建之,豫 諸男,門 擯者每延之,升堂致 派姓,時 公、侯、伯、子、男皆 西,北 諸公,中階之前,北 諸侯人壝門,或左或 揖 王降階,南鄉見之, 面東上。 諸子,門東,北 司儀》言之。 異姓 揖 天 命,王受玉 其奠瑞玉 五者,升壇 揖 尚左者, 同 諸伯, 爲 就 面 姓 及 事 面 東 其 其 撫 故 則令爲壇三成,本《司儀》文也。

而

是如會 男下等」,亦約《司儀》言之,蓋將合諸侯, 非《覲禮》也。上經云「嗇夫承 畢,擯者 設擯也。 又注中「公上等,侯伯中等,子 子」,又云「侯氏人門右」,是《覲 注又云:「至庭乃設擯,則諸 上,亦一位也。」此皆約上文《覲禮》言之, 也,侯也,伯也,各一位,子男俠門而俱東 王官之伯帥之耳。」此則約《顧命》言之, ,是以記之覲云。 玉,降 同之禮,四傳 以 拜 告,乃更陳列 於下等。 『四傳擯』者,每一位 及請 擯 皆如《覲 而升。 事、勞, 侯 命,告于天 其次,公 禮》門外 初 禮》也 皆 入門, 如 覲

旂

又以 三享爲 又案:敖氏 附 存之。 五等之位皆北 四傳 繼公以此禮爲 竊 擯 了, 皆 謂 五等之爵 與 面 注異,因 爲一列,又以 大朝覲之禮 不 應 經 無 無 三明文, 差等, 一朝

享 時 亦不應升拜,注説不可易也

凡 會同 其木而 設六色:東方青,南方赤,西方白,北 加 廷 拜曰於東門之外,反祀方明」,注:「此謂 子 宜以蒼璧,下宜 之,則謂之天之司 之神者,所謂 明者,上下四 方璋,西方琥,北方璜,東方圭」,注:「方 黑,上玄,下黄。 設六玉:上圭,下璧,南 下之神,非天地之至貴者也 有主乎? 六色象其神,六玉以禮之。 乘 方 堪 明于其上。 、巡守之禮,皆祀方明。 龍 **案** 著之」。又「四傳擯」後,經云「天 ,載大旂,象日月、升龍、降龍 《覲 明神 禮》「壇十有二尋,深四尺, 方神明之象也。 以 方明者,木也,方四尺。 盟。 也。 黄琮,而不 會同而 有象者,猶宗 以者,則 設玉者,刻 盟 上下四 明明 神監 廟 方 方 上 之

> 沈、瘞,祭禮終矣,備矣。」考此二節經 者也。就祭,則是謂王巡守及諸侯之盟 外」,注:「此 天燔柴」,注引《大宗 祀方明,乃以會同之禮 後言「反祀 録之,以俟知禮者。 注,文多 祭也。❶ 川,沈。祭地,瘗」,注:「升、沈,必就 又云「祭天,燔柴。 月與四 會 祭 同 地瘞」,注謂 以 春者也。」又云「禮日於南門外, 瀆於北門外, 疑 其盟,揭其 義,未敢强 方明」; 謂 是祭月; 會 同 注引《朝 著明者。● 燔柴、升 如經先言 [四 祭 伯》謂是祭 以 禮 解,姑 見 山、丘 夏、冬、秋 Щ 皆顯 諸 川丘 侯; 事 即 陵,升。 與 舊 陵 儀》,謂 日 ; 經言「祭 經違,疑 I 注 大 概 [傳擯 於 者 經言 西 也 己 祭 門 禮 祭

0

祭」,原誤作「神」,今據《儀禮注疏》改

揭」、《清經解》本同,載刊本《儀禮注》作「惕」。

不能明也。

注引《 謂 伯 者,殷禮已有之。 十年,大饗于大廟 又案:《漢書・律 「伊尹 方明之玉也。」其或然歟 職》曰『以 覲 祀于先王,誕資 禮 一》爲證 玉作六器, 曆志》:「《伊 敖氏 一; 初 《竹書紀 祀 有牧方明。」 以禮 繼 方明。」然則 公 ? 天 日 年 訓 地 □:《大宗 篇》曰 四方」, 大 如淳 方 明 甲

凡天子於諸 者 廷 擯。」又會同之禮 天子 見公,擯 命於侯氏。下介傳而上,上擯以告天子。 注:「嗇夫,蓋 \堪案**:**《覲禮》「嗇夫承 出 見子男,擯 請 事」,注:「天子諸侯朝 侯則 者 司 傳擯,諸侯於聘賓則旅擯 者三人。 五 空之屬也。 「四傳擯」。 人,見 命,告于天子」, 皆宗 侯伯,擯 《聘禮 爲末擯,承 覲 乃 伯 爲 者 介 上 擯 四

伯也 君所使 紹擯。 步 閾 繼 也。 時,賓出次,直闡 其謙,不敢斥尊者,啟 之事,復請之者,賓來當與主君爲禮 所尊不敢質,敬之至也。』 既知 擯者,各陳九介,使傳辭也。]即此 擯 下,及末,則鄉受之,反 紹 命傳而下,亦如之。」是天子於諸 `,侯、伯之使者五十步,子、男之使者三 而 也。 傳命耳。 《聘義》曰:「介紹而 出 聘禮「卿爲上擯,大夫爲承擯,士 西 則擯者四人,子男也,則擯者 《周禮 出接 也。 擯者出請 画。 主君,公也,則擯者五 貧 其 其 司儀》「交擯 者 儀,各鄉本受命,反 相 也。 事」,注:「擯,謂主國 西 去 ·; 北 紹,繼也,其位相 也,公之使者 發以 画。 面 傳 傳 命,君 進之。 」,鄭注 上擯 丽 其 上。 在 所 子 侯 面 於是 七 於 闑 爲 傳 則 又 傳 **污**爲 其 乏 + 來 東 侯 承 擯 交 傅 受 而

釋

可從。 者,門容二徹參个,旁加各一步也。」是諸 尺。上擯之請事,進南面,揖賓俱前,賓 次序而下。末介、末擯,旁相去三丈六 北 所以别於天子也。] 説與注異。注據《周 紹擯,而不言其人數,則是諸侯之擯者三 又案:敖氏繼公曰:「此但言上擯、承擯 擯」,鄭注:「旅,讀爲鴻臚之臚,臚,陳之 侯於聘賓則旅擯也。《周禮・司儀》「旅 止揖而請 十 人而已,不以己爵及朝聘者之尊卑而異 至末介,上擯至末 東面 ·大行人》,敖氏但即經文釋之。 侯之於聘賓,不應上同天子,敖説 皆陳擯位,不傳辭也。」即此旅擯也。 《聘禮》賓問卿下大夫擯,是卿之 此 旅 事,還入告于公。此三丈六尺 承擯 擯 耳 在 , 不 擯,亦相去三丈六尺。 上 擯 傳 命。 東 南,西面 上介在賓 , 各 似 亦 自 西

> 侯國之禮,殺于見天子也。 三命,則擯者當二人,而經云一人者,則 鄭注:「此列國之卿。」擯用命數之半,卿 擯宜三人矣。又《大宗伯》「三命受位」, 其禮各下其君二等」,卿擯 擯者一人。《大行人》職 曰「凡諸侯之卿, 一人,則主君

凡 相大禮皆上擯之事

擯也。 禮》「侯氏入門右,坐奠圭,再拜稽首。 告,出辭玉」,注:「擯者,上 廷堪案:《聘禮》賓及廟門,「几筵既 前辭,欲親受之,如賓客也。」又《聘禮》 者謁」,注:「謁,猶告也。上擯告以天子 所以來之命,重停賓也。] 又云「擯者人 擯者出請命」,注:「上擯待而出請受賓 「擯者 出請事」,敖氏 云請事,則爲上擯可知,故不必質 繼公曰:「擯者,上 擅 也。」《覲 擯

出許 畢。 許」。 出 受,又授幣,賓降拜,「君降一等辭。 辭,賓出。擯者坐取幣,出」,又擯者請 進,相幣」,、又賓覿,請以臣禮見,「擯者 請禮賓,賓禮辭,聽命。擯者入告」,又 出請。賓裼,奉束帛加璧享。 禮皆上擯之事也。《聘禮》授玉畢,「擯者 **覿畢,上介、士介請覿,「擯者入告,出** 者曰:『寡君從子,雖將拜,起也。』」又賓 擯者退負東塾」,又「公用東帛」,「擯者 公授几,擯者告,又公拜送醴,「賓升筵, 言之,而但云擯者也,下文放此。」是相 請受于上介也。」又擯者請受,又上介覿畢, 擯者又納士介」,士介請以臣禮見,「擯 賓奉束錦以請覿。 擯者入告,出辭。 擯者執上幣。 上介請以臣 」; 又享畢,「擯者出請 禮見,「擯者辭,介逆 出請受」,注:「此請受 事,賓告事 擯者入告 擯 大

《聘禮・記》「既覿,賓若私獻,奉獻,將 首。 賓固 拜送,賓不顧」,注:「君命上擯送賓出 此擯者亦上擯也。又《聘禮》「賓 命。擯者入告」,此禮與士介覿 賓」。《覲禮》受玉,侯氏降階,再拜稽首 反告賓不顧,於此君可以反路寢矣。《論 拜之屬,皆下大夫一人擯,無承紹也。 擯者出請事,以及請 注不云上擯者,可知也。又《聘禮》問卿 拜」,又受幣,「擯者進」,又士介覿畢 者辭,介逆出,擯者執上幣以 「擯者謁諸天子」。又「王勞之。 曰: [予一人將受之。] | 又事畢告聽事 「擯者延之曰:『升。』」又侯氏享,「擯者 擯者出請,賓告事畢,擯者入告,公出送 擯者延之曰: 『升。』 皆上擯之事 辭,公答再拜,擯者立于門中 命、反幣、執上幣、相 出,禮: 略同,則 出 再拜稽 一、公再 請 ·以相 受, 又

擯也。 也,足躩如也。 説孔子之行 然則孔子是時蓋以大夫攝 賓退,必復命曰: 日 : 君 召 使 擯 卿,爲上 賓 色 勃 不 顧 如

與東 拜。 楹 又案:《聘禮 叔 進:襄七年,衛孫文子來聘,公登亦登, 成三年,齊侯朝于晉,將授玉,郤克趨 進,即《論語》「趨進」之進。又引《左傳》 注:「反其等位,無事。」江氏永謂此擯者 左還,北鄉。 年,晉侯以齊侯宴,投壺 西、 辭 孫 莊子爲 穆子 楹 賓三退,負序。公側襲,受玉于中堂 於賓,相公拜也。」又云「公當 東面。 之間。 擯者退, 負東塾而 載 相 書,鄭公子 ,趨進,九年,同 擯者進」,注:「進阼階西, 擯者退中庭。● 》授玉,「公升二等,賓升, 騑 ,公孫傁趨進; 趨 賓致命。 進 盟 于戲,晉 昭十二 立 一, 楣 再 西

> 精矣。 時,江氏據《禮經》、《左氏》以釋之,其義 定 何氏《集解》、邢疏及《集註》,皆不言在 賈趨進。 八 年,晉師 凡五 盟 事爲 衛 侯 證。 于 鄟 《 論 澤, 語》「趨 將 歃,王 進 何 孫

之問,小聘亦謂之問。 凡諸侯使人于諸侯謂之聘,使人于大夫謂

問,不享,有獻 諸侯使人于大夫謂之問也。又「小聘曰 注:「事 廷堪案:《聘禮•記》「久無 介」,是小聘亦謂之問也。《周 不禮,面不升,不郊勞。 侯謂之聘也。 ,謂盟會之屬。」是諸 《聘禮》「賓朝 ,不及夫人。 其 禮 主人不筵几, 事 服問 侯 如爲介,三 禮 使 則 卿」,是 聘焉 人 于 諸

❶ 「擯」,原誤作「賓」,今據《清經解》本改。

又

下 訓 三舉足,又趨」,注,「孔子之升堂,鞠躬 邦」,然則大夫使人於他邦,亦謂之問也。 指小聘,大聘使卿,小聘使大 之邦交、「歲相問 伯》「時聘曰問」,《大行人》「時聘以 子趨朝之禮者,非 怡怡如也。 如也,屏氣似不息者,出降一等,逞顏色, 皆謂之問。又《論語 夫之幣,俟于郊」,則又問諸侯、問大夫, 侯之好 徴引甚富 又案:《聘禮・記》「下階,發氣,怡焉;再 、案:《論語》「没階趨 執圭 導台拱據此,以《論語》入公門一節,及 ·記》「問諸侯,朱緑繅,八寸」,「問大 一節,皆言聘禮。 ,間問以諭諸侯之志」。又凡 ,詳見劉君所著書中。 没階,趨進,翼如也。」吾友劉 也,殷相聘也」。 也。 鄉黨》「問人於他 進,翼如也」,陸德 其説精核不可易, 邢 叔明 人夫也。 此問 以爲孔 諸 結 \sim 聘 皆 諸 侯

之出聘也。 父母之喪之禮,非既 服,哭而歸。」經所云乃聘賓出使之後 之。君納之,乃朝服,既反命,出公門, 路,使介居前,歸又請反命,己猶徐行 哭于館,衰而居,不敢以私 明《釋文》無 齊、斬之服,不忍 夫以君命出,聞喪,徐行而不反。」 經又 國,凶服于君之吉使。 《春秋傳》曰:『大 又案:《聘禮》「若有私喪,則哭于館,衰 語》,亦作「没階趨進」,則鄭氏所見本已 趨 云「歸,使衆介先,衰而從之」,注:「己有 而居,不饗食」,注:「私喪,謂其父母。 有「進」字,非誤明矣。 年傳文,何氏注:「聞喪者,聞父母之 進」,誤 也。」考《聘禮・記》注所 注引《春秋傳》,見《公羊》宣 「進」字,云:「一 顯然趨於往來,其 有父母之喪、國君 陸氏説不可 喪自聞于主 本 作 :『没階 引 在 遭 隨 論 釋 道

禮 經 釋 例

喪。 也」,即本《聘禮》此經立説。 弓》曰「父母之喪哭無時,使必 代之。」亦指 經,其弊乃至於此 弓》爲奪情解者。 記》,偶未引《聘禮》證之,後人遂有 徐 行 者,不 出使之後聞 忍 嗟乎! 疾行 又爲君 喪 讀傳記 圃 言也。 鄭氏注《禮 當使 知其 圃 □據《檀 人 讀 反 檀 追

凡聘、 寢。 問、 覲皆于廟,會同于壇,士相 見于

庭。 言桃 祧,諸侯五廟。 廷堪案:《聘禮》聘賓「至于朝,主 者。」又聘時 主所在曰祧。 「不忝先君之祧,既拚以俟矣」」,注:「 者,祧 賓立接西塾。 尊 ,「及廟門,公揖 周禮、天子七廟、文、武爲 丽 則祧,始祖也,是亦廟也 廟 几筵既設,擯者出 親,待賓 入**,**立 客者,上 人 于 請 中 尊 遷 曰

也。 廟 廟,昭之遷主藏于 先王、先公之廟桃」,穆之遷 廟有二桃」,又《周禮・守祧》職云『掌 待覲、遇,亦當在祧。 藏,皆在始祖之廟,故以始祖 聘之賓,皆在太祖之廟。 次于文王廟門之外。」 疏云:「諸侯待 也。 賓禮也。 云「賓朝 禮 命」, 上,異姓東面北上」,注:「受舍于朝,受 命來,其禮亦重,故主國之卿受之于祖 諸 重,故主國之君受之于始 而在文王廟者,父尊而子卑,故知 侯前 雖廟受而不几筵,辞君也。《 覲禮 注 賓至廟門,司宫乃于依 服問 朝,皆受舍于朝。 祖,王父也。」問卿,聘賓奉其 「有 几 卿。 (筵者) 卿受于祖廟」,注:「重 武 王廟。 《祭法》云『天子七 以 其 以 廟 今不 主藏 同 祖 前設 爲桃 其「遷主 受, 姓 廟也。 于文 西 之。 在 宜 天子 面 在 依 武 守 文 所 聘 朝 北 廟 君 又 神

 $\overline{\circ}$

朝 宗、遇而言。 受摯受享皆在廟也。 注:「諸侯春見 于廟門之東」。 者,諸侯見于天子之禮,較之聘問爲尤 諸子、諸男皆廟中將幣三享,亦指 秋。」《周官・大行人》上公、諸侯、諸伯 面 廟,生氣文也。 立,諸侯 尺」,注:「四 爲宫方三百步,四門,壇十有二尋,深四 皆受之於廟也。《覲禮》「諸侯覲於天子, 重,故天子受之於文王廟也,是聘、問、觀 立,諸公東 廟也」。《覲禮》又云,覲畢,「乃右 立於依寧而受焉。夏宗依春,冬遇依 而序進,覲者位於廟門外而序入,王南 北 面 時 所謂 加 面,諸侯 秋見曰覲,一受之於廟,謂 見天子 《曲禮》曰「天子當 曰朝,受擊於朝,受享 朝覲,受之於廟,此謂時 殺氣質 廟者,皆祧 西 ·, 曰 覲。 也。 面,曰朝」,鄭 朝者位於内 廟也。 天子 ,朝、觀、 朝、觀、 依 · 當 肉 覲 於 氏 袓 寧 而 矣。

王

而

《士相見禮》非問卿可比,其禮殺,行禮之 迎,壻見」,注:「壻見于寢。 鄉見諸侯」也。」是會同則於壇也。至 侯,則命爲壇三成,宫旁一門,詔王儀,南 尺。王巡守,至于方嶽之下,諸侯會之, 方二丈四尺,上等、中等、下等,每面十二 儀》職曰『爲壇三成』。 成,猶重也。 九十六尺也。深謂高也,從上曰深。 夏會同則於南方,秋會同 也。 會殷 略如士相見之禮。」則士相見當亦于寢 處,經無 亦爲此宮以見之。《司儀》職曰『將會諸 者,自下差之爲三等,而上有堂焉。 同則於北 爲宫者,於國外,春會同則於東方 同也。宫,謂壝土爲埒,以 . 明文。 方。 八尺日尋,十 考《士昏・記》「若不親 則於西方,冬會 有二尋則方 壻見之禮, 象牆壁 堂上 《 司 於 重

禮 經 釋 例

又

案

爲

文

朝爲 政, 雉 國 萬 簡,其來之心猶若朝也」,恐非。 北 門之外,外朝亦在雉門之外, 也。」《朝士》注謂「在庫門之外」,與此異。 廟 宗、冬遇皆不足信,則太近武斷。 此 侯常朝之禮,故經云「諸侯前朝」,而 廟門之外矣。 面、東面之位,注謂「此觀也。 門 説 上 氏 之神位,左宗廟」,鄭氏注:「庫門内、 門之外」者,考《周官 外朝,而 ,異姓東面北上」是也。 鄭氏注:「外朝者,朝在雉門之外 外之左右。」又《小司寇》「掌 《覲 斯 外朝也 大曰:「先朝 覲 禮 》, 似 一受舍 不知注所謂「文王廟門之 其位,即經所 也 竊謂 于 後覲,原非 然 將覲之時,或先 朝 以《周禮》春朝、夏 ・小宗伯》「掌 非春朝 言朝者,覲遇之禮雖 而 云「同 注 李氏 則朝 以 二禮。」以 之朝 外 又張氏 廟 心 姓 即 朝之 傳 在 有 行 西 文 也 西 王 者 建 諸 知 雉 面 王

> 也。 氏 以 門外之朝無堂安,得 階、降階之儀,而扆則設于户牖之間,路 子當扆 爾 廟 以 岐 中 朝 曰 爲 爲 而 路門外之朝,則不知其何所 廟門之外,其説 立者 受享 也。」此 于 廟 有階 者 説尤非。 路 與户 尚 門 可 外 牖 通。 之朝, 乎? 享有 張 據 升 氏

覲 義

朝。 覲; 子執穀璧,男執蒲璧,繅皆二采再就。 見曰 圭,侯執信圭,伯執躬 見曰宗,秋見曰覲,冬見 天子當寧而立,諸公東面 凡 同。是故天子當依而 古者天子以賓 朝、覲、宗、遇、會、同 禮親 圭,繅皆三采三 邦 日 遇 或 立,諸 ¬, 時 于 ", 諸侯 春 主,公 見 見 侯 日 \Box 北 西 朝二 會 就 執 廟 面 面 「, 殷 中 桓 m 夏 而

後

升

成

以

命

一乎爲

後

升

達

人

冕負斧依,鄉明出治,象天道 實,隆殺之義 門右 ,降階再拜 》:「至于郊,王 客禮受之也。 則貶其 受摯、受 ,廟,生 皆三享。 致命 Ž 朝 以 天子賜 拜。 臣 , 所 者 少 故 爵 也。 ,降階,再拜稽首送玉,擯 位 以 爲 氣 覲禮盛 Е 稽首,不復升 承 再不 也。 于内 享 文 貴 朝 諸 舍,使侯氏 享 ·天,象 也 也; 皆 三享皆中 畢 侯 覲 朝 使 朝 奠圭于堂下,擯者 一、侯氏 ; 于 不 朝 之禮 則 覲者 享 人 而 地 廟 禮 于天子日 削 皮 序 用 道 賓 先 , 所 其 位 即 弁 殺 進 也。 成拜者,享禮殺, 束 庭 地 以 天子尊也。 安 用 于廟門外 , 受 贄 于 帛 氣 以 也,侯氏 奠幣,升堂 臣 ,三不朝 也。 璧 覲 明君 質 加 述職 禮 一勞。」 用 璧,有 也。 見,天 者辭,然 天 命 臣 辭, 朝, 子 裨 優 丰 而 之 則 \sim 不 致 子 然 不 覲 受 庭 冕 衮 侯 序 義 六 特 服,王 質相 歲,王 子男 明臣 禮 圃 地 王 覲 乃 天子懷諸 四 歸 立也。 Ш ?建常! Ш 丘 陵於

氏也。

禮

享于

也

朝

師

移

將

幣

巡守,謂之殷同。 國外,合諸 尋,深四尺,加方 廟門之東,天子 覿,侯氏自 亦爲壇,合諸侯 于天子,爲宫方三百步, [方也。 一禮也; 變也。 ,賓客之道也。 一將有 一如不 五斿,故曰「公侯伯子男皆就其旂 侯 拜日 巡守,則 來,非使人也。 征討 侯 肉袒 覲受之于廟,會 上公建常九斿,侯伯建常七斿 也。 而 於東門之外,日 威諸侯也 之事,則 明于其 人門 命事 或曰: 方明設 以 六 命 時 而 焉,謂之時 服 政 會、殷 右 上。 奠圭降拜 既 盡 焉 六色六玉者,禮 ; 以以 禮 朝覲 賜 朝。 四門,壇十有 同受之于壇,文 ,所命之政 古者諸 畢 聽 同 侯氏 生 乃 事 朝禮 王 王 之禮 會。 一**,** 升 于 右 也 以 爲 東也 侯 肉 諸諸 既 + 成 車 如 壇 饗 不 袒 畢 拜 服 於 禮 天 王 順 侯 干

西門外,

Ш

Ш

導

自

西

也

外侯 也。 荒 甸 焉 諸 者 本 H 鏤 韓侯,淑旂綏章,簟第錯 先王之訓 烝之於禘、祫也。 曰 而 介圭,人覲于王。」言覲禮也。又曰:「王 外,就 錫 服 。」朝、覲、宗、遇,常禮也。會、同,大禮 侯于廟,故孔子曰:「宗 親 乎天者親 於 服 何。」 鄭鞃 者 者祭,侯服者祀,賓服者享,要服 「宗廟之事,如 下 服 朝、覲、宗、遇之於會、同、 南 王 。 ~,侯 爲其相者,諸侯 也。天子將 門 陰位 也。 外, 淺幭,鞗革金厄。」言既觀 衛賓服, 上也,祭川 日祭,月祀, 也。 就陽 《大雅》曰 先王之制,邦 祭天燔柴, 位 會同,端章 行會同之禮,必先朝 蠻夷要服, 也 之卿 ; 沈,祭地 衡,玄衮赤舄 時享,歲貢,終王 禮月 「韓侯入覲,以 廟 大夫 甫 會同,非諸 祭山 與 如祠、禴、嘗、 戎 1,願爲 内 瘞,本 四 翟 士 甸 丘陵升, 而 者貢 荒 服,邦 也, 小 乎 賜 鉤 於 服。 之 膺 錫 其 相 侯 地 北 覲 故

> 繹。」言會同之禮 服 也 \sim 小 雅 ₩ E 也 赤 芾 金

:

舄, 會

同 有

車

禮 經 釋 例 卷 六 終

禮經釋例卷七目録

射例

三耦與衆耦皆射,三射,以樂節射,皆釋凡射皆三次,初射,三耦射,不釋獲,再射,

左揖。

凡再射、三射,皆先升射,次取矢加楅,次獲,飲不勝者。

不飲。

獲,次飲不勝者,次拾

取

矢,唯

初

射

不

- 數獲,

數

凡射、未升堂之前三揖、曰耦進揖、曰當階

北面揖,曰及階揖。

北面揖, 曰及物揖。 凡射, 既升堂之後三揖, 曰升堂揖, 曰當物

> 豆ど斤皆宜量。 凡射後二揖,曰卒射揖,曰降階與升射者相

左交于階前揖。

揖,曰 凡拾 取 及楅 矢 前 揖 四 日 揖 上 射 日 進坐 耦 進 揖 揖 日 當 楅 北

面

則上射、下射各一揖。

凡

拾取矢,上射、下射

各四

揖

若 兼

取

矢,

揖,臼 凡 拾 取 北 矢 面 後 搢 四 挾 揖, 一个揖 曰 既 拾 日 取 既 矢 退 揖 與 進 曰 者 左 相 澴

凡飲不勝者,未升堂之前三揖,曰耦進揖

曰當階北面揖,曰及階揖。

降階 凡 飲 不 與 升 勝 飲者 者,既飲之後二揖, 相 左交于階 前 揖 曰 卒 觶 揖

曰

凡設楅于中庭,南當洗,東肆。

凡有事于射則袒,無事于射則襲。凡設中,南當福,西當西序,東面。

凡飲不勝者,尊者不勝則卑者不升,卑者不

三五

勝則升堂特飲。

正授弓,小臣師授矢,卒射,小臣正贊襲。 凡公射,小射正贊決拾,小臣正贊袒,大射

凡公不勝飲公,則侍射者飲夾爵。

大夫拾取矢,則小射正作之。 凡大射,三耦拾取矢,則司射命之,諸公卿

凡獲者之事,皆司馬統之。 凡射者之事及釋獲者之事,皆司射統之。

凡鄉射于序,大射于澤宫。

共二十例。

附周官鄉射五物考一篇。

射禮數獲即古算位説

禮 經 釋 例 卷 屯 目 绿終

禮經釋例卷七

獲」,注:「但大言獲,未釋其算。」《大射

凌廷堪次仲學

歙

射

例

= 獲,飲不勝者。 凡射皆三次,初射,三耦射,不釋獲,再射, 耦與衆耦皆射,三射,以樂節射,皆釋

獲。 謂初射也,又云「復,釋獲」,謂再 小異耳。 次,不獨《鄉射》,即《大射》亦然,但 又云「復,用樂行之」,謂三射也。 廷堪案:《鄉射》記「始射,獲而未釋獲」, 旌 《鄉射禮》三耦射,「獲 以 宫,偃 旌 以 商。 獲 者 而 射也; 射 未 坐 節 (皆三 文 而

> 獲, 數獲畢,飲不勝者。《大射》第二次射,命 猶中也。不中正,不釋算也。」三耦卒射, 堂下,北面命曰:『不貫不釋。』」注:「貫, 射》、《大射》無異也。《鄉射》第二次射, 獲。』❶公射大侯,大夫射參,士射干,是爲三侯。 面 耦及三耦拾取矢畢,司射「適阼階下,北 然後賓主人射,大夫與耦射,衆賓 儀》同。 獲者命小史,小史命獲者。 命曰:『中離 釋獲于賓。 |耦拾取矢,衆賓受弓矢畢,司射升,「請 請釋獲于公。公許」。又云「司射西 衆則不與。 此 賓許」。又云「司射遂進,由 初射,三耦射,不釋獲、鄉 維 綱、揚觸、捆復、公則 唯 公所中,中 司射遂進,由 三侯 繼 射。 皆 釋 釋 面

0 中」,原脱,今據唐石經、《清經解》本補。

堂下 扑,東 射》小 外節文亦有不同者,詳見下。 觸,捆復」」,及中三侯,皆獲者優君也 射于賓」、《大射》司射適阼階下,「請射 《騶虞》,間若一。』」「三耦卒射,賓、主人、 算也。」又云:「樂正東面命大師,曰:『奏 賓許。」司射 公」,不升堂者,尊君也。「『中離維綱,揚 獲,飲不勝者也。 《鄉射》司射升堂,「請 耦皆射,數獲 大夫、衆賓繼射」,數獲飲不 『不鼓不釋。』」注:「不與鼓節相應,不釋 一次射。《大射》第三次射,司射「適阼階 耦卒射 北 異也。 面 樂樂于賓。 面 命樂正,曰:『請以樂樂于賓。 ,然後君 視 遂 上 《鄉射》第三次 畢,飲不勝者。 適 射, 階間,堂下北 與賓射,公卿大夫及 賓許諾。 命 日 則《鄉射》與《大 不 ·勝者,皆如第 射 司 此再射,釋 - 貫不 司 面 射 命 降,搢 射升, -釋。]] 日 此此 衆 于

樂也。 《論語》曰:「射不主皮,古之道也。」 聽 ? 也。 下, 即禮射也,所謂 賢者乎?」《禮記・射義》文。 取苟能,中課有功,終用成法,教化之漸 射》小異 射、釋獲、飲不勝者也、亦《鄉射》與《 與賓、諸公卿大夫衆射者繼射,數獲,飲 次者,《大射儀》注云:「君子之於事,始 不勝者,皆如第二次射。此三射,以樂節 扑,東面 曰:『奏《貍首》,間若一。』」三耦卒射 曰:『不鼓不釋。』」又云「樂正 『諾。』司射 北 射用應樂爲難,孔子曰:『射者何 循聲而發,發而不失正 面 然則射以 [命樂 也。 請 以樂于公、公許。 遂適堂下,北 是凡射皆三次也。 Œ 其容體比於禮,其節比於 曰: 「命用樂。」樂正 應樂爲上,中侯次之,故 以樂節 面 眡上射,命 鵠者,其 司 命大師 射 射必三 射者 反, 曰 唯 以 大 搢

有司請 于公」。 射,司 階, 耦 堂,告于賓」。 獲 又 請 下,「北面告于公」,三射,司射 于公」。 告于公」,再射 于公也。 賓,賓許諾,餘皆如初。 射,請釋獲,司射皆升告于賓。卒射及數 面告于主人,曰:『請射于賓,賓許。』」三 面請射于公,公許,遂適西階上,命 畢,釋獲者皆升 卒射,司射升堂,北面告于賓。再 案:《鄉 以樂于公,公許,餘皆如初。 階上北 射「自阼 三耦卒射,司射 射。」又云「司射適阼階 卒射 又司射適阼階下,「北 射禮》初射請 面告于賓,曰:『弓矢既具, 汲數 三射,司射升,請以樂樂 階 請射,司射升自西階 前 獲 自 曰: 『爲政請射。』」告 畢,釋獲 西階、「盡階 適 射, 《大射》初 作階 司 適
作
階
下
, /者皆 《鄉 下, 射 面 上,東 升自 請 分射》告 不 不 阼 東東 北 賓 射 釋 射 階 升 御 面 請 于 請 北 獲 西

獲,次飲不勝者,次拾取矢,唯初射不數獲,凡再射、三射,皆先升射,次取矢加楅,次數

不飲。

勝者, 射、三射、每 届,二也,釋獲者數獲,三也, 設豐 衆耦升堂射,一也; 廷堪案:《鄉射禮》、《大射儀》二篇,其 四 也 射之中,皆五 三耦 及 射畢,司馬 衆 耦 小 拾 節:三耦 拾 命 ", 取 也。 飲 矢 加 及 不 再 取

矢,五 릲 釋獲,故 節 節 者,尊之,故異於衆射者也。 矢三節,皆射者之事。 者,備更射也。 分勝負 堂射、取矢加 勝者後,有獻獲者及獻釋獲者二節 終,且不苟也。 更射,亦必拾取矢以授有司者,示禮 射必拾取矢,以備更射。 初射、三射所 二節,非射者之事,則相禮者爲之也。 爲 ,自有條理可求矣。 取矢加 射之細 也 也。 無 數 至 飲不勝者,示罰也。 楅者,備拾取矢也。 無者。 獲 目,總其要而觀之,繁文瑣 福、三耦拾取矢,三小節 于 其升射、飲不勝者、拾 《大射》賓與君不 及飲不勝者之禮。 初 射, 二次爲射之大綱, 其取矢加福、數獲 但 若三射畢,不 耦 又再射 射 數獲者 ·拾取 拾取矢 獲 此 唯 飲 而 復 升 五 則 不 矢 取 丽 有 每 不

北 凡 並行。 射 也。 也。 當階北面揖,及階揖」,此升堂之前三揖 廷堪案:《鄉射禮》司射誘射,「東面立于 面 階,階下揖。」賓、主人、大夫揖,猶耦: 搚三挾 一个。 耦揖升如初。 又云「賓、主人、大夫揖,皆 北面揖。及階揖」、《大射儀》司 三耦之北,搢三而 執弓,搢三挾一个,由堂西出于司射之西, 下揖,猶及階揖也。 由其階降,揖。 「人于次,礐三挾一个,出于次,西面 揖,曰 未 《鄉射》初射,「上耦揖進,上射在 由其階降揖,猶當階揖也。 升 當階、北面揖、及階揖」、再射、 |及階揖 堂之前 賓於堂西亦如之。 主人堂東袒、決、遂、執弓、 挾一 揖 又云「大夫袒、決、遂, 曰 个。 耦 進 揖進,當階 揖, 由其階階 射誘 皆由 日 進 當 射, 揖 其 階

就其耦。大夫爲下射,揖進,耦少退。揖

揖進。 如三 此《大射》升堂之前三揖也。 取弓矢于次中,袒、決、遂,執弓,搢三挾一 揖」,再射,一 次,但于堂西袒、決、遂,故 次,在洗東南,故出 教射也,故其儀與耦 个,出,西面 前三揖也。《大射》初射,「上耦出 賓不敢與之耦也 《大射》賓侍君射,不揖者,君尊;不降階, 耦」,三射皆如初。 上射在左,並行,當階北 [揖,揖. 耦揖升如初。 如三耦」,三射皆如初。 次 射 西 此《鄉射》升堂 同 面 耦進 也。 揖。 又云「諸公卿 司)射誘 東 面 《鄉射》無 《大射》有 次,西 面 揖 射 及 揖 者, 也。 階 之 面

凡 北 射,既 廷 豫 面 選案: 揖 則 鉤 曰 升堂之後 楹 及 鄉 内 (物揖 , 堂 射 則 禮 三揖, 由 \Rightarrow 司 楹 射誘射,「升堂揖。 曰 外 1升堂 當 揖 左物 · 日 北 當 物 面

揖。 侯中, 堂之後三揖也。《大射》始射,「上射先升 還,視侯中,合足而 北面 矢」; 揖。 三等,下射從之,中等。 射,「升堂揖。 當其物、北面揖、及物揖。 升堂,少左。下射升,上射揖,並行。 發」,此升堂之後三揖也。 下射升,上射揖,並行。 三侯,將乘矢,始 面揖,及物揖」,三射如初。 「上射先升三等,下射從之,中等。 及物 . 揖 皆左足履物, 《大射儀》司 再射、諸公、卿 俯正 ,及物揖,由 揖。 足。不 主人爲下射,皆當其物,北 左足履物,不 射 射干,又射參,大侯 升 還 下物少退,誘射。 誘 去 俟」, 射,「升堂揖,當 射 視 旌。 上射升堂 皆當其 如三耦,三射 侯 再射,賓 皆左足履 《鄉射》初射 此《鄉射》升 誘 中,合足 方足,還, 射,將 物 ,少左。 北 全人 物 射 面 再 如 而 射 乘 視

射「命曰: 初, 退反位」。 不釋。」上射揖。司射退,反位」,三射, 故誘射亦異也。 耦皆無也。《鄉射》或于庠,或于序,故曰 在升堂之後,然唯第一耦之上射有之,餘 司射「命曰:『不鼓不釋。』上射 司射退,反位」,再射,司射「命曰:「不貫 始射干,又射參,大侯再發」,其禮既殊, 鉤 楹 此大射升堂之後三揖也。 内,由楹外」。《大射》用三侯 《鄉射》、《大射》皆同。 「 毋 射 獲,母 獵 獲。」上 又始射 7,揖,司 此揖 い, 故 曰 射 揖。 , 司 射 亦

乘矢」。「卒射,皆執弓,不挾,南面揖,揖射既發,挾弓矢,而后下射射,拾發,以將廷堪案:《鄉射禮》初射,三耦乃射,「上左交于階前揖。

者相左交于階前,相 北面 射,三耦乃射,「上射既 此《鄉射》之射後二揖也。《大射儀》初 如升 卿。」考下文,諸公、卿、大夫卒射,亦揖如 後二揖也。大射卒射北 卒射,降如三耦,三射如初。 右,從之,中等,並行。上射於左,與升射 射射,拾發以 交于階前,相揖」。 中等,並行,上 三耦,●此時卿已降矣,則非爲 「卒射,北面 南面揖者,君在堂上故也。 射。 揖,揖如升射。 上射降三等,下射少右,從之, 揖」,注:「不 將 |射於左。 乘 (矢」。 再射、三射皆 上射降三等,下射少 一發,挾矢,而后下 「卒射,右挾之, 與 南 面 再射,諸 升射者 揖,不同 面 此大射之射 司射誘 者,爲不背 卿 可 如 相 鄉射 公 射, 知。 初。 左, 卿

❶ 「亦」,原誤作「赤」,今據《清經解》本改。

亦揖者,教衆射者,以行禮之節也。

降 降階揖。 席,然後繼射者始升 耦 又大夫卒射,「揖 就席」。賓主人分階,故多階上一揖,既 物,不可南 敖氏繼公曰 升射之儀」,卒射揖後,復 射誘射,「卒射,北 升射,故無交于階 射,卒射,「南面 者交于階前之揖者,大夫既 堂西,大夫升就席」。大夫降,無 決、拾,襲,反位,●升,及階揖,升堂揖,皆 主人卒射,「南 大射》諸侯禮,威 復 少 退。 (升就席,故又有及階、升堂二揖也。 皆釋弓于堂西,襲。 賓序西,主人序東,皆釋 面揖 面 **置揖,揖** 於楹 如升射,耦先降。 揖,皆由其階,階上 面 儀 前 面 多 間 揖者,爲下射與君 也。 揖。 之揖 如升射。 嫌 也。 及階 也。 也。」《鄉 有降階 鄉 誘射 降,復 射》 耦 降」,此 《大射》司 揖,降,如 無 遂 司 與 降階, :弓,說 耦 揖 射》實 射 升 升 止 "; 而 無 誘 就 射 于 同

> 凡拾 揖,曰 取 及楅 矢前 揖 四 曰上射 揖, 日 進 耦 坐 進揖, 揖 曰 當楅 北 面

其耦。 面。 后 之,下射進坐不揖也。 射西面。 矢如初。 又云「大夫袒、決、遂,執弓,就 取矢以前之三揖也。 廷堪案:《鄉射禮》初射畢,三耦拾取矢, 大夫不揖也。 鄉 上耦揖 稱揖 射》拾取矢前之四揖 大夫進,坐,説 揖皆進,如三耦。 進坐」,大夫爲下射,故耦進坐揖 進,當福 上射揖進,坐」,此揖唯 三射畢, 北 矢束。 面 又云「上射東面,下 再射畢,三耦拾取 揖,及楅 也。 拾取矢,如 耦東面,大夫西 興,反位。 賓主人拾取 揖」,此拾 上 (初,此 射 而 有

❶ 「反」,原誤作「及」,今據《儀禮注疏》改。

位。 取 耦入於次,皆袒、決、遂,執弓,皆進 矢如初,「諸公、卿、大夫皆降,如初位 此上射之進坐揖也。 再射畢,三耦拾 耦」,此時賓東 此亦上 時,諸公、卿、大夫之矢皆異束之以茅。 今大夫説矢束 面 進坐,説矢束。 楅揖」,此 面揖也。 此《大射》拾取矢前之四揖 者 「上射東面,下射西面。 ,謙不敢兼取,欲與其耦拾取之。 ,大夫西 矢,如三耦。 耦出 此如《鄉射》大夫與其耦拾取矢之例,前取矢加楅 皆 射 進 進 ,出次也。 《大射儀》初射畢,三耦拾取矢, 坐 揖 階 拾 面。 前 取 也。 面,主人西面 揖 矢 若士 上射東面,下射西 大夫進坐,説 西面揖,當福北面 以 及 射畢,拾 前之三揖 |與大夫爲耦, 士東 楅 上射揖進,坐」, 揖 也。 耦 ,故無 拾 取 矢束,退 揖進,坐」, 諸公、卿、 也。 取 矢 當 矢 如 [揖,及 面, 當 又云 楅 如 一, 與 初。 楅 反 取 北

> 揖也。 賓皆不拾 也。 賓亦侍君射者,故優之,使異於衆也 矢,小臣 矢,則以授矢人于西堂下」,注:「不言君 又案:《大射儀》再射,取矢加 揖,凡耦之上射皆有之,則與射時 唯第一耦之上射有之。 時司射、命射、上射揖也。 及物三揖也。 在庭,不升堂,且 具 大 也。 夫 及楅揖 耦 當福 蓋拾 以授矢人 進當 取矢者,君尊,不可下同于臣 '; 北 取 楅 進 矢 面 射 進 耦 坐獨上射揖者,亦猶射 無物,故 揖,猶射 、于東堂下可知。」君與 時 坐 進 及 揖,猶射 不 階 此 굸 揖 時當階 無升堂、當物、 拾取矢進坐之 然命射之揖 也。 揖」者, 福,「賓之 時耦 異也。 拾取 北 面 進 文不 矢 揖

則上射、下射各一揖。凡拾取矢,上射、下射各四揖,若兼取矢,

坐

一,亦兼

取

乘

矢,如其耦」,此下射兼

取

四

此

上射

兼

取

四矢之揖

也。又云「大夫

進

位,揖」,注:「兼取乘矢者,尊大夫,不敢與之拾也。」

坐,此進坐之揖。

兼

取

乘矢,順

羽

而

興,反

東者,下耦,以將拾取。」興,反位。

而

后

耦

揖

進

耦拾取矢,「大夫進,坐,説矢束。 注:「説矢

射、下射各四揖也。

又再射畢,大夫與其

三射畢,拾取

矢

如

初。

是鄉

射

拾

取

矢,上

矢,亦上射、下射 退 諸公卿大夫拾取矢,「若士與大夫爲 耦,三射畢,拾取矢如初。 是《大射》拾取 拾取矢如初。 第一矢之揖也。亦四矢皆揖。 順 坐横弓,覆手自弓上取一个,兼諸弣,興 此上射取第一矢之揖也。又云「下射進 周,右還而反東面也。 興,順羽,且左還,毋周,反面揖」,注"「毋 矢,興,順 士東面,大夫西面。 射畢,三耦拾取矢,「上射揖 取矢,上射、下射各一揖也。 矢之揖也。 三射畢, 反位。 羽、且左還、毋周、反面揖」,此下射取 横弓,卻手自弓下取一个,兼諸 耦 羽,且左還,毋周,反 揖 又諸公卿大夫拾取矢如三 進,坐此進 各 君在阼,還周,則下射將背之。」 四 如初。 大夫進坐,説 揖 也。 坐之揖。 再射畢 進,坐此 是《鄉 《大射儀》初 又 再 面 兼取 子,三耦 矢束 、射》兼 射畢 進坐之 弣 乘

拾取矢

如初。

又賓主人拾

取

矢如三耦,

矢,經雖無文,皆揖可知。再射畢,三耦

取第

一矢之揖也。

取第二、第三、第四

自弓上取一个,興,其他如

上射」,此下射

矢之揖也。 又云「下射進,坐,横弓,覆手

加

左還,退反位,東面揖」,此上射取第

自弓下取一个,兼諸

品州,順

羽

; 且

興,執

弦

廷堪

案:《鄉

射

禮》初射畢,三耦拾

取矢,

上射揖

進,坐,此

是進

坐之揖。

横

公弓,卻

手

二三六

相

之揖也。 兼 射 兼 取 乘 取 三射畢,如初,是大射兼取矢, 四矢之揖 矢,如其耦 也。 」,此下射兼 又云「大夫進 取 四 坐 矢

亦

上

敵者爲耦則拾取矢,卑者與尊者爲耦 矢自弓上,禮相變也。 者,恐背君也。 亦上射、下射各一揖也。《大射》「毋周 上射取矢自弓下,下射 以禮例考之,與 相 取 則

也。 畢,後者遂取誘射之矢,兼 兼取矢,示不敢與之拾也 矢,而后兼誘 射之矢,末耦之下射代 以授有司、《鄉射》于西方、《大射》于次中。 又案:《鄉射》、《大射》初射,三耦 反位已禮成,乃更進取之,不相因也。」 鄉射 記》「取 射之乘 誘 矢 射之矢者,既 爲取之,亦兼 而 取之」,注:「謂 乘矢而 拾 取之, 是誘 拾 取 取 取 矢 矢

> 左 揖 揖 曰 北面 搢三 挾一 个揖 日 既退與進者

還,上 揖。 以君在阼,嫌下射,故左還而背之也。」適福南,皆 拾取矢,梱之。 還,上射於右。 退,釋弓矢于次,説決、拾,襲,反位」,再 後之四揖也。 賓繼拾取矢,皆如三耦」,此鄉射拾取 位」,再射畢,三耦拾 南,皆左還,北面,搢三挾一个。 乘矢,揖,皆左還; 廷堪案:《鄉射禮》初射畢,三耦「既 左還,北 注:「内還者,上射左,下射右,不皆右還,❶,亦 射於左。 面 揖, 搢三挾 《大射儀》初射畢,三耦 兼 與 退 者與 挾 進 南面揖,皆少進,當 取矢如初。 乘矢,皆内還,南 者 一 个。 相 進者相 左,相揖 揖,以耦左 左,相揖 揖,皆 又云「衆 '; 退 拾 既 矢 反 左 福 面 取

凡拾取

矢後

四

揖, 曰既拾取矢揖, 曰

左還

⁰ 右」,原誤作「左」,今據《儀禮注疏》改。

鏃,退 射 賓、主人、大夫、衆賓皆袒、決、遂,拾 後之四揖 繼拾取矢,皆如三耦」,此《大射》拾取 階揖 退。 不挾,則 遂,以拾取矢,如初。矢不挾,兼諸弦,面 位,遂授有司于堂西」。 大夫「拾取矢,如三耦」。 又云:「衆射者 畢,皆升就席,故無與進者相左之揖,而 終,故節文亦異也。 矢,如初。矢不挾,兼諸弦弣以退,不反 有 主人拾取矢,「卒,北 「三耦及諸公、卿、大夫、衆射者皆袒、決、 畢 及階、升堂二揖 ·,三耦拾 賓堂西,主人堂東,皆釋弓矢,襲,及 ,升堂揖,就席」。 適次,皆授有司弓矢,襲,反位」,矢 無 也。 北 取矢 面 《鄉射》三射畢,「三耦 **搚三挾** 如初。 也。 《鄉射》再射畢,賓、 面搢三挾一个。 又云大夫兼 賓、主人拾取 《大射》三射畢 一个之揖,射禮 又云諸公、卿、 取 乘 矢 取 及 矢

> 升即 皆適次,釋弓,説決、拾,襲,反位 耦,北面搚三挾一个,揖,進,大夫與其 若士與大夫爲耦,「大夫亦兼取 退。 矢,「如 與進者相左之揖也。 階升堂之揖也。《大射》再射畢,拾取矢 鄉射》大夫與其耦兼取 席」, 耦反位,大夫遂適序西,釋弓矢,襲 其 此大夫獨升,耦不升,故并無及 へ耦。 北 面, 搢三挾一个。 矢之例,故亦 乘矢如其 一, 此 耦 無 即

曰當階北面揖,曰及階揖。 凡飲不勝者,未升堂之前三揖,曰耦進揖,

司射遂袒執弓,挾一个,搢扑,北面于三酌,南面坐奠于豐上。降,袒執弓,反位。于西楹之西,乃降。勝者之弟子洗觶,升射適堂西,命弟子設豐。弟子奉豐升,設廷堪案:《鄉射禮》再射,飲不勝者,「司

《大射儀》再射,飲不勝者,「司射命設豐。 反位。 耦 升射」。 于其 進揖如升射」,三射,飲不勝者 位,北上。司射作升飲者,如 遂,執張 正 及衆射者,皆升飲射爵于西階上。 不勝者皆襲、説決、拾、卻左手、右加 弓,挾一个,搢扑,東面于三耦之西,命三 西,降復位。 耦及衆射者,勝者皆袒、決、遂,執張弓。 南面坐奠于豐上,降反位。司射遂袒 司宫士奉豐,由西階升,北面坐設于西楹 作 之南, 上,遂以 升 加弛弓于其上,遂以 三耦及衆射者皆與其耦進立 飲射爵者 弓。 三射,飲不勝者,如初。 命三 不勝者皆襲,説決、拾,卻 勝者之弟子洗觶,升酌散 執 耦及衆賓勝者,皆袒、 (弣。司射先反 一, 如 作射。 執驸。 作射。 耦出 位。 經云「揖 司 , 如 初。 ¬,揖 小射 (弛弓 一于射 射 決 加 執 先 左

進揖,當階北面揖,及階揖之三揖也。如升射」,則亦當如射時未升堂之前,耦

降階

與

升飲者相左交于階前

揖

凡飲不勝者,既飲之後二揖,曰卒鱓

揖,

曰

降。 前 進,北面坐取 揖。不勝者先降,與升飲者相 興,少退,立卒觶。 少右。不勝者進,北 飲不勝者,耦出,「及階,勝者先升,升堂 于司馬之南,遂適堂西,釋弓,襲而俟」。 觶,進,坐奠于 進,「及階,勝者先升堂,少右。 廷堪案:《鄉射禮》再射,飲不勝者, 三射,飲不勝者,如初。 ,相揖;適次,釋弓,襲,反位」。 與升飲者相左,交于階前,相揖, 豐上之觶,興,少退,立 豐下,興,揖。 進,坐奠于豐下,興 面 坐取豐上之輝; 《大射儀》再射 左,交于階 不勝者 不 勝 又云 先 卒 者 耦

凡設

楅

于中庭,南當洗

于席 此飲 卒觶,授執爵者,反就席」。 也。又《鄉射》「賓、主人、大夫不勝、● 揖、當物揖、及物揖三揖,與升射 故云進退,射與飲在堂,故云升降 揖,既退與進者相 此二揖猶 者,如初,是 爵,其禮異于衆耦者,優之也。 在不勝之黨受罰爵之時也。」賓主人飲罰 不執弓,執爵者取觶,降洗,升實之,以授 左,交于階前 「主人亦飲于西階上」,疏云:「此謂 衆 、皆繼 前。 在 西楹 飲射爵,如 受觶,以適 射 時 飲 之西, 提,及 卒 不 勝者既飲之後二揖也 射揖,降階 左揖 勝者不 三耦」。 拾 西階上,北面 也。 取 矢時 與,故無 拾取矢在庭, 《鄉射 與升 三射飲不 既 拾 射者 時 · 記 立飲 主人 不 升 取 也。 則 同 堂 矢 勝 相

西。

袒,執弓,由其位南進,

與司

射

交

干

階前,相左,升自西階,鉤楹

自

右物

之

丽

俟。

司

取

矢。

獲

廷堪

案:《鄉

射禮》

初射

畢,二

司

馬

適

堂

東 肆 處。 小 洗,東肆」。《大射》初射畢,「司馬 云「皆」。 如初去侯,皆執旌以 物間,西南面,揖弓,命取矢。 前,相左。升自西階,自右物之後,立于 决、遂,執弓,右挾之,出,與司射交于階 適堂前,北面立于所設福之南,所擬以設 馬出于左物之南,還其後,降自西階,遂 者執旌許諾,聲不絕,以旌負侯 後,立于物間,西 臣 命弟子設福。 師 司馬 設 楅 正 降 司 南面,揖弓,命 馬 自 乃設楅于中 正東

大夫」,原脱,今據《儀禮注疏》補。

西

階,北

面命設福

面

以弓爲畢」,

負其侯而俟。 三侯,故

負侯許諾

Œ

袒

庭,南

當

楅

馬正 《大射》:「既設楅,司馬正適次,釋弓,説 馬 于中庭,南當 注 執弓如初,升,命曰:『取矢不索。』弟子 乘之。謂四四分之。若矢不備,則司馬 弟子取矢,北面 處,與《鄉射》同也。 且爲行禮之節。 進坐,左右撫之,興,反位。」蓋楅者,承笴 矢不索。]乃復求矢,加于楅。 卒,司馬正 括,司馬師坐乘之,卒。 决、拾,襲,反位。 小臣坐委矢于楅,北 自西方應曰:『諾。』乃復求矢,加于楅」。 司馬襲進,當楅南,北面坐,左 由 矢之器,故設于中庭,以 |《鄉射 司射之南退,釋弓于堂西,襲,反位。 又袒執弓、升、命取矢如初、曰:『取 洗,東肆。」」是大射 記》當作 坐委于福,北括,乃 又《鄉射》再射 《鄉射》既設 禮」。 若矢不備 備 日: 取 右 「乃設 畢,取矢 矢委之, 撫 設 楅 一, 則 矢 又袒 楅 退。 而 之 司 楅

凡設中,南當楅

與衆耦異者也。 卿大夫之矢,皆異束之以茅,三射同。 三射同。 加 楅,大夫之矢, 《大射》再 則兼. .射畢,取矢加楅,賓諸公 東之以茅,上握 此則

儀也。 又案:《鄉射·記》云「福,桑,横] 南面坐 福制詳見《器服之例》。 而奠之,南北當洗」,此言設福之 而奉之,

画。 序,東面,興,受算,坐實八算于中,横委 以從之。釋獲者坐設中,南當楅 設中,遂視之。 射,司射命釋獲 其餘于中西,興,共 所設中之東,所擬以設中處。 廷堪案:《鄉射禮》再射,司射「西 大史釋獲。 ,西當西序,東 釋獲者執 者設 小臣 而俟」。《大射儀》再 中,「以 師執中,先首,坐設 北面 鹿中,一人執 弓爲畢,北 命 西當 釋 面 獲者 立于 西 算

面

《大射》無此四字。 而俟。 射》司射命射訖、「釋獲者坐取中之八算、 設中之處與鄉 曰 : 取中之八算,改實八 改實八算于中,《大射》無「于中」二字。 之,東面 俟」,此釋獲也。卒射,取矢加楅訖,司 餘于中 之。有餘純,則横於《大射》作「諸」。 實于左手,十純,則 西坐,先數右獲。 「立于中南,北面 ,下射於左,若有 爲奇, 『設中,南當福 面 乃射。若中,則釋獲者坐而釋獲, 西,興, 退。 奇則 坐 《大射》仍有 又縮 大史實八算于中,横委 每一个釋一算。上射於 共 射同 祖第。 而 二算爲純。 ,西當西序。 」是大射 諸 餘算,則反委之。 俟 也。 縮 純 算于中,興,執 而 釋獲者東面 下。 又《鄉射》、《大 「坐」字。 委之。 注: 興, $\stackrel{\neg}{\approx}$ 鄉射 純 兼斂算 下。 每委 自前 興,執 以 于中 禮 取 異 又 其 射 滴 而

> 右獲。 奇。 賢於右』。 也。 勝,則曰『右賢於左』。 射》作「取賢獲執之,由阼階下北面告于公」。若右 以升,自西階,盡階,不升堂,告于賓。《大 實于左手,一 皆」、《大射》作「各」。 三射如初。 若左右鈞,則左右皆執一算以告, 司射復位,釋獲者遂進取 以純 純以委,十則異之。 蓋中者,實算之器,設之當 數告。 曰: 『左右鈞。』」此數獲 若有 若左勝,則曰『左 奇者,亦 賢 其 獲 餘 日 執 如

於郊,謂大射也,大射於大學。 以獲」,注:「國中,城中也。 大夫, 兕中,各以其物獲。 則 樹 又案:《鄉射 曰 中,以 "「大學在郊。」於竟, 閶 中,以 翿 旌 旌 •記》云「君,國中射,則皮 獲,白羽與朱 獲 於竟, 謂 則 士,鹿 羽 與 虎 謂 糅 鄰 中 燕 中,翻旌 或 龍旜。 於郊 \pm 射 君 制 也 射

西序,以爲行禮之節也。

之例》中。也」。此言中之等殺也。中之制見《器服也」。此言中之等殺也。中之制見《器服

凡有事于射則 皆袒、決、遂。 三耦 廷堪案:《鄉射禮》司射請射,三耦將射 將 司 射,賓主人拾取矢,大夫就 襲」,則射時袒決遂可知。 訖,命取 有 命 矢,皆袒決、遂。● 命取矢,三耦拾取矢,君與賓射,諸公卿 司 '射命飲不勝者,皆袒執弓。 《大射儀》 射 事 取矢,司射命飲不勝者,皆袒執弓。是 射,三耦及諸公、卿、大夫衆射者 拾 請 于射則 射 取矢,衆賓將 矢 ,三耦射,三耦卒射,經云「説決拾 加 袒,無事于射則襲。 袒 福訖 司馬命獲者去侯、命取矢, 也 再射 ,賓、主人、大夫卒射 《 鄉 司馬正命獲者去侯 射,賓主人大夫將 ,司馬注" 射》司馬命去侯 其 耦 ,兼取矢 「司馬正。」 拾 取

> 《大射》司射獻釋獲者,亦襲。 襲。 之禮,無事于射者也。 射器,皆襲,是無事于射則襲也。《鄉射 卒射,衆耦拾取矢訖,飲畢,射畢,司 訖,命取 射退射器,皆襲。 飲 獲襲者,皆既射以 射》,司馬師乘之,復求矢,則司馬正乘之。 司馬獻獲者,《大射》司 (畢,賓、主人、大夫拾取矢訖 前司馬反位時已襲,故經不言 矢 加 福訖,三耦卒射,君 《大射》司馬 後之事 能 射 也,不勝者皆襲 馬 司 也。 馬 正獻 也。 乘 飲罰 此皆飲 正 ,射畢, 矢襲、《大 \sim 服不,皆 鄉 諸 命去侯 司射數 爵 射 射 公卿 勝 酒 退 司

射》三射,司射請以樂射,則襲。《大射》不云章爲之,其非射時,則謂之拾。」示不能射也。《鄉說決、拾,拾,即遂也。《鄉射》注:「遂,射韝也,以說決、拾,拾,即遂也。《鄉射》注:「遂,射韝也,以

0

[「]決」,原誤作「也」,今據吕校改。

決、遂不同者,禮射異於能中,故袒、襲不「襲」,文不具也。與前初射、再射、請射袒、

相因而相變也

勝則升堂特飲。 凡飲不勝者,尊者不勝則卑者不升,卑者不

席」,注:「雖尊亦西階上立飲,不可以 授,賓、諸公、卿、大夫受觶于席,以降,適 耦耦,謂士耦也。 不升,僕人師洗,升實**鱓**以 賓、諸公、卿、大夫不勝,則不降,不執弓, 飲,則耦不升」。《大射儀》飲不勝者,「若 面立飲。卒觶,授執爵者,反就席。 之,以授于席前。 勝,則不執弓,執爵者取觶,降洗,升實 廷堪案:《鄉射禮》飲不勝者,「大 西階上,北面立飲,卒觶,授執爵者,反就 枉 正 罰 也 授 受鱓,以適西階 爵 而不奠豐,尊大夫 上,北 大夫 大夫不

> 也。 《鄉射》賓、主人飲罰爵之例也。 闕,亦以士爲耦。皆尊卑不同,故其 弓、特升飲」,是卑者不勝則升堂特飲也。 射》「若大夫之耦不勝,則亦執弛弓,特升 敵者異。 若公卿大夫自相爲耦,則 考經所云耦者,士也、《鄉射》遵者即大夫 飲」,注:「尊者可以 也。」是尊者不勝則卑者不升也。 「若諸公、卿、大夫之耦不勝,則 恒與士耦、《大射》諸公、卿、大夫或 孤,無能對。』《大射 亦執弛 又《鄉 亦 禮 如 與

注:「授弓,當授大射正。」又云「公就物,小射正八射正授弓、拂弓,皆以俟于東堂」,「小射正一人,取公之決、拾于東站上。正授弓,小臣師授矢,卒射,小臣正贊襲。 凡公射,小射正贊決拾,小臣正贊褪,大射

三四四

正也。 奉 者、食指、將指、無名指。 興,贊設決,朱極三」,注:「極,猶放 袒。小臣正退俟于東堂」,是贊袒者小臣 多則痛。 所以韜指,利放弦也。以朱韋爲之。三 小射正坐奠笥于物 揚,左右曰方。公既發,大射正受弓而 屬」,是授矢者小臣師也。 右隈,上再下壹,左執弣,右執簫,以授 小射正也。又云「大射正執弓,以袂 拾,以笥退奠于坫上,復位」,是贊拾者 正也。又云「小射正又坐取拾,興。 立于公後,以矢行告于公。下曰 云「小臣師以巾 決、拾以笥,大射正執弓,皆以從 公親揉之」,是授弓者大射正 又云「小臣正贊袒,公袒朱襦,卒 小指短,不用。」是贊決者小射 内拂矢,而授矢于公,稍 南 · · · 遂 放弦契於此指 拂 又云「大射 以 巾 留,上 也。 於物 取 贊設 順 也。 決 又 正 左 亦

> 弓; 亦 拾,故亦小射受決拾,前 決、拾,退奠于坫上,復位。 退,反位。 俟,拾發以將乘矢。公卒射,小 公射威儀多也。 臣正也。前大射正授弓,故亦大射正受 司正之位。 小臣正 矢既發,故無受矢之儀。 **費襲也**。 大射正受弓。● 小臣正贊襲」,是贊襲者 決、拾、袒、襲必贊者 小臣 前 小射正 大射正退,反 小 正贊袒,故 射 臣 正 以 師 攢 笥受 亦 以 決 小 巾

凡公不勝飲公,則侍射者飲夾爵 廷堪 君既 爵」,注:「謂君 如燕,賓媵 卒爵,復自酌。」《大射儀》飲不勝者 案:《鄉射 觚 于公之禮則夾爵。 記》「若飲君、 在不勝之黨也。 如 夾爵者, 賓 燕則 飲君 夾

⁰ 「正」,原脱,今據吕校補

禮也。 升成拜。 立。 降洗散觶,升實散,君酒曰膳,臣 辭,賓升,再拜稽首,公答再拜。 賓多一夾爵,爲小異。 辭,升再拜稽 禮》、《大射》主人獻士後,賓媵觶于公之 賓坐,不祭,卒觶,降奠于篚,階西東面 拜,小臣正辭,升,再拜稽首。公答再拜。 拜稽首。 觶,升酌膳以致,下拜,小臣正辭,升,再 卒爵,再拜稽首。公答再拜。 角鱓,升酌散,降拜。 公如媵 人媵觶于公之時,賓受公酬之例也。 去飲公,則侍射者注:「侍射,實也。」降,洗 擯者以命升賓,賓升就席」,此即《燕 爵之禮者,公尊也,賓飲夾爵 惟媵觶,酌膳,降拜,小臣正辭,賓 公答再拜。公卒觶,賓進受觶, 此酌膳下拜,下而未拜。 首,下而未拜,故不云升成拜。 公降一等,小臣正 賓飲夾爵者,猶一 賓降,洗象 一酒日 賓坐祭, 小 臣 . 散。 下 Œ 及

也」,恐非。如受公酬也。注云「夾爵,亦所以耻公

大夫拾取矢,則小射正作之。 凡大射,三耦拾取矢,則司射命之,諸公卿

廷堪案:《大射儀》第二次射事竟,「司射 「小射正作取矢如初」,此言小射正 曰:三耦拾取 第一次射竟、三耦 矢」,此言司射命三耦 適次,命三耦皆袒、決、遂,執弓,序出 如初」,此請第三次射也。 倚扑于階西,適阼階下,北 公卿大夫取矢也。 三耦承司射之命拾取矢也。 「司射先反位。三耦拾取矢如初」,此言 一次射竟、請射之儀也。又云「反搢扑 矢,則司射 拾 如初者 取 拾取矢也。 矢之儀也。 命之也。 了, 如 如初者,如第 面 請 如初者,如 司 射 射 于公, 作 又云 命三 又云 諸 故 取

三六

也。 位之位也。又云「與耦入於次,皆袒、決、 説 諸公卿大夫拾取矢也。又云「若士與大 東面,下射西面,拾取矢,如三耦」,此言 遂,執弓,皆進當楅,進坐,説矢束。 初位者,如第一次射竟,諸公卿大夫降 之作,降階在三耦既 降,如初位」,此言諸 兼 个,揖進。 坐,亦兼取乘矢,如其耦。 北面 興,順羽,且左還,毋周,反面揖。 夫爲耦,士東 矢束,退 取乘矢,不拾也。又云「諸公卿升就 無公卿 又云「三耦既拾取矢,諸公卿 ,襲,反位」,此言士與大夫爲耦, 也 反位 大夫與其耦皆適次,釋弓,說 大夫,故不云 第 面,大夫西面。 次 耦 射 拾取 公卿大夫承 揖進,坐 竟, 小射 但 矢之後 有 兼取 大夫進坐, 正 **. 搢三挾** 小射 大夫進 作取 大夫 也。 耦 乘 上射 拾 即 IE 則 矢 如 取

> 更非矣。 與作皆司射一人爲之,《大射》威儀多,故 諸公卿大夫 席 之」,似未得經意,敖氏繼公以爲衍文,則 衆射者拾取矢,則小射正作之也。 矢」,二次射竟,但云司射作拾取矢,不云 竟,司射命拾取矢,又云「司射作上耦 射作取矢者,文不具也。《鄉射》初次 經文節次甚明。 卿升就席後,衆射者拾取矢也。 次,釋弓矢,説決、拾,襲,反位」,此言公 三耦拾取矢,則司射命之,諸公卿大夫 司射命之者,《鄉射禮》簡 「小射正作取矢如初」,注以爲「禮殺代 衆射者 繼拾 拾取矢,則小射正作之也。 下經三次射竟,不云小 取 矢, 皆如三 也。《鄉射》命 一耦,遂 故曰: 經文 及 取 射

凡射者之事及釋獲者之事,皆司射統之。

司

射

倚

扑

于

階

西

適

阼

階

夫。」」此初射請射也。《鄉射》:「司 射。』遂告曰:『大夫與大夫,士 袒、決、遂,執弓,挾乘矢於弓外,見鏃 儀》:「司射適次、《大射》有次,與《鄉射》異。 《鄉射》:「司射去扑,倚于 面告于賓,曰:『弓矢既 `賓,如初,賓許。」《大射》: 對曰:『某不能,爲二三 于賓,賓許。」《大射 上,東北 公許。」此 下,不升堂,異於 如 初。 曰:「爲 西,倚扑, 矢, 堂 御 面 升 西, 告 射 於 自西 政 具, 袒 階 許 射 升 大 於 于 倚 再射。 者非其侯,中之不獲。 射。」、《大射》畫物畢,「司 也。 耦。』《大射》司射「適 告于大夫,曰:『某御于子。』」又云:「司 告于大夫,大夫雖衆,皆與士爲 人、大夫若皆與射,司 射。」」此初射比三耦也。《鄉射》賓、主 于次北, 不異侯。』大史許諾。遂比三耦。三耦俟 曰: 『公射大侯,大夫射參,士 『某御於子。』命下射曰: 『子 耦于堂西。 射降,搢扑,由司馬之南適堂西,立,比 『某御於子。』 適作階上告于主人,主人 鄉射 北面請 西 三耦之南,北面,命上射 面 射于公,如初。」此三射 司 北 命 上。 下 射, 射不釋弓矢,遂 射則告于賓,西階 西 司 卑者與尊者爲 曰:『子 階 射 與賓爲耦。 上, 命上射, 射 西 命賓 射 耦。 與某 與某

弣,右巨指鉤

弦。

自阼階前

扑

于階西,升,請

射

于 賓,

諾。《大射

»: 「司

射

適

西

階

自

射

也。

請

射于

西階,

東

面

請

射于公。

有司

請

射。」賓

子。」許

司

射適阼階

主

人, 曰:『請

射

干。

射

面

誓之

子

階。

階上北

廷堪

案:

鄉

射

禮

*****:

司司

射

適

決、遂,

取

弓

于

階

西,

兼

挾

乘

以

比

射

曰

御

于

以

遂

曰

子

耦 曰: 與大夫,命上射曰:"某御於子。」命下 位 立于大夫之南,西面北上。 若有士與大 北上。司射東面于大夫之西比耦。 夫,曰:『請降。』司 公,諸公、卿 上耦射」,《大射》初射,「司射適次,作上 射,「司射還,當上耦,西 射,皆「將 再射比衆耦也。《鄉射》、《大射》司射誘 夫爲耦,則以大夫之耦爲上。命大夫之 曰 大夫從之降,適次,立于三耦之南,西 「某御於子。」命衆耦,如命三耦之辭」, 鄉射》、《大射》初射,司 射 :「子與某子射。」卒,遂比衆 而後告。 」,再射,三射,作射如初,此作射也。 子 乘矢」,此 與某 則以耦告于上,大夫則降 司 射自西階上北面告于大 子 射先降,搢 射。』告於大夫曰 誘 射也。 面作注"「作,使也。」 射命 曰:「無《大 耦。 扑,反位。 鄉 射 大夫 衆耦 面, 初 此 即

之也。 後,「司 射也。 司射請 射器。 下。衆弓矢不挾。總衆弓矢、楅,皆適 堂、賓之弓矢與中、籌、豐、皆止于西 射。』」《大射》:「適阼階下,北面告于公。」此告卒 之西,升堂,北面告于賓,曰:「三耦 射》作「毋」,下 射》同。此命拾取矢也,亦射者之事 「三耦拾取矢」,再射,三射,如初。 有司納射器。 此命射也。 司射命之也,故曰: 曰「不貫不釋」; 而俟」,此命納 乃納 皆射 射後、「遂適西階前、東面右顧、命 射降自西階,階前西 又《鄉射》司射立于中南,北 同。 《鄉射》「司射去扑,倚于西 射器,皆在堂西」,《大射儀 者之事 射器皆人。 射 射 三射,命曰「不鼓不釋 器也。 獲,無 射者之事 也。 獵獲」; 《 鄉 鄉 君之弓矢適 面,命弟子 、射》司 射禮》 ·, 皆司 再射, 請 射 射 面 《大 視 次 堂 東 納 射 卒 階

算。 此 命釋 同。 中。 釋獲者之事也。 射受爵、《大射》作「受虚爵」。 興,取肺,坐祭,遂祭酒,興,司射之西 其薦坐,左執爵,祭《大射》作「右祭」。 俎,有祭。《大射》作「皆有祭」。 釋獲者薦右東 洗爵、《大射》作觚。 射》再射畢,司馬獻獲者後。 者少西辟薦,反位」,此獻 獲後,司射命設豐,三射,如初。《大射》 面立飲,《大射》作「立卒爵」。不拜既爵。 面拜受爵,司射北面拜送爵。釋獲者就 命退 《大射》同。 《大射》同。 獻釋獲者于其位、少南。 獲 此命設豐 中 者、退 ·與籌 中與 也。 也 此命設中也。《鄉射》數 《鄉射》司 此視算也。 升實之,降、《大射》作「以 鄉 算而俟。 亦釋獲者之事,而 射》三射畢,司射 司射「襲,適洗, 奠于篚。 釋獲 射命釋獲者設 《鄉射》、《大 《大射》同。 薦脯 者 也 脯 醢 釋 一; 北 一, 折 司 皆 獲 司

> 射命之也。 釋獲者之事,皆司射統之也。 設豐後飲不勝者,亦司射命之。

> > 故

曰

凡獲者之事

,皆司馬

統之。

矢如 俎 實之以降,獻獲者于侯。 也。《鄉射》飲 司 楅訖,「司馬師坐乘之,卒,若矢不備, 撫 撫矢而乘之」,注:「撫,拊之也。 楅訖,「司馬襲進,當楅南,北面 廷堪案:《鄉射禮》初射後,弟子取矢,委 左右撫之,三射,司馬師 正進坐。左右撫之」,再射,司馬正坐, 『取矢不索。』乃復求矢、加于楅,卒,司馬 馬 而 ,俎與薦皆三祭。注"「爲其將祭侯。」**獲者** 初。 正又袒 四四數分之也。」再射,三射,司 《大射儀》初射後,小臣委矢 執弓,升命 不勝者後,「司馬 取 乘之。 薦 矢 如 脯 初,日 醢,設折 洗爵,升 坐,左右 此乘矢 左右 馬 于 則 乘 手

四

0

禮 卒爵。 酒。 之獲者。 執 設薦俎。 車、 薦,庶子設 司 後,「司馬正洗散,遂實爵,獻服 司 薦、俎。 者執爵,使人 負 祭,左个之西北三步,東面。 俎從之。 个,中亦如之。 爵 侯 馬受爵,奠于篚」。 馬正西面 獲者,此 卒,司馬師受虚爵,奠于篚」,此獻獲 適左个,祭如右个,中亦如之。 北北 興,取 司馬師 服 獲者薦右東面立飲,不拜既 面 獲者左執爵,右祭薦俎,二手祭 獲者南面坐,左執爵,祭脯 不侯西北三步,北 拜 折 肺,坐祭,遂祭酒。 參侯于侯之獲者。 **拜送** 受爵 執 俎 受虚 左个之西北三步,東 其 爵,反位。宰夫、有 卒錯,獲者適右 薦與俎從 司 爵、洗、獻隷 馬 《大射》飲不 西 面 皆 之,適右 拜 設薦 面拜受爵 如 不。 僕 送 興,適 大 人與 爵 俎,立 此大侯 - 勝者 侯 面設 爵。 卒 醢 薦 司 左 之 巾 獲

于物間 《鄉射》「司馬又命獲者倚 旌 也。 升自西階,鉤楹,由上射之後,西南 以負侯』。」公射亦司 司司 射》不云,亦文不具。 射》張三侯,亦不繫左下綱,將射。 之」。注:「事未至也。」將射,「司馬命張侯 者 執 西,不決、遂,袒,執弓。 弟子説束,遂繫左下綱」。 司馬命張侯者,文不具也。 侯,下綱不及地武。不繫左下綱,中掩 司 **,與而俟」。再射,三射,去侯皆司馬命之。《大** 旌許諾,聲不絕,以至于乏,坐,東 也,皆獲者之事 '馬師命負侯者,注:「負侯,獲者也。」『執旌 馬 《鄉射》耦升 命獲者執旌以負侯」。《大射》: 右執 簫,南揚弓,命去侯。 此命 堂 也 馬 履 師命負侯。 倚 又《鄉 物 出于司射之南 後,二 旌 注:「事至也。」《大 旌 此命張侯也。 也。 于侯中」、《大 射 司 此 禮 馬 命 影乃 鄉 適堂 負 獲者 面 面 射 立 侯

直西,及乏南,又諾以商,至乏,聲止」,再 射》耦升堂履物後,「司馬正適次,袒、決、 三射,皆如初。《大射》初射畢,「司馬正袒、 告卒射,降。 射,三射及公射,去侯皆司馬命之。 遂,執弓,右挾之,出,升自西階,適下物, 謂 如 物間,西南面,揖弓,命取矢。 前,相左。 决、遂,執弓,右挾之,出,與司射交于階 立于物間 立于物間,左執弣,右執簫,南揚弓,命去 執旌許諾,聲不絶,以旌負侯而俟」,再射: 由其位南進,與司射交于階前,相左,司射 鄉射》初射畢,「司馬適堂西。 如初去侯,謂 初 負侯皆許諾,三侯,故云「皆」。 (去侯),●汪氏肇漋曰:「去侯」二字疑衍。愚 · 西 升自西階,鉤楹 升自西階,自右物之後,立于 如司 南 馬命去侯時也,汪説非也。 面,揖弓,命取矢。 ,

自右物之後 此命去侯 負侯許諾, 袒,執弓, 以宫趨, 獲者 皆執 也

> 弟子設 矢也。 馬。 楅,亦司馬命之也。 楅 之事,而司馬命之,蓋獲者之事 退」,此命退楅、説侯綱、退旌也,亦獲 解左下綱, 正命退楅、解綱,小臣師退楅,巾車、量 者以旌退,命弟子退楅」,大射畢,「司 福」,小臣 旌以負其侯而俟,再射,三射皆如初。 「司馬命弟子説侯之左下綱而釋之,命獲 時,獲者又許諾負侯,故取矢、設楅、退 射時,獲者去侯,至射畢,命取矢、委 取矢時,獲者仍負侯。《鄉射》司馬「命 楅」,《大射》司 師設之。 司馬師 此 命設楅 命獲者以 馬 Ē 也。 北 旌 鄉 統于 與 面 此命 射 薦 命設 畢 馬 取 司 俎

矢,司馬正乘之,再射,司馬正乘之,三又案:《大射》先委矢,司馬師乘之,復委

[「]如」,原脱,今據《儀禮注疏》補。

四二

射, 者不同也。《鄉射》司正爲司馬 之,參侯干侯之獲者,司馬師獻之,皆 侯,故有三 相變爲禮。諸侯官多,與鄉射僅一司馬 又司馬 一獲者。 師 乘 之。 大侯之獲者,司馬 鄉射一侯,大射 正 以 獻

射、告卒射 以 者、射者之器也;旌、獲者之器也;中、籌 又案:射器九,注所云「弓、矢、決、拾、 張 司 豐,則豐亦釋獲者之器也。 凡射者之事 也。飲不勝者,必釋獲者數獲,然後設 二者,釋獲者之器也,取矢必獲者許諾, 旌、中、籌、楅、豐是也。 弓、矢、決、拾四 取矢,亦司射命之也。凡獲者之事,統于 旌負侯,然後設福,則福亦獲者之器 ·侯、獲者倚旌、負侯、去侯,及取矢、設 馬 于司射、如請 如 乘 ,皆司射之事,而納射器、拾 矢、獻獲者,皆司馬之事,而 射、比 耦、誘射、作射 命

> 文瑣節,井井然若網在綱,有條 爲進退,學者幾於心目俱眩,昌黎所以苦 縟、《鄉射》、《大射》二篇,司 不勝者、退中,亦司射命之也。 釋獲者,皆司射之事; 凡釋獲者之事,亦統于 楅、 始知《禮經》廣大精深,非聖人不能作也。 儀禮》難讀也。今比其例而觀之,雖微 退 福、 説 侯 綱、 退 旌 而設 一,亦司 司 射 射 中、設豐、飲 つ, 如 馬 與 而 視算、獻 射禮 命之也。 司 不紊, 馬 迭

凡鄉射于序,大射于澤宫。 廷堪 耳。」是鄉射之禮行于序也。 于序,無室,無 疏云:「鄉飲酒在庠,庠有室,此 上」,注:「不言户牖之間者,此射于序。」 「主人,州長也。」又云「乃席賓,南面,東 案:《 鄉射禮》「主人戒 户牖,設席亦當户牖 又「主人戒 賓」,

州

長

射

之

處

寢。

焉。

室,可 賓」,注:「鄉大 堂有室也。 以有虞氏之庠爲 楹外」,注:「鉤 於州黨之學者。君子之居或近於庠,或 繼公曰:「此篇以『鄉射』爲名,而禮乃 射於庠也。」又云「序則物當 射・記》「射自楹間」,注:「自楹間者 『主人迎賓於庠門外』是也。 近于序,故其射也,各隨其所近 一。」又司 經》此篇,自 禮 此其所以 鄭《目録》云:「名曰大射者,諸 以深也。 據此,則《鄉射》亦有行于庠者, 演燕 射誘射 行 今言豫者,謂 于 不容 周立 夫 謂 楹 路 豫 鄉學。 若 州 寢,則大射 不異也。」又大射 繞 四代之學於國 長射于序耳。 在 則 楹 焉, 鉤 **《鄉** 而 州 棟 楹 則 東 飲 庠之制,有 學 内,堂 ,堂則物 稱 亦當於 也 加 酒 也。」《 鄉 以 義》日 · 而 敖 侯 序 大 則 必 鄉 無 路 先 及 氏 仴 當 謂 夫 又 由 又案:《鄉

也。 得與於祭,不中者不得與於祭」。 子將祭,必先習射於澤。 祭。」皆本《射義》而言。 有 因大射遂謂路寢、廷爲、射宫歟 行於射宫者。然射宫所在,經無可考,或 射於射宫,課中否也。」據此,則大射又似 中者,得與於祭;不數 云:「澤,宫名也。 祭祀之事,與其群臣射,以 已射於澤,而後射於射宫。 先令習射於澤, 中者 考《射義》云「天 澤者,所 觀 不得 其 射 以 禮 鄭注 與 已乃 中 擇 介於 + 數

也

學,亦非 者,下鄉也。 作『序』。凡屋無室曰榭,宜從榭,州立榭 矣,復以今文「豫」作「序」爲非,且 **云「序則物當棟」,正作「序」字,疑注説不** 豫,讀如『成周宣榭災』之『榭』。 也。 射 | 竊謂 今文豫爲序,序乃夏 禮 豫 注 既 則 云《周 鉤 楹 内 禮》作序 《周禮 」, 注: 下《記 后 氏之

>

然也。

周

官

鄉

射五物考

序 五 鄭 鄭 人多不得其解。 昔之説一曰和、二曰容者, 和 能 曰 義,不知「頌」即「容」字。《史記・儒林 此皆因經文「和」、「容」前後再見 頌 徐 也。 爲樂也。 和容」者,杜子春讀「和容」爲「和頌」,謂 康 司 日 注生善爲容」,《漢書》作「頌」。 ,讀與容同。」是頌與容本無區 農 二曰容,有容儀。 興舞,此《周官·鄉大夫》鄉射 成 前既云「和」、「容」,後復云「和容」, 日 曰 曰:「和 和,二曰容,三曰主皮,四 不和 又馬融《論 謂閨門之内行,容謂容貌。」 載六德,容包六行。」説「四 四 語注》「一曰和,志體 日 和 頌,合雅 放强 師 别 曰 古 五. 也 和 物之 生異 頌。 日 ...傳》 容 : 至

> 闕佚。 外也。 也。 則 於禮,又取其節比於樂也。 容、五曰興舞者,即《鄉射禮》之以 爲能中質是也。是爲第二次射。 中也,故謂之主皮。 耦皆射也。 者,❶即《鄉射禮》之三耦及賓、主人、大夫 體比於禮也。是爲第一次射。三曰主皮 射禮》之三耦射也。 經者之過 文,明云「退 于主皮之射 此五者固 司射命曰 今《鄉射禮》一篇,載在《禮經》,並未 不以經證經,而徒以意衡之,是亦説 也。 司射命曰「不貫不釋」,蓋 在 丽 , 説者尤爲聚訟。 二不 蓋一 以 鄉射禮之中,不 鄉 鼓 射之禮 日和、二日 馬氏《論語注》 獲而未釋獲,但取 不釋」,既 五物 比於禮,故 取其 容者,即 考《周· 在 詢 鄉 衆庶」,然 樂 四 以 射 容 官》 所謂之 其容 禮 體 節 主 取 曰 比 射 皮 其 衆 鄉 之 和 經

❶ 「三」,原作「二」,據上下文改。

别

爲

事,與上句無

侯

而

云主

24

Ŧ.

也。

布

侯

科」,馬

融

也。」蓋古經師相傳之解,指第三次射而言, 意,謂張獸皮而射,故雖引《尚書傳》爲證 比於禮,節比於樂,不復措意,故孔子歎之, 春秋之末,鄉射但以不貫不釋爲重,而容體 不知主皮之射爲第二次射,而下以己 不同科」,孔子稱爲古之道者。 主皮爲第二次射,不貫不釋可知矣。 注「力役之事,有上中下三科」,是 於禮,其節比於樂,不待中 不主皮爲第三次射,不鼓不 有不主皮之射也。 主皮。」鄭氏注: 是爲第三次射。 又考《論語》「射不主皮, 涉。 故前 ; 比 劉 於樂,故 已言和 「不主皮者,貴 原父《七經小 《鄉射 「爲力不同 容,此 蓋 謂 ・ 記 》 爲 時 之 至 焦 復 興 皮而 不然。 《鄉射・記》云「主皮之射者,勝者又射,不 傳》不 皮猶 遂謂 謂之正,皮侯謂之鵠。 此 之侯有皮,鄉射之侯無皮,何故 是,不獨主皮之射 于堂西以 擯升降,卒射即 中衆賓不與射者不降,賓主人射,則 凡經所未言,見於記者甚多。 勝者降」,則似 是也,則武王克殷,貫革之射已息,何以 之以證 亦不 射,尚何升降之有哉 在鄉射五物之中,而《鄉 主皮是貫革之射,非先王之禮。 用舊説, 《鄉射·記》所云,即指第二次射也 然。 經乎? 俟射;主 主皮者,謂 鄉射之外更有此射者。 M 其非貫革也明矣。 席 以 人亦 而 下句 節也。 反 鄉 茅 飲 位 解 ! 射 失 于 卒事; 上 若貫 用 Œ 或者 西階 射 句,後儒 即 布 鵠 謂 · 記》

釋;

則

深得

經意。

鄭氏

爲

力

加

亦

不

敢決之也。

以

爲古禮仍

其 容

體

比

云:

禮射

不

言

和

容

也。

舞,蓋

取

其

(應鼓

節

也。

和

容,蓋

如

前

 \equiv

耦

射

也

因之,

如此《記

或者

謂

復

駆

主

如

此殊

革及

張

繟

上

之屬皆

又謂

大射

之主

大夫

降

立

司

射

四 六

往往如: 五 諸 皮者 經 物者,不於《鄉射禮》求之,無怪其乖 侕 多紛紛之論 而 此,不 經合,考諸傳而傳合矣。 皮以 足致 賅 布 也 疑 亦散 也。 文 然則主皮之射,考 則 通 之義 彼説鄉 隔 經 射 鮮 例

射禮 數獲即古算位説

通

引《射禮》以注之。 位 東西 畢數獲,「釋獲者東 於數者,東 手,十純 右獲者,賓黨也。 《投壺》 也 縮 鄉射》、《大射》數獲之位,即古籌算之 《禮記 爲 則 「滿十 縮 西 委。」經 • 投壺》「卒投請數」,鄭氏 二算爲純, 爲從。」釋獲者 而委之」,鄭注:「縮,從也 純 考《鄉射禮》,第二次射 面于 則從而 又云「每委異之」,鄭 中 西坐,先數右獲, 純以 委之,每 東 面故。 取,實于左 孔 十 雙則 穎 達 亦

變也。 總斂於左手,一一取之於左手,委於地 純以委,十則異之」,鄭注:「變于右。」 賈 數左獲,亦東面,「坐,兼斂算,實於左手, 之。」按:此籌又東西直列也。 數右獲畢 算,則縮之零純之下,在零純之西,東西 算爲奇,奇則又縮諸純下」,鄭注:「奇猶虧 之。」按:此籌皆南北横 下,則横於純下,謂横 注 齋曰:「釋算之法,先數右獲,其算在地,以 疏"「右則一一取之於地,實於左手。 也,又從之。」孔穎達《投壺》疏:「若唯 壺》疏:「有餘謂不滿十雙,或八雙、九雙 注: 「又異之也。 又云「有餘 其餘如右獲」,鄭注:「謂 易校數。 必變之者,禮以變爲敬 純則横於《大射》作「諸」。下」, 按: 自近爲下。」孔穎達 此 (在十純之西,南北 籌皆東西 列也。 所 縮 也。」經又云 直 所横。」楊 經又云「一 列 也 此 有 ~ 投 信 置 以 鄭 則 置 則 經

右手取之於地,二算爲純,實於左手,十

純

禮經釋例卷七終

則縮 易淆 下,奇則縮於純下,如右獲之法也。]是數右 純則異之。其餘如右獲,謂有餘純則橫 手,以右手取之,二算爲純,即委之於地,十 縮 《授時術草》乘除之 皆用之,不獨 數獲亦然。其法,滿十位則直横遞列,恐其 次横列,又次復直列,則皆同也。 獲、左獲雖有於地、於手之異,而其先直列, 制。 爲小異耳。 其多。」然則數多皆釋算可知 不傳,僅此見於《禮經》者,尚可推 云:「讀書釋算則坐。」鄭注:「必釋算者,榮 諸 也。 純 而委之於地,有餘純則横於下,奇則 梅氏《古算器考》但引《周易》揲 下。 蓋古九 及其數左獲也,總斂其算於 自珠算盛行,古算籌 射禮 數布籌 位 數 獲 Œ 列位 如 也。 此,唯 也。 之本法,凡 故《既夕禮》 《大射儀》 算 其 元郭若思 見 聖 位 位 蓍 皆 平 以 遺 算 於 左 又 列 證

禮經釋例卷八目録

凡大斂于阼階上,既殯則于西階上。凡始卒于室,小斂後則奉尸于堂。

變

例

凡尸柩皆南首,唯朝祖及葬始北首。

凡楔齒、綴足爲奉體魄之始,奠脯醢爲事精

柩朝廟、祖、大遣,皆奠。

凡始卒、小斂、大斂、朝

夕哭、

朔月

薦新、遷

外。

神之始。

凡奠席皆東面設之,無席之奠則統于尸。中,遷祖以後皆在柩西,既還車則在柩東。凡奠,小斂以前皆在尸東,大斂以後皆在室

凡朝廟奠、祖奠、大遣奠,皆薦車馬。饋。

凡奠于殯宫,皆饋于下室,唯朔月及薦新不

凡將奠,皆先饌於東方,徹則設于西方。

階。奠于庭者,陳由重北而西,徹由重南而凡奠于堂室者,陳、徹皆升自阼階,降自西

踊,奠者由重南東,丈夫,凡奠,升自阼階,丈夫踊,東。

降自

西階,

婦

人

凡柩朝祖如大斂奠,朝禰如小斂奠。

凡重置于中庭,三分庭一在南

凡凶事無洗,或設盤于堂下,或設盤于門

| 之弔襚賵則拜而不踊。

凡君使人弔襚賵,主人皆拜稽顙成踊,非君

凡君臨大斂,則主人拜稽顙成踊

節

而

凡平、襚、賵、贈、奠,於死者不拜。 凡主人之位,小斂前在尸東,小斂後在阼階 凡婦人之位,小斂前在尸西,小斂後至既殯 凡婦人之位,小斂前在尸西,小斂後至既殯 皆在阼階上,柩將行,始降在階間。 凡凶事交相右,吉事交相左。 共二十一例。

禮經釋例卷八

凌廷堪次仲學

歙

變

例

凡始卒于室,小斂後則奉尸于堂。 注 • 廷堪案:《士 也。 曰「疾時處北墉下」。 故于正寢焉。疾時處北墉下,張氏淳曰:「注 衾」,注:「適室,正寢之室也。 夕・記》「士處適寢,寢東首于北墉下」, 「將有疾,乃寢于適室。」是始卒于室 《士喪禮》小斂畢,「男女奉尸,侇于 從《釋文》。」死而遷之南牖下。」《既 喪禮》「死於適室,幠 按《釋文》云「庸,如字,牆也,本亦 疾者齊, 用 斂

於北牖下」,注:「謂君來視之時也,病者

堂,幠 北出 豳風 衾,覆 之室,士大夫不爾也。《喪大記》「寢東首 惟墻,無牖也,士大夫以上皆同 又案: 宫室之制,室在堂後,南有牖,北 之牀也。在堂上,故曰「兩楹之間」也。 卧之席也。 于兩楹之間,袵如初,有枕」,注:「袵,寢 中,故曰户内。小斂在室中。又云「設牀第 户内,下莞上簟」,此小斂之席也,在 之夷衾以覆尸也。」《士喪禮》云「布席于 今小斂後,大斂之衾當擬大斂,故用覆棺 上也。」是小斂後則奉尸于堂也。 初死,幠用大斂之衾,以小斂之衾當陳。 牖也,庶人蓽户。」然則北牖蓋庶人 ·七月》「塞向墐户」,毛氏傳:「向, 尸柩之衾也。 用 夷衾」, 亦上莞下簟。」此小斂後侇尸 注 堂,謂楹閒。 「侇之言尸 也。 疏云: 《 詩 • 牀,第 室 夷

《既夕 是也。 蓋承《喪大記》之誤矣。 記》「寢 恒 居 北 「墉,音庸。」《喪大記》此 記》,當作「北 《論語集注》「禮 牖 東 下,或 首 于北 爲北 墉下」,陸氏 墉下。」考《既夕 墉下」,鄭注 ,病者居北 語 德明《 牖下」, E,本引 正之, 釋

凡大斂于阼階上,既殯則于西階上。 廷堪 坎 楹 則西階上賓之。」《士喪禮》大斂,「布席 於阼」,是大斂于阼階上也。《士 初」,注:「亦下莞上 大斂衣畢,「掘肂見袵」,注:「肂,埋棺之 未忍便離主人位也。 間 也 小 爲 ,掘之於西階上。 案:《既夕 斂時。』《喪大記》「小斂 少南。」疏云:「『布席如初』,初, •記》「大斂于阼」,注: 簟,鋪於阼階上,於 主人奉尸斂于棺 袵,小要也。 浴於户 一喪禮》 ,内,大斂 喪 如 陳

踊如初 束。 所謂 棺。 由主 既殯則于西階上也。 屋。 公曰:「大斂于阼,乃殯于西階上,象其 人殯於西階之上,則猶賓之也」。 人殯於兩楹之間,則與賓主夾之也。 而蓋則置於序端歟。」又云「主人奉尸斂于棺 輪,輓而行。」敖氏繼公曰:「棺既升,則入于肂中 下」,注:「軸,輁 又云「棺人,主人不哭。 蓋用漆,三袵三束。大夫蓋 大記》曰:『君 夏后氏殯於東階之上,則猶在 位 殯 士蓋不用漆,二袵二束。」《士喪禮 士殯見袵,塗上,帷之。」又曰: 『君 大夫殯以幬,欑置于西序,塗不 也。 ,乃蓋」,注:「棺在肂中,斂尸焉 而往也。」蓋周人之制 《檀弓》曰:『殯于客位。』」是 殯 軸 用 也。 輔,欑至于上,畢 考《檀弓》,夫子 升棺用軸,蓋 輁狀 用漆,二袵二 如 阼 牀 大斂時 敖氏 :也。殷 ´´; 軸 暨 周 其 塗 在

猶 客事之,始遷于西階上矣。 以 生 人 事 之, 故 于 阼 階 上 ţ 既 殯 則 以

凡尸柩皆南 便也。 矣。 位,則尸南首明矣。」疏云:「受貝者就 巾 廷堪案: 《檀弓》云『葬於北 而 于南牖 牀上,以待主人親含也。 舊有解云 『遷 東,主人邊受取笲貝,從尸南過,奠尸西 于尸西」,注:「當牖北面,值尸南也。 人,當牖北面,徹枕,設巾,徹楔,受貝,奠 幽闇,鬼道 南 覆 若然,未葬以 鄉,以其爲徹枕設 面,爲飯之遺 時,北首」,若北首,則祝當在 今商祝事位以北 拿 士 首,唯 事之故 喪禮》飯含,「商祝 朝祖 前,不異於生,皆南首。 也。 方北 |落米 及葬始北首 唯有 首』者,從鬼神尚 巾,要須在尸首 也 面,則尸南首明 喪 如 朝 商 廟 祝之事 執 一時北 巾 北頭 設 尸 尸 從

> 首。 知。 以來,未有異義 《書儀》曰 背父母,以首鄉之故也。」 是知 《既夕》云『正柩 首 類》亦從其説。 首,唯朝祖 云:『是時柩北首。』必北首者,朝 忍異於生,皆南首,唯 南鄉」,亦據葬後而言。 之達禮也」、《禮運》云『故死 見祔」,疏 順 鄭注上文云「如商祝之事位 《檀弓》又云『葬於北方北首,三 死者 遷 云:「此 之孝 及 尸 葬,始北首也。 也 然 於牀 于兩 心 殯雖 則 故 尸 上南首」、《朱 楹 北 木 朝廟 柩南首,自鄭、賈 則 間,用 言南 首 未 者 也 時 葬已前,不 北 首 司 P 夷 北首。故 又一 則 南 柩 首,生者 馬 がし、 事 子 氏 皆 當 尸 首 掘 語 代 光 注 南 南 不 口 肂

精

末。 憑依之。」《既夕記》:「楔,貌 其辟戾也。」又云「奠脯 廷堪案"《士喪禮》「楔齒用角柶」,注: 階,奠于尸東」,注:「鬼神無象,設奠以 用燕几」,注:「綴 爲將含,恐其 綴足用燕儿,校在南,御者坐持之。 П 閉 猶 急也。」又云:「綴足 拘 也。 醢 醴酒 爲將屨,❶ 如 '', 升 軛 自 兩 阼 恐

以綴足、殷道也、學者行之」,又云「曾子 小 齒、綴足、奠脯醢之事 曰: 『始死之奠,其餘閣 夫、士,一也。」《檀弓》「掘中霤 臣楔齒用 角 , 柶, 綴 0 足用 《荀子》曰:「 也與。」皆記 燕 而浴,毀竈 几,君、大 葬 楔

即牀

而奠,當腢,用吉器。

注:「用吉器、器未

變也。」若醴,若酒,無

巾、柶。」《喪大記

魄,一以事精神。楔齒、綴足,奉體魄之張氏爾岐曰:「喪禮凡二大端:一以奉體埋,●敬葬其形也。祭祀敬,事其神也。」

乃奉體魄之終,祭乃事精神之終也。始,奠脯醢,事精神之始也。」若然,則

葬

柩朝廟、祖、大遣、皆奠。凡始卒、小斂、大斂、朝夕哭、朔月薦新、

遷

不坐。 設奠以馮依之。」此始卒奠也。 兩 局予左手兼執之,取鼏,委于鼎北,加 階前西面錯,錯俎北 盥,右執匕,卻之,左執俎,横攝之,人,阼 小斂畢,「乃奠。注" 升自阼階,奠于尸東」,注:「鬼神 廷堪案:《士喪禮》始卒,「奠脯醢、醴 舶 亞、脊、肺在於中、皆覆、進柢、執而 乃朼,載,載 兩 面。 「祝與執事爲之。」舉 髀 于兩端,兩 右人左執匕,抽 此奠在室中 肩亞, 無 扃 象 酒 者

❶ 「屨」,原誤作「履」,今據《儀禮注疏》改。

)「埋」,原誤作「理」,今據《荀子》改。

五

四

注 足降 俟。 上。 **0** 待于阼階下。 醴 栗 内 升自阼階。 列 從,設于奥,東 斂畢,「乃奠。 丈夫踊」,此小斂奠也。 俎 方之饌。」士盥,舉鼎 是不復奠于尸。」祝反降,及執 從 酒在籩南,巾 ,栗東脯 入于室, 醴酒北 如如 自 ,升自阼階。 夏祝 豆 進柢。 初,如小斂之儀。」載,魚 醴酒錯 [西階。 一錯,俎 及 丈夫踊 豚當豆,魚次,腊 執 祝 于豆南。 錯于豆 燭 奠于尸東,執醴酒 婦 画。 事 如 執 人 強,執 升自阼階。 初。 画。 醴 丈夫踊 入,西 注:「執燭者先升堂照 踊 如 東。 甸 既錯者出,立于户 、體先, 設豆,右菹,菹 此奠在堂上尸東。 祝受巾,巾之,由 初 人 奠者由 事 面 左首 徹 立于俎 酒 甸 北 執 鼎 祝執 特 豆 人 酒 饌。 上,如 ,進鬐,三 重南,東, 于俎 徹 籩 奠由 脯 北面 北, 注 : 巾,席 俎 鼎 室,自 從, 北。 初。 巾 醢 東 大 楹 西 西

> 注 酒、 會 其序: 醴酒、菹醢、黍稷、俎。 其設于室 也。」錯者出,立于户西,西上。 西 西 者巾,乃出。 豆 釋匕于鼎。 月奠,「舉鼎 祝闔户,先降自西階。婦 踊」,此大斂奠 重南,東。丈夫踊」,此 一, 卻 錯, 階,婦 「人,人于室也。 脯 西 諸 醢 上。 俎錯 其 升,丈夫踊。入,如初設,不 人踊 祝後, 南。 一, 腊 俎行, 化者逆出。 入升,皆如 主人要節 特。 如初設者,豆先,次籩,次酒,次醴 也。 醴 奠 闔 酒 者 户。 朝 黍 位 由 稷 初 而 夕哭,「乃奠。 朝夕哭奠 如 重 先 踊,皆 奠之儀。 當 初。 人踊。 南 由 籩 楹 甸人徹 滅燭,出 位。 東。 祝 如 西 與 也。 奠者由 朝 卒札 敦 Ŋ 執 丈 降 鼎 ф 啟 朔 夫 自 豆

改

[「]西」,原誤作「面」,《清經解》本同,今據《儀禮注疏

出,主 階。 綪 鸁 飲酒謂之祖,非祖廟之祖也。 踊」,注:「車已祖,可以爲之奠也。」將行而 還 朔奠」,此薦新奠也。 奠,下尊者。」此朔月奠也。 于新死者,亦未忍遽以 禮》皆奠而不祭者,朱氏 大遣奠,「鼎入。乃奠,豆南上,綪。 又案:《既夕禮》「遷于祖,用軸。 前,皆謂之奠,其禮甚簡,蓋哀不能文,而 ";特 醢 南,北上,綪。俎二以成,南上,不 乃奠如 車,「布席 主人要節 人 鮮 月半不殷奠」。 柩升自西階。 要節 爠 初,如初,如從奠之設。 醴酒 而 圃 ,乃奠如初,主人要節 踊」,此大遣奠 踊」,此遷柩朝 在籩 奠俟于下,東面北 鬼神之禮事之也。」 《既夕禮》遷 注:「士月半不復如朔 此祖奠也。 又云「有薦 西、北上。 熹曰:「自葬以 升降 蘭奠 也。 重先, 葬日 新 奠者 柩 自 也。 喪 而 朝 如 盛

> 是 仍是朝廟之奠從柩 也。 方是設遷柩朝廟之奠也。 上。 車西也。 人執之,待束訖,乃降奠之,當束 東有前後也。」疏云:「未東以前,其奠使 又云「降奠,當前束」,注:「下遷祖之奠 人,袒。乃載,踊無算。 從柩而來者,●設于堂上柩 初,巾之。 升降自 而來之朝夕奠 乃舉柩卻下而 徹者升自阼階,降自西階」,此 徹從柩而降之朝廟奠也。又云「布席, 當前 正柩畢,「席升,設于柩 又云「徹奠,巾席俟于西方」,此 束猶當尸腢也。 也。 載之。 西 又云「乃奠如 而降者,設于堂下 階一,此 束,束棺於柩車。 卒東,襲」,注: 朝廟畢,「主人 亦在柩車西, 西 仍 西。 也。 是 是 也。」此 初一,此 徹 朝夕奠 奠設 又云 從 柩 柩 如

❶ 「此」,原作「北」,《清經解》本同,依文意改。

奠也。乃奠如初,主人要節而踊」,此方是設祖

凡 ,遷祖以後皆在柩西,既還車則在柩東。 奠,小斂以前皆在尸東,大斂以 奠,「祝執巾,席從,設于奧,東面」,注: 此小斂之奠也。 此始卒之奠也。 之奠也。「有薦新,如朔奠」,此薦新之奠 奠之儀。又云「其設于室,豆錯 西」,此朝夕哭之奠也。 「人,入于室也。」又云「錯者出,立于户 奠也。朝夕哭,乃奠,「人,如初設」,注: 奥。」又云「奠由楹 廷堪案:《士喪禮》始卒,奠于室中尸東, 「自是不復奠於尸。室中西南隅 黍稷當籩位。 小斂畢,奠于堂上尸東, 皆在尸東。大斂畢,乃 内入于室」,此大斂之 醴酒位如初」,此 朔月奠,皆如 俎錯 後皆在 謂之 列列月 7,腊 初 室

> 既 注: 尸 畢,「降奠,當前束」,注:「當前束,猶 《既夕禮》質明,徹畢,「乃奠如初」,李氏 柩 設于柩西。奠設如初」。《既夕・記》啟 也。 廟後,「卒束前 也,亦在堂上柩 記》「徹,乃奠」,此 如圭曰:「亦于柩西席前設之。」《既 此從柩而行之朝夕奠也,設于堂上柩西。 殯朝禰之儀,正柩畢,「奠升,設于柩西」, 禮》遷于祖,「正柩 腢也。亦在柩車 而 「還柩 夕禮》徹奠,此是徹朝廟奠。 皆柩 降之朝廟奠也,設于堂下柩 在 鄉外,●爲行始。」又云「布席, 西 "; 而 階 西。 上 于兩 徹去從奠設朝 降奠席于柩 ·西。』《既夕·記》朝 圃 《既夕禮》載柩 奠 楹 在 間」,畢,「席升, 室 中。 「乃祖」, 西」,此從 廟 車西 之 夕 既 于 衵 當 車 奠 夕

● 「柩」下,原衍「車」字,今據《儀禮注疏》删。

也

奠亦

如之。

奠設如初。

新

奠亦如之, 啟殯

奠于室之奥,設席東

面

鬼神之禮

事之

以

其

柩

既

離

殯宫之室

始死

在柩車

又案:楊氏復曰:「喪奠之禮有三變: 曰:「于主人之南,明其在車東也。」祖 初』,不云饌處,故記人明之。」敖氏 主人之南,當前輅,北上,巾之」,疏云: , 奠于尸東,小斂奠亦如之; 既殯, 東,則大遣奠亦在柩車東矣。 ·初」、《既夕·記》祖還車不易位,注據 如初者,如室中之神席 車及還重訖,「乃奠 夕・記》「祝饌 祖奠、大遣奠,經不云 降奠及祖奠、遺奠皆 入廟,席設于柩 ,朝夕奠、朔月奠 奠也。 日,「徹者 又云「鼎 祖奠徹于柩 祖 入,乃 八,丈 (繼公 東面 奠于 西, 奠 如 此。 矣。 分明。 也。 也。 以後,奠于柩 奠從,「席升,設于柩西」,注:「不設 在 後,奠于室者,既殯,則 始死,未忍異於生。」此説是也。大斂 又案:小斂以前,奠于尸者,疏云:「以 奠在柩東,楊氏并謂降奠亦在柩東者,非 于柩東,仍在其右矣。 其右也,至還 東,東非神位 如之,但設于柩東爲異。」《既夕禮》朝 、東者,此時尸南首,奠在其右也,遷 「非奠死之處也。」此説失之。 則奠宜從柩,不能 還柩以後,奠于 疏云"「此奠不設于室者,室中神所 此時柩尚北首,故注以 又祖奠、大遣奠柩已南首,故此一 西者,此時柩北 也。」竊謂: 車 向 外後,柩復 柩者,蓋 復設于 楊 以 小斂

乃

奠

如

此

柩

將行之祖奠也。

葬

奠」,此大遣奠也。

設于何所。

考《既

正

經直云祖還

車西北,則祖奠當設于柩車東。

夫

踊

,設于西北」,此徹祖

낈

前

奠

干

廟

柩

首,奠亦在

柩

為在極

西也

氏

及

注

説

皆欠

南

首,故

凡 奠席 初; 蓋因大斂奠之席。 其東」,注:「大斂奠 廷 氏 東」、《既 席 天子諸侯亦不西面 者,《特牲》、《少牢》皆設席于奧東面 於柩,神不 如初」,注:「從奠設 夕禮》遷柩從奠,「席升,設于柩 如初奠之儀,是室中奠席皆東 云「席設于奥,東面」。 何 堪案:《士喪禮》「奠 繼 面 亦 皆 祖奠、布席,乃奠 常亦 公曰:「此設之次,亦如殯奠。」既云 東 東 面 Ŋ 面 ·西面· 也。 · 記》「降奠席于柩西」,不云 東 設之,無 画。 又 也。」疏 載 大遺奠,經 미 朔 丽 如 席之奠則 柩 如 知。」朝廟,乃奠 月奠及薦新奠,皆 席 朝夕哭奠不云席, 有席,彌神之。」又 <u></u> 初,東面 畢,「降奠,當 初,是柩側 在 「知神不 饌北,斂席在 統于尸 不云 面 也。 西。 也。 「席,敖 奠設 西 不統 之 《既 门,则 如 0 前 奠 面

> 席上,故不 及小斂奠,經皆不云有席,蓋 之,不同未殯時 從奠用席,不統於柩者,既殯則 如 深殯 奠, 則 亦 用席,奠無席,則 有席 也。 東 面 矣。 至於始卒 此 統 時 於尸也。 以神 户 ,尚在 奠

凡奠于殯宫,皆饋于下室,唯朔月及薦新不

饋。

之禮。 也。 之時 之饌,如 沐,五日具浴』。 孝子不忍一日廢 沐,所以洗 廷堪案:《既夕・記》「燕養,饋、羞、湯 如 饋,朝夕食也。 於下室日設之,如生存 其 他 頃。」又云「朔月,若薦新,則 去汙垢。《内則》曰『三日 日」,注: 羞,四時之珍異。 「燕養,平常所 也。 其 供 進 事 具 湯 徹 親 眷 沐

設也。 神 稷。」唯有下室若生,有黍稷。 殷奠,自 饋 寢,燕息 舉漢法内堂况之。」然則士聽 室,燕寢 不爲薄也。既奠殯宫,又饋下室者,莫必 下室又自有燕養之饌,故雖 至月朔殷奠乃有黍稷,如 曰:「朝夕之奠,有醴酒豆籩 黍稷,故不復饋食於下室也。] 張氏 上篇朔月有黍稷,鄭注云:『於是始有 云:「大小斂奠、朝夕奠等,皆無黍稷,故 下室,如今之内堂。 之所 于下室」,注: 在 於燕寢,皆恒居之處,故奠饋 也。 故 也。」蓋殯宫,正 疏云: 以以 「下室爲燕寢,故 Œ 其殷奠有黍 寢 平時常 不設 聽 寢 圃 私 朝 也; 無黍 食者 黍稷,而 朝 事。」疏 稷 爾 於 以以 也。 岐 鄭 下 有 兩 正 黍

朝 廟 奠、祖奠、大遣奠,皆薦車馬。

注

凡

當有 北 車 及勒,亦縣 車,載簑笠」,注:「凡道車、稟車之纓 纓、轡、貝勒,縣于衡。 於薦馬。」《既夕・記》適祖廟,「薦乘 注:「主人於是乃哭踊者,薦車之禮,成 也。凡人門,參分庭一在南。]又云「御 之」,注:「既奠乃薦馬者,爲其踐污廟 將行陳駕也,今時謂之魂車。 廷堪案:《既 鹿淺幦,于、笮、革靾,載旜 執策立 馬,纓三就,入門,北 車當東榮,東陳西上於中庭。」奠畢,「 嶌 輈」, 馬,有 也。 極動車還,宜新之也。」大遣奠,「薦 一于馬 注:「薦, 既 馬 于衡也。」疏云:「以車三乘皆 夕禮 後。 則 夕 禮》 有此三者。」是朝 進 ッ朝 哭,成踊,右還,出」, 也。 祖奠、「薦馬 面,交轡,圉 廟,「薦 道車 進 車 載 載 車,直東榮 者,象生時 朝,轅也。 朝服。 皮 人夾 如 廟 弁 · 初 ', 奠薦 服, 車 轡 稾 者 產 中 薦

也。 遺 行 面 者 奠亦薦車馬也。祖奠言馬不言車、既 侕 乘 記》 俟, 出 車 自道 朝 南上」,注:「南 在 廟 前,道、稾序從。」是祖奠、大 車 奠言車不言馬,皆文不具 各從其馬 上 一,便 駕于 其 門 行 外 西

凡將 堂下 醴酒 注: 脯 鸁 **坫。」大斂陳奠,「東方之饌** 在饌東」,注:「凡在東西堂下者,南 下,脯、醢、醴、酒。 廷堪案:《士喪禮》小斂 奠,皆先饌於東 四 醢 也。」朝夕奠,祝「由主人之北 脡」,注:「此饌但言東方,則 ,角觶,木**柶**。 適 兩 饌,適新饌。」考前徹小斂奠,「乃 籩 無 縢,布巾,其實栗,不擇。 方,徹則設于西方 毼豆 幂奠用 陳奠、「饌于東 兩,其實葵菹芋, , 兩 功布,實于算 瓦甒,其 亦在 適 饌」, 實 齊 堂

東 《士喪禮》徹小斂奠,「設于序西南,當 饌 : 榮,如設于堂」,注:「爲求神于庭。 之饌,與祖奠同,在主人之南,當前輅,北 籩:棗、糗、栗、脯,醴、酒」,注:「此東方 《既夕禮》遷 不忍使其親須臾無 乃饌。」敖氏繼公曰:「于主人之南,明 奠,「東方之饌亦如之」,薦新「如朔奠」。 此。」則此朝夕奠亦饌于東方也。 適 上,巾之。」是知未奠之前皆饌于東方也 在車東也。」《既夕禮》大遣奠,「東方之 南,當前輅,北上,巾之」,注:「既 曰:「適 也。 饌」, 四豆、脾析、蜱醢、葵菹、蠃醢; 《既夕 凡奠設于 注 東方之饌處,以 記》「祝饌祖奠 柩 「東方之新 朝廟奠,「東 , 序西 所馮 南者,畢事 待事 饌。」 依也。 方之饌 至 敖 于主人之 堂,謂 也,後 氏 祖 孝子 而 亦 朔月 繼 去 西 其 放 如 四 公

也。 注: 也。 設爲褻也。」從奠即朝夕奠。 序 歸賓俎者也。 巾,苞牲,取下體」,注:「苞者,象既饗而 設于序西 小 亦再設之奠,例與前同,注説恐非。 設于序西南者,注云:「非宿奠也。」此降奠 柩從奠,不設于序西南者,注云:「已再 在庭,當階間,則柩 徹朔奠,「其設于外,如于室」,注:「外, 云「卒徹」,不云「設于序西南」者,文不具 雜 ·斂,辟奠不 「設于柩車西北,亦猶序西南。」●柩車 記》曰: 辟襲奠以辟斂、既斂、則不出於室、 是知既徹之後皆設 南。《既夕禮 南。」《既 『父母 士苞三个,亦得俎釋三个。 車西北即序西南矣。 出室」,注:「未忍神遠之 |
徹 夕禮》徹大遣奠,「徹 而賓客之,所以 祖 于西方也。 奠,「設于西北」, 徹朝廟降奠不 《既夕・記 朝夕奠 徹遷 爲 但

> 之,大遣奠爲事之終,以賓客事之,故皆 哀。」」小斂辟奠,爲事之始,未 忍以 神 事

之。」徹大斂奠,「設于序西南,直西榮」,

階。 凡奠于堂室者,陳、徹皆升自阼階,降自 不設於西方也。 奠于庭者,陳由重北而

西,徹由

重

南

丽

西

東。

北 事 階」,此奠于堂者也。大斂奠,「祝執醴 徹 奠,「盥于門外,入,升自阼階」。又云「祝 廷堪案:《士喪禮》設小斂奠,夏祝 西 初,酒豆籩俎從,升自 降自西階」。 画。 ,升自阼階,奠畢,降 巾,授執事者以待。 其餘取先設者,出于足,降 徹大斂奠,「徹者**盤**于門 作階」,奠畢,「由 自西階。 徹饌,先 取 徹 醴酒, 自 小 及 斂 執 楹 如 西

⁰ 猶」、《清經解》本同、叢刊本《儀禮注》作「由」。

西階」。 西上。 階」; 奠、「先取醴酒、其餘取先設者、敦啟 北 外,燭先人,升自阼階 西方 于堂者。 階」,設朝廟奠,「升降自西階」,此 夕 西階」,不云升自阼階者,文不具也。《既 升自阼階,降自西階。 首,辟其足也。」《士喪禮 面足,序出、如 升自西階」,注云:「以 北 **阼階也。《既夕禮》徹降奠,「巾席俟** 面,取酒 漫遷 徹從奠,「徹者升自阼階,降 西 祝先出,酒、豆、籩、俎序從,降 朔月奠,「如朝夕哭之儀」。 面。 奠升不由阼階 柩 要節 立于其 朝 既徹,由 人」,此皆奠于室者 廟, 而 東,取 設 踊 從 」,注:「徹者,由 重南 朝夕奠但云「降 _ 君在 》君臨大斂,奠亦 者,注云:「柩 奠,「升 豆、籩、俎,南 又云「祝 東。」●疏 作。」故 降 也,皆 取 自 亦 自 升 云 醴 于 北 奠 西 西 自 朔 自 面

> 者,故如 既奠,由重 自 而 葬奠之饌。」大遣奠注:「奠,由重 徹祖奠,「徹者東」,注:「由柩 也,故疏云然。 徹者由奠東而西面徹之也。」此奠于庭 而西,徹訖 奠於庭者,亦由 凡奠於堂室者,皆升自阼階,降 西、徹 西階也。 曲 降 由重 :奠之儀,即疏 南東。」祖奠、大遣奠亦奠于 重南而 但 設 祖奠,「布席,乃奠如 重北, 南 文奠於 東」也。 而東,象升 柩 東 所 車 方 謂 西 來 ||陳由 侕 陳 車北,東適 自 東面 作階 由 由 自西 北 初 西 重 · ', 降 階 庭 則 北

踊 踊 凡 ; 奠,升自 奠者 由 阼 重 階,丈夫踊 |南,東,丈夫踊; 降 自 謂之要節 西 階 婦

丽

人

⁰ 南東」,原誤作「東南」,今據《儀禮注疏》改。

必 踊。 廷 注:「爲神馮依之也。」疏云:「鄭解奠至重即踊 先後爲踊之節也。」又云:「奠者降反位 升,丈夫踊,奠者降,婦人踊。各以 丈夫踊」, 注:「節 云:「以君在阼。」君要節 臨大斂畢,「乃奠,升自西階。不升自阼階,注 者,重主道,爲神馮依之,故丈夫取以 階,婦人踊。 奠、「升自阼階,丈夫踊」,奠畢,「降 不知神之所爲,故由重南東而過,是以主 東 「主人位在阼階下,婦人位在上,故奠者 由重· 堪 (又踊也。」由重南東者,由重之南而東也。 時 奠者由 案:《士喪禮》小斂奠,「升自 也。」疏云:「上文大斂奠,升時 南東者,以其重主道,神所憑依, 謂 奠畢,「由足降自 執 奠者由重南,東。 重南,東,丈夫 奠始升階,及 而踊,主 踊 既 西階。 爲踊 丈夫踊」, _ , 疏 人從 奠 節 由 也。」君 作階 丈夫)所見 踊 自 大斂 婦人 重 궄: 南 西

> 《既夕•記》朝于禰廟,奠「升降自 儀」; 升,主人踊,降時,婦人踊也。」此奠時要 主人要節而踊」,疏云: 重 疏云:「奠升時主人踊,降時婦人 辟其足。」主人要節而踊」,注:「節,升降。」 奠,「升降自西階。 月奠,「主人要節而踊,皆如朝夕 婦人踊。 乃奠,「升,丈夫踊」,奠畢,「降自 丈夫踊節,故不言降時 此注不云降時踊者 踊,降時婦人踊。 |南,●主人踊,此不言婦人,文不具 「有薦新,如朔奠」。 奠者由重南,東,丈夫 由重南 注:「奠升不由阼階,柩北首 以以 踊 經直 「要節 節 圃 有君與 也。」朝 東,丈夫踊 而踊者,奠 夕禮》 踊 踊。 西階,❷ (主人、 夕哭, 三,朔 西階。 火哭之 也 朝 由 廟

[「]南」下,原衍「東」字,今據《儀禮注疏》删。

[「]降」,原誤作「階」,今據《儀禮注疏》改。

二六四

節。 要節 升 徹 徹 踊 婦 節 訖,由柩車南 是 者出,主人要節而踊 乃奠如初,主人 夕奠及朔奠、從奠,不云踊者,文不具也。 而降奠于庭者。 而東。此奠饌在輅之東,言由重北 云:「奠來時 由 階 時 無 人踊」。 」,既徹,「降自西階,婦人踊」。 ,丈夫踊 圃 要節 奠由重北西,既奠,●由重南 由 、降階爲節。 踊 丽 車 踊 前 重 也 也。 而 南 明器之北 徹大斂奠,「升 《士喪禮》徹小斂奠,「升自阼 踊 東之踊節者,變于奠也。 「主人要節而踊 由 而東者,禮之常也。」此奠時 既 將 也。 重北 要節 徹,一出 祖、徹降奠、即朝廟奠、隨板 既夕禮設祖奠,「布席, 皆奠于堂室者,故以 鄉柩 丽 」,注:「亦以 而 西,既奠,由重 踊」,大遺奠,「奠 于足,降 車 自阼階,丈夫 注 西設之。 自 往來 東。」疏 「要節 者,亦 西 徹 此 南 爲 朝

> 既盥乃入。入由重東,而主人踊 者 也 西北,婦人踊」,注:「猶阼階 人也。」徹祖奠,「徹者人,丈夫 人並有踊文。❷ 有婦人亦踊者,以下經徹祖奠時,男子 降,婦人踊。 今奠在庭,無升降之事,直有往來。 升自阼階,丈夫踊 東。」疏 徹 要節 者, 來 自重北 而 象 由 云:「上篇徹 升, 踊」,明來象升,丈 明 器 西 丈夫 但此經直云『主人要節』, 北, 面 則知 而徹。」疏云:「小斂奠 踊 西 ,降自西階,婦 此 小斂、大斂奠 面 /要節踊内,亦兼 去象降, 既 夫 徹 升 踊 踊 , 時 婦人踊 ,猶其 由) 時,皆 也,亦 人踊。 經云 設 去 升 象 南 知

[「]男子婦人」,原誤作「婦人男子」,今據《儀禮注疏》改。

者,門 皆奠于庭者,故以來去爲節,來 設于堂,從柩 故云『猶其升』也。」此徹時 今徹者亦門外盥訖,入由 去象降階也。 不要節而 外 盥訖,人,●升自阼 踊者 而降之朝廟奠,亦設于庭, 至於從柩而行之夕奠,亦 ,再設故也。 重 要節 階, 丈 東,主 象 丽 升 人 夫 踊 階 踊 踊。 也

凡 柩 廷 堪 朝 祖 案:《既夕禮》「夙 如大斂奠,朝禰 如 興,設盤于祖 小斂奠。 廟 門

奠也。 外。 殯,如大斂既殯之奠。] 是柩朝 注:「祖,王父也。 夕 記》「其二廟、 下 士 祖 禰 則 祖 共 饌 廟 如 大 于 禰 斂 如

廟,如· 士事福禰,上士異廟,下士共廟。」 疏云: 先朝禰,後朝祖 陳 小斂奠,乃啟」,注:「祖尊禰卑也。 鼎皆 如殯,東方之 , 故 (先於) 禰 饌 廟 ,饌至朝設 亦 如 之 「,

> 之故也。 也。」是朝 之制,即上經所謂祖廟是也。 廟者、蓋據《既夕・記》而言也。《 士,悉二廟一壇。] 孔君知諸侯上士 有禱焉,爲壇祭之,去壇爲鬼」,鄭注: 乃止,顯考鄭注:「當爲「皇考」,字之誤。」無廟, 一鼎,東 適士,上士也。」孔氏《正義》曰:「適 禮器》並云士一 適士二廟一 一廟一壇者,上士也。天子三等,諸侯 上, 兩 一如 禰 壇 如 小 , 日考廟, 日 小斂奠也。 甒 斂奠」者,則亦門外 廟,皆中下士祖 醴 酒,一豆 王考廟,亨嘗 考《祭法》: 一籩之等 \pm 禰 制 亦 共 特豚 廟

凡重置于中庭,三分庭一在 廷 堪 案:《士喪禮》襲畢,「重木刊鑿之。 南

0 「入」,原脱,今據《儀禮注疏》補 重,辟屈而反,兩端交於後。 左袵,西端在上。」此言幹,賀之,注:「賀,加之。」結于後。」注:「以席覆當爲革之屬。」幂用葦席,北面,左袵,帶用重。注:「幹,竹籃也。」敖氏繼公曰:「幹字從革,似重。決 質別 義 異 日也。」 繫用 幹,縣 于「久讀爲灸,❷謂以蓋塞鬲口也。」 繫用 幹,縣 于

侯六,天子八,與簋同差。」幂用疏布,久之,注:

又云「置重如初」,注:「如殯宮時也。」疏重先,奠從,燭從,柩從,燭從,主人從」,重之制度也。《既夕禮》「遷于祖,用軸。

者,謂將嚮祖

廟,若過之然,故不入。明

日,自禰

廟隨

至祖廟庭,厥明將出之時,

朝禰廟,重止于門外之西,不入。重不入

奠,朝夕奠,經皆云「奠者由重南東,●丈置之。」重爲行禮之大節,小斂奠,大斂云:「亦如上篇三分庭一在南,二在北而

鄭注:「就所倚 取銘、置于茵」、此不置于重者、注云「重 《士喪禮》「祝取銘,置于重。」疏云:「以 曰:「《既夕禮》,當作「記」。 不藏」故也。《雜記》「重,既虞而埋之」, 至啟殯,故復置于重 啟殯,祝「取銘置于重」。 銘未用,待殯訖,乃置于肂。」《既夕禮》, 宫之時,以奠于廟亦 夫踊」,故遷于廟,其置 處埋之。」孔氏《正義 有 也。 要節 重之處,亦如在 殯時,銘在肂, 初喪當作「將葬」。 設祖奠時,「祝 丽 踊之儀 也。 殯

「重」,原脱,今據《儀禮注疏》補。

[「]南東」,原誤倒,據上下文意乙正。「灸」,原誤作「炙」,今據《清經解》本改。

初虞即埋之也。」此埋重之時也。 如虞即埋之也。」此埋重之處也。《既夕禮》將外之東也。」此埋重之處也。《既夕禮》將 就云:「天子九虞,諸侯七虞,大夫五虞, 就三虞。未虞以前,以重主其神。● 虞所 立。此注『就所倚處埋之』,謂於祖廟門 位』。此注『就所倚處埋之』,謂於祖廟門 位」。此注『就所倚處埋之』,謂於祖廟門 如虞即埋之也。」此埋重之處也。《既夕禮》將 類虞即埋之也。」此理重之處也。《明夕禮》將 如虞即埋之也。」此理重之處也。《明夕禮》將 如虞即埋之也。」此理重之時也。

自内 又案:張氏爾 南者不一,其自外入而言,據外近南 在 近南,殆若推而遠之矣。 也,其自内出 南」,不云「一在北」。張氏此言,顯與 .南句,亦覺不文。本經言參分庭一在 **,**●不可從也。 出 者也。」考經文明云「參分庭 而言,據内 岐曰:「重以依神、若置 且參分庭句,一 近 北者也,重 一 在 者 之 固

凶事無洗,或設盤于堂下,或設盤于門

外。

凡

盤于門外,●彌有威儀。」疏謂陳 注:「小斂設盥于饌東,有巾。● 堂下者也。 者,亦用盆布巾,饌于西堂下。」此 如東方」,注:「爲舉者設盥 也。喪事略,故無洗也。」又云「西方盥 廷堪案:《士喪禮》將 訖,當設盤 設盆盥于饌東,●有巾」,注:「爲奠設盥 于門 將大斂、「祝、徹 外 也。 小斂,饌于東堂下, 將朝夕奠,「 也。 盥 于 大斂饌 大 門 如東方 設 徹者 (斂設 外 盥

0

門」,原誤作「外」,今據《儀禮注疏》改。

[「]盆盥」,原倒作「盥盆」,今據《儀禮注疏》乙正。「經」,原誤作「違」,今據《清經解》本改。「主」,原誤作「生」,今據上下文意改。

[「]有」,原誤作「布」,今據《儀禮注疏》改。

二六七

六八

東方。 方,約 盥 設 盥 外者也,蓋凶事略,不設洗,惟設盥 在門外東方,如大斂奠也。」此設 設于西階西南,水在 盥 |在東堂下,大劔設盥於門外,雖 《士虞禮》在既葬之後,始設洗,然 于 ·小斂盥在東堂下,則大斂 此下陳鼎 外 祖 廟 門外」,疏云:「按 \wedge 既 夕 如大斂奠,則 /禮》請 洗西, 篚在東」, 異 啟 期 後 此 小 盥 斂設 不言 盥 設 亦 夙 門外 以 于門 盥 興 代 亦 亦 東 盆

之弔襚賵則拜而不踊。 凡君使人弔襚賵,主人皆拜稽顙成踊,非君

於吉時之洗在東階東南也。

廷堪 中庭 北 面 案 迎于寢門外,見賓不哭,先 弔者人,升自西階,東 《士喪禮》「君使人弔。 主人哭,拜稽顙,成踊 画。 入,門右 主人 徹 帷 進

致命。 君使 主 門右,北面,及衆主人袒。 《穀梁傳》:「乘馬曰賵,衣衾曰襚。」擯者出請, 兩。 賓 由主人之北,舉幣以東。 拜稽顙,成踊。 幣,由馬 告。主人釋杖,迎于廟門外,不哭,先 拜送如初」。《既夕禮》「公賵,玄纁束,馬 庭,哭拜稽首成踊。」襚者人,衣尸,出。 主人 主人如 踊也」。「君使人襚。注:「衣被曰襚。」徹帷 拜而成踊,所以尊君也。 三者三。」疏引《曾子問》,「三者三,凡九 出 人送于外門外,拜,襲,入復位 注"「赗,所以助 · 主 人 初。 主人 弔 西當前輅,北 襚 拜 拜 襚者左執 賵,主人皆 送 如 賓奠幣于棧左服 于外 初。 主人送葬也。 門 疏云:「亦如上主人進中 領,右執要,人,升 面 外 《士喪禮》始卒, 拜 致命。 馬入設。賓奉 士受馬以 稽 兩馬,士制 顙 注 成 主人哭, 出。 ,杖。」是 踊 成 出 也。 也 踊

面

不踊, 出,以 不踊。 足,西 致命。 有大 進,主人拜,委衣如初。 退,哭,不踊。 徹 拜于位,委衣于尸東牀上。 主人「唯君命,出,升降自西階。 將 擯者出,告須,以賓人。 賓入 不踊,别于君襚 衣者執衣如襚,以適房」,注:「主人徒哭 出,拜送。 賓賵者將 陳。 命。 哭,踊三,降。 夫則特 但哭拜而已。」「親者襚,不將命,以 面委衣,如於室禮,降,出。 明大夫以下,時來弔襚,不出也。 大夫雖不辭,人也」,注:「唯君命 庶兄弟襚,使人以將命于室,主 主人拜稽顙。 擯者出請,入告。主人待于位。 朋友親襚,如初儀,西階東,北 命。 ?拜之。 擯者 也。」小斂後,「有襚者,則 主人不 即位 出 賓升 請,人告,出 于西階 · 踊」。 朋友襚,親 自 中庭,北 西階 下,東面 既 遂拜賓 夕禮》 告須 · 出 主 于 以 人 面

即

如初。 哭,由左聽命。 稽顙」,不云成踊者,禮殺故也 門,公使宰夫贈玄纁束。 於君也。 襚、赗則拜而不踊也。拜而不踊 馬入設。 舉幣,受馬如 主人 又《既夕禮》柩車發行,「至于邦 賓奉幣,擯者先 拜于位,不 初」,如公賵也。 賓由右致命。主人哭,拜 踊。 人,賓從,致命 主人去杖,不 是非 賓奠 ,所以 幣如初 君之弔 别

伸其 《禮經》證之,始知其説之確也。 拜稽顙成踊者,即《周禮》九拜之振 拜,以拜稽顙成踊 又案: 吉事之拜,以稽首爲 顙皆非拜,拜 哀慟之慟。」最爲得之。 杜子春曰:「振,讀爲振鐸之振 加 後 稽 、説,而各下己意,經義 顡 謂之吉拜 而 成 踊 爲最重,皆見君之禮 也。 , 謂 先、後 之振 《大祝》 最 遂 動 重,凶事之 晦。 **,動,讀** 鄭不 ,猶之拜 九拜之 踊 動 能 與 今以 也 稽 引 爲

説也。 别創 事之拜,亦 序,稽首、頓 振 當楣 違于先、後鄭之間,否則略 度、鄭氏鍔、吴氏澄、田氏藝 由 厭於其君,盛禮不在己也。 禮》公當楣 于答拜,故 士奇、江 相、顧氏 拜聘賓也。 聘禮》賓人門,公再拜,賓辟,賓致命,公 賈 動 重 ,以示 再拜,賓三退負序,辟與三退 丽 而後,説九拜者,如陳氏祥道 解,亦無定見。 輕; 方氏之言曰:「振 氏永諸 炎武、毛氏 再拜者,拜聘賓之君之命,非 不 故 列 由 振 首、空首三者,皆吉事之拜 敢 於 《聘賓三退負序,不敢答拜, 重 動、吉拜、凶 答 君,於振 五 而 拜,而 奇齡、閻氏 拜之前也。」不知《聘 輕,次第 最謬者,方氏苞之 震 動之拜,大率依 動未 拜三者,皆凶 懾 而不言,即 前 固 衡、王 不 若璩、惠氏 此 嘗 井井 寧,更 入大門 『拜,如)時,必 、黄氏 氏 也。 甚 或 廷

> 隅之見也,故爲附辨於此 見《通例》。 使者皆然。《禮經》其 外,如《昏禮》、《公食大夫禮》、《覲禮》之 人使者不答拜,是禮之通 所云,不獨陋妄穿鑿,且不明禮意矣。 君 時,公再拜, 爲 己 方氏不之知,而曲 拜,何震 賓辟,不答拜,亦然, 懾不寧之有? 在,可考而 例、《聘禮》之 爲之説,真方 知 主國之 也。 方 詳 氏

凡君臨大斂,則主人拜稽顙 斂。 人袒。 見馬 祝負墉,南面,主人中庭。 釋采,入門,主人辟。 祝代之。小臣二人執戈先,二人後。 廷堪案:《士 首,不哭,還,人門右,北 既布衣,君至。 巫止于廟門外,注:「凡宮有鬼神曰廟。」 喪禮》「君若有賜焉, 主人出迎 君升自阼階 成踊 君哭,主人哭 面,及衆主 于外門外, 西鄉。 則 視

稽顙 位。 拜稽 卿、大夫逆降,復位。主人降,出。 卿大夫,繼主人,東上。◐ 哭,拜送」。 不當君所,踊。 馮尸。主人升自西階,由足,西面馮尸, 主人,主人中庭。 主人不哭,辟。君式之。貳車畢乘,主人 卒奠,主人出,哭者止。君出門,廟中哭, 奠,升自西階。 卒塗,主人出,君命之反奠,入門右。 人門左,視塗。君升即位,衆主人復位。 尸斂于棺,乃蓋。主人降,出。君反之, 人辟于東壁,南面。君降,西鄉,命主人 成踊也。 ,成踊,出。 君升主人,主人西楹東,北 顙,成踊 又云「襲,入即位。 是君臨大斂,則主人拜稽顙 主婦東面馮,亦如之。 君要節而踊,主人從踊。 君反之,復初位。 君坐撫,當心。 君命 反行事,主 乃斂。卒、公、 衆主人襲。 画。 主人拜 君 反 衆主 升公 人 乃 復

也。不稽顙者,殺于君也。送」,此大夫、主人亦拜之成踊者,敬大夫拜大夫之後至者,成踊。賓出,主人拜

凡弔、襚、賵、贈、奠,於死者皆不拜。❷ 前,豈 敬 禮》設饌後,始言主人再拜稽首。 於極、於重、於奠、皆未嘗拜。 **賵贈,經皆不云拜,是賓於死者不拜也** 廷堪案"《士喪禮》之弔襚及《既夕禮》之 喪禮》上、下二篇,止有主人拜賓之文,而 主人於死者不拜也。陸氏隴其曰: 《士 自始卒奠以至大遣奠,經亦不云拜。是 ,而不拜歟? 經文略而 不言歟? 抑主 賓之弔奠賵贈,亦皆不 至《士 白虞 哀不主 以 虞

^{□「}東」、原誤作「東」、今據《儀禮注疏》及。

[「]皆」字,目録無。

事之,故於死者亦不拜,非主哀不主敬之 言拜 謂,亦非急遽之謂也。 者不拜; 謂:弔襚賵贈,皆賓與主人行禮,故於死 虞禮 '。' 汪 奠異於祭,未忍全以鬼神之禮 以前,皆不言拜,與吉反 氏 紱 曰 喪 禮 急 遽 初 也 喪 尤

下,謂之内位,既殯在門外,謂之外位。 凡主人之位,小斂前 廷堪案:《士喪禮》始卒哭位,主人「人, 畢,「主人西面馮尸,踊無算」,皆室中尸 位也。」沐浴畢,「主人人,即位」,飯含畢, 坐于床東,衆主人在 人以將命于室,主人拜于位」,注:「室中 主人襲,反位」,注:「位在尸東。」小斂 「親者襚,不將命,以即陳。 庶兄弟襚,使 衆主人,庶昆弟 在 也。」此室中之位也。 一 東,小 斂後在 其 後,西面」,注: 阼 階

降,拜大夫之後至者,北面視肂。衆主人 堊室也。 畢,始復阼階下之位也。大斂奠畢,「主 下,至大斂時,仍升堂即尸東之位, 斂 皆阼階下之位也。 東 可也。」至此,則主人居次矣。 《既 人揖,就次」,注:「次,謂 復位」。又云「卒塗。 西階,出于足,西面袒」,大斂畢,「主人 主人待于位」。大斂,「主人及親 也。「有襚者,則將命。 之,即位,踊,襲、經于序東,復位」,注: 位」。又云「主人拜賓,大夫特拜,士旅 位,踊無算」,則堂上尸東之位 即 「主人出于足,降自西階。 衆主人東即 之 位踊,東方位。」此阼階下西面之位 位 也。 大功有 奉 Ė 帷帳,小功緦 , 蓋主 侇 主人復位,踊,襲」, 擯者出請,入告。 于 斬衰: 人雖位 堂 倚廬,齊衰 麻有 男女 也。 在阼階 者升自 夕 牀 又云 如 第

有服 也。 即 門外之位 北 北 兄弟在其南,南上」,注:「外兄弟,異 中門外東方,北户。」次在門外,故有事 者門西,少進。 主人之南,諸公門東,少進。 西面。兄弟皆即位,如外位。卿、大夫在 還,人門,哭」。 夕哭,「丈夫即位于門外,西 出 上。 影既 外位 〈爵者,拜諸其位」,此門内之位也。 面 門,哭止。 奠 凡廟門,●有事則開,無事則閉。」此 西 者 (畢,「賓出,主人 殯,「居倚廬」,注:「倚木爲 一、然後 上。 主人即 也。」又云「賓繼之,北上。 也。 門西,北面東上。西方,東面 皆復位。 入即内位 又云「主人拜賓,旁三,右 又云「主人堂下直東序, 位。 敵則先拜他 辟門」,注:「辟, 、拜送。 闔門 也 <u></u> 」,此又門外 國之賓。 他國之異 面北上。 衆主人出。 士喪禮》 門東, 廬 外 凡 爵 開 姓 在 朝 先

> 東; 送。 之。在内位者,始死未 日 門外之位也。 之位也。 在 位,據在殯宫中; 弟恒在内位。」疏云:「自死至於殯在 也,自死至於殯,自啟至於葬,主人及兄 椁,刊治其材,以井構於殯門外也。」「卜 時,仍入門即 在祖廟中。 又案:《既夕禮》設 左還椁,反位,哭,不踊」,注: ,既朝哭,皆復外位」,亦謂門外位 廟 有司請葬期。 小斂後,位在阼階下。 位 「, 亦 在 蓋 處雖不同,在内不異,故總言 主人雖位在門外,至朝 **阼階下也」**。 **阼階下之位,至哭畢,始復** 既 自啟 井椁,主 人,復位」,注:「主 祖奠畢,「賓出 至於葬在内位,據 小斂以前,位在尸 人 考《既夕禮》, 若自啟之後 西 匠 面 一,主人 拜工 也 人爲 夕哭 内

0

[「]門」,原脱,今據《儀禮注疏》補。

七四

啟殯 同。 也。 之位也。 袓 位,袒」,此則殯宫阼階下之位 是門外之位 啟 廟 襲,人復位」,賓賵,「主人 位,踊,襲」,此方是 主人柩東,西面」,此亦如小斂侇尸于堂 如 殯 位 中阼階下之位。蓋啟殯 廟,柩升自 初 至於公賵,「主 ,「丈夫髽 後,主人之位亦恒在阼階下,不 也 故未殯時,主人之位 朝 設從奠畢,主人「降,拜賓,即 夕哭門外位。」此 也。 西 一, 散 階,主人從升,正 又云「主人拜賓,人,即 帶 人送于外 即 垂 廟中 即 恒 後 拜 位 初 **阼階下之位** 在 則 于 如 啟 位, 門外,拜, 也。 與 阼 初 殯 未 階 、時,尚 柩 至 一殯時 復就 亦皆 下, 注

皆在 凡 婦 | 阼階上,柩將行,始降在 人 之位 小小 斂 前 在 西,小 |階間 ·斂後 至 既 殯

于堂 東面 當 堂、南上」,既井椁、「婦人哭于堂」, 也。 廷 復曰:「始死,哭位 柩 復阼階上之位也。 下之位非時,男女、内外、親疏、上下之分 注云『東上』。」至此,婦人始降在階 上。」張氏爾 車,婦人降,「 至既殯,皆在阼階上也。《既夕禮》還 西面」,此阼階上之位 在 堪 亦在阼階上。 西東面」,至大斂畢,「婦人東復 車將行,故 言東面,則在尸西可 ,男女如 」**,**注: 案 : 前。」 衆婦人則 戸外 \Rightarrow 士 「婦人,謂妻妾子姓 岐曰:「婦 喪 婦 室 即 禮》始卒哭位 位。 是婦人之位,自小斂 人于車後送之也。 位 朝夕哭,「婦 于階間」,注:「位 必辨,室中、堂上、堂 知。 也。 又云「婦 北面。 人人在 小斂畢,「奉尸 大斂 此尸 車後南 ₩時,「婦 人 人 婦 也, 西 卽 作階 位,仍 面,故 間 此 之 亦 俠 位 Æ 東 柩 後 位 侇 位 滴 牀

下 功 不 面,衆兄弟堂下北面。 尸東、尸西爲别, 也。」考男女之位,小斂 爲 以 可以不正,此 别。 下,以户外、堂下爲别, 既殯無 處于房中歟? 亦 事,則主人入于次。 小斂後,以阼階上、阼 治喪馭 親者,注: 前 繁處變之大 ,親者在室,以 「謂大功以上。」小 衆婦人户外北 階 婦 法

阼階。 哭位 西 又案:《既夕禮》既葬,「乃反哭,人,升自 自 反哭之位。 主人東面,主婦西 拾踊三」,注:「出 注:「反哭者,於其祖廟。」婦人人,丈夫踊,升 [階,東 阼 階,蓋相變以爲禮也 正 主婦入于室,踊,出 相 画。 反",且主人升自 衆主人堂下,東面,北上。 即 位,堂上 西階,婦 即位,及 西面 面 ,與始卒 也。」此 人升 丈 夫 自

死 又案: 而 襲,襲而斂 張氏 爾 岐 三 日 曰:「先王之制 而殯,殯 而 喪禮 治 葬 具。

> 安之。 **樗**?: 也。 未可 哭而祔皆 舉,又何爲而可 月,大夫三月,士踰月。先時而葬者謂 其葬也,貴 子未葬,不但不可 後乃虞祭,是虞者祭禮之始也。 在《士喪》下篇,是葬 可以卒哭,而 於既葬,送形 之即吉,始於虞 得葬,後 以虞,未可以卒哭也。 張氏之言,真深於經術之言哉! 由是言之,則人子之未葬其 未葬,則 時 無 而 賤 所 可 加 葬者謂之怠 有 以 無 爲 而 往 以 時:天子 所爲 成於禫。 服 而 ,迎精而反,故爲虞 以 練,何爲 舉。 官乎!」竊謂:葬禮 ,者喪禮之終也;葬 服 而 官, 卒哭 虞 喪。」又曰: 七 虞之爲禮 未可以 并不可 而 月,諸 不虞,則卒 可 與 然則人 以 祔 (親者) (虞,未 以 祥 不 侯 , 起 祭 得 之 月 以 喪 五

無

事

,或退

紹 又案:明盧氏格曰:「朱文公父喬年,以 興 (十三年卒,葬於崇安縣之五夫里。

釋 例

二七六

利欲之心,貪慕富貴,忍使父母之魄 縣天湖之陽,而自爲文以紀之。 遷父於白水里鵞子峰下,而葬母於建 後二十七年爲乾道五年,其母 以惑溺者往往藉口於朱子,故録盧氏 説,皆妖妄詭誕,不應經義,本不足辨,特 愚蒙不肖之子,尚足責乎!」夫相墓之 故鄉,斯已奇矣。又且遷其父骨,使枯 不安,疑皆非君子所爲,而竟已爲之,則 卜得兩 ,以諗世之爲人子者。 地,欲兩承其吉,乃於明 祝夫人卒。 儒者 年五 遠 月 此 魂 離 抱 安

凡 <u>区</u> 事交相右,吉事交相左

也。 廷堪 凶 交于階下」,注:「祝降者,祝 事 交相右。」疏云:「周祝降階時當 與夏祝交,事相 案:《既 夕禮》啟殯,「祝降,與 接也。 吉事 徹 交相左, 宿 奠 夏 近 祝

> 是也 司射 于階前,三耦拾取矢,退,與進者 如《鄉射》、《大射》耦降,與升射者相左交 事交相右者,此 東,夏祝升階 二人媵爵于公,序進 交于階前; 交于階前,飲不勝者,降,與 二次射,司馬命去侯畢,降,司射 與司馬交于階 三次射,司 當近西,是交相右也。」考凶 經 是也。 前,《燕禮》、《大射 酌散,交于楹北,皆 馬 吉事交相左者 命 去 升 侯 飲 畢 者 與 相 ·, 降 相左 司 左, 馬

敬,於接 注:「商祝,祝習 注:「夏祝,祝習 又案:《 士 神 喪禮》飯 宜。」設 夏禮者也。❷ 商 重,「 禮者。❶ 含,「商 夏 祝 祝 商 夏人 鬻 襲 人 餘 教 祭 教以 飯 之以 服

祝」,原脱,今據《儀禮注疏》補 祝」,原脱,今據《儀禮注疏》補。

甚詳。 注: 事 忠 者,有言商祝者, 夏、商,周 一代,郁郁乎文」者以此。 世之經也 繁,周祝文飾,實 其 於 「祝,習周禮者也。」此外經有 徐氏 養 、人講習夏、商之禮,所 乾學 宜。」 日 又「祝 有但 兼 言祝者 「夏祝 兩者。 取 銘,置 《儀禮 事簡 賈 周 じが所 謂 制 于 疏 言 監 博 以 商 重 夏 析 爲 采 之 祝 于 祝

封建尊尊服制考

首; 者 親 從服。」鄭注:「術,猶 《禮記 尊尊,三曰名,四 ,以爲之經 、尊尊、人道之大者也」。 尊尊,君爲首。」《喪服 •大傳》:「服術有六:一曰親 也 ; 其 日出人,五日 下 道 四者,以 也。 小記 親親、尊尊二 親 爲之緯也 親,父母 長 》亦云「親 (幼,六 親,二 爲 日

> 者,别 焉。 親 所 尊之義,六朝諸 而 而 益 量聖人,由是説《喪服》者日益 儒者,因陋生妄,於其所不知,輒以 而 知 以《戴記》釋經與傳者證之,俾 晦,心竊 言之,故親親與尊尊並 親,文家尊尊」是也。 謂尊尊者,皆封建之服, 不致 輯 爲一篇,名曰《封 感焉。 迷於所往,庶於經義 儒或有能言之者。 謹 取 經 先 王 重。 建尊 與 何休 傳 制 多, 封建 言尊 尊 禮 所謂「質 不 讀 服 而 一合封: 既 宋以 無 者 己 制 尊 禮 廢,尊 少 考》, 之義 意 意 裨 日 後 建 家 衡

屢者, 喪服。 斬衰裳, 苴絰、杖、絞帶, 冠繩纓, 菅

諸侯爲天子。

君,傳曰:天子至尊中

傳曰: 君至尊也。注:「天子、諸侯及卿、大夫有

地

君。」疏

||君稱。|

者皆曰 廷堪 貴妾」。鄭氏蓋因《大傳》有尊尊之説, 與經、傳相違。 敖氏繼公曰:「諸侯及 尊尊之義全繫乎此也。 傳之説,而尊尊之義乃益 夫,以見尊尊之義。不知士有臣,從經 知是封建之制,遂謂士卑無臣,别於大 之衆臣爲其君」、「緦麻三月」章「貴臣 是也。詳見下「妾爲君」及「公士大夫 公、卿、大夫、士有臣者皆曰君。」 知士有臣,但據經傳知之,亦未知喪服 案:注與 曰:「士無臣,雖有地,不得 疏皆謂士不得君稱,顯 期也。 : 敖氏 此 説

説》仍之,皆不知爲《喪服》之大傳。 又案:《大傳》即《喪服》之大傳也,別 大義。此於《别録》屬通禮。」陳 云:「名《大傳》者,以其記祖宗人親之 於《小記》,故名「大傳」。鄭《目録》 牆《集 惟

> 尊尊之義,亦屬一知半解而已。 傳》。然吴氏説《喪服》經傳。 《易》之《繫辭》爲《易大傳》,故亦名《大 元吴氏 澄 謂 統論《喪服》之大凡, 終不識 如

父爲長子。注:「不言嫡子,通上下也,亦言立嫡

長。

父後者之弟也,言庶者,遠别之也。《小記》曰:「不繼 祖 祖與禰。』此但言祖,不言禰,容祖禰共廟。」 當先祖之正體,又以其將代己爲宗廟主也。庶子者,爲 所傳重也。庶子不得爲長子三年,不 傳曰:何以三年也? 正體於上,又乃將 也。 注:「此言爲父後者,然後爲長子三年,重 其

所云長子、衆子、適子、庶子者,皆封 不得爲長子三年,不繼祖 斬,不繼祖與禰故也。」《大傳》:「庶子 廷堪案:《喪服小記》:「庶子不爲長子 之制也。 子皆妻之子,則以傳重者爲 也。」凡經、傳 建

子,則爲適子庶子。 也。 别,恐未必然。 衆子」,注以衆子、庶子爲士與大夫之 者爲適子,其餘皆庶子。 之分,非士與大夫之分也。 之分,故此傳是士禮,亦有庶子之稱 長子,其餘皆衆子。 士無妾子,則爲長子衆子, 蓋適子、庶子爲妻、妾 蓋傳重與不傳 有妾子則以傳 「期服」章「爲 有 妾 重 重

爲人後者。

如親子。」 一切以三年也? 受重者必以尊服傅曰:何以三年也? 受重者必以尊服尊服之。何如而可以爲人後? 支子可也。服之。何如而可爲之後? 同宗則可爲服之。何如而可爲之後? 同宗則可爲

土地、爵位、人民之重也,唯封建始有廷堪案:傳所云「受重者」,所受宗廟、

妾爲君,

之,加尊之也,雖士亦然。」 傳曰:君至尊也。注:「妾謂夫爲君者,不得體

守其説矣。君者,對臣妾之稱也。「緦則士卑無臣,不得稱君,即注亦不能自廷堪案:經所謂君,指士而言也。然

乎? 麻 又 門東,北面 經 既云士有貴臣,則不得云「士無臣」,違 母」而言,尚得云士卑無 己説,不知「緦麻」章 之君也。」鄭前注以士爲卿士,蓋 違 有 日 亦得稱君。 ·貴臣、貴妾」下注云:「此謂公士 "「君,謂有地者也。」 疏乃云「士 案:上經「爲其君 ጢ ,則疏説不 地 章 從注。 不得稱君」,不 疏不破注,自是 士 有 貴 西上」,是士有臣之明證 考《特性饋 注亦知己説之難 可從 臣、貴妾,妾既 也明 但 布帶 承上文「士 與 唐人師法,然 食 經違,并 臣,士妾 記》「私 稱 繩 通 君 屨」 , 故 大夫 與 又 爲 曲 則 也 傳 雖 傳 經 賤 庶 護 於 臣

> 也。 之屬。 菲 以 皆衆臣 傳 也。 即位。近臣,君服 日 繩菲,今時不借也。」 : 君,嗣君也。 公、 注:「室老,家相也。 也。 卿、 君 , 謂 大夫室老、 斯,此也。 有 地者 斯服矣。 士,邑宰也。 近臣從君,喪服 也。 士 衆臣 貴 繩 臣,其 屨 近臣, 閻寺 过杖,不 没者,繩 無 所 餘 降

也。 臣 臣唯室老非衆臣,士之臣唯貴臣 臣,其餘皆衆臣也。」言公、卿、大夫之 屨」,傳曰:「公、卿、大夫,室老; 士,貴 云「公士、大夫之衆臣,爲其君布帶、繩 注與疏皆以士不得稱君也。今考此 云:「士無臣,雖 子、諸侯及卿、大夫有地者皆曰君。」疏 廷堪案:上傳曰「君至尊也」,注:「天 云「士、大夫」,指侯國之士與 也。 傳所云「公」,即經之公也,傳 經所云「公」,指諸 有 地,不得君稱。」是 侯 也 卿 非 大 經 夫 衆 所 所 經

帶繩屨,貴臣得伸,不奪其正。」

「士,卿士也。公、卿、大夫厭於天子、諸侯,故降其衆臣布

公士、大夫之衆臣,爲其君布帶、繩屨。

注:

卿大夫之貴臣也,傳所云「貴臣」者, 君,則不得不以經之士爲卿士,又不得 即士之貴臣,如《曲禮》所云「士不名家 「士」,即經之士也,傳所云「室老」者 卿、大夫臣多,故傳云「室老」以别之。 夫之室老」,即卿、大夫之貴 相」,即士之貴臣也。 已見之經與記也。 皆遷就注説而 大夫之君。然則疏所云「士無臣」者, 章「士貴臣貴妾」,又不得不以爲公士 不以傳之士爲邑宰。下經「緦麻三月」 相」是也。注既以士卑無臣,不得稱 **云「卿大夫」,即經之大夫也,傳所云** 士臣少,故但 「大夫降授老幣」,是此傳所云「卿、大 、授老雁」,此《曲禮》所云「士之家 |云「貴臣」而已,此外則衆 爲之也。 《士昏禮》納采,「主 《聘禮》賓問 其實士有臣, 臣也。

即 宗 牢 南 臣 初 而 司 春秋之諸侯及後世之帝王也。考《少 與傳正合,固不必改經從己也。 即『卿』字,傳寫誤也。」今依本文讀之, 夫、士有臣者皆曰 可 西 又案:《論語》:「雍也,可使南 又引李微之曰: 「如加 饋 也。 立」,此卿大夫之南 寇惠子之喪,「文子退,扶適子南面 位于廟門之外,東方南面」,《檀弓》 人朝服北 面指人君,亦兼卿、大夫、士言之,非 以無疑矣。敖氏以諸侯及公、卿、大 加、再加、皆云「出房,南 食 皮弁之儀」,賓醴冠者,「筵于户 面 以傳釋經,又以他經釋傳,學者 禮》爲祭期,「主人門東 面」, 《特性 「以傳考之,疑『士』 君,説與經傳合,而 饋食禮》夙興,主人 又「明日,主人朝服 面也。 面」,三加 《士冠禮》 面。」此 南面

之南 之稱,此與説「宗廟會同非諸 也。包咸以南面爲諸侯,朱注以南面爲人君聽治 謂孔子各許三子以諸侯 稱君而治人也。後儒 「立于門外東方, 面也。 是有 地 南 有 面 乃 召爵者, 以南 視 之位者同 側殺」, 皆得 侯 面 而 爲 — 謬 何, 帝 南 此 士 面

屨,三年者 疏 衰裳齊,牡麻經,冠布纓, 削杖,布帶,疏

之位,皆不云帝王也

父卒則爲母。注:「尊得伸也。」

繼母如母。

慈母 傳 因母同,故孝子不敢殊也。注"「因猶親也。」 如 母 繼母 何以如母? 繼 母 之配父,與

子。]命子曰:『女以爲母。』]若是,則生 者,妾子之無母者,父命妾曰:"女以 曰:慈母者何也? 傳曰:「妾之無 子

> 妾子爲母期矣。父卒,則皆得伸也。」 母慈己之服可也。 母,父命爲母子者。其使養之,不命爲母子,則亦服 貴父之命也。注:「此主謂大夫士之妾,妾子之無 養之,終其身如母 大夫之妾子,父在爲母大功,則士之 死 則 喪之三年 ·如母, 庶

則其服 其旨。 父 夫之庶子爲母」,注:「大夫之庶子,則 不敢伸其私尊也。」此言適母也,父在, 傳曰:「何以 廢,儒者不識尊尊之義,故於此經多失 合尊尊、親親而制者。 漢以後,封建既 何以知之?《喪服》經傳當封建之世 章「父卒則爲母」,兼所 曰:「大夫之庶子,則從 廷堪案: 《儀禮・喪服》篇「齊衰三年」 在 也。 案「齊衰期年」章「父在爲母」, 齊衰期年。「大功九月」章「大 其 或爲母,謂 期 他? 屈也。 (生母) 妾子 乎大夫而 而言者也。 至尊在 也。」傳 降

大功九 不得 侯之庶子不爲後者,父卒亦爲所生母 父卒也。」傳曰:「何以大功也? 之庶昆 謂尊尊之義也。又「大功九月」章「公 之私親,皆厭於至尊,不得伸其 月,傳於父在適母謂之私尊,所生母 爲其所生母也。 月」章「庶子爲父後者爲其母」,傳曰 也。 不敢服其私親也。」此言庶子爲後者, 也。父在,則其服大功九月。「緦麻三 義 餘尊之所厭,不得過大功也。」此言諸 言大夫之庶子不爲後者,爲其 何以緦也? 傳曰:與尊者爲 也。 父之所不降,子 伸,故傳 |弟爲母」,注:「公之庶昆弟,則 若爲後之庶子父卒爲母,並 月。 是父雖卒,猶爲嗣 以爲先君餘尊,亦尊尊之 父在,則其服緦麻三 亦不 敢 降 君 所 也 (私, 所 所厭 體, 先)。 此 生 君 謂 母:

生母 謂 母 伸 卒,庶子爲母大功。大夫卒,庶子爲母 漢鄭氏能 得三年乎? 非其所生,尚爲之三年,而謂所生母不 如母,貴父之命也。」夫慈母亦父妾也 則生養之,終其身如母,死則喪之三年 以爲子。1命子曰:「女以爲母。」若是, 子者,妾子之無母者,父命妾曰:『女 傳曰:「慈母者何也? 傳曰:妾之無 故孝子不敢殊也。」又云「慈母如母」, 三年」章又云「繼母如母」,傳曰:「繼 明 何以 如 其 「庶子爲父後者爲其母」注云:「君 文,何以 也 適母也:「慈母 齊衰三年 如 、母、繼母之配父、與因 窺見之,故 經文簡括,儒者罕通其意,唯 知其兼言之也? 蓋經所云「繼母如母」者 也。 或謂 如母」者,謂如 其於「緦麻三月」 經傳 無所 案「齊衰 母同 生 所 □:

也。 卒,則皆得伸也。」蓋父在則有諸侯、大 深,原不易曉,而後世反道亂常之論 夫、士之差,父卒則皆得 在爲母大功,則士之妾子爲母期矣,父 夫人」、《左氏》以爲哀姜、《公羊》以爲 啓之,尤不可以不講。 考《春秋》隱公 顯悖天經地義,又皆陋儒説《春秋》者 夜,良由尊尊之義不明故 無覩,遂使聖經賢傳,千年來幾 於「慈母如母」注云:「大夫之妾子,父 僖公八年經「秋七月,禘于 之母,此夫人,三傳皆不知爲何人,又 公之妻,《左氏》無傳,杜預則以爲桓 《公羊》以爲隱公之母,《穀梁》以爲 |年經「十有二月乙卯,夫人子氏薨」, 鄭氏此注,直可補 士雖 在 ,庶子爲 母,皆如衆 經。 伸 也。 ,太廟 後人 齊 禮意 衰三年 川田致 熟 淪 人。」 隱 精 視 公

異,又昭公十有一年,「五月甲 《左》、《穀》經皆作「定姒」、《公羊》經則 氏」。又「八月辛亥,葬我小君定姒」, 《穀》經皆作「姒氏」,《公羊》經則作「弋 夫人,傳者姓與謚皆互異,又襄公四 《公羊》、《穀梁》二傳經皆作「頃熊」,此 薨」、《左傳》經作嬴氏、《公羊》、《穀梁》 歸」,何休注《公羊》,以爲襄公嫡夫人。 作「定弋」,此夫人,傳者姓、氏則互 年,「秋七月戊子,夫人姒氏薨」、《左》、 又宣公八年,「夏六月戊子,夫人嬴氏 成風,此夫人,三傳亦皆不 齊媵,范甯注《穀梁》引 後儒據《左氏》,則以爲敬歸之娣。此 葬我小君敬嬴」、《左傳》經作「敬嬴」, 人歸氏薨」,「九月己亥,葬我小君 二傳經皆作「能氏」。又「冬十月己丑, 劉 向 知爲 説則以 中,夫 何人。 齊 爲

薨」,説者皆以爲僖公之母、莊公之妾, 是邪? 梁》作「毛伯」,楊士勛據徐邈本當作「召伯」。《公 且 伯來會葬。」《左傳》:「王使榮叔來含, 賵。三月辛亥,葬我小君成風,王使召 又書:「春王正月,王使榮叔歸含,且 請得而 何人,姓 夫人,説者 劉原父《春秋權衡》。 者,正《公羊》「母以子貴」之義也。 僖公、成風之襚。」繋成風於僖公之下 羊》、《穀梁》皆以含與賵兼之爲非,餘 公四年,「冬十有一月壬寅,夫人風 無異詞。 左氏》、《公羊》之説,以爲禮也。 鄭君 **賵,召昭公來會葬,禮也。」「召伯」、《穀** 論焉。 非邪? 謚 九年經又書:「冬,秦人來歸 嫡 嫡 庶 庶 經書夫人風氏薨,五年 則 且 吾烏從而辨之。 許君《五經異義》從 互異。 互異,傳者、説 人尚 不 唯文 者之 知 説見 氏 爲

《禮經》合也。《論語》曰「子生三年,然 子皆謂之母。孔子作《春秋》,於其薨 引《春秋》之義以證之,蓋三傳本無 妾爲妻者,又何嘗戒庶子爲 桓公命諸侯之辭也,試思戒諸 生母乎?《孟子》曰「無以妾爲妻」,齊 也,試思母者耑言嫡母乎? 後免於父母之懷」,夫子告宰我之辭 大書之曰「葬我小君某」,是《春秋》與 也,大書曰「夫人某氏薨」,於其葬也 此論不知出何經傳。 周公制禮,凡妾 又以爲禮,胡安國乃云:「以妾母爲夫 異同也。《春秋》經文既無譏辭,傳者 駮之,雖兼用《穀梁》,而 妾爲母乎? 人,徒欲崇貴其所生,而不虞賤其父。」 春秋》,豈《論語》、《孟子》亦不能 胡安國 即不能 其《服 知《禮》 諸 抑兼言所 問》注 侯無 侯 無 知 與 以 以 甚 亦

者,孝公之妾,惠公之母。 者,包於父卒爲母之中也。」惠氏之言 首言父卒則爲母,下即及繼母慈母,因 惠氏士奇《春秋説》「僖公、成風之襚」, 《儀禮商》「父卒爲母三年」,又讀 者,遂不敢自信。後讀鄞邑萬氏 鄭康成氏、●劉原父二君而外,罕有 秋》,竊謂得聖人 廷堪又案: 爲此 並同鄙見。萬氏之言曰:「齊衰三年, 公之妾,僖公之母。母以子貴,而妾不 曰:「《春秋》者,正名之書也。 知妾子之爲其母,當與此 八微旨。 義 通《禮 而稽之儒 同。 成風者,莊 經》於《春 經不言 仲子 斯 元 説 和 大 同

真有霄壤之别矣。

『太皇太后名位允正,體同皇極,理制尚書車允、孔安國、祠部郎徐廣議:所服。尚書左僕射何澄、右僕射王雅、所服。尚書左僕射何澄、右僕射王雅、天家:《春秋》成風之義,《公羊》、《左又案:《春秋》成風之義,《公羊》、《左

❶ 「成」,原脱,今據吕校、《清經解》本補。

爲

哀

所

以

服

服

帝

貴,既 所云不依 宜遂 所生,體 典》又載徐野人之議,未録。 人之號,昭 心。」詔 帝由 章皇太妃薨,即琅邪太妃周氏 祖《孝慈 重。 人後者,爲其父母報之服也,故江 服 文 , 情 上 又《晉書 母」鄭注證 稱 耳 無 琅 嚴 欲 江 尊義 夫 理 ·, 後 祖 降 邪王人後大宗,欲降期者,亦 屈,而緣 **虨啓:**「先王 正 人,禮 録》 彌 公服三年之喪。 考。一於是 春。 禮 儒 中、《陽 重 者,蓋 禮志 激 成《春秋》之義,以 説 服 **虨又啓** 耐 禮 情 且 從政。故成 * 一禮,祖一 爲矯枉 謂《儀 立制。二韶 不精,不能 秋》之義,母 制 孔氏《服問》正義 緦 制 興寧元 「厭 禮,應 麻三月。」蓋 禮 不厭孫,固 子於父之 太過之制 也。 屈 可。」《通 風 年,哀 引了慈 喪 私 在 帝 致 顯 以 服 緦 明 欲 夫 是

備

盡

也。

太

母

如

無

Œ.

其臣 之制 爲 不 期,正合禮意。 注,「妾子爲母,父卒得伸」,則 明文。爲人後者,爲其父母期,若依 服》,若庶子爲後者、爲其母 胡 江虨之言,乃云:「曾謂『周 致明世宗明倫 母齊衰三年,兼所 侯,總縗弁而 「厭屈私情,上嚴祖考」也。 云「父在厭於君,不得伸私親」,不 困學紀聞》説《春秋》「用 何 亟 三省注《通鑑》,引《周 此 無 禮 也 加 議 一江虨乎?」竟 一, 非 講 可 以 明,誤人家 謂 庶子 此二事 加 昧極。 大典,激而 惜江 経」以證之,而 父在 生母言之,鄭注 觀之,則 宋人 爲 國乎? 不 禮 所 知 表 知 致 爲 生 服 父 卒 日 而妄議, 表 禮 江 夫 經 矯 母 不引《 「王爲諸 緦,則當 人 王伯 枉 哀 如 虨 在 紨 議 帝 則 當 浚 所 魯」, 豈 過 本 也。 議 引 隆 鄭 爲 喪 厚 正 以 云 口 有

,所言尚謬悠若 此 其 他又何足辨

也。 王 氏

縓緣。 衣縓緣,爲其妻,縓冠,葛絰,帶,麻衣 又案:《記》「公子爲其母,練冠,麻,麻 皆既 **葬除** 之」,傳曰:「何 以 不

敢服也。君之所爲服,子亦不敢不 在五服之中也? 君之所不服,子亦 服 不

也。」此謂庶子之不爲後者

也。

封 建

母,制本如此,亦無煩貿儒之紛紛,然 廢,其禮本不能行,後世妾子貴則貴其

蓋 經義不可不加講求,故爲正之如此。 適庶及宗法,皆因 [封建 而 有 ,貿儒不

於嫡庶宗法,逞臆妄談,喋喋不休,禮 知封建久廢,又不知先王尊尊之義,每

意遂 易》與《春秋》,而畏言《禮》。 由 此 日 晦。 且貿儒於經,多喜言 於《禮》,

多喜言《喪服》之經傳,而畏言威

儀器

數。 末無稽之談,於《春秋》、《喪服》之精 易於逞臆也。 蓋畏、 (實事 其實褎然成帙者,●皆膚 求 是之難, 而喜空言之

母爲長子。

意,何嘗夢見乎!

不敢降也。 傳曰:何以三年也? 注:「不敢降者,不敢以己尊降祖禰之 父之所不降,母亦

正體。」

也。 子齊衰三年,封建之制,以適長爲重 廷堪案:父爲長子斬衰三年。 因其將爲後也,故異其服,皆尊尊之義 母爲長

父在爲母。 屨,期者,

疏衰裳齊,牡麻絰,冠布纓,削杖,布帶,疏

0 衰」,原漫漶不清,今據《清經解》本補。

伸其私尊也。父必三年然後娶,達子之傳曰:何以期也? 屈也。至尊在,不敢

志

也

尊也。 之文,故説者以爲承趙岐之誤。 母 引陳氏 其母死,其傅爲請數月之喪。」《集注》 皆厭於至尊故也。《孟子》:「王子有 冠,麻,麻衣縓緣」,不在 爲後者則《記》所云「公子爲其母,練 廷堪案:父在爲母 而 不敢終喪。」經、傳皆無厭 若庶子爲後者爲母 曰:「王子所生之母死,厭於嫡 齊衰期,厭 五 服之中矣。 緦,庶子不 於嫡 於父 母 至

不杖麻屨者,注:「此亦齊衰,言其異於上。」

大夫之適子爲妻。

杖。注:「大夫不以尊降適婦者,重適也。凡不降者,敢降也。 何以不 杖也? 父在,則爲妻不傳曰:何以期也? 父之所不降,子亦不

嫁者以出降。」 夫之子以厭降,公之昆弟以旁尊降,爲人後者、女子子夫之子以厭降,公之昆弟以旁尊降,爲人後者、女子子謂如其親服服之,降有四品:君、大夫以尊降,公子、大謂如其親服服之,降有四品:君、大夫以尊降,公子、大

由 廷 不休,徒聒人耳,終無是處也 經、傳,疑經、傳,從鄭注,違鄭注,枝蔓 無 不明尊尊之義而言古之喪服,如 此求之,尊尊之義 堪 相,坐雲霧之中而辨 案: 注言 降 有 四 ,思過半矣。 品, 四方, 其義 無 極 論 で瞽者 竊謂 精 信

必執其右手。適子、庶子已食而見,必循其首。」」爲大功,天子、國君不服之。《内則》曰:「冢子未食而見,如之。士謂之衆子,未能遠别也,大夫則謂之庶子,降之爲衆子。注:「衆子者,長子之弟及妾子,女子在室亦

二八九

二九〇

大夫之庶子爲適昆弟。注:「兩言之者,適子或爲

兄,或爲弟。」

子爲庶昆弟,庶昆弟相爲,亦如大夫爲之。」 敢降也。注:「大夫雖尊,不敢降其適,重之也。適傳曰:何以期也? 父之所不降,子亦不

適孫。

父於將爲後者,非長子,皆期也。」皆爲庶孫耳,孫婦亦如之。適婦在,亦爲庶孫之婦。凡適子死則立適孫,是適孫將上爲祖後者也。長子在,則適子者無適孫,孫婦亦如之。注:「周之道,傳曰:何以期也? 不敢降其適也。有

爲人後者爲其父母,報。

宗 ? 貢斬 爲人後者孰後? 後大宗也。 傳 知父。野人曰:「父母何算焉?」都邑之 也? 大宗者,尊之統也。 何以期也? 不貳 持重於大宗者,降其小宗也。 斬也。 禽獸 曷爲後大 知 何以 母 而

> 矣。 之以姓而弗别,缀之以食而弗殊,雖百世婚姻不通 自,由也。及始祖之所由出,謂祭天也。 得後大宗。注:「都邑之士則知尊禰,近政化 以絶。故族人以支子後大宗也。適子不 者,尊之統也。大宗者,收族者也,不可 猶近也。 大祖,始封之君。 自出,尊者尊統上,卑者尊統下。 士,則知尊禰矣。 諸侯及其大祖,天子及其 收族者,謂 始租者、感神靈而生、若稷、契 別親 大夫及學士,則知 疏,序昭穆。 《大傳》曰:「繫 上猶遠也,下 始祖 大宗 之所 尊 也 祖

周道然也。J」

爲祖之後,即弟亦可以爲兄之後,兄亦持,非唯諸子可以爲諸父之後,孫可以子、諸侯者,非無形之物也。有重可子、諸侯者,非無形之物也。有重可於,則曰受,於後則曰持。皆受於天廷堪案:傳所云「持重」者,即所受於

在 建 遂誤以持重爲持服矣。 蓋 爲 可 因上傳云「受重者必以尊服服之」, 長 財帛 既 以 子 廢,無重 爲弟之後,經、傳班班 而已。 之後者,竟不知持重 可傳,不 陋儒 仿 (古,乃有以少子 ·過蚩蚩之氓,志 可考也。 爲何事。 封

爲士,其世爲士者,大宗也。《春秋》桓 其世爲大夫者,大宗也。 世爲卿者,大宗也。 諸侯者,大宗也。 之大宗。 天子以别子爲諸侯,其世爲 又案:有宗廟、土地、爵位、人民,方謂 别子爲諸侯,故云建 也,又「卿 夫,故云置 二年《左傳》曰「天子建國」,言天子以 言諸 置 侯 側室 側 以 |也,又「大夫有貳宗」, 别 室」,言卿以别子爲大 諸侯以别子爲卿,其 子 卿以别子爲大夫, 國也:又「諸侯 爲卿,故云立 大夫以别子 家 立

又「士有隸子弟」,士之别子,無重可言大夫以别子爲士,故云有貳宗也,

傳,故云隸子弟也。

代,蓋不敢以天子建國自居,但 注:「側室,衆子也,得立此一官。」《襄 君。始祖,感神靈 以爲側室「言非正嫡所生」,殆不然矣。 側室而已,此謙辭也。小顔注《漢書》, 子之官。」《漢書》文帝賜南越王書曰: 又案:《左傳》桓二年「卿置 及始祖之所自出,●謂祭天也。』《喪服 始祖之所自出」,注:「太祖,始封之 又案: 傳云「諸侯及其太祖,天子及其 十四年》「卿置側室」,杜注:「側室,支 ·朕,高皇帝側室之子也。」帝先 而生,若稷、契也。 側室」,杜 一如卿置 封於

0

[「]自」、《儀禮注疏》作「由」。

於下。 《大傳》:「禮,不王不禘。 其繼 也。 宗,繼禰者爲小宗。 宗。《喪服小記》:「别子爲祖,繼別 族人以支子後大宗也。 尊統上,卑者尊統下。大宗者,尊之統 天,即蒼帝靈威仰也。 謂祭天,蓋 天子及其始祖之所自出之文也。 及其高祖。」此皆釋傳諸侯及其太祖、 祖。大夫、士有大事,省於其 之所自出,以其祖 小 也。」又云:「庶子不祭禰者,明其宗 配之,而立 大宗者,收族者也,不可以絶。 高祖者也。 尊祖 王 周 者 故敬宗,敬宗所以尊 四 以 福 廟。 后稷 是故祖遷於上,宗易 其 配之。 有五世而遷之宗 祖 庶子王亦如 一之所 爲始祖,所 傳又云:「尊者 適子不得後大 諸 王者禘 自 侯及其 君,干祫 出 注所 其 祖 自 之。 以 故 出 太 祖 其

《記》而不讀 宗而 宗小宗,如治亂絲而無綱也 也」,亦據《禮 弗殊,雖百世而 傳》曰「繫之以姓而弗别,綴之以 此皆釋傳大宗、小宗之文也。 宗其士大夫之適者,公子之宗道也。」 宗道。公子之公,爲其士大夫之庶者, 尊祖故敬宗,敬宗,尊祖之義也。有小 者也。宗其繼高祖者,五世則遷者也。 宗其繼别子之所自所出者,百世不遷 遷之宗。 爲小宗。有百世不遷之宗,有五世則 無宗亦莫之宗者,公子是也。公子有 又云:「别子爲祖,繼别爲宗,繼禰者 也 「。」《大傳》: 無大宗者,有大宗而無小宗者,有 百 經,故於禘其所自出,及大 世不遷者,别子之後也。 記 庶 昏姻不 子不 以 解 祭 經 通者,周道 也。 明 其 宗 注引《大 後 食而 儒 也。 讀 然

天也。婦人不貳斬者,猶曰不貳天也,婦傳曰:爲父何以期也? 婦人有三從之義,婦人不貳斬者何也? 婦人有三從之義,好子子適人者爲其父母、昆弟之爲父後者。

有四。丈夫婦人之爲小宗,各如其親之服,避大宗。」類也。曰小宗者,言是乃小宗也,小宗明非一也,小宗者,父雖卒,猶自歸宗,其爲父後持重者,不自絶於其族以亦期也? 婦人雖在外,必有歸宗,曰以亦期也? 婦人雖在外,必有歸宗,曰

傳者也。繼高祖者,五世則遷,爲小宗考繼别子者,百世不遷,爲大宗有重可之宗。不足,則資之宗。」亦小宗之制。「世父母,叔父母」,傳曰:「有餘,則歸廷堪案:此傳言小宗也。「不杖期」章

行之。後儒欲於士庶人家行此,多見然。封建廢,則不能行,今唯世襲尚可無重可傳者也。諸侯、卿、大夫、士皆

爲夫之君。

其蔽也。

傳曰: 何以期也,從服也。

六,「六曰從服」是也。有尊尊之從服,廷堪案:從服者,《大傳》所謂服術有

期也? 爲其無祭主故也。注:「無主後者,人傳曰:無主者,謂其無祭主者也。何以姑、姊妹、女子子適人無主者,姑、姊妹報。

爲君之父、母、妻、長子,祖父母。之所哀憐,不忍降之。」

子,君服斬。妻,則小君也。父卒,然後傳曰:何以期也? 從服也。父、母、長

爲祖後者服

斬。

注:「此爲君矣,而有父若祖之喪

二九三

有親親之從服,今但録尊尊從服

九四

曾祖。」 立。 者 父卒者,父爲君之孫,宜嗣位而早卒,今君受國於 始 封之君 也。 若是 繼 體 則 其父若祖 有 廢 疾 不

者」,傳曰:「何以三年也? 受重者 廷堪案:後世承重孫 爲三年之服,謂之承重也。 以尊服服之。」故適子卒,適孫 耳。考《喪服》「斬衰三年」章「爲 榦取之以補經。 年,其服不見《禮經》。 之諸儒之説。 議」,有晉劉智釋疑問答,及束皙、庾 爲祖持重議」,有晉庾純及劉智、劉寶、 建之世有之,《通典》言之甚詳,如「孫 曰:「父卒,然後爲祖後者服斬。」 「爲君之父母、妻、長子、祖父母」,傳 王敞、吴商諸儒辨難。 「嫡孫亡無後,次孫爲祖 其實則爲人後者 「孫爲庶祖持重 爲祖服 唯「不杖期」章 然此 斬 爲 黄氏 衰 唯 祖 人 之服 蔚 必 後 封 =後

> 矣。 讀 後者言之。知禮者稀,即 之文,以《通典》考之,亦指世襲之家 精審若此。 猶在,應襲者往往争之,故諸 諸儒之説。 説。「爲高曾祖母及祖 邈問 持 持 行此,且使諸父在其下,則 雖同宗之支子皆可承也。 有晉劉智問答,及成粲、賀循 也。 重 重 在 答,及宋何承 議」,有晉萬蔣、范宣問答。「 陋儒 |喪而 有重可承,非特孫可 蓋當時雖不 據《家禮》,每 亡,次孫代之義」,有 天、庾蔚之諸 母 世官,而 於 律文亦 持重服 今律有承 全非禮 士 儒説 庶 宋 承 不易 人 爵 後 議 儒 晉 嫡 祖 禮 土 魏 孫

妾爲女君。

事舅姑等。注:「女君,君適妻也。女君於妾無服,傳曰:何以期也? 妾之事女君,與婦之

報之則重,降之則嫌。」

公妾、大夫之妾爲其子。

同也。」
专君與君一體,唯爲長子三年,其餘以尊降之,與妾子得遂也。注:「此言二妾不得從於女君尊降其子也。傳曰:何以期也? 妾不得體君,爲其子

於此中,舍此,皆離經畔道,無稽之言《公羊春秋傳》之言也。適庶之精義盡子夏《喪服》傳之言也。「母以子貴」,廷堪案:「妾不得體君,爲其子得遂」,

矣。

六命夫,六命婦。」
六命夫,六命婦。」
六命夫,六命婦。
立子,姑、姊妹、女子子無主者,爲大夫命婦之子,姑、姊妹、女子子無主者,爲大夫命婦之子,好之子爲世父母、叔父母、子、昆弟、昆弟大夫之子爲世父母、

傳曰: 大夫者,其男子之爲大夫者也。

市婦者,其婦人之爲大夫妻者也。無主命婦者,其婦人之爲大夫妻者也。何以言唯子不者,命婦之無祭主,謂姑姊妹女子子也。其不解也。 方其餘皆報也。 何以期也?不解也。 言其餘皆報也。 何以期也?不降命婦也? 夫尊於朝,妻貴於室矣。不降命婦也? 夫尊於朝,妻貴於室矣。不降命婦也。 言其餘皆報也。 何以期也?不称也。 言其餘皆報也。 何以期也?如她。夫尊於朝,與己同,婦貴於室,從夫妻者也。無主治婦者,其婦人之爲大夫妻者也。無主命婦者,其婦人之爲大夫妻者也。無主命婦者,其婦人之爲大夫妻者也。無主命婦者,其婦人之爲大夫妻者也。無主

大夫爲祖父母、適孫爲士者。

適也。注:「不敢降其祖與適,則可降其旁親也。」傳曰:何以期也? 大夫不敢降其祖與

公妾、以及士妾、爲其父母。

父母遂也。注:「然則女君有以尊降其父母者與?傳曰:何以期也? 妾不得體君,得爲其

二九五

禮經釋例

二九六

嫌不自服其父母,故以明之。」加於父母,此傳似誤矣。禮,妾從女君而服其黨服,是加於父母,此傳似誤矣。禮,妾從女君而服其黨服,是言子尊不

疏衰裳齊、牡麻経,無受者。

寄公爲所寓。注:「寓亦寄也,爲所寄之國君服。」

至葬,又反服之,❶既葬而除之。」注:「諸侯五月而葬,而服齊衰三月者,三月而藏其服,以爲所寓服齊衰三月也? 言與民同也。傳曰:寄公者何也? 失地之君也。何

所謂大宗也。」 女子子在室及嫁歸宗者也。宗子,繼别之後,百世不遷,丈夫、婦人爲宗子、宗子之母、妻。注:「婦人,

> 得 孟 安得爲大宗乎! 爲其家之祖,其世世嫡長,是謂大宗 子慶父、叔牙、季友等爲别子,後皆各 家者也。 **鉏奉羯,而孺子秩奔邾,則** 長爲後,至襄二十三年,孟莊子卒,公 也。若適長不爲後,則虚有其名而已, 空言。不知封建之制非空言,乃實 説大宗,雖爲明析,而世世嫡長,尚屬 也,故曰「敬宗者,尊祖之義也」。」張氏 即是别子,如魯桓公大子同既 叔 别子爲祖、繼别爲大宗」,别子爲始有 爲 孫氏以别子慶父共仲爲祖,世以 孫氏以别子牙僖叔 孟 孫 國君大子,嗣爲國君,其次子 氏大宗,而大宗 以《左氏傳》考之,如 為祖 在 ,世以適長 秩雖長,不 孝 爲君,次 ,伯矣。 滴

❶ 「反」、《儀禮注疏》作「更」。

廷堪案:

濟陽張氏曰:

「《喪服小記》云

爲公鉏氏,不得爲季孫氏大宗,而大宗 後, 至襄二十三年,季武子無適子,公 氏 叔孫氏大宗,而大宗在穆子矣。季 豹於齊而立之,則僑如雖適長,不得 爲後,至成十六年,僑如出奔,召 據空言,吾未見其可也。 事皆合矣。説經不於實事求是,而 彌長,愛悼子,欲立之,則公彌雖長,別 建久廢,而好言宗法,據理憑空,立 在悼子,公鉏氏乃小宗也。 張氏若云 「其世世爲後者,是謂大宗」,則證之實 以 别子友成季爲祖,世以適 近儒不 長 知封 叔 但 爲 孫 爲 孫

爲舊君、君之母、妻。

宗子,往往如此。

君之母、妻,則小君也。注"「仕焉而已者,謂老也。何以服齊衰三月也? 言與民同也。傳曰:爲舊君者,孰謂也? 仕焉而已者

若有廢疾而致仕者也。爲小君服者,恩深於民。」

官

者。天子畿内之民,服天子亦如之。」 庶人爲國君。注:「不言民而言庶人,庶人或有在

待放已去者。」 大夫在外,其妻、長子、爲舊國君。 注:「在外

可以無服。」
可以無服。」
司:「大夫越境逆女,非禮。」君臣有合離之義,長子去,古者大夫不外娶,婦人歸宗,往來猶民也。《春秋傳》古者大夫不外娶,婦人歸宗,往來猶民也。《春秋傳》古者大夫不外娶,婦人歸宗, 妻,言與民傳曰:何以服齊衰三月也? 妻,言與民

大夫爲宗子。

傳曰: 何以服齊衰三月也? 大夫不敢

降其宗也。

士,此宗子爲士者也。若士之庶子有爲介子某,薦其常事。」]考士之子恒爲『以上牲祭於宗子之家,祝曰孝子某,爲大夫,其祭也如之何?』孔子曰:廷堪案:「曾子問曰:『宗子爲士,庶子

九八

孫有 子之家,至卒後 子之服。 卿、大夫之庶子可起而爲諸侯,則士之 所謂自尊别於卑者,此也。 子」者,謂不 者,世世以 也。「世世祖是人」者,謂子孫爲諸 也,「公子」者,卿、大夫也。公子之子 君者,則世世祖是人也,不祖公子,此 者」,傳曰:「若公子之子孫有 功」章「君爲姑、姊妹、女子子嫁於國 是人爲祖,不祖士之宗子。 自尊别於卑者也。」蓋「國君」者,諸 庶子亦可起而 宗子爲士,庶子爲大夫」,即此義 大夫者 封爲國君,是由卿、大夫爲 「,當其· 此宗子指士而言。 始封諸侯爲祖。「不祖公 以其先之卿、大夫爲祖 爲 在 ,則其子孫 大夫,故有 時, 則以上牲祭於宗 《喪服》「大 别 《曾子問》 若宗子是 大夫爲宗 立 封 廟,以 諸侯 爲 也 侯 國 君

林 乎 或 諸 德,奪代伯邑考之宗嫡也。《隋書 祀也。」在諸 士,庶子封爲諸侯,則庶子奪宗嫡主祭 案漢梅福云:「諸 廟已序,而文 天子乎? 自皇祚 刁協云:『諸侯奪宗,聖庶奪嫡,而 支子不應祭豫章、京兆二府君。 曰:「晉元帝建武初,孫文上事 至有不信子夏傳者。《通典·奪宗議》 明尊尊之義,往往於此多以臆妄説,乃 服,不必别云 大夫,則其尊 ,雖不同古諸侯,比大夫可也。 侯絶傍朞 傳》:「吏部尚書牛宏建 所言聖庶者,謂 '', 大 侯 同,但 大 攻乎 尚 夫 夫爲宗子也。 降 以 有 異端,宜 侯奪宗,此謂父爲 爲宗子齊衰三月之 來,五 一 等。 奪 如武 義,豈况 王庶子 議,以 十餘 加 今之上柱 議罪。」 近儒 了, 宣 年, 官在 僕 天子 爲 ・儒 有 况 禮 聖 射 帝 不

然。 第二品,宜降傍親一等。議者多以爲 劉炫駮之曰:『古之仕者,宗子一

人而已,庶子不得進。

由是先王重適,

遠,猶服縗三月,良由受其恩也。 今之 何降之有。』」自漢至唐,諸儒之議禮。 仕者,位以才升,不限適庶,與古既異, 其宗子有分禄之義。族人與宗子雖疏

精詳如此,非後世所可及也

舊君,注:「大夫待放未去者。」

也 ? 三諫不從,待放於郊。 其以道去君而猶 月也。言與民同也,何大夫之謂乎? 傳曰:大夫爲舊君,何以 大夫去,君埽其宗廟,故 未絕者,言爵禄尚有列於朝,出 未絶也。 注:「以道去君,謂 服 齊 服 衰三月 齊衰三 言

曾祖父母爲士者,如衆人。

人有韶於國,妻子自若民也。」

傳 日 何以齊 衰三月也? 大夫不 敢 降

其祖也。

女子子嫁者、未嫁者爲曾祖父母。

其成 傳曰:嫁者,其嫁於大夫者也。 人而未嫁者也。 何以服齊衰三月? 未嫁者,

降也。 不敢降其祖也。注:「言嫁於大夫者,明雖尊猶不 成人,謂年二十已笄醴者也。此者不降,明有所

降。」

大功布衰裳,牡麻絰,無受者。

適孫之長殤、中殤,

大夫之庶子爲適昆弟之長殤、中殤,

公爲適子之長殤、中殤,

大夫爲適子之長殤、中殤,注:「公,君也。諸侯、

其長殤皆九月,纓絰。 其中殤七月,不纓 大夫不降適殤者,重適也。天子亦如之。」

絰。

廷堪案: 殤大功九月、七月、《喪服》經

凡七條,爲封建之制者四條。 其大夫

二九九

絰不樛垂,蓋未成人也。年十九至十縟。喪未成人者,其文不縟。故殤之也。何以無受也? 喪成人者,其文及,傳曰"「何以大功也? 未成人又案"上經云「子女子子之長殤、中

八歲爲下殤,不滿八歲以下皆爲無服六爲長殤,十五至十二爲中殤,十一至

之殤。

無服之殤,以日易月。以日

易

服亦古禮之不行於今者,兹但取有關名之,死則哭之,未名則不哭也。」考殤月之殤,殤而無服。故子生三月,則父

於封建者録之,其餘則不及也。

又案:《大傳》服術有六,「五曰長幼」,

鄭注:「成人及殤也。」

小功衰,即葛,九月者,

大功布衰裳,牡麻絰,纓布帶,三月,受以

爲人後者爲其昆弟。

傳曰:何以大功也? 爲人後者降其昆見人後者爲其長矣

弟也。

庶孫。注:「男女皆是下殤。《小功》章曰:「爲姪庶孫

丈夫婦人同。J」

適婦。注:「適婦,適子之妻。」

傳曰: 何以大功也? 不降其適也。

「婦言適者,從夫名。」

女子子適人者爲衆昆弟。注"「父在則同,父没乃

爲父後者服期也。」

爲士者,注:「子,謂庶子。」大夫爲世父母、叔父母、子、昆弟、昆弟之子

則 傳 得 曰: 服 何 其 以大功 親 服。 也? 注:「尊同,謂亦爲大夫者。 尊不同也。 尊 同, 親

服,期。」

其親服. 與未 父母 爲傳 之未爲大夫者之喪服 廷堪案:"《雜記》:「大夫爲其父母兄弟 涉 其父母弗能 子爲大夫,則爲其父母服大夫服,其位 大夫之適子,服大夫之服。 封 傳之注有「尊同 爲之置後。」此皆釋傳文「尊同 於此者 建既廢,古禮容有不能 兄弟之爲大夫者之喪 文 爲 可 乃 」,亦封建尊尊之義。陋儒 大夫者齒。 士之子爲大夫, 以 後 ,皆毅然删之,可謂妄極。 謂是莽、歆 主也,使其子主之,無子則 世 小 則 儒 不相降」之語,遂 陋 所增 如士服。 腹。 行於後世 竄。 服 遂 大夫之庶 如 以 士爲其 則 凡 疑 土 得 經 因 經。 服 蓋 傳 以 下 服 則

> 乎 ? 之母拜其 若《儀禮》,自西漢 説》,陋者 人乃至於此 心 制,後世所未有者,豈亦莽、歆 三年,母爲長子齊衰三年,皆封 父拜其子,及此《喪服》父爲 至於此。若如 及之者。爲此論者,自非 官》晚出 僞撰,此説 石梁王氏之妄,陳 者爲斷。 不自咎胸腹之陋 一, 故 因 子、特性 經以 嗟乎! 以己所不解者爲莽、歆所 宋 , 所言, 則《士冠禮 來 人 立學以來,從無有疑 未有之災異 或 澔 饋 疑 宋儒之流弊,其誤 無 食禮 。, 而 ∴識,既 爲莽、歆 喪心病狂,不 輒 長 嗣 以 采人《 也。 子 所 子 理 僞 取 建 之 僞 斬 暮 《周 撰。 集 在 撰 之 衰 之 脯

或爲母,謂妾子也。」注:「公之庶昆弟,則父卒也。 大夫之庶子,則父在也。 其公之 庶 昆 弟、大 夫 之 庶 子 爲 母、妻、昆 弟。

也。是以上而同之。父所不降,謂適也。」
也。是以上而同之。父方不降,謂於父卒如國人也。昆弟,庶夫而降也。父之所不降,子亦不敢降也。夫而降也。父之所不降,子亦不敢降也。夫而降也。父之所不降,子亦不敢降也。

此傳不難解也。 苟知尊尊之義,則爲所厭,不得伸也。 苟知尊尊之義,則為子尚爲諸侯,是先君之餘尊猶在,故。 竊謂: 公之庶昆弟其父雖卒,而悉。 竊謂: 公之庶昆弟其父雖卒,而廷堪案:「餘尊所厭」,鄭君無注。 敖

謂「傳下」者,「傳曰」之下也。蓋舊讀之等,以『昆弟』二字抽之在傳下。」所之。」疏云:「『舊讀』,謂鄭君以前馬融厭降之義,宜蒙此傳也。是以上而同又案:注云:「舊讀『昆弟』在下,其於

互相爲服,尊同則不相降。其爲士者,降在小功,適子爲皆爲其從父昆弟之爲大夫者。注:「皆者,言其之首者,則讀之不可通矣。

長子亦三年,自爲其子期,異於女君也。士之妾,爲君之也?妾爲君之黨服,得與女君同。」指爲此也。妾爲君之大夫之妾爲君之庶子。注:「下傳曰:「何以大功女子子也。不言女子子者,因出,見恩疏。」

之,亦如之。

嫁者、未嫁者、言大夫之妾爲此三人之服也。」姑、姊妹。注:「舊讀合大夫之妾爲君之庶子、女子子女子子嫁者、未嫁者、爲世父母、叔父母、

衆子亦期。」

君之黨服,得與女君同。下言爲世父母、成人而未嫁者也。何以大功也? 妾爲傳曰:嫁者,其嫁於大夫者也。未嫁者,

有出道,降旁親及將出者,明當及時也。」

者,其成人而未嫁者也。何以服齊衰結,鄭君必欲破之,不知何故。且女子協,鄭君必欲破之,不知何故。且女子其説可也。」此兩節注,與舊讀互異,學其,不知他。」此兩節注,與舊讀互異,學其未深思也。考《喪服》「子嫁」注云:「凡女行於大夫以上曰嫁,行於士庶人曰適人。」此經例也。上經「《齊衰三月曰適人。」此經例也。上經「《齊衰三月曰適人。」此經例也。上經「《齊衰三月日適人。」此經例也。上經「《齊衰三月日過人。」此經例也。上經「《齊衰三月日過人。」此經例也。上經「《齊衰三月日過人。」此經例也。上經「《齊衰三月日過人。」此經例也。上經「《齊衰三月日過人。」此經例也。上經「《齊衰三月日過人。」此經例也。上經「《齊衰三月日》,與君必以及,與君必以及,以及,與君必以及,以及,與君必以及,以及,不知何故。且女子

舊讀異,其義甚精。世有好學深思者,舊尊尊之義。故鄭君此注亦引《齊者,蓋尊尊之義。故鄭君此注亦引《齊衰三月章》以證之,其義甚明。後儒昧於此義,故有逆降旁親之疑。蓋尊尊於此義,故有逆降旁親之疑。蓋尊尊詳傳意,未嫁者,謂許於大夫而未嫁三月,不敢降其祖也?」與此傳正同。

異,非與傳異也。 『得與女君同」下。」即接傳「文下言爲 世父母、叔父母、姑、姊妹謂妾自服其 世父母、叔父母、姑、姊妹謂妾自服其 世父母、叔父母、姑、姊妹謂妾自服其

姊妹、女子子嫁於大夫者,大夫、大夫之妻、大夫之子、公之昆弟爲姑、

君爲姑、姊妹、女子子嫁於國君者。

當自知之。

得禰 祖 得 傳 之,乃毁其廟爾。因國君以尊降其親,故終説此義云。」 得祀别子也。 祖是人,不得祖公子者,後世爲君者,祖此受封之君,不 不得立其廟而祭之也。卿、大夫以下祭其祖禰,則世世 不服,子亦不敢服也。 君之所爲服,子亦不 之君不臣諸父昆弟,封君之子不臣諸父 祖公子。 子孫有封爲國君者,則世世祖是人也,不 而臣昆弟,封君之孫盡臣諸父昆弟。 故 服 諸侯。此自卑别於尊者也。若公子之 曰 先君。公子之子稱公孫,公孫不得 其 何 親 此自尊别於卑者也。 以 服 公子若在高祖以下,則如其親服,後世遷 大 功 諸侯之子稱公子,公子 也 ? 敢不服 注:「不得禰、不得祖 尊 同 也 也, 君之所 是故始 尊 同 木 封 則

柴於上帝,祈於社,設奠於牧室。 以士,祭以大夫。 及士、庶人。父爲大夫,子爲士,葬以 以天子之禮。斯禮 文、武之德,追王大王、王季,上祀先公 亶父、王季曆、文王昌,不以 天下諸侯,執豆籩,逡奔走,追王大王 祭 撰,於《中庸》則不復致疑 之義。陋者於他記文多疑爲莽、歆 賤,一也。」 此皆釋傳文自尊别於卑者 三年之喪,達乎天子。父母之喪,無貴 大夫,祭以士。父爲士,子爲大夫,葬 也。」《中庸》:「武王末受命,周公成 牧之野,武王之大事 以 士; 其 尸 服 以 期之喪,達乎大夫。 也,達乎諸侯、大夫 士 也。 服 ,何也? 既 事 大 卑臨 傳 而退, 遂率 僞 尊

總衰裳,牡麻絰,既葬除之者,

傳曰:總衰者何? 以小功之繐也。

服以士服。父爲天子、諸侯,子爲士,

天子、諸侯,則祭以天子、諸侯,其尸

廷堪案:《喪服

小記》:「父爲士,子爲

升數少者,以服至尊也。凡布細而疏者謂之繐,今南陽「治其縷如小功,而成布四升半。細其縷者,以恩輕也。

諸侯之大夫爲天子。

有鄧繐。」

傳曰: 何以繐衰也? 諸侯之大夫,以時

接見乎天子。注:「接猶會也。諸侯之大夫,以

小功布衰裳、澡麻帶絰五月者。

會見於天子而服之,則其士庶民不服可知。」

適孫之下殤,

大夫庶子爲適昆弟之下殤,

爲人後者爲其昆弟、從父昆弟之長殤。

之殤中從上,小功之殤中從下。注:「問者,傳曰:問者曰:中殤何以不見也? 大功

人也。大功之殤中從上,則齊衰之殤亦中從上也。此據從父昆弟之下殤在總麻也。大功、小功,皆謂服其成

爲姪、庶孫丈夫婦人之長殤。

主謂大夫之爲殤者服也。凡不見者,亦此求之也。」●

大夫、公之昆弟、大夫之子爲其昆弟、庶子、

者,關適子亦服此殤也。云公之昆弟爲庶子之長殤,❷則公之昆弟不言庶者,此無服,無所見也。大夫之子不言庶殤小功,謂爲士者,若不仕者也,以此知爲大夫無殤服也。姑、姊妹、女子子之長殤。注:「大夫爲昆弟之長姑、姊妹、女子子之長殤。

大夫之妾爲庶子之長殤。注:「君之庶子。」知公之昆弟猶大夫。」

禮》、宋《政和禮》、明《集禮》皆無之。蓋條、爲封建之制者六條、大夫庶子爲適昆,以是弟、庶子、姑姊妹、女子子之長殤,弟之下殤,大夫、公之昆弟、大夫之子爲弟之下殤,大夫、公之昆弟、大夫之子爲廷以,爲封建之制者六條、大夫庶子爲適昆廷堪案:殤小功五月、《喪服》經凡十一

「亦」、《儀禮注疏》作「以」。

昆弟、從父昆弟之長殤三條尚有之,不知

姪庶孫丈夫婦人之長殤,爲人後者爲其

知其爲封建之制也。而適孫之下殤,爲

「昆」,原誤作「已」,今據《儀禮注疏》改。

三〇五

三〇六

亦封建之制也

其親者,而恩輕者降可知。」 爲人後者爲其姊妹適人者。注:「不言姑者,舉 小 功布衰裳、牡麻絰、即葛、五月者。

孫,亦謂爲士者。] 孫,姑姊妹、女子子適士者。注:「從父昆弟及庶 大夫、大夫之子、公之昆弟爲從父昆弟,庶

也。 大夫之妾爲庶子適人者。注:「君之庶子,女子子 庶婦。注:「夫將不受重者。」 庶女子子在室大功,其嫁於大夫亦大功。」

母,君母之姊妹。」 君母之父母、從母。注:「君母,父之適妻也。 從

從服。君母不在,則不服。注:「不敢不服者, 傳曰:何以小功也? 君母在,則不敢不

君子子爲庶母慈己者。注:「君子子者,大夫及公

下也。」

恩實輕也。凡庶子爲君母,如適子。」

傳曰: 君子子者,貴人之子也,爲庶母何

子之適妻子。」

緦麻三月者。注:「缌麻,布衰裳而麻絰帶也。 不言 見於公宮,則劬非慈母也。 國君世子生,卜士之妻,大夫之妾,使食子,三年而出 不慈己,則緦可矣。不言師保,慈母居中,服之可知也。 者,此之謂也。其可者,賤於諸母,謂傅母之屬也。其 他人無事不往。」又曰:「大夫之子有食母。」庶母慈己 言者,使爲子師,其次爲慈母,其次爲保母,皆居子室, 擇於諸母與可者,必求其寬裕慈惠,温良恭敬,慎而寡 以士禮爲庶母緦也。《内則》曰:「異爲孺子室於宫中, 則父在也。父没,則不服之矣。 以小功也? 以慈己加也。 士之妻自養其子。」 以慈己加,則君子子亦 注云:「君子子者,

衰經,略輕服,省文。」

庶孫之婦,

此當爲下殤,言中殤者,字之誤爾。又諸言中者,皆連上 庶孫之中殤。注:「庶孫者,成人大功,其殤,中從上。

禮》、宋《政和禮》、明《集禮》尚有之,蓋 廷 堪案:此 緦 麻 殤 服 也。 唐 開 元

不 知爲封建之制 故也

其 者 有 功别之。其例甚明,本不煩言而解,近 功别之。 從下。」蓋 從上,小功之殤中從下。」「緦麻 又 曰 一 等 。 [,無端 "「中殤何以不見也?」大功之 〔案" 「小功殤服下殤」傳曰:「問 風不可長 謂 傳曰:「長殤、中殤降一等,下殤 此 齊衰之殤中從上,大功之殤 四 平地 **緦麻** 小功殤 句爲 也 起波,嘘宋儒錯簡之燼 殤服 \wedge 喪 服 服》 輕,故傳以 重 ,故傳以大功、小 經文誤 齊衰、大 人 殤 傳 殤 服 中 降 長 中 者

庶子爲父後者爲其母

體,不 祭,因 也? 傳 目 是以 有死 敢 何 服 以 服緦 於宫中者,則爲 其 緦 也 ? 私 也。 親 注:「君卒,庶子爲母大功。 也。」然 傳 日 : 則 之三月 與 何 尊 以 者 不 服 爲 舉 緦

> 大夫卒,庶子爲母三年。 士雖在,庶子爲母,皆如衆

人。」

士爲庶母 傳曰: 上爲 庶母 何 無 以 服 緦 也 ? 以名服 也。

大夫以

功也? 章 子而 爲 母 章「世父母、叔父母」,傳曰:「世母、叔 廷 凡《喪服・傳》言名服者,如「不杖期 親」,「二日尊尊」,即繼之以「三日名」。 之所繫,故《大傳》之論服術 之大者也。」又見《大傳》。 正名乎!』」《喪服傳》:「故名者,人治 何以亦期 堪案 庶 「從母丈夫婦人報」,傳曰:「何以小 母、乳母、從母昆弟」,傳皆以爲名 爲 **∵**: 政,子將奚先?』子 以名加也。」「緦麻三月」章「士 論 也? 語》:「子 以 名服 名即 路 曰 : 也。」「小功」 日 親 「衛 親、尊 必 曰親 君 尊 也 待

是。。 故孔子曰:「名不正則言不順,言服。故孔子曰:「名不正則言不順,曹不成,事不成則禮樂不興,禮

子則爲之緦,無子則已。」諸侯降其臣妾,無服。士卑無臣,則士妾又賤,不足殊,有貴賤而爲之服。貴臣,室老、士也。貴妾,姪娣也。天子、貴臣、貴妾。 注:「此謂公士大夫之君也。殊其臣妾

廷堪案:經所云「貴臣、貴妾」,在士爲傳曰:何以緦也? 以其貴也。

庶母之下,明指士之臣妾也。 貴臣、貴

君母之昆弟

則云世臣姪娣矣。鄭君必欲守其士卑也。士不名之,則貴可知也。若大夫,是也。家相者,貴臣也;長妾者,貴妾妾,即《曲禮》所謂「士不名家相長妾」

無臣之説,遂注上經公士之士爲卿士、無臣之説,遂注上經公士之士爲卿士、 等,皆公、卿、大夫之貴臣,故於此仍守 幸,皆公、卿、大夫之貴臣,故於此仍守 在娣也。」不無强經從已之病,恐不可 姪娣也。」不無强經從已之病,恐不可 姪娣也。」不無强經從已之病,恐不可 姪娣也。」不無强經從已之病,恐不可 好。敖氏繼公曰:「此亦士爲之也,大 大夫之君也。貴臣,室老士也。貴妾、 養也。 養世。

傳曰:何以緦也? 以名服也。乳母。注:「謂養子者有他故,賤者待之慈己。」

也。前「不杖期」章「爲夫之君」,及「爲廷堪案:此《大傳》所謂「六曰從服」是服總也。君母在,則不敢不從服。君母卒,則不服也。」與「何以總?」從服也。注:「從於君母而

禮經釋例卷八終

禮經釋例卷九目録

祭 例 上

凡尸飯,舉脊爲食之始,舉肩爲食之終。 凡士祭,尸九飯。大夫祭,尸十一飯。

凡尸所食,皆加于肵俎,若虞祭,則以篚代

凡尸所食之肺脊,必先奠于菹豆,尸卒食, 凡肵俎皆載心舌,尸未入,先設于阼階西。

凡尸未食前之祭,謂之墮祭,又謂之挼祭。

佐食始受之,加于肵俎。

凡尸未入室之前,設饌于奧,謂之陰厭。 人受尸嘏挼祭,尸酢主婦亦挼祭。

厭。

凡尸

既出室之後,

改饌于

西北隅,

謂之陽

凡卒食酳尸,皆主人初獻,主婦亞獻,賓長

三獻。

凡獻尸畢,皆獻祝及佐食。

凡主人初獻,從俎皆以肝, 三獻,從俎皆以燔,主人、主婦 主婦 亞 獻 獻、 祝 亦 賓

如

長

之。

酢。 凡養,士禮二人,大夫禮四人,賽畢亦有獻

凡祭,尸不就洗,别設槃匜待之。

共十四例。

禮 經 釋 例 卷 九 目 録 終 佐食受,加于肵俎。舉獸幹、魚一,亦如

禮經釋例卷九

祭

例

上

凡士祭,尸九飯。大夫祭,尸十一飯。 先食啗之,以爲道也。」主人羞肵俎于腊北。尸 畢,「乃食,食舉。《少牢》注:「舉,牢肺、正脊也。 廷堪案:《特牲饋食禮》尸人,挼祭即墮祭。 之使又食。」此始三飯也。經又云「佐食 告飽,禮一成也。侑,勸也,或曰又,勸 舉幹,注:「幹,長脅也。」 尸 受,振祭,嚌之。 三飯,告飽。祝侑,主人拜」,注:「三飯,

> 也。 尸人、設庶羞後,「尸飯,播餘于篚。三 及獸、魚如初」,注:「不復飯者,三三者, 此終三飯也,合前爲九飯。經又云「舉肩 飯。經又云「舉骼及獸、魚如初。 尸又三 注:「禮再成也。」此又三飯也,合前爲六 醢。 篚」,注:「飯間啗肉,安食氣。」此始三飯 飯,佐食舉幹,尸受,振祭,嚌之,實于 士之禮大成也。舉,先正脊,後肩,自上 飯,告飽。祝侑之如初。」注:「禮三成。」 而卻下,錚而前,終始之次也。」《士虞禮》 佐食羞庶羞四豆,設于左,南上,有 尸實舉于菹豆。●卒食,佐食乃加舉于斯 經又云「又三飯、舉胳、與骼同。 尸又三飯,告飽。 佐食舉魚、腊,實于篚」,此又三飯 祝侑之如初」, 祭如

[「]尸」,原誤作「始」,今據《儀禮注疏》改。

受,振祭,嚌之。佐食受,加于肵。上佐 始三飯也。經又云「上佐食舉尸牢幹,尸 墮祭畢,「食舉,三飯」,注:「食以黍。」此 也,亦共九飯。《特牲》、《士虞》皆士禮, 注:「後舉肩者,貴要成也。」 此終三飯 也 之,上佐食受,加于肵。注:「别舉魚腊,崇威 之。又食」,此又一飯也,合前爲 飯。此又一飯也,合前爲四飯。 經又云: 食羞胾兩瓦豆,有醢,亦用瓦豆,設于薦 是士祭尸九飯也。《少牢饋食禮》尸入, 又云「上佐食舉尸牢骼,如初。 儀。」又食」,此又一 經又云「上佐食舉尸腊肩,尸受,振祭,嚌 尸受,振祭,嚌之。 豆之北。尸又食。」食即飯也,大名曰食,小數曰 食胾。上佐食所羞之胾。上佐食舉尸一魚, 經又云「又三飯, 飯也,合前 佐食受,加于肵,横 舉 肩, 爲六飯。 祭如 又食」,此 Ŧī. 初 飯。 經

个,以備陽厭,其餘則以備祝主人之俎。 盛,乃舉牢肩」,十一飯之前,「乃摭于 **僧同。尸之禮,八飯之後,乃盛 肵。尸不飯,告飽。祝西面于主人之南。** 牢肩,尸受,振祭,嚌之。 佐食受,加于 飽。 又一 俎以出。 魚、腊俎,俎釋三个,其餘皆取之,實于一 夫祭尸十一飯也。至于《有司徹》不賓與 也,合前爲十一飯。《少牢》大夫禮,是大 一飯,爲主人三飯,尊卑之差。」此終三飯 主人不言,拜侑。尸又三飯」,注:「爲祝 飯也,合前爲八飯。經又云「上佐食舉尸 曰:"●『皇尸未實,侑。』尸又食」,此又一 祝西面于主人之南,獨侑,不拜。 飯也,合前爲七飯。 祝、主人之魚腊取于是」。釋三 經又云「尸告 其 儀 |肵俎,「卒 雖 與

❶ 「侑」,原脱,今據《儀禮注疏》補。

更侑。皆隆殺之義也。侑。士祭,祝主人共侑,大夫祭,祝主人士祭,尸三飯即侑,大夫祭,尸七飯始賓尸小異,而其爲十一飯則無異也。又

凡尸飯,舉脊爲食之始,舉肩爲食之終。 終三飯前、「舉骼及獸、腊骼也。 及魚舉後,羞庶羞,是再舉脅及腊 幹」,注:「長脅也。」又舉獸幹獸幹,腊脅 屬之、恐非。 也。食必先舉之,故曰舉。」《少牢》注亦云: 廷堪案:《特牲饋食禮》尸始三飯前,「乃 獸、腊肩也。 是三舉骼及腊魚也。終三飯後,「舉肩及 食,食舉」,李氏如圭曰:「食舉,即肺 ·舉,牢肺,正脊也。」疏以乃食謂食肺,食舉謂正脊,分 士虞禮》尸始三飯前,舉肺脊,舉後即羞 是初舉肺脊也。又三飯前,「舉 魚如初」,是四舉骼及腊魚也。 魚如初」, 魚 也。 脊

也。 脊也、脅也、骼也、肩也。《少牢》「上佐食 舉。《少牢》雖六舉,然牢體亦祇四舉: 舉腊也,七飯前,舉牢骼,是五舉骼 魚,是三舉魚也,六飯前,舉腊肩,是四 舉後,羞庶羞,是再舉脅也,五飯前,舉 脊也。」是初舉脊也; 脊,終舉豕肩也。《少牢饋食禮》尸始三 尸不受魚腊者,虞祭不備味也,皆始舉豕 舉胳也,終三飯後,舉肩,是四舉 庶羞,是初舉脊也,又三飯前,舉幹,是 舉尸牢肩」,注:「四 士祭九飯,故四舉,大夫祭十一飯,故六 肩也。《少牢》别舉魚腊者,大夫崇威儀 八飯前,不舉,終三飯前,舉牢肩,是六舉 飯前,「食舉」,注:「舉,牢謂羊豕。 再舉脅也,終三飯前,舉胳,與骼同。 亦始舉羊豕之脊,終舉羊豕之肩也。 舉牢體,始於正脊 四飯前,舉牢幹 肺,正 - 肩也。 是三 也

四

終於肩,尊於終始。」疏云「正脊及肩 實《特牲》、《士虞》亦始脊,次脅,次骼,終 爲食之終」也。注疏雖據《少牢》言之,其 體之貴者,故先舉正脊爲食之始,後舉肩 羞,此虞祭與吉祭異者也 再舉後始羞庶羞,《士虞》初舉後即羞 肩,與大夫例同 也。 又《特牲》、《少牢》皆 一庶 此

凡尸所食,皆加于肵俎,若虞祭,則以篚代

俎。 舉幹,尸受,振祭,嚌之。 佐食受,加于肵 廷堪案:《特牲饋食禮》尸食舉,舉,肺 及獸、魚如初」,卒食,「佐食盛脈俎,俎 三个」,注:「俎釋三个,爲改饌於西北 「主人羞肵俎于腊北」, 尸三飯後,「佐 舉骼及獸、魚如 舉獸幹、魚一,亦如之」,又三飯後, .初」,終三飯後,「舉肩 脊 釋 食 也 隅

受,振祭,嚌之。佐食受,加于肵,横之。 加于肵」。 謂尸俎即所盛 尸謖後,佐食徹尸 見下。主婦亞獻,「兄弟長以燔從。尸受, 升自阼階,置于膚北」,尸三飯後,「上佐 禮》尸人,上佐食爾敦後,「主人羞肵俎 其餘皆盛 庶羞則徹于西序下,室中神俎,唯釋三个 加于肵者,將以嘏主人故也。祝告利成、 主人初獻,賓長以肝從,尸加于菹豆,不 賓三獻,「燔從如 振祭,嚌之,反之。羞燔者受,加于肵」。 畢,「舉肺、脊加于肵俎」。 遺之。」性,腊,魚,各留三个于 食舉尸牢幹,尸受,振祭,嚌之。佐食受, 在耳。餕者餕此俎,改饌陽厭者亦此俎 于肵 尸又食,「上佐食舉尸一魚,戶 俎 肵俎也。 初」,此燔亦加于肵。前 以 .俎,俎出于廟門,此所 歸 P 斯俎出于廟門**,** 俎 也。 此肺脊先在菹豆,詳 爲 《少牢饋食 陽 厭之用 盛

豆 受尸牢肺、正脊,加于肵」。此肺脊亦先在菹 佐食受,加于肵」。 後,「上佐食舉尸牢肩 又食,上佐食舉尸牢骼,如初」。 肩 注:「魚横之者,異於肉。」又食,上佐食舉尸 注:「徹 命 牲》尸食訖乃盛 氏 臂、肫、脡脊、横脊、短脅、代脅,皆牢 徹》不儐尸之禮,尸八飯後,「乃盛俎 食受牢舉, 也。」「卒盛,乃舉牢肩。 尸受,振祭, 七,腊辯,無髀 佐食徹 爾岐曰:「盛於肵俎,將以 祭畢,祝「主人亦入于室,●復 佐食受,加 .受,振祭,嚌之,上佐食受,加于肵 肵 肵 俎 如 俎,降設于堂下 不 儐」,舉,肺脊也,亦先在菹豆。 出門,將儐尸也。」《有 一,賓尸 于肵」,尸十一飯後,「佐 」,注:「盛者,盛於肵 尸十一飯後,「上佐食 ,尸受,振祭,嚌之。 則不盛 一、全以 歸尸。 **阼階南**」, 尸八飯 位 活,臑、 歸 《 特 ; 腊 張 嚌 司 祝 俎 魚

> 曰: 尸 設 在菹豆。 不備味。」又三飯,舉肩,祭 播餘于篚。 俎 加 也。」竊謂: 肵 俎。」是虞祭 俎,俎釋三个。尸卒食,佐食受肺脊,亦先 佐食舉魚、腊,實于篚,注:「尸不受魚腊,以 嚌之,實于篚,又三飯,舉胳,祭如 故也。」實尸不陽厭,故不釋三个。 俎設于俎北, 篚設 坐 所 于肵俎,而《特牲》及不儐尸之禮,除神 **篚則從者錯之,其例** 「《士虞禮》不以 釋,其 ,「從者錯 實于篚」,注:「篚猶吉祭之有 餘 三飯,佐食舉幹,尸受,振祭, 以 亦盛于肵俎 俎 篚 篚 載心舌, 篚不載 一于尸 代 于席 肵 肵 , 左 俎 俎 亦小異 上, 肵俎主人親 如 席上」。 而 也。 也。 初。 是尸所食,皆 以 篚 $\hat{\hat{\pm}}$ 陳 心舌, 肵 舉 一,尚質 「尸飯 氏 「虞禮》 魚、 祥 初。 故 肵 腊 道 喪

0

[「]亦」,原脱,今據《儀禮注疏》補。

故不 神俎 然後 而 之用,故其餘别用 之魚肉不 又 厭之用,與《特牲禮》同也。 不賓尸之禮,則亦俎釋三个,以爲賽及陽 非如賓客之禮,盡卷其俎而歸之。不釋, 亦餕,故尸所食,亦加于肵俎,俟餕畢, 别用俎也。《少牢》賓尸,雖不陽厭, 須釋三个,留爲賽與「餕」同。 祭 禮 可反於俎 所 以 用 肵 一故加 而厭之於堂也。 肵 俎盛之,以歸于尸 俎 者, 于肵俎,蓋 不 獨 及 尸 至于 陽 所 亦 厭 因 食

腊摭五枚。其所釋者,腊則短脅、正脅、取之,實于一俎以出」,注:「魚摭四枚,體六者,羊俎、豕俎各釋三个,其餘皆腊半,則不止三个,故下文又云,佐食取腊半,則不止三个,故下文又云,佐食取此時神俎尚有牢體六,魚七,腊體半。牢以案:《有司徹》不賓尸之禮,盛肵俎畢,又案:《有司徹》不賓尸之禮,盛肵俎畢,

此大夫之禮異于《特牲》者也。唯釋三个於神俎,與牢體同備陽厭之用,虚俎,取魚腊而盛之,以爲祝主人之俎。腊取于是」,則是於肵俎之外,又别取一代脅,魚三枚而已。」又云「祝、主人之魚

阼階 所以敬尸也。《周禮》祭尚肺,事尸尚心、 央少許,謂之勿没,蓋恐其分散。 肵之爲言敬也 午割,使可絶。 其下,於載便也。 于阼階西,西縮,乃反」,是所俎皆先設于 敬尸之俎。」《少牢饋食禮》「佐食遷 特牲》曰:「肵之爲言敬也。」言主人 阼階西」,注:「肵,謂心、舌之俎也。 《郊 舌,心、舌知滋味。」是 也」,注:「牢,羊、豕也。 安,平也。平 勿没,其 也。 之饗此 者,心、舌知滋味,故尸所食必 並 特牲饋食禮》「佐食升肵俎,鼏之,設于 非 尸既入,主人乃親設之于俎北,皆所 虚 西 、味也。 也。 俎 、載于肵,横之。 ,皆先載 蓋脈 先設于 阼階西者,事 勿没,爲其分散也。不絕中 俎雖 凡割本末,食必正也 心、舌於其上。 肵 爲盛性魚腊之器, 皆如初爲之于 俎 皆載 2加之, 心舌也。 所以 未至 如神 肵俎 所以 然 割 爨

> 之肵俎 縮。 舌。 舌而 可證也。 舌」,至于大夫立心之説,於經亦無明文 即盛肵俎,則士之肵俎盛于飯後,下大夫 横,大夫之載横之,則 以敬尸也。 俎之義與例皆無所發明,惟論士、大夫異 同 少 《特牲》九飯乃盛肵俎,下大夫 士之載 不立心,大夫之肵 盛于飯間矣。」●陳氏《禮書》於肵 詳析。 陳 縮 氏祥道曰:「士之肵俎,立 然《特牲》所 俎 則 於俎 於俎 俎,立心而 爲縮,於 爲横、於人 俎 但云「 八 人 不 立 飯 爲 爲 立

云:「《鄉黨》孔子云:『割不正不食。』故割,胾膾謂之切。經云切,注不當云割,誤也。 疏末」,注:「凡割本末,食必正也。」牲體謂之又案:《少牢饋食禮》脈俎,「舌皆切本

❶ 「下」,原誤作「先」,今據吕校改。

非 尊卑倒 是正數也 脅肩肺,主人俎,脊脅臂肺」,肩尊臂 之屬,禮有正 不正 割 母事,則更非經義矣。 所云切本末者,是切非割,且祭祀之禮 也」,其説甚明。 不方正」,不知引《少牢》疏 飲 本 至于《論 末爲 不食」邢 公禮。 置 ,即爲割不正矣。《少牢》肵 食 若賓俎用臂,主人俎用肩 正 數、若解割 昺 語集注》謂 賈氏引《鄉黨》爲 也。」考《論語 疏 即如《鄉 謂「折解 不得 割 飲酒》「實俎 牲 不正 其 而引漢陸 體 鄉黨 īE. 脊 爲 證 則 脅 蓋 割 $\stackrel{\sim}{=}$ 臂 俎, 則 食 肉 失 臑 割

佐 凡尸所食之肺脊,必先奠于菹豆,尸卒食, 食始受之,加于肵俎 唯 廷 堪 肺脊不然。 案: 性體,尸 《特性饋食禮》佐 祭 嚌 畢 ¬, 加 食 于 舉 肵 俎 肺

> 肵」,注:「言受者,尸授之也。 畢,「舉肺、脊 脊以授尸。 實舉于菹豆。 舉之所。 食,始加于肵俎也。 脊初在菹豆。」是肺脊先奠于菹豆,尸卒 食,●佐食受而 食庶羞,舉謂肺脊。」尸卒食,佐食盛肵 食舉幹時,「尸實舉于菹 食,食舉」。 云:「按上文初 豆,蓋葵菹之豆也。 而實舉于菹豆,食畢,操以授佐食焉。」 飯後、「上佐食受尸牢 約《特牲禮 此時主人始羞肵俎。 尸受,振祭, 加 今尸食畢,尸乃於菹 加 食舉,謂牢肺 于斯 之。 》:其時 《少牢饋 **菹豆者,《特牲》** 疏云"約《少牢》文。 俎」,注"「尸授 嚌之,左執之,乃 豆」,注:「爲 肺、 正 至三飯後,佐 受牢幹時 脊。 正脊,加 食 尸受牢 禮 不言 》 尸 豆上 + 肺 置 疏 幹 兩 將 于 佐 俎

❶ 「授」,原誤作「受」,今據《儀禮注疏》改。

于菹! 于菹 禮 取 牢 與 脊于豆。」亦菹豆。 「尸卒食,佐食受肺脊, 授尸。尸受,振祭,嚌之,左手執之」, 與《特牲》同也。《士虞禮》「佐食舉肺 其肺脊先奠于菹豆,後加于肵俎之例,皆 賓尸之禮 注:「舉,肺脊。」敖氏繼公曰:「儐者,指 俎未設,猶 于篚也。《少牢》、《士虞》經不云尸實舉 授之,是《士虞》肺脊亦先奠于菹豆,後 實于篚」,經云「受」,蓋亦尸自菹豆操以 注:「右手將有事也。 而 》肺脊,尸未嘗奠之。説與注違,不 授上 豆者,文不具也。 豆者,蓋 幹 , 十 以下異 一飯後,「佐食受牢舉,如 也。」是《少牢》賓尸及不賓尸, 一佐食 統 肺 于 也。 也。」《有 墮祭,故别奠于菹豆,示 脊之祭,在尸飯之前 敖氏 尸舉肺脊,必先 尸食之時,亦奠肺 司徹》不 繸 公以 爲,《少 儐 尸之 可 奠 實

席上,亦與吉祭不同也。從。《士虞禮》尸未墮祭,從者即錯篚于

肝從。 肝 肝從,實于俎,縮,右鹽。 烯從,加于斯。《士虞禮》主人初獻,「賓長 禮,主人初獻,「賓羞肝,皆如儐禮」,,亞 牲》、《少牢》初獻從俎,尸皆加于菹豆, 于俎,從其牲體 于菹豆」,亞獻無從俎。 爵,●右兼取肝 縮執俎,肝亦縮,進末,鹽 饋食禮》主人初獻,「賓長羞牢肝,用俎 嚌之,加于菹豆」; 亞獻,燔從,加于斯。 又案:《特牲饋食禮》主人初獻,「賓長以 ·擩鹽、振祭、嚌之、加于俎」、注: 尸左執 角,右取 也。」亞獻,燔從,如初。 《有司徹》不賓尸之 肝 尸左執爵,右 在右。 挳 于 鹽 尸左執 一,振祭 《少牢 加加 《 特 獻 取 以

「左」,原誤作「在」,今據吕校改。

0

虞》「俎」字恐是「菹」字之誤,蓋加于菹 謂:以《特牲》、《少牢》經文校之,則《士 主人,故不加于菹 菹豆也。 (少牢》吉祭,尸皆嘏主人,《士虞》尸不 」。 初 然經文不敢臆改,存此以質知 獻 從 俎 則 豆而加于俎歟? 加 于 俎。 蓋 特 牲 即 竊 嘏

凡尸未食前之祭,謂之墮祭,又謂之挼祭。 廷堪 挼祭,祭神食也。 妥尸後,「祝命挼祭。 啐酒,告旨。主人拜,尸奠觶答拜」,注: 墮。」墮與挼,讀 命佐食墮祭。』《周禮》曰:『既祭,則藏 佐食取 于 案:《特牲饋食禮》尸人坐,主人拜 醢,祭于 黍 稷 肺 豆 祭授 同 間」,注:「命,韶尸 《士虞禮》古文曰:『祝 耳。」此祭豆 尸左執觶,右取 户。 祭之,祭酒 也。 又云 也。 菹

此祭離 祭也。 與黍以授尸。 也。 牢饋食禮》尸入,祝、主人拜妥尸後,「尸 肺脊以授尸,尸受,振祭,嚌之,左執之」, 食舉尸牢肺、正脊以授尸」,吴氏澄曰:下有 取牢一切肺于俎,以授上佐食,上佐 取韭菹,辯挾于三豆,祭于豆間」,此祭豆 故尸亦奠肺脊于菹豆,不于肵俎也。 前,統于挼祭,與祭幹、祭骼、祭肩不同 餘皆統于挼祭也。 拜」,此祭鉶 又云「祭鉶,嘗之,告旨。 而祭之。」此 「牢,羊豕也。 肺 祭 又云「上佐食取黍稷于四敦,下佐 黍稷之祭爲墮祭,將食神餘 刌 肺 正 肺 祭黍 一脊也。 也。爾敦及設大羹湇後,「舉 也 同,合也。合祭於菹豆之 尸受,同祭于豆祭」,注: 稷 此 祭肺脊,在尸未食之 祭 切 祭黍稷肺爲挼祭,其 黍 肺 稷 也。 刌 主人拜,尸 肺 又云「上佐 、, 祭 尊之 酒 食兼 《 少 也 答 食

《士虞禮》尸入,主人及祝拜妥尸後,「尸 柶。 及羞 四字,故吴云然也。此祭離肺正脊也。 牢肺正脊以授尸,尸受,祭肺」,則賈作疏時,經文尚有 後,及不祭酒,與《特牲》小異,餘皆同也。 羊鉶」,此祭鉶也。 唯下食舉疏云「舉牢肺正脊也」者,上文云「上佐食舉尸 初。 間」,此祭豆也。又云「祝命佐食墮祭。 取奠,左執之。 佐食取黍稷肺祭授尸,尸祭之」,此祭黍 尸。尸受,振祭,嚌之,左手執之」,注: 猶吉祭之祭酒也。又云「佐食舉肺脊授 尸受祭肺」四字。 ·右手將有事也。尸食之時,亦奠肺脊于 切 |肵俎後,上佐食羞兩鉶,「皆芼 肺也。又云「祭奠、祝祝。主人拜如 尸扱以柶,祭羊鉶,遂以祭豕鉶,嘗 尸嘗醴,奠之」,此祭奠也,奠醴也 張氏爾岐曰:按唐石本,亦無四字, 取菹,擩 唯祭鉶在祭肺脊之 于醢,祭于豆 计皆有 爾敦

豆。」此祭離肺正脊也。爾敦後,「尸祭豆。」此祭離肺正脊也。爾敦後,「尸祭豆之後,《特牲》、《特性》皆,當鍋,當鍋,此祭鍋也。《士虞》、《特牲》皆,當鍋,當鍋,此祭鍋也。《士虞》、《特牲》皆,當鍋,當鍋,此祭鍋也。《古虞》、《特牲》皆,當鍋,當鍋,此祭鍋也。《古虞》、《特牲》皆

皆不祭者,大羹不爲神也。

是也。 也。 牲》言命挼祭,《士虞》言命墮祭,《少牢》 祀,贊隋」,後鄭注:「隋尸之祭也。」隋祭 多,不宜殺於士矣。 《周禮•小祝》 「大祭 牲》云「命祭」不云「南面」、《少牢》云「南 則祝亦當南面命墮祭矣。《士虞》、《特 尸,以《少牢》證《士虞》、《特牲》,則當 面 「「綏」、《周禮》作「墮」。」則綏祭即挼祭。 不言命,要之皆命也,文有詳略耳。」此説 云贊,則命之可知。 面」不云「命祭」,互見也。 面拜妥尸,以《士虞》、《特牲》證《少牢》, 也。以《士虞》證《特牲》,則祝亦當拜妥 云「西面」、《少牢》不云「命祭」,皆文不具 曾子問》曰 《特牲》不云「祝拜妥尸」,《士虞》不 是祝拜尸時 吴氏又以挼祭爲即擩祭,則誤矣。 攝 西 主 面 吴氏廷華曰: 不 ,命祭時則反 綏 大夫以上威儀 祭」,鄭注: 南 西 面

祭則無之,經云祝命,其亦命祭之屬歟?之時,蓋代神而祭者。《特牲》、《少牢》吉祝饗,命佐食祭」,此祭在尸未入前饗神又案:《士虞禮》陰厭,「主人再拜稽首。皆謂墮祭,與擩祭何涉?

凡主人受尸嘏挼祭,尸酢主婦亦挼祭。 尸。 送。 酒 黍稷肺祭。」主人坐,左執角,受祭,祭之,祭 醋即「酢」字。主人。● 廷堪案:《特牲饋食禮》主人初獻,「尸以 左執角,再拜稽首受,復位,詩懷之,注 詩猶承也。」實于左袂,挂于季指,卒角,拜。 ,啐酒,進,聽嘏。佐食摶黍授祝,祝授 尸受以菹豆,執 主人退,佐食授挼祭。注:「其授祭,亦取 主人拜受角,尸 以 親 嘏主人。 主人 拜

《少牢饋食禮》主人初獻,「尸醋主人,主 尸答拜。主人出,寫嗇于房,祝以籩受」。 拜。 之,以授尸。尸執以命祝。卒命祝,祝受 遂啐酒。祝與二佐食皆出,盤于洗,入, 執爵,右受佐食,坐祭之,又祭酒,不興, 以綏祭。注:「綏,或作挼。挼,讀爲墮。」主人左 佐食取牢一切肺,以授上佐食。 注"「俠爵拜,彌尊尸。」上佐食取四敦黍稷,下 奠爵,興,再拜稽首,興,受黍,坐振祭,嚌 以東,北面于户西,以嘏于主人。主人坐 人拜受爵,尸答拜,主人西面奠爵,又拜。 祭也。《特牲饋食禮》主婦亞獻,「尸酢 主人嘗之,納諸内」,是主人受尸嘏則挼 興,坐卒爵,執爵以興,坐奠爵,拜。 尸答 之,詩懷之,實于左袂,挂于季指,執爵 二佐食各取黍于一敦,上佐食兼受,摶 執爵以 興,出。 宰夫以籩受嗇黍。 上佐食 以

> 尸不嘏主人者,虞祭未純吉也 祭,惟尸與主人主婦有之。主人主婦 拜」,是尸酢主婦亦挼祭也。 桵。」主婦西面于主人之北受祭,祭之。 其 爵,尸答拜。 上佐食綏祭。注:「綏,亦當作 祭」者,辟正主也。《士虞禮》主人獻尸, 命者,下尸也。《曾子問》曰「攝主不綏 綏祭如主人之禮,不嘏,卒爵,拜。 尸答 饋食禮》主婦亞獻,尸酢主婦,「主婦拜受 祭酒,啐酒,人,卒爵,如主人儀」。《少牢 主婦左執爵,右撫祭,注:「撫授祭,示親祭。」 如主人儀。 主婦適房,南面。 挼祭 佐食挼祭。 即綏 不

在,或諸遠人乎?《禮記·郊特牲》文。尸謖俎、敦,設于西北隅」,注:「不知神之所廷堪案:《特牲饋食禮》「佐食徹尸薦、凡尸未入室之前,設饌于奧,謂之陰厭。

謂 爲 几 陽厭,無陰厭。 證成人陰厭、陽厭並 《曾子問》謂宗子有陰厭,無陽厭,凡殤有 奥中,不得户明,故名陰 者,謂無尸直厭飫神。尸未入之前,祭于 所謂當室之白,陽厭也。 在 改饌于西北 後,「主婦 人之前,爲陰厭也。《特牲饋食禮》 「祝筵 義也」。 圃 少牢饋 陰 陰厭 · 于 室 改 ,「升,人復位。俎入設于豆東。魚次, 室中西南隅,東面。至主人及祝入室 在北」,此薦 饌 厭、陽 一中,東面」,此爲神布席于奧也 矣。《曾子問》曰:『殤不備祭,何 爲 是鄭、賈皆以設饌于奥,在尸未 食禮》曰:『 盤于房 幽 厭也?』疏云:「凡言 『厭 隅 闍 ,以向户明,故爲陽厭 豆 庶 也。 中,薦兩豆,葵菹、蝸醢 其 南 饗之,所 主人降,舉鼎載 面 厭,尸謖之後, 則尸未入之前 如饋之設。」此 以 爲 厭 一有之 引 飫 俎

食上利 也。 祝在 腊 魚、腊、膚俎,序升自西階,相注:「相,助也。」 菹 授主婦。 于筵前。 室後,主婦「薦自東 近南爲右。」此爲神布席也。至主人及祝 于筵上,右之」,注:「室中西南隅謂之奥,席東面 也。《少牢饋食禮》「司宮筵于奧、祝設几 面」,此啟會也。 佐食啟會,卻于敦 奠也。又云「遂命佐食啟會。會,敦蓋 云「及兩鉶,芼設于豆南,南陳」,此設 兩敦黍稷于俎 特 在南,葵菹在北」,此薦 又云「祝洗、酌奠、奠于鉶南」、此 于 左,卒祝,主人再拜稽 ,執羊俎,下利執豕 俎 主婦不興,遂受,陪設于東,韭 主婦贊者一人,執葵菹 北 南 此 又云「主人再拜稽首。 設 ,西上」,此設敦 南,出立于户西,南 房,韭菹、醯醢,坐 俎 也 俎,司士三人執 豆 也。 又云了 首」,此 又云「佐 主婦 也。 響神 醢 也 奠 酌 鉶 以 又

陰

厭

首,

奥以

以

某

妃

普淖,注:「黍稷也。」用薦歲事于皇祖伯某, 設于敦南」,此啟會也。 敦稷,坐設于黍南。 受贊者敦黍,坐設于稷南,又興受贊 授主婦,主婦興受,坐設于魚俎 蓋,坐設于羊俎之南。 羊東,腊在豕東,特膚 遂命佐食啟會。 又云「主 ,敢用柔毛、剛鬣、嘉薦、注、「菹 左。 又云「祝 此饗神 不設鉶者、《少牢》無太羹湇,故兩 設俎,羊在豆東,豕亞 饗神者也,所謂 配 主人再 某氏 也。 一婦自 酌,奠」,此酌奠 皆尸 尚饗. 拜稽首。 佐食啟會蓋 東房 敦皆南首 當俎北端」,此設 未入室之前,設饌 !」主人又再拜 陰厭也。《少牢》 又云「主人西 婦 執一金敦 贊 祝祝 者執敦 其北 也。 」, 此 ,二以重, 南 日 黍, 又 · 醢也。」 又云 設 稷 魚 了孝 面 稽 敦 者 興 鉶 以 有 俎 在 禮 禮 記 •

也。

祝在

孫某

從人。

也。

降,出」,此爲 《士虞禮》祝「布席于室中, 設二敦于俎南,黍,其 祝入室後,「贊 醴不以酒,及祝饗後,有命 設敦、設鉶皆贊爲之,不用 祝饗」,此饗神也。是虞祭陰厭,惟薦 此酌奠及啟會也。 奠觶于鉶 卻于敦南,復位。 注:「復位,出立于户西。」祝 又云「設一鉶于豆南」,此設鉶 東,魚亞之,腊特」,此設俎 醢在北」,此薦豆也。 至尸人飯 祝酌醴,命佐食啟會。佐食許諾,啟會 ,與《特牲》吉祭異,餘皆大 曾子問》「攝 南,復位」,注:「復位,復主人之左。」 時始設之,與《特牲 神布席于奥也。 (薦菹 又云「主人再拜稽首。 醢,主婦不薦,變于吉祭 主不 又云「俎人,設于豆 東稷」,此設敦也。 厭祭」,鄭注: 佐 主 也。 東 略 食祭 婦 影不 也。 至主人及 同 面,右几, 又云「贊 于苴之 酌奠 也。 同 又云 豆 也。 以 又

事。 中「主」字當作「尸」。 祝酌 卒食獻尸,猶賓客之《燕禮》也。 厭其賓客之饗禮歟? 厭 奠之, 厭 其先,如尸八飯,猶賓客之食禮 、俎、敦、設於西北隅,是陽厭也。」注 飫 神 且饗,是 也 蓋祭禮則以賓客之禮 厭 有 陰 陰 厭 有 也; 陽 尸 迎 謖之後 主 然則陰 一之前 也;

= 道然,故鄭破之」。《特牲》、《少牢》言祭, 出于此。 或曰:苴,主道也。許氏慎謂「士結茅爲菆」,疑 事其親,爲神疑於其位,設苴以定之耳。 注:「苴,所以藉 之,不盡,益,反奠之。 又案:《士虞禮》陰厭 可乎?」疏 取膚祭,祭如初。 佐食許諾,鉤 則《特牲》、《少牢》當有 云:「舊云苴主道,似重爲主 祭也。 袒,取 心、祝饗 祝取奠觶祭,亦如 主人再拜稽首」, 孝子始將納 黍稷,祭于苴 後,「命佐 主主象 而 戸以 無 食

也。 大夫以 持古大夫、士有主之説,而排 遠以爲僭禮,孔説是也。 孔悝反祏,鄭康成以爲所出君之主,孔沖 《禮》之逸文。魏徐邈、王肅、後魏清河王 「《禮士虞・記》曰:桑主不文,吉主皆刻 羊傳》文公二年,「練主用栗」,何休注: 今異宜,古禮之不行於今者多 儀》亦不云大夫、士有主,但 據,惟《左傳》哀十六年孔悝 懌皆以爲大夫、士當有主,然别無 給,當亦指諸侯以上,所引《士虞·記》蓋 鄭、賈所云,是古禮大夫、士無主也。 無 而已。朱氏《家禮》始有主。近汪 而謚之,蓋爲禘祫 苴 倘以今時大夫以下有主,遂强 一,是以 下無主,今有主,亦禮 鄭 以直 爲 時别昭穆也。」既云禘 藉 祭,非 故司馬氏《 爲 舊義。 主 事耳。 緣義 祠版 矣。 道 氏 經 也 謂 起者 之制 夫古 古禮 琬 傳 _《公 古 力 書 考 口 如

神。」他. 尸乎? 亦 賓釋幣于禰,皆不云有主,不獨《特牲》、 祔。」疏 有 主,則今時祭禮 如《士 云"「大夫 又《士虞 昏禮》婦奠菜 記》:「明 士 無尸,亦謂古祭禮 無木主,以 于 日_, 廟 、《聘禮 幣 以 主 其 其 班 無

厭。 凡尸既出室之後,改饌于西北隅,謂之陽

少牢》爲然也。

于 **詳見上。《有司** 之後,改饌于西北隅者也。 納 廷 之設,右几,雁用 司官徹 薦、俎、敦,設于西 一尊。 堪案:《特牲 室 中。 饋 佐食闔牖户,降」,此尸 注 ,饌于室中西北隅,南 徹》不儐尸之禮,「卒養,有 陽 饋食禮》祭畢,「佐食徹尸 厭 席。 北 殺, 调,几· 注:「厞,隱也。」納 無 玄酒。」司宫埽 在南 注以爲陽厭 **扉** 面,如 既 用筵 出 饋 室

設饌 若《 也。 注: 足以厭 徹」,注:「徹室中之饋及祝 饗,所以 饌 西階 卿大夫既 祝自執其 出户。祝反,入徹 祭之陽厭也。《士虞禮》尸謖,「祝前尸 在,庶其饗之於此,所以爲厭飫。」此皆吉 立 有 以者,不 一于阼階上,西面。 謖改饌,當室之白,孝子不知 「埽豆間之祭。 少牢》儐尸之禮,則 西 几在南, 犀用席。 上,東面 北 ,故不設饌于西北 飫神。」張 爲 知鬼 隅,以 祭 俎 厭 出。 圃 飫 神之節,改設之。 舊説云: 儐尸,禮 此薦 司宫闔 贊闔 也。 氏 ,設于西北 爾岐曰:「此 俎之陳有 祝 埋之西階東。」主人出 此虞祭之陽 牖户」,注:「改設 祝薦席 執 牖户」,注:「此 崇 不 隅 其 也。 · 陽 爲 俎 佐食之俎。 厭。 隅 陽厭也。」 祭象,而亦 徹 以 **儐**尸 則不 ,如其設 既儐尸, 入于房 出,立于 庶幾 神之所 有 厭也 司 歆 於

三二八

也。 皆東面 陽厭,亦云「几在南」,則士禮 又 大夫禮陽厭 「几在 案 《少牢》陽 南變右文,明東面 **矣**。 虞 南 禮 厭,「南面 面 **>** 也。 陽 厭 若陰厭,大夫與 不 一; 如 几 南 饋之設」, 陽厭 在 面 南 。』《特牲 皆東 注 士 則 面

旲氏 來無 又案:鄭氏 禮集説》遂因之,近萬氏斯大亦 人之祭,無陰厭、陽厭。」 吴氏之言曰: 厭祭之名,不施 澄又從 異 辭。 陰厭、陽厭之説,自孔、賈 至宋 而 和之。 陸氏 於正祭。」敖氏繼公《儀 陸氏之言曰:「成 佃忽起 而非之,元 主 其論 以

> 象神 厭俎 也。 發之義引而申之,蓋有孔、賈所不及者 庶 玄酒,陽 有 殤陽厭,其禮略也。」此數 厭 正祭有厭,爲尸不存也。 釋三个而已。 也 祭 一、厭以 可 厭納一 知 矣。 飫神也。 尊而已; 陳 適 氏 陽陰 殤之有 祥 陰厭 道 《語,取 厭 日 1厭,爲 , 其 : 備鼎俎,陽 陰厭 鄭注 禮 夫 尊有 詳 無 尸 未 P 以

三獻。凡卒食酳尸,皆主人初獻,主婦亞獻,賓長

矣。

角。 主人拜,尸答拜」,此主人初獻也。 右 洗角,升,酌,酳尸。 廷堪案:《特牲饋 取 祭酒,啐酒,賓長以肝從。尸左執角, 祝受尸角,曰: 肝 **抨于鹽,振祭,嚌之,加于菹** 食禮 尸 『送爵,皇尸卒爵。』 学力九 ,拜受,主人拜送。 飯後,「主人 獻畢, 豆,卒

厭

,陽厭?」夫殤

不備

陰

厭

、陽厭

,則成

人

陰

之祭有陰

厭、

陽厭

可

知

矣。

《曾子問》

又

云「攝主不厭祭」,夫攝主無厭祭,則正

竊

以

爲

皆非也。

考《曾子問》云:「殤不

祔鄭注:「祔」當爲「備」,聲之誤也。 祭,何謂

在

尸拜受,主人拜送。 及佐食也。《少牢饋食禮》尸十一飯後, 主婦後,尸始卒爵,酢賓長,賓長始獻祝 未舉,至主婦致爵于主人,及主人致爵 注:「初,亞獻也。」此賓長三獻也。 嚌之,反之。 羞燔者受,加于肵,出。 尸 酒,啐酒。兄弟長 設于敦南。 「主人降,洗爵,升, 又云「賓三獻,如初,燔從 卒爵,祝受爵,命送如初」,此主婦亞獻 ,醋主人,主人獻祝及佐食。 右。尸左執 牢肝,用俎,縮執俎,肝 送。 獻畢,尸酢主婦,主婦獻祝及佐食。 于房,酌,亞獻尸。 宗婦執兩籩,户外坐。 祝 贊 籩 祭。 以燔從。尸受,振祭, 尸祭酒 北 兼 面 取 尸拜受。 尸受,祭之,祭 肝 酌 亦縮,進 如初,爵 ,啐酒。 酒,乃酳尸。 又云「主 主婦受, 主婦 一末,鹽 賓長 此爵 止, 于 婦 止,惟 祝。 無

也。

面

拜

洗

尸,尸拜受爵,賓户西北面拜送爵。 拜」,此主婦亞獻也。 異,餘皆大約 獻、主婦亞獻、賓長三獻。 其賓長三獻爵 尸祭酒,卒爵。主婦拜,祝受尸爵,尸答 尸拜受。主婦主人之北,西 婦洗于房中,出酌,入户,西 尸酢主人,主人獻祝及兩佐食。又云「主 受尸爵,尸答拜」,此主人 徹》不儐尸之禮,尸十一飯後,亦主人 賓長三獻也。獻畢,尸 酒,卒爵。賓拜。祝受尸爵,尸答拜」,此 婦獻祝及兩佐食。 振祭,嚌之,加于菹豆,卒爵。 祭禮,皆主人初獻、主婦亞獻、賓長三獻 不及兩佐食者, 儐尸禮異也。 主人致爵于主婦之儀 同也。 又云「賓長洗爵獻 是卒 獻畢,尸酢主婦,主 , 酢賓長, 賓長 (初獻 食酳 面拜,獻 面 尸,士大夫 ,與《特性》 主人拜,祝 也 拜送爵。 獻 尸祭 有 Ë. 獻 初 司 于

獻也。 燔從, 肝,擩 吉祭 間有象,又彌飾。二二獻,燔從,如 祝,籩、燔從,獻佐食,皆如初」,此主婦 獻尸,如主人儀。自反兩籩,棗、栗,設于 尸醋主人,主人獻祝及佐食。 主人拜,尸答拜」,此主人初獻也。 俎于西塾,復位。 肝從,實于俎,縮,右鹽。 洗足爵于房中,注"「爵有足,輕者飾也。」酌,亞 主人北面答拜。尸祭酒,嘗之。賓長 注:「爵 也 南,棗在西。 公同也。 獻 鹽、振祭、嚌之、加于俎。 士 如 無足曰廢爵。」酌 又云「賓長洗繶爵,注:「繶爵,口足之 也。 虞 初。 禮 是虞祭尸卒食三獻之禮 至于《有司徹》祭畢儐尸于 》 产 尸祭燔、卒爵 尸祭籩、祭酒 九 尸卒爵,祝受,不相爵。 酒 飯 後 酳 完主 户。 尸左執爵,右 如 初儀」,此 尸 如初,賓 人 又云「主婦 初。 賓降,反 拜受爵 洗 獻畢, 廢 酌 「, 與 爵 賓 獻 以 取 以

> 堂,及《 三獻之禮也 ± 虞 記 》卒哭祭畢 餞尸,亦 (皆備

三三〇

之。」《詩・小雅・伐木》篇「釃 也。 則《大祝》九祭中之衍祭,蓋謂祭酒也 毛傳:「衍,美貌。」以《詩》與《禮》證之, 升,酌,酳尸」,注:「酳,猶衍 又案:《特牲饋食禮》初獻,「主人洗角 謂之酳者,尸既卒食,又欲頤 也 酒 一是獻 有衍」, 衍 養樂

凡獻尸畢,皆獻祝及佐食。

興,加 俎,卒角,拜。主人答拜」,此主人初獻 祝,祝拜受角。主人拜送。 時親嘏。 廷堪案:《特牲饋食禮》主人初獻 執角,右 祝左執角,祭豆,興,取肺,坐祭,嚌之, 于俎,坐祭酒,啐酒,以 主人畢、「筵祝、南面。 取 肝 **抨于鹽,振祭,嚌之,加** 設菹醢、俎。 肝從。 主人酌,獻 ,尸嘏 祝左 醋

拜。 之,興,加于俎,祭酒,嘗之,肝從。 祝 拜,坐受爵,主人答拜。薦菹醢,設俎。 尸醋主人畢,「筵祝,南面。 畢,獻祝及佐食也。 主婦,更爵酢于主人,此一節共十一爵。此賓三獻 主婦,主人更爵自酢後,尸卒爵酢賓畢, 婦致爵于主人,主婦自酢。 主人致爵于 畢,獻祝及佐食也。又賓三獻,爵止,主 食,如初。卒,以爵入于房」,此主婦亞獻 主婦畢,「獻祝,籩、燔從,如初儀。 及佐 人初獻畢,獻佐食也。又主婦亞獻,尸醋 面 酌獻祝及佐食」,獻祝及佐食後,賓致爵于主人、 左執爵、祭薦、奠爵、興、取肺、坐祭、嚌 拜受角,主人拜送。 主人答拜,受角,降,及于篚」,此主 鹽 ,振祭,嚌之,加于俎,卒爵,拜。 《士虞禮》主人初獻, 佐食坐祭,卒角 主人獻祝,祝 祝取

畢,獻祝也。

又云「酌、獻佐食。 佐食北

《有司徹》不儐尸之禮,主人初獻畢,「其 食 祭,祭酒,啐酒。 糗在棗 北答拜。宰夫薦棗、糗,坐設棗于菹 祝,其酌如儐。拜,坐受爵,主婦主人之 獻祝與二佐食,其位、其薦脀皆如 祭、虞祭,每獻尸畢,必獻祝及佐食也。 獻、三獻畢、獻祝及佐 張氏爾岐曰:「當亦獻祝及佐食。」此 如初」。 亞獻尸畢,「酌獻祝,籩、燔從,獻佐食,皆 篚」,此主人初獻畢,獻佐食也。 酒,卒爵,拜。 主人答拜,受爵,出,實于 畢,獻祝也。 主人答拜。 禮在《少牢》,詳見下。 北面拜,坐受爵,主人答拜。佐食祭 南。 又賓長三獻,「燔從,如初儀」。 祝 祝坐授主人」,此主人初 又云:「主人酌獻 左 次賓羞 執爵, 又主婦亞獻畢,「 食也。 取棗、糗祭于豆 燔 如如 是 尸 禮。 佐食,佐 又 主 士禮 儐」。 獻 吉 亞 獻

酒,啐 祝取 授爵,興。 祭,嚌之,不興,加于俎,卒爵,興」,此主 獻祝,設席南面。祝拜于席上,坐受。主 牢饋食禮》主人初獻,尸嘏主人畢,「主人 及二佐食 下佐食一爵。 食。上佐 人西面答拜。 自酢後,尸卒爵酢賓畢,獻祝及二佐食。 又賓長三獻爵止,主婦致爵于主人,主婦 《後賓致爵于主人,主婦易爵醋于主人,此一節共十 初獻畢,獻祝 較《特性》少主人致爵于主婦,及主人自酢二爵,多 菹 酒。肝牢從。祝取肝 婦 **抨于醢,祭于豆間。** 食户 答拜。 也。 受 俎設于兩階之間。主人又獻 是大夫祭,每獻尸畢,必獻祝 爵 大夫禮盛,有上、下二佐食。《少 薦 内牖 也。 , 酌, 獻 佐食祭酒,卒爵,拜,坐 兩豆菹、醢。 東北 又云「主人酌獻上佐 二佐食,亦 面 拜,坐受爵。 **挳于鹽**,振 祝祭俎,祭 佐食設俎。 如 儐」。

《特牲》士祭,及《少牢》下大夫祭,皆不儐 食也。 也。 北 佐食者,注云:「啐酒 尸醋畢,「賓酌,獻祝。 亞獻畢,獻祝及兩佐食也。 授主婦。主婦獻下佐食亦如之」,此主婦 坐受爵。主婦西面答拜。祭酒,卒爵,坐 受,酌,獻上佐食于户内。 人之北。 酌,獻祝。 示醉也。不獻佐食,將儐尸,禮殺。」蓋 前」,此賓長獻畢,獻祝。 下佐食,亦如之」, 、,則三獻之禮隆,上大夫祭畢,別 、于堂之禮,則三獻之禮殺,故注云然 面答拜。祝祭酒,啐酒,奠爵于其 又主婦亞獻,尸 卒爵,不興,坐授主婦。 祝拜,坐受爵。主婦答拜于主 此 主人 而不卒爵,祭事畢, 祝拜,坐受爵,賓 , 酢畢,易爵,「洗, 不卒爵,又不獻 初 佐食北 又賓長三獻 獻 畢,獻 面拜, 兩 筵

凡主人初獻,從俎皆以肝,主婦亞獻、賓長 注: 謂如《少牢》羞牢肝 祝,亦燔從。賓長三獻,「燔從,如初儀」, 禮》主人初獻,「賓長以肝從」,主人獻祝, 賓獻祝不云「燔從」者,禮殺也。《士虞 賓三獻,「燔從如初」,注:「初,亞獻也。」 亦 廷堪案:《特牲饋食禮》主人初獻,「賓長 亦肝從。主婦亞獻,「賓以燔從」,主婦獻 不云「獻祝」者,文不具也。此士禮 賓羞肝」,即以肝從也。 有司徹》下大夫不儐尸之禮,主人初獻 肝 ,從俎皆以 」,主婦 從」,注"「肝,肝炙也。」主人獻祝, 從。主婦亞獻,「兄弟長以燔從」, 燔,炙肉 獻祝,「 燔 也。」 也。主婦亞獻,「次賓羞 ,主人、主婦獻祝亦如之。 次賓羞燔 主 主人獻祝,皆如償。 婦婦 獻 ,如尸禮」。 祝,亦燔 從。 也 牢

> 畢將儐尸,故正祭之,禮殺也。 者,禮殺 無從爲 禮也。不儐尸之禮,大約與士同,惟三獻 三獻,以燔從者,士卑不嫌故也。 婦亞獻、賓長三獻,皆無從者。 「賓長羞牢肝」,主人獻祝,亦牢肝從。 主 獻 ,不云「從」者,辟人君 異耳。 也。《少牢饋 賓獻祝,不以 食禮》主人初 也。《特牲》 燔從 上大夫祭 此大夫 如 亞獻 獻,

爵 徹》下大夫不儐尸之禮,賓三獻、主婦 卑,不嫌與 尸,故致爵于三獻時 爵于主婦」,「俎,從獻 于主人,「肝從」,「燔亦如之」,,主人「致 又案:《特牲饋食禮》賓三獻,主婦致 如亞獻及主人,主婦致爵也。」士祭不儐 ·酌,致于主人、主婦,燔從皆如初」,注: 于主人,及賓致爵于主人主婦,皆 人君 同,故盛其 行之。 皆 從獻 如 禮 主人」; 賓 也。 肝 《有 潘、士 致 司 爵

從。 燔 辟尊者之禮歟?』《有司徹》儐尸之禮 大夫正祭羞肝,儐尸羞燔,互相成也。 正祭也。賓三獻,羞湇、 次賓羞羊燔。主婦獻尸、獻侑、致爵于主 人獻尸、獻侑、受尸酢,又主婦受尸酢,皆 人,皆次賓羞豕燔。 ,與羊、豕異,故三獻,經不云「從」也。 敖氏 繼 公日 : 「無從與 **儐尸有燔無肝者,下** . 魚 (士禮 而已。 異者 魚 無 其

凡養,士禮二人,大夫禮四人,養畢亦有獻

舉。 === 舉。 養執 拜。主人坐祭,卒爵,拜。 降洗爵,宰贊一爵。主人升,酌,酳上養, 賓長二人備。司士進 一敦黍于上佐食, 饔,明惠大也。] 上佐 禮也。《少牢饋食禮》尸出,徹肵 用舉奠,舉奠即嗣子。及長兄弟二人,此士 爵,降,實于篚」,此養畢之獻酢也。 酢主人,主人拜受爵。 兩賽皆降,實爵于篚。 主人拜,祝曰:「酳有與也。」如初儀。兩 兩賽奠舉于俎,許諾,皆答 上蘉拜受爵,主人答拜。酳下蘉亦如之。 司宫設對 主人 卒食」,此養者卒食也。 又云「主人 皆取舉、祭食、祭舉乃食,祭鉶,食 拜,祭酒,卒爵,拜。 西 席,乃 面 再 拜 食盥,升,下佐 四 人養。注:「大夫禮,四人 祝 曰 上養洗爵,升酌 上賽即位 上養答拜,受 。主人答拜。 拜。 蘉 有 食對之, 若是者 以 |坐,答 俎後 養者 也

皆食,食舉。疏云:「神座止有二鉶,分進兩佐食, 進 拜,皆反,取舉。 舉,養者皆祭黍、祭舉。注:「舉,舉膚。」主人 資黍于羊俎兩端,注:「資,猶減也。 減置于羊俎 又 饔,若是以辯。皆不拜,受爵。 主人西面 者洗三爵,酌。主人受于户内,以授次 兩下無鉶,故進滑也。」卒食」,此養者卒食也。 長在上佐食之北,一賓長在下佐食之南。」司士 兩端。」兩下是餕。兩下者,兩下養也,注云:「一賓 醋于户内,西面坐奠爵,拜。上賽答拜 卒爵,奠爵,皆拜。 主人答壹拜。 養者三 又云「主人洗一爵,升,酌,以授上蘉。 西面,三拜養者。 養者 奠舉 于俎,皆答 三拜賽者。賽者奠爵,皆答拜,皆祭酒 人興,出。 進 鉶于次養,又進二豆湇于兩下。 一敦黍于下佐食,皆右之于席上。 上賽止。主人受上賽爵,酌以 司士進一 鉶于上養,又 乃 贊 乃 辯

> 祝亦嘏也 殺耳。尸次于鬼神,養者又次于尸,故亦 者。卒食酳酢,略同事尸之禮,但節文則 神之餘,養者又餕尸之餘,故主人事暮 嘏,大夫賽嘏而不祝,禮相變也。 尸餕 司徹》不儐尸之禮,尸出徹俎後,「乃養 爵、拜、執爵以興、坐卒爵、拜。 虞》祭不備禮,故不養。 食及兩賓長,共四人。此大夫禮也。《士 如儐」,言如《少牢》之禮也。 賽者用兩佐 拜,上養興,出」,此賽畢之獻酢 祭之福,胡壽保建家室。」主人 坐祭酒,啐酒。 上養親嘏,曰: 考士賽 /興,坐 主主 上養答 也。 祝 圃 人受 《 有 鬼 不 奠

西水,實于槃中,簞巾,在門內之右」,廷堪案:《特牲饋食禮》祭日陳設,「尸盤凡祭,尸不就洗,别設槃匜待之。

祭,尸 庭南。 宗人奉簞巾,南面于槃北。 槃、匜與簞、巾于西階東」,注:「爲尸將 者受」,是士祭,尸盤槃匜設于門内之東 食・記》:「沃尸盥者一人。奉槃者 巾」,注:「侍盥者執其器就之。」《特牲饋 上。」又云「尸入門左,●北面盥,宗人 注 禮》「匜水錯于槃中,南流,在 以授尸,坐取簞,興,以授尸巾」,是大夫 槃上。卒盥,坐奠簞,取巾,興,振之三, 盥。」又云「尸入門左。 宗人奉槃,東面 也。《少牢饋食禮》祭日陳器,「小祝設 人東面取巾,振之三,南面授尸,卒,執巾 面,執匜者西面淳沃,執巾者在匜北。宗 門内之右,象洗在東,統于門東,西 設 盤槃匜設 一宗人奉 匜水,西面于槃東,一 盥 水及 ф 于 • 西階之東也。《士虞 尸 尊, 不 乃沃尸,盤于 就 西階之南, 洗 又 于 授 東 不

> 祝沃之,故《少牢》小祝設槃匜也。 西 皆奉槃者東面 槃,西面,執匜,東面, 槃匜設于門内之東、《士虞》設于西階之 簞巾在其 祝》大祭祀,「沃尸盥」,天子禮。 面",宗人授巾,南 南者,反吉也。《士虞・記》「淳尸盥,執 云「尸人門,淳尸盥,宗人授巾」。 .面,執 匜東面,亦反吉也。 《周禮・小 東」, ,執匜者西面、《士虞》執槃 注 画。 流 **,** 匜 《特牲》、《少牢》 執巾在其北,東 吐水口 尸盤,小 《特牲 也。」又

禮經釋例卷九終

■ 「左」,原誤作「在」,今據吕校改。

禮經釋例卷十目録

祭 例 下

凡 儐 尸之禮,唯尸侑及主人備 獻, 自主 婦

以下皆一獻禮成。

凡儐 其從獻皆用 凡儐尸,主人獻,其從獻皆用羊,主婦獻, 尸,羊俎爲 豕,上賓獻,其從獻皆用魚 正俎,其餘皆以二俎益送

加爵二,儐尸,則正獻後加 凡士祭,正獻後加 爵三,下大夫祭,正 -- 獻後

爵

凡致爵,皆在賓三獻之間,加 `,則於堂上獻尸侑時行之。 爵 7亦致。 若儐

> 室,加爵者爵止,則均神惠于庭。 凡不儐尸之祭,賓三獻 爵 7止,則 均 神 惠

> > 于

凡祭,陰厭則薦豆設俎,尸飯則加豆,亞獻

則薦籩。 若將 儐尸,則正獻 不 薦

凡始虞之祭謂之給事,再虞之祭謂之虞事

三虞卒哭之祭謂之成事。

凡卒哭明日祔廟之祭謂之祔。

凡朞而祭謂之小祥,又朞而祭謂之大祥,大

祥間一月之祭謂之禫。

不獻賓、不旅酬、不養。

凡虞祭,無肵俎,不致爵、不加爵。獻尸

畢

凡卒哭祭畢,餞尸于廟門外,亦三獻

凡士祭,加爵後,嗣子入舉奠。大夫祭,則

不舉奠。

凡正祭于室,儐尸則于堂。

凡尸在室中皆東面,在堂上則 南 面

凡祭畢告利成,士禮則祝、主人立于户外,

鍁 淩 廷堪 次仲

下

祭

例

以

下

皆一獻禮成。

凡

儐尸之禮,唯尸侑及主人備三獻,自主婦

廷堪 此 獻 也 主 尸,此三獻也。又主人獻侑,此初獻 主人,此初獻也,主婦致爵于主人,此 初獻 婦獻侑,此亞獻 也 案:《有司徹》儐尸之禮,主人獻尸, 是尸與侑皆備三獻之禮也。 上賓致爵 也, 主婦獻尸, 此亞獻也, 上賓獻 于主人,此三獻也。 也,上賓獻 《有·此 又尸 也; 三獻 亞 酢

尸,司士羞 設羊俎、次賓羞羊匕湇、司馬羞羊 獻禮成也。 賓、獻私人,注"私人,家臣己所自謁除 酢、主人獻 士 豕燔,亦五 人,設二鉶與糗修、受豕匕湇、受豕胥、受 脀、次賓羞豕燔,凡五節。 糗修、此如籩也。 人獻尸同。主婦獻尸,主婦設兩鉶、又設 馬羞羊肉湇、次賓羞羊燔,亦五 薦豆籩、長賓設 次賓羞羊燔,凡五節。 主人亦備三獻之禮 三獻之禮盛也。 司 | 羞消 馬 設羊俎、次賓羞羊燔,凡三節。 魚 ;,如尸 湇 節, 主人獻尸,主婦薦豆籩、賓長 長賓、獻衆賓、獻兄弟、獻内 魚 次賓羞豕匕湇、司 禮。 主人獻侑,主婦薦 與主婦獻尸 羊俎、次賓羞羊 ,上賓致爵 尸尊,主人亦尊,故 也。至于主婦 主人受尸酢,主 主婦致爵于 于主 同。上賓 人,亦 節, 也。 匕 土 -肉滑、 湇、司 豆籩 方尸與 羞 與 皆 受尸 司 獻 主 豕 主 婦

359

三三九

經釋例卷十

亦三 故三 馬 主人 故 皆不致 方尸與主人少鉶羹及豕匕湇二節。 而 薦豆籩,司馬 己 其 羞 也 少 獻 气司 禮 節 湇 羊匕 無從獻,其 之禮 爵 魚 又殺也。 士 與 湇 不 羞 主 羊 殺也。 不晉 如尸 能 人 設 肉 湇 獻 羊 備 若 異同之故,皆制禮之精 次次 侑 俎,次賓羞羊燔,從 禮,侑次 節。 三獻,蓋 主人獻 主 同。 賓羞 婦受尸 主 婦 然主人及 上賓 主婦 長賓,但 于尸 獻 酢, 侑 次于侑, 與 織侑 亦三 主 主 婦 主 薦 上 費 婦 ¨; 司 節 俎 賓 獻 者 羞

其 凡 從 羊俎 儐 廷 堪 獻皆用 戸、主人獻、其從獻 羞羊燔 次次 案 賓 <u></u> ; 主人獻侑,司 豕 有司 羞 ; 羊 上賓獻,其從 '徹》主 匕消,司 人初 皆 馬 用 馬 設羊 獻皆 羞羊 獻 羊, 尸 ´, 賓 用 肉 主 俎,次賓 魚 婦 長 獻 次 設

如尸禮 主人 賓羞 羞羊燔 也 獻 上 獻 尸,尸奠爵于薦 爵 婦 主 酢,其從獻亦皆用羊也。 羊匕湇,司馬羞羊肉湇,次賓羞 羊 羞 豕燔,皆如尸禮。 是主婦獻尸、獻侑及 P 賓 致 婦 也。 私人畢,尸作三獻之爵,司士羞 羊 于主人,其從 人獻 行,司 獻 爵 獻侑,司士 豕匕消,司 燔 此上大夫祭畢儐尸之禮,故 有,司 于主人,其受豕 ; 主人受尸 ,皆于房中。 土 侑及致 主婦 是主 羞 馬 一受尸 人 爵 士羞 湇 羞 羞 左,至主人獻 獻 酢 獻 于主人,其從 魚 豕脅,次賓 皆用豕 ,酢,司 湇 「, 長 尸 ,皆如 豕晉,次賓羞豕燔 魚一;上賓 是主人、主婦受尸 賓 獻 匕消,受豕脅 主婦亞獻尸,次 馬 設 侑 也。 P 設 羊俎 禮。 其 羞 長賓, 羊俎,次 獻 上 從 豕 羊燔 一次賓 初 致 皆 是 溍 賓 獻 燔 獻 爵 以 \equiv 用 H 魚 皆 ; 了, 皆 及 致 受 客 專 賓 魚 于 獻 主 羞 用

也。 用 羊 威 豕魚腊並設,且無從俎,蓋下大夫之禮 婦致爵于主人,賓致爵于主婦,其俎皆 儀 無腊 ·,亞獻專用豕,三獻 又《有司徹》「卒燅,乃升羊、豕、魚三 多也。 與 若不儐尸之禮,賓三獻 膚」,注:「腊爲 專用魚,禮盛 庶羞 一, 膚 時 從 殺 羊 主 則

豕。」 儐尸俎不用腊者,下正祭也

羊鼎之東,二手執挑匕枋以挹湇,注 尸,「賓長設羊俎于豆南」,此尸正俎也 以羞豕匕淯、豕肉淯。 俎 手以受,縮匕于俎上,以降」,此羞羊匕淯 枋,坐祭,嚌之,興,覆手以授賓。 執匕俎以升,若是 于俎上,以東面受于羊鼎之西。 又云「雍人授次賓 公以爲南俎羞肉湇,北俎羞匕湇,説與注異。 二俎,陳于羊俎 所執二俎益送之。 匕,若是者三」。 左手執俎左廉,縮之,卻右手執 司馬以羞羊匕湇、羊肉湇。 其北俎,司士 匕于其上,皆縮俎,西枋」,注:「其南 南俎、北俎者,即益送之二俎也。 ,匕淯有消無肉,故載俎時不列之。 西,並 尸祭肺祭酒後,「次賓 疏 以授尸。尸卻手受 上經云:「雍 匕與 **豕晉,**消魚。」敖氏繼 ,皆西縮。 俎,受于 皆以 匕枋,縮 賓亦 主人獻 司馬 人 覆二疏 鼎 所 于 雍 西 1 在 謂 執 疏

乃載 于豆 士縮 羊匕湇之禮」,此羞豕匕湇 肉 曰:「觀下受酢羞肉湇節,當是「縮奠湇俎于羊俎南」。」 也 以 脀 縮 也 縮 執 羞 士 肺 執 冢 湇 降 于 執 俎 羞 以升。 湇 ,「嚌之,興,反加 一豕脅」。 也。 奠俎 脅 二,此 羊 東」,此侑正 主人 于羊俎,卒載,縮執俎以降」,此羞羊 又云「司 豕 俎 脀 也。 俎 以 俎 獻 降」, 主婦獻尸,「次賓羞豕匕湇,如 羞豕脅也。 之 以 于羊俎 南,楊氏復曰:「「湇」字衍。」張氏爾 尸取膴祭祭之」,卒爵後,「司 侑 東 升」,侑祭肺 上賓獻尸,「司士羞湇魚,縮 尸受,「如羊肉湇之禮」,此 馬 ",一司 此羞 ,載于羊俎,卒, 羞 俎 南 羊 也。主婦獻侑,「司 馬 湇 ,横載于羊俎,卒,乃 肉 魚 于俎 上賓獻侑 横 後 湇 也。 執 ,司士 羊俎 也。 縮 皆益送之俎 司 執 门司 乃 馬 又云「司 以 俎 縮 縮 縮 升, 馬 執 奠 奠 豕 \pm 設 俎 俎 尸 岐

酢, 如尸 加 燔 俎,主婦不備三獻,故無益送之俎 羞 爵于主人,「司士羞一湇魚,如尸禮」,此 主婦致爵于主人,「受豕匕淯,受豕脀,皆 者,羊湇俎訖,於此虚不復用。」 此 羞 乃載之,卒載,縮執虚俎以降」,注:「言虚俎 羊肉消,縮執 如尸禮」,此羞羊匕湇也。 西」,此主人正俎也。又云「次賓羞匕湇 之俎也。 湇 于主人獻尸,「次賓羞羊燔,縮執 反加于淯俎。 于俎 清魚· 于羊俎。 魚 **,禮」,此羞** 司馬設羊俎于豆南」,是爲主 , 上,鹽 也。 如 主人受尸酢,「長 尸 賓縮 皆益送之俎 俎。 禮 在右」,尸受祭,嚌後,「 司馬 豕匕消、豕脅也。 執 主人祭肺、「嚌之、興 此 俎 縮 羞 以降」;主 奠湇俎于羊俎西 湇 也。 賓設羊俎于 魚 又云「司馬羞 又主 也 全羊肉 上賓 婦獻尸, 俎 也。 婦 皆 編縮 湇 受尸 益 興 也 至 正 致 豆 送

注 • 賓 雍人所執之俎,李氏之説非 在 受尸酢,次賓羞羊燔,如主人之禮。 致 次 儐尸則皆以燔從也 牢》正祭,主人獻尸,從獻 如圭曰:「羞燔亦當以羊肉湇之俎 (賓羞 禮 羞 燔 |虞禮》| 羞 東。」然則羞 羊 于主人,受豕 南順,於南 燔 豕燔,如羊燔之禮。 主人受尸酢,次賓羞 主婦獻侑,次賓羞豕 燔 面 俎 燔 、燔,亦 取 在 别 縮 内 有 皆 執之便也。 西 俎 有 如 塾上,南 以 肝 主人獻 尸 羊 也。 載之,不 無 禮 燔 燔 燔、故 又《 。 皆 侑, 言考 肝 李氏 主 順 主 少 用 於 俎 婦 如 次

凡 加 畢 廷 爵 士 祭, 堪案:《特牲 「長兄弟洗 IE. 儐尸 獻), 則 後 加 觚 饋 正 爵 爲 獻 食 =加 後 (禮》主人獻 爵, 加 下大夫祭,正 爵 如初 儀,不及佐 賓 與 兄 獻 弟 後

> 又旅 食。 當三也。」●獻即加爵,故注云然。 以 長兄 三獻,士唯一獻而已。 爲三獻。長兄弟爲加爵, 于尸三也。疏 佐食也。 及祝,如 明禮殺,並作。」此 弟之儀」,注:「於 交錯以辯後,「爲加爵者作止爵,如 加 而 禮 利待尸禮將終,宜 爵 酬、 一; 如 第加 成,多之爲加 洗致如初,無從」,注:「大夫士三 初儀。 初,爵 無算爵畢 言利,以今進酒 爵 于尸 止。 云:「上主人、主婦、賓長 降,實散于篚」,注:「利, 祭禮士同于大夫者,攝盛。」 ,「利洗散,獻于尸,酢 衆賓長加 旅 也。」疏云:「飲酒禮,卿大夫 也。 至旅 進 酬 之間,言作 酒嫌 也。 又云「衆 쪰 衆賓長爲 賓酬 爵于尸二也。 此佐 更言獻者 於 賓 食 加 長 止爵 加爵 長兄 兄弟 酒 加 長 獻 爵 亦 此 爲

❶ 「酒」,原誤作「爵」,今據《儀禮注疏》改。

畢,「 通 加 稱 也。 《有司徹》儐尸之禮,兄弟後 受,祭酒,啐酒,奠之」,此佐食加爵于尸, 篚」,此賓 尸,尸醋,獻祝,致,醋。 不儐尸之禮,主人獻私人畢,「賓長獻 也。」是士 曰:「士禮,主人、主婦、賓三獻,又爵三, 也。」此賓長 無消爵不止,别 「『賓長』者,賓之長次上賓者,非即上賓 二也。是下大夫祭正獻後 賓長獻于尸,如初,無湇,爵不止」,注: 洗 爵 加 利洗爵 如初,如其獻侑酌致主人受尸酢 散 爵,大夫尊也。不用 獻 也。 祭 長 尸亦三,尸 通 加 正 加 ,獻于尸。 爵于尸也。 獻 前正祭,爲尸飲七。 爵于尸,一也。 不如 後加 飲六, 初者,不使兄弟,不 爵三也。 尸醋。 賓以爵降,實于 是儐尸正獻 士祭事尸 觚、大夫尊者 加 生舉 又無算 陳 《有司 獻、 爵二也。 氏 ·耀畢, 祝 祥 禮 沉视 徹 也。 道 于 後 爵 畢

> 又有加 也。 人,次賓長者。如初,如二人洗觶之爲 有儐尸,故無 酬發端,如舉觶之禮,非加 舉爵于尸,如初,亦遂之于下」,注:「 又《有司徹》儐尸,賓長加 祭而言。若儐尸三獻後,賓長亦加爵也 所謂上大夫無加爵者,指《少牢》上篇 士與下大夫無儐尸,故有加爵。 上大夫 上大夫,特主人、主婦、賓三獻而已。 主婦、賓三獻,又爵 長兄弟、賓長、 故言亦遂之于下也。」則此爵 遂之于下者,遂及賓兄弟,下至於 爵,禮所以隆於尊者也。」考陳氏 加 利 爵。 獻之也。 二,賓長與利獻之也。 天子、諸侯 爵後,「賓一人 下大夫,主人、 有繹祭, 蓋 爲 旅 私 IE.

尸,則於堂上獻尸侑時行之。 凡致爵,皆在賓三獻之間,加爵亦致。若儐 俎

,從獻皆如主

酢也。

洗,酌,致爵

于主婦。

肝揳于鹽,坐振祭,嚌之。 宗人受,加于 西面。」主婦洗爵,酌,致爵于主人。 廷堪案:《特牲饋食禮》「賓三獻如初,燔 祭,立飲,卒爵,拜,主人答拜」,此主婦自 主婦答拜」,此主婦致爵于主人也。 主婦拜受爵,主人西面答拜。 受爵,酌,醋,左執爵拜,主人答拜。 ,費亞獻也。」主婦受,設兩豆、兩籩。 主人左執爵,祭薦,宗人贊祭。 又云「主婦出,反于房。 席于户内。注:「爲主人鋪之, 一絶祭,嚌之,興,加于 人」,此主人致爵于主婦 興,席末坐,卒爵,拜。 宗婦贊豆如初。 席于房中,南 宗婦薦豆 左執爵,取 主人降, 主人拜 又云 俎人 俎, 注 画。 坐 間。 也。 菹 于房中,酌,致于主人,主人拜受,主婦户 又四爵、爲十一爵也。此士禮也。 醋,共二爵,主人致爵于主婦及自酢,共 于主人也。 佐食皆無從。」此賓致爵于主人、主婦也。 皆如初」,注:「如亞獻及主人,主婦致爵也。 佐食後、「洗爵、酌、致于主人、主婦、燔從 卒 爵 酢 賓,此尸卒三獻之止爵也。 爵于篚,人,復位」,此主人自醋也。 西、北面拜送爵。司宫設席。 徹》不儐尸之禮,賓三獻,「爵止。 人,共三爵,是爲七爵,皆行于賓三 云「更爵,酢于主人,卒,復位」,此賓 一爵,賓致爵于主人、主婦及自 合尸作止爵,及酢蜜,獻祝,獻 又云「主人更爵、酌、醋、卒爵、降、實 ,坐設于席前,菹在北方。 以上主婦致爵于主人及 賓獻 主婦薦韭 婦贊 酢 主婦洗

俎。

燔亦如之。

坐捝手,祭酒,啐酒。

肝從。

設。

爵,興,取

肺 ~', 坐 受爵,主婦拜送爵。

祝、獻

凡

獻

至尸

從如初,爵止。

自

酢

又

自

《有

司

佐

食

献之

于

主

四六

菹在 北, 爵,興,取牢肺,坐絶祭,嚌之,興,加于 爵,右取菹腝于醢,祭于豆間,遂祭籩,奠 執 者,婦贊者不興,受,設棗于菹南,糗在 受爵,賓西面答拜。婦贊者薦韭、菹 爵,拜。賓答拜」,此賓致爵于主人 北面答拜。坐祭,遂飲,謂主人祭飲也。卒 主婦答拜」,此主婦致爵于主 俎,坐捝手,祭酒,執爵以興,坐卒爵,拜。 又云「受爵。 至尸卒止爵,酢賓,賓獻祝,獻 卒爵,拜。主人答拜」,此主婦自醋 洗,致爵于主人。 「受爵,酌以醋,户内北面拜。 棗、糗 司宫設席,東面。 南方。 糗在 以 棗 從, 婦 西。 酌,致 人贊 主 佐食 婦不興,受,設棗 主人席上拜受爵,賓 者 爵于主 主婦席北、東 執 設 楽 俎。 婦。 、糗,授 人也。 主人答拜。 兩 主人 佐 主 食 又云 左 婦 婦 于 面 也。 也。 北 菹 棗 拜 執

北面 興取 是致 拜」,此賓自醋于主人也。以上主婦致爵 執爵 東。 賓、獻祝、獻上下兩佐食又五爵,爲十爵 皆行于賓三獻之間。合尸作止爵、及酢 于主人及自酷,共二爵;賓致 受爵,易爵于篚,洗,酌,醋于主人,户西 賓答拜」,此賓致爵于主婦也。又云「賓 手,祭酒,執爵興,筵北東面立卒爵,拜。 方之《特牲》,少主人致爵于主婦及自 主婦及自酢于主人,共三爵,是爲五 二爵,多獻下 一, 右 爵皆在 肺,坐絶祭,嚌之,興,加于俎,坐捝 佐食設俎于豆東。 拜,主人答拜。卒爵,拜,主人 取菹腝于醢,祭之,祭籩,奠爵 賓三獻之間 Ċ 食一爵,此下大夫禮也 主婦升筵,坐,左 也。 《特性饋 、爵于主人、 爵 食 答

設」,原誤作「説」,今據吕校改。

唯有 禮》「長 《士虞》不致爵者,不備禮 也,致爵于主人,四也,致爵于主婦,五 四爵,及獻佐食五。唯有六在者,洗觚 賓長獻 云:『如初 無從,殺也。 爵,如初,爵止」。《有司徹》不儐尸之禮, 也,受主人酢,六也。」又云「衆賓長爲加 爵不止,又不及佐食。」是加 人,故《少牢》正祭,賓三獻,不致爵也。 儐尸,主婦及賓,皆于獻尸侑後致爵于主 賓長獻于尸,尸 致,謂致爵于主人、主婦。 不言如初者, 獻 1六爵。 洗致 '一也, 尸酢長兄弟, 二也, 獻祝, 三 兄弟 十一爵,此兄弟之長,加獻則降, 如 以其闕主人、主婦致爵,并酢 儀』者,如賓長三獻之儀。 洗 初,無從」,注:「不及佐 致,致于主人、主婦。」 疏 觚 爲 醋,獻祝,致,醋」,注: 加 爵,如 也。 初儀,不及佐 爵亦致 《 有 司 也。 食, 徹 但 甚 詳。

加

同,故致爵具也」。 儐尸,故增酢主婦 夫得儐尸,故致爵,上辟人君,下大夫不 此以尊卑爲差降之數,故有異也。上大 牲》主人與主婦交相致爵。 主人,酢主婦,主人不致爵 大夫不儐尸,賓獻尸,止爵,主婦致爵于 若然,《有司徹》尸作止爵,三獻致爵于主 夫禮,或有儐尸者,故不致爵,爵不 又案:《少牢饋食禮》賓長 致主人受尸酢也。」則儐尸加爵 無湇,爵不止」,注:「如 又《有司徹》舉觶後,「賓長獻于尸,如初 人,主人不酢主婦,又不致爵于主婦。 下 「《特牲》賓長獻爵止,待夫婦致爵。 此大 祝祭酒,啐酒,奠爵于其筵前」,疏云: 然下大夫賓亦致爵于主婦,不止 而已。 此疏言致爵之禮異 初,如其 士卑,不嫌 三獻 于主婦。 参差不同者 亦致 畢,獻祝 獻 · 止 也。 也。 侑酌 無異君 《 特 百

增 致 敬 酢 于主祭者 主 婦 也 也 祭 必 致 爵 于 主 人 者 所 以

凡不 室; 均。 於室 獻節 酬發端,則室事終而庭事起矣。 也。 酢,共十一爵。 祝、獻佐食、致 爵于主婦及自酢、尸 主婦各得一 注:「尸止爵者,三獻禮成,欲神惠之均 廷 及獻衆賓,亦于 加爵者爵止,則均神惠于 堪案:《特牲饋 **儐尸之祭,賓三** 「待主人、主婦致爵乃均也。」考此 一中,是以 賓三獻畢,主人 内,主婦致爵于主人及自酢、主 酢而 奠而待之。」疏云:「主人、 爵 是三獻爵 西 已。未得獻,是 食禮》賓三獻,「爵 于主 階 獻 作 獻 爵 賓 止 人 止 獻長兄弟、衆兄 酬 止 主 爵 于 庭 賓在西階前 ·西階· 及酢賓、賓獻 ,神惠均 婦 則 及受 均 上, 神惠未 神 主 自 于 人 止 惠 ,爲旅 人 室 致 酢 于

> 西階前 弟皆 禮 北 止 訖,故云禮 得三獻。● 畢,「衆賓長 中 弟酬賓,始 止 如長兄弟之儀」,注:「於旅 旅酬。」考此爵至旅酬 「尸爵止者,欲神惠之均於在庭。」 疏云 庭賓及兄 「賓長洗爵 而 ,神惠均 爵,明禮 面答拜。 兼 于 及堂 阼 觶畢,經云「爲 階 弟雖 一殺並 又别受加 旅 于 殺。 爵止」,此三獻節内,主婦 上 爲 上 庭 阼 ,獻于尸。 加 房 並 獻 作也」。作 也。 得 階 中 爵 内 前 作。」 一獻,未 一, 如 \sim 也。 兄 爵,故停之,使庭 有 時,賓酬 弟 觶。 疏云「行 初,爵 司 加爵者作 尸 又 于 徹》不 止 酬 得 拜 房 長 是加 之間 旅 受,賓户 爵畢,長 中, 衆兄弟,旅 止 兄 酬 旅 弟 儐 爵 此 了**,** 其 !;言作 止爵 酬 尸 者 加 注 因 致 P 之 兄 行 西 爵 未 爵 室

❶ 「尸」下,原衍「已」字,今據《儀禮注疏》删

祝、獻 惠 内 爵 禮,賓長獻 酢,共十爵。 濱、私 于室,而 于主人及自酢、尸作止 兩佐食、致爵于主人主婦及受主人 人,皆如儐禮 于尸,爵不止者,下大夫與士 兼及堂上房中也。不儐 三獻畢,主人獻衆賓、兄弟、 ,亦三獻爵止,均 爵及酢賓、賓 戸之 神 獻

異

也

之爵。 衆賓 及房 至主 奠爵于薦左」,注:「奠爵,爵止也。」此爵 獻 受尸酢,於是三獻禮 于房中、獻私 南,爲無算爵發端。 又案:《有司 P 中矣。儐尸無 人酬尸,主人獻 侑 ,自酢于長賓,皆在西階上,唯酬賓于西 卒爵後,賓 時行之也。 徹》殯尸于堂,賓三獻,「尸 人于阼階上畢 獻兄 獻 賓三 室中之事,故 成, 弟于阼階 長 侑 賓 ··; 致 而神惠均于 一獻畢,二人 一一一 爵 ,尸乃作三獻 于主 |階上 上,獻 致 人,及 一,辨 舉 堂 爵 内 觶 于 H 獻 賓 階

> 于尸 止 旅酬者,儐尸之禮盛 賓長加獻于尸後,賓一人舉 上,私人飲于堂下,已均神惠于 饋食禮》正祭,賓三獻尸, 爵者,祭畢將儐尸故也 侑, 爲 旅 酬 始,衆賓 一, 威 儀 即 及兄弟 多 卒 爵于尸,更行 也 爵 庭 酢 飲于 矣。 賓,不 少 牢 堂 丽

至尸 敦與鉶 豆。 羊、豕、魚、腊、膚。 廷堪案:《特牲 食禮》陰厭,主婦 贊 未 (薦菹: 俎人,設于豆 飯 食 時,設大羹湇,尸三飯 始 亦於陰厭 醯。 設鉶 俎 ,與士禮不同也。 是 饋 人,設于豆東」,《少牢饋 時設之、《少牢》無大羹 薦四 食 陰 東 禮》陰厭,「主婦薦 厭 」,《士虞禮 則 豆,司士設五 薦 豆 後、「佐食羞 設 《特牲 一》陰厭 俎 俎。 也 兩

則薦籩。

若將儐尸,則正

獻不

薦

凡祭,陰

厭

則

薦

豆

設

俎

尸

飯

則

加

豆

一**,** 亞

獻

五〇

《特牲》設羹于尸未食時,加豆於尸三飯 湇 庶 於陰 飯 醢 上 時 飯 之禮,主婦亞獻 祭與虞祭不同也。 後、《士虞》設羹加 獻 豆 虞》設大羹,大夫與士不 佐 始 時設之,《少牢》設鉶羹,《特牲》、《 四 及 不薦籩者,爲將儐尸,故殺其禮 時設之,故至亞獻時 籩俱有正豆,於陰厭 羞 是亞獻 瓦 羞從 厭 ,皆薦兩籩,皆棗栗。《有司徹》不儐尸 食 胾 四 羞 時 豆。 豆 四 設之,於尸 俎 兩 豆; ţ 則 是尸飯則 也。 鉶。 \sim 薦 士 ,薦兩籩及兩 若《 少 籩 少牢饋食禮》尸 虞 尸三飯後,上佐食 也。 豆,皆于尸 禮 《特牲》、《士虞》主 飯 **>** 加 `始薦籩,猶之正 È 牢饋食禮》主婦 時 時薦之,加 獻尸蓋飲酒之禮 豆也。 同也。《少牢 舉之,故 未 食 加褒,棗糗、栗 未食時, 時 羹亦 未 也 至 豆於尸 設 食 羞 獻 於 大 P 俎 婦 吉 士 P 胾 羹

> 又案: 尸禮與天子、諸侯繹祭同,故亦先獻 也。」是正祭與儐尸之别也 祭則先獻後薦。 婦薦豆籩,疏云:「正祭則先薦後 射》、《燕禮》、《大射》亦飲酒之禮,然牲 籩;賓三獻,羞 徹》牲用羊豕,始能 狗,故 薦 初 獻, 豆」,鄭注 \sim 有 不能 薦 司 豆籩, 徹 備三獻,皆 云:『謂 \Rightarrow 一滑 故《祭義》云『君獻 儐 主婦 魚。 備三獻之禮 尸 蓋 繹 亞 《 鄉 一獻。 同 日 獻 飲 也。」 飲 。 設 酒 也。 酒》、《 惟《有 之禮 鉶 則 尸,夫 獻 此 又主 與 薦 倌 用 鄉 司 加 主

凡始虞之祭謂之祫事,再虞之祭謂之虞事 三虞卒哭之祭謂之成事 曰: 廷堪 敢用絜牲剛鬣,香合、注:「黍也。 『哀子 **案** 某,哀 士 虞 • 顯 記 相 》 始 夙 興 虞, 夜 大夫士於黍 用 處 不 柔 寧 日

甫。 日: 也。 日: 則 剛日,亦如初,曰『哀薦成事』」,注:「士 黍,又不得在薦上。」 嘉薦、普淖,明齊、溲 稷之號,合言普淖而已。此言香合,蓋記者誤爾。 丽 虞之祭謂之虞事也。「三虞、卒哭。 虞,弗忍一日 設言之。文不在卒哭上者,以其非 者,亦用剛日,其祭無名。 月而後卒哭」,然則虞、卒哭之間有祭 云「再虞,皆如初,曰『哀薦虞事』。」是 令正者自相亞 葬者。《喪服小記》曰『報葬者報虞,三 庚日三虞,❷壬日卒哭。 「明齊,蓋言體也。」哀薦給事,適爾皇祖 「明齊,新水也。 「明水涚齊,❶貴新也。」或曰:當爲明視,謂兔腊 今文曰明粢。 饗!」」是始虞之祭謂之給事也。又 離 也。《檀弓》曰『葬日中 築,稷也。 言以新水溲釀此酒也。 也。 是日也,以虞易奠。 皆非其次。」敖氏繼 他,謂不及 謂之他者,假 《郊特牲 常也, 他 辭次 m 事 時 用 再 某 公

> 皆,則卒哭成事、祔與虞異矣。」是微破前 吉祭。今文『他』爲『它』。」疏云:「前有 字殆羨文,並 吴氏廷華主其説。 也。不用柔日而用剛日,故云他也。」近 氏繼公曰:「他者,變易之辭,猶今言别 卒哭一祭,他又一祭,皆謂之成事也。」敖 袝,皆太牢,鄭注云: 『卒哭成事、祔言 卒哭曰成事,是日也,以吉祭易喪祭。 虞爲即卒哭,則鄭、賈已棄之説,不可從。 人解云『三虞與卒哭同爲一事』。《雜記 人三虞與卒哭同解者也。是三虞一祭 云『上大夫之虞也』,《少牢》卒哭 日袝於祖父』。 與注 如是,虞爲喪祭,卒哭爲 異。」又敖氏繼公以三 張氏爾岐曰:「『他』 (成事 明

「水」,原脱,今據唐石經補。

) 「虞」,原誤作「庚」,今據吕校改。

《士虞 何 ? 此一 又 用此説。 締給也。 注:「肆獻裸、饋食,在四時之上則是祫 傳:「干袷及其高祖。」

』

『周禮・大宗伯》 嘗袷、烝袷。」《曾子問》:「祫祭於祖。」大 禘、祫嘗、祫烝。 五年而再殷祭。」《王制》:「天子犆礿,祫 陳于大祖,未毀廟之主皆升合食于大祖, 傳》:「大事者何? 丁卯,「大事于大廟,躋僖公」,《公羊 追享、朝享」,鄭司農云:「追享朝享,謂 也,禘也。」又《司尊彝》「凡四時之間祀, 以肆獻裸享先王,以饋食享先王」,後鄭 案 事耳。 合祭也。其合祭柰何? · 記》「始虞謂之給,再虞謂之虞, 哀薦 則皆傳注之文,於經蓋 在四時之間,故曰間祀。」後鄭不 至於《春秋》文公二年,八 給事 諸侯礿犆,禘一犆一祫, ,「袷」字見於《禮經 大袷也。大袷者 毀廟之主 無 徴 也。 月 唯

故後儒多聚訟矣。皆指王者之大祭而言,而《禮經》無明文,若《禮緯》所云「三年一祫,五年一禘」,則三虞謂之成」,然則祫者,蓋始虞之祭耳。

凡卒哭明日祔廟之祭謂之祔。 袝爾 薦。 醢而奠酒也。] 卒辭曰:『哀子某,來 廷堪案:《士虞•記》「死三日 而 「孫婦 「皇祖妣某氏」。注:「女孫祔於祖母。」❷婦,曰 解 .葬,遂卒哭。注"「謂士也。」將旦而祔, 注:「薦謂卒哭之祭。」敖氏繼公曰:「薦,謂薦 于爾 曰:『哀子某, 圭 于皇祖姑某氏」。其他辭,一也。 皇祖 某 甫。 尚饗!!女子, 爲 丽 而殯,三月 哀薦之。 日某 日 隮 則

0

[「]於」,原脱,今據《清經解》本補。「干」,原誤作「干」,今據《清經解》本改。

袝

已,復于寢。

若大夫、士,無木主,以

幣

諸

侯既祫祭,主各反其廟」。 今祔于廟

後遷廟』。」疏云:「案《曾子問》云『天子、

脯者。今不言牲號而云尹祭,亦記者誤矣。」嘉薦、 沐浴、櫛、搔翦。 祭饗尸,日孝子。」此言卒哭之祭也。 普淖、普薦、注:「鍋羹。」 溲酒,適 折俎,取諸脰膉。 其他如饋 !.] _ 注:「 圭,絜也。 《 詩 》曰: 「 吉 圭 爲 饎 。] 凡 吉 相,夙興夜處,小心畏忌,不惰其身, 「從虞以至祔祭,唯用一尸。」曰:『孝子某, / 隮 祔 用尹祭、注:「尹祭、脯也。大夫士祭無云 (班袝。 爾 孫某 注:「卒哭之明日也。 注"「彌自飾也。」用 甫。 尚饗!」」此 食。 爾皇祖 用 又云「明 班,次也。」 專 嗣 |清 言袝 户。 爲 某 禰。

疏云:

日,以

其

不寧。

孝

顈

甫,以

廟之祭也。考「以其班祔」,注云:

喪

服

小記》曰「祔必以

昭

穆,亡則中一以上。

凡祔已,復于寢,如既

浴, 主

反其

廟,練而

許氏慎「東帛依神」之謂也。《聘禮》賓釋幣 以主。大夫、士無主,則皆以幣告之,即 祭告辭,注云:「《曾子問》曰: 『天子崩 主其神。 天子、諸侯有主 廟之禮未聞,其以幣告之乎?」詳注意 士之皇祖,於卒哭亦 也。卒哭成事,而後主各反其 國君薨,則祝取 如袷祭訖,主反 群廟之主而藏諸 一則附 反其廟 廟、反寢及反廟皆 廟相似。」又袝 廟。」然 無主則 祖 廟 反 則

能 乃屏璧與珪」。 我其以璧與珪,歸俟爾命。 辭 爾元孫某」,又云「若爾三王」,又云「用 爲「爾」。《書・金縢》「史乃册,祝曰: 又案: 卒哭祝辭,及祔廟祝辭,皆稱皇祖 定爾 也 子孫 稱 爾」,與《禮經》正合。 于下地」,又云「爾之許我, 此告大王、王季、文王之 爾不許我,我

三五四

祝辭, 矣。 親之意,以見公之達孝也。」不知《禮經》 以 曰 語 其親者,此 其 本於其祖稱爾,不獨《金縢》爲然 稱 爾 稱 亦終身慕父母,與不 我 無 異 人子之在 死 膝 其 下

祥間一月之祭謂之禫。 凡朞而祭謂之小祥,又朞而祭謂之大祥,大

又朞 復朞 **朞而大祥,曰:『薦此祥事。』」注:「又,復** 禮也。」是朞而祭,謂之小祥也。 《檀弓》曰:『歸祥肉。』言常者,朞而祭, 此常事。」」注:「小祥、祭名。祥、吉也。 廷堪案:《士虞•記》「朞而小祥,曰: 禫」,注:「中,猶閒也。 也。」疏云:「此謂二十五月大祥祭,故云 也。 Щ 祭,謂之大祥也。 變言『祥事』,亦是常事也。」是 禫,祭名也。 又云「中月 又云「又 「薦 而 與

> 皆用 也。 孔穎達《檀弓》疏云:「戴德《喪服 之喪,二十五月而畢」,此王氏之所本也。 大祥間 後人互相是非,靡所折衷。今説《禮經》 依用焉。」此鄭氏之所本也。 禮》,二十五月大祥,二十七月而禫,故鄭 則二十七月而 考王肅之説,以中月爲月中,則二十五月 未忘也。」是大祥閒一月之祭,謂之禫也。 四時之祭月則祭,猶未以某妃配某氏,哀 吉祭,猶未配」,注:「是月,禫月也。 之言澹,澹然平安意也。」又云「是月也 喪,實以二十五月」,《荀子・禮論》「三年 而禫也。鄭康成之説,以中月爲間一月, 鄭 義,故從之。 月。 自 禫也。 喪 至 紛紛之論,不暇 此 《公羊傳》「三年之 凡二十 鄭、王二説, 七月 變除 載 禫

又案:小祥之祭,亦謂之練。《喪服小

謂 記》 祥 禮 者,主人練祭而不旅,奠酬於賓,賓弗舉 記》推言之。 祭、《禮經》篇亡,無 練,小祥也,祥,大祥也。 注:「奠無尸,虞不致爵,小祥不 也,孝公大祥奠酬弗舉,亦非禮 也。 無 旅 月而練,十三月而祥,十五月而禫」, 小 無算爵,彌吉。」《雜記》「期之喪,十 祥也。」《曾子問》:「祭,如之何則不 酬 練,筮日 昔者魯昭公練 之事矣? 筮尸」,孔氏《正義》:「練, 孔子曰:"聞之小 可考,鄭氏蓋據《戴 而 舉酬行旅,非 小祥、大祥之 旅 也。」鄭 怬 大 禮

玉甚矣:《七复豊》,几反寺,斤屠市脊不獻賓、不旅酬、不養。 凡虞祭,無肵俎,不致爵、不加爵。 獻尸畢,

牲體及魚腊,皆實于篚,注:「篚,猶吉祭廷堪案:《士虞禮》尸九飯時,所舉肺脊

之。 文字 也。 專膚 也。 之有肵 又案:《士虞・記》「無尸,則禮及薦 矣。」舊説有以 尸出户,即改 成,是虞祭 事,是虞 折骨以爲之。 故不能備禮也。又《士虞・記》袝祭,「用 燔從,如初儀」,無止爵均神惠于室中之 然則祔祭未純吉,尚 · 爲 爲 折俎,謂 蓋虞祭是葬畢迎精之祭,與吉祭異 俎。」是虞祭 折 折 祭不 俎,而説 俎 不 主婦 饌 今以 · 致 加 取 折 陽 諸 爵 爵 俎 以 厭,賓出,是虞祭不養 **脰膉」,注:「專猶** ,不獻賓,不 也。 (無) 脰 以 爲 下 爲 膉, 貶於純 肵 俎 三獻 俎 無 肵俎,❶ 也。 俎 肵 也。 者,❷故鄭 後,即告利 俎 體 賓三獻 敷 旅 盡 亦 古。 一人多, 酬 甚 饌 也 皆 駮 誣 今 厚

● 「肵」,原誤作「折」,今據吕校、《清經解》本改

❷ 「肵」,原誤作「折」,今據呂校、《清經解》本改。

祝闔 其禮 也。 無 如 之祭,有田則祭,無田則薦」,竊謂:此 鄉,如初。主人哭,出復位。卒徹,祝、佐 如食間。「隱之,如尸一食,九飯之頃也。」祝升, 祭無尸,或士之無田者,薦而不祭,故殺 無尸之禮。 食降,復位。宗人詔降如初」,此記虞祭 謂當作「今文曰沐」,皆以意改注,而終覺 多疑之,故或謂當作「今文曰沐浴」,❶或 注:「今文曰沐浴。」經從古文,固曰 又案:《士虞 止哭,聲三,啟户。 泰羹、湇、胾、從獻。 初 **「**,是以下《記》亦云「無尸則不餞」也。 殤亦是也。」考《王制》,「大夫士宗 ·牖户,降,復位于門西,男女拾踊三。 而注又云「今文曰沐浴」,承學之士 既 響,祭 注:「無尸,謂 記》「虞,沐浴,不櫛」, 于 苴 主人入,祝從,啟 祝祝卒。 主人哭,出復 無 孫 列可 不 綏 沐浴 使 位 祭 者 虞 廟 牖

浴」者,無「不櫛」二字也。」斯言得之矣。未安。惟吾友江鄭堂藩曰:「「今文曰沐

凡卒哭祭畢,餞尸于廟門外,亦三獻。

尊 執 尊洗薦俎皆陳于廟門外也。 乾肉折 水在 南。水尊在酒西,勺北枋。 送之。又云「尊兩甒于廟 行者之酒。」尸旦將始祔于皇祖,是以 餞」,注:「卒哭之祭,既三獻 廷堪案:《士虞•記》「獻畢,未 几從,席從。尸出門右,南面。席設于 西北,東面。 洗東,篚在 俎 ,二尹縮,祭半 几在南」,是几席亦設于 西。 饌籩 尹 豆 ´, 在 門外之右,少 洗在尊東南 , 脯 又云「尸出 也。 四脡。 西塾」,是 餞,送 徹 '''; 乃 有 餞

0

疑行。

[「]沐浴」,當作「浴沐」,或當作「浴」。 吕校以爲「沐」字

授嚌。 獻,踊 在南。 之北 即位 出 取 亞獻也。又云「賓長洗繶爵,三獻,如亞 亞獻,如主人儀。 拜送,哭,復位 廟 祝 之」,此主人初獻也。又云「主婦洗足爵 爵,奠于南方。 主人及兄弟踊,婦人亦如 服 人不哭,洗廢爵,酌獻尸,尸拜受。主人 人皆在廟門外也。又云「尸即席坐,唯 前 俎,實于篚。尸謖,從者奉篚,哭從之。 門,哭者止」,此則尸出大門也。考《喪 小記》鄭氏注,「虞于寢,祔于祖廟」,此 ,皆西面,哭不止」,是賓及主人、婦 于門東,少南,婦人出,即位于主 外也。又云「賓出,復位。主人出 ,哭者皆從,及大門内,踊如 如初」,此賓長三獻也。 尸受,振祭,嚌,反之。 尸左執爵,取脯擩醢,祭之。 0 薦脯醢,設俎于薦東,朐 無從,踊如初」,此主婦 又云「佐食 祭酒,卒 初。 佐食 尸 主 人

不舉奠。 凡士祭,加爵後,嗣子入舉奠。大夫祭,則

之。舉奠出,復位」,注:「啐之者,答其 舉奠左執觶,再拜稽首,進受肝,復位,坐 執奠,進受,復位,祭酒,啐酒。尸舉肝。 使嗣子飲奠者,將傳重累之者。」又云「尸 注:「嗣,主人將爲後者。 後,「嗣舉奠,盤,人,北 廷堪案:《特牲饋食禮》衆賓長 欲酢已也,奠之者,復神之奠觶。』《特牲 人,尸拜受,舉奠答拜。 食肝,卒觶,拜。 尸備答拜焉。 尸祭酒,啐酒,奠 面再 舉 拜稽 ·, 飲 舉奠洗酌 加 酒 i 首), 爵之 也

餕謂 辟諸侯。」疏云:「《文王世子》云『其登 祭奠,不飲。 者,初尸未入之前,祝酌奠于鉶南,尸人, 也。 卑不嫌,得與人君同,故有嗣子舉奠之事 嗣子舉奠之事,故此注云『辟諸侯』。 爵謂上嗣舉奠也,獻謂舉奠洗爵酌入也, 君之適長子。』以《特牲饋食禮》言之,受 餕、獻、受爵,則以上嗣」,注云:『上嗣, 否。《特牲禮》注:「大夫之嗣子不舉奠 也。」孔氏穎達《文王世子》正義云:「奠 「《少牢饋食禮》無嗣子舉奠,大夫尊於士 宜鹽 考嗣舉奠之禮,唯士祭有之,大夫則 宗人遣舉奠盥,祝 奠者,即上文『祝 無 此 也。 禮,辟君 至此,乃嗣子舉之。」又云: 舉奠,佐食 此鹽 也 實于豆,故《記》特言 酌奠,奠于鉶南」是 今按:《少牢》無 命之餕也。 設豆、鹽」,注 大夫

> 奠,經不云升降自何階,故《特牲禮》注 復酌而獻尸,尸啐而仍奠之也。 酌之,爲饗神 與主人同由阼階也 而 ·嗣齒於子姓,凡非主人升降自西階」,嫌 不舉奠,故知辟正君也。」此奠陰厭 也 一, 故 是時 嗣子舉而 嗣子舉 飲之, 云 時

凡正祭于室,儐尸則于堂。

及《士虞禮》皆陰厭後迎尸入室,行饋 廷 侑,入廟門升堂行禮,如飲酒之儀,在 攝酒 燅俎,復 祭畢,尸出于廟門之後。《有司徹》埽 獻,皆在室中,此正祭之禮也。 之禮,卒食酳尸,主人、主婦、賓長 上,不在 選案:《特牲 ,賓酬長兄弟,在阼階前北 室 中,此 選 饋 侑 **儐**尸之禮也。 食禮 以 輔尸,然後 ×, 少 面 牢 《少牢》正 《特性》旅 饋 迎 長兄弟 食 H 凡三 與 食

酬

于阼 酬 弟,亦如之。皆飲于上」,注:「上,西階 侑酬之,如主人之禮。至于衆賓,遂及兄 西 旅 禮,經不云别設尊,當亦如 **儐尸不同。《有司** 故也。《特牲》則 在堂上,雖私 卒爵,升酌,以 上。」又云「遂及私 ·升酌由西階。」此上大夫儐尸之禮,旅酬 楹 酬 賓,在西階前 西」,●又云「主人復筵,乃升長賓。 階上酬主人」,又云「主人以酬侑 在堂下也。 人亦升酌下飲,蓋尊在堂 之其位。 北 《有司徹》旅酬 旅酬 人,拜受者升受,下飲, 画。 徹》下大夫不儐尸之 時 此士不賓尸之禮 别設尊于庭,與 相酬辯」,注: 儐 也 7.尸「北面 上 于

祭儐尸於堂之禮。天子諸侯之祭,明日耳。《有司徹》鄭《目録》云:「上大夫既于明日行之,儐尸即于祭日行之,此爲異又案:儐尸即天子諸侯之繹祭也。繹祭

禮事尸 《穀梁》曰『繹者,祭之明日享賓也」,《公 禮 考,唯上大夫儐尸禮存耳。 酒」,迎尸而賓之是也。」又曰:「正祭重, 羊》曰『繹者何? 正祭以 事也。」此説正祭及繹祭儐尸最分明。 則祭日而已。《儀禮 秋》書『辛巳有事于大廟,壬午猶 曰:「祊,其位也,繹,其祭也,賓尸,其 而主于禮 而繹。」陳氏祥道曰:「繹必于明 神,故在室。 也。 神事尸,繹祭與儐尸,則 神。 天子諸侯《繹祭》篇亡,不可 繹輕,而主于禮尸。 主于 祭之明日是也」。 有司徹》「埽堂、攝 禮尸,故在堂。」又 以賓客之 日。 繹」; 賓尸 主于 参春

凡尸在室中皆東面,在堂上則南面

「以」,原脱,今據《儀禮注疏》補

0

三六〇

席東面,近南爲右。」下云「尸升筵,祝、主 者也。《聘禮》賓將行,「朝服釋幣于禰。 此皆尸在室中東面者也。《有司徹》「筵 妥尸」。 人西面立于户内,祝在左。祝、主人皆拜 注:「布陳神坐也。 東面」,下云「尸 廷堪案: 于户西,南面」,注:「爲尸席也。」下云 「尸升筵自西方,坐」,此則尸在堂上南 司宫筵于奥,祝設 尸東面坐,故祝主人西面拜之, 《特牲饋食禮》「祝筵几于室中, 即 席 室中西南隅謂之奥, 几于筵上,●右之」, 坐。 \sim 少牢饋食禮 面

也。 射》、《公食大夫》賓席于堂上,皆南 尊,故《鄉飲酒》、《鄉射》、《燕禮》、《大 以西爲上。此爲神布席于堂上,亦南 户西、依前,皆指堂上而言。 席南面,故 前設之。 上皆兼乎賓客之禮,故南面也 在室中者,全乎鬼神之禮,故東面。 者出請命」,注:「賓至廟門,司宫乃于依 筵,爲神布席也。」《聘禮》「几筵既設,擯 蓋室中以 神尊,不豫事也。 東 面 爲 尊,堂上以 席西上。」考 南 面也。 在堂 面 爲 面

立于户外,西南。疑當作「面」字。祝東面告廷堪案:《特牲饋食禮》祭畢,「主人出,大夫禮則祝、主人立于階上。

室,薦脯

醢」,疏云:「司宫設席于

, 奥東

面,右几,但無牲牢,進脯醢

而已。」此無

, 爲神布席

于室

中,亦

東

面

也。

如祭。」又使還奠告,「乃至于禰,筵

几于

有司筵几于室中」,注:「凡釋幣,設洗

盥

禮》「主人筵于户西,西上,右几」,注:

^{● 「}祝」,原誤作「席」,今據吕校改。

《少牢》階上告利成,以尊者稍遠于尸。 面。 外也。《少牢饋食禮》祭畢,「主人出,立 利 《詩·楚茨》云『孝孫徂位,工祝致告』,鄭 于阼階上,西面。祝出,立于西階上,東 若天子、諸侯禮畢,於堂下告利成。 故 階上也。《特牲》疏云:「此户外告利成。 祝出,立于西階上,東面。 祝告于主人曰 之禮,祭畢,「主人出,立于阼階上,西面 主人也。」是士禮告利成,祝、主人立于户 不言禮畢,於尸閒之嫌。」《士虞禮》祭畢 致孝孫之意,告尸以利成。」」《少牢》、《特牲》、 云: 『孝孫徂位 《士虞》皆告主人以利成,此云告尸,孔氏《正義》以爲天 祝出户,西面告利成」,注:「西面告,告 利成二,是大夫禮告利成、祝主人立于 成」,注:「利,猶養也。 祝告曰『利成』」。 · 堂下西 《有司徹》不儐尸 面 位 供養之禮成, 也。 祝於是

> 亦引《少牢》及《有司徹》「主人出,立于阼 受爵,降實于篚,主人出立于户外,西 子之禮。 于户外,禮本不同、《開成石經》亦作「 然《少牢》、《有司徹》立于階上,《特牲》立 階上,西面」,證《特牲》此文當作「西面」。 南」,張氏淳曰:「下文有云『上賽答拜, 又案:《特牲禮》「主人出,立于户外,西 然則告利成之禮,以於尸遠近爲 疏引之,證天子、諸侯告利成在 南」,存此以質知者。 面」,此『南』字亦當爲『面」。」近沈氏炳震 鄭箋蓋以《楚茨》爲天子祭禮,故 差也。 堂下也。 西

詩楚茨考

之祭禮也。首章言黍稷爲酒食之用,遂及《小雅·楚茨》凡六章,言王朝卿大夫

正

遂及 也。 食禮》考之,有同有異。《少牢》所言,蓋 云: 亨,或肆 也, 尸七飯 也,升牲體 士擊豕,所 人侑,所謂侑 謂 , 尸入十一飯, 所謂 食,以享以祀,以妥以 卿大夫之祭禮 徹 祭之妥侑 尸人升筵,祝與主人皆拜妥尸,所謂 防祭之饗報 也。 酒 四章言尸嘏主人之禮也。 執爨踖踖。」案《少牢》下篇「乃 謂 也;陰厭 將 或 六章言 也。 將。」案《少牢》上篇,司 後 也 謂 告飽,祝侑,尸八飯 于鼎,所謂肆也,載 皆言 剥也,熟牲體于雍 也。 也。第二章云:「或剥 在尸未入之前,所 既 二章言牲 也。 徹 Œ 三章言儐尸于堂之禮 而 食也,卒食酌獻 如第一章云:「以 祭之禮 燕也。 侑。」案《少牢》上 牢爲鼎俎之用 也。 以《少牢 五章言既 後告飽 馬 爨,所謂 謂 第 牲 刲 燅尸 享祀 \equiv 體 户, 羊 或 章 于 妥 爲 侯 饋 祭 儐尸之禮也。 執

篇

酒

國

而

亨

司

俎

主

也

所

尸、侑,主人獻長 客也。案《少牢》下篇,主人、主婦、上 皆左之」,此 皆右之,司士羞庶羞于尸、侑、主人、主婦 篇「宰夫羞房中之羞于尸、侑、主人、主婦 篇,儐尸之禮凡十二俎 賓受尸酢,主人自酢于長賓,皆酢 **儐尸之禮不獨助祭者爲賓客,即尸、侑亦** 又云:「君婦莫莫,爲 婦四羊俎爲正俎,其餘八俎皆以雍人所執 二俎益送,往還其禮繁多,故云「孔碩」也 俎」,蓋因儐尸而 「孔庶」也。又云:「爲賓爲客,獻酬交錯。 萬壽攸酢。」案《少牢》下篇,主人、主婦、上 , 酬賓及旅酬、無算 也。 又云: 非正獻之豆,皆庶羞之豆,故云 第五章云:「孝孫徂 「爲俎 温之,故前既云亨,此復 賓 以 豆孔庶。」案《少牢》下 爵,皆酬 下、皆獻 孔 ,唯尸、侑、主人、主 碩。」案《少牢》 也。 也。 也。 位,工 又 云: 主人酬 賓 祝 獻 賓 굸

第五 案《特牲禮》,主人初獻,「賓長以肝從」, 祭之尸謖也。下篇「尸出,侑從,主人送于 階東,西面,祝先,尸從,遂出于廟門」,此 起。〕案《少牢》上篇,尸謖,「主人降立于阼 位」、「致告」也。 西階上,東 獻,「次賓羞牢燔」。 婦亞獻,「兄弟長以燔從」。《少牢》下篇,不 云"「或燔或炙。」炙者,肝也,謂從俎也。 廟門之外,拜,尸不顧」,此儐尸之尸出也。 夫正祭,則有肝 儐尸之禮,主人初獻,「賓羞肝」,,主婦 特性禮》,賽畢,「宗婦徹祝豆箋入于房,徹 了主人出 告。」蓋 上皆與《少牢饋食禮》同者。 章又云:「諸宰君婦,廢徹 正 面,祝告曰『利成』,故云「徂 立于阼階上,西面。 祭告利成之禮。 無燔, 儐尸 又云: 蓋燔炙皆有。 「神具醉止,皇尸 則 有燔 案《少牢》上 第三章又 不 祝出立 無肝 若上大 遲。」案 也。 亞 主 載 正 于 饋

以

篇

致

尸」,又云「樂具入奏」。● 以上皆與《少牢 無樂,而《詩》云「鐘鼓既戒」,,又云「鐘鼓送 牢》無祊祭,而《詩》云「祝祭于祊」,《少牢》 《少牢》無牛,而《詩》云「絜爾牛羊」,《少 禮,但云「主人退」,不云「徹而 禮》爲證,蓋 尸之禮,歸尸俎後,「徹阼薦俎」,注引《特 序下」,注皆以爲「將燕」。《少牢》下篇不 西序下」,養畢,「祝命徹阼俎 備言燕私。」案《特牲禮》尸謖,「徹庶羞設 徹」,不云「婦人徹」也。 畢,「婦人乃徹,徹室中之饌」。 主婦薦俎」、《少牢》下篇,不儐尸之禮,祭 「禮殺」。若上大夫儐尸之禮,則但云「有司 食禮》異者。至于《少牢》尸嘏主人曰: 亦將燕 也。 又云:「諸父兄弟 若上大夫儐尸之 豆籩 燕」也。 注皆以 設于 又 牪 儐 東 爲 于

⁰ 具」,原誤作「且」,今據《清經解》本改。

《少牢饋食禮》異者,或即其遺制歟? 子孫孫,勿替引之」。亦多與嘏辭合也。王 年,勿替引之。」《詩》中如「孝孫有慶,報以 女孝孫,使女受禄于天,宜稼于田,眉壽 寧但云「《楚茨》可以見少牢饋食禮」,而不 朝卿大夫之祭禮篇亡,不可考。《楚茨》與 孫」,又云「永錫爾極,時萬時億」,又云「子 知其中有王朝、侯國之不同也。 介福,萬壽無疆」,,又云「工祝致告,徂賚孝 皇尸命工 祝, 承致多福 無 疆 于女孝孫 王深 萬 來

禮經釋例卷十終

簠。

禮

經

釋例卷十

目

凡實羹之器曰鉶,實大羹之器曰鐙

凡扱醴、扱羹之器皆曰柶。

凡相見,婦人則以棗、栗、腶脩爲摯。凡相見,君則以玉爲摯,臣則以禽幣爲摯。」「其曹」其曹,

凡藉玉之器曰繅。

| 凡盛婦摯之器曰笲,夫人則曰|

竹簠方。

凡射者之器曰弓、曰矢、曰决、曰拾。

凡釋獲者之器曰中、曰籌。凡獲者之器曰旌、曰乏、曰侯。

凡取矢之器曰楅,飲不勝者之器曰豐。

共二十例。

禮經釋例卷十一目録終

器服之例上

凡酌酒而飲之器曰爵。凡盛酒之器曰尊,剩酒之器曰勺。

凡

盛

水之器

曰

罍

一**,** 鄭

水之器

曰枓,棄水之器

曰

洗。

凡

所以

馮者

曰

几

, 所

以藉

者曰

席。

凡亨牲體之器曰鑊。

凡升牲體之器曰鼎,出牲體之器曰朼。

凡載牲體之器曰俎。

凡盛濡物之器曰罋,實濡物之器曰豆。

凡實乾物之器曰籩。

三六五

三六

禮經釋例卷十

歙凌廷堪次仲學

器服之例上

時,「几筵既設,擯者出請命」,注:「有几匹裝案:《士昏禮》納采,「主人筵于户西,西,古一,右几」。注:「筵,爲神布席也。」親迎, 方,南面」。張氏爾岐曰:「席于奥者,舅席也, 席方,南面」。張氏爾岐曰:「席于奥者,舅席也, 席 开南面」。張氏爾岐曰:「席于奥者,舅席也, 席 开南面」。张氏南岐曰:「席于奥者,舅席也, 席 开南面」。张行告禰,「有司筵几于室中」,又行聘之路,后,有一个,以源者曰几,所以藉者曰席。

也。」又云「宰授几、主人受、二手横執几、

筵者, 徹》「司宮筵于户西,南面」,注:「爲尸席 于東箱」,注:「王即席,乃設之。」《有 止使者,則已布席也。」《覲禮·記》「几俟 拜送几,使者設几,答拜」,注:「上介出 又儐郊勞使者,「侯氏先升,授 禮》「天子設斧依于户牖之間,左右 食大夫禮》「宰夫設筵、加席、几」。《覲 徹几改筵」,注:「徹神几,改神席,更布也。」《公 者,鄉爲神,今爲人。』《聘禮》主君禮賓,「宰夫 賓,「主人徹几改筵,東上」,注:「徹几改筵 此爲神布席設几也。《士昏禮》女父醴 禮》「司宮筵于奧,祝設几于筵上,右之」, 禮》:「祝筵几于室中,東面」,《少牢饋 告,「乃至于禰 「布席于室中,東面,右几」,《特牲饋 以 其 廟 受, ,筵几于室」。《士虞禮》祝 宜 依 神 也。」又使還 几。 侯氏 几。 食 食 奠

禮》大斂奠,席「設于奧,東面」。《既夕》 西 射禮》「乃席賓,南面,東上。 也。《鄉飲酒禮》「乃席賓、主人、介。衆賓 對筵坐。又「贊醴婦,席于户牖間」,又婦 面」、《士昏禮》婦至,「媵布席于奧」,夫婦 冠者布席。 席,乃奠」,此爲神布席也。《士冠禮》「主 朝祖,「席升,設于柩西」,,又設祖奠,「布 揖尸」,注:「獨揖尸,几禮主于尸。」此爲 而西。席主人于阼階上,西面」,「席工于 廉,東上」。注:「爲工布席也。 之席,皆不屬焉」,又將升歌,「設席于堂 饋「舅姑于室」,注:「舅姑共席于奥。」又 人之贊者筵于東序,少北,西面」,此爲將 人布席設几也,皆几席並有者也。《士喪 階上,少東」、《燕禮》「司宫筵賓于户 又賓醴冠者,「筵于户西, 側邊曰廉。」《 衆賓之席繼 鄉 南

> 《士冠禮》、《特牲禮》筮日,皆席于門中, 闑 屈也。」若有諸公,「席于阼階西,北面,東 面」。此即公之席位,其介爲賓。 東上。大夫繼而東上。若有東面者,則北上。」又「席 宫設席于東序,西面」, 宫又筵于西序,東面」,此侑席也。 方之賓燕,●賓爲荷敬,席于阼階之西,北 工于西階上,少東」。 獻大夫,遂薦之,繼賓以西,東上」,注: 上,無加席」。 西,東上,無加席也」。注:「無加席,燕私禮,臣 席工于西階之東,東上。』《燕禮 ·亦獻之而後布席也。」《大射》云:「小卿賓西· 司宫設席于房中,南 西閾外。《少牢》立筮,故不布席。 亦屈之、《大射》同。 獻笙則無席,《大射》云: 面。 此主人席也。 《有司徹》「司 記》「若與四 又主人「辯 此主婦席也。 以上皆無 又云「司 又云

「與」,原脱,今據《儀禮注疏》補。

0

三六八

席 者。 鄉 飲 酒 禮》賓若有遵者,「席于

加

賓東,公三重,大夫再重。 公升,如賓禮,

一席,使一人去之。大夫則如介禮,有

諸公,則辭加席,委于席端,主人不 徹

無諸公,則大夫辭加席,主人對,不 去 加

席」。 東、大夫辭加席、主人對、不去加席 《鄉射禮》大夫若有遵者,「席于尊

禮》「小臣設公席于阼階上,西鄉,設 注"「不去者,大夫再重席,正 也。 賓一重席。」《 加 燕

于賓左,東上。 席」,又主人獻 卿,「司宫兼 卿辭重席,司宫徹之」。 卷重席,●設

西鄉。 《大射》同。 敖氏繼公曰:「公不言設加席,如《燕禮》可 《大射》「小臣設公席于阼階上,

知。」司宫設賓席于户西,南面,有加 席」。

燕禮》賓無 加 席。 以 上皆有加 席 者《聘禮 灣

席也,皆有席、無几者也。至于《士昏 賓,及《公食大夫禮》、《覲禮》皆有加· 席 此 爲 人布

> 《禮經》證之,《鄉飲酒 記》 下」,萑席,即《周官》莞筵也。 純,加萑席尋,玄帛純,皆卷自末」; 大夫・記》「司宮具几,與蒲筵常,緇布 皆云「蒲筵,緇布純」。 鄭不數者,疏云:「以喪中非常故也。」以 筵繢純。及熊席也。 席,謂莞筵紛純、繅席 謂玉几、彫几、彤几、漆几、素几也,五 又案:《周禮·春官·司几筵》掌五几, 對」,此則升車所履之几,非所馮之几 夫純」。 「上大夫蒲筵,加萑席。 周官》云「莞筵紛純」、鄭司農云:「紛,讀爲和 婦 《士虞禮》「素 乘 以 几。 從者二人坐 ・記》、《鄉射・記 又有葦席、栢席、後 畫純、次席黼純 注:「純,緣也。」《公食 、几、葦 其純,皆如 筦、萑 席 在 持 聲相 几 又云 下大 西 也。 序 相

官」,原誤作「官」,今據吕校改。

席」, 其 席 加 經》無此篇,故經與注皆不見 諸 純。」皆據《周 注:「几,玉几也。 卿、大夫其漆 禮》曰: · 萑席玄帛純」、「蒲筵緇 畫 繅 加 侯祭祀用之。 席莞席 注 純 席,畫純。」《聘禮》「禮賓」,注: 繡 謂 一、左彤 緇 筵國賓于牖 白 ||《周 紛 繡 布 也。」「蒲 純 官 上 几,則是筵孤 几與?」《覲禮》「左右几」, 禮》諸侯 加 熊席 加 經 繢 繅 左右 筵 而 也。 前,莞筵紛純 則 席 言 ~ 繢 昨席,莞筵紛純 布純」者,蓋玄帛 畫純, 也。 《純」,《 者,優至尊 又《燕禮》「設公 甸役用之。 也。 也 若彫几 加 孤,彤几 禮 次席 加 加 經》 ´; 則 也。 繅 周 云 黼

又案: 主 有 面 。」蓋推《鄉 人席, 阼 遵與僎同。 鄉 飲酒》注 階 者,席于賓東」。 射禮》注之。 上 西 面 「賓席,牖前 ; 介席 經 亦 又云「賓 南 西 面 階 南 考賓 上 面 岩 東

> 大曰: 記 必 于 也 席 在 南 東北者,言其方也。 而 !',故曰 牖 東鄉主人坐于東方者,言其鄉 東北 西 坐介于西南 介席 南 鄉飲酒 前 也 南 坐 故 鄉 <u>;</u> 西階 面,位 于 飲酒 主人 義》以爲隅坐,非也。 東 坐于東 上 ,主人坐于 南 義》前章 東 在 席 也; 面,位 西 阼 後章云賓必南鄉,介 北,故 北 階 遵 也。 上 東 굸 席 在 西 坐賓 西南 南 賓 \exists 後 東 面 ,而坐僎于 坐 人據《 也 故 故 于西北 南 萬氏 于 位 面 在 西 曰 斯 禮 位 東 坐 北

究 ! 惟《 急,于此無過遵行故事,孰爲審察 相 後人行禮,信其前 其相禮執事之人,類皆庸 向, 小戴記》,而又未深求其義,宜乎來萬 明人于《禮 行之既久,群視爲禮之固然矣。 垂 一爲令典。 經》多束之不觀,所知 而遺其後 郡 縣 諸 碌 司,以 (`,遂定 無 知 ,豈能 吏治 其 爲 非 側 者 竊 爲 深 坐

三七〇

氏之譏也。

曰洗。 凡盛水之器曰罍,剩水之器曰枓,棄木之器

廷堪 洗 用白銀,天子用黄金 度》,洗之所用,士用鐵,大夫用銅,諸 者棄水器也。 禮》設洗,「水在洗東」,注:「洗,承 盛之,沃盥 水用罍,沃盥用料,禮在此 金罍,及大小異。」疏云:「案《漢 「言凡,總《儀禮》一部内,用水者,皆 ·東,有枓」,注:「枓,轔 ,不言水,《鄉飲酒》、《鄉 案:《少牢饋 記 燕禮》、《大射》設 談 洗,「水 水者,皆用 士用鐵。水器,尊卑皆 食禮 在 也。」《士昏禮》言 洗 学司 洗,「罍水 料爲之。」《 東」, 水 射》、《 宫 也。」疏 器 言水 設 也。 特 在 禮 罍 士 東」, 触 凡設 不 牪 器 須 水 云 冠 設 侯 制 用 洗 罍 于 饋

> 槃、匜 言罍 注:「設盤水 盥 在洗西者,反吉也。 有罍,有罍即 故别設槃匜,以待其盤 之右,象洗在東。』《少牢饋 也 水,實于槃中,簞 與簞、巾于西階東」,蓋尸不就洗 言 枓 有枓也。 及巾,尸尊,不就 皆 文 不 又《特牲饋食禮》「尸 具 《士虞禮》設洗,水 巾,在門内之右」, 也 也 食禮》「小祝設 其 實有 洗。 門内 洗 即

凡 間 廷 尊瓦甒」,鄭注:「壺大一石,瓦 盛酒之器曰尊,鹹酒之器曰勺。 于房户之間」。 統名也。 甒、曰壺、曰方壺、曰瓦大、曰圜 〔堪案:盛酒之器,見于《禮 玄酒也。 ·**兩甒」。《少牢饋食禮》**「司宫尊兩 《士冠禮》「醮用酒,尊于房户之 《禮 此皆 器》 門 用 甒 外 者也。 缶,門内 經》者, 甒 兩 尊,其 五 壺,君 甒 甒

禮》、《大射》考之,士旅食,兩 卑異之。兩壺皆酒,優之。」無玄酒。 皆沙酒。 是甒。《燕禮》、《大射》卿、大夫、士皆方 設,云「尊于户東,玄酒在西」,不云 則此當是圜壺矣。又《特牲禮》祭日 注:「爲酬賓及兄弟,行神惠,不酌上尊, 食・記》「尊兩壺于房中」,謂 酒》、《鄉 于大侯之乏東北,兩壺獻酒」,注:「爲隷 壺、特牲》士禮,亦方壺歟?《大射》「尊 兩壺當亦有玄酒。 ,沙酒濁,特泲之,必摩沙者也。 人、巾車、糝侯、豻侯之獲者。獻,讀 壺者也。 兩壺于阼階東」,又云「西方亦如之」, 小未 《 郊 射》 聞 經不云方壺、圜 也。」則 兩 特性》曰: 『汁獻说 壺 亦 《特牲禮》獻衆賓畢 甒 有玄酒。 小 于 壺 矣。 圜 婦人尊也。 壺,以《燕 《特牲 壺皆酒, 此皆 于 是 鄉 兩 壺 爲 壺 醆 陳 饋 飲 也

用

尊

缶

大

牲》注: 《大射》「膳尊 禮》、《大射》「司宫尊于東 鬯,無玄酒也。《士昏禮》「尊于房户之 香汁,因謂之汁莎。」又飲不勝者畢,「司宫尊 之誤也。 西鑮之南,北 也。」此用瓦大者也,皆有玄酒。《燕禮》 直方。」此用方壺者也。 壺」,注:「尊方壺,爲卿大夫士也。 東,無玄酒」,注:「無玄酒,略之也。」《 侯于服不之東北,兩獻酒」,亦 酒。」」疏云:「祭侯之神,故用 壺,變于卿大夫也。』《大射》「尊士旅食 瓦大兩 尊士旅食于門西,兩園壺」,注:「用園 士衆食未得正禄,謂庶人在官者。 「謂沸秬鬯以醆酒也。 秬鬯者,中有煑鬱,和以盎齊,摩莎沸之,出其 」,注:「瓦大,有虞氏之尊 面,兩 兩甒」,注:「膳尊,君 睘 獻,讀當爲莎,齊語,聲 壺」,注:「旅,衆 又《燕禮》「公尊 楹 鬱鬯。」《郊特 之西,兩 兩 壺 臣 也。」 皆 尊 燕 于 道 方

記》兩 《士昏》皆側尊甒 賤 爵也 勺,《鄉射》兩壺,左玄酒,皆加勺,《大 用甒及瓦大也。 瓦大一、《士虞禮》則 此皆盛 有 祀,威儀多也。《士冠禮》「側尊 不云加勺,皆文不具也。《少牢饋食禮》 勺,《大射》圜壺及獲者釋獲者之壺,亦 勺。蓋酒在尊中,必以勺,鄭之,然後實于 射》方壺、膳尊,亦云加勺,《特牲饋 升,所以斢酒也。」考《鄉飲酒》,兩壺加二 司宫取二勺于篚,洗之,兼執以 尊之蓋幂,加二勺于二尊」。 無 **篚實勺、觶、角柶」。《士虞禮》「兩甒** 玄酒 。《燕禮》方壺、瓦大、園壺不云加 壺加勺、《士冠禮》醮用酒,尊亦 酒 之器,統謂之尊 此 用 睘 又《士冠禮》注:「勺尊 禮、《聘禮·記》禮賓 壺 兩甒醴 者也、 也。《士冠》、 酒,是盛 亦 兩 升,乃啟 壺皆酒 無 大夫 醴 祭 加 食 魺 亦

> 總君,則勺亦東枋歟? 之,南枋。是也。若《燕禮》、《大射》尊面勺,南枋,西方亦如之」、《少牢》加勺,覆禮》爲酬賓及兄弟,「尊兩壺于阼階東,加皆,所引。《士虞禮》「加勺,南枋」、《特牲醴、酒,加勺」,是醴亦用勺也。又「加勺,

《漢書 盛, 註: 此,則酒之在尊當曰「盛」也 雅 皆無文。考《左傳》哀公十三年,旨酒 今之偏榼 稽,腹大如壺,盡日盛酒,人復藉酤」,又 盛兮,余與褐之父睨之」。 又案: 牲之在鼎曰升。酒之在尊,經 林》「旨酒一盛」,又楊雄《酒賦》「鴟夷 「皆盛酒尊,彝,其總名。」又《焦氏 一器也。」《釋文》:「盛,音成。」《爾 釋器》:「彝、卣、罍,器也。」郭 「• 張 所 騫 议 傳》注:「師古曰: 盛酒 耳,非用飲者也。」據 杜預曰:「 **椑榼,即** 易 璞 注

凡酌酒而飲之器曰爵。

誤。 禮 對 廷 觶 辟 此 飲酒 觚,三升曰 疏:「《韓詩 主 工記》「梓人爲 三升。獻以爵而酬以觚,一獻而三酬 2爲《鄉 矣。 豆矣」,後 爵 堪 君 》、《大射》雖 人、主人獻 曰 觶 也。 記》獻 案 「觚」當爲「觶」,「豆」當爲「斗」。」《鄉 觚、 《特牲饋食禮》主人初獻尸、尸 有 飲 爵者,實酒之器之統 至于酬、旅 異,散文則 曰觶、曰角、曰散。 一觶,四 酒 用爵,其他用觶。《鄉射》記同。 小傳》曰,一升曰爵,二升 鄭 祝、 **∀** 飲器 獻 日 : 升曰 亦用觚。 鄉 獻 「「觚」、「豆」字,聲之 , 勺一升, 爵 射》而言也。 酬、 佐 通,皆曰 角,五升曰散。 食皆 無算爵 宰夫爲主 1用角。 一爵 名, ^令士 ",則同 升, 也。」《考 若《燕 其 冠禮 注 别 굸 用 則 觚 相 日 曰

> 也。 受者,與賓弟子兄弟弟子舉觶 也。 疏 注皆據《特牲》經文言之。 賤者獻以散,尊者舉觶,卑者舉 殺,事相接。 兄弟酌衆賓長爲加爵,二人班同,迎接並 者,爲賓獻爵止,●主婦當致也。 爵、二觚、四 于尸,酢及祝,如 則用散,經云「利 散,經云「司馬正洗散」、《特牲》佐 用角」是也。 「不用爵者,下大夫 《特牲·記》「篚在 四觶,一酌奠,其三,長兄弟酬賓,卒 敖氏繼公曰:「二觚者,長兄弟以 **觶、一角、一散」,注:**「二爵 又《大射》司馬獻 《禮器》曰:『貴者 初儀,降,實散于篚」是 洗散,注:「利,佐食也。」獻 也,因父子之道 洗西,南順,實二 二觚,賈氏 于其長 獲 太默以 二觚,長 角。二此 者則 食 獻 質 觚 無 用 尸 而

❶ 「爲」,原誤作「衆」,今據《儀禮注疏》改。

爲加 觚 以 夫醴用觶而不用爵觚者,醴事質故也。 算爵、用觶,又殺于獻酢之用爵觚也。 殺于正賓主之獻酢用爵也。 散又卑于觶,故代君爲主人之獻 弟洗觚 ,注説是也。觚卑于爵,觶卑于觚,角 酢 于主人也。」説與注 爵,因以 爲加爵」,則衆賓長爲加爵亦當用 致于主人、主婦,既則更之 異。 酬、旅酬 經云「長 酢 用 觚 無 若 兄

凡亨牲體之器曰鑊。

魚、腊 廷堪案:《士冠禮》「特豚,載合升」,注: 方,西面北上」,注:「亨,煑也。 于爨用鑊。』《特牲饋食禮》「亨于門外東 之右,東面」,注:「側亨,亨一胖 「煑于鑊曰亨。」《士虞禮》「側亨于 ,溉之釜鬵。」《少牢饋食禮》「羹定,雍 以 鑊,各一爨。 《詩》云:『誰能 潮門 也。 煑 豕、 亨 亨 外

皆飪

設

扃

鼏」。

婦

饋

舅姑,「特豚,合

《天官·亨人》「掌共鼎鑊」,後鄭曰 人陳鼎 體之器日鑊也。 鑊」,後鄭曰:「鑊,亨牲器也。」 是知亨牲 鑊之西」。 鑊,所以煑肉及魚腊之器。」 五: 《周禮 三鼎在羊鑊之西 ・春官 又魚腊 ・大宗伯》「省 亦亨之以鑊。 「,二鼎· 在 牲 豕

凡升牲體之器曰鼎,出牲體之器曰朼 偶也。」腊 鼎于寢門外。三鼎,特豚、魚、腊。 體之有松,猶 廷堪案: 牲體之有鼎 四,注:「凡魚之正,十五而鼎,减一爲十四者,欲其敵 合升,去蹄。 舉肺脊二,祭肺二,魚十有 鼎,設扃鼎」。 用酒,「若殺,則特豚,載合升,離肺實 肫。 酒之有勺也。《士冠禮》 《士昏禮》「期,初昏,陳三 注:「或作純,全也。」髀 ,猶酒之有尊也; 其實特豚 不 于 醮 牲

升 設扃 鼎 庭之饌也,若豆鉶簠簋,則設于堂上,米禾薪芻,則設于 注:「西鼎,無鲜魚、鮮腊。」「衆介皆少牢」。 七」;注:「飪,熟也。 在 左 胖,髀不升」。 大斂、「陳三鼎、豚合升、魚鱄 豚,四鬄,去蹄 鼎七」。《士喪禮》小斂,「陳一鼎,其實特 豕、魚、腊、腸、胃同 「上介,飪一牢,在西,鼎七,羞鼎三」; 西,鼎 胖 牢,鼎七,羞鼎三;羞鼎即陪鼎。 牢,鼎二七,無鮮魚、鮮腊」,「上介,飪 ,側載」,注: ,其實:羊左 載之姑俎。」《聘禮》設 鼎。 九,羞 膷、臐、膮,蓋 餼, 「飪 《 既 ,兩胎、脊、肺。 「側載 鼎 胖 熟在 ~,髀 <u>=</u> 夕禮》大遣奠、「陳 一牢、鼎九。牛、羊、 鼎,膚、鮮魚、鮮 者,右胖載之舅俎, 不 西,腥在東,象春秋也。」 腥 陪牛、羊、豕。 ·升,腸 牢,在東,鼎 飱,「飪 鮒 設 五 九,腊 局 腥一牢, 一,胃五 一车, 鼏 此中 ; 五 腥 左

> 鮮獸 膚者,豕既豚解,略之。』《士虞 臂、臑、膊、胳,正脊一、脡脊一、横脊一、 之,❶以多爲貴。」司士 以並,腸三、胃三、舉肺 升,肩、臂、臑、膞、胳。 禮》「雍人陳鼎 升,實于下鼎。 離 短 横脊一、短脅一、正脅一、代脅一,皆二骨 魚:鱄鮒九,實于中鼎。 三,取諸左膉 左肩、臂、臑、肫、胳、脊、脅、離 鼎。 肺。 **| 脅一、正脅一、代脅一,皆二骨以並。** 注"「並,併也。 豕亦如之,豚解,無 注:「鮮,新殺者。 上,肺祭一,實于上鼎。升 五。 皆設扃鼏」。《少牢 ·升豕右胖,髀不升,肩、 脊脅骨多,六體各取二骨並 司 士腊用兔。 馬升羊 正脊一、脡脊一、 一、祭肺三,實于 記》「羹 升腊左胖,髀不 腸 胃。 右胖,髀不 肺。 加 魚、腊 鮮 飦 默而 膚 饋 , 升 食 祭 無

「六體」,原脱,今據《儀禮注疏》補。

于鼎。 膚。 設 俎 五 禮》鼎入,「匕俎從設。 于鼎 匕。 便。《公食大夫禮》「士舉鼎,去鼏于外, 九,實于一 人南面 人」,,又云「雍人以俎人,陳于鼎南。 旅 M 人」,,又云「乃朼,載」。 除鼏 舉者盥,右執匕,卻之,左執俎 俟。 扃 丽 肺 載者 乃設扃鼏。」賓尸之禮重,温尸俎于鑊,復升 鼎,腊一純 ,逆退,復位」。 卒燅,乃升羊、豕、魚三鼎,無腊 鼏」。《有司 此皆升于鼎者也。 ,舉鼎人。匕俎從設。 匕者逆退」。 加匕于鼎,退」,又云「序進,南 祭肺三, 西 鼎。 面, 司 而 徹》「乃燅注"「燅、温也。」尸 又云「大夫既匕,匕奠 實于一鼎。 士又升魚、腊, 鼎 注:「執匕者事畢逆退,由 《士喪禮》小斂奠, 腊 左人抽局、鼏、匕, 札 與 と 同。 《士昏禮》婦至, 用麋。卒胥,皆 北 雍 ,横攝之, 面 魚 人 ^念士 [載,執 倫 + 與 次 面 有 膚

> 以 化」,又云「卒載,加 匕以從,雍 舉豕鼎、舉魚鼎以人」,又云「雍正 古文化作上。二《有司徹》「司馬舉羊鼎 賓先,次賓後也。 者二人,皆合執二俎以 佐 加于鼎, 主人,皆盥于洗,●長朼」。注:「長朼者,❷ 「匕皆加于鼎,東枋」;又云「宗人遣賓 四匕以從,司士合執二俎以從。 食禮》「鼎序入,雍正執一匕以從,雍 特 公從,司 食 牲 及右 饋 東 士贊者亦合執二俎 食 人 枋」。 府執二匕以從,司士合執 禮》「 載 主人不化,言就主人者,明親 此皆將載 贊 卒, 匕于鼎」。 者 朼 錯 相,從人」; 者 俎 于俎 逆 以 加 退 從。 \sim 一故用 司 少 復 匕 司 又云 牢 執 土 位 匕 府 臨 俎 之 士 就 匕 贊 執 饋 Ě

[「]朼」,原誤作「牝」,今據《清經解》本改「干洗」二字,原脱,今據《儀禮注疏》補

體之器曰朼也。出之于鼎也,故曰升牲體之器曰鼎,出牲

凡載牲體之器曰俎。

《公食大夫禮》「魚腊飪。 脊,長脅二骨,短脅。 俎:右肩、臂、臑、肫、胳,正脊二骨,横 俎,垂之。」《士喪禮》小斂奠,「載兩髀于 廷堪案:牲體之有俎,猶酒之有爵也。 俎:髀脡,脊二骨,脅二骨,膚一,離 于大夫,有併骨二,亦得十一之名也。」●膚三一,離 覆,進柢,執而俟」。 《特牲饋食・記》 「尸 兩端,兩肩亞,兩胉亞,脊、肺在于中,皆 七,同俎。倫膚七。腸、胃、膚,皆横 奏,謂皮膚之理。」魚七,縮俎,寢右。 ,

,

村肺三,

魚十有五,

腊 阼俎 ·臂,正脊二骨,横脊,長脅二 注:「士之正祭禮九體,貶 載體進奏。 如牲骨。 腸、胃 注: 祝 肺 諸 肺

> 爾岐曰:「按上文已言肩,不當重出,且遺胃,則「肩」字 即「胃」字之誤。」在上。下利升豕,其載如羊, 臂、臑、膊、胳,在兩端,脊、脅、肺、肩,張氏 胖,髀不升,肩、臂、臑、膊、胳,正 肺一」。《少牢饋食禮》「上利升羊,載右 其餘如佐食俎。 其餘如阼俎 骨,短脅,膚一,離 無腸、胃。體其載于俎,皆進下。 拒,舉肺一,長終肺,祭肺三,皆切。 脡脊一,横脊一,短脅 婦,若有公有司、私臣,皆殽晉,膚一,離 一,皆二骨以並, 肺 賓,骼。 佐食俎: 觳折,脊,脅,膚 衆賓及衆兄弟、内賓、宗 肺一。 腸三、胃三,長皆及俎 長兄弟及宗人,折。 一、正脅一,代脅 主婦俎: 觳 司士三 一, 肩 折,

人,升魚、腊、膚。

魚用鮒,十有五而俎,

[「]一」,原脱,今據《清經解》本補。

肫、骼、臑,正脊一、脡脊一、横脊一、短脅一、正脅一、代 肺 也。」正脊一、脡脊一、横脊一、短脅 肫、骼、臑,注:「臑在下者,折分之以爲肉湇,俎 司 九 肩在上。 縮 脅一、膚五、嚌肺一,載于一俎。 一,載于南俎。 馬 俎。羊肉湇,臑折、正脊一、正脅一、腸一、胃一、嚌 而俎,亦横載,革順。」《有司 載,右首,進 一、代脅 **朼羊**,亦司馬載。 注:「如羊豕。 '一、腸 司士朼豕,亦司士載,亦右體,肩、臂、 腴。 一、胃 腊 凡腊 載右體,肩、臂、 純 此二俎則以雍人所執 一、祭肺 之體 而 ,載禮在此。」膚 俎,亦進 徹》「乃升。 一, 載 一、正 下, 于

之。 也。 之載,鼎則謂之升矣。 即載諸俎,不用鼎,狗之禮殺故也。 此皆載于俎者也。 亦横載之; 魚,亦司士載,尸俎五魚,横載之, 胃一、膚一、嚌羊肺一,載于一俎。「司士札 三、嚌肺一,載于一俎」,此二 ·其牲,狗也,亨于門外東方」,皆出諸 「其牲,狗也,亨于堂東北」;《燕禮・記 主婦俎,●羊左臑、脊一、脅一、腸一、 又《鄉飲酒・記》、《鄉射 皆加膴祭于其上」,此三魚俎亦益送之俎 故曰載牲體之器曰 俎亦以雍人所執之俎益送 魚腊亦然。 侑、主人皆一魚,❷ 記》皆云 俎 俎 鑊

醢百罋,夾碑,十以爲列,醯在東」,上介廷堪案:《聘禮》歸饔餼,賓腥二牢,「醯凡盛濡物之器曰罋,實濡物之器曰豆。

之俎益送之。侑俎,羊左肩、左肫、正脊一、

亦以雍人所執之俎益送之。 阼俎,羊肺 一、祭肺

俎,豕左肩折,正脊一、脅一、膚三、切肺一,載于一俎」,

脅一、腸一、胃一、切肺一,載于一俎。 「侑

0

胃

一、嚌肺一,載于一俎。

豕骨,臂一、脊一、脅一、膚

載于一

俎。

「羊肉湇,臂一、脊一、脅一、腸一、

[「]一」,原誤作「二」,今據《清經解》本改。「俎」,原誤作「徂」,今據《儀禮注疏》改。

腥 《既夕禮》大遣奠,「四豆,脾析、蜱醢、葵 也。」❷「西夾六豆,北上。 韭菹,其東醯醢 其 南 饔餼,「堂上八豆,皆二以並,東上,韭菹 昏禮》「饌于房中,菹醢四豆」。 《聘禮》歸 盛之以罋也。 以西菁菹、鹿臡」。上大夫八豆、❸加葵菹蝸醢 饌,「宰夫自東房薦豆六,設于醬東,西 屈」,東夾亦如之。《公食大夫禮》設正 兩豆:葵菹、嬴注:「今文嬴爲蝸。」醢」。《士 豆、盛于《特牲》。 以西鸁醢」。《特牲饋食禮》陰厭,主 菹、嬴醢」。《士虞・記》「豆實,葵菹,菹 厭,薦「韭菹、醓 一牢,「筥及罋如上賓」,是菹醯醢醬皆 兩豆,葵菹、蝸醢」。 韭菹以東醯醢、昌本,昌本南 醢醢,屈」;注"「醯醢,汁也。● 主人獻祝、「薦兩豆菹、醢」, 《士冠禮》醮用酒,「再醮, 醢。 葵菹、蠃醢」、《少牢》四 《少牢饋食禮》陰 屈 溧 臡, ",猶錯 婦

> 《士昏禮》饌于房中,醯醬二豆,是實醯 皆二豆,韭菹,醯醢 之膴,膴,大也。唯醯醬無大。」蓋,執豆如宰」。 有大、注:「大,以肥美者特爲臠,所以祭也。 亦用豆也。《公食大夫禮》「士羞庶羞,皆 東房授醯醬」,注:「以醯和醬。」不云豆。考 以豆也。《公食大夫禮》設正饌,「宰夫自 于主人,賓致爵于主婦,亦薦 **贊者薦韭菹醢。不儐尸之禮**,主婦致 尸酢,主婦皆薦韭菹醢,主婦受尸酢,婦 也。 注:「葵菹、蠃醢。」《有司徹》主人獻尸, 「薦韭、菹、醢」,「昌、菹、醢」,注:「昌,昌本 韭菹、醯醢、昌本、麋n。
> 主人獻侑、主人受 也。 是菹醢之屬實之 韭菹醢,蓋 魚或謂 爵

[「]헠;ミ 纟ゥ ム 疣″ 褎雚;ヒピル曽゚「汁」上,原衍「肉」字,今據《儀禮注疏》删

[「]猶」,原脱,今據《儀禮注疏》補。

[「]上」,原誤作「士」,今據《儀禮注疏》改。

《特牲》尸入九飯,「佐食羞庶羞四 列 無臐 加 今文鮨作鰭。」鮨南羊炙,以東羊胾、醢、 也 注:「豆宜 于薦豆之北」,注:「設于薦豆之北,以其 者,膮、炙、胾、醢。」《少牢》尸入十 醢」,注:「庶,衆也。 六1豆。上大夫庶羞二十豆,加于下大夫以雉兔鶉駕。 醢、牛鮨。注:「《内則》謂鮨爲膾,❶然則 曰臐,豕 也 「上佐食羞胾兩瓦豆,有醢,亦用瓦豆,設 也。 ,皆濡物 「如宰,如其進大羹湇,右執豆,左執蓋。」「旁四 西 炙南醢 膮者,尚牲不尚味。]是庶羞 蓋 北 Ė 四豆亦絳。 醯醢之在罋,猶酒之在壺,牲體 膮。」 牛 炙。 上。 濡物。」故 也。《鄉射 以 膷 西豕胾、芥醬、魚膾」凡 以 東臐、膮、注:「牛曰膷,羊 羊胾在南,豕胾 炙 日 衆羞以豕肉。 南 實濡 ·記》「醢以 醢 一,以 物 之器 西 亦 膾用 豆,有 牛 在 豆 一, 用 曰 四 北 胾 之 豆 + 鮨 豆 豕

> 舉則共齊菹 盛之,維筐及筥」,然則濡物在罋亦當 醯五十罋也。《詩・召南 罋」,賓客之禮,共醢五 百有二十甕」、《醢人》「王舉 盛也。 鼎 也。 故《周 醯 物六十甕」,賓客之禮,共 禮 ・天官 十甕,《醯 • 采蘋》「于以 膳 則共 夫》「醬用 醢 人》「王

玄謂: 齏」。 司農云:「蒲蒻人水深,或曰深蒲。 春皆以拍爲膊,謂脅也。 曰:「牛百葉也。」蜃、大蛤也。 昌本、昌蒲根也,切之四寸爲菹。 又案:《周禮・天官・醢人》「五齊,當爲 鸁 螔蝓 七醢,七菹,三臡」,後鄭注:「五 深蒲,蒲始生水中子。」七 也。 **廳、**《禮經》作「蜱」,蛤 或曰 豚拍,肩也。 豚拍、 醢 或曰深蒲,桑耳。」 脾 ", 醓、肉 鄭大夫、杜 析、鄭 深 蚔 蒲 汁也 司農 鄭 子

在

鮨」,原誤作「脂」,今據《儀禮注疏》改。

菹。 《公食大夫》正饌、《少牢》陰厭、《有司徹》 《士虞》、《特牲》、《少牢》陰厭,《少牢》主 也。 其五齏之蜃、豚拍、深蒲,七醢之蚳 臡。《公食大夫》正饌,又用菁菹、鹿 饌、《有司徹》主人獻尸,又皆用昌本、麋 受尸酢,不儐尸之禮,主婦致爵于主人、 骨爲醢。考《士冠禮》、《既夕》大遣 細切爲齏,全物若牒爲菹。」有骨爲臡,無 **茆、**鳧葵也。 醢、兔醢、鴈醢,七菹之茆菹、芹菹、箈菹 大遣奠,又用脾析、蜱醢。《公食大夫》正 賓致爵于主婦,皆用韭菹、醯醢。《既夕》 主人獻尸、主人獻侑、主人受尸酢、主婦 人獻祝,皆用葵菹蠃醢。《聘禮》歸饔 菹,三臡之麇臡,皆不見于《禮經》。 魚、兔、鴈醢。 三臡,麋、鹿、麋臡也。 葵、芹、箈、箭萌也。 七菹、韭、菁、蔓菁 凡 醯 筍 醬 竹 、醢、魚 所 萌 臡, 餼 奠, 和 也。 也

五齏、七醢、七菹、三臡者,天子祭祀之禮人》朝事之豆,饋食之豆,加豆之實,得備天子諸侯之禮則用之,其篇亡矣。《醢

凡實乾物之器曰籩。

故也。

稻也。 遠者乾之。 魚爲大臠。 **飒、脯,蔆、芡、敹、脯。** 重言之者,以四物爲八 蓋乾桃,濕梅,乾棗。 桃、乾藤、乾梅也。 江淮也。鱐者,析乾之,出東海。王者備物,近者腥之, 宜乾物也。」如《周禮・天官・籩人》所掌 廷堪案:《鄉射・記》「脯 朝事之箋,麷、熟麥也。 蕡、熬泉實也。 白、熬 羞籩之實,糗餌、粉資,合蒸日餌,餅之日 黑、熬黍也。 饋食之籩,棗、梨、《禮經》作「栗」。 鮑魚、鱐,鮑者,于福室中糗乾之,出于 加籩之實,蔆、芡、雞頭也 形鹽、鹽之似虒者。 榛實。賈疏:饋食八籩,其三 用籩」,注:「 膴、牒 籩 生

獻,設 籩、 餈。 鮑 白 籩 獻祝、主婦致爵于主人、賓致爵于主 之實,雜用之,下賓尸也,栗脯,加籩之實也。 婦獻侑,羞糗脩,主婦致爵于主人,設糗 此朝事之籩,大夫無朝事,而用之儐尸,亦豐大夫之禮。 徹》主人獻尸,主婦設麷、蕡、白、黑,注: 脩,如尸禮。 主人獻侑、主人受尸酢、主婦受尸酢,皆 籩,棗烝,栗擇」。 四 籩,麷、蕡,主婦獻尸,設糗與腶脩, · ; 黑 皆 魚、鱅、乾藤、榛實、蔆、芡之屬,少于 棗、糗、栗、脯;注:棗,饋食之籩,糗,羞 餌 兩籩: 棗 、棗、栗、脯 兩籩,注:「兩籩,棗、栗。」《有司 糗。 棗、糗、栗、脯」。 餈言粉 栗、脯」。 不儐尸之禮,主婦 禮 互 經》 、糗、腶 相 《特牲饋食禮》主婦亞 足。」)所載 \sim 既 皆 脩 乾 夕 祇 無 /禮》大 士虞 物 也 有 形 亞 麷 鹽 · 記 獻 遣 \sim 主 士 蕡、 心; 設 奠 婦 主 冠 籩

> 有腶 説,云纁裹皆玄被。」是籩巾 與竹簠方矣。 食・記》「籩、巾以綌也,纁裹」,注:「舊 脯 羊傳》「腶 能備物也。又《周禮》無腶 特性》、《有司 周 也。」故《周禮》不重出也。 禮 脩者,考《春秋》莊公二十四年,《公 籩 脩云 人》 徹》皆士大 乎」,何休註 者 蓋 \sim 士 冠 夫之禮,故不 脩,而《禮經》 亦有裹, ×̈́, 又《特 脩者, '性饋 夕 》、 如笲

薦脯、 香》醴· 牲》主人獻賓,薦脯、醢。 醢 獻 豆。 有脯、醢。 又案:楊氏復曰:(《士冠》脯、醢。 卿 醢。 聘禮》體賓,脯、醢,又筵几于室, 賓,脯、醢 薦 斂奠,脯、 脯 《燕禮》、《大射禮》獻賓、獻公、 \Rightarrow 鄉 醢。 (射))薦| 醢 \sim 《鄉飲》脯 士喪禮》始 朝夕奠,脯、醢。 用籩 以上皆一豆一 浦 、醢;衆賓 五 死奠,脯 職,醢 《特 **企** 以 辯

籩也 設籩 四豆 縢。 籩。 昌菹 兩籩 也。 羞四豆,皆未用籩也。 時,薦兩 上皆四 籩,栗、脯。 《士喪》大斂,毼豆 酒之禮則豆籩皆有 豆重籩 $\overline{\Theta}$ 特牲》兩豆兩籩,主婦致爵于主人,兩豆 · 籩,《鄉飲》、《鄉射》、《燕禮》、《大射》 **籩皆有,《特牲》尸人九飯,有豆無** 《士冠》再醮,兩 醢 四 考《禮經》通 《士虞》兩豆兩籩 以上皆兩豆兩籩。《既夕》遺奠, ,取籩于房,其所薦先後之序,則 輕,于此可見矣。」竊謂: 逮明日賓尸,于是主 豆四籩。」又曰:「《特牲》禮 籩,《少牢》賓尸,四 少牢》厭 豆,及迎尸饋食之時,佐食羞 例 祭及迎尸饋食,亦未 食禮 ,故《公食大夫》有豆 豆,葵菹、嬴 及主婦亞獻尸,始 ,獻祝,兩豆 則 婦 有 豆四籩。 豆 薦 兩,兩箋 韭 無籩,飲 楊説 醢 菹 兩 厭 ; 籩 籩 以 用 非 庶 祭 無 兩

> 非豆重 又案: 明日 授主婦。 陪設于南」,又云「興,取箋于房、體、蕡 者執昌、菹、醢以授主婦、主婦不興、受、 畢賓尸,豆籩皆有。 牢》尸入十一飯,有豆無籩,《有司徹》祭 事之豆,韭菹、醯醢、昌本、麋臡、蓍菹、鹿 用之儐尸,亦豐大夫之禮。」考《醢人》「朝 注:「此皆朝事之豆籩。大夫無朝事,而 坐設于豆西」,又云「婦贊者執白、黑 薦韭、菹、醢,坐奠于筵前」,,又云「婦贊 非明日也。 主婦亞獻、主人獻賓,豆、籩皆有, 呵 《有司徹》主人獻尸,「主婦自東房 繹。 而籩 主婦不興,受,設于初籩之南 楊氏云「明日賓尸」,亦誤。 至于《少牢》賓尸,即于祭 輕也。 又天子諸侯之祭,始 蓋禮 示 同 .則器 亦異 [《]少 H 以

^{● 「}兩」,原脱,今據吕校補。

豐 **蕡、白、黑、形鹽 儐尸之禮遠下天子朝事之禮,是殺也,非** 也,注蓋失之矣。 茆菹, 此儐尸四豆四籩 麇 臡 <u>_</u>; 、膴、鮑 籩 ,僅得其半,是大夫 人》「朝 魚、鱐」, 事 之籩 豆 籩 麷 皆

簠。 凡盛黍稷之器曰簋、曰敦,盛稻梁之器曰

廷堪 魚俎 贊者執敦稷以授主婦,主婦興受,坐設于 執 簋 其 又 黍、稷六簋」。 東夾亦如之。《公食大夫禮》正饌,「宰夫 南稷、錯」,西夾六簋、「黍其東稷、錯」。 也 興受贊者敦稷,坐設于黍南」。 一金敦黍,有蓋,坐設于羊俎之南。 南。 。《少牢饋食禮》陰厭,「主婦自東房 案:《聘禮》歸饔餼,堂上八簋,「黍 又興受贊者敦黍,坐設于稷南。 是諸侯 盛 黍稷之器,謂之 祭畢 設 婦

執湇以降」。《公食大夫・記》「簠有蓋

《聘禮》歸饔餼,堂上兩簠,「梁在北」。 《士喪禮》朔月奠,「無籩,有黍、稷。 即 西 者,宗婦 禮》「盛兩敦,陳于西堂」,注:「盛 餕, 夫膳稻于粱西」,又云「賓坐席末,取粱, 夫授公飯粱,公設之于淯西J,又云「宰 注:「簠不次簋者,梁稻加也。」西夾兩簠,「梁在 于俎南」,是士盛黍稷之器亦謂之敦也。 設二敦于俎南,黍,其東稷」。《特牲 敦,有蓋,當籩位」。 也。《士昏禮》「饌于房中,黍稷 坐,注"「自間坐,由兩饌之間也。」左擁簠粱,右 黍于下佐食」,是大夫盛黍稷之器謂 稻、祭于醬消間」,又云「賓 _ 司 東夾亦如之。《公食大夫》設 士 也。」又陰 進 敦黍 厭、「主婦設兩敦 于 《士虞禮》陰厭,「 È 佐 食, 北 加饌、「宰 又 四 面 進 黍 敦」。 饋 之敦 用 稷 稷 食 間 瓦 贊

器,非黍稷器,當以經文爲正。《周 也。 周 食分簋、鉶」,注「敦,有虞氏之器 稷之器亦有用簋者,《特牲》祭畢餕,「佐 以幂。」是盛稻粱之器謂之簠也。 簋,黍稷器也。」其義精矣。《詩・秦風》釋文 秋官• 制,士用之。 制耳」是也。《説文》:「簋,黍稷 簠,黍稷圓器也。」竊謂:簠乃稻 注: 掌客》鄭 稻 變敦言簋,容同姓之士 粱 將 氏 食乃設, 注:「簠,稻 去 會 粱 于房, 士盛 也 器 禮 方 得 也 粱 器 從 周 黍 蓋

饌; 正 《公食大夫禮 亦用鄭義 等諸侯,簠數有差,而 爲 不預,是簠尊而 又案: 陳氏 , 黍 稷、 饌 用 【祥道 俎 俎 - >, 黍 豆,加 豆,質 簋 曰:《周官 卑也。」此説非 稷 饌 也 爲 簋皆十二,有 用 ; Œ 稻 庶 一饌,稻 羞 粱、庶羞,文 掌客 禮 粱 也。 以 爲 簠 質 加 考 五 或

用

匕

《特牲》、《少牢》陰厭,有黍 也。 是以《聘禮》歸 正 饌 尊 于 加 獿 饌 餼 則 以 簠 簋 稷 繼 亦 簋 尊 無 之 于 稻 粱者, 後 簠 也。 矣。

事鬼神之禮尚質故也

猶 禮》云「雍人摡鼎、匕、俎于雍爨,廩 匕 脣寸,七穿」,皆飯器也。 半寸,脣寸」,又云「甑,實二鬴,厚半寸, 又案:《考工記》「陶 酒之有壺勺爵,菹醢之有罋與豆也亦然。 甑、甗、匕與敦于 性體 ;飯之盛 飯、匕牲體之器同用匕,而匕淯之器亦 匕,且有挑匕、疏匕之不同。 之在 于 · 鼎 敦,猶牲體 飯之用 廩爨」,蓋飯之在 人爲甗,實二鬴,❶厚 匕,猶牲體之用 故《少 之載 注:「疏匕,匕 于 牢饋 俎 甑 人概 也 甗 食

字同 「鬴」,原誤作「融」,今據吕校、《清經解》本改。下「鬴

用 者 此 有 畢、蓋所以輔 畢星取名焉。● 主人親舉,宗人則執畢 而 宗人執畢」,注:「畢狀如叉,蓋爲其 有 匕在 東謂之甗。」《孟子》:「以釜 挹湇,注于疏匕,若是者三」,是次賓 : 饛 簋 人授次賓疏匕」,又云「二手執挑匕枋 刻 既錯,又以 疏 :「甗,無底甑。」《方言》:「甑,自 黍稷 又爲炊飪之器也。 匕,雍 者。」《有 簋飱之下,疑爲匕飯之匕。 飱 也。 ,有捄棘匕」,毛傳:「飱,熟 匕者。 人所 司 匕,所以 畢 徹》主人獻尸 臨 用者挑匕也。 《詩・小雅 匕載,備失脱 載鼎實。」竊謂: 甑爨。」是 羞 《特牲 也 大 匕 引。」則 鄭 、 東 》 湇 鱪 司 墳 似 所

地及外神尚質,『器用陶匏』之類也。」又「祭宗廟皆用木簋。今此用瓦簋,據祭天又案:《考工記》「旊人爲簋」,賈疏:

[《]詩 也。 《異義》:罍制、《韓詩》説:『金罍,大夫器 器」,又《説文》觵、觶、觛、觴、觚等字皆从 《考工記》「梓人爲飲器」,又曰「凡試梓飲 梓。』《毛詩》説:『金罍,酒器也。 文》:「櫑,龜 圓,木器 傳云:「人君黄金罍。」孔氏正義曰:「故 缶。」是尊罍之屬 角,是爵之屬皆木器 文作机。」是簋之屬皆木器或瓦器也。又 也、巽爲木。五、離爻也、離爲 引《周易 周南 天子以玉,諸侯、大夫皆以 耐 • 損卦 ·圓,簋象也。」《説文》:「簋,古 卷耳》「我 目 酒尊。」又云:「櫑或从 彖》鄭 三 亦木器 或 姑 角器 氏注: 酌 或 彼 也。 日。 金罍 瓦 「四,巽爻 金,士 諸臣之 器 又《説 日 一、毛 也

❶ 「星」下,原衍「故」字,今據《儀禮注疏》删。

之,則其 之,則其重可 爵 所售者皆範銅爲之。又爵一升,觶三升, 但以金玉飾之而已。今古器之風盛行, 以上同用梓而加飾耳。」然則《少牢》所謂 詩》説言『士以梓』,士無飾,言其木體 矣,故《禮圖》依制度云『刻木爲之』。 説「天子以玉」,經無明文。 《司尊彝》云 所酢,●人君以 壯夫難勝也。 稚子可提也。 或觶小于爵。 金敦、《祭統》所謂玉 而畫之,爲山雲之形。」言刻畫,則 『皆有罍,諸臣之所酢』,注云:『罍,亦刻 小 者,其必有説以處此矣。 而 .觶大,經傳並有明文。令所售者, |輕可 知,今所售者,乃小而輕, 凡此之類,疑不能 知,今所售者,乃大而 《禮經》之敦,第曰主婦執 又《禮經》之鼎,必曰士舉 黄金餚尊。」謹案:《韓 爵,皆瓦器與木器, 明,嗜古 用 詩 韓 則 木

凡實羹之器曰鉶,實大羹之器曰鐙。

[「]諸」,原誤作「詩」,《清經解》本同,今據吕校及《毛詩

執豕鉶以從,主婦不興,受,設于羊 房,取一羊鉶,坐奠于韭菹西。主婦贊 芼,皆有柶」。 中 《公食大夫· 之鉶也。《公食大夫禮》正饌,「大羹湇 用特豕者,唯豕羹 虞禮》陰厭,「設一鉶于豆南」,《特牲 皆用少牢者,故鉶羹有羊、豕之别。《士 西」,注:「飲酒而有鉶者,祭之餘鉶。」此 者,文不具也。是實大羹之器謂之鐙也。 禮》尸入飯,泰羹湇自門入,設于鉶南。 和,實于鐙」,注:「瓦豆謂之鐙。」《士虞 食禮》陰厭,「兩鉶,芼,設于豆南」, 薇,皆有滑 鹽菜者,所以 、特牲》尸人飯,設大羹湇,不云實于鐙 上 佐 」,注:「藿,豆葉也。苦,苦 食受, 《有司徹》主婦獻尸,「入于 記》「鉶芼、牛藿、羊苦、豕 和 羹也,凡鉶羹皆有之。 而已。 坐設 于羊 是實羹之器謂 鉶 之 南 鉶 此 皆 饋 之 者 皆 不

> 汁矣。 滑,夏葵,冬荁」是也。 荁」、《特牲》記「鉶芼,用苦,若薇,皆有 茶 笔,用苦,若薇,有滑。 也 0 滑, 堇 昔 之屬。」《 若大羹,則煑 土 夏 虞 用 葵,冬用 記》 肉 鉶

昏 祭」,是扱醴之器 禮·記》「祭醴, 祭醴三,「坐啐醴,建 君禮聘賓,授醴者皆加柶,受醴者皆以 女父醴使者、舅姑醴婦,《聘禮》主國 廷堪案:《士冠禮》賓醴冠者;《士昏 注:「扱以柶,扱其鉶菜也。」《士虞・記》 「捷」。《聘禮》不云興,文不具也。 •記》「始扱一祭,又扱再祭」"《 賓祭正饌,「扱 再扱,始扱一祭,卒再 謂 上 之柶 鉶 以 也 祭醴三者、公士 柶,辯擩 《公食大夫 禮 聘 柶 之

凡扱醴、扱羹之器皆曰柶

以 也。 鉶,遂以祭豕鉶,嘗羊鉶」。 設羊豕四鉶,「皆有柶。 挹豕鉶. 婦獻尸,「尸坐,以羊鉶之柶挹羊鉶 人,「祭鉶,如尸禮」,是扱鉶之器亦謂 祭鉶嘗鉶」,不云「扱以 士虞・記》也。 鉶芼有 「柶扱之。 《士虞禮》、《特牲 」,挹,《石經》作「扱」。 柶。 《少牢饋食禮》尸飯之先 醴有糟 饋 尸 , 鉶羹有菜, 故皆 柶」者,文已見于 食禮》尸入 主婦致爵 扱以 《有司 柶 '徹》主 1,祭羊 遂 但云 之柶 于 主 以

往德也。《周禮》曰:『瑑、圭、璋、璧、琮,在德也。《周禮》曰:『瑑、圭、璋、壁琮有加,東帛加璧,受夫人之聘璋、享玄纁束帛加东帛加璧,受夫人之聘璋、享玄纁束帛加岳、君則以玉爲摯,臣則以禽幣爲摰。

遂以摯見于鄉 郊,「王使人皮弁用璧勞」。 相見及見天子之圭璧也。《覲禮》至于 皆以瑑爲文。此聘賓所執之摯,非兩君 璧, 聘夫人之玉爲璋,享夫 璧、琮。」 考聘君之玉爲圭,享君之玉爲 所實,以聘可也」,注:「四器,謂圭、璋、 以覜聘。二《聘禮 執鴈」。 納采禮」,又「請期,用鴈」,又親迎,「賓 又「賓執鴈,請問名」,又「納吉,用鴈,如 注:「摯,雉也。」《 玉爲摯也。《士冠禮》冠畢「奠摯見于君。 命圭,非聘禮之瑑圭也。● 坐奠圭,又四享皆束帛加璧,此 按士摯用雉,用鴈者,攝盛也。 當作卿。 記》「凡 士昏禮》「納采 大夫、鄉先生」, 是君相見則以 四器者,唯其 又 覲 人之玉爲琮 《士昏 圭 用鴈」, 時侯氏 則 諸 侯

❶ 「瑑」,原誤作「琢」,今據《清經解》本改。

見,以 頭,如 也。 冬用 既成之後,不攝盛也。《十 記》 取 用腒 于寝。 摯,雉也」。此蓋以士相見之禮用雉,大禮 卿,卿與大夫同 取 飾之以 士贄 君子見于所尊敬 人門,東面。 卿大夫勞賓,賓不見。大夫奠鴈 其 知時,飛翔有行列也。」又「上大夫 備 雉必 甮 若不 雉,夏用 從帥,群而不黨也。」《聘禮》聘後, (羔,飾 麛執之」,注:「上大夫,卿 雉 布,維之以索,如 腐 勞上介,亦 用死者,爲其 者,取其耿介,交有時 親 臭也。」又「下大夫 之以 迎, 腒」,注:「贄,所 奠摯,再 . 執鴈,下見于國君。 ,必執贄以將 則 布 婦 ,四維之,結于面 如 相見禮》「贄,同擊 拜,出」,注:「壻見 入三月然後 不可 執 之」,注: 雉」,注:「鴈, '生服 相 其 執 見,以鴈,), 别 厚意-以 也。 '「不言 也。 至者, 再 壻 注了下 有 也 見 相 夏 倫

東」。 錦」。 見于國 帛致之。以上皆用束帛。 郊,「君使卿朝 也。」納吉用東帛,亦攝盛。 東帛,又「夕,夫人使下大夫歸禮 餼,「大夫奉束帛」; 次介假道,束帛將 夫訝者執鴈,士訝者執雉。」又「賓既將公 之卿見朝 云:「此納徵 介執雉。」此皆以禽爲摯者也。 納 ,復見訝以其 , 訝將公命, 又見之以其摯」, 注:「大 徵,玄纁束帛、儷皮,如納吉禮 又賓面卿,「如 注 君」,當 上介覿,「奉束 玉錦,錦之文纖 君、皆執 作 亍 無鴈 服,用束帛勞」,又歸賓 於見國 擊」,注:「上介執 羔。」《聘禮 者,以 覿 命于朝」,又賓至 又「賓朝 幣」, 縟者也 又賓覿主君,「奉束 一君 一。 錦」,士介用 《聘禮》若過 有束帛爲 一, 禮 如 周 服 觀用束錦。 ,禮》凡 有以 《士昏禮》 記》「實 問 卿二 少 邦, 以以 玉玉 文爲貴 于 贄 _, 疏 諸 束 饔 故 餇 又 近 使 侯

是臣 問 禮 之摯也。 享用璧」是也。 侯使人于諸侯 用玉《覲禮》「王使 用圭,享用璧」是也。 經》證之,諸侯 穀璧,男執蒲 圭,公執桓圭,侯執信圭,伯執 大宗伯》「以 幣」,以上皆用束錦者。 鴈,士執雉,庶人 摯,以等諸臣,孤執皮帛,卿執羔,大夫 大夫皆束帛,如《周 面 卿 加於卿 相 卿,「幣 及 見 夫 以《禮經》證之,諸 則 一等。 人 玉作、 以 如 使下 壁」,皆 見天子皆用玉、親 亦 《大宗伯》又云「以 禽 覿」,又「衆 六瑞,以 執 幣 用 《聘禮》郊勞,歸饔餼 大夫歸 |人用璧勞||是也。 鶩,工商 爲 玉、《聘禮》「聘用 此皆以 禮》 天子使人于諸 君之摯 摰 孤 (等邦 也。 禮皆是 之擊,蓋 幣爲摯者也 介面 侯使 執 考《 也。 躬 國 雞」,皆臣 主,子 . 王 , O 禽作 周 人 也 禮 以《 於 禮 侯 執 如 圭 諸 禮 卿 執 覲 私 其 六 亦 執 鍞 覿

> 無 ¬ 執 以爲儀」, 覿 疏 竊 因 疏云:「此篇 是。」又「執玉者 玉、馬、皮、圭、璧、帛,皆稱幣。 又《士相見禮》「凡執幣者,不趨,容彌 下東帛一 璧,束錦 圃 同 |執擎 謂 執 用 於 及 所 玉」,則此 謂 面 玉 束 自 禽之於幣,對文 幣,蓋散文耳 相見,故兼言朝 朝 卿皆用 錦,下東 相 則 等 也。 聘鄰國之事。 疏云:「案《小行人》合六 見,故 加琮,琮 直見 幣調 束錦者,奉其君命而 帛 不 惟鶩與雞、禮 則 在 用 皮馬 下璧一 唯 國 等也。 其摯, 舒 以 則 聘執玉之禮也。」 圃 武 享幣 禽 異,散文則通 3、舉前 等,則 摰 云『執玉』者 如 蓋 相見之禮, 及禽擊 羔 下文别 經》無之。 束 鴈 曳踵」, 束 帛 雉之類 深水,不 幣 錦 則 皆 蹙 云 加 亦

❶ 「衆」,原誤作「賓」,今據《清經解》本改。

十端 《士昏禮》「納徵,玄纁束帛」,注:「束帛 純帛 言束者, 爲 羊傳》「乘馬東帛」注,以 注》「二丈爲一端,二端爲一兩」,又引《公 則洪氏疎於禮可知也。 夏英公之悮,而不引《儀禮》經注 東帛,十端 也。 兩矣。 無 ^令士 過 無 《周禮》曰:『凡嫁子娶妻,入幣 五. 冠禮》「主人酬賓,東帛」, 洪氏 論 兩。』然則十端爲 也。」疏 脯 邁《容齊五 與錦,皆以 云: 譏 禮 深湘 筆》引《左 十爲數也。」 之 五兩,二端 山 通 以 野録》及 例。 證之, 注 凡 傳

凡 相見,婦 纁 廷 禮》「夫人使下大夫 門人。又見姑,「降階,受笲腶 堪案:《士昏 裹,有蓋。 人則以棗、栗、腶 其實棗烝、栗擇」。《白 1禮》婦 勞 見舅,執笲 以二竹簠方 脩爲 脩」。 棗 ?,玄被 栗 虎 聘 自

[《]曲 幣」。 通》曰: 擎而 《左傳》:「御孫曰:男贄,大者玉帛,小者 也。 告虔也。」婦摯不宜用幣 氏所謂「禮」,即據《士昏禮》而 殿脩爲贄。見夫人至尊,兼 也。 也。 羔,大夫 也。」考《春秋》莊公二十四年,「秋八月, 禽鳥,以章物 云乎,腶脩云乎。」何休曰 丁丑,夫人姜氏入。戊寅,大夫宗婦覿用 無專制 禮》曰:「凡摯,天子 退,野外軍中 禮婦人見舅,以棗栗 見用幣非禮也。 覿者何? 《公羊傳》「宗婦 之義,是婦 「婦人之摯 鴈 , 士雉。 也。 見 也。 女贄不過榛栗棗脩,以 人則 無摯,以 以 庶人之摯 然則曷用? 楽 栗 用者. 者何? 以 鬯,諸侯圭,卿 ,故二傳云 爲贄,見姑,以 :「腶脩者,脯 棗 腶 纓拾矢可也。 何 ? 栗 加 匹,童子委 脩 腶 言也。又 用之。」何 大夫之 者, 不宜 脩 棗 : 爲摯 婦 栗 用 妻 人

凡 藉

玉

一之器

曰

經》,《公羊》之義精矣。 婦人之摯,椇、榛、脯、脩、棗、栗。」是知 人之摯用幣爲非禮,而棗栗腶脩深合《禮 婦

氏異。 脩,婦人之摯,男子無用之者。《禮記》及 問,不行竟中」以證之。考之《禮經》,腶 壺 大夫,束脩之問不出竟」、《少儀》「其以乘 又案、《論語》「自行束脩以上」、《集解》孔 疏以束脩爲十脡脯。● 又引《檀弓》「古之 曰:「言人能奉禮,自行束脩以上。」邢氏 ·穀梁傳》所云,疑是饋問之物,非摯也。 論語》 後漢書 酒束脩一犬賜人」、《穀梁傳》「束脩之 日 延篤 東 :「謂年十五已上也。」 説 脩 ii, 謂 傳》「且吾自束脩已來」, 束帶脩飭。」鄭玄 與 邢 注

> 櫝,取 注:「繅,所以藉玉。」又《覲禮·記》「 于其左」。❷ 者執圭,垂繅,北面。 賓」,注:「屈繅,并持之也。」又反命,「使 聘時,「賈人東 又云「上介受圭,屈繅,出授賈人」。又行 授使者。使者受圭,同面,垂繅以受命」。 文繅作璪。」又云「宰執圭,屈繅,自公左 所以藉 廷堪案:《聘禮》受命,「賈人西面 圭于繅上」,注:「謂釋於地也。」是藉圭 起而授上介。 圭,垂繅,不起而授宰」,注:「繅, 圭 也。其或拜,則奠于其上。 《覲禮》「乃朝以瑞玉,有繅」, 上介不襲,執圭,屈繅,授 面坐啟櫝,取圭,垂繅,不 上介執璋,屈繅,立 坐啟 奠

改。

·爲」,原誤作「腶」,今據《清經解》本改。

三九三

[「]左」,原誤作「右」、《清經解》本同,今據《儀 禮 注 疏

等 也。 禮以相變爲文也。 采再就,降于天子也。采成文曰絢。繫, 八寸。皆玄纁繋,長尺,絢組」,注:「二 所以薦玉,重慎也。]又「問諸侯,朱緑繅, 博三寸,繅三采六等,朱、白、蒼」,注: 天子,圭與繅皆九寸,剡上寸半,厚半寸, 璋之器謂之繅 玉 誤而失之也。」今考《覲 重言朱、白、蒼,是一采爲二等,相間爲六 戴氏震曰:「《雜記》正義引《聘禮 上以玄,下以絳爲地。」此言繅之制 無事則以繫玉,因 朱、白、蒼爲六色。』既云六色,則經文 『朱、白、蒼』下當重有『朱、白、蒼』三字, 雜采曰繅,以韋衣木板,飾以三色再就 ,以韋衣木,廣袤各如其玉之大小,以 朱子亦云:「朱、白、蒼三字不知何時傳寫之 也。 以爲飾,皆用 《聘禮·記》「所以朝 其或垂繅或屈繅者, 禮》注:『繅,所以 五采 記》 度 組, 也 藉

《典瑞》,皆有其文,此爲繅也。下《記》云 之言信矣。又《聘禮・記》「凡執玉、無藉 記》文考之,明言繅與絢組爲 相待爲用,何得言二也。」今以《聘禮 岐曰:「據疏所言,仍是一物,韋版絢組 乃有屈垂之法,則此云者是也。」張 爲之者,所以繫玉於韋版,使不失墜,此 則裼」,鄭亦謂之繅。若韋版爲之者,奠 『絢組尺』,及《曲禮》下文『執玉其有藉者 木爲中幹,以韋衣之。天子五采,公侯伯 又案:"《聘禮》疏云:「繅有二種,一者以 揜,則其繅垂。」説與注異,不可從。 揜其上者也。垂繅,謂開之也,開 如《雜記》正義所引也。」又敖氏繼公曰 玉於上,此則無垂繅、屈繅之事。 若絢 三采,子男二采,采爲再行。 · 繅,以帛爲之,表玄裹纁,所以藉 下《記》及 一物,張 玉而 氏 丽 爾 組 不 氏 又

玉。」此又以藉爲繅,詳見《襲裼例》中。者襲」,注:「藉,謂繅也。繅所以緼藉

凡盛婦摯之器曰笲,夫人則曰竹簠方。 受笲腶脩」。 棗、栗」,注:「笲,竹器 廷堪案:《士昏禮》婦 菜,亦異于生時之贄。《士昏•記》「笲,緇被纁 笲菜」,注:「菜蓋 棗、栗二物同 去今已遠,其狀已無可知也。」敖氏繼公曰:「笲, 表 裹,加于橋。 月奠菜」、「婦執笲菜」。又云「婦降堂,取 見姑之摯,皆實于笲。又舅姑既没,「三 今之筥笠籚矣。」疏云:「此舉漢法以况,但漢法 見用笲菜,異于生時之贄也。」舅、姑皆用 也。 笲 有 衣者,婦見舅姑, 舅答拜,宰徹笲」,注:「被, 棗、栗是見舅之摯, 腶脩是 一器也。」又見舅訖,「降階 用堇。」敖氏繼公曰: 丽 見舅姑,「婦 衣者,其形蓋 以飾爲敬。 執 笲 如

如簠 禮》疏云:「案《玉人》云:『案,十有二寸, 蓋。其實棗蒸栗擇」、《釋文》曰:「簠,或作簋。」 證。《考工記・玉人》鄭注引《聘禮》,故疏云然。 棗栗十有二列,諸侯純 被纁裹,蓋夫人與士婦之差矣。又《聘 也。」敖从《釋文》或作「簋」。 耳。」敖氏繼公曰:「竹簋尚方,變于食器 注:「竹簠方者、器名 婦摯之器謂之笲也。《聘禮》郊勞畢,「夫 敖氏繼公曰「其實菜之笲亦如之。」是 橋,所以庪笲,其制未聞。今文橋爲鎬。」 玉案,并有竹簠以盛棗栗,故彼引此 人以勞諸侯。』彼有玉案者,謂王后法 曰竹簠方也。 人使下大夫勞以二竹簠方,玄被纁裏,有 而方,如今寒具筥。 **笲,緇被纁裹,竹簠方,玄** 也。 是盛夫人之摯則 九,大夫純 筥者園,此 以竹爲之,狀 五,夫 爲 此 有 方

三九五

諸侯夫人勞卿,故無案,直有竹簠以盛棗

之,即 也。 器,●若藏之然。」然則釋幣之器 矣。敖氏謂「笲之制蓋 實于笄,埋于西階東」,注:「埋幣必盛 聶氏《三禮圖》諸書所載,不暇悉辨也。 文,其餘瑣 又案:《禮經》諸器,必有關禮 亦方,則士婦與夫人無別,恐未 注異,而 據 又《聘禮》賓將行,釋幣于禰,「卷幣 有詳 疏 無據。 所言,則是盛王 細 其形制者,亦皆據 無足 竹簠之制既方,若笲之制 輕 重 一,及後 一亦隋方如篋」, 后之摰 人臆説,如 心然。 經注之明 例者始 亦 用 日 玉 笲 録 與 以 案

福、豐,詳見下。又「司射適堂西,袒、決、遂,矢、决、拾、旌、中、籌、福、豐也。」旌、中、籌、西面,命弟子納射器」,注:「射器,弓、廷堪案:《鄉射禮》「司射降自西階,階前凡射者之器曰弓、曰矢、曰决、曰拾。

也。 弓,挾乘矢於弓外,見鏃於弣,右巨指 皆作「釋弓説决拾」。此「决拾」,即上經 挾由便也。」又《鄉射》、《大射》三耦射時 膚斂衣也。 其非射時, 韋爲之,《大射》注作「朱韋」。 射。」」注:「决猶 北 取 弦」,注:「弣,弓杷也。 也。」《大射儀》「司射適次、袒、決、遂、執 大擘指,以鉤弦闓體也。 面 弓于階西,兼挾乘矢,升自西階。 右巨指,右手大擘,以鉤 告于寳,❷曰:『弓矢既 則謂之拾。 方持弦矢曰挾。 闓 也,以象骨爲之,著右 拾,斂也,所以 見鏃 所以遂弦者也 遂,射鞲也,❸以 弦、弦在旁、 《焉,順 具,有 乘矢,四 司 其射 階上 鉤 矢 蔽 請

鞲」,原誤作「冓」,今據《清經解》本改。

[「]幣」,原脱,今據《儀禮注疏》補。

[「]階上」二字,原脱,今據《儀禮注疏》補。

《夏官·繕人》「掌王之用弓、弩、矢、箙、 以散 也。 也。 拾既依,弓矢既調」,毛傳:「決,鉤弦也, 傳》:「韘,玦也。 縦弦也。 矰、弋、抉、拾」,鄭司農云:「抉者,所以 之射,用弓不用弩,其矢蓋恒矢歟? 矢,用諸散射」,後鄭注:「恒矢,弓所 拾,遂也。」是弓、矢、决、拾,皆射者之器 所云「决遂」也。 也;拾謂 云:「韘之言沓,所以彄沓手指。」陸氏 釋文》、「玦,本又作決。」孔氏《正義》: 《 周 次」、《詩》家 射 庳矢,弩所用也。」又云:「二者皆可 衛 也,謂禮 禮 拾者,所以引弦也。 韝打也。」「抉拾」即「決拾」也。 風 · 夏官 · 司弓矢》「恒矢、庳 芄 射及習射也。」考《禮 《詩・小雅 能 蘭》「童 説 射 或 御,則帶 謂: 抉 子 車攻》「決 佩 《詩》云『抉 謂引弦彄 蝶。 鄭 韘」,《毛 經》 又 用

鄭氏

長。 之。食指,將指,無名指。 又以鞢爲極。 用。』」此是彄沓手指 巨指。」説與《毛傳》同,陳氏《禮書》亦 《大射》云 『朱極三』,註云: 『以朱韋 "輠,射決也,所以拘弦,以象骨韋系著右 若決,則 以骨爲之矣。《説文》: 竊謂: 也。 韘字從 傳 以 小 韋,箋義似 韘 · 指 爲決,箋 短,不 取 爲

凡獲者之器曰旌、曰乏、曰侯。 仞,以鴻脰 又云「無物,則以 所建也。言各者,鄉射 注:「旌,總名也。 廷堪案:《鄉射 小國之州長也。 其鄉大夫一命,其州 士不命,不命者無物。 韜上,二尋」,注:「無物者, • 白 記》「旌,各 雜帛爲物,大夫士之 羽 與 此 或於庠,或於榭。」 朱羽 翿 旌 糅,杠 也 以 其 物 長三 所 長 謂

與朱羽糅。 尺 以 偃旌以商也。《鄉射禮》「乏參侯道,居侯 竟,龍 膻。**●** 尋。」又云:「君國中射,以翿旌獲,白 謂之乏,所以爲獲者御 黨疏云:「黨,旁也。」之一,西五 以獲」,此言旌也。 北 與所設乏以貍步。 設乏,各去其侯西十、 侯,三獲三容,五正。』容者以革爲之,可 「《周禮・射人職》云: 『王以六耦射三 者,乏也,待獲者所蔽也。」此言乏也,即 云乏也。』《大射儀》「司馬命量人量侯道 以容身,故云容也。 曰 進 十」,又云「凡乏用革」。《周 射人》「三獲三容」,鄭司 仞。 退衆者。 鴻, 于郊,以旌,析羽爲旌。 大夫,各以其物獲。 鳥 糅 之長 者 獲,即所謂舉旌以宫, 矢於此匱乏不去,故 雜 胆者 也 矢 (也。) 步」,注:「容 也 杠 農 橦 士,翿 云: 禮 一疏云: 八 尺 獲 : 也 旌 於 羽 曰 七

質,諸侯麋侯,赤質,大夫布侯,畫以 束繫綱也。 侯,上个五尋。中十尺。侯道五十弓,弓 注"「丹淺於赤。」此賓射燕射之侯也。 下綱」。《鄉射・記》「凡侯,天子熊侯,白 貍步:大侯九十,參七十,干五十。] 又云 射儀》前射三日,「司馬命量人量侯道,以 繩也。武,迹也。 繫左下綱,中掩束之」,射時,司馬命張侯,乃説 如今牀頭小曲 於參,參見鵠於干,干不及地武。 不繫左 未射之先,「乃張侯,下綱不及地武。不 「遂命量人、巾車張三侯,大侯之崇,見鵠 爾 雅 士布侯,畫以 注:「侯,謂所 釋宫》「容謂之防 ·屏風,唱射者所以自防隱。』《鄉射 鹿 中人之迹尺二寸。』《大 豕。 射布 凡 也。 畫者,丹質」。 也。 郭 又云「鄉 綱,持舌 ;璞注: 禮 形 虎

^{● 「}膻」,原誤作「旗」,今據《清經解》本改。

舌」,此言侯也,即《考工記》所云「梓人爲 之器也。 以服不爲獲者,是旌、乏、侯,三者皆獲者 則贊張侯,以旌居乏而待獲。」考《大射》 侯」者也。 以爲躬,倍躬以爲左右舌。 人》作「容」,故注云「容謂之乏」也。 一,寸。每弓取二寸,五十弓,則侯中十尺也。 《周禮 《周禮 ·服不氏》作「乏」,《射 • 夏官 服不氏》:「射 下舌半上 倍 中

凡釋 背,容八算。 廷堪案:《鄉射記》「鹿中,髤,前足跪,鑿 如 注:「皮樹,獸名。間,如驢,一角; 於竟,則虎 君國 前足跪者,象教擾之獸受負也。」又云 驢,岐 獲者之器曰中、曰 中 蹄。 射 中。 ,則皮樹中。 釋獲者奉之,先首」,注: 《 周 大夫,兕中。 書》曰:『北唐 於郊,則 士,鹿 以 閶 中一, 或 間。」 中 ; 曰

兕,似 俟」。 八 膚。」「膚」上,今刻誤多「作」字。 以十耦爲正,貴全數。 注:「箭,篠也。 射 中,舍算,執其禮事」,鄭注:「舍,讀 師執中,先首,坐設之,東面,退。大史釋 算以從之」。《大射儀》「大史釋獲。 制也。《鄉射禮》「釋獲者執鹿中,一 寸」。四指則四寸,謂刊 『室中五扶』,註云『鋪四指曰扶。 一指按 握,本所持處也。 而合』,何休云『側手爲膚』。 膚』者、《公羊傳》僖三十一 算 記》箭籌八十。長尺 于 鄭司農云: 『中,所以盛 《周禮 牛,一角。」此 中,横委其 春官・大史》「凡射事 籌,算也。 素,謂刊之也。 餘 記 于 其 四寸也。」此記 中 中西,興,共 疏云: 『刊本 有 制 時衆寡從賓 籌 又《投壺》云 算也。」玄謂 年云『膚 也。 握,握素」, 十者,略 刊本 又《 人執 小 而 1 曰 飾 臣 籌 鄉

引

也。 者,大史爲釋獲者,《大射》諸侯之禮 者皆釋獲者之器也。 考《大射》以 設算于中,以 君官衆,威儀多,盛於鄉射之禮 太史爲 待 射 時 釋 而 王射則 獲者,是中 取 之, 服 中 不 則 氏 與 釋 籌二 之。 爲 亦 獲

形,刻木爲之,狀如兕 壺,射之類也。」孔 注"「中,士則 又案:《禮記・投壺》「司射奉中」,鄭 佐 中與籌也,故鄭氏皆引《射禮》以證之。 圈以盛算。」又云「算長尺二寸」,鄭注 曰:「射之畫籌,猶 其節三扶可也。 通鑑》:「魏元帝景 射,魏 ,數也。」《投壺》之中與籌,即《射禮》之 舒常爲 鹿 畫 中 或曰『算長尺,有握』。 氏《 也。 籌 投 元 四 鹿而伏,背上立 壺 而 正 司 年,鍾 己。 之釋算 義 射奉之者,投 》曰:「中 胡 毓 氏 也。」竊 每 三省 與 員 之

凡 **%投** 取矢之器 謂 壺 釋算乃 何 日 也? 射之正 福,飲不勝者之器 **豈精** 禮 於史學 胡 氏 不 而 之引, 曰 疏 %於《禮 而

注: 豐形蓋似豆而卑。]又云「不勝者進,北 數 髤」,注:「髤,赤黑漆也。」又《鄉射禮》三 右撫 直心背之衣曰當,以丹韋爲之。 廷 矢者。」是取矢之器曰 弟子設楅」,注:「楅 耦射竟,司馬「北 注:「兩端爲 寸,厚寸有半,龍首,其中蛇交,韋當」, 獲 堪案:《鄉射• 畢,「司射 矢而乘之,分委於當」。 將飲不 勝者,設豐 龍 (適 堂 i 首,中 面 記》「楅,長 立于所設 猶 西,命 [福也。 ·央爲 幅 所 也 以 蛇 ,所以承笴齊 弟 又《鄉射禮 承 福之南,命 身相交也 如笴,博三 又云「楅 子 其 設 司馬左 爵

面

瓦

大兩、●有豐」,注:「豐形

似豆、卑而

0

豆

而卑。」此承觶之豐也。

《燕禮》「公尊

觶

,加于豐」,注:「豐,所

以

承觶者

也,如

爲承尊之豐。《公食大夫禮》「飲酒,實于

又案: 豐之爲用有二: 一爲承觶之豐,一

亦聲。」 《大射儀》數獲畢,「司射命設豐」,注: 坐取 鄭二説 燕具,「膳尊兩 文》:「豐,豆之豐滿者也,从豆,象形。 奠于豐下」。又云「辯,乃徹 形聲兼有者多矣,當云:「从豆,象形,曲 以爲若井鹿盧,其爲字從豆,幽聲。」許、 同,是飲不勝者之器曰豐也。 「當飲不勝者射爵。」卒觶之儀,與《鄉射》 一曰《鄉飲酒》有豐侯者。」又《大射儀》陳 豐 不 上之觶,興,少退,立卒觶,進, 同,學者多疑之。竊謂:字之 甒在 南,有豐」,注:「説者 豐 許氏《説 與 、觶」。 坐

> 承尊之豐也。 承觶之豐也 尊之豐,如豆大而卑。 有豐」,注:「豐,承尊器,如 矣。』《聘禮•記》「醴尊于東廂,瓦大一, 注"「豐所以 大。」《大射 言大者,省文也。 儀》「膳尊 承 承 尊 觶之豐,如 射禮飲不勝者之豐,則 也。 兩 《聘禮 近 甒 似 在 豆而卑。」此 豆 豆,大 南, 而卑; 記》注不 有 而 豐 , 承 卑

禮 經釋 例卷十一終

瓦大兩」,原誤作「兩瓦大」,今據《儀禮

凡

,聘禮,

君

授使者幣,使者受命

及釋

幣

禮經釋例卷十二目録

器服之例下

凡士祭禮,筮日、筮尸、宿尸、宿賓、視灌、視凡鄉飲酒、鄉射之禮,息司正皆用玄端。凡士昏禮,使者、主人、壻從者,皆用玄端。凡士冠禮,賓、主人、兄弟、擯者、贊者及冠凡、衣與冠同色,裳與韠同色,屢與裳同色。

凡士冠禮,筮日、筮賓、宿賓、爲期,皆用朝殺、正祭、尸、主人、祝、佐食,皆用玄端。

凡飲、射、燕、食之禮,皆用朝服。

服

凡聘禮,主國之君使卿郊勞,宰夫設 卿,上介問下大夫,士介受餼 禰,肄儀,聘畢 幣,皆用 士介餼, 凡聘禮,賓 朝 卿 服 接 至 八聘賓, 一所聘 歸 反命,皆用朝服 之國,展 君不親食使大夫致侑 幣, 皆 用 辭 朝 饔 飱,致 服 餼 問

凡士祭禮正祭,賓及兄弟、助祭者,皆用朝

服

載 ; 餼 ; 凡士 凡大夫祭禮皆用 皆用皮弁服 覲禮郊勞; 冠 禮 再 加 士喪禮襲; 既夕禮 朝 聘 服 禮 行 聘,還 玉 賓 乘 受 車

罋

所

皆

餼,夫人使下大夫歸禮,上介受饔餼,皆用凡聘禮,君使卿歸賓饔餼,下大夫歸上介饔

韋弁服。

凡大夫之妻被錫衣侈袂,士之妻纙笄宵衣。凡覲禮,天子用衮冕,侯氏用裨冕。

凡袒裼皆左,在衣謂之袒,在裘謂之裼。

凡執玉,有藉者裼,無藉者襲。

凡縚髮謂之纚,安髮及固冠皆謂之笄。

共二十例。

附論語黄衣狐裘説一篇。

禮經釋例卷十二目録終

禮經釋例卷十一

飲凌廷堪次仲學

器服之例下

凡衣與冠同色,裳與韠同色,屢與裳同色。 服者,十五升布衣 廷 玄端黑屨」,注: 與冠同色,裳與韠同色。」又「屨,夏用葛 者,衣與冠同也。」疏云:「禮之通例,衣 服,緇帶,素韠」,注:「玄冠,委貌也。 衣與冠同,屢與裳同,故云順裳色也。」考 屨,以玄裳爲 堪案:《士冠禮》筮日,「主人玄冠, 正 也。」疏云:「禮之通 「屨者順 而素裳也。 裳色,玄端黑 衣不言色 例 朝 朝

亦緇 裳」。《鄉飲酒 裳,淺絳裳。 要中。」又「爵弁服,纁裳,靺韐」,注:「纁 鞸」,注:「積猶辟也,以素爲裳,辟蹙 白 裳,裳與鞸同色,既云素韠,故知裳亦 韠」,注以爲「素裳」。 皆衣與冠同色者也。 皮弁之衣用 注:「皮弁者,以白鹿皮爲冠,象上古也。 十五升布爲緇 語》鄭注云:「端,諸侯視朝之服耳,皆以 衣,易其裳耳,爲緇布冠陳之。」疏引《論 此皆裳與韠同色者也。 衡,合韋爲之。 士冠 素 布衣 絹爲之也。」又「皮弁 禮 》「玄端」,注: 也。 布 韎韐, 温韍也。 亦十五升,其色象焉。」此 朝服用玄冠。又「皮弁服 色,正幅爲之。」是緇 • 記》「鄉,朝服而謀賓 士染以茅蒐,因以 又「朝服、緇帶、素 疏云:「雖經不 又「朝服」,注「素 玄端, 服,素 士緼韍 即 名焉。」 朝 積 布 Ⅲ 服 其 積 素 冠 继 之

介, 以 皆屨與裳同色者也。 經即別言之。衣與冠之例既 其多者言之耳,故疏亦云「其衣 《特牲饋食·記》之朝服 韠不同 者,如《士冠禮》爵弁服,「純衣,緇帶」,注 白屢」。 記》「燕,朝 有玄裳、黄裳、雜裳之異是也。 有屢與裳不同色者,玄端用黑 爵 爲 弁服 **屨與裳之例可知也。** 注 「純衣與帶同緇色」是也。 色者,如 此皮弁服之屨。 纁 朝 服 裳 於寢」,注 服 韎 韐」,故 注 素 既 **鞸**,白 亦有衣與 以 同《士冠 亦 則緇 朝 又「爵 同 .屨。」《 服 纁 韠 然,則 爲 屨 是也。 冠 注 冠 禮 亦有裳 屨 弁 素 燕 而裳 不同 》「素 異 疏 也 纁 裳 裳 禮 色 屨 蓋 亦 與 舉 則 而 與 色 此 積

者初加,見君與卿大夫、鄉先生,皆用玄端。凡士冠禮,賓、主人、兄弟、嬪者、贊者及冠

韠。 端 不爵 韠 鞸,其中亦自有等差也。 外」,疏云:「贊者皆降主人一等,衣冠 端,士入廟之服 布 而 同,其裳則異,故不得 如主人服,贊者玄端從之,立于外門之 也。」又云「擯者玄端、負東塾」。 又云「賓 袗,同也。 立于洗東,西 廷堪案: · , 立 于: 賓主人則玄裳、爵鞸,兄 冠,「賓揖之。 也。」①前擯者别云玄端,亦然。 擯 鞸者,降於主人也。 者、贊者,據 阼 \Rightarrow 玄者、玄衣、玄裳也。 階 士: 下,直 面 冠 ,北上」,注:「 禮》 也。」又云「兄弟畢袗玄, 適房,服玄端爵 東序, 冠 疏當黄 如 日,一 主 西 又冠 古文 弟 人服,故别 雖 裳 面 主 則 同 畢 者 人 雜 玄裳、緇 緇 猶 袗 玄玄 用玄端 注:「玄 韠。 初 裳、 帶韠。 盡 爲 端 加 也。 出 緇 爵 玄 均 雖 爵

❶ 「故别」,原誤作「别云」,今據《儀禮注疏》改。

鄉者。 房, 也。 摯見於卿、大夫、卿,經誤作「鄉」。 服玄冠、玄端、爵鞸,奠摯見於君。 用 筮尸用玄端,蓋 爵鞸,士之正服也。《特牲饋食禮》筮日、 卿大夫」。敖氏繼公曰:「鄉之異爵者,或曰即 朝 服 蓋未之深考也。 面。 ,加《少牢》筮 又冠 士禮。 畢 鄉先生」。 日者,冠禮 乃易服 此士冠筮日、筮 皆用 ,易爵 據《冠義》當作 攝 玄端 弁 主治 盛 遂 服 故 賓 以 也

玄,即漢之約絃。 即 裳、雜裳可 祀之服,皆以袀玄1。 于玄端矣。餘詳 端則爵韠,若緇韠,則謂之袗玄,蓋又次 黄裳,下士雜裳。 又案:《士冠禮》陳服,「玄端,玄裳、黄 朝服之衣、易其裳耳。 也。 緇帶,爵鞸」,注:「玄端 朝服 司 雜裳者,前玄後黄。」 馬 0 淮南子云『尸祝約 彪《輿服 上士玄裳,中 惠氏棟曰: 志》云『郊 : 「 袗 土

> 袨一, 文家之不學,可笑如 豈 爲諸侯。 會同,非諸侯 而已,此謙 任,但願服士之服,爲諸侯之末擯以 其所學仕于列邦,而又不敢當卿、大夫 會 華曰:「非曰能之,願學焉。 又案:玄端者,士之正服。《論語》公 也。』篆書袗與袀相似,古文作均。」 也,小相猶末擯也,皆指士而言。 有玄端章 同,端章 高 誘 不知會同之禮,諸侯當服裨冕 辭 曰 : 甫,願爲 甫以見天子者乎? 也。 加 何? 袀 乃或者誤會下文,宗 此 小相焉。」端 遂謂公西氏欲得 純 服 宗廟之事 袨, 明代 墨 即 蓋 玄 齋 相 思 時 國 之 廟 以 端 如 西 禮 衣

凡士昏禮,使者、主人、壻從者,皆用玄端。

0

黄裳 又親 玄端,士莫夕之服,又服以事其廟。 廷堪案:《士昏禮》納采,「使者玄端至」, 纁裳 注:「使者,夫家之屬,若羣吏使往來者 緇裳,如使者服 注:「從者,有司也。」注不言何裳,當 經又云「主人如賓服」,則亦玄端緇裳。 緇裳。」疏云:「士唯有三等之裳:玄裳、 有司,當黄裳、 人皆玄端 緇 迎,「主人玄端迎于門外」,是使者主 、雜裳。 袘。 也。 使者及 此云緇裳者,即玄裳者矣。」 雜 親迎,壻「從者畢玄端」, 也。 裳。 壻 惟士 從者,則 此 用緇裳者,亦 攝 盛、故服 士之 羣 有司 爵 攝 吏 亦 弁

凡鄉飲 「主人釋 廷 堪 案: 酒 鄉射之禮 服 鄉 飲 乃 酒 息 ,息司正皆用玄端 禮 司 正」,注:「釋 剪 H 拜 賜 拜辱 朝 服

> 端 禮 更服 即位于大門外」,注:「於是朝 注:「戒時玄端。」《公食大夫禮》「賓 又案:《鄉射禮 寳」,不旅酬,其禮殺,故用玄端也 不 用朝服。 玄端也』。』《鄉飲 之下,衣則次玄端 戒賓時。 相 拜 也。」《鄉射禮》經、注同。 玄端也。」疏云:「昨日 洗。 尊敬、故朝 玄端。」竊謂:注説皆非 息司正「無介,不殺。不拜至, 無 俎。 》「主人朝 服。 酒》、《鄉射》其禮 故 故 主 人不崇酒,不 知「釋服 此乃 服 燕私輕,故 疏云:「朝 正 "; 乃 ",説朝 服, 行 速 飲 則 也。 盛 拜 賓 初 朝 服 酒 一,故 考 時 服 衆 服 服 玄 之

服 朝服 謂 則 鄉,朝 鄉飲酒禮》經文不言何服 ,他皆不言者,例見於此,故文不具也 戒賓時當 《鄉射禮》唯宿賓、拜賜、拜辱言朝 服 而 亦朝 謀賓、介」,故知 服 如《鄉 飲酒》非若 鄉 ,唯《記》云 飲 酒之爲 息

盛也。

言朝服者,亦文不具,其實皆服 可知。」其説當矣。 戒、速同服。 戒賓反用玄端者? 禮盛於《燕禮》,《燕禮》用朝 之文,爲可 司 Œ 注 以 據 爲 此速賓 「服 也。 玄端」, 《公食大夫禮》戒賓不 朝服,則戒時亦朝服 敖氏 經 有「 繼 服 公日 主 ,豈有食禮 朝服,食 人 禮, 釋 服

殺,正祭,尸、主人、祝、佐食,皆用玄端 凡士祭禮,筮日、筮尸、宿尸、宿賓、視濯、視 羣 不玄端則朝服,謂助祭者。又云「子姓兄弟如主 玄,即位 廷堪案:《特牲饋食禮》「筮日,主人冠 期三日之朝,筮尸,如求日之儀」。宿尸, 冠、玄端。 人之服,立于主人之南,西 執 事 如 于門外,西面」,注:「冠端玄,玄 兄 下言玄者,玄冠有不玄端者。」 弟服,東面 北 上。 面 北 上。 又云「前 有 端 司

與尸 皆朝服,而祝與佐食用玄端者,敖氏 有三等者,各隨其位 裳可也,皆爵韠。」注:「與主人同服。」是 方,南面,視側殺」。 祭 尸 也。」疏云:「上服,對深衣在下。 上服」,注: 曰 正祭尸、主人、祝、佐食、皆用玄端 云:「唯尸、祝、佐食玄端,玄裳、黄裳、雜 玄端。」是視濯 弟,此指助祭者用朝服。 筮 日、筮 尸、視 濯 記》「其服皆朝服」,注:「皆者,謂 宿 夙 ,如主· 賓、視殺皆用玄端也。《特牲 日,「夙 興,主人服 同也。 以其 人服 興, 事尸於室,尤爲近之,故服 一 上 又《 主人服 如 宿 亦 服 土 初, 賓 用玄端也。 虞·記》「尸服 者,如《特牲》 是筮日、筮尸、宿尸、 則固 而 如 賓 服之也。 初,立于門外東 如 玄端。」又《記》 主 又注云 人 服 士之正 士玄端 賓及 卒 饋食 助祭者 也。裳 者之 繼 兄 亦 又

尸還服之。」是《士虞》尸服亦與《特牲》同祭服玄端,即是卒者生時所著之上服,故

也。

析。 曰 : 耳。 專 則 敖氏繼公以 又案:《 執 其餘助祭,經無明文、《記》云皆朝服者, 服如初」,則主人祭服玄端,經有明文矣。 『主人冠端玄』,於正祭日 文已詳故 下文復言玄端 士 事 據 「《記》補經文之未具,此經於筮 若筮 竊謂 仍 經 服 亦 無明文者言之也。」任氏 特 也。 玄端,蓋玄端,士之正服 日、筮尸、子姓、兄弟、有司、 牲 朝服,與大夫 爲 記 饋 然亦惟正祭賓及兄弟朝 以 「皆」之一字兼主人言之, 》嫌尸祝佐食 食 別之。 • 記》「其 不言主人者,經 同。 云。夙 服 亦 任氏 皆 朝 興,主人 也。 之辨 朝 **派**故 大 日 服 椿 云 甚 羣 服

凡士冠禮,筮日、筮賓、宿賓、爲期,皆用

朝

服。 也。 禮攝盛,故 主人玄冠, 廷堪案:《 助 宿尸、宿賓皆用玄端。 也。」是筮日,筮賓、宿賓、爲期皆用 日之服,筮日 注:「宿服,朝服。」疏云:「以 夕,爲期于廟門之外,有司皆如宿服 至此無改服之文,則知皆朝服。」又「厥 日之儀。 東面,北上」。 東,西面。 ·主人朝服。」 疏 祭, 考《特牲 則攝 乃宿賓。 士冠 盛 有司如主 用 朝 用用 饋 朝 朝 又「前期三日,筮賓,如求 服 食禮》,士筮當用玄端,冠 服。 服,轉 禮 》 云:「上文筮 朝服。 ,緇帶, 賓如 筮 《特性》筮 人 相 正祭日,賓及兄弟 <u></u> 服,即 素 于 如 士冠》正冠日用 主人服」,注 故 韠 廟 其 門。 日 位 即 日、筮尸 知 宿 時 于西方, 是 位 服 筮 朝服 于 朝 朝 如 日 也 明 門 服 服 筮

筮

日

筮

賓、

賓、

之鞸· 朝服 注: 黑 也。 也。 繶 也。 云 韠, 白韋 韠」,注:「玄冠,委貌也。」此 又案:《士冠禮》「玄冠,朝 玄端不合。 筮必朝服,尊蓍龜之道。」則與《特牲》用 ,繒帶也。」此朝服之帶也。又云:「素 縫中紃 「諸侯當白舄,其臣則白 屑 此朝服之衣與裳也。 蓋 又云:「朝服者,十五升布衣而 也。 衣不言色者,衣與冠同也。」● 謂冠玄端、緇帶、素鞸,白 士 也 相 冠禮》「素 . 韠 柎,注 燕 變以爲禮 也。」《郷飲酒・記》注同。 疏曲爲之解,非經意也。 純,緣也。 禮 也。」緇 • 積 宿 記》「燕,朝服 白 純博寸。」此皮弁服 絇 也。 屢也。」此朝服之屢 屨 狀 爲 令 士 如 又 云: 以 衣 期 服,緇帶, 魁 刀鼻,在屨 冠 則 朝服 柎之,注: 屨 禮》注 攝 此 「緇帶, 於 謂同 也。 盛 之冠 素裳 朝 寢 用 頭 素 服 用 疏 緇

> 之屨。 蓋朝服 皆同, 則玄端 夫助祭之賓歟?」敖氏之説,較注 皮弁而尊於玄端。 記》其服皆朝服,玄冠,緇帶,緇 朝服用玄端之衣,冠皮弁之裳,故 緇轉者,下大夫之臣。」敖氏繼 用 非 經不 雖 素裳 朝 緇 服 二韓,亦 굸 白 矣。 皮 屨 弁 素裳,若裳與韠 此緇韠者,其别於大 故 者 也。 以 皮 \sim 特性 弁 韗 服 上,注: 公 饋 與 加詳 同色, 次 食 日 朝 於 服

《記》云助 又案: 裳、雜裳、黑屨則爲玄端,餘皆同 然,玄端 一冠冠 不玄端者。」疏 牲饋食禮》「主人冠端玄」,注:「玄冠 素裳、白屨,則 祭 者朝服,不 云:「不玄端 兩服也。《士冠禮》「玄端 爲 著玄端 朝 服,玄裳、 則 朝 故 也。《 也。 服。」下 黄 特 有

0

氏祥道解朝服玄端,與鄭異,不可從。
故其屨色亦不同,此玄端朝服之分也。陳其裳色不同。考禮之通例,屨與裳同色,三裳,皆同用黑屨。此玄端之屨,玄端、朝服,黑屨,青絢繶純,純博寸」,注:「屨者順黑屨,青絢繶純,純博寸」,注:「屨者順

凡飲、射、燕、食之禮,皆用朝服。 遂從 朝 拜賜」,注:「鄉服,昨日與鄉大夫 賓、介」。 廷堪案:《鄉飲 朝服以拜賜于門外。 云:「主人如賓服 人朝服,乃 此主人與賓俱朝 服 (之,拜辱于門外,乃退」。 也。 不言 鄉飲 速賓。 酒 朝 酒 以拜辱。」《鄉射禮》「主 服。」又射畢,「明日,賓 禮》「明日,賓服 賓 服,未服 記》「鄉, (朝服 主人不見,如賓服, 出 以朝也。」又 迎」,疏云: 朝 是《鄉飲 服 飲 鄉 酒之 服 而 謀 以

> 之。 矣。 也。」《燕禮》用朝服,則《大射》亦用 禮》。」吕氏大臨 射義》:「古者諸侯之射 食,「若不親食則公作大夫朝服以侑幣致 其爵、朝服 拜賜于朝」,又「若不親食,使大夫各以 迎賓于大門内」,又禮畢,「明日,賓朝服 即位于大門外,如聘」,,又云「公如賓服 日 朝服於寢」,注:「朝服者,諸侯與其羣臣 始釋朝服更服玄端 酒》、《鄉射》皆用朝服 明日,賓朝服以拜賜于朝」,又大夫相 視 朝之服 是燕食之禮皆用朝 以 也。」《公食大夫禮》「賓朝服 侑幣致之」。 曰:「諸侯之射,大射 也。 心也,唯 《燕 也,必 服 賓朝服以受 也。 禮 息 司正,主人 記》「燕 先行《 《禮記 朝服 燕 •

皆用玄端,經無明文,疑不可從,説見前。又案:《鄉射》及《公食大夫》戒賓,注以爲

禰,肄儀,聘畢歸反命,皆用朝服。凡聘禮,君授使者幣,使者受命及釋幣于

服,帥 主,無 朝。 也。 廷堪案:《聘禮》「及期,夕幣。 也。 幣亦 郊,今還至此,正其故行服,以俟君命,敬 已。」此肄 于禰也。又「未入竟,壹肄」,注:「肄,習 賓,使者謂之賓,尊之也。」又云「上介釋 朝 不執玉,不敢褻也。徒習其威儀 又「厥明,賓朝服釋幣于 服 朝 習聘之威儀,重失誤。」又云「朝 君朝服,南鄉」,此使者受命及釋幣 如之」。 衆介夕」。 執也」。 服 出門左,南鄉」。 儀 載 也。 又「使者載旜,帥以受命 旜」,注: 注:「不立主人,主人 又「使者歸,及郊, 又云「宰人,告具于君 行 此君授使者幣 時 税 禰」,注: 舍 使者 于 請 服 尊 此 于 朝 反 而 無

> 亦朝服· 也。」又 禮,不與異 衰 命 命,出公門,釋服。」是使者反 也。 而從之」,注"「君納之,乃朝服,既反 又使者若有私喪、「歸,使衆介先 也。 云「乃人, 國之君相接,故皆用朝服,不 此皆君與使者在本國 陳 幣 于 朝 此 命,雖 聘 畢 所行之 有 歸反 故

卿,上介問下大夫,士介受餼,皆用朝服。 凡聘禮,賓 上。 首,西上,又拭璧,展之,會諸 幕,賓朝服 廷堪案:《聘禮》「入竟,斂旜,乃展。 面 左皮上。 介北面視之,退復位。 ,奠幣于其前。展夫人之聘享,亦 賈人北面,坐拭圭。 至 上介視之,退。 馬則 立 所聘之國,展幣,辭饔餼 于幕東,西面,介皆北面 退 圭。 遂執展之。 其幣 陳皮,北 幕 '', 加 南, 京東 如 北 布 于 問

用盛服也。

卿。 之。 服,示不受也。 君 朝 餼,用皮弁服。 展幣於賈人之館,如初」,此展幣 展羣幣,以告。 故 弁服 餼 禮 餼,「士介朝 夫,下大夫 國,惟與主 介、士介用 服 使 用 輕者,皆用 **餼**,受還玉 也 者也。 賈人告于上介, 者 卿受于祖廟」。 卿 朝 以以 服,不 歸饔餼,「 宰夫歸士介餼,亦用朝服 國之君相接,行聘享,覿,及 朝 如 此辭饔餼也。 又「上介朝服,三介,問 服 朝服、隆殺之義也。士介受 ,

禮重者,

皆用皮弁服,其 服 同 卿受幣之禮」,又歸 受之當以尊服。」下經賓受饔 及郊,又展 者 北 賓 賓朝 也 用 面 此問 上介告于賓。 皮弁服。 再拜稽首受」,此上 服 考聘賓至所 禮 卿也。 如初。 又「賓朝 辭」,注:「 上 皆 介 也。 及 致之 聘 士 賓 服 用 下 有 韋 受 之 介 大 朝 又 用 問 司

> 幣,皆用朝服。 士介餼,卿接聘賓,君不親食使大夫致侑凡聘禮,主國之君使卿郊勞,宰夫設飱,致

迎于 外。 賓也。 勞。」注:「士請事,大夫請行, 廟。 事、請行 君使人於士介也。又賓問卿,「卿受于祖 又「士介四人,皆餼大牢,米百筥,設于門 使下大夫請行,反。 廷堪案:《聘禮》「賓至于近郊,張 此設飱也。 用 宰夫朝服設飱」,注:「食不備禮曰飱。」 朝 下大 外門外」,此主國 宰夫朝服,牽牛以致之」。 服 亦 其服皆朝服。」此 朝服,請事在未入竟時。 夫 又「公於賓,壹 擯。 皆主國之君使人於聘賓也 擯者 君使 [之卿 出 郊勞 請 食 卿 接 事 ,再饗。 朝 `,大夫朝 也。 又 致 聘賓 卿勞,彌 服 此主國 ,用束帛 據注: 請 旜 (也,皆 館 後 服 之 尊 君

禮 之君 即 爵 以 以 豆, 考下《記》云「凡致 爵 壹 服 歸 畤 考主國之君,惟親 今亡。」《聘禮》又云「致 加 ,用皮 。, 朝 此 籩 酧 同 公食大夫之禮也。 介 食 謂 食小 君 用 注「凡 獰 豆 幣 經 服 服 壹 使 一謂其 朝 如 致 餼 考之, 弁服 」,注:「此句宜在 致之以 饗 卿 服 聘大夫,此 夫 不 其 還 也。 親 禮 、實也,亦實於罋筐。 致 若 人使 或 玉 食之禮 使卿 也。 禮 侑幣 亦 不 于 又《聘禮 禮,皆用 親 館 接 用 下 謂 歸 其, 其 是食 《公食大夫》是 一,用 大夫 食, 聘 不 朝 賓 也 如 賓,行 饗 服 親 饔 致 大聘大夫,故 使 皮 • 『凡致禮』下。」 《饗 歸 以 賓 饔,無 饗 餼 弁服 其饗之加 記》「各 大 如 禮 與 怬 賓 使 聘 夫 食 禮》篇亡, 消用 幣 上 及 \Rightarrow 享 各 禮 下 儐 上介, 饗 介 亦 行 覿 敷 ? 以 韋 大 主 以 禮》 也。 之 如 籩 其 聘 弁 夫 其 國 此 其

凡

士祭禮

正

祭,賓及

兄弟、

助

祭

者

皆

用

朝

殺 所 也 餼,不用 勞、設飱,其禮殺,故 及 」, 皆 낈 其 還 優聘賓者 禮 玉 聖人 也 韋 是 制禮之精 弁 盛 卿 服 禮 一, 亦 接 而 聘 盛 歸 用 沒,用 義 禮,故 朝 用 獰 也。 服 朝 餼 者 服 盛 朝 歸 也。 其 服 士 禮 服 者, 介 致士 也 皆 賤, 主 介 君 故 郊 國

服。 其君日 玄冠 之。 玄端 皆者 緣孝 廷 如 堪 初 至 緇緇 案 子 緇 謂 則 視朝 韠 欲 祭 濱 帶 固玄端。」《特性 《特牲饋食 者 得 而 及 ,下大夫之臣 嘉賓 緇 之服,大夫以 朝服。 兄弟。 鞸」, (尊客以 朝服者,諸侯之臣 注:「於祭 記》「其服 筮 日、筮尸、視 事 饋 祭。 其 夙 食 祖 興,主人 禮》祭日 今賓兄 皆朝 服 禰 "; 故 此 濯 服 也 服 服 弟 與 亦

也。 則其 服矣。主人玄端,賓及兄弟皆朝服者,助 夙 興,主人服 餘 其餘,謂賓及兄弟 有 不 玄端 如初」,注:「主人服 者。」亦據《記》文 也。 不玄端,則 如初 ጢ 朝

祭攝盛故也。

何服 《雜記》「如筮,則史練冠、長衣以筮,占者 任 在 之朝服矣,於義例似 日 若士也。」士筮宅,占者既 朝服」,注曰:「筮者,筮宅也,謂下大夫 人,吉服立于門西,東面南上。 又案:《士喪禮》卜日,「族長 云卜日,占者「玄端」,則其 而 氏大椿曰:「《士喪禮》筮宅,未著占者 其南,北上」,注"「吉服,服玄端 卜重於筮。 ,占者不得用玄端,蓋玄端 ,以《雜記》注考之,則占者當朝 孔《雜記》疏引《士喪禮》文 未合,其説 用 服 朝 反 涖 輕 服 占者三人 是 輕於筮宅 於朝 ١, , 則 也 及宗 也。 服。 士卜 至

> 《士冠禮》筮日,「主人朝服,有司 然。 於以 服 同服 服」,則 朝之服。」亦皆士禮用朝服者也。 左執領,右執要,招而左」,注:「衣朝服 純吉服也。」則亦以吉服 者,注説 道 未可以變。」又云「道車,載 車,朝· 經但 玄端 朝服也。 此 也。 夕及 ト 日 云「吉服」,不云「玄端」,玄端 止爲族長及宗人言之,竊恐未 又《雜記》鄭氏注:「朝服, 又《既夕・記》「復者朝服 燕出 ,族長及宗人亦當 入之車。 爲朝服 朝 朝 服」,注: 服 矣。 與 如主人 日視 考

凡大夫祭禮皆用朝服。

又「朝 服 廷堪 上韇,兼 西西 案: 服 面 與 筮 于門東。 <u>~</u> 尸,如筮日之儀 筮 少 執之,東面受 牢 饋 史朝 食 禮 服 筮 左 左 <u>,</u> 命于主人」; 日 執筮,右抽 又爲祭期 主 人朝

朝服 攝 尸、請祭期、視殺 祭期』;,又祭日 佐 饌器畢,「主人朝服 位于廟門之外,東 禮 不攝盛,嫌偪 人同 大夫尊而 而祭於己者,與《少牢》異,故知是 公,弁而祭於己」,鄭氏注:「大夫爵 言之,不蒙上主人之文也。 大夫助 面」,注:「爲將祭也。」是主人正 祭於己,唯孤 主人 食,經俱不云何服,當 盛 ·少牢》上大夫自祭用玄冠,此 也。 也。 也。《少牢饋食禮》助祭者及尸、祝 門 東 若助祭者别 大夫祭用 士卑也。 南 也。 爾。」孔氏《正義》曰:「《儀 面 0 視 視濯 《雜記》「大夫 宗人朝 方 殺 朝服,士祭用玄端者 士助 南 即 視 皆用 服 位 面 濯 ?祭者亦用朝服 盛 亦 服 _ 于 ,「主人朝 服 用 朝服 北 阼 是 ,則經 朝服,與主 面 冕 階東, 筮 祭亦 也。 孤 亦云弁 丽 月 曰 祭 必特 服 弁 祭 知 而 於 者 用 西 又 筮 即 請

> 服』。」今《少牢》無此文,或孔氏因《特牲 特牲》「尸服玄端」、《少牢》又云「尸服 爲大夫士者。」孔氏《正義》曰: 又案:《禮記•曾子問》「孔子曰『尸弁冕 不同、故鄭、孔云然也 賓尸 非 而出』」,注:「爲君尸或弁者 卿 ´, 明 者,以《少牢》禮 卿亦玄冠,不爵 有 卿 弁。」經、傳之説 (賓尸 一, 先 ,下大夫不 儀 祖 或有 禮 朝

覲 凡士冠禮再加,聘禮行聘、還玉、賓受饗餼 禮 郊勞,士喪禮 服 襲,既夕禮乘車所載,皆

用

皮

弁

廷堪 執 初。 坐。 項, 冠者即筵坐也。 如 案:《士冠 左執 始 加 緇 前 布 宼 進 時 禮》再加,「賓揖之, 也。 櫛、設笄。 祝 降二等,受皮 加之如初,復 賓盤,正纙 介,右 即 位。 如 筵

「尸如主人服」而推之耳。

《聘禮》「厥明,訝賓于館。 也。 鞸,容,出房,南面」,注:「容者,再加 贊者卒紘。興,賓揖之。 適房,服素積 使人皮弁用璧勞。侯氏亦皮弁迎于帷門 禮》用皮弁服者也。《覲禮》「至于郊,王 受饔餼亦禮之盛者,故用皮弁服。 卿歸賓甕餼,「賓皮弁迎大夫于外門外」, 玉 皮弁者,始以此服受之,不敢不終也。」又 還之者,德不可取於人,相切厲之義 也。」又云「公皮弁,迎賓于大門内」。 于朝」。 成,其儀益繁。] 此冠 云「賓皮弁,襲,迎于外門外」。受玉、還 之外」,此《覲禮》用皮弁者也。 君使卿皮弁,還玉于館」,注:「玉,圭 ,皆聘之正禮,故皆用皮弁服。又君使 君子於玉比德焉。以之聘,重禮也。 注:「服皮弁者,朝聘主相尊 禮用皮 賓皮弁聘,至 弁服者 《士喪禮》 此《聘 也。 也 又 敬 素

皮弁服也。

亦皮弁也。」此則經無明文,據注,是亦用弁審與餼,皆再拜稽首」,注:「此拜亦皮也。又《聘禮》受饔餼,「明日,賓拜于朝,也。又《聘禮》受饔餼,「明日,賓拜于朝,陳襲衣,「皮弁服」,此喪禮用皮弁服者

^{■「}中」,原誤作「巾」,今據《清經解》本改。

其衣蓋 《士喪禮》「皮弁服」,注亦云:「白布衣素裳也。」後儒 繶純 也。 也。 裘。]皮弁時或素衣,其裘同可知也。』《郊 裼,降立」,注:「《論語》 多不之信,然考《聘禮》「公側授 以素爲衣,與注「以白布爲衣」之説不同。 公曰:「皮弁次于爵弁,亦士之尊服也。 也。」此皮弁之屨也。朝服亦用此屨。敖氏 然則衣裳皆素者或素端歟? 素下皮弁服 端爲二服。孔氏《正義》曰:「盧云『布上 則鄭氏已不能自守其 特牲》「皮弁素 羔之襲也,素端一,皮弁一」,是皮弁與素 經又云「素積白屢,●以魁柎之,緇 經 ,純博寸」,注:「魁,蜃蛤。 亦絲衣,而色如其裳。」此謂皮弁 云 **緇帶素鞸」,此皮弁之帶與** 」,賀瑒云『以素爲衣裳也」。」 服」,注亦云「衣裳皆素」, (前説。 曰 : 《雜記》「子 《周官 『素衣、麝 柎,注 (宰玉。 司 繼 絇 韗

凡士冠禮三加,士昏禮親迎、士復、士襲,皆言之也。

用

爵弁服

領于帶」,注:「爵弁服,純衣纁裳也,禮教, "主人注:「善人,壻也,壻爲婦主。」爵弁,經之儀」,此冠禮用爵弁者也。《士昏禮》親之儀」,此冠禮用爵弁者也。《士昏禮》親之儀」,此冠禮用爵弁者也。《士昏禮》親武人儀」,此冠禮用爵弁者也。《士昏禮》,經費,此冠禮用爵弁者也。《士昏禮》,經費,此冠禮》三加,「賓降三等,●受廷堪案:《士冠禮》三加,「賓降三等,●受

改

^{)「}屨」,原誤作「履」,今據《儀禮注疏》改。

[「]三」,原誤作「二」,《清經解》本同,今據《儀禮注疏》

則爵 盛 服,純衣」,此喪禮 以冠名服。 者」,士之有司, 注:「衣朝服,服未可以變。」疏 弁而下如大夫之服」,考爵弁尊于皮弁, 則經所云爵弁服 「方冀其生,故復者服 復者朝服、左執領、右執要、招而左」、 也。 弁非士之常服明矣。又《既夕・記》 《周官•司服》云「凡士之服,自皮 簪,連 著朝 也。 用 也。」又陳 服。」張氏爾 爵 朝服,不變其所執。 弁服 襲服,「 者 也。 云:「『復 岐 皆 爵 日 攝 弁

唯無旒,又爲爵色爲異。又名冕者,●俛玄,下以纁,前後有旒。其爵弁制大同,六寸,廣八寸,績麻三十升布,衣之,上以布三十升。」疏云:「凡冕以木爲體,長尺本,緇帶,靺韐」,注:「爵弁者,冕之次,及案:《士冠禮》陳服,「爵弁服,纁裳,純又案:《士冠禮》陳服,「爵弁服,纁裳,純

異其名,其在冕服者尤尊,則謂之韍。」又經云「爵 也。 裳,淺絳裳。凡染絳,一人謂之縓,再人謂之顏,三 注 昏禮》親 尊,其屨飾以 弁,纁屨,黑絇繶純,純博寸」,注:「爵弁 此爵弁之轉 皆用布。 人謂之纁,朱則四人與。純衣,絲衣也。 士染以茅 弁之衣裳與帶也。注又云:「韎韐,緼韍 衣者,欲令下近緇,明衣與帶同 前後平。」此爵弁之制 也,低前一寸二分,故得冕稱。 士緼韍 纁裳者,衣緇衣。不言衣與帶而 迎,「主人 唯冕與爵 蒐,因 也。 而幽衡、玉藻》文。合韋爲之。 績次。」此爵弁之屨也。 敖氏繼公曰:「不曰轉者,尊之, 以名焉。 弁服用 爵 也。 弁,纁裳,緇 韍之制 絲 又注云:「 耳。 其爵 色。」此 先裳 似舞。」 餘 袘 弁則 金士 爵 後 衣

「名」,原脱,今據《儀禮注疏》補。

四一九

異 緣。」是爵弁服纁裳而緣以緇也。 又當以韎布爲衣,或靺章爲衣。 弁之形,與注不同。 其制上鋭,若合手然,非如冕也。」其説 玄衣纁裳,已全同冕服,而但以緇緣裳 爵,其色也。」則以 也。 者,空其文,明 陳氏祥道曰:「古文弁本象形,則 Z 其 與 爵 弁爲 又曰:「韋,其質也。 袘 俱用 即韋弁。 緇 與冠同 爵弁 若然, 袘 色 爵 爲 服 謂

服,爵 服, 端即 조 又案:弁服吉者凡三等:《士冠禮 弁服」,一也。 蓋韋弁稍次于爵弁,或衣 玄端也。」又《周官・司服》,「凡兵事,韋 三也。玄端即朝 「褖衣則玄端。 兼朝 也,皮弁服,二也,緣衣,三也。 弁服,一也,皮弁服,二也,玄端, 服 也 。《士喪禮》陳 服之異其裳者,故言玄 又連衣裳,是緣衣 襲 服 爵 》陳 即 疏 弁 冠

> 裳 其服緇布衣,亦積素以爲裳。 端之於朝 兼玄端矣。 視朝之服。」是冠弁即 冠弁服」,三也。 云「眡朝,則 小異、爵弁緇衣、韋弁靺布衣、或靺章衣。 服,故言韋弁即 皮弁服」,二也。 鄭氏注:「冠弁、委貌、 朝服也、言朝 兼 又云「凡甸 爵 諸侯以爲 弁也。又 服 猶 則 玄

章弁服。 餼,夫人使下大夫歸禮,上介受饔餼,皆用凡聘禮,君使卿歸賓饔餼,下大夫歸上介饔

矣。

也。」此夫人歸禮於賓與上介也,皆用韋弁夫人使下大夫韋弁歸禮」。注:「夕,問卿之夕東帛致之。此歸上介饔餼也。又云「夕,康也。又「上介,饔餼」,下大夫韋弁、用餘也。又「上介,饔餼」,下大夫韋弁、用廷堪案:《聘禮》「君使卿韋弁,歸饔餼」,廷堪案:《聘禮》「君使卿韋弁,歸饔餼」,

服。 敢純 韋弁以受」,則上介受饔餼亦 故注以爲敬也。」又《聘禮》歸饔餼,「上介 注:「介不皮弁者,以其受大 行聘享等皆皮弁,至歸饔餼則韋弁, 如賓也。」前此賓受饔餼用皮弁服, 後云 疏云: [《春 眡 朝 官官 皮 弁 司服》先 服 , 則 韋 禮 用韋弁服 弁尊 云 似賓,不 兵 事 於 皮 韋

故疏 箋云:「韋弁服,朱衣裳。」亦不云素裳。 韎 又案:《聘禮》「韋弁」,注:「韋弁,韎 弁,又以爲衣裳。 裳。」考《司服》鄭氏 弁,兵服也。 冠禮》、《禮記》有 韋之跗 「《周禮》有韋 以爲 無正文也。《詩・采芑》「朱芾斯皇」, 注』是 其 服蓋 也。」與《 《春秋傳》曰『晉郤至衣 爵弁、《書》「二人雀弁」、雀 弁**,** 注:「韋弁,以韎 韎 無 布 《聘禮 爵 以 弁。 爲 注 陳氏祥 衣 書》 互異。 韋 껪 韋之 與 道 素

弁即爵 此所以 《聘禮》服皮弁,及歸饔餼服韋弁,而以韋 爵同。 禮》次加皮弁,三加爵 端朝服之裳不同,故有二名。 衣,章弁韎衣,章弁、爵弁之衣不同 綦弁」,孔傳:「綦,文鹿子皮弁。」 竊謂: 弁即爵弁也。 弁先於皮弁、《書》雀弁先於綦弁、《士冠 則爵弁即韋弁耳。觀《弁師》、《司服》,韋 熙《釋名》亦曰『以爵韋爲弁謂之韋弁』, 屨。」其説皆與陳 爵韋爲韠而戴弁』也。] 敖氏繼公曰: 弁爲敬。則皮弁之上,非韋弁則爵弁耳。 曰『士韋弁』。 弁,猶之皮弁之曰綦弁也。《書·顧命》「四 無 疑 弁 章介。 其爲 也 」, 其 《荀子》『士韋弁』,注謂『以 孔安國 一物也。」易 士之服 氏 服 同。 純 弁,而以爵弁爲尊。 曰『雀,韋弁 衣、纁裳、韎韐、 止於爵弁, 然 則爵 氏 被 此《禮經》 弁之日 爵弁 日 八也」, 而 '; 如 荀 一章 一章 玄 緇 韋 纁 劉 卿 人

故注云然也。

既有爵弁,復别出韋弁也。

凡覲禮,天子用衮冕,侯氏用裨冕。 九章。 玄。 也。 其餘 也。 注:「衮衣者,裨之上也。 裨,以事尊卑服之,而諸侯亦服焉。 言埤也。 注:「裨冕者,衣裨衣 公之服自衮冕而下如王之服也。 是衮冕非裨冕也。此注又云「大裘爲上 衮無升龍,侯伯鷩,子男毳,孤絺,卿大夫 而冠冕,以俟諸侯見。」是天子用 此差。 爲裨」,則兼衮冕言之。蓋據《司服 案:《覲 上經又云「侯氏 「衮冕」,注云:「衮衣者,裨之上。」 其龍,天子有升龍,有降龍。 天子六服,大裘 司服 禮》「天子衮 所掌也。」是侯氏 而冠冕也。 裨冕釋幣于 繢之,繡之爲 爲上,其餘爲 冕,負斧依」, 裨之爲 用 陳氏祥 上公 禰一, 裨冕 衮 衣 冕 此

其裨冕,故覲者不得服其上服也。」若然, 也。 特以鷩爲裨衣,拘矣。」考《覲禮》經文,既 伯鷩,子男毳』是也。 《覲禮》曰『裨之言埤也,天子大裘 道曰: 衮冕」乎? 其失固不待辨矣。 則經文何不直云「天子裨冕」,而云「天子 爲裨衣,蓋統鷩冕而下言之,非專釋鷩冕 亦云『衮衣者,裨之上也』。鄭司農以 衮冕,鷩冕而下謂之裨冕明矣。 其餘爲裨』,釋《玉藻》曰『裨冕,公衮,侯 朝」、《樂記》曰『裨冕搢笏,而虎賁之士説 大祝 劍也」,荀卿曰『大夫裨冕』。 大祝、皆裨冕」,《玉藻》曰 『諸侯裨冕以 云「衮冕」,又云「裨冕」,則衮冕而上謂 敖氏繼公曰:「是時天子受覲,亦服 裨冕,執束帛」,又曰『大宰、大宗 「《覲禮》『侯氏裨冕」、《曾子問》曰 鄭司農釋《周禮》, 鄭 故 康成釋 爲 鄭 鷩 注 Ż

川,則 又案: 而下, 登 者相變,至周而以日月星 男之服。卿大夫之服,自玄冕而下,如孤 下,如公之服。子男之服,自毳 小祀,則玄冕。]又云:「公之服,自衮冕 衮冕,享先公、饗、射,則鷩冕,祀四 大裘而冕; 祀五帝,亦如之; 享先王 次 彝、藻、火、粉米、黼、黻、絲繡。」 九章,初一曰龍, 謂『三辰旂 之服。」鄭氏注:「古天子冕服 如侯伯之服。 司服》云:「王之吉服:祀昊天上帝,則 龍 二曰山,次三曰華蟲,次四曰火,次五 益稷》:「日、月、星辰、山、龍、華 於山,登火於宗彝,尊 (毳冕,祭社稷五祀,則希冕, 如王之服。 冕服皆玄衣纁裳、周禮 旗,昭其明」也。 孤之服,自希冕 侯伯之服,自鷩 辰 而冕 畫於旌 其 蟲。 而 十二章,王 ・春 神 服 下,如子 冕而下, 作會;宗 旗,所 明 九章, 祭羣 冕 望 官 也。 丽 Ш 則 服

> 裳」。 調華 皮弁而下如大夫之服」也 之。」所謂 黻而已,是以謂玄焉。凡冕服皆玄衣 章,裳二章,凡三也。 章,●凡五也。 毳 是無文采。」鄭司農云:「大裘,黑羔裘。」驚畫以雉 裘》疏:「《鄭志》「大裘之上,又有玄衣,與裘同色」,亦 則衮之衣五章,裳四章,凡九也。《天官・司 粉米,次八曰黼,次九曰黻 王之吉服 曰 宗彝,皆畫以爲繢,次六曰藻,次七曰 畫 虎 蟲也,其衣三章,裳四章,凡七也。 疏云:「此無正 蜂,謂 九、故《司服》又云「士之服、自 六冕也,合章弁、皮弁、冠弁爲 希刺粉米,無畫也,其衣 宗 彝 也,其衣三章,裳二 玄者,衣無文,裳刺 文,並 ,皆希以爲繡 鄭 以 意 解 纁

又案:鄭氏鍔曰:「日月星辰,登於旌旗

冕而 質之,子男之服,自毳冕而下如侯伯,則 與康 創自康成、《六經》無見也。 王與公同服,九章之衮,君臣 章之服也。 方氏苞、戴氏震 日月星辰而何? 王服十二章明矣。」説 文謂『自衮冕而下』,則衮服而上之章,非 下如公,則不服衮冕可知,公之服,自衮 上不服鷩冕可知,侯伯之服,自鷩冕 成異、楊氏復、敖氏 下如王,則不服 亦謂大裘而冕當爲十二 日 月星 繼公皆主之。 今以 血無別。 辰 可 知。 此 其 經 近 説 經 文 而

者刑者之髮,以被婦人之紒爲飾,因名髮袂」。又云「主婦贊者一人,亦被錫,衣侈袂」。又云「主婦贊者一人,亦被錫,衣侈凡大夫之妻被錫衣侈袂,士之妻纚笄宵衣。

鬄焉。 尺。宵,讀爲《詩》『素衣朱綃』之綃,《魯 者一人,當亦是大夫之妻來助祭者,疏不明析。 此衣染之以黑,其繒本名曰宵。 宵衣」,●注:「纚笄, 領,因以爲名,且相别耳。] 又婦見舅姑 詩》以綃爲綺屬也。 縚髮。笄,今時簪也。 昏禮》親迎,「姆纚、笄、宵衣」,注: 八寸。」是大夫之妻被錫衣侈袂也。 蓋半士妻之袂以益之,袂三尺三寸,袪尺 大夫妻尊,亦衣 ·素衣朱宵』,《記》有『玄宵衣』,凡婦人助 纚笄,宵衣」。 此《周禮》所謂次也。 《特牲饋食禮》「主婦纚笄 ()綃衣 而 首服。 姆亦玄衣,以綃 纙 侈其 亦廣充幅,長六 、袂耳。 宵,綺 不 《詩》有 纙 笄者, 屬 侈者 主婦費 令 士 也

0

》本同,今删

此處原重「特牲饋食禮主婦繼笄宵衣」十一字、《清經

又案:《周禮

祭者 牢》「被錫」也。 玄」,其亦宵衣之次歟? 蓋又次于玄端 玄」,凡玄端者爵轉,若緇髀 襮。]]楊氏復曰:「《特牲》注以綃爲衣,此以綃爲領, 者,上下皆玄也。穎,禪也。 玄,纚笄,被潁 舅姑仍纚笄宵 士妻而被錫衣侈袂者,昏禮攝 袡,亦緣也。」據注,此 「掌爲 「説抵牾。」考《士冠禮》,冠日,「兄弟畢袗 素 次,首飾 士昏禮》 衣 同 副 朱 服 、編、次』。 襮。』《 也,今時髮也。《周禮 親迎,「女次,純 也。」是士之妻 ・天官・内司服》: 「掌王后 黼」,注:「袗,同也。 矣。 衣 爾 則純 矣。 《昏禮》「女從者畢袗 雅 純 * | | | | | | 衣當亦侈袂之衣。 又云「女從者畢袗 所謂「次」,即《少 衣, 衣 纙 絲衣。 則謂之袗玄, 纁 笄 黼 《詩》云: 盛也 神」,注: 宵 · 追 領 其色玄 衣 ,故見 謂 同玄 師 也 之

之副與 緣衣 主 宵衣矣。 人之次展衣也,男子朝服,猶婦人之次 次也。以《禮經》推之,男子爵弁服,猶 下,猶婦人之緣衣也, 男子之冕,猶 冕而下,猶婦人之展衣也, 男子皮 也,男子希冕,猶婦人之鞠衣也,男子玄 之揄狄也, 男子毳 冕,猶婦人之禕衣也:男子鷩冕,猶婦 衡、笄。」以《春官・司服》推之,男子 師》:「掌王 婦之服, 衣,素沙。 之六服,褘衣、揄狄、闕狄、鞠衣、展衣、緣 玄端,主 婦婦 被錫 也,至於男子玄端 編也, 男子之弁與冠, 猶婦 婦纚笄宵衣也。又《士昏禮》男 故《少牢》大夫祭禮,主人朝服 鞠衣、展衣、緣衣、素沙。」《 衣侈袂,《特牲》士祭禮,主人 謂以素沙爲六服之裏也。 后 之首服,爲副、編、次,追 足冕,猶 , 則 婦 婦 人之 辨外内 人之纙笄 闕 婦 弁 人之 追 人 衮 婦 丽 狄 命

男子 子 昏禮》女亦攝 緣衣,蓋徒以大夫士意衡之,而不知《士 也。楊氏復以《少牢》爲展衣,《士昏》爲 爵 朝 弁 服 ,則女次純衣者 則 盛也。 主婦 被錫衣 展 衣 侈 也。 袂 者,緣衣 \sim 《少牢》

文案:《士昏禮》「女次,純衣」,疏云: 又案:《士昏禮》「女次,純衣」,疏云: 以歸,之服,不殊裳。」據此,則 是下皆玄也。」疏云:「此袗讀從《左氏》 是下皆玄也。」疏云:「此袗讀從《左氏》 是下皆玄也。」疏云:「此袗讀從《左氏》 是下皆玄也。」疏云:「此袗讀從《左氏》 是下皆玄也。」疏云:「此袗讀從《左氏》 是下皆玄也。」疏云:「此袗讀從《左氏》 是下皆玄也。」疏云:「此袗讀從《左氏》 是下皆玄也。」疏云:「此袗讀從《左氏》 是以《内

問吉凶、皆袒左。」《大射儀》「司射適次 之裼者,如《玉藻》「君衣狐白 降立」,注:「凡 襢 廷堪 以裼之;麛裘青豻 裼之」,又云「君子 「小臣正贊袒,公袒朱襦」是也。在裘謂 袒者,如《鄉射・記》「大夫與 事者左袒」,是凡袒裼皆左也。 封』。《大射》亦左袒。」《覲禮》注「凡 左袒。《檀弓》云『吴季札 云:「言吉凶皆袒 袒、決、遂」,注同。《聘禮》受玉畢,「裼, 遂」,注:「袒,左免衣也。」 疏 案: 又云「君,袒朱 《鄉射禮》「司射適堂西, 左也。 檀、袒通。 裦 狐 福以 青 絞衣以 裘 <u>~</u> 射」。《大射儀 左袒,右還其 士喪禮》主人 豹 裼者左。」疏 云: 裼之; ●羔 裘 褎,玄綃衣 士射,袒 在衣謂之 「凡事 錦 袒 以 衣 禮 以 纁 無

凡

袒裼皆左,在衣謂之袒,在裘謂之裼。

^{■ 「}絞」,原誤作「紋」,今據《禮記正義》改。

不

裘

也。

《 鄉

射

又案:不袒

裼,

中,故文不具也。

秋見

(禮會民

而

射

《鄉射》言袒不言裼者,《周禮》州長春秋 《覲禮》言袒不言裼者、《周禮・大宗 若肉袒及右袒,則經必特言之,如 當亦有衣,不肉袒,但不必定 禮》並不言襲者,蓋其節文别見於三時禮 「乃右肉袒于廟門之東」是也。 言裼不言袒者,舉冬以該三時也。 曰覲」,其時亦不用裘故也。《覲 于州序,其 説者或以 則謂之襲,凡衣皆有之, 裼之,狐裘,黄 》、《大射》二篇,既云 雖不云袒 ,則肉袒」、《覲禮 該冬夏也。 時 爲 不 肉 何襦 用 《大射》言 以 袒 裘故 纁襦 衣 , , 其 非 以 《聘 《 鄉 伯 也 也 朱 實 裼 秋三時 吴氏 裼。 衣曰 也。 微 領而 之時,皮弁服上反加 日 之外即爲禮服。 此 袷褶之上有中衣,中衣之上有上服,皆同。 賈氏於春夏 等。」夏則絺綌之上有中衣,中衣之上有上服,春秋則 楊衣,楊衣之上又有上服,皮弁、祭 孔 袒 :「裘上有裼 捲 重,襲衣二重,正 亦定説也。 ,復云襲是也。 氏《正義》曰:「左袒出其裼衣,謂之爲 《聘禮》「裼,降立」,疏云:「裘上 襲。」夫深衣尚 澄 起 掩蔽裼 掩而不開,則謂之爲襲。」此定説也。 皆曰中衣,不曰裼衣,益 以 爲裼,下其所捲之袖 直 衣爲 其 孔氏穎達以裘之外 領 衣,不 襲。 皆 丽 《曲禮》「有 非 服 卑于玄端,豈有 露 《以深衣之理,其謬尤 近蔡氏德晉以 也。 三重, 郝氏 加 出 深 知在裘始 裼

袒不言裼者,舉春秋以

射・記》「君在,大夫射

襦,故不言耳。

衣

爲

裼

曲

其

兩

袖

爲襲,皆

非

藉者

則

裼

裘豹

飾

緇

衣

以

士射,經

至於萬

氏

斯

大

敬

以

裘

有

裼

衣

衣

日

裼,

加

深

聘

服

之

有

謂

之裼

也

四二八

不待辨矣。

凡

執 謂 廷 也。 云 繅爲襲者也。 繅。]裼、襲,文質相變耳。 鄭氏注:「藉,藻 禮》「執玉,其有藉者則裼,無藉者則 美亦文; 也 此,賈人垂繅 賓」,疏云:「『執玉 是也。」則 堪 玉 繅 「圭璋 一,有 《聘禮》「上介不襲,執圭 記》凡 案 云其無藉者,●則襲者據 也 藉者裼 無藻爲質,襲充美 有藉、 繅,所 以 特 執 以授 束帛爲 而 此一説也。 玉 襲,璧琮 也。 以 無 無藉者襲。 上介,上 緼 無 一, 其 藉, 藉者也。 陸氏《釋文》:「藻,本又作 藉 藉 有 其 者 玉。」《禮記 加 有藻爲文,裼 藉 《曲禮》鄭注 介 説 襲 束 者 亦質。」皆 不 此 有 帛 一, 屈 此 則 襲受之時 上介屈 注 而 裼」, 又一 繅, 裼, 襲」, 藉, 聘 説 曲 繅 據 亦 又 以 見

> 用後 也。 注: 亦是 朱氏 岐、江氏 之説,而 氏復、敖氏 記》「子 俱 主各自爲裼、襲,謂 賓介二人爲裼、 説 以 襲; 者 授 「禮盛者,以 他。」此 禮不盛者,以裼爲敬,受享是也。」亦 賓 也 熹曰:「 説。 行享時 永 日 0 不 賓 繼公、陳 (曲禮) 諸 取 是後 釋 襲受之時 裼、 陳 儒 以 用 鄭 氏、陸 襲,圭璋 Ě 亦 繅 璧琮 如 襲爲敬,執 襲之不 氏 然,則後説 爲藉之説 氏 陳 聘 後 義 澔 氏 加束帛,賓主俱裼, 氏 時 也 皆 祥道 「熊氏 説 但 用 特 相 主 此 取 者 圭 以 因 玉 陸 以 釋 之義 下,又 鄭注 也。 璋特,賓主 龜 也 近 東 以 鄭 氏 」, 鄭 之屬 張 爲 帛 氏 後説, 又《 長 佃 氏 爲 明 **+** 前 也。 表 氏 爾 藉 楊 是 明

[「]者」,原脱,今據《儀禮注疏》補。「云其無藉者」,原誤作「其無藉」,今據《儀禮注疏》改。

熊氏之義,似亦有理。今未敢斷其

而

用

既是寶,必以物覆襲之」,又云「非但人有也。至於《曲禮》正義又引皇氏説「圭璋是非,故悉著其説,以俟知者。」蓋慎之

裼襲,其玉亦有裼襲」,則非經注之意,不

可從。

禮》『上介不襲』,云『盛禮不在於己也』。 以 繅,而有錦帛爲之藉。 繅,而又無錦帛等藉之。享之裼也,雖 介 又案:或 漫。 解 《記》所謂藉,本非 戴氏 疑 專主鄭後説,恐遺漏 震 曰:「聘之襲也,其時 鄭氏兼繅與束帛 兩說。 其注《 經文賓 聘 去 去

藉,屈繅爲無藉,殆失之。」可謂深得鄭意以證不當襲。後人誤會,而以垂繅爲有

又繅雖不垂,亦非無藉之謂,故引《曲禮》

又案:射禮有事則袒,無事則襲,説見

矣。

《射例》中。

凡縚髮謂之纚,安髮及固冠皆謂之笄。

長六尺」,注:「纚,今之幘梁也。終,充廷堪案:《士冠禮》陳設,「緇纚,廣終幅,

矣。」又再加、「設笄」、疏云:「是紒内安也。 纚一幅,長六尺,足以韜髮而結之

髮之笄也。若安髮之笄,則緇布冠亦宜矣。」又再加,「設笄」,疏云:「是紒内安

也。《士昏禮》親迎,「姆纚、笄」,注:有之。」緇布冠無固冠之笄。此男子之纚與笄

「纚笄」。《特牲饋食禮》,祭日「主婦纚長六尺。」又「女從者纚笄」,又婦見舅姑「纚,韜髮。笄,今時簪也。纚亦廣充幅,

弁笄,爵弁笄,緇組紘,纁邊」,注:「笄,也,皆安髮之笄也。《士冠禮》陳設,「皮笄」,注:「纚笄,首服。」此婦人之纚與笄

今之簪。有笄者,屈組以爲紘,垂爲飾。」

四二九

也

궁 之笄,男子有,婦 是弁冕固冠之笄。」《特牲》疏云:「冠冕 此 子冠而婦人笄」也。 婦人俱有。婦人笄對男子冠,故《内則》 云『男女未冠笄』。」又《喪服小記》云「男 固 「笄有二種,一 冠 之 笄 也 惟 人無,安髮之笄,男子 男子有之。 是紒内安髮之笄, \sim 士 冠 **>** 疏

以漢法况之。 結項中,隅 及近江氏永乃别爲之説,然於他經亦 幘,頍象之所生也。 滕、薛名蓾爲 **臧**,亦由 弁」之類。緇布冠無笄者,著頻,圍髮際, 又案: 緇 ·士冠禮》「缺項」,注:"「缺,讀如『有頻者 鄭説缺 碑》「闕幘」 固 項之制,蓋有所傳」。 布冠 頍 爲 以證 故王氏應麟引《隸 爲之耳。 四 無固冠 綴,以 卷幘也。 之笄,但 今未冠笄 固 冠 陳 也。 敖 氏 用 項 釋 類。」 者著 氏 祥 缺 中 繼 道 項。 無 武 蓋 卷 公 曰 有

確據,固不若注説之猶爲近古

論語黄衣狐裘説

禮 孔氏 即 衣 性》之「黄衣黄冠 裘者,韋 竊疑其不倫焉。《詩・ 皮弁服,皆是也。唯黄衣 裘,黄衣狐裘」,邢疏 曰:《論語 否?」余嘉其有 於余曰:「《論 》陳冠服,爵弁服,一也,皮弁服,二也 爵 狐裘及貍裘,象衣色故也。」然則黄 弁服是 正義曰:「若兵事既用韎韋衣,則 宣城張生其錦讀《詩 一弁服 郷黨》篇 也。 也。 語》『黄衣 識 按弁 而祭,息 韋弁服,陳氏《禮 丽 以緇衣爲朝服,素 惜其未暢也,乃爲之 服之制有 緇緇 羔羊》「素絲 狐 狐 田 • 衣羔裘,素 夫」者當之, 裘,則以《郊 裘』當從 羔羊》正義, 三金士 書》 Ŧī. 其 緎 衣 衣 以 衣 用 冠 嘗 特 説 狐 黄 爲 麛 説 問

也。

有

明

而

申

去

爵

朝

服

觀

弁

服

衣

狐

玄端即兼 玄端,三也; 殊裳者也。 ,其義見矣。 、後爵 後後 文,而 朝服 服 黄 弁 裘 衣 之 也; 弁服」。 則 衣 即 如 服 朝 也; 朝 狐 朝 韋 也 玄端又連衣裳,是禒 皮 而 此 世 弁 服 服 弁 服 裘之爲 弁服 玄端 忽 服 但 者 索 又《周 也。 三也。 也。 服 知宗 難 雜 者,由 眡 · ; 自 也。 二也; 者 以 衣 朝 即 語 以《論語》考之,「緇衣 \sim 重 韋弁服,《 朝服之異其 曰 邢 黄 魔裘」,皮弁服也,「黄 則 禮 (士喪 影記 輕 \sim 而 韋 氏 衣 皮 • 儀 $\stackrel{\sim}{\sim}$ 而 逮 弁服 司服》「凡兵事、章 説,故因 褖衣 黄 士之三正服,不 弁 禮》 禮 溯 輕 儀 立》、《周 服 冠之野 重也。 也 詩 禮 即 陳 <u>;</u> 」,二也,「凡 衣即玄端之 ; 影既 (裳者 爵 襲 ^ 張 也。 Œ 禮 弁服 服 論 夫 有 比 生之問 光 語 艸 賈 爵 爵 故 類 也 弁 Ě 羔 服 應 爵 弁 先 言 而 疏 爲韎 則爵 服 云: 也。 實皆 蓋 氏 即 以 取 司 以 冠 者,指冕服 亦無定説。 謂 服 用 説 爵 韋 諸 『 易 之黄 弁服 乾 一物 韎 也。 弁服 坤。 韋

裘

冠

弁

甸

元 冠

弁

服

不

謂

褖

、又有韋 F 弁服 但 當爵 弁服 異 弁 其 ,自是二服,不 服 衣 也。 耳,其 答之曰: 弁 則 可 同 如 當 韋 陳 如 弁 氏 説

服

同色,不 布衣、《司服》注 衣。 鄭 亦當上下同色,蓋 當用緇。 而言也。 今考《禮器》所謂『士玄衣 注 其 爵 衣 弁服以 不 禮之通 又以 又,皮弁服 同,故 爲 爲靺韋衣,是鄭氏 緇 例 名 用 衣,章 纁衣 弁服 亦 上 隨 下 之而 ,韋弁服 則衣與 弁 · 同色 纁裳. 服 異 以 服 陳

猶之緇衣素裳爲 裼衣黄: 鄭注: 『凡冕服,皆 • 也。」難者又曰:「纁衣 衣?」答之曰:「此 繋 乾 ,取其與正 《辭》: 爲 朝 天,其色玄; 服 黄帝、堯、舜 緇 服 i玄衣 相 衣玄裳 類 坤 裼 也。 纁 衣, 垂 非 爲 爲 裳。」賈 地 衣 黄 玄端 非 周 ,其色 也 禮 正 一,何 ", 其 疏 服

禮經釋例卷十二終相類也,又何疑乎?」

趙思經色,故以纁色爲名也。」是纁與黄黄即是纁色,故以纁色爲名也。」是纁與黄

禮 經釋例卷十三目録

雜

例

凡 鄉飲、鄉射明日息司正,略如飲酒之禮。

凡 凡燕四方之賓客,略如燕其臣之禮 ·昏禮婦至設饌,及婦饋舅姑,略如食禮

凡舅姑饗婦、饗從者,略如饗賓客之禮。 凡冠醴子,昏禮婦,略如禮賓之禮。

凡女父見婿,略如見賓客之禮。

凡聘賓私獻于主君,略如士介覿之禮。 凡婦見舅姑,略如臣見君之禮。

凡大射飲公,略如賓媵爵于公之禮。

凡 昏 禮婦奠菜, 聘禮賓 介將行,及使還 有 事

> 于禰 廟 ,略如祭禮

凡燕 授幣及反命,皆于治朝, 禮命賓 ,聘禮命 使者,皆于 聘賓初至及將聘 燕 朝

聘禮

皆于外朝。

凡卜筮皆于廟門,唯將葬則于兆南。

凡筮,士坐筮,卿大夫立筮。

凡樂,瑟在堂上,笙管鐘磬鼓鼙之屬在堂

下。

凡樂皆四節,初謂之升歌,次謂之笙奏,三

凡士禮,冠、昏、喪、祭皆攝盛 謂之間歌,四謂之合樂。

凡適子冠于阼,庶子冠于房外。

按:凡冠、昏之禮有類可歸者,散見諸

凡適婦酌之以醴,庶婦醮之以酒。 例,無類可歸者,皆附于雜例

凡冠禮,或醴或醮,皆三加

凡昏禮 **,**使者行禮皆用昕, 唯壻用 昏

禮經釋例卷十三目錄終 共二十一例。 共二十一例。

禮 經 釋例卷十三

無

俎。

皆殺於飲酒

正

禮。《鄉射禮》明日

淩 廷堪次仲

鍁

賜後。 鄉飲 有。 乃息司正。 廷 長 勞賜昨日贊執事者,獨云司正。 日息司正之禮 賓、介不與。 堪 也 徴唯所 、鄉射明日息司正,略如飲酒之禮 「主人釋服。 案:《鄉飲 無 介, 欲,以告于先生、君子可 無介,不殺,薦脯 鄉樂 則 也。 酒 但 禮》明 唯 以 注:「釋朝服。 故注云: 欲。 司 Œ 日,行禮之明日,賓拜 爲 此《鄉飲 賓,不殺,則 「息,勞 醢,羞 更服玄端也。」 司正 酒 唯 一,庭 也。 》明 所

也。 貶於飲 唯所有。 不 賓拜賜後,「主人釋服,乃息司正 經文較詳耳。 司正之禮 徵唯所欲,以告于鄉先 不拜至,不拜洗。 下注云:「使擯者而已,不立之。」蓋 請坐者,請坐主于無算爵。」又「無 人,請坐于賓,賓降説屢升 人,主人不崇酒,不拜衆賓。 推言經之所未詳者,皆殺于 一人舉觶,遂無算爵。 遂無算爵」下注云:「言遂者,明其間 殺 賓坐奠觶于其所,擯者遂受命于主 使人速。 酒 也。 鄉樂唯欲」。 也。 「無介」下注云:「勞禮 與《鄉飲》息司 已下皆記禮之異者。」又 迎于門外,不拜,人,升 薦脯 無司正。賓不 醢,無俎。 此《鄉射》明日 生、君子可也。 坐矣。 飲酒之正 既獻衆賓 正禮同,但 不言遂 賓酢主 司正 無介。 注 與。 又 闕 息 羞

凡

雜

例

?

用

其有 不用 也。 賓出,主人送于外門外,再拜,歸賓俎」, 賓,束帛儷皮。 禮。」又云「乃醴 賓,賓禮辭,許。賓就次」。 又案:《士冠 也 歟?」竊謂: 酒》相類,則是壹獻之禮,賓介而下皆然 之禮,賢者爲賓,其次爲介。」●敖氏 注云:「介賓之輔,以贊爲之尊之。 人送于廟門外。 曰:「醴賓之時,贊冠 此禮用醴,蓋 鄉飲 ·酬幣,遂云此禮賓與饗禮同,注謂 酒,及酬賓有東帛儷皮爲異。 其獻 河》同 及酬 ·; 疏 此禮當如《鄉 禮》賓字冠者畢,「 因 [酢,亦 賓,以壹獻之禮。 贊者皆與,贊冠者爲介。 注:「不出外門,將醴之。」請 謂 醴子 與 略如《鄉飲 饗禮同。 用體而 者 爲介,與《 飲酒》,唯用 注:「此醴當 爲之。 敖氏 賓 酒》之儀 主人酬 出 若不 鄉 繼 飲酒 疏 曰 公 飲 與 因 醴 醴 主 作

> 酒 醴 則 子 爲 而 饗。」蓋兼取鄭、賈二説 醮 則 此 禮 亦 因 之而 用 酒 歟

凡燕四方之賓客,略如燕其臣之禮。

啐酒。 賓。 席。 者,至此升堂而 苟,且也,假也。 拜至,皆如《公食》,亦告饌 注:「四方之賓,謂來聘者也。 席于阼階之西,北 則公迎之于大門内,揖讓 廷堪案:《燕禮•記》「若與四方之賓 今燕,又宜獻焉。❷ 小 臣 其 (介爲 請 執 幂、請 賓。 辭 主國 讓,欲以臣禮 面 無 君饗時 羞 有晉,不 膳 人臣不敢褻 者, 升。 尊, 具 乃 , 親 賓爲荷敬 無 而 自戒至於 迎 嚌肺,不 燕,爲恭 膳 後 進 賓 爵」, 煩 醴 公即 也。 燕 尊 于

[「]宜」,原誤作「且」,今據《儀禮注疏》改。「介」,原誤作「輔」,今據《儀禮注疏》改。

卑也。 敬也。 敬。 是辭 殺敬 鄉者酌之,至燕,主人事賓之禮殺,賓降 即位,如燕也。」無膳尊膳爵者,降尊以就 嚌啐,似若尊者然也。 者,賓實主國所宜敬也。 君親爲主,尊賓也。 燕,私樂之禮,崇恩 洗,升媵觶于公,答恩惠也。』《聘禮 主人獻賓、獻公,既獻荷敬,乃媵 曰:『吾子無自辱焉。』」注:「受賜,謂公 上,公降迎上介以爲賓,揖讓升,如 曰:『臣受賜矣,臣請贊執爵者。』相者對 燕則上介爲賓,賓爲苟敬」,注:「饗食, 〈介以爲賓。」又云「宰夫獻」,注:「爲主 爲賓,君聽之。 也。 苟敬者,主人所以 又云:「若與四方之賓燕,媵 於是席之如獻諸公之位。 賓不欲主君復舉禮事禮己,●于 從諸公之席,命爲苟 小敬也。 介門西 脀,折俎也。 北 觚,羣臣 更降 言荷敬 面,西 記》 初 爵 禮 不

> 之禮 文》: 『茍,自急敕也,❷音棘,从羊省。』與 卿爲賓,而以大夫爲賓也。 于阼階西北面者,猶之燕己之臣,獻諸 賓而以上介爲賓者,猶之燕己之臣,不以 膳爵,餘皆如 人代公獻。」是燕四方之賓客,唯 也。 苟敬之苟,戴氏 燕其臣之禮也。 賓爲荷敬,席 震 不 日 以 無 《説 賓 膳 爲 公 尊

闋。 《新宫》,笙入三成。 升受爵以下而樂闋。 又案:《燕禮記》「若 庭,奏《肆夏》。 勺》,此燕之盛禮,蓋兼四方之賓客言 公拜受爵而奏《肆夏》,公卒爵,主 賓拜酒,主人答 遂合鄉樂。若舞,則 升歌《鹿鳴》,下管 以 樂 納 賓, 拜 則 面 賓 樂 人 及

苟且字不同。] 説與注異。

^{● 「}禮己」,原作「己」,今據《儀禮注疏》改。

[「]救」,原誤作「救」,今據吕校改。

易以 而出 皆作《肆夏》。 實禮器大饗,即賓客燕饗之饗,非給祭先 之」,郊特牲「賓入大門而奏《肆夏》,示 王,不必牽合助祭也。 陔夏》者,蓋以爲 敬也。 ,而《燕禮》又有賓出奏《陔》之文,其 (禮記 卒爵 • 禮器》「其出 鄭氏破《禮器》《肆夏》爲 而樂闋,孔子屢歎之」, 助祭之後,禮畢,客 也、《肆夏》而 醉 送

凡 醬南。 唇禮婦至設饌,及婦饋舅姑,略如食禮。 布 設 俎 在其北。 夫入于室,即席。 廷堪案:《士昏禮》婦至,「媵布席于奥。 對 北 于 席 ",贊啟 設對醬于東,菹 腊 **贊設黍于醬東,稷在其東,設湇** 俎人,設于豆東,魚次。 北 ,其西稷。 會,卻于 贊者設醬于席 敦 設 醢 南,對敦于 在 湇 其南,北上。 于醬 前 腊 北 ", 特 北 干 喢

> 祭禮,所謂鬼神陰 俎、豆、無籩、似食禮。卒食後酌酳,又似 尊。 皆拜。贊答拜,受爵。再酳如初,無從 姑入于室,婦 復位」,此婦至設饌也,有醬、湇、黍、稷 祭,卒爵,拜。 三酳用卺,亦如之。 從,皆振祭,嚌肝,●皆實于菹 贊洗爵,酌酳主人,主人拜受。贊户内北 以湇、醬、皆祭舉、食舉也。 薦、黍、稷、肺。 **贊**告具。 魚腊,無稷,並南上,其 面 l 答拜。 人户,西北面奠爵,拜。 揖婦 酳 婦 盥 皆答拜。 亦如之。皆祭。 饋,特豚,合升 贊 即 陽也。 對 爾 **贊洗爵**,酌于户 筵, 黍 他 ·,授 興。 皆 又 如 肺 坐, 三飯,卒食。 取 醴 皆答拜。 主人出,婦 豆豆 脊。 女禮。 婦訖,「舅 皆 ,側載, 贊以肝 祭。 皆 卒爵 食, 外 婦 無 坐 祭

也。如取女禮,謂如婦至設饌同牢禮也,贊成祭,卒食,一酳無從」,此婦饋舅姑

皆略如食禮也

凡舅姑饗婦、饗從者,略如饗賓客之禮。 怬 致 後也。」●疏云:「食禮既亨大牢,明饗 夫禮》曰: 『設洗如饗。』則饗與食互 廷堪案:《聘禮》「公于賓,壹食,再饗」, 以侑幣,如致饔,無儐。 之,客之也。」饗實介爲介,見下《記》文。又云 注:「饗食賓,介爲介,從饗獻矣,復特饗 故以飲賓言之。」又云「上介壹食、壹饗」, 亨大牢可知。但以食禮無酒,饗禮有酒, 注:「饗,謂亨大牢以 「若不親食,使大夫各以其爵,朝服致之 饗以 賓勸酒之幣也,●所用未聞也。 酬幣,亦如之」,注:「酬幣,饗 飲賓也。《公食 此是食禮,故云侑幣。 禮幣束 一相先 禮 禮 大

> 以侑幣」。 禮》作「壹」,下同。 致之,略言饗禮,互文也。《掌客職》曰: 注:「禮,謂食燕也。 尊,❸行敵禮也。」《覲禮》「饗禮,乃歸」, 若不親饗,則公作大夫致之以酬幣,致食 饗,壹食。此饗在食前。 爵』,蓋天子酬諸侯。」又云「大夫于賓,壹 帛、乘馬,亦不是過也。《禮器》曰『琥璜 也。饗、食、燕三大禮,唯《公食大夫禮 燕,侯伯再享再食再燕,子男一享一,念周 上公三享今《周禮・掌客》作「饗」,下同。三食三 饗之,其介爲介」,注:「饗賓有介者,賓 《聘禮·記》「大夫來使,無罪, 一食一燕。」此皆言饗禮 王或不親以其禮幣 上介,若食、若饗。

「相」,原脱,今據《儀禮注疏》補

「酬賓」二字,原脱,今據《儀禮注疏》補。

「賓尊」,原倒作「尊賓」,今據《儀禮注疏》乙正。

四三九

明正 不舉。 設 《士昏禮》「舅 及 禮 食禮 《雜記》云大饗,『卷三牲之俎歸 階 觶、《燕禮》使人媵 酒食勞人曰饗。 洗于南洗 非以不食故,説恐非。 婦 注:「言俎,則饗禮 而 是賓所當得 兩 亦 不 婦降 盛,故歸之也。 燕 禮成 不 洗者 飲,肴乾而 個 禮 其燕則更使人舉爵。」此即鄉飲使人舉 食,故歸 以 自 **>** , 獻 7,姑洗 ,不復舉。 束 存 也。 阼 錦」,注: 酬 **`**, 姑 爵也。 階。 酢 之也。」按《公食大夫》亦歸俎 于北 共 饗 南洗在庭,北洗在北 不食,故 又「舅 饗時設几而 蓋飲酒禮殺,但取俎授從者,饗 以 饗 禮 有牲矣。」●疏云: 歸 又云「舅姑 凡酬酒皆奠于薦左, 潔 婦 洗,奠酬」,注"「以 **>** 婦 「送者,女家 清 篇 饗送者 以 歸 俎 爲 Ļ, 俎。 敬。 于 獻之禮 不倚,❷爵盈 不 婦 以 先 于賓館』, 可 此 奠酬 氏 降 考 饗 獻 有 自 堂。 婦, 矣 之 案 西 舅 司

> 之也。 云: 厚。 也。 設 饗 席薦也。」疏云:「醴婦時、唯席與薦。 其 記》「婦席薦饌于房」,注:「醴婦,饗婦 送者丈夫婦 禮》饗食速賓,則知此舅姑饗送者,亦 弟之妻妾。 送者,酬以 兼有姑,此依常饗賓客法。」又「姑饗婦 婦 于 此 席 古文錦皆作帛。」敖氏從古文作「帛」。 并有俎。 爵 凡速者,皆就館速之。」又「壻饗 至 前。」又云「饗婦、姑薦焉」、注: 一獻 酬 束錦」,注:「婦人送者,隷 凡饗,速之。」疏云:「案《 人,如舅 賓 與饗婦 不饌于房,從鼎升于俎,人 又 從 **, 姑饗禮」。《** 之 獻 以 同,禮則異,彼 束 錦 士 所 昏 以 谏 聘 疏 相 婦

禮」,原脱,今據叢刊本《儀禮注》補

[「]送」,原誤作「從」,今據呂校改。「時」,原脱,今據叢刊本《儀禮注》補

夫

》,設洗如

饗

則饗、食、燕三者,

卑爲獻,取數畢其大略而已。」據《公食大

云:饗、體

薦

而

不

食,爵盈

而

不飲,依

尊

吴氏

廷華

日

「《王制》

疏

一崔

氏

盥。 降者,婦人不下堂。」 饗禮之儀 親薦己,故不敢使 賓客之禮也。 如此而已。 敢拜洗」,注:「不敢與尊者爲禮。」又云 也。」又云「不敢辭 舅者,饗婦,則婦 云:「飲人而用牲焉 凡婦人相響,無降」,吴氏廷華曰:「不 凡卑者受尊者獻,則不敢酢。 婦 舅 姑 洗 共 在 饗婦,舅獻 北堂,直室東隅,篚 舅 是舅姑饗婦、饗從者,略 更爵 疏云:「饗用 如 ,自薦」,敖氏 洗,舅降 人薦舅,行禮欲 賓 爵,姑薦脯 曰饗。」皆據經 也。 則辟于房,不 自薦者,爲 醴 在 酒。」 此婦 節 繼公 醢。」又 東, 可 注 其 敖 見 北 如 乃 日 推 氏 響 者 姑 酢 云 稱 面

> 也。 也。 禮 致 大 以知之,故疏舉《左傳》爲證也。《左傳 也,亦實于罋筐。《饗禮》今亡。」疏 案《昭六年》,『夏,季孫宿如晉,拜 概 禮 謂 晉侯享之有加籩』。」《饗禮》亡,無文 其,其賓與上介也。 相似 。 皆 君 不 用 而 親饗賓及上介,以酬幣致 其 少 饗之加 異也。又《聘禮· 籩豆」, 加籩豆,謂 注 一「凡致 記》「凡 莒 其 其 云 田 實 禮

四海 子。」蓋: 器》云:「大饗其 君使來,王饗之,四 及諸侯之臣來聘,王饗之,三是戎 又案:《王制》疏:「皇氏 和 是諸 氣 也。 九州之美 亦 侯來朝,天子饗之; 據 内 金,示 經傳 休 也。 王 推 和 事 ൬ 也 是饗宿 籩 與 ! 知之。 云 豆之薦,四時之 東帛加 衛及 二是王 三牲、魚 饗有 竊 謂 耆老孤 四 狄之 親 種 《禮 戚

饗」皆作「享」。

四

鄭氏 席而 東帛 之期 也。 無常 以 其 也 之席,「君三重席 賓客食饗之饗。 特牲》云:「鼎俎 也 旅幣無方,所以 郊特牲》爲朝聘庭實,皆非 和 出 也。 ·乃以《禮器》爲給祭先王,孔 貨,各以其國之所有,則致遠物也。 丹漆 酢焉」,及春 加璧,往德也。」二篇辭句小異,皆指 籩 也、《肆夏》而送之、蓋 龜 居參之也。 豆之實,水土之品 爲 絲纊竹箭 龜爲前 前 列 (饗孤子,秋食耆老,可 先 而 觀《郊特牲》上文,大響 列 别土地之宜,而節遠 奇 虎 7,先知 酢 知 而籩豆偶,陰 豹之皮,示服 與衆 焉,三獻之介,君 也。 也。 共 金 重禮 也 也。」又云: 、財也。 次 以鍾次之, 之, 也。」《郊 疏 陽之義 猛 又以 其 見 也。 邇 見 專 餘 情

> 婦。 庭實 之,面葉。 疑 冠者即筵坐,左執觶,右祭脯 冠者筵西拜受觶,賓東 賓受醴于户東,❶ 南 廷 大略相同,唯昏禮有几,《聘禮》兼 醴冠者也,與《昏禮》醴使者、《聘禮》禮 筵,坐奠觶,拜。 醴三,興,❷筵末坐,啐醴,捷 立于席西。 堪 面 席于 耳。《士昏禮》婦見 案 : 贊者洗于房中, \sim ·户牖 賓揖,冠者就筵,筵西, 士冠 贊 間 禮》三 (者酌 執觶興。 加柶,面 側 尊 加 醴 面 側 甒 加加 答拜。 畢 舅姑畢,「贊 醴 枋,筵前 酌 賓答拜」,此 醴,加 柶 于 栖,興。 醢 筵 面面 房 以以 于 薦 中。 有幣 枋, 机,覆 南 户 脯 北 柶 西, 面 醢 面 醴 降 祭 婦 寉 賓 與

凡冠

醴子,昏醴婦,略如禮賓之禮。

❷ 「輿」,原脱,今據《儀禮注疏》補。 改。 ● 「受」,原誤作「授」,《清經解》本同,今據《儀禮注疏

醴

左執 北 尊,猶之《燕禮》公不親爲主人,而使宰夫 于門外」,此舅姑醴婦也,亦大略如禮 拜,奠于薦東,北 房,席前 獻賓也。 面 坐,啐醴,建柶,興,拜。 面 、**觶**,右祭脯 ·拜送。 舅姑不親醴,而 北 画。 婦又拜。 婦東 醢,以柶祭醴三,降席,東 面 坐取 面 薦脯 使贊醴之者,舅姑 [拜受。 脯、降、出、授 贊答拜。 醢 贊西階 婦升 婦 賓 又 上

也。舅姑饗婦送者亦然,但彼曰饗,此曰人請醴,及揖讓人,醴以一獻之禮。主婦薦,奠酬,無幣。壻出,主人送,再拜」,此薦,奠酬,無幣。壻出,主人送,再拜」,此一以之。主婦,與不言,以一樣之之,是

凡女父見壻,略如見賓客之禮。

拜。 見。主人出門左,西面。壻入門,東面 廷堪 受,壻再拜送,出」,此不親迎壻見主人即 奠摯也。 奠摯,再拜,出。 昏·記》「若不親 送爲異,餘與士見于大夫同 唯主人西面,賓北面再拜稽首,主人不降 主人不降送」,此親迎壻見女父之禮 鴈,再拜稽首,降,出。 階,三讓。主人升,西 執鴈從。至于廟門,揖人。三揖,至于 父也。]又云「主人玄端,迎于門外,西 女父。 之禮也。 又「見主婦,主婦闔扉,立 「主人筵于户西,西上,右几」,注:「主人,女 1案:《 賓東面答拜。賓,壻也。 壻禮辭,許,受摯,人。 仕香 禮》親迎,壻至于門外, 擯者以擊出,請受。 迎,則婦人三月然後壻 面。 婦從,降自 賓升,北 主人揖 也。 主人再拜 又《士 .西階。 面,奠 入,賓 面 辭其 也 再

之禮 壻,如主人之見賓,陽尊陰卑之義也。 壻答再 于 壻見主婦之禮也,壻見主人,亦略如賓 其 内 拜 婦 壻 見舅姑,如臣之見君,女父見 主婦 立 于 門外 又拜,壻出」。 東 面 主 此不 婦 親迎 拜 客

凡婦見舅姑,略如臣見君之禮 于席。 贊見婦于舅姑。席于阼,舅即席。 舅席在 興,婦沐浴。 廷 拜」,此婦見舅之禮也。婦奠摯,舅撫之, 婦執笲棗栗,自門人,升自 公曰:「撫之,示受之。」其説是也。 降 堪 席于房外,南面,姑即席。 案 : 禮》侯氏四享,王 受笲腶脩,升,進,北 舅 ^念士 坐撫之,興,答 纙 昏 笄、宵衣 禮》婦 至 撫 以俟見。 成 拜。 西階 玉 禮 也 面拜,奠于 姑席在 明 ,進拜,奠 婦還,又 日**,** 敖 質明, 氏 又云 房 「夙 繼 外

> 有司。 席。 階拜者,婦人禮異于男子,且辟君也 授宰幣也,皆略如臣 舉摯授人,猶《聘禮》公側授宰玉、享公側 之,舅則宰徹之。」此婦見姑之禮也。 姑 姑 坐,舉 姑 執笲以起,答婦 以 興,拜,授 見君之禮也。 人一, 拜,授 注:「人, 有司 不 降 徹

凡聘賓私獻 賓固 辭。 以 告,出禮辭。 東」,此 幣,立。 廷堪案:《聘禮》上介覿後,「擯者又納 既 和拜。 覿,賓若 .解。 士介入門右,奠幣,再拜稽首。 介逆出。 士介覿之禮也。 擯者進。 宰夫受幣于中庭,以 士介皆辟。士三人,東上,坐取 公答再拜。 于主君,略如士介覿之禮 私獻,奉 賓 擯者執上幣以出,禮 (東面坐奠獻,再拜稽首。 ·獻,將 擯者出,立于門中 又《聘 命。 禮 擯者人 · 記 請受, 擯者 士

賓固 擯 之私獻,自同于士介,不敢當客禮也。 賓私獻之禮也。二禮亦大略相同,蓋 拜,賓辟。擯者授宰夫于中庭」,此 者 辭,公答再拜。 東 面 坐取 獻 舉 以 擯者立于閾 入告,出 · 禮 外 請 覿 以 受。 賓 後 相

凡大射飲公,略如賓媵爵于公之禮。 膳以 公答再拜。公卒觶 再拜稽首,公答再拜。 散,降拜。公降一等,小臣正辭。 小 射》作「觶」。于公,酌散,下拜。 禮》、《大射》獻士後,「賓降洗 拜稽首。 公在不勝黨,侍射者,謂賓。 廷堪案:《大射儀》「若飲公,則侍 臣《大射》作「小臣正 致,下拜,小臣正辭,升,再拜稽首。 公答再拜。 」。此下賓飲夾爵。 賓降,洗象觶,升酌 辭。 降,洗角觶 賓坐祭,卒爵,再 賓 公降 介升媵 升,再拜 賓升, 产,升酌 射者 觚《大 等, 《 燕 稽 謂

> 觚。 拜。 首。 射 《大射》作「小臣正」。 觚。 首。 燕,賓媵觚于公之禮」是也。 觶爲士舉旅,爲 飲公之禮,公卒此觶,媵觶之禮,公取 •記》「若飲君,如 興。唯公所賜」。 公答 賓反位。 公答再拜。 升酌膳,坐奠于薦南 再 拜。 公坐取 小 辭。 賓 賓 異 降,洗象觶,《大射》作 坐 耳。 燕則 二禮大略 賓 賓升 祭, 所 詳見《射 卒爵, 夾 成拜,公答再 **媵**輝、《大射》作 ,降拜。 爵 '**,** 注 例》。 相 再 同, 小 拜 鄉 此 唯 臣 稽 如

于禰廟,略如祭禮。凡昏禮婦奠菜,聘禮賓介將行,及使還有事

也。席于北方者,姑席也。」祝盥,婦盥于門外。席于北方,南面。張氏爾岐曰:「席于奥者,舅席三月,乃奠菜。 席于廟奧,東面,右几。廷堪案:《士昏禮》「若舅姑既没,則婦入

席,如 拜。 室中。 帥 堇。」不設饌,此禮無佐食,但有祝,較 來 疏 幣,制玄纁束,奠于几下,出。主人立于 廟中之稱也。」主人在右,再拜,祝告,又 訖,「厥明,賓朝服釋幣于禰,有司筵几 舅姑醴婦之禮」,亦事亡如事存之意,此 禮爲殺。又云「老醴婦于房中,南面,如 户」,●注:「奠菜者,以 「某氏 奠菜于舅也。 地,坐奠菜于几東席上,還,又拜 、昏禮》婦奠菜略如祭禮也。 《聘禮》授幣 굸 婦,敢奠嘉菜于皇舅某子。」婦拜,扱 婦 敖氏曰:「不稽首,變于祭,祝不拜,辟君禮。」 以人。 盤于門外,此 初禮。此奠菜于 來婦,敢告于皇姑某氏。」奠菜 祝先入,主人從入。注:「更云主人者, 婦降堂,取 祝告,稱婦之姓,日 亦異 (于常 姑也。 笲菜 ₽祭。」婦 篚 婦出,祝 祭 人。 菜 執 也, 如 『某 笲 祝 初。 菜, 蓋 闔 曰 再 于 于 氏 祭 用 牖 祝 此

觶也。 醢。 户 祭。」此賓介使還,有事于禰廟也,皆略 酢主人者,祝 亦如之」,注:「天子、諸侯將出,告群廟 階東。又釋幣于行。遂受命。上介釋幣 神。」又入,取幣,降,卷幣,實于笲,埋于 也。一人舉爵,猶《特牲》、《有司徹》之舉 如之」。三獻,猶《特牲》、《少牢》之三獻 此賓介將行,有事于禰廟 大夫告禰 寒幣于門,乃至于禰,筵几于室,薦脯 東、祝 禮。 (舉爵,獻從者,行酬 觴酒陳。 「席于阼」,注云:「爲酢主人也。 其將行,釋幣于行,使還 立 而已。凡釋幣,設洗盥如祭。」 于 席于阼,薦 牖 取 西。 爵酌,不 注 乃 出。 「少頃 也。 脯 · 酢 于 醢,三獻。 之間,示有俟 又反命訖 上介至,亦 室,異 羅幣 于 干 如 西 于

「牖」,原脱,今據吕校補。

行,使 也。 幣」,鄭注云: 亦 又《禮 還 祭 先于門,後 禮之屬 記 曾子 也。 于 問 朝 將 制。」即據 行 **>** 亦 云 先 以 于 凡 相 廟, 告 孿 用 後 爲 牲 于 文

言。

牲當

爲

此

禮

圃

又案: 廋, 廋 禮 則 子。」如饋食之禮。 某,孝子某,薦嘉禮 尸,若昭若 者,大夫之臣,攝 尸若昭若穆,容父在,父在則祭祖,父卒 之羹。唯是 廋、車」,注:「羹飪 ,不言少牢,今以大牢 初行,不釋幣于禰,不祭可 祭 禰 人 《聘禮 也。 腥 穆。 餼 祭其先,大禮 車,巾 記》二 不祭,則 僕 官 假器 爲 車 也。 于皇祖 賜饔, 謂 也。 祝。 士介不 飪 於大夫。 也。 如 一牢也 二人掌視車 之盛者也。 唯羹 一某甫 祝 少牢饋 也 肦猶 曰: 祭 飪 ··, 皇 僕爲 肦 也 孝 賦 食 考某 肉 筮 肉 也 之 祝 筮 孫 馬 謂 及

> 之官 祭禮 也 也。 賦 及之,明辯 也。」此禮 亦

略

如

《公食》與饋 也。 類中 也。 蠶 類者、《燕 如之。《鄉飲》與息 之爲蟫,螘之爲螱,則 有 矣,而有不類者,桃則不類中又有類焉 類者、《大射》飲公, 飲》舉觶,與《 至設饌, 大精微 一焉。 又案: 聖人之制作,與天地 化 不 此天地之生 文 蛾、蝎化蜨, 鶩與鵞相! 類 有類焉 者,牛則 則 禮 不 舅 **>** 燕禮》 類 則 類矣, 姑 者 何以 中 相 不 相 不 物 也。 類 則 類 類 又 類 言之? 媵 司 也 而 (矣,而, 中 不 矣 有 中 不 馬 正 爵 有 而聖 類 類 文 類 又 相 與 相 而 不 中 中又有類 有類 焉 有 類矣,而 驢 類 之生 有 類者 有 梅 文 人之制 矣, 類 者 相 不 不類者, 蠧 有 與 馬者 也。 焉 物,其 類 類者,婦 雞則 杏 而 《矣,而 者 有 有 禮 焉 相 也 也 不 鄉 不 亦 者 者 不 類 廣

端,以例其餘。 其 也。 又有類焉者也。 在 者、《昏禮》奠菜、《聘禮》釋幣 學者之自得焉。 廣大精微,非聖人豈能作乎! 《少牢》、《特牲》相 優而柔之,饜而飫之,是 比而觀之、《禮經》 類矣, 圃 則 略舉 有 不 類 不 書, 數 類 中

皆于外朝。授幣及反命,皆于治朝,聘賓初至及將聘,授幣及反命,皆于治朝,聘賓初至及將聘,凡燕禮命賓,聘禮命使者,皆于燕朝,聘禮

其位 也。 朝, 卿 廷 面。」蓋 君 堪 、大夫,卿大夫皆入門右,北面東上。 與 君君 謀聘 案:諸侯三朝:一曰 曰 卿 據《燕禮》言之。 外朝、禮經》皆有之。 南 故 啚 事, 面,卿西 及 可 遂 使者。 命使 面,大夫北 者」,注: 《燕禮》「小臣 謀事者 燕 朝,一曰 面 必 圖 《聘 , 士 因 i 謀 朝, 納 治 士 東

宰執書,告備具于君,授使者。

使者受

上。 立于 禮》授幣,「使者朝服,帥 階之東南 「入告,人路門 具于君。 儀之位,「卿大夫西面北上」,與此正同。 幕于寢門外」,注:「寢門外,朝也。」又云 宗人之嘉事 燕朝也。《大僕》鄭注:「燕朝,朝于路寢之庭,王圖 路寢庭中,即《周官·大僕》所掌天子之 大夫,大夫皆少進」。 士旅食者 同,是燕朝 面 「官陳幣,使者北 東 卿大夫在幕東,西面 上。 西方,東面 君 則燕朝。」故《聘禮》圖事于此。 小臣. 南 立于門西,東上。 。, 即 朝 鄉。 而告。」又云「史讀 射朝 師 服 北 一人,在東堂下, 爾卿,卿西面北 Ė 出門左,南鄉」。 面,衆介立于其左,東 也。 大射之位 祝史立于門東,北 衆介夕。 此 北 朝 上。《司士》正 公降立于阼 在 一,與此 宰人,告 路門内、 書 管人布 上 又《 展幣 南 注: 面 聘 略 爾 朝

門也 皆出 門即庫門,故《朝士》鄭注,亦以外朝在庫門外也。 禮》聘賓,「至于朝,主人曰:『不腆先 宰》及《司士》所掌天子之治朝也。《聘 也。 于次」。 明,訝賓于館 又反命,「乃入,陳幣于朝」,此使者入是 内」,大門即 大夫入告,出釋此辭。] 致館設飱後,「 之祧,既拚 入雉門。 射 云:「諸侯三朝,燕朝,《燕禮》是 周 ,授上介。公揖入」,此入亦是入路門。 朝,《大射》是 所謂 去。」此君 •小司寇》及朝 此 下經 反命畢,「乃退」,注: 三朝。 朝 以俟矣。』注:「賓至外門,下 外門也,此朝在大門之外。大 在 云「公皮弁,迎賓于大門 路門之外,即《周官 入方是入路門,路門即 也。 賓皮弁聘,至于朝。 經注 不見 俱 土 い明甚。 所掌天子之外 路門外正 《聘禮》 「君揖 也。 朝 · 大 賓 又 疏 朝 À 厥 君 寢 即

見路門外正朝」,蓋未之深考也。授幣及反命皆在路門外之治朝,而云「不射》之朝,疏既誤分爲二,又不知《聘禮》與二朝面位同。」考《燕禮》之朝,即《大

凡卜筮皆于廟門,唯將葬則于兆南 門中, 《少年饋 又「前 求日之儀」。 西 塾,門外西堂也。」又云「布席于門 者,嫌蓍之靈由廟神」。 廷堪案:《士 日 卦者,具饌 筮者,以蓍問 閾外, 西 筮 期三日之朝,筮尸,如 闑 西, 閾 于 食禮》「日用丁、巳。 廟 画。 于 門之外」。 《特牲饋食禮》筮 西 冠 日吉凶于《易》也。 外。 又「前期三日,筮寳,如 塾」,注:「饌,陳 禮 \approx 筮 筮 宿 人 又云「筮與席、所 户**,** 取 于 廟門 筮 求 明 筮 于 日 日,「席于 日 旬 西 不于堂 之儀」。 也。 中, 塾」。 有 注 : 朝 闑 西

^,如筮日之禮」,●是凡筮皆于

,廟門

也

指中 也。 央壤 巫巫 門,謂殯宫之門也。上經君臨大斂節, 有司掌族人親疏者也。」及宗人,吉服立于門 南首,有席」。又云「族長涖卜,注"「族長 面受命。 人之右。 絰」,注:「兆,域也。」又云「命筮者在 宅,「既 廟。」然則殯宮門即廟門,是卜亦于廟 立于其内。席于闑西閾外」。 卜人及執燋、席者在塾西。 西,東面南上。 占者三人在其南,北上。 士喪禮》卜日,「卜人先奠龜 止 筮亦有不于廟門者。《士喪禮》 封 也。」是將葬,筮宅則于兆南也。 于廟門外」,注:「凡宫有鬼神 而 朝 筮。 筮人許諾,不述命,右還,北面, 筮者東面,抽上韇,兼執之,南 哭,主人皆往,兆 卦者在 左」,注"「中封,中 闔東扉,主婦 南 于西 此卜日之 北 面, 一塾上, 筮 主 免 筮 日 門

> 相變之義。 宅不于廟門而于兆南者,反吉也,亦質文

凡筮,士坐筮,卿大夫立筮。 尺,大夫五尺,士三尺』是也。」《士冠禮 受命于主人。宰自主人之左贊命。 諾,右還,即席坐,西面,卦者 筮日,「筮人執筴,抽上韇,兼執之,進受 按《三正記》云『天子蓍長九尺,諸侯七 卦。筮者執以示主人」,注:「士之筮者 許諾,即席,西面坐,卦者在左。卒筮,寫 廷堪案:《特牲饋食禮》筮日,筮人「東面 命于主人。宰自右少退,贊命。 坐,蓍短由便。」疏云:「知蓍有長短者 是士之筮禮,經文皆云「即席坐」, 在 筮人許 左,卒 筮者

❶ 「禮」,原誤作「儀」,今據《儀禮注疏》改。

饋食》卿大夫祭禮,經文云立筮,故知 蓍七尺,天子蓍九尺,立筮可知。』《 皆有此文。立筮由便,以其蓍長,立筮爲 立筮由便。」疏云:「《大戴禮》、《三正記》 左執筮,右兼執韇以擊筮。遂述命。 畢,「史曰:『諾。』西面于門西,抽下韇, 故知士坐筮也。《少牢饋食禮》筮日,「史 日之禮,「宗人告事具。主人北面,免絰 文,或攝盛,如卿大夫立筮歟? 至於卜 是士禮,當亦是坐筮也。 大夫是立筮也。又《士喪禮》筮宅,但云 「筮人北 **操之。** .受命于主人」。注:「史,家臣,主筮事者。」命 `,立筮」,注:「卿大夫之蓍長五 對士之蓍三尺,坐筮爲便。若諸侯 ,左執筮,右抽上韇,兼與**筮執之,**東 面,指中封而筮」,不云坐立,此 涖 ト即 位 于門東,西面。 然經無布席之 注:「涖 少 尺, 乃 卿 牢 長 述

便。

釋櫝

朝

服

面

龜。 在北。 命龜 也。 與命龜異,故知此不述,而有即 『凡」,非一,則大夫已上皆有述命,述命 面。 示涖卜。 高起所當灼處,示涖卜也。」涖卜受視,反之。 宗 **ト,族長也。」卜人抱龜燋,先奠龜,西首,燋** 命,命龜異,龜重,威儀多也。」疏云: 云"宗人不述 負東扉。 命,還即席,西面坐,命龜,興,授卜人龜 人還,少退,受命」。命畢,「許諾,不述 短之殊,自無坐立之别,而但以述命不 若大夫已上有述命者,自然與 爲異也。 異可知。」蓋卜重于筮威 加 乃旅占」。據此,則卜禮士亦坐 宗人受卜人龜,示高。注:「以龜腹 經文止 **卜人坐,作龜,興。** 涖卜受視,反之。 命,亦 此一事,别 士禮略。 無 宗人退,東 宗人受龜, 儀多,龜 可證。 席 凡卜,述 西 西 面 ١ 無 注 面

四 Ŧî.

易》。 又案: 古而 也; 錢,重錢則九也,三多爲交錢,交錢則六 但古用 乃 學,古之筮法,不傳已久,宋代揲蓍之儀, 氏 之,兩背一 地 應、飛伏、遊魂、歸魂、納甲等説,皆見《京 爲交,俱背爲重。」説與賈 所傳《火珠林》者,即其法 記 後儒以意爲之者,固不若錢 易》中。 多爲折 兩多一少爲單錢,單錢則七也; 可信 爻。 項氏 《士冠 木 筮法,依七八九六之爻而記之。 也。 錢,折錢則八也。」此 畫地,今則用錢,以三少爲 面 安世曰:「以《京易》考之,世 然 禮》疏云: 爲折,兩 則近日 錢 面 所 入,猶 流正 也。 背 卦者 爲單,俱 以三錢 是漢 ト之術近 同。 即《京 所 考世 兩 以 舊 擲 氏 重 面 畫 少

下。 廷堪

面。 惟《 得我心者矣。 不見《儀禮》者,而 特 士喪禮》筮宅,以 牲 今直云筮者北 饋 食》、《 少 牢 疏 饋 面見《儀禮》,朱子豈 謬若是耶?」可謂先 食 不在 〈禮》筮 一廟,故 者皆西 筮 者 面 北

凡樂,瑟在堂上,笙管鐘磬鼓鼙之屬在堂

降」。 西階 上。 瑟 相。 弦,右手相。 樂 左何瑟,後首,挎越,瑟下孔。 ,瑟先。 IE. 樂正先升,立于西階東。 工四人,二瑟,瑟先。 案:《鄉 \sim 先升,北面 鄉射禮》「席工于西階上,少東。 北 面 相 坐。 飲酒 者皆左何瑟,面鼓,執越,内 入,升自 立于其西。 相者東面 禮》「設席 西階,北 坐,遂授瑟,乃 相 工四人,一 于堂 内弦,右 Ι. 者二人,皆 面 人,升自 東上。 廉, 丰 東

竑以爲

非朱子作,其言曰:「《士冠

禮

又案

世

所傳《筮

儀 》 甚

弇

陋 一, 近

王

氏

懋

《大射儀》「乃席工于西階 瑟, 工。 西。 升 西 于 禮》「笙入堂下, 燕飲之樂,有瑟 小 飲酒》、《大射》皆後首挎越,《鄉射》、《燕禮 正 納工,工六人,四瑟。 鼓 1階,北 徒 自 西 坐 》「笙人,立于 樂 瑟吹笙」,與《禮經》合也。《 面 右手相。 相 相者皆左何瑟,後首,内弦,挎越、鄉 小 階上,少東。 西階,北面,東上。 正 相 鼓,執越,内 臣納 大師,僕人師 立 面東 者坐授瑟,乃降」。 于西 工,工 後者徒相人。 上坐。小臣 階 縣 磬南, 有笙,故《 樂正先升, 四人,二瑟。 東」。 弦,右手相。 中, 相 注:「禮大樂衆也。」僕 北 少 西 是 師,僕人士相 上,少東。 坐授瑟,乃降 面」,注:「堂 坐授瑟,乃降。 面 《燕 鹿鳴》之詩 瑟 小樂正 立。 北 在 小臣 禮 面 堂 影皆 鄉 》席 $\stackrel{\wedge}{\sim}$ 立 上 從 面 升自 鄉 小 飲 于 左 B 鼓執 之。 也 下 射 其 酒 굸 H 人 臣 何 工

> 《大射儀》樂人宿 樂 上,其餘皆在堂下。 應、田、縣、鼓、鼗、磬、柷、圉、簫、管皆云 鼙之屬在堂下 鼙、朔鼙、簜、鼗皆陳于庭,是笙管鐘磬 相 從 也。」《燕禮》「笙入,立于縣中」。 也。 縣,鐘、磬、鑮、建鼓、 樂貴人聲,故歌者 有瞽之詩,業、簴 鼓 在 應

惟《大 也。 然 南 磬笙是磬名,非笙簫之笙。 面 縣,卿大夫判 又案:《周禮 縣,鐘磬也。」蓋亦 建 東縣之建鼓 鑮 鼓 縣,僅設 考《大射儀》「樂 在 射》 皆 阼 南 樂縣 階 陳」。 縣 •小胥》:「王宫縣,諸侯軒 西, 應鼙,移于阼階 建鼓,亦與 軒 可 ,士特縣。」今《禮經》中 南鼓。 縣。 此 考。 東 人宿縣于阼階 西面 蓋 《燕禮》「樂人縣」, 縣 諸 應 ,其南笙 軒 侯 鼙 肆 縣 之軒 在其東, 也。 西。 正 禮 又北 縣 鐘 東 又云 少 其 耳。 注 異 南

在周之庭,亦與《禮經》合也

間」, 也。 建鼓 移 于 者遠 堂。」戴氏 皆以爲辟射 爲諸 羣臣 也。 其南,東鼓。 南 説與注異。 以爲建鼓、應鼙不設于東縣 亦 鼓 鐘 在 屬 頌磬西紘」,注:「《王 北縣 鼓在鑮 堂 阼 東 注 注:「簜,竹也,謂笙 侯 **,●**備三面 在 ,亦頌鐘。 ,故笙簫之屬 則 階 縣 西 位。 又 僅 西,故 軒 , 當 震曰:「凡樂器,吹者近堂,擊 階 鼓 云西 南,爲樂縣之本 縣 説與注異。 一建鼓者,注云:「國 其南 之東,南 朔鼙 不 如 心北 爾。 在 注 下 東 在其 階 鑮,皆南陳。 以 文 縣 無鐘磬,有鼓而已,其 縣 在 不全,敖氏繼公、張氏爾 之 南,以耦次在洗東南 西 爲 画。 北。 又云「簜 此 南, 西,頌 一制》曰 辟 縣 也。」又云「鼗 君 以 蕭 爲君也。」此 制。 此 此西縣一肆 位 之屬 、磐東 : 『天子 次 北 也。 在 又云「一 丽 縣 建鼓 建 君 , 倚 面 南 陳氏暘 於其 一肆 鼓 故也。 賜 倚 于 之 在 其 鼓 岐

> 禮》亦 諸 立于縣中」。《鄉 射》用大夫禮,判 有 以 笙人立于磬南」 面,諸侯之士,半天子之士,有磬無 鼗 鼗 侯 將 樂 無柷也。 軒縣,故 之。」鼗 則 以 柷 一蓋 所 굸 將之。 也 、縣,兩 可見者 飲 「笙人立于縣 所以 酒》 代柷者,故《大射 賜伯、子、男樂 用 面 ·,如此 ,故亦云「笙人 士禮,但 而已。 中。 鐘。 特縣 故云 《燕 鄉 則

謂之間歌,四謂之合樂。 凡樂皆四節,初謂之升歌,次謂之笙奏,三

廷 皇者華》」,此升歌 人,升自西階。 堪案:《 鄉 飲 I 酒 也,謂 歌《 禮》 鹿 瑟 鳴 人 與 》、 《 四 : 舉 人聲歌于堂 觶 牡》、《皇 畢

0

改

於」,原誤作「與」、《清經解》本同,今據《儀禮注疏》

節

者,注

云

志在

樂《南陔》、《白華》、《華黍》」,此笙 覃》、《卷耳》,《召南・鵲巢》、《采蘩》、《采 然。」又云「乃合樂,《周 也,謂堂上之歌與堂下之笙間作也。 蘋》」,但合樂一節,無升歌、笙奏、間歌三 蘋》」,此合樂也,謂 謂堂上歌《魚麗》終,堂下笙中吹《由庚》續之。 笙人奏于堂下也。又云「乃間 乃合樂,《周 又云「笙入堂下,磬南,北 庚》; 歌《南有 有臺》,笙《由儀》」,此 |有歌瑟,堂下有笙磬,合奏此詩。| ,北面」,「笙人,立于縣 射禮》遵 射,略于樂也。」《燕禮 鵲 南 堂上堂下衆聲俱 巢 入獻 南·關雎》、《葛 》、《采蘩》、《采 關 嘉 雎 酢之後,工 魚》,笙《崇 》、《葛覃》、 歌《 奏 面 以下皆 間 疏 中, 也 立。 作 魚 《采蘋》」,此合樂也。亦四節。《大射儀 覃》、《卷耳》,《召南 《崇丘》,歌《南山 《四牡》、《皇皇者華》」,此升歌也。 蓋 亦志 終」,此升歌也。 間歌也。 謂 酒 終」,注:「《新宮》之樂,其篇亡。」此笙奏也。 歌《魚麗》,笙《由庚》,歌《南有嘉魚》,笙 陔》、《白華》、《華黍》」,此笙奏也。 大夫舉旅後,「笙人,立于 獻大夫後,工人,升自西階,「歌《鹿鳴》、 有升歌、笙奏兩節,無間歌、合樂兩節者 獻大夫畢,工升自西階,「乃歌《鹿 統《四 義》亦祗云「升歌三終」,此其證也。 不歌《四 在射,略于樂也。 牡》、《皇皇者華》而言,故《鄉 「遂歌 牡》、《皇皇者華》,主于講道 鄉樂、《周 又云「乃管《新宫》三 有臺》,笙《由儀》」,此 · 鵲

麗》,笙《由

丘

》,歌《南山

謂

縣

中,

奏《

南

公爲

「乃間

上

也

也。

謂

堂上

凡

四 節。

《 鄉

西面。

經云《鹿鳴》三終,

卷耳》,《召

南

「入,升自

西階

注

鳴

但

南

關

雎》、《葛

巢》、《采蘩》、

笙奏也。 成。遂合鄉樂」,注:「言遂者,不間 略 疏據之,以爲吹管者亦吹笙,是知下管即 記》「升歌《鹿鳴》,下管《新宫》,笙 于 勞 書 與 諮 事 恐 非 也 \sim 燕 人三 也。 禮

謂 宜 九成,合作之樂也。] 其 之樂也。笙鏞以 升歌之樂也。下管鼗鼓,合止柷敔,下管 則謂之合。準此 而歌堂下之樂,或主笙,或主管,各以所 也,合樂,四也。 四節,升歌,一也,笙人,二也,間歌,三 又案:李氏光地曰:「據《儀禮》,作樂凡 工六人,大師少師各一人,升歌爲樂之始 論 也。 ,故曰歌者在上,匏竹在下,即笙管之 語》「師摯之始」,謂升歌 上下迭作,則謂之間。 以求 蓋堂上之樂工鼓琴瑟, 間 ,間歌之樂也。 ,則搏拊琴瑟以詠 説 是 也。 也 上下並作, 《大射》 竊謂: 簫韶

> 發明。 者,舉始終以該其全也。亦與《禮經》相爲亂,合樂爲樂之終也。不言笙奏間歌也。《關雎》之亂,謂合樂也。樂之卒章

覃 《關睢》,則笙 耳》,則笙吹《采蘋》合之。」不知孔氏所謂 樂三終也。 蘩》、《采蘋》,是爲《召南》三終。故曰合 蘩》、《采蘋》,則堂下亦笙奏《鵲巢》、《采 堂下亦笙奏《關 笙歌並作也。 爲《周南》三終。 蓋堂上瑟歌《關 又案:合樂之説,賈疏甚確,謂堂上堂下 T 則 笙 吹《采蘩》合之,若工 孔穎達《正義》謂:「若工歌 吹《鵲巢》合之,若工歌《葛 **《鄉** 雎》、《葛覃》、《卷耳》,是 雎》、《葛覃》、《卷耳》,則 堂上瑟歌《鵲 飲酒義》合樂三終者, 巢》、《采 歌 《卷

之乎? 樂乎? 則經文何不直云歌《關雎》、《葛覃》、《卷 篇,萬無可合之理。 以合之,則堂上歌者此篇,堂下笙者 合之乎? 耳》,笙《鵲巢》、《采蘩》、《采蘋》,而云合 至《鵲巢》以合之,則仍是間歌,非合樂 陳澔《集説》亦承孔氏之誤。 合之者,工歌《關雎》後,始笙《鵲巢》以合 且果歌者爲《周南》,笙者爲《召 抑工歌《關雎》時,即笙《鵲巢》以 孔氏之解,蓋不若賈疏爲得矣。 如工歌《關雎》時,即笙《鵲巢》 如工歌《關雎》後,始 南 . 彼

「鄉」當作「卿」,疏亦作「卿」字、《冠義》亦作「卿大夫」,雜,奠摯見于君。遂以摯見于鄉大夫、●弁服,冠畢,「乃易服,服玄冠、玄端、爵廷堪案:《士冠禮》再加皮弁服,三加爵凡士禮,冠、昏、喪、祭皆攝盛。

盛也。 之服,自皮弁而下,如大夫之服」,爵弁尊 之服親迎,以爲攝盛。』《周禮 漆車,士而乘墨車,攝盛也。」《周禮 袘。 又云「主人注:「主人,壻也。」爵弁,纁裳,緇 執鴈,士執雉」,士當用雉,而用鴈者,攝 也。 明皮弁、爵弁二服是 焉。」蓋以士自居耳。 視朔之服,爵弁服與君祭之服,惟玄端爲 詳見《賓客之例》。 「大夫乘墨車,士乘棧車。」疏云:「爵弁,用助祭 鴈」、《周禮・大宗伯》「以禽作六摯,大夫 士之正 此冠禮之攝盛。《士昏禮》「納采用 乘墨車。 注謂「取其順陰陽往來」者,非也。 服、論語 鄉先生」,注謂皮弁服與君 婦車亦如之」,注:「墨車 》公西華曰:「端章甫、願爲 見君必易玄冠、玄端者 (攝盛,非士所 • 司 巾車》: 服》二士 常服 八小相

0

[「]摯」,原脱,今據《儀禮注疏》補。

《周禮 **全** 衣,纁 當服 謂 次 絲衣。」《追師》鄭注云:「衣椽衣者服次。」考士妻 墨 記》薦乘車,「載旜 奠,「厥明,陳鼎 皮弁服,褖衣,緇 爲旜,孤卿之所建,亦攝焉。」《周禮・司常》: 特牲三鼎,盛葬 公射始有之,此攝盛 孤 陳襲事于房中,纊極二,爵弁服,純衣。 `皮弁,: 而 一車,注以爲棧車,疑 卿建膻,大夫士建物。」此 喪禮》「復者 盛葬奠」,即 編 純 袡」,注: 衣 追師》『掌爲副、編、次』。純 笄宵衣」,見此經下文及《特牲禮》。 非 亦 士 攝 服 奠加 「次,首 明矣。 盛 五于門外」,注:「士禮 攝盛之意 一人,以爵弁服」,又云 帶,靺韐」。 ,載皮弁服」,注:「通帛 也。 一等,用少牢也。」注 也。 菲。 乘 餙 此 經又云「女 車 《既夕禮》大遣 也,今時髲 昏禮之攝 君賵實,「奠幣 當 也。 考「極」,唯 亦 攝 《既夕 盛。 次 盛。 衣, 也。 用 則 純

> 岐説 禮爲攝盛 終,故皆攝盛,與他禮 盛。冠、昏爲 獻,士祭而三獻者,攝盛也。 皆三獻。考飲酒之禮,士一 攝 于 ,棧」, 盛。 也 《士虞禮 此謂 一, 而 柩 人道之始,喪、祭爲 不知冠與喪、祭亦然,故 車 》、《特牲 非 不同。 乘 車 饋 食 也 後儒但 此祭禮之 禮 獻、大夫三 ž 此 人 喪 飯 道 知 禮之 攝 多 昏 之

焉」, 禮》「若 牲》及《冠義》文。 適子冠于阼,少北,辟主人。!《士冠・記 序,少北,西 廷堪案"《士冠禮》「主人之贊者筵于東 適子冠于阼,以著代也」。亦見《禮記 即醮于房外。 庶 子,則冠于房 面」,注:「東序,主人位 是適子冠于阼也。又《士冠 注:「房外,謂 外,南 尊 面 了, 遂 東 郊特 也。 也。 醮

凡適子冠于阼,庶子冠于房外。

皆于 也。 也。 尊。」又《禮記 酒 西 加 冠 于房户外,又因 不于阼階,非代也。 爲 有 于 而 客位」。 客位。《士冠・記》所謂「醮于客位, 房外也。 已,此適、庶之分也 適子或用 至于庶子,則冠于房外,亦醮 筵于户西,南 成也」。《士冠禮》三加訖,賓醴冠 蓋 冠義》鄭氏 適子冠于阼,或醴,或醮 醴,或用醮,庶子惟醮之以 醮焉,不代父也。」是庶子 醮于客位,亦醴于客 面」,鄭注《冠義》云「户 不醮于客位,成 注:「庶 于房外 子 丽 位 冠 不

皆在阼也。又《大戴禮記·公冠》篇「公注、「父兄,謂諸父諸兄。」冠之日,故拜與禮阼」。適子冠于阼少北,醴于户西,皆辟寳,拜,揖,讓,立于序端,皆如冠主,禮于沒、,,,,,,,,以兄戒、宿。又案:《士冠禮》「若孤子,則父兄戒、宿。

尊之。 婦。 廷堪 例。 不 婦,庶子之婦 婦酌之以醴兼饋舅姑也。 庶 酬酢 深婦,則 醴畢,婦 席于 案:《士昏 庶婦 曰醮,亦有 户牖 使 酌之以酒,卑之。 饋 人 也。 間 舅姑,此言適婦 醮之,婦 ·禮 》 」,注:「南 脯 使人醮之,不饗也。 婦婦 醢 見舅姑 不饋」,注: 又《士昏 適婦酌之以 面 其儀則 畢,「 位。 也 |詳見 贊 是 記 「庶 醴, 同 洒 滴 醴 上

凡

適婦酌之以醴,庶婦醮之以酒。

拜送。 不饋 適婦 歟?」説與疏異。竊謂: 蓋以經、記無文知之。 受,●故云其儀則同也。」注云庶婦不饗, 酒 不 婦之見之禮,則醮之之位,其亦在户牖 是時舅席于阼,姑席于房外,當于受適 不 饋 面于户牖間 用醴 饋 ,則舅姑亦不饗之矣。」敖氏又謂: 者,共養統 今庶婦 舅姑也。 于客位,東面拜受醴,贊者北 也 雖 于適 疏云: []其儀 于房外之西,亦東 也 敖氏繼公曰:「婦]。] 是 庶婦卑,恐不能 庶 則 婦 同 醮 之以 面 間 拜 面

悼子,立之,則公鉏雖長,不得爲宗子矣。宗,庶子苟得立,即爲大宗。如季武子愛蓋慮其啟争也。然適子不得立,即非大禮,于適庶之分最嚴,故于冠昏首重之,家,傳重及承重者,始爲宗子。先王制又案:封建之世,諸侯有國,大夫士有

.宗子矣。並見《左傳》襄二十三年。 《大夫降服議》曰:「古之仕者,宗子一人 之後矣。 縗三月,良由受其恩也。今之仕者,位以 子有分禄之義,族人與宗子雖疏遠,猶 其他無所謂宗子矣。 則非宗子。 後。亦見《襄二十三年》傳。 立,遂爲大宗,及得罪奔邾,而 見《史記・趙世家》。 爲太子,則伯 即,其母賤,簡子廢太子伯魯,而以毋 孟 才升,不限適庶,與古既異,何降之有?」 而已,庶子不得進。 莊子卒, 蓋爲後者始爲宗子,不爲 立羯,則 封建既廢,惟世爵之家有之, 魯雖適長,不得爲宗子矣。 至于臧武 孺 由是先王重適,其宗 隋劉光伯駮牛里仁 子 則適兄且 秩雖 仲以 長,不 趙 立 一爲庶 庶子得 臧 襄子 後 爲 得 服 者 弟 爲 卹 毋 爲

之法 祀,可謂貿儒不知通變。 者,憑空推一宗子,雖無 學者多高談心性,無暇深求聖人制作之 可 謂 不 深 得 行,士大夫無 禮 意。 見《隋書・ 重 可 寸禄,猶使之主 儒林傳》。 蓋自道學盛傳 傳,而 論宗 今世 法 禄

本,不及南北朝諸儒多多矣。

又案:《禮記·曾子問》:「宗子爲士, 阼、《特牲》之嗣子舉奠,皆宗子也。 也。 田」,則亦不祭,非後世博士弟子之通 方,鮮不爲士者,官族士族之適子降 之適子,並入國學,舍不率教而 曰:「所問不及庶人者,古者卿大夫 子爲大夫,其祭也,如之何?」方氏 人,則失其宗祊,所謂「樂、郤、胥、原、狐、 禄,乃一命以上者,故《孟子》曰「惟 人者,至少也。」此言謬矣。 夫士 士之子恒爲士、《士冠》之適子冠 亦 屏之遠 若庶 士 有 爲 元 于 稱 無 庶 士 荷 庶 田

> 不得爲宗子,曾子何故 續、慶、伯降在阜隸」者也。 而問 見《左傳》昭三年。 乎? 方氏之

後、不爲父後之分。 可 遂駕名諸父之前。 無 承之,而謂之承重。 而傳之以重者也,應爲後之子,亡則適孫 父後者爵一級」,爲後者承爵禄、奉宗祀 又案: 陳氏祖范曰:「古者人子有爲父 陋,往往如此,不足深詰也 與鄙説相發明矣。 重可傳,而漫於喪訃立長孫承重之條 禮 今士大夫不世爵,既 漢時詔令尚云『賜爲 果然乎哉?」此論

凡冠禮,或醴或醮,皆三加。 南 興,賓揖之。 廷堪案:《士 面 ; 再加 ,皮弁,「興, 賓揖之。 冠禮》始加,緇 適房,服玄端 爵

布冠,「冠者

鞸。

出房,

適房,

素 積素 鞸,容,注"「容者,再加彌成,其儀益

服

出房

南

面

<u>а</u>

 \equiv

加

爵

弁

服

纁

裳

韎

韐。 儀。 洗 醴,醴冠者,此冠之正 醮, 攝 酒 也。 篚 醮 也。 字之誤也。」皆如 醮 如 如 者奠爵于薦東,立于筵西。 酒之禮 一,解 初 ,興,筵末坐 初。 ,升酌,冠者拜受,賓答拜,如 用 冠 兩 其 儀 再醮,攝酒,其他皆如初。 酒 注云:「若不醴,謂 降 酒 者升筵 豆,葵菹 L', 「始 若 他 如再醮 如 每 三醮,有乾 殺, 如 初。 加皆醮, 加 加 則 初 坐,左執爵,右 ,啐酒,降筵拜,賓答拜, 污蠃 皮 如將冠時,盤爵,主人降也。 嚌 特豚。 醮用 加 弁之儀」。 俎,嚌之,注:「嚌當爲祭 醢, 肺。 肉 脯 禮也。 醴 兩籩,栗,脯; 折俎, 嚌之, 其 始 醢, 國有舊俗 三醮,醴質 此二者皆 醮, 加 賓降 祭 若不醴 冠 皮弁,如 如 脯 畢 加爵 初。 取 初 ; ·, 賓 可行 醢 爵 酒 醮 弁, 如醴 冠 文 用 再 他 初 祭 卒 酌 干 則

> 聖 法 法,醮爲夏、殷冠子之法, 人用焉 而言。夏、殷質而周文,恐非經意也。 不 改者也。」 疏 以 蓋 醴 據 爲 下《記》之 周 冠子之

凡昏禮,使者行禮皆用昕,唯壻用昏。 陽往 之禮,以 廷堪案:《士昏禮》鄭《目録》云:「士娶妻 而 爲『商』,夏文莊《蓮 氏 商者、據整數而言、其實二刻半也。』三王 没後,皆云二刻半,前後共 昏 曰:「三光靈曜,當作「考靈曜」。」亦日人三刻 謂 三商定夕』,蓋 應麟 -, 不 商量,是刻漏之名,故三光靈曜。 眠,高春而起」。 而陰來,日入三商爲昏。]疏云: 盡 目 昏爲 爲 「《詩 明。 期 取 了, 因 案馬: Œ 此。 |義》云:《尚 義 華 而 氏 與 蘇 漏 名 焉。 궁 銘 賈 子 五刻。 当五 疏同,皆作 美 日日 必 亦 .* 未出 [緯》謂: 云三 夜 以昏者 今云三 持宵 惠氏 一商 商 商 刻 日 爲

分

多

也

隨

其

隨

時

不同

曚

影

限

然

道

有

南

北

地

平一十八

憲

注:「用昕,使者。 或與之同。」考《昏 術》考之,太陽未出之先、已入之後,距 采、問名、納吉、納徵 : 昏昕者,即今之曚影限也。 云『用昏,壻也』者,謂親迎 明之始,君子舉事尚早 , 故 記》「凡 者,二分之刻分 地 北 度 初 前 式 曚影刻 刻 皆 不 極 商、 (羊切。 疏「日未 漏 ·同者 有 出 禮》壻用昏,使者 再 之數,商筭至三次 用 光,故以 地 分,隨 商、三商之制 「, 愈 昏 阮 有 行 出 請 高 事 北 侍 壻 時二刻半」也。 時 下,太陽 則 少,二至之刻 必 郎 一十八度 也。 期 隨 刻分愈多 用 元 五 ·, 故 地不 曰 昏 時 者 疏 以《 昕 古 距 也 皆 云: 則 用 也 赤 爲 時 用 用 朝 法 曚影 矣。 北 分餘 斜 曚 二邊與 地 頂 極 愈 影 角 度 距 極 南 邊, 弧 以以 刻 求 曚 距 則 即 得 影 角 刻 限 春 北 限 内

昕。

昕

即

納

所

謂

昕

者,即

又

案

旦

也

昕。

念 士

香

商,日入後

計

今籌筭法

有

量之商

讀

如

秋分,去北極九十度。 度,則夏至之夜半猶有光,愈高 求春、秋分之曚影刻分,則 三邊求角法,北 二至之刻分相等。 刻分,亦用 南至赤道下,則二分之刻 分也。 求二分同,依 冬至爲一 度變時内 形三邊 分愈 秋 減 爲一 極 分 距 角,以 求 斜 少 極 緯 曚 求 夏至之曚 邊,象限 邊,一百 北 即 減 弧 距 也。 影 赤道以 是。 角 極 去 三角形三 赤 度 北 刻 法,北 半 距 道 若 變 餘 極 分 1八度。 内加 天 晝 爲 一時内 北 也。 出 用 南 影 頂 分 極 邊 極 地 則 距 斜弧三角 刻 邊,赤道 分極 餘 爲 邊求角法 緯即是。 依 出 減 與 距 求 度 反是。 則 分,亦 即 求 夏 去半 北 求 冬至之 地 漸 邊,天 少, 至 極 冬 得 Ŧi. 不 即 分 爲 用 至 北 餘 書 出 形 設 夜 + m 春

廷堪

案:

 \sim

士

冠禮

 \approx

一厥明

夕,

爲

期

于

廟

FF

人。

又

廟

又案: 曚 前 如 内 相 兩 古人推步之術甚疎,不論 别有專書備論,略附其概于此 之,求得四率,即所求角之正矢也。 以半徑 中數,又以對邊之矢與較弧之矢相減,餘 同 二刻半爲昏昕之候,其説今不可復用矣。 邊 依依 減 影 矢較,以 法求之,則春秋分曚影六刻 京 減 '用矢不用餘弦,此休寧戴氏法。 相 六 師 去 北 加 斜弧三角三邊求角法, 北 半 刻十二分,夏至曚影 爲三率,二 極 爲 極 畫 出 中數爲首率,以 總弧,相減爲 出 分 地 地三十九度 餘 度 求 率三率相 即 得 夏至 北 較弧 阿地 極 矢較 五 曚 角 乘,首 十五 (,) 各取: 影 何時 八 Ŧī. 餘折半爲 以角旁之 以 刻 刻 爲二率, 分,冬至 度 ',皆以 九 一分,以 分 1率除 此 其 變 也 矢 辞

之外」。 寢也。 于 舅姑 納采,「主人筵于户西」,注: 親迎,則皆于女父家之禰廟行禮、《士昏禮 言。 壻之室也。」又云「婦至,主人揖婦以入, 故受其禮于禰廟。」不于寢也。 及寢門,揖入,升自 三月,然後壻見。 惟「筮于庿陸氏《釋文》:「庿,古廟字。」門」,注 而言,是冠禮 庿,謂 「賓出,主人送于廟門外」。 期,初昏,陳三鼎于寢門外」,注:「 廟 也。 亦于寢,若舅姑没,三月廟 至于納采、問名、納吉、納徵、請 然所謂 禰 又迎賓,「至于廟 庿。」則 士 香 行 寢者,指婦至 經 于 記》「若不親 主人出門左,西 所 西階」。 禰 「將以先祖之遺體許人 云 廟 廟者,皆指 也 門,揖 成禮後,婦 皆不云何 是昏 一壻家

凡 冠

于禰

廟,昏于寢。

迎

, 則

婦

À

面

見,

則

亦

見

484

禮

行

于

成

禮

m

期

 \sim

 \pm

昏

禮

寢

禰

廟

日

如

氏

亦

世

封

燕樂二十八調説上

門,

東

面,

奠摯,再

拜,出

」,注:「壻

見

之親 子,而 堂,而于高祖之祠堂,而主人亦非將 又案: 子爲主,其非宗子之子,則冠 賈疏云:『家事統于尊,祖在,則祖爲冠 例。」其説 主。』蓋以父言,則祖 如《士相見禮》士見于大夫之儀矣 于寢。」則又與親迎相變,于寢而 》,皆後 清禰庿。 父兄,不 爲 以 此、非若流俗之尊朱也。 建 謂《易本義》前 王氏懋竑曰:「《士冠禮》鄭注 爲 禰 既 席也。 皆精確 人依託,非文公所作。 非朱子作也。 廢, 亦遠于禮 無 主人,將冠者之父兄也。』 《家禮》改 别子爲 。蓋世 爲 九圖、《筮 禰 王氏平日 乎?」又 所 祖 庿 以 ,繼别爲宗之 傳《家禮》,王 (不於) 繼 以祖言,則 儀》及《家 高祖、 不 터 : 其 不 極 禰 于廟 尊朱 之宗 冠 之祠 三 : 「後 苟 者 宫,曰 兹琵 雖 日 日

曾祖

庿

濁至清」是也。 故以爲宮聲,所謂大不逾宮也。分爲七 琵琶四弦,故燕樂 爲主,而衆音從之。 爲七調,四均故二十八調也。其器以 用,宫逐羽音」二語 角,韻包宫羽」,與段安節《琵琶録》「商 太蔟清聲,故沈存中云「夾鐘宫今爲中吕 二十八調,不用黍律,以琵琶弦叶之,皆從 正宫,曰高宫,曰中吕宫,曰道宫,曰 宫聲, **琶**,惟宫商 燕樂之源 仙 吕宫,曰黄鐘宫,謂之七宫。 即 用 據《隋 琴之第七弦,名爲黄鐘, 虞世 角羽四均,無徵聲 四均矣。 《遼史・樂志》曰「四 正 南《琵琶賦》「聲備 書 同,皆不云有徵 音樂 第一 弦聲最 志 出 此 均 南 角 琵 於 聲。 調 濁 實 弦 吕 同 日 琶 分 商

爲 聲 角 爲應鐘,故無射爲林鐘。 變,故以應鐘當之。名爲太蔟,實應鐘 琴中無此聲,即今三弦之老弦,琴散聲無 次濁,故以 南 宫 姑 調名與七商皆同,所謂商 商 故沈存中云「無射商,今爲林鐘 弦 日 曰 日 角。 即 林 高大石調 吕 黄 雙角、日小石角、日歇指角、日 林 洗 實亦 最 宮,無射宮今爲黄鐘宮」也。 鐘 鐘 鐘 日 今三弦之中弦,與七商聲相 分爲七調,曰大石角,曰高大石角, 角」也 商 爲太蔟 清,故以爲羽聲,所謂 越角,謂之七角。 即即 應 爲 商調。 故 鐘聲,故沈存 曰雙調, 曰小石調, 商 夾鐘 姑洗爲應鐘,故黄鐘爲林鐘。 聲。 曰 爲 第三弦聲次 越調,謂之七商 分爲七調,日大 巾 昌。 角同 下 此弦琴 中云「黄鐘 同。 細不過 用 商」也。 林 清,故以 日 林 第二弦聲 中 也。 鐘 1歇指 應,故其 鐘 亦 官 羽 石調 角 第 名 今爲 角 此 無 太蔟 也。 調 即即 爲 四 爲 今 此 弦 考之 不同 黄 調, 得 亂 捕 分

後,汨 調,日 調之名,其 製水磨腔,又高於宋之燕樂,雖有 樂者,不知二十八調爲何物,不知古 調,南呂爲太蔟,故黄鐘爲中呂。下同。 亦太蔟聲,故沈存 今三弦之子弦,實七宫之半聲,故其調名 七宫多同,所謂宫逐羽音也。 皆 鐘 爲 風 其條理。 日 陳 爲何,故多置之不論。 調」也。 ,故或於琴徽 七 於儒 黄鐘 不得 正 編 調 平 調 其 調 按之器數,積之 實燕樂之太蔟 生之陋者數百年 曰 惜孤學獨是獨非,未 今《補筆談》誤作「大吕調」。 一; 曰 解 般 即黄鐘羽。 圃 涉 高 妄 調 應聲求之,或直 中云「黄鐘 平 説 調 曰 也。 謂之七 高 即 以 般 即論之,亦 · 矣。 均 南 蓋 歲 吕 涉 名爲南吕 林鐘 燕 羽 丽 羽。 調 月 敢 調 今爲 樂 明 릲 六宫十 自信 心 以 魏 自 此 今律 後之言 羽 曰 曰 力,始 今爲 爲 中 良 宋 茫 今爲 仙 弦 中 貿 願 輔 吕 以 如 實 與 即 吕 吕

燕樂二十八調説中

周公謹 無射 七宫 今律 商 則 東 呼雙調」,朱文公云「無射 商本起太蔟也,南 而 晦 黄鐘商俗名大石 東都之律吕復異於南渡,苟不深求其故, 都 叔云: 岐 七 吕 教 路 七 用黄鐘、大吕、夾鐘、仲吕、林鐘、夷則 宋 羽 律,則 亦 之中 不同 南 坊之遺制也。 本起南 「黄鐘羽 有夷 渡,燕樂 文 與東都之燕樂 則 有岐焉,益 吕 商 俗 調 渡 不用七角聲及三高 不得其解,已 [也,南 調 呼般 一,王晦 乃起黄鐘,故姜堯章云 也。 至 於七商七羽 涉 渡 七商起太蔟,則 商 樊然莫辨矣。 調 亦 叔云「夾鐘 互異 俗 夾鐘 (起黄鐘 呼 疑爲貿 ·越調 焉。 羽 故 , 亦 調 無 亂 夫古 俗 商 (夷則 俗 如 蓋 呼 王 而

平,林 **鐘**。 也。 中 也。 蔟。 作「四」,誤。 用四、配太蔟。 仲吕、林鐘、南吕、無射、 凡配無射。 筆談》燕樂字譜 洗、仲吕、林鐘 一、配 無射七律,故殺聲用六、配黄鐘清。 而 吕調 殺 均用黄鐘、大吕、夾鐘、仲吕、林鐘、夷則 調。 工、配・ 七羽 七角不用,故不數。 聲 夾鐘。 、配姑洗。 鐘 林 周 則 羽 記南吕。 公謹 七字也。 未 鐘羽 凡 也 上、配仲吕。 均 聞有異, 用南 配 一、配夾鐘。 亦云: 七律,故殺聲 上、配件品 凡、配無射。 分配十二律及 仙吕,夷則羽 俗 無射。 呼 昌、 七商 南 高平 「中吕,夾 是名異 尺、配林鐘。 六、配 渡之律 吕。 無射、黄鐘、太 黄鐘 上、配 調 六配 均用太蔟、夾鐘 尺、配 黄 用工、配南日。 夷 也。」按《夢 而 七律,故 鐘 吕 四 1仲昌。 i 黄鐘 鐘 則 清。 實 雖 林 清聲,七宫 工、配 四、配大日。 羽 羽 ·· 鐘。 不異 清 與 尺、配林 四 俗 也 八蔟、姑 此 七字 殺 呼 七字 夷則 ţ 異, 也 配 溪 高 仙 舊 太

四六七

商互 調,出 矣。 爲林 於是 宫、商 下同。 正 鐘 鐘 調 者,其實則 無 羽,更爲夷則羽矣。 本姑洗羽,更爲林 矣。」闕三高調。今云「商、羽」,蓋當時高宮尚存。 大樂議》曰:見《宋史・樂志》。 平調 |羽矣。中吕調本黄鐘羽,更爲夾鐘羽矣。 商,更爲仲吕商矣。 本 射羽矣。此七羽 仲吕 異之故 越調本黄 鐘商矣。 大 夾 於蘇祗婆之琵琶。 羽 本 石 鐘 商 太蔟羽 圃 調 仲 有 也。 틴。 ,更爲夾鐘商 本 黄鐘、大吕、《宋史》作「太蔟」, 鐘 吕、林鐘、夷 商調本 太 般 於其 商,更爲 蔟 海 鐘 羽 更爲: 沙湖 黄鐘調本林鐘羽,更爲 商 互異之故 中 無射 歇指調本南吕商,更 矣。 仲吕 更 本南吕羽,更爲 又闕 且其名八十 無射 矣。 爲 則、無 商,更爲 仙 羽 鄭 黄 大吕之商、 小石 也。 商矣。 吕調 矣。 鐘 射 譯 商 姜 七律 八 本 高 夷 調 矣 堯 平 此 本 十 仲 四 則 . ; 誤。 章 吕 黄 調 羽 之 調 四 亦 七 商 林 雙

> 者一十有二。」元人之不考如此 有六宫十二調。 其 □公。《中原音韻》云:「自軒轅制律 一正平調。金、元人因之,遂餘六宫十一調 證 也 十八 乾興 調 闕 以來,教 七 角 一十七宫調,今之所傳 聲 及 坊 新奏又闕 高 調 尚

燕樂二十八調説下

矣,何 調仿此。 是也。 調、商 指調、 坊及隊舞大曲已不用矣,何由元人尚 宫、中吕宫、道宫、南吕宫、仙 録》論曲,皆云有六宫十一 元周 商調、 由又有宫調、角調 角 舊皆以仙吕宫爲首,今依燕樂次序正之。下十 十一調者,大石調、雙調、小石調、歇 調 德清《中原音韻》、陶 越調、 是 也。 般涉調、高 按 燕 樂 也 ? 既 調。 平調、宮 有 吕 七角 宗儀《輟 七宫、七 宫、黄鐘 六宫者, 調 [調、角 有 商 角 官 耕 正

全

也

+

調之小

石

調

"、歇

人

雜

劇

不

甪

金人

院

本

商調

則

商

角

即

商

調」之誤

也。

也

中原音韻

》有商

宫

調、角調、商

角

調

耳。

黄

鐘

調

南

曲

有

則

高

調

不

知

於

混

江.

龍

学本

州

吕

調

與

六宫相

信

者矣。

蓋元

人不

深

於

調

,故止十七

調

也。

此

則

正

角

調

及宫

商

羽

三高

調,七羽

羽

即黄

鐘

調

+

調

燕

樂

調

般

涉

調

中

吕

調

高

平

調

石

調、歇指調、商調、《宋史》誤脱

六宫,大石

調

、雙調、《宋史》誤脱

宫、中吕宫、道

宫、

南吕宫、仙

角調《黄鶯兒》六章、《輟耕録 有之,是金時六宫 複,故去之,妄易 所以此三調皆 燕樂 六宫之道宫, 史所傳,鑿 + 中 指 考《 「調」字,今補。 仙 「商調」,今補。 吕 十七調者 用之,凡新 , 見 又 八 調 宫、黄鐘 吕 宋 闕 調 中昌、 般 調 史 不 涉 無 黄 然 Œ 用 》拼 調 尚 元 仙 宫 曲 以 平 越 樂 七 鐘 小 正 奏 可 人 平調 雙調 中 龍 附 黄 仙 吕 院 雙調 大石 之, 皆 仙 七 吕宫,則 金 1宫矣。 影,元 鐘 吕 羽 本 時 不 吕 於 吕 矣。 宫 中 與《石榴 中原音韻》小 黄 調,金院本與《喜遷鶯 人 附於商調 有《離亭宴》帶 調」,則 十 用,金人院 調、 曲 南 何 雙調之名, 鐘 般涉 高平調、 般 屬 曲 元 調 宫矣。 有羽 排 當 北 涉 小石調 僅 調 花》同 矣。 調 歌 曲 闕 附 是 本 調《排 仙 ジ亦 諸 商 於 右 又 黄 亦 高平調 則 附于大石 吕 用 曲 歇 調 調 I調《青· 中 有之, 在 鐘 金 調 仙), 則 指 也。 有 歌 吕宫矣。 仙 羽 院 7、黄 吕 即 輟 高 殺, × 中吕 吕 也 本 南 》同 杏兒》注 調 耕録 平 以 惟 鐘 吕 宫《 則歇指 調 此 有 調。 金、元 附 隨 無 用 調 <u></u> 調 矣。 羽 羽 八 混 於 \Rightarrow 調 歇 元 中 皆 亦 調 則 元 調 聲甘 雙 指 江 殺 吕 云亦 附 之曲 併 元 調

+

七

調

總

四

+

八曲

所

謂

志

》,太宗

所

製

曲

乾興

八以來

通

角

調

也

?

皆

可

疑

之甚者。

人

雜

劇

調

是

于

中

調

金

附

於

中

北

曲

以臆妄增者、皆不可爲典要也。 以臆妄增者、皆不可爲典要也。 以問妄增者、皆不可爲典要也。 以問妄增者、皆不可爲典要也。 以問妄以爲九宫。至於近世著書度曲、 方、商角、般涉三調。明人不學,合其數而不、商角、般涉三調。明人不學,合其數而不,不可,以不以不可,不可,以不以不可,不可以以問方。故之後,然則黄鐘羽又可附於仙吕宫也。故

禮經釋例卷十三終

禮

經學

〔清〕曹元弼

校點 撰

周

洪



目録	讀經例 注疏通例 四七	校賈疏舉例 四六	疏例 四五	注例 四三	記傳例 四二	禮通例 四一	經文例 三三	職官例 二三	宫室例 二三	喪服例 一八	節文等殺例 五	尊尊親親長長賢賢男女有别五大義例 一	明例第一 禮經 一	校點説明		多		
	記朝服 三四一	記爵弁服 三四〇	記皮弁服 三三九	記冕服 三三六	儀禮名目篇次辨 三三四	經禮曲禮説 三三一	戴氏震《與任幼植書辨喪服經傳》 三二八	胡氏培翬《儀禮非後人僞撰辨》 三二五	解紛第五 禮經 三二五	會通第四 禮經 二九三	喪服表 二五二	婦人服表 二四五	冕弁冠服表 二二六	冠服圖 二〇八		圖表第三禮經 一九九	要旨第二下 禮經 一四 六	要旨第二 禮經 六一

聘禮通考 三九四	考 三六六
記決拾極 三九一	鄉飲酒賓席所在并禮經房室制度通
射官辨 三九〇	鄉飲酒禮通考 三六四
《詩疏》説諸樂器之誤 三八八	非以君命使節解 三六二
更定戴氏震《樂器考》并辨陳氏奂	侍食禮辨 三六一
三侯見鵠辨 三八八	問名女爲誰氏解 三六〇
大射擇士辨 三八六	昏禮告廟説 三五八
賓爲苟敬 三八五	奠莱祭禰辨 三五六
庶子 三八五	昏期辨 三五三
主人 三八四	昏禮爲士禮説 ············ 三五二
燕禮考 三八三	冠月考 三五〇
駁凌氏廷堪《鄉射五物考》 三八一	張氏爾岐所疑冠禮數事辨 三四九
獸侯辨 三七九	大夫以上冠年及天子諸侯加數考 三四八
州學爲謝制考 三七八	士冠禮爲士身加冠説 三四七
鄉射並鄉學通考 三七六	記冕弁冠 三四五
遵入禮辨 三七五	戴氏震《記中衣裼衣襦褶之屬》 三四四
燕用樂大例述 三七一	戴氏震《記深衣》 三四三
鄉飲酒燕禮升歌合樂並天子以下饗	更定戴氏震《記玄端》 三四二

 \equiv

	目 録
死者不冠説 四五七	父卒即爲母服三年説 四二六
解 四五三	庶子不得爲長子三年辨 四二四
拜稽顙成踊辨并删定淩氏周禮九拜	婦人不杖辨 四二三
主婦 四五二	喪服變除考 四二一
《士喪禮》爲周公原書辨 四五一	解紛第五下 禮經 四二一
經文辨 四四八	朝日祀方明朝諸侯先後辨 四一九
緦麻章長殤中殤降一等四句傳文非	會同巡守禮辨 四一三
校文并女子子逆降旁親義述 四四五	庭實辨 四一二
大夫之妾爲君之庶子兩節經、傳、注	胡氏《宗廟路寢明堂同制考》 四一一
大夫尊降服辨 四四二	受舍于朝 四一一
高祖玄孫服辨 四四〇	朝覲禮通考 四〇八
妾服得遂辨 四三九	賓入門左,没雷,北面再拜稽首 四〇七
唯子不報辨 四三七	東遷所 四〇七
適子不得後大宗辨 四三七	宰 四〇五
降其小宗解 四三五	食禮考 四〇五
出妻之子爲母繼母嫁從服辨 四三二	執玉無藉者襲辨 四〇二
慈母辨 四二八	楊襲袒辨 四〇一
庶子爲所生母服辨 四二七	天子諸侯朝門及宗廟社稷所在辨 三九五

祊繹辨 四八八	牲體之數及載辨 四八六	天子諸侯大夫士廟制考 四八三	陰厭陽厭辨 四八一	主人拜養辨 四八一	考正淩氏廷堪周官九祭解 四七七	饋食解 四七六	中月而禫辨 四七三	祔已主反於寢練而後遷廟辨 四七○	虞禮考 四六九	披戴考 四六八	士不揄絞辨 四六七	薦馬哭成踊右還出解 四六六	軸輴柩車辨 四六四	朝廟日數辨 四六三	釋髻髮免髽 四六一	始死將斬衰齊衰者首服辨 四五九	設決法解 四五八	禮經學
											歷代用禮功效 五一五	禮經各家撰述要略 四九九	《禮經》注解傳述人 四九六	流别第七 禮經 四九六	闕疑第六 禮經 四九五	不儐尸者旅酬無算爵辨 四九二	釋俎 四九〇	<u></u>

校點説明

治學。 林院 呈曹著《禮經校釋》,光緒三十四年五月庚戌日賞翰 用内閣中書,捐獎分部郎中。 年補考殿試,因卷面字跡模糊,降列三等五十名。 年(一八九四)會試中選,因眼疾未與廷試,二十一 縣(今屬蘇州市)人,世居蘇州閶門西街。 光緒二十 師 蘇存古學堂經學總教習。 經 古文尚書鄭氏注箋釋》、《禮經校釋》、《大學通 周易鄭 中庸通義》、《孝經鄭氏注箋釋》、《孝經校釋》、《孝 鄭、號叔彦、室名復禮堂、晚號復禮老人。江蘇吴 編修。 曹氏一生專治經學、除《禮經學》外,還著有 元弼(一八六七—一九五三),字谷孫,又字 氏注 王大隆、沈文倬、錢仲聯等曾從其受業。 曾任湖北兩湖書 箋釋》、《周易集解補釋》、《周易學》、 辛亥革命後,於故里閉 院、湖北存古學 因 江蘇巡撫 陳啟泰進 堂、 /義》、 門 江

解紛、闕疑、流别,是曹氏禮學研究的代表作,有如《禮經學》七卷,分别爲明例、要旨、圖表、會通、

下

特點:

《勸學篇》,内有《守約》一章,立治經提要鈎玄之法 約以 方、西方、南方、北方相當,一 朝覲與祭天地之所:「東門、西門、南門、北門與東 齒爲序的尊老之義。 如《鄉飲酒禮通考》中認爲選賢之内始終貫穿着以 决處挑出,再用「今案」剖肌 思精妙。 餘字將《儀禮》十七篇處處顧及,全無遺漏,全仗構 篇綱目雖依張氏所定,細目則 目」、「屬元弼依類撰集「十四經學」」。 應閣師張文襄公聘主講兩湖書院經學」,「文襄師作 於《周易鄭氏注箋釋》序中自陳「光緒丁酉、戊戌間, 之洞於《勸學篇•内篇》第八《守約》中提出。 明例、要旨、圖表、會通、解紛、闕疑、流別 是結構合理,綱目清晰。 曹氏以《儀禮》十七篇爲綱,將歷代疑而未 在《會同巡守禮辨》中,又分析 分理、簡約明快的 言總祀之禮 精心斟 此書七卷之題乃張 酌。 《禮經學》七 ,一言分祀 二十五 分析 曹氏 萬

之禮 與 雜 禮 的 E, 古 言巡守之祭,而 而 禮讀來竟如曲徑 禮月、禮 所祀之神 Ш 則 川丘 同 所祭之神 也。 」 陵、 通 幽,爽然明白。 祭天、 四 瀆 則 相承,一 祭地、 同 也。」使 祭 言 山 紛 會 川 繁 同 丘 之 複 陵

例》。 衷《儀 字句位置 幾 皆 引 的《宫室例》引李如圭《儀禮釋宫》、《職 儀禮 喪服等殺表》、程瑶 乎將所有禮學大師的著作皆檢查 先引各家注釋後再下已見。 入書中,全書引文達千條之多。 經學》可稱 卷三《 Œ 禮釋官》、《節文等 是搜羅 義》,卷 錯 訛 圖 集前人禮學研究之大成者。 宏 表 加 四《會 富 》採 以 訂 徴 田《喪服 納 正。 通》、 引 T 殺例 廣 張 曹氏 卷五 博。 惠 通 言《 》引凌廷堪《禮 加之曹氏 尤 列 《解紛》多引 曹 其 表》,並 如 儀 氏 重 卷 禮 過,擇其精 每 官例》引胡 視 _ ~ 占 眼光極 申 對其 胡 \leq 明 説 葼 培 〈例》中 該 中 翬 江 經 例, 高 囯 華 的 的 筠 釋

+

補

有 不 休、 的 觀點,如卷七《流别》中,將《儀禮》注疏傳述人、 没有定論的 是精 研 有 術 疑 ,眼光獨具。 點 反 復 認 證 曹氏選 辨 析 提 出 出自己 各 家 争 獨 辯

是

無庸

置

疑

的。

和 分析,反映出他嚴謹 儀 敏鋭的學 禮》各家撰述要略及《儀 紨 眼光 的 治 學 態度、 禮 注 深 疏 厚的 各本 經 得 學 失 釐 功

清

底

例》寫道: 求例,復以諸例中求 與發 禮》。 氏釋禮例,而未及經例。 碑之作」(彭林點校《禮 多年撰成《禮經學》,大量心 禮經學》爲禮學研究的又一高峰 闕,而 事,爲學者舉隅。」不僅 書最具學術價值的 明。 曹元弼 以近十年之功著成《禮 且 淩 禮 成 廷 一生窮經 爲 有禮 /堪「獨 經 例 之例,經有經之例,相 禮,成 創《 立言 是對凌氏《禮 皓首,精 經 儀 以精深 今輯 釋例》前言),曹氏 之法 爲禮學 禮 血 》 研 經校釋》,又苦心孤 一鎔鑄 鄭義, 的 研三禮,尤專 的研 丁,其學 究體 明 研究史上的 經 於《儀禮》學中。 者。 究爲 踵凌書得 釋 例 術 例》的 須 所 地 於 淩 而 以 位 氏 諸 於《 成, 注《 之高 曹 拾 里 例 義 補 充 詣 氏 遺 五 淩 明 程 中 儀

此

此次校點,即以《續修四庫全書》影印宣統刻本爲底 禮經 學》 僅 有 清 宣 統 元年(一 九 0 九 刻 本。

果,雖與通行本不同,亦不出校。 果,雖與通行本不同,亦不出校。 校點者 周 洪

		•	
•			

曹元弼 壆

萬

萬

後 朋友之交也。」《論語》曰:「殷因於夏禮,所 道 傳》曰:「尊尊也,親親也,●長長也,男女有 有上下,有上下然後禮義 然後有男女,有男 也。」先儒 損 别,此不可得與民變革者也。」《中庸》曰: 親親之殺,尊賢之等,禮所生也。天下之達 益,可知也,周因於殷禮,所損益,可知 有父子,有父子然 五: 曰君臣也,父子也,夫婦也,昆弟也, 《易》曰:「有 親、日 以 尊尊、曰 所因 爲三綱 天 女然 長 地 後 長、日賢賢、日男女有 然後 有 後 五 有所錯。」《禮 君 有 常 夫 有 臣,有君臣 ,然則禮之大 婦 物, 有 夫 有 然後 婦 體 大 然 物

> 之緯。 别。 者體此,勇者强此,政者正此,刑者型此,樂 死,爲之者人,舍之者禽獸。 學者知禮之所尊尊其義。三代之學皆所以 爲臣 相 者樂此,聖人之所以作君作師,生民之所 明人倫、天經、地義、民行,得之者生,失之者 射、鄉以爲之經,服物、采章、節文、等殺以爲 覲、射、鄉以爲之緯;冠、昏、喪、祭、聘、覲、 爲之緯,五者以爲之經,冠、昏、喪、祭、聘、 親,賢賢統於尊尊。 一物不可繆也。 生 此五者五倫之道,而統之以三綱: 相 綱,父爲子綱,夫爲妻綱。 本末終始,同條共貫,須臾不可離也 養,皆由此 今順考經文,明揭要領,俾 道 三者以爲之經,五者以 出 也。 知者知此,仁 其大例凡若 長長 統 曰 於 以 親 君

尊尊 也親親也」《禮 大傳》作「親親也 尊尊也」。 干事:

明 例第

禮經

凡經十七篇,親親之禮八,嘉禮二:曰「士冠

禮」,

冠禮明父子之親。

曰「士昏禮」。

節: 曰夫婦之禮,曰婦事舅姑之禮,皆親昏禮自親迎以下明夫婦之義,凡分兩大

親

也。

徹」。鄭《目録》云:「《少牢》之下篇。」「特牲饋食禮」,曰「少牢饋食禮」,曰「有司云「《士喪》之下篇。」曰「士虞禮」。 吉禮三:曰凶禮三:曰「士喪禮」,曰「既夕禮」,鄭《目録》

喪、祭皆明父子之恩。

儀」,曰「公食大夫禮」。 賓禮二:曰「聘禮」,尊尊之禮五,嘉禮三:曰「燕禮」,曰「大射

曰「覲禮」。

使臣行禮,覲,諸侯與天子行禮:皆所以燕、射,君與臣行禮,聘、食,主國之君與

明君臣之義,尊尊也。

長長之禮二,皆嘉禮:曰「鄉飮酒禮」,曰「鄉

射禮」。

酒」,今亡,略見《禮記·鄉飲酒義》篇。幼之序。又黨正飲酒,正齒位,亦名「鄉飲長以齒,終於沃洗者,弟長無遺」,皆明長《鄉飲酒》、《鄉射》「立三賓」及「旅酬」,「少

賢賢之禮三,賓禮一:曰「士相見禮」。

賢。劉氏敞曰:「古者,非其人不友,非其士相見,明朋友之道。凡朋友之禮皆賢

大夫不見。」

飲、射立賓、介,皆賢賢。

嘉禮二: 曰「鄉飲酒禮」,曰「鄉射禮」。

男女有别之禮一:曰「士昏禮」。

不交不親。」鄭曰:「重别。」《昏義》曰:曰:「男女非有行媒,不相知名;非受幣,昏禮,自親迎以前明男女之别。《曲禮》

_

則

尊祖敬宗之義。

冠畢,「

奠摯

·見于君」,

「男女有别,而后夫婦有義。」

親親、尊尊、長長、賢賢、男女有别,五者皆備

之禮一:曰「凶禮喪服」。

《大傳》:「服術:一曰親親,二曰尊尊。」

又:「父子一體,夫妻一體,昆弟一體。」服鄭曰:「親親,父母爲首。尊尊,君爲首。」

之本義,皆至親以期斷,親親也。父至尊,又 「父子」 骼 夫妻」 骼 国弟一骼 二肌

等,下殤降二等,長長也。《大傳》所謂長幼。綱,尊尊也。期以下旁親,長殤、中殤降一

爲師心喪三年,朋友麻,賢賢也。 異姓主

名,昆弟之妻,母婦之名,窮則無服。推而

遠之,男女有别也。

冠禮,親親之禮也。而如「適子冠於阼」,之。 凡冠禮以親親爲經,而尊尊、長長、賢賢緯

《孝經》「以敬事長則順」,謂官長。 「主人戒賓」,樂又「以摯見于卿大夫、鄉先生」,長長也。則尊君之義,皆尊尊也。 冠者見于兄弟,

此五者相爲經緯。每篇略舉數事爲例,因一反三,是在之禮,賢賢也。經文一器數之微,一儀節之細,皆與賢者歡成之,及「三加彌尊」,責以成人

學者。

緯之。 凡昏禮以親親、男女有别爲經,而尊尊、賢賢

三

浴」,及室中、堂上、堂下男女各異位,則男終,則賢賢之義。「其母之喪,則内御者之賜視大斂,公史讀遣,成其得禮之正以等,則尊尊之義。君於士有師友之恩,爲君至,「見馬首不哭」,大夫特拜、士旅拜之喪禮,親親之禮也。而如初喪,惟君命出。

女有别緯之。凡祭禮以親親爲經,而尊尊、長長、賢賢、男

女有别之義。

凡大射以尊尊爲經,而賢賢緯之。其人不與燕,則賢賢之義。

儀,尊尊也。唱獲、釋算、勝飲不勝者之大射先行燕禮,其射時,「公將射」以下諸

等,賢賢也。

凡聘禮以尊尊爲經,而親親、賢賢、長長緯

於使者之門,反又送於門,則長長之義。以禮,則賢賢之義。上介及衆介將行,俟一尸」之等,則親親之義。聘用圭璋,相厲人」,及賓行「釋幣于禰」,「賜饔,羹飪,筮聘禮,尊尊之禮也。而「如兄弟之國,問夫聘禮,尊尊之禮也。而「如兄弟之國,問夫

也。賓客之義、賢賢也。故「使者聘而誤,食禮,明賓客、君臣之義。君臣之義,尊尊

凡食禮以尊尊爲經,而賢賢緯之。

凡燕禮以尊尊爲經,而長長、賢賢緯之。

主君弗親饗食,所以愧厲之也」。

義。侯氏「告聽事」,天子曰「無事」,賜車受舍異位,將覲釋幣于禰之等,則親親之朝禮,尊尊之禮也。而如諸侯同姓、異姓凡覲禮以尊尊爲經,而親親、賢賢緯之。

凡鄉飲酒、鄉射以長長、賢賢爲經,而尊尊緯

服、饗醴之等,則賢賢之義

尊也。飲、射,諸公大夫爲遵者,其禮亞於賓,尊飲、射,諸公大夫爲遵者,其禮亞於賓,尊

大夫之等,長長也。 士相見,始見於君之等,尊尊也。 士見於凡士相見以賢賢爲經,而尊尊、長長緯之。

氏如圭《儀禮釋宫》。職官之例,則莫詳於胡氏廷堪《禮經釋例》。宫室之例,則莫詳於李若夫節文等殺、器服之例,則莫詳於淩

而末學淺間,亦有一得,今比緝要删如左。則莫詳於陳氏澧《東塾讀書記•儀禮》篇。氏匡衷《釋官》。經注疏立文之例及讀經例,

緯塗徑 牢 如治絲 之本經也。其節文威儀,委曲繁重。 也。《有司徹》獻尸、獻侑及受尸酢,有豆籩 即《鄉飲酒》之旅酬 酒》之主人酬賓、奠而不舉也。 酢主人也。 尸酢,即《鄉飲酒》之主人獻賓、主人獻介、賓 飲酒》之介也。主人獻尸、主人獻侑、主人受 亦與之同。 此飲食之禮也,而《有司徹》祭畢飲酒,其例 之如人山 俎 匕涪、肉涪、燔從諸 禮經釋例》序曰:「《儀禮》十七篇,禮 之謂 而棼,細繹之皆有經緯 而迷,徐歷之皆有塗徑可 尸即《鄉飲酒》之賓也, 侑即《 主人酬尸、奠而不 何? 例而已矣。 無算 爵也。 節、《鄉飲 可分也 如《鄉飲酒 旅酬 舉,即《鄉飲 此異中之同 躋 酒》獻賓 無算爵 驟閲之 也。 乍覩 鄉 經

尸、獻 人舉 畢 獻 約 畢 以 觶 飮 飮 論 息 徵之屬 也 而 /發端 ·, 復 酒》 1>)授鴈 酬 酒 一,而 相 醴 己。 于 介及酢主人,但 也 司 賓而 ②但 觶 賓之觶 同 賓 正 有 但 聘 侑之禮,主人、主婦、 一、《特 议 于尸侑以發端,《鄉 《鄉飲 此 又 而《鄉 獻 獻 主 即 畢 其 同 已 如 問 衆 長 人 例 ,主人黨則 中之異 享禮之授璧 牲 獻 賓、主人 賓 卿、 聘 亦 酒》則 \sim 射 饋 之禮,《 有司徹》無 而已。 獻 禮 與之同。 》之同於《鄉飲酒》者, 面 食禮》祭畢獻賓,其例 一薦 美之 而 也。 卿,及《士 與 但 린 鄉飲酒》、《 自 聘享 使二人舉 用兄弟後生所舉 \sim 俎 推之于《士冠 有 酢 也。 而 \sim 算 飮 問 司 及 上賓 有 므。 覿 爵 酒》但使一人舉 卿 間 香 徹 怬 司 ,賓黨則 授 此 一觶于賓 》旅 卿 禮》納采、納 賓之儀 凡三獻 徹》 鄉 有 束 及《昏禮》 賓 酬, 射》 司 帛,《 客 獻 禮 徹 之 使二 皆 更 與 之觶 *~* 明 用 尸 昏 禮 介 無 大 鄉 侑 鄉 獻 冠 日 主

> 己。 服 皮 但 際則 禮 帛 享 賓 用 畢 禮 納 几筵,但擯者請 介覿、衆 弁服 丁, 主 酌 |》使者 及鴈, À 徵 面 》使 馬 昏 璧, ; 即 庭 醴 禮 卿 聘禮 國之君 者禮畢,主人禮賓 賓; 實用 禮》使者主人但玄端 禮之而 畢 ,有襲、裼之殊 介覿 至 面 私 如 ,皆設几筵; 卿 享 介 覿 問 皮, 禮 也。 禮 禮賓 及《昏禮》 之幣用束錦 面 卿 른 賓 命 即 畢 而 衆 有 圃 也。 享 此異中 ·, 不 己。 聘 介 E, 禮 醴 享 面 儐, 之庭 問 無 面 以 問 聘賓、 ,即《聘禮》之聘 \sim 聘 之同 授 即 卿 卿 幣; 聘禮》既 但 卿 庭 禮 而 聘 玉 聘 實 幣 賓 行 實 <u></u> 己。 濱、主 之事 也。 用 用 賓之私 聘賓 主 昏 面 用 (及廟 束 皮 0 或 禮 享未 卿 馬 聘用 錦、 也 至、《 人但 禮 之禮 之君皆 但 也 門,不 聘禮 覿 覿 用 賓 庭 \sim 賓 畢 朝 昏 聘 之 禮 昏 東 實 面

❶ 「玄」,原作「元」,係避清聖祖諱,今回改。以下不出校。

與夫詳

略隆殺之故,蓋悉體

夫天

命

民

彝

射》、《 射》不 也,而 哉 ! 之例 于《 也。 例 禮》不同也,而其爲郊勞、執玉、行享、庭實之 酬、旅酬 其 再 三獻、祭畢 館、歸饔餼,其例皆大約相同,而《聘禮》之同 西,《昏禮》則受鴈于楹閒 射釋獲 則同 玉 覲 推之于《士相 于 葛 則 同也 其爲 禮》者 燕禮》、《大射》不同 廷 也。 中 重 同 堪 、無算爵之例則同也。《聘禮》、《覲 堂與 也。 飲不勝者、三 複 而 肆力是經,潛玩既 尸飯、主人初 飲酒之例則同 《特牲饋食》、《少牢饋食》 ,更無論 而 東楹之閒 其 不 已 爲 耳 會通其例,一以貫之,祇 見禮》及《聘禮》郊勞、致 司 ,烏覩所 也。 射 一射以 問問 人獻、主 誘 是故《鄉飲 而已。 也,而其爲獻、酢、 也。 射、 樂節射飲不勝者 卿 久,知 謂 則受幣于 初 《鄉射》、《大 婦亞獻、賓 經 此同 射 緯 其 不 酒》、《鄉 塗 閒 中之異 · 釋 不同 徑 堂 同 獲 者 異 厭 長 中 門内。

八類: 之極 必以 附於變例後。」 射例,曰變例,曰祭例,曰器服之例,曰 故罕得經意,乃爲《封建尊尊 至于第十一篇,説者雖多,由不明尊尊之旨 蕪就簡,定爲《禮經釋例》。 如是者有年,漸覺非 有所得,初仿《爾雅》,爲《禮經釋名》十二篇 是,奚以爲節性修身之本哉 例 丽 曰通例,曰飲食之例,曰賓客之例,曰 爲主,有非 出之,信 非 訓 大聖人 他經可比,其宏綱細目 詁名物 不 能 所能賅者。 證 服制考》一篇 作 以 肄習之餘,心 也。 群 .經,區 學者 雜 乃 例 删 舍 爲

通例

凡迎賓,主人敵者於大門外,主人尊者於大

凡入門,賓入自左,主凡君與臣行禮皆不迎。

人。 凡入門,賓入自左,主人入自右,皆主人先

凡以臣禮見者,則入門右。

凡入門,將右曲,揖。北面曲,揖。當碑,揖。

謂之三揖。

凡升階皆讓,賓主敵者俱升,不敵者不俱升。

凡升階皆連步,唯公所辭則栗階。

凡門外之拜皆東西面,堂上之拜皆北面。

凡室中、房中拜以西面爲敬,堂下拜以北面

爲敬。

亦如之。 凡臣與君行禮,皆堂下再拜稽首,異國之君

凡君待以客禮,下拜則辭之,然後升成拜。

凡爲人使者不答拜。

凡拜送之禮,送者拜,去者不答拜。

凡丈夫之拜坐,婦人之拜興。丈夫之拜奠

爵,婦人之拜執爵。

凡婦人重拜則扱地。凡婦人于丈夫皆俠拜。

凡推手曰揖,引手曰厭。

凡送賓,主人敵者于大門外,主人尊者于大

門内。

F

凡授受之禮,同面者謂之並授受。凡君與臣行禮皆不送。

凡授受之禮,相鄉者謂之訝授受。

凡相禮者之授受皆訝授受。

凡授受之禮,敵者于楹閒,不敵者不于楹

閒。

凡卑者于尊者,皆奠而不授。若尊者辭,乃

授。

凡佐禮者,在主人曰擯,在客曰介。

凡賓、主人禮,盛者專階,不盛者不專階。

凡賓升席自西方,主人升席自北方。

凡戒賓、宿賓,宿者必先戒,禮殺者則不宿

凡禮盛者必先盥。

凡竇、主人敵者,降則皆降。凡降洗、降盥,皆壹揖、壹讓升。

八

之。

凡一辭而許曰禮辭,再辭而許曰固辭,三辭

不許曰終辭。

侯當東霤,卿大夫士當東榮,水在洗東。凡庭洗設於阼階東南,南北以堂深,天子諸

凡内洗設于北堂上,南北直室東隅,東西直

房户與隅閒。

東楹之西,並兩壺,有玄酒,有禁。凡設尊,賓、主人敵者于房户之閒,君臣則于

凡醴尊皆設于房中,側尊,無玄酒。

凡堂上之篚,在尊南,東肆。

凡堂下之篚,在洗西,南肆。

凡陳鼎,大夫、士,門外北面,北上。諸侯,門

外南面,西上。反吉,則西面。

人則東上。東鄉、西鄉,以南方爲上,惟統于凡設席,南鄉、北鄉,以西方爲上,惟統于主

南面之席則北上。此條原文背《曲禮》,不可從,今易

飲食之例

凡主人進賓之酒謂之獻。

凡主人先飮以勸賓之酒謂之酬。凡賓報主人之酒謂之酢。

凡正獻既畢之酒謂之旅酬。

凡旅酬既畢之酒謂之無算爵。

凡獻酒皆有薦,禮盛者則設俎。

凡薦脯醢在升席先,設俎在升席後。

凡獻酒,禮盛者受爵于席前,拜與卒爵于階

上。

凡獻

酒,禮盛者則啐酒,告旨。

_

凡啐酒于席末,告旨則降席拜。

人, 禮殺者不拜告旨, 又殺者,不酢主人。凡獻酒,禮盛者受爵、告旨、卒爵皆拜,酢主

、賓告旨在卒爵前,于席西拜。 主人崇酒在

凡

九

卒爵後,于階上拜。

凡禮盛者坐卒爵,禮殺者立卒爵。

凡酬酒,先自飲,復酌,奠而不授,舉觶、媵爵

亦如之。

凡酬酒,奠而不舉,禮殺者則用爲旅酬、無

算爵始。

凡酬酒不拜洗。

凡獻工與笙于階上,獻獲者與釋獲者于堂

下,獻祝與佐食于室中。

凡一人舉解爲旅酬始,二人舉解爲無算爵

始。

凡旅酬皆以尊酬卑,謂之旅酬下爲上。

凡旅酬皆拜,不祭,立飲。

凡旅酬,不及獻酒者不與

凡旅酬,不洗,不拜既爵。

凡無算爵,必先徹俎、降階。

凡無算爵,皆説屢升坐乃羞。

凡無算爵不拜,唯受爵于君者拜。

凡無算爵,堂上、堂下執事者皆與。

凡奠爵,將舉者於右,不舉者於左。

凡君之酒曰膳,臣之酒曰散。

凡食禮,初食三飯,卒食九飯

凡臣撰先设,用黍畟沮豆;加撰乡凡設饌以豆爲本。

凡正饌先設,用黍稷俎豆,加饌後設,用稻

粱庶羞。

凡初食加饌之稻粱,則用正饌之俎豆,卒食

正饌之黍稷,則用加饌之庶羞。

凡公親設之饌,必坐遷之,公親臨食,必辭凡正饌醯醬大羹溍,加饌簠粱,皆公親設。

之。

凡食禮有豆無籩,飲酒之禮豆籩皆有。

凡燕禮使宰夫爲主人,食禮公自爲主人。凡食賓以幣曰侑幣,飮賓以幣曰酬幣。

凡醴皆設柶,用籩豆

凡

醴皆用觶,不卒爵。

凡 **条醴,始扱一祭,又扱再祭,謂之祭醴三。**

凡 酌 而 無酬酢曰醮。

凡 執爵皆左手,祭薦皆右手。

凡祭薦者坐,祭俎者興,祭薦者執爵,祭俎者

奠爵。

凡祭薦不捝手,祭俎則捝手。

凡祭酒,禮盛者啐酒,不盛者不啐酒, 祭肺,

禮盛者嚌肺,不盛者不嚌肺。

凡祭皆于豆籩之閒,或上豆之閒。

凡餕者亦祭。

凡飲酒,君臣不相襲爵,男女不相襲爵

凡 浦 醢 謂之薦,出自東房。

凡牲皆用右胖,唯變禮反吉用左胖。 凡牲二十一體,謂之體解。

凡牲七體,謂之豚 解

凡 肺 皆有二, 舉 肺 祭 肺。

明例第

禮經

凡牲,殺曰饔,生曰餼。 下,餼之屬皆陳於門内外 **饔之屬皆陳於堂上**

凡食于廟,燕于寢,鄉飲酒于庠。

賓客之例

凡賓至,則使人郊勞。

凡郊勞畢,皆致館

凡賓至廟門,皆設几筵

凡賓、主人相見,皆行受贄之禮。

凡賓、主人受贄畢,禮盛者則行享禮

凡賓、主人行禮畢,主人待賓,用

醴 則

謂之

511

禮,不用醴則謂之儐

凡爲人使者,正禮畢,則行私覿或私面之禮。

凡賓、主人禮畢,皆還其摯。

凡庭實之皮,皆攝之,内文。人設于庭,賓致 命于堂,則張皮于庭。主人受幣,則受皮者

受之。

凡庭實之馬,右牽之,入設于庭,賓授幣于堂

則受馬者受馬于庭,主人授其屬幣則 馬 出

凡聘、覲禮畢,主人皆親勞賓

凡禮畢勞賓後 ,則使人致禮于賓。

凡會同之禮四傳擯,皆如覲 禮

凡會同巡守之禮,皆祀方明

凡 天子於諸侯則 傳擯,諸侯於聘賓則旅 擯

凡 相大禮皆上擯之事。

凡 諸侯使人于諸侯謂之聘,使人于大夫謂之

問,小聘亦謂之問。

寢。 凡 聘、問、觀皆于廟, 會、同于壇,士相 見于

射例

凡 射皆三次,初射, 耦 親,不 釋獲; 再 射,

耦與衆耦皆射; 三射,以樂節射,皆釋 獲

飲不 勝者。

獲,次飲不勝者,次拾取矢, 凡再射、三射、皆先升射、次取 唯 初 矢 加 射 福,次數 不 數獲,

> 不 飮

凡 、射、未升堂之前 揖, 日 耦 進 損, 曰

當階:

北

面 揖, **曰及階揖**

凡射,既升堂之後三揖,曰升堂揖,曰當物北

面揖,曰及物揖

凡 射後 二揖,曰 卒 射揖, 日 降階 與升 射者相

凡拾取矢前四揖, 左交于階前揖 日 **耦進揖**,

曰 當 福 北

面

日 及福! 揖,曰 上射進坐揖

凡拾取矢,上射、下射各四揖, 若兼取 矢,則

凡拾取矢後四揖,曰 上射、下射各一揖。 既拾取矢揖, 日左還揖

曰 北 面 搢 三挾一 个揖, 曰既 退與進 者 相 左

揖。

凡飲不勝者,未升堂之前三揖,

日

耦進揖, 日

當階北 面 揖,曰 「及階揖

凡飲不可

勝者,既飲之後二揖,曰卒觶

揖,

曰

降

階與升飲者相左交于階前揖。

凡設楅于中庭,南當洗,東肆。

凡設中,南當福,西當西序,東面。

凡飲不勝者,尊者不勝則卑者不升,卑者不凡有事于射則袒,無事于射則襲。

勝則升堂特飲。

授弓,小臣師授矢,卒射,小臣正贊襲。凡公射,小射正贊決拾,小臣正贊袒,大射正

凡公不勝飲公,則侍射者飲夾爵。

射命拾取矢,小射正作拾取矢。所作皆惟上凡鄉射,司射命拾取矢,作拾取矢,大射,司

耦。此條原文不合經例,今易之。

凡獲者之事,皆司馬統之。凡射者之事及釋獲者之事,皆司射統之。

凡鄉射于序,大射于澤宫。

變例

凡始卒于室,小斂後則奉尸于堂。

L¬ 医片剪首,崔月且及革台比前。凡大斂于阼階上,既殯則于西階上。

凡尸柩皆南首,唯朝祖及葬始北首。

神之始。

凡

. 楔齒、綴足爲奉體魄之始,奠脯

醢

爲

事

精

凡始卒,小斂、大斂、朝夕哭、朔月、薦新、遷

柩朝廟、祖、大遣,皆奠。

中,遷祖以後皆在柩西,既還車則在柩東。凡奠,小斂以前皆在尸東,大斂以後皆在室村等。

凡奠席皆東面設之,無席之奠則統于尸。

凡奠于殯宫,皆饋于下室,唯朔月及薦新不

饋。

凡將奠,皆先饌于東方,徹則設于西方。

凡朝廟奠、祖奠、大遣奠,皆薦車馬。

见: 至常,更用宜公司前,故用宜司前更。 凡奠于堂室者,陳徹皆升自阼階,降自西階。

凡奠升自阼階,丈夫踊,降自西階,婦人奠于庭者,陳由重北而西,徹由重南而東。

踊, 奠者由重南東,丈夫踊: 謂之要節而

踊

凡柩 凡 (重置於中庭,三分庭,一 朝 祖 如大斂奠,朝 禰 如小斂奠。 在南

凡 凡君使人弔、襚、賵,主人皆拜稽顙 凶 事無洗,或設盤于堂下,或設盤于門外。 成踊 非

君之弔、襚、賵則拜 而不踊

凡弔、襚、賵、贈、奠,於死者不拜。 凡君臨大斂,則主人拜稽顙成 踊。

凡主人之位,小斂前 下,謂之内位,既殯在門外,謂之外位 在尸東,小斂後 在 阼 階

皆在阼階上,柩將行,始降在階閒。 凡婦人之位,小斂前在尸西,小斂後至既 殯

凡 凶 事交相右,吉事交相左。

祭例

凡尸 凡尸 凡 士祭,尸九飯。大夫祭,尸十一飯。 飯、舉 ,所食,皆加於肵俎,若虞祭則以篚代之。 脊爲食之始,舉肩爲 食之終。

> 凡 凡尸所食之肺脊,必先奠于菹豆,尸卒食,佐 食始受之,加于肵俎 肵 俎皆載心舌,尸未入,先設于阼階西

凡尸未食前之祭,謂之墮祭,又謂之挼祭。

凡主人受尸嘏挼祭,尸酢主婦亦挼祭。

凡尸未入室之前,設饌于奥,謂之陰厭

凡尸既出室之後,改饌于西北隅,謂之陽厭。 凡卒食酳尸,皆主人初獻,主婦亞獻,賓長三

獻。

凡獻尸畢,皆獻祝及佐食。

凡主人初獻,從俎皆以肝,主婦亞獻、賓長

凡養,士禮二人,大夫禮四人,養畢亦有獻 三獻,從俎皆以燔,主人、主婦獻祝亦如之。

酢。

以下皆一獻禮成。 凡祭,尸不就洗,别設槃匜待之。 凡儐尸之禮,唯尸侑及主人備三獻,自主

婦

四

儐尸,主人獻,其從獻皆用羊,主婦 獻 ‴; 其

凡

從獻皆用豕,上賓獻,其從獻皆用魚。

凡儐尸 ,羊俎! 爲正俎,其餘皆以二俎益送之。

凡士祭,正獻後加 爵 三,下大夫祭,正獻後

加 爵二, 儐尸,則正獻後加爵一。

凡致爵,皆在賓三獻之閒,加爵 亦致。 若儐

`,則於堂上獻尸侑時行之。

凡不儐尸之祭,賓三獻爵止, 則 均 神 惠 于

凡祭,陰厭則薦豆設俎,尸飯則 室,加爵者爵止,則均神惠于庭 加 豆

薦籩。 若將儐尸,則正 獻 不薦。

凡始虞之祭謂之祫事,再虞之祭謂之虞事,

三虞卒哭之祭謂之成事。

凡卒哭明 日 袝 廟之祭謂之祔。

凡期 ൬ 祭謂 之小 祥,又期而祭謂之大祥,大

祥閒 月之祭謂之禫

虞祭,無肵俎,不致爵、不 加 爵。 獻 尸 畢,

不獻賓、不旅酬、不養。

凡 卒哭祭畢,餞尸于廟門外,亦三獻

凡士祭,加爵後,嗣子入舉奠。 大夫祭,則不

舉奠。

凡正祭于室,儐尸則于堂。

凡尸在室中皆東面,在堂上則南面

凡祭畢告利成,士禮則祝、主人立于户外,大

器服之例

夫禮則祝、主人立于階上。

,亞獻則

凡盛水之器曰罍,剩 凡所以馮者曰几,所以藉者曰 水之器曰 席 科,棄水之器

日洗。

凡盛酒之器曰尊,鹹酒之器曰勺。

凡 酌 酒 而 飲之器 曰 爵

凡 亨牲體 之器 曰 鑊

凡 升性 體 之器 日 鼎,出牲體之器日

凡 載 牲 體之器 曰 俎

凡 濡 物之器 曰 罋 實 濡 物之器 日 豆

凡 實乾物之器 日 籩。

凡 凡實羹之器曰 盛 黍稷之器 「鉶,實大羹之器曰鐙 曰 簋、 曰敦,盛稻粱之器曰 簠

凡 扱 醴、扱羹之器皆曰 栖。●

凡相 見,君則以玉爲摯,臣則以 禽幣爲摯。

凡 相見,婦人則以棗、栗、腶脩爲摯。

凡 藉玉之器曰 繅。

凡 凡 盛 射者之器曰弓、曰 婦摯之器 日 「笲,夫人則 矢、曰決、曰 日 竹 **:**簠方。 拾。

凡

聘禮,賓至所聘之國,展幣,

辭

餼

問

卿

凡獲者之器曰 旌、曰乏、曰侯。

凡 釋獲者之器 日 中、日 籌。

凡 取矢之器曰 楅 飲 不 勝者之器 豐。

凡 凡 衣與冠同色,裳與韠同色,屢與裳同色。 士冠禮,賓、主人、兄弟、擯者、贊者及冠者

凡 初 加 士昏禮 ,見君與卿大夫、鄉先生,皆用玄端**。 ,使者、主人、壻從者,皆用玄端。**

> 凡 鄉 飮 酒 鄉 射之禮 息司 正 皆用玄端

凡 士祭禮,筮 日、筮尸、宿尸、宿賓、視濯、 視

殺、正祭、尸、主人、祝、佐食,皆用玄端

凡士冠禮,筮日、筮賓、宿賓、爲期,皆用朝

服

凡飲、射、燕食之禮 ,皆用朝 服

凡 聘禮、君授使者幣、使者受命及釋幣于

肄儀,聘畢歸反命,皆用朝服

上介問 下大夫,士介受餼,皆用 朝 服

凡

介餼 聘禮 ,卿接聘賓 ,主國之君使卿郊勞,宰夫設飱 ,君不親食使大夫致侑幣,皆 (`,致士

凡士 用 祭

朝

服

服。 禮 正祭, 賓及兄 弟、助 祭 者, 皆 用朝

柶」,原作「栖」,據《禮經釋例》改。

凡大夫祭禮皆用朝服。

餼, 覲禮郊勞, 士喪禮襲, 既夕禮乘車所凡士冠禮再加, 聘禮行聘,還玉,賓受饔

載,皆用皮弁。●

凡士冠禮三加,士昏禮親迎,士復、士襲,皆

用爵弁服。

餼,夫人使下大夫歸禮,上介受饔餼,皆用韋凡聘禮,君使卿歸賓饔餼,下大夫歸上介饔

凡覲禮,天子用衮冕,侯氏用裨冕。

弁服。

凡袒裼皆左免衣,見襦若見肉,謂之袒。見凡大夫之妻被錫衣侈袂,士之妻纚笄宵衣。

凡執玉,有藉者裼,無藉者襲。

楊衣謂之楊。此條原文不合經制,今易之。

凡縚髮謂之纚,安髮及固冠皆謂之笄。乃善己 有棄君養 無棄君尊

雜例

凡鄉飲、鄉射明日息司正,略如飲酒之禮。

凡燕四方之賓客,略如燕其臣之禮。

凡昏禮婦至設饌,及婦饋舅姑,略如食禮。

凡舅姑饗婦、饗從者,略如饗賓客之禮

凡冠醴子,昏醴婦,略如禮賓之禮。

凡女父見壻,略如見賓客之禮。

凡婦見舅姑,略如臣見君之禮。

凡聘賓私獻于主君,略如士介覿之禮力如學

凡大射飲公,略如賓媵爵于公之禮。

凡昏禮婦奠菜,聘禮賓介將行,及使還有於力身會么一冊女爹服買己么沒抱

于禰廟,略如祭禮。

授幣及反命,皆于治朝,聘賓初至及將聘,凡燕禮命賓,聘禮命使者,皆于燕朝,聘禮

皆于外朝。

L 筬,にと筬,即ても Z 筬。 凡ト筮皆于廟門外,唯將葬則于兆南。

凡筮,士坐筮,卿大夫立筮。

● 「弁」下、《禮經釋例》有「服」字。

事

八

謂之閒歌,四謂之合樂。凡樂皆四節,初謂之升歌,●次謂之笙奏,三凡樂,瑟在堂上,笙管鐘磬鼓鼙之屬在堂下。

凡適子冠於阼,庶子冠於房外。凡士禮,冠、昏、喪、祭皆攝盛。

凡冠禮,或醴、或醮皆三加。凡適婦酌之以醴,庶婦醮之以酒。

凡冠於禰廟,昏于寢。凡昏禮,使者行禮皆用昕,惟壻用昏。

所以 恩 禮 祭例,所以 體 尊長對文別,散則通。 者、尊者不同禮,所以明尊尊、長長也。 右淩氏《禮經釋例》目,統而論之,變例 随、事 而 所 明賢賢 後 以 有奉 ,精神之事,而後有襲、斂、奠、 别 明親親 男 也。 體魄、事精神之事 女 也。 諸例 長亦尊者也。 也。 夫 賓客、飲食之例, 君 惟 臣 有親 不 男女不 ·同禮,敵 親 之至 有奉 同

> 薦、葬、 篇。 之文。 舉,微言未析,疏略抵捂亦時 稽登降、二人媵爵、三侯皆獲之文。 推 于禮樂之事。 更定義例,改其參錯,掇其精要,著于 凌氏之例善矣,惟《喪服》一篇大義 義也。 義所以爲例也,例所以爲禮也。 之他禮,無不皆然。 而後有一獻四舉旅、君與賓射之節,拜 有尊尊之大義,而後有君臣 祭之節 有君臣盡志于禮樂之事, 哭泣、 故禮之所尊,尊其 擗 踊 祝 有之。今 響、 盡志 拜 雖 侑

凡喪期,斬衰三年。齊衰有三年,有期,有三功,曰緦麻。別有繐衰,不在五服中。凡喪服有五,曰斬衰,曰齊衰,曰大功,曰小

❶ 「升」,原無,據《禮經釋例》補。

小功五月。緦三月。繐衰,既葬除之。月。大功殤服有九月,有七月,成人皆九月。

曰長幼、曰從服。親親、尊尊二者以爲之經,凡服術有六,曰親親、曰尊尊、曰名、曰出入、

其下四者以爲之緯。

凡親親、尊尊之服又以三綱爲經,餘服爲緯。

詳下。

凡親親,本服父子、父兼母,子兼女。昆弟、兼姊

子下殺至玄孫,由昆弟旁殺至族昆弟,皆四妹。夫妻一體,皆期。由父上殺至高祖,由

世而緦。

凡旁親,父之族服如父,祖之族服如祖,曾之

凡外親之服皆緦。

族服

如曾,高之族服

如

高。

以上親親本制

凡親親之義,以尊尊治之。尊者加隆,卑者

殺。

等。曾祖齊衰,加二等,減其月算爲三月,仍凡加隆之服,父斬衰三年,祖齊衰期,皆加一

一等。高祖,禮窮則同

凡祖爲孫,月算不可過于孫爲已。曾孫降凡父母皆三年之喪,母降于父,服齊衰。

等,緦麻三月。玄孫,禮窮則同。

凡正尊皆加隆,旁尊惟世叔父加隆

凡正尊於卑者不報,旁尊皆報。

凡妻爲夫,加隆如父。

凡外親,惟外祖父母

以尊

加

隆

以上親親中之尊尊

凡諸侯爲天子,臣爲君服如父。庶人爲國君

服如曾祖。

子爲君母如適子。 凡妾爲君與臣同,爲女君與婦爲舅姑同,

君服純乎尊尊

凡君、父、夫皆至尊,其服皆斬,是謂三綱。

一九

遞 生 他 服 而 不 爲 他 服所生,遞殺他服而 不 爲

他 服 所 殺

凡 父 在 爲 母期,不敢伸其私尊,明父爲子綱

凡婦人不貳 斬,女子子適人者爲父期,明夫

爲妻綱。

君之父母期。 凡子爲父斬,爲父之父母期。 由三綱推之,稱情而立文。 妻爲夫斬,爲夫之父母期,皆 臣 爲君 斬

以 Ĺ 尊尊之義

凡爲父後者爲長子三年。

凡父卒爲祖 後者服斬,謂之適孫。 凡祖 爲適

孫期。

凡舅姑 爲婦 大功,庶婦夫將不受重者。 降 小 功

適 婦不降

凡庶子爲父後者,爲其母緦。

凡 爲 人後者後大宗受重者,必以尊服 派服之。

凡 持 重於大宗者,降其小宗。

> 凡 凡 族 婦 人 人爲大宗子,齊衰三月。

者 期。 (必有歸宗曰小宗, 爲昆弟之爲

父

民、禄位之重,惟封建始有之,諸爲後 服及宗法,皆封建之制。 凌氏以爲:受重者,受宗廟、土地、 後」,傳稱「受重」,鄭曰「爲宗 以上諸服、皆尊祖、嚴父、貴適、重正 立宗收族之事,尊尊之義也。 愚謂 先王 廟主也 經言「爲 所 Ź 以 以

統壹海内,整齊萬民,累數千 年而 蠻 夷

者、惟封建是賴、而宗法實與之相維持。 不能逞志於中國、一人不能横行於天下

宗法之善,上之,禄位祭 祀有永保之

祚,次之,子姓兄弟 之,鰥寡孤獨無死亡之憂。正 有敦 睦 之好;下 倫 理 以 篤

恩誼 道 生,故禮以 一所謂 天之生物使之一本。 義起 ,其服特隆 後 本 世 立 挂 而

0

有存者。 建 田 ,而孝弟親睦之行不絶於道微民散之 雖 廢 而 好禮君子因是以建宗祠 服 制 變革 未 盡、宗法 遺 ·; 立 意 養 猶

凡旁親,天子諸侯絶,大夫降一等。

時。

告朔餼羊,議者慎勿以舊禮爲無用

而欲去之也。

凡正尊不降,正體不降,尊同不降。

凡大夫爲宗子不降。

子亦不敢服。父之所降,子不敢不降。凡諸侯大夫之庶子,以厭降。君之所不服,

凡公之昆弟於母、妻、昆弟,以先君餘尊厭

降,餘親以旁尊降。

凡父之所不降,子亦不敢降。

凡大夫之妻於族親以尊降,妾不得體君,不

蓋封建之世,諸侯有國,大夫有采,父子以上諸服,凌氏亦以爲封建尊尊之制。

明,短 明枝主之義,定民志,塞亂源,以尊尊保 者,諸侯絶,大夫降。 相 炭。故聖人制禮,凡旁親支庶尊不同 全親親也。其子之降不降,則惟其君父 傳, 垣 惟 一易踰 爲後 ,勢必骨肉紛争,生 一人實有之。 所以嚴尊卑之分, 苟 分 民 理 不 淦

是視也。

凡大夫有地者亦曰君。

凡公士、大夫之衆臣,爲其君布帶、繩屨。

凡諸侯之大夫爲天子繐衰。

凡公士、大夫爲貴臣、貴妾緦

凡與民同者,爲君皆齊衰三月。

凡報之者名所報爲婦。

凡庶母、乳母亦以名服,從母以名加,從母昆

弟、姊妹以名服。

以上名

凡女子子適人者以出降。

凡女子子適人者自父母不貳斬外,正尊皆不

凡女子子未嫁者逆降旁親及將出者,惟昆弟

降,旁親皆降。

凡姑、姊、妹、女子子適人無主者不降,姑、不逆降。

姊、妹報。

凡女子子嫁,反,服與在室同。

凡爲人後者,於本宗降一等,報。

之親,若子。

以上出入

凡繼父同居者齊衰期,嘗同居今不同者,齊凡出妻之子爲母,父卒繼母嫁,從,皆期。

衰三月。

凡娣姒婦相與居室中則生小功之親,相與同

室則生緦之親。

此亦出入之類

凡爲本親服,大功之殤中從上,小功之殤中凡殤服,長殤、中殤降一等,下殤降二等。

從下。

凡妻爲夫之親服,齊衰之殤中從上,大功之

殤中從下。

凡從服,子從母服,臣從君服,妻從夫服,夫以上長幼

一 等。

從

妻服。

爲母妻之黨不過緦、小功,餘皆降

於所爲後

母,皆親親兼尊尊之從服。凡服有尊尊之義之君,皆尊尊之從服。子爲母,妻爲夫之父凡臣爲君之父母、妻、長子、祖父母,妻爲夫凡妻爲夫之黨,尊行皆從服,卑行皆報之。

凡母妻之黨皆從服,其反爲之服,皆報。

者,皆不報

者以類求之,且互詳要旨、圖表,避複重密,今以六術櫽括全篇,其所不説,欲學以上從服《喪服》一篇,義至精,例至

宫室例

也。

牖西。 房。 經。 階。 中西 之架曰棟,次棟之架曰 之宧,西北隅謂之屋漏。 有門。 其外有大門,堂之屋南北 房户之西曰房外,房中半以 人君左右房,大夫士東房西室 .南隅謂之奥,東南隅謂之 窔,東北隅 其可考者,宫必南鄉,廟在寢東,皆有堂 《儀禮釋宫》曰:「宫室之名制不盡 堂之上 户牖之間謂之依,户東 東 西 有楹 ,堂東西之中日 楣,後楣 室南其户,户東而 北 曰北堂,有北 曰房户之間, 以 五架。中脊 北爲室與 而 見于 兩 楹 謂 室

也。」

則南 門之内兩塾之閒謂之二。 堂、西堂。東堂下、西堂下曰堂東、堂西。 間,南北之中日 門限謂之閾,闔謂之扉。 序之外謂之夾室。 以北皆周以牆,人君之堂屋爲四注,大夫士 碑,堂塗謂之陳。 角有坫,堂之側邊曰廉。 曰門東,西方曰門西。寢之後有下室,自 曰阼階。堂下至門謂之庭,三分庭一在北設 北 兩 下 丽 릳。 一中堂。 中閒屋爲門,門之中有闑 夾室之前 此其著 堂之東西牆謂之序, 升堂兩階,其東 夾門之堂謂之塾, 門之内、外,東方 於 日 經而 箱 , 亦 可考者 曰 門 階 東 堂

職官例

天子之官,而諸侯之官弗傳。春秋列國之官《儀禮釋官》曰:「《周官》三百六十皆紀

其職司 同 宰,執政之官也。宗人、樂正,禮樂之官也。 諸篇皆諸侯之禮,而其官名與《周禮》或異 密 家臣之制。」 又曰:「《周禮》以官爲紀,《儀 卿稱縣公之僭越哉?」 又曰:「嗇夫,天子 寓乎其閒,周之諸侯遵而守之,安至有置六 官見焉。 官之士,夫人之官見焉。小臣、僕人,侍從之 典之官也。膳宰、雍人,飮食之官見焉。内 司 盡 昏、喪、祭諸篇,諸侯之大夫士禮也,可以考 官也,而不見《周禮》,可以 · '; 因 馬、射人,軍政之官也。工人、士、梓人,事 可 ,稱名較《周禮》更繁。 而考之,侯國之制略具於斯:司徒爲 事爲紀,而官因 或 一氏傳 顧諸侯之官,其爵必降等于天子, 惟《儀禮 兼 攝 》,而往往出東遷後所僭設,不 而不備,則聖人決嫌明微之意 》制自周公,燕、射、聘、食 事見 補 如《周禮》但言射 ,節目較《周禮》更 王官之闕。 冠、 或

> 又殊。 師。 《聘禮》,諸侯禮也,而大夫之官在焉。 有名異而實同者,如《鄉射》之司正與司 夾北之宰與執鐙之宰異。 射》之司馬與司馬正、司馬師異,《公食》立 《大射》、《聘禮》之宰與《食禮 禮》、《喪禮》之宰與《大射》、《聘禮》之宰 祝、周祝。《周禮》之宰一耳,《儀禮》則《冠 《周禮》但言小臣,而《儀禮》有 人,而《儀禮》有司射、射正、大射正、小射 喪》、《既夕》,士禮 一人,《燕禮》大射之司正與射人本一 《周禮》但言喪祝,而《儀禮》有夏祝、商 且有一篇之中名同而實異者,如《大 也,而諸侯之官見焉。若 此語今據注義易。 》、《覲禮》之宰 小臣 正 '馬爲 官。 正 又

曰:「諸侯官制自《儀禮》外,《左傳》、《戴記》達于制作之意,故官制之釋非可已也。」·又卑繁殺之際,必多窒礙,而不能展卷了然以此類糾紛錯出,不爲疏通而證明之,則於尊

者固多,而出於後世之增易者亦不少。 爲詳,然左氏内外《傳》,先王之官制賴以傳 《禮

記》雜有天子諸侯之禮,且所記非一代之制, 今惟一以《周禮》官名考之。」

《士冠禮》

之有司。胡氏每職標名下各綴數語,分别爵秩、崇卑、名 有司 司,主也。凡事有專主之者,謂

注疏原文或推約其義以補易之、題注疏若「今案」字、使可 惟掇其有關大例者。 稱、同異,俾學者一覽而悟,今悉録之。 其證釋經文之語, 凡胡氏當職下無説及説未安者,采

筮人 私臣掌筮者。 識别。

宰 家宰,私臣,亦曰家相。 卦者

亦私臣,筮人之貳。

求之。

宗人 私臣,掌禮及宗廟。

先生 注:「鄉中老人,爲卿大夫致

仕者。 」

《士昏禮》

老 注:「群吏之尊者。」按:老即宰。

凡言「案」者,皆胡氏原案。其有刊改,稱「今案」以别之。

祝 接神之官。 或曰:此祝贊婦廟見,

當爲女奴曉祝事者,如《周禮》之女祝。

《士相見禮》

下大夫 上大夫 注:「上大夫, 卿

單言大夫者,有下大夫單言大夫者,各依文 篇之内有兼卿與大夫總言大夫者,有上大夫 也。」按:此對文,散文則通曰大夫。此經諸

宅者 注:「致仕者去官而居宅。」

《鄉飲酒 禮

五

鄉

州長出注。

《周禮》:「州長,每州中大

夫一人。」諸侯當以上士爲之。

司馬

經曰:「司正爲司馬。」案:此大

卿 人。」諸侯當以下大夫爲之。 鄉大夫出 《周禮》:「鄉大夫,每

大師 注:「大夫若君賜之樂,謂之大

師。」

子之官。 工 樂正 此樂正者,諸侯及大夫士之官。」 笙 疏:「《周禮》有大司樂、樂師,天 今按:此經及《鄉射》工、笙,

《大射》以射人爲司射,大夫士無射人之官,

司射

注:「司射,主人之吏也。」案:

夫士之禮,《大射》别有司馬,不使司正爲之。

臨事立一人掌射事,亦謂之司射。

公士

注:「在官之士。」

據注疏義,皆大夫士樂人。

注云:「相,主人家臣。」《燕禮》,射人爲擯,則射人 爲司 正。此注云:「相,主人之吏擯贊傳命者。」《鄉射》 司正 《鄉飲酒》、《鄉射》,以主人之相

夫者。」 遵者今補 注:「謂此鄉之人仕至大 正。

爲司正。《大射》,大射正擯,則大射正爲司

《燕禮》

之。小膳宰,其貳也。胥則其下府、史、胥、 徒百有二十人。」諸侯膳宰當中士、下士爲 人,下士八人,府二人,史四人,胥十有二人, 夫之職。《周禮》:「膳夫,上士二人,中士四 膳宰 小膳宰 胥 膳宰如《周禮》膳

宰夫出注。 疏: 「《燕義》云:『使宰夫

鄉射禮》

二六

《周禮》:「宫人,中士四人。」諸侯當下士爲宫士,則如《周禮》宫人之職,屬於小宰者。宮士,則如《周禮》宫人之職,屬於小宰者。按:諸侯蓋小宰兼稱司宫。《大射》又有司按:諸侯蓋小宰,司宫,天子曰小宰。」今

得正禄,所謂庶人在官者也。 士旅食 注:「旅,衆也。」士衆食,謂未

言諸者,容牧有三監。」 諸公 注:「謂大國之孤也。孤一人,

天子樂師,下大夫四人,諸侯大樂正當上士,無大司樂,直有大樂正、小樂正,并當樂師。」樂正 疏:「天子有大司樂、樂師,諸侯

小樂正當下士爲之。

笙 《周禮》:「笙師,中士二人,下士四八約五章 (1997)。

司士 《周禮》:「司士,下大夫二人。」人。」諸侯當下士爲之。

子,下大夫二人,上士四人。」諸侯當上士爲善庶子善如天子諸子之職。《周禮》:「諸諸侯上士爲之。

之。子,下大夫二人,上士四人。」諸侯當上士爲

射,則僕人正、僕人士陪於工後。」立於其北,北上。大樂正立於東縣之北。若樂正立於東縣之北。若樂正立於西縣之北,僕人正、僕人師、僕人士左右正注:「謂樂正、僕人正也。小

527

人。」諸侯亦以奄爲之。 内小臣 《周禮》:「内小臣,奄上士四

磬師,中士四人,下士八人。鑮師,中士二注。《周禮》:「鐘師,中士四人,下士八人。鐘人 磬人出注。 鑮人出注。 鼓人出

明例第一 禮經

下士爲之。 人,下士四人。鼓人,中士六人。」諸侯並以

閻人 《周禮》:「閻人,王宫每門四人,

囿游亦如之。」

人,上士二人,下士四人。」 弓人 如天子繕人之職。《周禮》:「繕

《大射儀》

正、小射正、司射,皆射人。《周禮》:「射人,射人 大射正 小射正 司射 大射

「與司正聯事」以下,亦據注義易。 「與司正聯事」以下,亦據注義易。 「與司正聯事」以下,亦據注義易。司 「與司正聯事」以下,亦據注義易。司 「與司正聯事」以下,亦據注義易。司 「與司正聯事」以下,亦據注義易。司 「與司正聯事」以下,亦據注義易。司

師,射時所立以監射事者,蓋軍司馬之屬。夫一人。軍司馬,下大夫四人。與司馬,上士二人。軍司馬,下大夫四人。與司馬,上士二人。行司馬,中士十有六人。旅下士三十八人。行司馬,中士十有六人。旅下士三十二人。軍司馬,下大夫四人。與司馬,中大夫四人。與司馬,中大夫二人。軍司馬,中士十有六人。旅下士三十二人。軍司馬,下大夫四人。與司馬,中大夫

侯當士旅食爲之。 量人 《周禮》:「量人,下士二人。」諸

士四人,中士八人,下士十有六人。」諸侯當 巾車 《周禮》:「巾車,下大夫二人,上

上士爲之。

僕,下大夫二人。 小臣,上士四人。 祭僕,中 太僕下士二人,爲從者。四語今據注易。 亦四人。蓋上士二人爲官長,一正、一師當 四人,胥二人,徒二十人。」諸侯無太僕,小臣 士六人。御僕,下士十有二人。府二人,史 如《周禮》御僕之職,亦下士爲之。正,其長 也,師,其佐也。士,其下府、史、胥、徒也。 僕人正 僕人師 僕人士 《周禮》:「大 小臣 小臣正 小臣師 小臣師從者 僕人

六人。」諸侯大史當上士,小史當下士爲之。 二人,上士四人。小史,中士八人,下士十有 大史 小卿 庶子正 注:「命於其君者也。」 小史 庶子之長也。 《周禮》:「大史,下大夫

> 師當中士爲之,上工即上瞽也。 人,下瞽百有六十人。」諸侯大師當上士,少 師,上士四人。瞽矇,上瞽四十人,中瞽百 之通稱。《周禮》:「大師,下大夫二人。小 工. 大師 少師 上工 工,大師以下

正方圜者。」 工人士 梓人 注:「皆司空之屬,能

隸僕人 《周禮》:「隸僕,下十二人。」

諸侯當士旅食爲之。 疑如《周禮》司弓矢職

矢人

四人。」諸侯當士旅食爲之。 服不 《周禮》:「服不氏,下士一人,徒

《聘禮》

舍帷幕者也」疏"「館人即《天官》掌舍。」 管人 内史出注 注:「管,猶館也。館人謂掌次 **`禮》:「内史,中大夫一**

《周

十有六人。」諸侯内史當下大夫爲之。人,下大夫二人,上士四人,中士八人,下士

祝 此祝,大夫家臣。

賈人 庶人在官者,次於府史。

士爲之,每關亦有關人,當士旅食爲之。四人,每關下士二人。」諸侯謂之關尹,當中國人,每關下士二人,可關,上士二人,中士

有掌訝,中士八人。此下大夫,非彼掌訝。」大夫也,以君命迎賓謂之訝。」疏:「《周禮》一訝 經曰:「訝賓于館。」注:「此訝下

也。」

十有二人。」諸侯無宗伯,以司馬兼之。亦無夫四人,上士八人,中士十有六人,旅下士三卿一人。小宗伯,中大夫二人。肆師,下大卿一人。《周禮》:「禮官之屬:大宗伯,宗人 《周禮》:「禮官之屬:大宗伯,

廋車 今按:此私臣掌車馬者。其職小宗伯,其禮官謂之宗人,士爲之。

如《周禮》廋人、巾車。

《公食大夫禮》

師,下士二人。」諸侯當士旅食爲之。 甸人 如天子甸師之職。《周禮》:「甸

内官之士 注:「夫人之官,内宰之屬人,上士四人,中士八人。」諸侯當上士爲之。天子内宰之職。《周禮》:「内宰,下大夫二天子内宰之職。《周禮》:「内宰,下大夫二

當下士爲之。旅人則府、史之屬。四人,胥十人,徒百人。」諸侯雍人兼彼二職,人。外饔,中士四人,下士八人,府二人,史人,下士八人,府二人,史四人,胥十人,徒百人,下士八人,旅人《周禮》:「内饔,中士四雍人 旅人 《周禮》:「内饔,中士四

司宫 今案:此司宫,疏以宫人當之,

即《大射》司宫士。

《覲禮》

嗇夫 注:「嗇夫,蓋司空之屬也。 爲

末擯。」按:末擯,士爲之。

宰 此宰即冢宰,卿一人。

大史 《周禮》:「大史,下大夫二人。」

喪服》今補

貴臣 傳曰:「公卿大夫室老、士,貴

近臣 注:「閻寺之屬。」 臣。」注:「室老,家相也。士,邑宰也。」

《士喪禮》

治之,以喪事需人孔多,家臣不能具官故也。 甸人 公臣。古者臣有喪事,公家使人

《特牲》士祭亦有公有司。

管人 亦公臣。

祝也。 夏祝 以習夏禮謂之夏祝,習商禮謂之商 商祝 祝 夏祝、商祝、祝皆周

祝。三祝皆公臣,當《周禮》喪祝之職

外御 巫 祝 士近臣。 巫,男巫。祝,喪祝。

臣。《周禮》:「男巫無數,其師,中士四人。 皆君之

喪祝,上士二人,中士四人,下士八人。」 諸侯

男巫當下士,喪祝當中士爲之。

冢人,下大夫二人,中士四人。諸侯冢人當 冢人 公臣,如《周禮》冢人之職。天子

上士爲之。

ト人 占者 皆公臣。 占者如《周禮

占人之職,大夫士有筮無卜。 族長

族長,私臣。 注"「有司掌族人親疏者。」按"

宗人 此宗人吉服,疑公臣

《既夕》

圉人 御者 士得乘兩馬車,故有圉人

御者,亦私臣也。

與

史 士私臣掌文書者。

公史 注:「君之典禮書者。」

御者 記:「御者四人。」案: 御者即外

御,士近臣與上御者殊。

内御 注:「女御也。」

隸人 《周禮》五隸之下,各有隸民。 此

人蓋五隸之民,君使之來供役事者。

隸

屬。

童子

注:「隸子弟,若内竪寺人之

遂匠 注:「遂人,匠人也。」案:遂匠

亦公臣來助士葬者。

士虞禮》 祝

此祝亦喪祝

宗人 此宗人亦公臣。

特牲饋食禮

有司群執事 有司群

執

事,蓋公有司

私 臣,皆統之。

雍正 私臣掌割亨者。

公有司 私 臣 注:「公有司亦 士之

屬,命於君者也。私臣,自己所辟除者。」

長、圉人、御者、童子、雍正之屬及冠、昏、祭 案:通考士禮諸篇、宰、筮人、卦者、外御、族

禮之祝、宗人,此語今增。 士之私臣也。 甸人、

給事者也。公家使人給事於私家惟喪禮,此 屬及虞禮之祝、宗人,此語今增。公家之臣來 管人、夏祝、商祝、冢人、卜人、隸人、遂匠之

助祭之公有司,蓋士自宿之。

有司贊者 贊者,有司之助。

《少牢饋食禮》

史 筮史,即筮人也。

小祝 佐祝者。據此,則大夫祝非

J

司馬 大夫家臣爲司馬者,如《周禮》家

司馬之職。

司士 司士贊者 今案:司士亦家臣。

雍人 雍正 雍府 雍人,家臣主割亨

者。雍正其長,雍府其屬。

廩人 注:「掌米人之藏者。」

豕兼司空之職,雍人陳鼎兼甸人之職,廩人器。」按:此篇司馬刲羊兼羊人之職,司士擊司宫 注:「大夫攝官,司宫兼掌祭

祭器,皆攝官。

摡

甑

、甗、匕與敦,兼饑人之職,司宫又兼掌

宰夫 今按:宰夫亦家臣。

《有司徹》

有司 即司馬、司士,宰夫之屬

私人 注:「私人、家臣、己所自謁宰夫贊者 宰夫之屬。

除

也。一

經 文 例

所存,不著不察。而經文詳、略異同,若有與何,相須而成。淩氏釋禮例,而未及經例,然準此以辨言正辭,故禮有禮之例,經有經之準此以辨言正辭,故禮有禮之例,經有經之準此以辨言正辭,故禮有禮之例,經有經之禮人,其實正辭,故禮有禮之例,經有經之

秋》。 禮 《易》,鄭氏之於《禹貢》、於《禮經》,子夏之於 明者解經,莫不精究其立言之法。 虞氏之於 辭,¶《春秋》教也。」周公制禮,猶孔子作《春 塞 必以全經互求,以各類各篇互求,以 律、《春秋》與律,一字不可忽也。 正》,皆是也。夫治禮如治《春秋》,亦如治 成,古之聖者作經,莫不有立言之法, 古之 事也, 今釋經例, 比辭 句互求,而後辭 義,踵淩書得例五十事,爲學者舉隅。 秋》,又精《漢律》,故其説經例至密。 .喪服》,三《傳》之於《春秋》,某氏之於《夏小 字一句,亦皆名義所 離 例不符者, 人倫天秩,斯爲真知。 經叛 《春秋》一字一句皆褒貶所寓、《 道之源 其 何 達義明,萬貫千條,較若 以 敷 ? 解 關。 也。 害辭害志之惑, 傳 淩氏釋禮 鄭君 言不 **>** 曰 順 故治 先 則 各 今輯 通《 其《禮 例,屬 禮經》 章各 事 事 禮 而 春 不 書 者 比 深

> 通例》, 注例》、《疏例》、《校疏例》均附見焉 見 鄭 注 mj 凌所未及者,并《傳記例》、

三四

之固 凡周公損益二代之迹,據經文略 凡禮經節文度數,皆出於天秩之自然,人心 弟。 損 之義,皆天下之大經,前世所未備,至周 臣諸父昆弟,封君之子不臣諸父而 意,至周公始增貴貴之禮。 如始封之君 朱子謂:「夏商而上,只是親 服例皆在 立爲定制,更不可易。」案: 經文凡君大夫 侯大夫尊同,則亦不絶、不降。凡此貴 ·有,非由外心以生。 益之迹最著明者。 期之喪,天子諸侯絶,大夫降。 正服,後重 出 他若《冠 魏氏了翁説 且多數服 可推 親 禮》不醴 、長長之 并舉 説 。 臣 然 一,此 諸 昆 而

0 屬事 比辭」《禮記。 經解》作「屬辭比事」。

醮、《喪禮》有夏祝、商祝之等,文質相變各

有精意,當依文求之。

凡經文,條理精密,首尾貫串。

朱子云:「《儀禮》爲禮之根本。」又云:

置恰好。」胡氏云:「培翬初治是經,每於「極細密,極周緻,其閒曲折難行處,都措

陳設之多,行禮節次之密,升降揖讓裼襲静夜無人時,取各篇熟讀之,覺其中器物

之繁,無不條理秩然。每篇循首至尾,一陳設之多,行禮節次之密,升降揖讓楊難

氣貫注,有欲增減一字不得者。」

凡經文各節,鉤連環抱,錯綜成文。

後,而二人舉觶爲無算爵始,在徹俎前。舉觶爲旅酬始,在樂作前。無算爵在徹俎如《鄉飲》、《鄉射》,旅酬在樂備後,而一人

于室,乃作三獻之爵。事事鉤連,節節環射禮,將射特著未旅之文。祭禮,均神惠

抱,參伍錯綜,鼓舞盡神。故禮意,天下之于室,乃作三獻之爵。事事鉤連,節節環

翌で女事,至谶至忌。 至精也, 禮文,天下之至變也

凡經文敘事,至孅至悉。

所謂事爲之制,曲爲之防,夫是以思古之治天下至孅至悉也。觀《禮經

國

冡

異

可

見

凡經文儀節極繁密處,禮意尤精政,家不殊俗,而人得寡過也。

如《大射》「公將射」、《喪禮》君視大斂之

等。

凡經文儀節並行者,敘事不相

射禮司馬、司正,事多並行,經敘一事畢,

乃更及一事,不使相錯

凡經文或自著節。

位後。《聘禮》「執幣者西面北上」,在擯者如《大射》「卿大夫升就席」,在司射釋弓反

請受後,經皆自著其節。

凡經文器數尤繁者,總敘在上。

如《大射》之席,《有司徹》之俎,皆執要御

三 五 ·奪倫。

繁之法。 禮之失繁,由不知經例耳。

凡經文多省文互見,有前後諸篇互見者。

牢》見之。注云:「凡設水用罍,沃盥 如各篇「設洗」皆當有罍、枓,經惟於《少 用

科,禮在此。」又牲腊體數及載法莫詳 于

《少牢》。注云:「凡牲體之數及 載備 於

之義。又《鄉飲》、《鄉射》互有詳略,《燕 此、凡腊之體、載禮在此。」皆明各篇互見

有詳略、《特牲》、《少牢》互有詳略,注皆互 禮》、《大射》互有詳略,《鄉射》、《大射》互

引爲證。

有數節中互見者。

如《鄉射》、「司射猶挾一个以進。」注云:

相明。」此類至多,今每條略舉一二事爲證 曏言還,當上耦,西面。 是言進,終始互

有 節中互見者。

如《鄉射》:「弟子自西方應曰『諾』。」注

同,互相明。」 궁: 「曏獲者許諾, 至此弟子曰『諾』,事

有數語中互見者。

如《士冠禮》:「纁裳、純衣、緇帶。」注:

「先裳後衣者,欲令下近緇,明衣與帶同

色。

有一句中互見者。

「醙,白酒也。凡酒,稻爲上,黍次之,粱次 如《聘禮》:「醙、黍、清,皆兩壺。」注云:

備,明三酒六壺。」又《既夕》:「丈夫髽,散 之。皆有清、白。以黍閒清、白者,互相

見。 帶垂。」注云:「髽,婦人之變,此互文以相

有即後明前者。

如《鄉飲》「賓復位,當西序, 東面」。 注

有空其文者。 曰:「言復位者,明始降時位在 此。

三六

帶,而言袘者,空其文,明其與袘俱用緇。」如《士昏禮》「緇袘」。注云:「不言衣與

有舉一事見例者。

上大夫儐尸爲主,附見下大夫不儐尸,皆射爲主,互見鄉大夫詢衆庶。《有司徹》以序,爲庠謝互言。」案:《鄉射》以州長習弓,説決、拾,襲。」注云:「或言堂,或言西亦如之。卒射,賓序西,主人序東,皆釋如《鄉射》:「主人堂東,袒、決、遂,賓於堂

之所從出。《春秋》約其文辭,以制義法,成矣。故互見者,作經之大法,而諸義例敘,則威儀三千倍之且不止,將畢生不能制,曲爲之防。然其作經,若每事平文直兩事合舉。 又案:周公制禮,事爲之

蓋本於此。

凡互見之法、《喪服》尤多。

有合兩事成文者。

有錯舉見例者。

如旁尊不足加尊,服無不報,而《小功章》

從祖祖父母條言報。 《緦麻章》族曾祖父

母條不言報,下惟別見「從祖昆弟之子」一

有以一文關二事者。

如「女子子在室爲父」,注:「言在室,關已 許嫁。」「子、女子子之長殤、中殤」,注謂别

言女子子,以子關適庶之等。

凡經文别嫌明微,正名順言,不外同辭、異辭

兩端

凡尊卑異辭。

均是爵不相襲也,於尊者言「更」,自敵以 下言「易」。 均是舉旅也,尊賓則曰「酬」,

尊公則曰「賜」。 嗣舉奠」,總言「尸備答拜」。 均是每拜答之也,《特牲》 注云:「以

尊者與卑者爲禮,略其文。」

貴賤異辭

均是奠觶取之也,而賓言「取」,介言「受」。

輕重異辭

如《鄉飮》言「拜辱」,《鄉射》惟言「再拜」。

文質異辭。

如《聘禮》賓見君言「覿」,見卿言「面」。

發端因事異辭。

如發端言「降拜」,因上事言「下拜」。

凡經文覽文自明者,異義不嫌同辭。

如《士相見》,兩言「將走見」。注一云: 「走猶往也。」一云:「走猶出也。」又如《鄉

辯,辯衆賓之在下者。《鄉射》之辯,惟辯 飲》、《鄉射》旅酬皆云「辯」,而《鄉飲》之

衆賓之在上者。以上下文可推而知,故不

嫌同辭。

同義不嫌異辭。

如各篇皆云「執爵興」,而《少牢》、《有司》

司》云「拜至」,而《燕》、《大射》、《公食》云 獨云「執爵以興」。 《鄉飲》、《鄉射》、《有

三八

及公反位者,亦尊君,空其文。」

「至再拜」。 以非名義所關,覽文即知,無

皆夏殷舊禮本然,周公以其無關名義而仍 别義,故不嫌異辭。 之,即此可見損益之迹。 竊意此等文句參差, 而因以 知禮 經 非

聖相傳至教至文,遞相祖述,代有沿革,至

一王之制,一聖之書,乃自有天地以來神

德」。 周公而定。 單、盡也。 所謂「考朕昭子刑,乃單文祖 文祖,明堂也。鄭曰明堂祀五帝,大

皞之屬。周公制禮就其法度,損益用之。 所謂周監

一代,所謂思兼三王,皆於此可想見焉。

凡經立文有從辭之便者。

如《聘禮》「玉錦束」之等。

凡 君與臣行禮,或空其文以尊君。 如《燕禮》公爲賓舉旅,「賓升再拜稽首」。

敵偶于君。」又云:「不言公酬賓于西階上 注云:「此賓拜于公之左,不言之者,不敢

或不定其辭以優君

惟長致,有定法。 如 、燕、射媵觶,皆初次二大夫皆致,第二次 而經云「若君命皆致」、

以「優君」言之。

「若命長致」,皆言「若」,以示不定。

注皆

凡經文立言皆有法度。

君,君乃命之,言君有命,政教宜由尊者。」 如《大射》「君有命戒射」,注曰:「宰告於

此立言之法,所以辨上下,定民志。

凡經文法度之言,特謂之「側」,全謂之「純」, 移近曰「爾」,正立曰「疑立」,北上曰「南 順

「獲」,勝曰「賢」,膚之精理者曰「倫」,脅之儀

西上曰「東肆」,射所立處曰「物」,射中

度、尊卑可用者曰「儀」。凡不著者,以類求之。

凡《喪服》法度之言,汎言男女曰「丈夫」、「婦 人」,指其親曰「女子」,對男子言曰「女子

子」,疏之曰「婦人子」。同父、同祖、同曾祖

凡經文賓主有定者不易稱,無定者因事易 者,降其小宗之服,不改其本親之名。凡爲 小 人後者、女子子爲本親,皆言「其」以別之。 同 高 功以下曰 「嫁」,行於士庶人曰「適人」。凡爲 祖之親 「兄弟服 日 昆弟」,汎言族親曰「兄弟」, _ 凡女行於大夫 人後 以 H

多 事者少,則直舉其 凡《燕禮》、《大射》稱官之例,事省而官之供 ',則兼别其長貳 官。 事繁而官之供事者

稱。

小臣 如射人有大射正、小射正,小臣有小臣正、 師之類

既别其 長 貳而仍有直舉其官者,則皆謂其官

如《大射》有司馬正、司 馬之類 馬師,司馬正亦直

惟長居他職,乃得謂其官之貳。

稱司

射人之類。 如《大射》,大射正爲司正,小射正得 直 稱

其長,亦非偏謂其貳者,則爲統舉全官之辭。 又有一篇中長貳並見,而直稱其官,非專謂

如《燕禮》言「小臣納工」之類。

貳别之。 者,則以其官之長供事多而貳少,故專於其 若夫長貳不並見,而專言其長,或專言其

皆言「膳宰」之類。 如《燕禮》特言「羞 卿者,小膳宰」,而其餘

其官之貳供事多而長少,故專於其長别之。

徹公俎」,而其餘皆言「庶子」之類。以上六 如《燕禮》特言「若射,則大射正爲司射」, 而其餘皆言「射人」。 《大射》特言「庶子正

條,本胡氏匡衷説而更定之。

凡經文用 者乃獨舉 樂歌三篇者,必備舉三篇,歌 篇

凡經文單言「廟」者,皆謂禰廟。單言「户」

者,皆謂室户。

凡經文正禮在前,變禮在後。

凡經文儀節後與前同、變禮與正禮同者,皆

言「如初」。其不如初者,别出之。

凡《喪服》,以縷之精粗爲序。

凡經文辭與儀節相閒,惟《冠禮》辭總在後。

凡《喪服》,上言其服,下言其人。乃《喪朋》。じ為之精料爲序

凡服有異者,别文在下。

禮 通 例

凡制禮自士始,等而上之,以至於天子。

凡禮,多就侯國言。

《周官》稱《周禮》,經但稱禮不稱周,蓋《周

以别之。《禮經》則冠、昏、喪、祭、鄉、相見官》者周天子之官,諸侯不得用,故特稱周

之等與天下共之,多就侯國立制,故不稱

周。

凡禮,大夫避君,士避大夫。凡大夫所避者,

士卑或不嫌。

凡禮,有曲而殺,有經而等,有放而文,有放

而不致,有順而摭。

鄭注,每就一事示例。

凡禮不參。 凡禮不必事。 凡禮以相人

並。 凡禮,卑者先即事,尊者後。

偶爲敬,以相變爲敬,以異爲敬

凡鄉射威儀省,大射威儀

凡射禮,别尊卑。

國,賓益尊。 覲禮至於享,王之尊益君,侯氏凡燕、大射至酬賓,賓益卑。 聘禮賓至所聘

之卑益臣。

凡喪禮略於威儀。

凡禮以事名官。

凡敬

不能

凡 事 如 彌至,言彌信。 獲者三獻之等。

凡 事彌至,位彌異。

記 傳 例

凡記,或補經制,或釋經例,或著經節。

馬階前命張侯,遂命倚旌」,注曰:「著並

如《鄉射・記》「司射既袒、決、遂而升,司

行也。」此類甚多,皆著行禮之節

或記禮辭,或類記他禮。

如《鄉射 • 記》記燕射之侯。

或記異説。

《聘禮》、《士虞·記》皆博記異聞。

凡記節次,皆從經

記異説,乃更端 禮書綱目》分記附經,節次更明。

弟、夫妻一體。」曰:「旁尊,不足加尊。」

曰:「絶族無施服,親者屬。」曰:「與尊者

體,不敢服

其 私

親。」曰:「父子、昆

凡記有一事該數節者

凡釋經例者皆是。

有後事類記于前者。

如《喪禮》「設棜于東堂下,南順」云云,注 曰:「是大斂饌也。」記於此者,明其他與

小斂同陳。

有前事别記于後者。

如君視斂不備禮者,附記「君命止柩」下。

凡《喪服》記、傳多釋經例。

降一等」。傳之釋經例者:曰:「齊衰、大 兄弟降一等」。曰:「夫之所爲兄弟服,妻 夫之子於兄弟降一等。」曰:「爲人後者於 記之釋經例者:曰:「大夫、公之昆弟、大 功,冠其受也。 **緦麻、小功,冠其衰也。**」

者成 敢 後者服斬。]曰: 殤 君之所不服,子亦不敢 服。」曰:「君之所爲服,子 曰 敢降。」曰:「不貳 日 下爲兄弟。」 功之殤中從下。」謂妻從夫服。 曰 降 中從上,小功之殤 等,下殤降二等; 婦 「以名服。」曰:「父之所不降,子亦 「外親之服皆緦。」曰:「長殤、中 人 其祖。」曰"「嫁者,嫁於大夫,未嫁 丽 人不貳斬。」曰:「父卒,然後 未嫁。」曰:「尊同則得 「妾不得體君。」曰: 斬。」曰:「降 齊衰之殤中從上,大 中從下。」謂 服。」曰:「大功之 亦 日 不 一「小功 其小宗。」 敢 服 不 服 其 殤 服 本 爲 親 親 以 不 降 祖 不

注例

凡鄭注説制度、職官,必據《周禮》,説誼理必

本《禮記》。

凡鄭注説制 以 若《聘禮》旅擯、《覲 某之徒。」●朱子謂 盧子 備,足作後王 串群經,推表制度,元元本本,博綜無遺。 漢法,即此可見其 幹謂 度至詳,時 「修禮 監 儀。 者應徵 鄭 禮》盟祭之等,爛 明世務、達治體 以 又古制難 注可 漢制 有 補經。 況 道之人,若 周 明 制 者,每 蓋其 明 粲 況 貫 鄭

如朱則四人,玄則六人之等。凡制度無正文者,以群經推約之。

凡鄭注引《禮記》,多約文。

義》「君舉旅行酬而後獻卿」爲説。如《燕禮》注「酬而後獻卿,別尊卑」,約《燕

凡鄭注發一義,必貫通全經。

如《冠禮》「筮於廟門」,注:「廟,謂禰廟。」

❶ 「鄭某」,即鄭玄,避清聖祖諱作「某」。以下不再出校

四四四

此通合全經爲訓,凡經單言廟,皆禰廟也。

曰:

「言宗子無父,是有

有父者。」《喪服

且貫通群經。

朔,朝服以日視朝。」通合《周禮》、《玉藻》皮弁以日視朝。諸侯與其臣,皮弁以視如《冠禮》注:「天子與其臣,玄冕以視朔,

意。 凡鄭注熟於經例,能於經文無字句處得經

爲説。

爲服。 服 定者以爲例,而此外凡屬小宗者皆可準之 如《喪服 大宗者,降其小宗,小宗有四,經舉父宗有 ",推出 鄭於「姊妹適人」下,補姑服 高 》高祖服 祖 服 。又爲人後之禮,持重於 不見,鄭據高祖之族 以 舉 有

如《昏禮・記》:「宗子無父,母命之。」注凡鄭注善引伸觸類,據彼定此。然而解,皆可謂抉經之心。

隅,使經文降等、若子兩服不相

互之旨豁

凡經文疑似之處,注必别白言之。 之等。

傳:「大夫之庶子,則從

乎

大夫而降也。

注曰「言從乎大夫而降,則於父卒如國人」

徹時不復蓋。」卜日「不釋龜、告于涖卜與如《喪禮》「徹朔奠、敦啟會」、注:「啟會、

凡經略舉大概者,注細别之。

主人」,注「不釋龜,復執之」之等。

之曰:「其酌,實觶,西南面授介。」如《鄉飲》主人酬介如賓酬主人之禮,注別

凡經文儀節略者,注彌縫之。

是賓請旅侍臣。」

如《燕禮》公酬賓,公答再拜。

注曰:「於

字誤者,注變易之。

注:「大夫誤衍。」 以上諸例,以兩言蔽如《大射》:「諸公卿大夫西面,北上。」

有

必用其正字者,取其當文易曉,從『甒』

之曰:以 經解經,以 經校經 而 己。 賈疏 解

經之法皆遵此例,不别

凡《喪服》,注引傳解經,注在 謂」以别之,在傳上者不題某。 傳下者,題「某 見賈疏

《喪服傳》本鄭注,所引與《周禮注》引杜子 春、二鄭説 某謂」等字,非古也。 一例。 今本别傳於注 而 盡 删

凡鄭注大義,足以正人倫、扶名教。 今悉録入

《要旨》。 凡鄭注今文、古文各本,擇善而從。

從今文者,則今文在經,古文出注。 博稽廣攬,審定折衷,其略例 古文各一字兩作者,有不言今古文但云 文者,則古文在經,今文出注。然有今文、 胡氏承珙《儀禮古今文疏義》序曰: 『某』或作『某』者,殆當時行用,更有別本 「鄭注 從古

> 存焉。」 《士昏》從古文作『枋』,《 也。 《鄉飮》、《鄉射》、《特牲》、《少牢》諸篇是 也。 爲『登』,「升」則俗誤已久,而仍從『升」是 以存古者,『視』爲正字,『示』乃俗誤,行之 從『徧』、從『膉』不從『嗌』之類是也。 即用其借字者,取其經典相承,從『辯』不 不從『廡」、從『盥』不從『浣』之類是 無,參酌異同,靡不悉記。 隻字去取,義例 而必從『視』是也。 柄」之類是也。 有因彼以決此者,則别白而定所從, 有互見而並存者,可參 至於句字多寡,語 有兼以通今者,『升』當 少牢》從 觀 圃 得其義 今文作 也。 有務 助 有

疏

蓋有數端:

例

賈疏大例有二: 據舊疏爲本。

舉小略大,經注稍周。」又云:「今裁此疏 賈氏 所謂舉小也,此其所本於黄、李者 掇 以 悊二家:慶則舉大略小,經注疏漏, 行 諸 (自序)曰 事大要,所謂 家爲本,擇善而從。」案: 賈疏每節先 「《儀禮》章疏,有黄慶、李 舉大也。 次細釋經注 悊 則 孟

易舊疏之失。

明矣。 也。 序曰:「士冠三加,有緇布冠、皮弁、爵弁, 塗。」案: 賈疏 鄭注,黄之謬也。 之言實也,明孝子有忠實之心,則絰表心 委貌、周弁以釋經。 經、記都無天子冠法, 既冠,又著玄冠見于君。 歧者合之,疏者密之,此其所易於黄、李 而李云委貌與弁皆天子始冠之冠,李之謬 鄭注《喪服》引《禮記 而黄云衰以表心, 経以表首, 公違 解記必附經,解經必憑注, 今以先儒 故記陳緇布冠、 檀弓》云:経 失路,後宜 易

> 科别條分,文從字順,惜未成也。 將疏文一一推核,孰爲舊義,孰爲新義,俾 以不章。 更無 《四書》朱注之爲,遂使舊説湮没無聞,賈 相違 者。 氏矛盾自陷,謬本相仍。至宋咸平校刊 鹵莽滅裂,不顧文義。 李,而前後設文動多違戾,甚至一條 引諸家,次下己意,今疏中未 師將諸家姓名概加删棄,併入賈氏 完 戾,顯非一人之言。蓋唐時,間 帙 又按: 愚嘗欲撰《儀禮》舊疏 可 據,而 如序 疏 所云, 遂受誣 如近世村塾學究删 則賈疏 千載,經義彌 嘗 考正之書 當每條先 稱引 語 里書 中自 中, 黄

校賈疏 舉例

冠。 《士冠禮》篇目下疏:「若天子之子亦二十而 故《禮記·祭法》云『王下祭殤五』。按"

六

所祭者適長殤,十九以下爲長殤。是年十九已下乃

乃當爲仍。 爲殤,故二十乃冠矣。」

按 此 一説,謂天子之子與士同,二十而

冠。

案"下文云「天子之元子猶士」,則天子之子

雖早冠,亦用士禮而冠

此又一説,謂天子之子早冠與士異,其禮

仍與士同。

案:《家語·冠 頌》云: 王大子之冠擬冠, 則

天子元子亦擬。 諸侯,四加。

異,此必先儒有兩説,賈氏引之而 按:此又一説。 謂天子之子冠與士禮全 又自 爲

賈氏自定語,而其下兩説則附存備考。 説,以明折衷。 諦審文義,疑第一説 且 係

兩 説 歧 互 處,皆當以此求之。 當

有

辨

正之語,而

後 人 删 之。

凡讀疏

遇

讀 經例 注疏 通例

讀之之法,略有數端: 《東塾讀書記》曰 :「《儀禮 日 分節,二日 難

讀

",昔人

繪圖

通此經不難矣。」

三曰釋例。今人生古人後,得其法以讀之,

取日之事。」賈疏全部皆如此,此讀《儀禮》第 此至『宗人告事畢』一 句,此賈疏分節之法所自出 要法也。 《士冠禮》:「筮於廟門。」賈 《有司徹》鄭注屢言自某句至某 節,論將 行冠禮 疏 云:「自 一, 先

也

僧」,論主君使卿歸饔餼於賓介之事。」「上 使卿韋弁,歸饔餼五牢。」疏云:「自此 介,饔餼三牢」,疏云:「自此盡『兩馬束錦』, 論主君使下大夫歸饔餼於上介之事。」「士介 賈疏之分節有尤細密者。 《聘禮》:「君 盡 三無

也。 爵 致 長 如 節 使 四 賓獻主人酢十一也。」●此一科而分十一節 賓又致爵於主人九也,又致爵于主婦十也, 酢 其分析細密,使讀之者 賓 爵 科之内,乃有十一爵:賓獻尸 獻尸及佐食,并主人、主婦致爵之事。 也。 人 于主婦 初,爵止。」疏云:「自此盡『卒復位』,論 宰夫歸餼於衆介之事。」此 《有司徹》疏如 長 于主人二也,主人酢主婦三也,主人致 ,皆餼大牢」,疏云: 《特牲饋 六 也,賓長獻祝七也,又獻 四也,主婦酢主人五也,尸舉奠爵 食》禮:「賓三獻,如初,燔 此 類者最 心目 「自此至『無儐 [俱朗 多,不可枚舉。 一節 徹矣。 一也,主婦 佐 丽 食八 又 分 也, 此 賓 從 論

作射如初。」 扑,反位』,論某 司 射 適次作上耦射。」疏當云:「自此 疏分節,偶有遺 疏當云: 事。」 耐 「自此盡『執而俟』,論 ~漏者。 疏 無 之。 如《大射 又:「司 儀 盡 ^二搢 射

> 偶有遺漏,但不多耳。 射,如 某事。」而 射。」疏當云:「自此 俟』,論某 某 事 ___ 初。」疏 而 疏無之,皆遺 疏無之。 事。」而 當云:「自此 疏 又: 無之。 盡 **「如獻** 漏 司司 也。 又:「若 射 盡 庶子之禮」,論 退退 猶 其餘諸 狹 中 **个** 篇之疏,亦 命 與 曰 筭 以 復

了,只 出 禮》下篇《既夕》云: 鄭君《禮記・禮器》「天子七月而葬,五 後題云"「右筮日。」第二節後題云"「右戒賓。」此法 截 而 章書》云:「累年欲修《儀禮》一書,釐析 士喪禮》下篇陳器曰「抗木横三縮二」云云。 附以 「陳器」二字也。 斷後一行題云:「右 朱子《儀禮經傳通 是其 傳説 書 滚作一片,不成段落,使 元來 較賈 「陳明器于乘車之西。」鄭君引之而 典禮 疏 某 尤簡 解》釐析經文,每一 淆訛處,古人都 事。」如《士冠禮 明。 重 其《答· 八 翣」。 澧案: 》第 鄭 **全** 亦 李 章 注 出 難 節 旬 於 節 굸

❶ 「獻」,原作「受」,據《儀禮注疏》改。

注

常 誤 看。 子之法。 至國 遽 記 於 本 三卷,吕大臨 此 考》,秦文恭《五禮 文公見之也。」此朱子之大有功於《儀禮》者。 而 儀禮鄭注句讀》,吴中林《儀禮章句》皆用朱 發 世 法,後來莫不由之矣。《郡齋讀書志》云:「編禮 曉 不隨 患《儀禮》難看 朝 編定之,固宜 書乃可 端於呂氏 朱子《答潘 朝 故 亦 經,而 若梳 而 非 人 今定此本,盡去此諸弊,恨不得 觀。 苏 不 馬宛斯《繹史》所載《儀禮》,張稷若 江慎修《 編。 也 助 會 洗 中 恭 注 以《士喪禮》爲本,取 間 叔》書云: 也。』《答應 得 看,便爲憸人舞文弄法,迷國 遵 疏 伯 ,以今觀之,只是經不分章, 此 禮 各爲 恭欲令門人爲之。」然則朱子之書 通考》亦皆分節 用 書 其 書 頭 「《禮記》須與《儀 法。 綱 一書,故使讀者 面 目》因 仁仲書》云:「前賢 出來,令人易看 徐健 士 朱子《通 一卷《讀 ,自朱子創 禮 禮》參 附 之」(卷 令韓 不能 禮 通 解 通 修

者。 乃得 人許 西階來,不得 臣之篚,不得 云:「取象 人在門外之東南,席在門中,故知右還北行 受命可知也。 西面,今從門西東面,主人之宰命之,故 者,以其上文有 右還北行就席。」疏云:「鄭知『東面 故 疏 面」也。」此 又 西 諾,右還 鄭、賈作 觸 知不得北 面就席 如《 處皆 觚 燕 北 篚 者東面。」疏云:「以 注作 必 見 ,即席坐。」注云: 坐 知『右還北行就席』者,以 禮》:「主 面、南 東 司 鄭 面 其 也。」如此之類,乃顯 在 西 取,又不得南 有 蹤 疏 面 時, 置 西方東 跡 面、西 取,以 一, 故 人盤,洗 皆必先 如《 知 面 面,主人在 是知 \pm 東 · ; 而 面 「東 繪圖。 面 冠 背 必 取 象 膳 取 禮 東 君 面 觚。 篚 象 而 受命」 「受命, 取、從 面 賈 南 易見 其 門東 今讀 觚 東 也 有 者 有 注 統 面

圖

東

乃 北 東 大 東 南 東 射 面,得 , 北 賈有圖 面。」疏云:「知不少南者,以其次在楅 儀 射轉 面 *: 東 揖 ,故知不得少南,皆確 居左,便其反位 揖 當次也。」此亦鄭 時,己在次西,故 以 耦 左 還, 也。 上 有 知上射少北 射 上射少 圖 不可易也。 於 ,故知少 左。」 北 注

之取 禮 面,主 之。』《特牲饋食禮 南 者,以其不背主婦,又得邪 婦 司 云:「還,左還 云『還當 射還 亦旅,西 面 《鄉飲 便可知也。《《少牢饋食禮》:「主人西面 獻 一司 婦 欲 介。」 (之東· 上耦」,上耦 射還,當上耦,西 西 酒 面。」注云:「其拜及飲者,皆 面 疏 禮》:「主人實爵介之席前 南。」疏云:「知在主婦之東 也。」疏云:「知『左還』者,經 與 궁: 上耦相 記》:「主婦及 以以 位 在司射 當,故知 介席 角相向也。』《鄉 面 作 東 之西 上 面,故 左還迴身當 耦 南 内賓、 射。」注 東 邪 ''; 西 面 射 南 西 宗 向

> 知之? 拜可 户 南面 拜,故鄭以義解之如此也。」如此之類,或 得與主人同 向,或迴身,與平直易見者不同,非有圖 云:「在 内 拜 西西 知。 拜。」疏云:「知面位如 蘉 東面 者。 面三拜餕者,餕者在 在 西 面 席者,東 蘉 面 而 者 位者,以主人在 拜,明迴身南 奠 面 舉 . 拜 於 俎 此者,以主人 在 東面 西 皆 面 南 面席者,皆 向主 答 丽 西面 答主 拜。」 人 安 了, 不 邪 在 而 注

爲二人命去侯也。」《燕禮》:「若君命皆致, 間,命去侯訖,物閒 似直爲上射命去侯,是以 之東南行,而適 順矣。今命去侯訖,乃圍下射之後,繞下射 命去侯。」疏云:「司 後,降自西階。」注云:「圍 《鄉射禮》:「司馬出于下射之南,還 西階 南行 去 馬 由 ,西向,適階降,是 并下射圍 若 下 上 出 射者,明爲二 射 物 之 閒 後 西行, 繞 立 心之,明 於 物 其 則 其 人

亦右還 還 東 唯君面尊,尊東西面酌酒似背君,故先酌 其酒尊所陳 奠于薦南。」十三字,兩湖書院校本增。 而 四,并執幂者在 進,往來由尊北,交於東楹之北。] 疏云:「以 則序進,奠觶于篚,洗象觶,升實之序進,坐 繞交錯,繪圖亦殊不易。 交。 而反。 面 酌訖、由尊北、又楹北、往君所、奠訖、右 先者於南西過,後者於北東行,奠訖, 而反,相隨降自西階。」如此類者,圍 後酌者亦於尊北,又於楹北與反者 在東楹之西,東向 南,不得南頭以之君所。 或縣蕝習之,乃知 而 陳,其尊有 注云:「序 者 又

所繪圖,更加詳密,盛行於世,然信齋創始之帙不易得,故信齋此圖罕有稱述者。張皋文不及見也。《通志堂經解》刻此圖,然其書巨楊信齋作《儀禮圖》,厥功甚偉,惜朱子

之耳。

即以

疏文而

論

···,曲而

能達、栩栩欲動

世人謂賈疏之文不及孔疏,豈其然乎?

譜,云趙彦肅所傳,蓋其人有志於禮樂之事者 者趙彦肅也。 冠、昏圖及堂室制度并考之,乃爲佳耳。二據此 當作《特牲》、《少牢》二禮圖質諸先師,先師 功,不可没也。 《儀禮經傳通解》載《鹿鳴》、《關雎》十二 楊信齋《儀禮圖》序云:「嚴陵 也 喜 曰: 「更 , 則 始 趙彦肅 爲 圖 得

物爲棋,其序云:雖戲 地以 孫通 即 然則編修之書,非即徐生之頌 十七篇,而徐生善爲頌,禮家爲頌皆宗之,頌 漢儒習《儀禮》者必爲容。 未得卒業耳。」焦里堂作習禮格,繪宮室如 畫地之法, 澧嘗試爲之, 真事半而功倍, 恨 容也。 肄 爲縣蕝以習儀,他日亦欲使家塾子弟畫 阮文達公爲張皋文《儀禮圖》序云: 禮,庶于治經之道,事半 予嘗以爲讀禮者當先 而不詭於正 故高堂生傳《禮》 乎?」 澧案: 爲 而 頌。 功倍也 奔枰,而 昔叔 一昔

此自古有之,今存於世者,惟聶崇義之圖。若夫宫室器服之圖,則當合三禮爲之,

辨。」澧案:「此不獨玉佩、劍綬、璽印爲然,凡漢以來衣冠、 則不取。 則善矣。 圖 至 讀史皆難明, 秦漢以降,逮於周隋,既多無注 (通典))卷六十三「天子諸 與 國 聶 朝 如張皋文《深衣圖》,肩上兩幅縫合,此必不然也。 諸 氏 有不能定其是非者,則兼存之。 圖 儒 而周之冠冕衣裳乃易明,賴有諸經注 ,考定其 所 繪 益精,若取《皇清經解》内諸 侯玉佩、劍綬、璽印」,自注云: 是非 "**,** 而 解,或傳寫誤舛,研覈莫 别爲《三禮圖 明知其誤者 **立疏故**

以上繪圖

儀

禮》有凡例,作記者已發之矣。

《鄉

也。」

既 飮 云,「凡侍坐於君子」云云,「凡報幣者不趨」云云,此則經文 凡燕見于君」云云,「凡言非對也」云云,「凡與大人言」云 ・記》同。 爵。 酒禮·記》云:「以爵拜者不徒作。 記》亦同。 凡奠者於 坐卒爵者拜既 此記、 左 文之發凡者也。 將 舉於右。」此二句 爵,立卒爵者 《士相 《鄉射 %鄉射 不 見 禮》 拜

之言「凡」者,然非十七篇之内凡例也。

有所因 受由便。」又《鄉飲酒》云:『受酬者自介右。』 授由 禮 時,士受馬適右受。 東,同面並受,不右使者,由便也。 命之時,宰自公左受玉。鄭云亦於使者之 云:「據《鄉飮酒》、《鄉射》、《燕禮》獻 云:「凡授受者,授由其右,受由 》:「使者受圭, 有鄭注 其右,受由其左,故云『凡』以 由,則有授由左,受由右,是以 發 瓦 而 同 賈 鄭云:『適牽者之右,而 面, 疏 辨 垂 其 繅 同 以 異 受 又賓授覿 其左。」 廣 者。 命。」 使者 之。 酢酬 \sim 皆 注 聘 反 疏

例,鄭 事酒 鄭 從 左。」疏云: 尊于户東,玄酒 궁 在 異 義 據平常行事 『尊介,使不失故位。』如 東。 也 也。」如此類、皆鄭注發凡、 「《鄉: 若《燕禮》、《大射》唯君面 飲酒》、《鄉 在 而言也。《特牲饋 西。」注云:「凡尊酌者在 射》皆玄酒 此者,皆是變 而賈 食禮》: **萬**尊,不 在 疏辨 西,

者 者。 理 賓,及《公食大夫》各以其爵,皆是當日之戒, 爲 者,非止於此。 者必先戒,戒不 圭 ,射人戒諸公卿大夫射,司士戒 凡例者。 宿 無宿也。 注 前射三日,宰夫戒宰及司 有鄭注不云凡而 是 굸 也。」《 如《士冠 又《大射》『宰戒 卑 、 觀禮 案《鄉飲酒》、《鄉射》主 必宿。」疏云:「凡 者 見 》: 「侯氏 中等, 禮》「宿賓」,注云:「 與發凡無異,賈疏 奠摰 百 人門右, '馬』,皆有 圃 官 有戒 不 有 \pm 授。」 莂 事 一人戒 坐 于 戒 與 無 申 射 奠 宿 宿 疏 贊 而 明

> 者不 凡臣見於君、『奠摯,再拜』,與此奠圭皆是卑 『奠摯者,壻有子道,不敢授也。』又《士相見》 人出門,壻入門, 云:『若不親迎,則婦 云:「案《士昏禮》云:『壻 敢授 而奠之。」如此類,皆注不發凡, 奠摯再 入三月,然後 執 拜 雁,升奠雁。」又 出。」鄭 壻 注 見。 云 無

所厭 禮 • 還璧,使者受。侯氏降,再拜稽首。」疏 「醮用酒,亦無冪者,從禮子,質也。 冪不同者,凡用 「凡冪者皆爲塵埃加 使,皆不拜送。 厭卑,亦無冪。 直云『使者左還』,不 記》:「尊,綌冪。 故也。」《覲 有鄭注不發凡,而賈疏 若卿歸饔餼,不拜送幣,亦斯 《鄉飲酒》、《鄉射》有 ₹禮 ※: 醴 ,皆不見用冪,質 ,故設之。 云拜 使者左還 賓至, 徹之。」 送 發凡者。《鄉 玉 但用 者,凡奉命 而 立,侯氏 幕 或以 故 冪 疏 者 굸 也 不 云 尊 用 射 無

異於發凡,而

疏申明之也

類 也 。 如 此 類皆注不發凡,而疏發凡者也

此 凡 夫對 禮》:「賓降堂,受老束錦 有經是變例,注 也。」此經是變例,注發凡而 云:「凡他薦俎,皆當其位之前。」疏云:「謂 執其薦,使人執俎從之,辟設 楹 西 使之餘尊,雖合降 法,主人降,賓亦降。 止不降,使之餘尊。」疏云:「凡賓主體敵之 鄉 |與《大射》獲者 燕及食并祭祀 進 之間者、皆是體敵、故《昏禮》云『授于楹閒 面 . 射禮》:「司馬受爵,奠于篚 7,北面 ,北面授。」疏云:「凡授受之義,在 立。」注云: 有 經 是 當當 變例 楣 再拜,受幣于楹間 「受幣楹閒、敵也。),鄭注 不發凡 與釋獲者薦俎辟設,不當前 之薦俎,皆當其位之前 而 不降。」又:「賓稱 今賓降,使者不降者, 一發凡 而 ,大夫止。」注 疏 疏申明之也。 而 發 疏 ,復位。 于乏南。」注 凡者。 申明之者。 南 賓 面 語、大 (亦振 獲者 退, Ξ 於 \Rightarrow ",唯 聘 又 兩

例最詳 也,南 當東 不在 北 受。』注云:『於堂上,則 而授。 疏發凡者也 以君行一,臣行二。』又云公禮賓,賓『受幣 中堂與東楹之閒」,鄭注云:『東楹之閒,亦 夫,故訝受。又前致饔餼,殯使者于楹 之閒,或有訝受者,皆是 授。』此是敵者之常禮 南 在 云:『振幣進授,當東 云大夫南面,賓北 兩 面 面」,注云: 楹 楹 授幣,鄭云 楹之閒者,皆非 **,**特備録之。 面並授 閒,别相尊敬。 是 北 面』,注云:『亦 以《曲 也。」謂 『授于楹閒 賓 此皆經之變例,注不發凡而禮 北 面 敵 賓主 楹 授,雖 面 也。 是 法,就文解之。」此疏釋 授,尊君之使。 北 相尊 『鄉 ,明爲 俱 以 俱 訝受。』又賓覿公 面。』如此之類,不 雖是敵者於兩 南 是敵禮,是尊 前云公「受玉 至 敬之法 與 面 合好 楹 ''; 禮 客 閒 並 了, 其 敵 南 閒, 自 然 者 則 節 面 于 餘 大 賓 此 楹 並 後 並 同

五四

云

饗

禮

時,主人升一等,賓乃升,自卒洗之後 若《鄉飲 束帛儷 例,即無異發凡也。《士冠禮》:「主人酬賓 西」,不言面 也。」《燕禮》:「降席,坐奠爵,拜告旨。」注 人勞侯氏,使者不 拜訖 敵者,賓 『亦欲 「降席,席 唯《聘禮》公升二等,賓始升者,彼注 有酬 「主人以 「上介奉幣,皮先,入門左,奠皮。」注 執皮者奠皮以 賈 皮。」疏 酒 則告旨。」此二條 帛 疏 君 》、《鄉射》皆主尊賓卑,故 主 不云凡,而 ,案前體例降席 則多。」此 行一,臣行二也。』《覲禮》王 俱升,若《士冠》 西也。」疏云:「鄭云『降席、席 賓 (升。)疏云:「禮 「此禮 讓,先升者,奉王命尊故 有不敢授之義。」疏 疏言同, 無 賓與 異發凡者。 疏,言通例,言體 ,席西,拜者皆 饗 與此文 即 之通 禮 例 也 同 初 **企** 例,賓 是 亦 至之 但 云: 《聘 也。 爲 使 俱 昏 南 禮 》: 柶 賓,賓北 射》酬酒 建

궁

面

升。

主

有

皆文不具。《聘禮》賓不言拜者,理中有拜 禮子并醮子,及此下禮婦,不言坐奠觶遂者 奠。」此段疏屢言,亦其 稽留,故由 奠之,則《冠禮》禮子亦南面奠之。 取席之正。 於薦左,明皆升席,南面奠也。 《士昏禮》:「賓即筵,奠于薦左。」疏 東」,注云:『奠于薦東,升席奠之。』此云 奠于薦左,不言面位。 執之,亦皆東,不奠於地。」此疏言亦 「案享時庭實使人執之,《昏禮》庭實 燕禮》、《大射》重君物,賓祭酬 ·興,坐奠鱓,不復興,遂因坐而 面奠者,以公親執束帛待賜己,不敢 不祭不舉,不得因祭而 柶 便疾 又祭酒亦皆南 興,坐奠觶 北面奠之也。 ,遂拜。」疏 例最通 下 面 贊 並 《鄉飲酒》、《鄉 禮 貫矣。《士 必南面奠者 奠於薦 酒 拜。 婦 因祭酒之面 i,故亦· 《聘禮》禮 真 即 ^念冠 云:「此 亦 東 例 于 使 因 南 也。 也 可 建 昏 奠 薦 面

例 知 具 豈 也 熟於禮 至 此 要哉 例 可 知 則 可 以 據 例 例 知 以 之 補 也 經 禮 經 之有 文 不

重複 補之。 圖。 賈之學,大 即 足 變 注 書合鈔》,如此則《儀禮》真不難讀。 禮》經文,依吳中林《章句》分節寫之,每一節後寫張皋文之 例, 以 凡 作 又以淩次仲《釋例》分寫於經文各句下,名曰《儀禮 例 互 疏 綜 究其因 朱子云: 也 倫類若通,則其先後 而 相 發 注 論之,鄭、賈熟於禮 有 近 精 明。」《答陳 由 助 時 而 《儀 於 則 簡 且 讀 淩 經 疏 氏《禮 此 禮 才 有 則 卿 經者· 雖 書 不 詳 惜乎,爲之而未成 經釋例》善 彼 難 具 而 經之例,乃 矣。 此 此 讀 者 密,分 所 澧嘗 展 然卻 亦 轉 謂 可 析 欲 參 承 倫 取《儀 能作 多是 常 以 也。 鄭 類 照 例 例

韓

昌

黎《讀儀

禮》云:「

掇其大要,奇辭

以

上

釋例

思其義也」。 規之也。 禮》者,尤當 掇爲一編,當 之,然賈疏每 奥旨 必提其要」也。 著 掇奥旨, 于 篇 如 ,即《送陳密序》論習三 無 此。 掇 異 節 昌 其 於昌 黎著于篇 所言之事 昌黎掇奇辭,欲於作爲文章, 大 要者 黎所云矣。 , 即 者,今不 即 禮 所 所謂 大要 謂 「誦其 初讀《儀 也。 得 記 而 事 面 見 者

跪,爲 身梳 裳,夕用上士玄裳,中士黄裳,下士 玄裳,士子皆隨 西 冠身立于東房,賓揖 階 冠 疏 階 也。 上,近主人之北,又 至第一等,受取緇 頭著纚畢,賓洗手,爲 郊特牲》: 冠身著 「按《士冠禮 至冠日 冠 賓至,而 其 畢 \equiv 父 一二加 加 朝 冠 冠 設 主 彌 身 夕之服 身 布 笄 7起,人 人設冠身之席于 尊,喻 出 者 正 冠 纙 就 髻。 謂 櫛 位 還 朝 東 冠 其 具于席 ,佐冠爲 正髻畢,往 至 雜 用 房 時三徧 志 冠 玄衣 也。 著 席 玄 南 雜 素 端 冠 阼 孔 前 加

冠,然後又著爵弁。其儀皆如緇布冠也。」此下西階至第二等,受皮弁冠。還,爲冠身著玄裳也。畢,又揖冠身出就位,就位畢,賓又裳前玄後黄,若大夫以上至天子,當同上士

舅席。 受醴畢,取脯 婦 卒食,一 室,共席 席于户牖間 席于房外,南 後,夙興,贊見婦于舅姑。 階,授之室也。」 孔疏云: 亦 、即席餕姑之餘,卒食,姑酳之。」 此疏所掇 頗 簡 郊特牲》:「舅姑降 明 又執殿脩,奠于姑席。 酳,席于 于 奥,婦盤 ,降,出授人于門外。舅姑入于 面,姑即席。 **贊者酌醴以醴婦,薦脯** 北墉下。 饋 特豚,無 「按《昏禮》既昏之 自西 婦執笲棗栗,奠于 婦 席于阼,舅即席 徹,設于 訖,贊者醴婦, I階,婦 魚 腊 不, 無 降 醢 席 自 稷, 前 婦 阼

《通典》掇取《儀禮》,然如諸侯大夫士

所謂 《特性饋 删 冠,卷五十六。 節 掇其大要者亦不易 又如 食禮》、《少牢饋 諸 掇《士冠禮 侯 大大夫 士宗 食禮 也 **>** 前 未能 》,則 廟 簡要,尚 又太簡 四 十八。 掇 叮

以上掇要

即

所謂掇其大要者也

降自 取 孰能知之? 禮》,欲撰 禮》難讀,欲撰釋例之書,又以禮莫精 子孫也。 釋例則淩次仲爲之矣。 獨《喪禮》也。 云:「冠必筮日於廟門者,重以成人之禮、成 ·筮於廟門」四字,而禮意精細如 觶,不祭,遂飲。」注云:「少立,自正,慎 西階,階間 既明禮文、尤當明禮意。 不於堂者,嫌蓍之靈由 禮意之書。見《笥河 又如《鄉飲酒禮》:「司正實觶, 如《士冠禮》:「筮于廟門。」注 北 面坐奠觶,退共,少立。 禮意則鄭注最 集》子 朱笥 廟神。」夫 此,非 錫 河 庚 所 於《 以《 精 鄭 撰 ···**,** 非 坐 序。 喪 儀

位 可 人之意。其深微至此,得鄭注而神情畢見, 少立,實難知其何意,讀鄭注乃 謂抉經之心矣。 也 帥 而 正 孰 敢 不 Ē 此 知正己以帥 司 正 拱 手

也。 《喪大記》:「主人二手承 傷生,使之更哭,不絶聲而已。』《既夕禮》: 帷。」注云:「緣孝子之心,欲見殯肂也。」尸 鄭注發明喪禮之精意,而《禮記》注尤多。 朝葬,日中而虞,不忍一日離。」如此之類,乃 子云:「曾子讀《喪禮》,泣下沾襟。」讀鄭君 氣無所不之,孝子爲其彷徨,三祭以安之。 「三虞。」注云:「虞,安也。 之注,真欲泣下沾襟矣。 ·大夫之喪,將大斂,君即位于序端。 哀 慕若欲攀援。」《雜記 孝子始有親喪、悲哀憔悴、禮防其以死 士喪禮》:「代哭。」鄭注云:「代,更 《喪大記》又云: 2 金而 上》:「朝夕哭不 骨肉歸于土,精 哭。」注云: 卒斂, 如

> 斂竟 君 手足也。讀之亦使人泣下也 亦沈摯,古之君臣情重如此! 撫 而君以 之。」孔 说 流云: 手案尸 君 , 與之別也。] 此 臣 情 重 方爲 所謂 疏 分異 説 視 臣 了; 故 如

《穀梁傳》云:「禮,送女,父不下堂,母不出 疏明之,亦可謂心知其意者。 釋禮意、問禮意,亦可謂善於禮矣。 國體也。古之人重死,君命無所不通。]楊疏 在祭樂之中,大夫有變,以聞可乎? 人,叔弓卒。 言。」」楊疏云:「傳并釋禮意,故與《士昏禮 慎從爾舅之言。]母戒之曰:『謹慎從爾姑 祭門,諸母、兄弟不出闕門。 父戒之曰: 『謹 云"「言可乎,問言禮意。」澧謂:《穀梁傳》 本文不同。《昭十五年》:「有事于武宫。籥 言。」諸母般,申之曰:『謹慎從爾 《春秋》桓三年:「公子翬如 去樂,卒事。」《穀梁傳》云:「君 齊 父 楊疏能 大夫, 逆女。」 母之

以上明禮意

之初 求之。 徒憚其 乎 ? 彷彿 竟 鄙 爲彬彬矣。 周文郁郁,其斯爲郁郁矣。 之容,如可睹也。 之,讀已又默存 已耳,莫測其所言者何等也。 秋》,其義在 千」,皆周公以孝治天下之實事,節文度數、 止 僿 戴 讀之也 ,不幾於望辟雝之威儀 張 噫 無所肖似 愚又 弁 氏 難 也 垂 爾 雖不可施之行事,時一神往焉, 謂禮之本在《孝經》,其法在《春 一。」按:學者治禮,當依張氏 愚則幸矣。 紳,從事乎其閒,忘其身之喬野 遥 岐《 《禮記》。 望光 儀 而 也。 禮 忠厚藹惻之情,如將 心歷之,而後其俯仰 氣,以 鄭注句 使當時 蓋「經禮三百,曲禮三 願世之讀是書者,勿 爲 讀 遇難 君子彬彬,其斯 非周、孔 而 及其矻 ②序 卻步不 而 日 止,止 莫能 矻 「方愚 遇 . 前 此 揖 乎讀 也 遜 説 者 而 爲

義》、《鄉飮酒義》、《射義》、《燕義》、《聘義

人神之學。

禮之所尊,尊其義,《冠義》、《昏

《覲禮》可以見天子之孝,燕、射、聘、食可 委曲 非,《禮經》以一字同異 行,而人心 上,不好作亂 必稱其先,尊尊、親親、長長、賢賢則不 見卿大夫、士庶人之孝。 見諸侯之孝,冠、昏、喪、祭、射、鄉、相 繁重 一,無非愛人敬人之意所彌 Œ 矣。 而天下平。 《春秋》以一 正 故禮必 名分,皆聖人精 非法不言,非道 字褒貶 行諸 見可 綸 廟 決 好 是 義 不 犯 辭 以 以 故

舞歆動 求經文,則非惟 説喪禮之義。 《朝事義》、《祭義》、《祭統》、《喪服 誦 之大義。 年問》、《閒傳》、《檀弓》喪禮,哀戚之至也。 之而 不厭 、油然自生其忠孝仁義之心。 其 誼 《問喪》等篇,皆孔門七十子言禮 ,而變化氣質,陶養德性,有日 理之精,文辭之美,使讀 不苦其難,將好之樂之,終身 四 制》、《三 據記 者 章專 遷 義 鼓

五九

明例第

禮經

治《禮經》,其學乃精。據《禮記》以讀《禮經》,其學乃有本且有用。以治《春秋》之法善而不自知者。是故學者本《孝經》以讀《禮

經》,其學乃神。

560

芫 弼 學

道 《覲》之禮,因夫婦之道而制爲《士昏》之禮, 善者,學也。所以貫其學者,禮也。是故聖 者,性也。 因長幼之道而制爲《鄉飲酒》之禮,因朋友之 爲《士冠》之禮,因 固有者也。 長幼有序,朋友有信。」此五者,皆吾性之所 教以人倫,父子有親,君臣有義,夫婦有别, 人之道,一禮而已矣。 淩氏 制爲《士相見》之禮,自元子以 而習焉,長而 廷堪《復禮》曰 性之所 聖人知其然也,因父子之道而制 、固有者,善也。 所以 安焉。 君臣之道而 孟子曰:『契爲司徒, : 「夫人之所受於天 禮之外,別無所 制 爲《聘》、 至 復其 於 庶 謂

學也。 之當義也,則爲堂廉拜稽之文以達焉,其禮 《士冠》可賅也,而於《士冠》焉始之。 曰"『非禮何以復其性焉?』是故知父子之 非禮 也。 非《聘》、《覲》可賅 當親也,則爲 中節也,非自能中節 哀樂之未發謂之中,發而皆中節謂之和。」其 溢於情,而不及者則漠焉遇之,故曰:『喜怒 由乎情以達焉者也。 朋友當信也,五者根於性者也,所謂 也,君臣當義也,夫婦當別也,長幼當序也, 達焉,其禮非《士昏》可賅 而其所以親之、義之、別之、序之、信之,則必 知夫婦之當別 以節之,則 性 本 **夫性具於生初,** 至 中,而 醴醮祝字之文以達焉,其禮 何以復其性焉。 情則 也,而於《聘》、《觀》焉 也,則爲笄次帨鞶之文以 非禮以節之,則過者或 也,必有禮以節之,故 不 而 也 能 情則緣性 而 無 過不及之偏 於《士昏》焉 父子當親 人倫也。 知 君 加 有者 始 臣 非

要旨第一

以

始之。 外乎是矣。 幼、朋友也 於《士相見》焉始之。 授之文以達焉,其禮 酒》焉始之。 禮之於性 也,非築氏之鎔鑄 而推之,而 威儀三千。』其 士昏》、《鄉 達焉 復 也 不能爲 不 日 能爲 舍禮 性也,是金 知 之爲 量焉。 而 一、散焉、非輈人之繩墨不能 長 也,亦猶 禮 五禮舉不外乎是矣。 其篇 可 幼之當 飲酒》、《士相 知朋 非《鄉 即 轂、爲轅 、事蓋不僅父子、君臣、夫婦、長 以復性也,必如釋氏之幽深微 一之爲 其大者 良材之在 亦不 是而已矣。 不 友之當信 飲 序 能 削、爲量 非《士相 **以酒》**可 ·僅《士冠》、《聘》、《 《 記 》 曰 也 茅 爲 丽 必 削焉 則 見》也。 推之,而百行舉 Щ 賅 待 爲 也 也,非 不必 見 : 如 也 盥 規 『禮儀 影可 非 則爲 良金之在 一,而 日 洗 矩 即 待鎔 桌 舍禮 輪 酬 繩 賅 於《鄉 爲轅焉。 雉 其 氏 人之規 酢 三百, 墨 也 之模 覲 存 鑄 腒 之文 而 也。 ,而 朩 丱 模 者 奠 飲 可 微也, 性 受天 莫顯 哉 以 井 義 油 眇 而 君 威 ! 而

範

矩

範

如

以

一人不 既見還贄,而朋友之信昭然矣。 時,上以禮 酒之禮,自始獻 至於徹饌 士冠之禮,自三加以至於受醴,而父子之親 然矣。 !然矣。 復其 ,率性之謂道,修道之謂教。] 夫其 地之中以 乎微 臣 儀 後 蓋 而 一之義 囿 之則 性於禮 可 禮則顯 性 學聘 成禮,而夫婦之别判然矣。 於禮,無一事不 學士相見之禮 0 爲 故 至 若猶是 秩然矣。 以定 、教也,下以 隱 君 生,所謂 而 覲之禮,自受玉以至於親 焉 也, 以至於無算爵, 子 不自知焉。 命 者也。 慎 聖人之道 而 也 學士昏之禮 其 禮 i'。」故 命 ,自初見 獨 則見 禮爲學也。 故 也 依 也。』三代盛 日 티 : 於禮,循 也 劉 焉 是以 康 『莫見乎 吅 者 一天 執贄 蓋 則 一,自親 公曰: 長 也 有 舍禮 至 學鄉 /所謂 命 君子 幼之 循 天 動 以 Ŧ. 之 焉 下 迎 性 奚 作 至 序 之 禮 飲 以 學 謂 民 無 於 由 日 至

562

則

小 功 布

之制論之,昆弟,親 本也,故曰:『仁者,人也,親親爲大。』亦有 也。」此道與德不易之解也。夫人之所以 子也,夫婦也,昆弟也,朋友之交也,五者天 賢爲大。親親之殺,尊賢之等,禮所生也。」 從父昆弟之服則大功布衰裳九月,從祖昆弟 也,故曰:『義者,宜也,尊賢爲大。』以喪 人者,仁而已矣。 曰:『仁者,人也,親親爲大。 幼有序、朋友有信是也。 **,**禮也,即父子有親、君臣有義、夫婦有别、 與義不易之解也。又曰: 『君臣也,父 而其人爲賢者,則尊之,從其 知、仁、勇,三者天下之達 衰 明 故昆弟之服 裳 凡天屬之親則親之,從 入人倫 五. 也,從父昆弟則次之,從 月,所謂親親之殺也。 也。」 故曰:『學則三 則疏衰裳齊期, 義者,宜也,尊 又曰:「《記》 服 宜 其 德 爲 義矣。 禮以行之,孫以 以 禮也者,所以制 仁外求義 義,而大義 曰:『漸民以仁,摩民以義,節民以禮。』 然則 『父子親,然後義生。 雖先王未之有,可以義起也。』《郊特牲 曰:『禮也者,義之實也。 生,禮因義而後生,故曰:『君子義以爲質 尊賢之等,義 之等,禮所生也。』親親之殺,仁中之義也 聖人所制之禮 長升受,有薦 肩,獻介則共階,其 之,其衆賓又次之。 鄉飲酒之制論之,其賓,賢也,其 烏覩先王制禮之大原哉? 了復於義外求禮,是不識 亦 而無俎 可 中之義 也。 仁義之中 以 出之,信以成之。』《禮運 滅 故曰:『親親之殺,尊賢 俎用 親。 故獻賓則 義生,然後禮作。』董子 也。 所謂 也。 肫 後儒 協諸義而 是故 尊賢之等也。 胳;

此

仁

下之達道也。

長

分階,其

俎

用

介則

次

獻衆

賓

則

其

代共之,皆所以

者

非天

屬之親

祖

昆

弟又次之。

故

至親

口

以

揜

不

知,

往往於

仁且

不識

協

",則禮

義因

仁而後

經

六四

薄矣。 之制 之而 也。 所同 昆 是故禮也者,不獨大經大法悉本夫天命 者以之。 者以之。 子之行禮也,本之知、仁、勇三者,皆爲斯人 而 適於治之路也。』天下之達道是也。若舍禮 五者,皆爲斯人所共由,故曰: 『道者,所 則謂之不及。 獻介、獻 弟之服 而 别求 弟之服 出 禮 協於中,庶幾無過不及之差焉。 之,即一器數之微,一儀節之細,莫不各 若舍禮 得,故曰:『德者,得也。』天下之達德 所謂道者,則杳渺而不可憑矣。 也,本於君臣、父子、夫婦、昆弟、朋 服從父昆弟、從祖 蓋 衆賓,則 故 服昆 德無 道 而别求所謂德者,則虚 曰:『苟不至 無 蓋聖人制之而執其中,君子行 弟,以獻介、獻衆賓之禮獻 象 洂 謂之過。 也 也,必藉禮 必緣禮 德,至道不 昆弟,以獻賓 以從父昆弟、從祖 爲 而 著 依歸 見 懸 夫聖人 凝 而 而 丽 為焉。」 之禮 而君 民 行 制 無 賓 禮 由 彝 禮 所 是 友

非禮不 平且易也。 新 廣大而 者,禮而已矣。蓋修身爲平天下之本,而禮 身以道,修道以仁。』即就仁義而申言之。 之原於性,所謂 又爲修身之本也。 又曰:『非禮不 意,則正心不 行之出 盡識者矣。 格物之學也。 始』是也。 有 『自天子以至於庶人,壹是皆以修身爲本。 禮所生也」,是道 ,敦厚以崇禮」。」 精義彌綸於其閒,所謂『物有本末 盡精微,極高 成。』是故『君 於誠,所 格物者,格此也。 蓋必先習其器數儀節,然後知 其所以節性者,禮焉爾。 · 當 若泛指天下之物,有終身不 動,所以修身也。』又曰:『修 在 謂 致知也。 誠 實禮也。 誠 \sim 子 明 曲 意之後矣。 意 又曰:「聖人之道,至 尊 而 禮 也。 知其原於性,然後 道 德 》曰:『道德仁義 中 性 《禮器》一篇,皆 然則修身爲 若 庸 而 舍禮 温故 道 《記》 問學, 事有 而言 是故冠 而 日 知 致 本 曰 誠 禮 能 終 也。』文章、《詩》、《書》、執禮

也。

性

|與天

道

非

道所以萬世不易者,此也。子所雅言,《詩》、 仁。』請問其目。 底於成,下者亦漸 善,頑者有所檢束而 書》、執禮。 顔淵問仁,子曰: 『克己復禮爲 一籩鼎俎 安焉。 禮 可 ,有物可稽也。 勿 循 曰:『非禮勿視,非禮勿聽, 漬 也。 動。』顔淵曰:『夫子循循 而 不敢爲惡。 其秀者有所憑 可以 揖 讓 勉 升降,有 而 使天下之人 上者陶 至。 聖人之 而 儀 淑 可 而 於 少 按 於杳渺 不能託: 其心,三月不違仁。 不 也。其所以復性者,復於禮 「不學禮,無以 日克己復禮,天下歸仁焉。』 也。」顏子由學禮而後有所立,於是馴 有所立,卓爾』,即立於禮之立也。 可 得 諸 而不可憑,迨至博文約禮,然後曰『如 而 空言也。 聞 即 立。』又曰:『不知禮 具 (於《詩) 顔淵見道之高堅前 其所以不違者,復其性 》**、**《 書 》**、**

無

以

立

丽

致之

故

日

也

豆

而習焉,長

而

昏

飲

射

有

事

執

禮

之中,

後

幾

吹笙、擊鼓以爲樂,而 之所奉行者也,其刑罰之條止於二千五百而 司 以待獄訟常有餘,豈今之有司常愚而 施於民者,不過歲時 而成,獄不省而 上不急乎其下,而下無 常智歟 張氏惠言《原治》曰:「古之治天下者 ? 其 民 措。 與上 讀法而 其 知仁、聖義、中和 逸 所 相接者, 也 拂乎其上,政不令 틴 如 此 是亦 飲 ! 酒 ?今有! 其政之 、習射、 古之有 之德, 司

也。

書》,博文也;

執禮,約禮也,孔子所雅言者

者,惟禮

焉爾。

子貢

曰:『夫子之文章,可

得

而

聞

也

夫子之言性與

天道,不可得

而

聞

淵大賢,具體而微。其問仁與孔子告之爲仁

仁者,行之盛也,孔子所罕言者也。

顔

無以爲教也,賢人舍禮無以爲學也。《詩》、

然善誘人,博我

以文,約我以禮。」聖人舍禮

非禮勿言,非

六五

也。

故

六六

遂,而 接焉。 事 孝 揖 制上下之分、親 之婚姻冠笄、喪服祭祀、賓鄉 欲,而亦有惻隱、羞惡、辭讓、是非之心,故爲 喜怒哀樂之情,即有飲食男女、聲色安逸之 原情而 之湻而 中 深,而服之也易。 皆有以範之,而不知其所以然,故其入之也 可貴者,鄉黨州間之子弟常出於其閒,其化 於禮教者? 而 5,皆後、 友、 讓升降之數,使之情有以自達,欲有以 無 國之音則駭 所 仁義禮智之心油然以 睦 售。 民 俗之懋也又如此。 爲之節,因 之學 婣 自 日 彼其習於鄙陋 土 任 其有奇衺放恣之民生其閒 而 用 天 卹 疏之等、貴賤 視。 飲 事 夫所習焉 之 夫蠻粤之人生而侏離 食知 丽 行 被髮文身之俗 爲之防。 禮 能所及,思慮所造, 者 蓋先王之制禮也, 樂、 丽 生,而邪氣 猶 長幼之序、進退 相見之禮 難 射 如 民之生固 成成焉。 此 御 **而** ,資章甫 書 , 因 況習 不得 數 有 聞聞 自 有 而 以 之

之所宜 旅、田 禮 擾 能 後有知仁、聖義、中和,是故其人材成者可得 孝友、睦婣、任 君臣、長幼、上下,然後有孝弟忠信,是故軍 後有羞惡,是故 權禮之所禁而輕重之,以繩不合者 官有司者奉禮以章其教而布之民者也,度禮 者制禮以爲天下法,因身率而先之者也。百 者,型此者也。 而 也甚繁,而其行之也甚易。 非其民獨厚,其理自然也。 不 也。 ,故知有父子、君臣、長幼、上下。 施 怪 一道 之也 且 役之事 德、同 民習於禮,故知有是非。 而 駭 · 屏之而 甚博。 申之,以民所常習 |風俗| 可得 樂也者,樂此者也。 卹。 K 賞 罰 無 政也者,正此 至於數十百年 而 所 有孝友、睦 使 容 미 也。 得 者乎 而 是故先王之制禮 民習於禮,故有 其操之也 ,故政不煩 1 用 婣 者 也。 故 M 有是非, 任 也。 先 1,故刑 不遷者 知父子、 民 是故 王 卹 甚 2習於 刑 所 也 不 君 也 以

之煩 禮。』 其 所 其 幸 然 代 無 制 後之君子 水之所 不 有 知求之,知上之有以禁我 而 也 所 也,施之以禁 其 以 能 司見其然,於是多 用 至不 禮 也。 以 循 'n 下 逃 而 習,動 自 能 丽 不 然者,豈非其人之大不幸歟? 所以 而 惡其 可 則 逃 去 故 來 抵 一、不抵 不 而 勝數,以 也 曰 : 而 于 小 事 風 然,不治其情 無 ൬ 法,吏當之死而不敢 一禮 治不數見,而 也,令之以政而 俗隳、國家敗者,未之有 壞國 于 所 不 法則 /爲刑 止 治 法 知其所以失也,民 破 亂之所 守, 其 家 又莫之問 不幸 也,則各以 辟 不勝 亡人,必 以 而 由 大亂 而 束縛之,條律 罪 其欲 不知其 不 其 欲 生,猶 也 (許相) 能 先去 不 怨。 而 也,不 逃者。 止者 此三 雖 行 各 所 防 遁。 也。 其 其 以 由 而 丽 止

矣,盛矣,言盡於此而已乎! 夫民習于禮則案:淩氏、張氏發明禮教,言則大矣,美

以 力政 成城 也。 視君 君 則 知 本 其力,精誠之至,愚者且明,儒者亦强 分定,章志貞教,何誨盜 敷? 振 親 知 有 之,國家 了,何蠻· 親知 同 親 丽 有 人人親其親,長其長,則人人同其 之難 爲 君 仇 了, 知 不義者,天下之所共 夷 有 恥足以 敵 而 寇賊 有君 親 愾 不 則知 知深勇沈 之敢侮? 顧者,天下 興之,爲政先禮 則 知 所 以 所 誨淫之足憂? 安其親 以 衛 思患豫 故 ·之所共 撃 其 日 也。 君]: 物 ,禮其政之 民習 防 棄不 其 其 有 八心,奮 禮 有 恥 强 衆 于 足 達 禮 學 敚 漠 背

數、祝 所 又 祭,尊於朝聘,和於射鄉,此禮之大體
 Image: Control of the 以治天下也。」 記》曰:「夫禮始於冠,本於昏,重於喪 史之事 「禮之所尊,尊其 也。 知其義 義 而敬守之,天子之 也,失其 義, 也。 陳 其

《士冠禮》第一。鄭《目録》云:「童子任

四民世事,士之子恒爲士。」

世於諸侯。天子之士,朝服皮弁素積。古者職居士位,年二十而冠,主人玄冠朝服,則是

也,授明師以成其技。十九見志,請賓冠也,授明師以成其技。十九見志,請賓冠上有識也,必嚴居正言以先導之。及其束髮仁之愛以畜養其子,撫循飲食以全其身。及仁之愛以畜養其子,無循飲食以全其身。及

教。 傳》曰:「入小學知父子之道、長幼之序,入 學,學先聖禮樂,而 書計之事,始知室家長幼之節。十五 子則子。」朱子謂:「古人自能 大學知君臣之義、上下之位,故爲臣 質。」《語類》。 漢書》曰:「八歲入小學,學六甲五 歲 有 歲之功,至二十時 惟 知朝廷君臣之禮。』《書大 然,故可責以成人之禮 食 ,已養 能 言 則臣,爲 入大 (成聖 即 方 有

而冠之。

冠以飾首,别成人也。」 五常,莫不貴德。 示成禮有修飾文章,故制 《白虎通》曰:「所以有冠者何? 人懷

心,而 子成· 尊其 既 成顯令之名也。 象,而内心不變,内心修德,外被禮文,所以 君子始冠必祝,成禮加冠,以勵其心。 束躬以自申飭,所以檢其邪心,守其正意也。 以修德,又以正容。 、瞻視、儼然人 人必 説苑》曰: 衎 衎 冠帶 於進德修業之志。 以 是故皮弁素積,百王不易, 行 冠者所 望而畏之,斯不亦 事 ,棄幼小 孔子曰:『正其衣冠, 以 别 ·嬉戲、惰 是故 成 人 也 服 威 。 修 故 圃 不 慢 成 君 道

猛乎?』」

體正、顏色齊、辭令順,而後禮義備,以正君禮義之始,在於正容體、齊顏色、順辭令。容《記》曰:「凡人之所以爲人者,禮義也。

容體 和 臣、親父子、和長 而 正、顏色齊、辭令順,故曰 後禮義立。 幼。 故 冠而 君臣 後 正、父子親 服 冠者,禮之始 備 服 備 長 而 幼 後

告賓。 三日又筮賓,筮賓之明日宿賓,又明日 《冠禮》。 冠期: 前事 將冠,先筮日,次戒賓,至前期 ,凡五節。 「爲期,

也。

是故古者聖王重冠。」

曰 不重與? 少者之禮行焉。 禮焉者,將責爲人子、爲人弟、爲人臣、爲人 日 "「成人之者,將責成人禮焉也。 于廟門者,重以成人之禮成子孫 可以爲人,而後可 筮日節 故孝弟忠順之行立,而後可 「筮于廟門」,注曰:「冠必筮 將責四者之行於人,其禮 以治人也。 故聖王 也。」《記 責成人 以 爲 可 重

者 有 戒 賓 事 則 節 樂 與賢者歡成之,有凶事 注 □ : 「賓,主人之僚 友。 則欲 古 與

賢者哀戚之。」

所以敬冠事。 者恒吉。 筮賓 《冠義》曰: 節 敬冠事所以重禮,重禮所以爲 注 日 : 『古者冠禮,筮 筮 其 可 使 冠 日筮 子

者,賢

國本。」

節。 畢,賓醴冠者,冠者見于母,賓字冠者。 次迎賓及贊冠者人,乃行三加之禮 三加爲三節。 冠至期,先陳設器服,次主人以下 而冠禮成,賓出矣。 即 加 位

事 尊重 曰:「重冠,故行之於廟。 下」,注曰:「玄端,士入廟之服 所 即位節 以自卑而 事。 尊 重 尊先祖 事 「主人玄端爵鞸,立於 而 不 也 敢 擅 行之於廟者,所以 重 事。 也。」《 不敢 阼 擅 階

北 北」,注:「東序,主人 ,避主人。」漢匡衡上疏 始加 節 「主人之贊者, 筵于 八位也。 適子冠於阼,少 三臣 聞室家之 東序 少

大夫士 酒。 列 冠 道 階,婦降自阼階矣。 位 蓋 王 於 外也。」凌氏曰:「冠禮,適子冠于阼,庶子冠 子娶則父年六十,母年五十。 成人,漸有代親之端,故冠於阼以 丽 之身,瞻依、怙恃、定省、饋養之日,去一日則 人子於此 《記》曰: 也。), 所 慮 制 香。」「 房 已,乃中心與之殊異,故禮探 修 外。 禮,於適庶之分最嚴,故于冠昏首重之, 此適庶之分也。 其啓争也。」此一義。 以 則 至昏 有家,傳重及承重者,始爲宗子。 適子冠 貴 天 當 昏禮,適婦酌之以醴,庶婦醮之以 『適子冠於阼,以著代也。』蓋二十 正 下 有愴然不安者,然主人尚未 禮 體 · 理 婦見 | 手作 得。 而 明)舅姑, 人年三十娶而有子,至 嫌疑也。 · 禮之用 故《詩》始《國 封建之世,諸侯有 《禮 而舅 醴 非 人無 經 ,衆子 姑先降 其情 虚 校 風》,禮 百年不 加 著其義 釋》曰: ,不得 面 其 自 離 見之 禮 國, 先 其 敝 西 與 文 本

也。」按:此 祝 所以致潔。 足。 爲人子者不可不發深省也!」此又一義,相 則於冠子、饗婦之日,已早見之。事有必至, 時 堂,反諸 遣奠而贈制幣,父母而賓客之矣。 故 孝?』故 少 三等,以 加,受冠,降一等。再加,降二等。 日 「始冠,緇布之冠也。 雖欲致其 也。 _ 之誠,而使之及時 日 胡 迨喪禮大斂,殯於西階,三月而 賓盥」,陳氏祥道《禮 服 曾子 氏 其所作。 禮於冠 曰 : 彌 所謂 降盥,降受冠弁,所以 一日之歡,尚可得 尊、故 Ė 「賓特正其容儀,爲冠者取 _: 『親 昏 身教。 婦人於室,反諸其 著 降彌 以養,冠昏不用樂,職 此 大古冠布,齊則緇之。」 戚 義 既 下也。」 所 没,雖欲孝, 「乃冠」。 書》 以 乎? 深 日 致 動子 : 三加 「進容, 反哭,升 記 所養,此 「賓 敬。 而 其 日 婦 誰 兼乃 始 法 : 是 愛 爲

注曰:「重古,始冠冠其齊冠。」

「冠者興

適房,服玄端爵鞸。出房,南面」,注曰:「一

加禮成,觀衆以容體。」

者,再加彌成,其儀益繁。」 再加節 「容,出房,南面」,注曰:「容

者,欲其德之進也。」曰:「三加彌尊,諭其志也。」注曰:「渝其志三」三加彌尊,渝其志也。」注曰:「渝其志三加節」「賓降三等,受爵弁,加之。」記

也。」凌氏曰:「適子或醴或醮,皆于客位。」有成也。」注曰:「所以尊敬之,成其爲人有成也。」注曰:「所以尊敬之,成其爲人不。」

隨母 也。 之闡門外待之,蓋父母共以成人之禮成其 油 釋》曰:「冠禮,父入廟行禮,母離寢 兄弟隨父而立於堂下,以觀禮。姑、姊 與爲禮也。」案: 見母在闡門之外。《校 生 而待於寢門内。」讀此經,令人孝弟之心 見母節 又 曰 : 《記》曰:「見於母,母拜之,成 「父母生子,自呱呱 丽 在 子 廟

親、立身、孝敬之心。」如此! 母拜,與爲禮,亦所以深動人子事之,冠畢,即急見母也。聖人制禮,曲達人情而後,無一刻不望其長大成立。故冠禮父主

有字何? 所以冠德、明功、敬成人也。」人,益文,故敬之也。」《白虎通》曰:「人所以名也。」注曰:「名者質,所受於父母,冠成名也。」注曰:「名者質,所受於父母,冠成

兄弟,兄弟拜之,成人而與爲禮也。」 者,鄉飲息司正,祭禮儐尸,冠禮 子之於人,勞之必 一也。」「冠者見於兄弟」。《記》曰:「見於 賓出節 請 醴賓」。 有以禮之。 陳氏 故 祥 醴賓,其義 道 香禮 曰:「君 享送

曾子問》曰:「父没而冠,則已冠,掃地而祭

見君、見卿大夫、郷先生。《記》曰:

「以成人見也。」

而從之以財貨曰酬,所以申暢厚意也。」體賓節「主人酬賓」,注曰:「飲賓客

冠,次見母權法。凡四節。夏殷冠子不醴而醮之法,次孤子冠,次庶子夏殷冠子不醴而醮之法,次孤子冠,次庶子自「若不醴」以下,别出冠禮之變:先陳

修其法而審行之。』是。」禮,居喪之服,哭泣之位,皆如其國之故,謹禮,居喪之服,哭泣之位,皆如其國之故,謹曰:「謂國有舊俗可行,聖人用焉不改者也。至:「謂國有舊俗可行,聖人用焉不改者也。」離用酒節 「若不醴,則醮用酒」,注

者入廟踐其位 言采衣者,「孤子當室,冠衣 而 筵,其器存 迎賓,有煢煢在疚之情焉。 孤子冠節 ,其人亡,以是思哀哀 ,行其禮,仰視 「主人紒 而 不純采」。 迎 榱 沒實」。 可 棟,俯見 知 禮于阼」。 矣。 案: 不 況 紒 几 冠

事。

《詩》曰:

『豈伊異人,兄弟甥舅。』

又

曰:『死喪無

日

無

幾

《相見。』曾子曰:『年既

耆艾,雖欲弟誰爲弟?]故古人最重兄弟,務

存焉。敬其所尊,愛其所親,孝子之心也。按:伯父、叔父與尊者一體,見伯叔父如父於禰,已祭而見伯父、叔父,而后饗冠者。」

不醮於客位,成而不尊。」

庶子冠節

注曰:「不於阼階,非代也。

賓、宿賓辭,次三加辭,次醴辭,次三醮辭,次自「戒賓曰」以下,載冠禮之辭。 先陳戒

字辭。

凡五節。

七二

使戚戚之恩莫違,具爾常棣之孔懷,行葦之

忠厚,皆於此禮見之。」

也。 謂命也。 按"《春秋傳》曰"「民受天地之中以生,所 與《易》凝命之旨相類,天人之理見于此。」 休,壽考不忘」。 能者養以之福。」是其義 醴辭 是以有動作禮義威儀之則,以定命 「拜受祭之,以定爾祥。承天之 張氏爾岐云:「定祥、承休

至也。 善父母爲孝,善兄弟爲友。 永,長也。保,安也。行此乃能保 「孝友時格,永乃保之」,注曰: 時,是也。

三服之屨,别爲一節,附經末。

用緇布冠之義,次明 冠字之義,次記三代冠之同異,次明大夫以 上冠皆用士禮之義,次明 冠禮》經詳,故記惟言其義。 重適之義,次明三加及 士爵謚今古之異。 首明始 冠

凡六節。

衰也。 也。」 貴者也」,注曰:「無生而貴,皆由下升。」《荀 君也。」」 注曰:「爲子孫能法先祖之賢,故使之繼世 治,其教至也。」 子》曰:「古者天子諸侯子十九而冠,冠而 示民不嫌也。 曰:『君不與同姓同車,與異姓同車不同服 父死子繼,年未滿五十者亦服士服,行士禮 重官人也。」 又曰:「自夏初以上,諸侯雖 行士禮。二十而冠,急成人也。 由生,故作公侯冠禮以正君臣也。 五十乃命也。 五十而有賢才者,試以大夫之事,猶服 大夫以上冠 「以官爵人,德之殺也」,注曰:「殺 德大者爵以大官,德小者爵以小官。 「天子之元子猶士也,天下無生而 以此坊民,民猶得同姓以弒 至其衰末,上下相亂 「繼世以立諸侯,象賢 注曰:「周之初禮,年未 五十乃爵 ,篡弑所 《坊記 士服 也, 聽 其

字。 則 就外傅、居宿於外、讀詩、禮、傳、爲之講 秋》及諸史,始爲之講解,使曉義理。 者,始教之讓,男子誦《尚書》。 嚴 之,勿使妄觀以惑亂 不盡純,當分别讀之。 楊子,讀書之法,今昔異宜,要其大義不可易。 使知仁義禮智信。 之大憂也! 義之方然後冠之,此二語參取上卷自注。 其精要者而誦之,其異端非聖賢之書傳 人之禮。」案: 云:「冠禮廢,天下 論語》。 訶 教之以 七歲男女不同席,不共食,始誦《孝經》、 禁之。 司 馬 八歲 恭 氏 光《書 六歲教之數與方名,男子始習書 敬 温公定《書儀》後,好古君子始 冠禮自 出 尊 博觀 入門户,及即席飲食必後 長,有不識尊卑長幼者 儀 無 自是以往 》云:「凡子 其 成 漢 群書。凡所讀 志。 以 人。」 來 觀書皆通, 禮 久 ,可以讀孟、荀、 曠 教之壞,世 生, 九歲讀《 不行,程子 稍 責 十歲出 書 荀、楊 有 以 知禮 宜 必 , 則 解 知 道 春 成 擇 長 禁 語

> 稍 稍 行 之。

之禮,以昏爲期,因而名焉。 《士昏禮》第二。 鄭《目録》云:「士娶 必以昏者,取 其 妻

陽往

而陰來,日人三商爲昏。」

夫士 教 下,禮義有所錯。」蓋生人之道莫大君臣, 獄 如 臣之義出於父子。故《孝經》之義,天子以 别者、《易》曰:「有夫 所以别男女、明夫婦之義也。 男女無别,夫婦無義。 淫辟之罪多矣。」《盛德》記曰:「凡婬亂生於 女之别也。昏姻之禮廢,則夫婦之道苦,而 加于 此 ,則飾昏禮享聘也。」按:禮所以 以 《禮 ,則居上不驕,爲下不亂,在 保宗 ,四海 • 經解》曰:「昏姻之禮,所以 廟 爲孝,諸侯以保社 祭祀 爲孝,庶人 婦然後有 昏禮享聘者,享婦聘女 稷 以 故 父子君 謹 醜 爲孝,卿大 有 重男女之 不争,災 身 淫 (爲孝。 臣 亂 明 德 男 君 上 之

七四

繼世 也。 害不生,禍亂不作,所謂明王之以孝治天下 殘殺之行莫可禁絶,而愛敬親遜之善機 男女而 而 開 相保之道。 然父子之道,本於夫婦。 故聖人爲之别男女以爲夫婦,而 無夫婦,則父子不相知 則一人横行無所顧忌,貪利 上古之世,有 ,無奉養祭祀、 無 後 人 自

别 聖人不嗜殺人之要道也。 義 王 然後禮作。 以是經夫婦,成孝敬。」三綱之始,王化之 **,**然後父子親。 禮樂由 此以行,故夫婦者,生人之本而 禮作,然後 父子親,然後義 萬物安。」又曰:「先 故曰:「男女有 生。 義 生, 實

女二十壯而嫁。』」

人得父其父,子其子,君臣上下由此以立,仁

娶之禮者,重人倫、 之始,莫若夫婦。 以 爲情性之大,莫若男女。 白虎通》 曰:「人道所 人承天地 廣 繼 嗣 也 施 男女之交,人倫 以 陰陽,故設 有 禮 嫁 男娶女嫁 娶 何? 嫁

原

也

物也。 何 ? 也。 母。』又曰:『娶妻如之何? 佚 三十而娶,女二十而嫁 不自專嫁,必 盈,任爲人母。合爲五十,應大衍之數,生萬 三十筋骨堅强,任爲人父,女二十肌 曰:『陽倡陰和,男行女隨。』男不自專娶,女 也。 男長女幼者何? 陰卑不得自專,就陽 故《禮 《詩》云:『娶妻 由 父母,須媒妁何? 内則》曰:『男三十壯有室 陽道 何 ? 如之何? 而成之。 舒,陰道 陽數奇,陰數 匪媒不得。」男 遠恥 必告 故《傳 促。 膚 防 偶 父 男

則其子孫慈孝,不敢婬暴,黨無不善,三族輔孫娶妻嫁女,必擇孝弟世世有行義者,如是,昏、《易》之乾、坤,皆慎始謹終云爾。謹爲子昏、易》之乾、坤,皆慎始謹終云爾。謹爲子以。《春秋》之元、《詩》之《關雎》、《禮》之冠

七六

記曰:「逆家子不取、亂家子不取,世有刑人有貪戾之心,兩者不等,各以其母。」《本命》之,故曰:鳳皇生而有仁義之意,虎狼生而

取。

正基 際,别適長之位。 始乎國風,原情性而 道之衰莫不 天下之理 不先故,所以統人情而理陰氣也。」 兆 漢匡 而 防未然也。 得,故《詩》始國 衡 ·始乎 上疏 禮之於内也,卑不踰 梱 曰:「臣聞室家之道修,則 内,故聖王必 明人倫也。本乎冠昏 福之興莫不本乎室家, 風、《禮》本冠昏。 復慎妃 尊,新 后之

之道 嬀汭 恒。 端,故文王作《易》,上經首乾、坤,下經首咸、 雖帝堯之女,下嫁於虞,猶屈體降下,勤修婦 一,所謂 孔子曰: 『天尊地卑,乾坤定矣。』 夫婦 ,嬪於虞。』降者 爽對策曰: 順 也。 《堯典》曰:『釐降二女於 「夫婦,人倫之始,王化之 下也。 嬪者,婦 也。

禮之中,昏禮爲首。故天子娶十二,天之數 天性。 獸之文,與天地之宜。近取諸身,遠取 《春秋》之義,王姬嫁齊,使魯主之,不以天子 謂嫁 道。 物、則木實屬天、根荄屬地。 鳴雊,雌能 天,則北極至尊,四星妃后。 《易》也,仰則觀 氣,故能豐子孫之祥,致老壽之福。」 而 也。諸侯以下各有等差,事之降也。 近取諸身,則乾爲人首,坤爲人腹。 山象夫,卑澤象妻。 以通神明之德,以類萬物之情。」今觀法 之尊加於諸侯 能施 \sim 曰 《易》曰 昔者,聖人建天地之中而 。 陰 歸,言湯以 順服。獸則牡爲唱導,牝乃相 體 順 一帝 也。 象於天,俯則察法於地,覩鳥 而 Z 能 娶禮歸 孔子曰:『昔聖人之作 歸 覩鳥獸之文,鳥則 化 妹 以以 以 禮 其 察法於地 陽尊陰卑,蓋 祉 妹於諸 濟樂,節宣 元 謂之禮,衆 吉。」婦 遠取 陽 侯也 則 諸物 性 雄 諸 其 者 於 純 乃 崑

將合二姓之好,上以事宗廟,而下以繼後世夫昏禮,萬世之始也。」《昏義》曰:「昏禮者,《郊特牲》曰:「天地合而后萬物興焉。

也,故君子重之。」

畢,主人皆禮賓,於納采、問名著之。三禮各爲一節。昏期前事凡四節,凡使者禮之。納采、問名,一使兼行二禮,爲一節。餘期、親迎是也。請期以上,五禮皆遣使者行期。稅過是也。請期以上,五禮皆遣使者行期。稅過一時

則父母國人皆賤之。」 身。」《孟子》曰:「不待父母之命,媒妁之言 恐男女之無别也。 媒,交接設紹介,皆所以養廉恥。』《記 彼合昏姻,必先使媒氏下通其言。昏必由 民紀者也。 夫禮,坊民所淫,章民之别,使民無嫌,以爲 納采、問名節 故男女無媒不交,無幣不相 以此坊民,民猶有自獻其 「下達」,注曰:「將欲 「納采用 雁」,注曰: 》 日 見, 與

> 《記》曰:「昏禮 也。 時而 非有行媒,不相知 曰"「卜女之德,知相宜否。」《記》曰"「男女 猶問之,重慎也。」 疏説以《論 讓而升,聽命于廟,所以謹慎重正昏禮也。 期,皆主人筵几于廟,而拜迎於門外。 以先祖之遺體許人,故受其禮于禰廟也 人筵于户西」,注曰:「筵,爲神布席也。 止 是隨陽之鳥,妻從夫之義也。又取飛成行 ·問名」,注曰:「將歸卜其吉凶。」《白虎通》 取 成 「擯者出請 其 列也,明嫁娶之禮,長幼有序不相 南 又昏禮擊不用死雉,故用雁也。」 順 北不失其節 陰陽往 事」,注曰:「禮不 ,納采、問名、納吉、納 來。《白虎 名。」 ,明不奪女子之時也。 通》 語 日 必事,雖 》云「無必」。 取 入,揖 微、請 踰 其 主 知 將 又 越 隨

納徵,玄纁、東帛、儷皮 注曰:「徵,成納吉 注曰:「昏姻之事於是定。」

七七

陽 地 也 也。 備 也 使 』。 | | 白· 使 陽奇陰偶,明陽道之大也。 者納 .虎 幣以 通》曰:「玄三法天、纁 成 昏 禮 用 玄纁者 兩皮爲庭 二法 象 陰

禮 實 以納徵爲斷。」按:《記》曰:「皮帛必 嫁』,注:『許嫁,已受納徵禮也。』是六禮皆 了, 庭 『非受幣,不交不親。』《昏禮》『女子許 實,偶也。」 陳氏 立《疏 證》云: 可制。」 曲

終身不改。故夫死不嫁。」六禮以納徵爲斷 妹,人之終始也。』先王 故《記》於納徵發此 直信。信,事人也。信,婦德也。 義。 於此有省文尚 顧氏 炎武 壹與之齊, 曰: .質之 「歸

郊特牲》曰:「幣必誠,辭

無

不腆。

告之以

之禮而已。 意,故辭無 不腆無辱。 所以立生民之本,而 告之以直信, 曰 爲嗣 續之 先人

亦《記》義所該,自致其誠信,所以教婦德。 期 「主人辭」,注曰:「陽倡陰和,期

此

基,故以

内心爲主

,而不尚乎文辭

也。」按:

日 宜 由 夫家來 也。

及 朔 ,先陳饌,次親迎,次婦至成禮。

凡

三節

婦全節無虧之理。」 必殽全。」疏曰:「用鮮者, 用鮒者,義取夫婦相依附。必殽全者,取夫 陳饌節 《記》曰: 「腊 取 必 夫 用 婦 鮮 日 新之義 魚 用 鮒

子親迎,男先於女,剛柔之義也。 迎,男先於女也。 親迎 節 《記》曰:「父親 子 承· 命以 迎。」又 醮 天先乎地 子 (日: 二 而 命 男 之

君先乎臣,其義 一也。』《白虎 通》曰: 「天子

欲得其歡心,示親之心也。」 注曰:「主人,壻也,壻爲 下至士,必親 迎 泛授 綏者 _ 何 ? 婦主。」按:此 「主人爵弁」, 以 陽下陰也。 即夫

『主人,女父也。』親迎之禮,自夫家而行,故 注:『主人,壻也。』『主人筵於户 爲妻綱之義。 顧氏 炎武 曰:「『主 西 一人 爵· 注

之迎

歸

也

纁裳,玄冕之次,言其尊,亞於冕,重之至也。 時爲大,而義之由内矣。」注又曰:「爵 曰『賓』、曰『壻』,一人而三異其稱 也,女次而純 之大者,名正 曰:「孔子曰:『名不正則言不順。』夫婦,名 ·所以重之親之。」《記》曰:「玄冕齋戒,鬼 日未受夫之雁,無從夫義,則仍女也。 上親迎冕服。 致敬乎?」 東 壻者,對婦之辭也。 至於賓出 將以爲社稷主,爲先祖 也。 至於婦家,則女父又當爲主人, ,御車、授綏、揖入寢門,已居然 面答拜。』注:『賓,壻也。』對 衣,已居然婦 而 冕服迎者,鬼神之。鬼神之 夫婦 女父爲主人,則壻當 「女次,純衣」。 之道 而婦從,則變其文 矣,名婦可乎。 乃 順。 日『主人』、 ",可以 壻之迎 鄭氏 後,而 「爲賓 大夫 弁 見禮 而直 而 女 壻 聖 婦 珍 可 匹配義 婦 聘妾何? 順。」「女從者」,注曰:「謂姪娣也。」《白虎 聖人之於名,其不稍苟假若 階,於是婦之名定,而壻猶不 夫矣,名夫可乎。聖人曰 北 通》曰:「備姪娣從者,爲其 變壻名夫,曰夫入于室即席,於是夫之名定。 此其際聖人之慮深矣。 再拜稽首,乃謹變女名婦, 人之遺體,不敢目專,故告禰也。」 「賓升 止於士。 士、不可求人爲妾何? 一人有子,三人共之,若己生之也。 西。 止 面 奠雁,再拜稽首」,注曰:「賓升奠雁拜 稱 女。 ,則仍壻也。 《白虎通》曰:「遣女於禰 妾雖賢,不得 義不可求人爲賤也。 入室以 前,夫止 故《士昏禮》

者

神陰陽

也。

以

不

以

故

『 賓

父之辭也。

稱

曰『壻』。

故

不

嫌

同

解

壻

稱主人。

未入室對筵坐

一, 無

尊

雁

以

前

爲嫡。」

主人筵

廟者,重先

士即尊之漸,賢,不

可

'求人

爲

所以

不

必

不相

嫉

妬

也

此,故

夫婦之道

及壻入于寢室,乃謹

曰婦從,降自西

與以夫之名者

稱

壻。

至奠雁

有 親 也。 始,婦不答拜者,謙不敢當其盛禮也,蓋 拜,所謂 其旨矣。〕按:此一義也。沈氏彤云:「此時 之者。《昏義》云『蓋親受之於其父母也」,得 見,若父 北 常節、隨陽義,不可不受也。 拜,而婦不答拜也。不還其贄者,雁取 之而不敢當,即夫齊視之而 避之。」又云:「婦人從夫者也,故無論 女立房中,南 主人不 之下之、齊之,而 也。」按:此 稽首,拜中最 面 奠雁,是許之執贄相見矣。 迎之禮,而 主人西面于阼階上,女房外南面 母 執贄 明 親授之,故 又一義。 以 主爲 面,俟壻。 重。 婦 相見也。 未 無見夫之儀。 臣 授 嘗不隨者,所以 女耳。」 拜君之拜,乃於奠 《記》曰:「執贄 日 壻當楣 壻親 壻婦之相 亦不 婦雖 盛 受之於父 許之執贄 氏 北 夫執 敢當,故 木 世 面,奠 明 敢 見 佐 一, 而 以 當 其 贄 夫 稍 自 雁 婦 云 夫 母 下 還 相 相 賓 順 夫 有 以 此 雁 行

> 《記》曰:「婦人,從人者也。 見,敬 夫也者,以知帥人者也。」 之所以得天下也。」按"親敬即愛敬,先王治天下,愛 也。 父母,故 重别 夫,夫死從子。夫也者,夫也。 男帥女,女從男,夫婦剛柔之義,自此始也。 敬而已。 曰:「壻親御授綏,親之也。 注言己親之,所以使之親己。 ~;故 章 其 必親受之於 别 也 敬益至。 壻乘其車先」,注曰:「道之也。 無 别 其 無 父母,惟親受之於其 義 「壻 禽獸 御婦 敬 親之也者,親之 幼從父兄,嫁從 注夫之言丈夫也 而 之道 車」。 親之,先 也。」 《 記 惟

從。 卑也。」 以成 也。」沈氏云: 之升階,道之人室,道之即對筵,共牢、合卺 关婦。 同 婦 牢 至 而 節 「夫入于室」。 蓋 食,同其尊卑,亦夫使之同 「主人于婦之至,道之人門,道 婦既 「升自 至則帥之,帥之則惟我之 西 階 沈氏曰:「導 注:「道 婦 其尊 婦

成禮

焉,亦道

酳

畢

通

也

將

同

牢而

食」,注曰:「同牢示親,不主爲食起,三飯 使媵、御交受服、交布席,而夫又親説婦之纓 期,諸禮備然後壻親迎焉。 迨夫婦入室,則 之家,其始路 交道其志。]按:道志之説,深得聖人使人 名正,則復反其故稱矣。 民之本,萬 ,則將卧息矣,猶恐其行事 别、夫婦 盤於北 ,乃先使媵、御交沃以道其志焉。 使者往來行納采、問名、納吉、納徵、請 也。」《記》曰: 一於此 志之意也。 食矣,猶恐其行 盥 福之原,蓋 正夫婦之名,故稱夫也。夫婦之 洗。 交」,注:「媵沃壻 人耳。 有義之旨。《校釋》曰:「昏姻 夫婦始接,情有廉 共牢而 敬 有媒氏之官以 在是矣。」 而 故下經稱主人。」 不離,親 事 食,同尊卑也 無漸 盥 無漸也,乃先 於 而 ,則志或 「三飯,卒 恥 南 通其言, 不 一,媵、御 1洗,御 狎 迨三 ', 生 一, 故 男 而 未 用卺」。 舅 有繫也。」 席」,注曰:「婦 夫婦 婦 良,親親之辭。 授巾」,注曰:「巾 君臣有正。 立夫婦之義也。 用 婦人之行,尚柔 姑饗婦,饗婦送者。 昏之明日 稱

既則

女有

沃婦

勝、御

沃

室,宜

曰:「婦人十五許嫁,笄而 酳,所以合體、同尊卑以 王作牢用陶匏。] 又曰:「同 而后親之,禮之大體,而所以成男女之别,而 人無爵,從夫之爵,坐以夫之齒。」 也。」《記》曰:「器用 有義,而后父子有親。 胡氏云:「禮成 故曰昏禮者,禮之本也。」 男女有别 所以 順,自 「主人人,親説婦之纓」,注 夫 自潔清。」《詩》箋 陶匏,尚禮 曰良。」案:於是 乃用卺,重之,不 潔 親之也。 醴之,因著纓,明 清。」 父子 上牢而 而後 ;有親 \ 夫婦· 食,合卺 敬慎 然 媵 也。 7,而后 \equiv 有義 袵 重 日 輕 稱 良 姆 酳 正 而

,婦見舅姑,贊禮婦,婦盤饋, 凡五 節

玉也。 禮。 取其 故后 接 道 栗、腶脩者,婦人無專制之義,御衆之任,交 成婦禮也。」《白虎 **棗栗」。** 後當於夫,故見舅姑而後成婦。 婦之,故昏之明日見于舅姑。 ,親夫以孝舅姑。 辭讓之禮,職在供養饋食之間,其義一也。 婦奠摯,舅撫之,猶覲禮 朝早起。 夫人以棗栗、腶脩者,凡内脩陰也。 凌氏云:「婦見舅姑,略如 見舅 姑舉贄授人,猶聘禮公側授宰玉 《記》日 姑 栗,戰栗自正也。」 節 婦婦 通》曰:「婦人之贄以 子得 鄭《坊記》注。 執笲棗栗、腶 而 妻之,則 侯氏 汪氏中 順 四享,王 臣 於舅 父母 「舅坐撫 語 脩以見, 「婦執笄 見君之 姑 婦之 得 一,侧 棗, 撫 棗 而 而

厚之。」 曰:「成婦禮也 醴 婦 右 節 祭脯 注 醢 曰:「以 以 | 個祭 其 醴 婦 道 新 成,親 《 記

授宰幣

也。」

潔,饋以致其養。」 婦 道 盤饋 既 成,成 節 《記》 以孝養。」盛 日 明 氏 婦 日 順 也 盤 以 注 致 曰 其

事,以 和理。 命于 也。」 父母戒其無違,猶子 日不 義。《白虎通》曰:「《禮》曰:『取婦之家,三 用樂,幽陰之義 之。」又曰:「昏禮不賀,人之序也。 姑、和於室人、而後當於夫,以成絲麻 著代,所以 曰 : 階」,注曰:「授之室,使爲主 「以著代也。 饗婦節 女之父母,明 舉樂,思 審守委積 内 歸 和 婦俎 重責婦順焉也。 理,而後家 嗣 「舅姑先降自 于婦 也。」注 蓋 成婦禮,明婦 親也。」感親年 藏。 其 氏 得 之能仕,父教之忠也。 是故 人」,注曰:「當以 曰:「欲使婦 可長久也,故 禮。」案: 婦順 婦婦 西階,婦降自阼 ,明代己。《記 順 順,又申之以 《者,順 備 女之嫁也 衰 "; 而 昏禮 老代 聖 深 布帛之 思 後 於 王 反 其 舅 不 重 内

틴。 母遺 仕 母。」父母 者思 歸 罹 無忝 婦 則 姐 俎 何 必 一, 所 所生,則必爲忠臣。 以 爲 寧 以 孝 ? 慰其父母之心,而即 婦。 寧 於女之能 《詩》曰: 嫁者思無 盡 歸 婦 寧父 以 道 父 重 而

奠菜一 節,别出舅姑没,婦廟見及醴婦、

事

尚早。」

順也

饗送者之禮

姓 之心焉。」案:子夏曰:「古之嫁者不 附 姑,謂之不幸。 地之拜,爲不逮事舅姑者設,將 ,明不取同姓。 遠厚别也。」 奠菜節 稱 夫婦,學於舅姑者也。」 婦 婦之姓。案:凡禮,婦 《記》曰:「取於異姓,所以 拜扱 地。 盛 以 氏 生其 둜 逮 哀 人稱 慕 舅 扱

事 首詳昏禮時 「記」,自「凡行事」以下,皆記昏禮 賈氏云:「凡言『記』者,皆經不備。」昏 名對 地 賓之節,次祭醴 、辭命、用物,次笄女教女之 法,次納徵、庭 儀 節。

> 之節,次笲飾及受笲之節,次醴 實之節,次父母戒女,次婦升車法,次注 儀節 ,次婦助祭之期,次庶婦禮降于適者,凡 婦 、饗婦饌 玄 具 酒

節。 行事 「必用昏昕」,疏曰:「君子舉

節

《記》曰"「昏姻冠笄,所以别男女也。」 以 禮》曰: 『教於公宫,三月。』婦 也。 謂辭令,婦容謂 容、婦功。」《周禮》注曰:「婦德謂 以成矣。』《記》曰:「教成祭之,牲用 通》曰:「婦人所以 于公宫,三月」,注曰:「教以 婦 蘋藻,所以 人學事 《詩》云:『言告師氏,言告言歸。』《昏 笄女節 舅 成婦 「女子許嫁,笄而 姑 婉娩,婦 、又曰: 順也。」《白 有師 何 ? 功謂 婦婦 婦德、婦言、 虎 絲枲。」《 人學 學事 事 醴 通》又 貞 之,稱字」。 夫 **須順,婦** 一時,足 魚,芼之 有 人之道 白 四 日 教 禮 虎 婦

兄弟之道 雞 初 惻 鳴 也。 隱 , 咸 之恩,父子之道 閨 盥 閩之内,袵席之上,朋友之 潄 ,櫛縰 笄 也。 總 而 會 朝 計 君 有 臣之 無 祭 和

道

也

道 也。」按:此所謂婦順。

受笲節 注 曰:「笲有衣者,婦見舅姑

以 飾 爲敬。」

日: 信 羊 可得 奠菜于廟。 者,示不必安也。昏禮請期,不敢必也。 不敢拜洗」,注曰:「不敢與尊者爲禮 人三月,然後祭行。 義擇言》云: 解詁》曰:「必三月者,取 知 祭行節 貞 醴婦、饗婦節 更爵,男女不 (信者 也。 三月一 然後可得事宗廟之禮。」何氏《公 ,然後成 「遲之 一 《白虎通》曰:「取 相因 時,物有成者,人之善惡 舅姑既没,亦婦人三月, 「婦酢舅,更爵自薦」,注 一時,蓋 婦禮。」 也。 其一時足以別貞 欲 江 「不敢辭 觀 氏 妻不先告廟 婦之性行。 永《禮記 洗, 婦 訓

> 馬,有出道焉。」 禰。 於夫,宜於室人,克 大夫則有反馬之禮。 /成婦 道 前此 然 後 猶 可 留 廟 其 見 送 而

敵偶 娣姒婦之服,遂稱情 則生小功之親。 出之條,「多言」其一。 坐。」聖人制禮,正 無禮於介婦。從朱子讀。 睦 適 也 也。」按: 於冢婦。 庶婦節 《内則》曰 共 養統 不敢並行,不敢 「婦不饋」,注曰:「共養統 相與同室,則生緦之親。 :「舅姑使冢婦,無怠 一倫理 於適,所以 而立文矣 夫然,故相與居室 以 舅姑若使介婦,無 篤 恩誼 並 息 如此 一命,不 多 争、 一, 不 敢 長 而 而 並 敢 敢 於 和

辭,次 次姆辭壻授綏辭。 次 辭,次問名辭,次醴賓辭,次納吉辭 親 迎 自「昏辭曰」以下,記昏禮之辭。 請 至 期 門 辭,次使 告 擯 者 凡十 者 辭 反 ,次父母 一節 命辭,次父 送 女戒 醮 次納徵 先納 命辭, 子 采

曰:「『威如』之吉,反身之謂也。」家之本在常也。其上九曰:「有孚威如,終吉。」象以敬其爲先妣之嗣。女之行則當有常,深戒以敬其爲先妣之嗣。女之行則當有常,深戒以敬其爲先妣之嗣。女之行則當有常,深戒以敬其爲先妣之嗣。女之行則當有常,深戒以敬其爲先妣之嗣。以言有知而行有恒。」恒,父献子《荀子》曰:「親迎之禮,父南

記》説親迎云「恐事之違也」,故此經戒以無

違。

其情也。 也。」箋云:「惟父母思己,故己亦傷悲。」此以《記》曰:「嫁女之家,三日不息火,思相離也。」《詩》曰:「未見君子,我心傷悲。」傳説也。」張氏云:「教以見衿鞶,即憶父母之言也。」張氏云:「教以見衿鞶,即憶父母之言

不親迎者見婦父母之禮。凡二節。 白「宗子無父」至末,記使命所自出,及

身,故戒以有常。

定之也。」無父母自定娶者,卑不主尊,賤不主貴,故自無父母自定娶者,卑不主尊,賤不主貴,故自

曰:「奠摯者,壻有子道,不敢授也。」尊陰卑之義也。」「壻人門,奠摯,再拜」,注如臣之見君。女父見壻,如主人之見實,陽如臣之見君。女父見婿,被氏曰:「婦見舅姑,

陰教

也。 教,故外和而國治。 故曰:『天子聽男教,后 天子立六官、三公、九卿、二十七大夫、八十 下之内治,以明彰婦順,故天下内和 也。 服 適見於天,月爲之食。 是故 適見於天,日爲之食。 治,此之謂盛德。」是故男教不修,陽事不得, 治,后聽内職。 聽女順。 而修六官之職,蕩天下之陽事。 人、九嬪、二十七世婦、八十一御妻,以 元士,以聽天下之外治,以明彰天下之男 而修六宫之職,蕩天下之陰事。故天子之 天子修男教,父道也。 故曰: 『天子之與后,猶父之與母也。』 ,猶日之與月,陰之與陽,相須 昏義》曰: 天子 理陽道,后治陰德。 教順 「古者天子后立六宫、三夫 成俗 婦順不修,陰事不得 外内和 日 后修女順 食 月食則 則天子素服 順,國家理 天子聽外 面 而家理 后 母道 后素 聽天 成者

> 衰,服母之義也。」 故爲天王服斬衰,服父之義也。爲后服齊

八六

也。 参配 共衣 不亦蔽於彼此之數乎! 今之君子,徒訓其男,檢以書傳。 夫不賢則 先君,明當主繼祭祀也。]又曰:「夫婦之道, **塼而齋告焉。** 誡》曰:「古者生女三日,卧之牀下,弄之瓦 度則可以奉宗廟、守祭祀矣。」 曰:「《采蘋》,大夫妻能循法度 聽從,執麻枲、治絲繭、織紝組紃、 《詩》著《關雎》之義,由斯言之,不可不重 弄之瓦塼,明其習勞,主執勤也。 十有 \sim 陰陽,通達神明,是以 服,觀於祭祀,納酒漿籩 内則》曰:「女子十年不出,姆 無以 五年而笄,二十而 卧之床下,明其卑弱,主下人 御婦,婦不賢則無以 禮,八歲始教之書, 禮貴男女之際, 嫁。」 豆菹 也。 曹大家《女 ጢ 醢 争夫。 學 不教 · 禮 能 女 教 (詩序 齋 告 循 事 相 婉 也。 法 助 以 娩

歲爲之講解《論語》、《孝經》及《列女傳》、《女七歲始誦《孝經》、《論語》,八歲不出中門,九《書儀》曰:「女子六歲始習女工之小者,十五而至於學矣。獨不可依此以爲則哉!」

子以作歌詩,執俗樂,殊非所宜也。」之徒,皆精通經術,論議明正。今人或教女「古之賢女,無不觀圖史以自鑒。如曹大家工之大者。既笄,責以成人之禮。」又曰:

戒》之類,略曉大意,十歲教以婉娩聽從及女

胎教

食,席不正不坐,目不視于邪色,耳不聽于淫及其有娠,目不視惡色,耳不聽淫聲,口不出及其有娠,目不視惡色,耳不聽淫聲,口不出及其有娠,目不視惡色,耳不聽淫聲,口不出。」《副坐不邊,立不蹕,不食那味,惟德之行。

母可 所感。 聲,夜則令瞽誦詩,道正事。 萬物者 容端正,才德必過人矣。故娠子之時,必 '謂知肖化矣。」 感于善則善 ,皆其母感于物,故形音肖之。 ,感于惡則惡。 如 此,則 人生而 生子 文王 形 慎

而相 之德,而無苟合之咎。 以致其敬,以故上交不諂,下交不瀆,有交孚 之禮,必介紹以通其誠,贄幣以厚其禮,揖 退。』」秦氏蕙田《五 職位相親,始承摯相見之禮。 司徒之六禮,相見居其 曰: 『相見也, 反哭 《士相見禮 見之禮與冠昏喪祭並 》第三。 禮 而退; 通考》云:「《王制 一焉。 古人列朋 鄭《目 舉,誠重之也。」 朋友,虞袝 《雜記》會 蓋先王重交 録》云:「士 友於五倫 葬 際 述 禮 以 而

凡再請返、再辭摯而後見賓、初以摯見,次請士相見之禮,篇首陳士與士相見正禮。

八八

總爲一節。 賓反見,次主人還摯見賓而禮成。凡三節,

者非 不可疏 也。 其 不治 盛氏 争。 接,士以禮相諭,庶人以禮相同 言其不苟合者也。 於辱也。 者,人道之大也。 所以使人重其身,而 於末者,未之有也。 主人三辭摯,所以致尊嚴也。 也,不可屈 大夫不 苟而合,惟小人無恥者能之。君子可見 苟簡而相親者,末必怨。 (世佐 則 其君不仕,非其師不學,非其人不友,非 士相 也。 睽,分不嚴則褻。 所以使人慎其交,而毋邇於禍 · 見。 見節 曰:「交際之道,情也,有分焉。 也; 賓至門,主人三辭見。 可親 士相見之禮,必依於介紹 劉氏敞《士相見義》曰:「古 必依於摯,以言其道可 也,不可狎也; 人苟悦而 褻之害甚于睽,其 是故士相 相若者,末 ,然而争奪 大夫以禮 賓 可遠 稱 見禮 也。 毋 摯, 了, 以 也 情 濔 必 賱 相 親

道,有 《易》曰: 『君子上交不諂,下交不瀆,其知幾 所以 端兆 其厚意也。」《白 之德,其孰能 乎!』微哉斯言! 所執以至者,君子見於所尊敬,必執摰 節公卿者,未有不於尋常交契中慎之也。 篇之中三致意焉。 廢不講矣,唯孟子爲能守之以重其道,故 難,則其交亦不易離。 其合也。 之以介紹,五請而後許,一見而 防其微,必自士 之問,而引曾子、子路之言爲證,則士之能抗 險者啓釁于睚 于 相 通財之義,振 士林 尊敬、長 合之也難 與于斯?」 而 眦,卑鄙者 其 和 相 虎 禍 見始。 睦 通》 非豫之六二有安静 觀其答公孫丑不見諸 ,則其交必不濫 窮救急之意,中心好之, 延于公卿大夫之際。 也。 斯禮 曰:「相 失 朋 是故將之以摯,先 「摯」,注曰 (身于闒茸,先 也,降及戰國 友之際,五常之 .即退,所以 見 有 合之 摮 室確 以 何 將 也 侯 丽 難 Ŧ 傾

冬用雉」,注

曰:「士

一摯用

也。

雉也者

言德之遠聞

也。

玉也者,言

也者,言柔而有禮也。雁

以

進退爲志,士以

死節

爲志。

而天下治矣,故執斯摯

也

志

言,諸侯

以

度爲志,卿

以

足以爲義。」劉氏曰:「自天子至於庶人,皆 故貴至於邦君,賤至於庶人,以至婦人、童子 摯鬯,諸侯玉,卿羔,大夫雁,士雉。 (飲食之,故財幣者所以副至意也。」《通典》 ·擊。擊者,致也,所以致其志也。 天子之 也。」又云:『君子於其所尊,不敢質也。』 :「摯者,至也,信也,明其厚心之至,以表 **,**言死其節也。故天子以遠德 ·相見 一者,致志 也者,言進退知 雉者 一度不易也。 摰 有禮爲 道 也,欲民 明乎其志之義 丽 取 云:「禮 不 者也。」 其耿介。」 志,大夫 鬯也者, 稱德,不 之無相 둜 羔 爲 時 《説苑》云:「雉者,不可指食籠 摯,出 誠。 《白虎通》云:「士以雉爲摯者 子論士曰「行己有恥」。 當以「不敢爲儀」之意求之。 積文成虚,積虚成弱,戎狄豺狼遂裂冠毁冕 勝質衰,禮之大本先撥,而屑屑焉習儀以 污世,則不 舜之出於人者,以 以無道 曰:「不敢外貌爲威儀,忠誠欲往也。」案 云:「彼堯舜之耿介兮。」顧氏炎武云:「堯 介,守節死 之以食,懾之以 著誠去僞 至誠」,所以救世也。 不誠無物,則是儀 行之而 秦氏云:「賓奉贄見主人,爲士相 可與 ,禮之經也。 義,不當移 莫之能禦。 威 人 其 堯舜之道矣。」惟然,故孔 ",必死 耿 凡經文委 也,非禮 介。 轉 三百、三千,莫不 不可 故 「某不敢爲儀」,注 也。」按: 同乎流俗,合乎 生畜。 孔 取 取 也。 門 狎 曲 「賓再拜 言禮 其 而 周末,文 辭

忠信

不

敢

相

褻

也。」陳氏

祥

不

可誘

士

行

耿

離

騒

服

之。」

無辭不相接也,無禮不

欲

曰

瀆

相

見,不依摯不足以

八爲禮。

有

讓

皆

送

必

日

亟

由

見第一節,賓送摯訖而出,其禮主於敬。」

和。」 則燕矣。」江氏筠 崇禮來,相接以矜莊 相 往來也。」秦氏云:「主人復見賓還擊,爲 云:「賓反見,爲士相 見第三節,禮無不答,取其稱也。」 (請見,賓反見」,注曰 「主人復見之,以其摯」,注曰: 以 燕 爲燕見,非 ,歡心未交也。 見第二節, : 燕飲之燕。 「請見者,爲賓 其 賓反見, 禮 「禮尚 秦氏 主 士 於

人見君五也,皆由士相見推之。相見三也,大夫、士、庶人見君四也,他邦之夫一也,士嘗爲大夫臣者、見大夫二也,大夫一也,士以於大夫」以下,分五節。 士見大

還 養 耳。 將 不 擊,不敢當養也。」按:擊之設,本主於見 劉 親 士見大夫節 惟 氏 答 君受擊者,惟君受養也。 敞 也。凡不答而受其摯,惟 曰 :「君之擎 「終辭 以 其摯」,注曰:「 事 神 臣 非 君於 之摯 其 君 則 以 臣 以

> 質也。 子之心以爲之制,差其尊卑以 君 \sim 白 質己之誠 虎 通 $\overline{\sim}$ Ě ,致己之悃 臣 見 君 有 愊 副 也。 摮 其意· 何 王 ? 也。」 者緣臣

心而 必執 此别 足以踐禮」,注曰:「言某臣也,不足以行 門外」,注曰:「還其摯者,避正 子不容於天下矣! 客禮。」按: 當爲臣 維世教 臣 嫌明微之義。 嘗爲臣者節 道,此天經地 者,舊君待以賓禮 「賓出,使擯者還其摯于 《禮 義 某也, 夫子之賤私, 不 也。 經》之辭,足以厚人 如 此 君 則降 也。」按: 而 臣 賓 叛

日:口 行,止 當能自正 贄。《白虎 云:「雁者,行列有 大夫相 雁 成 取 列 以 也。 知 通》云:「以 事 見節 時,飛 君 大夫職 也。」 「下大 長幼之禮,故 翔 雁 有 在 「上大夫相見以羔」, 夫 爲 奉 行 贄者 命 列 相 適 見, 也 「,取其 四 大 以 方,動 人夫以 雁 説 注 飛 作 成 爲

仁者。 羔雁 注 職 摯。』《白虎通》云:「羔者取其群 食于其母,必跪而受之,類知禮者,故卿以 露》云: 呼。」胡云:「或説所本。」 大夫摯,古以麑鹿,胡氏云:「麑」與「麝」同。 注:「或曰 在 曰:「羔取其從帥 何? 盡忠率下,不阿 執之不鳴,殺之不啼, 「羔有 麝,孤之摯也。」《白虎通》云:「 古者質取其 角 丽 不任,設 群而 黨也。」 内, 不黨也。』《春秋 備 謂得美草鳴相 類 如如 而 死 m 不 靡執之」, 義 用, 不黨,卿 者 今以 類 卿 爲 羔 好 繁

促,恭慤貌也。」胡氏云:「言其 不安之貌如是也。」 見君節 「容彌蹙」,注曰:「 恭敬誠實, 踧 蹙猶促也,

節。 食賜 謂 及 執 飲四也,先生異爵者見士五也,廣言稱 燕見于君一也,進言二也,侍坐三也,賜 自「凡燕見于君」以下,雜記諸 玉之儀 六也 儀,分六

道如 謹,雖欲風俗不美,道德不壹,其可 肌 言事君。與老者言,言使弟子。 君 言,惠訓不倦,雖 行作矣。 後世士不 勸而善,相勵以禮,父兄之教先 正,則人心正。 所以爲士。 官者言,言忠信。」按:孝弟忠信慈祥,士之 言孝弟於父兄。與衆言,言忠信慈祥。 民之秉 所 不當出 膚之不可移,而後出言有章,辨説得當, 處 燕見 蠻 進言節 如 邪 成 彝不 所望 髦 於 于君節 向之。」胡氏云:「凡臣之事君, , 鄙倍 士之言如此,則 士,群居終日言不及義,混然 正,故其見君面位,不苟 「與君言,言使臣。 能 有道仁人恪守此禮 蓋仁義禮智生於心,若性命 滄海横流非一朝一夕之故 盡 成 泯 「不疑君」,注: 風,是非 ,千百人中,必有一二 無 士心正。 正 而子弟之率 與幼者言, 與大人言, **前** 「不得 非 如 得乎? 邪 是。」 法不 士 與居 説 心 暴 無 無 疑 相

加

人奉我教者。

千百言中,必有一二言入人心 異。 臣,在 足稱焉。 千乘之富,士之所以結者,禮義 君 野日草莽之臣。 雖 召,不往也。 刑罰行於國,所誅 是 案: 故 此 雖 據《孟子》,與 者,好利之人。 有 丽 南 已矣,利不 面 一之貴 此 經

九二

未有好利而其俗不亂者也。」

之序 行鄉飲酒三也,鄉大夫士飲國中賢者四也。」 四,此賓賢能 禮賓之,與之飲 之鄉大夫,三年大比,獻賢者能者於其君, 也。 《鄉飲酒禮》第四。 經解》曰:「鄉飲 鄉飲 一也,黨正飲 酒 酒。」 之禮廢,則長 疏云:「鄉飲 酒 鄭《目録》云:「諸侯 之禮 酒二也,鄉射,先 所 所 幼之序失,而 以 酒之禮 明 長 幼 以 有

長幼之序,二語依《經解》補。王肅爲《家語》襲此文有相侵陵生於長幼無序。鄉飲酒之禮,所以明《盛德》記曰:「凡鬬辨生於相侵陵也,

争鬭之獄繁矣。」

爲敬 者。 謂傳言見答應之間,當正容體以待之,毋自 其顔色可傳言未也。 視抱,卒視面,毋改」,注曰:「始視面,謂 用,莫急于此! 也 目」,注曰:「子於父,主孝不主敬,所視 變動,爲嫌懈惰不虚 ,因觀安否何如也。」 爲天地存人心,爲國家培元氣,通 也。 卒視面,察其納己言否也。 「凡與大人言,始視面 心也。」「若父,則遊 中視抱,容其思之,且 毋改, 經 中中 廣 觀 致

禮 仕 子》曰:「庶人不傳質爲臣,不敢見於諸 而見 也 引。」劉 稱 謂 於君者,冠 節 氏 曰:「惟仕於君 「庶人則曰『刺草之臣』」。《孟 而 奠摯。 者,召 在 邦日市井之 而 侯, 未

以敬讓也。」故有鬬辨之獄,則飾鄉飲酒之禮之,是肅所見本未脱,盧注於此無說,則盧本亦有。而教之,是肅所見本未脱,盧注於此無說,則盧本亦有。而教

孔子曰:「吾觀于鄉,而知王道之易易

也

也。

賓,次陳設,次速賓、迎賓、拜至。 楣 無 北 算 面 爵、樂,凡 鄉 飲 再拜」,則 酒之禮有獻賓,有樂賓,有旅酬,有 四大段 將 飲酒之始事 丽 禮成。 自發首 、先謀賓、戒 凡三節。 至 「當

徒,退 中 注 書、數。』《鄉大夫》以『正月之吉,受法于司 友、睦、婣、任、恤, 三曰 六德,知、仁、聖、義、中、和 徒之職:『以鄉三物教萬民 致 曰 仕 "「主人,謂諸侯之鄉大夫 謀賓戒賓節 而頒之于其鄉吏,使各以教其所治,以 者。 賓、介,處士賢者。 「主人就先生而謀賓介」, 六藝,禮、樂、射、御、 ; 而賓興之: 二曰六行,孝、 也。 《周禮》大司 先生,鄉 — 曰

焉,恒 於其君 《孟子》曰:『天下有達 尚齒也。」按:此篇賓賢能 賢者爲賓,其次爲介,又其次爲衆賓,而與之 乃三年正月而 者、能者。 考其德行,察其道藝」,及三年大比,『而興賢 長 也。』疏曰: 必於民聚之時,欲其見化,知尚賢 之説,然此篇無正齒位之事焉。 而祭祀,則以 十月行此飲酒 飲酒,是亦將獻之,以禮禮賓之也。 於鄉里,大夫名曰父師,士名曰 以禮禮賓之。 無 遺 知鄉 一,尚齒 了, 蓋 鄉老及鄉大夫帥其吏與其衆寡 人之賢者。 如此云。 也。 「鄉大夫飲 禮屬 禮,以《黨正》每歲『邦索 厥明,獻賢能之書於王」,是禮 行 民 遵者不與鄉 也。 丽 古者年七十而致仕,老 尊三, 飲 是以 酒 諸侯之鄉大夫,貢士 酒 尚德 ,尚德也。 于序,以 大夫就 人人齒 爵也、德 也,黨 少師,而教學 凡鄉黨飲 ,尚爵 尊 正齒 丽 今郡 旅酬 Œ 也、 謀 飲 鬼 也。 位 酒 弟 盎 神 酒 或

志。」按:幼而學之,壯而欲行之,行義達道,「賓禮辭許」,注曰:「不固辭者,素所有

堯舜君民,士之志也。

時也。 席西階上,東面。」 北,此天地之尊嚴 有遵者,席於賓東」。 注曰:「席衆賓于賓席之西。」 接人以仁以德厚者也,故坐於東南,而坐僎 賓者,接人以義者也 賓,故坐賓於西北,而 天地温厚之氣,始於東北而 也,象月之三日 也,介僎象陰 地之盛德氣也,此天地之仁氣也。主人者尊 賓 (席牖) 陳 天地嚴凝之氣,始於西南而盛 設節 前 南面 陽 「乃席賓、主人、介」,注曰 m 也,三賓象三光也,讓之三 成魄也。 氣也,此天地之義 主人席阼階上,西 「衆賓之席,皆不屬焉」, 一,故坐於西北 《記》曰:「賓主象天地 坐介於 四面之坐,象四 **盛於東南,此天** 西 下經「賓若 南 以輔賓。 主人者, 面 氣 於西 也。 :

也。 也。 仁義 按: 豆有 主人必居東方,東方者春,春之爲言蠢也,産 立,四聖維之,是其義也。 仁,右義偝 以時察,守義者也。 假之仁也。西方者秋,秋之爲言愁也。 鄉,東方者春,春之爲言蠢也,産萬物者聖 以日月,參之以三光,政教之本也。」「賓必 以象三光。古之制禮也,經之以天地,紀之 象天,立主以象地,設介僎以象日月,立三賓 之學術道者,將以得身也,是故聖人務焉。」 體 於 東 長幼曰德。 賢能 法。 数日 南方者夏,夏之爲言假也。養之、長之, 中者,藏也。是以天子之立也,左聖 北 낈 《記》又曰:「鄉飲酒之義,立賓 所學者,仁義。 聖。 輔 藏 主 也。 德也者,得於身也。 聖 人 也。 立 言前後左右,無非 圃 北方者冬,冬之爲言中 介 仁 將之以 必 義 故鄉飲 東 (接、賓) 鄉 敬 É 酒 道 主 故 曰**:** 禮 也。 賓 席位 有 主 成 愁之 禮 · , 爲 也。 王 古 南 鄉 以 以 俎

九

24

大 讓 萬 建建 多也。」按: 三日 物 者 國 也。 則 必立三卿。 成 主 魄,三月 鄉飲 人者造之,産 酒之義,廣大精微如 三賓者,政 則 成 《時,是 萬 (教之本,禮之 物 以 者 禮 也。 有 此, \equiv 月

酒」。《記》曰:「貴其質也。」教民不忘本也。房户閒」。《記》曰:「賓主共之也。」 「有玄聖人養賢以及萬民之心盛哉!「尊兩壺於

曰:「祖天地之左海也。」以自潔而以事賓也。」「水在洗東」。《記》以自潔而以事賓也。」「水在洗東」。《記》曰:「主人之所

庠門 所 及介,而衆賓自入,貴賤之義别矣。」「主人 及介,而衆賓 以 相 迎于 致尊讓也。」 之外,人,三揖 速賓、迎 《記》曰:「拜至,所 門外」。 賓 自從之。 節 《記》曰:「主人拜 「主人 而後至階,三讓 孔子曰 至於門外,主 作階 以 致 :「主人 敬 上當楣 也 而 親 人 迎 北 後 賓 拜 速 面 升, 于 賓 再 賓

主人酬賓,次主人獻介,次介酢主人,次主人飲酒正禮,先主人獻賓,次賓酢主人,次

獻衆賓,爲飲酒第一段。

日: 「 《記》 祭酒 也。 洗。 矣。 以致 正 講者聖法也。 之以道。」按:《鄉飲酒義》,亟言聖人賢 争,則遠於鬬辨矣。 記 祭脯 立自定之貌。」案:正立自定,誠敬之至。 敬也。 斯君子之所以 君 子 獻賓 曰:「盥洗揚觶 曰 : 《記》曰:「拜洗、拜受、拜送、拜 嚌 敬 肺,嘗 醢」。 禮 尊讓 節 啐 也。」 尊讓潔敬 酒 則 成 禮 主 不 賓 《禮也。 也。 祭酒 一尚 人坐 免于人禍 争,潔敬 所以 不鬭 (西階) 也者,君子之所 左 取 上 3致潔: 辨, 一手,嚌 於席末,言是席之 念記》 爵 疑立」,注:「 席 則不慢,不慢 也 則無暴 于 末 也。 》曰:「[之。 篚 坐 故 啐 降 聖 亂 以 祭薦 既 《 記 》 酒 賓 能 人 之 洗 相 疑 所 制 禍 所 接 拜

九五

賤 正 專爲飲食也,此先禮而後財之義也。 :「卒觶,致實于西階上。 財 非 也。」 專 爲 飲 「賓西階 食 也 爲 上北面 行禮 也 坐,卒爵」。 言是席之上,非 山此 所以 先禮 貴 念記 禮 而 丽

主人以旨,主人謝酒惡,所以致敬致讓。注"「崇,充也,言酒惡,相充實。」按"賓告难主人節"「阼階上北面再拜崇酒」,

後

射

,則民作敬

讓

而不争矣。」

忠信。 是道 己欲達 周, 蘋》、《雅》有《行葦》、《泂 君子爲行禮,不爲飲食。《風》有《采蘩》、《采 坐奠觶 忠信爲周。」按: 君子有諸己,而後 無諸己,而後非諸人。己欲立而立人, 也 酬賓節 先自飲而 一,何人不親 于薦東」,注曰:「酬酒不舉,君子不 而 達 人。 注曰: 後飲 怬 河何事 酒 「酬,勸酒 人,則 ", 先自 不治? 酌》,昭忠信也。 酒 飲 雖 乃 也。 飲 薄 賓 而 賓北 酬之言 意厚。 , 所謂 水諸 面

於己也,而不責己之忠於人也。子竭忠以待人,不竭人之忠。小人欲人之忠盡人之歡,不竭人之忠,以全交也。」按:君盡人之歡,不竭人之忠,以全交也。」按:君

曰:「主人拜于介右,降尊以就卑也。」 獻介節 「主人介右北面拜送爵」,注

矣。一寰,升受,坐祭、立飲,不酢而降,隆殺之義辨賓,升受,坐祭、立飲,不酢而降,隆殺之義辨賓獻酬:「辭讓之節繁,及介省矣。 至於衆資獻師:「辭讓之節繁,及介省矣。 至於衆

鄭君所謂禮樂之正。合樂告備。凡五節,爲飲酒第二段,並上段,樂,先工歌,次笙奏,皆事畢獻之,次閒歌,次樂,先工歌,次在奏,皆事畢獻之,次閒歌,次樂,先工歌,次

案 : 「《鹿鳴》,君與臣下及四方之賓燕,講道 鹿 凡臣 \perp 鳴 歌 **>**∕ 禮 節 不 四 敢同于君,明嫌 「後首」,注曰:「變於君 牡 》、《皇皇者 華》」, 之義。 注 也。 曰 一 工 政

九六

也。 德 之樂歌 臣之樂歌也。 忠孝之至,以勞賓也。 賓既來 可 此采其勤苦王事,念將父母,懷歸傷悲, 則效 示示 也。 我以 也。 此 此采其 采 善道。 《四牡》,君勞使臣之來樂歌 其己有旨 又樂嘉賓有 更是勞苦,自以 《皇皇者華》,君 酒,以召 孔昭之明 嘉賓, 遺使 爲 不 嘉

及,欲諮謀于賢知而

以

自光明

也

之長也。」

先王。 采時 之書 其 有 注 信 考父校商之名頌十二篇于周太師 後樂正、《雅》、《頌》各得其所。』謂當時 而 曰:「今亡,昔周之興也,周公制禮作樂, 也。 復 '世之詩以爲樂歌,所以 此篇明矣。 重 ,稍稍廢棄。 笙奏節 至 孔 雜 亂 子二百年之閒,五篇 者 「樂《南陔》、《白華》、《華黍》」, 也 後世衰微,幽、厲),惡能 孔子曰:『吾自衛反魯、然 存其亡者乎? 通情,相 T,歸以 尤甚 而已,此 風 一,禮樂 切 且 在 祀 也, 其 者 其 正

> 《南有嘉魚》,言太平君子有酒樂與賢者共之 以賢者爲本。 也。 物多 基,民之父母,既欲其身之壽考,又欲其名 之,與之燕樂也。 此采其能以 也。 閒歌 此 節 (采其 此采其愛友賢者,爲 注 禮 《南山有臺》,言太平之治 曰:「《魚麗》,言太平年豐 物 下賢者,賢者 多 酒旨,所 以 纍 優 蔓 邦家之 賓 而 也。 德 歸

《采蘩》言國君夫人不失職、《采蘋》言卿大夫 《關雎》言后妃之德、葛覃》言后妃之職、《卷 寡 行《周南》之教,以受命。《 陽,躬行《召南》之教,以 之妻能修其法度。 耳》言后妃之志、《鵲巢》言國君夫人之德 風》篇也。 妻,至于兄弟,以御于 合樂節 王后、國 注 曰:「《周南》、《召南》,《國 昔太王、王季居於岐 君夫人房中之樂歌 家 興王業。 邦。二 大雅》云:『刑 謂 及文王 此也。 也。 山 而 之 干 其

所食。 焉。 道,生民之本,王政之端,此六篇者,其教之 釆 始 終,主人獻之。 原也。」「正歌備」。《記》曰:「工人升歌三 南土,是以其詩有仁賢之風者,屬之《召 觶,乃立司正焉。 三終。合樂三終。 地 有聖人之風者,屬之《周南》焉。 國耳, **,**乃分爲二國。 於是文王三分天下有其二,德化被於 文 王 笙 作 知其能和樂而不流也。」 入三終,主人獻之。 邑 工告樂備,遂出 周,周公所食。 于 豐, 以 故 地 爲 召,召公 夫婦之 卿 一人揚 閒歌 士: 南》 之

安賓,次司 介,次介酬衆賓、衆賓相酬。 自「立司正」以 Œ 表 位,次賓 後,言旅酬 酬 主 凡五 之事 人,次主 節。 先司 爲 人 層 飲 正

以監之。」「禮樂之正既成,將留賓,爲有解惰,立司正「禮樂之正既成,將留賓,爲有解惰,立司正一,注曰:

正 ? <u>寸</u>, 洗觶奠之,示絜 自 司 正,慎其 「洗,北面坐奠觶于其所」,注曰 正表位 節 位 敬 也。 退 其,少立],注 己 帥 而 正**,** 孰 曰:「少 敢不

九八

燕。 焉,知其能弟長而無遺矣。」 自二人舉觶以 言無算爵之事,先二人舉觶,次徹 人酬介,介酬衆賓,少長 凡三節,爲飲酒第四段,飲禮 賓酬主人節 孔子曰:「賓酬 以 齒,終於沃 始 流俎,次 畢 主人,主 洗 者 坐 下

倦焉 禮俱成,酒清肴乾,❶賓主百拜,强有力者猶 助主人樂賓,主人所榮而遵法者也,因以爲 曰:「遵者,謂此鄉之人仕至大夫者也,今來 請坐者,將以 徹俎節 張 而 不 賓 清 弛 燕 弛 坐于賓」,注 也。 而 不張 遵 ,非文武之道。 者 曰:「至 降席」,注 此 盛

❶ 「清」,原作「請」,據《儀禮注疏》改。

名。」案: 仕至大夫,賢著而德成,故可遵法。

亂也。 出主人拜送,節文終遂焉,知其能安燕而 無 骨體,所以致敬也。今進羞,所以盡愛也。 知王道之易易也。」」 「乃羞」,注曰:「鄉設 矣。彼國安而天下安,故曰:『吾觀于鄉,而 無遺、安燕而不亂,此五行者,足以正身安國 數。 坐燕節 貴賤明、隆殺辨、和樂而不流、弟長 飲酒之節,朝不 孔子曰:「降,説屨升坐,修爵 廢朝,暮不廢 夕。 不 賓 而

賓出别爲一節。

敬之,愛之,所以厚賢也。」

終日燕飲,酒罷,以《陔》爲節,明無失禮也。」 賓出,奏《陔》」,注曰:「陔之言戒也,

遵者人之禮,别爲一節。

席于賓東」,注曰:「尊之,不與鄉人齒

飲酒之明日,賓拜賜,主人息司正。 凡 也。」

二節。

注 曰:「禮瀆則褻。」 君子,國中 曰:「先生不 息司正節 有盛德 以 「以告于先生、君子,可也」, 者。」 筋力爲禮,於是可 「賓、介不與」,注 ·以來。

序。 器具、牲羞之屬,次記禮樂儀節、隆 凡三節。 《鄉飲酒・記》首記鄉服及不宿戒,次記 殺 面 位 次

之所始也。 物,聖人養賢以及萬民。」」 次節 陽氣主養。《易》曰:『天地養萬 「亨于堂東北」,注曰:「祖

錯。 拜既爵」,注曰:「隆殺各從其宜,●不使相 末節 「坐卒爵者拜既爵,立卒爵者不

黨正 飲酒 禮

隆」、《儀 禮注疏》作「降」。

0

陽氣

明 東,所 尊 尊 者 飲 隙 正 以 禮,六十者坐,五十者立侍,以聽政役,所 異姓雖有老者,居於其上。不齒者,席于尊 齒于父族者,父族有爲賓者,以年與之相次。 酒》、《鄉 入』是也。 國索鬼神 占 酒 禮 長 長 尊長也。 而 里,再命 五. 屬民 ,此鄉民雖爲卿大夫必來觀禮。《鄉飲 位者,爲民三時務農,將闕於禮,至此農 教之尊長、養老,見孝悌之道也。 凡射 養老,而後成教。 養 豆,九十者六豆,所以明 謂 周 老, 遵。」 射 禮 而 齒于鄉里者,以年與 而 齒于父族,三命而不齒。」注曰: ·記》『大夫樂作不入,士既 而 六十者三豆,七十者四豆,八十 飲 黨 後 祭祀,謂歲十二月大蜡之時 酒 《鄉飲 乃 正 于序,以 ≫՛։ 能 人孝弟。 酒 國 成教而後國可安也。 義》曰:「鄉飲 正 索 一齒位 鬼 養老也。 民入孝弟,出 神 衆賓相次 而 祭祀 命齒 民 旅 酒 也。 之 於 知 以 不 則

注曰:「此説鄉飲酒,謂《黨正》飲酒也。」鄉射,教之鄉飲酒之禮,而孝弟之行立矣。」君子之所謂孝者,非家至而日見之也,合之

祭。 狗。 里,再命齒於父族,三命而不齒 巢》之三。 之三,笙《由庚》之三,合樂《關雎》之三,《鵲 僎于東北,賓于 其賓、介,則處士賢者。 之禮,以正齒位。 日 三年大比。其主人,則鄉大夫、黨正、州長。 而 知民之聚而不能無争也,又慮民之勞于畊 曰:「三代之法,有留 曠 而 其鄉之大夫士 于孝弟 其樂,則工歌《鹿鳴》之三,閒 立效者,鄉飲酒之禮是也。 陳氏壽祺《擬請 尊于房户之閒,羞出 也,於是因其農隙 西北,介于 其時,則春秋及十二月及 必來 郡 之百 縣 其坐,主人于東南 觀 廣行 世 禮, 西 而 南。 一, 制 鄉 ,謂鄉之卿 東房,洗當 可 古者,聖王 飲 行 命 歌《魚麗 爲 其 ,行之一 酒禮議 娲 鄉 牲 於 飲 与則 穫 鄉 東 洒

者

,又大異於

古鄉舉

里選

之制

獨

鄉

飲

洒

貴

《教化。

言教化者,莫不首學校。

然後

世

學

校所以教者,無父師、少師

門塾之法,所

以

升

于鄉

而

知王道之易易也。」夫言治者

了, 莫不

《選舉志》云: 鄉射 肄修 詔郡 禮 鄉 是諸 笙磬籩俎,皆如士 劭曰:『漢家饗射,皆假士禮 大學生。』太初 注云:『今郡國十月,行飲酒禮。』《漢官 詩 序少長焉』。 會屬僚,牲用 古州長、黨正之禮爲之。 云:『春三月,秋 禮樂志》云:『州 書,漢、 飲 ,可數爲 廢 國 儒 鄉飲之禮,補笙詩以 酒 当始得 [通行] 而 禮 高帝引兵圍 鄉飲猶存。 天 以 鄉飲酒禮於學校,鄭康成《儀 講習飲射。 下, 此賓賢序齒併而爲一之始。 少牢,歌《鹿鳴》之詩,因 立德 鄉貢『試 元年,詔於鄉 令 牧 九月,習鄉 貢 制。」是漢 行 魯,魯中尚 明 耳。 貞觀及開元六年並 宰 已,長 經、秀才、 及東 每 晉束哲與 級不 自周 歲 射月 射禮 時 京永平二年,迺 吏以 +而 備 鄉飲射,皆 衰禮失,秦棄 弦 行之。 · 二 月 進士、孝弟 · 禮 誦習禮,於 饗會 鄉 同業 唐 生皆 與 飲 行之。 以 耆 酒 疇 樂 儀 攽 艾 禮 約 而 縣 應 使

601

秋乃

命國

[藤],蓋

不得官物

而合錢飲

酒。

是

亦

如之。」鄭氏

注

謂:

『族無飲酒

禮

因

祭酺

而

與其民以長幼相獻酬。』古文《明堂禮

>,仲

讀

邦

法,

書其孝

弟

睦

姻

有

:學者。

春

秋

祭

酺

尊

也

周

官

•

族

師

*: T

月吉,

則屬

民

而

夫。

土

낈

年

· 與賓、

衆

賓

相

次也,不齒者席

於

失禮

之罰

也。

 \sim

周禮》曰:

以

陽禮教

讓

則

民

不

争。』《禮記》曰:『合諸鄉射,教之鄉

飲

酒

之禮,而

孝

弟之行立矣。』孔子

E

『吾觀

鄉

飲

射之罰,輕者以

觵,重者以撻,是鄉飲

有

黨

正

也。

古者,鄉飲

酒

禮

罰不敬,撻其背。

間胥,凡事掌其比

觵撻

罰之事。

賈公彦謂

周

時,百家以上皆有飲酒禮,其讀法、書賢視

定圖 鄉飲禮 庠序。 苛 事 規 鹿 院 縣 平 來 取 旌 揖 也 行 顛 令爲 之。 讓 循 而 明 鳴 詳 表 沛 原 式 修治學官 支儒 猶 也 不 式 + 參 州 宴 者 定 、坐席 詔 二十六年, 七 主 已 爲 不 ,造次必於文德,以 可 酌 鄉 李忠之守丹陽也,起學校,修禮容,春 歲 可 用 行 年,國子 修 鄉 天下每 飲 林 鄉 斷 違。 類類 則 鄉 具 飲 儀 師 春秋 飲 别三等,聽律 獄 飲儀 古 不 酒 古之效矣,韓延壽之守 禮 與 鏤 大減,爲天下 建武 | 歲再 秩 監 古經違異。 詔 ·果行。 板 刺 制 鄉 然分矣。 紹 請 行 頒 社 史爲 ,與比部郎 五年奏行鄉 行。 興 令郡縣 於里社 行 陳鐘 十三年,從 其 政 主。 爲禮樂 責 洪武二十 制 和 鼓 頑民 宋 · 最。 科舉 然吾嘗 三年, 者 管 淳化 季 兼 林保所 聽。 弦,盛 , 其 冬正 飲 政 伏 有 之年行 禮部 禮 化之首 三年 湛 觀 決 五. 約 改 · · ,遂 明 盎 之在 東 年 奏定 州 升 漢 轉 束 初 位 郡 施 降 再 於 郡 禮 以 煩 九

爲飲

食

,則知尊讓

而

不争。

盥

一洗揚觶

拜至

於變俗 葉爲 場。 栖 樂至《白華》、《華 屬 在 修 儀 也 秋 變俗移 傳》示諸生,爲鄉飲 老,宴會諸 其仁義之本。 言孝子養親及群物 "; 百 敦 筠 起横 觀 鄉 陳 之刺 之。 俎 留 飲 今自賓主 姓 明 選 移 風 豆 舍, 也,教授生 遵 庠 ,其效 裴耀 用 風 常 桑 奉 儒 備 序 者 明 州 -,莫有 弧 百 俎 相接 卿之刺 經 人情雖 何 每 也, 蒿 如 豆 郡 也? 黍》、《由 姓觀者 春 徒 矢 此 黻 7,介僎相 禮 大 遂 欺 饗射 秋 中 以 冕, 宣 戾,莫不 ,登歌降飲,人人知 起學校,堂上畫《孝友 性 犯。 饗 向 射 人 之義 州 且夫 莫不勸 備 行 慕 性 射 莬 庚》、《南 鮑 也 輔 禮 雖 首 ", 或 典 德之守 是禮 修 屈 與 , 先禮後 奏樂,尊 殊,莫 下, 縣 儀 升 服。 有 百 彭 意於禮 以以 降 之所 ||咳 ||等 泣 姓 宰 之守 南 揖 者。 不 每 劉 行 素 財,非 陽 饗 以 率 昆 讓 法 古 禮 木 Ш 勸 章 也 國 之 有 善 李 吏 之 之 瓠 陽

0

母

寡

蕃

鬨争

也

今民之失其道久

不

如

閑

之

鄉

飲

酒

施

百

生

不

知

慝莠秕

日

之域而導之於正身安國之塗,是以其教易 人孝出弟之行由此立,此皆所以束人於禮 , 蔑長幼之序, 隳尊卑之防。 ,暮不廢夕,節文終遂,則 蔓:棄忠信,作譸 不争,絜敬不慢,尊長 ,故鬬辨暴亂之禍 一殺之義辨。 揖讓獻酬之節 恣,治南之俗 知絜敬而不慢。 和樂而 矣,邪説 知能 流。 、及介與衆賓有 有數,則養老之義 張、私 弟 賓主 工告樂備 不 長 詖 流 彊凌弱,衆暴 尤 賓介、 而 知能安燕 透酬 行 ,弟長 妻孥,薄父 由此息,而 好 無 明,養老 日 讐 坐 立 遺 ''**,** 乃立 興,奸 少少 衆賓 鬭 而 差, 樂 長 成 朝 有 無 而 禮,文 書,而 人,如 之爲 觀感 矣。 脱 年,莫得要領。 之,一庠不足以 又,古者黨五 威儀揖讓之節之爲 皆示民之則,不如 訟,以身教者從。夫朔望讀 欲正其本,惟 跡,盜賊之蹤, 捕 而 之則 日 於網羅,惡者益肆 愈也。 事博弈娱戲 禮教之上下相親,長 而興起者,莫若鄉 具 往 刈 狐 往 一营然。 而 竄 武 已,自 學者與士大夫不急於修身盡 百家有庠,今舉 斷 有 動臨 抱薪 有 容, 鄉 制之以 急則鬻尸買 以翫 司 使民以身自納 順 曲 取 愈也。 兵旅,雞 患 捄火,政何以平? 天 以 其牙 近 歲愒日;武 飲。 其 府 撓官法,亦 道 遺 然 爪 ,返之於 幼相受,使 庠外,莫之 今《會典》 遠 語 也, 凶 法,旗亭縣 狗 縣 則 曰:以言 擾驚,累 縱之則狼 非 人户不啻 於軌 善者不 四

繁省

不同

,則隆

以

娲

,終於沃

洗者

, 則

司

正

則

知

能

和

樂

ጢ

不

禮

教

丽

然

加

月

匑

民

有

所

有

叛

亂

之

能

自

遺,安燕而不亂

著

(賤別)

?;隆殺

辨,

不

亂

尊讓

不

廢

朝

則

貴

、賤之義别。

著。

主人速賓、及介拜賓

等,

則尊長之義明。

加

豆

拜

洗、

拜受、拜送,則

郊之民

令雖

教

老

物

之中

禮 經 學

〇四

之,其 宴爲 家以 器 令主之,四郊,丞分主之。耆年致仕、德 由 席,違者以 有 淳篤者並之,以 坐序依《大清 設饌、設律。 衆賓,教職爲司正,生員爲贊禮、執事,設樂、 懋著者爲大賓,處士賢者爲介與三賓,餘爲 儀,爲之規約。 正》、《族師》之意,而參用《禮經》、《會典》之 事 `無失 州 曾違條犯法之人列於外坐,不得 擇賓、宿戒 上 鄉 習於禮 共 酒 飲禮,又令天下學校及四郊里社 ,皆行鄉飲,略仿《周官》、《州 度數,無視虚文。 賓器,鄉共禮樂之器 肴、 庀具 違制 律 案:其儀式依《大清會典》,其 、肄儀、及期、長官親 誠令三年貢士之歲 郡中、守爲主人、州、縣、牧 論如 次齒 例》,高 仿古者 令。 列,違者論笞如 年 間 歲 有德者居上,高年 上下相親,長 以 共祭器 ,毋致奢 孟 春、孟 **"**; 輒 率 ¨, 黨共 長 紊 鄉 律。 靡 以 () 《 黨 关 越 幼相 冬行 鹿 正 望 行 射 其 百 素 鳴

難 公除 可純任 又可 昆、裴耀 曷嘗不捷 賓介,擇爲鄉正、族正 以通物情、以寓教化,且甲長之中 法,聯俗詰奸至爲 俗不成者哉? 近奉明詔,令天下舉行保甲 之,以旌别淑慝之宜。 有 受,父兄之率先也順,子弟之觀 立效者此 相從、久而不倦者哉? 有官司尊敬之榮,二法 以 行 以 生其 前 潁 德禮。 Ш 察其鄉之賢否,因 卿、李 韓延壽、伏湛、李忠、秦彭、鮑德、 也。 怨 遜悌之心,而 如 影 讐之路,禮教之於以 不知文翁改蜀 或曰: 響 栖筠等所爲,垂諸青史,豈 乎。 明密,若復徧行 獷 夫以《周官》之法迂 ,無爵秩名器之授,而 如此,而焉 相輔,百姓孰不樂勸 消 悍之民當用威嚴 故曰:行之一日 立 其 鄉 粗 地 鄙 蠻 正、族正 摩 化民 桀驁之氣 夷之風,長 鄉 卽 有獄不息 也深。 飲酒 可舉 成 ጢ 欺 劉 闊 爲 寄 既 M

人哉?

世俗即不欲高論三代,獨奈何不

州鄉之屬,鄉大夫或在焉,不改其禮。」秋以禮會民,而射于州序之禮。謂之鄉者,《鄉射禮》第五。鄭《目録》云:「州長春

矢,弧矢之利,以威天下。」 《易·繫辭傳》曰:「弦木爲弧,剡木爲

之謂也。」言能事其事,然後食其食。必先有志於其所有事,然後敢用穀也,飯食地四方。天地四方者,男子之所有事也。故地四方。天地四方者,男子之所有事也。故《記》曰:「男子生,桑弧蓬矢六,以射天

曰 : 非 孔子曰:『吾何 而 備 以 天子降及庶人,案:《大射》有士旅食,是庶 男子生,桑弧蓬矢自舉之,明示有 非常 相 漢吾丘壽王議 害 有事 以 禁暴 執 則 討 ? 以 曰:「臣聞古者作五 設 邪 執射乎?』大射之禮 守衛 也。 安居 而 施 行 則 以制 陣。 事 **灬人在官** 猛 禮 兵 , 也 潤

> 故伏莽 既 盛 故用 者亦得與大射。三代之道也。 民,兵農不分,其官,將吏不分。敦詩説 教 力者,天下無事則用之于禮義,天下 之勢、弱則衰、衰則亡、强 人教之射。安不忘危,存不忘亡,國家不 中也。」按:古者兵器莫利於弓矢,故男子人 之士皆腹心爪牙之材,用其所習,習其所用, 用之于戰勝。」聘之賓,軍之將也。 可使有勇且知方也。《聘義》曰:「勇敢 人欲其强而惡其亂,故射 日無兵,天下不可一人不知兵也。 也 ,禮樂與射御並重。 抗,弓矢斯張 力 少 無 地 而 而 成 、功易。 戎心不生,此三代中國之所以 **,射夫既同,獻爾發功。**』言 家能可 其學,文武不分; 而 則亂,亂則亡。 爲戰,人能爲守, 《詩》云:『大侯 節之以禮,所 先 王 夫天 有 强 事 謂 下 可 其 之 則 有 聖

記》曰:「古者,卿大夫士之射也,必先

要旨第二

禮

之序也。」《射義》通説諸射禮,而論大射爲詳,今別出數行鄉飲酒之禮。鄉飲酒之禮者,所以明長幼

條人此篇,餘詳《大射》。

及立 此 長 詢 正月獻賢能之書於王,退而以鄉射之禮五物 戒賓、陳設、速賓、迎賓。 凡四節,皆禮初 後,其儀節皆同,惟無介爲異。 發首言將射, 更旅酬 1衆庶。 禮射 也。」又曰:「《周禮》鄉老及鄉大夫,三年 司 鄉射之禮,先與賓飲酒如鄉飲酒之義 戒賓節 而 īE 、坐燕如 詢 諸侯之鄉大夫既貢士於其君,亦用 將 衆庶乎?」 旅 「主人戒賓」,注曰:「主人,州 酬 鄉飲。 了,乃暫 凡賓至之前,賓退之 止 不 旅 而 射。 射已, 事。

矣。」
者以布爲之,用人事之始也,本正則末正
神以称爲。《白虎通》曰:「侯

迎賓節 「主人升一等,賓升」,注曰:

以貴德尊士,人才多則國勢昌,學術精則人

聖,終以「邦之榮懷」。

孟子言「仁則榮」,繼

「不俱升者,賓客之道,進宜難也。」

人,次主人酬賓,次主人獻衆賓。 凡四節。射前飲酒之禮,先主人獻賓,次賓酢主

多德行、道藝,榮之道也。《書》言有技、彦 多德行、道藝爲榮,何常數之有乎?」按: 之時,則其心先不誠,而禮皆不可行矣。 三人」,注曰:「言三人,則衆賓多矣。 不能並,禮之通義。」 中者謂之忠也。 致敬于一人,則不以他人貳之。故拜衆賓必 拜,敬不能並。」《校釋》曰:「君子之行禮 在獻賓畢,遵入必在一人舉觶後,所謂 獻衆賓節 若以拜衆賓之節,雜于獻賓 注曰:「獻 「衆賓之長升拜受者 賓畢,乃與衆賓 或 持 也 以 敬

凡二節。鄉射無介,故敘遵者獻酢特詳 獻 畢,一人舉觶; 若 有遵者,於是 人。

化民,欲其遵法之也。」 「大夫辭加席」,注 於賓南」,注曰:「雖尊,不奪人之正禮。」 曰:「謙不以己尊加賢者也。」 「大夫降,立 遵入節 注曰:「謂之遵者,方以禮樂

取矢。

凡九

節。

鄉射樂賓,惟合樂一節,樂備,獻工笙。

《周南》、《召南》之風,鄉樂也,不可略其正 所以合和百姓。」 也。」《石渠議》章玄成曰:「鄉射、合樂歲時、 笙、不閒,志在射,略於樂也。 不略合樂者, 樂賓節 「乃合樂」,注曰:「不歌、不

爵備樂畢,乃立司正。以上並射前飲酒

勿,猶勉勉。

《周禮·鄉大夫》「五物詢衆庶」,

禮

自 耦俟于堂西」以下,始言射事。 凡

物者

,古人即通

會此意,以

命名也。《大戴

物

即

與事

可義。

而堂上射者所立之位,亦名

要旨第二

矢,次司射誘射,次三耦射,次司馬命設楅 馬命張侯、倚旌,次樂正遷樂,次三耦取弓 賓皆射,第三番以樂射。 請射于賓,次命弟子納射器,次比三耦,次司 三番,第一番三耦射,第二番賓、主、大夫、衆 三耦之射,先司 射

事,故稱 釋言語》曰:「事,傳也。 傳,立也。」蓋物字 記注 君子所有事也。」阮氏 于堂上何? 示從上制下也。」「當左物」。 本從勿,勿者,《説文》:「州 居》鄭注:「事之謂立,置于位也。」《釋名 曰:「物,謂射 誘射節 勿勿。」曾子曰"「君子終身守此勿勿也。」勿 「升堂揖」。《白虎通》曰:「射 時所立 元 曰:《禮記 處 里所 也。 建旗, 趣 物猶事也, 仲尼 燕

607

0七

禮

•

虞戴

德

日

規鵠

,竪物。

履

物

以

射,

其

〇八

心

端

色容

正」、《大射儀》曰「左足履物」,皆

此

按: 相 義,所謂耦也。不勝者反求諸己,無怨於人, 讓 也。 並 故 人偶之至,故謂之仁。 行。」《白虎通》曰: 上下射 故君子無所争,必也射乎? 可 以 選 ,俱升俱降,每 士。」所 謂 「二人争勝, 揖 讓 節 勝負 升下,其争 輒 揖,相 俱降,以 樂 也, 以 人偶之 君 崇 養 子。 禮 德

射,次 馬 矢、乘矢,次司射視數獲,次飲不勝者,次 次司射作射、 比耦,次三耦拾取矢,次衆耦受弓矢,序立 獻獲者,次司射獻釋獲者。凡十三節 賓、主人、大夫、衆賓耦射,先司射請 大夫與 請釋 耦 射,次衆 獲,次三耦射,次賓、主人 賓 射,次司馬 命 射 司 取

日 耦,謙也。 射」,注曰: 「大夫雖衆,皆與士爲耦。 某 請 射 御 比 于 子 來觀禮,同爵自相 耦 射者 節 繹 注 己之志,君子務 賓、主人、大夫若皆 曰: 大 以 與耦 耦告于大夫, 夫 皆 ,則嫌自 與 焉。」 尊 爲 與

爲物。 扑。 階登 至其 體 乎物。」天下之物各有當 物 義 賢之學,躬行實踐,務盡事 敬、止孝、止慈、止信,皆止於物所當 也。 直 有 一, 持 堂,履物 處 則。」子曰: 案 : 凡家國天下 而 弓矢 履之,以止於至善。 鄉射 俯 正 審 而 有 足」。 後射 固,然後可 「仁人不 扑者,以兵 五倫 也。 《記》曰:「 之事,無不當以 過乎 止之處。 按: 理,故謂 以言 法部 物, 《詩》云:「有 譬如 中。 内 勒子弟,使 孝子不 射者所 志 止仁、止 射然,升 咋 正 身 , 外 過 履 聖 搢 親

明 孟 田之類 三耦射 步伐 上射降三等,下射少右,從之,中等, 整 ?,是以 節 齊,賞 中 獲 罰 者 爲 有章,皆教 獲 坐 也。」按: 而獲」,注 民 射禮 日 即 「射, 戎之 號 令

道

嚴

講

節

制

于子」,貴有常尊也。按:大夫與士爲耦,以貴下賤也。而云「御財也。大夫爲下射而云御于子,尊大夫也。」

矣。 中 曰:「威儀棣棣,不可選也。」此可以觀 禮。」進 取 矢 節 退周 《記》曰: 旋之禮,拾取矢 射 者,進 尤 詳。 退 周 ≪ 詩 德行 旋 必

掌射 然後 謂禮不必事。 正 釋算也。]按: 衆足以 猶 一何爲 ,有故之辭。 中也 事,備尚未 請 乎? 知之矣。 釋 獲 節 曰夫射者執弓堅固,心平體正 鄉射射正。《白虎通》曰:「射 「不貫不釋」,注曰:「不中正不 知,當教之也。今三耦卒射, 猶狹之者,君子不必也。」所 司射既 「司射 猶 誘射,恒執弓挾矢以 狹 一个」,注 曰

大夫也。在堂如上射之儀,近其事,得申。」大夫射節 注曰:「耦於庭,不並行,尊

也。言賢者,射之以中爲儁也。」按:所謂習數獲節 「右賢于左」,注曰:「賢猶勝

衆,以 《記》曰:「射者,仁之道也。 皆習射尚功之義,使其賢不賢彰明較著 卒觶」,注曰:「受罰爵,不備禮 也射 射尚 已,侯以 曰:「尊賢也。」 弛弓,言不能用之也。」 執弛弓」,注曰:「執張弓,言能用之也。 下無能也。」 「勝者之弟子洗觶,升酌」,注曰:「耦不酌 而不中則不怨勝己者,反求諸己而已矣。」 『發彼有的,以祈爾爵。』祈,求也,求中 功。 乎 飲 鼓舞之,愧厲之。 ţ 不 明之,莫明于此。 勝者節 揖 「司射命勝者執張弓,不勝者 讓 而升,下而飲,其争也君子。」 「不勝者坐取豐上之觶,立 子曰: 而 「勝者先升堂」,注 「君子無 興道 《記》曰:「《詩》 己正而後發,發 /興藝 也。」案:此 所 有不容 争, 執 于 必

爵 也 酒 者 所 以 養 老 也 **,** 所

以

養

病

也

以

辭

求 中 以 辭 爵 者,辭養 也。」以 爲 養者耦之義

禮 順 人情 也,故揖讓 而行。 以 爲 罰者,國之

章 律,設大法也,故 張 弛異節 「賓、主人、

之,以授于席前」,注曰:「 大夫不勝則不執弓,執爵者取 優尊 觶 也。」方氏 ,降洗,升實 荷

云:「雖優尊者,實與不勝者同罰。 蓋古

者

事則 武 事 以 莫 習禮樂,有 重於射,君 事 臣 則 長幼莫不 以 決戰勝,所以 虚 志 於 众此,無 保 國

衛民將於是乎! 在大夫、州長、即有事 時 之

射之 軍 帥 初, 帥 而 也。 與 於 故老病不能射者,可 射 ,則不敢寬其罰。 辭 蓋 於 法 請 不

耦 行於貴者, 不勝 則 亦執 則 無 弛弓,特升飲」,注曰:「尊者 以 肅 其下也。」 「若大夫之

可 以 孤 無 能。」《校釋》曰:「《大射》注 굸

孤 賤 尊 也。」案"大夫與士爲耦,以貴下賢 爲 耦 , 而 又不勝,使之獨飲,若 無 倫 也。 匹

> 僭。 賢 則 以 今不勝 德 而 則是 不 以 無 位 能,徒 雖 以 賤 尊 而已,不足 爲 耦 而 不 以 疑 當 於

大夫耦之之禮。 故禮使之獨飲,孤之,若無

耦者然,所以 愧厲之也。 見賢則先之,見不

善則遠之,亦以 戒學士勉修其德行 道 ~藝,無

與人也壹,雖使之獨飲,至三射,大夫仍與之 盜 虚 聲而速官謗也。 然君子之舉人也周,而

也。 爲耦 先王勸 ,庶其反 戒之道如是,其周且 求諸己而 能 中,則 仍不 至,所 失 以 爲

教思無窮也。」

矢,次視算、告獲,次飲不勝者,次拾取 賓皆拾取矢,次司射請以樂節射,次取矢、乘 有司,次退諸射器。 射、命耦反射位,次三耦,賓、主人、大夫、 賓、主人、大夫、衆賓 凡九節 以 ·,射事 樂射,先 克 司 矢 射 衆

日 「説矢束者,下耦以將拾取。」 拾取 矢 節 大夫 進 坐,説 「耦 矢東」, 揖 進

明

日

拜賜、息司正

諸

儀並

同

鄉飲酒。

凡七

事。

旅酬,二人舉觶、徹俎、坐燕、送賓以

至

司馬反爲司正」以下,言射訖飲

酒之

也。

而用之者,方有樂賢之志,取其宜也。」

《射義》曰:『騶虞者,樂官備也。』其詩有『一 肖之人,則彼將安能以中?」「奏《騶虞》」, 發,發而不失正鵠者,其惟賢者乎? 若夫不 子曰:「射者,何以射? 何以聽? 以樂賓也,故不告主人。」」「不鼓不釋」,孔 相接也。」 夫,不敢與之拾也。相下相尊,君子之所以 坐 多, 歎思至仁之人以充其官, 此天子之射節 發五豝、五豵,于嗟騶虞」之言,樂得賢者衆 注曰:「《騶虞》,《國風 『請射告主人者,賓主俱當射也。 夫樂,主所 鄉射請射告主人,樂不告者何? 戴聖曰: ,兼取乘矢」,注曰:「兼取乘矢者,尊大 「請以樂樂于賓」。 ·召南》之詩篇也 《石渠議》: 循聲而

某子。

節。 也。 旅酬節

某子者,氏也。 旅酬下爲上,尊之也。」 「某酬某子」,注曰:「某者,字 稱酬者之字,受酬者曰

之。 曰:「古者與人飲食,必歸其盛者,所以厚禮 徹俎節 「司正以俎出,授從者」,注

人也。」堂上自相酬,使執觶者行之。 階上」,注曰:「不使執觶者酌,●不以己尊孤 坐燕節 「卒受者興,以旅在下者于西

人重敏、《學記》引《兑命》曰:「敬孫務時 酒之事。惟公士爲賓與鄉飲酒異,餘皆同 \sim 「使能」,注曰:「能 (郷射・記》自發首至薦司正,記射前 者敏於事。」案:古 飲

敏。』《周禮》曰:「敏德以爲行本。」《論語

0 酌 原脱,據《儀禮注疏》補。

供 目 事 ,藉之强 ·, 則 兼明强 敏則 士不成士,官不成官,而以兼弱 有功。」《春秋傳》每言敏不敏 一,不 有力者矣。 敏之極至於頑不 知 道 一, 窳)攻昧 不 敏

事。 記 不降」以下記第二番射,「大夫説矢束」以下 第三番射。凡三節 命三耦以下記第一番射、「衆賓不與射、 自「三耦者使弟子」至「射無算」,皆記射

何? 害也 何 ? 以 虎豹何? 猛 侯,赤質。 示服猛遠巧 鹿豕。』《白虎通》曰:「天子所以射熊何 也 一示當 首節 示遠 大夫、士俱人臣、示爲君親視事 各取 示服 大夫布侯,畫以虎豹。 迷惑人也,麋之言迷也。 服 佞也。 「凡侯,天子熊侯,白質。 德所 天 猛 下 能 也。 巧 熊爲獸猛巧者,非但 服 佞之臣 也。 士射鹿豕何? 大夫、 也。 士布侯,畫 士射 諸 諸侯 大 侯 ,身勞 示 夫 射 當 兩 除 射 麋 服 ? 麋 物

> 祝曰: 獲。 何 ? 苦也 在侯,去傷害之心遠,是以輕之。」 今鄉會衆賢以禮樂勸 取人以 忍射之,故畫獸 射爾。』所以不射正身何? 過,謂矢揚中人。凡射時矢中人,當刑之。 復,釋獲。 明諸侯有 『嗟爾不寧侯,爾不朝于王所,故亢 漸。」 或曰 : 臣陰,故數偶 「射者有過,則撻之」,注曰: 復,用樂行之」,注曰:「君子 而射之。」 不朝者,則當射之。 民 ,而射者中人,本意 「始射 也。 君子重同類,不 名之爲侯 ?,獲而· 故禮 未釋 , 射 而 者

以責人之道責己。 爲習武明矣。 注曰:「惟此二事,休武主 曰:「己無俊才,不可 示 司射釋弓矢,視算。 以無事 次節 亂 「衆賓不與射者不降」,注曰 有事。」案: 「主人亦飲于 與 以 獻 辭 此治 文。 罰。」案: 釋獲者釋 西階 然則 事 要 上 • 此 法 射 弓矢」, 所 本 · 意 注

三節 「大夫説矢束,坐説之」,注曰:

明不自尊别也。」

「古者」以下,記射訖飲酒之禮。

樂之盛,言語無節,故追道古也。」可以言語,先王禮樂之道也。 疾今人慢於禮「古者於旅也語」,注曰:「禮成樂備,乃

「鄉侯」以下,記侯及箭籌、楚扑之制。

「君射」以下,雜記諸射禮。

備。」 傳》曰:「國君,文足昭也,武可畏 「有文事者必有武備 以 翿 惟 君 旌獲」,注曰:「尚文德也。」案: 有 射 于國中,其餘否」,注曰: ¨; 有 武 事 者 必 也。」又 有文

不習武事於國中,設爲此制以杜漸防微,以云:「春秋二百年中,臣淩其君者有之。臣定君臣之分,得先王制禮之精意。」焦氏以恕『臣不習武事於君側也』,一語立尊卑之準,「臣不習武事于君側也。」胡氏肇昕云:「注

《漢書·吾丘壽王傳》:「丞相公孫宏此坊民,猶有跋扈恣睢、尾大不掉者。」

耰鉏 之道 其執 前。 赭衣塞路,群盗滿山,卒以亂亡。 名城,殺豪桀,銷甲兵,折鋒刃。 之具不可勝數。 勝爲務,不顧義理,故機變械飾,所以 是以巧詐並生,知者陷愚,勇者威怯,苟以 明王,諸侯力政,强侵弱,衆暴寡,海内抏敝 此盜賊所以蕃也。 私議,滅詩書而首法令,去仁恩而 下其議。 執短兵,短兵接則衆者勝。以衆吏捕寡賊 言:『民不得挾弓弩。十賊彍弩,百吏不敢 也。 必得。 **箠梃相撻擊,犯法滋衆,盜賊不勝,至於** 盜賊不輒伏辜,免脱者衆,害寡而 臣 壽王對曰:『臣聞 愚 盜賊有害無 以 於是秦兼天下,廢王道,立 爲禁民毋得挾弓弩便。』上 禁民不得挾弓弩,則盜賊 利,則莫犯法,刑錯 周室衰微,上無 其 任 故聖王務 (後,民 刑 相 戮,墮 利多 賊 害 以 得 奏

使共 誅 弓矢之爲禁也。 教 矣。 不 竊 民 奪也,攻奪之罪死然而不止者,大姦之於重 弓弩之過也。 風,然而盜賊 窮巷,起白屋,裂地而封。 以古今不相及也。 化 得習 ,建太平,舉俊材, 以 以 固 爲 自 不避也。 而 用,後世務 備 無 省禁防, 行 其禮 益于禁姦,而廢先王之典,使學者 圃 抵 猶 愚聞聖王合射以明教矣,未聞 臣恐邪人挾之而 法禁,是擅賊 ,大不便。』<a>案:三代務教 知其 防民使無用,此盛衰强弱,所 有者,郡國 且所爲禁者,爲盜賊之以 壽王之論可謂探本識 不足恃也。 興學官,三公有司 宇内日化,方外 二千石之罪,非 威 而奪民救也。 吏不能止,良 今陛 下 或 昭 務 民 攻 挾 鄉 由 明

事,若卿大夫有勤勞之功,與群臣燕飲以樂《燕禮》第六。鄭《目録》云:「諸侯無

之。」疏 聘客與之燕四 勞二也,卿 録》云諸侯 大夫聘 無 事 案 也。 而 上 而 燕 下 來還與之燕三也, 經 也,卿大夫有王 注, 燕 有 四 等。 事之 四方 \Rightarrow 目

四

注曰: 事。 燕禮勞使臣,若臣有功,故 告戒、設具節 大夫爲賓,有請命執役,有納賓。 也。」●案:所謂 臣則警戒告語焉,飲酒以合會 司宫尊於東楹之西」,注曰:「 有戒與設具,有納諸臣立於 自篇首至「公升就 「臣道直方。」 小 「惟辟 臣戒與者」,注曰: 作 席」,皆燕 福 與群 予君 爲 臣樂之。 凡五 其位,有 歡 初 兩 [專此 戒 也 方 一君 節。 壺 備之 惠 小 以 命

上,西鄉,公升,即位于席,西鄉。」《記》曰:納諸臣定位節 「小臣設公席于阼階

0

立于阼階之東南,南鄉。爾卿,卿西面北上。西面特立,莫敢適讀爲敵。之義也。」「公降「君席阼階之上,居主位也。君獨升立席上,

爾大夫,大夫皆少進。」《記》曰:「定位

也。」

形 作人,古鼎彝、石鼓文人字皆如此。 庸》:『仁者,人也。』鄭注云:『人也,讀如 注 明嫌之義也。」 也。不以公卿爲賓,而以大夫爲賓,爲疑也, 手相存問之形能顯之,故造字如此。 愛異於禽獸之頑惡,而仁愛之意,惟曲 所以象此形者。 人之所以名爲人,以其性仁 方整耳。 人偶之人,以人意相存問之言。』案: 人字篆 必 曰:「揖之,人之也。」陳氏 如 命賓節 此 象曲身引手之形。 ,所謂相人偶也。 古未有仁字,先有人字,則仁愛之 《記》曰:「設賓主,飲酒之禮 「公揖卿大夫,乃升就席」, 凡人相存問,其 當造字時 後世篆作尺,取字體 澧曰: 《 此最 身引 中 相 初

者,惟相人偶一語,故取以爲訓也。」今案:猶用最初之義。至鄭君時,人字有最初之義人字乃專爲人物之人。《中庸》『人也』之人,仁亦作人。其後則造仁字,爲仁愛之仁,而

「禮之也。」按:人之禮之,仁禮存心,見於威納賓節「公降一等揖之」。《記》曰:此人之即人偶之義。

儀。

《記》曰:「使宰夫爲獻主,臣莫 主也。」 阼。 也。」張 主人獻賓節 「坐取 氏 「主人酌膳」,注曰:「君物曰膳, 爾 岐 觚洗」,注曰: 曰 : 「代君 「主人亦升自西階」。 . 爲獻 「獻不以爵,避 敢 主,不 與君 敢 亢 正 由 禮

六

之言善也。酌君尊者,尊賓也。」

崇 也。一 酒」,注曰 「避正 賓酢 主 主 人節 一也,未 「不以酒惡謝賓, 「主人 薦者,臣 坐祭,不 也。」 甘美君 「主人 啐 酒 不 物 注

彌 注 張 尊也。 日 弛』者,是之類與。」 :「賓不立於序内,據上酢畢,立序內言。 主人酬賓節 位彌 尊者,其禮彌卑、《記》所謂『一 賓降筵 (西,東· 南 面 立 一 、 位

使一人與? 二人與? 優君也。」 二人媵觶節 「小臣請致者」,注:「請

以 旅 夫,大夫舉旅行酬。 爲 而 行 賓 明貴賤 後 酬。 獻 舉 公爲賓舉旅 旅 庶 子。 而 行 也。」按:《 後 酬 獻卿,卿 俎 節 《記》又曰:「君舉旅於賓 豆 派禮 牲 面 《 記 》 體 舉 後獻士,士舉旅行 巡 薦羞,皆有等差,所 旅 曰:「獻 行 舉旅 酬。 此第 圃 君 後 獻 君 酬 次 大 舉

> 之本 按: 親 其什一,故上用足而下不匱也。 也。」 上必 臣下竭力 也。 及君 者,尊先而卑後。」 義也。」注曰:「言聖人制禮,因 禄,故臣下皆務竭力 下之大義也。 而 而 君 -與? 因事託 寧。 明正道 不 所 君答拜 「射人作大夫長 賜 相 禮無不答,言上 盡 怨 爵 政,凡禮皆 以道 之,禮 也。 能 皆 「賓 故 以 立· 降 日 民,民道之而 和寧,禮之用 進 再 無 燕禮》者 功於國,君必 受 拜 盡 不答, 稽 然。 虚 能 升 首 一之不 爵 以 受 明君 注 立功,是以 旅 故 所 升 也,此 虚 日 有 」,注曰:「長 是以 成 事 以 日:「7 取 上之禮 功,然後 拜 報之以 以 明 於下也。 禮 託 君 明 君 上 尊 下 或 其 政 臣 臣 臣 也 君 和 取 安 爵 政 禮

節 觶 于公,公又舉媵酬 燕禮再成,此 君舉旅行 悃 畢、 獻卿 主 賓 而 若 人 酬禮 獻 長 卿 遂 稍 旅 又二大夫 酬 凡三 媵

位近 也 以 君、統于君,尊尊大義於是爲著。 徹之」,注曰 曰 按:近君 席 此求之。 孤 君,近 獻 「司宫兼卷重席,設于賓左,東上」,注 東上,統於君 北 卿 面,爲其大尊,屈之也。 親賢也,近君則屈,尊尊 節 君 「避君 則 注 席于阼階 屈,親 日 也。 _: __ 也。」按: 怬 竉 西,北 荷 而後獻 卿 敬 優 辭 私 君、尊君、避 亦因 面」,注曰: 也 凡不言者 重 卿,辨尊 昵 席 之 阼 , 司 坐。 階 宫 卑 西

樂作 爵樂更作以 備 獻 ,所以致和樂之情也 卿 工後乃 旅 行 成三旅。 酬 舉 畢、主人獻大夫,未 旅 ,旅已笙奏、閒 凡七 節。 禮 又殺 歌 及 、合樂、 旅 而 樂 而

實幣 其 曰 心 帛筐 升歌 (鹿鳴 篚 節 傳 》,燕群 以 曰 將 : \mathcal{I} 大夫 其厚意,然後忠臣嘉賓能 歌《鹿鳴 臣 不 嘉 能 賓 致 也。 **>** 其 樂 既飲 案 : 則 食之,又 《詩序 不 能 得 盡

之人君使臣以禮如此,此燕禮之情也。其志,不能得其志,則嘉賓不能竭其力。」古

而 子以下諸臣乃行無算爵,無算樂。 賓,次賓媵觶于公爲 司 燕禮備 正安賓,次主人獻士 君三舉旅 爵 、樂備: 土 作、將 舉 及 旅 旅 食、次 酬,次主人獻 坐 燕 盡 或 凡六節 歡 射 , 先 以 樂 庶 立

賓 誠 命 中 其 篤,似惟恐其不安而 賓飲酒。 「言爲我故安,於此 心 也。』忠臣 相 踧 庭」,注曰 君曰『以 待 踖 立司 則 如 對 社 命卿 正 此,是以《鹿鳴》序云:『燕群 曰:『諾。 稷安而 我 節 嘉賓能 :「明其 大夫以 安』。」注 民 司 盡 盡其心矣! 人和矣。 敢不 勸强之者。 事 正 我故安。」《校 一日之歡,語意殷勤 曰 : 以 洗 ·安! 自 角 深解,南 表,威儀 君 故《魯頌》曰 意殷 古之君 忠臣 卿 大 面 釋》 勤 夫 多 坐奠于 欲欲 也。 賓 臣 則 臣 曰 懇 聞 婉 留

不親。 陽和 者當以詩情禮意合體味之。」「公以賓及卿 大夫皆坐,乃安」,注曰:「禮者尚敬,敬多則 君子有穀,詒孫子。」箋云:『君臣 夙 夜在公,在公載 丽 燕安坐,相親之心。」 有豐年,其善道則可以遺子孫 燕。 自今以 始,歲其有 安樂則 心。」學 陰

令惠均。」案:此所謂上有大澤,惠必及下。執爵者爵辨,卒受者興,以酬士」,注曰:「欲夫舉旅,不言興。明公崇禮不倦也。」 「司正命所媵觶,興」,注曰:「至此又言興者,上爲卿大所媵解,興」,注曰:「至此又言興者,上爲卿大

之事,則授之以車甲,合其卒伍,置其有司,一則率國子而致於太子,唯所用之。若有甲兵一,與其教治,别其等,正其位。國有大事,子之卒,注"卒皆當爲倅,諸子副代父者也。掌其戒子之卒,注"卒皆當爲倅,諸子副代父者也。掌其戒有庶子官。庶子官職諸侯、卿大夫、士之庶者就庶子節 《記》曰:「古者周天子之官

説。 子也。」《燕禮》有庶子官,是以義載此 射,以考其藝而進退之。」注曰:「庶子 存游卒,使之修 以軍法治之,司 馬 德 弗正。 學道 春合諸 凡國之政 學,秋 事 猶 以 合 國 爲 諸 諸

一八

君答拜於上,示不虚受也。」 拜,明雖醉,正 者,公意殷勤,必 辭。公答再拜,大夫皆辟」,注曰:「命 降,西階下北面 無算爵節 臣 東上,再拜稽首。 禮也。 「公有命 盡 酒也。 不言賓,賓彌臣 徹 小臣 幂,則 辭,不 公命 卿 大 · 升成 徹 小 夫 也 幂 臣 皆

訖,是臣也。」 「公不送」,注曰:「賓禮曰:「重得君賜。」 「公不送」,注曰:「賓禮 賓出節 「北面坐取其薦脯以降」,●注

公與客燕一節,别出燕他國之臣、戒賓、

❶ 「降」,原作「出」,據《儀禮注疏》改。

是豈待初筵之規、三爵之制,而後不得醉焉」。顧氏炎武曰:「古者樂不踰辰,燕不移之篇曰:『在昔殷先哲王迪畏天顯,小民經之篇曰:『在昔殷先哲王迪畏天顯,小民經之篇曰:『在昔殷先哲王迪畏天顯,小民經之篇曰:『在昔殷先哲王迪畏天顯,小民經之篇曰:『在昔殷先哲王迪畏天顯,小民經之篇曰:『在昔殷先哲王迪畏天顯,小民經之篇曰:『在昔殷先哲王迪畏天顯,小民經之篇曰:『古者樂不踰辰,燕不移

《燕禮·記》發首先記燕服及燕所,次

哉 ?

牲。凡二節。

人也。明非其人不與爲禮也。」 牲節 「其牲,狗也」,注曰:「狗,取擇

禮,及燕己臣所用爲賓之人。 「若與四方之賓燕」以下二節。 記燕客

羞與執幂者,自爲一節。

以樂納賓之禮,自爲一節。

告成《大武》之樂歌也。奏之,所以美王侯,「若舞,則《勺》」,注曰:「《勺》,《頌》篇,

勸有功也。」

俎,次獻公之辭,次爲公所辭,及所酬之禮,「惟公與賓」以下四節。先記公與賓有

獻公節 「臣敢奏爵以皆尊君之義。

·``文公多义。' 獻公節 「臣敢奏爵以聽命」,注曰:

「不敢必受之。」

公所辭節 「皆栗階」,注曰:「急趨君

命也。」

者,不專惠也。」 公所酬節 「請旅侍臣」,注曰:「必請

中樂爲一節。因燕而射爲一節,四方之賓媵觶之辭,及房因燕而射爲一節,四方之賓媵觶之辭,及房如大夫以下薦羞之人及内羞别爲一節,

要旨第二 禮經

革椹 質者』是也。」按: 射禮之目備

數中者,得與于祭。不數中者,不 得 觀 大 禮。 故燕禮者,所以 《記》 卿大夫士之射也,必先 曰:「古者諸 明君臣之義也。 侯之 射 行 也 鄉飲酒之禮 鄉飲酒之禮 , 必

中禮。 持弓矢審固,然後可以言中,此 内 志 正,外體 直 一、然後 持 可 弓 以觀德 矢審 固

之射。

諸侯相朝與之射。三爲燕射,謂息燕而與之

二爲賓射,諸侯來朝,天子與之射,或

及卿大夫禮射

有三:

爲大射,是將祭擇

士

侯

者,所以明長幼之序也。

故射者進退周還必

與於祭。」孔氏《禮記正義》曰:「凡天子諸

射。

天子、諸侯、大夫三射皆具。

士無大射,

其禮。

射

者

,諸侯將

有祭祀

之事

與其

群

臣

射 以 射

₹儀》第:

七。

鄭《

目

録

》云:「名

日

矣。 以上言禮。其節:天子以《騶虞》爲節

以《采蘩》爲 侯以《貍首》爲節,卿 節。 《騶虞》者,樂官備 也。 **《**貍

《采蘩》者,樂不 首》者,樂會時 失 職 也。 也。 《采蘋》者,樂循 是故天子以備 法 官爲 也。

節,士 節、諸 以 侯以 不失職 時 會 爲節。 天 子 爲節 故明 卿 乎其節之志 大夫 以 循 以 法

注《

祭取餘獲

陳

于

澤,然後

卿

大夫相

與

、射也。

鄭

大夫從君田

獵

班餘獲

而

射。《書傳》云:

凡

射,有主皮之射。

凡主皮之射有二:一是

卿

鄉

其賓射、燕射皆有之。」「此三射之外,有

亂之 盛德也。 失其事,則 禍 矣, 以上言樂。 功 功 成 成 則 而 德行 或 又以上統論各射禮 安。 <u>\frac{1}{1}</u> 故 德 行 日 射者 立,則 所 所 是故 以 無

武之射,《司弓矢》云:『王弓,狐弓以授射甲

云『庶人無侯,張獸

皮

而

射之』是也。

又有

習

|於獲也。||二是庶人主皮之射,鄭注《周禮》

鄉射》云:『主皮者無侯、張獸皮而射

之,

_

于此

大夫以《采蘋》爲節

譽也。

是以天子制之,而諸侯務焉。

此

天子

以

養

諸

侯

而

兵

不

用

,諸侯自

爲

正之具

譽。』言君臣

相

與

盡

志於射以

習禮樂

則

安則

士,小大莫處,

御于君所。

以

燕 以

射

則

燕

則

習禮

樂而

以

流

亡者,未之有也。

故《詩》曰

曾孫

侯氏,

四

正

具舉。

大夫君子,凡

以

庶

諸

侯

也

以

上

有

慶

而

益

地

與於祭

而

其節不

是

以

諸

侯

君

臣

樂,而中多者,得與於祭。 是故古者天子之制,諸侯歲獻,貢士於天子, 天子試之於射宮。其容體比於禮,其節比於 比於樂,而中少者,不得 君有慶,數不與於祭而 飾之以 ,數有 選諸侯卿大夫士。 言天子大射,諸 盡 行者,莫若射,故 志 讓 禮樂也。 於射以習禮樂。 而削地,故曰射者,射爲 侯 其容體不比於禮 故事之盡禮樂 大射亦 射者,男子之 與於祭。 君有讓。 聖 有 擇士 王 夫 務 一之義。 君 焉 數 臣 數 而 將祭。 矣。 外有 於射以習禮樂,中多 爵 讓 已射於澤,而 祭,不中者不 消削 絀 戰 以 勝 地。 · 得 後 射

事

也

一, 因

而

天子以射

可

數

爲

以

立

德

諸侯貢士皆得其人,則天下之將才多。 也。」以上言諸侯燕射,其大射亦有此義。 子將祭,必先習射於澤。 地是也。」此又言天子大射,諸侯大射擇士,亦於 按:諸侯皆盡 攻克之用,而内 得與於祭者有慶,益 與 、於祭。 於 志於射,則天下之兵强 而容節 射 宫。 澤者,所以擇 不 無 ,必比於禮樂, 犯 得 射 上 與 中 又曰 於 作亂之 以 者 祭者 地 得 士也 一、「天 盡 與 志 進 患 則 有 於

不能 陽 兵 養德、崇禮讓,故可以選士。 物之生,故以 短 氣,達萬物 自達者。 而害長,故可 白虎通》曰:「天子所以 也。 射達之也。」又曰: 夫射,自内發外,貫堅 以 春,陽氣微 戒 難 也 發近 弱 所 親射何? ,恐物有 「射者,樂 以 圃 必 入剛, 制 因 遠,其 窒 射 象 寒 助 助

陽,戒不虞也。」得士,則可以戒不虞。陽遇士者,所以扶助微弱而抑其强,和調

陰

四節。《大射儀》自篇首至「羹定」,皆射前戒備《大射儀》自篇首至「羹定」,皆射前戒備

君有命,政教宜由尊者。」有祭祀之事,當射,宰告於君,君乃命之。言有祭祀之事,當射,宰告於君,君乃命之。言善戒百官節 「君有命戒射」,注曰:「將

間 得爲諸侯,射不中則不得爲諸侯。」是其義 按:《白虎通》曰:「名之爲侯者何? 尊者射之以威不寧侯,卑者射之以求爲侯。」 射謂之射侯。 侯有不朝者,則射之。」《記》曰:「天子之大 知兵者,可使爲疆臣將臣,不知兵者,不使 曰:射,兵 者曰:得爲諸侯與 射侯 事 節 也; 射侯者、射爲諸侯也。射中則 諸侯,後世之疆 注曰:「侯,謂 不,惟 浹於射乎? 所 臣將臣 射 布 明諸 也。 也

《白虎通》曰:「尊者所服遠、卑者所服 不舉其事,即天下有無兵之漸,而彝倫有或 平體正,持弓矢審固,持弓矢審固,則射中 所射之主。 兵之由。故射者,男子之所有事也。苟一人 君、臣臣、父父、子子無離散死亡之禍者,皆 矣。」問者曰:射者之鵠,於父子君臣 也,或曰舍也。繹者,各繹己之志也。故心 然則正者,正也。」《記》曰:「射之爲言者繹 也。鵠之言較,較,直也,射者所以直己志 爲人子者以爲子鵠。』言射中此,乃能任己位 鵠,爲人臣者以爲臣鵠,爲人父者以爲父鵠 也。」「大侯之崇,見鵠于參」,注曰:「鵠 所以安也。 無 爲疆臣將臣,所以保國而庇民也。 曰"天下之人,父子君臣盡之,而所以 不 能軍 一,中國 《射義》曰:『爲人君者以 「大侯九十,參七十,干五 所 以 强 也; 無不能禮,天下 古之諸 何 能 與? 十。 近 君 侯

戰陳必勇,以爲臣鵠,以爲子鵠也。 僨軍之爲臣子者,以爲翼戴君父,在此鵠也。孝子自衛。爲君父者,以爲保有臣子,在此鵠也。斁之憂。聖人之教射,使天下人人互相衛以

將、亡國之大夫,不知己之鵠者也

頌。」 「頌磬」,注曰:「言成功曰頌。西爲隂中,●萬物之所成。是以西方鍾磬謂之笙。」「頌磬」,注曰:「言成功曰頌。西爲東爲陽中,●萬物以生。是以東方鍾磬謂之設樂縣節 「笙磬」,注曰:「笙猶生也。

次小卿,士、庶子以次就位於下。」也。」按:《燕義》曰:「席,小卿次上卿,大夫卿,命於其君者也。 席於賓西,射禮辨貴賤卿,命於其君者也。 席於賓西,東上」,注曰:「小陳設節 「小卿賓西,東上」,注曰:「小

以來,主人獻賓,賓酢主人,主人獻公,主人所北面立」,皆將射先燕之事。公命賓、納賓自「射人告具」以下,至「南面反奠於其

與燕禮同,容有小異,主於射故也。酬,主人獻大夫,工人奏樂。凡十二節。皆旅酬,主人獻卿,二人再舉觶,公爲卿舉旅受公酢,主人酬賓,二人舉觶,公取觶酬賓遂

此以延賓,其著宣王德,勸賢與?」云:《肆夏》、《時邁》也。《時邁》者,太平巡云:《肆夏》、《時邁》也。《時邁》者,太平巡云:《肆夏》、《時邁》也。《時邁》者,太平巡云:《肆夏》、《時邁》也。《時邁》者,太

賓酢主人節 「主人不崇酒」,注

曰

「避正主也。」❸

敢襲至尊。」 「更爵洗」,注曰:「不

[「]東」,原作「春」,據《儀禮注疏》改。

^{) 「}西爲」,原作「秋謂」,據《儀禮注疏》改。

^{》「}主」,原作「君」,據《儀禮注疏》改。

公爲賓舉旅節 「賓進,受虛觶」,●注

易不洗」,注曰:「不易,君義也。 不洗,臣禮曰:「賓進,以臣道就君。」 「公有命,則不

也。_

也。」

之惠也。不嚌啐,亦自貶于君。」 獻卿節 「不嚌肺」,注曰:「陳酒肴,君

是言賜、《燕禮》此時言酬。射禮明尊卑。」 爲卿舉旅節 「惟公所賜」,注曰:「於

也。」 作樂節 「四瑟」,注曰:「禮大樂衆

按:不背者,義不後君之意。 注曰:「從觶西往來,爲君在阼,不背之也。」 立司正節 「右還,北面。左還,南面」,

右撫之,興,反位」,皆言三耦不釋獲之射。|射,共三番射,亦略如鄉射之節,自此至「左釋獲之射,有三耦、衆耦釋獲之射,有以樂||「司射適次」以下,方及射事。 有三耦不

权天。凡四節。 司射納器、比耦,司射誘射,三耦乃射,

二四

誘射節 「將乘矢」,注曰:「將,行也。取矢。凡四節。

兮,以御亂兮。』」行四矢,象有事於四方。《詩》云:『四矢反

拾取矢節 「揖,以耦左遷」,注曰:「言前,不敢佩刑器。」按:此亦臣無作威之義。將射命耦節 「倚扑」,注曰:「將即君

❶ 「觶」,原作「爵」,據《儀禮注疏》改。

者,以

此

一人與彼一人相

忠恕等事之謂也。

數語,足以明之矣。

春秋

時

氏

發

相

不

能

之相與也,譬如舟

車

也。

凡仁,必於身所行

者驗之而始見,亦必

有

二人而仁乃見,蓋

士庶人之仁,見於宗族

濟,馬非馬不走,水非水不流」,及《中庸》篇 「人也,讀如相人偶之人。」鄭《詩》、《禮》箋注 『仁者,人也』,鄭康成注『讀如相人偶之人』 仁字,不必煩稱遠引,但舉《曾子制言篇》『人 人二。」又曰:「《論語》言仁最詳,竊謂 從人二。」《中庸》:「仁者,人也。」注: 阮氏元曰:「人偶,猶言爾我 相人偶者,謂 然相濟達也。 相人偶也。」按: 凡耦之揖讓升降 人偶,而 孔門 親 文》:「仁,親 ,故其字 所謂 人之偶 人非 盡 其 仁也 敬 人不 詮 從 之 禮 耦 解 明相 與人 鄉黨。 草芥,使民糜爛,家國怨而畔之,亦不過 民。 助,患難相救,相人偶之急務 體群臣,不卹民時,則爲政不仁。 偶,是不訒即不仁矣。 所以木訥 乃見 似言敬恕之道,於仁無涉。 弓問仁,孔子答以『見大賓』、『承大祭』諸語 浮薄之人語易侵暴,侵暴則 『仁者,其言也訒。』夫言訒於仁何涉? 立人,己達達人』之旨。孔子答司馬牛曰 人不濟』,《中庸》『仁者,人也』,《論語》『己立 也。 人偶之義 相人偶而 同一相人偶之道,是必人與人相 天子諸侯卿大夫之仁,見於國 鄭君『相人偶』之注,即曾子『人 至 已,秦、隋是也。」按:阮 當、然則射禮習武、守望 不知天子諸侯不 也 不 能 近仁也。 極之,視臣 與 人 偶

相

不

知

也。

親愛之辭。

獨

則無耦,耦則

相

多言「人偶」。

皆

意

相

人

偶,仁之道也。

《説

以

者,耦、

之事

成於此,意

家

臣

而

非

者,偶也

,相人偶

, 仁 也。

尊之義於是大著 君與賓耦射節 案:此節禮文尤備,尊 賓 降 注 曰:「不敢

與君 皆 注曰:「 始焉。」 執 其 並 旌 俟 不敢與君併。東面立,鄉君也。」 告。」 賓「先待于物北,北一笴,東面立」, 以 負 其 侯 「公將射, 而俟 _**,** 注 ,則司馬 曰 : 師 君尊,若 命 負 侯

絶於賓,上天下澤,辨上下,定民志也。耦,天地交泰,以貴下賤,大得民也。其禮殊不留尊也。」案:下射,主位也。君與賓爲「公既發」,注曰:「公,下射也,而先發,

弼。

君當

知

而

改其度。」案:此所謂「予違、汝

大射

正「以矢行告于公」,注曰:「若不中,使

上,北北 也。 爵 散,降拜」,注曰:「飲君則不敢以爲罰。」 賓進 也。 飲不勝者節 「若飲公,則侍射者降洗角 受鱓,降洗 面立飲」,注曰: 夾爵 亦所以恥公也。」《校釋》曰:「公 散 「賓、諸公、卿大夫適 觶 ,升實散」,注 「不可以己尊枉 深觶,升 曰:「夾 正 西 酌 뙮 階

> 功,而 酌自飲,義近之。」 正 爵,以寓徹膳去樂之義,俾在上者反身修 既飲賓又自飲,若自咎。 『亦所以恥公也。』蓋制禮者故使之異於 心,以正 與君分謗者,則公自 朝廷百官萬民也。 平 日 知 《春秋傳》屠 恥 無 矣。 將 順 故 匡 救之 日 德 致

也。 始取 獲。 篇,後世失之,謂之《曾孫》。 曰 : 也。」按:此教學定法。 又拾取矢,此三事爲異,其餘並如釋獲之射。 取矢,正射「不鼓不釋」,射後三耦及衆射 射,以樂爲節之儀。 「《貍首》,逸詩《曾孫》也。貍之言不來 其詩有『射諸侯首不朝者』之言,因 復,釋獲。 苟能,中課有功,終用成法,教化之漸 自司 以樂節射節 射倚扑于階西」以下,言第三番 復,用樂行之。君子之於事 射前有諸公、卿、大夫 注曰:「始射,獲而未釋 「奏《貍首》」,注 曾孫者,其章頭 以

『小大莫處,御于君所,以燕以射,則燕則以爲諸侯射節者,采其既有弧矢之威,又言也。《射義》所載《詩》曰『曾孫侯氏』是也。

譽」,有樂以時會君事之志也。」

庶子前或復射一節與燕禮異,合之凡八節。爵、樂,賓出。凡七節,皆與《燕禮》同。惟獻士及旅食,賓舉爵爲士旅酬,獻庶子,無算禮之事。公爲大夫舉旅,徹俎、安坐,主人獻自「公又舉奠觶」以下,論射畢坐燕以終

·將終,宜勸公,序厚意也。」 賓舉爵節 注曰:「賓受公賜多矣。禮

曰:「拜君樂與臣下執事無已。」 復射節 「卿大夫皆降,再拜稽首」,注

安燕交歡,嫌亢禮也。」 蜜出節 「公不送」,注曰:「臣也,與之

聘禮》第八。鄭《目録》云:「大問曰

侯也。 聘。 問,殷相聘」、《禮記》『諸侯 存,三歲徧頫,五歲徧省」,此天子所以撫 問 年、三年之期 行人》『時聘以結諸侯之好,殷頫以除邦 諸侯之與鄰國,皆有聘禮。《大行人》『歲徧 就修之。』《五禮通考》云:「天子之與諸侯 義、正刑一德以尊天子也,必擇有道之國 位,大國朝焉,小國聘焉。 朝者及而相聘也。父死子立曰世。 使大夫。《周禮》曰:『凡諸侯之邦交,歲 岳者,小聘則 慝」,此諸侯所以事天子也。 《大行人》 『歲 云:「小聘曰問。 聘」,則諸侯之邦交也。 也、殷相聘也、世相朝也。」」案:《周禮》 諸侯相於久無事,使卿相問之禮。 《大宗伯》『時聘日問 7,俾相 使大夫,大聘則 殷,中也。 属以 禮,相: 先 此皆所以習禮 使大夫問 ,殷頫曰 久無事 王制 使 接 卿, 以敬讓 諸 7,又於 視」、《大 定爲 于諸 侯 凡 國之 同 君 小 比 方 考 殷 侯 相 諸 即 注 相 聘 面 而

二八

繁,其 潛 其 (燕賜 陵 雖豐厚而 兼 并之萌 不爲費,用意 故 其 儀 雖 委 固 折 深 而 且遠 不 爲

明義 尊 上 賤、明尊卑,貴賤有序,民尊上敬長矣。 之行惡,而倍 曰:「凡弑上,生於義不明。 一敬長而弑者,寡有之也。 [《]經 也,故 也。 解》曰:「聘問之禮,所以 聘覲 有弑 畔侵陵之敗起矣。」《盛德》記 之禮 獄 ,則飾朝聘之禮也。」 廢 ()則君 義者,所以等貴 朝聘之禮 臣之位 使諸 上失,諸 一所以 民 侯 尊 相 侯

禰與行,次受命遂行。凡四節。聘使之事。先命使,次授幣,次使者及介告,《聘禮》自篇首至「遂行,舍於郊」,論遣

爲 不辱君命。」誦《詩》三百,致 多其國之良,而孔子論士必曰:「 命 争承, 命使節 尤亟稱子産。 古者重使才。 蓋 春秋列國之使, 用 聘問之禮 在 使於 能 專 一所以 對 四 一,於

> 得其 明 選。本之以忠信篤敬,行之以勇敢强有 國、南北朝、宋遼之世,其使才往往極天下之 故事 踐 人,其禍之烈,蓋有不可勝言者矣 否則,范鞅之貪,慶封之昏,孫林父之傲 無政,有人無人,安危榮辱於是乎繫,非奉行 則失禮挑釁,三軍暴骨。 叔陳生之貳,當國家多事之秋,豈特貽笑遠 時 修 而已。 勢,知彼己,故能 人 舊 好, ,則繼好結信 要結 漢使絕國,才與將相 外 援 一, 謀 !折衝樽俎,樹援 稷賴之。 事 彼國以此見其有政 補 闕 不得其人, 禮 並 之大者, 重。 掉 下, 王 力,

事,重慎精密,是以奸人不能舞弊,而事立功授幣節 弗躬弗親,庶民弗信。 古人處

成。

事存,故行必告 出 必告,反 告禰與行 必 面。 節 禰 孝子 釋 《孝經》曰:「言滿天下 幣 事 于 死 禰 如 事 案 : 事 生 如

假

道節

注曰:「諸

侯以國爲家,不敢

廟。」聘之得失,廟祀安危所繫,可無慎乎?無口過,行滿天下無怨惡。然後能守其宗

頃之間,示有俟於神。」「主人立于户東,祝立于牖西」,注曰:「少

同體 君享用璧,夫人用琮,天地妃合之象也。 所以厚恩惠也。夫人亦有聘享者,以其與己 纁東帛加琮」,注曰:「享,獻也。 既聘又獻, 行」,注曰:「《曲 璋特達,瑞 也。」「受享束帛加璧,受夫人之聘璋,享玄 辭,出竟有可以安社稷、利國家者,則專之可 命,君言不宿於家。』」 ,爲國小君也。其聘用璋,取其半圭也。 受命節 也,璧琮 《春秋傳》曰:「大夫受命不受 禮》曰:『凡爲君使,已受 有加,往德也。」 「遂 圭

之事。過邦假道,未入竟肄儀。凡二節。自「若過邦」至「不習私事」,言使者在塗

於宋。 信也。 也。 鄙我,亡也。殺其使者,必伐我,伐我亦亡 抽屋,不强匄。 鄭,禁芻牧采樵,不入田,不樵樹,不采爇,不 書也。《左傳》昭六年楚公子棄疾聘于晉,過 者,執策示罰。」胡氏《釋官》云:「書,誓戒之 司馬執策立于其後」,注曰:「賓南面,專威 修政自强。 伐我,同歸于亡。如之何而可以不亡? 也。」夫充不假道之類,則何所不至? 直徑也。」按:春秋楚使申舟聘於齊,不假道 禮,君行師從,卿行旅從。司馬,主 華元 史讀書,以勅告士衆,爲其犯禮 曰:「過我 「賓南面,衆介北面,史讀書, 誓曰:『有犯命者,君子廢, ጢ 不假道 一, 鄙 鄙 我也。 軍 暴 法 掠

次郊勞,次致館設飱,皆聘前事。凡四節。聘國聘君迎待之事。先謁關迎入,次展幣,自「及竟」以下至「衆介皆少牢」,言至所

小人降。』是其誓書之類。」

也。」 上公七介,侯伯五介,子男三介,所以明貴賤上公七介,侯伯五介,子男三介,所以明貴賤 迎入節 「以介對」。《記》曰:「聘禮,

北面聽命」,注曰:「若君南面然。」「主請事,大夫請行,卿勞,彌尊賓也。」「賓不對等,大夫請行」,與學,獨尊賓也。」「賓

X。`欲沐浴齊戒。」「卿致館」,注曰:「所以安欲沐浴齊戒。」「卿致館」,注曰:「所以安「賓之意不欲奄卒主人也。且以道路悠遠,致館致飱節 「賓曰:『俟閒』」,注曰:

享 國 若有言,二主國禮賓,三私覿,四公送賓出 夫之儀。 於是主君禮賓,其爲私禮者有二:賓私 一,介私 . 庿中所行之禮。 其爲公禮者有 一,聘夫人一,享夫人一,若有言者又一。 自「厥明,訝賓于館」至「賓 「覿一。 公乃送賓出,又有問君、問大 此聘之正禮也,分爲四節: 不顧」,皆主 五 聘 聘享 覿

既設,擯者出請命」,注曰:「有几筵者,以其

如此,得君

行一臣行二,於禮可矣。」

「几筵

人,立于中庭」,注曰:「公揖先入,不復出。

雁行,卑不踰尊者之迹,亦敬也。」 「公揖

問君及大夫。

後君。 者,以相人偶爲敬 受,北面拜貺,拜君命之辱,所以致敬 皮弁,迎賓于大門内。」《記》曰:「君使士迎 出請事」。《記》曰:「三讓而後傳命。」 君子於其所尊弗敢質,敬之至 之正也。 于竟,大夫郊勞,君親拜迎于大門之内 承擯,士爲紹擯」。《記》曰:「介紹 者,朝聘主相尊敬也。」「卿爲上擯,大夫爲 「公揖入,每門、每曲揖」,注曰:「每門輒 聘享節 《玉藻》曰 不敢與君並由之,敬也。 「賓皮弁聘」,注曰:「服皮 『賓人不 也。 凡君 中門。一中門,門 與 也。」 賓人門,賓 介與擯者 而傳命 也。」 「擯者 而 揖

故爲 曰: 也。」 三讓 《記》曰:「三讓而後人庿門,三揖而後至階 也 賓升二等,亦以君行一,臣行二。」 「受玉于 讓 廟受,宜依 中堂與東楹之閒」,注曰:「人堂深,尊賓事 也者,君子之所以 曰 ,則不相侵陵。」 「亦所 胡氏 神設几筵也。」 東楹之閒,亦以 而後升,所以致尊讓 圭 曰:「臨 神也。 以 璋 聘,重禮 致 尊 相接也。 之以先君以結二國之好, 至此言命,事彌 讓 「公升二等」,注曰:「先 君行 也。 也。 「賓襲,執圭」。《記》 一,臣行二。」 也。」又曰:「敬讓 故諸侯相接 「賓 出出 入門 至,言彌信 辭 玉」,注 左。 以 敬 覿尤著。

私覿節

北

面

奠幣,再拜稽首」,注

禮 燕 面 也。」此櫽括下數節言之。 所 則 私 賓客之也。 以 覿 明 節 致 賓 (客君 饔餼,還圭璋,賄贈;饗,食, 《 記 》 或不親而使臣,則 臣之義 曰 : 「君親 賓奉束錦以請 也。」注 禮賓:賓 日 爲 設大 觀, 君 私 臣

注曰: 帛」,注曰:「言用,尊於下也。」 「栗階 賓,公壹拜送」,注曰:「公尊也。」 面」,注曰:「北面者,禮主於己。 注曰:「鄉將公事,是欲 「趨君命尚疾。」 交其 「受幣,當 歡敬 己,臣也。」 也。」「 「公用 東 楹 升, 北

「請以客禮受之。」按:賓客君臣之義,於私曰:「以臣禮見也。」 「擯者請受」,注曰:

長幼。 懈惰 飢 將以 行。 之禮,至大禮 後禮成,非强 而 行禮也,酒清人渴 送賓節 有行之謂有義,有義之謂勇敢。故所 不敢食也,日莫人倦、齊莊正 此 衆 以成禮節,以正 人之所難而君子行之,故謂之有 有力者弗能行也。 也。 「賓告事畢」。《記》曰:「聘射 質明而 君臣 而 始行 不敢飲也 ,以親父子,以 事,日 故强 齊 肉肉 而 幾 有 乾 不 h 中 者 敢 m

争鬬 勇敢 也。 於勇 謂盛德,故聖王之貴勇敢强有力如此 用之於禮義則順治。 者,貴其有行也。 敢强有力,而不用之於禮 下有事則用之於戰勝。用之於戰 也。 故所貴於勇敢者,貴其敢行禮義也。 强有· 敢 ,則謂之亂人。 如此則民順治而國安也。」 力者,天下無事則用之於禮義,天 貴 其 能 所貴於有行 以 刑罰 外無敵,内順治,此之 立 義 義戦 行於國 也。 勝, 者,貴其行 所 ,所誅者亂 勝 貴 圃 劐 用之於 也。 於 無敵, 立 勇 故 禮 義

於庭,二三子皆在。』勞客曰:『道路悠遠,客何如』,序殷勤也。」「公再拜」,注曰:「勞以道路之對曰:『使臣之來,寡君命臣於庭。』問大夫對曰:『使臣之來,寡君命臣於庭。』問大夫對曰:『使臣之來,寡君命臣於庭。』問表。」「公與賓」,注曰:「勞以道路之人,注曰:「問君」,注曰:「問君。」,注曰:「問君。」,注曰:「問君。」,注曰:「問君。」,注曰:「問君。」,注曰:「問君。」,注曰:「問君。」,注曰:「問君。」,注曰:「問君。」,注曰:「問君。」,注曰:「問君。」,注曰:「問君。」

再拜對者,爲敬慎也。」 甚勞。』勞介則曰:『二三子甚勞。』問君,客

卿; 夫餼士介,無償。 使下大夫歸饔餼於上介,亦如之, 聘日 聘畢,賓請 致饔, 有事,卿先勞之。爲一節。 君 凡三事,合爲 使 卿 歸 饔餼 於賓,賓 節。 使宰 儐

「趨主君命也。」「受幣堂中西」,注曰:「趨主君命也。」「受幣堂中西」,注曰:一之具陳於內,米三十車、禾三十車、芻薪倍而用財如此其厚者,言盡之於禮也。盡之於而用財如此其厚者,言盡之於禮也。盡之於一。 古之用財者不能均如此,然不能與四此其厚者,言盡之於禮也。 古之用財者不能均如此,然不可諸侯務焉爾。」「受幣堂中西」,注曰:「趨主君命也。」

卿、面卿,二介面卿,三問下大夫。次又設言言賓問主國卿大夫之事,分爲三節:一賓問自「賓朝服」至「如主人受幣禮,不拜」皆

禮 經 君。

大夫不見之禮,别爲一節。 《記》曰 聘,「明 日

問 大夫」。

凡 堂中西北 也 而 曰 所以 ,而因以 内外尊卑之間,無不致其殷勤敬禮之意, 重 問 睦 卿、 三賓 於鄰者大矣。」「卿受于祖庿」,注 面」,注曰:「趨聘君之命。」 禮 及其夫人,而 面 也。 卿 節 不几筵辟君 高 氏 并 以 愈 問 云: 也。 其卿大夫,則 聘 本爲 「受幣 君

之」,注曰:「君子不忘舊。」 問 下大夫節 「下大夫嘗使至者,幣及

之受也。」 命來問大夫,不可虚 大夫代受幣節 其君命,故君使人代爲 胡氏曰 :「賓以 聘君之

節,凡夫人之禮皆下君禮 問卿之夕,夫人使下大夫歸禮於賓 八介爲

大夫餼賓介爲一節,凡大夫之禮皆 避

> 玉、報享,賓將行、君館賓,賓行、主 聘問 既畢,主 或 君臣饗食賓介, 君 或 使 贈 卿

送。 凡四節 還

易以 夫各以 誤,主君弗親 賜無數,所以 大夫致之以酬幣」,注云:「大夫有故,君必 所以養諸侯,兵不用而諸侯自爲正之具 相 比年小聘,三年大聘,相厲 必致之,不 儐」,注曰:「 厲 「大夫於賓壹饗、壹食。若不親饗,則公作 以禮 相親敬也。」又《記》曰: 饗食節 其爵 則 廢 外不 朝服 君 厚重禮也。」 饗 其 《記》曰: 不 食 禮 相侵,内不相陵,此天子之 親 致 也。 也,所以 之以 食,0謂 致之必使 「壹食、再饗、燕與 侑幣, 「若不親 以禮。 愧 有 「天子制 厲 疾 之也。 如致饔,無 同 及 使者聘 他 班 食,使大 諸侯, 了,敵者 故也。 八也。-諸 侯 而 時

君」, 原作「若」,據《儀禮注疏》改。

使其同爵者爲之致之。列國之賓來,榮辱之

事,君臣同之。」

則民作 遺 輕 還之者,德不可取於人,相切厲之義也。 曰:「君子於玉 弁者,始以此 曰:「以圭璋聘,重禮也。 已聘而還圭璋,此 聘君,可以爲衣服,相厚之至也。」 財 而 還玉節 讓矣。」 重禮之義也。 「君使卿皮弁,還玉于館」,注 服受之,不敢不終也。」《記》 「賄 比 心德焉。 諸侯 用束紡」,注曰:「所以 相厲 以之聘,重禮 以 輕 財 重禮, 也。 皮

之,厚殷勤且謝聘君之意也。」 公館賓節 注曰:「爲賓將去,親存送

郊勞,出有贈賄。」曰:「所以好送之。」按:《春秋傳》曰:「人有曰:「所以好送之。」按:《春秋傳》曰:「人有「明已受賜,大小無不識。」 「公使卿贈」,注明:贈送節 「賓三拜乘禽于朝」,注曰:

自「使者歸」至「上介至,亦如之」,言使

者反命,及至家奠告之事。凡二節

也。 服也。 邪,下守其宗 實知之,則不敢復入,而待放於境也。 外,將入必請。恐己有罪惡,己未及知 忠孝也。」 命。」「若有獻」,注曰:「大夫出,反必獻, 所以教忠敬,防專僭,使之靖共正直,罔或 勝其任,以速官謗,而覆君之美道。 曰:「此可見人臣事君,當夙夜嚴惕,惟恐不 以己久在外,嫌有罪惡,不可以入。』《校釋》 某君 禮,臣子,人賜之而必獻之君父,不敢 反命節 再拜」,注曰:「明 「介皆送至于使者之門」,注曰:「將 君父因以予之,則拜受之,如 「君使宰賜 (庿, 而 「請反命」,注曰 上以衛君之社稷 彼 使者幣」,●注 君 :「必請之者, 敬 君,己不辱 (更受賜 故久 也。」 此 自 而 及 私 在 褿 君

❶ 「君」,原作「公」,據《儀禮注疏》改。

4.0°
行俟於門,反又送於門,與尊長出入之禮

聘後本國君薨,或聘賓有私喪,或賓死及介之禮。或所聘國君薨及夫人、世子喪,或出自「聘遭喪」至「卒殯乃歸」,皆聘者遭喪

死。

凡

四

節

君以 曰 「不言使大夫受,子未君,無使 國 聘 遭 君薨于後節 爲 喪節 體。 「人竟,則遂 遭喪,將 「赴者至,則 命于大夫」, 也 二,注曰: 臣 衰 義 丽 也。」 出 「國 注

「復命于殯」,注曰:「臣子之於君父,存亡注曰:「禮爲鄰國闕,於是可以凶服將事。」

有齊斬之服,不忍顯然趨於往來。」 有私喪節 「歸,使衆介先」,注曰:「己

同。」

外」,注曰:「必以柩造朝,達其忠心。」「若賓、介死節 「歸,介復命,柩止于門

賓死,未將 傳》芋尹蓋 有朝聘而終,以尸將事之禮,又有朝 造朝,以己至朝,志 命」,注曰: 曰:「事死 命, 未 將 則既斂于棺,造 命 謂 在 如 達 事 俟閒之後也。 君 生 命。」按: · 禮也。」 于朝, 於是 聘 \sim 介 丽 春 以 手 遭 秋 柩 將

喪之禮。

小聘曰問

别

爲一節

凡三節。 反命之事,次使者受命將行之禮,次玉幣。《聘禮‧記》發首先記聘故,因及致命、

東帛 之所,讀之可以 悉其事之原委 不欲使衆共聞之故也。 悉。」胡氏云:「此有二義,一 曰:「受其意,不於内者,人稠處嚴,不 聘故節 反 命于 館 也。」 「主人使人與客讀諸門外」,注 審悉。 明 日 君館之」,注曰:「書問 「客將歸,使大夫以 必與客讀之者,欲詳 則告請 則門 或 外乃 有密事 得 清 其 審

謀,一或不慎,奸人乘 尚 患,悔不可及。「書問尚疾」,外交之要義也。 有 疾 功。」《易》曰:「緩必有所 也。」按: 不 疾則事誤。 閒 ,他族生心,失機 《語》曰: 失。」況 越 敏 國 貽 則 而

受命將行節 注曰:「古者君臣謀密。」

按:不密則害成。

「卿館於大夫」以下二節,記賓館及設

飱。

清,尊主國君賜也。」●

設飱節

「沐浴而食之」,注曰:「自潔

儀物,次賓私獻,次君不親饗之禮,次勞賓。之容,次庭實貨幣之宜,次襲裼之節,次禮賓聘用圭璧之故,次記授次,次三記賓介聘享正禮,以及勞賓。先記賓訝往來之禮,次釋正禮,以及勞賓。先記賓訝往來之禮,次釋

日。凡十節,皆聘日事。惟「訝將公命」,在致館

三六

德焉。 禮」, 則是主於貨,傷敗其爲德。」 豐之,是又傷財也。」 賄」,注曰: 主於幣,而禮之本意不見也。」 情也,是以享用幣,所以副忠信。 曰:「貨,天地所化生,謂玉也。 注曰:「幣,人所造成,以 庭實貨幣之宜 謂束帛 朝聘之禮,以爲瑞節,重禮也。 「賓客者,主人所欲豐也。 也。 愛之斯欲 「多貨,則 衣食之,君子之 「賄,在聘 自覆幣,當爲 「幣美,則没 傷 君子於玉 美之,則是 于 德 若苟 多之 比 注

❶ 「賜」,原作「禮」,據《儀禮注疏》改。

之於君與子之於父同。 以 君 命致之。」胡氏云:「明不敢自私也。 私 獻 注曰:「賓所以自序尊敬也 《玉藻》曰:『親 -, 猶 臣

行禮於人稱父。』亦此意。」

節。 之日與禽之數、因及問大夫之節,次既 請觀,次士介無饔,次不親饗與無饗,次大夫 餼賓介之實與器,次賓拜賜,次燕禮。 凡八 食、燕之事。先記賓受饔而祭,次致饔歸 自「賜饔」至「宰夫獻」,記饔餼、禽獻、饗 受饔 禮

云:「吴季札聘魯,請觀於周樂。 魯,觀書於太史氏,皆其事。」 庿之好,百官之富,若尤尊大之焉。」 請 觀節 注曰:「聘於是國,欲見 晉韓起聘 李氏 其宗

賄 反幣,館賓,賓謝館、主人。凡三節。 無行」至「主人不拜」,言賓將歸時,事

文質之辨也。」

主國待客饗不饗之宜,及受聘大小不

同,致饔米禾之數,三事各爲一節。

於晉,貳於戎,晉人執之,告於王之類。 罪將執之。』《校釋》曰:「謂若王叔陳生愬戎 賓爲禮。」「過則餼之」,注曰:「不言罪者, 「大夫來使無罪饗之」,●注曰:「樂與嘉 非其

罪則不得執之。」

《公食大夫禮》第九。

鄭《目録》云:「主

敬,猶畜之也。 養之故食之。 賓、國養賢一也。 親之故愛之,愛之故養之, 國君以禮食小聘大夫之禮 至也。饗爲愛弗勝其敬,食爲敬弗勝其愛, 劉氏敞《公食大夫義》曰:「食禮,公養 食而弗愛,猶豢之也。愛而弗 饗禮,敬之至也。 也。」 食禮,愛之

來」,原作「奉」,據《儀禮注疏》改。

至三也,鼎入、載俎四也。四節:戒賓、賓從一也,陳具二也,賓入、拜奠於鼎,逆退,復位」,皆設饌以前事。分爲《公食大夫禮》自篇首至「大夫既ヒ,ヒ

曰:「致安厚之義也。」 陳具節 「宰夫設筵,加席几」。劉氏

氏曰:「三揖至于階,三讓而升堂,充其意,内」。劉氏曰:「非不能至於外也,所以待人口」。劉氏曰:「非不能至於外也,所以待人臣之禮也。臣之意欲尊其君,子之意欲尊其臣之禮也。臣之意欲尊其君,子之意欲尊其

司備以樂養賢也。」「至再拜」,注曰:「興 北,内官之士在宰東北」。 東夾南,士立于門東,小臣東堂下,宰東夾 等,賓升」,注曰:「遠下人君。」 「大夫立于 明之,故忠臣、嘉賓樂盡其心也。」「公升二 其所尊敬,不敢狎。不敢狎,故神明之。 論 其 誠 也。 於廟用祭器,誠之盡 劉氏曰:「百官有 也 君子 神 於

賓三飯,侑賓以東帛,賓卒食,禮終賓出。凡設正饌,賓祭正饌,爲賓設加饌,賓祭加饌,自「公降盥」以下,乃詳食賓之節。爲賓

禮俟賓,嘉其來也。」

八節。

設加饌節 「宰夫授公飯粱,公設之」,

注曰:「殷勤之加也。」

「以湆醬」。劉氏曰:「以君子之厚己也。」也。」「賓三飯」,注曰:「君子食不求飽。」設也。以之降者,堂,尊處,欲食於階下然簠粱,右執涪以降」,注曰:「必取粱者,公所簠粱,有執涪以降」,注曰:「必取粱者,公

之也。」劉氏曰:「雖備物,猶欲其加厚爲食賓,殷勤之意未至,復發幣以勸之,欲用爲食賓,殷勤之意未至,復發幣以勸之,欲用

不顧」,注曰:「退禮略也,示難進易退之于大門内」。劉氏曰:「終之以敬也。」「賓劉氏曰:「賓必親徹,有報之道也。」「公送劉氏曰:「賓必親徹,有報之道也。」「公送

歸俎節 「有司卷三牲之俎,歸于寳

賓,尊之至也。」劉氏曰:「不敢褻其餘也。」館」,注曰:「三牲之俎,正饌尤尊,盡以歸

食之禮,大夫不親食之禮。凡四事。者。食上大夫之禮,君不親食之禮,大夫相自「上大夫八豆」以下,别言食禮之異

人辭曰: 『不足飱也。』孔子退曰: 『吾食 氏,將祭,主人辭曰:『不足祭也。』將飱,主 君子所不足,小人所泰餘也。 慢之君,則將曰『是食於我」而已矣。故禮, 君,則將怡焉,惟恐其不足於禮。將由乎驕 尊、不親而能長有其國者也。 尊之而其位不安者也。 國養賢,其義一也。 未有愛之、敬之、親之、 之者也,自卑者使人尊之者也,是故公養賓, 者也。敬人者使人敬之者也,親人者使 也。]又曰:「君子言之曰:愛人者使人愛之 上大夫加禮節 劉氏曰:「見其德之殺 未有不愛、不敬、不 孔子食於少施 將由乎好德之 人親

一四〇

之,舍禮,何以哉?」 也,少施氏有禮哉!』故君子難親也。將親

大夫筵席與下大夫同,次擯贊,次庶羞及侑乘車,次鉶芼,次贊者升節,次簠,次炙,次上配首言食禮異於常禮,次亨,次筵席,次

凡十一節。

是以享獻不見焉。三時禮亡,唯此存爾。」秋見曰覲,冬見曰遇。朝宗禮備,覲遇禮省,諸侯秋見天子之禮。春見曰朝,夏見曰宗,諸僕秋見天子之禮。春見曰朝,夏見曰宗,《覲禮》第十。鄭《目録》云:「覲,見也,

爵。 有 典命官,掌諸侯之五儀、諸臣之五等,以定 賤,以序尊卑,以體上下,然後民知 上,而忠順之行備矣。是故古者天子之官 别 大行人掌諸侯之儀,以等其爵。 ,尊卑有序,上下有差也。 朝 事 義》曰:「古者聖王 原文訛脱,今據孔 明 義 尊君 故貴賤 以 别 其 有 敬 貴

> 氏廣森 朝 聘之禮也。」 校 語 訂 天子 之所 以 明 章 别 此 義 者 以

職, 就。 見曰 依而 親邦國,春見曰朝,夏見曰宗,秋見曰覲,冬 諸公東面,諸侯西面,以象生氣之文。而 云:「朝宗于朝以春夏者,萬物交際之時,故 受享于庿,生氣文也。 覲者位于庿門外而 朝則六師移之。故曰朝覲之禮,所以明君臣 采三就。子執穀璧,男執蒲璧,繅皆二采 王,公執桓圭,侯執信圭,伯執躬圭,繅皆 公東面,諸侯西面 人,受摯受享皆于庿 之義也。朝者位于内 一不朝則貶其爵,再不朝則削其地,三不 立,諸 廟中將幣皆三享。 遇 凌氏廷堪《覲義》曰:「古者天子以賓禮 時 侯北 見 曰 會 面 而朝。凡朝覲宗遇會同 1,殷見 而覲,天子當二而立,諸 殺 .朝而序進,受摯于朝 諸侯朝于天子曰 日同。 氣質也。」陳氏祥 是故天子當 \mp 渞 序 沭 再 于

以象殺氣之質,而王於堂上見之,所以正君以秋冬者,萬物分辨之時,故諸侯一於北面,於堂下見之,所以通上下之志也。覲遇於庿

臣之分也。」

至郊則郊勞,至國則賜舍。凡二節。至「儐之東帛、乘馬」,言侯氏入覲初至之事,節。三大節中又各自分節,自「至于郊」以下同,覲于國外巡守,覲于方岳之禮。凡三大同,親一國外巡守,覲于方岳之禮,而附見會《覲禮》主言特覲于庿之禮,而附見會

尊敬也。」「殯使者」,注曰:「所以致「奉王命尊也。」「侅食者不讓,先升」,注曰:「年日、大之玉尊也。」「使者不讓,先升」,注曰:「使人皮弁用壁勞」,注曰:「僾侯氏也。」「王郊勞節 淩氏曰:「僾侯氏也。」「王

至即欲受之者,主人之禮。覲禮,且使即安未受其禮,且使即安也。」李氏云:「聘禮,賓賜舍節 注曰:「以其新至,道路勞苦,

者,君上之惠。」「儐之束帛、乘馬」,注曰:

「尊王使也。」

凡三節。王勞之,乃出。觀,以瑞玉爲贄,次行三享,次肉袒請罪。備言入覲之事。質明先以將覲告行主,乃入借言侯氏裨冕」以下至「升成拜,降出」,

二千五百里之外,三千里之内,五歲一見。二千里之外,二千五百里之内,四歲一見。凭。千五百里之外,二千里之内,三歲一見。歲一見。千里之外,千五百里之内,二歲一歲一

也。 玉。 各執 者 其繁纓,從其貳車,所以明别義 者 敢 他,伯父實來,予一人嘉之。」」注曰:「非他 右 成 曰:「鄉明出治,象天道也。 優至尊也。」 曰:「依,有繡斧文,所以示威也。 左右几, 解 解 拜 由賓客位也。」《記》曰:「奠圭,降、拜、升 親之辭。 ,所以承天,象地道也。」 天子設斧依於户牖之閒,左右几」,注 (明臣) 享用束 然 然 其 ,坐奠圭」,注曰:「入門右者,執臣道 里之外, 凌氏曰:「覲用命圭特達**,**禮以 主 後 後 瑞,服其 升 禮也。」凌氏曰:「奠圭於堂下,擯 升致 帛 嘉之者,美之辭也。」 成拜。 三千 加 「天子衮冕,負斧依」。 命,降階,再拜稽首送 璧,有庭實,隆 服,乘其 五 覲禮盛,侯氏先以臣禮 百 里 一之内 輅,建其 侯氏裨冕入門 「天子曰:『非 也。」 殺之義 六 「侯氏 歲 旌 以以 少爲貴 玉,擯 旅,施 淩氏 也。 見。 瑞 不 人

> 見,天子以 客禮受之也

也。」 禮賓,天子尊也。不覿,侯氏自來,非使人 氏之卑益臣。」 殺,全乎爲臣也。」 再拜稽首」。 「王不使人受馬者,至於享,王之尊益君 不受玉,撫之 職 地 所出 享節 ,所以教臣 重物 淩氏 而已,輕 庭實惟 而獻之,明臣 也。」「王撫 「事畢」。 曰: 「以馬出,授人」,注曰 國所有 財 「不復升成拜者,享禮 也。 凌氏曰:「享畢 <u>ٺ</u> 職 玉」,注曰:「王 「侯氏 念記 也。 \Rightarrow 明 日 西西 臣 階 木 :

臣

國

則天 禮》諸侯行 子 更從右者,臣益純 曰:『伯父無事 Ħ 下威之也。」 請 《周禮》大行人等官屬之司 罪 節 禮既畢,則降而 淩氏曰: ,歸寧乃邦 也。 乃 「天子 入門右」,注 「告聽 ____此 肉 威諸 袒 事」,注曰: 所 請 謂 寇、蓋《覲 侯 曰:「入 刑。 也。」朱 懷 王

以求免禍 國當戰 之宗廟社 告王以國 戰 一稷,故 適也 栗栗,勤 .所用爲罪之事也。」此可見諸侯在 將覲必先釋幣于禰,教諸 無 民 事 恤 歸 功篤於仁義,奉 寧,乃能長守其先 上 侯 君 法

殊,並略言王待侯氏之禮。凡三節,庿受覲覲禮畢,賜車服,因分别王辭命稱謂之

竟。

之孝,正以教諸侯之臣也

稱謂節 胡氏曰:「謂之伯叔父舅,尊賜車服節 淩氏曰:「天子懷諸侯也。」

之、親之之辭也。」

「饗禮,乃歸」 凌氏曰:「賓客之道

也。」

天燔柴」以下言巡守之禮。「諸侯覲于天子」以下言會同之禮,「祭

王. 將 有征 會同 討 禮 之事 凌氏曰:「古者諸侯 , 則 既 朝 覲 王 爲 壇 於 不 國 順 外 服

《記》曰:「率諸侯 變也。」 殷同。 合諸侯 以 别貴賤,序尊卑也。」 「天子乘龍,載大旂 擯」,注曰:「其奠瑞玉及享幣,公拜於上等, 《記》曰:「所以 淩氏 以教民報德不忘本也。 也。」又曰:「率而祀天於南郊,配以先祖,所 象日月,升龍、降龍,出,拜日于東門之外。」 侯伯於中等,子男於下等。」《記》曰:「所以 皆就其旂 不巡守,則六服盡 合諸侯 土揖庶姓,時揖異姓,天揖同姓。」《朝事義》文。 教 孝 日 也。 :「禮天地 以命政焉,所命之政 覲受之于庿,會同受之于壇,文質 而命事焉,謂之時會。 「加方明于其上。設六色、六玉 而立」,注曰:「王降階,南鄉見之。 與之大射,以考其習禮樂而 別親 朝。 圃 四方也。」「公侯伯子男 朝 疏 朝禮既畢,王亦 日 率而享祀於太庿,所 外 東 内 郊,所 如如 也。」「四 十二歲,王如 王 巡守,謂之 以 教尊尊 爲壇 觀 其 傅 相

德行。 外,就陽位 聘之禮者,所以 禮、考義、正刑、一德,以崇天子。 後使諸侯世相 習,德行爲之益修,天子之命爲之益行。 近者三年,遠者六年,有德焉。 饗三食三宴,以與之習立禮樂。 位 **陵於西門外**, 拜日於東門之外,日生於東也。 也。」 與 (之圖 也。 Ш 事 朝,交歲相問,殷 禮 Œ Щ 以 月與四瀆於北 導 君臣之義也。」淩氏 觀 自 其 西 能 也。 儐而禮之, 禮 禮樂爲之益 是故 相聘,以習 禮 門外,就 日 故 於 Ш 一朝 曰 南][[曰 Ĺ 丘 然 陰 門 朝 而

《記》曰"「古者,大行人掌大賓之禮及大客 乎地者親下也。」 秋觀以比邦國之功,夏宗以陳天下之謀,冬 陵升,本乎天者親 巡守節 親 諸 . (侯。 凌氏曰:「祭天燔柴,祭山 春朝 上 以上會同 也。 諸 祭川沈,祭地瘗 侯 圃 巡守禮竟。 圖天下之事, 本 丘

喪、凶荒、厄貧爲

書,其康樂、和親、安平爲

書。

凡此五物者,每國别異之,天子以周

弔之。 補之。 之。有福事,則令慶賀之。 瑞節、同度量、成牢禮、同數器、修法則,十有 遇 書,其悖逆暴亂、作慝欲犯令者爲一書,其札 下不敢暴小民。 二歲天子巡狩殷國。 令,九歲屬瞽史諭書名、聽音聲,十有一 徧眺,五歲徧省,七歲屬象胥諭 侯之災。天子之所撫諸侯者,歲徧 諸侯之福,賀慶以贊諸侯之喜,致會 成邦國之貳,閒 以 書,其禮俗、政事、教治、刑禁之逆順 施 以 天下之政,時 協諸侯之慮。 凶荒 凡此五物者,治其事故。 ,則令賙委之。 問 然後 以 聘 時 喻諸 以 會以 諸侯之國 是故諸侯 結 侯之志,歸 諸 發四方之禁, 師役,則令槁 有禍災,則令哀 侯之好, 札喪 上不敢侵陵 及其利 言語、計 在 ,則令賻 낈 殷 脤 1,三歲 歲 爲 害爲 補 以 眺 殷 襘 達 辭 教 以 同

邦内

戎

狄

覲 覲,以其介圭,入覲於王。] 言覲 貢,終王,先王之訓也。 要服者貢,荒服者王。 赤舄,鉤膺鏤錫,鞹鞃淺韈,鞗革金厄。」言既 曰 而 『王錫韓侯、淑旂 賜之車服 也。 《小雅》曰:『赤芾金舄, 綏章,簟第錯衡,玄衮 日祭,月祀, 《大雅》曰:『韓侯 禮 時享,歲 也。 又

遇,常禮 之事,如會同,端章甫,願爲小相焉。」朝覲宗 廟,故孔子曰:『宗廟會同,非 侯,兵不用,而諸侯自爲正之法也。] 淩 法度、不附於德、不服於義,故使射人以 天下太平。 會同,如 :「天子將 附於德,服 ,不服於義者,則使掌交説之。 勸之,明九伐之法以震威之。 (德行。 :者,諸侯之卿大夫士也。 荒 甸 諸侯之得失治亂定,然後明九命之賞 `服,邦外侯服,侯衛賓服 服 也。 祠 禴 古者天子爲諸侯不行禮義、不修 甸 職方氏、大行人以其治國,選其 行 嘗蒸之於禘給也。 會同,大禮也。 於義者。 服 會同之禮,必 者 祭,侯服者祀 此天子之所以 先 朝 諸 故曰:『宗廟 尚有 資服 朝 覲宗遇之於 侯 ,蠻夷要服, 先王之制, 故諸 覲 面 何。 諸 茅 者 養 附 射禮 侯 侯 享, 氏 於 諸 莫 於 爲 會 同 有繹。』言會同之禮也。」通結朝覲會同大義

曰

不

德

以

能

功。

選

其

知

天下之政。是故諸侯附於德,服於義

列則

其

相

要旨第二下 禮經

曹元弼學

何 ? 禮 死 子以下,死 忍言也。天子下至庶人俱言喪何? 欲言身 相應。不直言死稱喪者何? 己棄亡之耳。《白虎通》曰:「喪禮必制衰 體髮膚俱受之父母,其痛一也。」胡氏云: 「《中庸》者,期之喪達乎大夫,三年之喪達乎 此篇言喪服,自天子至庶人總包在内。 士喪》、《士虞》專言士禮者不同。」盛氏 也。 而言喪,喪者,棄亡之辭,若全存於彼焉, 以副意也。服以飾情,情貌相配,中外 喪必有服,所以爲至痛飾也。不忍言 服》經傳第十一。 而相喪,衣服、年月、親疏、隆殺之 鄭《目録》云:「天 爲孝子之心不 굸: 與 麻

總麻三月之差生焉。《小記》曰: :

『親親以三

厚薄 胖合,昆弟四體,兼姊妹。皆骨肉不可分異 斷以齊衰期是爲服本。 是爲至親。其生也,恩愛絶常, 制之本、《三年問》曰『至親以 以異也,而是篇已具矣。」鄭氏珍曰:「案 異者,或絶或降耳。 子之言斷之,喪服亦安有貴賤之等哉? 所 天子。 痛至極。 粥之食,自天子達於庶人,三代共之。]以二 天子達。1孟子云:「三年之喪,齊疏之服,飦 子云:『哭泣之哀,齊斬之情,饘粥之食,自 母,父母,妻,長子之屬,則貴賤一而已。 一體之親也。父子首足,父兼母,子兼女。 期則天地之中莫不更始也,因象之,而 ,則哀有深淺,而大功九 諸侯以上絶旁期,至於爲高、曾祖 聖人以 送死 其不絶不降者,則 當有已,復 由是親以及親,情有 期 月、 斷」, 至親者 小功 生當 其死也,哀 五月 有節 夫妻 固 並 服 無 父

族昆

弟

由

祖之昆弟至從

祖

昆

弟之子,由

父

至

高

祖

下一

子至玄孫,旁由

曾祖之昆

弟

至

之昆

弟至從父昆弟之孫,由

之孫

小功,從父昆弟

之孫緦麻

由

曾

孫

而

旁

弟之子緦

麻。

由

孫而旁殺,則孫大

功,昆弟

昆

「弟之子大功、從父昆弟之子小功、從祖

曾

祖

父

母

緦

麻。

下之由子

而

旁殺,

則子

期,

昆

緦

麻

由

曾

祖

而

旁殺,則

曾祖

父

日

小功,族

則

祖

父

母

大功,從祖

祖

父母

小

功,族祖父母

殺,則曾孫

小

功,昆弟之曾孫

緦

麻

上

由

父

外親。 之子; 此,則 夫,故 適子 功。 妻而 有母 曰 : 並 加 推及祖,旁推 衰三年,加 焉,至尊莫如父,次莫如 親之本服也。 内,其尊者從夫降 孫 加 皆 因 园 推 之父母、昆弟、姊妹、姪, 期 小 祖 上推及 各 移父之斬 姓 功總爲 外親之服 由 既 ,則有妻之父母,由 爲三年, 世 别 得 女 加 而 於 四 母 而 總,服 世。 E 外 因 及世叔父並 期 聖人 齊 推 一,戚單 祖 衰 上 爲 加 衰 皆 其服遞 一旁推 一等,其卑者與夫同,此 則 推 齊 三月。 之窮也。」又 適 乃 加 緦 有女之夫及 及曾祖 衰三年。 一於下, 孫 即 麻。 夫 母 大 及從 其 期 加大 殺 ', 故 至重莫如 功 至 惟婦人以夫 以 至緦 彼 姑而 · 復 一尊重 爲 以特加 兼 同 母 功 此 父既 由 繼 於父。 期 並 上 爲 皆 而 子 推 母 母 推 期。 父期 者 加 親 無 女, ¨, 則 適, 加 君母。 而 婦 緦 及 而 畢 服 推 母 因 是 故 高 爲 家 有 爲 加 圃 祖 小 既 隆 爲 爲 姑 則 過 加 十 斬 由 故

從

祖

父

母

小

功

′,族父

母

總麻

由

祖

而

旁殺

上之

由

父

/而旁殺

,則父母

期

?,世叔

父

母母

大

功

父昆弟

大功,從祖

昆

弟

小

功,族

昆弟

緦

麻

猻

小

功

7,玄孫

緦

麻。

由

昆

弟期

而

旁

殺

則

從

功,高祖緦

麻。

由子期而

下殺

則

孫

大

八功,曾

爲五

, 以

五

爲

九,

上

殺、下殺、

旁

殺

而

親

畢

矣。』是

故

由

父

期

丽

上殺,则

祖

大

功,曾

祖

小

四

七

昆弟至昆弟之曾

褿 經 學

四

八

抑貴 侯惟 庶人 不得 者,皆爲齊衰 本 與 若 視 尊 臣 有 其尊卑、長幼、内外、出入而協之以義,於是 大功而 若大夫之子,則父已服矣,故服 服,而己以服臨之不敢也,故服不服視父。 是爲以厭降。 服 加 母 大 礻 不 五 一降焉。 (夫,是爲以旁尊降。 同 . 尊 敢 [男女,但有此親,其服 议 並 妻三年 而 ,若繼別之宗子及其 杖,示 以 則 久 同 加 期,則以不足加尊,引同己子之故,並 者服 降 曠 其 服 天子諸侯自 論。 ,則嫌同於母,故仍 戚 官守、屢廢祭祀也,故旁期以下 一等,是爲以尊降。 隆 ,則以尊祖之故。 戚君,故王公期以下不服,諸 女子外成,於本宗之服,非至 於諸 凡此皆爲正服,自天子至於 大夫爵高職 期 焉。 I期親 、母妻,其親屬 王公之子,父已不 同 以 重,不可以崇親 以 也。 外 本服 下皆其臣也, 不 昆弟之子由 王公之昆弟 諸 服 聖人又權 而 亦 親 视父, , 皆 絶 獨 屬 如 以

> 是也,皆爲稱情制服焉。 者: 有恩之繼父,慈己、乳己之庶母,相 此爲尊尊之服。 所事之妻亦女君也,視舅姑,其所服 君,略之視曾祖。妾於所事 其黨從君降 大夫士於所事其君也,父君尊同 皆親親之服。 者,可略矣。 生服之亦同之,是爲以 爲 尊 壹之理盡矣。」 室、同室之娣姒及有子之庶母其子,己之昆 人 及大小宗皆降一 後者若子,於本生之親 以其年差三殤,是爲以年降,此 一等,妻從之。 既親 有正無降外,此有不親 等, 親當尊尊,諸 其 出降。 而人之所以群居 本宗 庶人 亦君 皆 男 降 服之亦 ,服君視父, 也,視君 侯於天子, 雖 女未成 一等,其 亦從之, 賤 河一之。 必有 與 丽 和 居 親

不知禮之所由生也。 時、則陰陽、順 《記》曰:「凡禮之大體,體天地、法 人情,故謂之禮。 夫禮 ,吉凶異道不得相 訾之者, 是 四

也。 干,取之陰陽 儿 時 也。 恩者 禮智,人道 有恩、有理、有節、 仁也,理者義 也。 喪 |具矣。| 有 四 也,節者禮 制 影變而 有權 下, 取 也,權 從宜,取 之 者 人 情 之 知

也

仁義

之學。 之天下以 拯衰銷逆,莫近諸 按: 三綱以立,五倫 《喪服》一篇,禮之大本,聖人精 順 ,國於天地 此 必 以敘,政刑 有與立 一,撥亂 以 出 「萬世 反正 義

功,十成人小功,十有 月,六殤大功,七成 三年,三齊衰杖期,四齊衰不杖 喪服》十有 一章:一斬衰三年,二齊衰 人大功,八總衰,九殤小 一緦麻 以期,五 齊 衰

賤之節 情 創 也 鉅 而 者其 曰: 斬 衰三年章 文,所以爲至 而 日久,痛深者其愈遲。 稱 弗 情 可 而 損 立 益 文,因以 《記》曰:「三年之喪 痛 也, 極 也。 故 曰 飾 斬衰、苴杖、居 無 群 三年者 易之道 ·; 别 親 疏 「,稱 也 何 貴

於人,故人於其 過 獸,則失喪其 必 之,則是無窮 年之喪,二十五 之,則是曾鳥獸之 邪淫之人與? 頃焉,然後乃能去之。 然後乃能去之。 有節也哉? 倚廬、食粥、寢苫、枕塊,所以 壹使足以 而不亂乎? 忘,然而服以是斷之者,豈不 三年之喪,二十五月而畢,哀痛 也 其 有 ? 故鄉 知,有知之屬莫不知愛其類。 日 成文理,則釋之矣。 至 翔 親 將 回 凡 也。 群匹,越月踰 親 以 月 由 則 焉,鳴號焉,蹢 生 小者至於燕雀 | 夫修 不若 故 而 期 彼 天 也,至死不窮。 畢 地 先 斷。 朝 故有血氣之屬者莫知 ,若駟之過隙 之閒 王 飾之君子與? 也,夫焉能 死 馬 而 是 時焉,則必反巡 者,有 爲之立 夕忘之,然 何 送 然則何 躧 焉 爲 一, 猶 死 未 也 至 盡 有 相 將 血) 跳 今是大鳥 有 中 已、復 思慕 痛 然 以 與 由 啁 氣之屬 曰 制 飾 躕 群 至 則 噍之 而 夫 而 節 也 天 期 患 從 居

年也? 故三年以 ,莫不更始焉 則已易矣, 由九月以下何 曰 : 爲 隆 加 四 總、 隆 時 以以 焉爾 則 也? 小 是象之也。 己 功 也,焉使倍之,故再 變矣,其 以 曰:焉使弗及也。 爲殺,期、九 然則 在 天 地 何 之中 月 以 以 期 也。 傳 體 必 羸

也。

者

地

爲閒 也。 之所同、古今之所壹也,未有知 喪,人道之至文者也,夫是之謂至隆,是百 人,人之所以群居和壹之理盡矣。 孔子曰: 『子生三年,然後 ,上取象於天,下取 法 !於地 其 免於父 心,中取 故三年之 所 由 母 則 來 Ż 者 王 於

苴 ? 《白虎通》 杖 裳」。《記》曰:「三年之喪 懷,夫三年之喪,天下之達喪也。」」 心,故爲制此 」,注曰:「絰之言實也,明孝子 苴,惡貌 日 服焉。」《記》曰:「斬衰 「要絰 也 ,所以首其内而見諸外 所 以 結 加 之何 斬。」 有 「斬 思 何 忠 也。 苴 慕 以 實 之 衰 腸 絰 服

若結也。

必再結云何?

明

思慕無已。

所

以

年

前

祥。

比

終兹三節者,仁者可

以觀其

杖 者 病 ", 故杖 孝 子 失親 以 扶 身,明 悲 哀 哭泣,三日不食,身 不 以 死 傷生 也。」

何以 者也。」 不杖? 「童子何以 杖各 亦不 「居倚 齊 (其心。)疏云:「病從 能 不杖? 不能 廬。」《白 病也。」《記 虎 通》曰 》 曰 : 病也。 一此 心 婦 字 起

門之外,倚木爲廬,質反古也。」 子哀,不欲聞 權制 人之聲,又不欲居故處。 按:「居 居

告民有終也,以節制者也。]又曰:「始死,三 三月而沐、期 廬」以下言居 喪之禮。《記》曰:「三日 丽 ·練、毁不滅性,不以死 傷 而 食、

也,聖人因殺 日不怠、三月不解 以 制 節。 、期悲哀、三年憂,恩之殺 此喪之所以三年,賢

三月 也。」又曰:「父母之喪,衰冠、繩 者不得過,不肖者 而 食粥,三月而 不得 沐,期十三月而 不及。 此 喪之中庸 纓、菅屨。 練冠

五.

豊以台之,毚以E2,孝子、自角、眞帚,皆可焉,知者可以觀其理焉,强者可以觀其志焉。

禮以治之,義以正之,孝子、弟弟、貞婦,皆可

得而察焉。」

濱,莫非王臣。臣之於君,猶子之於父,明至《白虎通》曰:「普天之下,莫非王土,率土之「諸侯爲天子。」傳曰:「天子至尊也。」

尊,臣子之義也。」

也。 亂,文之至也。 母,衣被之者也,而九月。九當爲五。 畢矣哉! 乳母、飲食之者也,而三月。 直無由進之耳。」 之者也,三年畢乎哉! 君者,己能食之矣,又善教誨之者也。 三年 能生之,不能養之。母能食之,不能教誨之。 父母。』彼君子者,固有爲民父母之説焉。父 之,不亦可乎? 也,文理之原也,情貌之盡也,相率而 「君所以三年,何也? 曰:君者,治辨之主 君亦斬衰三年,以義制者也。」《荀子》曰: 以事君而敬同,貴貴尊尊,義之大者也,故爲 内之治恩揜義,門外之治義斷恩。資于事父 兩至者俱積焉,以三年事之,猶未足也, 君」,傳曰:「君至尊也。」《記》曰:「門 得之則安,失之則危,情之至 《詩》曰:『愷悌君子,民之 得之則治,失之則 君曲 致 備 降 慈

父爲長子。」胡氏云:「古者重宗法,父 以 尊 服服之,若不三年,豈 不失也。 其繼宗者是曰受重,受重者必以 爲尊重正 祖 者 邪? 尊

<u>T</u>.

在保守其宗廟祭祀。《中庸》言大孝,「宗廟 按"古人重廟祀、《孝經》言卿大夫士之孝, 社

天下大治。 祭祀,則居上不驕,爲下不亂,在醜不争,而 稷,重社稷故愛百姓」。 蓋人人思保其宗 饗之,子孫保之」。《大傳》言「宗廟嚴 故《孝經》言:明王治天下必以 故 重

廟

將代己爲宗廟主也。」按"先祖者,長子之

祖,其父之父也。 父爲長子三年,以其將爲

祖後也,此子天父之義。齊衰三年章。「母

爲長子。

傳曰:父之所不降,母

亦不敢

降。

乃將所傳重也。」注曰:「此言爲父後者,然

後爲長子三年,重其當先祖之正體,又以

其

祖

傳曰:「何以三年也?

正體於上,又

〔長子三年,敬宗之義。〕按:敬

宗 所

尊服服之如子,此人道之大,王政之本也 父之至尊,猶爲之極服。受重於人者,必 孝。而禮謂宗祀爲重,因 而將 所傳重者,雖 以

以别 正夫婦始。 其父子也。所以人人知父其父、子其子者, 也。所以 下之所以相生 夫婦也。 妻爲夫。」傳曰:「夫至尊也。」按:天 能 男女有别,然後父子親。子者, ·君君、臣臣者,以上下各思永保 治天下自 相 養而不相殺者,以有君臣 正三綱始 ,正三綱自

所 服之。」《通典》載「吴商云:『禮貴嫡重正,其 爲後者皆服三年。』夫人倫之道有本焉,重本 統宗廟也 以 重 爲人後者。」傳曰:「受重者,必以尊服 正 ,是以宗絶 也,重正 一所以 而繼之,使其正宗百代 明 尊祖也,尊祖 所 议

也。

此妻天夫之義。

也,母爲長子三年,以其將爲祖後且爲父後

注曰:「不敢以己尊降祖禰之正體。」禰即父

爲誨盜之階,君子知其有無君之心,而後動原,出於天也。亂臣賊子反易天常,以誨淫妻之至尊。本天地陰陽之義,所謂道之大父之子,妻從夫而後父子可得而親,故夫爲

于惡也。

「妾爲君。」傳曰:「君至尊也。」注曰:「妾爲君也。」「君至尊也。」其言。」以得接見於君子。」是名妾之義。但其並焉,以得接見於君子。」是名妾之義。但其並后匹適,則國亡家绝之本,故深抑之,别名爲去也。既名爲妾,即不得智之加尊之也,雖士亦名,名之爲君也。」

尊卑也,以父餘尊之所厭故也。」王氏士讓爲之,皆殺於斬也。年月同而服少異者,殊之,杖則削之,以無子之麻爲絰,纓帶以成布之,杖則削之,以無子之麻爲絰,纓帶以成布齊衰三年章 盛氏曰:「此於衰裳則齊

本緣父母而制,故斬衰首父,齊衰首母也。」恩而不及其他。」胡氏云:「斬衰、齊衰之服,云:「齊衰三年章只有四條,皆以繫母子之

資於事父以事母,故父卒,即爲母三年。按:惻怛之心,痛疾之意,子於父母一也。

「父卒則

爲母。」注曰:「尊得伸

也。」

情,固不能已也。 「繼母如母。」傳曰:「繼母之配父與因 「離母之三年以父命,亦所謂父爲子綱。 「慈母如母。」按:此妾之無子。妾子之 父在爲母大功,則士之妾子爲母期矣。父卒 則皆得伸也。」明子之於母,惟父可以厭之。 父卒則妾子亦得伸。生我者母,創鉅痛深之 父卒則妾子亦得伸。生我者母,創鉅痛深之 以卒,就母之三年以父命,亦所謂父爲子綱。 以至,然母之三年以父命,亦所謂父爲子綱。 以至,然母之三年以父命,亦所謂父爲子綱。 以至,然母之三年以

一條,妻正服。降、正、義服詳《圖表》。 齊衰杖期章 此章三條,皆母之降服。

其

也。 母 後娶,達子之志也。」 疏 者,見無二尊也。」 家無二尊,以一治之也。 得 都邑之士,則知尊禰矣。」《喪服 焻 除,此嚴父而不敢自專之義也。」傳曰:「禽 父爲子綱。 也。」顧氏炎武曰:「所謂三綱者,夫爲妻綱, 故父雖爲妻期,而三年乃娶,達子心喪之志 之,故言私尊。 至尊,夫於妻亦至尊,母則於子爲尊,夫不尊 而不得伸其三年者,厭於父也。 祖父卒,而後爲 知母 伸其三年者,厭於祖父也。 而 至尊在,不敢伸其私尊也。父必三年然 愛同,天無二日,土無二王,國無二君 父在 而 不知父。 爲 夫爲妻之服除,則子爲母之服亦 母。」《記》曰:「資於事父以 子於母屈而期,心喪猶三年, 祖 野人曰:父母 母後者三年。」是則父在 傳曰:「何以期也? 云:「父非直於子爲 故父在爲母齊衰期 祖父在而 服之者,仁 小 何算焉? 記》 Ĭ: 屈 不 事

祥而 也; 年乃娶以達之。」 期,雖不得三年,亦必盡 子之志也。」二語申明經義特深,蓋古人爲 嘗見齒者,此三年之喪也。喪云,喪云,衰麻 之三年之服也。夫三日不怠,三月不懈, 娶者達之,聖人所以處人父子之閒者,仁之 喪之謂。以父之尊厭之,而又以父之三年不 遂食稻衣錦而居於内乎? 也。」然則十五月而禫之外,爲之子者,豈 雖然,傳曰:「父必三年然後娶,達子之志 云乎哉? 悲哀,三年憂者,此三年之喪也。 以衰麻之服爲喪,夫經傳言三年之喪,不謂 至,義之盡矣。自禮教不明,喪紀廢壞,而 不得伸者,義 廓然者,此三年之喪也。 胡氏曰:「『父必三年然後娶,達 也。 「品節 心喪之實,故父俟三 志之爲言,即 斯 泣 ,斯之爲 練 血三年,未 m 慨 期 日 徒 忍

「妻」,傳曰:「爲妻何以期也? 妻至親

也」。馬氏融曰:「妻與己共承宗廟,所以至

親

也

「出妻之子爲母。」注曰:「母子至親,無

絶道。」

期首祖父母。」主,故斬衰首父,齊衰三年及杖期首母,不杖齊衰不杖期章 胡氏云:「喪服以本親爲

以上皆爲至尊可知。」
云『不敢以兄弟之服服至尊也』。則自曾、高言『至尊』,於祖言『至尊』,而於曾祖父母傳奉爲至尊則一,以統緒所自來也。故傳於父不爲,至尊也。] 胡氏云:「祖父母。] 傳曰:「至尊也。] 胡氏云:

首足也,夫妻,牉合也,昆弟,四體也。故一體也,夫妻一體也,昆弟一體也。故父子,何以期也? 與尊者一體也。」又曰:「父子「世父母、叔父母。」傳曰:「世父、叔父

之宗,不足則資之宗。」按:此親親之大義。宮,有南宮,有北宫,異居而同財,有餘則歸子不私其父,則不成爲子。故有東宮,有西昆弟之義無分,然而有分者,則辟子之私也。

服》,兄弟之子猶子也。蓋引而進之。」」「昆弟之子」,注曰:「《檀弓》曰:「《喪

禽獸 謂别親 絶。」按:此尊尊之大義。注曰:「收族者, 者,尊之統也。大宗者,收族者也,不可以 之所自出,尊者尊統上,卑者尊統下。 則知尊祖矣。諸侯及其大祖,天子及其始祖 焉? 都邑之士則知尊禰矣。大夫及學士, 大宗也。曷爲後大宗? 大宗者,尊之統也。 大宗者,降其小宗也。爲人後者孰後? 也? 不貳斬也。何以不貳斬也? 持重 知母而不知父。野人曰:父母 ·爲人後者爲其父母。」傳曰:「何以 '疏',序昭穆。《大傳》曰:『繫之以姓 大宗 何算 期

Ŧī.

六

者也。」又曰:「 宗,小宗能率群弟,通其有無,所以紀理族 有宗何也? 者 也,謂恩愛相流湊也。 而 弗别 周 家有吉,百家聚之,合而爲親,生相 道 然也。』《白虎 綴 之以 所以 會聚之道,故謂之族。」 族 食 者何也? 而 長 弗 和 通》 上湊高祖,下至玄孫, 殊 睦 也。 曰: 雖 族者,湊也,聚 百 「古者 大宗能 世 婚 所 姻 親 率 以 不 X 小 必 通

也。 斬 後 絶 能 死從子。 義 曰 也。 |於其族類也。]吴氏紱云:「歸宗雖或然之]] ,無專用之道,故未嫁從父,既嫁從夫,夫 者。」傳曰:「爲父何以期也? 婦人不貳 婦人不貳斬者,猶曰不貳天也。婦人不 婦婦 尊 女子子適人者,爲其父母、昆弟之爲父 婦人不貳斬者何也? 也。」按:此 人 故父者,子之天也。 雖 在 外,必· 亦 有 尊尊之大義。 歸宗。」注曰: 婦人有三從之 夫者,妻之天 示不 傳 又 自

> 降正尊。 降服,此與男女異長意同。 凜有 至 期,女子子適人者爲其父母期,是二者義 者,猶曰不貳天之義,明聖人制 父者,子之天。 尊,且降父之服 明惟不降正尊。 父後者。 曾祖父母 爲衆昆弟大功是也。或不敢降,祖父母期 母、姑姊妹之大功是也。 適人之道,而 人之道,使之異於男子,服 事 也。 丽 不克終之戒焉。」戴氏 必 有可 然後婦人雖在外,必有歸宗之義 惟降旁親,而父没則不降昆弟之爲 齊衰三月是也。 歸 即降以異於男子,世父母、叔父 之宗 夫者,妻之天。 而 而當其既嫁從夫,不能一 爲期,舅姑亦 此 見 或既 昔儒 婦 震 有 以女子生而 人 曰:「女子子出 出 適人 在 期,然後 婦 降。 爲父在 謂降旁親不 夫 人 丽 家 或緣 不 後降 爲 貢 所 有 恒 母 斬 謂 有 適 凜

死

相

哀痛,有

繼父同居者。」傳曰:「何以期也? 傳

下無顛連無告之民者也。夫『夫死,妻穉,子 焉,恩雖至親,族已絶矣。 夫不可二,此以 通人道之窮,使鰥寡孤獨各得其所,舉天 爾。」華氏學泉云:「或問《儀禮》有繼 而又無大功之親以相周 使之祀焉,妻不 無大功之親 曰:『夫死,妻 人之祀,聖人之 夫死,妻穉,子 食,設 ,所適者 曰:「爲之 妻不 同居繼父 聖人 無 與之 告者 ·敢與 父之 — 旦 恤, 所 敢 恩 以 宗,而 也。 亦 子幼,子無大功之親,與之適人。 終於無子,則以 制 聖人固許之爲父子矣。 若子築宫庿,不絶其先祖之血食,而 以適人,而所適亦 父之道也。』嗚呼! 庿,歲時使之祀焉,妻不敢與焉。 棄,使所適者幸而 父子。而後天下之待繼父者,不背其 之爲繼父者,能盡其心 不悖於禮,恩莫隆焉 人之窮,常 立、年老無倚與穉妻幼子窮相埒耳。 無大功之親,所適者 齊衰三月之服以 而第爲之教曰: 爲異居繼父,仍不敢忘其前日之恩,爲 兩 相 恩相終始 恤 他日 無大功之親,此其 報之。 兩 ! 傳之言盡之矣。 所適者能 相 以 有子,則 許爲 是則有繼父之道矣 以 倚,聖 相 而爲同居,繼父生 其貨財 若不幸 恤 父子,而後天下 一, 亦 人之 以 此 若是,則 Пij 爲之築宫 其 而 子 唯 所 :又爲、 所適 所 歸其 是故 (恩以 貨 命之爲 孤 夫 適 財 不 單 其 者 者 Ż 本 相 禁 獨 繼 兩 所 爲

657

也。

婦人不二夫,禮之常也。

幼、無大功之親」,真天下之窮民

而

幼,遇之變也。

以

服,父可繼乎?

曰:此以恩

服

也。

服

轉

死

溝壑,棄兩世之孤,斬

先

所大不忍也。

不得

已爲

通

其

窮

<u>而</u>

傳爲之申明其

制

則

此榮榮孤孑,係祖

父

再世之血

與焉。

若是,則繼父之道

也。二注

其貨財

爲之築宫庿,歲

游

築宫庿於家門之外,神不歆非族。

適

而

所適者,亦

無大功之親

曰:『夫死,妻穉,子幼,子

則

之養 可辭者也 死 則 爲 之 齊 然必妻穉、子幼,無大 衰 期 此 亦 情 之 不 容

功之親而後許之適人,非是不得藉口以適人諉、義之無可辭者也。然必妻穉、子幼,無大

先祀而後謂之繼父,非是不得託名於繼父矣。必所適者以其貨財爲之築宮庿,以存其

從而

疑之,奮

其

拘

曲之説以詆毀之,則

是

天

矣。必兩無大功之親,同財而祭其祖禰,而

後謂之同居繼父,非是,不得比恩於同居矣。

且其所以必爲之築宫庿於家門之外者,神不

與焉者,婦人不二夫,而不敢以非禮干也。飲非族,而不敢以非禮瀆也。其所以妻不敢

莫隆於崇其先,誼莫重於尊其祖,而不敢以其所以專舉築宫廟、歲祀爲繼父之道者,恩

人莫之能定者也。俗儒謂周立宗子之法以私恩混也。此禮之作,所謂仁至義盡,非聖

公之舊。夫宗子之法,窮鄉庶姓或有不能收族,安有顛連而入繼父之家者,疑其非周

及,且恐法久不能不廢,故制繼父之服,以

通

之慮哉? 世,而豈拘 人道之窮。 嗟乎)拘守一 禮之作, ! 法,以 三禮唯《儀禮》最 合經 爲 權 盡 常 善 變 而 议 不 垂 古,而 爲 則 法 於 外 萬

云:「谷之博也,《伯舟》之節,未可既者凡下舉無可信之書也,甚矣其妄也!」盛氏

云:「俗之薄也、《柏舟》之節,未可概諸凡

齊衰杖期章,爲制繼母嫁從之服。而於此章世失節之婦必有棄其遺孤而莫之恤者,故於人。《凱風》之嘆,時或興於孝子。聖人慮後

之孤庶不至轉於溝壑焉,此聖人之微權也,又著繼父同居之文,使之相收相養,而六尺

聖經,是惡知禮意哉?」

賈疏

以爲許婦

人改嫁,誤矣。

或又因是而

쌸

生哀愍。」按:「凡民有喪,匍匐救之」,此仁「謂行路之人,見此無夫復無子而不嫁者,猶「無主後者,人之所哀憐,不忍降之。」疏曰:「姑姊妹、女子子適人無主者。」注曰:

人之言也。

女君亦不至嫉妬,能以禮義相與和矣。之事舅姑等。」案:如此,則妾無由上僭,而「妾爲女君。」傳曰:「妾之事女君,與婦

尊舅姑也,以舅姑之子爲天也,舅姑死 夫,則父母 期,非輕舅姑 미 以爲惟妻之於夫,孝子之於親,其情爾矣,非 也。三年之喪如斬,所以爲至痛極也。 不容有二,傳所謂婦人不貳斬也。」華氏學泉 同,則亦恩義之盡矣。婦人之義以夫爲天, 人婦爲舅姑服齊衰期,蓋引而與己之親父母 斬,是二其天也,故不敢也。」高氏愈云:「古 其父母 云:「先王之制禮,稱情而立文,夫斬者,斬 以責婦之於舅也。且禮,女子子適人而降 婦爲舅姑。」王氏志長云:「婦爲舅姑 **,**傳曰:『不二斬也。』不二斬者,不二 `降矣。 也,重斬也。 何也? 女子非夫不天,從 無二天也。 婦之 先王 而服

綱也。 天也。 邪 ? 《通典》『劉系之問:子婦爲 舅姑之服 以夫家有喪,猶白衣。」吴氏澄云:「期之後 義精矣! 非聖人不能作也!」胡氏云:「諸説發明 年,將責以 之喪其祖,不可謂 子之半,可以 文,適至是而 方氏苞云:「婦爲舅姑期,何也? 爲父服斬,而爲父之父母期。 天一也。 夫未除服,婦已除服,而居喪之實如其夫,是 而爲夫之父母期。稱情而爲之,弗可易也。」 荀訥答曰:子婦爲姑 臣以 夫臣之於君,子之於父,婦之於夫,三 期,而實三年也。」故《大戴禮》云: 臣爲君服斬,而爲君之父母期。子 然舅姑之服雖期,而與他期服 誠乎? 君爲天,子以父爲天,婦以夫爲 止也。 稱婦順矣。其義之重,比於 非隆矣,後世易以斬衰三 抑任其僞乎? 婦之痛其舅姑,信 ,既期除服,時人 姑既 妻爲夫服 稱 期,綵 信乎,禮 情 及 以 斬, 衣 其 經 孫 立

『與更三年喪,不去。』」

齊衰三月章 吴氏廷華云:「此服以曾祖爲猶曰吾季姜」,言子尊不加於父母。」與適同。注曰:「《春秋》之義『雖爲天王后,與過同。注曰:「《春秋》之義『雖爲天王后,

庶人,而慎乃有位也。」制此服。俾守宗社者,知一旦可降爲鄰國之方氏苞云:「失地之君不宜遽與民同,而特方氏苞云:「失地之君不宜遽與民同也。」

宗。 庶民 道親 社 故收族 百 稷故 志 一安,庶民安故財用足,財用足故百志成, 親 敬宗者,尊祖之義也。」《大傳》曰:「人 成故禮俗刑,禮俗刑然後樂。」按:如此 「丈夫、婦人爲宗子。」傳曰:「尊祖 愛百姓,愛百 ,收族故宗廟嚴,宗廟嚴故 也。 親親故尊祖,尊祖故敬宗,敬宗 姓 故 刑 罰 中 重社 刑罰 一稷,重 中 故 故 敬

> 天子。 心,散 通而 君; 也。 以 則聚,惡慢則散。 宗之道,推愛敬先祖之心 則宗 則一族之心,一人之心也。 愛敬其族,因合族人愛敬之心以事 積國成天下,諸侯合國人之愛敬 積族成國,宗子合族人之愛敬 法 長治久安也。 則弱,聚則强。 此天下之大,所以指臂相連,血 者, 聖 人 治 天 散則 下 之本 亂,聚則 治天下亦猶 也。 蓋天 治 议 以 其祖 脈 致 致 愛敬 下人 Ź 相 Ż 是

按"子孫之於祖父母,有隆無替。 三年以爲 重其 祖皆有小功之差,則曾孫、玄孫爲之服同也 期,則曾祖宜大功,高祖宜 於五,則高祖宜緦麻,曾祖宜 服至尊也。」注曰:「正言小功者 也? 衰 小功者,兄弟之服 曾祖父母。」傳曰 麻,尊尊 也。 減 也,不敢以兄 一「何以 其 小功也。 日 小功 户 , 齊衰三月 恩殺 服 也。 曾祖、高 之數 弟之服 據 也。 祖 盡

月,以 爲隆。 隆 上 想、小 殺之義,故 祖雖百世有隆無替,故不敢以功、緦 聖人於是制爲曾祖父母三月之服 ·功以 減 爲殺,即加至大功,仍不可 九 月、七月、五月 之數 而 以 加 以

服,注據傳及《總麻章》高祖族有服推補之。於祖考而齊衰。四語本戴氏震。又經無高祖

戴氏云:「《詩》曰:『曾孫篤之。』箋云:『自

下事先祖,皆稱曾孫。」禮言曾祖

孫之子而

即關四世祖已上,夫子孫之於祖考,不相逮

祖 則 也。」荷 已 **)**矣。 相逮 雖 不 皆 相 齊衰三月,其殺 逮,必不可 ·曰:『有無 也者,以 服 上 之

道並行而不相悖,夫是之謂文。」殺爲義。其不復殺也者,以有隆無替爲義

乎 ? 故 君 恩義深 齊衰三月也,言 言其以道去君 舊君。」傳曰:「大夫去,君埽其宗 重 如 此 而 與民同也 猶 子 未 思 絶也。」按:古之 答穆公、孟 ,何大夫之謂 子答 廟

> 他仕。 子》造爲子思不服舊君之事,誣罔聖賢,不 燕昭王使人聘之,孟子謂受齊王 非 報禮,以深戒人君。 齊宣王之言,皆謂君遇臣無禮,則臣 謂 爲 君子之盡節於舊君如此! 臣 可 得 圃 叛 也。 所謂 孟 子 忠焉 亦 用 能 厚 於 勿 恩,義不 傷 《孔叢 齊 亦 誨 而歸 乎 不 知 ? 知

大功章

大義乃至此哉

「姑姊妹之薄也、蓋有受我而厚之者也。」「姑姊妹、女子子適人者」。《记》曰:

也。 著 明正名之大義。《大傳》所謂 故名者,人治之大者也,可 妻皆母道 ·夫之昆弟何以無服也? 其夫屬乎父道者 而 男女有别 謂弟之妻婦 夫之祖父母、世父母、叔父母。]傳曰: 也。 _ 其 者,是 夫屬乎子道者,妻皆婦 兄弟之妻不 嫂 無慎乎?」按: 亦 可 「異姓主名,名 可 謂 以 之母 母 婦名 乎 此 ? 道

服 故 也 不 一蓋推 服 此 而 遠之也。」此又一義 義 也。 \sim 檀 弓》 \exists 嫂 叔 之 無

親。 之降 再三 子之法:嫡子死,則立嫡孫。 敗國殄民,莫此爲甚! 不免於争。 日尋干戈以相征討,賊恩害義 之子爲士者。」案:古者不降上下,各以其 以 諸侯絶,大夫降。父之所降,子不敢不降。 有家,法久弊生,兄弟必不免於争,同宗亦必 保 殷道親親,兄終弟及,則諸侯有國,大夫 其子,而 傳後、雖諸父昆弟、亦從乎始封、始爵者 其 大夫爲世父母、叔父母、子、昆弟、昆弟 親 也。 不得服其親服。 保其親,所以 故周公制禮,定爲傳 保民 丽 非薄 庶子之服 也。 其親,正 詳《解

子,公子不 曰 尊 君 同 爲 姑 則 得禰先君。公子之子稱公孫,公 得 、姊妹、女子子嫁于國 服 其 親 服。 諸侯 之子稱 君者。」傳 公

弟,封 自此君始封,則太祖之統適適相傳,自此 别之,非封君之意。」《校釋》曰:「諸 爾。」胡氏云:「此自尊别於卑,乃後 敢服也。」按:此極陳 服,子亦不敢不服也。 子之子孫有封爲國君者,則世世祖是人也, 孫 之。己雖爲君,安得臣之? 服之。若始封之君之昆弟,則其父未嘗 父,下不得宗兄,父不服之,兄之爲君者亦不 爲體,國必傳之適子,故别其庶子,上不得 祖以下,則如其親服,後世遷之,乃毀其 祖此受封之君,不復祀别子也。公子若在 曰:「世世祖是人,不祖公子,後世爲君者, 君不臣諸父昆弟,封君之子不臣諸父而 不祖公子,此自尊别於卑者也。 不 得 君之孫盡臣 袓 諸 侯。 此 諸父昆弟。 自 卑 君之所不服,子亦 封建尊尊之義。注 别 於 況諸父乎? 尊 故君之所 是故始封之 者 也。 侯 世 若公 以 子 臣 君 或 孫 高 爲 别 國 廟 昆

于其昆弟之爲君者爾。此尊尊之大義也。」始。此君之子孫,乃當自卑别於尊者,而臣

小功章

氏 按:此著四小宗皆降之例,爲人後者必降其 小宗,尊尊也。 不言姑者,舉其 融云:「以母所至尊,加服 爲外祖父母。」傳曰:「以尊 爲人後者,爲其姊妹適人者。」注 有降無絶,親親也。 親 者,而 恩輕者降 小 功。」案:外 加 詳《解 也。 可 知。 日 紛》。 馬

娣姒 生嫌 居 親之服,本皆緦,聖人重本宗、輕外族之意 功之親焉。」按:古者陰教修,倫 則生親。 婦婦 而 娣姒遂爲多争之地,禮之失也,民 傳曰:「以 後世陰教廢,倫理 爲相與居 味,故同居 室 一中,則 理明,故 生 則 同 小

不敢不從服。」按:此亦尊尊之義。「君母之父母從母。」傳曰:「君母在

則

散久矣。

緦 麻 三 月 章

貴而絶其母也。」 緦 可援,以少伸吾情焉。 所關,雖加 云"「此士上達天子皆然。」盛氏云"「至情 則爲之三月不舉祭,因是以服 親也。」然則 也 ? 庶子爲父後者爲其母。」傳曰:「何 傳曰:『與尊者爲一體,不敢服 一日愈於己,苟有死於宫中之例 何 以 服 緦 也? 雖天子諸侯,亦不以 有死於宫中者 緦也。」 李氏 其 私 以

末,故貶妻族以附父族。」 堯時俱三族。周承二弊之後,民人皆厚于《白虎通》説九族,「父族四,母族三,妻族二,《白虎通》説九族,「父族四,母族三,妻族二,明而夫從服緦,抑外親以崇己族,故不從降期而夫從服緦,抑外親以崇己族,故不從降期而夫從服怨,如外親以崇己族,故不從降期而夫從服怨,如外親以崇己族,故不從降

服。「凡衰,外削幅」至「袪,尺二寸」,記衰裳記自「公子爲其母」至「布總」,皆補經

一六四

衰、齊衰、大功之受服及繐衰升數。 凡三大之制及尺寸之數。 「衰三升」至篇末,記斬

節

加一日愈於己。」
月之喪,孟子曰:「是欲終之而不可得也,雖恩也。」按:齊王子有其母死,其傅爲之請數子厭於父,爲母不得伸,權爲制此服,不奪其子厭於父,爲母不得伸,權爲制此服,不奪其公子爲其母、妻服 注曰:「諸侯之妾

也。 也。 若不及知父母 注云:「於此發兄弟傳者,嫌大功已上又加 大功之親,分當 小功以 大功已上,若皆在 兄 弟加服 下 ,則固 傳曰 相 恤 恤 : 同 ,斯進之也 小 他 其不相恤 財 矣。」戴氏 國,則親 功已下爲兄弟 一,是賊: 自親矣。 震云: 其 性

言,遠則不相訕。一人有善,其心好之。一之恩。」《白虎通》曰:「朋友之交,近則謗其「朋友麻。」注曰:「朋友雖無親,有同道

於五 《檀弓》曰 學問,有學問 服。」古之重師友如此! 敬而親之,死則哀痛之,恩深義重 弟子有君臣、父子、朋友之道也。 殯。」二案: 人 師心喪三年 法,三綱六紀 否則,下無學 則人識君臣父子之綱,家知 絰,出則否。」《白虎通》曰:「弟子爲師 曰:「孔子之喪,二三子皆絰 曰:『朋友 而 有 相 『願 服,五服 惡 救,生不 7,其心 車 事 五倫 無 馬、衣 ., 朋 師、「服 -屬,死 所 弗得不親。」蓋: 痛之。 横 而 而 中之朋 歸,生於我乎館,死 友 決 賊 後 輕 《期,所 有 倒 民 勤 不託 裘 貨財 興,邪 倫 懸 至 友,實兼師 與 理。 丽 以維持斯道 死,心喪三年」。 《記》曰:「 大亂 朋 通 故《論 説 惟 違 天 而 友 而出。 有 横行,非聖 邪 下 不 起 共 師 計 歸 師 語 弟子在内 ,故爲之隆 敝 故 友 Œ 友 群居 於我乎 之。 斯民 師 生 曰 共 而 一之路。 服 道 則 子 後 無 憂 爲 盛 又 者 無 又 當 尊 則 路 患 有

大矣!

親見尸柩,不可以無服。」案:改葬出於萬不 而 而 葬與未葬者異。 骸徼利之人而爲天道 其棺,不孝而愚,莫此 得已。後世士大夫惑於陰陽禍福之説,屢遷 臣爲君也,子爲父也,妻爲夫也。 壞,棺物毀敗,改設之,如葬 賈平民不準離鄉貿易。 其時之道也。」孫氏星衍謂:「古者未葬不 不變。此孝子之所以著其情,先王之所以 秋》譏之。 若有故而未葬,雖出三年,子之服 葬其親者,官員不準起官,士子不準應試,商 喪,今國家亦有停棺不葬之律。]應令終喪不 不葬者也。過時而不葬,謂之不能葬,《春 葬,大夫三月而葬,士踰月,無故未有 改葬,總。」注曰:「謂墳墓以他故 韓氏 爲甚 愈曰:「古者諸侯五 所祐者乎? 此政一行,則澤及枯 ! 時也。 豈有忍心以親 必服! 又案: 服緦者, 總者 過 改 除 必 時 月 崩

骨之德遠矣。

也。」注曰:「終子道於父母之恩。」曰:「何以言子折笄首而不言婦? 終之女子子適人者爲父母,婦爲舅姑服 傳

衰,後有負版,左右有辟領,孝子哀戚無所不「衰,長六寸,博四寸。」 注曰:「前有

 在。」

敢以兄弟之服服至尊也。」 欲著其縷之精麤也。升數在齊衰之中者,不不言。

曰:「此哀之發於衣服者也。」 至於不及,此喪之中庸也。《記》説衰裳升數人之意然也。」案:輕之以抑其過,從禮使不下,大功受之以正,重者輕之,輕者從禮,聖下,大功升數受服 注曰:「斬衰受之以

其父母,自始死至於既殯之禮。」胡氏云:《士喪禮》第十二。鄭《目録》云:「士喪

之先,故鄭云:『自始死至於既殯之禮。』」而爲二。此篇所載至卜葬日止,皆在未啟殯「此與下《既夕禮》本爲一篇,以簡册繁重分

乎 ? 恩 饋養之道也。 秋祭祀之不絶,致思慕之心也。 夫祭祀,致 祭之禮所以教仁愛也。 忘生者衆矣。」《盛德》記曰:「凡不孝,生於 不仁愛也。 不孝之獄,則飾 也。 故曰: 經解》曰:「喪祭之禮,所以明臣子之 喪祭之禮廢,則臣子之恩薄,而 不仁愛,生於喪祭之禮不明。 喪祭 死且思 喪祭之禮 之禮 明,則 慕饋養,況於生而 致愛故能致喪祭,春 民孝矣。 故 倍 喪 有 存 死

無容,言不文,服美不安,聞樂不樂,食旨不《孝經》曰:「孝子之喪親也,哭不偯,禮

襲斂。 年,示 喪》、《既夕》兩篇言之。 傷生,毁不滅性,此聖人之政也。 矣,死生之義備矣,孝子之事親終矣。」 謂吉祭。 之宗廟以鬼享之,謂虞。 泣哀以送之,卜其宅兆而安厝之。 甘 此 陳其簠簋而哀戚之,謂奠、哭踊。 哀 民 生事愛敬,死事哀戚,生民之本 戚之情 有 終 也。 也。 爲之棺椁衣衾而 以上言居喪之禮,以下檃括 三日 春秋祭祀以時思之。 侕 食 教民 喪不 調葬。 舉之,謂 擗踊 無 過 以 盡 爲 哭 死

道也,一而不可得再復也。 死,是敬其有知 且羞之,而況以 而倍叛之心也。 君子之道,禮義之文也。 道畢矣。故君子敬始而慎終,終始如一,是 生,人之始也,死,人之終也。 《荀子》曰:「禮者,謹於治生死者 ,而慢 事其 君子以倍叛之心接臧穀,猶 所隆親 其無. 知 夫厚其生而 臣之所以致重其 乎 也,是奸 終始俱 . 故死之爲 人之道 公善,人 薄 也 其

不忠厚、不敬文謂之野,送死不忠厚、不敬 致 重其親,於是盡矣。 故 事 文 生

君

,子之所以

謂之瘠。 重,諸侯五重,大夫三重,士再重。 君子賤野而 羞瘠,故天子棺 此説重數與 椁 七

《檀弓》多少不同,各有所受。然後皆有衣衾多少厚 之,使生死終始若 薄之數,皆有柳翣從楊讀。文章之等,以敬 一,足以爲人願,是先王之 飾

也。

道,忠臣孝子之極也。」又曰:「喪禮之凡,變 而飾,動 而遠,久而平。 故死之爲道也,不飾

者不哀不敬 忘則不敬。 則惡,惡則不哀。介則翫,翫則厭,厭則忘, 則 朝而 嫌於禽獸矣,君子恥之。 喪其嚴親 "而 所 以送葬之 故

戚之至也。」《禮器》曰 平,所以 優生也。」《檀弓》曰:「喪禮,哀 :「喪禮,忠之至也。」

變而

飾,所以滅惡也。

動而遠,所以遂敬也。

雜記》曰喪禮、「敬爲上、哀次之」。

問 喪》曰:「親 始 死,雞 斯徒跣,扱 F

> 外也 爲之糜粥以飲食之。夫悲哀在中,故形變於 肝、焦肺,水漿不入口,三日不舉火,故鄰 衽,交手哭,惻怛之心,痛疾之意,傷腎、乾 痛疾 在心,故口不甘味,身不安美 里

十五節。 序下者,次沐浴,次飯含,次襲,次設重。凡 含、襲之具:有在階下者、有在房中者、有在 親者、庶兄弟、朋友襚,次爲銘,次陳沐浴、飯 主人以下哭位,次君使人弔,次君使人襚,次 始死先復,次楔齒、綴足、奠,次赴 《士喪禮》自篇首至設重,皆始死日事 于君 ,次序

《記》曰:「復,盡 望反諸幽、求諸鬼神之道也。 日:「吾 之室也。 始死復節 得正 疾者齊,故於 ௱ 斃 愛之道也,有禱祀之心焉。 「死于適室」,注曰:「正 焉 斯 斯 Œ 已矣。」 寢 焉。」按: 北 面,求諸 復」。 曾子 寢

事 求 者,猶冀其生,復而不生,始行死事。」《荀子》 忠臣孝子亦知 曰:「紸纊紸當爲注,注,屬也。聽息之時,則夫 者覆之,若得 未輟也。 也,垂涕恐懼,然而幸生之心未已,持生之 也。」 「升自 卒矣,然後作具之。故雖備家, 其 魂返之。」張氏 (閔已。 阼 階,以衣尸」,注曰 然而殯斂之具 爾 岐 曰 未 「復 不衣 有

端 : 之終也。」《荀子》曰: 奉體魄之始。奠脯 制絞衾,設蔞翣,爲使人勿惡也。 祭祀,敬事其 云:「若然,則葬乃奉 人死,斯惡之矣。 楔齒 以奉體魄,一 將行,遣而行之,既葬而食之。謂虞祭。 綴 足奠節 神也。」案:《檀弓》子游 無能也,斯倍之矣。是故 醢,事精神之始也。」淩氏 以事精神。 體魄之終,祭乃事 張氏曰:「喪禮凡二大 「葬埋,敬藏其 楔齒、綴足, 始死; 形 日 脯 精 也。 醢 神

> 注 也 也 未有見其饗之者也,自 事 曰:「鬼神無象,設奠以馮依之。」 ,爲使人勿倍也。」然 精神使人勿倍也。 上世以來, 則 奉 奠脯 體 魄 醢 未之有 使 禮 勿 舍

必

踰

日然後

能殯。」

乃創 則序 辨室中、堂上、堂下之位者,非特男女内外 中、户外、堂下之位。 胡 至 『惟哭先復,復而後行死 氏語足成之。 帷 於此 堂 哭位節 鉅 事 痛 小定、命赴後、人哭乃序之。 深 時者,蓋 · 心 楊氏 姜氏兆錫 胆 復 摧 始 裂,發於不自禁者。」故 死時,主人啼,婦人哭, 曰:「始死,哭位辨 喪大記 事。』哭最先,而哭位 曰:「《喪大記》: 1》人君 禮 此句用 必 室

之大分也。喪遽哀迫,人雜事叢,先謹男女變之大法也。」應氏鏞曰:「男東、女西,陰陽親疏上下之位,不可以不正,亦治喪馭繁處

也。

案:《記》曰:喪紀,「以服之精麤爲序。」之辨而各以類從,則紛糾雜亂者有倫矣。」

也? 故 來弔襚,不 不 惟君命,出」,注曰:「以明大夫以下,時 出 君使人襚節 所以助生送死,追恩重終,副至意也。」 拜賓 出 也。」 也。 始喪之日,哀戚甚,在室, 《白虎通》曰:「贈襚 「升降自西階」,注曰: 何謂

親者、庶兄弟、朋友襚節 「親者襚,不

未忍在主人位也。」

義也。」「朋友襚,親以進」,注曰:「親之恩將命,以即陳」,注曰:「大功以上,有同財之

矣。敬之,斯盡其道焉耳。」者爲不可别已,故以其旗識之,愛之,斯録之爲銘節 《記》曰:「銘,明旌也。以死

遽。」按:《記》曰:「喪事雖遽不陵節。」種者,重死事。造,至也,以造言之,喪事鬲,皆濯,造于西階下」,注曰:「新此瓦器五麻器階下節」「新盆、槃、瓶、廢敦、重

尸,非 服 衣」。 有所難容,故不 云:「古人襲斂,全體包裹,其内加冠,則 寸」,注曰:「長四寸,不冠故也。」徐氏 也。 陳襲事于房中節 王氏 以爲 得正 士讓云:「此三服者,士冠三加之 容飾 而斃,服是服而安矣。」 也。 得已而去之。 「爵弁服、皮弁服、襐 「鬠笄用桑,長 意在堅束 乾 其 勢 學 兀

外

北

面

」,注曰:「象平

生

沐

浴

裸程,子

監視,專任御者。

而尸體倮

在旁。』《校釋》曰:「沐浴

動

摇尸,不可

經曰: 『主人皆出

户 户

外

北

面。」出

則 象

沐浴,子孫不在旁,所

以

爲

敬。

出而

即

在

户

墓求

利,往往

而

有。

苟以珍寶實之,是誨盜

而禍其先人,豈孝子之所忍爲哉?

故「禮

外,迫近户,且北

面向户,則仍得監視御者,

中

霤

何

示潔淨

反

本

也

沐

浴

節

合白

虎通》曰:

程,又不宜在旁。 「人死必沐浴於 「主人皆出 平生 無人 孫 户 户 不 田 人冢之事,故含用珍寶,無慮後患。 虚其 士以貝也。]按:三代以上家給人足,無盜 形體,故天子飯 曰 _; __ 既 廢、民 口, 所 以 故 含。 有 窮斯濫,草竊姦宄,愍不畏死, 飯 以 含何? 用 玉 珠 ,諸侯以珠,大夫以璧 寶 物 緣生食。 何 也? 有 今死不 後世 益 井 發 者 欲 掴

也。」 冒。 矣。 紳而 自襲以 告不 襲節 顧 無鉤 \sim 氏 至小斂,不設冒則形,是以襲而設冒 記》曰: 一带矣。 廣 用 《荀子》曰:「設褻衣,襲三稱,搢 譽 也,是皆 曰:「古禮 「冒者 設掩 何 所 面 也? 以 儇 制 重 目,鬠而不冠 度莫良於設冒 所 哀 也。 以 揜 形也 設 笄

也。 以 生 稻, 飯含節 不 以 含以 食 道 槁 用 《記》曰:「飯用米貝,弗忍 骨 美 '`**,** 反 焉 生術矣。」《白虎 爾。」《荀子》曰: 通》 飯 虚

死者自首至足,非是則保之終不固。」

巾

文。

如卒,沐浴鬠體

體調

爪揃

之屬。

飯含,象生

存如亡,終始一

也。

言死生之道,兼

互用之以爲

也,大象其生以送其

死也。

故

如

死如生、如

日」。《荀子》

曰:「喪禮者,以

生

者飾

死

者

者也。

商人教之以敬,於接神宜

所以爲慎也。

禮之曲

盡如

此

「蚤揃

如

他

時爲

大」。

「商祝襲」,注曰:「祝,

執

也。」象生時所執之事

七0

巾、柶,悉埋之,以其得尸氣,故愛而同歸坎,亦骨肉歸於土之義。凡尸所用之渜濯柶、鬈、蚤,埋于坎」。《校釋》曰:「髼蚤埋于

其於養宜。」
 設重節 《記》曰:「重,主道也。」注曰:「祝習夏禮者也。夏人教以忠,爲主道,故設食以馮依之。 「夏祝鬻餘曰:「始死未作主,以重主其神也。」按:重設重節 《記》曰:「重,主道也。」注

陳碞實五也。陳穌第、夷衾及西方之盥四也,陳絰带三也,陳穌第、夷衾及西方之盥四也,凡五節:陳衣一也,饌奠及東方之盥二也,言親喪第二日小斂之禮。斂前先陳飾衣物,言親喪第二日小斂之禮。斂前先陳飾衣物,

稱」。《記》曰:「備服器,仁之至也。」此兼《既所以收束衣服爲堅急者也。」 「凡十有九陳衣節 「絞,横三縮一」,注曰:「絞,

夕》明器言之。

其貌 也。牡麻経者,齊衰以下之経也。 之言實也。下本在左,重服統於内 苴麻者,其貌苴,以爲絰。 本於陰而統於外。」 易,服輕者宜差好也。 陳経帯 節 注曰:「苴絰,斬衰 服重者尚麤惡 右本在上,服 牡麻 之經 而 本陽 経者 也。 輕

主人有齊敬之心也。」
之禮,主人自盡焉爾,豈知神之所饗? 亦以之禮,主人自盡焉爾,豈知神之所饗? 亦以原以素器,以生者有哀素之心也。唯祭祀陳鼎實節 「素俎在鼎西」,●《記》曰:

陳設畢乃小斂,主人、主婦於是髻髮,

免、髽,斂畢乃奠。凡二節。

方,或顛倒衣裳。」胡氏云:「倒之,取其前後小斂節 「祭服不倒」,注曰:「斂者趨

❶ 「西」,原作「南」,據《儀禮注疏》改。

薄 苞云:「至 均也。」「主人 此 則 附 西 身之事 面 馮尸: 小 備 踊 ,親之容色 無算」。 方 徹 日

氏

厚

人髻髮,袒」。《記》曰:「袒括髮,變也。愠,髮膚欲再見而不可得矣,故踊無算。」 「主

甚也。有所袒,有所襲,哀之節也。」 哀之變也。去飾,去美也。袒括髮,去飾之

增痛,故又踊,蓋感觸於是爲益甚也。」憑依,故繞之而過,求神之義也。主人見而《校釋》曰:「祝既奠由重南,東,以重爲神所《檢釋》曰:「祝既奠由重南,東,丈夫踊」。

依也。」

小斂後代哭,賓或有襚者,宵爲燎。凡

三節。

君子念始之者也。」
哭,不絶聲而已。」《記》曰:「節哀,順變也,親喪,悲哀憔悴,禮坊其以死傷生,使之更親喪,悲哀憔悴,禮坊其以死傷生,使之更代哭節 注曰:「代,更也。孝子始有

自「厥明,滅燎」至「就次」,言親喪第三

凡六節。 徹小斂奠,次大斂,次殯,次大斂奠,次送賓。 日大斂而殯之禮。先陳大斂衣奠及殯具,次

當輟哭。臨事務令安固,不可但哭而已。」曰:「動尸舉棺,擗踊無算,然殯斂之際,亦陳衣奠節 「棺入,主人不哭」。朱子

「爲求神於庭。孝子不忍使其親須臾無所馮徹小斂奠節 「設于序西南」,注曰:

然,悲哀痛疾之至 袒 袒 奉尸 身者必誠必信,弗之有悔焉耳 數,惻怛之心,痛疾之意,悲哀 斂,在牀曰尸,在 一, 故 而踊之,所以動體安心下氣也。 斂于棺 殯節 發胸、擊心、爵 '', 踊 子思曰:「喪三日 如 棺曰柩。 也。 初一。 (踊、殷 故 日 《記》曰:「三日 動尸 殷 一辟 田 舉柩 矣。」 志 而殯,凡 田 懣氣盛 踊 婦人不 一、哭踊 哭泣,哀 如 主 壞 附 一, 故 牆 宜 於 無 而

大斂奠節

「魚左首,進髻」,注曰:

「未

若將復生然,安可得奪而斂之也 葬言之。 或問曰: 詳。 以 衣 不生矣。孝子之心,亦益衰矣。家室之計 日 以送之,送形 其重 塼 之,爲火備。」或問殯禮可行否? 朱子 制 曰:『孝子親死,悲哀志懣,故匍 曰 「此當自觀其宜,今以不漆不灰之棺,而欲以 祝取 也。」 至矣。 "「其銘誄繫世,敬傳其名也。」 土圍之,必不可。」案:古今異宜,禮文不 服之具,亦可以成矣。 丽 惟爲火備之義,孝子當頃刻不忘爾。 後斂者,以俟其生也。 銘置于肂」。《荀子》曰:「書其名置于 則 是故聖人爲之斷決以三日,爲之禮 名當爲形。 「乃塗」,注曰:「以木覆棺上 而 往,迎精 『死三日而後斂者,何也?』 不 見 而反也。」此檃括襲斂及 親戚之遠者,亦可 丽 三日而 柩 獨 匐 ? 明 而哭之, 不生,亦 矣。 故曰三 曰 而塗 又

東,丈夫踊」,注曰:「爲神馮依之也。」此孝子不忍死其親之意。 「奠者由重南,異於生也。凡未異於生者,不致死也。」案:

「君若有賜焉」一節,别出君視大斂之

儀。

見之。故臣下莫敢不竭力盡死以報其上,功 德立於後世,而令聞不忘也 塗而後爲之服錫衰麻絰,而三臨其喪。 未 無數,死則往弔哭之,臨其小斂、大斂,已棺 君於其臣也,尊其爵禄 可謂盡禮矣。 而死,爲之廢樂。 斂,不飲酒食肉。 君臨大斂節 服法服,端容貌,正 故古之君人者於其臣也, 未葬,不舉樂,當宗廟之祭 賈山《至言》曰:「古之賢 而親之。 疾則臨視之 顔 色,然後

門神也。必禮門神者,明君無故不來也。伸其私恩。」「君釋菜」,注曰:「祝爲君禮「見馬首,不哭」,注曰:「厭於君,不敢

一七四

馮尸」,注曰:「君必降者,欲孝子盡 家,是謂 禮 朱子曰:「古人君臣之際,如君臨臣喪,坐 運 君 臣爲謔。」 言諸 侯 非 問 疾 一君降 弔 喪 ,西鄉,命 而 人 諸 其情。」 主人 臣 之

至 ! 降,必俟君 也! 成,緣是親 焉,大斂往焉。 安在?」又曰:「看古禮,君於大夫,小斂往 際,恝然不相關,不啻如路人,所謂君臣 鸛 男女之别 切 何 君,於其臣之喪親臨之,視斂親撫之,其恩禮 撫當心,要節 也 厚也! 於此者,仁愛忠孝之心油然生矣。」 今乃恝然。 升主人馮之,又命主婦馮之,其教 臣於君之臨 7,亦不 愛一體。」黄氏叔暘 命 巫 不人 而 而 於士,既殯往焉,何其誠 紊焉 後 踊。今日之事,至於死 古之君 馮 門祝 , 細 馮 也,迎而先入,撫 先之,其恭 微 又不 臣 曲 所 折,無不 敢當所。 曰:「古者人 以 事 敬 事 ·合禮 且於 孝 做 愛之 一之義 生之 而 何 先 何 至 得

> 節。 大斂之明日成服,杖,拜君命及賓。

> > 别

爲

者三日,杖而後能起。」 号》曰:「君子之執親之喪也,水漿不入於口財,脫勤三年,身病體羸,以杖扶病也。」《檀、村者以何爲也。」「杖」。《問喪》曰:「杖者以何爲也。」「杖」。《問喪》曰:「其病也,君命食之也。」「杖」。《問喪》曰:「其病也,君命食之也。」「較了之明,是三日成服」,注曰:「既殯之明日,全三

也。 昧爽而 事,欲與賢者哀 感慟尤甚也 者,孝子之心哀親不復歷此日,不復食此物 他國之賓具來,朋友之義,且緣人情。 及薦新。凡二節 兄弟具在,親親之恩於喪尤篤 第四 朝 日至葬前,每朝夕哭奠,又朔 ,慈以旨甘; 戚之也。 按 : 日 人 朔月薦 朝夕奠者,猶生 丽 夕,慈以 新 也。 ~; 殊 有 其 賓 旨 月 及 禮 M 甘 時 奠

將葬,先筮宅,又哭椁、哭明器,又卜葬

日。凡三節。

十日日 者以 其忠至矣,其節大矣,其文備矣,然後月朝 可 後告遠者出 前 月之葬,其貌 止,誰得行之? 其義行,誰得止之? 故三 日 以至矣,百求 ,月夕卜宅,然後葬也。 北 ·,速不 安生也 面哭」。 筮 宅節 · 損 一是致 矣,備物者作矣。 吴氏 以 五十日。 \wedge 生設 荀 可 紱云:「悲親之將遠也。」 隆思慕之義也。」 子》曰:「三日 以 飾 得矣,百事 是何也? 死 者也 當是時 故殯久不過七 , 殆非直留 可 而 也,其 以成· 曰:遠者 「歸,殯 成 服 矣。 義 死 1 然

附 之。」慎之至也。 於棺者必誠必信,弗之有悔焉耳矣。」 1 哭椁、哭器節 曰:「兆基 Ħ 節 孝經》注 「考降,無有 無 有 子思曰:「三月而葬,凡 後 曰:「葬事大,故 艱?」 求體 近悔」。案: 筮 魄之安 1

> 謂,何 者。 已矣。 不沐浴 葬日 也。 吉地,皆以爲己,非以爲親。 後世不肖昏愚之徒,惑於陰 安其親,故能 此 ,神實馮之也。 丽 利不可 佩 命辭求體魄之安,并求 因 玉 以爲 一,石祁 精誠 得,菑害並 利,忍心害 通 子 凡此 於神明,而 兆。 百 計 至,此天道 龜 理,至 嗚 呼 ! 筮 陽 有知 家邪 精神之安、蓋 審慎,皆以深 吉凶 此 说,其 了, 不 不 父死、 之必 面 爽 占 極 也 然 求 而

容焉。 篇首二字爲目,與《有司徹》同例。」 既夕哭先葬前三日也。」阮 喪禮》之下篇也。 夕哭時,與葬閒一日。 凡朝 既夕禮》第 此諸侯之下士一廟,其上士二庿 +== 既,已也。 鄭《目 氏云: 《既 庿日,請啓期 謂先葬二日,已 録 》云:「≪士 (夕))摘 门,則

先葬二日,既夕哭,請啓期。爲一節。

一七六

設祖 乃 遷 凡 九節 載 柩 [奠,其日公有賵、賓有賵、有奠、賻贈。 柩 朝 既 一、飾 定期 袓 一、次薦 柩 ,明日先於祖 車,次陳器與葬具,次還 車 馬、 設 遷祖 庿 陳 奠,次請 饌,次啓 柩 「殯,次 祖 車 期

陵 所致親 爲上,哀次之,謂此類。 殯至 文,文足以容備,曲容備物之謂道矣。」 皆使其須足以容事,事足以容成,成足以容 日 此殯謂葬也。曰:大之也,重之也。 所致隆 曰:「聲三,三有聲,存神也。 人不哭」,注曰:「將 也。 也 啓殯 重,當肅静 故天子七月,諸侯五月,大夫士三月, 也,將舉錯之,遷徙之,離宫室而歸丘 先王恐其不文也,是以 節 《荀子》曰:「三月之殯何也 以待之,慎之至也。 有 事,止讙囂。」案: 啓 「聲三,啓三」,注 啓三,三言啓, 繇其期,足之 喪禮敬 「婦 也, ?

> 之庿 肂, 「户牗之閒,人君受臣子朝事之處,父母 猶用子道,不由 死者之孝心也。 將 所在,故於兩楹之閒北 注曰:「象鄉户牗也。 出 將行也。」按: 必辭尊者。」《檀弓》曰:「喪之朝 而後行。」 遷 柩 朝 袓 節 「升自西階」,注曰 作也。 」 其哀離其室也,故至於祖 所謂 是時柩北首。」疏云: 注 動尸舉柩,哭踊 面鄉之。」 曰 : 正 蓋 柩 于兩 象 平 「柩也 楹閒」, 無數 也 生 神之 一,順 時 考

行期已至,故孝子感之而哭踊。」也。」「哭成踊」。《禮記》孔疏云:「薦馬,曹馬節 注曰:「象生時將行陳駕

始也。 者,知喪道矣,備物 畢,聖人之道備矣。」按:此喪禮 陳器節 載柩、飾柩車 送死,飾 \wedge 終也。 檀 節 弓》曰: 而 不可用也。 《荀子》曰 終始具,而 孔子謂 所 : 其 以 孝子之事 「事生,飾 日 飾 爲 明器 也。

告神也。」

「踊無算」。

胡氏云:

「蓋見柩出

徙道 飾哀 禦塵。」「加茵」,注曰:「茵,所以藉棺者。」 以禦止土者。」 是皆所以 神明之也。」《荀子》曰:「具生器 以哀敬,而終周 荀子》曰:「喪禮者無他焉,明死生之義,送 也 也。 ,祭祀飾敬也。」 重哀 丽 也。 不盡 藏 加加 也。」 凡禮,事生飾 , 貌 、抗席三」,注曰:「所以 而不 「抗木」,注曰:「所 功,明不 歡 以 適墓,象 也 用 一,送死 也。

「兄弟致美。救乏、賀善、弔災、祭敬、喪哀,奠可也」,注曰:「許其厚也。」按:《傳》曰:幣,義之至也。」 「若賻,賓坐委之」,注曰:幣,義之至也。」 「若賻,賓坐委之」,注曰:

有時將去,不忍絶聲也。」親之道也。」「乃代哭如初」,注曰:「棺柩

祭,生事畢而鬼事始矣。 目。凡七節。於是以虞易奠,以吉祭易喪門,次葬,次反哭,次略言葬後儀節及喪祭之門,次葬,次反哭,次略言葬後儀節及喪祭之讀贈、讀遣,次柩車發行、君使宰夫贈於邦讀單、資葬日,先陳大遣奠,次出重、行器,次

「父母而賓客之,所以爲哀。」「苞者,象既饗而歸賓俎者也。」《雜記》曰

出重行器節

「苞牲,取下體」,注

日

示恩禮,而僭忒亦無由生矣。」云:「遣物多寡,皆禮制所繫,君使史讀之以君使史來讀之,成其得禮之正以終也。」胡氏君明,遺贈遣節 注曰:「遣者,入壙之物。

矣,既則賵之,至柩行又贈之。於士如此,則讓云:「初喪,君既襚之矣,又或視其大斂柩車發行節 「公使宰夫贈」。王氏士

也。」大夫以上又加厚焉可知。此即體群臣之實

纁束。 賓客之。踊如初,痛之至也。 代之達禮 不自逸也。」 加見」,注曰:「器在見内,明君子之於事,終 交之道也,有敬心焉。● 葬於北方北首,三 葬節 拜稽 也,之幽之故也。」 類,踊 《檀弓》曰:「弁絰葛而葬,與 即 位,踊襲,如初」,注曰: 如初」。 按: 贈 贈亦父母 「藏器于旁, 用制幣玄 而 神

矣,不可復見已矣,故哭泣辟踊,盡哀而 也,上堂又弗見也,入室又弗見也,亡矣,喪 其反也如疑。 皇然,若有求而 然,汲汲然,如有追而弗及也。 反哭節 「升自西階 《問喪》曰:「其往送也,望望 求而. 弗得也。 無所得之也,人門而弗見 《檀弓》曰:「反哭升 故其往送也如 其反哭也,皇 慕, 止

哀親之在斯。」

之在土也。 次」。 甚。」子云:「升自西階,●受弔於客位,●教 心,孝子之志也,人情之實也 不偝也。死,民之卒事也,吾從周。」「乃就 民追孝也。殷人弔於擴,周人弔於家,示民 也,哀之至也。反而亡焉,失之矣,於是 階,曰:『如之何。』』《檀弓》曰:「反哭之弔 堂,反諸其所作也。」 居於倚廬,哀親之在外也。 弓》曰:「反諸其所養也。」 《問喪》曰:「成壙 故哭泣無時,服 「主婦人于室」。 加 歸,不敢 「賓弔者升 勤三年,思慕之 寢苫枕 塊,哀親 入處室。 自 《檀 爲 西

名。虞,安也。骨肉歸於土,精氣無所不之,喪祭目節 「三虞」,注云:「虞,喪祭

[「]焉」,原誤作「馬」,據《禮記正義》改。

[「]西」、《禮記正義》作「客」。

[「]客」、《禮記正義》作「寶」。

孝子爲其徬徨,三祭以安之。朝葬,日中而

虞,不忍一日離。」

人不死於男子之手,所以正人道之終也。若疾者、養者皆齋。男子不死於婦人之手,婦方是,則有舉子之禮。子生三月,則有命名方禮,所以正人道之始也。疾病,外内皆掃,之禮,所以正人道之始也。疾病,外内皆掃,人不死於男子之禮。子生三月,則有命名方。以一,與有舉子之。。 以一,與有學子之於禮,終身焉而已。日首末事。凡十節。

「其哀未可節也。」「大斂于阼」,注曰:「未曰:「未忍神遠之也。」「無踊節」,注曰:「か斂、大斂節 「小斂,辟奠不出室」,注何常聲之有?」

右,長大猶爲飾存之,謂之髦。 所以順父母生三月,翦髮爲鬌,男角女羈。 否則男左女既殯居喪節 「主人説髦」,注曰:「兒

忍便離主人位也。」

●「道」、《禮記正義》作「路」。

之。」「不説絰帶」,注曰:「哀戚不在於 |幼小之心。至此尸柩不見,喪無飾,可以去 | 筮

安。」「非喪事不言」,注曰:「不忘所以爲之。」「不説經帶」,注曰:「哀戚不在於

親。」「獸粥,不食菜果」,注曰:「不在於飽

馳。」按:孝子之心,惟在哀痛思慕而已。

與滋味。」

御以蒲菆」,注曰:「不在於

驅

如他日」,注曰:「孝子不忍一日廢其事親之埽絜奉養節 「燕養、饋、羞、湯沐之饌,

次納 與 祖 不終禮者、有不視斂而終其事者二者之節 事 啓殯朝祖,次二庿者先朝禰,次自禰適祖 矢之制。 庿 在道遇君命止柩、因及君於士有視斂而 廟者略同,次柩在道、至壙、卒窆而 巾、薦車、載柩、陳器、贈奠諸事,二庿 柩車之節與饌祖奠之處,次入壙用器弓 自「啓之昕」以下,記《喪禮》下篇事。 凡八節。 惟君視斂一節 事在上 歸 一, 次 先 之 者

篇,以禮不備,且不定,故退在下。

祭之於殯宮以安之之禮。」猶安也。士既葬其父母,迎精而反,日中而《士虞禮》第十四。鄭《目録》云:「虞,

離也。 忍一日未有所歸也。」又曰:「心悵焉、愴焉 變而之吉祭也,比至於祔,必於是日也接,不 日也,以吉祭易喪祭。 奠於墓左,反日中 既反哭,主人與有司視虞牲。 《記》曰:「既封,主人贈 是日也,以虞易奠。卒哭曰成事。 ·而虞。 明日,祔於祖 葬日虞,弗忍一 有司 加 祝 以 宿虞尸。 父。 几筵舍 其 日

惚焉、愾焉,心絶志悲而已矣。祭之宗廟,以

鬼響之,徼幸復反也。」

徵。 服 筵、饋薦、告祝,如或饗之。 按"此章統說喪祭、吉 存,狀乎無形影然而成文。」 荀云拜賓易服,蓋據此禮。揚注謂易祭服,反喪服,於經無 出、主人送,拜稽顙。 主人有尊,如或觴之。賓出,主人拜送,反易 祭、練、祥、禫始筮日。 ,即位而哭,如或去之。按"記卒哭、餞尸畢、賓 哀夫! 《荀子》曰:「卜筮視日、齋戒、修涂、几 敬夫! 主婦亦拜賓,丈夫説絰带於廟門外。 物取而皆祭之,如或嘗之。 事死如事生,事亡 如事

賓自門外人、即位祭前事。凡二節。 士虞禮將祭,先陳牲酒、器具,次主人及

此先王制禮,事死如生,事亡如存之義。」始也。既葬而虞,以特豕饋食,追養之始也。「昏禮,婦歸之明日,以特豚饋,子孫忠養之「昏禮,婦歸之明日,以特豚饋,子孫忠養之

可以吉也。」按:凡虞禮多反吉,以表哀。「側亨于庿門外之右」,注曰:「不於門東,未

祭之始事、設饌饗神、爲一節。是謂陰

厭。

正写 第一连曰:「叮''' 左回。 老子之类,長三獻,次祝告利成、尸出。凡六節。主人獻尸並獻祝及佐食,次主婦亞獻,次賓正祭先延尸、妥尸,次饗尸,尸九飯,次

者,喪事主哀不主敬。」按"此即「喪與其易也,寧復聚。」「尸入門」,注曰:「尸入,主人不降體以凝聚祖考之氣,氣與質合,則散者庶乎朱子云:「古人于祭祀必立之尸,因祖考遺生,正世節 注曰:「尸,主也。孝子之祭,

— 八 二

「佐食舉肺脊授尸」。按:《特牲》、《少牢》「佐食舉肺脊授尸」。按:《特牲》、《少牢》「佐食舉肺脊授尸」。按:《特牲》、《少字》「佐食舉肺脊授尸」。按:《特牲》、《少字》

節悲哀同。」堂,踊如初,出門,亦如之」,注曰:「三者之堂,踊如初,出門,亦如之」,注曰:「三者之者,無遣尊者之道也。」「出户,踊如初,降日出節 「祝人,尸謖」,注曰:「不告尸

正祭畢,改饌西北隅以厭飫神,爲一節,

是謂

陽厭

「贊闔牗户」,注曰:「鬼神尚居幽闇,或者之節,改設之。庶幾歆饗,所以爲厭飫也。」陽厭節 注曰:「改設饌者,不知鬼神

遠人乎?」

祭禮畢,送賓爲

一節

記虞正禮。

記虞正禮。

《士虞・記》先記沐浴、陳牲及行事之思真,次代主義,以,次生殺體數、鼎俎陳設之法,次沃尸面期,次牲殺體數、鼎俎陳設之法,次沃尸面

祭,自潔清。不櫛,未在於飾也。」 「日中而祭,自潔清。不櫛,未在於飾也。」 「沐浴者,將

行事」,注曰:「君子舉事必用辰正也。」

「主人見尸,有踧踖之敬。」「侍神,不敢燕惰也。」「過主人」,注曰:祝當詔侑尸也。」「尸坐,不説屨」,注曰:祝當詔侑尸也。」「尸坐,不説屨」,注曰:一次節「尸人,祝從尸」,注曰:「初時,

祭之節與祝辭之異。凡六節。響尸之辭,次祔祭之禮與告祔辭,次祥、禫吉無尸可餞者送神之禮,次卒哭祭告祔于神與用日不同及祝辭之異者,次卒哭祭畢餞尸與然。先記虞無尸者陰厭之儀,次三虞、卒哭祭。先記虞無尸者陰厭之儀,次三虞、卒哭

普,大也。淖,和也。德能大和,乃有黍稷。」不安。」「普淖」,注曰:「普淖,黍稷也。次節 「夙興夜處不寧」,注曰:「悲思

安之也。」 爾皇祖某甫」,注曰:「告之以適皇祖,所以主欲其袷先祖也,以與先祖合爲安。」 「適「哀薦給事」,注曰:「始虞謂之祫事者,

離其室,故哀更深。」 即位 「重餞尸。」 三節 |後,皆哭無停聲,以俟尸之即席。 婦婦 人出,即 哭 不 「尸即席坐,唯主人不 位于主人之北」,注 止 方氏 苞 親將

> 抑矣。 者皆踊,哭之久,踊之多,幾與殯前啓後等。 之」。 方氏苞云:「初獻尸,卒爵,主人 以敬抑哀。 復位。」方氏苞云:「尸即席,主人將有事,故 哭,洗廢爵,酌獻尸,尸拜受。主人拜送,哭, 哀親之體魄既藏,而靈魂亦將離其室也。」 初,則主人及兄弟亦如之。 三獻,則 弟踊,婦人亦如之。 而後哭也。」 曰 『哭復位』者,號泣 既拜送,則獻事畢,哀 「主人及兄弟踊,婦 亞獻,主婦及婦 而 二行,别 心不能 凡在列 於 人 (及兄 亦 踊 即 如 如 位 自

惰,夙興夜寐,無甚不安,而 處,小心畏忌,不惰其身,不寧。三方 辭。』若主 制哭踊之節,正薦告之辭,皆所以振發人之 能不怵然内愧而怍於婣族、友黨乎? 云"「《春秋傳》曰"『祝史陳信于鬼神無 五節 喪者及衆主人心無畏忌,身實 「曰: 『孝子某,孝顯 以 此告於先靈 派相, 夙 先王 氏 興夜 懈 愧 苟

本心,而俾自循省也。」

末節 「是月也吉祭,猶未配」,注曰

「哀未忘也。」

·特牲饋食之禮,謂諸侯之士以歲時祭其祖《特牲饋食禮》第十五。鄭《目録》云:

其順 禮,是故惟賢者能盡祭之義。」又曰:「祭者 禮 盡 道焉: 生則養,没則喪,喪畢則祭。 於倫,是之謂畜。 所以追養繼孝也。 者也,自中出生於心者也。 有五經,莫重於祭。 此三道者,孝子之行也。」 《祭統》曰:「凡治人之道,莫急於禮。 也,喪則觀其哀也,祭則觀其敬而時也。 是故孝子之事親也,有三 孝者,畜也,順於道不逆 夫祭者,非物自外至 心怵而奉之以 養則觀

《祭義》:「宰我曰:『吾聞鬼神之名,不

天,形魄歸於地,故祭求諸陰陽之義也。」 設爲宗祧,以别親疏遠邇,教民反古復始,不 爲之極,明命鬼神,以爲黔首,則百衆以畏, 陰爲野土。 其氣發揚於上,爲昭明,焄蒿悽 知其 忘其所由生也。」《郊特牲》曰:「魂氣 萬民以服。聖人以是爲未足也,築爲宫室, 愴,此百物之精也,神之著也。 生必死,死必歸土,此之謂鬼。 也者,鬼之盛也。 、所謂。』 子曰 : 合鬼與神,教之至也。] 衆 『氣也者,神之盛 骨肉斃於下, 因物之精,制 也。 《歸於 魄

思慕之情也。愅詭、變異感動之貌。悒僾憤鬱之不敬。祭不欲疏,疏則怠,怠則忘。是故君不敬。祭不欲疏,疏則怠,怠則忘。是故君之必有悽愴之心,非其寒之謂也。春雨露既之必有悽愴之心,非其寒之謂也。春雨露既之必有悽愴之心,非其寒之謂也。春雨露既之必有悽愴之心,非其寒之謂也。春雨露既以迎來,哀以送往。」《祭義》又曰:「祭不欲數,數則煩,煩則

八四

貌 之時,忠臣孝子則感 時 則 而 夫忠臣 不 能 無 孝子亦愅 時 動而思君親之不得同樂也。 至 焉。 詭 故 而 人之歡 有 所 至 欣和 矣。 彼其所 合之 歡欣

至者,甚大動也。案屈然已,屈然,空然,言無祭。

故 惆 矣,禮節文貌之盛矣,苟 曰:祭者,志意思慕之情也。 凡《荀子》書「案」字皆語 然 先王案爲之立文,尊尊親親 不 赚,赚足也。 其 辭。 於禮 則 非聖人,莫之能 其 節 之義 於志意之情者 忠信愛敬之至 者闕 至矣。 然不具。 故 知

也。

聖人明知之,士君子安行之,官人以

爲

施。

守,百姓以

成俗。」

道 禋 奉 民、撫國家、定百姓也。 其 其 . 其 犧 順 於是乎合其州 酒 或 解,以 牲 醴 語》楚觀 r, 敬其 前 昭祀其先 其子 **甕盛**,潔其 別射父 姓 鄉 ん 從 朋 祖 曰:「祀所 百姓夫婦 友婚姻 其 肅肅 時 糞 享,虔其宗祝 除 比爾 濟 ,慎其采服 濟 擇其令辰 以 '; 如 昭 兄 弟親 或 孝 臨 息

戚。 際焉,此之謂 焉,見政事之均焉,見長幼之序焉,見上下之 君臣之義焉,見父子之倫焉,見貴賤之等焉 上 結 考之,十倫有 見親疏之殺焉,見爵賞之施焉,見夫婦之别 曰:「夫祭有十倫焉: 所 其 以教民虔也,下所以 親 於是乎弭其百苛,殄其讒 暱 ,億其上下,億,安也。 其九,臣無 十倫。」案:以《特牲》、《少牢 見 作福,故無 事 昭 事 鬼 慝,合其 上也。」《祭統》 神之道 以 申 固 爵賞之 (焉,見 、嘉好, 其 姓

尸,次宿賓,次視濯與牲。祭前戒備事,凡五《特牲饋食》之禮,先筮日,次筮尸,次宿

節

也 前。 爲言齊也,齊不齊以 《記》曰: 案 : 筮 日 前 節 期 万及 十 胡 日 時 氏 容 云 致齊者也。 將 散 祭 士筮 齊七日 7,君子 ·乃齊。 日 是故君子非 致 亦 齊 在 齊之 十 日 日

邪物,訖其嗜欲。耳不聽樂,故《記》曰『齊者 物 有 廟 其所樂,思其所嗜。齊三日,乃見其所爲 之,致齊三日以齊之。定之之謂齊,齊者 道。手足不苟動,必依於禮。是故君子之齊 不樂」,言不敢散其志也。心不苟慮,必依於 近、長幼 侍。」《記》曰:「庶子不祭,明 宗祭,而兄弟皆來與焉。 明之至也,然後可以交於神明也。」又曰: 也,專致其精明之德也。 疏之殺也。」 曰:「夫祭有昭穆。 昭穆者,所以别父子遠 齊之日,思其居處,思其笑語,思其志意,思 則 無 大 防 事 「子姓兄弟如主人之服」,注曰:「小 也, 也 親 昭 群 疏 嗜欲 非 i 穆 咸 在 之序 有 「孝孫某」。 無 恭 而 止 敬 而 無 也。 也 亂 不失其倫,此之謂 則 也。 宗子祭,則族 故散齊七日 《記》曰:「祭稱孝 及其將齊也, 不 是故 齊。 其宗也。」 有 不 · 齊 事於 以定 人皆 防 則 親 大 又 齊 精 其 於

> 其敬,盡其嘉而無與讓也。」 孫孝子,以其義稱也。 祭祀之相,主人自致

八六

之。 事也。 父之道也,此父子之倫也。」 於祭者子行也,父北面而事之,所以明子事 有尸者何? 鬼神聽之無聲,視之無形,升自 曰:「祭祀之有尸也,宗廟之有主也,示民 曰:「夫祭之道,孫爲王父尸,所使爲尸者, 名尸,連言其親,庶幾其馮依之也。」《記 虚無寂寞,思慕哀傷,無可寫泄,故座尸而食 阼階,仰視榱桷,俯視几筵,其器存,其人亡, 坊民,民猶忘其親。」《白虎通》曰:「祭所 筮尸 節 以「某之某爲尸」,注曰:「字尸父而 修宗廟,敬祀事,教民追孝也。 《記》曰:「尸,神象也。」又 以 以 有 此

「祝許諾,致命」。《記》曰:「祝,將命也。」一人焉以爲尸,過之者趨走,以教敬也。」宿尸節 《記》曰:「七日戒,三日齊,承

不豫,比時具物不可以不備,虚中以治之。」以治百事。」又曰:「孝子將祭,慮事不可以必有齊莊之心以慮事,以具服物,以脩宫室,一視濯、視牲節。《記》曰:「孝子將祭祀,

祭日陳設及位次爲一節。

也。 如 者,必夫婦親之。」又曰:「百物既備,夫婦齊 戒沐浴 鋪 ,弗勝,如將失之,其孝敬之心至也與!!」 筵、設同 陳設節 1,盛服 「主婦纚笄宵衣」。《記》曰:「夫祭也 几,爲 奉承而進之,洞 「祝筵几于室中」。《記》曰 依 神 也。 此交 洞乎,屬屬乎 神明之道

祭之始事,陰厭爲一節。

所愛者。又曰:「孝子之祭可知也,其立之也,色必温,行必恐,如懼不及愛然。」如懼不及見其僾然必有見乎其位。」又曰:「及祭之日,顔從,西面于户内。」《記》曰:「祭之日,入室,陰厭節 「主人及祝升,祝先入,主人

之俎。」 而 曰:「其奠之也,容貌必温,身必 味人之性所以 薦之也,敬以欲。」薦之謂進孰。 牲》曰: 『肵之爲言敬也。』言主人所以敬尸 弗辱也。」 愛則存,致慤則著,著、存不忘乎心,夫安得 其容聲。」又曰:「是故先王之孝也,色不忘 者必有婉容。 愛者必有和 北」,注曰:「饌 不敬乎? 君子生則敬養,死則敬享,思終身 乎目,聲不絶乎耳,心志嗜欲不忘乎心。 人降。」《記》曰:「周還出 奉盈,洞 敬以詘。」充詘,形容喜貌。 未之然。」 「俎人」。《記》曰:「孝子之祭,其 洞屬屬然如 「佐食升肵俎」,注曰:《郊 氣 和氣,謂立而詘。 有和 「卒祝」。 Ē 要方也。 弗勝,如將失之。」 氣者必有愉色,有愉 「祝洗,酌奠」。 又曰 《記》曰:「薦其 凡饌 户,肅然必有聞 孝子如執 :「孝子之有 必方者,明 2詘,如 「腊特于俎 玉 念記 主 薦 焉 特 平 深 如 ᅀ

首。《記》曰:「拜,服也。稽首,服之甚也。」庶或饗之,孝子之志也。」 「主人再拜稽諭其志意,以其恍惚以與神明交,庶或饗之。」以,序其禮樂,備其百官,奉承而進之。於是

與旅酬,皆承尸意而行神惠者。 獻尸。凡十節。事尸者八節,其獻賓及兄弟次衆賓長爲加爵,次嗣舉奠,次旅酬,次佐食長三獻尸,次獻賓及兄弟,次長兄弟爲加爵,是三獻尸,次獻賓及兄弟,次長兄弟爲加爵,以宗,言迎尸人、行正祭初、自「祝迎尸」以下,言迎尸人、行正祭初、

孫也。 主人 俎。 注 祭,有初三飯,有再三飯,有終三飯,有盛 爲厭。」案:此略本《記》爲説。 凡六細節。 乃父道。 "「主人不迎尸,成尸尊。 尸,所祭者之 尸人九飯節 祖之尸,則主人乃宗子。禰之尸,則 事神之禮, 庿中 此節内有妥尸祝饗,有挼 「主人降,立于阼階 而已,出 《記》曰:「君 東」, 迎 則 肵

尸言。 於君。 之。 祭」。 鄉焉。 於臣; 饌,欣然若親之飽,尸醉若神之醉矣。」 兼下酯 帝,孝子爲能饗親。饗者,鄉也,鄉之然後 虞》記,則宜云:『孝孫某圭爲孝薦之饗。』舊 迎 共之,惟恐不美。告之美,達其心, 爲,此孝子之心也。」又曰:「惟聖人爲能 之以樂,參之以時,明薦之而已矣,不求 致其誠信與其忠敬,奉之以物,道之以禮,安 説云:『明薦之。』《記》曰:「賢者之祭也, 主之義。 出者,明君臣之義也。」然則此不出者,明枝 牲 「啐酒,告旨」,注曰:「旨,美也。 而 《白虎通》曰:「坐 在廟 入廟門,則全於臣,全於子。 「主人羞肵 是故孝子臨 不 迎尸,别嫌 中則全 祝饗。」注 俎于腊北」,注曰: 一於君 尸而 也。 曰:「其辭 尸而食之,毁 不作。」「 君在 尸 在 廟 廟 闁 門 取於《 外, 是故 祝 明 肵 神 齊敬 損 命 則 則 俎 其 能 其 士 挼 不 疑

贛問 得 主 宗廟者,賓客濟 之及交? 夫何慌惚之有乎?』注曰:「祭 也、遠也; 祭,無濟濟漆漆,何也?』子曰:『濟濟者,容 而 進 賓客以神事其先。』《記》曰 於尸,主人親 ,其親也慤,其行也趨趨以數。 已祭,子 曰: 『子之言祭,濟濟漆漆然,今子之 漆漆者,容也、自反也,夫何神明 羞 濟漆漆,主人慤 敬 也。 神俎 : 「仲尼當奉薦 而 不親設 趨 趨 者 · 貴

嘏。 酢主 凡 道 無 所謂福也。 也。」《記》曰:「賢者之祭也,必受其福,非世 所 四 也。 也 人且 不 嘏,長也,大也,待尸授之以長 細 主人初獻節 忠臣 順 上則 節 親 者之謂備。 福者,備也。備者,百順之名也 战概,有主人獻祝,主人獻佐食。 順 以 於 事 進,聽嘏」,注曰:「受福 鬼 其 此節内有主人獻尸,有尸 神 君,孝子以 言内盡 外則 順於君長, 於己,而 事 其 親 大之福 外), 其 順 内 本 於

> 嗇,因 功。」 然後能祭。」 以孝於親,如 「主人酌,獻祝」,注曰:「行神惠也。 事託戒,欲其重稼嗇。 此之謂 寫嗇于房」,注 備 惟 嗇者,農力之成 賢 者 曰 能 備 變 黍 能 備

有獻祝,有獻佐食。凡四細節。

主婦亞獻節

此節内有獻

尸,有尸酳

易爵 醋。 爵: 爵于主婦十也,賓受主人酢 又獻佐食八也,賓又致爵于主人九也,又致 尸舉奠爵五也,酢賓長六也,賓長獻祝七也, 也,主人致爵于主婦三也,主婦酢主人四也 均于室中,是以奠而待之。」 「主人更爵,酌 止」,注曰:「尸止爵者,三獻禮成,欲神惠之 主婦致爵于主人一也,主人酢 ,明夫婦之別 賓三獻節 《記》曰:「夫婦相授受不相襲處,酢 疏云:「此一科之内有十 也。 + 也。」 主 婦二 爵

獻賓兄弟節 此下獻賓,獻衆賓,設尊

《記》所謂 酬 之義。」按:惠由近而敬先賓,親親賢賢皆協 酌于西方之尊」,注曰:「先酌西方者 神惠,先尊東方,示惠由 東,西方亦如之」,注曰:「爲酬賓及兄弟,行 拜受爵。」案:先長 三,衆賓飲一,示民有上下也。」 節共爲一 賓 獻 長兄弟, 科。 「明尊卑之等」。 獻衆兄弟,獻内兄弟。 獻賓」。 賓,次衆賓,少長以齒。 近。」 《記》曰:「尸飲 「尊兩壺于阼階 「主人洗觶 「衆賓升, 「, 尊 凡 賓 六

止者,欲神惠之均於在庭。」 衆賓長加爵節 「爵止」,注曰:「尸爵

衆兄弟以次受獻,《記》所謂「長幼有

序

諸義而

協矣。

「主人洗爵,獻長兄弟于阼

階上」。

念記

₩ El

因

其酒

肉

,聚其宗族,以

教民睦

也。」「洗獻衆兄弟,如衆賓儀

按

傳重累之也。」官氏獻瑶云:「以傳宗廟之重嗣舉奠節 注曰:「使嗣子飲奠者,將

主人,又不可等之于主婦及賓長,故獻 之正禮,此禮義之至精者。]案:《記》 之略放主人獻酢之節而行之,而仍不干主人 廷華云:「嗣子爲宗祧之寄,父在雖不主祀, 畢矣,若待旅酬而後舉,無 奠必在加爵之後何也? 奠」,祭祀之陳饌以 土 而卿大夫不行舉奠者,不世爵也。 亦當自致其誠敬於先人。 子弟之列,而已付以他日祭祀之事矣。 言之曰『受重』, 「天子諸侯繼世爲君,所以有上嗣受爵之禮 大夫之嗣子不舉奠,辟諸侯。]官氏云: 登餕受爵以 ,故得行舉奠禮。」 上嗣,尊 以 奠 承 祖之義 而 袓 成,嗣舉奠,則 宗之貺言 加 然既 以行敬也。」吴氏 爵則室中之禮將 也。」注 不可上同 之日 又 終使 其舉 日 雖 「舉 於

解,此弟子復舉東階一解,皆爲旅酬起端。 旅酬無算爵節 前主人酬賓已舉西階

即 因 於此 作 止 爵 時告祭、設羞、先旅西階 次旅 東 階一 解,又次 並 一觶,加 旅 東、 西二 爵者

觶

而

神惠

均

於在

一庭矣。

凡六節

總

爲一

科。

注曰:「因今接會,使之交恩定好,優勸之。」曰:「所以序長幼,教孝弟。」「爵皆無算」,「賓弟子及兄弟弟子,舉觶于其長。」注

又改饌陽厭。凡三節。正祭畢,尸出、歸尸俎、徹庶羞,乃養,

以 族人飲也。」此徹庶羞置西序下者,爲將以 言 以 飲 於賓奠,然後燕私。 曰:『宗室有 祭祀畢 燕 與 與? 燕 飲 族 私 出 人 於房。」案:《詩》曰:「諸父兄弟,備 然則自尸祝 歸 、燕飲於堂,内賓宗婦之庶 節 傳 賓客之俎 日: 「 事,族人皆侍終日。 「徹庶羞」,注 燕 燕私 至於兄弟之庶羞,宗子 而 盡 同 者何 姓 其 則 曰:「《尚書 私 也 留與之燕,所 恩。」箋云: ? 大宗已侍 羞 已 一,主婦 而 傳》 燕 與

以尊賓客、親骨肉也。」

以也。 餘,亦當以之也。」「酳有與也」,注曰:「言 知似先祖之德,亦當與女兄弟,謂教化之。」 女酳此 祝告養,釋辭以 養節 以先祖 當 有所與也。 祝 有 曰:『養 戒之、言女養於此、當 德 而享於此祭,其 與者,與兄弟也。 有 以 也。」 坐養 注 有 曰 既 其 所

北隅。 以 遠人乎? 而 爲 退,敬齊之色不絕于面。」 厭 陽 祝告利成,主人降」。 飫。」 厭 尸 節 ,謖而改饌爲幽闇,庶其饗之,所 「佐食徹 注曰:「不知神之所在,或諸 尸 薦、 《記》曰:「已 俎、敦,設于西 徶

禮畢送賓,爲一節。

静以 如 心,思慮不違親 將 復 正,如將弗見然。 送賓節 入然。 《記》曰:「宿者皆 是故慤 ",結諸 心,形諸 善善 及祭之後,陶陶遂遂 不違 色,而術省之, 身,耳目 出 其 不違 立 卑

孝子之至也。」

面 位、旅酬贊薦諸儀,次祭竈之節,次賓送尸 因及宗人佐食齒列,次設内尊與 具品物陳設之法,次事尸之禮,次佐 反位之節,次諸俎牲體名數,次公有司私 位獻法。 《特牲饋食禮 凡九節。 •記》先記祭時衣冠,次器 内兄 食 弟 所 臣 面 事

賓兄弟緣孝子之心欲得尊賓嘉客以事其祖首節 注曰:「朝服者,大夫以祭。今

禰,●故服之。」

功立 後。 以 示均 取貴骨,賤者取賤骨。 骨有貴賤,殷人貴髀,周人貴肩,凡前貴于 明惠之必均也,善爲政者如此,故曰見政 也。 俎者 俎節 ,功之所以立者,不可不 惠均則政行,政行則事成,事成則 ,所以 《記》曰:「凡爲俎者,以骨爲主。 明祭之必 貴者不重,賤者不虚 有 惠 知也。 也,是故貴者 俎者,所

事之均焉。」

九二

者也。 也。 《記》説諸侯之祭曰:「夫祭有畀煇、胞、翟、 明足以見之,仁足以與之。 閽者,惠下之道也。唯有德之君爲能行此 之至賤者也,尸又至尊,以至尊既祭之末 能以其餘畀其下者也。 後者,賤也。」按:賤 竟内之民無凍餒者矣,此之謂上下之際。」 不忘至賤,而以其餘畀之,是故明君在上,則 胞者,肉吏之賤者也。翟者,樂吏之賤 公有司、私 閻者,守門之賤者也。 臣 面 位 而 獻 必 煇者,甲吏之賤者 獻 法 畀之爲言與也, 之,惠下之道 此四守者,吏 注 曰 獻 在 面

諸侯之卿大夫祭其祖禰之禮。」胡氏云:《少牢饋食禮》第十六。鄭《目録》云:

❶ 「之心」、《儀禮注疏》無。

《有司徹》乃言上大夫儐尸及下大夫不儐尸 之禮,與此本爲一篇,亦以簡册繁重,分爲 此篇自筮日至養,爲卿大夫正祭之禮,下

流 事三世,有三乘之地者 下者事七世,有國 夫士有常宗,所以别貴始,德之本也。 不得立宗廟,所以别積厚者流澤光,積薄者 澤卑也。」 《記》曰:「王者天大祖,諸侯不敢壞,大 者事 Ĭ. 事二世,持手而 世,有五 乘之地 有天 食者 者

之心所以追養繼孝也。 死,敬亡若事存,故欲立宗廟而祭之,此孝子 曰 生死殊路,故敬鬼神而遠之。 《白虎通》曰:「王者所以立 象先祖之尊貌也。」 宗者,尊也。 。 緣生 宗 廟 廟者, 何? 以 事

宿 諸 官,次爲祭期。 少牢饋食之禮,先筮日,次筮尸、宿尸、 凡三節,皆祭日前 事

貌

也

名,自丁寧,自變改,皆爲謹敬。」 筮日節 「日用丁、己」,注曰:「取其令

也。 大夫下人君。」案: 大夫祭禮與士異者,約有 二端::一下人君,尊尊也,一威儀多,貴貴 至祭之大義悉與士同,語在前篇 筮尸節 注曰:「不前 期三日筮 尸者,

器,次即位設几、加勺、載俎。 夫尊,於諸官有君道也。」按:此封建之制 及期將祭,視殺、視濯及羹定,先實鼎饌 爲期節 「主人門東南 面」,注曰:「大 凡三節。

祭前陰厭爲一節。

主人獻尸,次主婦亞獻,次賓長三獻。凡五 正祭,先迎尸人、妥尸,次尸十一飯,次

節

飯 飯,有四次一飯,有爲祝侑一飯,爲主人侑三 尸 十 一 凡 四 細 飯節 節 此節 同祭于豆祭」,注 内 有挼祭,有初 日

九四

也。 爲主人三飯,尊卑之差。凡十一飯,下人君疏之宜。」「尸又三飯」,注曰:「爲祝一飯, 所之宜。」「尸又三飯」,注曰:「爲祝一飯, 所之宜。」「尸又三飯」,注曰:「爲祝一飯, 是一種,

《大田》,《頌》有《載芟》、《良耜》,自天子以至 佐食。凡四細節。 辭不過『宜稼于田』而已。《雅》詩有《楚茨》、 田則從庶人之薦,故雖卿大夫之尊,祝嘏之 氏苞云:「《周官》: 『不耕者,祭無盛。』 士無 曰:「亦尊尸餘而祭之。」「宜稼于田」。 酢主人、命祝致嘏,有主人獻祝,有主人獻兩 復嘗之者,重之至也。」 萬福之原也。」「宰夫以籩受嗇黍。主人嘗 於庶人,但能知稼穡之艱難,則百行有本,爲 主人獻尸節 :「收斂曰 此節内有主人獻尸,有尸 「上佐食以綏祭」,注 嗇,明豐年乃有黍稷也。 方

相因。」「不嘏」,注曰:「夫婦一體。」以升,授主婦贊者于房户」,注曰:「男女不祝、佐食,亦分四節。 「有司贊者取爵于篚主婦亞獻節 此節内有獻尸、尸酢、獻主婦亞獻節 此節内有獻尸、尸酢、獻

凡分三節,不及佐食,將儐尸,禮殺。 賓長三獻節 此節有獻尸、尸酢、獻祝

祭畢,尸出蘉。凡二節。

以保建家室爲心,是以移孝作忠,而與國 主,又言爲人子不可不慎。 宗廟爲卿大夫之孝。《春秋傳》每言保家之 言治家者得人之歡心以事其親,又以能保 鬼神之餘也。 始』,餕其是已。是故古之君子曰:『尸亦餕 可不知也。是故古之人有言曰:『善終者 也。」《記》曰:「夫祭有餕,餕者祭之末也,不 人受祭之福,胡壽保建家室」。 養節 注曰:「大夫禮,四人養,明惠大 惠術 也,可以觀政矣。』」「主 古之卿大 案:《孝經》 夫 同 其 如

明,而 休戚。 崩、巢覆卵破之憂,君臣 貪以敗官,叛以覆宗者多矣。 此封建世禄所以相爲維繫,而棟 同之也。 自 此 義 折榱 不

畢 之事。即於室内爲加爵禮尸,即下文云『若 據下大夫室內事尸行三獻,無别行儐尸於堂 尸於堂之禮。又云『祭畢,禮尸於室中』者, 者,謂上大夫室中事尸,行三獻禮畢,别行儐 繹。」疏云:「言『大夫既祭儐尸於堂之禮』 牢》之下篇也。 ,禮尸於室中。 《有司徹》第十七。鄭《目録》云:「《少 大夫既祭儐尸于堂之禮。 天子諸侯之祭,明日 圃 祭

節

與? 祀之忠也,如見親之所愛,如欲色然,其文王 思 死者如不欲生。 《記》曰:「文王之祭也,事死者 《詩》云:『明發不寐,有懷二人。』文王 忌日必哀,稱諱如見親。 如事 Ě,

不儐尸』以下是也。」

之詩也。祭之明日,明發不寐,饗而致之,又 按:此説繹祭之禮,儐尸與繹事類近,學者 從而思之。祭之日,樂與哀半,饗之必樂,已 至必哀。」注曰:「二人,謂父母容尸侑也。」

迎尸及侑,次陳 ,皆禮初事。 儐尸之禮: 鼎階下、設 將儐尸,先整設,次戒 俎、俟載。 《侑,次 凡 四

可據以求禮情。

亦足以厭飫神。」 則不設饌西 食之俎。 有司徹」,注曰:「 卿大夫既祭 北 隅,以此薦俎之陳有祭象,而 而 儐尸,禮崇也。 徹室中之饋及祝佐 儐 户

也。 於次,當與尸更入。主人興禮事尸,極敬心 敬也。」 曰 : 「擇賓之賢者,可以侑尸。 戒侑 「侑出,俟于廟門之外」,注曰:「待 節 「乃議 侑 于賓, 必 以 用異姓, 異 姓」,注 廣

憑也。 ,統於賓客。」任氏 上,注 迎 尸 憑之則神,離之則人也。案: 尸出 百: 7: 侑 節 北 戸 面 啟運云:「尸者,神之所 與 者, 儐尸 侑 北 面 而尸益 于廟門之外, 卑。 廟 西

上

西

賓 愛慕之誠,固足以凝留先祖或去之精神。 之。主人既徹 而復人,則疑於神既 容之。 然以其 而 向 退,陶 爲 離也。」二句亦任氏語 神之所憑也,故極 陶遂遂如 將復 入,則 敬 丽 事 故

侑,受尸酢,其中又各自分節。 儐尸之禮,主人初獻,凡三大節: 獻 戸, 此薦俎之設,亦足以爲厭

飫矣。

獻

人 籩 司 籩 司 拜 馬 司 馬 以 羞 挹 送 下諸薦設、是謂 獻尸節 馬載羊俎 肉溍、次賓羞燔。 匕 爵 湆 而 主 丽 婦 此節内授几、獻爵、主婦 一戶祭俎,次賓授匕 ,賓長設羊俎,次賓進 薦,賓長設正 從獻 凡分八細節。 凡 凡 五事。 俎 而尸 湆 其次主 而 、祭薦。 匕溍 其豆 薦豆 P 啐

> 者。 酒、告旨 以類從,著諸俎之差等耳,不以其次也 而尸卒爵。 若司馬載羊俎之下,並列十一俎,則欲 司馬 此其 羞 相承 肉湆 相應之次 圃 P 嚌 肺, 有 :不容稍 次賓羞 紊 燔

九六

設羊燔 獻侑節 有四 節,其從獻降於尸者二。 此節内獻爵、薦豆籩、設羊 俎

薦設亦五 賓羞燔、主人 籩、長賓設俎,次賓羞匕湆、司馬 P 酢 事,與尸同 節 拜崇酒。 此節 内主人受爵、主 凡七細節。 羞 肉溍,次 主人尊 婦 薦 豆

致爵於主人,四受尸酢。 主婦亞獻,凡四節: 獻尸,二獻侑,三

獻 相 士羞豕晉,次賓羞豕燔,儀節與主人獻尸並 當。 爵、設兩鉶,又設糗脩 獻 尸節 主婦獻尸 ,從獻 次 賓羞豕 亦 五 匕 主婦 司 既

獻侑節 主婦 獻侑、從獻 同 于尸者 亦 盡

歡

羞豕燔。降於尸者二,無鉶羹與豕匕湆。三。主婦既獻爵、羞糗脩,司士羞豕脅,次賓

致爵節 致爵、從獻,並與尸同。

人獻侑同。主人視尸,主婦視侑,尊卑之差受尸酢節 尸酢主婦,從設亦三,與主

也。

尸乃作三獻之爵,成禮。凡十一節。自酢于長賓,酬賓,獻兄弟,獻内賓,獻私人,舉,主人酬尸,乃羞。主人獻長賓、獻衆賓,舉,主人酬尸,乃羞。主人獻長賓、獻衆賓,

來,不以官待之。」「其位在洗東」,注云:夫不贊酌者,對獻衆賓,宰夫贊酌。兄弟以親昵志不贊酌者,對獻衆賓,宰夫贊酌。兄弟以親昵之,注曰:「宰

案:親親、尊尊並行不悖,即此可見。「位不繼於主人,而云洗東,卑不統於尊。」

純臣也。士言私臣,明有君之道。」 獻私人節 注曰:「大夫言私人,明不

侑,致爵于主人,受尸酢,凡四細節。其從尸作三獻爵節 此節內有尸作止爵,獻

獻,惟溍魚

__<u>_</u>

之禮畢矣。 是加獻尸,次賓舉爵又旅酬,兄弟舉止爵,賓 長加獻尸,次賓舉爵又旅酬,兄弟舉止爵,賓 二人舉觶爲旅酬,兄弟後生舉觶于其長、賓

獻而禮小成,使二人舉爵,序殷勤於尸旅酬節 「二人洗觶,升實爵」,注曰:

一九七

爵。 算爵,則以留尸之餘尊也。」 尸不與旅酬,此尸與於旅 與於旅酬者,以賓客之禮待之,不與無 賓舉爵更爲旅酬節 酬 胡氏云: 圃 不與 \ 特 於無算 牲

次三獻,次主人徧獻賓兄弟、内賓私人次,次 八飯後事,次十一飯時事,次初獻,次亞獻, 者,尸八飯後,與上大夫異禮之事。 先敘尸 異,注别之棊詳。● 出,次養,次陽厭。 賓長爲加爵,次無算爵,次佐食爲加爵,次尸 自「若不儐尸」以下,言下大夫不儐尸 尸出、歸俎爲一節,以上上大夫儐尸禮 凡十二節,與儐有同有

獻祝及佐食,賓致爵,主人致爵主婦,賓自 爵于主人,主婦自酢尸,作止爵,尸酢賓,賓 乃設羞,亦十小節而禮成。 三獻節 此節内賓獻尸爵既止,主婦 案:《有司徹》一 酢 致

> 於此篇分析尤精,今悉據 中每包數節,學者驟閱 録 如治絲 而棼,張氏

九八

節

0 「棊」,依文意似當作「綦」。

曹元弼學

《喪服・記》言端衣之制、《禮記》有《深衣》 室之義。 禮》肄儀,「爲壝壇畫階」,此即治禮必先明 服等制,則迷於其方,莫辨其用。」愚謂《 錯,以示學者。 能安禮。 篇,《玉藻》辨冠服用等尤詳,蓋不學雜 之,如指示以掌中,物雖不盡,圖可推知矣。 事,餘略之。《喪服》條理精密,特考正張表, 誦古《禮經》,先《士冠禮》,不知古者宫室衣 戴東原論治經之難若干事,其一 宫室明,則各篇行禮方位依注疏 今録張氏《宫室衣服圖》, 《儀 節 圖》惟著尤繁難 校 티 : 明 訛 服 不 求 宫 聘 數 改


附胡氏説,明人親大義焉。

九九

圖表第三

經

禮家相傳大夫士堂室圖



一一注明,學者兩讀尋省,當轉易了。《書》、《周禮》圖亦多背縱橫各如其故,而依數列説,總著於每圖後。校訛糾違,一變通之法:順考次第,於每條本處標一二三四等數,向原本引證辯説具列圖中,幅褊字小,難加校注,特設

用此例。

三、賈疏云:「堂隅有坫,以土爲之。」襲必于二、《鄉射》注云:「是制五架之屬也。 庪外謂之仍有接簷,東西之榮是簷也。 庪外謂之归棟,次曰楣,前曰庪。」《聘禮》疏云:凡二、《鄉射》注云:「是制五架之屋也。 正中一、原題《鄭氏大夫士堂室圖》,今易,詳《解紛》。

下爲室,「一架之閒」。四、《少牢》注云:「室中迫狹。」疏云棟北楣「坫在堂角。」

有築土也。「聘」字今增。

《士冠禮》注:

隱者。《聘禮》「公襲于序坫之閒」,是坫

五、《士昏禮》、《士喪禮》、《喪大記》「北墉」皆

十、《聘禮》歸

饔餼、「米設于中庭」。

九、《聘禮》注云「宫必有碑」,其材以石。

啃

六、《士昏禮》注:「北堂,房中半以北。」疏或爲「北牗」,鄭不破之,則室有北牗。

七、《大射儀》:「工人士與梓人升下自北云:「房與室相連爲之、房無北壁。」

八、《特牲》:「豆、籩、鉶在東房。」注:「東 階」。 禮》云:「西夾六豆,設于西墉下。」則夾 爲之室,南無壁。 云:「東箱,東夾之前。」又《特牲》注云: 房,房中之東,當夾北。」《覲禮•記》注 箱也。] 則夾室以前爲堂,亦如北堂相連 「西堂,西夾之前近南耳。」疏云:「即西 階。」注云:「位在北堂下。」 兩旁有墉,既爲東西階,則墉蓋 注云:「東階,東面階。」案:《 《奔喪》婦人「升自 盡 一夾而 聘 東

> 十一、《聘禮》注:「俟于宁。」疏:「門屋宁 中也。 堂深,則設洗當云南北當碑矣。 《鄉飲酒禮》疏云:「堂深,謂從堂廉至房 《士昏禮》疏云:「碑在堂下三分庭之一, 鄉侯之道三十丈,庭三堂修,容之矣。 之堂特深其庭,故燕射于寢,則用鄉侯。 十四丈,《鄉射》侯道三十丈,蓋射宫庠序 疑之,或庭三其堂修。 室之壁。」 案:碑在庭近北則然,若 在北。」朱子云:「庭蓋三堂之深。」 又 庭實固當庭中, ●言當中庭者, 南北之 此言中庭,則設碑近如堂深也。」 《大射》侯道 故鄭 如 亦 \overline{H}

十三、《冠禮》注:「西塾,門外西堂。」《士虞十二、《士冠禮》注:「東塾,門内東堂。」

也。」

「當」,原脱,據《儀禮注疏》補。

有西者,此南向。」禮》:「匕、俎在西塾之西。」注云:「塾

一架爲室,一架爲堂。 室之户、牗亦十四、門堂棟當阿,亦五架爲之,則前後各以

宜如正室。

大夫士之制亦當不異。 十五、門堂,人君以繹祭,則宜有東西二階。

與門各居一分。 此明堂之門制,他南北九步三尺,東西十一步四尺,兩室假令堂修十四步,廣十七步半,則門堂一。」注云:「門側之堂,取數于正堂。」十六、《匠人》云:「門堂,三之二。室,三之

十八、《士冠禮》注:「適東壁者,出闈門也。」

十七、門一闡,依孔疏。賈氏以爲二闡。

宫室宜亦然。

天子路寢圖

__

一、《考工記》曰:「夏后氏世室,堂修二七, 室,三四步,四三尺,注:「四方室修三步,廣益 尺,注:「廣九尋七丈二尺,五室各二尋。」四阿,重 門,各居一分。」殷人重屋,堂修七尋,堂崇三 尺,東西十一步四尺。」室,三之一。 注:「兩室與 三尺。中室修四步,廣益四尺。二九階。注:「南 注:「十四步。」廣四修一。注:「十七步半。」五 車之五个。」注:「五个三丈三尺。言不容者,兩門 引注原有譌字,今改正。 屋。周人明堂,度九尺之筵,東西九筵, 窗。」白盛。 門堂,三之二。注:「南北九步二 乃容之。則此門丈六尺五寸。」 南北七筵,堂崇一筵,五室,凡室二筵。」 三,三面各二。」四旁兩來窗,注:「每室四户八 又曰:「路門不容乘 面

鄭氏以天子宗廟、路寢、明堂同制。居其室。待朝在南宫,揖朝出其南門。」」終月。」先後鄭皆以大寢釋之。《大戴記‧盛終月。」《 人類 官‧大史》:『閏月,詔王居門子所居。《周官‧大史》:『閏月,詔王居門

之度,詳《周禮》《解紛》、《圖表》。 今案:明堂四,大廟八个,尚有增益

101

路寢。

圖表第三

禮

金氏《禮箋》云:「王居聽政之明堂,即

路寢者,大寢也。《月令》十二月,天

大夫士房室圖

一、金先生云:「以《顧命》立側階者一人,則 之誤。 《書》注:「側階,東下階。」「下」或「北」字 《雜記》注不質言東面階,或以爲北階, 門,升自側階』。《奔喪》云婦人『升自東 案:《奔喪》東階,案其文義自指東面階。 階」者,側階在東,亦得名東階也。」 故名側階。《雜記》云夫人奔喪,『入自闈 凡言『側』者、皆訓爲『獨』、北下唯一階、 非東西面階。僞孔注北下階爲是。禮文

西面褶

西堂

西京

寒中堂鶴

階面東

路西

階東

西夾

AIL:

围

東爽

三、此處依第一圖改。

12


四、禮器》曰:「天子之堂高九尺,諸侯七 男五雉,士三雉」者,似爲近之。又案: 傳》云「天子之堂廣九雉,公侯七雉,伯子 也。」與《明堂》「崇一筵」合,然則《尚書大 尺,大夫五尺,士三尺。] 疏云:「此周法

17

室工工

一、案:鄭謂大夫士廟制如此,其寢則東房、西室。

《典命》宫室以命爲節。注謂若公之「宫 方九百步」也。或以命數,則天子之堂當 方九百步」也。或以命數,則天子之堂當 大夫士分爲二等:則四雉、三雉矣。 大夫士分爲二等:則四雉、三雉矣。 七雉」,蓋五之四其率也,堂深又十之七。 庭蓋三堂,南北之度而三分之一在北, 超碑。



二〇五

一、案:此天子燕寢、諸侯宗廟、路寢之制。

州學爲榭制圖

0

一、《鄉射》曰:「豫則鉤 前。 堂者可以深,則設尊當在後楣之後、庪 室曰榭,宜從榭。 者,謂州學也。《周禮》作『序』。 内」、「楹外」原互譌、今校正。 薦,蓋陳于東堂之北,或仍宜有北階。 序東西,則序外蓋無兩夾之墉。 也,賓、主人説決、拾,襲,在堂下。 西序,則後宜有北壁。 無室,可以深也。」榭無室,則無北堂。 注云:「庠之制,有堂有室也。 鄉射》疏云:「五架之屋,庠序皆然。」 弓矢倚于序,不得無東西序,既有東 鉤楹,繞楹而東也。 楹内,堂則由楹外。」 否則,無以安杗廇 凡屋 今言 東方之 經言 升 序 無 豫

京 北 西 房	室三雉	票	
★ 舞 ☑	堂 深 四 雉 ^{雉六} 内	卡 舞	南北七雉

東西九维

士有室無房堂

《尚書大傳》云:「天子之堂廣九雉,鄭

伯子男五雉,三分其廣以二爲内,五分内以五分内以一爲高,東房、西房、北堂各二雉。堂各三雉。公侯七雉,三分其廣以二爲内,東西序之內。」五分内以一爲高,東房、西房、北東西序之內。」五分内以一爲高,東房、西房、北


冕

云:「當冠縱之中央。」繅,雜文之名也。合五采絲時冠卷當簪者,廣袤以冠縱,其舊象與? 疏是以名焉。紐,小鼻在武上,笄所貫也。今是以名焉。紐,小鼻在武上,笄所貫也。今是以名焉。紐,亦以為一人,以為一人,

朱組 也。 爲之繩、垂于延之前後、各十二、所謂 言玉 《弁師》:「諸侯之繅斿 董巴《輿服志》云:廣七寸,長尺二寸。 應劭《漢官儀》云: 器制度》云:「凡冕以版,廣八寸,長尺六寸, 冕上覆也,玄表纁裏。」 者,言皆出冕前後 藻》:「天子玉藻十有二旒,前後邃延。」注: 卿大夫之冕,各以 以爲冕」,即是綖也。」賈疏又云:冕前低一寸二分。 疏云:「孔安國《論語注》言『績麻三十升布 廣七寸,長八寸。 二斿則十二玉也。 如王之事,繅斿皆就,玉 「天子以五采藻爲旒,旒十有二,前後邃延 就,成 爲 瑱,明王亦有之。」 紘也。 也。 以此上玄下朱覆之。』《左傳》 紘一條,屬 繩之每一帀而 而垂也。天子齊肩。 其等爲之。」疏云:「諸公 每就閒蓋一寸,朱紘,以 九就,瑉玉三采,其餘 瑱,玉笄。 疏 兩端于武。」 引 叔 貫五采玉,十 孫 諸侯及孤 通《漢禮 邃 延, \sim 玉 延

> 夏侯 也。 《禮記》、《尚書·皋陶》篇,乘輿從歐陽氏 記》,用歐陽氏説。」 前旒 方,前垂四寸,後垂三寸,三公、諸侯及 説,公卿以下從大小夏侯氏説,冕前 塞耳,王者示不聽讒,不視非也』,則大小 十有二旒,前後邃延」,則歐陽氏説 大夫皆有前無後。』案:《玉藻》『天子玉 |孝明皇帝永平二年,初詔有司采《周官》、 《大戴禮·子張問入官》篇『古者冕 ",所以 氏 禮箋》云: 説 所 | 蔽明 本 也」。 也。 《後漢書 鄭君釋《周官》、《禮 《禮緯》『旒垂目,纊 輿 服 志》: 所 員 本 藻 卿 後 面

天 子 冕



筓

《喪服・傳》曰:「吉笄尺二寸。」 **鬠**笄,纋中以安髮,冠

笄亦當纋中。

瑱

形必圓而長。 瑱制無文、《春秋傳》曰: 又《記》曰: 黈纊塞耳。 「幣錦二兩,縛 則瑱又加以纊,疑懸 如 (瑱。)則 其

瑱。

鹿皮爲之,異耳。

《詩》曰「充耳琇瑩」,則亦有

象,見《詩傳》。鄭以士用石。 玉于紞玉之下當耳處,綴以鑛也。 紞,天子五采,士三采。 瑱,君黄玉,卿大夫青玉,士

弁

飾。」鄭義韋弁、皮弁同制,韋弁則以靺韋爲之,皮弁以白 亦二采。 亦三采。 以象骨爲之。侯伯璂飾七,子男璂飾五,玉 以爲飾,謂之綦。《詩》曰『會弁如星』,又曰 綦,結也。 皮弁之縫中,每貫結五采玉十二 爲之。」注:「會,縫中也。 璂,象邸,玉笄。 『其弁伊綦』是也。邸,下柢也,疏:「弁内頂上。」 《周禮・弁師》:「王之皮弁,會五采玉 孤則璂飾四,三命之卿璂飾 一命之大夫及士皮弁之會 諸侯及孤卿大夫各以其等 璂讀如 薄借綦之 無 結 玉

天 子 弁



爵 弁

赤 而微黑,如爵頭然,或謂之緅。其布三十 《士冠禮》注云:「爵弁者,冕之次,其色

爵弁則前後平,故不得冕名。」 升。]又云:「爵弁者,制如冕,黑色,但無繅 耳。」疏云:「冕者,俛也,低前一寸二分,其 《詩》「充耳

以素」,則亦有瑱。

冠

延亦一尺六寸前圓後方 平正 武約六寸

《詩》疏云:「豺帛爲玄冠。」

能平。 直爲辟積則少,横爲辟積則多。 注云:「今冠横縫,以其辟積多。」冠梁,廣二寸, 縮縫、横縫、皆謂縫其辟積耳。 檀弓》曰:「古者冠縮縫,今也衡縫。」 冠既爲辟積,非縫之則不

梁。 而出,缝于武也。」疏云:「冠廣二寸,凡冠皆謂 聶崇義《三禮圖》引疏作「冠廣三寸」。 落頂,謂 喪服》曰喪冠「外畢」,注:「冠前後屈 縱

著于武。

前後

兩頭皆在武下,鄉外出,反屈

二寸,武與冠不異色。二寸,武與冠不異色。《鄉黨圖考》云:吉冠梁亦正辟積。横縫,亦兩頭皆在武上,鄉內,反屈三辟積。横縫,亦兩頭皆在武上,鄉內,反屈三辟積。横縫,亦兩頭皆在武上,鄉內,反屈之,縫于武而爲之,兩頭縫,畢向外。《曲禮》之,縫于武而爲之,兩頭縫,畢向外。《曲禮》

也。

「若非燕居,則冠與武别,臨著乃合之。」也。古者冠卷殊。」謂不屬武。《玉藻》又曰:也。古者冠卷殊。」謂不屬武。《玉藻》又曰:也。古者冠卷殊。」謂不屬武。《玉藻》又曰:

纓既不爲餘垂則有事,然後緌必易其纓,冠無笄,非纓不固。居冠不緌,不能無纓,餘者,散而下垂謂之緌。」則緌即纓矣。凡之飾也。」疏云:「結纓頷下以固冠,結之之飾也。」疏云:「活纓頷下以固冠,結之

之兩端,故《内則》曰「冠、矮、纓」,爲三事乃可疑緌者别爲絲組。既結纓,乃著于纓

《曲禮》曰:「父母存,冠衣不純素。」疏

玄冠

謂

「緣冠兩邊」。



縅

, 别

以

繩穿

編中結之、然後類得牢固。」

繼 布 冠 以 一 行 一 元

太古冠未必有純纓屬缺項。冠也。」疏云:「緇布冠制小,故云撮。」冠也。」疏云:「緇布冠制小,故云撮。」編布紹,緇布

安。 傳:「頍,弁貌。」凡冠後曰項。 纓屬于缺,是爲屬于後缺中乎? 在項、故名頻項。而敖繼公以爲其後不合、故曰缺項。 于缺。」注:「缺讀如『有頍者弁』之頍。《詩》 亦由固頻爲之耳。」 疏云:「頻之兩 自有纓,偶不思耳。《群經補義》則改之矣。項中有 武、冠乃得固。《鄉黨圖考》以爲冠與缺項不必連綴,固冠 隅爲四綴以 緇布冠無笄者,著頍,圍髮際,結項 士冠禮》曰:「緇布冠缺項,青組纓 固冠也。 緇布冠無纓,明有四 此頻項結于項後,以其頻然 江氏反依其説,竊所未 頭皆爲 綴繫于 中, 編 屬 則

\$P\$ 1. \$

衣

五寸。」屬猶連也。連幅,謂不削。疏云:「凡用布五寸。」屬猶連也。連幅,謂不削。疏云:「凡用布克,不可,與有司紳齊。衽,所以掩裳際也。二尺五寸,與有司紳齊。衽,所以掩裳際也。二尺五寸,凡用布三尺五寸。疏云:「取布三尺五尺五寸,凡用布三尺五寸。疏云:「取布三尺五尺五寸,凡用布三尺五寸。疏云:「取布三尺五十,廣一幅,留上一尺爲正。一尺之下,從一畔旁入六寸,一尺為正。如是,則用布三尺五寸。疏之:「衣帶下尺者,要也。廣尺,足以掩寸。」注:「衣帶下尺者,要也。廣尺,足以掩寸。」注:「衣帶下尺者,要也。廣尺,足以掩寸。」注:「衣帶下尺者,要也。廣尺,足以掩

爲衣物及射侯,❶皆去邊幅一寸,爲縫殺,今此屬連其

寸。」衣,二尺有二寸,此謂袂中也。言衣者, 則不削去其邊幅、欲與衣二尺二寸,正方縱橫皆二尺二 明與身參齊。 二尺二寸,其褎足以容中人之 幅

肱也。 衣自領至要二尺二寸,倍之四尺四

寸,加闕中「闕」原誤「闊」,今正,下同。 八寸,而又

倍之,凡衣用布一丈四寸。疏云:「闕中謂闕去中

各長八寸,通前兩身四尺四寸,總五尺二寸也。」袪,褎口 也。尺二寸,足以容中人之併兩手也。」 央安項處,當縫兩相總闕去八寸,若前後據長而言,則一相

之布而爲縫。如是則給方而衣身止二尺 其八寸爲曲給。給之左右,皆殺去其八寸 爲五尺二寸。是古之衣當肩爲殺縫,中屈 衣之長,二尺二寸,而用布得前後 通

衣袂,皆二尺二寸而屬幅,是廣袤等也。其 一寸也。陳氏澧不以當肩縫殺爲然,則當別安曲給 《司服》注云:「端者,取其正 也。士之


> 半而益一以解之也。」 袂。』《少牢》主婦綃衣,亦云侈袂。 八寸。」疏云:「無正文。《雜記》云:『弁絰服,其衰侈 益一焉。半而益一,則其袂三尺三寸,袪尺 袪尺二寸。大夫以上侈之。侈之者,蓋半而 鄭以侈爲大,即以意爲

四

裁 衽



0 射」,原脱,據《儀禮注疏》補。



裳

本二尺二寸 十二寸 十二寸 侈

袂凡冕服之衣皆如此

此非也,江氏《深衣考》正之。不須辟積。其餘要間衣、長衣之等,六幅破爲十二幅,狹頭向上,凡裳,前三幅,後四幅也。」疏云:「凡服唯深凡寒,前三幅,後四幅也。」疏云:「凡服唯深

二 五

以外 云:「飾裳,在 又案:《喪禮 衣之等,連衣裳十二幅,以象十二月也 爲陽,後爲陰,前三後四 有飾,亦如衣純,寸半可知。 皆辟 積 無 • 記》「明衣裳, 縓綼緆」, 幅 數,喪服 曰綼,在下曰緆。」則裳每幅 ,各象陰陽 一辟積,有 也。 數 也 唯 注 深 前

狻 後 前 前 前 以深衣約之,七幅各削兩畔

爲裳之長。 紳居二焉。」帶下 爲縫,下齊一丈四尺 八尺也、《玉藻》曰:「三分帶下, 四尺五寸, 也。 要 約以 如 衣

深衣 中衣

諸侯得綃黼爲領、丹朱爲緣、大夫士但用采 衣又繼揜尺爲異。 禮也。』士祭以 有上衣。 大夫以上,祭服之中衣用素。《詩》 以采者。 曰:『素衣朱襮。』《玉藻》曰:『以帛裹布,非 而已。」 《深 深衣之制,孔 衣》目 素純曰長衣,有表則謂之中衣。謂 朝服,中衣以 録云: 疏云:「吉服中衣,亦以采緣。 疏 「深衣,連 解誤。 布明矣。」長衣、中 江氏作《深衣 衣裳而 純之

純

一 寸

注焉。 考誤》正之最爲詳確,故備録其圖 ,不列經

寸。

裁 衣 身

布 四四 寸

区 とままり とままり

張兩手爲尋八尺,以三尺六寸加二袂四尺四寸則八 尺不相應,故江氏之説,以衣二尺二寸與袂方也。 謂深衣無取于方,衣身二幅,當減之爲三尺六寸,人 案:深衣要中三尺六寸,此以四幅布爲之,去縫廣四 竊

畔,前後兩邊各去一寸爲縫,下亦各去邊縫,右亦如之。 布一幅,闊二尺二寸,長約四尺四寸,中屈而下垂爲衣之左

尺,肘以前尺二寸,應注文矣。

下深衣既無帶下,則衣宜稍長,今以二尺二寸又去縫一 案:此以四尺四寸布中屈,則無闕中之八寸,而别安曲 之長,以布七尺二寸中屈之,闕中八寸,前後各三尺二 寸,則二尺一寸之衣帶下于裳矣。今以爲衣,宜連帶下 袷,非古法也。又深衣之帶當無骨者,則較端衣爲近。

> 裁 袂

布 四人民国中 四 寸

衣幅。 又,布一幅,亦如衣左右畔之長,闕中屈之各去邊縫,屬于 其外漸殺之以爲袂,袂之口爲袪,徑一尺二寸,兩面

二尺四寸。

案: 亦宜以兩幅縫之。

前 右外襟

二寸闊 幅

去邊縫,以爲右前之外襟。 又,布一幅長約二尺二寸,闊二尺二寸,其上漸殺之,皆各

案:此無文,江氏以意增之。

二七

裁裳前襟後裾



幅上下皆闊七尺二寸,爲裳之前後。 每幅上下皆闊九寸。凡用布四幅裁爲八幅,各去邊縫,八 布一幅,正裁爲兩幅,皆闊一尺一寸,兩邊各去一寸爲縫,

裁 裳 袵




布一 爲縫,狹頭成角,寬頭一尺八寸,凡用布二幅裁爲四幅,各 去邊縫一寸,狹頭向上,寬頭向下,爲兩旁之衽。 幅,交解爲兩幅,狹頭二寸,寬頭二尺,兩邊各去一寸


> 裁 鉤

鉤邊無明文,大約如此。 邊 裁布各去邊縫,其斜殺一邊,連綴

于右後衽上頭狹處,縫著于衣之右内衿,以掩裳際。



二九



玉藻》曰:

天子素帶,

朱裹,終辟;

而

大夫

素帶,辟垂;

士練帶,

率

帶

附

圖

連衣裳,與婦人緣衣同。」

帶 : 寸。 下辟; 焉 士以下皆禪,不合而繂積,如今作幧頭爲之 素爲之,下天子也。 『而素帶,終辟』,謂諸侯也。 尺有五寸。 三寸,長齊于帶。 素帶,終辟; 凡帶有率,無箴功。」注:「謂大帶也 君朱緑,大夫玄華,士緇辟 紳、韠、結三齊。』 居士 ·錦帶; 子游 曰:『三分帶下, 紳長制: 士三尺,有司一 弟子縞帶。 大夫亦如之,率,繂也 大夫大帶四 諸侯不朱裹,合 并紐約用組 二寸,再繚 紳居 寸。 四 雜

者也。」疏云:「此 裳,赤緣之謂 土 喪 禮 禄。 襲 有「褖 禄衣則玄端, **褖之言緣** 衣 ____ 也,所 注 但 此 以 玄端 表 黑 袍 衣

===0

身之兩旁及屈垂者。』《儀禮》賈疏云:大夫不裨,其繞要者 人君充之,大夫裨其紐及末。疏云"「裨其 辟,讀如『裨冕』之『裨」,謂以 繒采飾其

側。

直裨,垂之三尺、屈而垂者。

案: 賈説是。

士裨其末而

帶,裨亦用箴功。凡帶不裨,下士也。」

也。

繞三尺,所垂者不裨。 疏云:「裨其一條下垂者。」《儀禮》疏云: 士裨其末, 案:孔以爲一條下垂者,是謂帶之

下端而已。然「雜帶」注云内外皆緇,若唯下端,不得云内 應是垂之半以下耳。三寸,謂約帶紐組之廣也。 夫皆言上下内外,無兩端之文,則兩端。不裨。 士裨末者, 賈以爲裨末,繞則從其末而繞出兩旁。 然天子以至大

長齊于帶,與紳齊也。紳,帶之垂者也,言其

屈

而

重也。

凡紳,上屬于帶當紐處,必反屈乃得正

結,約餘也。 故重也。 三分帶下而三尺,則帶 疏云:「以物穿紐,約結其帶。 高 于 組餘三尺 中 也。

與帶垂者齊。」雜猶飾也,即上之裨也。 君裨帶,

以 上以朱,下以緑終之。大夫裨垂,外以玄,内 華,黄色也。 士裨垂之下,外内皆以


> 縴之如士帶矣。無箴功,則不裨之。 士雖 練、廣二寸、再繚之。凡帶,有司之帶也,亦 遠人爲外」。 大夫以上以素,皆廣四寸。 緇,是謂緇帶。 熊氏云:上下「據要爲正,近人爲内, 士以

爲 織 用箴功,則縴不縫明矣。注云縴積者,謂 冷練,以 帶 诗,以 案: 疏云率者, 縫旁邊, 非也。 如碑繂 兩 條 也。 繩置其邊 而織之,故破率 唯 裨


天 子 帶 諸侯唯素裹爲異



大 夫 帶



士 帶 有司帶不裨爲異



離

後挫角,士前後正。韠下廣二尺,上廣一尺,圜,殺,直。天子直,公侯前後方,大夫前方《玉藻》曰:「韠,君朱,大夫素,士爵韋。

下廣二尺,上廣一尺,會去上五寸,紕以爵韋

廣同。 也。 别異之,使殊于餘邊也。《雜記》曰:「轉長三尺, 直,諸侯之士則方。頸五寸,亦謂廣也。 者,即《雜記》云「韠會去上五寸」,「紕以爵韋」,不至下五寸 中央,肩兩角,皆上接革帶以繫之,肩與革帶 不嫌也。 爲前,以上爲後。 前方後挫角,圜其上角,變于君也。 變于天子也。所殺者去上下各五寸。大夫 直,無圜、殺。公侯前後方,殺四角,使之方, 皆素鞸。 大夫素裳,唯士玄裳、黄裳、雜裳也。 皮弁服 韋爲之,必象裳色。 長三尺,其頸 此玄端服之轉也。 唯去上畔下畔,而云『殺四角』使之方者,蓋四角之處 凡佩,繁于革帶。」疏云:「去上下各五寸 正,直、方之閒語也。 天子之士則 圜、殺、直,目韠制。 Ŧi. 寸, 士前後正,士賤,與君同 則天子、諸侯玄端朱裳, 肩、 韠之言蔽也。 革帶博二寸。」注: 天子直,四角 凡轉,以 韠以下 頸

紕同 鞸中朱之上畔,非上廣一尺之上。 今時絛也。」 紕所不至者五寸,與會去上同。會去上之上,謂 表裹如 紕六寸者,中執之,表裹各三寸也。 六寸,不至下五寸,純以素,紃以五采。]注: 會,謂領上縫 一,故深衣緣廣寸半。 在 旁日紕,在下日純。 也。 頸下曰領。 注云表裹共三寸矣。 紃,施諸縫中,若 領之所用 素,生帛 古者紕飾 蓋 純 也。 與


各五 異唯 制 此言之挫角者,亦當角處别異之,其别 後殺而方,則上下同廣,非鞸制矣。 其言四角之處别異之,則當然。 制,疏以爲上下所殺之五寸, 也。 寸」也 在領與純 如《玉藻》疏説, 然鞸之上領、下純、旁紕 ,故注云「所殺者,去上下 則《雜記》爲諸 非 宜 蓋若前 也。 爲 侯 以 若 通 韠

 諸
 天

 食
 前

 後
 方

 直



大夫前方後挫角

緇異

純爵

前

别異

緇素

天子之士亦直,諸侯之士亦前後方。

皇」,章弁服也。雖非祭服,亦服韍。《詩》方叔將兵,「服其命服,朱芾

斯

舄屨

博,廣也。 魁,蜃蛤。 有條糾也。」純,緣也。疏:「繞口緣邊。」三者皆青。 以條爲之。繶,縫中紃也。 以爲行戒,狀如刀衣鼻,在屨頭。《屢人》疏云: 色,玄端黑屨,以玄裳爲正也。 絇之言拘也, 純,純博寸。冬,皮屨可也。」注:「屨者順裳 之,緇約繶純,純博寸。 屨,青絇 \sim 士冠 : 繶純 禮》記 純 博寸。 曰:「屨,夏用葛,玄端 柎,注也。」 疏"「謂牙底相接之縫中 爵弁纁 素積 白 屨, 屨,黑約 以 魁 黑 繶 柎

言之,明舄屨衆多,反覆以見之。凡舄之飾,為總純者同色,今云赤繶、黄繶、青絇,雜互外內命夫命婦之命屨、功屨、散屨。」注:外內命夫命婦之命屨、功屨、散屨。」注:外內。

者。 比也。 飾。 著舄耳。 如繢之次。 腰,飾從績也。 言葛 天子諸侯吉事皆舄,其 屨,明 士爵弁纁屨,黑約 相對 也。 素屨者,非純吉,有 有 用 凡屨之飾, 皮時。 **繶純** 餘 散 如繡 唯 屨, 尊 服 次 亦 凶 祭 冕 謂 去 服 衣 去 飾 之 翟 相

也。」案:當是以繫穿于約中,而結于足。《玉藻》曰:戒。未知然否。或可著屨之時,屨上自有繫,以結于足縢。 綦,屨繫也。」疏云:「皇氏云:屦頭施繫以爲行胀。 人則》:「偪。屦、著綦。」注:「偪,行

舄

「童子不屨絇。」



其密如此!

之服也。康成直注爲『行縢』,不言『若』,

縢者也。康成、杜預時無復此制,故第曰

『若今行縢』而已。

至《内則》之偪,則常人

幅」,臧哀伯所謂偪,人君之盛服也,非行

閻百詩《尚書疏證》云:「《詩》之『邪足,謂之邪幅。」 也。偪束其脛,自足至膝。」疏云:「邪纏于也。偪,《詩》謂之邪幅,箋云:「如今行縢

三五.

		•	_														•			. <u>.</u>			
																						祭地賈説	祀天
説	親迎賈、孔	今補。	知。此條	下差之可	冕齋。以	者,當衮	裘所祭	等。則大	祭服一	子齋服降	熊氏謂天	齋	皮弁受。	子不得以	神冕,天	朝天子皆	案: 諸侯	弁服。	朝,當皮	夏受于	賈云:春	受覲	享先生
																	大學孔説	更于		食三老五	大射	響食賓客	享先公
																						川	祀四望山
																				-		祀	祭社稷五
																						日聽	祭群小祀
														變,降服。」	者,承天	注:「爵弁	盡弁。」鄭	「王與大夫	《金縢》:	承天變	. 服	變用士祭	哭諸侯

					上公
之皆服衮。 三、魯祭周 三、魯祭周 三、魯祭周 三、魯祭周 三、魯祭周 三、魯祭周 三、魯祭周 三、魯祭周 三、魯祭周 三、魯祭周	賀王大祭		黄朱绂,火、 素帶,終辟。 小章九。	降	是 三 采 八 、 、 、 、 、 、 、 、 、 、 、 、 、
服之	公 饗、射 公 聖 等 先	,			是 一 是 一 是 一 是 一 是 。 此 孔 玉 。 此 孔 玉 。 此 孔 、 武 、 西 、 西 、 西 、 西 、 の 、 あ 、 の 、 あ 、 の 、 あ 、 の 、 あ 、 の 、 あ 、 の の の の の の の の の の の の の
	祀 雅 王 中 祭				二章。 衣 玉 玉 。 章, 策, 族, 族
	~ ~ ~ ~ ~ ~ ~ ~ ~ ~ ~ ~ ~ ~ ~ ~ ~ ~ ~				二 衣 九 冕 章。 衣 玉。 章, 。 旅, 旅
晃得 疏以爲 明 上服 子以爲 所以爲 不 禮 之 不 禮 之 不 禮 之 一 一 一 一 一 一 一 一 一 一 一 一 一 一 一 一 一 一	親祭迎廟	-			刺
當諸爵侯	王服之			當	中衣、帶、選、

圖表第三 禮經

子男	侯 伯
	以從明 餘七。
以從朝 (左) (左) (左) (左) (左) (左) (左) (左)	從 \$\text{\$\end{\end{\end{\end{\end{\end{\end{\end{
從 王 服	從 七冕 王 馬 旅 旅
同 公	同
同 公	公公

	王之三公
	同 衮 加 與 命 上 則 公 服
助 王 祭	男餘章玉八八旒爲冕孔 。應皆八八就,三以命 。 同一。 同一。 一 一 一 一 一 一 八 一 一 一 一 一 一 一 一 一 一 一 一
	餘八。 八。 流,以 之 。 。 。 、 流 。 流 。 流 。 流 。 流 。 流 。 流 。 流 。 流 。 流 。 流 。 流 。 流 。 流 。 流 。 。 。 。 。 。 。 。 。 。 。 。 。
親 郊 從 迎 勞 王 賈諸 聽 ^說 侯 朔	玉 當 八。四 旒 , 旒
自 公當 祭 三 三 三 三 三 三 三 三 三 三 三 三 三 三 三 三 三 三	

										王之瓜
							-			
·							_			
助 王 祭	純。	舄,黑絇、繶、赤韍,山。 赤	素帶,辟垂。	章,裳二章,	瓊瑱。衣一續邊。象笄。	六。緇組紘,	寸,朱緑玉	就,就間六	朱緑繅六	冕蓋六旒,
親 迎 賈 説 朔					-	餘同希冕。	黻,小章六。	無文,裳刺		冕蓋四旒,
自祭其廟							餘同冕。		韎韐。纁屨,	

圖表第三 禮經

次公國之卿孤	
孤。 一 兵 兵 一 五 之 一 五 之 一 五 之	
孤。 章各以其命 王 之	
	妨異以鄭以同諸子皇諸弁子熊《玉藻》以同諸子氏侯自大氏。 明冠上。侯大氏。 明天,朝 以同諸子氏侯自大氏。 以同諸子氏。 以同, 以同, 以同, 以而, 以而, 以而, 以而, 以而, 以而, 以而, 以而, 以而, 以而

734

卿

所

而

祭

	夫子次夫公男國卿大大夫大夫
親助 之迎, 冕大香迎君 。鬼服以 君 鬼服以注: 神親上:	餘無流, 是 一 命數, 赤 载。 而 , 。 一 命 数, 赤 载。 而 者, 冕
未聞	
	

		侯之士同士天子、諸
		天子 一
		諸
		-
親冠爵凡助	紘 象 繶 纁 ↓	以練 純
迎三弁。君 君 四	, 镇 镇 綖 屦 ,	淄帶衣,
親迎則緇袘。	紘,纁邊。 總、純。象笄。 編展,黑絢、	味
· 皆 ————————————————————————————————————	組 / 。 ***、*	6 样 76

				天子	
	素裳。」 布爲衣,而 養沒:「韎	素帶 朱朝 曹絢、總、純。 東云:白舄, 東云:白舄,	弃,朱紘,玉 东孔《詩》疏 张,张紘,玉 , 张	以爲衣、裳。」 鄭云:「以韎	韋弁
葛帶榛杖。	總、純。蜡則 白舄,青絢、 素帶。素鞸。	正。 一、以采爲 一、以采爲 一、以采爲 一、以采爲 一、以采爲 一、以采爲 一、以采爲 一、以采爲 一、以采爲 一、以采爲 一、以采爲	日爲衣十朱象 表裳,五紘邸,	采, 基十二, 基	皮弁
			同皮弁。 素鞸、白鳥 服羔裘,裼	緇布衣,積 大、積 和本、積	冠弁
			帶同弁。 無 凝, 青 約、 、 私。	裳,朱韠。服玄 云 冠,朱 組	玄端
				縞冠。素屨。	素服
					深衣
		_	用緇布冠。	蓋即玄端,不 組 纓。	緇布冠

燕 蜡 郊 眡 聽 朝 祭 報 賓射、燕射 之朝,皮弁。」以燕。天子一 注:「天子、《詩・頻弁》 同,皮弁。 孔以爲與燕 《王制》「燕 衣而養老」 諸侯朝服

周人玄衣

養老 田 也。 冠 服,性 严 正 明 , 作 性 習 戌 非 兵 戌 《王制》云:

> 卒 食 而 居

大裁 大札 大荒

	諸 侯
	爲與天子同。 其命。青紘, 玉笄,玉瑱。 表"裳、裘、裼 要天子同。 点 大、裳、裘、裼 如果天子同。 以来,玉瑱。
素與 選	服。注《論 其命。紘、笄、 其命。紘、笄、 其向。 文、裳 同 子。 鄭 注 。 第 注 。 第 注 、 第 注 、 第 数 、 第 、 第 、 第 、 第 、 第 、 第 、 第 、 第 、
甫後蓋矮藻甫素朝弁衣杞也者編子之以後, 紫服宋宗。。 "文文朝服。 "文文朝服。 "文文朝, "文文, "教, "文文, "教, "文文, "教, "教, "教, "教, "教, "教, "教, "教, "教, "教	皮弁。 《王制》注 《王制》注 不: 王者之
	弁 総、無 無 無 無 無 無 、 、 、 、 、 、 、 、 、 、 、 、 、
	裳、素屦。 冠、素衣、素屦。 素、素、素、素、素。素 端。素 端。素 端。素 端。
	也則爲不 亦 玄 知 知 知 知 知 知 知 知 知 知 知 知 知 知 知 知 知 知
	等 類 章 章 章 章 章 章 章 章 章 章 章 章 章 章 章 章 章 章

文,此「裼」字當爲「舄」字之誤。「裼」,前文已言「裼緇衣」,而「皮弁」條未嘗言「裼」,據上

三九

疏 田 兵 孔事 毛
爱姓總同大弔皮竟諸射牲 聘朝朔 。之衰姓夫服弁,侯義 寶 孔 士,之錫爲服其射炎 寶 說 髮異士衰卿。服于流:蠶
君世命君釁養 大燕賓燕食視名子 蘭老弁當在義禮先射射射 聘朝之
注章人諸 <u>燕</u> 齋 説昭廟侯居 國之未 語服命
凶 裁 齋 禱
夕 燕 居

	工 类 土 类 土 大 之
	士卿王 大之 夫、公
兵 事	點士黑冕 載, 東京 東京 東京 東京 東京 東京 東京 東京 東京 東京
大朝 大夫 大夫 大夫 大夫 大夫 大夫 大夫 大夫 大夫 大夫 大夫 大夫 大夫	弁帶素 。 。 。 。 。 。 。 。 。 。 。 。 。 。 。 。 。 。 。
聽 私 朝	皮帶緇裘同纓玄 弁雜、和 · · · · · · · · · · · · · · · · · · ·
整, 整, 要, 要, 要, 要, 要, 要, 要, 要	約、並緇帶大朝裘士士玄素樂。玄 一、 一、 一、 一、 一、 一、 一、 一、 一、 一、
凶 裁 齋	屨 衣,素 委 皃, 散素
燕 居	同 諸 侯。
	不夫 用 紹 和 冠 禮 ,

四二二

				夫孤諸 士卿侯 大之
總、 純。	腰, 點, 一, 一, 一, 上, 赤, 一, 上, 十, 上, 十,	大夫以上素和。	象第 東 東 東 東 東 東 東 東 東 東 、 現 東 、 現 、 現 、 現 、	大 素飾各以命。一命以上,
	並命上帶 約白士赤。	上 「		
			弁,並素鞸。 帮、屨 同 韋 帮、屨 同 韋	。 一 一 一 一 の 以 上 、 其 同
			僕狼裘。	衣 豹飾, 湯 纓 玄 云 、 蒙 冠 、 蒙 混 , 素 紹 紹 裘 同
		約、億、純。	等大大明服。 大夫以上玄 崇、楊 當 同 以上玄 東云:大	雜裳。 黄裳、黄裳、大 大 素 裳、黄裳、黄裳、大 大 素 裳,大
				屨。 衣,素 裳,散 散
				同諸侯。
			敝 之; ;	玄冠,服冠而 類。其 服 即 無 緩,類 項, 以緇布 爲冠,

禮下卿兵 大歸事 夫饗 致餼
円 聘 從 服 君 錫 視 衰 朔
士冠鄉致宰問聘郊聘廟命凡尸大君大孔朝 負子飲餼夫卿展勞食皆、同夫朝夫賈 世
注玄三大鄉息也內子端夕孔士視 端月夫射司 則事 予賈祭私 《章後去戒正 注父 君,云: 明 ※服位賓 士母 玄士齋
以 裁 藥 禱
燕 <i>夕</i> 居

四四四

	庶 人
H 服 素 委 皃。	楊大、 高 大、 高 大、 高 大、 高 大 、 岩 形 。 彩 表 、 彩 表 、 彩 表 、 、 、 、 、 、 、 、 、 、 、 、
	臺笠。 大京 大京 大京 大京 大京 大京 大京 大京 大京 大京

744

然狄領刺大云《子差其皆緣副爲制凡。 。衣』離夫:禮。皆紞有衣有裹,衣 領賈以之一。 以如瑱瑱以衡。素皆 亦云爲妻卿注鄭男之,上。凡沙袍	
同當也,帶婦 。與其神內亦 男其則則有 一次 一次 一次 一次 一次 一次 一次 一次 一次 一次 一次 一次 一次	禕衣
約青首 于畫繪色 総	揄狄
約赤首 不綴繪色 總為,服 畫于翟 統,黑副 衣,而刻	闕狄
約	鞠衣
約白首 色白。 總腰,服 純黑編	展衣
約 無 論 腰 服 総 青 次 総 素 形 総 素 素 、 素 、 、 、 、 、 、 、 、 、 、 、 、 、	禒衣
純青亦妻錫夫首 色侈夫爲之以 。約黑纙 ,妻服 玄其與 慈屬, 籍、 被大 。 於上大以爲	宵衣
爲五也巾「《知其衣對 之升,「編詩其,明 。 白以或衣》文 。 布十是綦曰。 不有深	
神嫁后賈攝凡 。 皆下 。服 有初王	嫁服

二 四 五

二四六

九嬪	三夫人	王后
		先 從 王 王 祭
	先 先 從	先 從 公 王 祭
	群 從 小 后 祀 祭	群 從 小王 祀 祭
告祭從桑 王后	告桑	告桑
賓從 客后 見	賓 從 客 后 見	客王以 及禮 賓見
王以禮見	服 見 蓋 王 以 之 禮	燕 御 居 于 王
御于王	王 蓋 之 御 服 于	亦飛居之

圖表第三 禮經

貴御者妻	世 婦	人上 公 夫	女御	世婦
日安	पार	夫	1 112.	дж
		先從 王君 祭		
		群從廟君祭		
		群從 小君 祀祭		
	從君祭	告 桑		
賓 從 客 君 祭	見役害人	客君以 及禮 賓見		見 生 発 名 名 名
君以 禮 見	君 以 禮 見	燕 御 居 于 君	王以客桑從 禮 見后 見 賓祭	王 以 禮 見
御于君	御 于 君	亦服居之	御于王	御 于 王

人子男夫	賤 御 者 妻	貴御者妻	世婦	人 侯 伯 夫	賤御 者妻
			!		
				宗 從 廟 君	
從君祭				小 從 祀 君 祭	
告桑			從 [《] 禮 [《] 選 祭	告桑	
客君以 及禮 賓見		客祭從 祀夫	見 資 客 人	客 君 以 及 禮 賓 見	
燕 御 居 于 君	客祭從 祀賓人	君 以 禮 見	君以 禮 見	燕 御 居 于 君	賓君 祭
	人 見 御 于 君	御 于 君	御 于 君		入見 御 于 君
				錦在衣夫諸 褧途而人侯 衣衣嫁翟之	

妻之孤王 孤、之公之	人三 公 夫	御妻	世婦
	公 衣, 中 孔 云; 與 之 之, 即 之; 加 。		
	從 后 祭		
助 君 祭	從 后 桑		
客夫從 人	客 從 后 賓		客祭從 ^{說禮} 祀夫 ^箋 賓人
廟 蓋 之 服 其	廟 蓋 之服	客祭 祀 賓 人	君 以 禮 見
子 禮 見 君	子 禮 見 君	人 御 君	御 于 君

妻 庶 人 之	士之妻	夫男侯大公大王 之之伯 夫之 妻大子、卿、	卿小次 之國國 妻之、
			助君祭
		賓從助 客夫君 人祭	賓 客 夫 人
	賓 変 表 人 祭	事人后蓋 之小、亦 服禮夫從	服禮夫蓋 事人亦 之小從
	祭其廟	祭 説 禮 文 文 文 文 文 文 文 、 文 、 文 、 文 、 文 、 文 、 文	廟 蓋 之服 其
服 綦 蓋 巾 爲 吉 衣			
嫁庶 撰 撰 撰 撰 撰 撰 撰 撰 撰 撰 撰 報 辨 報 報 亦 衣 : 中 本 衮	黼 育衣 繼 次 被 鄉 來 統 緩 第 乘 額 第		

三五〇

此 表頗 有譌誤,今依據經注一一 著其當考正者兩事如 左。 校

其服。 賤爲 媵 曲 服 姪娣避嬪名稱世婦,其服如九嬪鞠衣", 御妻賤者同服,或但服 及 .禮》正義考之,諸侯之妾分三等: 夫人 禒衣,至九女外之妾則賤者,禮文不著 姪 二等,而不及妾。 御妻 娣皆 原表以御妻與妾相次,今分御妻貴 稱 今案:以《詩 御 妻,二媵服 湾衣。 禮窮則同,妾或與 • 緑衣》、《禮 展衣 ,其姪娣

説 : 《玉藻》「再命鞠衣, 夫玄冕、其妻檀衣,士爵弁、其妻禒衣。 卿大夫及外内命婦之服,禮家 喪大記》「世婦以襢衣」之文。竊謂子男 侯伯子男之臣皆分三等是也。 子男世婦展衣爲上服 説子男卿亦服希冕、其妻鞠衣,大 一命襢衣,士禒衣」,注 今案:此 蓋 舊 内命婦 有二 據

者。 當列 以爲正。今姑依舊表而附申短見,以俟達 伯》、《喪大記》注大分言之者不同,似當據 服,文甚詳悉,鄭注 服鞠衣,頗覺不倫。 男之卿以玄冕爲上服,皆從《大宗伯》、《喪 此表子男世婦以襢衣爲上服,亦猶前 衣。《大記》言世婦,亦見君之世婦服同 也。内命婦視之世婦服襢衣,御妻當服 冕之服,列國之大夫再命,於子男爲 而 赬,世婦以襢衣」,注引卿大夫之服自玄冕 大夫妻同服 衣。一説子男之臣雖分三等,而小 視之當世婦鞠衣,御妻貴者襢衣,賤者緣 大記》注。然下表子男卿妻仍依《玉藻》上 下、《大宗伯》「再命受服」,注以 國之大夫,與大夫同服玄冕,其 檀衣。《喪大記》「大夫以玄 亦細别説之,與《大宗 考《玉藻》歷舉尊卑各 服 國 (妻與 卿 表子 爲 之卿

 \overline{H}

褖

是

玄

喪服》一篇,五禮之要,聖人精義之學。

表,考校是正,以明制服義例焉。 表,考校是正,以明制服義例焉。

考正張氏服表表中有字句譌者,有位置譌者,有説義誤者,今一一訂正。

親親上殺下殺旁殺

子孫各以其服降。服術由 子孫各以其服降。服術由 至親以期斷。父子一體,始	族 族 母 族	高祖	緦
服降。服術由此「服み」	從祖 程 祖 程 日 祖 2 日 2 日 2 日 2 日 2 日 2 日 2 日 3 日 3 日 3 日	曾祖	小功
服術由此而進退焉。一體,故三。由父親	從 從 父 母 弟	祖	大功
想 祖 麻 ,	昆弟	父母	期
小功。謂此· 問此·	妻		期
凡祖之,		子	期
凡祖之族服皆如祖,曾之族服	昆弟之子	孫	大功
	起子 之子 足 孫 弟之孫	曾孫	小功
如曾,高之族服如高,如曾,高之族服如高,	孫 從 從 足 弟 之	玄孫	緦

二五四

母 久	至親期斷
父在爲母期、杖,禫。	Œ
年。	至 事 可 を 所 表 三 下 表 三 下 表 三 下 表 三 に の に に に の に に に 。 。 に 。 。
庶子爲其父後者爲其 無子爲其父後者爲其 是《歌異義》云:「自 天子下至庶人同。」 是《通典》。 是《小記》云:「庶子 是《通典》。 以之妾子爲其母, 公之妾子爲其母, 公之庶民弟爲其母, 大夫之庶子爲其母, 大夫之庶子爲其母, 大夫之庶子爲其母,	降
八百》之 为为之孙不降其父。注:「祖不解孫。」 爲母期。 爲母期。	不降

) 「除」、《禮記正義》作「期」。) 「理」、《通典》作「禮」。

五五五

出母	慈母 《小記》云: 爲慈母 後者, 庶母可也, 後者, 庶母可也,	卷日
出妻之子爲母期、杖。出妻之子爲母期、杖。	四母。 三年,而爲己母不 三年,而爲己母不 三年,而爲己母不 三年,而爲己母不	也。」見《通志》。
出母無服。 出母無服。		
股票、 定 定 是 是 是 是 是 是 是 是 是 是 是 是 是		

756

二五六

昆弟	母
期 _。	士爲庶母緦。
	君子子爲庶母慈己者子子爲庶母慈己者
展弟姊妹之長殤、中 展弟姊妹之長殤、中 大夫爲昆弟大功。 大夫爲昆弟大功。 大夫嫡子爲庶昆弟、大夫之 一方,長嫡子爲庶昆弟、大夫之 一方,長殤,小功。 一方,長殤,小功。 一方,長殤,小功。 一方,長殤,小功。 一方,長殤,小功。 一方,長殤,小功。 一方,長殤,小功。 一方,長殤,小功。 一方,長殤,小功。 一方,長殤,小功。 一方,長殤,小功。 一方,長殤,小功。 一方,長殤,小功。 一方,長殤,小功。 一方,長殤,小功。 一方,長殤,小功。 一方,長鸡。 一方,長鸡,小功。 一方,是鸡,大夫之 一方,是鸡,大夫之 一方,是鸡,大夫之 一方,是鸡,大夫之 一方,是鸡,大夫之 一方,是鸡,大夫之 一方,是鸡,大夫之 一方,是鸡,大夫之 一方,是鸡,大夫之 一方。 一方。 一方。 一方。 一方。 一方。 一方。 一方。	傳曰:「大夫以上爲
大夫之庶子爲適昆弟 明,長、中殤大功、 獨小功。 注云:大夫之子, 是不如國人。 大夫之子爲昆弟爲大 大夫之子爲昆弟爲大 大夫之子爲昆弟爲大 不敢降。」	

二五八

妻	昆弟之妻
期。 注云:適子父在不 記》云:「爲妻禫。」	小功。 婦人爲昆弟之妻報,
以子爲妻無服, 城衣,既葬除之。 水之,既葬除之。 大夫之庶子從降,大 大大之庶子從降,大	
在不杖。 《小記》云:世子爲 《小記》云:世子爲 。 《小記》云:世子爲 。 《小記》云:大夫庶子、諸侯 不降適婦。 《小記》云:「宗子之妻,尊 母在爲妻禫,則其餘適子同。 母在爲妻禫,则其餘適子 可知。賀循以母皆 可知。賀循以母皆 不下,母所不厭。 察:注、賀瑒是也。 察:注、賀瑒是也。 《曾子問》云:女未 廟見而死,婿不杖、 不 菲、不 次。 注 意言。」	

子	夫	妾
衆 子 期。		則已。」
母年繼 《子注爲。祖 。小與云長	姜 尊 加	総,士 爲 無妾 貴
海八里 年。 年。 年。 年。 年。 年, 一年。 一年。 一年。 一年。 一年。 一年。 一年。 一年。 一年。 一年。	妾爲君同。 尊加斬衰三年。	
强大功。 獨大功。 獨大功。 女子子之下殤小功。 經不見,子與女子 子同。 注云:天子、國君 不服庶子。 大夫、公之昆弟、大夫 之子爲庶子、女子子 之長殤小功。 當總。 當總。 當總。 當總。 當總。 當問 一方 一方 一方 一方 一方 一方 一方 一方 一方 一方		亲無服。 亲無服。
公及大夫爲適子長、中殤大功。 中殤大功。 中殤大功。 之。」案:不降其之。」案:不降其 为。则下殤亦小功。 大夫之子爲子爲大夫		

● 下「子」字,原誤作「女」,今據張惠言《儀禮圖》改。

圖表第三 禮經

		小功。	庶婦
	功。」 《小記》云:「適婦不	大功。	適婦
大夫之子、公之昆弟大功。	功。」 注云"「在室大功, 注云"「在室大功,		
者君期女	小功。 起弟爲女子子適士者 起弟爲女子子適士者	在室若子。	女子子
君猶爲其子期。」君猶爲其子期。」是不明,繼母報期。 《小記》云:「安從女服,繼母報期。			
父母報期。			
期。 之衆子期。」 之衆子期。」 注云:「士之妾爲君	中從上,下殤當緦。 中從上,下殤當緦。		

大功親	正	加	降	不降
祖父母		尊加期。		期。 大夫爲祖父母爲士者
		父在爲母也。」		傳曰:不降。 安子子爲祖父母期。
叔父母		尊加期。	大功,下殤小功。 村之爲士者大功。 村之爲士者大功。 長、中殤宜小功,下 傷總。	大夫之子爲世、叔父大夫之子爲世、叔父
			功。 以母、叔父母大女子子嫁者、未嫁者	

圖表第三 禮經

從父姊妹		從父昆弟			姑
如昆弟。	-	大功。			
				世、 叔父 母。	注云:爲姑在室如
小功。	大夫、大夫之子、公之 民務宜緦。 長殤宜緦。	中從上。 長殤小功,下殤緦。	其姑適人者小功。 注云:爲人後者爲 爲姑大功。 女子子嫁者、未嫁者	大夫、大夫之子、公之 以。 以。 以。 以。 以。 以。 以。 以。 以。 以。 以。 以。 以。	適人者大功。
	太夫者大功。 大夫者大功。 一次之庶昆弟、大夫之			: 功 姑 之 之 大	適人無主者爲之期。

二六四

二六五

1	從父昆弟之子報小功。	曾孫	從祖姑姊妹 在室亦小功。	從祖足弟 小功。	父之姑	從祖祖父母小功。	祖 父 母	小功親 正 加
段 想 。	長殤緦。	無服。」 無限。」 無限。」 曾祖三月,不得	適人緦報。	注云:「中從下。」長殤緦。	蓋在室同降。			降
							月。 爲曾祖父母齊衰三 爲曾祖父母齊衰三 大夫爲曾祖父母爲士	不降

圖表第三 禮經

❶ 「注」,據《儀禮注疏》,當作「疏」。

総亲	ī	力	JS2	一不降
高祖		同曾祖,齊衰三月。《經》不見,注云:		·
族曾祖父母	總。		《通典》: 荀顗云:	
族祖父母	緦。		如本親服。 大夫絶緦,尊同,猶一	
族父母	緦。		i de la companya de l	
族昆弟	總。			
玄孫	總。 同曾孫。 同曾孫。			
從祖昆弟之子	緦。			
從父昆弟之孫	緦。			

昆弟之孫 昆弟之孫婦 報總。 報小功。 長殤緦。

二六八

	舅姑	各降一等爲正 正			
	如舅姑。	加			外功以下爲兄弟。 外功以下爲兄弟。 外功以下爲兄弟。
喪而出,則除之。」《小記》云:「婦當	婦人不服慈姑。《通典》:先儒云:好大功。」	降	•	等報。 爲人後者于兄弟降一	降。 大夫、公之昆弟、大夫同 大夫之妻與大夫同 大夫、公之昆弟、大夫
不降。見《通典》。	《服問》注云:公子 存殁。」賀循云:庶 存殁。」賀循云:庶 不辨諸侯 《服問》注云:公子	不降	人。凡妾爲私兄弟如邦	子。 於所爲後之子兄弟若	童子唯當室總。 童子唯當室總。 童子常室,謂十五 一童子當室,謂十五 一章子當室,謂十五 一章子當室,謂十五 一章子當室,謂十五 一章子當室,謂十五 一章子當室,謂十五

768

娣姒婦	娣姒婦	夫之姑姊妹●	叔父母 世父母 夫之祖父母	女子子 夫之昆弟之子、
		無服。 無服。 無服。 無服。 無服。	從大功。	
小功。	小功。			報期。
亦降一等。」」	亦降一等。」」	長殤緦。	中、下殤緦。	婦人子適人大功。 功。 長、中殤大功,下殤小

二六九

		妾爲女君	之妻	夫之諸祖父母皆夫 之小功之親。 大之小功之親。 大
《雜記》云:「女君 死,則妾爲女君之 服。」注云:「妾于 不爲先女君之黨 解,攝女君之黨 然。」	無服。」			降一等。
		期。	公田 。	
				《服問》云:「『有從 弟。」注云:「爲公 之妻爲公子之外兄 子之外祖父母、從 子之外祖父母、從

二七〇

圖表第三 禮經

舅	從母	外祖父母	外親服皆緦
緦。			Æ
	名加小功。	尊加小功。	加
	長殤緦。	外祖父母無服。 外祖父母無服。 《小記》云:「母之君母, 母之父母無服。」 母卒則不服。」 母卒則不服。」 母卒則不服。」 母卒則不服。」 母。 母之是無服。」 母。 母。 母。 母。 母。 母。 母。 母。 母。 母。 母。 母。 母。	降
		《服問》云:「「母出則爲繼母之黨服,則爲繼母之黨服,則不爲繼母之黨服,則不爲繼母之黨服,則不爲其母之黨服,則不爲其母之黨服,況母之父母服,況母之父母服,別母之父母服,別母之父母服,別母之父母不上」譙周云:「母出外祖父母、諸侯爲外祖父母、諸侯爲外祖父母不言。 一方、諸侯爲外祖父子、諸母之父母猶別人。」	不降

婿	妻之父母	從母昆弟	姑之子	舅之子	甥	子從母爲姊妹之	外孫之妻	母母之父母從
報緦	從總。	以名服緦。	報總。	從總。	報總。		報總。	
						文夫、婦人同。 報小功。		從小功。 舅亦從緦。
	《通典》:「譙周 《通典》:「譙周 是其妻之父母。」注 是其妻之父母。」注 是其妻之父母。」注 是其妻之父母。」注 是其妻之父母。」注 是其妻之父母。」注 是其妻之父母。」注					長殤報緦。		傳曰:「君母不在,則后者,君母不在,則后者,君母不在,則
	《小記》云:「世子不降妻之父母。」」							

諸侯爲天子	新衰三年。 「世子		
	不爲天子服。」		
諸侯之大夫爲	之。		
ヺ	見天子則無服。」		
	服。」 注云:「士、庶民不		
注云:「天子、諸侯君	斬衰三年。	繩屨,亦斬三年。 公士大夫之衆臣布帶	之貴臣不降。
及服 大夫 有 地 者 皆 一	加麻,既卒哭則除。之屬官爲其長弔服《士虞禮》注云:士		

二七四

	夫之君
《雜記》:「外宗爲君之如外宗之爲君之为,從母之女,與母之女,謂五服所嫁于諸臣其無服而嫁于諸臣其無服而嫁于諸臣其無服而嫁于諸臣,其無服而嫁于諸臣,以《服期。」 「外宗,謂五服內之,猶內宗,謂五服內之,猶內宗,謂五服內之,與國君。以此「外宗與君,疾以所宗,表人亦從爲國君。以此「外宗與諸臣,未人亦從爲國君。以此「外宗與諸臣,未人亦從爲國君。以此「外宗與諸臣,未人亦從爲國君。以此「外宗與諸臣,未人亦從爲國君。以此「外宗與諸臣,未人亦從爲國君。以此「外宗爲君之,為以以此,以此以以此,以此以以此以以此以以此以以此以以此以此以以此以以此以此以以此以	君。」

繼 父	宗子	寄公爲所寓	之臣無服。 君也。天子、諸侯 君也。天子、諸侯	庶人爲國君	
用不服之。」 則不服之。」 則不服之。」	也。」 在室及嫁歸宗者 在室及嫁歸宗者 大夫、婦人同。鄭	齊衰三月。	總。	民爲天子亦如之。	大夫在外,其妻、長子大夫在外,其妻、長子
《通典》:「戴德 《記》云『女子子適 《記》云『女子子適	功衰,下殤小功衰。 月算如邦人。 月算如邦人。 小功衰皆三月,親則				

圖表第三 禮經

▶ 「注云」,據《儀禮注疏》,當作「疏云」。

改葬總	朋友	乳母 注云:●獨大夫之 子有之。	
弔服。□戴德之義:凡爲後者皆服。 臣爲君、子爲父、妻爲夫,三月而除之。	麻	组	大功之念
没者皆服。	服之,出則否。 《服問》云"大夫相《服問》云"大夫相解。"	總。	大功是。」
「戴德云:『其餘親皆			
		降也。 一般也。 一般也。 一般也。 一般也。 一般,我不是不是。 一般,我就不是,我不是。 一般,我就不是。 一般,我就不是。 一般,我就不是。 一般,我就不是。 一句,我就是。 一句,我就是。 一句,我就是。 一句,我就是。 一句,我就是。 一句,我就是。 一句,我就是。 一句,我就是。 一句,我就是。 一句,我就是。 一句,我就是。 一句,我是。 一句,一句,一句,一句,一句,一句,一句,一句,一句,一句,一句,一句,一句,一	

二七七

今

案:

此

表

分

别

各

服

疋

加

降

不

降

不盡 已加 也。 及 説 附 斷 降 制 服 治 殺、下殺、旁殺 有 其所謂加 服,皆以加爲 正、義服之條理,辨其等差。 義 ,則與 以 ,服之本意,必先知此,而後可以得降、 不降正、不降義、不降降之殊。 者皆有 相 義 ,學者合觀之,可以識天秩人倫之重,而 若就制服後言,則 對。 同。 服,與賈氏所 斷 者皆爲正矣。 胡氏 恩與門内親 制 其所謂 若就 ,謂由正 正、有降、有義 考正衰、冠升 服 後 正,而 制服 皆 義 正 至 論 而加,若就制服後言,則 例同。 其所謂 後言 服 謂 應加不 四 制服後之降、 相 世 至尊、至重、旁尊之 至親 數 ·; 則 對,不 矣,其所謂 丽 丽 義服 及 加者爲降矣。 緦,服之本意 不降 期斷,由此 以恩制 今録《張 降、正、 與 ,謂門外之 正 之中,又 Œ 至親期 降、不 以以 服、降 義 表 》, 義 服 義 上 服

尊親愛敬之心油然生矣。

冠升數及降、正、義服》 胡氏《喪服·記》正義《考五服衰、

等,而 撰《讀儀禮私記》,著降、正、義服,考定其説 家,並下己意,别爲圖説於後 俱有合有不合。 盛氏世佐撰《儀禮集編》,更定服圖,江氏 分别三者之服,而 義服,其説多遺漏牴牾,難以徵信。 文,自鄭此注始。 但言降服,未有正、義之名,難於訂證也。 勉齋黄氏榦有 具於此記。 五服 以降、正、義之服分屬之,則傳、記 用 布升數,詳於《禮記•間傳》而 斬衰二等,齊衰、大功、小功各三 服 而江氏 例,信 賈氏因於疏内極論降、正 亦 互 齋楊 有同 較爲細密,今參稽各 異。 氏復 有 良 圖,皆 由 嗣後,宋 I傳、記 筠 以 無 近 略

衰、冠升數圖説

新·衰 正服,衰 三升,冠 六升。 既葬,以其冠爲受,衰 六 乎,冠同六升。 既葬,以其冠爲受,衰 六 明·衰 正服,衰 三升 有

衰三升有半者,裳亦三升有半,後放此。仍之。又裳與衰同,如衰三升者,裳亦三升。記文。以三升半爲義服,出鄭氏注,諸家悉以上衰、冠及受衰、受冠升數,皆本此篇

齊衰三年服衰四升,冠七升。既葬,以其

升,冠七升爲爲 著之者,服之首主於父母。」是鄭以此 義服六升,其冠九升。亦以其冠爲受。凡不 此謂爲母 此 升數 服 亦 也 本 、母服也。 不言父卒者,蓋父 此 齊衰正服五升,其冠八升。 冠爲受,衰七升,冠八升 篇記文。 鄭 氏注 衰 四

母也。 服、義服,則亦不必言正,但云「齊衰三年服 者,對降與義之名,此《齊衰三年章》,無 既得伸三年矣,不可爲降。」姜氏兆錫亦駁降 四升,冠七升。」於此記「斬衰三升」疏云「齊 鄭首解之曰「爲母服」,而下即言「齊衰正 在爲母雖降三年爲期,而衰、冠升數則同,故 以别之可矣。 降服者固非,而以 斬衰爲齊衰之説。今案:以三年之衰、冠爲 「正」曰:「爲父斬衰,爲母齊衰,服之正也。 升」,故不得以此四升 黄例、楊圖皆以爲降服,蓋因鄭明言「正 衰之降服四升」,是降、正之名自相歧異也。 五升,義服六升」,明此五升、六升者,不以 衰而爲齊衰也。」江氏仍之。 「降」字未安,乃爲之説曰:「此降服,乃降斬 賈於篇首疏云:「三年齊衰惟有 鄭注止云「爲母服」,而不言 爲正服,亦未的。 爲正 盛氏改「降」爲 服。 ௱ 凡言 又明 服 正 降 知 服 正 服 服 五

禮 經 學

鄭 降 衰四升,冠七升。 正、降者,以 義 服 也 ,故空其文。 爲正 以爲降,則此三年者 則降 今之稱齊衰三年服者,本 三年 而杖期者 1,實非 一, 亦 同

齊衰杖期降服,衰四升,冠七升。 既葬,以

其冠爲受,衰七升,冠 八升。 正

服,衰五升,冠八升。既葬,以其

衰六升,冠九升。 冠爲受,衰八升,冠九升。 既葬,以其冠 義服

爲受,衰九升,冠十升。

升數及受衰、受冠升數如此,蓋本此記 賈氏 「疏衰期」傳疏標列降、正、義衰、冠 鄭 注

與爲 首 分别四升、五升、六升三等服之文也。 疏 妻同 又云 正服,衰 「杖期,齊衰有 五升 了, 冠 正 丽 八升」,不特 已,父在爲 乃篇 與 母, 鄭

黄氏

譏其自相牴牾也。

楊圖

亦有降、正、義

三等,江氏仍之。

義違戾,且與「疏衰期」傳疏

亦不合矣。

後儒

期,止· 斷不可從。 義衰、冠升數,俱亦同此,不知何據云然? 升,受冠皆八升,下《不杖 非 期,而統標降服、正 多糾其誤。 五升,義服衰六升,冠皆七升,受衰 也。 有降 盛氏 服、正 黄例 更定圖 服 不分齊衰三年及杖期不 了,以 以 無 服、義服、殊混。 降 義 期章》更定降、正、 服 服 衰 江 四 氏 升,正 仍之,亦 楊圖 亦皆七 服 杖 衰 杖

也,篇首疏又云「不杖期但有正、義二等」,故 杖章》祖父母下云「此章有降、有 此不杖期亦當 齊衰不杖期 降服同 有三等之服 上 正 服同 賈 正、有義」是 上 疏 義服同上 於《不

八〇

升,冠十升。

義服

衰

九升,冠十一升。」黄例

七

齊衰三月正服,衰五升,冠八升,無受。

義服,衰六升,冠九升,無受。

同而 則同 也。 黄例、楊圖 升,不與祖父母 不當爲義服,亦宜衰 重其 也。 月已減矣。 賈疏 今增正 ·衰麻」,可證也 謂 然祖父母期,曾祖父母三月,服 仍之。 齊衰三月,止 服。 服同乎? 且鄭注曾祖父母條,特云 或 李氏 曰: 五升,冠八升。」其説 如圭云:「曾祖 正服 有義服,無正 曰: 此 衰 五 所謂 一升,冠 父母 禮 服。 是 窮 八 雖

服。 鄭注 賈篇首疏云:「殤大功有降、有義,降服衰 也。 楊氏云: 大功分降服、正服、義服三等,亦本此記 殤大功九月七月降服,衰七升,冠十升,無受。 此殤大功,則有降服,而無 「殤大功九條,皆降 .服 正服、義 是 也。

> 小功前 於正服、 謂 皆是降服 鄭注明云「服降 因增義服,江氏仍之。 而 有義服 在大功者,其服本 ,以其· 、義服,故殤大功在大功前,殤小 小則不 由 未 有齊、斬之服,降在此 得别爲義 理 而在大功者衰七升」,此殤服 會鄭注 非 盛氏從楊圖。 大功,因降在此,當 服九升明矣。 「服降 而 在大功者 也 今案: 賈 功 蓋 疏 在 降 重

大功降服,衰七升,冠十升。 受,衰十升,冠十一升。 既葬,以其冠爲 正 服, 衰 八

升,冠十一升。 升,冠同十升。 既葬,以其冠爲受,衰十 義服,衰九升,冠十

二升。

升。既葬,以其冠爲受,衰十一升,冠十

亦本 此記 此降、正、義三等,既葬,皆以其冠爲受, 鄭注 也。 賈氏「疏衰 期」傳疏列大

衰七升」一

語耳。

從。 也。 功三等服 降、正、義三等,衰雖異,而冠同十一升,受衰 是冠校衰止差二等也。 升,冠亦十升,大功義服衰九升,冠十一 亦皆十一升,受冠皆十二升,與鄭注違,不可 大功降服衰七升,冠十升,是冠校衰差三等 自斬衰至大功,降服 正服、義服二條,冠皆校衰二等」。 以上斬衰、齊衰皆然。大功正 如 此 黄 例、 凡 江氏仍之,盛氏則以 楊 八條,冠皆校 圖 同。 二家 服 衰八 蓋謂 衰 皆 升, 云

總衰七月衰四升有半,冠八升,既葬除之。

以服止一等,無庸區别也。賈疏標「義服」之總衰,鄭注無「義服」字,黄例、楊圖同。

名,盛氏、江氏仍之,非。

殤小功降服,衰十升,冠升同,無受。

皆有降、有正、有義,不言降,無以别之,且 亦止 皆有「義服」之目。江仍黄、楊,盛氏駁之,更 賈疏謂:「殤 爲降服見傳注,此定名也。 定爲降服,是矣。或曰:殤大功、殤小功服 十升,義則衰、冠同十二升。」黄例、楊圖因 其降而 殤 等,何必言降? 無 在 Ξ, 小功者,衰十升」一 小功 義 服,辨已見前。 有降、有義,降則衰、冠同 曰 **:** 成人大功、小功 語,足爲 此記 鄭注云 確據 此

小功降服,衰十升,冠升同,即葛五月,無受。

正服,衰十一升,冠升同,即葛五月,無

月,無受。

受。

義服,衰十二升,冠升同

·;

葛

鄭注。 更定圖,以殤 小功分降服、正服、義 黄例、 楊圖 小功降服、小 標 列 同,江氏仍之。 服三等,亦本 功降、正、義服 盛 此 氏 記 冠

皆 功 ,冠其衰也」一語顯悖矣,不可從。 十五升抽其半,則與「疏衰期」傳「總麻小

緦 麻降、正、義同衰十五升抽其半,冠升同,

無受。

降、有正、有義,但衰、冠同十五升抽去半而 此本黄例、楊圖。 賈疏云:「緦麻 盛氏、江氏俱同。 亦 有

已。」則又黄、楊所本也。

降、正、義服圖 説

斬 衰 正 服 父 諸侯爲天子 君 父爲長

子 君 女子子在室爲父 爲人後 者 妻爲夫 子嫁,反 妾爲

在父之室爲父 附傳: 父卒,然

後爲祖父後者服 斬

斬 衰義服公士、大夫之衆臣、爲其君布帶、

繩 屨

> 詳《斬衰章》「公士大夫之衆臣,爲其君布帶 案:戴氏震、金氏榜皆以三升半之衰爲專指 《記》「衰三升」疏云「諸侯爲天子,臣爲君之 江從黄例,説見後。 繩屨」下。 二者於「父爲長子」之前,而舊説之誤自見, 服》經文列諸侯爲天子及君於父後,明君父 公士、大夫之臣爲其君言,其説甚確。蓋《喪 等是義斬」之文也。 賈氏篇首疏云「爲君以三升半爲義」,及此 同尊,衰、冠不得有異也。今順經文之次,列 ·公士大夫之衆臣爲其君」三條入義服,蓋 黄例、楊圖 附傳一條,黄列入,楊無,盛亦無 皆以「諸侯爲天子」、「君」、 盛氏、江氏仍之。 因

齊衰三年服父卒爲母 繼母如 母

如母 母 爲長子 附 記

妾爲君之長子 附《小記》:

祖父卒而後爲祖母後者三年

二八三

母」、「慈母 黄 例 如 楊 母」三條 圖 皆 以「父 爲降 卒 服。 爲 母 _ 母 爲長 繼 母 子 如

正,以「爲母」三條及「母爲長子」一條皆爲正及附記一條爲正服。 江氏仍之,盛氏改降爲

爲正服,衰、冠升數皆下降服一等。案:服,以附記一條爲義服,謂「舊以「母爲長子」

『爲母』者同。」今案:以「母爲長子」與子爲「父爲長子」既無所降,母不應有異,故進與

母衰、冠升數同,其説是也,但齊衰三年服不

及附二條,同列爲三年服焉。附《小記》一立降、正、義之名,説已詳前。今以正經四條

見後。條,黄列入降服,楊無,盛亦無,江從黄例,説

齊衰杖期正服妻齊衰杖期降服父在爲母

齊衰杖期義服出妻之子爲母 父卒,繼

一八四

母嫁,從爲之服

得云正 且 其養育之義,而 服。」楊圖改父在爲母爲降服,是矣。 升,冠八升」,誤,辨見 之服之,一 及母嫁而 父在而降至期,故爲降服。 「父在爲母」衰、冠有别,子爲母本宜三年,因 服」二條亦入降服,尤非。蓋出 以「出妻之子爲母」、「父卒, 條同人正服,猶未當。 入正服,而於「父在 不 特 賈疏以「父在爲母,與 也。 不得 子從,皆已自絕於父,本可無服 則 當改 爲 以 降 有 加 人義服爲允 而 服 親者屬之義,一則以有答 己, 爲母」下注云:「當是 以 前。 江氏: 凡此皆服之變,亦不 伸其情,何得爲降? 爲妻同正 黄例 若母爲父所出 繼 依 楊圖 母嫁,從爲 母、嫁母當 以 四 盛 服 條 而 餘 衰 氏 同 子 > 降 則 龃 列 五

女子子適人者,爲其父

公妾以及士妾爲

母

其父母

齊衰不杖期正服祖父母 母 昆弟 爲衆子

世父母、叔父

昆弟之子 適孫 公

不降正、大夫之適子爲 妾、大夫之妾爲其子

昆弟 妻 爲其昆弟之爲父後者 大夫之庶子爲適 女子子適人者,

人無主者,姑、姊妹報 姑、姊妹、女子子適

女子子爲祖父母

子、姑、姊妹、女子子無 父母、子、昆弟、昆弟之 大夫之子爲世父母、叔

子不報 母、適孫爲士者 主者爲大夫命婦者,惟 大夫爲祖父

> 齊衰不杖期義服繼父同居者 爲夫之

女君 長子、祖父母 君 爲君之父母、妻、 婦爲舅姑 妾爲

夫

之昆弟之子

俱入之正服中,而注明「不降」字於其下。 楊 以上黄例、楊圖略同,唯不降之服,黄例

唯不降故在正服。」今從楊圖。又「適孫」一 圖則别爲《不降正》之目曰:「降則爲大功,

之説曰:「信齋列『適孫』於不降正,蓋因 條,楊圖入之不降正,江氏移於正服内,而爲 傳

不可得而泥者,蓋必有降之者而後可名爲不 『不敢降其適之』云也。然傳所云不敢降,有

降。『大夫之適子爲妻』傳,鄭注云:『降有 四品:君、大夫以尊降,公子、大夫之子以厭

降,公之昆弟以旁尊降,爲人後者、女子子嫁

者以出降。』則不降之服,唯此四者内有之

《大功章》『適婦』一條,傳亦有『不降其適』之 耳。 降,母亦不敢降也。]初不得謂之不降服。又 案: 黄例「適孫」下無「不降」二字,江説是, 文。信齋列之正服,則此宜如之明矣。]今 "母爲長子"傳對衆子立文而曰" "父之所不 此 傳 云不降 者,蓋對庶孫以立文,猶之

齊衰三月正服曾祖父母 者,如衆人 曾祖父母爲士 女子子嫁者

從之。

未嫁者爲曾祖父母

齊衰三月義服寄公爲所寓

庶人爲國君

爲舊君、君之母、妻 大

夫在外,其妻、長子爲舊國 舊君 丈夫婦人爲宗

子、宗子之母、妻 繼父不

同居者 不降義、大夫爲

寓」及爲君者又次之,以「繼父不同居者」 一 親則月算如邦人」一條於下,以「寄公爲所 附記「宗子孤爲殤、大功衰、小功衰皆三月。 前。 條終焉。江氏以「宗子孤爲殤」一條分附殤 「曾祖父母」者爲首,以「爲宗子」者次之,而 黄例依經文爲次,楊圖分四層:以 舊説 齊 衰三月 止 有 義 服 無 正 服, 辨

之長子」一條是也。 齋所附人者,『孫爲祖承重』 二條及 『妾爲君 大功、殤小功之後,其説曰:「經文而外,勉 信齋無承重二條,而增

『宗子孤爲殤』一條,蓋信齋惟取本經記,勉

以傳故及之耳。今並仍之,但信齋以『宗子 齋兼取《子夏傳》,其并附《小記》一條者,則

孤爲殤』附於『齊衰三月,大夫爲宗子』之下,

月、七月、五月之正數,則宜析之爲二,而各 功、小功,且所謂『月算如邦人』者,中含九 蓋取其月數同也。 然此爲殤服,又其衰爲大

爲

見

如邦人

之,而以爲曾祖父母二條人正服,更定於右。又别立《不降降》之目,説詳後。今標目依嫁者、未嫁者爲曾祖父母」三條入焉。下章宗子」、「曾祖父母爲士者,如衆人」、「女子子宗子」、「曾祖父母爲士者,如衆人」、「女子子除,本是殤服,不宜附在此章,江説是也。又附於其殤服之末。」今案:「宗子孤爲殤」一

殤大功降服子、女子子之長殤、中殤 中殤 中殤 爲殤,大功衰三月,親則月算 之長殤、中殤 適子之長殤、中殤大夫爲適子 之長殤、中殤 之長殤、中殤 之長殤、中殤 父之長殤、中殤。 夫之昆弟之子、女子子 大夫之庶子爲適昆弟 附記: 宗子孤 不降降、公爲 適孫之長殤 昆弟之長殤 姑、姊妹 叔

《不降降》之目,其説曰:「不降之服,勉齋 非 殤、中殤」、『大夫爲適子之長殤、中殤』三條 子爲適昆弟之長殤、中殤」、『公爲適子之長 降》下注云:「有殤降,無尊降,以『大夫之庶 誤。」其説是,今標目依之。唯江氏於《不 謂不降之服,降、正、義三等中俱有之,宜 殤降在此,亦當爲降服。]其説是也,今從之。 之昆弟之子,在《不杖期章》則爲義服。 依之,盛氏仍移入降服云:「案世叔母 子、女子子之長殤、中殤」一條爲義服 「殤九條,皆降服。」黄例則 人焉。]案:大夫之庶子爲適昆弟,本服是加 三者之内各標不降之目,然後 人之正服中,信齋别立《不降正》之目,然竊 江氏於上章别立《不降義》之目,此又别立 降也,此似誤。 以上楊 圖 不一一開 今仍移入降服 列,但 以「夫之昆 服 總標之日 制 ,餘從之。 不 江 弟之 既 至 爲 混 於 徝 夫 氏

附記 依江 降也。 江 説,列之不降正,則爲 條,亦依江氏附入,説 説,爲不降降明矣。 今案: 大夫庶子爲適 昆弟服期正也,非加也,胡氏謂 其 蓋有殤降,無 昆 殤 見 《服大功,亦 弟 前 期 胡 氏

服是加,將思深意倦時偶誤歟?

大功降服姑姊妹、女子子適人者 衆昆弟 弟之子爲士者 爲世父母、叔父母、子、昆弟、昆 嫁於大夫者 子、公之昆弟爲姑、姊妹、女子子 不降降、大夫、大夫之妻、大夫之 嫁者爲世父母、叔父母、姑、姊妹 妾爲君之庶子 女子子嫁者、未 之昆弟之婦人子適人者大夫之 夫之庶子爲母、妻、昆弟 者爲其昆弟 姪丈夫婦人,報 君爲姑、姊妹、女 女子子適人者爲 公之庶昆 爲人後 大夫 弟、大 爲夫

子子嫁於國君者

語本 「爲夫之昆弟之婦人子適人者」,黄例舊列無厭 「姪丈夫婦人,報」,黄例舊列於正昭小當 大功義服夫之祖父母、世父母、叔父母 大功義服夫之祖父母、世父母、叔父母 大功正服從父昆弟 庶孫 適婦 不降

義服。 降服而爲之説曰:「妾爲君庶子之服,經凡 正服,殤小功一條屬之降、義服,其小功五 小功一條屬之降服。 人者」三也。勉齋於大功一條屬之義服,殤 殤」二也、《小功五月章》『大夫之妾爲庶子適 子』一也、《殤小功章》『大夫之妾爲庶子之長 三見。《大功九月章》『大夫之妾爲君之庶 服。」「大夫之妾爲君之庶子」一條,江氏 也,本服期,二者皆以適人降大功,當爲 期。夫之昆弟之婦人子,亦夫之昆弟之子 「爲夫之昆弟之婦人子適人者」,黄例舊列於 ·姑在室爲姪,姪爲姑與世叔父同,本皆服 姪丈夫婦人,報」,黄例舊列於正服。 盛氏以此二條移 信齋於大功一條屬之 入降服,其言曰 移人 月 隆

總衰七月服諸侯之大夫爲天子

殤小功降服叔父之下殤 適孫 之下殤

子子之下殤 昆弟之下殤 昆弟之下殤 爲人後者爲其 爲姑、姊妹、女 大夫庶子爲 適

昆弟之長殤 從父昆弟之長

殤,爲夫之叔父之長殤 昆弟

之子、女子子之下殤 夫之昆

子嫁於大夫者」、「君爲姑、姊妹、女子子嫁於

國君者」二條,黄例列於正服之後,注云:

「有出降,無尊降。」楊圖列於不降,正。 盛氏

之妻、大夫之子、公之昆弟爲姑、姊妹、女子

盛氏、江氏説是,俱從之。又:「大夫、大夫

以爲殤而降成人小功,以出適而降。」今案:

條俱爲降服大功,以從乎女君

而降殤小功,

是義服,君之子非可以他族類比,今定此三

條則俱屬之降服。

竊謂婦人爲夫之族類

姪、庶孫丈夫婦人之長殤 弟之子、女子子之下殤 爲 大

夫、公之昆弟、大夫之子爲其

昆弟、庶子、姑、姊妹、女子子

之長殤 大夫之妾爲庶子之

江氏。

移人降服。

江氏以此二條别爲不降降,今從

長殤 功,衰三月,親則月算如邦人 附記:宗子孤爲殤小

長殤」、「夫之昆弟之子、女子子之下殤」二條 殤無正、義服。 黄例以爲「夫之叔父之

爲義服。江氏仍之,楊圖以爲「夫之叔父之 長殤」、「大夫之妾爲庶子之長殤」二條爲降

二八九

仍移入降服。附記一條,則從江氏附入也。條別入不降降,亦非。辨見《殤大功章》,今又:江氏以「大夫庶子爲適昆弟之下殤」一義服,皆非也。今從盛氏,皆移入降服。

小功降服從父姊妹、孫適人者 爲人後者

爲其姊妹適人者 大夫、大夫之

之。

姑、姊妹、女子子適士者 大夫子、公之昆弟爲從父昆弟、庶孫、

姑、姊妹、女子子適士者 大夫

之妾爲庶子適人者

小功正服從祖祖父母、從祖父母,報 從

夫婦人,報 庶婦 君母之父

をとき、およ、おいまっぱ 母、從母 君子子爲庶母慈己者

小功義服夫之姑、姊妹、娣姒婦、報

以上次序俱本黄例,唯「從父姊妹、孫適

楊圖同,皆非也。

江氏云:「從父姊妹,勉齋

人者」當作 一句讀。

黄例因

賈疏誤分爲二,

從勉齋所定無疑也。」盛氏亦列之降服,今從明謂此爲適人者,而服降於在室一等矣,宜昆弟』注云:『其姊妹在室亦如之。』然則鄭之,蓋本爲一條也。考鄭於《大功章》『從父之,蓋本爲一條也。考鄭於《大功章》『從父利之降服,信齋列之正服。案:經下云『孫

緦麻降服庶孫之中殤 從祖父、從祖昆弟

夫之叔父之中殤、下殤 從母之之長殤 從父昆弟姪之下殤

長殤,報 夫之姑姊妹之長殤

從父昆弟之子之長殤 昆弟之

姑、姊妹適人者,報 庶子爲父孫之長殤 以上皆殤服 從祖

後者爲其母

九〇

出適

日

二,信

齊列

之正

服,勉

齋

列之降服。

降一等,則信齋是

也。『庶子爲父後者

緦 麻 正 服 族曾祖 父母 族祖父母 族父

毌 族 昆 庶 孫 之婦 外孫

士爲庶 從 紅祖昆 弟之子

從母昆

曾孫 父之姑 甥

降,則勉齋是也。

其『士爲庶母』及『乳母』二

是不爲父後之服

如

此。

今服緦

以爲父後而

庶子爲母三年。

士雖在

,庶子爲母

如衆人。』

案:注云:『君卒,庶子爲母大功。 大夫卒,

妻之父母 姑之子

舅之子 君母之昆弟

麻義 服 貴臣貴妾 乳母 夫之諸祖 父

緦

母,報 爲夫之從父昆弟之妻

楊圖 殤、下殤」、「夫之姑姊妹之長殤」二條,黄例、 [俱别爲義服。 以 上略依江氏考定。唯「夫之叔父之中 江氏因之,盛氏移入降

服,今從盛氏。又「從祖 報」、「庶子爲父後者爲其母」、「士爲庶母」、 乳母」四條,江氏或從黄,或從楊。 姑、姊妹適人者, 其説

正 曰:「『從祖姑、姊妹適人者,報。」勉齋列之 服 ,信齋列之降服。 案:此本服 小功,以

> 案:經於《齊衰三年章》見『慈母』之服 條,勉齋俱列之義服,信齋俱列之正 服。 於

《小功章》見『君子子爲庶母慈己者』之服 兩條皆爲正服,則此 爲庶母宜如之。至乳 彼 日

注云:『謂養子者有 他故,賤者代之慈己。」

既爲賤者,又因慈母有故而代之,固視三母

母爲僱他人之婦,俱係不易之論。士爲庶 爲有間矣。 先儒以庶母爲父妾之有子者,乳

服。」今案: 江説是 母,當從信 齋入正 也。 服,乳母當從勉齋入義 又案:黄氏云:「降

正、義服之中,其取義又有不同者。 有從服

之,一一編列。 有報服、有名服、有加服、又有生服。」盛氏因 今每類略舉數 條列於後,餘

九

而

可

期,臣 室中則 名加; 也。 妻緦 是也 期,士爲庶母緦之類,以母名服是 母,從祖父母報,《緦麻章》從祖姑、姊妹 功章》姪丈夫婦人報,《小功章》從祖祖 報,《不杖期章》爲人後者爲其父母報,《大 從母而服,妻之父母緦,夫從妻而服之類是 功,妾從君而服,君母之父母、從母小功,子 如爲外祖父母小功,以尊加,從母 人者報之類是也。 例 服 推。 報服,如《杖期章》繼母嫁,從爲之服 ,以相與同室則生緦之親焉是也。 從君 爲 君子子爲庶母慈己者,小功以慈己加 生小 生服,如夫之娣 君之父母、妻、長子、祖 從服,如婦爲舅姑不杖期,妻從 而服,大夫之妾爲君之庶子 功之親焉; 名服, 姒 爲夫之從父昆弟之 婦 如世母、叔母不 小功,以 也。 父 小功,以 (母不) 相 加 與 服 · 杖 大 杖 居 適 父 夫

曹元弼學

《書》之言曰:「天敘有典,天秩有禮。」《詩 章,自視、聽、言、動 要道,要道謂禮樂。《論語》言禮者四十餘 禮以正之。 章文武,約以周禮,賈、服、穎説。 序》之言曰:「發乎情,止乎禮義。」《春秋》憲 以見天下之動,而觀其會通,以行其典禮 則其微言大義也。 記》則其義疏也。《孝經》,禮之始,而《論語 於禮得失之迹也。《周官》,禮之綱領,而《禮 之政,皆禮也。 六經同歸,其指在禮。 《易》之象,《書》 《鄭志》。 《詩》之美刺、《春秋》之裦貶, 故《易》之言曰:「聖人有 《孝經》開宗明義言至德 與凡事親、教子、事君、使 所譏 所善,按 0

《孝經》,伏生以禮説《書》,毛公以禮説《詩》, 坊 聖無法之徒所得 節,炳若日星,千歲一揆,百世可知。 條分科別,以舉一隅。學者因端推類,可以 與相表裏。 明。禮之義誠深矣! 賈氏之注《禮》、疏《禮》,又皆以群經轉 禮,而班氏《白虎通義》之論禮,鄭君、孔氏、 禮爲之體。故鄭君以禮注《易》、《書》、《詩》、 見先王制度、聖作明述。 禮》、《儀禮》發源是一、《儀禮疏》序。《禮記 左氏以禮説《春秋》、《公羊》、《穀梁》亦皆言 已。三代之學,皆所以明人倫。六藝殊科, 變禮所由。《禮記正義》。 臣、使民、爲國,莫不 七十子之徒共 而 肆 亂 也 今據鄭注,附以 撰 以妖言邪説、投閒抵隙、壞 所聞,或録 · 以 禮。 盡六經之文,無一不 蓋聖人之道,一禮而 同 .條 諸家引經之説, 舊禮之義,或 陳氏 其理 澧説。 一,合若 斷非 '相證 \sim 非 萴 周 符

793

會通第四

禮

易

事。《易》禮、象也、法象莫大乎天地。伏羲定乾坤索六子、立三綱敘五倫、别人類於禽定乾坤索六子、立三綱敘五倫、别人類於禽定乾坤索六子、立三綱敘五倫、别人類於禽定乾坤索六子、立三綱敘五倫、別人類於禽

生。

《禮》,筮法在《易・繋辭》,鄭注説《禮》多引按:冠禮、喪禮、祭禮、聘禮皆有筮。筮儀在注云:『鬼謀,謂謀卜筮於廟門。』是也。」 建云:『鬼謀,謂謀卜筮於廟門。』是也。」 《 世冠禮》:「筮于庿門。」 注曰:「以

「玄裳、黄裳、襍裳」。 注曰:「襍裳 |

〈易》爲證

惠氏棟以爲此説合於《易》。易,氣自下而貴者也。」注曰:「無生而貴,皆由下升。」五。《記》:「天子之元子猶士也,天下無生推色,天玄而地黄。」」案:「黄裳」,見坤六者,前玄後黄。《易》曰:『夫玄黄者,天地之

日: 注曰:「蛇龍,君子之類。」與《坤》上六注「聖 曰 : 「祖陽・ 『天地養萬物、聖人養賢以及萬民。』」 鄉 鄉射禮 飲 氣 酒禮・記》:「亨于堂東北 •記》:「楅,龍首,其中蛇交。」 之所始 也。 陽 氣主 養。 注

曰:「臣道直方。」 注説以《易》義

人喻龍,君子喻蛇」同義

白茅,无咎。」 《士虞禮》:「刌茅。」 《易》曰:「藉用

二九四

書

之極。 立。 禮 以 宗法、喪服、祭典皆至是而定。 後百姓親、五品遜,井田、封建、軍賦、學校、 羲正人倫、立王道以來至唐虞,地平天成,而 禮治天下之實政也。 事,良法美意,仁覆萬世。 君,周公之所以爲子、爲弟、爲臣,皆立人倫 在 事爲之制,曲爲之防,而萬世之彝倫敘、治 大旨不殊。故《書》可以見禮之源委,至周公 斷《堯典》,自虞及周,通變神化,世有損 者,人倫也。 興,内順治 孔子曰 知其義而敬守之,物恥足以振 以愛敬、生養、保衛天下生民,立 二事證,特 加 「爲政先禮,禮其政之本與?」 堯之所以治民,舜之所以事 外無敵、書》之大用於是乎 陳數之末耳。 禮之所起遠矣! 故《書》者,聖人以 故孔子删書 畧就《書》 國 自伏 功立 恥足 益 本 而

説未及者録之。

士冠禮》:「旅占。」

《洪範》所謂「三

人占」。

典》、《周官・大宗伯》、《記 《士相日 見禮 以《觀 禮》 • 用 曲禮》及《春秋 摮 ·與《書 堯

傳》説用摯法皆同 鄉飲酒》、《燕禮》用樂,歌、笙、閒、 合四

節與《皋陶謨》「戛繫鳴球」一章義協

案:《書》又曰:「侯以明之,撻以記之。」《周 則撻之。」 鄉射禮》司射取扑,「記」:「射者有 注引《書》「扑作教刑」爲證 過,

《書》曰:「笙庸以 禮》亦有「觵撻」。 《大射儀》笙磬、頌磬,古文頌爲庸。

覲禮》見《書· 堯典》及《康王之誥

閒

祭天,燔柴。 《書》曰:「至于岱宗,柴,望秩于山 祭山、丘陵,升。 祭川,

沈。

二九五

川。』《禮記・王制》亦云,詳《解紛》。

妣,三載。」則三年之喪,唐虞已然。《喪服》《書・堯典》:「百姓如喪

考

詩

《詩》,感禮教之興衰 美,蹈德詠仁,由儀率性,識其邦本深固,可 豳 將好之樂之,知其 忠厚藹惻之情,不啻如或遇之。 以身處其地而察其情,金聲玉色,盛德之容, 餼羊者,因是以求禮。 衰,有不勝辛有被髮之歎,而惓惓於告朔之 大可久。及讀變雅,傷人倫之廢,憫王道之 人情之實 、雅、頌諸篇,想見當時人倫之厚,禮俗之 詩》禮相通之義、《詩説》已著之。 以詩情求禮意,非惟不苦其難 爲吾性之所固有,而安處 而 既離其句,肄其儀,設 作 也。 昔愚嘗讀南、 信乎,禮者, 夫

取周詩,故禮經節文尤多合。情淑性,事半功倍,餘篇可類推之。孔子純《射》諸篇,以歌、笙、間、合所用《詩》求之,陶昔周公制禮,《詩》爲樂章,《鄉飲》、《燕》、

二九六

《詩》「有類者弁」之類,蓋本三家《詩》之《冠禮》正容體、齊顏色、順辭令之意。缺,注《討禮》正容體、齊顏色、順辭令之意。缺,注《討禮》:「緇布冠缺項。」 緇布冠,

類。

曰:「常服黼冔。」 「問弁殷冔」《詩》曰:「載弁俅俅」,又

如之何? 匪媒不得。」 「昏禮,下達」 注説以《詩》云:「取事

用鴈」,記:「凡行事,必以昏昕。」●

❶ 「以」、《儀禮注疏》作「用」。

善、樂循理,忽不自覺其人於聖賢之域矣。

之所,三百篇之次是也。樂之所,歌、笙、間、其所。」昔人謂詩有詩之所,樂有樂之所。詩記》、《左傳》。子曰:「樂正,《雅》、《頌》各得夏、驚夏、貍首、新宮等見《周禮》、二戴《禮之法,與《左傳》、《國語》相表裏。 陔夏、肆

《詩》曰:「雝雝鳴鴈,旭日始旦。」

「親迎」

親迎禮見《詩・大明》等篇,儀

節皆與此經相應。又:《詩》、《春秋》皆有譏

云:『既立之監,或佐之史。』」《鄉射禮》:「立司正。」注:「《詩》

合篇次是也。

《行葦》亦先言燕,後言射。 《大射儀》《詩・賓之初筵》説此禮,

797

「將乘矢」 注:「《詩》曰:『四矢反兮,

以禦亂兮。」

《聘禮》:「設飱。」注:「《詩》云:『不

雅大禮。 素雅兮。』」又引《春秋傳》:「方食魚飱。」明

《詩》曰:「韓侯出祖。」又曰:「取羝以「出祖,釋軷,祭脯醢,乃飲酒于其側」。

會通第四

軷。」又曰:「飲餞于禰。」

四 秉曰 筥 注 曰:「筥, 穧 名 也。

《詩》曰:『彼有遺秉,此有不斂穧。』」

覲禮》見《詩・采菽》、《韓奕》。 載旂、

執圭、賜車服、《詩》、《禮》文皆相應。

深衣。《詩》云:『麻衣如雪。』」 喪服》:「麻衣。」 注曰:「如 小功布

《既夕》:「説髦。」 《詩》云:「髧彼兩

髦。」《記》云:「拂髦。」

「有柲」 《詩》所謂 「竹柲」。

士虞禮》:「哀 顯 相。 「 顯 相」見

《詩》。

饎」、《王制》、《孟子》「圭田」同義。 圭爲而哀薦之」 「圭」與《詩》「吉圭爲

詩》「何其久 特性》:「養有以也、酳有與也。」 也? 必有以也。 何其 處 也? 與

必有與也」語意相類。

説》發之已詳,其事證尤多,録其畧。

氏廷堪有説。

「儐尸」 詩

•

P

絲衣》序曰:「繹 賓

也。」

桃匕 注: 讀如《詩》『或春或抌』之

扰。 。

周 禮

類合誼以見指撝焉。 法。《周禮》、《儀禮》發源是一者,學者可比 雎》、《麟趾》之德意,而後可行《周官》之大 同愛之心,以爲立功、立事之本,所謂 以立孝弟、忠順、仁義之則,而起天下合敬、 無不備,而今不可考矣。幸其猶有存者,可 事,度禮全經時事别爲篇。 周禮》者,聖人本人倫以 二禮一貫,《經禮曲禮 《周官》之事,當 立王道之實 有《關

五禮。

法與《大卜》、《筮人》諸職相應,注多引彼文 (士冠禮》:「筮于庿門。」 禮經卜筮儀

象飾。 「皮弁」 案: 禮經冠服 注據《周禮》,推士之皮弁無玉 等差制度,皆與《司

服》、《弁師》相應。

按: **籩豆之實,皆見《籩人》、《 醢人》。** 兩豆:葵菹、嬴醢; 兩籩:栗、脯」

屨「絇、繶、純」 制見《屨人》。

「《周禮》曰:『凡嫁子娶妻,入幣純帛無過五 《昏禮》:「納徵,玄纁束帛。」 注:

兩。二

《周禮》曰:『食齊視春時,羹齊視夏時。』」 黍稷四敦,皆蓋。太羹湇在爨」 注:

女次 注 : 「《周禮 追師》掌『爲副

會通第四

禮

經

編、次』。」

執之。」 《士相見禮》:「上大夫相見,以 注以《周禮》説之曰:「秋獻麛,有 羔,如麝

成禮,如之。」

「將食」 「宅者」 注引《載師》「宅田」爲證。 注説以《膳夫》:「品嘗食。」

《鄉飲酒》、《鄉射》,《周禮・鄉大夫》、

《大司徒》、《鄉大夫》、《黨正》職,於《鄉射 《州長》所職,鄭《目録》及注於《鄉飲》備引

引《鄉大夫》、《州長》職爲説。 凡禮經綱領

皆在《周官》,經曲相表裏,於此明矣。

弗繚,右絶末以祭」 繚祭、絶祭見《周

禮》。

「不齒」。 賓若有遵者,席于賓東 《周禮》所謂

《鄉射禮》

射法、射儀與《周禮・射人》

合。

二九九

縣于洗東北」 《鄉飲》、《燕》、《射》樂

縣之制與《周禮・肆師》合。

張侯」 侯制與《考工記・梓人》合。

旌各以其物」 凡旌旗物名,注皆據

《司常》爲説

《明例》。 禮》悉合,惟諸侯之官位差卑,職有兼耳,詳 《燕》、《射》、《聘》、《食》、《覲》官制與《周

篇几筵之制,注皆據《司几筵》爲説。 司宫筵賓」《燕》、《射》、《聘》、《覲》等

爲獻主。」據《周禮》爲説。又:《文王世子》 《燕禮》:「主人。」 注曰:「天子膳夫

曰:「膳宰爲主人。」

『觚」當爲『觶』,誤同此。」 《考工記》『獻以 解,言觚者,字之誤。」李氏 賓降洗,升勝觚于公」 爵 丽 酬以 觚」,馬季長云 注曰:「此當 如 生云:

> 「内羞」 《大射》張侯、設鵠 注以「羞籩、羞豆之實」當之。 注約《射人》、《梓

人》説之。

樂縣 祭侯 注引《梓人》祭侯辭爲説。 注約《肆師》説之。

節及《投壺》貍首鼓節爲證。又引《學記》「 無當於五聲,五聲弗得不和」,明樂以鼓 「不鼓不釋」 注引《射人》天子以下射 鼓

節。

『凡諸侯之邦交,歲相問 《聘禮》 鄭《目録》云: 也,殷 $\stackrel{\neg}{\sim}$ 周 相聘 禮 也。」 $\stackrel{>}{\exists}$

按"歲相問,即篇末所謂「小聘曰 I問」。

「宰命司馬戒衆介」 注曰:「《周禮》司

圭、璋、璧、琮,以頫聘。』」 馬之屬,司士掌作士,適四方,使爲介。」 **圭、璋、璧、琮** 注:「《周禮》曰: 『瑑

「以介對」 介數,卿視其君爲降殺。 注

有牢。

説以《周禮》曰:「凡諸侯之卿,其禮各下其

君二等。」

「及郊」 注據《周禮》推次諸侯近郊、遠

郊里數。

於堂,凡此禮與《周禮》異者,注皆别白言之。 | 「受于舍門内」《周禮》公之臣則受勞 |

侯車米視生牢,禾視死牢。」此大夫皆視死「門外米、禾皆二十車」《周禮》:「諸

注據《周禮》詳言交擯、旅擯之制。「卿爲上擯,大夫爲承擯,士爲紹擯」

「大夫奠鴈再拜」《周禮》:「諸侯之卿

見朝君,則執羔。」

據《周禮》兵事韋弁服及《春秋傳》靺韋爲説。「韋弁」 注曰:「靺韋之弁,兵服也。」

大夫歸禮 《周禮》夫人致禮于朝君,則

退」注:「《周禮》曰:『賓從,拜辱于朝,明退」注:「《周禮》曰:『賓從,拜辱于朝。公辭,賓

日,客拜禮賜,遂行。』」

賄,在聘于賄」

注:「《周禮》曰:『凡

諸侯之交,各稱其邦而爲之幣,以其幣爲之

禮。<u>"</u>

5°10″周澧》曰:「共資子2次酉。」20″《公食大夫禮》:「飲酒、漿飲,饌于東

「賓之乘車在大門外西方,北面立」房。」● 《周禮》曰:「共賓客之飲酒。」●

據《周禮》推之曰朝位,卿大夫則當車前。

《覲禮》鄭據《大宗伯》言四時朝、覲禮

爲目。

職》推郊勞當使大行人。 「王使人皮弁用璧勞」 注據《小行人

「候」、《儀禮注疏》作「俟」。

▶ 「飲」、《周禮注疏》作「禮」。

注

<u>=0</u>

約《周禮》説之曰:「遂人主引徒役,匠人主

帷 門 注 掌舍職》曰 : 爲 帷宫

設旌門。」

侯氏裨冕」 注據《周 禮 司服》爲説

又:《玉藻》曰 諸侯「裨冕以朝」。

四享 注據《周禮》「庿中將幣三享」,

破

四爲三。

饗禮,乃歸」 注説以《掌客》饗、食、

燕。

引《司儀》、《司盟》職爲證。 諸侯觀於天子節」,言會同之禮,注備

喪服》斬衰、齊衰、大功、小功、錫衰、緦

衰皆見《周禮・司服》。

壺氏》: 『凡喪,縣壺以代哭。』 《土喪禮》:「代哭。」 注曰:「《周禮

君視大斂,巫止于廟門外,祝代之」

注:「《周禮 • 男巫》:『王弔則與祝前。」」

《既夕・記》:「遂匠納車于階閒。」 注

> 記》謂之團,或作輇,或作槫。」 載柩窆。]又曰:「車、《周禮》謂之蜃車、《襍

曰:『既祭,則藏其墮。』」

《士虞禮》:「墮祭。」

注: 【《周

禮

故《禮》以「特牲饋食」、「少牢饋食」名篇。 食,祭以牲 告,奉盛以告。」《孟子》亦以犧牲粢盛並言, 《特性饋食禮》 與盛爲主。《左傳》曰:「奉牲 《周禮》享先王 亦稱 以 饋

《記》作肅。 「宿尸」 凡宿、《周禮》、《禮經》皆作宿,

禮》曰大祝相尸禮。」 《少牢饋食禮》:「祝延尸。」 注: 《周

禮・大宰》亦「贊玉几」。 《有司 徹 》:「主人降,受宰 · 广。 \sim 周

禮 記

二戴《記》之説禮,大類有三: 曰 禮、 日

友,庸德之行,庸言之謹,修身、親親、尊賢

災捍患,而仁覆天下,利濟萬世。 之所同然,先知覺後知,先覺覺後覺,使天下 天下之愛敬,合天下之智力,以養欲給求、禦 相與講明其義,而身體之,心存之,是之謂 王正人倫以達天下愛敬之心,聖人先得人心 正》、《文王官人》之等,政類也。夫禮者,先 學記》、《中庸》、《儒行》、《大學》、《曾子》十 由是以不忍人之心,行不忍人之政,同 《曲禮》、《檀弓》、《遷廟》、《釁廟》、 義》、《朝事 以行禮也。冠、昏、喪、祭、聘、 《王制》、《月令》、《夏小 義》等篇,禮 故學所以 類 也。 爲説。 證明如左。 等既録入《要旨》,今輯鄭注,以制度文句相 心,豈可反棄經任傳、遺本宗 蓋 之,則忠孝仁義之心油 禮》、《儀禮》,一時之書、《禮記》,萬世之書。 下國 以三達德行五達道。大舜、文武、周公爲天 本立、雖歷萬變而不離 不知禮之所尊尊其義、《禮記》之義,皆依經 人倫,聖人之道,一禮而已。 示人以讀 家,皆由 即 儀法、度數以 經之法, 此推之。 三代之學,皆所以 而 其宗。 然 考誼理之存,神 鼓 圃 動 生,而萬 末哉? 其

學、日

政。

冠

義》、《昏

篇之等,學類也。

焦里堂謂《

周

明

《玉藻》義,下「爵韠」、「采衣」同。凡《禮經》 韠。」 衣服之制、《玉藻》其 士冠禮》:「主 鄭説天子諸侯朝服 (通詰 人 (玄冠 及 朝服 帶韠之制,皆約 緇 帶,素

禮,皆不外此

《中庸》一篇言禮之精義,始

於戒懼慎獨、擇善服膺,終於不賞民勸、不怒

民

() 篤恭|

而

天下平。

而

其實,在乎子臣弟

明禮也,政所

覲、射、鄉,人

八倫

所

由定,克己復禮,爲

或

以

宰自右少退贊 命 注 少儀》曰

興藝樂學之

《冠義

《禮記》所説

事之根

而

明

學。

三〇四

·贊幣自左,詔辭自右。』」凡《禮經》佐禮儀

位、辭命、《玉藻》、《少儀》其通詁。

「若不吉,則筮遠日」 曰:「旬之外。」

據《曲禮》爲説。

「爵弁服」 注:「《襍記》曰:『士弁而

祭於公。』

醴賓,以一獻之禮」 注以一獻決醴不

用柶,引《内則》體有清糟爲證 記:「冠義」 此篇與《禮記・郊特牲》

文同

死而謚,今也」 注説以《檀弓》曰:

由魯莊公始。」

純衣纁袡」 注引《喪大記》「復衣不以

袡」,明袡非常服

壻御婦車,授綏」 注以《曲禮》説之

曰:「僕人之禮,必授人綏。」

主人人,親説婦之纓」 注以《曲禮》

女子許嫁纓」説之。

「婦見舅姑,自門入」 《内則》命士以

上,父子異宫,此其證

「笲棗栗、腶脩」 婦人之摯,見《曲禮》

及《春秋傳》。

「奠菜」《曾子問》所謂三月而廟見,其

後又別有擇日祭禰之禮,與祭行異。

「女子許嫁,笄而醴之,稱字」。《曲禮》、

「唯是三族之不虞」 注謂此三族皆服

期,踰年乃得娶,引《襍記》「大功之末,可以

冠子、嫁子」爲證。

「視諸衿鞶」 《内則》曰:「女鞶絲。」

《士相見禮》 鄭《目録》引《襍記》以明

相見之誼,亞于朋友。

「左頭奉之」《曲禮》:「執禽者左首。」

《内則》文畧同。《襍記》别出未許嫁,年二十

而笄之禮。

凡侍坐於君子節,與《曲禮》相表裏, 若

君賜之食節,與《玉藻》、《論語》相表裏。

「先生、異爵者請見,先見之」 注

「《曲禮》曰:『主人敬賓,則先拜賓。』」

乃明。 「非以君命使」節 注又引《檀弓》「使焉曰寡君之老」爲 此文以《玉藻》相證

説。

執玉,舉前曳踵」 文又見《玉藻》。

介 《鄉飲酒禮 鄉飲酒禮但稱鄉,屢見《禮記》。 • 記》:「鄉,朝服而謀賓、

注:「《祭統》曰:『凡爲俎者,以骨爲主, 賓俎,肩。主人俎,臂。介俎,肫、胳」

骨有貴賤。」凡前貴後賤。」

外。」 此學制當合《禮記》、《孟子》考之。

《鄉射禮》:「豫則鉤楹内,堂則由

某酬某子」 注説以《中庸》曰:「旅酬

下爲上,尊之。」又引《春秋傳》曰:「字不若

子。

「息司正」 注:「息,勞也。《月令》:

『勞農以休息之。』」

《燕禮》:「司宫尊于東楹之西。」

注:

「《玉藻》曰:『唯君面尊。』」

氏之尊也。」又引《禮器》曰:「君尊瓦甒 「瓦大」 注據《明堂位》説之曰:「有虞

「諸公」 注以《王制》三監當之。

「賓及庭,奏《肆夏》」 注説以《記》曰:

「入門而縣興。」

沙,引《郊特牲》「汁獻」爲證。 《大射儀》:「兩壺獻酒。」 注讀獻

爲

「貍首」 逸文見《射義》及《大戴 · 投

壺》篇。

楹

「公人、《驁》」 大射行於大學、《王制

「大學在郊」,故公出而言人。

《聘禮》受圭璋、受璧琮、束帛玄纁 注

三〇五

三〇六

據《禮記 説之曰 : 圭 璋 特 達, 瑞 也 ; 璧 琮

有加,往德也。」

者,已受命,君言不宿於家。」」 「遂行」 注:「《曲禮》曰:『凡爲君使

以將人,必謁關,以此坊民,猶有假朝聘而襲 者竟上爲關,以譏異服,識異言。」按:此 人國者。 「乃謁關人」 注據《王制》説之曰:「古 所

「不腆先君之祧」 注據《祭法》推 明桃

廟之制。

君入門,介拂闌」云云,以明 「公揖入,每門、每 曲 揖 君 與賓入門之 注 引《玉 藻》

儀。

曲 .禮》曰:『執玉,其有藉者則裼,無 上介不襲,執 主,屈 **繅,授** 賓 藉者 注 :

則襲。」

賓襲,執圭」 《玉藻》所謂執玉襲,凡

> 服 裼 、麑裘,其裼 襲之義及裼裘之制《玉藻》備 衣蓋 君用素衣,臣用絞衣,注 矣。 此皮弁

並引《玉藻》、《論語》爲説

所謂「公事自闑西,私事自闑東」。

聘享,入門左,私覿,入門右

玉

私覿,「牽馬,右之」 注:「《曲禮》曰:

『效馬效羊者右牽之。』』

面卿,「入門右,大夫辭,賓 遂 左」。

『客若降等,則就主人之階,主人固辭,然後 曰:「見,私事。謙,若降等然。 ́ 曲 禮》曰

客復就西階。」

酒:清、白。」 酸、黍、清」 醙,白酒也。 《内則》曰

必有獻。」 「若有獻」 《曲禮》曰:「大夫出疆,反

約《内則》説之曰:「禮,臣子,人賜之而 君使宰賜使者幣,使者再拜稽首」 必獻 注

注

賜。 之君父,,君父因以予之則拜受之,如 更受

遭君喪,若私喪兩節 當與《奔喪》禮相

參。

所以朝天子圭與繅,皆九寸,剡上寸

半二云云 與《襍記》文大同

執 圭如重」 注:「《曲禮》曰:『凡執

主器,執輕如不克。」」

「皮馬相間可也」 注約《禮器》説之

曰:「土物有宜,君子不以所無爲禮。」 《公食大夫禮》:「庶羞。」 與《内則》所

列膳同。 惟彼文「牛炙」上衍「醢」字,「牛鮨」

作「牛膾」耳。

「左擁簠粱,右執湆以降」《曲禮》曰:

客若降等,執食興辭,主人興辭于客,然後

客坐。」

北 面坐取粱與醬以降」 《玉藻》曰:

> 徹之。」《曲禮》曰:「卒食,客自前跪徹飯齊, 出授從者。」又曰:「主人自置其醬,則客自 「若賜之食而君客之,君既徹,執飯與醬,乃

以授相者。」

「有司卷三牲之俎,歸于賓館」

《襍記》

曾子述此禮。

「賓之乘車在大門外」 《曲禮》曰:「客

車不入大門。」

《覲禮》:「侯氏釋幣于禰。」

子問》知此禰爲遷主

特牲》曰:「覲禮,天子不下堂而見諸侯。」 子當依而立,諸侯北 「天子衮冕,負斧依」 面而見天子曰覲。」《郊 命曲 禮》曰:「天

腊 以下當之。 庭實唯國所有」 注以《禮器》「三牲魚

(喪服》 《記·檀弓》、《喪服小記》等篇 應,不可具引。

皆正釋此經,非旁通,語語相

三〇七

注據《曾

兹惟 據注所引者録之。

絰 注説以《檀弓》曰:「絰之言實

也。」

條屬」 注:「《襍記》曰:『喪冠條屬,

以别吉凶。」

「舍外寢」 注據《襍記》説之曰所謂「堊

室。

此髽,露紒耳。注又據《小記》推

出未成服時用麻布之髽。

喪,推出適子父在爲妻不以杖即位 杖期章妻 注據《服問》君主、適婦之

見,適子、庶子已食而見」,明冢子外,適妻所 「爲衆子」 注引《内則》「冢子未食而

生第二子以下及妾子皆爲衆子。

服》,兄弟之子猶子也。蓋引而進之。』」 「昆弟之子」 注:「《檀弓》曰:『《喪

「收族」 注説以《大傳》繫姓、綴食。

> 「寄公」 見《郊特牲》、《襍記》。

「殤之絰不樛垂」 注:「《襍記》曰:

『大功以上散帶。』」按:此謂未成服時成人

之喪,成服後即樛之。

「大功、即葛」 注:「《間傳》曰:『大功

之葛,與小功之麻同。」

也。」 注説以《檀弓》曰:「出必降之者,蓋 「姑姊妹、女子子適人者。」傳曰:「出

有受我而厚之者。」

「夫之昆弟何以無服」 傳説此義全同

《大傳》所謂「異姓主名」。

「殤小功、澡麻帶經」 注引《小記》「下

殤小功,帶不絕本」爲證。

「小功,即葛」 注:「《間傳》曰:『小功

之葛與緦之麻同。」」

諸母爲師、慈、保母證之。又:《曾子問》慈 「君子子爲庶母慈己者」 注引《内則》

公子爲其母練冠麻,麻衣縓緣」 注

「《檀弓》曰:『練,練衣黄裏、縓緣。』」

「朋友麻」 注:「《檀弓》曰:『群居則

絰 ,出則否。」

皆正説此經,非旁通。不可具引,今亦依注 士喪禮》 《記·檀弓》、《喪大記》等篇

幠用斂衾」 注:「《喪大記》曰: 『始

死,遷尸于牀,幠用斂衾。]]

「皋某復」 注:「《喪大記》曰:『凡復,

男子稱名,婦人稱字。」」

冒 注引《喪大記》證冒制。

注引《喪大記》證緣衣所以表

袍。

「竹笏」 注引《玉藻》明笏制。

煮沐,夷槃,浴,襲牀,絞,夷衾 注皆引

會通第四

禮

經

喪大記》爲證

「祭服」 注據《郊特牲》「大蜡,皮弁素

服而祭」,明皮弁亦祭服。

曰 『斬衰括髮以麻,免而以布。』」

「主人髻髮,衆主人免」

注:「《小記》

髽 注引《檀弓》夫子所説髽制

「代哭,不以官」 注引《喪大記》文同。 掘肂,見衽」 注"「《喪大記》曰"『士

殯見衽,塗上,帷之。」

「主人奉尸斂于棺」 棺在西階上建中,

注:「《檀弓》曰:『殯于客位。』」

君視大斂,「小臣二人執戈先,二人後」

注:「《檀弓》曰:『君臨臣喪,以巫祝桃茢執

戈,以惡之。」

來也。 諸臣之家,是謂君臣爲謔。」」 「君釋菜、入門」 《禮運》曰:『諸 侯非問 注曰:「明君無故不 疾弔喪,而入

三〇九

齊玄而養。」

「主人乘惡車」

注:「《襍記》曰:『端

衰,喪車,皆無等。]]

「唯君命,止柩于堩」

注:「《曾子問》

曰 : 『葬既引至於堩。』 《士虞禮》:「主人倚杖,人。」

注:

「《小記》曰:『虞杖不入於室。』」

説以《曾子問》曰:「士祭不足,則取於兄弟 **贊薦菹醢**。 此與吉祭主婦薦異。注

大功以下者。」

「祝迎尸」 注 「《檀弓》曰:『既封,主

人贈而祝宿虞已。」

「尸拜,遂坐」 《記》曰:「殷坐尸。」周

禮因殷。

中而虞」。 日中而行事」 《檀弓》曰: 朝葬,「日

敢用絜牲剛鬛」

牲盛之號與《曲禮》

三日,成服」 注曰: 既殯之明日,全

三日,《曲禮》曰:『生與來日。』」

葬。〕據此禮言。《左傳》晉文公將殯于曲沃 《既夕》遷祖 《檀弓》曰:「周朝 而 遂

蓋猶用殷朝而殯于祖之禮,與此經異。

明器 「飾柩」 詳《檀弓》。 柩飾詳《喪大記》。

客之,所以爲哀。」」 苞性」 注:「《襍記》曰:『父母而賓

曰「哀次」。 「出宫,踊」 注據《檀弓》、《襍記》説之

「賓出,則拜送」

注據《襍記》説之曰:

相問之賓。 賓弔者升自西階」 《記》所謂 「周反哭

而吊」。

記發首諸語,全與《喪大記》同

養者皆齊」《文王世子》曰:「世子親

Ξ Ο

不盡同、蓋天子、諸侯、大夫、士禮異。

明齊溲酒」 注:「《郊特牲》曰:『明

水涚齊,貴新也。」」

之「他」,即《檀弓》之「變」,皆《小記》「報虞, 之吉祭也,比至於祔,必於是日也接。」此記 「三虞,卒哭他」 《檀弓》曰:「其變而

而三月卒哭」者中間之祭。

·婦人説首經,不説帶」 注:「《檀弓》

曰:『婦人不葛帶。』」

明 日,以其班祔」 注:「《小記》曰:

` 祔必以其昭穆。」

無父者爲之。爲人子者,「祭祀不爲尸」,於 曰:「字尸父而名尸」,禮,不名鬼神。 尸,筮 《特牲饋食禮》:以「某之某爲尸」 注

此明矣。

「宵衣」 注曰:「記有『玄宵衣』。」

肵俎 注引《記》曰:「肵之爲言敬

也。

祝延尸」 注曰:「從後詔侑曰延。

《禮器》所謂『詔侑武方』。」

「絶祭」 注引《少儀》曰 「肺,離而不

提心。」明離肺所以當絶

尊兩壺于阼階東」 注:「《禮運》曰:

『澄酒在下。』」

以此爲陽厭,尸未入之先爲陰厭,據《曾子 「佐食徹尸薦、俎、敦,設于西北隅」

問》爲説。

器》曰:『貴者獻以爵,賤者獻以散,尊者舉

「實二爵、二觚、四觶、一角」

注

√ 禮

觶,卑者舉角。]」

祭爨 《禮器》所謂 「老婦之祭」。

《曲禮》説之日:「内事用柔日。」 《少牢饋食禮》:「日用丁己。」 注據

有司徹》:「不儐尸。」 舊説以爲攝昆

注

三

· 1。 弟祭。注引《曾子問》「攝主不厭祭」云云辨

以上《小戴禮記》

者,足以補經之缺。 有《公冠》篇。記所謂「公侯冠禮,夏之末造」 《士冠禮》《禮經》所存,惟士禮。大戴

《士相見禮》「與君言」節 《曾子》述其

文。

旨》。
語,與小戴《聘義》同。其説覲者,録人《要語,與小戴《聘義》同。其説覲者,録人《要《聘禮》、《朝事義》篇説聘禮

以上《大戴禮記》

春 秋

所自 水 敗 來 嗚 以 也。 呼 舊 禮爲無所用而去之者,必有亂 以 禮止 舊坊 亂之所由生,猶坊止水之 爲無所用 而 壞之者,必

患。 肉强 作六軍,大夫主盟而魏舒南面,三家分晉之 亂 子,孔子對以「君君、臣臣、父父、子子」,公不 執戈前,識楚憂之遽作, 哀出辱之釁啟、陽虎、不狃之患亦不旋 勢兆,魯季氏八佾舞庭,歌《雍》臚岱 僭端見矣! 是後,諸侯恣行,淫侈不軌。 晉 至犬戎敗幽王,秦襄公列爲諸侯,用事上帝, 漸 然倡蔑棄恩義、殫殘聖法之説,反易天常,惑 其能久乎? 逆順大勢既已倒懸,索隱行怪 不可假人,大爲之坊,民猶犯之,短垣自踰 悟,而田成子一旦弑君而盜其國。惟名與器 孫林父公登亦登,知衛亂之將萌,公子圍 之人、包藏禍心之徒,遂乘分理不明之時,公 衆 久 矣。 臣弑 食,以成積 心,其勢不 君、子弑父,非一旦一夕之故也,其 周之衰也,夷身失禮,厲始革典。 至 血暴骨之敗不 盡 廢孝弟仁義、率天下弱 齊景公問政於孔 止! 是以 一,而昭 踵 孔

則

孔子秉禮作經之精義存。

公之禮也。

而

楊、墨以閑孔子之道也,孔子討亂賊以

閑

左 傳

東

子體天

地好生之仁,憂來世無窮之禍,制作

者,子之天。

禮之大本也

!

賊懼而後天下知有君父。

春秋》以明禮教,撥亂反正,首誅亂

賊

愛,畢智協力以相生、相養、相保,人事浹、王 遏殺機、保生理。 故《春秋》者,禮之大宗也。 道備,而禮之大用行矣。《春秋》義深於君 政教,有秩敘、節文、度數,尊尊親親,合敬同 有君父,則有三綱五倫,有忠孝仁義,有恩理 傳》可以見禮教隆汙之殺。《公羊》、《穀梁》, 孟子曰:「吾爲此懼,閉先聖之道。」孟子闢 事,必謹書之、嚴辨之,以塞逆源、明順道,以 禮達於萬世矣。三傳說經,皆言禮、《左氏 民之所由生,禮爲大、《春秋》作 君者,臣之天,父 故凡變禮亂常之 人非天不生。 亂 周 烈,流 明。 餘年。 行。 遷以 其德。下及康、昭之後,雖有衰德,其綱紀 庠序之教,陳禮樂、絃歌移風之化。 敘人倫, 于中國,猶以義相支持,歌詠 産,晉之叔向,齊之晏嬰,挾君輔政,以並 之後,時君雖無德,人臣輔其君者,若鄭之子 文、武始興,崇道德,隆禮義,設辟 爲戰國者,有由然 相 正夫婦,天下莫不曉然論孝悌之義、惇篤之 交,期會以相 及春秋時,已四五百載矣,然其餘業 故仁義之道滿乎天下,卒致之刑措四 後、綱紀法度日失其序,而天下尚未 觀於左氏,而知周公制禮深根固 而 遠方慕義,莫不賓服,雅頌歌詠,以 法未滅。 五霸之起,尊 一,盟誓以 也。 劉子 相 ,政曰: 救。 以 事 相 周 天子之命 感,聘覲以 室 雍、泮宫、 「周室自 本。 五霸 尚 思 遽

父,君父之際,聖人加焉。

立

遺

猶 讓 所 依 有 爲 百 所行 或 乎? 姓 得 有所息。 何 有?』周之流化,豈不 故孔子曰:『能 以 大 禮

哉!」袁彦伯曰:「春秋之時,禮樂征伐,霸 者 迭興,以 義相持,故道德仁義之風往往 不

絶。 實,三代文獻藹 王之餘也。」王伯 雖文辭音制,漸相祖習,然憲章軌儀,先 如 也。 厚曰:「名卿大夫講聞 納鼎有諫、觀社有諫 故

之贄,管仲辭上卿之饗,柳下季之述祀典,單 襄公之述夏令、秩官,魏絳之述夏訓、虞箴,

申繻名子之對,里革斷罟之規,御孫别男女

郯子能言紀官,州 鳩 能言七律,子革倚 相 能

誦祈招懿戒,觀 商 頌》,格言猷訓 射父之陳祭祀,閔馬 , 粲然可覩。 齊虞人之守 父之稱 劉

胥臣敬德之聚,晏子禮之善物,又皆識其大 子所云『天地之中』,子産 官,魯宗人之守禮 ,懔懔秋霜夏日 所云『天 [之嚴。 地 之經」,

> 《易》象、《魯春 統紀相 承 秋 淵原相 影而 知三代之禮 續, 得 夏 時 一, 所 坤 以 乾 扶 觀 持 見

之、雖賊臣篡子滋起之時、天常聖法猶 於未墜者,豈一人之力哉?」由三子之言 未

得

禮

而盡 泯也。 然考之《左氏》,卿大夫 論 述

晉,吳、越迭興,而論禮精言惟出自 政,多在定公初年以前。 自時厥後,六 孔 氏 卿 弟 翼

子,此外罕聞。蓋伏羲以迄周公人倫道德之 教,至是而將絕,戰國暴秦之勢已成,開 闢 以

來生民禍變莫大於此! 嗚 呼 ! 此 孔子《 春

秋》所以不能已於作,以存禮教於萬世,而 豫 春

爲之遏其亂、開其治也。 秋》曰:「周禮 盡 在 魯。」蓋魯 昔韓宣子見《魯 號 秉禮,史法 最

書法考之,違義 備,然以左氏所稱「禮」、所稱「君子曰」及 (失正而襍以衰世之見、霸 國 諸

之制者亦 作則, 多矣。 與禮 經相輔爲教。 孔子修之,而 子貢 後 天秩 曰 文

萬世

四

桓、晉文,其文則史。 識 武之道未墜于地,在人。賢者識大,不賢者 小,夫子焉不學?」孟子曰:「其事則 孔子曰:『其義 鴚 某 齊 竊

之類,孔子所多學而取義者。 取之。」」左氏所述禮、皆識大識小、其事 於禮,故注《春秋》宗《左傳》,而《禮》注多引 鄭君謂左氏善 其 文

《士冠禮》 左氏有魯襄公冠事,足與禮 傳》爲證。

經及大戴相證。

「袀玄」,古文「袀」爲「均」 \sim 傳》所謂

均服」。

注"「大人,卿大夫也。」《傳》曰"「大人之忠 《士相見禮》:「與大人言,言事君。」

《鄉飲酒禮》:「無算樂。」 注以吴公子 儉者。」亦謂卿大夫。

札觀樂,爲國君之無算。

鄉射禮》: 「三耦。」 射耦見《左傳》。

> 豫則鉤 楹 内 注讀「豫」爲「成周宣

榭」之「榭」。

食、覲禮皆見《左傳》,而聘禮尤備。 注舉臧孫辰告糴于齊之等爲證。 《聘禮》:「若有言,則以束帛,如享禮。」 自假道 按:聘

燕、贈賄諸節,傳與經一一符合,所謂左氏善

郊勞、致館、行聘、執玉、升堂、餼賓、饗食

於禮,此其證也。

聘遭喪節 季文子所求遭喪之禮,是。

賓介死 芋君蓋言其禮

聘,君薨,反命

公孫歸父行之。

「請觀」 若季札觀樂,韓起觀書。

重賄反幣」《左傳》多有厚賄之事。

上。」《傳》曰: 《覲禮》: 同 「周之宗盟,異姓爲後。」 姓西面 北上,異姓東面北

「嗇夫」 見《左傳》。

覲享勞 傳》所謂「出入三 覲

重 賜 義 與 \sim 傳》「重 錦三十 兩」之

重 同。

侯氏降兩階之間,北面再拜稽首」 齊

侯下拜,守此禮

.喪服》「居倚廬,寢苫」云云 《左傳》晏

嬰守此禮。

《喪禮》弔、襚、賵、賻、含、視斂、葬 **奉**

秋傳》備矣。

尋 《有司徹》:「乃燅尸俎。」古文「燅」作 注説以《春秋傳》曰:「若可尋也,亦

可寒也。」

以上《左傳》

《士冠禮》:「見卿大夫、鄉先生。」 《國

語》趙文子冠徧見諸卿,是其事。

上握 肅慎氏貢楛矢,銘其括」,據《國語》爲説。 焉。」 、鄉射禮》:「大夫之矢,則兼束之以茅,❶ 注「言大夫之矢,則矢有題識也。

> 南宫敬叔酒,以路堵父爲客證之。 燕亦大夫爲賓。」 燕禮 ≫; 與 卿 注引《國語》公父文伯飲 燕則 大 夫 爲 賓, 與大 夫

三一六

傳》説大簇、姑洗、夷則、無射之義,明東笙西 《大射儀》「笙磬」、「頌磬」 注引《春秋

頌 所由命名。

以 上《國 語》

公羊 穀梁

王狩於河陽」。 踐土之會,實召周天子,而《春秋》諱之曰「天 吴、楚之君僭號稱王,而《春秋》貶之曰「子」。 尊君父,討亂賊,善善惡惡,正名順言。故 許世子止不嘗藥,坐之弑父。 晉趙鞅以地正 孔子秉先王制禮大經大法以作《春秋》, 晉趙盾不討賊,坐之弑君。

⁰ 「兼」,原作「異」,據《儀禮注疏》改。

同

國,不 子懼焉。其推見至隱,見微知著。魯文公未 《公羊》義説之曰「孔子祖述堯舜之道,而作 謹書之,以爲般閔之禍自此始,無禮必敗也。 終喪納幣,當時以喪畢始娶謂之禮。 類以繩當世,《春秋》之義行,則天下亂臣 背經反傳之失矣。《禮·喪服傳》與《公羊》 《春秋》,而斷以文王、武王之法度」,足以正 之用,託言《春秋》改制者,考《中庸》之説《春 務也。《公羊》後師有推衍禮文,備時王制作 之精意,孝敬之準式,人倫之師表,治世之要 禮正事,決嫌疑、別同異、明是非、杜漸防萌 凡《公羊》、《穀梁》所述名言至理,皆孔子據 重在志也,哀姜至大夫宗婦覿用幣、《春秋》 秋》深探其忘親之心,譏其「喪娶」。 秋》曰「仲尼祖述堯舜,憲章文武」,鄭君本 .出子夏,故鄭注時有據彼定此者。 待命而除君側之惡人,謂之叛。 禮之所 而《春 推 此 賊

> 《春秋》之元,皆慎始。」此《公羊》義,史書元 年常辭耳。孔子修之,則寓大始正本之義。 冠、昏 《大戴記》曰:「《禮》之冠、昏,

《昏禮》:「雖無娣,媵先。」

媵禮屢見

《春秋》,公羊家言之尤詳。 尊尊,先姪」,孔氏廣森據此禮辨之。 與諸侯二國來媵有别。 何氏《解詁》謂「文家 此以姪娣爲媵

壽來納幣」證之,皆《公羊》義。 注舉「紀裂繻來逆女」及「宋公使公孫 「宗子無父,母命之。 親皆没,己躬命

「仡然從於趙盾」之「仡」。 《鄉飲酒禮》:「疑立。」 注讀「疑」爲

居。」 喪,徐行而不反。」 《聘禮》:「若有私喪,則哭于館,衰而 注説以《傳》曰:「大夫以君命使,●聞

使」《儀禮注疏》作「出」。

三八

「辭無常」 注以《傳》義説之曰:「大夫

使,受命不受辭。」

《喪服》:「爲人後者。」《傳》曰:「爲

人後者爲之子。」

子夏,不應違異,此條蓋數傳後失其本義,而羊》義駁此傳。按:《喪服傳》與《公羊》同出「公妾以及士妾爲其父母」 注據《公

後師附益之。

『大夫越竟逆女,非禮。』」妻,婦人歸宗,往來猶民也。《春秋傳》曰:曰:「妻言與民同也。」 注曰:「大夫不外曰:「夫在外,其妻、長子爲舊國君。」傳

以上《公羊》

《昏禮》送女、戒女《穀梁傳》有其事,

與此記少異。

《士喪禮・記》:「疾者齊,男子不絶於《喪服》:「改葬緦。」《穀粱》説其義。

婦人之手。」 傳曰:「男子不絶于婦人之

手,以齊終也。」

虞袝

虞、卒哭、袝、練諸禮,三傳詳矣,

注約《穀梁》謂練而後遷廟,以明祔已主反於

寢。

孝 經

傳天下知禮者,人情之實,冠、昏、喪、祭、聘、 是以孔子作《春秋》,正人倫,明王道,舉禮之 左惡滅甚,遂使説者以禮爲忠信之薄,而拔 是以孔子作《春秋》,正人倫,明王道,舉禮之 大經大法,民所由生、國所與立者,正辭嚴 大經大法,民所由生、國所與立者,正辭嚴

充之,以立三綱、正五倫,備物致用,相 同愛之真精神,成就天下養欲給求、禦災 感動天下忠孝仁義之真性情,鼓舞天下合敬 緯天地、綱紀羣類之精義所彌綸。 《傳》曰: 養、相保,雖器物陳設儀節繁省之細,莫非經 皆出于天命之性 覲、射、 不治,無弱不强,禮之可以爲國於是乎在 患之盛德大業。 而孝爲本。」《孝經》者,本禮之所以爲義,以 禮之所尊,尊其義。]又曰:「立 鄉 與一切制度文爲,非 物恥足振,國恥足興,無亂 由孩提愛敬之天 由外心以生, 體有義矣, 良 生、相 , 擴 掉 而

見卿大夫、鄉先生,以敬事長,則順也。事父以事君,以孝事君,則忠也。見兄弟,遂冠畢見母,資于事父以事母也。見君,資于《士冠禮》,見士之孝。冠禮,父主之。

述孝篇》論之詳矣。

昏禮》親迎 將以爲先祖後,故敬而親

婦、祭行,皆所以教孝。之,此《孝經》之義。 見舅姑禮,婦盥饋、

饗

固,天下所以安也。 兢兢,非道不行,以保其社稷宗廟,封建所以出必告,反必面,事死如生之意。 且使戰戰出。

經》曰:「卜其宅兆,而安厝之。」《士虞》三篇言,《士喪禮》「筮宅」,注引《孝《孝經・喪親章》櫽括《士喪》、《既夕》、

論語

皆禮也。夫子七十,從心所欲不踰矩。矩,問仁,夫子告以「居處恭,執事敬,與人忠」,以「克己」,,仲弓問仁,夫子告以敬恕;樊遲以仁其身,以仁天下也。顏淵問仁,夫子告以仁,以體言謂之禮。禮者,聖人所必言謂之仁,以體言謂之禮。禮者,聖人所以

禮、勇 禮也 也。 禮 萬 後世學非而博、言僞而辯者之蔑禮也。 而 而 天將以夫子爲木鐸,謂制作六蓺,以禮教仁, 圃 之仁天下 及好信、好直、好勇、好剛不好學之蔽,而 仲謂《論語》言好仁不好學,好知不好學,以 君子之仕,以行其義,大倫 無禮,以是知聖人所謂學者,禮也。 不言好禮 世乾坤所以不息也! 也。 誰 終 不仁,如禮何? 《八佾》一篇歎息痛恨於禮之變,而終以 以 ;而無禮、直而 時哉。 博學於文,約之以禮,可以弗畔,豫 鄉 萬世也 不好學。 漢潔》 夫子 所謂 篇,皆動 周 以學,而學之本在 惡當時浮僞奢僭者之誣 無禮之弊,而獨不言學而 流 又言恭 孔子聖之時,禮 四方,答禮諸侯,所謂 「吾非斯人之徒與 容周 所以不廢也。 加 無 旋 禮 中禮之效, 气慎 禮,是以 蓋聖 時 爲大 淩 丽 次 人 人 獨 防 無 惡 此 酒」、「射不主皮」之等顯舉禮文哉? 所載法言德行,無非禮之精義,豈獨

無學無才? 不爲虎傅翼以食人乎? 殺皆由此致,蠻貊可行也,百世可知也。 蓺、能皆由此成,足民、有勇、知方、勝殘、去 即禮之大體。 謹信、愛衆、親仁有餘力,乃以學文。 君、友四者無憾,則 而 而 言學,則博物多能 滅禮 耳 ! 所患者學不由禮,故才適以 聖教 聖人之道以禮爲學、《 必謂之學,此學之大本, 王 政皆由 丽 自古亂臣賊子曷嘗 甚不仁幾何? 此 出,果、達 賢、親 《論語 濟 其

事君以忠。」 人言,言事君。」《論語》曰:「君使臣 士相見禮》:「與君言,言使臣; 以禮,臣 與大

之道 鄉飲酒禮》相工 注説以《論語》相師

司正 退,其少立 注以《論語》説之

論語》首章言學,次章即言孝弟,弟子孝弟、

郊鄉

人飲

辭 達

而已矣。」

曰:「己帥而正,孰敢不正?」

射義。又:「射不主皮」文見此記 鄉射禮》 《論語》「君子無所争」章説

升成拜者,由君待以客禮,惟燕射賓禮盛 成拜,正臣禮也。」按:此所謂拜下禮也。 則然,非臣禮之常。 西階下北面東上,再拜稽首」 《燕禮》:「公有命徹幂,則卿大夫皆降, 注曰:「不升 上 時

《大射儀》:「誘射。」 注説以《論語》

夫子循循然,善誘人」。

使人於孔子,孔子與之坐而問焉曰: 『夫子 《聘禮》:「公問君。」 注曰:「蘧伯玉

曰:『賓退,必復命曰,賓不顧矣。』」 何爲?』此公問君之類。」 賓不顧」 注曰:「《論語》説孔子之行

辭苟足以達,義之至也」《論語》曰:

「上介執圭,如重授賓」 此節與《鄉黨》

人公門節相表裏,注引彼文爲證

「十六斗曰籔,十籔曰秉」。今文「籔.

爲「逾」按:「逾」與「庾」音同字通、《論語》 與此同。 曰:「與之庾。」又曰:「與之粟五秉。」量名

義,餘章言喪皆喪禮精意 《喪服》 宰我問喪章,論三年之喪大

語》:「子路請禱。」 《既夕・記》:「行禱于五祀。」

孟 子

仁者愛人,有禮者敬人。」此禮之精義也。又 義也。又曰:「君子以仁存心,以禮存心。 從兄是也,禮之實,節文斯二者。」此禮之大 曰:「男女授受不親,禮也,嫂溺援之以手, 孟子曰:「仁之實,事親是也;義之實,

《論

篡」。

「舜不告而

權

也。」「有

伊

尹之志則

可,

無 伊

問,禮與食色輕重之辨,此禮之大權也。

及對陳臻、屋廬子受不受、見不見之

迎不得取則不親迎,禮食不得食則不以

禮,

親

得

食,則雖飢

死而不可診, 摟處子而後

得

之喪、義皆與《喪服傳》同。

此節文度數

,可得與民變革者也。

紾兄而後

取,則雖無後,而不可摟,此天倫人紀不可得

與

民變革者也。

性善,禮本也,集義,禮學

取,爲無後也,君子 尹之志 以 爲 則 猶 説誣 體羣臣子庶民、以 孟子,不知 孟子此言 經國、 家保社稷、永 所以 深戒人君 無 死 俾

篡奪之祸,乃維持禮教之大者!

豈

亂

臣

賊

皆指《曲禮》正篇,孟子引禮曰「諸侯耕 子所得而巧借誣衊哉? 在今亡篇中,其説舊君有服,王子母死數月 孔子、孟子所謂 逝 ,

命之也。 命之。」按:冠禮,父請賓教之,賓命之即父 《士冠禮》 孟子曰:「丈夫之冠也,父

《昏禮》「媵袵良席」 注説以孟子曰:

禮行也,井田、學校,禮政也, 老吾老以及

也,不枉尺直尋,居廣居、立正位、行大道,

將瞷良人之所之。」

命之。」舉一偏言與冠禮父命相對耳。戒辭 父母戒女 孟子曰:「女子之嫁 也,母

三句。 與此「記」及《穀梁》小異。 士相見禮》「宅者在 與《孟子》文小異,以《喪服》「仕焉 邦 則 日 市

井之臣

丽

闢

楊、墨無父

無君

,而後世之無

君父者或借

「士芥寇讎」、「民爲貴,君爲輕」諸語以文邪

必

畏,禮效

也

,周室班爵禄,禮等也。孟子

君,深耕易耨,修孝弟忠信則親上死長,大國

勿施,與民同樂,禮情也,仁不遺親,義不後

人之老,幼吾幼以及人之幼,所欲與聚,所惡

已」者、「與民同之」義推之,文雖乖,理則是。

三:爵也,德也,齒也。」明尚賢尊長,注引《孟子》曰:「天下有達尊孟子曰:「欲有謀焉,則就之。」又鄉黨飲酒,《鄉飲酒禮》「主人就先生而謀賓、介」

公子爲其母服 孟子曰「是欲終之而不「舊君」 齊宣王問舊君有服,據此禮。《喪服》三年之喪 孟子告滕文公詳之。

爾雅

可

得」,與此傳義

同

話無不同,故《爾雅》可爲六經之通釋。去古之文自唐虞迄周千餘年,其道同,其文義訓同倫,士大夫古訓是式,威儀是力。故六經爲成事興禮樂之本。先王之世,書同文,行爲成事興禮樂之本。先王之世,書同文,行

名數亦多。 雅》訓詁,羣經皆賴 善野言而怪舊蓺,非關 轇轕之辭,變亂積古 久遠,俗儒鄙夫多不知《爾雅》辨言之義。 先 君子所不能 而人心風俗有載胥及溺之憂,此安雅隆禮之 飾陋,浸淫不已! 王禮道既以不章,而奇邪譎觚之徒復以侏離 喪服》尤相 表裏、《釋宮》、《釋器》等篇説禮 不以 斯道斯文自任 將使先聖典文日就茫昧 以明。 相 博采: 傳平正通達之文義 而《釋親》一 多識,徒以炫奇 古者也。 篇 <u>~</u> 爾 與

緇之等染法,皆見《爾雅》。 《士冠禮》:「纁裳。」 凡纁、縓、赬、緅

《昏禮》:「潁黼。」注:「《爾雅》曰:

『黼領謂之襮。』」

姻。」本《爾雅》。 注:「女氏稱昏,壻氏

稱

鄉射記》、「三笙一和而成聲。」 注:

「《爾雅》曰:『笙小者謂之和。』」

《公食大夫禮》:「牛鮨。」《爾雅》魚謂

之鮨。

之妻爲婦,此傳所據。 《喪服》《爾雅·釋親》與此相表裏,弟

《既夕・記》翭矢、志矢

見《爾雅》。

者由是深求聖作明述之原,以得乎修己治人

之道,亂之所生惟

禮可以已之,豈惟解名數

解

曹元 弼

義,陣其數,祝史之事也。」況今日之世變,斷 記》曰:「禮之所尊,尊其義也。 失其

不能

以鄉飲酒之禮理軍市,又奚暇屑屑致辨

胡氏培翬《儀禮

非後人僞撰辨》此篇《會通》、

《流别

邂

用

於名物度數閒耶?

然而名物之不考,度數

傳之徒代有其人,代傳其書,其餘波 之不詳,衆説之不歸於一,則先王所以 下之迹無由克知灼見,而巧説衺辭、背 流 經反 毒 治 足 天

執 以 道、非聖無法、犯上作亂者之先驅,其何 其 啟學識 口 而沮遏其勢耶? 於是取十七篇 未 定者之私智小慧,而 爲 離 中大 以 經 閒 叛

懲

破

道

塞

亂

源

也

異説

既除

道術

歸

學

儒

顧

氏

棟高箸《左氏引經不及周官儀禮論

紛第五

禮

疑

難

處,擇於衆説

ッ 斷

以

經注,著于篇

所以

總

義

作。 所爲。 制 傳之孔子,記與傳則出於孔門七十子之徒之 釋文》,孔穎達、賈公彦之疏禮,皆以 在 是。 《儀禮》有經、有記、有傳,經制自周公, 韓昌黎《讀儀禮》,亦云文王、周公之法 自漢以 朱子尤尊信其書,作《通 後, 説經者若陸德明之《經 解》。 爲周 而 典. 近

三五

以

三六

敷 ! 問 也。 聘後 賄 至近 期。」此所謂 傳》云:「禮有: 諸 之所據,則 疑《儀禮 有 有 是主國接賓之事,以郊勞始,以贈賄終。 委而義始見者,非若他經之可以斷章 三《傳》所 左傳》云:「齊國 ,禮成而 名、納吉、納徵、請期、親迎六者,而《穀梁 經所稱引者多矣。 遭 贈 遭本 故各 所 賄 郊、君使卿勞,及聘畢賓行、君使卿 夫《儀禮》之書,敘次繁重 ご此 聘 國君 (書引其辭者頗少,然其儀文節 國 未 加之以 日 .君 非 禮 漢儒綴輯 經 :「孔孟所未嘗道、《詩》、《 非 本禮經爲言乎? 又:《聘禮 納采,有問名,有納徵,●有告 喪及聘賓私喪之禮,又有賓死 喪及夫人世子喪之禮,又有出 見。」嗚呼! 敏。」又云:「人有郊勞,出 莊 即《儀禮》乎? 子 《儀禮 ,非周公書。 來聘,自郊勞至於贈 何其不察 昏禮》有納采、 一有必 《聘禮》賓 及考其説 詳 次爲 取 ;其原 之甚 · 書》、 贈 而 義

> 《儀禮 《儀禮 者,非 《左傳》:「王使宰孔賜齊侯胙,齊侯下,拜 以尸 謂升成拜、受也。 將聘 登,受。」下、拜,即《覲禮》所謂降階拜 禮》止存《聘禮》,《朝禮》亡。 曰: 相見禮》。 兩階之閒,北面 子何從求之,而芋尹蓋之言又 覲禮》:「天子使人賜 棺 「事死 造朝 將事之禮,又有 於晉,使求遭喪之禮以行。」又陳芋尹蓋 鄉 • 聘禮》,「君祭,先飯」,本《儀 即 射 守 「射不主皮」、「人門鞠躬」、「私覿 如 將 此 記》、《聘禮 生 命之禮 禮 雖 , 禮 乎? 再拜 以 宰孔 也。 ,而《左傳》云: 記》。 稽首,升 朝 設非先有禮經,季文 侯氏 \sim 論 之辭 聘 於是 而夫子曰 語 而 以 》「賓 遭 乎 而 車 也; 成 何 喪之禮。」《儀 有 不 服 拜,受。」 不 敢 所 朝 愉愉 登、受,即 「季文子 「揖 禮 顧 據 聘 不 侯氏 二,亦見 ¬, 本 讓 下 乎 丽 丽 ? 拜 降 終 而 所

⁰ 納 徴, 原作「徴納」,

謂

爲

孔孟

經

見哉?

射

儀》、《楚茨》可以見《少

牢饋

《禮古經》五十六卷,今存者惟十七篇,多大 亂」,非即謂《鄉飲》、《燕》、《射》之合樂《周 替引之」一語、《楚茨》與《少牢》同,如 厚以《詩》之《賓之初筵》、《行葦》可以見《大 ·雎》、《葛覃》、《卷耳》、《召南》、鵲巢》、 飲」,非約《鄉射》、《大射》之文而言 所未嘗道、《詩》、《書》、三《傳》所 夫三禮之書,惟《儀禮》最 《孟子》載 本《喪 無 一符合。 者 • 食禮》,而「勿 《燕》、《覲 曰「《關 幾,而《 少 服 藝文志》載 齊宣王 也, 》經 精。 此尚 雅》之 王伯 然 詩》、 爲 未 得 問 間 而 自 禮》者. 綴輯 不條 不絶 者 顧氏以各經未引及《儀禮》爲疑,余恐讀是經 莫能爲,而謂漢儒能爲之耶? 人,「傳」與《公》、《穀》相似,亦非七十子之徒 欲增減一字不得者。 之多,行禮節次之密,升降揖讓裼襲之繁,無 夜無人時,取各篇熟讀之,覺其中器物 處,都措置恰好。 根本,又云 人所能撰輯 爲 云五傳弟子,謂高堂生、蕭奮、 諸侯去籍,而後禮文散逸,五家之傳,《六藝論》 出 少,而耳 也哉! 理秩然。 後人之撰輯,則未有也。 如 如樂史、徐積之説,前人皆已辨之。 綫。 食附和 極 也。 以 至各篇之「記」與《禮記 細 每篇循首至尾,一氣貫注 爲 密,極 昔朱子嘗云《儀禮》爲禮之 殘缺 ,貿然不察,致 憶培暈 嗚 呼 ! 不全,固有之矣,若 周 孟卿、后蒼及戴德、 緻,其閒 初 治是經,每 且其書亦 此豈後儒 夫自昔疑《儀 使球圖 曲

乎?

各經説喪服多本《儀禮》。

《漢

「禮,爲

舊君

有

服」,非

即

《采繁》、《采蘋》乎?

南》關

《書 • 顧

命》之宫室與

禮

經

相

出

所

能

宁, 有

《書》紀

王朝

政

績

宜 其

徵

引

夫士禮,其天子諸

侯

禮

存

者

乎?

曰「拜下,禮也」,非約

戴

聖

也

以

聘》、《食》諸篇之文而言乎?

升

丽

彝器

陳

設

於

静

折

難

行

非

後

之重 一,漫 與 贗 泉 同 類 前 共譏之也 故 不 可 以

戴 氏 震《與 任 幼植書辨喪服經傳》此篇《流

别》通用。

時,劉 於世。 之爲之矣。 進 進 「人於秘府,五家之儒莫得見」是也。迄王莽 禮。」方《周官》經初 相傳之子夏《喪服傳》爲劉歆、王莽傅會矣, 云劉歆竄入。若《士禮》十七篇,漢興,高堂 而 而 遂訾《儀禮》之經、周公之制作 難漢之先師鄭君康成矣,進而訾漢以來 幼植 歆 通其讀。 俗學膚淺往往求之不可通,輒肆指 置博士。 |奮筆加駁於孔沖遠、賈公彦諸儒 嗚 呼 ! 賈逵、鄭衆往受業,然後 永平之初,杜子春年且 出,未立學官,馬融 《記》不云乎:「 爲歆、莽 毋 頗 所 輕 九 謂 摘

立期之節,象天地則已易,四

世祖不緦也? 何以不大功也? 生傳 之,父何以不期,祖不大功 服之易知者。 祖昆弟而上,從祖父、從祖祖父皆小功,此 弟而上,族父、族祖父、族曾祖父皆緦; 弟大功,從祖昆弟小功,族昆弟緦, 以期斷。」試以此言旁差之,昆弟期,從父 世父母、叔父母出降服也。 兄弟之服服至尊」,於經則女子子爲父母 者,於傳則所謂「小功者,兄弟之服,不敢以 不聞此經與歆、莽相涉,更絶不聞 經十七篇。后氏、戴氏。」此後師 官,宣帝復立大、小戴,《藝文志》故云:「禮 授戴德、戴聖、慶普。 士之業,博士失其師承也。 之, 以 授 蕭 由從父昆弟而上,世父、叔父 奮 自「至親以期斷」之言上差 蕭 武帝 授 孟 今日爲劉歆傅 ?,曾祖一 卿 時 《記》曰 ?,后氏 孟 師 不小功,四 歆、莽改 授 相 一至親 后蒼,后 立於 由 !傳,絶 族 由 昆 學 從 昆 博

尊

尊

也

減

其

日

月

恩殺

也。

且喪

服

及

曾

至

尊。」意

如

是。

康

成

申之曰

:以

「重其衰

麻

於祖

考

前

齊衰。

傳云:「不敢

兄弟之服

服

月,

以

祖

雖

百世有隆

無替,故

不

敢

以

功

緦

加

服

以

上

一殺之義,故減

九

月、五

月

之數

而

子。

緦麻之加 一等而

小功,小功之加

一等而

大功,不可謂之隆,聖人於是爲齊衰三月之

親以

期

| 鰤| 專

爲

此二者,則失制禮之深意

無

不

·及其

節

也。

幼植

有取於

孔沖

遠,謂

至

爲

其父母

期

· 持

重

於大宗者降

其

小宗,而

猶

敢

伸

其私

尊,而

猶

無不及其節

也。

爲人後者

親

,不可以爲子。

父在

爲母

期,屈於至尊

木

之喪,故曰「三年以爲

隆」。

人子

不

隆

於

其

時

則

已變,凡在天地之中者,莫不

·更始。

然

丽

孝子之心不能

以

已也,使倍之而

爲

制

三年

矣

袓

父

母、世

父母、叔父母之期

也,

亦

降

1

也

,不隆於祖,不隆於父之昆弟,不可

以

爲

孫

注云: 重也。 其殺 祖昆 祖皆 祖,不及四 之、《儀禮》言曾祖 文。《詩》曰:「曾孫篤之。」鄭箋云: 有隆 可 之於祖考,不相逮則 父之從父昆弟之親也,則高 袓 盡 兄弟之服」而 也。」又於《緦麻 通乎經所不言之意也 於五 日 期 ()則曾 有 無替爲義; 道並 也者,以上殺爲 弟之親也。 有小功之差,則曾 「於曾祖 自孫之子而 , 則 無服之祖也。 祖 世 高 宜 明 祖 祖 之曰: 大功,高祖宜 以 已 三月章》 宜 族祖 上 緦 上 下事 即 已矣; , 行 義;其不復 苟 麻,曾祖 稱 外然 「正言· 康 鬬 父者,亦 先祖 而 曾 相逮 孫、 成 曰:「族曾 四 而 不相 孫 因 世 猶 祖 雖 玄孫 小功。 ,皆稱曾孫。」 小功者,服之數 而), 皆 宜小 傳文「小 祖 有服明矣。」 未 不 悖 己。 已 盡 殺 ,夫是之謂 齊衰三月。 相 祖之孫, 爲之服 功也。 上 高祖、 也者 逮,必 袓 由是 也。 曾, 夫子 父 功 蓋 禮 猶 以 不 曾 曾 幼 祖 同 據

三九

《 詩 或 明 弟 植 及 疏 記 母、叔父母 母,與兄弟居,加一等。」此惟小功已下,即 父之黨,母之黨。」蓋兄弟云者,或專言異姓 曰:『小功以 恤 相 也 ,故加 兼同 然。 與 知 言 少孤 恤 曰:「兄弟皆在 ,其不相恤 •小雅》:「兄弟無遠。」鄭箋云:「兄弟, 昆 昆 小功。 , 斯 婦之黨爲婚兄弟,壻之黨爲姻兄弟。」 《爾雅 弟 相依 姓、異姓、皆舉遠、不以關 弟之昆 傳 等。 進之也,故傳 異義,不惟《儀禮》,他經及《爾 曰: 也 而 古人立言精微若此 下爲兄弟。』此傳中引傳相 一,是賊 》曰:「母與妻之黨爲兄 ,從父昆弟也 若大功已上,則 「何 爲兄,不審古 加 等哉? 他邦,加 如 其 有曰「子無大功之 則 性 · 者也。 可 大功之親,分當 , 豈可以皆在 謂 人法度之言,兄 等。 之兄 昆 小功已下而 弟 不及知父 大功之親 · 弟 ? 也,世父 記 弟 。 又 親, 曰 : 他 雅 邦 於 傳 證

背戾。 背戾。 齊衰 《服問》之『外兄弟』,指外祖父母、從母在 可與「至親以期斷」之言、「外親之服皆緦」之 大功是也;或不 妹之大功是也; 而 笄始别異哉? 異於男子,豈若幼植之意,必十五已後許嫁 使其義益 以昆弟不言兄弟,及舉遠不可關大功之親 功者,是其證。」百詩此 即夫之所爲 叔 女異長意同。 夫之所爲兄弟 即 嫂有服之證 降,以異於男子,世父母、叔父母、 三月是 閻百詩解之曰:「夫之所爲兄弟服 且本篇傳文言夫之昆弟無服 曉然也。 也。 小 以女子生而 服 功 則 服 或既 敢降 昔 服,妻降一等爲 與《檀 有 若女子子出 儒 妻 出 適人而後 ,祖父母期、曾祖 降 謂 降,或 論 弓》、《奔喪》逸 降旁親 精 有適人之道,使之 等。」 矣,惜尚未告之 緣 降,爲衆昆 降服,此與男 或欲 不不 有 適人 緦 降 "; 亦 援 麻 I 八之道 父母 姑 禮 相 此 也。 小 頣 相 爲

袛

賊經害道而已矣。

而

不學則

殆

世。

天」、「夫者妻之天」、「婦人不貳斬者,猶 降正尊,而當其既嫁從夫,不能二尊,且降父 言、「小功已下爲兄弟」之言合,爲義例之大 粗,徒以意衡量,就令載籍極 也。以幼植所深訾爲劉歆傅會者二條,今姑 子子適人者爲其父母期」,是二者,義之至 惟降旁親而父没則不降昆弟之爲 而爲期,舅姑亦期,然後所謂「父者子之 聖人制爲「父在爲母期」、「女 遠如鄭漁仲,近如毛大可, 其精微,非聖人不足與於 凡學未至貫本末、徹 有歸宗之義明。 同學者多株 博,猶所謂「思 父後 守古 惟 曰 精 不 不 其 義 經禮 事,當事别 戴《禮記》於治天下之事無不備。 俗一切得失,皆斷之曰「禮」,曰「非 織者,先經而後緯,經本直,緯以交之,一從 即横直,經之爲言直也,則緯之爲言曲 文》:「經,織從絲也。 則六典皆謂之禮,故《周官》稱《周禮 左氏傳》自吉、凶、賓、軍、嘉而外,凡刑法 下之事通謂之禮,故曰「爲國以禮」。《春秋 王治之通名,析言則宗伯所掌謂之禮 〈儀禮》全經,時《周禮》三百六十官所共之 横乃成爲曲,故緯謂之曲。 曲 千載未發。 鄭君説《周禮》爲經禮,《儀禮 [禮說 爲篇,無所不備。朱子《儀禮經傳 案:經曲,猶經 緯,織衡絲也。」 衡從 古者,凡治天

據此

疏 通

證

明之。

此,餘皆可

類

推。

震曏

病

人,今於幼植反是。

然則

(禮者,

E》。 度

禮

政

之服

緯

也。

《説

也。

曲

貳天」之義明。

者,然後婦

人雖

在

外必

交相 之事 也。 經。 本汪氏中。 統於官,臨 治天下,《儀禮》,則達乎諸侯大夫及士庶 通 曲 周官之文,蓋各官皆載其 下。」是《周禮》稱禮經,經與法同義。 之、《周禮》小宰以官府之六聯合邦治,祭祀 典,經也,法也,王謂之禮經,常所秉以治天 周》爲經、《儀》爲曲者、《周禮》,天子所 解 經禮 「太宰之職,掌建邦之六典」。 其目三百六十,故 制作 經, 爲 周 法, 江 用 經也; 禮 倒文。 氏《禮 而合爲一書,則天子 本 事 經 》,官所守之法,《儀禮》,法所 如 法。 則百官各揚其職,以共 也 絲 曲,緯 書綱目》據《周禮》補經,實得 《周 之有 《周禮》爲 事 緯也。 禮 也。 經緯,故 三》、《儀 曰「禮經三百」。 一 以 經,法 經,則 事 禮》一從一 爲官法。三語 秉之謂之禮 日 必 也; 泛儀 聯 經 舉其 古者禮 衆官 注 曲 曲 禮 日 秉 横 ·; 事 **》**爲 事 禮 爲 分 以 知

禮》較 經,其 之目。 引州 鄭注 大法, 聯。 聯。 賓客、 還圭、饗食、致贈、郊送之等,即《儀禮》分節 之聯 本《周禮》,足徵《周禮》爲經。《周禮》舉行 事義,則引大行人、小行人、典命、司 「官戒」。《禮記》説燕義,則引庶子官, 統於官,故《儀禮》每曰「官具」、曰「官饌」、 爲紀,官聯也。 聯、《周禮》以官爲紀,官屬 長職。 太宰以八法治官府,一曰 説 事。 以《儀禮》考之、《聘禮》、《覲 可見。 文 圃 喪荒、軍旅、田 鄭注《周禮》,往往舉《儀禮》實之。 鄉 必 節 飲酒 如《禮書綱 兼 凡《儀禮》中職官制 文次第 其曰郊勞、致館、將幣、致 倍 一, 則 官屬 於《周禮》,以《司 引 備 ,經也,官 鄉大夫 目》所 役、斂弛及凡小事 在 || (儀 也,《儀禮》以 補 禮 職 , 則 官屬,三日 度,無 聯 説鄉 禮》 緯 《儀 儀》 凡 儀 事 即 一 不 也 へ響解 與《 射, 禮 諸官 説 皆 賓 皆 蓋 聘 事 推 則 朝 事 事 有 曰

禮

爲

訓

乃

恍

然

潛

事

·分類

之書,確知 禮》即《周禮》之釋例可 於釋例,釋《周禮》之例,當以三百六十官之 注,以經、曲分屬二禮,求其説 儀禮》即《周禮》之事 反覆於二經有年,又深考《 也。 《儀禮》 儀 禮之條 無 明。 悟 系 相 禮》所陳 威儀三千,難能 所 聯 輔 曲 髮 薛 二禮 \sim 謂 相 之,而《儀 者 愐 周 瓚 目 經 經緯 行,《 禮 軰 相 也 以言乎 曲者 故孔 所 而 》即《儀禮》之目録、分章 經 周禮 如 能 後《周禮》之事 緯 學者之治禮也,經 類、釋例也。 即 此 也。 禮 子 見及。 一,且周 緯 ! 經緯 》爲禮之綱 \Rightarrow 也。」此《儀禮》之所 曰:「經禮 固 之盡 愚 聖人之制禮 [然,則 通 爲 薛瓚注《漢書》説 不 初 經,儀 解 · 得。 鄭注 讀《禮器》鄭 善 深》、《綱 治禮莫要 ___ 雖 也。 三百 厥後 領、《儀 貫 謂 爲 與 措 通二 《儀 目》 也 ·;,猶 緯 周 沈 曲 置 緯,而 禮》作 明乎此 櫽括 之。 氏 曲 歟 經 之訓 以《 聯 釋 事

禮》、《

以

爲

曲

可

能

必

如《

曲

當

禮》爲

經

與

曲

相

證

而

禮 氏《釋例》、《周禮》無書、《禮書綱 爲經,釋例及凡釋 説經之書言之,傳訓、箋注、解 事、《春秋》爲經,右史記言,《尚書》爲緯。 之邪説,亦不 旁推午貫,豁然大通! 儀禮》爲緯;《詩》爲 曲 何也? 禮 周禮》補《儀 若夫《禮器》下文所 其法、其義實已自鄭 與 緯 一,而 綴,更考經文 鄭 例 、訓 相 異。 後二禮之文左右 專 維 待 屈 後 書 持,以 經 曲 人多從之, 辨 · 皆 抑 一事者爲緯。 而 禮 鄭 緯 息矣。 亦 經、《樂》爲緯;左史記 經言之,《周官》爲經 》,蓋深知二禮之相 也 聖 注 以 非 而後世 補 人正 是。 云「曲 君 貫之矣。 逢原 天下之事,莫不 愚 經曲之説發之。 其 欲 詁、 而 名 <u></u> 排 未 ,同條其理 經 而 取 目》足 儀 經 疏 棄《周官》 備 之訓 禮》有法 江 朱子、江 曲 ,爲《周 義 氏 以 之 經 之 法 當 類 經 淩 以 丽

爲緯 同。 貴乎好學深思,心知其意也 終,後人由之可以創通大義 也。 雖通 鄭注 鄭君注經,下一語每貫本 就《喪服》舉例 一論君子之於禮,而經曲之爲經緯則 謂 正 ,開闢途徑。 服 爲 -末,徹: 經 降 所 始 服

儀禮名目篇次辨

《 漢 • 《六藝論》曰古文禮、《論衡》曰佚禮、《隋 謂之《禮》。 禮》之名,始見《後漢書 籍志》曰古經、《釋文・序録》曰 未 晉閒人所加 儀有禮,遂合而名之歟?」方氏體云:「案: 有《儀禮》之名,豈漢後學者覩十七篇中有 藝文志》曰禮古經、《儒林傳》曰 儀禮》古衹稱《禮》。張氏淳云:「漢時 《 漢 書 • 可知。」胡氏 景十三王傳》云:『河閒 • 鄭康成傳》,其爲 云:「《儀禮》,古祇 古禮。 一士禮, 《儀 經經 魏

《既夕》爲第五、《士虞》爲第六、《特牲》爲第 《别録》十七篇次第,皆《冠禮》第一,《昏禮 《覲禮》第十六、《喪服》第十七。 獻王 九、《特牲》爲第十、《少牢》爲第十一、《有司 飲》、《鄉射》、《燕禮》、《大射》四篇亦依此《别 十四、《聘禮》爲第十五、《公食》爲第十六、 徹》爲第十二,《士喪》爲第十三,《既夕》爲第 録》次第,而以《士虞》爲第八,《喪服》爲 射》第十三,《聘禮》第十四,《公食》第十五 酒》第十、《鄉射》第十一,《燕禮》第十二,《大 七、《少牢》爲第八、《有司徹》爲第九、《鄉飲 故鄭用之。至於大戴即以《士喪》爲 録》即此十七篇之次,皆尊卑吉凶次第倫敘 第二,《士相見》第三,自兹以下則異。 也。」其篇次,賈疏云:「戴德、戴聖 書》、《禮》、《禮記》。』所 所得書,皆古文先秦舊書、周官》、 謂《禮》,即 小戴 一與劉 其《别 於《鄉 第四 儀 第 向 尚

射》,猶《鄉飲》之於《鄉射》,故合爲一類。

食》、《覲》三篇,朝聘

聘禮》爲一

類。

 \sim

喪 服

∀,

士

喪祭、射御、冠昏、朝聘。] 又曰:「其行之以 冠、昏、喪、祭、鄉、相見。」《禮運》曰:「達於 則《士冠》、《士昏》、《士相見》,冠昏相見 射鄉。」此四文或先喪祭,或先冠昏,或先射 始於冠,本於昏,重於喪祭,尊於朝聘,和 飲》、《鄉射》皆曰鄉,《鄉射》、《大射》皆曰射。《燕》之於《大 燕》、《大射》四篇,大分言之,射鄉也。 禮》爲第十七。皆尊卑吉凶雜亂,故鄭 爲一類,附冠昏。《鄉飲酒》、《鄉 也。《公食》,食小聘大夫,附 《昏義》曰:「夫禮 喪》、《既夕》、《士 》曰:「六禮 類次,類 以考十七篇 《聘禮》、《公 御、 朝 射 (以 吉 聘。」 也。 《鄉 於 君 邵氏 射鄉 四制 虞》、《特牲》、《少牢》、《有司徹》七篇, 小 蓋《記》百三十一篇中舊次,小戴仍之。 次本經次、《孝經・喪親章》居末,蓋取 吉凶異道,不得相干。」此喪祭所以 當有二本:一全經,一約編。 類次皆與《記》合。大戴篇次合,類次未合, 經,此類以吉凶次也。 冠昏類也。次《鄉飲酒義》、《射義》、《燕義》, 也。《喪服》分之則別爲一類,合之則與喪禮爲一類。 曰:「秋學禮,執禮者詔之。」專言禮則禮之 「樂正順先王詩書禮樂以造士。」《文王世子》 七篇,皆説經之義,其次先《冠義》、《昏義》, 十七篇爲四類,此篇以 戴篇、類次皆未合。 類也。 懿辰謂當從大戴,非也。 》,喪祭類也。 次《聘義》,朝 《喪服 《冠義》以下七篇相承不 鄭君從《别録》,至當 類 次 聘類也。 四 也。 制》曰 《 别 又案:禮經古 《王制 《冠義》以 録》篇次 在後。 次《喪服

鄉,或先朝

聘,要皆

兩

事

類舉。

相見》自

皆不從之矣。」今案:禮經篇以

覲

喪

祭

下

凡

凶

以《禮記》考之,《王

制

貨力、辭讓、飲食、冠昏、喪祭、射

御皆當爲鄉。

邵氏懿辰説。

》 曰

法 禮 「夫禮

《王制》又曰 臣 稱《士禮》。 始,凡民所習,蓋 編,凡民皆習之。「禮不 禮》曰:「以 説 篇與全經爲近。 言;《祭義》多説 義,就《士冠》、《士昏》諸 教親。」於禮之中,別其數與其類 考之,亦非完本,何則? 百餘,五十六篇 傳《禮》十七篇與約編爲近,淹中所得 言,故部居分别不相次。 如饗」,則完本當有《饗禮》。 黨飲,則完本當有《黨飲禮》,而今皆無之, 惟 士學 孔子定禮,蓋兼定此二本。 而天子諸 祀 :「司徒修 之,天子 禮 固 「曲禮三千」,度其篇數 士大夫禮居多。 教 天子諸 非 侯禮 敬 全經。 以以 諸 六禮 亦 下 篇 侯之禮 《公食禮》云 侯 陽 秦火 間 庶人」,制禮 即十七 祭禮 爲 禮 以 存 《鄉飲 **戍説,蓋** 節 而 教 一二,以 今十七篇所 ()則禮 備 後 讓 民 則 篇以 酒 高 性 在 據 據 冠 五. 義》兼 其 設洗 經記 堂生 約 自 之約 不下 十六 全 昏 明 陰 中 禮 周 經 君 士

> 作僞, 書,雖 在,則 知 非 完 則 未 所 書。 誣 確 缺 妄 而 當 但 甚 尚 無 冠 近 幾 昏、 理,至 耳。 喪 祭、 邵 謂 氏 朝 五 聘、 謂 十六篇 十 射 七 鄉 謂 篇 諸 劉 爲 禮 歆 具

記冕服

《記》

日

不學

襍

服

不

能

安

禮

戴

東

注爲據。 其目别爲説,或就其説更定之,一以經原《記冕服》等篇善矣,而未盡也。今因

鬱尊。 月至黼黻,凡十二章,天子以飾. 服。」鄭氏 粉米、黼、黻,絺 月、星辰、山、 虞夏書》帝 虞夏以上,蓋 曰:「宗彝,謂 龍、藝 繡。 日: 蟲,作會; 以 虎彝、蜼 「予欲觀古人之象,日、 五采 虎 蜼 彰 也。 彝 施 宗彝、藻、火、 祭服 丽 于五色,作 른 宗廟之 此 繡與 自 中 H

蟲

也

蜼

玄與黄相次也。」鄭氏以爲繢之次。《記》又 繢各六,衣 謂之黼,黑與青謂之黻。」鄭氏 之衣五章,裳四章,凡九 登火於宗彝。 相變,至周而 五帝亦如之。享先王則衮冕,享先公、饗、射 藻,次七日 周官經》:「祀昊天上帝,則服大裘而冕,祀 畫繢之事,青 「青與赤謂之文,赤與白謂之章,白與黑 ,其衣三章,裳 旗 冕,祭群 冕,祀四望、山 藝蟲,次四曰火,次五曰 宗彝 ~,昭其 粉米,次八日 也,其衣三章,裳二章,凡五 用 明 以 小 繢 與白 九章,初 也。 日月星辰 祀則玄冕。」鄭氏 裳 相 Ш 四 而冕服 用 次 則毳冕,祭社稷、五 章,凡七也。 一曰龍,次二曰 也。 繡。」《考工 黼,次九曰黻。 也,赤與黑 畫 九章,登龍於山 於旌旗,所謂 鷩畫以 宗彝,次六 以爲繡之次。 曰:「王者 記 雉 相 毳畫虎 山 謂 次 **>** 則衮 曰 一, 次 也 也 祀 藝 曰 原文。 刺 陽數之極。 丽 黻 而 江氏

則鷩

日:

則

希

辰

旂

裳。」服章之次,經無明文,鄭君合校《尚書》、 希 代禮,不敢同於周。 爲九章,日月星唯畫於大常,正是監前 旒十二玉以則天數。 夏殷禮。鄭注《郊特牲》以爲記人誤據魯禮,蓋魯郊用前 冕備十二章,斯不然也。 《郊特牲》所云 益之精意。倘有益無損,則制度彌文,伊 子用物雖得備十二,然冕戴於首,既有十二 與《禮器》「天子龍 胡底乎?」江氏 郊特性》記「王被衮以象天」,謂周 周官》、《左氏 謂之衮,諸侯自 衣 一章,裳二章,凡三也。 已,是以 (永云:「三代制禮 禮尚相變也,古用十二章,周 春秋》而 夏殷天子服 此說 謂 Щ 衮,諸侯黼,大夫黻」同 玄焉。 龍 冕服之章以九爲尊,取 深 而 爲 得 下,大夫自 是 凡 禮 日月星 説。 有 玄者衣無文,裳 意。 冕服皆玄衣 益 以上承用 亦有 戴氏 人郊祀 辰 粉米 以 損 震 代 象 漢與氏 於 纁 天 爲 據 損

則周 矣。 鷩、五章毳、三章希例同,則衮非象天之服審 者 諸 之文,周 服無章。 下 斿 但古十二至三章,周九章至一章爲異。 以下,五 裘》疏引《鄭志》「大裘之上有玄衣」,以爲其 掌王之五冕」,冕有六而言五者,下文方説繅 冕服之章、冕繅之旒,皆自衮冕而下,「弁師 爲稱。玄冕衣無文,大裘衣、裳皆無文也。 衮、鷩、毳、希皆據文爲名,惟大裘、玄冕據質 上,至敬無文,其諸周人以義起禮歟? 冕 丽 ,大裘之冕蓋 殊。 人祀天之服 衮冕以享先王,與祀 日 謂 衮、 之黼 服 用大裘玄衣者,象天之質。 愚謂_: 《周官》正名九章之衣爲衮,與七章 曰鷩、曰 五 黻 章,玄冕裳亦有一章。 。 皆 古者祭天服日月星辰者,象天 無 不得蒙衮名又審 舉 **1**毳、曰 旒,不聯數 其 文之著者, 天大裘别文殊 希,據首章 而大裘在其 也。 與古同 與《 矣。 自衮冕 别 本鄭 周 冕服 其等 令司 差。 **等**, 官 注

冕而 廟。 服,自鷩冕而下,如公之服,子男之服,自毳 鄭氏曰:「天子六服,大裘 子之冕服也。《覲禮》天子衮冕,諸侯 皆十二玉,所謂就,皆五采玉十有二也,此天 旒,則鷩九旒,毳七旒 此、《弁師》所謂「五采繅十有二」也。 衮十二 「『侯』當爲『公』,每繅 也。《弁師職》:「諸侯之繅斿 孤之服。」經遞言相如,明冕服之章與王 如子男之服,卿大夫之服,自玄冕而 「公之服,自衮冕而下,如王之服,侯 以事尊卑服之,而諸侯 與下文「諸侯玄端 記》 下,如侯伯之服,孤之服,自希冕 所謂享先王則衮冕,衮冕十二 「天子玉藻,十有二旒,龍 以祭」文例同,皆 ,希五旒,玄三旒。 亦服 九 (成,則 爲上,其餘爲裨 焉。」《司 九 九 就。」 旒 衮 服 旒 |鄭日 也。 謂 以)裨冕。 下,如 耐 職 伯之 見 祭 祭。」 又 宗 同 於

曰:「諸侯及孤卿大夫之冕,各以

其等爲

之。」戴

氏震日:

「朝祭之服、上衣

下裳

幅

裁,故冕服曰

端

冕

朝

服

曰

委端,裳前三幅

卒曰:「大

裘

不

-裼。」

孔沖遠

謂:「無

别

衣

裼

侯伯鷩冕七旒,以下與公同,旒皆七玉。子是五旒,希冕三旒,玄冕蓋無旒,旒皆九玉。之。孔沖遠曰:「公衮冕九旒,鷩冕七旒,毳

冕以 等,則冕藻之旒 於天子。 諸侯非二王後,其餘皆玄冕而祭於己。」孫 。朝。」鄭氏、孫氏皆讀端· 《玉藻》記曰:「諸侯 不敢盡與王同 爲冕。 也。 公端以祭,裨 凡諸 鄭氏 侯 曰 : 讓

弁而祭於已,士弁而祭於公,冠而祭於己,衮以祭」同,則祭先君也。 大夫冕而祭於公,裨冕矣。」愚謂《記》言「玄冕以祭」文與上「龍叔然曰:「玄冕,祭服之下也,其祭先君,亦

皆玄衣,其裘蓋皆以羔,《玉藻》歷説裼衣,而則諸侯自祭之服,降於助祭,宜也。凡冕服弁而祭於己,士弁而祭於公,冠而祭於己,

不合,有衽以揜之,交裁如燕尾而後垂。」後四幅,褼辟積無數,所謂帷裳者也。 前後

記皮弁服

男毳

冕

Ŧi.

流,以

下與

公同,旒皆五

玉。」是其

裘,錦 帶、素鞸。」以上戴氏原文。 麻 服 布 凡 用 其皮弁素積。《士冠禮》:「皮弁服,素積、 服,凡諸侯相 衣 楊衣、《玉藻 絲絲 "**,** 非 狐 上服之内 衣 布。」盧子 裘 也 天子 衣以 衣 禮也。」鄭氏曰:「中外宜 中 ,諸侯之服 也 日 中中 / 裼之。 衣用 視朝 影説 幹 有 朝 衣用 亦 中 布 皮 聘亦 曰 : 皮弁服,諸 衣。 。此 士不 弁服 也。」《論 素。 如之。 言中 \Rightarrow 布上素 之裘 鄭 衣狐白。」 玉 皮弁服 藻》曰: 氏 語 衣也 念記 日: 티 : 侯 》曰:「素衣 下, 以 相 W E 朝 「皮弁之 又曰:「 爲 皮弁 君 服 稱 裘之外 三三王 視 衣 以 也。 、玄端, 帛 朔 服 狐 有 冕 衣 之 麛 錦 白 裹

衣,而 中; 雖 《詩》不云乎:「衣錦褧衣。」素衣、錦 裼之義。所謂言各有當,裼衣主以表 裘。」此言裼 端』,亦别於皮弁而言之也。」皮弁質,象上古 二服 之襲也,『素端 衣裳皆素,則 皮弁服,不得援中衣之例譏之。 衣,當用布明矣。 同 裼 在 。《周禮 以帛裹布,要專爲中衣言之,以言裹非 衣 上服 與 裘 之内 衣 素端矣。 爲 也。 一,皮弁一』,是皮弁與素端 司 表,故 ,或説冬服裘,以裼衣 中 服》『其 衣 凌氏廷堪曰:「子羔 謂 與上 之 齊服有玄端、 裼。 衣爲裏,故謂 或者謂 中 衣、 衣 上加 代 裼 皮 裘, 素 爲 弁 中 衣 Ž

記爵弁服

士爵 弁。 《白虎 天子至 通》 士 蒈服 日: 冕。 爵 周大· 弁者 夫 何謂 以 上冕 也?

吉服 以此 缺四 周 加爵 氏謂"「弁絰如爵弁而素。」《司服》冕服下 市 及天子哭諸侯 言爵弁者,疏云:『爵弁之服,唯承天 士之爵弁無等,故《弁師》不言。 爵弁,王之弔服 而下如卿大夫之服。江氏永曰:[《周 差"卿大夫自玄冕而下如孤 之冕、皮弁、韋弁、弁絰,各以其等爲之。」鄭 師掌王之五冕,皮弁、弁絰,諸侯 纁裳、純衣、緇帶、靺韐。」《説文》曰 凡兵事,韋弁服。 ,韍本字。 人宗廟士之冠也。』《士冠禮 角。爵弁服,其色韎。 弁,故以皮弁服爲首也。』」愚謂 不言之。 知爵弁服 有柗。 今以 乃服之,所服 專爲士制也。 有 韐本字,或從韋作韐。 素 次轉 眡朝,則皮 爵 相 弁,於弁経 如 賤不得與裳同。」 《周 非 之服,士自 不 * 常 弁服」。 **同** 得 及孤卿大夫 官 , 故 爵弁 輒 經》:「弁 服 服 制 :「士無 不 列 於 變時 ***亦不 見之。 禮 如榼 其服 天子 皮 以 \pm 服 || 無 弁 韋

五.

之郷

而

韋

用

入之韎,固

有

不

容

强同

陳氏

説

非

也。

愚謂韋弁果即

爵

弁、《司

爵 《雜記》曰:「大夫弁而祭於己。」諸侯 弁爲首者,韋弁,兵服 士 制 命服之。《詩》云:「韎韐有 後因 以 、 爲 弁 中之尊服,孤 非常服。 爽 爵弁本專 服 以 以 惟 祭 作 未 六 受 故 爲

以下

甪

布

可

知

歟 禮,冠、昏、喪經有爵弁,聘經有韋弁。 是始亦必以終也,公冠不用爵弁,非常服也。 服,天子以之爲將起師 師。」謂諸侯 翬 傳》曰:「晉郤至衣韎韋之跗。」注或曰:「韋 章弁者,以靺章爲弁,又以爲衣裳,故《春秋 者,其色赤而微黑 弁,以韎 自是二物。 ? $\dot{\Box}$ "「爵弁爲士服,而韋弁通於大夫以上, 陳氏 布爲衣 祥 世子 且爵弁用布,韋弁用韋,爵色近 道 謂 而素裳。」其諸聘禮變於兵事 除喪 ∵,或謂、 一「韋· 朝天子,未爵 也。 弁即 之緅,其布三十升。 公襲有爵 爵 弁。」胡氏培 命 分,以 爵弁 服 士

弁服用絲,經特言「爵弁服" 純衣」,則皮弁服》當云士之服,自韋弁而下矣。 凡冕與爵

記朝服

《少牢饋 原文。 冠朝 弁服 冠弁 是謂 下,如卿大夫之服。」則士禮之玄冠朝 實同也。《司服 也,賓及 説文》「弁」本作「覍」,象形,蓋象皮弁之形。 也。 服,緇 也。 朝 或謂委貌爲玄冠、十冠禮》:「主人 諸 服 侯 兄 食禮》:「主人朝服。」文有詳略,其 王服以 日 江氏永 弟 帶素韠。」《特牲 視 大 「皆朝服、玄冠、緇 朝,緇 夫 職》曰:「士之服,自皮 田 以 曰 燕,養老亦如之。 :「弁者,冠之通 爲 衣 祭服,其 + 五. 饋 升 食禮 冠 布 帶、緇韠 委 丽 貌 積 名。」據 以上戴 服 所 素 其 弁 即 祭 冠 而 玄 謂

三四三

笄 弁有笄,有笄者紘。 惟 爲卿大夫之朝服,惟豹 曰 所謂「委笄」 歟? 弁既稱冠又稱弁,其諸玄冠而加笄,《國語》 追,以釋經之玄冠,委貌爲玄冠,審矣。 圃 而 縫中者也。」 曰:『古者素絲以英裘。』言織之爲紃,施諸 :『羔裘豹飾,緇衣 謂之弁。 謂之弁,冠弁實冠而謂之弁,服弁實喪 :皮弁爲弁之本制,餘皆通稱爵弁,制 ,其冠制 別同。 《士冠禮 戴氏 士冠而纓,大夫以上冠而 冠無笄,無笄者纓。 • 記》陳委貌、章甫、 以 震 裼之。』鄭氏以羔裘 袪與君異。《毛詩》 目 「《玉藻》之記 或 如 冠 毋 冠 冕 日

更定戴氏震《記玄端》

「主人冠端玄」是也。《士冠禮》曰:「服玄玄端、玄冠、士以爲祭服、《特牲饋食禮》

「素衣、麑裘。」絞、素相代可也。

「羔裘豹飾

也。 衰,絞衣以裼之」,皮弁之裘也。 之。」舊説 不衣狐白、君子狐青裘、豹褎、玄綃衣 平居宜狐青裘。以下今易。《玉藻》記曰:「士 羔裘、狐青裘,士人廟宜羔裘,大夫士玄端, 玄端玄冠,諸侯以下齊服也。 積白屨,玄端黑屨。 端黑舄,凡冕服皆舄。 夫素裳。 天子諸侯冕服赤舄,素積白舄,玄 因 君朱、大夫素、士爵韋。」鄭氏 玄裳、黄裳、雜裳可也。」《玉藻》記曰:「韠, 冠、玄端、爵鞸,奠摯見于君。」又曰:「玄端 之厚以居」,謂在家接賓客也。 ·若内豎言疾,則世子親齊玄而養。」於此見 而推次其裳色,則天子諸侯玄端朱裳,大 大夫士聽私朝玄端。 曰玄端 之裘也、論語 素積者,皮弁服、朝服 大夫士爵 《世子》之記曰: 以 玄端之裘,蓋 爲玄端之轉, 《論語 「麝裘、青豻 ())所謂 弁纁屨,素 狐 以 貉 裼 同

戴 氏震《記深衣》

氏

曰

長

緇衣以

裼之」,朝服之裘也。

《 論

語》亦云:

緇衣,羔

裘。」「狐裘,黄衣以

裘。」《郊特牲》記曰:「皮弁素服 祭服皆羔裘,天子祭天大裘,餘冕服良裘。 喪,横廣之,又長之,有袪飾,又可 鄭氏以爲鹿裘之裼衣亦以絞,與皮弁裼 或素服,與喪近,故《檀弓》記曰:「練, 黄冠,野夫之服、《詩》「彼都人士, 黄衣黄冠而祭,息田夫也。」皮 《論語》亦云:「黄衣 頒賜群臣以功裘,狐 人深衣,深衣之 裼之」,大蜡時 練 此句戴氏原文。 而爲裘,視 而祭,素 加以 裼 幅。 者布 青,如孤子,衣純以素。」《曲禮》曰:「爲 衣、 不純采。」《論語》曰:「君子不 子者,父母存,冠衣不 父母、大父母,衣純以繢,具父母,衣 緣」,鄭氏以爲如小功布 也,此其純采者。 麻衣」是也。「公子爲其母及妻練冠,麻 有表則謂之中衣。』《詩》「麻衣如雪」,言深衣 寸者,二齊亦寸。 深衣,連 中 幅 深 減 衣過之揜尺,袂之圍四尺四寸,自胡 削 廣二尺有二寸,謂之中量。 衣 衣裳而 幅,中人之手八尺,是其 連 衣 《裳,殺 純之以 布純 衣裹左右終幅 -純素。 幅 亦 深 而 采者,素純 日 衣。 不積。 麻 孤子當室,冠 以紺郷飾 衣,大祥素 《記》曰:「具 凡削 鄭 度

衣。

初

凡

黼

裘以

誓省,亦良裘。

麛裘其類歟

裘

,狐黄及雜

裘宜

無不可

甫

之。

狐

裘黄黄」,謂

庶 人

也。

庶

衣

同

也。

鹿裘

,衡長袪

,袪裼之可也。」謂

服

以送終也。

弁

時

狐

臘先祖

所

服之裘也。

三四三

屬

袂

幅

減

古古

也。

長

衣

縓

純

以

衣之 袪 剡衣之餘幅 以運肘。:謂兩旁所剡之上當胡下,與袂接處也。 袂。《記》曰:「袂園以應規。」謂袂也。 之使狹,以接裳上際,其剡之兩旁當胡下處,則縫而規之如 殺 裾 所謂「衽當旁」也。 衣裳之左前後續,右有曲 尺八寸,殺而上。如是者四,是爲深衣之衽 裁,殺幅一 減 下也,剡之,要中之圍七尺二寸,所謂深衣三 應規。」又曰:「袼之高下可以運肘。」袼,胡 未及,張氏惠言《圖》意與之合。 齊丈四尺 廣二寸。 也。 削 而 鉤之,故曰「續衽鉤邊」。 幅。 前 幅 ·', 袂 則 裳以布六幅,幅分之尺一寸,正者八, 衣身二尺二寸,與袂參齊之,下猶有餘長 ,以接裳施帶。 四寸,倍於要中。 八九七尺二寸,與衣相屬。旁屬交 緣謂之純,純邊謂之綼,裳下緣謂 端二寸,一端二尺在下,減削 末謂之袪,圍二尺四寸,規胡下 此説足補江氏永《深衣考誤》所 《記》曰:「袂圜 合十二幅,則下 衣交領謂 又曰:「袼之高下可 規胡下而 之給 幅則 ()當剡 以 剡

之緆,與純袂廣各寸半。

戴氏震《記中衣裼衣襦褶之屬》

也。 性》記 之。 以爲 盛禮者以 是故 之外上衣,夏則絺綌之外上衣。 中衣,中衣之外上衣。 《爾雅》: 曰:「裘之裼也,見美也。 衣,中衣之外上衣。 文以褗領。」《詩》「素衣朱襮」是也。 鄭 尸襲,執 君在則裼,盡飾 純襦、君朱、大夫纁、凡襦褶之屬、其 中衣,凡絲衣以素,其餘 曰 : 氏 「黼領謂之襮。」孫 充美爲敬,非盛禮者以見美爲敬 曰 繡黼 :「裼者,免上 玉、 近體禪衣曰 丹朱 龜 也。服之襲也,充美也。 襲, 中衣,大夫之僭禮 若裘則有 無 衣 弔則 1明衣。 事 叔 見裼 以布。 則 然 襲,不 裼 疑絺綌之外中 裼衣,裼 曰 《玉藻》記 衣 , 弗 言丹 凡當 郊 敢 盡 也。」 刺 充 朱 衣 特 黼

則 曰 : 袗 禮 裘者矣。 不入公門。」然則固有不 有 絺 尚 「振絺 絡,必 雖 相 裘 變也。」凡 「犬、羊之裘不裼 而 絡不入公門,表 表 不 间 以 出 袒 衣裼之者矣。 之。」無上衣曰袗。 裼者左。 服 裘不入公門,襲裘 ,不文飾也不裼」, 上衣而袗絺綌、表 君子之於褻, 《 記 》

記 冕 弁 冠

蓋

亦無嫌質略

也

子之制 旒,蓋 惟 延。」邃,垂也。 旒 度》、《書》歐 天子前後 記 皮弁之會五 周 邃 》曰:「天子玉藻十有二旒,前後邃 末 延 漢 所 陽氏 自 初 垂 延,深淺之度。天子以下同 據 人 旒各十二爲異。 本伏生説,皆 采 旒言之。 猶及見古法 玉 一基,本 叔 意皆以 孫 服 謂 通《禮 《記 冕 爲 冕之有 前 飾,但)陳天 後 器 有 制

語 「當暑 聖 者 陳采就玉之數止於五。二語本戴氏。 侯之冕各以其等爲之。」實六冕而 就,瑉玉三采,其餘如王之事,繅斿皆就,諸 五采玉十有二,玉笄,朱紘。 冕皆玄冕,朱裹 蔽 明。」言非禮 有 人制禮,因 蔽 明之義,故《記 事 勿視 延 託 戒。 紐。 也 **>** 五采 曰:「冕而 旒 《周 既 官經》:「王之 前 繅十有二就,皆 諸侯之繅斿 後 垂,則 日 前 亦以 五冕者, 旒 所 見冕 在

九

五

以

前

紐,小 紘。」《 紘。 上,左右屬之笄,坐其餘。 以下各以其等推次可知也。 諸公繅九就,而玉與斿皆取數於就 至敬無文,不聯數也。 服之章。 侯」當爲「公」、「斿」衍字,唐石經原 《記》曰:「天子冕而朱紘,諸侯 ·鼻在 士冠禮》:「皮弁笄,爵 冕繅之斿皆自衮冕而下,大裘之冕 武 上,笄貫之; 「諸侯之繅 凡冕 紘 延, 以 弁笄,緇組 弁笄,有 組 前圓 自 斿 則 刻 冕 九 頤 後 無之。 而 就, 笄 方, 諸侯 屈 紘 者 而

冠也。 《士冠禮》:「緇布冠 同。 纁邊 鄭氏曰:「缺讀如有頍者弁之頍。 武,武下垂纓,皆連屬不殊,以白布爲之。 于頍,猶皮弁、爵弁紘屬于笄,笄與頍皆以 冠 笄者,著頻圍 時所服之類 連,而纓以青組。 冠條屬,以别吉凶。」緇布冠冠武皆以緇 布冠爲始冠之冠,而殊其纓。 則緇,後世聖人易之,以白布冠爲喪冠,以 謂之冠。 玄冠之異 各異材。 也。」言固冠者 古之爲冠 玄冠纓即屬于武,則頻與笄皆不用 舊 自「紘以組」至此,戴氏原文。 于緇布 《記》曰:「大白冠、緇布之冠皆不 説 項屬之,皆以 以 髮際,結 者 爲 ,冠得纓 冠者,衡縫,冠、卷殊,纓、武 辟 卿 又不屬於武, 而 大 缺項,青組纓屬于缺。」 項 縮 夫 中,隅 縫,所 冕 而 别于條 固 弁之紘,蓋 《記》曰: 爲 以 緇布 冠下卷謂之 而别用 四 覆 緇布 屬之喪冠。 綴 乎前 冠 冠無 未冠 纓 以 布 與 喪 後 齊 固 緇 古 相 士

也。 儀。 皮弁,後因以爲冠次於冕之稱,爵弁、弁 弁之本制,皮弁、韋弁則然。 弁之名,本專屬 也,飾之以 則左右合而會之,所謂 布冠不矮,諸侯矮之,尊者飾 玄冠縞武,不齒之服也。居冠屬武,自天子 紕,既祥之冠也。 之齊冠也。 冠丹組縷,諸侯之齊冠也,玄冠綦組縷,士 之,文質各從其宜。 曰:「冠之異於弁者,左右不合,故 下達,有事然後緌。」屬武者,屬冠於武,少威 天子之冠也,緇布冠繢緌,諸侯之冠也,玄 布 矮,委武玄、縞而后緌。」委亦武也。 冠武相屬,不緌。 不嫌於條屬者,纓、武異材 又以爲冠之通名,冠弁、服 玉、《詩》言『會弁如星』者也。」此 縞冠玄武,子姓之冠也。 垂緌五寸,惰游之士也。 《記》曰:「玄冠朱組纓, 玄冠、縞冠别 如覆 杯矣。 弁是也。 也。 也。 有 有委武 大白 於其 戴氏 士之 縞冠素 紕。 絰 會 緇 弁 震 緇

可知也 也。 冠禮 笄, 笄貫于武。《晉語》范文子退朝, 武子擊 也。 經,蓋名弁而實冠,他經直謂之玄冠、喪冠 即玄冠又可知也。冠弁、服弁之名不見他 夏后氏之道。」以釋經之玄冠、則玄冠即 之爵弁、冔收皆冕屬,則爵弁之制 别於士,或委貌得施笄、紘。 之以杖,折委笄。委貌,冠也,得有笄者,委 稱冠弁、玄冠則同舉其名曰「委貌」。 著其實 貌之武,非不可施笄,大夫以上玄端移袂以 子之冕朱緑藻,十有二旒,諸侯九,上大夫 戴氏曰:「夏殷之禮,士得服冕。《記》曰『天 弁,據大夫以 玄冠,别其等曰 凡冠用纓,纓屬於武,弁用紘,紘屬于 又曰:「委貌,周道,章甫,殷道,毋追, •記》曰:「周弁,殷冔,夏收。」弁即 鄭注《司服》,以冠弁爲委貌,冠弁 上有笄者言,而士服 [冠弁。 或曰冠弁稱冠又稱 要其稱委貌,若 亦該其中。 如冕可知 委貌 經

冕,士爵弁。」愚謂士爵弁之下有皮弁、玄冠 玄」以見之。 之直曰「玄端」、曰「朝服」。 則如《士冠禮》曰「玄冠朝服,緇帶素韠」、曰 玄端、朝服所同,故禮不以冠名服。 古也。天子始加玄冠,由卑即 皆上下通服。始冠緇布冠,自諸侯下達,重 緇布冠,惟爵弁專爲士制,故《周禮》無之,餘 七,下大夫五,士三!是也。周制,大夫以上 「玄端,玄裳、黄裳、雜裳,緇帶、爵 人玄端,助祭者朝服,故經變文言「主人冠端 《特牲饋食禮》主 尊也。 韠」,約 備言之 玄冠,

士 冠 禮

士冠禮爲士身加冠説

鄭《目録》云:「童子任職居士位,年二

爲

曰

十

冠已居士位者。 弟之學不勞而 物 其幼者言弟。 任職者矣。」今案:鄭引《齊語》者,彼文云: 夫爲昆弟之長殤」以證,則固 子已仕者制,而 此所以未冠 則父與父言義,子與子言孝,其事君者言敬 自主人冠服 之。萬氏斯大説。 「昔聖王之處士,使就閒燕。 士群萃而州處, 云:「冠昏喪祭,切於民用。 士。 强 加冠制,而自士以上及乎天子之元子亦如 而遷焉。是故其父兄之教不肅而成,其子 而 而 冠 胡氏曰: 仕,此常法也。 又云: 以 而已能 少而習焉,其心安焉,不見異 能。 外, 爲 未仕者亦如之。本朱子説。 賈疏引《喪服・小功章》『大 《曲 古者 諸 亦如 夫然,故士之子恒爲士。」 任 侯之士制,而天子之士 職也。 禮》二十日 亦容有才質出衆、未 之。 四 民 周公制禮,欲以 張氏爾岐説。 世 此禮蓋 有年未二十已 事, 弱 士 冠,四 之子 爲 士之 胡 氏 爲 + 恒

士者,將冠時當服何服乎? 衣,紒」,以爲未仕之服也。 爲主言士冠其子之禮,蓋見 通行 冠之服,非未仕之服 天下,故多就 侯國言之。」 「采衣,紒」乃未 若然,童子已爲 經云「將冠 敖 《繼公以 者 此 采 經

一四八

大夫以上冠年及天子諸侯加數考

服 傳》襄九年:『晉侯與諸侯伐鄭,還,公送晉 以二十始冠 降兄殤在 記》云:『丈夫冠而不爲殤。』大夫身已加冠 不仕者也。以此知爲大夫無殤服也。1《小 云:『大夫爲昆弟之長殤 十乃爵命爲大夫,故 • 小功章》云『大 賈疏云:「大夫始仕者,二十已冠訖,五 小功,是身有德行,得爲大夫,冠不 也。 若諸 大夫 夫 侯則 爲 小 昆弟 無 +-功,謂 冠 禮。 之長 而冠,故《左 爲士者若 又案《 殤」, 鄭 喪

天子自然有冠禮,但《儀禮》之内亡耳。

士既

終也。 六 年。 侯,以公宴于河上。 問公年,季武子曰: 禮》云:『文王十三生伯邑考。』《左傳》云: 君可以冠矣。』是諸侯十二而冠也。 于沙隨之歲,寡君以生。 仍爲殤,故二十乃冠矣。 知。若天子之子,則亦二十而冠,故《禮記 若夏之天子諸侯,與殷天子亦十二而冠 夫盡弁』,則知天子亦十二而冠矣。又《大戴 亦與諸侯同十二而冠,故《尚書・金縢》云 祭法》云『王下祭殤五』。又《禮記・檀弓》 『王與大夫盡弁』,時成王年十五,云『王與大 有天子諸侯冠禮,故《大戴禮》有《公冠》篇, 云:『君之適長殤,車三乘。』 是年十九以下 冠而生子,禮也。」是殷之諸侯亦十二而冠。 國君十五 晉侯曰:十二年矣,是謂 而生子,冠 注云:沙隨在成 若天子諸侯冠,自 丽 生子,禮 一終,一星 若天子, 也 可 +會

也。後人或謂天子當五加,與《公冠》篇「天天子亦四加,後當加衮冕矣。」案:賈説是『公冠四加』者,緇布、皮弁、爵弁後加玄冕。子諸侯禮則多矣。故《大戴禮・公冠》篇云三加,爲大夫早冠者,亦依士禮三加。若天三加,爲大夫早冠者,亦依士禮三加。若天

張氏爾岐所疑冠禮數事辨

子儗焉」之文背。

己 以成冠者。既冠,見于母,明己爲父所成也, 禮。」今案:見者,以成人見也,父與賓興禮 賓既與冠者成禮於堂矣,亦不必更行見賓之 賓以重其事,父自爲主而涖之,即是見也 寳,説者疑之。 王氏士讓云:「父冠其子,延 所謂資于事父以 爲 《士冠禮》冠者見母不見父,見贊者不見 父與賓所 成 也。 事母也。見贊者及兄弟,明 贊者親 爲冠 事,而亦見

微俯 跪 拜有二:肅拜 者見母,「母拜受」。 禮也。』成人而與爲禮,一語即 母拜之,見於兄弟,兄弟拜之,成人而與爲 也。」胡氏云:「《禮記 拜,況其他 人吉事,雖有君賜,肅拜。」君賜至重,尚止 以下,諸説紛如。萬氏斯大云:「禮,婦人之 主也,奚取 之尊而拜其子,所以 拜,昏禮舅姑亦 與之行禮,所以責之行禮也。 與爲禮 案:經「賓東面答拜」,注亦 地 其躬 而 一, 是 拜,如今婦 成 而 乎? 於見 拜者與之行禮,以 于 肅 賓 之,如今婦人揖也。 也,手拜 答婦拜。 也 而 故 人拜也。 告 知 以 加禮於父所成也,此 若父與賓,則固 以 冠義》曰:『見於母 此 也。 母 成 受脯、俠拜,亦 又案:《冠禮》以 拜子、《禮記》孔 禮乎? 以答拜爲 《少儀》曰:『婦 肅拜者足不跪, 明其成 古人爲禮必 是定 手拜者足 又 成 解。」今 案: 行禮 人耳。 肅 人而 肅 乏 妻 13: 拜 疏 冠

禮》、《特牲 以 所以警動人心而維持天經地義於不敝 舅姑拜婦,以重責婦順,皆聖人制禮之精意 天夫之義。 加 禮 冠禮》無告廟之文,蓋文不具。 於 親 》拜子,以重責子孝孫慈,《昏禮 《特牲》以父之尊而亦拜其子,所 之後 也,此子天父之義。 也。 《 冠

例。 明言受諸禰 廟 , 詳 下。 而經亦不言告廟 了,是其

《昏禮

冠 月 考

何 常月」。 用葛、冬皮屨可也」,秦氏蕙田 時 則》諸記皆言二十 者? 也。」賈疏據之謂 《夏小正》:「二月 愚謂二 冠 以 年 月蓋冠之善時,非冠之定時 斷 丽 年以 冠有常月。 冠。 綏 月計。 多 《荀子》、《韓詩 士 一女, 冠 據之謂「冠 本經「 曲 禮》、《内 子 「屨,夏 取 外 無 妻

冠也。 十而 若但以年論,不核月數,則或以元年正月生, 數者,雖踐二十之年,仍不得爲二十而 經校釋》曰:「荀子言十九而 十九年十二月死,已足十九歲,以未及二十 冠。』《喪服小記》曰:『丈夫冠而不爲殤。』❶ 十九至十六爲長殤。』《曲禮》曰:『二十曰弱 以歲。』則所謂二十而冠者,必滿十九之月數 合事理,故射慈謂:『凡制數自以 歲,以已及二十已冠,不爲殤。厚薄殊絶,不 月死,但踐二十之年,計其月數,纔踰十八 未冠,爲殤,或以元年十二月生,二十年二 二十之限,乃爲二十行冠禮。 其未滿十九月 而後爲二十行冠禮,出殤限也。 一十爲但踐二十之年,故實核其所歷之月 ?》、《説苑》、《白虎通》皆言十九而冠。 《禮 冠者,必滿十九歲之月數,又 知者、《喪服·殤大功章》傳曰:『年 冠,明 禮家恐人疑 生月計 加 禮 一月入 所 爲之 謂 不 0 後 楊倞注謂「先於臣下一年」,非。 冠 Œ

傳

數,必先足十九而曰『十九而冠』。《荀子》傳 之、、韓詩外傳》、《說苑》、《白虎通》亦皆云 而冠,與士同,所謂「天子之元子猶士也」。 天子諸侯子言,謂天子諸侯子雖貴,亦十九 屢」之文也。」又案:《荀子》「十九而冠」,據 下生者則不能依正時,各以 妻時也」,據生月最前者爲正 而後冠,則正月、二月生者,皆以二月冠, 子》、《韓傳》等昧之耶? 制。不然,二十而冠,誰不知之? 然,故知十九而冠者,正以曲達二十而冠之 一月冠,爲時不定,故經有『夏葛屨,冬皮 時。 《夏小正》『二月綏多士女,冠子 然則滿十九之月數 其滿十九月數之 也。 其三月以 而謂《荀 取 用

丈夫」,原作「大夫」,據《禮經校釋》改。

經

三 五 二

士 昏 禮

昏禮爲士禮説

《冠》。《士冠禮》後,雖當有諸侯天子《冠禮》相隔乃及《士 禮』,經首不言士者,蒙上《士冠禮》之文也。 之,亦可決其專爲士制。 「士」者,以蒙上《士冠》之文可知故耳。 昏》,然《冠》以士爲首,《昏》亦以士爲首,則《士昏》不言 今十七篇次序雖後人所定,然周公原第亦必《昏》次於 氏苞以爲即大夫昏禮。不知《記》明云『士昏 爵弁。』注:『大夫以上親迎冕服。』是經所言 夫以上當異,但無文以言耳。又云: 『主人 其實特豚。]案:特豚,士制也,盥饋同。 士禮也。 禮 經校釋》曰:「《昏》經專言士禮。 又云: 『婦車亦如之。』注: 『士 經《親 且以經文證 迎章》云: 方 大

日。

故知此士同日可也。』《昏義》皆説此士昏禮

惟此條參言大夫。

又云:『若異邦,則贈丈夫

送

者以東錦。』疏曰:「按莊二十七年冬, 莒慶

也。 禮。』疏曰:『此饗與上盥饋同日爲之,知者 章》:『纚、笄、宵衣以俟見。』案:大夫妻當 見《昏義》: 舅姑入室,婦以 經是士禮也。 禒衣,即宵衣亦當移袂。 尸,乃爾黍者,大夫禮與士異故 其士禮同也。《少牢》佐食先以舉肺、脊授 疏曰:『此先爾黍,後授肺,《特牲》亦然,以 所云爲士禮也。又云:「贊爾黍,授肺、脊。」 『女次純衣。』案:大夫妻當服編 送之。』是士禮在經,與大夫異也。 妻之車,夫家共之,大夫以上嫁女,則自以 言厥明,此言之者,容大夫以 厥明,舅姑共饗婦。 又云:"舅姑共饗婦以 鄭彼 此時服降親迎一等。 特 注 豚 上禮多,或異 云:昏禮 饋 也。』《婦見 襢衣,則經 (*)明婦 又云: 一獻之 順 車 텕

852

云『士昏禮』,則此

禮

專

爲

士

禮

, 而

大夫别有

甚

明。

冠

禮

記

曰

「無

大夫冠

禮

送者也。』據此諸文,此禮爲士制無疑。 外娶者,以大夫尊,外娶則 説者,不過用鴈、墨車 不嫌,容有外娶法,故有異邦 或攝、或不攝疑之,而謂經 鴈,自天子以至 額黼 大夫 古者大夫不 吴氏 大夫禮 則是士用大夫 ,則注謂 吴氏、方氏説 八越境 不 信 於 類輔 逆女,非 者,見 攝 庶 假盛 ·外娶。 外 諸家 人一 三事 盛 交, 之 浸 者爲正 也,既 即 也。 天子諸侯之子,父在 不爲大夫之子制 父在也,父没則同於衆人。 大夫禮,猶諸侯之子不得用諸侯禮。 後,則非 改 命,未五十仍行士禮,則 有 而 取者制 位後,行天子諸侯冠禮者爲變也。 香禮 有 父没,則更無用 其昏禮。」切指之曰『其昏禮」,是大 爵 不 改 而以 甚明。 而 取 與 不 八士同、 而 别 既 大夫禮之理。《喪服》言大夫之子,謂 何? 蓋未 爲 爵 也。 之 制 行 行 大夫昏禮當爲大夫制 明 爵 大夫 若大夫之子則 昏禮,是替也 聖人以 士冠禮者 文也。 而豫爲制 大夫 昏 (昏禮 未 禮 大夫五 者 爵 爲 香禮 爲 行士昏 爲 正

此謂父在

不

得

從

制

在

爵

· 是

僭

五.

+

後

+

始

夫

别

耳。

不 知

昏

禮

用

所

挾

以

成

其

也。

墨

車

一,則注

謂

攝

盛。

故不

· 許。

士卑

今言異

邦

得

禮

也

鄭

注《喪服》亦云:

來

逆

叔

姬。

《公羊傳》曰:

昏 期 辨

則

此

禮

非

士

禮

,

亦

非

大

夫

禮

即

土

禮,亦即

大『不祥』之説,殊陋。」

萬氏

幼

孤

變。

大禮

, 經有

此

游

移

淩

雜

之制

乎?

《記》

明

錯

舉

士

大

夫

禮

非

攝

盛

耶

?

如

氏《釋例》。

亦將

以

説

則《士喪》、《特牲》皆有用

禮

<u>而</u>

非

正

大夫

禮

明矣。

假

盛

猶

攝

盛也。

曰

攝、日

假,

昏 期 諸 説 不同 張 氏 惠 包 世 一榮説

禮

近 萬民之判。 凡男女,自成名以上,皆書年月 馬 易。三十、二十之限,仲春之期,義無可 壯,有室,四十曰强,而仕。]如其説,將冠不 意也。《曲禮》曰:『二十曰弱,冠;三十曰 若未三十、二十,未仲春,則無須令。此非經 喪禍者不拘此月,故亦曰『令』。 説者謂三 不用令者,罰之。』此言昏期必以仲春,唯有 也。又曰:『中春之月,令會男女,若無故 許,故曰『令』。 令者,令民不敢過 三十,女必二十爲定時,過此則衰,未至則不 注:「二三者,天地相承覆之數。」此言男必 日名焉。令男三十而娶,女二十而 傳》義,俱符合也。《詩》毛傳言嫁娶男女之 必二十,仕不必 十、二十,年之極,仲春,時之極,故令之。 得之。 昭所據《禮記・本命》、《尚書大傳》、《穀梁 包氏 曰:「《周禮·媒氏》曰:『掌 四十歟? 自「説者」以下字句有改 一不敢 嫁。」 不及 議。 而 鄭

三十、二十、毛與鄭同也。 《東門之楊》傳曰:『男女失時,不待秋冬。』 《摽梅》箋曰:『謂女二十,春盛而不嫁,至夏 昏,非傳義。鄭箋言嫁娶男女之年者,同傳。 《綢繆》『三星在天』,傳曰:『三星,參也。在 合。《野有死鷵》傳曰:『春,不暇待秋也。 十,皆如《周禮》。 年二十而無嫁端,則有勤望之憂。』言昏期者 則衰。」又曰:『善時謂年二十。』又曰:『女 語》女年十五至二十,男年二十至三十皆可 之説,與《周 也。」此則承其師荀子「霜降逆女,冰泮殺止 矣。』『三星在户』,傳曰:『參星正月直 天,謂始見東方也。三星在天,可以嫁 所以蕃育人民也。」總三章爲一義,與《媒氏 男,二十之女,禮未備則不待禮會而行之者 年者一,言昏期者三,《摽梅》傳曰:『三十之 禮》違。 總而 然王肅述毛者,據《家 論之,男女之年定 論昏期,一以秋 娶 以 户

倉

庚

(于飛,之子于歸

」、《小雅

我

何

!彼穠矣》云「華如桃

李一、网

妹」,則季秋至於孟春,殷禮昏期審矣。 九月之卦,泰正月之卦,其辭皆云 『帝乙 死麕》云「有女懷春」, 而《草蟲》云「言采其 以《易》義言之,歸妹 有《桃夭》、《召 得行之,夏晚 卿、韓嬰、毛公之 ,雖仲春猶可行。 媒氏》,仲春爲 也。」張 《夏小正》『二 行,所以 期 殷制。」今 東 行 氏 殷周之 山 其 歸妹 則不 굸: 蕃 $\stackrel{>}{\mathbb{Z}}$ 南》 野》 歸 乎臣 以爲 且 得時、失時爲襃貶。 爲 丽 姊之長殤,亦不限以 言其常也,若有 時異、昏年不異,包、張兩説相 爲 逆女,冰泮殺止」之文合,則殷 因於夏也。衛居殷 傷悲」與「二月綏多士女」合,則昏 時,與《周禮》合,則 云「蔽芾其樗,言采其蓫,言采其葍」,皆據 豳 〈傳》曰:「國君十五 正也。 位 正 不用令者,罰之。」明有故不罰也。 一,而不限 **〔期」,曰「士如歸妻,迨冰未泮」與「霜** 尊事多,不可以常例定 庶也,若天子諸 七月》述公劉 此經有明文確 以 故則 仲春,故《春秋》書嫁娶不 墟 周制 時 略用包氏義。 而 時,故《周 不 ,疆以殷索,其詩 侯 事 生 限 昏 則娶 然可 Ė 子。」其 以 時 時 春 年 以仲春爲正也 '據者。 限 不 禮》云: -,故禮 兼乃具。 公制香 日 人君急繼 時 以三十 期 遲 雖 期 遲 仲 殷 亦仲 且此 有 「無故 一,女心 秋 三三秋 然此 周 則 爲

案:詩人取興多據

詩物。

張説

昏

月綏多士女』,則周

因于夏,實改

之名,庖犧所作

,則殷因于古。

異,以詩文考之:《周

南》

有《行露》、《摽有梅》。

蕨,言采其薇」,《野有

可。

當明年仲春,不待禮

會

而

人民,是謂

奔者不禁。

婚月之正,三月至

五月猶

馬

融

、鄭康成之義

,據《周官

義,自季秋

至于

孟

春爲

期

盡

《詩》、《禮

疏

説

昏

期

孫

以

仲

春,毛

與

鄭

異

嗣

以

春

無

故

昏

冬

降

周

夫

氏 則禮 其 十 臣 定年、定 時言之。 盡。 則》「子能食食」章一歲有一歲之事,而云「三 毛公意,包氏 踐之法非周 不以不用令罰之也。 禍」,舉其大者言之。 (極乎? 文》非歟? 庶之制 而有室,始理男事」。 二十而嫁,有故二十三年而 之曲 時 《周禮》之文正與相符,安得謂 體 者,王侯 有定. 制 人 據《曲禮》已足以破之矣。 情 ,王肅之説 曰:非 也。 年、定時 公之制; 《周 티 : 即 也。 據此,則是三十始娶,非 非 禮》注 非經意,亦非荀子、 丽 然則汪氏 喪禍 汪氏 有定年、定時 有故仍 以 ,苟有故焉 所言越王 嫁,明 有 2中《釋 不限 故 爲 據 禮 《内 者, 喪 之, 言 句 媒 正 亦 年

奠菜祭禰辨

「舅姑既没,婦人三月乃奠菜」,此禮説

見禰廟之禮,庶婦

則

無之,惟於三月祭行

之

遂以 不祭。 也; 耳。 時盤 也。 廟見。』《曾子問 惟共養統於嫡,故 饋特豚於室。」可 祭成婦義者,婦有共養之禮,猶舅姑存時,盥 婦,祭禰乃成婦共養之義,於經注 菜者,蓋神之不敢褻味,非以爲祭而 之廟見,執笲菜所 者多誤。 「盤饋、 見見訖醴婦之禮。 賈、孔 擇日 廟 婦行此禮後,别有祭禰之禮,乃以 饋 其祭禰者惟嫡婦,若庶婦止有 廟見皆謂 見、奠菜、祭禰 而祭於禰,成婦之義 《曾子問》:『三月 鄭氏珍曰:「此象舅姑 以此經奠菜後 》疏。 適婦,其 知廟 庶 説 以爲摯,變棗栗、腶 此經謂之奠菜、《禮記》謂 ※婦舅 此 見止 爲 經者 一, 而 更無 庶婦既不饋,亦不 姑存既 是見舅姑、告來 因 而 廟 祭舅姑之事 也。」注:「 孔 云 生 没見,稱 不饋 判 「適婦 氏 時 然 (更云: 當 厥 脩 没 甚明 有 廟 來 象 盥 明 而 亦 必 婦 生 用

教」四

字,辭氣太過,沖遠

大儒,不宜以

此

加之,今易之。

之黨,示未

成婦也。』此

所問

未

廟

祔於皇姑。

壻不杖、不菲、不

孔子言,是必

廟

見始成

婦,爲庶婦者

不

將

身不成婦乎?

則

孔

疏之失,「失」字原作「悖經

爲女之爲適婦者乎?

如適

婦

乃

得

見

而

死

,則如之何?

孔子曰:

不遷於祖

靈

,當怪彼何人斯也?

時

突列

内賓宗婦之班以

助祭祀,恐舅姑

見乎?

若初不告

『某氏來婦』,而

至祭

行

棗栗腶脩見舅姑。] 存既當見,没何

以

即

不

不饋者,死不見也。

適、庶分行否,不以

饋與見爲存没相對

謂

孔氏亦云:●『庶婦

亦

之班

而已。

夫爲子也妻者,則皆爲

舅

姑

於寢,没

剘

祭

於廟。

兩事

以寢、廟分存没,

婦,舅姑

生則

寢見之,没則

廟見之;生

則

時

,從主婦

入闡門、立於房中,列

在

内

賓宗

0 氏」,原誤作「子」,今據《儀禮私箋》改。

三五八

説。 崔 非 是 婦婦 氏 事 義 事 死 於大夫士 舅 如 姑 生 、事亡如存之理,聖 如 事 庶有 父 母 廟、 姑 無 偏 没 廟皆可 丽 人 決 不 告來! 通 無 一是確 此 婦 制

昏禮告廟説

者之行 體 禰 祖之承宗繼嗣者求人,而顧於居室、堂階之 之以受其禮 丽 帛、儷皮,是物也,必先自男家之主人授之, 女家之儀節,男家直若無事者。 曰 廟」。 許人,於廟中 主人又必有以命之。 「經文『納采』至『請期』五禮,皆行 《昏禮 五. 禮 儒 •記》「凡行事,必 ,其敬慎 也,其 皆專以 ·爲神 將禮者有所 重 鋪 女家 筵、陳几,使若祖 正 在女家,以先祖之遺 至矣。 廟受言。 用昏、昕,受諸 執之鴈 豈男家 然愚嘗 鄭氏 及束 父臨 思 事 以 於 先 使 珍

致之命,楹

閒

賓授之鴈,並下云『主人受幣,

若屬昏者,其於父則受醮酒

士受皮者』也。

乎 ? 居 室 納采、問名、卜吉、告期之命;在女家,爲受 《記》文,然後知經之不備載 者 閒 者也,其受屬女家歟! 爲主人受,賓當阿 脯,反,告女家見許之命,下所謂『某既申 其受屬男家歟 主人諸不敢辭、敢不敬須之命及主人之醴 使者歟! 於何致命? 脯 男女兩家,行六禮而言『受諸禰 補詳於此三句之内。『凡行事』蒙下二句,括 辺 |褻焉、率焉,以授之禮而命之往乎? 圃 、堂階之閒 次往女家受許諾之命 出,執以反命於男家,其將於何 聖 人 在男家,爲受主人之鴈與皮帛及 制禮,斷未 豈女家慎重如此,至男家 隨 爲主人受使者四 便受之,日 有如 ,及厚待之醴 是 男家者、《記》盡 不 吾 廟」,其受屬 倫 既 也 已 次 致 知 又 卽 脯 可,取 執 所 之 使 於 玩

已明,惟五禮用昕不見。

《記》但言『必用

昕』足矣,何須贅『受諸禰廟』乎?

此三句。不然,女家六禮皆受於禰

筵,右几以依神,使若祖父臨之,然後行事 於父母』、《坊記》所謂『舅姑承子以授壻』者 及往迎之命、往奠之鴈,於女家則奠鴈、降 略、《記》欲詳見男家及行事之早晚,故特著 矣。經以男家行事可照女家知之,故文從 左傳》王子圍布几筵,告莊、共之廟者,皆男 稱『某有先人之禮』,言此禮由先人,非 ,是受其女於女父。《昏義》所謂『親受之 如此,則兩家於六禮,直以祖父臨之,不 明乎此,則《曲禮》『齋戒以告鬼神』及 故其致 自漢已輕 廟,經文 西設 香、 使、 明 由 辭 決 言。 采,則 事爲 神」,乃多生葛藤矣。《文王世子》:『五世之 明注意,遂以經爲專主女家,復云『醮 齋絜,止在寢不於廟,其三月廟見,亦是告 右几明文而言,其男家自可知 席以告鬼神、謂此。」亦據此經所詳 沿不瞭,故於納幣一節獨 告於祠堂,乃醮其子女。析理協義之精,自 者,示不必安之!强説,朱子《 讀此三句,故《白虎通義》有『娶妻不先告廟 相知名』至『厚其別也』。此節兼男女兩 者耳。」「又案:《曲禮》: 『男女非有行媒,不 與先聖脗合,特不知經記已有明文。 説者 家主人更以復書告祠堂。 而反疑《左氏》不足信。然其所定《家禮》納 注云:『昏禮,凡受女之禮,皆於廟 專主女家,而援女家之禮爲證也 兩家主人奉書以告祠堂,迨使者反,男 不告廟,是其 親迎,則兩家主人 通解》亦從之, 。 非 以 女家設 告 子但 君 稍 疏 爲 鬼 不 諸 家 自 筵 相 神 湋

己也。

家受於禰廟之正

禮,不待旁推

曲

證

而

自

並

止

於一告使祖父知有此事而

己。

矣。

也。

凡此皆於禰廟受之,足明男家當遺

醮子及使者反命之時,亦必於廟之户

三六〇

矣,而 君,於昏禮告廟 孫 氏 祖 疏 伸齋戒告鬼神爲男家告廟的 之説乃云然也。 鄭解自較賈逵確當,要非 稱,又爲道祭定名,古無以告祖廟爲祖 記 主告廟,故注《曲 六禮皆然,經固 行,此據楚圍語 白虎通》取 ,據以推告廟 在 廟』,尤牽附 事,鄭解『祖』爲『載 不 祖 陳 明 實非 廟 已成夫婦,而後 下文『練 説 未 傳 毁 皆 妻不先告廟,當謂 文 無謂。 顛 雖 有 爲古禮,云『亦既告君,必 所謂 絶 推得,非他 祥 杜 禮》及《左氏》皆非。 倒。」今案: 此明 及 不 則 氏 庶 告。同 相 至隱八年,鄭忽先 説 道之祭」,直是 文也。 然亦 人, 行耳。 涉。 逆婦必先告廟 主《白虎通》不 有 冠、 《左傳》昭 據,而 止得其 鄭 故 近盛氏 所 親迎 祖 娶 注 説 本。 妻 爲 以 極 굸 婦至,即 其言是 一,不知 先 忽 爲 必 是。 並緣 康 世 - 告廟 世之 告。」 與 元 告 配 成 佐 而 者。 此 後 嬀 須 年 於 惟 力 後 不

> 也。 而 同 牢 後 此 廟 而 條 食,三 見,告來 略取 陳氏立義、 月 婦 而 耳 後 祭 非 行。 謂 六 舅姑没者,三 禮不受命 于 月 廟

問名女爲誰氏解

受鴈對以 氏」者,謙也,若不 者,請女姓名之文書也。 其行爲幾,俾壻家確然 書具載女之姓名、生年月日,其父母爲何 辭若此者,竊意問 某之子矣,其爲主人之女,又何待 納采之禮,斷 多不安。案:媒氏既通婚姻之言,使者 氏 者 ,謙也,不必其主人之女。」諸 問 名曰:「敢 女名,即 無不知女之姓氏者。 請 授 必其 名非 女 以 爲 主 空憑 此 無 不 誰 人 文書也。 疑。 之女然 氏 曰 П ?!注 何 [説,必 曰「爲誰 名 蕳 納采 其禮 一, 而 儒 也 曰 有一 説 不日 主 既 既 此 丽 氏 文 人 經 條 誰

不苦於終也。
 一世,名所獨也,使者之辭曰「備數擇之」,若不必其專求已女者,皆所以致尊讓。略本鄭氏不必其專求已女者。主人之辭曰「備數擇之」,若不必同也,名所獨也,使者之辭曰「誰氏」,若不必同也,名所獨也,使者之辭曰「誰氏」,若不必同也,名所獨也,使者之辭曰「誰氏」,若不必不苦於終也。

士相見禮

侍食禮辨

將食者」節言侍食常禮、《玉藻》『若有嘗羞客於君之禮。《論語》『侍食於君』節、《玉藻》。《於釋》曰:「若君賜之食節、言見。《校釋》曰:「若君賜之食節、言見。《校釋》曰:「若君賜之食節、言見。

祭,不客,則不命,二也。客之,則先飯,不 先飯」者,命祭君之義,先飯臣之禮。 者』一節與此同。《玉藻》前一節言君『命之 客,則不先飯,三也。蓋君將食,膳宰嘗食, 嘗食,不客,則嘗食,一也。 客之,則命之 客之,與正侍食異者有三:客之,則膳宰不 子不得先飯矣』。案:江説至精。蓋侍食而 代宰夫嘗食。若非客之,則有宰夫嘗食,夫 飯爲臣不祭,非客之之禮。 與之禮食、《記》人恐後人不明,故申之曰 臣言。『賜」,如『君若有賜焉』之賜,謂特賜 此經云『賜」,據君言,《論語》云『侍食』,據 言臣禮,故不及命祭,《玉藻》補經所未備也。 祭,然後祭』,此經上節及《論語》但言『君祭 「不言祭者、《記》者略之。君以客禮待之,故 「賜」字也。邢氏昺《論語疏》始誤以君祭先 『若賜之食,而君客之。』『客之』二字,正釋 江氏永駁之,謂 此經主 經

褚氏 《大射》羞膳者皆不嘗食,是也。 正禮 異者 臣 伸 者,愛君之仁也。若不以客禮待之,則君 食。 之禮,使君因 待臣,臣不敢當君之客己,且不 爲客嘗食,故降尊以就卑,與客同。 邊言 宰所以不嘗食之故,乃謂『客之』與『不客』所 祭時先飯,示代膳宰嘗食也。 夫所謂君祭先 不嘗食,但循 日食正禮,使膳宰嘗食。 無膳宰嘗食者,尊客之義,代膳宰嘗 也。 在 寅亮、胡氏 則 祭不祭,不在嘗食者之有無,誤矣。 臣 客之,則不使膳宰嘗食, 當後祭、先飯矣。」君命之而祭,是後 己 飯者,據臣言之也,若合君一 丽 侍食之常而 培量、●劉 食火齊不得之物,故於君 氏 른 既有嘗食者,則 寶 燕、射賓重,則不當 敢廢 楠等不 然君 王氏引之、 以膳 《燕禮 君 雖 知 宰不 嘗 以 膳 自 食 客 食

非以君命使節解

經云『非 君命私言事,則以私人擯,不以公士擯,大夫 公士爲擯,大夫士俱有。 《校釋》曰:「大夫以 之老。』」案: 卿士,其使則皆曰寡君之某。《檀弓》曰 稱寡者,不言寡君之某,言姓名而已。大夫、 如是者, 士不俱有。 『仕而未有禄者,君有饋焉曰獻,使焉曰 曰:『寡君之老。』」注: 非 以君 則 以 君 不 公士對私人言,散文 此節經、注,説者多不得 稱 命使』, 命使,則 寡。 · 則大夫 『寡』字兼上大夫稱 君 一謂 命 不 非 使者,聘 稱 擯贊者 士 以君命使,而 寡。 不 則 俱 大 也 辭 直 有 夫士 也。 其 可 曰 聘 寡 『寡 士 解。 知。 不 君 則 順

祭畢,即先君而

飯

^{) 「}胡」,原作「何」,徑改。

以

通

私人」對文,此經

《記》「公士」可知。云『不稱寡者,不言寡君 下二者,蓋統言則皆是大夫也。 君之老者、舉上明下耳。其大夫之中、兼 君之老」,下大夫稱『寡大夫』而言。云大夫 之某,言姓名而已』者,釋經『不稱寡』句,經 公士且不得用,無下大夫可知。 公士爲士介,上介亦統在大夫中,若非聘 下句言『寡君之老」,注變『老』爲『某』者,所 氏謂據《玉藻》爲證,是也。 《玉藻》『公士』與 互自足,不言擯而擯義即在士字中矣。 謂擯贊者辭」者,核上下經文意而知。 其義於下大夫,明寡字兼『寡君之老』、 上賓既以下大夫爲介,又以 無所對,則經『士』字當 稱寡大夫,經但言 云士者,蓋總見 是者,則上大夫 經文上下相 卿聘,以下 又賈 注云 則 聘 上 寡 得 於未句 君之老」者,彼經無『之老』二字,彼注云『見 夫。注之士字,更與經士字全無涉,四 實之。注之大夫,則專指下大夫,非經之大 備,注恐人偏指上大夫,故並舉大夫、卿 在 曰『仕而未有禄者,君有饋焉曰獻,使焉曰寡 稱寡』者,是大夫士不俱 稱『寡君之某』也,則上云『非以君命使,則不 使,注以『使』字申之,明士爲擯則必是使,故 耳,然其意則與經大夫别 當經二字,先大夫,後卿士者,順經 者,然下但言『寡君之老』,意雖互明,文似未 大夫。卿士,上大夫。經之大夫兼上下二 夫、卿、士其使則皆曰寡君之某』者,大夫,下 上明下也,既不稱寡,則言姓名而已。云『大 『寡大夫』而言。下句但言『寡君之老』者,舉 臣位,與有禄同也。 無説。 今案"彼文當依 君有饋,有饋 有明 也。 矣。 經 此注所引釋 云《檀弓》 不

稱寡君之老,下大夫

得

,則以君命使

可

知。

如

則大夫士俱有。

大夫爲上介,不直用

士 圃

於君」,

大

夫

文.

字只

言大夫

之衰 聘則 以私 其 擯 老者 用 相 正 也。 義之正也。」 異辭、《春秋》之義,名氏不若官,公私異稱, 天子,公事也。 下言,文已明故也。 與 士 同,故注引爲證。 《周官》鄉 可耳。 此 ,亦舉上 事 辭 蓋 也。 擯辭,君有饋 出 既 則 經單言『寡』文義一例。云使者 聘所 ,而用公士爲擯,稱寡之理 曰 仕 雖彼此立文,意各有主,而 即 :『寡君之某。』《記》單言寡 一明下, 老尊 以 公士,士惟 非 講信修睦 句則連引耳。 聘 老,尊稱也,大夫,爵稱 於鄉大夫,尊卑異稱, 以上云『寡君之某』兼 上句證 丽 出、私 隨大夫爲 一,考禮 士字,末句 事也。 但言寡 德, 也,惟: 介 異擯又 以 , 明 尊 君 證 事 君, 聘 德 之 事 上 聘 則 使 無

鄉飲酒禮

鄉飲酒禮通考

學。 學,取致仕在鄉之大夫爲父師,士爲少師,在 事: 子之鄉則升學士於天子,諸侯之鄉則升 子六鄉,諸 於諸侯,凡升之必用正月。 則一年再飲,黨則 總而言之,皆謂 者,三則州長習射飲酒,四 於學中,名爲鄉先生,教於鄉中之人,謂 每年入學,三年業成,必升於君。若天 孔氏《禮記 則三年賓賢能, 侯 三鄉,各有鄉大夫。 正義》曰 鄉 飲酒。 一年一飲。 則 : 鄉則三年一飲,州 則黨正蜡祭飲酒 卿 鄭 將升之,先爲 大夫 云 所以然者,天 鄉 圃 飲 飲 鄉 國 酒 學 有 中 有 飲 睯 士 鄉 鄉 四

位

一州

長

春

秋

習

射

及

卿

大

夫

飲

國

亦

名

鄉

飲

酒

而

其

(禮固

不

能

無異

大

臨

謂

鄉

人

(凡有聚會,皆當

行

此

國

.中賢者則無常時。」盛

陳,乃侯國

賓賢之禮,常

以

正月行之。

將射

秋行之,黨正

正

峚

位

主人。」張氏爾岐云:「鄉飲有四,此篇 鄉大夫賓賢之禮,他如黨正 禮禮賓之。」若州一年再飲者,是 而飲之,以州長爲主人也。 ,是歲十二月,於國大蜡祭,而 介,又次者爲衆賓。 鄉老及鄉大夫帥 於季冬蜡祭,卿大 則大比,考其 氏世佐云"「此 擇學 也。 故《周 禮 中 丽 亦黨正 恐不 ·賢者 飲、於 德 自吕 + 其 正 篇 夫 所 吏 行 禮 鄉 最 ·, 雖 若 止 飲 氏 娲 所 春 載 爲 與 道 大 賢 • 黨正 遵則 寓尚 飲酒 矣。 寡與 爲賓、介、三賓,而 謂 再 考《周官 日 席在賓東,而不與 褚氏寅亮云:「此禮雖主 四 士、君子』之鄉人,注以爲『鄉大夫』者亦別 而後儒宗之,遂以爲鄉 習 事 命齒于父族,三命不齒。』則尚齒之中,仍 鄉人者,鄉之人耳 年遞 飲 射 以 然《論語》所 **`**• 齒貴貴之義。 法相似則 亦指鄉人而言之。 酒 尚 公士爲賓 論 灣,而 ''; 則 功,而 語 黨正》之文曰: 『一命齒于鄉 \Rightarrow 專爲 載 可,援以 $\mathcal{T}_{\mathbf{L}}$ 兼 (載,有 (,自賓 十以下俱立侍于堂下。 Œ 鄉人 貴貴 、鄉人齒。是選賢之中,仍 餘皆齒序。 州 齒 ,與《鄉飲酒義》『鄉人、 長習射 證 位 尚 尚齒之意,謂 而 其説 飲 人聚 此則不可。 興賢能,選有 而 朅 外,皆以 酒 行禮,故豆之多 猶 會飲 見采於《通 有賓無介,若有 杖 若有遵者 鄉 者 酒 飲 娲 出 之 序。 與 也 且 其所 德 通 斯 黨 解 雖 則 者 禮 其 ΙĒ 出

藝,而

興賢者能者。

鄉

大夫職》曰: 『三年

其

衆寡,以

黨

年一

飲者

黨中於學飲酒

,『子貢觀蜡』是也。

春

秋習射,

因

夫爲

主人,與之飲酒

而後升之。

使

爲

賓,次者

爲

酒

之禮

鄉鄉

大

夫

與

鄉

先

生

謀

士,

六六

耳。 者用 矣。 也。 名賓 以 之於在官者也。 如 也 立 此 賓,杖者安得不俟而先出乎? 杖者,蓋賓即杖者年之最高者,故即以杖者 夫,即不以齒序,爲少異耳。 行 亦隨之而 矣。 德 貴 。』見凡飲酒必立賓也。其或有賓無介,如 賓、介,夫不立賓,則獻、酬、酢之事 禮必兼年高有德者爲之矣。 此分别,若侯 鄉飲 也。 玩『杖者出 竊意 則 其賓、介等,必以年之先後次第爲之,若 貴之義 故 近於標榜矣,若以貴又 出矣。 賓出, 此禮雖 酒禮,此即《論 <u>~</u> 燕 焉 義》曰: ,斯出矣」之文,不云賓 國則 而其 若尚德不尚年,年少者既 至賈 案: 曰飲賢,然不過在坐皆賢者 餘 自 天子三 疏 立立 杖者俱 一 命 語》所 謂 賓 卿 以 命 以上三禮,皆行 云『鄉 大夫飲國 主,飲 或謂 明乎 出矣,故 上,苟位 以 非 下 尊賢之義 ,此,則 人飲 皆 酒 此禮 傎 士 之義 孔 而 中賢 列 不 酒 可 不 知 爲 子 云 大 故

> 甚矣。 之,似未確。 説《論 禮正合,褚氏專 以興賢能、謀賓介之禮當之,其不達於事 介等必以齒爲序,則誠如褚氏所云。 之禮汩之,故詳辨焉。」今案:諸家分 州 四事甚明,惟《論語》「鄉人飲酒」當 鄉人儺」同爲公家之禮,「杖者」之文與 長 習 語》者往 別之儀 然飲賢之禮,在 往以 亦 以 未 卿大夫 鄉大夫賓賢、黨正 可 定, 士 但 飲 賓 坐皆賢 必 國 兼 中賢者 年 敖繼 **一**, 而 與 别 正 德 下 黨 鄉 齒 耳 厺 當 理 飲 文 飲 位

鄉飲酒賓席所在并禮經房室制度通者

篇房室之制。《校釋》曰:「天子諸 此 席 室 牖 正 前 經 一中,牖 日: 一, 南 面 。」案: 乃席賓、主人、介。」 前 則近 西 此 一; 即 所 謂 此 席 可 賓 推 於 注 明 西 侯左 日 禮 北 經 也 右 賓

房。

《公食》諸

特

牲

諸

篇

亦

也。

侯

有

記》: 『婦人

脯

醢

諸侯左右房。』《禮器》記:『夫人在房。』注: 西室者,鄭君之自爲説也。知者,《公食大夫 左右房,諸侯燕寢、大夫士正寢、燕寢爲東房 廟、寢、學皆東房西室者,鄭君傳禮經先師相 ·天子諸侯有左右房。』 謂廟 侯之宗廟、路寢、學宮,大夫士之廟、學爲 ·記》:『宰夫筵,出自 言天子諸侯左右房,明大夫士不 ,由左房。<a>」注:『人君左右房。』謂 左右房。』謂寢制 經記、注。 、髽,帶麻於房中。』注: 『天子 謂天子宗廟、路寢如明堂,燕寢, 廟、路寢、學宫左右房,大夫 篇言東房者,東房對 言東房者,東房 「室,後· 也。 孔、賈疏義申之,謂大 人多 《大射》: 東房。」注:『天子 疑之。 制也。《喪大 對 西 『宰胥 西 弼 室言。 房言。 左 學 案 右 諸 \pm 制 薦 右房者 《鄉飲酒》賓席户牖 爲 與 于 燕寢 王在 同。 堂。』《周禮・匠人》注、《禮記・玉藻》注 師 位。 侯廟及路寢乃爲左右房也。《斯干》箋又 堵,西南其户。1箋云:『宗廟及路寢 無西房。 左右房。」是天子燕寢與諸侯正 室也。《聘禮》還玉,賓『退,負右房而立』,有 云:『此築室者,謂 左右 楹 兩楹 師 \wedge 當 豐,猶諸侯制 是天子宗廟、路寢如 閒 相傳之義 鄉 閒」。 東房 房,義本孔氏 ,據在正客館 相 飲 而上云『羞出自東房』,明 鄉 酒 其 西室也。 義 注: 『象鄉户牖 也。 **>** 室必 謂 度,故廟寢有東西房,是諸 (廣森。 築燕寢 其 閒,凡賓席皆 《 詩 正 也。 《既夕禮》朝廟 位 中,則 在 • 與 明堂也。 此條本賈氏義。 也。 斯干》: 諸 西 也。一户 北 侯 大 在户牖 一寢同,則諸 天子之寢 同 夫 則

禮

諸

承之説也。

謂

天子諸侯宗

東房對

西

室

在

西

閒

所

謂

客

『築

室

百

此

蓋

制制

如

明

房,屢見禮

士直

有

東

房

西

 \pm

之

廟

亦

寢

牖

閒

得

"; 正

柩

侯

有

鄭注謂

爲東

而《香》、《喪》、《虞豐》則准云『房一,明其一言上房西室,降於諸侯,故《饋食禮》每言『東一義,

列尾。三夏无更号南至,疾夏月夏号南至房」,而《昏》、《喪》、《虞禮》則惟云『房』,明其

也。《鄉飲酒禮》:『乃席賓、主人、介。』注:制異。正寢既東房西室,燕寢自東房西室

射》言户牖之閒者,鄉射賓不必在西北。是大夫士之當西北之位,則室必正中。略本盛氏世佐義。《鄉『賓席牖前,南面。』牖在室中西,賓席牖前,

異 房 記皆言東房也。 義 西室之説,惟 ,此鄭君自爲説之義也。 미 然則人君左右房,大夫士東 施 於正 寢,故注于正 蓋鄭 見經 于大 寢 無

學亦左右房,故《鄉飲酒》記及《義》及《鄉

射》

制但言房,與諸侯異。疑先師言房室之制未夫士廟學之制,皆言東房,與諸侯同,于寢

廢 房 也 免 對 牽混,故 ,猶《肆夏》存吕叔玉,三《易》著杜子春之 西 鄭 既 室言,亦自可 疑 既 先師之説,所以 著其説,而 通。 于 傳説已久,不敢 廟 仍著之者, 學 復 分别 言之 以 輕 東

謂大夫士廟寢皆左右房。惟孔氏廣森云:言大夫士東房西室之非,又不深考經文,而義,蓋其慎也。後人不深考注文,而妄議鄭

曰廟,無東西廂有室曰寢。此寢廟之異,有之視廟,宜有閷矣。《爾雅》曰:室有東西廂【君子之營宫室,宗廟爲先,居室爲後,則寢

房西室,以降於君耳。《饋食禮》每言東房,明文者也。大夫士之廟乃左右房,其寢固東

房者信不然也。《昏禮》言房者五,言房中者又言左房,東以對西,左以對右,以爲廟無兩

四,《喪禮》言房者四,言房中者一,《虞禮》月末作之然七、《昏礼》言房中者一,《虞禮》

右,則以爲寢有兩房者,亦未必然也。《漢言房中者一,言房者二,而皆不指其東西左口。吾者,言見之。

據《斯干》箋,謂諸侯燕寢爲東房西室,亦 書》曰: 文分别廟寢 内之謂。 家有 飲射 ,暗合注意,最爲精確。 一堂、二内。 在學,與 (廟同 一房一室合於 制。」案: 胡 孔 氏 據 經 又

以

推

諸侯之制,不

可

據

房,與諸侯異制,故《詩》特言之。

周

初,宫室皆承

先王用

諸侯制

燕寢東房西室。

左

一右房,是别於諸侯

同

制

,似失尊卑之差。

如

胡

同言房若房中,而不指其東西左右 大夫士之正寢亦左右房,則未合于經。 氏説,則大夫士宗廟、正寢、燕寢 宣王改作,乃於燕寢爲左右 西室,則大夫士廟及正 燕寢左右房,諸侯廟寢 而言,不兼大夫士。 《詩》箋言天子燕 尊,故亦爲左右房,而 以推大夫士之制 東房西室無可復 正寢,喪、虞 、正寢 且以次差之, 東房西室也。 燕寢之制 詩文可據 左右 ,則大夫 悉與君 寢 寢 與 也。 房, 據 蓋 有 左 昏 當 比 有一東房,故室户偏東與房相近,此户正 異于一房者之室户也。 曰:『既有左右,則 如明堂。每室四户,是室一南户爾。』《正義 之室户也。 天子之寢有左右房,西其户者,異于 今案:《詩》箋云:『此築室者,謂築燕寢也 户皆南鄉者,則皆左右房而非東房、西室 者,室乃南向開户,禮經《喪禮》、《虞禮》言室 謂 夫士正寢亦左右房者,以誤會《詩》箋之意 别于大夫士,皆經之達詁也。 注於正寢,遵用先師諸侯有 箋言天子燕寢有左右房,以别於諸侯。 燕寢之制,諸侯與天子殊,正寢之制,不獨諸 侯與天子殊,而大夫與諸侯亦殊,故鄭《 之爲西其户矣。』案:大夫以下燕寢與 一房者,室東 又云南其户者,宗廟及路 向開户,以達于房。 室當在中,故 大夫以下無西 左右房之義,以 胡氏所以謂大 西 其 左右房 (户者, 寝,制 房,惟 一房者 《禮 中, 詩

東房

西室矣。

但宗

潮

降

· ', 禮

窮則

同

,故燕寢與正

寝同

惟

降其正寢爲東房西室。

右房

而

燕寢

東

房

天子廟寢

如

明

堂而

士之正寢與

燕

寝同

一房審矣。

經

,昏禮在

一燕寢

,喪、虞皆在

干

古所未

發,但謂東房西室專爲

丽

户在 者,東爲房,西爲室,室之西偏 侯 圖 堵』言,則西南專據室,不據堂。 則 在室之東也。 在 義 明一房者之室户不南 之『南』字對明堂之制四 室户在東隅,則一房者室固不東鄉 南者。若與房相通之小户,則《春秋傳》所謂 一房者之室户也。」經『西南其户』承『築室百 侧户』,不在房户、室户正户之數,不得單名 室中央,而户則在東隅與房逼 同 不 爲説,義本明確,經之『西」字,對 西于在室東隅者,故曰: 『西其户者,異于 相蒙,無論 室中東,是其户近室之中 其 孔 《昏禮》、《内則》由房入室,由室入房, 言 據 大 室户之制 夫 兩房者室居中, 一房、兩房,室户固未有不在 以 釋 則 鄉。 一房者之室户亦 面 其 『西』、『南』二字, 有户,則更不足以 精。 當西 牖在 也 孔 孔氏 近,是其户 意 開户,經 一房者之 一夾,北 近 室中 蓋 以 室 案禮 未 西 中, 牖 房 爲

《虞禮》之户,固一房者之室户,諸侯 席牖 《書大傳》説后夫人入御于君,皆由房入室, 席也。」今案:《特牲禮》:「豆、箋 異。故席賓西北,不在户牖閒 室東 户,則是正户,非 堂之制,四面皆正户也。《玉藻》「居恒當户」,直 不合也。 側户矣。以是言之,室户皆南 在户數,故鄭謂 不由室户,蓋婦 之燕寢有之,即天子燕寢左右房者亦有之。 皆正户,未有稱側户爲户者。 謂『贊入户』, 夫士正寢、燕寢皆東房西室,詩文禮 不言出入,當 向開户而無南向户,則 前 而 此經飲酒在學,有左 其西,仍 側户,故注云:「向明。」如謂 則 由 人恒 天子燕寢止一 固 側户,蓋燕私之禮。 正 得 由側户出 户。 容衆賓三人不 諸 是 經傳所言户 而 人也。 側户不獨一房 南户,非 室 右房,與私 向。《喪禮 在 無户 牖 一房者 燕寢、大 鉶在 側户不 然經 相 例 前 , 但 本 屬 如 有 東 家 無 明 所

云:「注曰『房中之東,當夾北』,則東夾之北,夾不與房並也。賈疏失之。李氏《釋宫》中之東,當夾北」,則西房,房中之西,當夾中之東,當夾北」,則西房,房中之東,當夾北。此房在堂後室東,其房中之東,當夾北」者,言東房。」注曰「東房,房中之東,當夾北」者,言東

鄉飲酒燕禮升歌合樂並天子以下饗燕用

樂大例

述

北,通爲房中矣。」頗得注意。

樂、《大雅》、《頌》爲天子之樂。《鄉飲酒》升 鄭注曰:「鄉樂者,風 歌《小雅》,禮盛者 周南》、《召南 禮 輕者可 鄉 飲酒》、《燕 以 逮 下 可 禮 燕禮》謂 也。 以 也。 》皆升歌 進 \wedge 佘小 春 取 二《南》爲鄉樂, 秋 也。《燕》合鄉 雅》爲諸 《小雅》,合樂 傳》曰:『《肆 侯之

《小雅》,天子以《大雅》者,《燕禮》云:『遂合 《小雅》,天子以《大雅》爲準。 下就。 《文王》。諸侯歌《文王》,合《鹿鳴》。 南 鄉樂、《周南》:《關雎》、《葛覃》、《卷耳》,《召 下就爲例,其定上取、下就之例,以 鄭論天子諸侯歌、合所用詩,以饗賓上取、燕 臣及聘問之賓,皆歌《鹿鳴》,合鄉樂。』案: 鄰國之君,與天子於諸侯同。 雅》,天子以《大雅》。 小雅大雅譜》云:『其用於樂,國君 燕,升歌《頌》,合《大雅》。」《校釋》曰:「《詩 與次國、小國之君燕,亦如之。 與大國之君 諸 王》、《大明》、《緜》,兩君相見之樂也。」然則 夏》、《繁遏》、《渠》,天子所以享元侯也。 侯相與燕,升歌《大雅 《鵲巢》、《采蘩》、《采蘋》。』經明以《周 何者? 天子享元侯,歌《肆夏》,合 然而饗賓或上取,燕或 》,合《小雅》。 天子諸 必 知 諸侯於 國 國 侯燕群 以《 天子 君 君 令文 小 以 以

俎。 爲正 雅》,天子自必以《大雅》。 欲 樂 子諸侯燕群臣」,則燕臣 侯以《小雅》,天子以《大雅》,則大夫用《風》 南》、《召 燕下就者,天子享元侯,歌《肆夏》,合《文 秋傳》王享晉士會,而曰『享有體薦,宴有折 之燕饗皆云『饗』,臣之燕饗皆云 對言,則君 就者,以 用《小雅》、鄉樂者,下就也。 也。天子《大雅》爲正,其用《頌》者,上取; 爲正,其用《大雅》者,上取,用鄉樂者,下就 譜》於饗言『饗賓』,燕但云『燕』,然下云『天 い、用其 無 公當享,卿當宴」是也。 ,其用《小雅》者,**上** 疑 正也。 南》爲鄉樂,則《風》爲大夫所用之正 饗賓禮 鄉飲 臣 各云『燕饗』;君 大夫以《風》,諸侯自必以《小 酒》、《鄉射》息司正,鄉 盛,燕臣 可知。禮之例,燕饗 取 既大夫以《風》,諸 禮 也。 所以 知 輕 臣 有 諸 不同 一對言, 『燕』。 必上取、下 饗賓上取、 侯《小 故 則君 樂惟 <u></u> 耳。 雅 春

> 侯也。 就 知其意可耳。 且上承「享元侯」,下起享鄰國之君,文勢當在 所臣也,故歌《文王》用其正而合《鹿鳴》,下 夏》,天子所以享元侯也。』言元侯者,别 夏》而合《文王》用其正。 王》,元侯,二王後,天子所賓也,故上取《 也。 諸侯歌《文王》、合《鹿鳴》,諸侯,天子 此雖蒙享文,實即燕臣之下就。 《春秋 傳》曰:『《三 但以「公當享」, 此。 學者 于諸 肆

歌《清 問之賓皆歌《鹿鳴》、合鄉樂,群臣固臣 取 國 居》。然《清廟》、《肆夏》同是《頌》,則同 侯相見,元侯相 之樂也』是 鳴》用其正。《春秋傳》曰『《文王》,兩君相 也。 君,諸侯之賓也,故 諸侯於鄰國之君,與天子於諸侯同。 廟》以 二王後,得用《頌》。 也。 避 《譜》但云 天子,本孔 見亦與天子於元侯同,但 天子諸侯 上取《文王》而 諸 氏説。 侯相見,不言 見《 燕 群 仲 臣 合《 ,聘賓 尼 是 及 聘 鹿 1 燕 升 見 鄰

鳴

兩君

相

士

相見之樂爲《鹿鳴

》**,**諸

侯

燕

大夫

亦用

之同乎?

阮氏不知上

取下

歌《鹿鳴》之三三拜,

而燕禮

聘賓及己臣當但

歌

鄉樂矣,何

以

晉享穆

等,則諸侯享聘賓及己臣

一歌《鹿

詩譜》『天子享元侯』三事中,此所謂燕,彼 不辨饗賓與燕之恉,謂燕賓當較享賓降 『諸侯相與燕』以下,據燕言之,即包在 彼「饗」字包賓之饗燕、「燕」字包臣之饗燕。 見之樂爲《清廟》,天子享諸侯 就之例,謂大 亦歌《鹿鳴》,與 ,則但合樂用 鳴》,其燕 一,則但 也,故 饗賓、 天 鳴 燕禮 (()) 鹿 叔 夫 . 子 亦 乎 ? 《傳》所謂『《文王》,兩君相見之樂』,正鄭 《頌》? 禮 其 不以《大雅》乎? 元侯之歌《肆夏》同爲上取也,安得謂 見」,先儒固謂元侯 用《頌》,不依傳文乎? 謂饗賓或上取者,安得謂諸侯本不以《小 苟無元侯諸侯之分,將孰是而 廟》』、《左氏傳》言『《文王》,兩君相見之樂』, 有《大雅》,兩君相見, 之樂,則鄉樂之名何自 用論之,固已失其本矣。 詩,與其人之用 用《清廟》。 同 正,天子群臣 ,冠、昏、喪、祭、鄉、相見之禮 且如《傳》文,則諸侯用《大雅》,何以 命仲 夫不論其詩爲何人分所 尼燕居》言『兩 爵 此 諸侯 詩 雖 升歌《清廟》,正 尊 爲 ',在畿 燕群臣用《鹿 何 何 而 《禮記》之『兩君 如《鹿鳴》爲大 以 等事 稱?《小 君 越《大雅》而 内與 相 見,升歌《清 而 孰 ,多依諸 諸 但 與 雅》之上 非 天子 應用 侯之 鳴》,乃 天 以 ·· 乎? 子 夫 其 雅 本 享 相 又 所 用 + 之 所

盛氏

所謂饗也。

此注

燕臣

爲

衡,賓則

燕亦饗也,臣則饗亦

燕

升歌

用其正

,不下就。

上取下就

總總

以

饗賓也。

鄉射亦饗賓而

禮較

輕

下就鄉樂,燕也。

大夫鄉飲酒

上取《鹿

歌、合皆下就

諸

侯合樂下

就

也

諸

侯

於天子則陪臣,於諸侯亦外臣

也。

故

其正,不上取,大射

亦

燕

臣

ጢ

禮

較

盛

諸

工

禮

諸

土

三七

应

之義 乃絃 《新宫》、《騶虞》、《貍首》、《采蘋》是也。 樂,有升歌之樂,孔氏 取,退乎此者爲下就,與《肆夏》之爲金奏、爲 皆連舉三篇,「工歌《鹿鳴》、《四牡》、《皇皇者 堂上,而先擊鐘鑮於堂下以 夏》之三不同。 華》』是也 大 歌無與,即易《肆夏》爲《清廟》,上取下 篇作於堂下,升歌之樂乃歌《肆夏》之三於 侯樂,《大雅》爲天子樂。 》名二《南》爲 侯禮,固其 **,**與《郊特牲》『賓入大門,而奏《肆夏》』, 記》、《大射 夫 固 而歌之。 如 準,所 故 歌 也。 (宜耳。 知者,禮經之例凡歌三篇者 一篇者 弼謂 以 鄉 議》兩 且 防僭 樂之文,據 金奏《肆夏》,有人門之 鄭氏取就之説,原于《燕 人門之樂,但歌《肆夏》 「, 則 廣森 差也。 見《肆夏》,皆單舉一 但 稱 爲 日《肆夏》與《肆 進乎此 以定《小雅 天子燕之下 節、既鼓鐘鑮 篇、《鹿 者爲 鳴》、 \sim 》爲 就 燕 上 從 之人門,則晉爲聘賓奏《肆夏》,正其宜也,何 享元侯也,使臣不 天子享元侯用之,故曰:『《三夏》,天子所

禮

敢與聞。』若使《肆夏》止

用

以

篇

爲成,則上云『始作』,必升歌也。設升歌 《肆夏》、《繁遏》、《渠》」,與入門之樂但 《肆夏》之三』,又曰『三夏』,《外傳》曰『金 客始不得用,故曰:"大夫之奏《肆夏》也 聘賓、於勤王事大夫皆得用之,至大夫於 篇以納賓,天子享諸侯、兩君相見、諸侯於朝 夏》一篇,爲人門之樂也。 趙文子始也。』金奏《肆夏》之三以樂賓,則 夏》者絶不同,則必升歌之樂也。 金奏,何以 工歌亦先金奏、《論語》『始作,翕如 三篇連歌,三篇連歌而曰『金奏』。 『以成」,『成』即『簫韶九成』之成,正歌備,乃 仲尼燕居》一入門 有翕如之象乎? 而 縣 興」文同, 《春秋傳》曰『金 金奏《肆夏》 是 故孔 惟升歌 也了,下 但 |歌《肆 云《肆 氏 惟 不 故 由 奏

時

金奏《肆夏》之三,不拜,乃復歌《文王》之

則

晉爲穆叔既於人門奏《肆夏》,又於升歌

但有人門之奏《肆夏》,而無升歌《肆夏》之三

夏》一篇,升歌《清廟》以

避天子。

自此

已下,

升歌奏《肆夏》之三,元侯相見,入門歌《肆

闋。』《郊特牲》『賓入大門而奏《肆夏》』,《仲 夏》之三,穆叔不敢聞者,非不敢聞《肆夏》, 之疏數正同歌樂之道,閒若一,斷無同 尼燕居》『兩君相見,入門而縣興,升堂而 奏三篇之法。案:《燕禮》、《大射儀》並 不敢聞《肆夏》之三耳。 ·賓及庭,奏《肆夏》。 敢聞之有? 亦歌《肆夏》一篇,其奏《肆夏》之三者乃 歌之多少懸絶者。 夫及庭至拜酒,與入大門至升堂,其時 或謂天子享元侯,人門歌《肆 賓拜酒,主人答拜而樂 不知 彼爲歌《肆夏》一篇, 正歌 外 從 此 無連 굸: 樂 相與 復起,不易斯言矣。」

不

関し。

《渠》,天子所以享元侯也。』據此,則鄭謂 鄉樂,而後上而致于天子,無 夫制禮自士始,用樂亦然。 燕居》不相背而相成。 最在先,故曰:『先樂金奏、《肆夏》、《繁遏 三,又不拜,乃歌《鹿鳴》之三。《肆夏》之三 相享,享諸侯,諸侯相享,諸侯燕大夫,大夫 包《肆夏》、《清廟》言之。天子享元侯,元 子享元侯歌《肆夏》,據《左傳》明文,與《仲尼 燕,其用樂之事同,而 此注云升歌《頌》,實 所以 明大夫士之正爲 相 爲 奪倫。聖人 事者不同 侯 天

遵 λ 禮 辨

升歌

耳。

天子享元侯,人門奏《肆夏》一篇,

則

此

頃

而

夫則如介禮。』《鄉 如 賓 盛氏世佐云"「此云"。《公升如賓禮,大 禮 ,大夫則 射·記》云:『若有諸公, 如 介禮; 無諸公,則大夫

酢。 辟 也。 陳 酬 陳 字,足以概括 酢 介同 但 無 與 如 諸 有 並 謂 明 介同,不見所謂 賓。』及考《鄉 ,特其所謂大夫 ,二字原 也 所 Œ. 公可知,言有諸公之大夫 辞正 文可考,於是諸 此 未 如之。』以經文斷之, 敖 自 賓 既云『如賓禮』,則自拜至 氏 爲 蓋 備 拜 脱,今補。 貴 謂 至 辭 也 資也。 乎? 貴之禮,有 如 以 一章待 賓禮. 蓋 後 射 當 7禮》所: 經文簡 張氏 張 如 無 『如賓禮』者。 , 如 與 儒 公之禮 言 介禮者耳。 不 爾 賓同 各以 其 獻 必 如 載 岐云: 『謂拜至 而 之矣。 則張 獻 酢 不 遵者獻酢之禮 該 己意 無 禮 可 則 而 言如 。, 如 耳,酢 説 不 殺 事 爲 諸公之禮 無諸公可 而 者,焉 言大夫,則 近 及 $\stackrel{\wedge}{\sim}$ 於繁 獻 説。 獻 鄉 賓禮二三 是,而 怬 則 而 而 射 是其 複敷 得 仍 不 楊 酢 一,獻 , 僅 以 知 所 亦 及 氏 既 與 而

州

鄉 射 禮

鄉

射

並

鄉

學通

考

夫 咒 者,投壺 射,鄉大夫是大夫,州 詢衆庶。 常行乎? 飲射,皆有民社者之責 士大夫習射之通禮 於序,爲少異耳。」盛氏 鄉飲酒 長會民習射,一 中,士鹿 胡氏 義》云『主人拜迎賓於庠門之外」,則 是 其禮皆先行鄉飲酒禮 匡 也。 士大夫 衷云: 中。』又鄉 又案: 相 是鄉 非。 「案:《 與 長 庠序之説 (燕飲 (也, 豈 大夫射 佐云 大夫貢 是士。《記》云:『大 蓋 鄉 以 了, 其 射》有 士 禮 此 学,但諸! 士後 於庠,州 大 事 屬 ,經傳各異。 夫 篇 有 民 门以 : 平居 類 侯之 或 而 於射 長 此 讀 目 所 灋 爲 射 鄉 射 是

所

未

備

也

如介禮

則無酬矣。」

夏

后氏之序也。

瞽宗,殷

學 也。 西序。

殷

人養國

老

於右學,養庶

老於下庠。

夏后氏養國老於東序

夫鄉學之設,但聞鄉黨殊名,不聞

周

人養

國老於

東

膠

學以下皆爲序也。」又云:『庾氏云黨有庠謂 且《王制》云:『有虞氏養國老於上庠,養庶 位》亦云:『魯之米廩,有虞氏之庠 鄉之所居黨、爲鄉學之庠、不别立序。 于州序。』《黨正》:『國索鬼 飲酒于序。』則序爲 ,養庶老於虞庠。』《 曰庠,學則三代共之。』 州長》: 『春秋 又《學記》云:『黨有 六遂之内,縣 孔疏云:『此 孟子則謂 老於左學。 頖宫,周學 ,養庶老於 殷周異號 也。 神 以 州 (明堂 黨學 禮 而 序, 凡 祭 會 校同 廣圻力駁段説,非。 學,以夏之序爲鄉學。 黨及遂之學,而 爲小學,在 夏、殷三代之學同立於國 推次之,蓋虞之大學曰上庠,或 也。然《孟子》與《周禮》實不相背,合諸經記 不更爲 氏乃執孟子之言而詆之,過矣。 也,亦不容有誤。 作時所定,而《鄉 及《周禮》爲正。 代共之,此皆不可曉。 也。』然則國學之名,亦代不相襲矣。 曰校。殷大學曰右學,亦 曰 下庠。 .地異名,則於鄉學國學之辨尤欠分曉 無稽之譚乎!」今案:盛 夏大學曰東序,小學曰 四 [郊,詳 又以爲鄉學,以夏之序爲 蓋《儀禮》、《周 去 飲 鄭 其 段氏玉裁《四 酒 君據此,極爲 室 竊謂 周大學日 義》即《儀 爲 中, 日 謝 當以《鄉飲酒義 、瞽宗,小學曰左 制 郊小學疏證》,顧 而 É 禮》皆周 别 東膠 且謂庠序學 西序、 禮》之義 成均,小學 氏 三代之大 以 有見。 申 、與虞、 乃云三 虞之庠 鄉學 鄭 公制

六

鄉之内

,州學以

下皆爲序。

夏殷禮,非周

法。

義或然也。

『夏曰校,殷

日

[序,周

蓋

庠,術有序。』術,鄭讀爲『遂』。

矣。

鄭

説蓋本諸

此。

祀

, 則

以禮

屬

民

丽

庠

爲

鄉學矣。《周

禮

•

民

而

射

三七七

州

是

郝

疏

三七八

略如此。學、小學又皆直稱學,鄉學或稱鄉校,學制大學、小學又皆直稱學,鄉學或稱鄉校,學制大

州學爲謝制考

謝。 爲 之無室,其證 曰 物 必 禮者之往來,若復去四分之一以 據《爾雅》,易經字 而 而 今文豫爲序,序乃夏 其器席 止 不 州黨學,其規模制度 物反當正中之棟,若其有室, 豫 周 經曰 能 於 容,一 禮 當 謂 陳設 学作 楣 州 也。 豫 學 有三,而《爾 :序 楣,棟 則鉤 也 與庠同,又須留餘地以 庠大 0 如 凡 楹 后氏之學,亦 讀 前 此。盛氏世佐曰:「序 屋 内,堂則由楹外。」注 必 於序,而 如 無 雅》不 狹 架 一成 室日 也。 小於鄉學之庠, 周 謝,宜 與焉。 則室之牖 射者所履之 序小 宣 爲室,其勢 非 謝 也 災一之 於庠 從 蓋序]。] 鄭 通行 謝 前

段借耳。 謝 證是 對 爲 者謂之謝」,承『闍謂之臺」言,謂臺 無 謝之明驗。 庠,言各有當也。 非。《周禮》及他經渾舉其名,則當作序 字今增。 能 字亦當作謝。 去其室爲謝制,故舉其名則曰 作序爲非者,蓋 日 校釋》曰:「鄭於《周禮》從 謝。 干,不知 室之稱,無室不可以言堂,言堂以對序,三 賓席,席前又設薦俎,與物同在 而 無 後 也。 礙 乎? 義 此 則知序之無室矣,三也。」案:盛列三 《爾雅》『無室曰謝』,實此經序當 明。 經分 謂《爾雅》不與,以鄭讀爲非,非 (爾 盛氏謂《爾雅》是臺上之屋,與 二也。 鄭 别庠序之制,以 雅》之言謝 作 周 不破者,以序、謝聲通,字得 序 《記》云:『序則 以 則 又經文序與堂對,堂者 夏后氏 制 不 有二: 顯 序,而 之序爲州學,而 故 故 豫 序,核其制 一云『有 對堂,必 一架之内 以今 物 以 业也,與: 當 此今文 文 楣 以 也。 爲 對 則

向 學,而 序爲 稱 廟 無 淺深、行事 制 聲兼義 之序爲州黨之學,其無室稱 也。」序亦當爲謝,謝從射得聲,猶《中庸》: 禮 義者,宜 使 謝 涉。 ? 》,確 無 (無《爾 即即 謝 勢必 去其室,故孟子曰:『殷曰 東 也。 制 在 不 西 一云『無 也。」義當爲誼 可 與 雅》之文,孰敢以 其 廂 自殷已然。 方位,經文自一一脗合矣。 周 (中矣。 易。 有室日 經回互而後已。 以有虞氏之庠爲鄉學,而 室日 既定其爲謝無室 序之無室,經究 寢」言,謂室也。 謝」,承『室有 蓋殷以夏之序爲鄉 誼 意 從宜 謝,則 推測 鄭君據《雅》定 序,序者,射 得聲,皆以 東 而杜 一, 則 未明 因 此 西 [于殷 竊疑 尺度 | 撰其 以 州 廂 言 學 夏 曰

獸 侯 辨

「凡侯,天子熊侯,白質,諸侯麋侯,赤

質; 射,因 確。 射及 又有 射,與賓 次之,燕射次之。大射,爲祭擇群臣 射有三:大射、賓射、燕射。 側以爲飾。必先以丹采其地。]按"注義 質。」注:「賓射之侯,燕射之侯,皆畫雲氣 其頭象於正鵠之處耳。」又云:「凡畫者, 者,白布也。熊、麋、虎、豹、鹿、豕,皆正面 是云焉。 諸侯之燕射,各以其鄉射之禮 豕」。注"「此所謂 夫士禮之盛者,亦大夫士之賓射也。 天子諸侯大夫有之,士無 大夫布侯, 鄉射,惟大夫士有之,鄉射以禮樂賓,大 後人不察,妄生異説。 賓射,當張 燕而 射 白質、赤質皆謂采其地。 射 也,天子諸侯 也,亦天子諸侯大夫士皆有之。 畫 采 以 侯 耀 虎豹; 三正。 侯 也 大 臣 夫 燕射則張之。 士布 大射! 《校釋》曰: 而 則 士 記 丽 吉 無 張此 此 最尊,賓射 其地不采 有之。 大 者,天子 而射也, 《燕禮 射。 畫 人侯,由 以 燕 禮 至 於 丹 書 鄉 鹿

燕。」謂: 當張 禮 張 則 射 皆 謂 射 鄉 鄉 處 言 處 人》云:『張皮侯 曰 侯、獸侯 則 ~; 不 畫 也。 畫 鵠 射之禮、特侯 采 亦 射 ,則質者對 賓 若 者 采侯 也。 射 也。 侯 固 有 大夫 以 《記》於天子諸 燕 二正 大夫士之賓射也。 舉 射 燕射矣。 射 皆 其 爠 射 又 云: 而記 正 無 士之燕射,當降於其鄉射之禮,以 大射、賓射之禮,而各以 下 則 繼采 射獸 ,燕射張 也。 皮 畫 以 此 如 故 張 而言,即 明 異耳,故記之。《周 大射張皮侯,設其鵠 與 而 者,以天子諸侯 也。 鄉 又云: 『張獸侯,則 棲 上 鵠 知 射之禮。」天子諸 五 潤 鵠 惟棲鵠者云皮侯,則 也。 侯不言畫,於大夫 此 而 采之侯,則 侯。 言,故知畫 熊、麋、虎、豹、鹿、豕 所采之地 則春以 大夫士 獣既 此 鄉 畫 功。」謂 燕射各以其 射 亦 於 於正 其鄉 遠 即 有 禮 侯之燕 其 正 王 或 っ賓射 | 燕禮 賓 地 鵠 士 鵠 以 屬。 大射 • 梓 射 射, 之 不 之 始 采 息 Ž

之質 子諸侯· 雲氣 質自 於正 子諸! 子諸 皮。 采者 畫 凡天子諸 用 用皮不用皮,以大射、賓射、燕射分,不以 大射 惟大射之侯用之,《梓人》有明文。 而 用獸之皮,而不見獸形,故不謂之獸 與 謂 布,無質。則下云『凡畫者,丹質』,自謂 質。 之獸。 「,則白· 獸侯 謂采其地,天子諸侯用白、赤質,大夫 侯大夫士分。皮侯取義 之侯,而不共他侯,亦其 於側,以 ,則獸之畫,自在正鵠之處。 侯之不徒 大 侯 夫 (畫獸之形,而 此 鵠 布 大夫 士燕射之獸侯。 質 先王正名百 也。 0 丹采其地。 與 布。 《記》言大夫士之布,以 1: 的 《詩》:『發彼有的。』傳 賓射、燕射采侯、獸 質、椹質之質皆異,的 布對采言,非 不用 物,此 上云『凡侯』,凡 下云『凡畫者 皮、故 於鵠,采侯取 確 亦其 證 對皮言 而白質、 不 也 司裘 一端 謂之皮 丽 皮 侯 謂 惟 見 質 Ż 赤 天 之 天 + 共 天

謂

Œ

深

可忿疾

『有燕射之禮』,燕射無正鵠得云質者,質,正 云『發彼有的』,是質爲正 ,質也。』《射義》『發 而 鵠之明文。傳又云 不失正鵠者」、《詩》

可的

丹質在側,豈可發之處? 謂 之處,亦射者所當以爲 也 一,射者視以 獸,非謂白質、赤質。 爲正 此熊、麋 正,故、 如謂白質、赤質,則 至椹質之質,則用 亦得云質。 諸獸畫於正 質 鵠

于澤宫,與主皮之射相 周禮》以獸對正鵠,未嘗以質對正鵠,言獸 類,更與禮射 無 涉

異之故,精密之至! 於其上。 侯不言質侯,則質自謂所采之地, 鄭據《周禮》以定此經,又細別 後人不察,乃謂鄉 而獸 射射 自 其同 書

質,質者以土塗之,猶大射之鵠,賓射之正。 果爾,則《周禮》何以無一語及質乎? 其非

明矣。」又案:金氏鶚不信鄭注正 改《周禮》二正 爲 一正,巧説衺辭,破壞聖經, 鵠之説,妄

駁淩氏廷堪《鄉射五物考》

《記》明云「禮射不主皮」,淩乃以主皮爲鄉 釋之。 射,揚 衆 中之理,故鄉射、大射皆云「不貫 第二次射,豈第二次非禮 卿大夫澤宮習射,張獸皮而射之,非禮射 禮,則止一物矣。 然二物,凌氏説爲第一次射,貴其 物,於《周官》本經皆多窒礙,通人之蔽,亟 不 在鄉射禮中甚明。 庶。」 謂 周禮 觶而語之比。 按: 五物一 因 · 鄉大夫》: 「以鄉射之禮 鄉 射 而 三曰主皮,謂庶人之射及 曰 以 不曰 淩氏强據鄉射 和,二曰容,和與 五 物 射 觀 詢 乎? 耐 之, 日 詢 不釋」。 射 容體 如 無 以 則 矍 五物 不 容 比 説 相 五. 也。 射 然 貴 於 紃 爲 物 詢 五 延

釋」,射禮自始至終皆以揖讓行之。且先

闪

第二次云「不貫不釋」,第三次又云「不鼓不

故不 不貫 然不 《記》既 主 比 獻 三次射失 則第二次射者 之射者,勝者復射,不勝者降」,以見其禮截 之矢,其 衆賓各與其耦拾取矢 文,而《記》亦不補? 四 設賓、主人、大夫或不勝,將復射 位,反位畢,即復射,安得有不勝者降之事? 記》本别出 一皮也。 쪰 於禮,節 同。 金錐不 中 和 容,五日 云「禮射不主皮」,又别出之曰「主皮 則 耦 以 不貫不釋,貴中也,非專主中也 釋,而 凌氏 , 耦者必多,何以經無司射更比 不 旅 比於樂,不但 即第二次射耦 他《禮》,而以 復 酬 1,豈能 乃謂《記》補經所 射。 興舞,凌以爲第三次射貴其 仍得復射。 無 算 且第三次射,前三耦及 每 淩 爵 ,所取之矢即第二次 一耦皆 氏 中爲 是乃 爲 也。 强 補 左 主皮則專主中, 合爲 儁 經,誤之誤矣。 所 取 右鈞? 未備 是乃 謂 矢畢 乎,降乎? 貴 所謂 其 誤矣。 ·, 即 果爾 至第 耦之 容 射 體 反 不

不得 之精。 如此 而 傷交 爲 誤,皆因不審《周官》「詢」字之義,而 體 容 其《釋例》至爲精密,而 此等説在他家辨之不勝辨,凌氏 違,委曲説之尚 馬注與《記》不合,鄭所不 强歸之《鄉射》,又略取《論語》馬注之義 須重出,則第二次何獨不重 一言和容足以該之,焉用 後 比 體 刊改,以 能 則 於禮 瘉。 已乃 比 於禮 得 五. 且馬説「主皮」爲 一何以 曲 真是也 物止三物矣,容體比禮,三射 故 就其正。 説 解 又 經者 本 貴 初分爲二,此又合爲 可互通,凌説則 經 其節 必 以 凌氏 胸 就 有 比 無成見,一空依 他 於樂。 能 從, 此 好 重 經,千 漏 出 以 出 中, 以 可 乎 ? 禮 失,不得不 ? 此 按: 【禮經. 不 慮 經 雖 益 如第三次 能 説 與《記 凡此 見鄭 以 均 ? 失,兩 大 他 通 所 五 是 傍, 矣。 師 同 亟 諸 然 物 且 容

禮

燕 禮 考

《記》云『若以樂納賓,則賓及庭,奏《肆夏》』, 也 鄭注云『卿大夫有王事之勞,則奏此樂焉』是 牡》勞使臣 勞二者 云卿大夫有 也, 四方聘客與之燕,四也。 之勞,二也,卿大夫聘而來,還與之燕,三 録》云諸侯無 知君 賈疏云: 也。 臣 是也。 無事 勤 知 事 「案上下經注 臣子覜聘還 勞之功,兼聘使之勞、王事之 而 有燕者,案《魯頌》云:『夙 燕, 知 有 也; 王事之勞燕者,下 ,燕有四等。 與 卿大夫有王 若然,《目録》 之燕者,●《四 <u></u> 事 目

也。 咽 事 賓及庭 揖之也。」案:方氏此説甚是。 奏《肆夏》,以主君出迎於大門内也。 時賜者是也。」方氏苞云:「聘賓則人 朝聘者。」是異國聘賓人大門奏《肆夏》,故 牲》云『賓入大門 夏》,是己之臣子有王事之勞者,案:《郊特 於君之朝,君 方氏又以奏《肆夏》爲 臣人至庭而奏《肆夏》,以君於是時始降 歡。」是其 記》云『賓及庭奏《肆夏》』者,是己之臣 則 ,醉言舞。 又知異國聘賓有燕者、《聘禮》所云燕 相 與,明 奏《肆夏》,兼己臣 無 事 以 義 于胥樂兮。』鄭箋云:『君 而 禮樂與之飲 明 而奏《肆夏》』,鄭云:『賓 燕也。又知賓及庭 德 侕 |燕卿 른 及聘賓,言殊誤。 大夫有大勳勞者 酒 潔白之士 ,燕樂以 吴氏 泛廷華 大門 本 奏《 階 國 盡 群 臣 謂 知 肆 之 與 其 無 而 Ш 集

0 覜 原 脱 ,據《儀禮 注 疏》補。

夜

在

公,

在

公明

明。

振

振

鷺

,鷺于下。

鼓

咽

紛第五

陳四事不數之,合之凡五事。易。其大射前燕禮,《目録》及注不言,故疏之禮。然勤王事即勳勞之最大者,疏説不可

也。 狗 氏 又有與族人燕及祭畢之燕,皆與此禮别。」褚 諸 醉爲度,行之在寢。」 饗禮今亡,此篇所載是 牢以飲賓、獻依命數、在廟行之。 饗燕之禮 以飯爲主,雖設酒漿以潄不以飲,故無獻 屨、升坐以盡 燕以飲爲 食,爵盈而 於歡,而 (寅亮云:「待賓之禮有三:饗也,食也,燕 `,行一獻四舉旅,降脱屨,升坐,無算爵,以 侯 \燕其臣之禮。 其天子之燕禮 饗重於食,食重於燕。 胡 Æ 食以明養賢之禮。 |匡衷曰:「《周禮・大宗伯》:『以 ,親四方之賓客。』賈疏:『饗,亨大 主,有折 不飲、設几而不倚、致肅敬 歡 ,此三者之别 俎 而 無飯 行 饗主於敬,燕主 饗則 也。 燕者,其牲 獻之禮 體 響、食於 亦亡矣。 薦 也。 丽 脱 儀 食 不

> 大略如 食,非。 饗,燕無數」是 此篇是也。其聘賓,則《聘禮》云「壹食,再 晉侯與之禮食,是諸侯於臣有食。其燕,則 賓客皆有饗、食、燕。 有 廟,燕則於寢,其處亦不同矣。」今案:饗、 女歸,公享之,是諸侯於臣有饗。 幣,燕無幣,亦其異者。 此。 又有饗孤子、食耆老之禮,饗、食、燕 也。 或謂諸侯於其臣 《左傳》季文子如宋致 天子諸侯 魏絳反役 於群 無 饗、 食

主 人

賓,士爲主人。 職》『王燕飲酒 曰:「《燕義》『使宰夫爲獻主』,《周禮 「宰夫」。 燕禮》「主人」,注據《禮記 胡氏匡衷斥《記》爲誤。《校釋》 則爲獻 諸侯宰夫當天子膳夫,皆上 主。 蓋 燕禮 燕義》以爲 大大 · 膳夫 夫 爲

·涉注膳宰而

譌。

鄭

司

農注《周禮

》,鄭君注

義》釋文云:『使宰夫,本亦作使膳夫。』此別

當譌。 《文王世子》云『膳宰爲主人』,諸侯 譌。 者,取臣莫敢與君抗禮」之義,且明諸侯之宰 秋傳》因時人之語,不免有譌。 膳宰往往不分,誠有如胡氏所云者。 宰,禮又殺矣。 次正當然也。 主』、《燕義》諸侯禮,則云『宰夫爲獻主』,差 宰字之誤,當爲膳,非誤合二職爲一也。 夫當天子之膳夫耳。 禮決諸 容有傳聞之譌,而《燕義》專説經文,則決無 司農注《膳夫職》,引《燕義》『使宰夫爲獻 注以《記》解經,確不可易。 即《檀弓》記春秋時事,謂杜蒯自稱宰夫。 故《周禮》天子禮,則云膳夫『爲 侯,以族燕禮決燕群臣,皆非 然皆燕群臣禮、若與族燕、則 春秋之世,官失禮壞,宰夫、 《大祝》注『宰夫授祭』, 記禮者則不 胡氏 亦用膳 然《春 也 以天子 《燕 主 獻 鄭

此經,引皆作『宰夫』,則古本無作『膳夫』明

庶 子

後? 注是也。」 與燕,既有列於位,獻當從其爵,豈宜在旅食 之子當之。夫卿大夫士之子苟無其位,未必 之子當之。夫卿大夫士之子苟無其位,未必 不知後儒何故必不信《禮記》而以卿大夫士

賓爲荷敬

進醴於賓。今燕,又且獻焉。人臣不敢褻煩鄭注曰:「苟,且也,假也。主國君饗時,親北面。有脀,不嚌肺,不啐酒。其介爲賓。」大門内,揖讓升。賓爲苟敬,席于阼階之西,大門內,揖讓升。賓爲芍敬,席于阼階之西,

也。 尊者,至此 主君之所敬,故以賓爲苟敬也。」戴氏 實主國所宜 也 ,實也。 於是席之如獻諸公之位。 1升堂 敬也。」敖繼公《集説》曰:「荷, 賓於是時,雖不爲正賓,而實爲 而 辭 讓、欲以 臣 言苟敬者,賓 禮燕,爲恭 震 曰 : 敬 爲苟

誠

氏、戴氏之説皆非也。下文『與卿 苟且字不同。」王氏引之《經義述聞 所 爲賓,與大夫燕亦 《説文》『苟,自急敕 與 燕者爲 賓者,燕 大 也。 夫 爲 序 爲賓」,注曰:『不 音棘,從半省』,與 歡 心,賓主敬 燕 | | | | | 則大 也 「敖 夫 以

爲賓 是主 而 人與賓,惟主恭敬 就諸公之位,則歡心多而敬少。 而 少 歡 心,今賓既 既不 辭

上文賓「取肺,坐絶祭,嚌之」,又「席末坐,啐酒」。 可 不嚌肺,不啐酒」,則其禮殺於賓可 事 恭 敬,又不可全不敬,故謂之苟 知。 《聘禮 敬 此 也 記》 別則云

專

樂之禮,崇恩殺敬 燕則上 ·介爲 賓,賓 也。 爲 苟 賓不欲主君復舉禮事 敬 注 日 燕、私

> 矣,非 急敕而 禮己,於是辭爲賓,君聽之。 賓之全主敬也。 有崇恩殺敬之義。 敬。 經意也。」 敬賓,則 苟敬者,主人所以 若訓 與 正 命爲苟敬者,所以 賓之全主敬者 爲主君之所誠 小敬也。」是苟 從諸公之席,命 敬,及 無 别 以 於 異 自 敬 IF.

三八六

大 射 儀

大射 擇 士辨

諸 也。 諸 重之。其重射之義 侯。」 侯 也。 考之《禮記 褚氏 此 射 寅 所 中則 亮曰:「射 謂 選諸 得 射義》,其 爲諸 侯 有 也。 可 侯; 以 選諸 射 日 觀 其 :『射者 不 德 日 中 侯 行 則不 「天子之 也, 故 , 射 擇 得 聖 爲 爲 士 王

者。

不

知擇

土

助

祭,不

過

如

後

世

所

謂

陪

位者

以

習

禮樂』,可

免流亡之患者也。

乃

論

者

疑

必

射中始得

與祭

即即

大臣

中容有

茅

得

與

贊

射

~, 則

燕則譽。』《射義》所云『

君臣

盡

志

於

射

以

燕

以

君

子,凡以庶士,小大莫處,御於君所。

於其時令群臣共習焉。故逸《詩》:『大夫

等,在 士也。 耳,並 言。 耳。 矣。 則仍是燕射,而 明言之矣,安得 奔走、執豆籩之各有司 貢之士,而諸侯大射,亦非專 於是射焉以擇之,令其陪位,固 矣,除祭祀有常職外,其餘不能 於擇之哉? 可 ·射人戒公、卿、大夫射 缺。 此篇 敖氏 然則祭祀 朝諸臣各揚其 無職司,非若百執事者之有一 明乎此,然後 若贊玉幣者、 謂 鄭注所云得 諸侯與其群臣飲酒而習射之禮 亦安得 有常 非大射矣。 不與? 、職、廢 職 知擇 奉玉齍者、奉六牲者之 以擇之哉? 與祭者,蓋 者 存者,固並 特不專 司 與 士以助祭,與 職 士戒 射否 則有常刑 擇 爲 一一人廟也。 非 夫 士 乎? 一行而 亦 射。」 專擇夫 所 助 蓋百官衆 指 定 祭 欲 奚 陪 經 而 不 夫 丽 貢 曰 位 文 悖 所 擇 駿 之 不

賢,序賓以不侮

,豈獨在

會同

時

乎?

至諸

侯

大射取

士,則上以貢天子,下以助己

]祭,而

即

臣

| 共有事

於射,以習禮樂而

觀盛德,序賓以

而

即寓黜

陟諸侯之微權也。

因并令在朝諸

得

人與否,定其君之賞罰

,此則於擇士之中,

數有慶而

益

地

,數有讓則削地。」以所貢者之

於祭。

其容體不比於禮,其節不

比於樂而

中

又云:

容體比

於禮,其節比於樂而

中多者,得與

少者,不得與於祭。』此所謂擇士也

『數與於祭而君有慶,數不與於祭而君有讓

制

,諸侯歲獻貢士於天子,天子試之於射宫。

三八七

三侯見鵠辨

言。 昧 時 計 侯之崇,惟當以堂上射者能見鵠爲度,不 不及地武。」注曰:「以干侯計之,參侯 掩,不知注本據三侯相 侯見鵠亦皆有定數 可計。若以三侯相疊不離計之,則大侯、參 强定其去地尺寸。三侯去地,惟干侯有定數 寸。」按:三侯各相去二十步張之,大侯、參 其相 之? 丈五寸少半寸,大侯去地二丈五寸少 大射 劉氏敞疑 「大侯之崇,見鵠于參,參見鵠于干,干 尚行,鄭君 後儒紛紛改定尺度,均屬辭費 離 則 但 如注説,則兩侯之鵠 當如經 又精 可計。 算術 所云「見鵠」 疊計,不據三侯 經注皆據有定者 遠近近 之差豈 而 爲干高所 틴 相 去 必 半 地 其 漢 離

更定戴氏震《樂器考》并辨陳氏奂《詩疏

説諸樂器之誤

南北 謂之堵,鐘磬各一堵謂之肆。 子之士,縣磬而 半天子之卿大夫,西縣鐘,東縣磬,士亦半天 階間,或於東方,謂之特縣。諸侯之卿大 去南 其西,鑮。 鑮如鐘 虡,其南,鐘十六枝一虡,其 宫縣,東西二面各以次南陳: 方者在阼階之東,西方者在西階之西。 二面各直阼階之西以次西陳: 磬其西,鐘 庭中樂縣之位,以磬爲首。 二面,謂之判縣 面,謂之軒縣,亦曰 而大,奏樂以鼓鑮 鼓又在鑮 己。 凡 ,有鐘、磬無鑮。 西,直西階之東。 縣 鐘、磬、虡有二八, 爲 曲 節。 南 縣。 東方曰笙磬 磬十六枝一 四面縣謂之 其南 鑮爲一虡。 鄉 士縣 大 li鼓,東 諸侯 南北 夫 夫 於 去

擊、大琴、大瑟、中琴、小瑟

琴瑟以詠。」《明堂位》記曰:「拊

庭可

知矣。」《虞夏書》:「戛擊、鳴球、搏

之行節。

鄭

康

成 日

笙師

教之,

而出,奏《祴夏》,以

此三器築地

側當之,作堂下之樂。先擊朔鼙,應鼙應之。 掌教春牘、應、雅」,牘、應、雅三器,祴樂用 等、**笙、塤、籥、簫、垂篴、管倚於堂,**龡 ,四代之樂器也。」 之朄。《毛詩 搏、玉磬、揩 則三器 西,置 撃 嚮,西 撃鼓 拊 爲爲 「, 賓 師 · 蒙 在 者 鼓 鼙 文。 作,故曰:「令奏鼓朄。」奏,謂 擊拊,下管擊應鼓」。 搏。」自鳴球即玉磬以下,用《書》鄭注及孫氏星衍 鼓管之聲,依我磬聲。 以合堂上之樂。 柷、敔皆在 裹,陳氏 案:《詩·有瞽》篇説樂器最 氣 在上,貴人聲也。下特言管,乃及衆樂,貴 曰:「令奏擊拊。」奏,謂歌詩也。 小鼓,以韋爲之,充之以穅,擊拊,瞽乃歌,故 拊,下管播樂器,令奏鼓 在堂上,故《大戴記》云:「 戛擊、揩擊,字異音義同。 周禮》謂之拊、《大師》「帥 也。堂上、堂下樂大致可 琴瑟聲輕,從歌 奂引此 庭。 鳴球 經 玉磬和,尊之,故《商 强 者在 應鼓,應鼙 説 即 拊搏擊在樂之先,亦 玉 之。 《朄」。 堂 一磬,搏 揩 瞽登歌,令奏 以詳,與 上。 縣 知 謂 胡 龡 尒小 氏 者 管也。 也。 敔,擊謂 鼓朄,管乃 磬縣 拊 磬 肇 如 師 此 而 此。 拊形 》 登 拊 昕辨之 經 . 頌 》 疏《易》。 也 相 歌 搏 柷,

遠堂。

者執之,以龡位當在

階

前。

《 周

禮 • 笙

方諸

縣

東

嚮故也。

凡樂器, 龡者

近

堂

北

應鼙在東,置鼓南。

東方

諸

縣

西

周頌》作「田」。

朄之言

引

也,

朔鼙

在

朔

《者,始也,所以引樂,故又謂

者

擊鼙,方者擊鼓。

後世不別設鼙,以

议

而

倒

者,小鼓,與大鼓爲節。

魯鼓、薛鼓之圖

至摇之以奏

樂。《儀禮》有朔

鼙、

應鼙。

笙

西

方曰頌磬、頌鐘,發在

頌磬之西

表

又

者

歌

如

擊

拊

應,即 先 撃 鞉 此 翻 爲 以 鼙;《詩》之縣鼓,即此經之建鼓,鞉即 鞉 曰 應田 即 經 前 田 非 云『倚 朔鼙 爲即 儒 縣 此 陳 此經之應鼙,《詩》之田,即此 鼓 縣 舊 經之建鼓,而以縣鼓爲 鼓 氏 鼓 也。」亦不以爲 朔鼙者 説,別立新義 ,有引導之義焉。 明 以 于頌磬」,以其 ,鞉磬柷圉。」言縣鼓,又言鞉,則 矣。 遊 當 ··**·** 田 \sim 縣鼓,考《詩 毛 與陳同音,陳 傳》云:『縣 ,未見其有當也。 非縣,故云倚。 物 陳氏以《詩》之田 也 此 有瞽》云 經之發,盡 與 **游,周** 蓋《詩》之 引 經之朔 鼗 也 同 鼓。 訓 且. 若

射官辨

如

陳説

,則經之倚字尤難通矣。」

之長。」《校釋》曰:「射正,即大射正爲司正畫物,「射正莅之」。 注曰:「射正,司射

者,不 乃云「若射,則大射正爲司射」,别言大射正 Ę 者。 故惟據二人分爲大小,公射,則其佐皆有事 其爲尊卑也微。 射人》「下大夫二人,上士四人,下士八人」。 小射正、司射。射人,其官本名也。《周禮 可知。」案:《燕》、《射》二經有射人、大射正 公也 始言「射人請賓」,繼言「射人遂爲司正」,末 小射正本據所對言,非其官定名也。 正,則仍據長二人相對 亦謂之小射正。其佐爲小射正,則長之次 大射正、小射正是於同 士二人爲長,一大射正,一小射正,適二人。 正,長也。天子下大夫二人爲長,諸侯當上 上言司射,此别言射正 大射 . 稱 大射 小 正 射 正 於公射有事,故莅畫物,明主 但公未射時,止官長 正。 可單 至射 稱 射正 爲 畢 位中分别尊卑之稱 工,其佐 大小。 ,猶大樂 則 不復 射 以大射 二人有事 Œ 正 《燕禮 稱 非 單 小射 司 稱 射 爲

正,則 則 受決、拾。 三射前,小射正作取矢,所謂 目 正,司射之長。」但此時,止長二人有事,故惟 擯者遂爲司正」,射時又有 正,知不兼其佐者,此所薦皆上士,其佐 射人,小射正,略其佐。」仍專以司射爲 司 正 稱 明非爲司射之小射正也。 公禮事尊之,故注云:「小射正,司 正皆二射正之佐,亦謂之小射,正以此時贊 小射正奉決、拾以笥。 士 一人取公之決、拾,一 之稱,其佐 司 爲司射者,爲小射正。至公將射,小射正 前 爲之,雖前 正與射人于鱓南」,注:「司正,大射正 '射,不嫌相混矣。至射畢,司射復小射 射人爲小射 司射爲 無 有 小 事 射 事,不復稱之,故下經「乃薦 IE. 不 正 可 得在 可 小射正授弓,公就物, 知。 公卒射,小射正以笥 知。 此位,當與 爲司射者,此 司 此經「大射正擯, 故此 射 司正既大射 注云:「射 射 衆 之 時特 佐。」 以 小射 小 士 也。 中 射 同

> 有當也 小射 者,司 胡氏 人爲 射人一人爲大射正; 人」,足以明之矣。 薦於東方。《燕禮》曰「乃薦 正。下注云「小射正,司射之佐」者,既别 小 正,則自以司射之名絶於小射正,言各 匡衷失之。 射雖别立官名,對大射 射 Æ **案** 此注 《燕禮》司 經自 此司正 $\frac{Z}{Z}$ 明 射 注 正 爲大射正 司正 Æ, 正 前 爲 則固 司 後 小射正 與射人一 射之長 未 是 一則射 嘗 小 岐 射 有 則

記決拾極

既 **伙。」毛傳:「決,鉤** 曰決,著于右巨 胡 氏 /培 曰 : 指。 凡 弦 射 ^ 湯時著一 也。」《周禮》:「繕人 車 攻》詩 于手者有三: 曰 €「決拾

● 「詩」,原誤作「書」,今據《儀禮正義》改。

農 掌王之用弓、弩、矢、箙、矰、弋、決、拾 引弦彄也。』《儀 云:「抉,所以縱弦也。 禮 • 鄉射 禮 詩家説或謂 *****: 司 射 ;。」鄭! 適 抉 堂 謂 司

《士喪禮》:「決,用正王棘,若檡棘。」注云:之。」是射者皆以象骨爲決,無貴賤之異也。閩也,以象骨爲之,著右巨指,所以鉤弦而闓儀》:「司射適次,袒、決、遂。」注云:「決,猶爲之,著右大擘指,以鉤弦闓體也。」《大射西,袒、決、遂。」注云:「決,猶國也。以象骨

「抉,挾矢時所以持弦飾也,著右手巨指。以爲決。」是死者所用也。鄭注《繕人》云:「決猶闓也。王棘與檡棘,善理堅刃者皆可

士用棘,故推以上用骨。諸侯亦用象骨,大用象骨歟?」孔穎達《芄蘭》疏申之曰:「以《士喪禮》曰『抉,用正王棘,若檡棘』,則天子

《校釋》曰:「《鄉射》注直言「決,象骨爲之」,不言士,有 物。 文注》云:「決,即今人之扳指也。《士 也。《説文》亦云決以象骨爲之,段氏玉裁《説 不 《繕人》注引《喪禮》者。 用 惟《喪禮》有文,故 象骨也,則《周 據以推天子之禮耳。 以《鄉射》、《大射》正經不言決所用 禮》注 殆未定之説 此鄭注之慎 喪 歟 ?

也。決字亦作抉,又作玦。《詩》、《儀禮》作用棘,施諸死者,疑生者用象若骨。」其説是

極三」,注云:「極,猶放也。所以韜指,利放極,著右食指、將指、無名指。《大射儀》「朱

指。無極,放弦契於此指多,則痛。小指短,弦也。以朱韋爲之。三者,食指、將指、無名

也。以沓指放弦,令不契指也。生者以朱韋不用。」《士喪禮》「纊極二」,注云:「極,猶放

云:「《大射》朱極三,是爲君設,鄭引以證士爲之,而三。 死用纊,又二,明不用也。」賈疏

篇

夫用骨不必用象。」今案:《鄉射》*、*《大射》二

,皆有士與射,經不云士用棘,注亦不云士

遂弦者也。

其非

射

時,則謂之拾。

也。」

|後鄭云:『韝扞著

左臂裏,以韋爲之。」」

鄉射禮》注云:「遂,射韝也,以韋爲之,所

云:『拾者,所以引弦也。

字从韋論之,鄭爲長矣。《禮經釋例》亦云: 段氏玉裁云:「鄭以禮經之極釋韘,意以韘、 **彄沓手指。」孔疏云「右手指著」沓是也。** 曰:「童子佩鞢。」鄭箋云:「鞢之言沓,所以 二,用纊也。」極又名鞢,又名沓。《芄蘭》詩 極、沓三字雙聲,且極用韋爲之,決則用象骨 車攻》傳云:『拾,遂也。』《繕人》注「鄭司農 ,則尊卑生時俱三,皆用朱韋,死者尊卑同 拾亦名遂,又名捍,又名鞲,一物四名。 **鞢爲玦、《説文》亦云「鞢,射決也」。** 陳氏《禮書》亦取鄭 詩家説 許説從毛也,以 曰拾,著于左 拾謂 但 扞 者也。 射韝 雅》以拾、捍、韝、韘爲一物,失之矣。」 皆既袒,乃設拾。 纓、拾、矢可也」,鄭注:「拾謂射韝。」《内則 蔽膚斂衣也。」《曲禮》「野外軍 袒纁襦。君在,大夫射則肉袒,公袒朱襦 用朱韋歟? 射》云朱韋者,蓋以 也,所以蔽膚斂衣也。』《大射儀》注云:「遂 證》云:「拾、捍、韝爲一物,韘爲一物,《廣 也。」《説文》「韝,射臂衣 「右佩玦捍」,鄭注:「捍謂拾也,言可以捍 也。」鄭注《鄉射禮》但云「以韋爲之」,注《大 也。 《廣雅》:「拾、捍、韝 以朱韋爲之,著左臂,所以 戴氏震云:「禮,大夫與士射 故鄭氏曰:『著左臂,所以 大射極用朱韋,故謂遂亦 也。」此其著于左手 韘也。」王氏《疏 中

爲之,故不從毛而易其義。

氏。」此皆著于右手者也。

韘字從韋,鄭義似長。

毛傳以

禮

遂弦

弦

無摯,以

聘禮

聘禮通考

也。 云: 子男三介。』是諸侯之卿介各下其君二等者 其君二等。』《聘義》:『上公七介,侯伯五介, 子男五介。』又云:『凡諸侯之卿,其禮各下 聘。」上公之臣,《公食大夫》俎實云『倫膚七』 周公作經,互見爲 介,「上介奉束錦,士介四人,皆奉玉錦」。 云人竟張旜,孤卿建旜,據侯伯之卿之聘者。 玉人》云:『瑑 此《聘禮》是侯伯之卿大聘,以其經云 「《大行人》云:『上公九介,侯伯七介, 鄭《目録》云:「諸侯使卿相問之禮。」疏 圭 璋八寸,璧琮 義,此見侯伯之卿大聘。 八寸,以頫 又 五.

言》: 「殷,齊中也。」故鄭、服皆訓殷爲中。

合,謂:

中閒

久無

事

則行

聘禮。

阚

「《周禮》言『殷相聘』與下記 『久無事則聘』義

聘也。 曰問。 云 : 秋傳》曰『孟僖子如齊殷聘』是也。」胡氏云: 也,殷相聘也,世相朝也。』」彼注云:「小 此篇爲侯伯大聘之禮矣,然要其聘之儀節 侯伯之臣也。公之臣,受勞於堂。」則鄭固 人,受于舍門内。』注曰:『不受於堂,此主 相備。」胡氏云:「案:郊勞,經云『賓揖,先 國客』是也。《周禮》舉大國,此舉次國,蓋 於《周禮 是其互見爲義也。」盛氏云:「大國聘禮 據子男之臣,是各舉一邊而言,明五等俱有 五等皆同,所異者唯禮物度數耳。』《目録》又 「《周禮》曰:『凡諸侯之邦交,歲 父死子立 殷,中也。 · 司儀職》文,所謂『諸公之臣相 百世。 久無事又於殷朝者及而 鄭司農説殷聘以《春 相 一, 見 相 聘 間 以 於 互. 爲

之文也。

又昭十三年《左傳》曰『明王之制

侯。今諸侯三歲而聘,五歲

加

朝。」此鄭

所據

年《左傳》曰:『晉文、襄之霸也,其務不

侯之於天子,故鄭據《左傳》辨之。]案:

昭

諸

煩

諸

與言『久無事』,則《聘義》正同也。《聘義》: 聘也。』《王制》曰:『諸侯之於天子也, 聘,三年大聘。』鄭注 數矣。 失之數 也。 酌 侯 相聘也』者,謂 擇 之 三年大聘,所謂 是言『殷相 也 無 相 事 朝,世 若方 之 時 有 於 而 聘 朝 盟 行 行 子聘諸! 但 也。 禮》不合。」胡氏匡衷云: 使諸侯歲聘以 侯之好,殷頫以除邦國之慝」是也。《儀禮 曰 志』,又云『歲徧存,三歲 諸侯之禮、《大行人》云『閒問 |有諸| 問,殷頫 有諸侯聘天子之禮,《大宗伯 侯之禮,蓋皆闕 侯聘諸侯之禮,而 曰視』、《大行人》云『時聘以 志業,閒 而 朝 徧 ||《周 不存耳。」 無諸侯聘天子及天 以 頫 講 万. 五. |禮||有 禮 以

歲

徧

省

是

》云『時

聘

結

諭

諸

侯

之

天

子

聘

之,使不失之疏,亦不

會之事,而又行聘,則

之,聘則無

、數、故

於

其

中

之中及時相聘也

蓋

諸

鄭注云『又於殷朝者及

而

二,亦

與《

周

天子諸侯朝門及宗廟 社 稷 所 在

交之禮,非行於天子之禮也。《王制》則指

褚氏云:『比年、三年,乃周

公所

制

邦

門,外曰 **案** 内曰路門;諸 朝 惟 經 ,外朝,在皋 魯三門, 曰 曰 皋門,次 使 者 日 侯 庫 載 門 庫門,次 門、雉 三門,曰 旜 内 帥 門、路門、蓋會 考 曰 以 鄭 皋門、應門、路 雉門,次 受 君 命 説 夭 于 子 朝。 通 應 <u>Ŧ</u>i.

殷相

比

年小聘,所謂歲

相問

天子制諸

侯,比年

小

比

年一小聘,三年一大聘,五年一朝。』

鄭

注:『此大聘與朝,晉文霸時

所

制

兩

注

似

恉 雉,不聞有皋、應。按:天子五門,鄭君以 弓》、《郊特牲》屢言庫門,以爲諸侯但有庫、 有 皋門、天子應門,以爲天子但有皋、應,不聞 皋門,王之正門曰應門」及《明堂位》言天子 敞、戴氏 古今文家經師 門及兩觀災」、《公羊》何休、《穀梁》劉向 臺」,安得謂天子無庫門乎?《春秋》書「雉 特牲》言「王立於澤,親聽誓命,獻命庫門之 鄭司農已言之。天子五門,諸侯三門,大夫 内」、《周書·作雒解》言「路寢明堂,咸有 士二門,降殺之差,亦固其所。如《緜》詩、 云:「雉門,天子之門。」《公羊氏傳》曰:「其 明堂位》之文,天子有皋、應,固也。 迺立皋門,迺立應門」,毛傳説「王之郭門曰 庫、雉。 ,輕棄古説,異辭紛起,約 震説,謂天子諸侯皆三門,據《詩》 據《春秋》書「雉門及兩觀災」、《檀 舊 義 而折衷之。 有數端 後人不 然《郊 劉氏 説 達 前 厥 皆 庫

相 子之宫,又加以 門、正門者,當稱何名? 者,後世遂爲王之皋門、應門。初不 門、正門與皋、應相對,謂向之稱郭門、正 以致皋門,作正門以 門、應門。 皋門,雉門曰 郭門曰皋門,正門曰 之制,安得謂天子無雉門乎? 毛傳言「王之 僭,況於大者? 言『雉門及兩觀災』何 應爲王門,以庫、雉與皋、應對,則皋、應不獨 宫,外門曰皋門,朝門曰 止於皋、應,更不計周之諸侯其門不直 侯,直稱郭門、正門,後世爲天子,乃名爲 曰:「設 成也。 枫 蓋以 故傳又申之曰:「美大王 觀,僭於天子久 應門,蓋殷代尚質,大王爲 郭門、正 庫、雉。」與傳義非 以此而言雉門,乃專爲天子 應門」,不言王之庫 致 ? 門 應 應門,内有路 兩 與 鄭箋云: 門焉。」傳 觀微 矣!」微者尚 、皋、應對,則 也。」子家 相違也,而 「諸侯之 . 謂 惟 一作郭 稱 以 王 門 諸 爲 郭 郭

《春秋》,此文蓋出賈、服古本,與杜 爲本,而牽合鄭司農《周禮》注、《考工記・ 侯三門,庫、雉、路,庫門爲宫之外門,即 門,皋、雉爲城郭之門,庫、應、路爲宫門 在,故謳者據言之。《釋文》偏據杜本,斥皋爲誤,未 宋人稱「皋門之皙」,亦其證。孔沖遠本治服氏 城門,又有郭門,據毛傳「郭門曰皋門」一語 大宰」,大宰,執政之官。皋門内有詢萬民之外朝,執政所 人》及《公羊》注、《書大傳》就之。 魯莊公之喪,既葬,而經 但鄭謂諸侯有皋、應,當更有明據,此特其一證 諸侯無庫、雉,自當立皋、應。《詩》疏 度有必考其源流者,此也。 《禮記》説諸侯禮,多云庫門 有雉門,庫、雉相將 陳氏奂説,謂天子五 魯事 本異。 不 言之。《檀弓》 入庫門」,是其 傳稱「皇國 按:毛 以 必然 [父爲 當當 耳。 匠 傅 爲 諸 引 諸 者,蓋 「宫四面皆屬城」之説也。「三里之城,一里 諸侯 之城,以城爲宫」,本與《公羊》注「天子周城 國,三里之城,一里之宫, 五十里之國,一里 合,遂以皋、雉爲城郭之門,而以司農所指 經所云「宫之中門」。 五門之次,先雉後庫, 説五門,明五門皆宫門,其在五門之中者,即 禮》「閽人掌守王宫之中門之禁」,司農注 「郭門」,孔氏釋爲「宫之外郭門」,致確。 之宫」者,於城之正中一里爲宫,非如陳氏 「百里之國,九里之城,三里之宫,七十里之 中門之庫門爲宮之外門,誤矣。 以城隅九雉得名,又甚明。 人》門阿、宮隅、城隅之制,皆以雉計 毛學,以鄭推毛,郭門非城郭之郭甚明。《 雖與後鄭小異,而門皆屬宫則同。 軒城」無涉,所謂「一里之城,以城爲宫」 謂 稱 城而爲之宫,宫在城中,非如陳氏 陳氏徒見字 《尚書》傳 司農善承

也。

則劉、戴之説,非矣。一

例。

俱爲天子之制。

,記禮者,多魯人,依

侯

自魯而

外,絕不聞

爲王門。

説制

《周

歷

爲

"雉門"

非

匠

面

偶

 \equiv

城

同,何 無三 城牆,則宮不屬城者,四 之宫,陳氏 城與天子周 門,又有郭門, 十里之國言乎? 天子五 南面 里 南門」。 失據乎? 子五門合城郭 四 面 <u>门</u> ? 面 面 無 不 以見其 百里之國 非 門 屬 **灬城,以** 之宫 屬 城 同乎? .謂「其宮四面有牆,不屬城」,則其 惟 其城豈 城 百里之國,宮既 城 亦 南面屬城乎? 宫 宫之外門陳 與 官 則是四門,何諸 非 無 南 四 1垣爲 不 ··, 諸 異。 軒 「九里之城,三里之宫」文例 面 陳説 能 且 面皆有 面 在 城 屬 無门? 軒 侯 不 《城牆,即以宫之外門爲 陳謂軒城 内 一 豈 城」之説 軒 屬 城 三門 乎? ;城,即 城謂宫之外門即 猶 謂 諸 城 不屬城,其宫豈 取 者 庫 侯 軒縣,謂有三面 九里之城,三 南面 合之郭門,不與 周 侯三門之謂 陳 也。 門,天子 城 軒 不 城 無城,以 棄郭, 城,專 謂 矣 可 \equiv 謂 軒 豈 城 軒 宮垣 先雉 一里之 諸 據 何 城 里 進 能 侯 城 七 ? 爲 矣。 小國凡 按: 亦無 則諸 氏 諸 之,無論 後 城門,庫、 明 侯 庫 、據國 中 軒 ', 諸 與 侯 城

城

即

退

天

缺

軒

文,宫之垣墉不謂之城,更不 傳》,强合《公羊》注,遂創 陳氏孤據毛傳一字,横截司農片言,誤解《大 宫自宫,城自 庫、路爲宮門,以毛傳「郭門」及「天子周城」、 且如其説,則大國合宫室城郭 合一之説,不知 一近時禮家説謂天子五 城對 城爲 ,四門,與諸侯三門之制皆相 三門必專據宮門不兼城 天子 侯先庫後雉 城 應、路爲宫門,諸侯 郭 郛 言。 可 據宮城言,即《春秋》之中城。 城,宫門、城門 諸 而言,非宫城 知。 據 侯,宫未 《考工記》宫隅、城 何 陳 經 又何 説 典明 治 有 爲諸侯宮門、城門 進 絲 不 萬 退 . 聞 宫 文 門,皋、雉 周城、軒 而 在 凡五門, 無合一之理。 郭,天子五 失 丽 謂 城 梦,不足 城 據 之郭 無 刺謬。 立. 隅 正 乎 門,雉 此 劃 城 中 爲宫 次 然 制 殊 國 總 何 然 且

外門

'無疑。

謂宫爲郭者,蓋

傳郭

門及周

城、

軒城之義。

焦

氏

循

乎 ?

凡

此

乖

隔

鮮通,左支右絀,皆由

宫門,豈

得

反

以

天子城門之名名諸

宫隅之制,以

門之雉以易宫門之應

乎?

明堂位》『庫門,天子皋門」言之,郭門 爲諸侯之城制。」則城門 侯固有郭門,與天子皋門相 宫門在朝門外 侯宫城固有門。 所云「宫之外 《考工記》 屬不隔,何 何獨 作郭 侯 侯 誤 三之, 岐 為宫 之宫 高 Е 無 宫 解 取 皋、 以 毛 門 得 郭 於 城 城 城 曰: 《説文》謂:「天子諸侯城門上有臺, 敷 ? 則 象、禮象、政象、刑象。 雉 諸 路三者皆 内,治朝在應門内,外 子諸侯皆三朝 鄭學之徒相承舊義。 説 諸 門,皋、應、路、《禮注》又據魯立 斯 城三面 如 爲特 謂 爲 郭門在 是施大政教號令之處,宗 侯 侯三門,似所本師説 諸説之非則然矣,鄭君《詩》箋謂諸 無 得 曰:箋注之説,容有不 魯立庫、雉,餘 解。 加 加 有 行但 之門,雉門 朝門,而 臺,南方 城門外。」斯 焉用是紛紛 有 "朝皆有門,天子 朝門, 無 庫、雉二者乃特 諸 臺,猶軒縣之缺 外設 今以制 則皋、應、路而 朝在皋門内,則皋、應、 爲 庫門内獻命、戒百官 不同。 侯 通論。 異 立 兩觀,懸治 説 廟 度源委推之,天 皋、 同,賈、孔説 為 再? 賈、孔· 庫、雉、路, 内 段 社 應,果 氏 朝 稷在其左 加之門。 틴 在 諸 會 玉 南 象、教 路門 問 鄭 通 侯 裁 侯 方 庫 者 蓋 意 推 軒 注

當

如郭門爲宫城門,則諸

則

天子五

門,亦安得

岐

丽

爲二?

且既

雉

爲宮城門,庫、應、路爲宮門,則

諸

。, 但

|有宫門,自當一

用宫門之名,

諸

侯

門,郭

門

以

至

寢門,更不得

岐

而

以

致皋門」,則諸

離

而二之?

城郭

溝

池

以

爲

固

「若諸

侯

無門,將焉用城?

據毛傳云「美大王

門」何異?

自皋門至於庫門相

宫城之門,

仍是宫門,與孔氏

名 ? 徵 但 名 至王 必 此争所不必争也。 右 朝皆有門, 「, 其 依 不 遂紛然 與 以 朝 氏 非 ,雖未及徧考群 如 《周官》之例,凡制 制 /鳴盛 鄭 門 朝 朝門之分,徒見 當 時之多,何如遵守古説之爲得 本名、侯國本制 門 異 視 則其實 月 且 、胡氏培翬於鄭義中專從《禮注》 議。 朝 制 門 如 同 不知天子諸侯皆有三朝, 爲 經傳殘缺,今日所見古籍 天 子 經 . 矣。 盛 諸 尚不失闕疑慎言之 度降殺,名稱不易, 朝門。 而已。 同 侯皋、應,經、傳罕 魯以 其 實 周公,故 後 則 ,何必異其 人不 其 餘 哉 達 假 諸 朝 侯 其 1

曰 内 鄭 殷 之左 列則 注《周官》,以宗 「社稷在中門之外、外門之内何? 又案: 賈疏 殷 右」者,● 人 内宗 廟 説 據 廟 此 周 周 社 人外宗 蓋 注 稷 古 爲 而 經 在 言。 廟」,言周 師 雉 令白 相 門外 虎 舊 尊 庫門 以 誼 而 料 旨。

學者治經,於疑不能定

處

,如是可

也

説者以 文。 外,此「周 門。」《郊特牲》:「獻 之牆數仞,不得其門而入,不見宗廟之美,百 似 可 官以言外,入門 官之富。」室家,寢也,室家以言內。 宗廟、百 親之,與先祖同也。 女:「母不出祭門。 庫門近,則 也"大廟之命,戒百 曰:「賜之牆也 示不褻瀆也。」此 知。 據 《郊特牲》又譏「繹之於庫 殷 《檀弓》曰: 人 闕 、内宗、 門 人外宗廟」 廟在庫門 爲 廟言。 雉門。 及肩 見 周 廟 君 人外宗 不 置 内可知。 ,窺見室家之好。 諸母、兄弟不出 一之證。 不見寢,廟 姓也。」皆廟 戴氏 命 雉門 復 庫門 市 か大け 震 居 廟 ·門内 《 穀 不 之 之内, 戒 中,祭門 庫門 門 别 祖 在 何 ? 内 梁 殷周 一 小 與 門内 内 傳 庫 闕 即 明 祖 敬之, 論 在 門 百 夫子 寢 中 廟 内 送 連 官 庫 外 與

^{■ 「}雉門外庫門内」、《周禮注疏》作「庫門内雉門外」。

至

觀

在

門

外,與

廟相

直

也

 \sim

傳

¥

曰

閒

與於蜡賓。

事畢

出遊於觀之上。」出

廟

門

即

門内

」、《周官》「出,及中門之外」,出廟門,折

而

西

即

至中門外、大門内。《記》曰:「仲尼

象魏之外,懼延燒

也。

此經「公出送賓,及大

子御公立於象魏之外,命藏象魏,廟之

南

直

門外。 相並。 甚遠。 路寢 知 劉 宫、至桓、僖二廟、廟之北與公宫並也。 列,廟後又有寢,此廟寢,與路寢、小寢別。 廟 在中門外,足以明之矣。 全宫言之,《五經通義》亦出子政,而 中 向《别録》,以爲宗廟、社稷與路寢 」者,謂 西」者,廟當在東,云西者,蓋據殷人右宗廟。 《春秋》桓宫、僖宫災,火自司鐸 廟有都宫環之,大祖 自中門外,東折 亦路寢之中門。 廟之南,直中門外,非 而 劉云「宗 北,其 且所 與昭 謂 北 謂 廟 穆 周 自 廟 社 相 所居 又 與 全 人 云社 季桓 並 外 踰 路 不 在 稷 不不 宗 並 中 在 公 寢 地 稷 據

乎 ? 門 於兩 謀大 創千古未有之制,殊謬 即 每曲揖」之文爲證,不知每門者,大門與都宫 固 氏 至)所據 也。 周 制 事之處,蓋 社,爲公室輔。」孔氏《正義》以 廟門,何以 金氏自知不 也。 以 若以爲兼 易鄭,而 金氏鶚又援此經「公揖人、每 下同問 見 中門, 可通 其 其 執 義 卿 ,乃謂大夫亦 國 如 則大夫二門,入大門 亦云「每 命 此, 也。 則 廟 此 門每 在 數 爲 外朝 中 事 一門,臆 曲 門 皆 揖 門 外 詢 戴

裼襲袒辨

或既 袖 者,卷起衣袖 氏德晉憑臆立説,後儒 而 露其裘 裼 裼、襲、袒之法,見《聘》、《射》諸 而襲之。 也。 而 露其臂 襲,復、 在衣 日 衣也 或爲 也 袒 一, 在 ,或既 所誤。 裼者,卷正服之 裘 袒 曰 蔡云: 裼 丽 故 襲之, 衵 裼 蔡

謂 有 與正 袖 惟卷正服之袖 正 而 必在冬三月乎? 裘也,衣與裘同色,故羔裘之裼用緇,是裼衣 弁等服 云:「古無以 云:「裘外裼衣,即朝、祭服。」朱氏 云 聘禮》聘君 羔裘緇衣以裼之』。 在 誤 服,孔子緇衣、羔裘,緇衣 ,以露其裘而已。」又云:「古人裘外惟 袒 露其臂者,所謂肉袒也。 『袒纁襦』、『袒朱 服 而 | 裘日 義 是。 無不誤。 異。 裼 袒 《論 『,是以 有 與賓 卷袖爲裼者。 今云緇 而 左 語》『緇衣、羔裘』, 露其裏衣者、郷射・記 朝、祭各有正服,五冕及皮 右 俱 裼 無 襦」也。 襲,享皆裼,文質 是 衣 專 言『裼之』者,所以 裼 爲 理 施 則 也。 於裘,將古人行 朝 左 謂 有并卷裹衣之 裼則惟卷 誤解 君 右皆裼。 朝 《士喪禮》『主 正 君正服。」 爲 服,誤 即《玉 大韶駁之 卷袖 正 相 裼 服 袓 甚。 一藻》 遂 泌所 變。 又 袖 聘 此 有 之 有 下 袒 右

也,所以 礙於放弦矣。]又云:「古者禮服皆直 臂,袖卷必 恐礙弦,故袒 拾,拾當以韝於襦上。」射所以必袒者,袖 襦,卒袒,小射正贊設拾」,鄭云:『先袒乃 若但卷其袖 脱左袂,則衣之左畔皆坐 襲,從無以 左右襟,而見其 帶之内乎? 者 掖 ,脱左袂 之下帶之内, 蔽 卷袖 襵 膚斂衣」是也。 ,則左手之袖,豈能 襞 而 而 (所裼 而上 《大射》『小臣贊袒,公袒 而 以拾韝於襦上。 露 露其裘爲裼者。」 其 取 之衣 '擁於左肱,左手之袖 肩 便 事 臂 而下,故必插於右 日 也。 若但 裼 面 ",掩而 喪 鄭云『拾,斂 爲卷袖而 插諸 前 禮皆 也。」然則 右 不 肉袒 掖 開 開 露 寬 反

執玉無藉者襲辦

凡執玉、無藉者襲。」注以藉爲繅、與

出

,南面,左袒

,扱諸面之右』,疏:

❶扱諸

四

達

而

執者

以充美爲敬

以

其文,文故

有

加

而

執者以見美爲

敬

義。

蓋

圭、璋,瑞也

一,屈

繅以

昭

其質,質

故

帛之有無與繅之垂不垂相當

,東帛亦

得

賓襲,執圭」,享時『賓裼,奉束帛加

壁」。

言者,見聘時『上介不襲,執圭,屈繅,授賓。 曲禮》『執玉其有藉者則裼,無藉者則襲』義 《有繅藉之文,則藉即謂繅藉,字當以 圭、璋、璧、琮言,凡執玉之法, 璧、琮,往德也,垂 兩記所言皆據聘享 《校釋》曰:「《 禮》注兼束帛 不言有藉 者襲」, 繅 藉 之 氏佃、楊 有 ′,疏 解 束 與 繅 周 繅 繅 特 藉 文者 文是 者屈 則當 以 不 繅、垂繅,豈得以 言之也。 琮必垂繅,垂繅必裼,禮之正。 繅藉 繅與 之見不見,與帛之有不 至此,事至上介執圭 蓋前此圭、璧皆有屈繅、垂繅,無由分襲、裼 云『上介不襲,執圭,屈繅,授賓』,足以定之。 無束帛分襲、 氏誤會注義, 屈 以 **無** 也 繅必 襲 繅、垂繅分襲、裼,惟 屈 裼 也 而 繅、垂繅分襲、裼,亦未嘗以有 , 執 、襲爲二事 裼、襲之禮 襲。 楊氏 其非 不襲者,以 主、璋 乃專 裼也。 謂 下云『賓襲,執圭』,蒙屈 正 屈繅、垂 經言不襲,以明 行禮 必 ,殊欠分曉。 以 , 則 屈繅,屈繅 藉 以授賓 盛 以主、璧分屈 時,則不 有非 是經自說 爲東帛,而 禮 正 繅分襲、裼 不 始 行 有二事、二義,楊 在己 禮 以 正 據正 夫藉之本義 必 時 自 一明當 主、璧分 ~襲; 有垂、屈之 屈繅之禮 岐 繅、 則然。 ? 垂繅、屈 行 東帛 執 垂 繅 盛 禮 非 且 繅 Ż 禮 經 惟 屈 畤

禮》明

藉爲正

《記》云『凡

執

玉,

無藉

家失其本義,故後

人疑之。

爲

非,楊説

尤

辨。

按:

彼注

兩

説

本

貫

氏

復及胡氏

皆從

彼注

後一

説

而

以

曲

禮

ジ注

前

説

同

陳氏

祥

道、陸

同。

玉字統指

玉

無

藉者襲,無

藉者

則圭、璋也。

者裼者,舉

此以

見彼耳。

正

·禮時。

此

注

以藉爲繅、

曲

襲 裼 因 故 介既 襲 非 繅 者襲。』明襲因乎屈繅也。 屈 介當執璧 以不當盛禮,故執圭 不襲,蓋謂正 不襲者,本 禮矣,何必先言不襲 繅之文。 於賓與公既言襲,不復言屈繅,使蒙上介 ,亦不假復言屈、垂。 乎垂繅,故享時言賓裼奉璧,亦不復言垂 不見垂、屈之文,不知已總見於『上介不 逐一言之,不明此時之垂、屈不變,主則上介 著 授 垂 賓 屈 垂繅授賓,其服 繅 ,屈繅]一語也。 也 繅 後,賓授公,公授宰,皆屈 一,經但 有 可 《記》釋其 當襲之例,則凡 知。 垂、屈之禮者,當備裼、襲之儀, 襲道也,於上介之執圭、授賓言 於賓言襲,足以 還玉 如 屈繅仍不襲耳。享時,上 常禮裼,裼不爲垂繅 例曰:『凡 與聘享禮同、既言襲、 楊氏 以 前此之垂、屈相變、 襲因 滋學者之疑 謂賓主授受時 襲者,皆屈 乎屈繅 明 執 前 玉 繅 此 也。 一, 無 , 則 不 乎? 之 · 變。 繅。 裼 藉 無

經意。 乎? 矣。 問諸侯、朱緑繅、八 誤,不知經、記、注皆據正行禮時 中天矣。 然《記》云:「所 垂繅言也。]又案:戴氏震謂 以鄭言屈繅、垂 立文之妙,非 語,爲正禮與非正禮之一大限,其用意之精 所苟,豈正行禮時垂 授公,公授宰,皆垂。 屈 奠圭于繅 記》之藉正經之繅,鄭注 繅授賓,賓授公,公授宰, 《覲禮》侯氏朝以瑞 屈乎? 經以『上介不襲,執圭,屈繅,授賓』 如楊氏 上。 鄭 非正 繅 以 君 以 此 爲 説 朝天子, 孰能達之。 經上 寸。」 行 專 繅、 皆屈。 語 禮 則 據圭,遂一 定其 玉,有繅。 時,垂 則朝 屈 執 介執 義 璧 繅 圭 圭 應《 例 則 聘 反 聘 璧 與 楊氏之誤,在 一繅、屈 上 圭,屈繅, 周 時 無 介 而 蚦 繅 享 圭 誤 《記》日 官》,深得 垂 玉有 定 義 皆 時 屈 一繅授 而 人儀 繅 繅 已 九 去 繅、 繅 無 尚 將 賓, 乎 如 繅。 寸。 授 明 不 ? 無 垂 H 窞

賓」,圭與繅并授。

《傳》曰:「藻、率、鞸、鞛

知。

據《聘禮》云『賓

食再饗,上介一食

之? 戴説未確。昭其數也。」藻以飾玉,正行禮時,豈反去

公食大夫禮

食 禮 考

是食上大夫之法,故知據小聘大夫也。魚、一下乃别云『上大夫八豆、八簋,庶羞二十豆』,為,庶羞十六豆,此等皆是下大夫小聘之禮。一之禮」。 賈疏云:「下文薦豆六,設黍稷六之禮」。 賈疏云:「下文薦豆六,設黍稷六

《掌客》云『上公三食,侯伯再食,子男一食』 饗」,不言士介,此又單言大夫,則士介無 篇禮存,其餘皆不可考矣。」 再饗,大夫於賓,壹饗壹食」是也。今惟此 大夫相食之禮,即《聘禮》所云『公於賓,壹 是也。諸侯於本國之臣,亦有食禮、《左傳》 食耆老』是也。 食禮、《禮記》『食三老五更於大學』,又曰『秋 晉侯與魏絳禮食是也。天子諸侯養老,亦用 男食禮五舉』是也。 行人》云『上公食禮九舉,侯伯食禮七舉,子 也。」胡氏匡衷云:「天子有食諸侯之禮、《大 此篇是主言諸侯食聘賓並 諸侯相 朝 有相 食之禮, 食

宰

氏云"「此篇主言食子男小聘大夫,而侯伯

大聘,使卿爲賓,使大夫爲上介,亦有

食

可

腸胃、倫膚皆七者,謂子男小聘之大夫。」胡

屬也。」下文「宰右執鐙」,注:「宰謂大宰,宰經曰:「宰,東夾北。」注:「宰,宰夫之

四〇五

内宰 夫之長 禮 禮》:『外宗祭祀,佐王后薦玉豆,内宗佐 爲『内宰之屬』,則此宰爲内宰可知。《周 夫,何以 南,宰,東夾北。」若以宰爲大宰,則是上大 焉,諸侯禮亦同也。經云:『大夫立于東夾 致后之賓客之禮。]是賓客之饗食,内宰有 也」。 不主賓客 授公。注乃謂宰爲大宰,不知《周禮》大宰 下云『内官之士,在宰東北』,注以内官之士 於治官,而宰夫爲治官之考,故云『宰夫之屬 人有薦豆籩之事。鐙,豆屬,故使内宰執以 豆籩,賓客之饗食亦如之。」是饗食賓客,夫 在房中也。 職》曰 序官》大宰、小宰、宰夫皆同官,内宰統 必云『宰夫之屬』者,以是時宰夫 也。」胡氏《釋官》曰:「案:《周禮 不位於東夾南,而位於東夾北? 響食之事也。」《正 :『凡賓客之裸獻、瑶 當以此注爲正。後『宰右執鐙』, 義 》曰: 「**《** 爵 皆贊。 位 周 傳 據 亦 職 事 •

饌,安得至門外取鐙乎? 宰右執鐙,左執蓋,由門人」。經例,饌在房 東房、宰亦在東夾北。東夾北、即東房中之 宰、非。知者、此内宰、宰夫之屬也。 内官之長,故皆得稱宰。 異,彼宰,大宰也。大宰爲外官之長,内宰爲 宰,胡氏以爲内宰,是也。 恐非。」《校釋》曰:「經云『宰,東 羹湆之禮與豆、敦、鉶異,經有明文。 北』,注引《士虞禮》曰:『大羹溍自門 内宰,夫人之官,位在東房,但當佐 中者,婦人共之,饌 東房薦豆六」,又云『大羹湆不和,實于鐙 東也。下『大宰,宰夫之長』,則位在東夾南 上云『凡宰夫之具,饌于東房』,下云『宰夫自 注:『宰謂大宰,宰夫之長 豆、設敦、鉶畢,尸人後云『設大羹 在門外者,有司 胡氏以彼宰爲 《特牲禮》主 也。』與 與下『執鐙』之宰 (此注) 夾北 / 溍于 宰夫具 宰夫 大羹湆 入。」大 共之。 兩 三, 此 即 醢 在 此

之事。 覲 以 自 即 鐙之宰大宰,非 内宰贊之也 禮》内宗、外宗贊豆籩爲説,然彼固内宗、外宗之事,非内宰 者,或諸侯禮異與,胡氏説多未確。」胡氏引《周 瑶 爵 會同,贊玉爵。』《内宰》:『凡賓客之裸獻 在 不當出門取鐙矣。 門人,非在 此 ,皆贊。」皆無 且豆與鐙禮異,不足爲證。 者 「, 别 于外官也,既别之而使位於此, 東房之人所當設無疑,故 内宰也。 設 《周禮 鐙之事。 内宰與内官之士所 鐙,非 大宰》:『大朝 婦人所主,不必使 此大宰設 知 鐙 執

必不應爾。」

東遷所

席前 惟 應設醬之本位矣。 所者,應所設醯醬之處 設 湆 正 賓辭,北 耳。 中,賓遷之而在席前 惟設正饌 面 坐遷 夫正饌 於席前之東 而 也。 東遷所」。 ,醬最在 稍東,則 公設之處,必 ,則醬於 褚氏 西,其 適 當 曰 西 其 於 饌

> 西,而 爲最 加 容加饌矣。 饌 西,於席中 公初設處更在 若如 敖説 而席東餘地 . 爲 正 稍 饌 西矣,又恐席 東,而恰留席 設 反太寬,揆其 在 席 中, 前 則 西 之 醬 地 位 西 太 以 偏 陳

賓入門左,没霤,北面再拜稽首

降也。 謝之禮。」案: 幣,皆賓先拜受而後主人 之拜,不蒙上事 並 食禮未卒。 「《聘禮》禮賓於授幣後,亦 集説》以爲謝侑幣,非。 未 更入門 敖 公再拜。 繼 公以 不 而 褚説 退 行 此 可 **賓執左馬以出。**]下遂行 則 再 知 拜 是 嫌, 拜 故 爲 也。 , 稽 更人行 謝 注云『若欲從 首 凡 拜送,無送後 鄭 I禮也。 侑 曰:『公壹拜,賓 飲 注 幣。 食,無 拜,若欲 云:「便 褚 然 此 則 氏 論 굸: 從 復 退 退 此 酒 拜 禮 此 則 與

者。 欲告退之意。 歡,盡人之忠,故再拜稽首,以示受賜既多 立 拜 以 與卒食『東面 幣,而繼拜告退,皆所以致尊讓也。此拜當 實,故發幣以勸之,賓益不敢自安,故始降 公之厚意而後食,敬之至也。 退。」吴氏 人,故没霤北面,其爲欲退而拜則同。吴氏 公辭之。 彼自階西進,故階東東面,此自門 當退,故公降答拜。 人,徑待公揖 ,非爲降立拜也。 拜爲拜公降立待己,不知禮固 ,俟賓人,揖讓 聘 禮 私 庭 覿 華 再拜稽首』對勘,彼食禮已卒, 而升食,則嫌于安盛。 迨公辭之,乃揖 ,賓入門右,再拜 · 駁之。 而升。 吴説非。」 此食禮未卒,未得退,故 \sim 然賓既受幣出 校釋》曰:「上公降 讓升,升又拜 主人欲 、稽首 未有拜 竭人之 「,爲覿 |矣,若 深 降立 安 . 辭

覲 禮

朝覲禮通考

夏,在 祭也。 無正文,故先儒爲 冬。藩屏之臣不可虚方俱行,故分趣四 侯入覲」,孔疏云:「説《周 注云:「六服以 朝春,或宗夏,或覲秋,或遇冬。」又《大行人》 文。彼注云:「六服之内,四方以時分來,或 見曰覲,冬見曰遇。」案:此《周 一方四分之,或朝春,或覲秋,或宗夏,或 鄭《目録》云:「春見 西方者覲 馬融以爲在東方者朝春,在南 其朝歲 秋,在 此二説。 北 四時分來。」《詩》「韓 方者遇冬。 曰 禮》者,賈逵以 鄭《大宗伯》、《大 朝,夏見 禮 大宗伯 日宗,秋 是 方者宗 由 時 遇 經 助 爲

鄭注:『諸侯春

,生氣,文也。

秋

見

天子當宁而立,諸公東

(面、諸!

侯

『天子當扆

mi

立,諸

侯

北

面

丽

見

天

以享獻不見焉。」賈氏云:「按《曲禮下》云: 人》二注並言『分來』,則是從賈逵之説,一 見曰朝,受摯於朝,受享於 一定,子孫率以爲典,其 覲,一受之於廟 起,孰能禦之?」褚 與之駁之謂: 謂褚説足 方諸侯,其在 西面 遇禮省,是 亦 服 方 秋 春 子 미 遠 以 則 覲 日 曰 東方 朝。」 申 以 近 時 也。 覲 鄭 秋 有 定 分 所以教 遇依 禮 覲 焉。 有 以君命致之。」臣聘猶 珍異之物,或賓奉之,所以 私獻,獻其珍異之物。 而行三享,獻謂三享後行私覿,私 矣。」云「享獻 則朝可該宗,觀 覲,然後諸侯知所以 昭公,以遇 於廟門外 氣 既覿 げ,所 私 遇 ,質也。 禮省 秋 獻 夏宗依春,冬遇依 ,賓若私 以明君 可 ,朝宗禮備 諸侯之臣也。』《經解 知。 可 吅]禮相見,取易略也。] 是朝宗禮 朝者,位 序人。王 知。」胡氏云:「《樂記 不 臣之義 是以《周 獻 見」者,賈氏 미 奉 1, 觀遇 該遇。 於内 臣。』《祭義》曰 獻 也。」禮 有 禮 南 秋,春 故《聘禮 將 禮 朝 私 面 鄭氏夏宗依春,冬 省之説 命。』注 而序進; 獻、況諸侯朝 自序尊敬 太 立於扆、宁 每 云:「享謂 w 秋 宰職》云: 以 曰 時 • 記 ",當有 朝 궁 覿 齊 :『朝覲 「朝 覲 覲 日 後 也。 侯 | | | | | | 二時 對舉 **|:**|朝 者,位 覲之 丽 朝 即 所 唁 大 備 有 猶 受

來,謂

每一方内各分四

時,再以

六

氏

寅亮云:「康

成言六服

之内,四

諸侯皆來,卒有

乘間

而

義。

目録》又云:「朝宗禮備

覲

有

朝

覲

北

方亦

可以夏宗也。」胡氏

事

而

朝者,又不在

· 此 數。

故

東方

疏

數之節。

此期

按:

孔説

是

也。

《 周

禮》賈疏

誤

謂

盡

來,

夏則南方

盡

來,致王氏

北

方

爲

西

偏

蓋

於

時

分之,使

當

方

侕

分爲四時也。

韓侯雖是北

受

行

知。 享幣。 荷就 朝 朝 朝 者,不對春夏,故言之。 言,不見秋冬者,以 享。侯伯子男亦云。鄭云:『朝先享,不言 章,介九人,賓主之閒九十步,廟中將 見』者,案《周禮 言也 《大行人》者,以其引《周禮》四 是以 者 覲 覲 案:下文有享,亦當有獻 會 此文有享 朝正禮,不 會 「《公羊》説:諸侯四 % 周禮 享獻不見」,明鄭據《周 有人解享字上讀,以獻 同 玉 同 遇禮省,故略而 獻 既 贊 獻 有 大行 玉 無 私 或 大行 幣、 嫌有等。』彼據春夏朝宗 獻 獻,則 珍異 不辭 四 人》 玉 時 獻 了; 亦 人 || 云: 鄭云是以享獻 四 而 不言。 相 之甚 時見天子,及 時 説 執 對,朝宗禮備,故 注 禮 常 也 玉 云 也。」《 不 時 而云『享獻 朝 上公冕 此下文見享 以 大行 見爲 朝 必 有 致 幣,諸 見 知 私 之。』大 五 ?人》而 義者 即 幣三 相聘 經異 不見 服 鄭 獻 據 굸 面 九 不 可 侯

春 是 請。』案:左氏 『朝,通 異,散文亦通,此《觀 無異,不得云駁也。」胡氏云:「朝 禮。」段氏玉裁《説文注》云:「此條 於朝。」朝,通 爲古昔。 覲」、《書》曰『江漢朝宗於海」,知有朝覲宗 遇。 《古周禮》説 皆 之名,至春秋 而《傳》云:『王 之禮,從周禮説。」鄭駁之云:「此 「乃朝以瑞玉」,則觀 一禮,并疑《周官》春朝、夏宗、秋覲 秋》隱公四年 許慎 朝 名 ; 案《覲 以 也。」 按: 朝 時 禮 名也。秋之言覲 春 於陳言朝,於王言覲 時 至 猶 禮》曰:『諸侯 曰 覲 行 秋 以 有 存 朝 禮 爲 九 秋 覲 也。 了,夏日 禮》云『諸侯 , 卒 見 月,衛人 亦 可。』又云:「朝 經,《詩 爲觀 萬氏斯 可名朝,故 而 宗,秋 相 的前 》 曰 殺 則 逢 ?,據時 大謂 皆 於 州 鄭 朝,皆受 曰 與 前 草 考是 許、 吁 有似 與 覲 路 鄭 覲 朝 朝 一、冬遇 于 許 · 冬 曰 曰 陳 所 侯 秋 對 鄭 覲 濮。 遇 同 使 舍 遇 覲 文 用

受舍于朝

胡氏《宗廟路寢明堂同制考》

「宗廟及路寢,制如明堂,每室四户。」《周禮・匠人》注云:寝皆如明堂,爲五室之制。 《詩・斯干》箋云:鄭康成箋《詩》、注《禮》,謂天子宗廟、路

可 知。

《舊唐書・禮儀志》載顔師古議,亦以《月令》之文

解紛第五

禮經

《禮記·明堂位》曰:「太廟,天子明堂。」魯 義。」鄭注云:「太室,明堂之中央室也。」對四方室言 西堂、大寢北堂釋之。 太廟、太室,秋居總章,冬居玄堂,此明堂也。 令》: ● 天子春居青陽,夏居明堂,季夏居 堂矣。此非宗廟與明堂同制之證乎? 之,此人裸在廟而云太室,則廟有五室矣。 而經亦曰大寢。鄭注亦以大寢東堂、大寢南堂、大寢 用天子禮,而廟如明堂,則天子之廟自 云:「太室,清廟中央之室。」《尚書大傳》曰:「尚考太室之 多疑之,今以其説考之於經書。《洛誥》曰: 「王人太室裸。」太室者,中央之室。 王肅注 .禮記・玉藻》注云:「天子廟及路寢,皆如明堂制。」後 儒 ·或舉宗廟,或舉王寢,或舉明堂,互言之,以明其同制。」 又曰天子居,則其爲寢制 如 《月 明

❶ 「月令」,原作「月明」,據《禮記正義》改

爲在 天子制 敷 ? 寢制 堂同 尚未的。 猶仍 如 之,故云户牖閒 公攝政制禮,立明堂於東都王城,廟寢亦爲 趙商、張逸問二條,今存諸經疏中,大略謂周 之閒」,又云「几俟於東箱」,與五室不類 禮》之《覲禮》,廟制也,而云「設斧依于户 堂者,文王之廟也。」又曰:「此天子之路寢 是以有東夾室」是也。《玉 廟,周公制禮 有夾有房。 明 路寢。 諸 堂 也,而有東西房、東西夾、東西堂。 制之證乎? 曰:此則《鄭志》已言之矣、《鄭志》答 如 如 侯制度,未改作,故成王崩 考《大戴禮 則寢自亦 古者 ,據東方乃有明堂。 明堂。 《 覲 與 廟 禮》之廟制,亦據西都宫室言 以 東箱也。《覲禮》疏云「覲在文王 如明堂矣。 其宫室之在 或曰:《書》之《顧命》,路 |藻》疏以「東箱」爲「記人之誤」, 盛德 象 生 此文王廟 》篇 時 所居宫室,廟 日 此非路寢 西都: 仍依諸侯之制 「或以 時 ,設衣物 鎬京者 爲 與 《儀 何 牖 明 明 既

> 書 説,故並録之。 之亞也,古籍之存者希矣,此二事猶足證 制,蓋本於此。夫《大戴禮》與《汲冢書》皆 宫、路寢、明堂,咸有 也 。」緣其同制,故或以 •禮志》謂、《周書》云清 作 雒 解 **>** 百万 位 四 爲廟,又以爲寢。 五. 阿,反站」云云。 宫、太廟、宗宫、考 廟 、明堂、路 寢 《宋 《周 鄭 經 同

庭實辨

其次享,三牲魚腊,籩豆之實,龜 將幣,皆三享。 注 漆、絲纊、竹箭也。 曰:「四當爲三。《大行人職》: 四享,皆東帛加璧,●庭實惟 初享或用馬,或用 其餘無常貨,惟所有。」疏 也,金也 虎豹之皮。 國所. 諸 侯 廟 有 中

❶ 「加璧」,原作「乘馬」,據《儀禮注疏》改。

四海

九州

之美味,

四時

之和

氣』義

正

同

「《聘禮·記》『凡庭實,皮馬相閒」,即《覲禮》 | 天當三年祫祭,即特致三享也。」淩氏廷堪云: | 黄同。以其因覲即助祭,因祭即致享物,若不 | 享云:「《禮器》,爲祫祭而致之,與此因覲致之 | 《

《覲禮》享庭實亦云馬,皆互見也。《禮器》:可知。《聘禮》享庭實云皮,私覿庭實云馬,馬隨之』,不云他物,則三享皆皮馬,無他物『惟國所有』之義,觀下文但云『匹馬卓上,九

享也。《禮器》注以爲祫祭,亦非。」胡氏云:言,故有三牲魚腊籩豆之屬,非謂《覲禮》之『大饗,其王事與?』蓋指饗食燕之饗禮而

帛加璧也。庭實而云旅百,則所陳之物甚玉帛,天地之美具焉。」奉之以玉帛,即謂束「莊二十二年《左傳》曰:『庭實旅百,奉之以

多,當非僅

皮馬。

故杜注云:『百,言物

備

也。」又云『天地之美具焉』,則與《禮器》所云

享天子有三享,故備物,亦隆殺之義宜然。」《聘禮》享諸侯惟一享,故止用皮馬,《覲禮》

事,者是各員其方勿來力及之豐,其免是王事節,説者紛紛,注疏謂此明『天子大祫之黄先生以周《禮書通故》云:「《禮器》大饗其

通。淩氏以大饗王事爲燕饗之饗,謂享之庭事,諸侯各貢其方物來助祭之禮」,其説最

諸侯貢物,故 丹漆、絲纊、竹箭、其説 實皮馬外無他物。 曰 『四海 響之庭實得 九州之美味」, 何據? 三牲 兼 有 如 魚 龜 腊 金 此 爲

以饗諸侯,何必舉四海九州爲説?」

會同巡守禮辨

爲 一 一 奥博。 云、《校釋》曰:「此 鄭君 疏 後蔽所希聞,未探碩意,輒滋異 通 説 證 會同巡守之禮,貫 明之。 以下言大朝 經 諸 侯 覲 串經傳,深遠 覲 于天子二云 而 會同之 (説,今

審矣。 覲 凡 禮 諸 朝 如 其 宫方三百 胡 天子主之。 篇》,《春秋傳》每言『合諸侯』,是會同之禮, 繼會同于壇,天子之政也。 會同之以 壇,合諸侯。』義 大宗伯》注 心是因 會同 來 覲 侯 氏皆誤。」《禮 同」,因十二 也,固 覲 會同。」注:『大會同或於春朝,或於秋 有 『諸侯覲于天子』,言先 不 既朝 不 ,必先朝覲,故《周 命 順 朝 步]以 敢 一説 爲朝 會同 覲 事。 服 覲 以 時 歲王不巡守,而 而 者 而 與 己覲 覲也。 書 見、殷見皆云: 下,言 會同 先朝覲 而 王 前,必先朝 (經本脗 通故》云: 會同 順服 而 也。 王因 既 殺 己之,其 于廟,諸 合。 禮 覲 其禮也 者 蓋『時 《周書》有《王會 覲 其皆來朝 行 大宰》云:『大 丽 盡 「巡守分四時, 疏失之,褚氏 王 以 六 來 覲 見 『既朝,王 見曰會』, 服 朝 會 禮 自 侯 王 《周 同之 之禮,仍 明 之 盡 也 7覲,而 『殷見 職 來朝, 臣 禮 也。 也。 「爲 職 爲 因 禮》。 注

「六服 褚氏 會、殷同,皆『既朝覲,乃爲壇,合諸侯』,蓋 禮今亡,鄭注曾引其文,尚及見之。 巡守 『時見曰會 諸侯當朝見之歲 禮,雖王不巡守,而 歲,其餘皆屬當朝之歲,則王巡守,諸 巡守禮推言之。 時分來,歲終則徧。』是全放巡守禮矣。 東方共征之』是也。 時之一,其 其來會者, 方岳,必先朝覲 一,亦未審 謂 前 〇「加方明于其上」。 朝 制。 殷 畢 同 「亦隨 各以 矣。」案:此 ·,乃爲 來 同當爲周。 無 會 當 以其方。 圃 止 其 也。 朝諸侯,不知巡守之年,皆 凡巡守之年,惟 壇,合諸侯』,又何 後行會同禮于壇。 其禮一與巡守同 (方,若) 賈疏未詳。 方。 《禮》鄭注云:『 胡竹村 説 時 推 東方 會之禮 <u></u> 注 論 闡 反從褚説斥鄭 曰:「方 殷 語 至 不 精。 同, 服 皇 衛 放 , 則 其 爲 服 殷同之 可 則 侯 四 疏 巡 互詳《周 (明者) 疑 非 云 鄭 會 巡 王 命 守 方 云 守 굸 朝 據 時 不 與 川 四

以蒼璧,下宜以黄琮,而不以

者

則

非天地之至貴者也

之。」「方明者,木也,方四尺。 設六色:東方 者,其朝日祀方明,升諸侯禮皆同。 此經 東方圭。」注曰:「六色象其神,六玉以禮之。 六玉: 上圭,下璧,南方璋,西方琥,北方璜, 青,南方赤,西方白,北方黑,上玄,下黄。 而會」,此注引『不協而盟』,學者當通合觀 而盟」,是協則不盟矣。《司儀》注引『有事 鄭彼注據不盟者言,此 祀方明,止取教尊尊 下注云『凡會同者,不 ,明神監之,則謂之天 上下四方之神者,所 設玉者,刻其木 盟時又以 盟」,言 不 上下 設 與 之 注 盟 乎? 方也。 飾木 設於神位之前,此徧禮上下四方,玉必 四 而 玉 著之者,爲祀時總祀 於上下四方,則 凡以玉禮神異,凡禮神者,皆專禮 象其神,則設六玉者爲禮神可知。 祀日月』,故用圭璧也。」《校釋》曰:「六色既 天地之貴,即日月之神。《典瑞》云『圭 意。 賈疏云:「天地之貴,即昊天崑崙,既 侯、歐陽則云「上不及天,下不及地,旁不及 天地四時,與方明爲上下四方之神合。夏 明之祭,二禮甚相 |亦在木,此理之易明者。 時」,與鄭此注「上下,非天地之至貴」 著之。」聞之師 ·, 非 此 既刻而著之,則與木相連,雖非祀時 璋 以 琥璜 禮 神」,則宗廟之主,何不 主明 非刻其木而著之不可。 目 似。 與《周官》禮 六 虞有六宗之祀,周 伏生《大傳》以六宗 神 禮必各當其 胡氏謂『此玉以 四方者同 此禮 神,故 飾 (神之 分設 璧 以玉 神與 刻 有 以 非 而 同 爲 方 玉

協

圃

,則固有不盟者矣。

爲司盟而以載辭告之,注云『會同而

義, 盟則初祀方明,亦以教尊尊。

據盟者言,不盟則

司儀》相兼乃

足。

謂

明

神

也

會

同 而

盟

之司盟。」《校釋》曰:「會同

有盟者,有

上

下

四方神明之象也。

設 胡 上 非禮 E 則 則 神,非天地之至貴者』。 禮上下之玉與《周官》異,故注以爲『上下之 之玉與《周官》所言同,故注以爲禮神之玉 不 下之玉 嫌 説 正 非 天 所 非矣。」 神。 當 地 謂 多 禮 낈 貨 之神亦在其中」。 明 玉 神者 蒼璧,下正當以黄琮,即 一, 豈 傷 然 亦 飾 于 當 祀 可知。 德, 四 與 時 方之玉,既 禮 儀 更設 玉 不及特 胡氏謂『言上 同 下文明云日月山 圭 果爾,則 璋 而 乎? 與 等 不 禮 同 玉 玉 謂 禮統於尊, 者 此 以 下四 同 以 何 禮 禮之? 飾木, 乎? 則 四 方, 川 飾 方

禮 所 禮 證 日 尚 月 之於門外, 拜禮者,皆著 Ш 山 川 著明 禮日于 Ш 丘 焉者,尚著明也。」《校釋》曰:「 陵 人不 于西門 南門外,禮月 總祀之於壇上,所以教尊尊 敢 明 欺 之神也。 外。 也。 不 注 與 盟 티 : 四 盟 , 則 瀆于北門 時 盟 必 仴 舉 神 以 以 時 必 外, 也 爲 此 云 分

> 敢以 爲 瞻 宜矣。 萬 爲盟祭矣。 方明之神 神 此 天皇大帝及五精之帝、崑崙之神皆 精之帝於郊,大饗帝又總祀 總祀上下四方之神於壇者 之神,非 稱之神即 心 民 仰 無 鄭 一,而禮之上下以圭璧,不以蒼璧、黄琮 (爲司 ¬, 罔 所共 據 也 正 是明盟神,即方明之神。 所 文,據《司 或 謂 會同既以 山 **注拜禮** (見,故) 盟。 日月山 即 渝 會同必盟 林 盟 僭。 Ш 神。 《祭法》曰:『日月星辰,民 之神以定方明之神。 爲 谷丘陵,民 川,則方明之神與 盟》云『北 聖人以 方明象之,所 時分禮上下四方之神, 據《詩》、《春秋傳 也。 會同 神 ,猶迎氣既分祀五 所 道設 面 五 丽 取 即 詔 帝 有 以 會 教 財 盟 明 於 , 則 所 使 同 用 而 神 尊 明 》盟 此拜禮 也。』是 所 拜 方 天下服 人 堂 極,不 禮 觸 拜 明 辭 也 所 又 禮 者 所 則 之 目 即

❶ 「司盟」,原作「司儀」,據《周禮注疏》改。

四

七

神

盟不敢

祭也。

既

言『祭山、丘陵,升。

言祭天及山

也。』其詩云:『墮山

一喬嶽

制》云:『柴而望,祀山

書》云:『至于岱宗,柴;

有告至望秩之禮,鄭必知

四

[瀆、山

川丘

會諸侯之祭。

也。』《校釋》曰:「言就祭,則是王巡守之盟 之,及河喬嶽。』《般》,巡守而祀 邁》,巡守告祭柴望也。1其詩云:『昊天其子 矣,胡説非是。」「祭天,燔柴。 就祭,則是謂王巡守及諸侯之盟祭 非告至之祭,文承拜 川,絶無祭丘陵及地之文。 以天地至貴之神爲之。 陵會同之祭下,則 會諸侯所祭之神,即盟 祭地,瘗」,則非告至之 川。』《詩》序云:『《時 注曰: 望秩 此是盟祭者,以《虞 ,允猶翕河。」皆但 王巡守就祭山 子 日 「升、沈,必就 山、丘陵、升。 此 禮 Ш 四嶽 亦 日 川。」《王 上帝至 是巡守 、禮月、 時之明 此 河 順 經 海 盟以 日 H 盟所主之神也。云『其盟,愒其著明者』者, 月,反祀方明,盟則主月。諸侯之長,先祭山 祭日,反祀方明,盟則其神主日。 尊,祭不欲數,告至既祭,此不宜又祭。 以爲盟祭者,就有盟者言之,明此所祭者,即 變日月爲天地,靈之也。 川,盟則主山 守,帥西方諸侯祭山 者,即謂祭日 同 日月、山 方明,盟仍皆主日。 反祀方明。 南方諸侯祭日,反祀方明,盟亦主日。 得用 爲主,明日亦得 拜日、禮日、禮月不祭天地,則 著明者爲主,則盟前 燔柴之義,彼祭日月正禮,故日月皆 川是矣。 北巡守,帥 川。 1月也。 此所祭者,即 引《郊特牲》者,據郊天以 稱天。 王官之伯 王 川,川中有四瀆,則祭於北 北 東 引《宗伯職》者,明 所祭,必著明之神, 此祭 巡守, 方諸 會諸 在 侯祭 上所禮者,特 帥 會 南巡守 此 東

祭,非復會同之盟祭也。

祭者也。

祭川,沈。

祭地,瘗」。

祭

天

地

上

方諸

侯

西

帥

方。 巡

侯, 先祭

月,反

祀

前,而

注

故下 祭月 用 子曰:『日者天之明,月者地之理。』於《易》 禮專屬之日,則 既 也。 引《郊特牲》『大報天 乾爲日,坤爲夕,以月配 本不 痙,以此禮 者 明祭天專爲王禮,非 者,據王告至行柴禮,則王之盟,神主 引以爲證,豈不慮自相違反乎? 以月』之語?《周禮》日月同 然,日月麗乎天,同爲天神,誰不知之? 柴爲祭日,則祭地 主 實 ,明王官之伯盟神主月之事,主月則亦不 整。 (柴,此 即云: 引《春秋傳》者,證諸侯之盟 Ш 川,則不 鄭引之者,但取 尊日如天、尊月如 『則祭天燔柴,謂 祭 以 ·得祭日月矣。 月 日月象天地,既以燔柴之 自當麼,推之可 整者,祭月也者。」祭月 謂《王 而主日」,豈忘下有『配 地,古有 祭日 制》之柴即 以實柴祀,鄭方 祭 地 得 云月者以下 日 ,故祭 日 一,神主· 稱柴之義 引《王制》 此 也。」云: 義。 知 日 Ш 此柴 , 是 柴 川 不 鄭 孔

月山 《書》傳載盟 經。 兼上 北 黄。設六玉: 誤矣。」今案:鄭注之善順經文,讀之即明 盟祭之祭地以附於告至,而 以不同之故,徒執告至之禮 意,又不合《尚書》、《周禮》、《禮記》注求其所 拜禮同,是以記之『覲』云。 敢 東方青,南方赤,西方白,北方黑,上玄,下 蕙田及胡氏不知經立文之意,注以經證 侯。]日 也。」《禮記》 方 祭 公日矣。 璜,東方圭。天子 帝、崑崙耳。 川爲主,亦得 曰:「方明者 月 Щ 一辭,或 《詩》傳曰 川 曰:『五嶽視三公, 上圭,下璧,南 爲 ,木也,方四 統 著 有 此巡守所 兼及餘 包上下四方之神,但不 明之極,差次]: 『日 拜日於東門之外, 陳氏 君 反 以 祭,與大朝 神者,方明 方璋,西方琥 尺。 譏 象 繩 .祥道、秦氏 注 也 盟 四 設六色: 又 爲臆説 祭,又取 瀆 月 宜 視 經之 覲 以 臣 然 諸 所 H 象

日於南門外,禮月與

四

瀆於北門外,禮山

Ш

以 月 常 祭 裹 所 四 地 言分祀之禮,而 方、西方、南方、北方相當,一言總祀之禮 Ш 丘 禮日 瀆相 、祭山 爲 沈 于坎」,與祭地澤中 地之法祭之,則猶禮 ,鄭注與經脗 祭之神則 陵於西門外。 ッ, 祭 地神,在鄭必有明文確據 承,一 東、月西之位 川丘 地 瘗。」 同 言會同之祭,一言巡守之祭,而 陵 也。 合不可易,至月爲天神,而 東門、 與 所 祭天 禮 祀 經文一氣貫注,自相 不同。 之神則 日 方丘 西門、 燔柴,祭 日于南,禮月于 · **、** 禮 事相類,大陰之精 月、 且《祭義》言 南 同 ·',但 門、北 禮 也。 山 [書缺有閒, 山 丘 一陵升 Ш 祭天、祭 門與 北 丘 祭 陵、 與 以 表 東 祭

朝日祀方明朝諸侯先後辨

其

詳

不

可

得

聞耳

胡氏《正義》曰:「鄭注據《朝事儀》考

明。 其説 東門 及下 諸侯 之説正之。 非。 侯 旂 相 山 之,謂『已祀 先期置旂,質明,王 又謂: 『禮 朝享,乃帥 下『禮日于南門外 又謂此言『拜 而 屬 |I||皆就 二伯 丘 立之前。 兩 姜氏兆錫至以 而 至精確 或有盟誓之事 節 舉之。』盛 陵于 乃至 其 帥 行 日于南門 丽 禮 旂 諸 張氏 西 方 拜日 日于 壇 東門 敖氏乃謂:『此言已受諸 侯 次第,當在公侯伯子男皆 而 門 明 祀 (立,乃傳擯。]褚氏云:『此 人壝門,王降階,南鄉三揖, 爾 氏 外」,爲夏冬秋 ,

禮月與四瀆于北門外, 東門之外」,爲春會同 ,其節與《朝事 方明 乃 帥 ,王城東門也。 此訾鄭之踳駁 岐云: 『推其次第, 世佐從其 則 外以 諸侯拜 以 朝畢 7,然後 . 會同 下三禮 復 日 之禮 加 徹 説 東郊 方明。 會同· 今,今引, 以以 方 一,皆與 儀》不 先拜 見諸 明, 反 鄭 之禮 同。 之禮 朝 日 就 祀 上 諸 注 上 侯之 侯』。 次 于 介 爲 禮 儒 事

相屬。 禮月與四瀆,終乃旋至西門以祀山 後,乃始出壇,東門而拜日,復反而祀方明 瑞,固無論 四時,專就壇宫三百步之地,一日 神之道。 褚 數而瀆乎?」以上三説,皆辨正敖氏之失,而 日 秦氏蕙田云:『敖氏謂此三禮者,皆與上 其紛雜無緒甚矣! 又至南門重禮已拜之日,乃越西門至北 宜如是。 東門外,又禮日南門外,一事而再祭,毋乃 氏之説尤詳備,其有功經注大矣!! 則是於拜日祀方明之後復舉之,既 夏秋冬以此推之。 若先受朝而始拜日祀方明,恐非 日力不給也,●即如此 周公制禮,夫豈其然?』 若如 敖氏 日受朝之 而 川丘 徧 門 輯 不 陵。 拜 事 而 分 五 敬

「固」、《儀禮注疏》作「姑」。

解紛第五下 禮經

曹元弼學

喪

服

喪

服

除

考

受以 既虞卒哭,受以成布六升,冠七升。去麻服 布爲衰,冠又降 葛,葛帶三重。』十三月而 等,受麻絰以葛絰。《閒傳》曰:『斬衰三升, ,始入大功之布 輕服 李氏 如 以 圭 初 **芸** 喪冠之布爲衰,冠降其 一等,以 「凡喪,皆既 而 以 練衰謂之功衰。 八 練,又以七升之冠 升 布 虞卒哭,變而 爲之。 七升 衰 《 服

纖,無 斯 白 縞 衰薦 遽除,而 藻》曰:『縞冠素紕,既祥之冠也。』二十七月 之履無文,以既 弓》曰:『練,葛要絰,繩 曰 曰 問》曰:『三年之喪既練,服 有 夫變則變矣,而謂之受者何也? 而 也 大祥,素縞麻衣。』《檀弓》曰: 大云: [麻屨。 潭, 冠 『三年之喪雖 不忍遽變之心,若人授之而已受之者 『期而小祥,練冠 素紕、布純 蒯之屨乎。 考《禮》, 所不佩。』禫之屨無文。 冠朝服。 除者 「喪服、 禫,屨 喪冠 不 《間傳》曰:『中月而禫,禫 之重者,有變有 無 深衣。 練用大功繩屨差之,其用 更 二十五月大祥,除衰去杖, 功 約。 變,故變有受 爲 衰 父六升 縓緣,要絰不除。』《 不 禫,逾 《閒傳》曰:『又期 屨無 弔」是也。 其功衰。』《雜 先儒以爲 『祥而縞。』《 絇。』既虞卒哭 月即吉。」萬 既 除。 而 卒哭受七 孝子於此 除 變者 無受。 閒 大祥 傳 記 而 檀

尚功衰 變也。 其 練冠 以苴 易衰不 升,爲母四升,既卒哭受以成布七升。 哭後,男子以葛絰變要麻,婦人以 考,觀《檀弓》云『練,練衣黄裹,縓緣」,則前 衰杖』,此衰之變也。 同。父七升,母八升。又《閒傳》注『大祥,除 除要絰而首葛不去。 不變,故至練,男子除首絰而 麻,蓋男子重首,婦人重要。 而素端黄裳,此衣之變也。 此不練、不緣可知。 (功衰。] 注疏謂練後之衰,升數與大功 爲母 麻 喪衰爲父三升,既卒哭受以 。』《閒傳》曰:『三年之喪既練矣,服 見於經。 ,母喪以 而更易爲縞素, 禫更易 '七升,' 既卒哭受八升。 牡麻,男子婦人所同 《雜記》曰:『有父母之喪, 大祥變而麻衣, 潭後 初喪成 《閒傳》、《小記》所謂 首、要之経,父喪 衰之衣,經無 要葛猶存 輕者變而 而纖,此 至練 葛 也。 絰 成 而 ',婦人 練後 布六 變首 重者 冠之 易爲 卒 變 衰 미

杖 與免者,以篇名《喪服》,故主成服以後言之。 衰裳冠屨之屬,俱是三日成服服之。未成 言者,周公作經,舉其大綱,於五服精麤及喪 胡氏 及有所未及,因取《禮記》中可見者以明之。」 繩屨無約」者,此也。合而觀之,冠也,衰也, 與母同二 『女子子在室』衰三年,則衰固服之以終喪 以前,斬衰者髻髮,齊衰者免,此經不言髻髮 期多寡之數則詳之,於變除之節則略之。 而 不遽除者也。 衣也,男之要絰,婦之首絰也,屢 於屨,父喪初以菅 云『棄杖者,斷 ·易服者易輕者,除服者先重者』,此 亦自成服始,大祥除服則棄之。《喪大記》 不更變者也。 云:「此篇惟大、小功略言變之節 而練後皆易以麻。 男之首絰,婦之要帶也 而棄之於隱者」是也。 喪服之變除如此,此經有 ,母喪則 (薫蒯)。 《檀弓》所謂『練, 也,則變而 卒哭後,父 下經云 也 徐家 一,則 又 除 所

婦人不杖辨

待注。 成人。 不能 孔之説非也。 案: 傳層遞發問,繼童子言婦 以此婦人爲童子婦人、《禮經校釋》申之。 子子在室爲父母」節,注謂女子「成人正杖」, 傳所稱婦人者,皆不杖,以婦人爲成人婦人。 也。」雷次宗謂此經所陳妻妾女子子之等,如 病」。 金氏榜申之。賈氏、孔氏據《喪服小記》「女 喪服四制》亦曰:「婦人、童子不杖,不能病 院病也。 斬衰三年章》傳曰:「童子何以不杖? 女子子成人爲父母不可云「不能 若以爲童子婦人,當别白言之,則賈、 鄭於此傳及《四制》皆無注,以平文不 婦人何以不杖? 亦不能病也。」 傳説婦人不杖之義曰「不能 人,明婦 人是 病 今

子也。 杖!? 皆杖者,惟士之喪耳。若大夫之喪,則主 喪,主婦杖,士之喪,婦人皆杖。 按:《喪大記》君之喪,夫人世婦杖,大夫之 杖,且有男昆弟主喪者,則女子子皆不杖矣 杖,則子一人杖。』鄭云:『女子子在室,亦童 記》云:『女子子在室爲父母,其主喪者不 「『童子何以不杖』? 其不爲主而杖者,惟姑在爲夫。]沈氏彤云: 云"「婦人,謂出嫁之婦人,不爲主則不杖, 教豈其若此? 則雷説亦非也。 婦人未嫁,天父,既嫁,天夫。《小記》: 宜杖,故問也。 不能病,以稚弱不能致哀故。 『婦人何以不 病杖,而女子子爲父母不能病,不杖,人情禮 人不爲主而杖者: 姑在爲夫杖。]妻爲夫能 一人杖,謂長女也。」然則非長女不 承上文言。 此婦人謂異姓來嫁之婦人。 婦人則成人矣,雖非主而 包女子子言。案:《小 唯賀氏 然則婦人 循

四三

解紛第五下

禮經

者。 子子成人爲父母,無不能病之理。經言女子 能 有 子在室,亦童子。」正據傳義推之。 室爲未成人者可知。 子之服,其别有三: 杖,非不杖也。]」數説之中,此爲最允。 故 則 室爲父母」,據主 其爲父與未成人者同也。 嫁天夫,屈於不貳斬之義 内,故注曰:「言在室者,關已許嫁。」明非既 適人者爲其父母而言,則當兼成人未嫁者 章》女子子在室爲父,對《不杖期章》女子子 丽 病」。 專 不 外 注 傳曰「未嫁者、成人而未嫁者也」,則在 謂未 杖者矣。 有 曰:「在室,亦童子。」明父母之喪哀戚 不杖者矣; 楊氏《圖》云:『不杖者,蓋 成人者,而 凡此不杖者,恩皆疏,故曰 喪者不杖,長女始杖而言 君之喪,則夫人世 曰 不兼 鄭注《小記》云:「女子 在室、日未嫁者、 ,則雖成人有出 《小記》「女子子在 成 人未嫁者 婦 但《斬衰 婦 人不皆 在 蓋 曰嫁 而 二 不 内, 道 女 在 外

> 解之。 士惟 皆杖,此傳婦人不杖,與《小記》婦 則正杖也。 至隱 否。所謂婦人不杖、不能病者如 有閒,但妻於夫恩深義 嫁者言,蓋異姓 女君同。 而杖者、姑在爲夫杖義相表裏。 ,男女所同,皆惟未 妻一妾,故引而 注言女子子成人正杖,不言婦 大夫以上則惟世婦 在室之文同 來嫁者,視父子天性 進之,妾爲 重,故雖不爲主 而意異,注各就 成人者乃不杖,成 以 爵 婦 君 而 人 人皆 杖,餘 亦 不 創 人 杖, 而 爲 據 本 痛 成 杖 與 自 則 主 意

庶子不得爲長子三年辨

曰:『庶子不爲長子斬,不繼祖與禰也。』《大言爲父後者然後爲長子三年。』《喪服小記》不得爲長子三年,不繼祖也。』鄭注曰:『此不得爲長子三年,不繼祖也。』鄭注曰:『庶子

云:「庶子非繼禰之宗,故不敢以

此三章禮文及注義甚明,世之説者多非其 傳》曰: 『庶子不得爲長子三年,不繼祖也。』 蔚之、孔穎達、賈公彦輩主四世之適,四世之 云"「戴聖、聞人通漢、馬融輩主五世之適, 其後庶子而不得遂,此實禮文所未有也。]又 禰先君故也。其繼禰之宗則非例矣,説者以 之諸侯,别子之大夫,而降其大宗之適,不得 子不爲長子三年,以己不後父也,故雖始封 義,於是聖人所以加隆祖後以尊其父之意, 若夫庶子之適,則固後其父矣,彼何所嫌而 猶云承己之祭,與傳文「傳重」之重異。 而爲之極服。 父」,所謂五世、四世之適,豈經義乎?」又 適是繼曾祖之宗也。經明云『庶子』,不云 五世之適是繼高祖之宗也,賀循、虞喜、庾 庶子之子」,明云『繼祖』,不云『繼祖之祖 承己之重, 所謂庶 其無重可傳也。庶子不爲父後者也,云『不 爾。 繼祖」者,指其子而言也。然則爲長子三年, 宗祀也,庶子不得祭,即不得爲長子三年,以 也。爲長子三年,以其承祖之重而 云"「子爲父母三年,父母爲子期,服之正 此則雖繼禰之嫡子,亦不得遂三年之服」,是 證之,謂『必適子、適孫乃得爲長子三年,外 必五世説,遂舉賀循、虞喜、庾蔚之四世之説 之文,加之庶子,此其所以誤也。] 吴氏 忍降其子以薄其父乎? 又舍子而言孫,其失與馬氏等。」盛氏 子而言曾孫,既與經義不符。 有傳重之道故也。 三年者,以身既繼禰,即得主禰廟之祭,是亦 五宗皆得行之矣。雖繼 云:「馬融主戴聖、聞人通漢五世之適説,舍 此尊祖敬宗之義,通乎上下者也 先儒謂必至四世乃得三 禰之宗亦得爲長子 禮家妄移『不繼 賈、孔因注 加 隆 世 廷 重 祖 佐 謂 焉 華

反致蒙晦而不通

,此乃禮家之誤也。

專以 同。」語有删節。 當以父之長庶爲别。 孫,經但言父爲長子,則爲三年不爲三年,自 子斬』是也。 者言之,即《通典》所謂『己身繼禰,便得 禰,皆宗也。此注兩言『爲父後』,明主繼 大宗一,小宗四,繼高祖、繼曾祖、繼祖、繼 年,失其義 之説,其不足憑益明矣。」 祖,傳義 祖之正體』與此注『重其當先祖之正 祖適爲説耶? 矣。」 昭 則庶子不繼禰,其長子自不得 晰 又云:「古者有大宗有 胡氏云:「鄭注《小記》言『尊 無疑。 以經傳之言釋之,四世 又安得舍繼禰之宗,而 況傳言庶子,不言庶 小宗, 體 爲 長 禰

父卒即爲母服三年説

「尊得伸也。」胡氏《正義》曰:「馬氏融云:「齊衰三年」章「父卒則爲母」。注曰:

乎 ? 年。 鄭同。 可通。』案:『則』字,古與『即』通,言父卒即 辭 者,決辭,非難辭也。」方氏苞云:『則者,急 父在爾。 服乎? 且子之所以不得遂其三年者,以 父卒則爲母,正見父卒之後而遭 賈疏乃謂經云『則』者,欲見父卒三年之内 父卒即得爲母三年,孔與馬、鄭無異義 齊衰三年章云父卒則爲母是也」。據此,是 祥亦然,以前文父死爲母三年也,故《喪服 祥皆行。』孔疏謂:『先有父喪而後母死,練 三年也。豈必父服除而母卒,然後行三年之 母卒,仍服期,要父服除後而母死,乃得伸三 『父卒無所復屈,故得 也,但父卒即 徐氏乾學云:『經不曰父卒爲母, 此禮之必不然者。]吴氏紱云:『則 《雜記 父既先殁矣,復何 》:『如三年之喪 得爲 母伸。 伸重服 疏 所 則 三年 引三驗,皆不 屈 母喪,即 既潁 而 也。」 不三年 ~, 其 一義 而 也。 有 服 日 與

故,二十三年而嫁」、《閒傳》爲母『既虞卒哭, 爲母三年也。《廣雅》云『則,即 後爲母三年之義,賈之曲説亦不足辨。 孔疏謂「八」爲字之誤,當爲「七」。 衰七升」及《服問》注:『爲母既葬,衰八升。』 母期,父卒爲母三年,仍服齊不服斬者, 諸儒論之甚詳,其所引《内則》『有 重 而分有尊卑,不可 諸文皆無父服 也」,可證賈 至父 除 如 文,何以知其兼言之也? 而 也。」淩 母』者,謂如適母也;『慈母 謂所生母不得三年乎? 氏 廷堪云:「或謂 案: 經傳無 如

疏之謬。

庶子爲 所 生母服 辨

則

以

母之與父,恩無

輕

在

爲

以

母

而

並之於父也。」

室 母 知 同宫者惟不禫耳。 一, 則 、。」萬氏斯大云:「齊衰三年,首言『父卒則 當 何 李 爲其母不禫。」則父在爲妾母 服 氏 如 ? 生云: 案:《小記》曰:『庶子在 「父卒,君 父殁君母存,得伸三年可 母 存,妾子 亦杖期, 父之 為其

爲母」,下即及繼母、慈母 案:伸三年者,惟大夫士之子。 期矣。父卒則皆得 爲母,皆如衆人。」於「慈母如母」注云:「大 功,大夫卒,庶子爲母三年, 鄭氏能窺見之,故其於《緦麻三月章》『庶 所生母也。經文簡括,儒者罕通其意。 母」,慈母亦父妾也,非其所生,尚爲之三年, 母當與此同。經不言者,包於父卒爲母之中 經。」胡氏云:「自父言之,則有 大夫士之差,父卒則皆得 夫之妾子,父在爲母大功,則士之妾子爲 爲父後者爲其母」注云:『君卒,庶子爲 伸也。」蓋 鄭氏 ', 因 申 蓋經所云『繼 知妾子之爲 父 士 齊 此注,直可 經云『慈母 適 母』者 在則有諸 衰三年也。 雖在,庶子 母、妾母之 所 生 謂謂 母 母 惟 明 補 侯 如 母 如 其 子

『包於父卒爲母之中』,其説是也。」與適子之於母同。經無所生母明文,謂即分,自子言之,則生我者即母,妾子之於母

慈母辨

諸侯無此禮也。 也。《校釋》曰"「言主謂大夫士者,明天子 之,不命爲母子,則亦服庶母慈己者之服 妾,妾子之無母,父命爲母子者也。 母,貴父之命也。」注曰: 則生養之,終其身如母。 曰: 女以爲子。命子曰: 女以爲母。若是, 乃大夫以下父所使妾養妾子』是也。 曰 命爲母子」,彼注但言『養』,不言『命』者,省 妾之無子者,妾子之無母者,父命妾 慈母 如母。」傳曰:「慈母者何也? 《曾子問》注曰『禮所云者" 「此主謂大夫 死則喪之三年如 其使養 此注云 士之 傳 可

爲慈母,其次爲保母』是也。 父命爲母子者,此經是也。 母有二:一爲大夫士之妾無子,妾子無母, 者,服以庶母慈己之服,於義可也。 士禮爲庶母緦,慈己者加服小功。 『庶母慈己者』、《曾子問》所謂『内有慈母,君 子以庶母爲師、慈、保母者,《小功章》所謂 不命爲母子者,亦有養子之恩,則亦是慈己 師、慈、保母以有養子之恩,謂之慈己者。 此 慈、保母本是庶母,此使養子者亦本是庶母。 夫之嫡妻子以庶母爲師、慈、保母言,但師 爲母子則成 文。從此注可知,此妾於子本庶母 命所使養子』,《内則》所謂『使爲子師,其次 庶母慈己之服 可也。不云則庶母慈己是也,而云「則亦 重於凡庶母 而 母子,若不命而 義 可也』者,庶母慈己者,本據 輕於母,亦服庶母慈己之服 。一爲君大夫之適 但 大夫之子,本以 使養之,則恩 君之子爲 也。 禮言慈 命之 服

命

問》『古者男子外有傅,内有慈母』,固不問子 也,以庶母爲師、慈、保母,既君大夫養子之 母,即《内則》之慈母。《内則》之慈母,擇於 母,命之爲母子則謂之慈母,喪之如母。 子子」之文,而孔子言諸侯之禮,則 子有服,故禮言『爲庶母慈己者』,必冠以『君 而使養之,則亦從爲庶母慈己之禮。嫡子 士又無師、慈、保母,其妾無子,妾子 傳以『貴人』釋之,謂大夫若 ,慈己者亦無服,故《小功章》專言 故魯昭公爲慈母練冠以居,孔子 庶母慈己者,諸侯無服,大夫之 即無母而長於慈母,亦斷不得 侯之禮,無庶母慈己 無母,皆使養之。 爲慈母,非即 《曾子問》之慈 曰 庶 《曾子]者之 無 公子 母 不 慈 無 服 母。 必求 士同。 子。』傳曰:『君子子者,貴人之子也,爲庶 母,非慈母也。《記》之慈母即經之慈母,强 爲子師。 曰: 異爲孺子室於宫中, 擇於諸母 加,則君子子亦以士禮爲庶母緦也。 子者,則父在也。父没則不服之矣。 何以小功也? 以慈己加也。』注:「云君子 慈己者』注:『君子子者,大夫及公子之適 分爲二,謬矣。又《小功章》『君子子爲庶 三,添出使『賤者視之』一節,不知賤者乃 己者,不以有母無母殊。梁武帝不辨君 無母,見養於妾者,亦如之。 士禮之異,誤解《内則》諸母之文,分二慈 他 其寬裕慈惠,温良恭敬,慎而 庶母慈己者,此之謂也。 嫡子則自以庶母爲三母,謂之庶 ົ人 無 其次爲慈母,其次爲保母,皆居 事 不 · 往。 又曰:大夫之子有 大夫妾子 其可者賤於諸 寡言者,使 與 《内 以慈己 (可者, 禮 大 母 .則》 乳 妻

己者

丽

何?

諸

母。

諸,庶也。

庶母

也。

服

,更無命爲母子之慈母也。

以

爲

非禮

以

諸

喪之如母。

之有母與否。

庶母

無服

與

君子子。

禮

則

無

論

子

有母

乎。 猶大夫 服。 子生,卜士之妻、大夫之妾使食子,三年 不 母 爲 則 子,傳以『貴人』釋之,猶《内則》之以貴 鄭君依用之,是禮家舊誼不可易也。此君 子」三字,戴氏聖、馬氏融皆以大夫解君子, 知者,彼經於『爲庶母慈己者』上冠以『君子 庶母慈己者之餘義也,以此經義推約知之。 之正義也,據《内則》正文言之。 養其子。』案:《小功章》注所言,庶母慈己者 出,見於公宫,則 慈、保母者是也。 言師、保、慈母居中,服之可知也。 必大夫之子,而後有此庶母慈己者而爲之 庶母慈己者服小功,父卒乃不服。』兼士言 謂 命士以下特言『君子子爲庶母慈己者』, 則下引《内則》所云擇於諸母,使爲師、 傅 也。 姆 之 《曾子問》注云:『大夫士之子, 屬 也。 劬。 注兼公子言者,公子之貴, 其 不 非慈母也。士之妻自 慈 己, 此注所言, 則 緦 國君世 可 人人别 矣。 丽

也。 者 大夫唯有二妾: 一姪、一娣。 故其子爲庶母 服,子亦不敢不服。故大夫雖不服庶母,而 然大夫以服貴臣之故而爲貴妾緦,父之所 筠、胡氏皆非。 禮:士爲庶母緦,大夫無服 禮而加者,父卒亦不加,明矣。 敖繼公、江氏 也。從乎大夫而降者,父卒不降,則用 子爲母大功,從乎大夫而降,於父卒如 子』,係父言之,明父没則無此禮。 庶母慈己,乃父爲大夫者之禮,故經言『君子 金氏以君子指士,胡氏謂兼大夫士,皆非。 子子者,上别乎國君,下别乎士子而立文也。 舉爵,爵之合稱君子者,惟大夫公子。 服」,仍據大夫言之。 大夫之子亦以士禮 慈己者之餘義,熊氏 即即 庶母 此注 ,戴氏聖謂大夫之貴妾即 所 云使 養之不 爲庶母總,加 所言是也。 《喪服》言公大夫士皆 命 爲 母 『父卒乃不 子者、 猶大夫之 服 姪娣 則 言君 大夫 國 小 庶 也。

母慈己者,不爲之小

功

也。

其可者賤於諸母

謂

禮」,大夫有君道,其養子之禮亦然。云『擇 母,而言庶母慈己者,别乎『可者』之慈母言 恐人疑『可者』亦是庶母慈己者,故又别之曰 鄭備引《内則》之文,以明大夫養子之 :庶母慈己之義,彼注以爲『人君養子之 又曰『大夫之子有食母』者,即乳 非庶母,其爲慈母不得謂之『庶母 其有買妾者,則大夫及其子不 ·擇於諸母,使爲子師、慈母、保 慈己則從乳母之禮,爲之緦 經實之日『庶 則》諸母爲慈母之謂 禮爲之緦。 引《内則》者,證 傅姆之屬也」。 不足,則取 『可者』不小 母慈己者」,此 經不言 明非 於傅姆 也。 君 子子 功 服 又 母 慈 母者。 士 釋庶母慈己則不及此 注,通庶母慈己之義於使妾養妾子者,而 謂大夫適子。不論有母無母,鄭『慈母 夫士之妾子無母者,君子子爲庶母慈己,專 子、大夫妾子及士適妻子、妾子皆是。 庶母本總,以有慈養之功,恩義加隆 使他妾養之耳。 是養子者,無待别使之養。 常禮,不論子有母 則食母可知。 不辨大夫士禮之異,誤以『使養之,不命爲 亦服庶母慈己之服可也。」慈母 功,此君子子之禮 子』者爲庶母慈己正 「慈母」傳注云:『其使養之,不命爲 禮,一 其爲庶母慈己同,則其 專言大夫禮,兩注 此庶 然經固據適子言也,此子 無母,如 也,其非君子子 《母慈己,是大夫養適子之 解,與經文不合,絕 義。 適妻死 固 其妾子,無 以 無 然分明。 爲 如 一兼言 母 服 , 則 母,兼謂 面 調

之也。

之屬,傅姆

慈己者」。

當從

乳

母

於諸母

與可者』者,或庶母

也。

禮,其意唯取

之謂也,謂

即《内

母之義,故

卽

舉

乃有

耳。

金氏

所駁殊非。

之,乃與士異。

服

與土

同。

鄭

母子

如

母

胡

大

亦

同,故

養於

庶

爲服

此

母

乃

爲

非

芖

夫適

母也。 所同。 母也。 者,謂之慈母爾。 子,即乳母非慈母也。是明君禮于三母外, 慈母也』者,上『異爲孺子室』以下,君大夫禮 更有士妻、大夫妾食子之事,非謂 妾,使食子,三年而出,見於公宫,則劬 上注意。 此别言君禮之異者、士妻、大夫妾食 云『士之妻自養其子』者,明 士禮無慈母,則惟無母而 云『國君世子生,卜士之妻,大夫之 胡氏誤從梁武之言,於經 養於庶 君禮 主 禮 無慈 無慈 母 非

出妻之子爲母繼母嫁從服辨

注本意多未達,故詳釋之。」

及出妻之子爲母二條,不言父在、父卒,則父母」,下云『父卒,繼母嫁,從,爲之服』。 唯妻在不服。《校釋》曰:「此章上云『父在爲在不服。《校釋》曰:「此章上云『父在爲

卒,明 哉 ? 在爲母不出者何以異乎? 母視其子亦曰: 『吾子也。』經文上言出 爲之服。妻既絶於夫,亦不復爲夫服。母子 其母,非惟子不可絶其母而已。 《小記》曰 言曰:『生之膝下,一體 仍爲子服。在子視其母固曰:『吾母也。』在 蓋夫婦有離合之義,故妻有過可出,而夫不 君固自服之,是母亦不因己出而絶其子也。 『妾從女君而出,則不爲女君之子服。』則女 萬不能已之情。 在、父卒所同也。 通於親。』父母一也,而謂可從父而絶其母乎 下言子言母,固未嘗奪其爲母子也。 無中斬之情,故母雖出,而子仍爲之服,母亦 以子與母骨肉 故經文『出妻之子爲母』,不言父在、父 |不以 父在、父卒殊也。 相 故夫可絶其妻,而子不可絶 連 出妻之子所以 屬,身體髮膚 而分,喘息 曰:父在爲 曰: 然則 所從受,有 爲母期者, 呼吸,氣 先儒 與父 母 有

不

服

出

母。

曰:

是不然,夫父所

不

服

服

者

謂

從乎父而降也

父本

有

服

一, 而 服,子亦不敢服,父在,父不服出

妻,則子亦

親者 之爲其 爲嫌。 之例 父也。 降 爾。蓋母於父已非妻,而於子猶是母,所 服,於父無與。不聞以父所不服,而子服 之子、從母昆弟、妻之父母緦,皆子一人之 之爲出妻無服,非降也,絶也。 子一人之服,於父無與。 不服之,故子亦本 於從父之義蔑如 義之絶也。父已無此親,而子猶執父所不服 母,非從乎父而降,以父與母 則固當服之。 不服之謂,而子視其母則 屈 之服 屬 而謂己 也。 今妻已出,親專 母 今母已出,則 例 服 天下 此 不 也, 此母爲子一人之親,母之服 敢 而 -豈有: 謂 亦曰:子 也。 服,是絶己之當服之親 ·有 父在 父 服 無 禮爲從母小 本 屬於其子,父之視 丽 不敢服 母 不服,則是自絶 固母也,母不可絶 自 無 不敢服之義,統 之人哉? 服 服 已爲 非服之絶, ,并非父之所 ,則似 其 當 功,舅、舅 路 服 後 日 人。 之親 已出 Ĺ 以 謂 而 恩 其 於 爲

復以

尊服服之,子統

乎父也。尊服

不

敢

加

容

有異,三年則幾

(與父

〈並尊。

母既·

出

不敢

非

復

家之所尊,且期者,本屈

於父之服

,故不

與

廟

絶,不

復加

隆

于

祖

禰

之正

體

,服其

親

服

親

服

無

可

絶

也,出

母

爲

長

子亦

不三年,

以己

不敢

從父而絶其

母之服者,更不

敢

因

母

而

廢

曰

與尊者爲一體,爲宗廟之主,服

則

、廢祭,

而

己。

曰 :

爲父後者,何以爲出母無服

也?

其父之祭故,但

心喪而已。

或

曰

父所

不

服

也。

父卒爲母三年,尊得

伸

也

母既

出

没

何

以

不

伸

年

· 也 ?

曰 :

三年者,加隆之

則

知

有

服

其母

而已,無

容異

也。

曰 :

然則父

也

一,屬

乎子也。

至親

以

期斷,服

既

專

屬乎子,

期

,降也,屈於父也。

出妻之子爲

母

期,不絶

四 三 三

《記》文甚是。 《檀弓》記『子上之母死 之無服,及爲父後者之無服,而不言父在無 所厭降者,非經意 死 服 所云『爲伋也妻者,是爲白也母』云云,施 凡《記》言自某始者,皆爲失禮所由始。子思 廢,故云: 『孔氏之不喪出母,自子思始也。』 服,則不論父在、父卒皆爲 父,言爲母以屬於子,名正言順,仁至而 復妻也。 『出妻之子爲母』,固母子之也。 江氏 嫡母、繼母則可,施諸生我 『子爲母』,明母猶其母也。 言出妻以 於衛,子思哭諸廟。」夫已爲嫁母 ,則非《記》意。 傳於無服者必備言之,今傳言外祖 猶 云『出妻之子』,明子猶其子也 有 親 胡 · 非 氏引以證父在,爲 也。 專 檀弓》又云:『子思之 爲子一 經云『出妻」,明妻非 而 不 者則不可。 人之親 出 喪」,明禮 母 期,明 7如此 出 而 永 母 經云 所 父母 絶於 義 爲 甚。 其 . 母 釋 由 無 諸 盡 父 重

何緣以 乃服耳。 得如繼母耶?」案:兩『繼」字皆譌,當 嫁,亦當爲服如繼母否? 鄭注謂繼母出則不服,以非親者屬也,則 哭於他室爲得禮。鄭注謂『嫁母齊衰期』,明 母嫁更不服 制禮,故空其文以『親者屬』一語括之可耳 母雖無母道,子不敢不母之。《凱風》之詩 案:母子至親,無 傳聞異辭,學者取其義,勿泥其事可也。又 禮宗,子思又大賢,豈或不善於禮? 自責之辭,而 於子,子終不可絶母,故子思聞嫁母之喪,終 則不敢加尊服 一,豈 |使子| 經云『慈母如母』,謂: 如 經曰:『父卒,繼母嫁,從,爲之服 繼 爲 矣。 母爲問? 無責母之意。但聖人不爲無義 出 而親 《 鄭 母 絶道。 如 服無 志 彼 繼母 》:『趙商 其 可替。 母爲子一人之親 輕 答曰:慈母賤,何 如己母也。 嫁者不服,從之 ? 即使母自絶 問問 孔 氏 日 《檀弓》 爲 慈 趙 萬 爲 母: 繼 有 卌

鄭 如 服 母 報 者非母子明矣。 爲『尚』,聲之誤 也。」注曰:『嘗爲母子,貴終其恩。』『嘗』當 以以 :。』『從』字當絶句,謂子幼,無大功之親,繼 母 與之適人者也。 義 ,今既自絶於父,則路人耳,何服之有? 蓋 非親 如 此。 者屬也。 傳 也。 此繼母之與因母異者。 曰:『何 從乃爲之服,則不從者不 從者尚爲母子,則不從 繼母本因配父,而爲之 以 期 也? 貴 終

降其小宗解

宗親 其 降 其 小宗也。」大宗 爲人後者,本親高祖以下俱爲小宗,悉 支子後之。 五 疏 金氏榜《禮箋》云:「大宗不 服 不定,則 等。 所降 若高祖 唯 傳曰: 小 ,小宗 ·宗世 「持 爲大宗,則降其曾祖 重於 有 一數多 四 大宗者,降 可以絶,族 ,所後之大 寡 蓋 不 齊

> 服,則 名在緦麻,或無服者而服之以期、功之重服 爲人後者從乎 降服,名存則降見,名不 宗,則降其父以下。 以下,曾祖爲大宗,則降其祖以下,祖 爲人後者,其妻爲舅姑大功」是也。 者之服,及記言爲人後者于兄弟降一等,《喪服小記》言「夫 者爲之名。 之子兄弟若子」是也。 母、妻、妻之父母、昆弟、昆弟之子,若子」。記言「于所爲後 悉降五服之例著。 記言:『爲人後者,于兄弟降一 世叔父,著姊妹,不著姑,著其有定 其降服著父母,不著祖父母; 祖,而無不降父以下本親者。 從所 後者爲之名。 經著爲人後者,爲其父母、昆弟、姊妹適 ,所後,而易其本親之名,則有 因所後 凡爲人後者,因 爲人後者有不降高、曾 - 存則 而 傳言「爲所後 名與 降, 降不 故《喪服 著昆 等,報。」由是 則不 服 見 不 弟,不著 從 所 者之祖 也。 相 者也 微》經于 所 後 一爲大 值 使 爲 後 面 父

是加

服矣。

豈降其小宗之謂哉?

然則本生

年,以 子,曰 之日 也。 也? 功,以 功可 爲 小功章》曰:『爲人後者爲其姊妹適人者。』 ·期章》曰『爲人後者爲其父母』。 説 屬 即 弟 也 則 也 人後者爲其昆弟之長殤。」昆弟長殤本大 之親 與 っ 按 知。 昆弟 本期,以尊大宗,爲小宗服降等,故大 爲大宗旁親 祖大功,曾、高 以 爲 尊大宗,爲小宗服降等,故期也。 尊 《大功 「禮尊大宗之道有二,曰爲大宗 經傳脗合,確不可易。 所 小宗服降等。 大宗,爲 何 大功,則世 俱得 後 爲 以 7章》日 或 人後之禮,言人人殊,惟 不 在 遂其名, 見 不降也。 小 親 :『爲人後者爲其 也? 宗 屬 小 叔父大功,從父昆 經之言降等服 服 功 則即 不獨父母之名 以所 降 <u>~</u> 可知。何以 殤 等,故 《禮經校釋》申 爲 後 小 大宗 或 功 父母 小 章 在 也,《 昆 正 功 親 父母 不見 服 本三 曰: 弟 弟。」 尊 金 不 也。 屬 功 岩 木 不 小 氏 口 專著其 後母 服 父而 宗之親未 故 姊 當見者,惟所後父一人耳。 昆 而 因 母、昆弟、 所後在親 從父姊妹 疏不定? 弟 加 而 小 妹 無 朩 可 者 悟 適 所 功 服 見 加 也

降

昆

期

杖

此

易

 \overline{H}

惟此三人,則小宗本親降 而降者,惟父母、昆弟、姊妹,大宗之服 不見餘人,其意亦猶是也。 知。 人本 經於爲人後者爲大宗之服,止 惟 姊 屬 適 可定,其服 降。 也,舉服之例 設後於世叔父,則本宗之服 則 所後父母及姊妹耳。 爲 列即 人緦 姊 大功,以尊大宗,爲 妹 姊 而母 妹 人後者,又多 以外之親,其爲小宗之親、大 妹 可知。 適 爲大宗旁親不降也。 例 統於父,言所後 人 之降不降更未可定。 不獨 小功,則 而 何以 服之有定者。 見,故 無 無 礙乎服之用也 不見 所 姑 小宗服 服 餘皆如 何者 後 適 也 之特 父,則定 親 人 出 見 昆弟 小 經之 是父 降 所後 亦以 其 由 加 由 所 本 親 而 而 重

經於爲人後者

爲

準此 近程 説 服 使降等、若子兩 大宗之服,著其無不特加者,於其爲本宗之 著其無不特降者,而其餘或加或降,悉可 顯背傳文而胡氏又從之,甚非者矣。 氏 以 瑶田、段氏玉裁皆未得其旨。 推 此喪 服 服 相 條理合一,終始相貫,不 妨之精意 也。」馬氏 敖 繼 融 公公 及

適子不得後大宗辨

云: 宗無支子,則適子亦當後大宗。《白虎通》 絶父 子不爲後者,不得先庶耳。 也。』《通典》載戴聖云:『大宗不可絶。 後,往爲 適子自當主小宗之事,然此論其常耳。 『小宗』 以 胡氏《正 後大宗。」范汪 後於大宗,所 可以絶,大宗不可 義》曰: 「適子不得後大宗,謂 云: 以 (尊祖 一廢 族無庶子,則當 絶。 重 小 宗昭 不絶 故舍己之 若同 大宗 言適 穆 不

論

正足濟禮之窮。」

也。 亂,廢大宗昭穆亂矣,先王所以 無後,祭於宗家,後以其 如 非矣。』案:戴、范之論甚正,據前傳云:『何 非謂大宗可絶也。 豈得不廢小宗以繼大宗乎?』方氏觀承云: 人,則大宗絶,後則違禮,如之何? 「劉得問:同宗無支子,唯有長子,長子不 不得以適子後人耳,非謂無支子即可聽其 氣,非執定之辭,自是有支子當以支子爲之, 『適子不得後大宗,正以申言支子爲後之義 曰:以長子後大宗,則 而可以爲人後? 敖説害理,方駁之極是。《通典》又載 敖氏大宗有時而絶之説 支子可也。」玩『可也』語 成宗子。 庶子還承其父。』此 禮 **:** 重大宗也。 田 諸父 瓊 答 後 絶

唯子不報辨

「大夫之子爲世父母、叔父母、子、昆弟、

四三七

專明 之報。 也? 始 後 加 期,不因其父母哀其嫁於大夫而無主,爲之 渾括,『唯子不報』,自兼男女言之。 矣。」後人多申傳駁注。 也。言其餘皆報也。」注曰:「唯子不報 昆弟之子、姑姊妹、女子子無主者爲 無主者,此十人於大夫之子相報服期之義 爲其父母 服相爲之謂報,子爲其父母三年,無疑 女同不報 婦者,唯子不報。」傳曰:「何 云『其餘皆報』,雖皆指兩相 截然分明。 ,世父母、叔父母、昆弟、昆弟之子、姑姊妹 服,而乃服 一義鄭以 女子子適人者爲其父母期,故言不 故獨舉 期,故言不報也」。 爾。 期以報。故曰『女子子適人者 況傳以不報主 經文唯子不報 女子子適人者,爲其父母 傳以爲主謂女子子,似失之 胡氏承珙云:「經文 服期者爲報,而 謂 此於經文自是 ,必兼男女。 以言唯 女子子,而又 傳以 大夫 子 於 自 不 '',男 丽 當 期 報 同 報 命

子,則 親降之矣。 不降,故諸親爲之亦應降 子當從乎大夫而降,今以諸親爲大夫應降 期,而諸親爲之不降等而報之者,以大夫之 功於經,不獨 父期是本服,非報,子爲父三年亦非報。 餘皆報』一語,自呈罅漏。蓋女子子適人爲 鄭,似爲定論矣。 云:「鄭氏 士也,爲世叔父母、昆弟、昆弟之子爲大夫者 也,謂言子不兼子不可也。 經明言子,不言女子子,謂言子兼女子子可 謂:『女子子適人者句上脱子爲其父母三 文義嫌於以子亦爲報,故鄭駁之。 句。』蓋爲 父在也、父没、則爲諸親如本服、而 以 傳 傳爲 爲 彌 《功鄭氏。」又案:大夫之子, 縫,殊 及閱胡氏之説,而知傳『其 失,而 後 可不必。」胡 不降。 人又多 胡氏 此説,深有 言大 申 氏 沈氏 傳 夫之 培 以 況 丽 年 駁 翬 彤

遂 期 是 妾、大夫之妾』,不言士妾,文主於公、大夫, 母,故以明之。」《校釋》曰:「案 禮,妾從女君而 與?《春秋》之義,『雖爲天王后,猶曰 曰:「何以 妾子同也。」「公妾以及士 與君一體,唯爲長子三年,其餘以尊降之,與 爲妾者文主於妾,是據 此言二妾不得從於女君尊降其子也。 也? 也 **據尊降言。下經云『公妾以及士妾』,通凡** 。」注:「然則 是言子尊不 公妾、大夫之妾爲其子。」傳曰: 妾不得體君,爲其子得遂 期也? 服 其 女君 加 妾不得 黨服,是嫌不 於父母,此 厭 有以 降言。 體君,得爲其父母 一妾爲 尊降 其父母。」傳 傳皆云『妾 上經云『公 傳似誤矣。 自服 其父母 也。」注: 「何以 女君 一吾季 其父 者

服期。 胡 者,尊辭也。 乎? 傳意並不謂女君有以尊降其父母者, 不得 恐學者以文害辭,故云:『此傳似誤。』案: 之例,則似女君 傳文則似乎對女君以尊降其父母,言得體君 母遂矣。 父母遂。 不得體君得遂,則似妾不得體君爲子遂亦 得體君者不得遂。 體君」,則有得體君者。 氏釋傳是也。 服,妾不體君,故爲其父母得服 君於衆子 不 説 得體君」者,胡氏下傳《正義》曰:『上傳 甚是。 體君 此傳妾不得體君,謂君於妾之父母 女君 降 而經豈有女君以尊降其父母之禮 ,謂諸侯之君於衆 傳意本善,而立文則與上大夫之 服 胡氏承珙於下節云" 設援上 然但 得體君,不爲子遂,亦不 大功,妾不體 以體君,而降其父母矣。 傳於妾爲子、爲父母皆 一就傳文讀之,云『妾不 不得體君者得遂,則 君 子無服,大夫之 故爲 期。』案: 漢 其 子 爲 胡 章 得 無 鄭 爲 得 妾

939

四三九

解紛第五下

禮經

閡 以 對女君言,故注以女君爲比例,實與經合也 殊,故别白言之。凡妾服,除妾爲女君外,皆 子傳同 勘 之服女君之黨服,不 也。云『禮,妾從女君』以下者,嫌妾賤,但 以 不知傳意之不誤也,但依經例,當以女 是,然彼所釋者傳意 非也。』案:胡氏 直 此文明君不厭妾也。 二條已包之,而必别出此,明以 二服上『爲衆子』、『女子子適人者爲其父母』 傳注原可並行不悖,後儒必欲申傳以駁注 截 疑經,故微辨之以豫破來者之惑。 、於傳文終有抵捂,難於申釋,恐學者 ,故云『此傳似誤」。 女君爲比例,則 ,反覆比勘,無語病耳。 一自呈罅漏。 /培翬 與傳 敢自服其父母,故特 鄭 義亦與傳大同,但文較 傳雖 亦 似者,不敢定以 意 蹈 所 雖 止 此 辨者傳文。 互通,而 就妾論,然經文 胡氏承 失。 妾與妻尊卑 其釋 , 珙云: 傳雖子 文 君 傳 爲 似 因 鄭 著 使 雖 誤 傳 對 非 隔

夏所作,容有後師增續之文。偶參疑議,何

高祖玄孫服辨

傷乎?」

也。 無服 袒免,指高祖玄孫 至此 不著,可推而知 之;逮見玄孫 爲玄孫無服,但以 五世不數己,且《大傳》本指旁殺,若謂 五爲九」,以己合上下數之。《大傳》之四 云:「四世 云:「逮見 而窮也。 程氏瑶田《喪服足徵記》謂「高祖、玄孫 其 説 《 喪 高 而 以《大傳》「四世 服》經不言高 緦,服之窮也。」謂曾孫緦 祖 「五世袒免,殺同 ",即以 也。 即即 袒 則 以 《小記》之『以三爲五 服曾孫總麻者服之。 免 服 正 行 曾祖 統 祖 事。 也,謂 而 玄孫者,不 總」數 齊衰 張 .姓也。]謂 之同 氏履: 三月者 語 麻,服 爲 姓 辨 制 五 之 可 經 服 己

弟之服

服

至尊,故變制

爲

曾祖

「重其

衰麻

高

祖當緦麻,玄以

次

而

殺,特不敢以

小

月,非上殺之義。

夫本服之差,曾祖

當

文。

鄭

氏

?珍云:

程

氏

謂

曾、高

固

服

齊

衰

世,不得爲玄孫

無服

引

例

也。」以上胡氏《正

然昆弟之玄孫雖爲

,下數玄孫,亦止四世,不 五世,而己之玄孫仍爲四 視之,則 子》 小功, 功兄 昆 弟 世。 減減 義 弟 六 之 有 = 四 於 又 而 四 勝 得見高祖者。 弟、姑姊妹等,子皆得 也? 服齊 敢以 曾祖 小功 其 於其父乃敢以待同姓者加之乎? 也」,爲高祖 昆弟之子諸 孫,與庶玄孫唯皆袒免。』夫袒免,唯 祖,父子不可同服 衰三月,玄孫不可服同父。』夫爲 止有大功三月,以下更無喪期,將特制 一二月乎? 目 注 Ħ。 疏 小 己 服 衰三月,何 瑶 齊 ,不知其害名教大矣。」 功,喪期又當減於三月,而 曾 田 曾祖至尊,高 衰三月,高 祖,又敢以 又謂:『玄孫之父是曾 出 之子,且不 抑 萬一有,然不 服者 特 服 乎? 制 ,所謂[五 也? 大 祖 緦 敢服 與父同服 功三月 宜 祖 瑶 麻 焉 從 服 亦至尊,既 田 以 殺 得 高 世 承 又謂 乎 ? 則 祖 兄弟之服,而 袒 重 不 世叔父、昆 孫 衰 乎 ? 免,殺同 世世 齊衰之次 與 服 何 程氏 也,己 麻 獨 曾 然則 斬 施 不 之玄 止 之族 絶 爲 袓 齊衰 若言 敢 姓 高 同 不 無 以 齊

爲一

世,又從旁而下至昆弟之玄孫爲五

昆弟同出於父,從旁數者也,故視

世。

己,從下數者也,故視子爲一世,玄孫

爲

出

世

屬竭者也。」張氏辨之云:「子孫

玄孫、五

世

袒免者也。

自吾高

祖

云:「族昆弟之子,自吾曾祖

視之,爲昆

世,如程氏説,豈高祖爲五世廟乎?」程

氏

天下者祭七世』,除太祖

二桃,則高

祖

爲

爲服之差,固不得

自占一

世也。

 \sim

荀

得數

己而爲五世。

以己方計其人之世

數

邪

?

且上

高

祖

四

四四二

大夫尊降服辨

言諸 得以 之孫 曰: 斬。 弟 敢 敢不 莫之禁而弗爲 因 後 得」、「不敢」與 父昆弟,封君之子不臣諸 之不 爲 服 封 「尊不 服 之亦 君 也。 盡 侯之不服旁親,從乎其先君之臣之而 見不服親服者之爲欲終之而 夫諸侯之絶旁期,尊降 喪 服 也。 服 臣 以尊降其子而不敢服。 先儒 諸父昆弟。 旁 如 同 諸 親 君之所不服,子亦不敢服 本 也。 侯 謂 也。 非 服。 「厭降」同文者,蓋封君之孫以 絶旁 不 尊同,則 以己尊加於諸父昆弟,乃 又曰:「始封之君不臣 臣者服其本服 臣之則 故君之所爲服,子亦不 、期,大 父而 得 君不 也。 夫 服 臣 降 是封君之孫 其 服,而 、其諸 昆弟 而 不可得,非 一 等。 親 傳云「不 也 服。」言 , 封 ご此 臣 父昆 君 諸 服 不 傳

君者。 不服其 即 也。 則出 而 其先君所不服之諸父昆弟,此子天父之義 君,與先君爲一體者,不敢 弟,封君之孫 適、骨肉相殘之禍。 諸侯,而不臣諸父昆弟,服如其親。 以 君之所不服,子亦不敢服。 子之嗣爲君者爲昆弟,於封君之孫爲諸 子之不受重者,乃别之不 無教人以貴臨其諸父昆弟之理,故 有尊,言有父, 必有先,言有兄。」先王制 其 後 不 封君既以尊降其 敢 諸父昆弟既 於封君之尊降。 之尊降,義同於厭降,而 此父命之行乎子也,此君臣之義所以 不 諸父昆弟 臣 於其昆弟、昆弟之子之繼父而 盡 臣 以子而臣於其父之爲君者, 也,不敢 諸父昆弟,皆不 而封君之庶子於封君 《孝經》 庶子,則其子孫之嗣 服 服 自以己親 故封君之子臣昆 以 所以 其 \Box 豫 君之所 「雖天子必 厭降之故, 服。 絶 雖 惟於其 嬖子 而 非 不 擅 起爲 父, 禮 服 服 Ž

不敢不降父之所

降

也。

諸父昆弟既以子而

三世

爲大夫而

後

《然,非

敢降其諸父昆弟,亦

是降服備者,必

其庶子大功,以

遠別絶嫌。

大夫之尊降,亦

以父降其子也。《不杖期章》「爲衆子」注

曰:「大夫遠别之謂之庶子,降之爲大功。

天子、國

君不服之。」此尊降服之本也。

父降

其子,則子不敢

不從父而降其昆弟,子之子

又不敢不從父而降其諸父。

其子孫, 大夫采地

亦必適子世世守之,故降

蓋諸侯有國,以處其子孫,大夫有采,以處

士者」大功,虞喜以爲三世爲大夫者是也。

夫爲世父母、叔父母、子、昆弟、昆弟之子爲

尊降諸父昆弟,則大夫可知。

然則經云「大

子,此諸侯降服之義也。夫諸侯尚不敢以己

凡封君子孫之絶旁期,皆封君之尊降

也。

臣之也

其不

服也,非今君不服,先君不

服

其

出

於父子也。

其臣之也,非今君臣之,先君

四 四 三

齿。 既 據有地者言。此大夫降服之義也。古者不降, 明大夫從父而 章 夫 欲 體 之。庶子之服,諸侯絶、大夫降,後世子孫 受,重遭二叔流言,閔兄弟之失道,故 人倫之至。昔武王欲以天下授周公而公不 討,賊恩害義,敗國殄民,莫此爲甚! 弊生,兄弟宗 官,苟世守采地,即 建之義至是而 以尊尊保全親親。 上下各以其服 汐 始 有 其貴,愛之欲其 絶,然後尊其 陳 不 諸父兄弟備言燕私 封始爵者 大夫 備 此 降 既 族或至相争,日尋干戈以 降 服 盡矣。 防 明從降之義,而 位 殷道 ,乃備諸降服。 者。 亂保族之心以 富,族食 ,重其禄 有國 用大夫之禮,經言大夫禮,多 親 上章既 或曰:大夫爲諸 有家,必嫡子世 親,兄終弟及。 而恩誼 同 ,族燕,公與父兄 陳大 其好惡,親之 愈篤,維持 後見大夫服 爲 大夫雖不世 夫之子,下 服 其 聖人, 法久 親服 相征 世 嫌 制禮 悉 封 疑 守

者宗 弟有以 喪,雖尊降 以 其服 也。 服 義明 《不杖期章》「大夫之庶子爲適昆弟」注 曰 : 降 功、大功降 雖貴富 之。」此言抉經之心。 爲諸親 適子爲庶昆弟,庶昆弟相爲,亦如 與 降 等, 厚薄, 也。 小功 廟 降服 遂 絶 而諸親 不敢 禄位 殊 異於邦人乎? ,與諸親之爲大夫,一從乎父而已矣。 大異,絕者,臣之也,降者,仍親 或曰:大夫之事世叔父母、事兄使 其親 而 多矣、厭降、旁尊降、出降,不 私 小功、大功以 亦當同之。 疏外其親之理? 以 必適適相承之義。大夫不奪宗 也,子統乎父,公也。 如 加 也。 其本服,厚薄 於父兄宗族,且大夫期降大 凡所爲降者,特以 必如 曰: 無 傳 上 説 親 是,而後子天父之 同 降 凡降 以異也。 無 財,豈 服 乃 ,皆以「 服 失 大夫之 者皆、 大夫爲 明 有 均 . 聞 凡 大夫 Ħ 始 乎? 之 心 爵

得」、「不敢」爲言。

鄭君謂降有四品,愚竊謂

大夫之妾爲 君之庶子 兩 節經、傳、

注校

文

君大夫之降其子、父母降女子子適人者,敢

君道,則大夫不皆宗子也?

親也。」注:「此不辭,即實爲妾遂自 此三人之服也。」傳曰:「嫁者,其嫁於大夫 之庶子、女子子嫁者、未嫁者,言大夫之妾爲 父母、姑、姊妹。」注:「舊讀合大夫之妾爲君 子亦期。」「女子子嫁者、未嫁者爲世父母、叔 爲其子期,異於女君也。士之妾,爲君之衆 世父母、叔父母、姑、姊妹者,謂妾自 君同。』指爲此也。妾爲君之長子亦三年,自 ,當言其以見之。 「大夫之妾爲君之庶子。」注:「下傳 妾爲君之黨服 未嫁者,成人而未嫁者也。 《齊衰三月章》曰: 妾爲君之黨服,得與女 ,得與女君 同。 何以 服 服 下 其 其 言 大 了 女 私 私 爲 功

降者也,餘皆不得不降、不敢不降者也。 稱之,蓋當時有此風氣,不得以爲大夫君族之證。 以愛我聞。」夫子,雖尊稱,然季札於孫林父、叔向於伯有亦 族之道,則諸親非可得而臣也。《左傳》:「夫子 時,大夫即治其鄉里,非特尊不可以爲治,則 夫降服,先儒説者皆未得其理。 有常憲,自可當官而行,不當以門外之治 凡此皆以意爲説,難可據信。 廢祭,此説最爲近理,可備一解。然 侯始封者有王事,立 也? 或謂大夫 或謂宗子 或謂 封 或 有 有 大 謂 建 五. 君 者也。 親 也? 曰:『何以大功也? 并女子子逆降旁親義 述

細思之亦非確

詁

則諸

大夫不可 曠職

廟

,何以服

諸

父昆

弟

如 邦 人

國

混諸門内

也。

今據傳文推經,例説之如此

足以 其 義 子子嫁者、未 屬經,一屬傳。又以「下言」以下二十一字注 時也。」按: 子成人者有出 君之黨服 知 者自安,是誰置之也? 今以義,必是鄭君 文爲傳文,遂使經義是非無正。 戴氏震云: 姊妹』十字爲傳文,以『下言』二字及『者謂妾 破之。』據疏此説,以『爲世父母、叔父母、姑、 也九字,總十一字,既非子夏自著,又非 不應重見此十字而絶不釋其意,是二十一字 自服其私親也』九字共十一字爲鄭所加。不 賈疏謂: 『下言二字及者謂妾自服 鄭君欲分别舊讀者如此意趣,然後以注 本 見之矣。 既 明。 見世 得 此兩條,鄭以經解經,發疑正讀 而傳寫者誤分注文一條爲二,一 與 父母、叔父母、姑、姊妹十字 嫁者爲曾祖父母。」經與 |道,降旁親及將出者,明當及 傳所云『何以大功 女君同」,文爛在下爾。 也 ? 其 此同 女子 妾爲 舊 私 ', 傳 親 置 讀

意。 傳語 親 二十一字厠入傳中,而 屬經文『姑、姊妹』下,以『下言』至『私親也 屬顯然。 也。」褚氏云:「此條細玩 之,當屬注而大書連於傳,此誤於唐以前 妾自服其私親也』二十一字,據疏是鄭 也。『下言爲世父母、叔父母、姑、姊妹者, 之庶子」下,而簡脱 女君同」三句,據注當在經文『大夫之妾爲 無疑耳。 傳文本無不合,奈爲傳寫者所誤,故 字,一氣連貫,不可截斷。」盛氏云:「注意 之妾爲此三人之服也」,下云『謂妾自服 通 爲鄭注無疑。 也」,一『言』字,一『謂』字,皆指舊 ,雜亂無次,讀者滋眩。」 阮氏學海堂本 如是,自『舊讀』至『此不辭』,凡五十六 不知 『何以大功也,妾爲君之黨服,得 何 時將『舊讀』以下三十二字 且考其文義,上云『言大 在 以『此不辭』以下 此,此誤於漢以 賈疏,注混於傳,真 讀者之 Ĺ 君 前 不 其 者 置 謂 者 君 與 能 與

盛氏云:「嫁者因出降也,不云適人而云嫁

,見其雖貴爲大夫妻,不再降也。」又云:

祖

|父母條,一言其降旁親,一言其不降正親

大功,故

鄭以

成

人者有出道、降旁親釋之。

世叔父母、姑、姊妹降服

者」、「未嫁者

並

舉,與「爲曾祖父母」條

文

同,是未嫁者,亦爲

之文正,而

後

經義可明。

經以「女子子

嫁

合矣。]案:諸家考正

傳注之文致確

傳

注

甚是。鄭若破之,是破傳,非破舊讀矣。

鄭

不言傳誤,而但言舊讀誤,是傳必不

· 與 舊

讀

爲學者大疑。

向使此二十一字爲傳,則舊讀

前,而又誤鄭注『下言』二十一字爲傳文,遂

注爲兩截,竄『舊讀』三十二字於『傳曰』之

『言』、曰『下言』,文義顯然矣。 自寫者誤分

《校勘記》云:「案『下言』以下二十一字,乃

鄭所引舊讀之文,與下『此不辭』相連者爲注

文,而上節鄭注『舊讀』以下三十二字,當

次

曰

於傳文『女君同』之下,則一氣相連。

四四七

義。 然未 徵《喪服》文者乎? 瑶 以 降在請期之後,胡氏言逆降義本經傳,皆足 無不合。盛氏言逆降重昏姻之時,褚氏言逆 例,亦正以傳釋此經與彼文同,注之與傳,毫 無 於大夫,大夫之子、公之昆弟皆各服備見,而 之世叔父母等則否,猶逆降服得施於將出之 雖尊無再降,蓋婦人雖在外必有歸宗。 發之甚精。 注言『將出者,當及時」,正以明傳『成人』之 大夫之妻惟見姑、姊妹嫁大夫者應降不降一 姑、姊妹,而 妻尊,降服惟施於姑、姊妹之適士者,而 田 發明注説,此鄭義之灼然昭著者也。」程 其引《齊衰三月章》爲曾祖父母條作比 嫁 强據譌文以駁鄭注,豈謂天下後世 己 而 嫁、 逆降旁親,必其年在及笄以 未 經以嫁者與未嫁者並舉,盛氏 不得施 嫁 皆然, 於昆弟 又案:逆降之説,諸 故連言嫁 也。 者、 經著尊 未 上者。 嫁 在家 大夫 降 無 者。 儒 能 氏 服 謂

> 宗之義推之。 則然,義各有當 降之常例,亦 嫁 條 侕 明 已嫁 逆降者,重昏姻之時,此 此 外 而不再降者,厚族類之恩,此 族 惟其 親 姑、姊妹之再降,則依大夫尊 也 但 夫繼世爲大夫,降旁親 有 出 降 無 由 尊 從 降 夫之義 忇 由 蓋 者 歸 推 未

緦麻章長殤中殤降一等四句傳文非經文辨

《小功殤服章》傳所謂大功之殤、小功之殤, 殤、中 程氏 殤、大功 記》駁鄭注處,精確不刊。 氏履、淩氏曙辨之。 沈氏云:「程易疇《足徵 等。 瑶 殤 **緦麻章》**: 齊衰之殤中從上,大功之殤中從下。 田 之殤,指成 降 以 此四語 等四四 「長殤、中殤降 人服 爲經,沈氏垚取之,而 句 乃 齊衰、大功者而言。 經文,所謂 如《緦麻章》末『長 一等,下殤 齊衰之 張 降

而

下

殤在小功者,即

不

而

言,則長、中、下皆可冠以

本服。

若即

則當云緦

麻之殤中從下。

蓋

據

殤中從下,其長殤乃小功

丽

齊衰之殤中從上」,其説無所閡。

從上者,降在大功

條乃程氏之誤,非鄭氏之謬也。

孫之中殤爲下殤,謬。」張氏

則從下殤而降在緦麻,所謂『小功之殤中 下』也。故小功之殤中從下,即『大功之殤中 言,則長、中殤在大功者,可云大功之殤, 鄭誤經爲傳,謂皆據成人,以 成人服齊衰者,其長、中 ,謂『大功之殤中從上』,即 得云大功之殤; 長殤 婦人爲殤者服,改庶 小功之殤,其 中從下入總麻, 履云:「案:此 本服之降 齊衰之殤中 若大功之 服 殤 據殤 大 中 前 中 服 從 從 丽 殤 功 殤 爲 發傳。 章》。 功章》,爲其從父昆弟之下殤,在《緦麻章》。 之後,總發『長殤、中殤降一等,下殤降二等 文不合也,故於《緦麻章》末,婦人爲夫族服 見中之從下,故於兩章爲夫之叔父下,不 殤、《緦麻章》爲夫之叔父之中殤、下殤,已明 族大功之殤,則《小功章》爲夫之叔父之長 人後者,爲其昆弟、從父昆弟之長殤,在《 下降二等,其爲中從上也,並見《大》、《小 之殤中從 者,即不得云小功之殤。今『中從下』非 在小功者,可云小功之殤,而中從下入緦 而中殤獨未見,故傳以發之。 直截,而細案之,文義 ጢ 云:「丈夫、婦人爲齊衰之殤,長、中降一等, 冠以 惟丈夫爲 小功, 而又恐人疑其與大功之殤中從 上」,大功亦本 則小功其本服也。 大功之殤,中 已不甚 服也。 至於婦 亦從上。 通 程 然則『大 如 氏 此。」又 説 人爲夫 上 而 小 之 爲 功 似 功 功 麻

主丈夫爲殤者服,後主

從下]也。

降

在

大

功

而

爲大

功之殤,故大

八功之

者,其長殤降在

小

功

௱

爲

,即『齊衰之

殤

中從上』也。

成人

即

據

殤

服

而

言。

四 四

九

隆服 協。 其 不 夫同 不足 贅此異名同實之傳? 從上、從下,經已明著其例,而《小功章》『爲 其同者而統言之,所以辭備 爲夫族之與丈夫異者。 親,從服也,故其爲殤服 從下也,即 殤,明是大功之殤中從下者。 人後者爲其昆弟、從父昆弟之長殤」,不見中 程氏説 之妾爲庶子之殤中從上,與主爲丈夫之例不 又何容辭費、轉滋後人之疑乎? 者。 之殤 以 然此 也 可通又有 爲 ,以長殤、中殤四句爲經文,則中 故其 難。 所謂妾爲君之黨服 又發『大功之殤中從下』,以見 中 與經例前後相應 從 爲 如 至小 上,以 殤服 此者。」又云:「婦人爲本宗 ·功以上,妻亦 見婦 與丈夫同。● 即發問,亦但答以中 因欲明其異者,遂自 與丈夫異。惟大夫 人爲 而成文也。 而 得與女君同 又何容發問 其義已大明, 大夫族 程氏之説, 有降 爲夫之 之 若如 一等 ·殤之 婦婦 與 者, 丈 而 人 者

之從父昆弟之妻」,此獨 説義,無憑空立義之例。案:《喪服》[爲夫 等』云云,四句皆經文,説者以其綴《緦麻章 之殤而制之也。』夫齊衰之長 發傳者乎? 例,有傳文之下贅以經四語,戛然而 末,遂誤以爲緦麻卒章之傳。 密矣。」淩氏曙云:「程氏謂『長殤、中殤降 矣,故獨於中殤爲異。先王制禮之意精矣 功之長殤稍重,亦不可異。 重,故中從 小功章》矣,更無須復爲齊衰發例 曰』云云,正是依經説義。 、殤大功章》矣,齊衰之下殤降二等,已人《殤 如 爲 夫之世、 上不 程云:『兩殤服 異,而 叔 父 於大功之殤 母 是 非經乎? 若如程説,全經之 也。 章,專主於齊衰 殤降一等,已人 下殤則已再 不知傳皆憑 齊 也。 獨 衰 下文『傅 止,不復 異。 之 丽 殤 降 緦 經 大 較

❶ 「夫」,原訛作「大」,據《儀禮正義》所引改。

之服而爲中殤之所從者乎? 案:此不必疑疑如謂小功之殤中從下爲成人之小功,夫成婦人爲夫之親之服下,故知其義然也。程又婦例一發於爲從父昆弟之丈夫下,一發於乎男子,一則主乎婦人,前後不嫌重複也。來之卒章,傳又有齊衰之殤云云者,一則主麻之卒章,傳又有齊衰之殤云云者,一則主

有此失,信乎治《喪服》之難也。」中殤、下殤」之文,不可通矣。胡氏之精

而

猶

士喪禮

《士喪禮》爲周公原書辨

考。 爲 則 云在 子以教孺悲,國人乃復書而存之。」萬氏斯大 云:「時人轉 子學《士喪禮 曰:「前 裼 非。 裘。 東方。 故當 雜記》:「恤 兩賢 此喪禮已亡,微孺悲之學,幾 負夏之反柩,曾子以 時 未成 並及聖門,於禮尚未 小斂之奠,曾子云 丽 **, 《士· 僭上,士之喪禮已廢矣。 服 由之喪,哀 圃 喪禮》於是乎 弔,曾子則襲 公使 爲禮,子游 在 能歸一,由 西方,子 書。」鄭 孺 、裘,子 悲 之孔 無 以 游 游 孔 注 可

傳「齊衰之殤中從上」、《校釋》曰:「此

齊

衰

小

功

當指妻服齊衰,長、中殤降大功,下殤降

胡氏以齊衰爲

夫之齊衰,妻從服本大

功長、中殤小功,下殤緦麻,則於《殤小功章》

爲夫之叔父之長殤」,此章『爲夫之叔父之

極是。

程氏憑臆改經,謬妄已極,而沈

氏

猶

申之,甚矣!

邪説之足以惑人也。又案:

『從」,下未有『服」字也。」案:張氏、淩氏説

不幾於小功之殤中從上乎?

況經只云

也。

中殤從下殤無服,若不發中從下之例,

四 五

備。 曾子、子游之異議,由當時喪禮久廢不講,非 喪禮》制自周公,至孔子時雖廢不行,而其書 無 知求 梁》也。 之喪禮,今惟《士喪禮》首末完具,次第井如, 萬氏據此遂謂十七篇非先王之舊,過矣。 尚在,故孔子得以教孺悲,非孔子作之也。 出先王之舊,殆亦不深考也。」胡氏云:「《 爲子游所非,一似曾子未見禮經者,學者當 可,以《士喪禮》爲非先王之書,則不可耳。」 無成書也。然周公制禮,當有天子諸侯大夫 正經反未讀者? 而天子諸侯大夫禮散見於傳記者,多不全 、校釋》曰:「《檀弓》猶《春秋》之《公羊》、《穀 曾子問》篇於變禮詳考博辨,豈有《士喪禮》 成書可 故謂《士喪禮》之書由孺悲之學而存 ,其義,不必泥其事也。 其義至精,而事多傳聞之誤。 執也。 然則《儀禮》十七篇必謂 而《檀弓》載曾子數事,皆 萬氏因此謂孔子 即 至 如 則 **±** 盡

時《喪經》無成書,誤甚。」

主婦

《喪禮》主婦,謂死者之妻,喪紀以服之親 記》並舉主人、主婦,道其常也。 姑老,祭必夫婦親之,喪祭已然也。 爲序也。《虞禮》主婦,謂主人之妻,舅没 死者之妻。注『適妻』,即『主婦』也。」案: 妻爲夫杖,婦爲舅姑不杖。 謂主婦,容妾爲君,女子子在室者。』《喪服》, 喪,主人杖,婦人皆杖。]注云:"婦人皆杖 杖,大夫之喪,主人、主婦、室老皆杖, 士之 「案:《喪大記》云:『君之喪三日,子、夫人 謂妻妾子姓也。 「婦人」,不言「主婦」者。 經曰:「婦人俠牀,東面。」注曰:「婦人 亦適妻在前。」沈氏彤云: 方氏苞云: 明夫人與主婦皆 此曰婦人, 「《喪大 此經言 則 疏

稱 該 主 其 婦。」是 變 也。 蓋 方 或 意 死者妻早亡,則子婦不可 以 此 婦人中 兼 有子 婦 矣。 以

末

句胡

氏

拜稽顙成踊辨并删定淩氏周禮九拜解

皆非 顙 鄭 禮 也; 吉拜、凶 首、空首三者皆吉事之拜,由 以《禮經》證之,始知其説之確 之振,動讀 檀弓》:『孔子 党九 謂之吉拜也。 稽顙 -拜,拜· 能 淩 拜之 引伸 氏 拜三者皆 廷 而 而 爲 振 其 堪 後 成 哀 動 説 曰: 拜, 日 踊 也。 慟之慟』,最 《大祝》九拜 丽 謂之振動,猶之 凶 頎 各下己意 拜 拜 杜 事之拜,亦 平 丽 稽 子 其 後 春 顙、 至 稽 云『振 之序: 爲 ,經義遂 重 成 也 也。』考之《禮 顙 得之。 而 踊 由 輕; 頹 拜 讀 者 踊 重 稽首、頓 乎 而 晦。 與 爲 先、後 即 振 而 其 稽 振 後 動、 輕 順 稽 顙 今 周 鐸

正,而 九拜 稽顙 經》, 至 非 之振 是也 復 動 之説 案:鄭於 喪拜 傳未失者,謂鄭從杜 而 曰『王動色變』,疏謂 慟之慟」,鄭君 也。 申 爲 手 疏 釋。 '; 四 了, 其 但有 也 動,有異 以 謂 哀 附 又案: 拜 慟 備 鄭從杜者,此 存戦 周 從段 日 與 振動,依文 淩氏 而 異義 拜 之慟,則 振 經 禮歟? 稽 成踊謂之振 氏 栗變動之説,凌氏 於吉凶之常 動 拜之本義、《説文》云:『操,頭 未 謂「振動 解之曰『拜而 顙 注 ,鄭之難 合 本。 杜子春讀 而 爲 也。」《校釋》曰 無稽顙 鄭氏《檀弓》注 鄭氏 杜『讀字,後鄭皆從之』。 讀 凶 故 解 **戦栗變動之拜』**、《 字 禮之 爲 於 動 不 微言。 拜 正,而 破 從 猶 破 拜之文,則 爲『振鐸之振 也 成 拜 字 》字,明 手。』《尚 動 踊 自 如 謂 别存依文讀 鄭 鄭學之徒 色變而 謂 鄭失 明 此 以 以 與 Ż , 故 杜 爲 拜 振 杜 周 杜 鄭 殷 讀 拜 杜 而 解 異 ", 哀 謂 不 譮 之 爲 後 相

别言 與 拜 子 顙 顙 異 頓 即 地 而 周禮》、《 拜 辨九拜, 爲拜。 拜』, 首 專據頭 後 E. ,皆别明拜法,非 於吉時之稽 不 手 謂 稽顙』、『稽 再 必 乎其 與稽首、稽 拜 喪 拜 别 頭 周謂之吉 此禮家相傳微言, 禮 稽首 而 至手言者殊。 禮經》所言拜,皆兼頭 至 言頓首,是拜 禮 至也。」鄭 後 手,引 曰 則 經》凡單 拜 稽 明明 别言拜 頧 首、頓首。 顙 手 顙 顙 弃 转 首、二日 伸之則頭 此 謂 丽 頹 謂 爲 以 拜是稽 後 頭 稽 拜 兩 稽 言 乎 拜 拜」、『稽 即 至 而 知者、《周禮 事 顙 顙 拜 其 凡言 頓 手。 丽 後稽首、拜而 也。 頓首』,明 故《周禮》注 而 者 至 順 後 明 首,異於常禮之 首也 1,皆頓 後拜,爲『周 地 也; \sim 拜稽 稽 此 至手至 禮 顙 檀弓》: 顙 拜 通 稽顙 圃 記 爲『殷 謂 首 是 首 拜 大祝》 以 》言『拜 不拜」, 君 了**,** 言 地言 稽 之拜。 : 孔 後稽 亦 拜 頭 而 顙 之 之 後 稽 則 拜 至

韻首、 拜手, 「稽顙 者,豈 拜矣。 顙,以 稽顙 言其 其 拜 其 首、頓首皆非 凶 年之喪,先稽 著 丽 「稽顙 雜記 **|拜皆凶** 拜 後 其 禮 皆 稽 説 禮、《記》細 而 得以 與『拜而 議 非 而 》之喪拜,既名爲 頓首、空首皆吉事之拜,振 稽 是稽 是 顙 後 鄭注。 拜」, 不拜」,不言不 而 事之拜,不必更 稽 稽 顡 (拜耳。 稽 不 顙 而 顡 拜乎?」 顙 因 顙之明文 顙 聞 也。 後 不 也,故 别之拜外 不知經言拜之例,皆 疑 而 杜 拜 别 稽 公子重耳受秦弔、《 後拜皆得謂 子 經言 其 者,固 但 顙』之拜截然不 春、二 儀 曰 經所言拜 拜而 凶 也。 也。 拜稽 「拜 以 謂 不成拜 拜 鄭 輕 稽顙 令大 稽 稽 稽 顙 不 先 重 之拜 顙 顙,是周禮 顙 稽 爲 得 分。 禮 有 祝 非 而 顙 反 動、吉拜 拜 同 異 稽 後 者 九 淩 輕 不 丽 拜 凶 記》 拜 顙 擽 氏 稽 於 拜 經 專 後 則 統 吉 即 據 顙 謂 則 皆 以 拜

左傳》文七年,晉穆

嬴

頓

首

于趙

宣子,

則

地

也。』凡《禮經

》賓主

相

敵

之拜皆頓

首。

相

敵者之拜

也

鄭

康

成

曰:『頓

《首,拜

頭

疏》云『稽首

臣

拜君

法」是也。

二日

頓

特性》嗣舉奠皆再拜稽首、蓋

亦敬之至者。

賈氏《儀

親迎、《特牲》、《少牢》宿尸,《士虞》、《特牲》、《少牢》陰厭 《聘禮》、《公食大夫禮》異國之臣與 聘賓及大 首,此 以首,此 七香》 禮 一,復 拜, 若 小 吅 禮 稽 升 行 至 拜也。 法。」然: 之。 拜, 君于其 猶吉事之有稽首,皆拜之最重者。《士喪禮 『空首拜,君答臣 特敬其臣,則 君 動,此即 云空首者,猶之平敵相 手也。』凡《禮經》君 首』,皆頓首 年》,楚申 至于地。』則 子傳》『許男降,再拜空首』,郭注:『空首, 王之于周 使人弔襚,及君 無九頓 賈氏《儀禮 鄭康成 則《 臣,且 喪禮 公,非 包胥九 禮 首者,皆 可知也。 即 拜 拜手稽首,如大甲之于伊 婦 經》 曰:『空首,拜頭至手 稽 疏》 丽 常禮 人也,禮 下拜法』是也。 頓 平敵 首,非此 臨大斂、、既 後 拜其 首 云:『頓 禮之變,故 踊 三日空首 也。 拜不云頓首也。 而 也 相 臣皆空首 坐 不 拜者, 賈氏 空首矣。 應 凶事之有 首者,平 頓 夕 頓首。 2《儀禮 ,此君答臣 首 傳 雖 禮》君使人 至於《穆 特 並 拜。 不 `, 所 四 壹 敵 書 云 ^ 疏 振 尹 若 曰 定 經 謂 拜 相 以 尝云 動 振 天 頭 成 君 不 之 拜 頓 拜 别 再 四

《周

禮》作「操」字。

曰

稽《周禮》作「醫」字。

淩

氏《周

禮

九

拜

解

曰

「《大祝》九

堂拜

者,禮

殺

也。

有不降

則

于

堂上拜者

再

拜稽首,謂之『升成拜』。有降

而未拜即

禮

,皆降階

再

拜稽首。

若君?

辭之,則

升堂

地

也。』《燕禮》、《大射》、《覲

禮

》,凡臣

與君

臣

於君之拜也

鄭

康

成

曰 :

『稽首,拜

頭

首者

如

儐

郊勞歸

饔餼

使者、

卿餼

主

行禮

亦然,皆稽首也。

又有

非

莙

臣

而

又

殺

也。

夫相

食,皆敬之至者,故

的亦盛:

其

禮

也。

 \Rightarrow

四 五五五

其義 與稽 拜 吉拜 所謂 賵 頹 禮之拜。《檀 成 曰 酒 凡 曰:『吉拜,拜 二十五年"『叔 燕禮》、《大射》所謂公答一拜者,即空首之 **涇** 其順 ※

日:

『 ,主人皆拜稽顙 而 『振讀 是也。 拜謂之奇拜,頓首、空首皆有之。《鄉飲 此徒稽 公子重耳,重耳 首 吉拜、凶 不 稽顙 鄉射》所 踊 同 凶拜,稽 也 也 爲振 「是也」二字今易。 而 顙 是拜 後 拜 弓》: 『孔子曰: 拜而後稽 稽 而 非 謂 拜 鐸之振 拜 也 後稽顙 孫 顙 顙 而 而 ,成踴; 拜 謂 昭子 而 拜者,即 而 後 稽顙 成 也 之凶 後 又《檀弓 後 踊 踊 好, 原 也。一六日 動讀 自 拜 於君 唯 而 謂 拜 非 五曰吉拜,鄭 也。』二者亦皆 闞 之振 拜 不 頓首之奇 也 君 爲哀 乎 拜。』《左傳》昭 》: 『秦穆公使 而 歸,季平子 始 之弔 其至也 後稽顙謂 動 七日 <u>N</u> 行 慟 了, 杜 **|拜,鄭** 之, 襚 之慟 一奇拜, 拜 赗 。 即 子 故 康 也 顡 稽 之 喪 康 成 春 則 曰

正,盛 惟稽首 手至 肅 吉事 九日 謂襃拜附 拜』是也。 拜者,即空首之襃拜也。 亦有之。《鄉飲酒》、《鄉射》所謂 拜謂 日 奇 頓首之襃拜也 也。「空首以 摯,再拜 下拜,賈 拜 拜 奇 之襃拜。 地 ,雖有君賜 也 肅 其 拜 鄭 拜,謂 也 若 稽首。 禮 公彦謂 謂 氏 唯 稽 拜 鄭康成謂 一拜爲正」以下今易。 乃 注日 首。 稽 婦人 神 拜』是 婦 再 首 稽首無不再 與 奇拜附空首 肅 君答 拜。 人之拜 《燕禮》、《大射》所謂公答再 皆 以 凡拜皆有一拜、再拜之殊 P 拜。 也 再 肅 肅 無 《士相 再拜拜 拜, 拜 拜 拜。 不再 也。 爲尸坐,則不手拜 7,拜低 鄭 爲正 鄭大夫曰『褒拜,再 無 康 拜者,頓首、空首 見禮》士大 ,神與 八日 鄭、賈據 拜 《少儀》:『婦人 成 空首 拜者 也。 頭 凶 謂 (尸,賈公彦 襃拜 再拜者,即 也 事 苡 二句今易。 乃手拜 Œ 拜 鄭大 手拜 . 凡 拜爲 夫 答 禮 再 奠 夫 臣

拜必

坐奠爵,然後拜,既拜之後,始執爵興,

則

古之拜非今之揖

明

矣。

肅拜,婦人之拜,

於丈夫爲禮 耳。」其説是也。 始肅拜。 襃拜也。 也,手拜即男子之凶 男子稽首。』由 《左傳》成十六年:『郤至三肅使 肅拜者,婦人之正禮。 ,則俠拜。」又曰:『婦人扱地,猶 此推之,扱 又鄭氏《昏禮》注 事拜也,俠 地 即男子之稽 男子唯 拜即 曰:『婦 男子 軍 之 禮 人 首

退。』即鄭司農所謂『介者不拜』是 也。 者 蓋 之揖乃古之肅拜,今之拱手乃古之揖耳。」 然則古之肅拜,非今之拱手明矣。 是婦人之拜不坐,如今之揖,即肅拜 撎同揖。《士昏禮》:「婦見姑,姑興拜,贊醴 鄭司農曰:『肅拜,但俯下手,今時撎 酒禮》:「賓厭 推手曰揖 ,引手曰厭,今文皆作揖。**』**然則今 介,介厭衆賓。」鄭

也。

軍

禮

亦

用此拜。

考《鄉飲

氏

注

日

婦,婦興拜。」

是

也

死者不冠説

稽首、頓首、空首三拜皆吉事之拜也,振

動、

而

吉拜、凶拜三拜皆凶事之拜也,六者以爲之

奇拜、褒拜,凡拜皆有之,二者以

爲

之

矣。 者,僅取入髻而已,以其男子不冠,冠則笄長 此二笄皆長,不唯 冠笄、皮弁、爵弁笄,唯男子有 之笄,男子、婦人俱有,即 不冠故也。」疏云:「凡笄有 此注及下注 醫笄用桑,長四寸」。 知 四寸而已。今此笄四寸 死 者 不冠者,下 此笄是也; 二種 注 百 而 婦 長 人無也 . 記 是安髮 一是爲 四 굸:

孺、江

慎修諸君,於九拜皆有論著,均未能

得

近人如顧寧人、毛大可、閻百詩、惠仲

其

(要領。

而閻氏至以

古之拜如今之揖,古之

肅

拜如今之拱手,則

尤謎。

按飲酒之禮,凡

序也。

緯

也。

肅

拜則專言婦人之拜矣。

此九

拜之

經也。

用

皆不 思 收 所 氏 五. 不得已而去之。 襲斂,全體包裹,其内加 增改,不可依用 語》云孔子之喪,襲而冠者。 之不冠也。」以此言之,生時男子冠,婦 章甫之冠亦不可信,足知《家語》非古也。」吴 三稱,大夫五 也。」又辨《家語》之僞云:「案:襲衣之制 今死,婦人不笄,則知男子亦不冠 面 用冠。 東也。 稱 儇 紱云:「襲不以 母之喪,鬠 1, 豈有 。」胡氏 用冠,蓋既加冒,則無所用冠也。 目 「, 鬠 吕氏坤乃謂 若有冠 用 而不冠笄矣。」是可證死者不冠 云 + 稱。 無 意在堅東其尸,非以 也。」徐氏 $\overline{ }$ 則 笄。」 冠者,有掩 孔子即行大夫禮,亦止 稱之禮? 荀 不便於小斂、大斂之縱 不冠 子 注云: 冠 乾學云:「古人之 則勢 非 禮 《家語》,王肅之 以裹其首 『無笄 待死之禮,未之 況古之襲 論 有所難容,故 》云:『設 ´;, 猶 也。 爲容飾 「,則無 此云 與 丈 《家 掩 横 夫 斂 於 士

桑,以不笄爲『或後世略也』,誤矣。」也。不笄謂無固冠之笄,楊倞注據此經笄

設決法解

句。 攷。 伸之骨,皆其本。 之表 掔。 者,此明決之制。 『手掔也』,即俗『腕」字。 爲連,掔作捥。」鄭氏 決帶之餘連結之。 大擘指本也。 彄 云『決 也。 注:「麗,施 設 内端爲紐,外端 決,麗 也,因沓其彄,以横帶貫紐結於 設握者,以綦擊 以 韋 決,以 于 爲之藉」,至『外 也。 掔,自飯 藉,薦也。 巨擘本爲飯,鄭 此謂_· 珍曰:「按:掔、《説文》 韋爲之藉。 掔,手後節 有横帶。設之,以 右手也。 鉤 持之。 凡指首節接掌屈 中指 强,環 端 由 句。 設 中 古文麗 所 也 有 也。 握 本 手 即即 横 有 表 不 乃 飯 王 亦 紐 斑 掔 連 可

不

向

決也。 扼,決 令不動之意。 以但 其握 可 設握 交叉成文理。 爲連,則麗于擊者,謂連結于 結 法 備 止 于掔」之詳委。」 自不動,故 待設 與 也。 右 右 鉤 手 中指者相 唯 繋。 既 握,決乃連擊 左手無決,故其握須有 有 横帶貫 是明設決連 決,帶 無決之握,其 曰 : 自 結,無 紐, 與握 飯持之。] 持之,持 **矣**。 出 掔 用 繫 擘本下爲紐 掔 長 之法, 左 相 下二句蓋 也。 也。 配結之,故 繋當 因 持者 古文麗 兩繫 即 短 申 所 明 扼 乃

棘、檡

棘

所

爲者。

外端

彄

内,韋出

於上者也。

内

爲

内

始死 將 斬 衰 齊衰者首服 辨

韜

手

帀

他

後

取

將斬衰者去冠而 喪》,彼注「雞斯」,當爲「笄纚」。 《檀弓》所謂 鄭 君説: 「始死,將 笄纚,將齊衰者去吉冠 「羔裘玄冠者易之」,實兼 斬 將 衰 齊 者 衰 雞 者 斯,義 素 冠 本《問 而 此 素 謂

背,前 面,以 疆之半,環於上端,中間綴一 決時,先以韋之紐 端, ..擘本與決帶之餘連結,則決與握上下牽 手表 至『與 使設時與韋成一 帶中詘之綴於韋,分爲二。 訖 横 擐,貫也。 即即 口 爲 韋 出 帶 與結,故且持之以待設握。 至綴處, 握 以鉤 以 以 出 彄之襯。 (決帶之餘連結之]者,此 兩端夾彄, 其 薄 於下 中指 韋一片,令上下 亦 沓,重也。 繫自 者也。 爲繫所 向 一, 而 貫大指本,其韋即帖於指 上 因 圍,是決之制 自貫其繫,斜 右,横由 向 後 以 下 束 殟 鄉指 出 從 固 貫 於下端 手表,掌背 循無名指之背,斜 紐 指 -略長 末爲 横帶勻分爲二。 手内 圃 貫 重 繋 (過,此 外,鄉 於韋上, 也。 于疆。 即隨 兩旁爲 在 循 向 明 掌背 食指 大指 設 也 云『設 指 時 決 設 廣 綰 然 之 之 繞 握 無 設 本 如 明『麗 冠

法。

紐

以

道誤 其冠,括髮」,謂:「人子於始喪,幸生之心未 冠;有易裘,無袒衣。 説 衽, 注 去冠 哉?]江 是 遭禍之深,以罪人自處也,倘猶加冠以爲飾, 下則徒跣 下皆同,而未暇有 者,易之以素冠 已,故未忍去飾焉。」敖氏謂:「《檀弓》云易 叔之母死,既小斂,舉者出尸,出户袒,且投 親始死、徒跣、扱衽無容、哀之至也! 見 此 讀爲『笄纚』,非 親死 據「易之」之文,謂 者多以叔 衣履 ,蓋自始死時已去之矣。《問喪》『雞斯』 易,謂變其 氏 丽 如 無 筠 上仍著冠者乎? 此 異於平日矣。豈人情之所忍 云:「經但言『髻髮袒』,而不言 孫武叔之母死,投冠在尸出户 ,豈尚留一冠以 深衣也。 (常服 :臆決也。下云『徒跣 所别異。」徐氏乾學云: 又據《檀弓》「叔 也。 始 始死之服,主人以 本胡氏 死 孝子之心固謂 有 爲 易 義 飾 冠 ? 陳 ",扱上 豈有 自 孫 無 氏 來 武 去 祥

雖與 之首服 斬 義。若敖謂『始死之服,主人以 即代以免也。 襲之後而 笄纚,自始死及於小斂之後不改,如 衰之主人。譙周云:『父卒爲 後 齊、斬,無父母之差,失聖人制 之久暫稍爲差等。 重,父母之喪皆然。 自小斂後及於成服而始改也。爲母笄纚 冠,尸襲之後,因其笄纚 也。」沈氏彤云:「叔孫武叔爲其母, 斂,『主人袒 哀 節」, 衰之主人可竟同於齊衰以下者乎? 而 疑之。 陳殊,其誤則一。」 此特 即 即 見之。 案:彼注云『尸出户,乃變服 加素冠,如括髮之于即堂下位 ,説髦,括髮以 其失之一耳。 始死首服之節,笄纚與括 陳于《 聖人之尤重父喪,于始 但家無二尊,故又 檀弓》、《問 而加素冠。』 麻。 《喪大記》: 卒小 、母,始 親 下皆同」, 初未聞 喪 喪 括髮 輕 蓋 死 則 学不 其説 以 髪 去 斬 非 有 之 則 别 並 玄 失 死 時 衰 冠

日絜。 《小記》云:『男子免而婦人髽。』其義爲男子 以 質,無問麻布,止稱髽。 也。』絜、《説文》: 髮 則免,爲婦人則髽,止以免與髽對言,不及括 不似免之通於五 下用布束之者稱免,又以爲輕重之别。婦人 男子露紒,斬衰 之十絜」,「絮」訓「絜緼」,則絜是束義。 三哭後易免。 也。 奉尸侇堂,於又哭即 「括髮、兔、髽三者皆去笄 髻髮、免、 賈子「度長絜大」,莊子「絜之百圍 括髮者,猶云束髮、《説文》:『括,絜 以 「麻一耑也。」一耑猶一 髽之制,説者各殊。 用 爲時 服。 麻束之者稱 甚暫,爲服止 又皆至卒哭始除,故 易免。爲父,亦止於 括髮最重,爲母,止 凡物圓束而量之即 括 圃 束,故「繆」訓 皆是也。 髮,齊衰以 露 爲父母, 紒之名。 鄭氏 絜束 枲 珍

作絻 此服 《説文》則以「絻」爲「冕」别體。 禮·弁師》注引又從手作 擠,要皆由括字增 坐; 其去纚、免冠 此,則程大昌説免止是免冠,並無他物,誤甚。 括髮。 變。免者、《問喪》云:『不冠者之所服 髟、作鬠,爲尸髻專字。 皆止作括,今文以是死者束髮,别 而高,如人之立,遭喪 冠至尊,不居肉袒之體,故爲 文改從髟作髻,以爲喪髻專字耳。 又稱總。此經括笄,括用組,記括無笄,古文 會。《莊子》『會撮指天』是也。 其散漫者,則物皆總會其中,結髮 至盤之若蛇盤 爲問,以與解免義別。今文又或從『糸』 ,别之也。 省文則止稱括,以括 而 哀二年《左傳》「使太子絻」,亦從糸 露紒,即謂之免。經 一, 則 則 極卑 猶之古文作括髮,今 髽 少 即 狹 如 與會聲同 坐也。 免以代之。」據 而 人之卧。 以其 卑,如人之 亦然 用 會 而 鬠,《 總髮,故 然則 古髻廣 師 了, 又 故 故 《説 也。 周 以 讀 從 稱 稱

961

紛第五下

禮

名 高,以其似坐即謂之坐。作字者加髟,以 宜略收髻令緊窄,而視吉髻爲卑,視卧 文》『髮』訓『卧 上,卻 飾。 後 由 其髮,以笄貫之,因盤其髮於笄下使綰之。 女櫛髮訖 遭 總者,既東其本,又總其末。』總之制 總,髻之次也。 而髮末與髮際無束者,猶易散也,然後用 東之者,唯總。 喪服》説髽皆 此 「喪去纙則髻露,去笄則髻無所綰,所恃 項 毋縱縱、扈扈,戒其太廣、太高。 《内則》子婦事父母、舅姑,皆櫛、縰、笄、 制。 束髻端,又束髮末而 後束髮本,掠其四際,以前交於額,卻 繞 紒 ,乃以廣二尺二寸、長六寸之纙韜 經師 如 著 芸用 又别讀「陟 髻』,是 《喪服》注:『總,束髮。 然則 幓 麻 頭 此 者, 布,自項中 也。 注 瓜 即是謂 説 垂其餘於髻後爲 夫子 切』耳。 括髮、免、髽 誨兄 而 總 前交於額 古之男 也 女之髽 也。」今 知 謂之 髺 喪髻 至 專 及 以 卣 總 爲

紒矣。 總,而: 繼。 按: 言,謂之括髮,括髮之言束髮也。 死,將斬衰者雞斯,將齊衰者素冠。括髮者, 婦人露紒則免亦露紒矣。 知亦代總者,免與齊衰婦 沈氏彤謂:「髽以麻布,爲其無笄總而代之, 服》「布總,箭笄,髽」是也。 婦人髽於室是也。 者、露紒之名。露紒有用麻布繞之者,此 髽之言露紒也。 謂之免,免之言不冠也。 婦人將斬衰者,去笄而纚,將齊衰者,骨笄. 去笄纚 秃者不免,爲其無紒可 括 髽者,亦去笄纚 其用 髻髮、免、髽制同而 髮、 丽 紒。 則 免、 同。 髽 免者以代冠。」又曰 各承上事名之。又案: 髽 蓋 鄭 有不 總之 氏 而紒。」然則以 `繞。」則免 説得之。 用麻布繞之者、《 類, 以去孋言,謂之髽, 名異。 人髽相當。 汪氏琬日 二者皆謂之髽 其 制 亦如總之繞 以去冠言 免以 注曰:「始 不 :「始死 去笄 必 代 冠 纙 經 如 而

括髮。」 良 既 大旨謂其 是。 布 總、箭 以 喪服 在 疏 笄, 成 義考之,「露紒也」下,當有脱句 》注云; 服前者,猶男子之括髮耳。 則 不 復 髽 用 一,露 麻 布之幓 紒 也,猶男子之 頭 其説

既夕

朝廟日數辨

言士禮,不言大 子問》天子諸侯喪群廟主 之至天子七廟,則先葬八日。 先葬二日。 H 不各在其廟,則 朝 禮經 廟者 校釋 其 · 疏 上士二廟 ₩ E 之誤耳。 無 夫 容 以 : 各别 上 鄭 禮,謂天子諸侯 ,則先葬三日。 謂 且《曾子問》但言天 日 藏大祖,謂:『主既 下 朝之。」案: 士 吴氏紱據《曾 廟,請 注 疏 亦 啟 推 每 但

子諸 耳。 也 者,親親也 承志之孝心,唯注能達之。 與 祖 則止 之行,而子即當急趨祖以 祖 亦 主 禰 以 大 欲其先己而後祖,而來朝 以以 事 於 日。 朝禰者之心皆安矣。 朝 祖 丽 禮 後父。 所 重于外,若過之然。蓋體禰 死 朝 重 禰 廟 侯,則大 過父而來省,非先 下記 以 如生之意。 祖 止 殘 不以殘日問人,而 也 必 于 日 而 一,所以 則當 如或將見祖 朝 由 明 行,若過之矣。」《校釋》曰:「此 門外之西」,注云:「重 夫不從此禮 禰 祖 日 下 適 , 尤非禮 朝 止重 同 生時,父祖並有命,必 祖 祖者 土 ,無厥明之文,乃文省 一於外、若過之者,尊 禮 面 此禮 親 「, 不 者 可以殘日朝祖 承父志,故今朝 矣。 也,吴説非。」記 先見父,則父必 而 亦 以大夫不皆得 所以 敢 曲 後 若 士 以 順 祖 曰:本爲 朝 廟之心,不 必先 殘 死 也 不 廟 者 日 - 入者, 事 朝 先 乎? 則 每 袓 意 禰 朝 禰 促 朝 禰 立 廟

著此 若以 至『祝 固 露 胡氏等乃紛紛糾駁,姜兆錫 也 婦 精,方氏、胡 初』中,自當有燭 朝必異日之正 同之説,不 又駁注自 崇精問 朝, 未 一,仁之至、義之盡矣。 處 未 営屋 義耳。 爲非 越 廟 及 廟則爲之蹕。 宿 見,不 曰 執 之也。 ,則何以 死至殯、自啟 ,非孝子意。」不 知注特因 事 非以此爲上下之通 氏説雖 葬母 朝 舉奠」, 解也。 廟 且在門外,當使 耳 處葬日倚重道左之禮乎? 亦 不同 經 是母喪亦朝 朝 二廟者 自是 注 \wedge 姜以辭 至 廟否? 皆非 櫽括其文,疏 内豎》職 而 葬 知 姜氏、 明 謂 變禮 日數 重 日 也。」《鄭志》: 害志,固 例 平 事 重 方氏、 焦氏答曰: 廟 云 7,亦非 與殯同 同、日數 甸 Ħ 小『序 止 明 人守之, 在 王后、 分别 也。」 門 中 江 從 哉 以爲 · ; 而 庭 外, 氏 之 其 如 亦 !

四

頭

軸

軸 輴 柩 車 辨

釧 其 桯。 言桯者,以其厚大可 之木,狀如 二者皆然。 爲 狀 天 廟 軸 周,謂之輔。 製,刻 子 , 朝 中,●前後 當 前後著金 如 遷于 畫 轉 用 廟得用 轅 輴 轔 軸 祖 牀 此輁 爲 ; 使 髀,厚大爲之,兩 刻 諸 龍 而 用 兩 兩 天子畫之以龍。」 之, 齃 既 兩 侯天子 軸。 畔 謂之龍 頭 頭 云長 軸 皆然,然後 則大夫 以容軸 細,穿人 焉。 爲 注 殯葬、 朝,輁 如牀 輴 大夫諸 굸: 也。 殯 輁之兩髀, 則 李 狀 軸 朝 葬 關 畔 氏 士殯葬不用 有 雖 一疏云: 如 廟 軸 爲 侯 先後 如圭云 皆 不 于 孔 以 長 輁 其中。 著 用 用 上 牀 軸 兩 前 一,有 輴 也 穿 金 軸 畔 後

但

朝

輁

著」,原作「者」,據《儀禮注疏》改。

輅

有

前

後

輅

屬

練之

を軸

亦

有

前

後

軸

柩

引

與

用

牛

馬

之車不

同。

後

人不

-明其

輁

有

『前

後

横

木

兩

輴

曰

紼。』據此,引屬于輅,縛

屬

干

軸

屬

引。]又注「屬引」云:『引

所

以引

柩

車

旁直木』,是直 畔皆然。」謂左 階閒」云 鄭注《 之程 ·, 在 之制 引 前 禮 前 狀 車 Ĺ 制 同 用 之 軸 屬 後 後 士 爲 書 如 士之輁 矣,何 用 君 行至 以 卑之異在棺: 用 以 廟 周之輴。』『大夫』二字衍文。 大夫 于 而 四 朝 上之 引 以 葬 輇 禮 設 用 周 衵 「天子諸 在 壙 車,見《雜記》『軽車 輴 用 去 撥 之輴矣、尤誤。 用 柩 用 必 前 輴 軸 輔爲僭,此云:"大夫諸侯以 輴。 塗載柩 , 説 ,與天子諸 ,竊禮之不中 輴 輴 更煩舉諸 不 ,大夫之葬廢 亦 蜃 不 與 今有紼,是用輴 以殯,啟殯遷祖而 飾。」是已。 用 侯以 車 用 殯 ,見《喪大記》注。 以 -,亦用 以 葬 殯,見《檀 下載 侯邪? i 侯同 載 異。 《檀弓》:『三臣者 塗。 者也。」鄭注云 以 柩 门,則曰 輴。 輴之用 與 載 車者 者,蜃車 其 輁 賈 柩,見《遂 弓》、《喪大記 ",
僭禮 葬 且 賈疏 軸 「大夫 日 後 皆 日,在 君之輴 與 用 孔 角之。 誤 ·也」。 輁 用 以 謂 疏謂大 也 以 軸 輇 升棺 上,有 又 師 大 塗 "; 亦 其 Ŀ 同, 諸 日 ※注 皇 載 夫 鄭 廢 ",用 夫 非 尊 侃 朝 以 臣 輴 柩 可 四 仴

與柩

車

相

近,鄭注『遂

匠

納

車

于

其

舉

狀

如

牀

中

央

有

轅

前

後

出

, 設

右

面

各前後皆有穿,爲用

關

軸

也。

輁

軸

桯

有

穿孔。

賈疏

굸:

『前後

兩

輅

舉

上

有

四

周

下

則

前

後

有

軸

以

輇

輪。」又注

『當前

輅』云:『輅,轅

縛,所

以

著

加

關

軸。」棋

狀

如牀,牀之髀足似

廣雅》云:

『桯,几也。』故輁之髀足謂

牀

軸

其輪

輓

而

行。」此

注

云:『穿桯

喪禮》『升

棺

用

軸

軸

輁

軸

也

輁

通故》云:「軸

以

持

輪

輁

以

關

軸

謂

輁之

兩旁木如

牀

髀

者。」黄先

生

字,即 借。 輪,無 近,其 也。 誤。 取名焉。 下則前後有軸,以輇爲輪。 注《既夕》記『遂匠 或作團 周禮》又有蜃車,天子以載柩。 鄭 輴,皆當爲載以輇車之輇,聲之誤也。 輇字 喪大記》『君大夫葬 雜記》「載以 注《遂師 柩路 國 謂之蜃者,車之形狀也。 輇 即車之正 輻 制 凡車止一 ,是以又誤 車者,字之譌。 之異文 日 同 蜃、禮記》或作轉,或作輇。』又注 載 輇°」竊謂 乎 柳 》『共蜃車之役』云:『蜃車 |輪車]云: 『輲讀爲輇,或作槫。 軽。 一,四 名。 也。 軸 [輪迫 納 崇蓋 兩 爲 謂之輲者、《説文》無 四 柩 國。 輪。 車』云:『舉上有四 用 句 地而行 車 有 輴 半乘車之輪。」又注 參 柩 用 云槫、 有云輴車者,聲之 輇車,柩車也。]又 ,士用國車』云: 許叔重説有 行,有似于 陳氏 車 ·前後有 謂 喬樅 團者,字之 蜃、輇聲 之 輇者, 《禮 軸 ·蜃,因 •,柩 記 輻 故 周 鄭 輲 車 相 路 曰 讀

> 車之轅 引而 故》所考甚詳。鄭、賈又謂「元士葬用 又車之轅 説當有所受,方氏駁之非 云 四 人輓之。 輪 則 前 自 其崇半乘車之輪,故云 後 輿下 此皆與 出 一,各縛 出 , 而 (他車 前 也 縛 横 異者。」今案:《 軶 木謂 以駕牛馬。 迫 之輅,以 地而 行 通 屬 柩

薦馬哭成踊右還出解

出。 踊』是也。」江氏筠云:「案: 物,今見進 踊 寅亮云:「注 御者也。 禮,成于薦馬。」敖繼公云: ,亦指主人 注曰:「主人于是乃 御 者執策立于馬後。 《 雜 馬,是 也。 指 記》曰:『薦馬 主人爲是。 行期已至,故孝子感之而 孔 疏云『馬是牽車爲行 一哭成 哭 者哭 哭 經於主人外, 雜 踊 成踊,右還 者, 記 踊 踊 , 圉 薦 薦 褚 車之 馬 人 所 哭 氏 與

薦馬之節。」然則圉、御豈三次薦馬皆哭踊 馬下云「包奠,而讀書」,於《既夕禮》當第三 大記》云:『斂者既斂,必哭。』 經并不著,何 人與御者乎?」又云:「《雜記》 此篇『拾踊』中,賓亦在焉,而不 出乃包奠,而讀書。]孔 廟,爲遷祖之奠 東,北 (薦馬) 如《 此 要 節 薦 喪 面 至確。 池下爲振 池。 容、魚躍拂池。大夫二池、不振容、亦魚躍 夫去振容,士去魚。』《喪大記》: 猶繫也。 案:《雜記》曰:「大夫不揄絞,屬於池下。」 魚。」亦是,惜其餘説未盡合耳。 振容,深得 殺之差。 又:大夫以上有 也。」然則揄絞屬池下乃爲振容,大夫惟不屬 絞」,謂鄭所見《大記》本「揄絞」上有「不」字 翟雉焉,名曰『振容』,又有銅 注云:「揄,揄翟也。 士一池、揄絞。 彼注引《雜記》而釋之曰:「是不振容 孔氏 人君之柳,其池繫 容 鄭 耳,仍有 意。 謂 魚 大夫亦揄絞,但不屬池 賈氏:「士無 士無 采青黄之閒 揄 胡氏 絞。 魚,皆自 據 絞繒 士則并不揄 此 魚 注「士不 在其閒。 揄 君三池、振 於下,而 曰絞。 上 紋,亦 而 下 下 屬, 絞。 無 爲 降 揄 拂 大 書

疏:

「薦

馬

凡

有三:

柩

至

袓

云:『薦馬

者哭踊,

獨於此著圉

訖,乃薦

馬,

也;

日側

祖奠之時,又

一也;

明

日設

遺奠時,又薦馬,三也。

特著

,自餘執事者,蓋皆以賤略之矣。

哭,踊三』一也。

君視斂節、「君哭及君

而踊』二也。

特著哭踊者,上

高 開 明

友

親

襚,西階

士 揄 絞

耶?

商 祝 飾 柩,一 池。」注曰 「士不揄絞。」

披戴考

證也。 當棺束,于東繫紐。天子諸侯載柩三束,大 諸侯旁八,大夫六,士四。」鄭君謂:「結披必 「士戴前纁後緇,二披用纁。」按:尊卑披數, 戴,人居旁牽之,以備傾虧。」《喪大記》曰: 六,纁披六。 數兩旁言六耳,其實旁三。」《禮書通故》云: 夫士二東。《喪大記》曰:『君纁披六。**』**謂圍 而結于戴,出其餘于外。 繫於柳 士戴前纁後緇,二披用纁。』是披數同戴之明 周禮・司士》注,鄭司農云:「天子旁十二, 後鄭意披、戴同數。《喪大記》云:『君纁戴 「設披」,注曰:「披絡柳棺上,貫結於 戴之言值,用帛貫棺,束之皮紐而連 使 相值堅固。 大夫戴前纁後玄,披亦如之。 披則以 其説有二:據賈疏 帛横絡棺上,

旁二披,披各三人。諸侯前後披亦各三人, 大夫六者,謂天子旁三披,披各四人。大夫 披,旁四人之文。是則天子旁十二,諸侯八, 之人數以言也。云士旁四即據記文: 士執 賈疏云:『人君三披,披各三人。』未知據何 記》云:『執披者,旁四人。』鄭注云:『前 文以言之。 竊謂先鄭之説必有所受,蓋據披 人」,君之棺旁三披,披之人數,傳、記無見。 披,披各二人。故《既夕》注云『士執披八 左右各二人。』謂前之左右、後之左右 通兩旁則四披,披各二人執之。故《士喪 旁各二。《記》云士二披,據一旁之前後言, 爲二披也。 者,乃結之,餘披出之于外。」是用帛 三東,披亦兩旁各三,大夫士棺二東,披亦兩 頭于帷外。』則是帛一條止爲一披也。君棺 『披在棺上絡過,然後穿戴之連繫棺束 據孔 疏云:『頭繋柳戴,而 一 條 有 出 四 後 Щ

夫,其披數可同其人數,自有差等矣。」其中披二人也。諸侯之于天子,士之于大

士虞禮

虞 禮 考

柔日。假令丁日葬,葬日而虞,則己日二虞, 同 虞,與卒哭例同,『用剛 禮》云:『明 禮》云『士 後虞改用剛,則 七虞當十二日,天子九虞當十六日,最後 士之三虞用四 在一月。 禮記 則 檀弓》孔 日 庚 初虞已葬日而用柔,第二虞亦用 袝 日,則大夫五 日三虞」,壬日卒哭也。 庚日三虞也。 于祖父。」則祭 疏 日』。」案:孔 云:「士三虞卒哭, | 虞當 故鄭注《士虞 明日 八日,諸 説本《異 《士虞 袝 也。 侯

義》、古《春秋左氏》説,至確。 稱 皆以成事屬卒哭者。卒哭在三虞後,三虞 虞』下,明矣。《雜記》注言『卒哭」,與虞 虞」二字爲一句上屬,既不辭之甚,王氏引之 記》言『卒哭成事』、《檀弓》言『卒哭曰成 日,兩日事。 者,謂卒哭别一祭,非 文義正同。 『皆』乎? 又移「三虞」二字置「再虞」下。 近儒乃謂虞祭皆用柔日。萬氏斯大讀記「三 如初,曰:『哀薦成事。』」自漢以 虞用柔日,曰:『哀薦祫事。』再虞,皆如 虞事外,皆如初虞也。 曰:『哀薦虞事。』三虞,卒哭,他,用 上『再虞,皆如初』,謂再虞用日。祝辭 成 事,至卒哭而祭事乃成。 $\hat{\hat{\pm}}$ 不 其不當以『三虞』二字移置『 必 冠 異 禮》三醮云『皆如初』, 其 用 即 何必兼三虞乃得 日 虞。 之 異其 卒哭後不復 剛 此記云:「始 《校釋》 柔 來無 (禮,異: 也 剛 異 日 事」, 與 除 Ē 其 雖 雜 稱 異 再 此 稱

虞明 别 無 舉 皆云『成事』,此記 成 虞 經 則 用 今本同,是公羊説亦如左氏説矣。 謂 秋 王 日 虞』當在『皆如初』上,與 事』之名,《檀弓》、《雜記 ,同稱 相 當 有脱 無 氏 内 左 異辭。《 事 剛 一氏 》説 强以 廢百矣。三虞之用剛 隔 日 未見有此文法也。」又曰:「卒哭本 云『用 日」, 王氏謂 一據,不可信明矣。《異義》所引古《春 ,則虞、卒哭之閒,正當如赴虞者之有 ,三虞固用剛日也。 譌,是也。 祭 虞事,無用 爲用柔日,除其 五經異義》古《春秋 成 他剛 有 九 於卒哭。 虞 日」,不得言『他,用 用三虞後之第二剛 何氏《公羊解詁》引此 者 是也。 剛 以 日、稱成 故舉辭 柔日之文,孔氏 》是 初虞、再 所改竄之記 論 日 大夫以 也。 祭 ,自此記至漢儒 左 則 則 事之理,未 工氏 》説 三虞與 王氏 卒哭專『成 '虞同 又曰 剛 上卒哭與 日 日 文外, 謂 可 非三 」, 全 一他, 記 用 卒 廣 證 然 與 林 免 柔 哭

> 事 再虞相 易 孔 他 , 而 ,疏意 也。 1祭,不 接,而 在專論卒哭,非 吴氏、江氏、 虞不得稱成事 忍 離 卒哭在三虞後之第二日,不 其 親 也。 胡氏 也。」 謂 此記 誤與 卒哭祝 士 王同。 禮 辭 乃可 則 《檀弓》 稱 虞 미 成 與

祔已主反於寢練而後遷廟辨

喪禮 寢。 説同 反其廟 主。』服氏 鄭推言天子諸侯之制,故云凡。 廟,祭訖,主仍反於寢。 云:『凡 大夫 每 鄭 君説: 陳氏 練 加 君 以 士 注 薨,卒哭而祔 而 祥道 遠。 無 後遷 「凡祔已,復於寢。 主 『特祀於 一,以 云:『先儒 荀 一廟。」 卿 幣告。 曰 胡氏《正 僖三十三年《左傳 袝 主 喪 謂 謂 而作主,特 然《 事 既 在 動 義》 坊 袝 如 袝 寝。」 丽 記》 ",主反 既 祭於 日 遠。 祫 與 祀 曰 故 其 鄭 袓 此 於

遷

於廟矣。』徐氏

乾學云:

『《遷廟》篇

中

·, 載

言祔

不言遷

),則既

祔之後,主復於寢,至此

方

皆玄服,則是大祥之後,除喪

而遷矣。其

初

君

先

至廟告徙,即告於殯宮之几筵

也。

士

虞禮

》注鬼

神所

在

則言廟,是寢

亦

可

得

稱

廟

有

奉

衣

服

至

碑

語

,據賈《聘禮》疏

謂

寢

後,主 之從寢 寢又明 乎哉? 君若臣: 内 説 廟 門之理 即 謂 也。 以《大戴 豈有是 廟 出 丽 廟 殯宫。 入新 《記》日 制 自 之閤門。 門,奉衣 殯 亦 凡出 八五廟 確 宫無 有碑,則《遷 也。 (哉? 皆於 廟矣 之廟 也。 由君臣皆車及大溝渠之文,而 禮 時葬久矣,神所棲 入門及大溝渠,祝 疑。」近 篇 威 並列,每門有隔牆,隔 服 閣門 明 從廟之廟 寢則曷爲亦 今日 ,又安用車 中 君下宗廟,則 遷廟 且. 者 也。 雖 升車,君 君升 張 廟》篇 之中、廟 但 牆之隔 從寢 言奉 篇證 氏 (履云: 車、從 , 出 ? 中所 名 之廟,而祔後之復 衣 鄭 升 ,又安得有大 門之前 君 所 即 廟 服 注 詗 者皆 下 車 車 袝 云 ? \Box 自 ,不言奉主,然 廟 擯。 ·, 從 出 無 車 廟 遷 티 : 也。』今案 就 牆有 廟門, 朱子始,其 乘 人 | 廟 » 篇 以 者皆 過 車 廟 車 尊 盧注 ', 則 門、 通門 也 神也 閤 就 知 溝 諸 其 謂 主 是 門 侯 於 渠 閝 而 車 出 爲

主此

,説,子壽疑之,皆以書來問。

余以《儀禮

陸子静

力

盡變,故主

一復於

%寢,而

以

事

生之禮

事之。」

又

云: 『既祔之後, 主不當復於寢。

生之禮,既

卒哭

八祔廟

然

後

神之。

然

猶

未

忍

云:『吉凶之祭,其

變有漸。

故始死全用

事

注》告之,子静謂

非

經之本文,不足據信

今

更言之、《大戴禮

諸侯遷

(廟))篇

云君及從者

已主

一反於寢之説。

然鄭

注

,朱子實取之,嘗

以

遠』、《檀弓》『喪

事

有

進

無

退二語,以駁

袝

可

反

萬

氏

斯

大

亦

據《坊記》『喪

禮

每

加

將

葬

而 既

祖

一, 柩

不

可反,孰謂

將祔

而既

子問》: 不 復退 饋。今以神之將依於祖乎,則爲之餞其尸而 此乎? 又云: 在 五 無 承 從大祝而 主而特祀之。 祔祭之。以神之或猶安於寢乎,則爲之反其 復寢之説,曰七廟無 復反於寢 名徧告及社稷、宗廟、山 (記》曰:設祭於堂,爲祊乎外,於彼乎 疑 君 袝 月 薨 以 也。 ,一遠不可復近比也。』江氏筠云:"《曾 後 而 『古者事 是臆斷 也 而 葬,七月而 已葬而世子生,孔子曰:太宰、大宗 故喪之奠也在寢,而又别有下室之 明 下,則 告於禰。 而下云:三月,乃名於禰。夫諸侯 之明驗邪?」金氏榜云:"或 矣,而 魂氣無不之,非神之一進不可 爲無主,昔人已辨之矣。 所 神之道,必多其方以 其文乃不異。 謂 卒哭。 此未知其去葬久近,其文 虚主,又曰喪事有 禰者,其即上所云殯宫 JI 周卒哭而 别言宗廟,豈非 且下云:以 袝, 水龙。 ? 進而 有 張 則 於 疑 其 氏

《左傳》『特祀于主,烝嘗禘於廟』,服注云: 無退, 邪 ? 之祭。 云『練 之道,易檐可也,改塗可 所以立不葬之坊,其文皆據尸柩而 退,所以明反柩之失,《坊記》之言每加以遠 者,爲不可反之於寢也。 爲取七廟之主 則安知其非於練而遷舊主,於三年而納 朱子云:『《穀梁》但言壞舊廟,不言遷新主, 又據《周禮・鬯人》『廟用卣』,以爲練而遷廟 『三年喪畢,遭烝嘗則行祭皆於廟』者不同 云:『作主壞 主不相涉。』凡此皆申明注祔已復寢 喪禮 至於《禮》疏 而後遷廟」者,賈疏 又謂練祭在廟,祭訖 每 加 廟有時日,於練 以行者言之,非 以 遠。 所據《 榜謂 也。」是練而 周 《檀弓》之言有進 謂 禮》廟 主反於寢。 《曾子問》之文, 焉 鄭 謂 據《穀梁傳 壞 用 卣 廟。 主 之義 言,與廟 遷 本 心廟,與 案 壞 在 也 無 寢 廟

亦非明驗。」故朱子主三年遷廟之説。

徐氏

案: 接 服, 也。」 反於 祔 固 道 日 後 壞 事。]又據《大戴禮 廟 桑 言『練而後遷 讀 〈氏《章句 È :『虞主用桑,練 廟 ĴΊ 時 由 左,見鄭《駁五經異義》。 神 禮 **一,練時** :之道 鄭云『練 是可 寢 用 孝子之意,不忍盡 可 在 謂 通 必俟既 遷 也。《公羊傳》又曰:『用栗者,藏主 虞主,虞主不可 遷 三年 多》亦 句》據《 不 廟 廟,非 證 作 可 在 喪畢 矣。 丽 練 廟』之義也。 栗主。 斷 大祥 以 後遷廟』,明 作栗主之後,乃可遷廟,此 穀梁》疏 謂 以 純 朱子云:『袝 三,遂 主用 練 遷 凶 除喪之後是也。 遷廟》篇『君及從者 既 即 廟 , 故 藏 變事生之禮。 謂 作栗主,則 當 栗。』是古者虞時 遷 云『作主在十三月, 於 遷 然則祔已復寢者 在三年 鄭誤解 廟 虞主不 有 廟,故祔 廟用玄服 也。 後 與 《公羊 字。 、遷自 吉禘之時 傳 可 埋 祭訖,主 實亦以 説。 近 虞 用 。 皆 謂 皆玄 是 儒 主 以 傳 遷 於 作 練 今 由 謂 兩

> 祭訖 讀 主反於寢。 祭,自當在 合附會耳。 此 仍反於寢,將 注忘卻『後』字,謂 乎? 寢行之。 遷 則 廟 是袝 既 來 在除 時 賈疏 又 主 必 練 喪後 反 遷 謂 而 於寢 廟 練祭在 遷 , 則 廟 練 禮豈 練、祥、禫之 故 廟,祭訖 而 有 爲 遷 如 此 廟 是 牽

中 户 加 禫 辨

之煩瀆者

其必不

然矣。」

祥,十 縞 云:「自 祥,二十七月 七月。」《正義》曰:三年之喪,二十五 祭名也。 閒 是 月 五. 中月而 月 而 禫 喪至此 月 禫。」説 與大祥閒 ,徙月樂。」祥 而 禫」。 禫。 而 凡 與 禫。 鄭 二十 皆 注 同。 月。 與 猶 曰 期 : 七 大 《檀 而 中 之喪 自喪至此,凡二十 祥 月。』《釋名》云 縞 閒 弓》曰 ,謂二十五 猶 十三月 隔 間 一. 「祥 也。 月。 月而 而 禫 月 丽 故 大 大

禫,謂 祥, 中皆謂 同月。 月 月 也 云 通祭宗廟,去喪之殺也。」《鄭志·答趙商》 『亡則中一以上而祔』、《學記》『中年考校』, 縞,是月禫」之文,以禫亦在二十五月,祥禫 七月,非謂上祥之月也。」自王肅誤讀「祥而 氏琬云:「案:禮,親喪外除,兄弟之喪内 是月禫,自爲下生文,猶『子于是日哭,則不 『中月』與『文王中身享國』之『中』同。 《聘禮 也 而大祥,飲醴酒,食乾肉。二十七月而禫, 「祥謂大祥,二十五月。 是 一十七月 是日之文亦上無所屬,王義非 又以《士虞禮》「中月而禫」爲月中而 在 閒 戴德《喪 月禫,二十七月也。 ・記》『士中日則二雙』、《喪服小記》 祥月之中,與鄭 也。 加 王肅 服 禫。」《白虎通》云:「二十五 變除禮》云:「二十五月大 謂禫在祥是月之中,讀此 異 徙月樂,二十八 是月禫,謂二十 説。 李氏 也。」汪 案 : <u> </u>

期也。 除。 二十七月而禫者,明其加。]又云:「《通典》 祥月。三年之喪二十五月而畢者,論其 期中也。《禮記》『二十五月畢』者,則禫不 十七月而畢。 君無禫,二十五月而畢。爲父、長子有禫,二 月 杜氏《通典》載鄭學之徒曰:伯叔無禫,十三 十五月,通數禫月爲二十七月,義本相通。 云:『再期之喪,三年也。』據 畢』者,謂至親以 榜云:「《三年問》曰『三年之喪,二十五月 其『喪娶』。由此言之,當從鄭義無疑。」金 幣』,蓋僖公之喪已二十六月矣,而公羊 同月乎? 而除。 杖期猶祥禫閒月,豈三年重服 明喪三年者爲 爲母、妻有禫,則十五月而畢。 《春秋》文二年冬,『公子 明所云『喪以 期斷,加隆焉使倍之,故 再期。 期斷」者,禫不 《喪服小記》亦 再期言之爲二 遂如 而 反祥 氏 齊 Œ 在 在 再 而 氏 納 禫

承用鄭義,謂『二十五月終而大祥,受以祥

矣。

黄裳者,未大吉也。

既祭,乃

服禫服

朝

衣。

猶編冠,未純

言也。

記》日除

成喪者,其祭也,朝服縞冠是也

조

『祥祭朝服,始即吉正

一祭服

也。

《喪服

小

一十七月終而吉,吉而除。」榜謂:《雜記

服

,素編麻

二十六月終而禫,受以

禫

祥,有 起,雖 閒 端 服 酒 甚矣,禮學之難明易晦 傳授者無異説也。 而 曰 綅 傳》 者, 先飲 吉,與鄭義合。 而居,復平常也。』是《通典》言二十七月終 期 冠。 鄭學之徒申明之,學者猶或依違其閒。 酼 日 而 醬 : 踰月吉祭,乃玄冠 小祥,居 醴 期 中 酒, 丽 月 小祥, 始食 而 祥禫異月, 堊室 自子雍好爲野言,浮辨蜂 禫 · , 禫 也!」今案:《禮記 肉者,先食 寝 食 (菜果; 有 而 朝服。 飮 席 兩漢經師 醴 又期 乾 酒 又 既祭,玄 肉。」 期 始 而 更 而 又 大 相 大 飮

特牲饋食禮

饋 食 解

之言 先 饋 體 王 翬 自 匡 始 血 一,以 一衷云: 裸 裸 謂 腥 굸 饋 食者,著 熟始 鄭 神 獻 灌 薦 饋 《司 君 灌, 又云 面 熟 食享先王』,鄭注:『肆 次 説 後 時 有 無 以 薦 周 尊 《薦熟、 饋 也 祭 裸 黍 鬱 禮 彝》 腥 獻 獻 稷 鬯 獻 祀 云 之禮 次 即 薦 大宗伯》『以 謂 、獻醴 裸 自 蓋 薦 謂 黍 始獻 孰 굸 故 故 稷。 薦 熟 天子諸 朝 始, 熟。 曰 尸 謂 踐 大夫士之祭,直 故 曰 饋 求 薦 侯宗 是宗 者 $\stackrel{\sim}{\sim}$ 朝 肆 饋 神 食。」胡氏 Щ 禮 踐 獻 食 進 肼 腥 運 廟 廟之祭, 即 也。 也 所 裸 之祭, 胡 曰 : 謂 解 享 培 言 先 薦 裸 牲 氏

樂。

凡

飮

養

陽

氣

也

), 故

有

樂。

食,

養

陰

氣

嘗考

之《郊

特

牲》云:

「饗

禘

有樂,

而

食

嘗

無

樂舞 衆 曰 : 禮。」 不薦 籩。 也。 實一 \equiv 牲》、《少牢》,諸侯之大夫 血 而 而 腥 節: 仲 腥 節 爓 腥 其 大 之事。 言羽 又《周 之, 矣。 義 朝事 時 血 之,法中 俎 裸爲一節, 事 以 與 腥,而自 夫 及 《 特 即 薦 數、大夫 孰 此 無 血 禮 饋 朝 娘 故 其 同 故 古也。』《周 毛 牲 言 食,薦熟也。 鄭 踐,鄭注: 殽 不 · 法 **∀** 籩 薦 日 云『祭祀 獻 徹 四 熟始, 大古 人》有朝 肆 少 鄭 爲 萬 縣 ± = = . 牢》皆 注 氏 一節,肆 以 也 禮》 士無 『朝事謂祭宗 是 斯 薦 士祭禮也。 自 今吉禮存者、特 事之籩 肆 腥 大 孰 以 黍 不 孰 是 故 云: 稷 獻 其 皆云饋食之 其 始, 與 用 大 不 言 裸 殺 俎 饋 樂 夫 徹 饋 日 曰 ※琴瑟。』 何 士 食 饋 謂 謂 不 曲 饋 饋 共 皆 食 歟 廟 食 體 豚 食 食 之 爲 有 薦 分 解 解

則無樂,觀《特牲》尸九飯,《少牢》尸十一飯,者大夫士四時之祭用燕禮,則有樂。用食禮故名曰『饋食』,而無樂也。」吴氏紱云:「古也,故無聲。』竊意《特牲》、《少牢》皆用食禮,也,故無聲。』竊意《特牲》、《少牢》皆用食禮,

則

用

食禮明矣。」

至「則」字,今易。隋祭即挼祭。《士虞》作「隋祭」。《禮經》演贊其志,推廣其義,以示學者舉一反三之法。按九祭「博引」以下三十二字,今易。一反三之法。按九祭「博引」以下三十二字,今易。一反三之法。按九祭,博引傳記證之。今一據以爲皆飲食之祭,模引傳記證之。今一據以爲皆飲食之祭,後鄭破杜子春及先鄭説,

也。 祭。 旨。祭鉶,嘗之,告旨」。《士虞禮》「祝命佐 觶,右取菹,契亦作「擩」。 誤,隋祭謂墮下毀損其饌而祭。 作隋,注除猶墮外亦皆作隋字。 作「墮」,今據段氏、阮氏、胡氏説訂正。《士虞禮》「祝命 『既祭,則藏其隋。』隋與挼讀同耳。」 注:「今文『隋」爲『綏』。《特牲》作『挼祭』,注《周 不告旨,祝不饗,皆大夫禮與士異者。「此當 命。」此當命而不命者,猶尸不啐奠、不嘗鉶 「未有事也。 餘大率同也。《特牲》不云命佐食者,文不具 食隋祭」,祭豆在祝命之前,與《特牲》小異, 食取黍稷肺祭授尸。尸祭之,祭酒,啐酒,告 食隋祭」,注曰:「隋之言猶墮下也。」以墮釋隋,明經字本 《特性 《少牢饋 饋 食禮》尸入,「祝反南 隋祭、爾敦,官各 食禮》尸人,「祝 于醢,祭于豆閒。 俗本多亂之,惟《集釋》不 必祝命之,故曰 按:「隋」字 命挼祭,尸 肅其 面注 職,不 禮》曰 原 本 執 命 佐

命」以下,今易。

命祭在尸未飯

時

、悉備諸祭、蓋

成讀 者、獻 尸。」注:「酳 就《禮經》鄭注推之,則 凡 酒 酢 又《特性 以下,今易。 有成文,故讀從之。但鄭注三禮多異義,若 亦 釃 有司徹》之獻 燕禮》、《大射》、《士虞》、《特牲》、《少牢》、 酒、酬 酒之禮,獻 、啐之,祭鉶亦嘗之而告旨,則祭禮、祭鉶 祭 酒有衍 之最 酒,皆左 此 「衍」爲「延」,説 必 釋獲者、獻祝、獻佐食之屬,無不祭者。 鄭不敢臆撰儀法,以 祭。 酒以及舉觶媵爵 饋 謂祭酒 重者、 籩 食 猶 酒 手 唯 酒 禮》:「主人洗角,升,酌,酳 ··, 故 豆 衍 必 執 至 I皆祭。 有 也。 祭,如《鄉 一, 一, 一, 也。」是知 以 旅 ·踐。」毛傳:「衍,美貌。」 爲 怬 《 詩 • 以《曲 行行 首。 無 雖獻 豆閒 爲旅酬 算 衍 飮 小 讀 二 曰 延祭 禮 祭之。 爵,乃不祭 工 酒 祭 雅 如 》「主人 無算爵始之 獻 衍祭, 爲祭 字,「鄭康成 》、《鄉射》、 伐木》: 二字、《記》 笙、獻 又祭醴 酒 延 鄭 耳。 也 客 獲 康 成 周猶

祭。 《有司徹》主婦受尸 也。 主人 于主婦,皆豆、籩 附 夫贊者取白黑以授尸 同祭,其實皆兼祭也。 不儐尸之禮,主婦獻祝 侑,受尸酢,主婦獻尸,獻侑,致爵於主 糗,祝取栗脯以授尸,尸兼祭于豆祭,亦 于豆祭,此祭籩也。豆、籩同 于醢,祭于豆閒」,此祭豆 振祭。籩實爲糗脩,豆實爲菹醢 也。」按: 籩實 于 日 不儐尸之禮,主婦亞獻尸,左執 、 獻 尸 衍 他如《特牲》主人獻尸、《有司徹》主 : 炮炮 祭也 之禮 字 當 爲 三日 也。 爲 脯,豆實爲 同祭。 「炮祭、 包,聲 ,酢,「 四 (,尸受,兼祭于豆祭,則 後鄭所舉《有司 曰 ,致爵于主人,賓 也。 周 經或 左 謂 之 祭,鄭 執 祭 醢 誤 又取 豆 祭,故謂 爵 云兼. 則 也 則 籩 一, 右 康 用 麷 也 祭, 爵 用兼祭。 取 蕡 擩 包 成 微》字 致 之 菹 日 或 人 人 兼 取 兼 猶 鄭 獻 爵 兼 或 祭 棗 祭 挳 兼 云 康

徧

也。

《曲禮

S E

殺之序, 徧祭之。」

既擩

祭,六日擩祭,皆謂祭薦

俎

也。

祭于豆閒」,則又命

祭

至於《少牢》隋祭,「尸取

庶羞也,庶羞十六豆,故云辯。

辯擩之,上鉶之閒祭。」此祭鉶也,鉶有六,故 禮用牛羊豕,故云辯。 又云:「扱上鉶 之,壹以授賓。賓興受,坐祭。」此祭肺也,食 故云辯。又云:「三牲之肺不離,贊者辯取 興以授賓。賓祭之。」此祭黍稷也,簋有六, 取黍,實于左手,辯,又取稷,辯,反于右手, 按:《公食大夫禮》,賓祭正饌,「坐取韭菹 云辯。又賓祭加饌,「贊者北面坐,辯取 振祭、擂祭本同,不食者擂則祭之,將食者 豆有六,故云辯。又云:「贊者東面 必振乃祭也。」按"《士虞》、《特牲》尸人 擩于醢,上豆之閒祭」,此祭 賓受,兼一祭之」,此祭 中之周祭矣。 韭菹,辯擩于三豆, 鄭康 皆周祭也。 成 五. 以 庶 日 日 柶, 振 羞 坐 豆 文也。 擩而 《鄉射》、《燕禮》、《大射》所云祭薦,皆是擩 之。 九飯、佐食舉肺脊、舉幹、舉骼、《士虞》作「胳 閒」,此方是擩祭。若挼祭所云,則命祭中之擩祭。《公食 横于上。」蓋祭者左執爵,右取祭 祭。《鄉射·記》云:「薦,脯五膱,祭半膱 舉肩,皆振祭,嚌之。《少牢》尸入十一飯,上 非注意也。 疏 菹擩于醢,兼取籩實祭之,又爲兼祭矣。 而祭於豆閒,不食故不振。 以肝燔從者,皆擩于俎鹽,振祭,嚌之,此 者也。《士虞》、《特牲》、《少牢》、《有司徹》凡 祭,嚌之。 佐食舉牢幹、魚、腊肩、牢骼、牢肩,尸亦 引《特牲 經不云者,文不具也。此皆祭俎不 後 若籩實是糗脩之屬,不可擩 振 者 前此上佐食舉牢肺正脊以授尸,當亦振祭嚌 》、《少牢》挼祭,以 《少牢》主人獻祝,「祝取 也。 將食故 必 振。 經不 明不食則不振 菹擩于醢,祭于豆 脯 《 鄉 云擩者,省 . 擩 清 播 于 ,則必 飮 而

之大,興,一以授賓。

以辯

即「徧」字。

也。

醢

取

酒

則

即

振

振

《大射》主人獻卿,《特牲》主婦致爵于主人, 之。」按:《鄉射》、《燕禮》、《大射》主人獻寶, 祭、繚祭亦 之,至于末,乃絶以祭也。」鄭康成曰:「 其本,直 繚祭,皆謂 大夫》祭 右絕末以祭,尚左手,嚌之。 皆絶祭,非繚祭也。 于主婦,經皆云「興取肺,坐絶祭」,是大夫 尸酢,不儐尸之禮,主婦致爵于主人,賓致爵 主人獻賓,《有司徹》主人獻尸,主人、主婦受 得兼繚,是以此經云繚兼言絶也。」《燕禮》、 證 以 賓,賓「興,右手取肺,卻左手執本,坐,弗繚 鄉射 弗繚 疏 ?》士禮 豆 爲 祭 絶 繚祭,鄭司農亦引此以爲繚祭之 肺 祭 本 ^{[《}鄉 , 故 則 同 肺 以 周 祭也。 也。 굸 祭中 飮 一絶祭。 禮多者繚之,略者絶則祭 酒》 之擩 鄭 唯《鄉飲酒禮》主人獻 司農 繚祭,以手從肺 大夫禮 祭。 但繚 曰:「絶祭,不 興,加于俎」,注 七 日 必兼 ,故云缭祭, 絶 祭, 絶,絶不 本 八 士 絶 循 循 曰 也。 祭酒,皆如尸禮。

《有司徹》主婦致爵于主人,其祭糗脩,祭鉶 《燕禮》,主人獻公,膳宰贊授肺,《大射》主人 《大射》諸侯禮 《有司徹》主人獻尸,宰夫贊 尸,此兼祭也。《公食大夫》祭黍稷,祭肺,祭 尸入飯時,舉牲體 牲》、《少牢》隋祭,皆佐 庶羞,亦贊者授之,此周祭也。 獻公,庶子贊授肺,此絶祭也。《士虞》、《特 祭,鄭康成曰:「共猶授也,謂授祭也。」按: 直言絶祭矣。《燕禮》、《大射》以下,今易。 氏爾岐以弗繚爲不繚,則經當如《鄉射》諸 繚者,舉左手以垂紾,肺乃以右手絶之。 飲酒也。 **、,不儐尸之禮,主婦亞獻,祝取** 《有司徹》大夫禮,不繚祭者,祭禮異 《説文》:「弗、撟也、撟、舉也。」弗 不 張忠甫疑「其」字是「共」字 繚祭者,臣 亦佐食授之,此振 食授之,此命祭 在 (者取 皆爲共祭也 君 前 栗 白 , 殺 脯 黑 九曰共 祭 以 以 其 也 也 授 授 篇 於 禮

也。共祭亦備諸祭,故以爲九祭之終焉。醢羹酒皆在席前,故祭薦、祭鉶、祭酒無授祭酒,則不授也。凡祭,遠者授,近者不授。脯之誤,非也。前尸祭籩是兼祭,若祭鉶、祭

主人拜養辨

情測 禮 乎?』今案: 餕是食神惠之餘,故主人 酳 此 冠禮 儒之疑。 拜受爵、拜卒爵,主人且先拜焉,宜足 其禮而拜之。 ,不專拜嗣 節 拜受酢 不能 見于 也。 胡 氏《正義》曰:「 然聖人制禮有精意存焉,未可 母,母拜之,與此義同。』官氏云: 吴氏紱云: 一, 如 無 也。 疑。 初時拜祝、拜酳,係與 事 嚴賓然,爲之子者 至酢時,則專與 嗣 子,子也 『父拜之,爲行禮 張氏爾 ,主人拜 岐云:『愚 嗣 爲 兩 何 以 祝、 禮,而 致 慎 以 以 暮 也 常 後 爲 拜 于 重 安

> 『凡酌』 人事 臣 則殺耳。」合此諸説觀之,可以得制禮之意 云: 之餘,不可以子將之而有異也。』《禮經釋例》 云:『主人受嗣子之爵,而卒爵又拜者,神惠 獻 『尸養鬼神之餘,養者又養尸之餘,故主 暮 酒 者卒食酳 無不拜,受者雖尸之尊猶然。 亦拜受,父子可推 酢,略同事尸之禮,但 矣。』方 氏 |節文 燕 荷 禮

陰厭陽厭辨

矣。」

之前 陸 陰厭、陽厭之説,自孔、賈以來無異辭。 何謂 日 氏 : 「此所謂 爲 佃忽起 陰 「佐食徹尸薦、俎、敦,設于西 厭、陽厭也?』一凌氏 陰 厭 而非之,元吴氏澄又從而 矣。 當室之白,陽 《曾子問》曰 厭 廷 也 : 堪 『殤不 北隅」。 則尸未入 「鄭氏 - 備祭, 和之。 至宋 注

氏

陸

象神也 論。 厭 正祭 問》又云:『攝主不厭祭。』夫攝主無厭祭,則 厭 備祭,何謂 繼公《儀禮集説》遂因之,近萬氏 凡 唯 問》曰:『殤不備祭,何謂 正祭有厭祭可知矣。 有 也。』此數語 而 之言曰:『厭 氏之言曰 틴 納 , 則 殤言之,亦見於二者各有其 備 竊以爲皆非也。考《曾子問》云: 『殤不 祭,乃備 有厭,爲尸不存也。 成人之祭有陰厭、陽厭 賈所不及者矣。」江氏 尊而已。陰厭備鼎俎 厭 適 殤陰厭 以飫 陰厭、陽厭?」夫殤不備陰 取 取 斯二者耳。 『成人之祭, 神也。 祭之名,不施 鄭注未 **,其禮詳,庶殤陽** 陳氏祥道曰 殤之有厭,爲無尸也。 發之義 即 陰 陰厭尊有玄酒,陽 無 孔子分宗子殤 厭、陽厭 陰 可 ,陽厭俎釋三个 於 筠云:「《曾子 引而 知 一,未嘗謂 厭 斯大亦主其 正 矣。 厭 : 『夫尸以 祭。』敖氏 陽 ?」正謂 申之,蓋 ,其禮略 厭 《曾子 厭、陽 こ人 成 與 明矣。 矣。 厭 也。 人之祭無 也。

子爲殤者。有陽厭,蓋指凡殤言之。 父母之喪尚功衰,而 厭,俱因成人之祭之陰厭、陽厭而名之也,又 尸後有陽厭禮,此備禮也。 會以爲惟成人之祭,則 云:「案:《曾子問》孔子曰 祭』之文,其『厭』字將 其故。」胡氏云:「金 利成,陽厭而事神禮畢也。 有,明矣。 答之,言陰厭、陽厭 陰厭、陽厭 陸氏、吴氏、敖氏俱不主陽厭之説 觀此問答,則 故注以奥之祭爲陰厭 且前之告利成,事尸禮畢 此 而宗子爲殤之陰厭,與凡殤之陽 俱有? 故又疑而問,孔子仍 也 況《曾子問 成 各有 氏《禮箋》據《雜記 附兄弟之殤,則 人之祭,陰 何 迎尸 所指 解 有 乎? 前 否則,此告爲贅 非, 殤不備 萌 ,改設之饌 陰 有陰 有 一殤兼 派、蓋 厭、 也,此 攝 褚 禮 厭 曾子誤 陽 練 氏 主 , 何 禮 一指 分别 冠 又告 爲 厭 兩 寅 不 附 陽 俱 得 迎 亮 厭 厭

也。 陽童得名,不 於殤,稱 室之白,是謂陽厭」,明是據所祭之地名之, 否則,童何分於陰陽乎? 是陰童、陽 稱,唯見於注。 宗子則日 陽 童 童某甫」,注 正 繋於所 陰 陰厭、陽 由 童。」謂 祭 以 祭之 陰厭、陽厭 陰 云:『陽童,謂 厭 且《曾子問》云『當 地。 之稱,自古有之, 厭、陽厭 案 : 得 以陰童 陰童之 名也。 庶 殤

少牢饋食禮

金説未確。」

天子諸侯大夫士廟制考

二昭二穆,與大祖之廟而五。大夫三廟,一廟,三昭三穆,與大祖之廟而七。諸侯五廟,金氏榜《禮箋》曰:「《王制》:『天子七

之數。 去壇 之。 去壇 考注云當爲「皇考」。 廟 廟,有禱焉,爲壇祭之。 考廟、曰 皇考廟, 享嘗乃止。 去桃 皆月祭之。 昭一穆,與大祖之廟而三。 去墠爲鬼。大夫立三廟二壇:曰考廟、曰 無禱,乃止。 日王考廟、曰皇考廟、曰顯考廟、曰 立邑,設廟、祧、壇、墠而祭之,乃爲親疏多少 于寢。』《祭法》:『天下有王,分地建國,置都 **墠:曰考廟、曰王考廟、曰皇考廟,皆月祭** 一壇:曰考廟、曰王考廟,享嘗乃止。 一爲鬼。 爲墠、壇、墠有禱焉、祭之、無禱、乃止。 顯考廟、祖考廟,享嘗乃止。 爲壇、去壇爲墠、壇、墠有禱焉 是故王立七廟 遠廟爲祧,有二祧,享嘗乃止。 官師 去墠 無廟,有禱焉,爲壇祭之。 一爲鬼。 廟 , 恒 日 去壇 諸侯立五 考廟,王考無廟 士一廟。 一 墠 爲鬼。 顯考、祖考 去祖爲壇 廟,一 , 祭之; 日 祖考廟, 適士二 庶人 [考廟 壇 \mathbf{m} 顯 無 \mp 祭

之制 者,亦立七廟、五廟、三廟。然天子有祖考而 應遷 墠皆閲世迭遷,如《祭法》所云者,周 所云者,周人之典祀也。 者,後代皆爲太祖之廟,世世不毀,如《王制 夫三廟,其受命之王、始封之君及大夫始爵 不合周制。』榜案:天子七廟,諸侯五 『《祭法》,周禮。 鬼。』二經所記不 祭之,去王考爲 侯 或 武二 然文武 之時,文武在親廟四之内,未毀,不得爲祧。 無二祧,諸侯大夫並無祖考,所設廟、祧 始 君 者,則 桃也。 也。 封 而 雖 者 不 賈公彦《守祧》疏云:『當周公制禮 ·遷,乃爲 未 無祖 世 《喪服》傳:『公子之子孫 爲祧 世 考 鬼。 祖 《王制》之云,或 爾也。 同。 ,已立其廟,至後子孫 桃也。』是周初七廟 是人也,不祖公子。]此 庶 《鄭志 派士、庶 今《祭法》云王立七 其始有天下 人無 答趙 以 廟 商 夏 有 初 廟,大 文武 殷 國家 壇、 封 無文 建設 死 雜 爲 諸 日

廟者,仍立皇考廟 此與下去壇、去墠、去王考文義俱不相 寄於太祖廟。 廟 義,千載晦塞,得金説乃豁然大通。 者。《正義》謂天子高祖之父,寄藏在祧。 爲壇祭其皇考,此 爲墠,即祧與 壇者,明 夫祖考即顯考之父,故《記》言去祧、去祖、去 處,則天子之二祧,即顯考之父若祖 夫有祖考廟者,亦 疏義咸失其旨。」 不毁,則去顯考爲壇,其大夫有祖考廟者 王已居祧 廟、曰皇考廟推之,此 亦祭祖考于壇。 ,有二祧; 其易世迭毀與親 廟,始封之君已居祖考廟,皆世世 唯有祈禱,則出就壇受祭。 諸 祖之父若祖可知也。 侯立五廟,有祖 以 爲 而 又 大夫三 案:《祭法》去祧、 壇祭其皇考。 爲壇祭其祖考,如《記 可 無 與《王 大 廟 祖 廟 同 廟,以皇考當 曰 應,其説 制 故謂 考廟、曰 考廟 諸侯高祖之父 <u>学</u> 然則爲 則 至受命之 去桃、去 計議侯 非 求 去祖 金謂 無 大夫 而 祖 王 「, 亦 袓 大 考 之 得 大 其 考 而

夫、適士鬼其顯考而已。

庶士以

注《王制》云「大祖謂别子始爵者」,此殷、周 祭。』《校釋》曰:「大夫、適士鬼其顯考而已。 《王制》之云,以夏、殷雜者。」周禮,大 下鬼其考、王考,官師鬼其皇考,大 注《祭法》云:「大夫祖考,謂 制》一篇多雜陳夏、殷,故 又案:鄭注《祭法》云: 别子,始爵者亦然」,此 陳,蓋始來仕此國之大 《鄭志》云:「《祭法》, 别子者之禮爲之,金 凡鬼者,薦而 廟。」九字據《鄭志 其無祖考者, 当考廟。 論别 非 不 别 鄭 子 别 焉 ? 薦 制 祖,庶士、庶人薦及父祖,則鄭約祭之世數多 祖考者以上,皆薦其百世。 之",祭所不及,薦及之。 其事 正其 薦及高、曾,固 慈孫苟能報本追遠,不忘其所由生,雖 推之,禮無去鬼之文,則 知尊祖。」其義類 少差之。 上,無不事高、曾、祖、禰者。 夫薦及高祖之父祖,**士薦及高祖** 父祖,天子諸侯祭之壇、墠,大夫鬼 大夫下似脱 『鬼其顯考之父祖』 七字,顯考之 則如後人之祭。 ,薦無定制,以鄭注「鬼者,薦而不祭」之義 鬼神之處,有廟有壇。 差也。」考古人事鬼神之道,有祭有薦。 都邑之士,則知 《喪服》傳曰:「野 禮之所許。 也。 後世 尊禰。 然考之禮文,祭 祭禮名存實衰,祭之 據鄭 薦亦 古人祭禮甚繁,其 人曰:父母 其無祖考者,大 廟所 大夫及學士,則 至官師 無 義,自大夫 窮期。 不及,壇 則自士 而薦之, 薦及 何 庶 孝子 有 算 曾 有 及

子,則

有皇考廟,無祖

考廟

殷則

無

與否,但始爵者,即得立其廟爲祖

鄭兼殷法言之。

大夫有祖考者,亦鬼其百世。

殷

Ĺ

所獨也。《王

所同也。

又云「雖

非

周

禮。

夫

惟别子始爵者,後世得立

袓

考

廟

説能

達

鄭未言之旨。

夫

立

廟

之法,放始爵

非

子也。

非

别子,故

知祖考無

文可

知

鄭

趙商所引補。

《祭法》所

四八五

鬼。 外 之。 壇者。 之禮 《大傳》曰:「大夫士有大事 之恩也。 下,尊尊之義也。不限於廟、祧、壇、墠者,薦 祧、壇、墠者,祭也,尊者尊統上,卑者尊 也,祖雖遠,必不可曰有可以不事之祖 及其高祖。」是大夫士又或有祫祭于壇、墠之 廟、桃、壇、墠多少之數。 更 《禮經》、特性》、《少牢》二篇則特祭于廟 無 ,士廟祭祖、禰,大夫祭祖考若皇考有于 揆之人情,實有不安,而 惟祖 薦 《記》文鄭注 則 禰 祭 必于廟、故鄭皆以祭祖、禰言 所 不及之祖,遂同 甚明,讀者 ,省于其君 何則? 要非 百名不 ||於若| 所論 限 一、干袷 ·察耳。 一親親 於 敖之 於古 廟 統

牲體之數及載辨

經曰:「佐食二人。上利升羊,載右胖,

十有

,去二觳而爲十九矣。]又云:

士

喪

横脊 之上 嘗辨之。 端,脊、脅、肺,肩在上。」注曰:「凡牲體之 肺,祭肺三,皆切。 髀 右股之肫、胳、觳而爲十有二,脊骨三與左 短脅也。 正脊、脡脊、横脊也。 胳、觳也。 云:「肱骨三:肩、臂、臑 十一體,與經不合。 體皆不及觳。 及載,備於此。]案:此經升鼎 並, 腸三、胃三,長皆及俎 不 則髀 升,肩、臂、 , 短 而 以上六句,胡氏《正義》文。 也。 正脊之前則膉 爲 **肫亦作膊,胳亦作骼。脊骨三:** 脅 九。 賈疏乃去兩髀 一、正 然則 臑 祭之所用者,去髀、 膊、 脋 左右肱之肩、臂、 肩、臂、臑、膊、胳,在 陳氏祥道沿其誤,朱子 脅骨三:代脅、長 一、代脅 骼; 也, 膉亦 也。 拒 正 ,而通二觳爲 脊 載俎 舉肺 股 一,皆二骨以 陳 謂 骨三 氏《禮 之脰。 **一,** 歷 脡脊 膉 臑 一, 長 敘 與 而 肫 肫 數 牪 左 兩 終

m

湯周

内

·饔》及

此

經《昏

禮

家兩

耳。

故《少牢禮

三人

列

自

髀

以

下凡二十一

是

如此。

但牲則

兩

髀

以賤,而

不

升於

但

.髀不升耳。

圃

鄭注

『凡牲體之數

此。」不及他體也,況此言腊則又不殊賤

之。

體

解

則

析

脊爲

 \equiv

兩

舶

兩

肱、

兩

三,通爲二十

體

凡

牲

與腊,方

解

割

腥之禮故

也。」朱子云:

豚

解

之義

陳

體。大夫士

有體解無

豚

解

,以其無朝

腥

之,爲七體;

孰其殽,謂

孰

其殺

體

其

犬

豕

牛

·羊。』腥

其

俎

謂

豚

子諸侯有豚解

、體解。《禮運》曰:『腥其

虞

,然後豚

解、體

解

兼有

焉。

若夫

此

所謂

豚

解

也

 \sim

士

喪禮》略,豚

解

而

者

「**,** 殊

左右肩

髀

而

爲

四、又兩

胉

脊

而

爲

也

《既夕》鼎實,羊左胖

亦如之。

然則

禮

「特

豚

四

鬄,

去

蹏

兩

脏、脊。」 舶

解之爓之,爲二 正祭,則天 疏皆言二 已,至 備于 IE. 股 踐 四四 説 時 解 體 俎 也 七, + 俎 皆 各 得 獻 而 鬄 脋 得爲體 充數。 其載 盛氏 安得 體當 體 觳 兩 其 十 兩端」,則 肺』爲句,『肩 『肩、臂、臑、膊、骼, 於穿鑿,不可 疏 脊 而 觳 張 ,又何爲 於俎 數髀 世 氏 去 謂 足之,蓋見 略。 體,乃不 脇 佐 之 然欲盡 爾 脰 至《少牢》疏及 經言『髀不升』,則 之次也。 云:「張 而 而 肺 脊、脇、腸、胃、肺之在 岐 非 而 去觳,蓋觳附於骼,可析可合,不 取 而 疑 正 在 數 取 承 不 觳 取之,則又 經 體 此 上』爲句。 兩 之邪? 用。」褚氏 乎? 言所在者,以 氏蓋 「肩 經後篇 髀 云『肩、臂、臑、膞、骼,在 在 若果如 在 丽 兩 失於分句之不審 疏未 不計 上」之「肩」字 陳 此其爲説 猶 端』爲句,『脊、脇 衍 寅亮云: 此三言者,所以 洋洋道 注是,陳 此, 有 解 其 其數之不足, 脰 其 明是體之一, 一, 故 則 乃去 及 中 可 觳 亦同誤。 雖 兩 三 十 知 央 巧 亦 獨 觳 髀 爲誤 也,不 明 而 非 取 而 可 耳 明 近 以 蓋 正 兩 以

四 八七

學

以 在 以肩爲貴體,故特舉之以該臂、臑。 也。 者,以上文直言兩端,未分上下,故須别之 在俎之上端,膞、骼在其下端亦可知矣。 言腸胃,文省也。 亦非矣。」 云:「經不云肩、臂、臑在上,而云肩在上,亦 拒當俎中節,則腸、胃在俎之中可知。」胡氏 立言之法也。」王氏士讓云:「復言『肩在上』 上以别之。 肩爲誤,固非。 臂、臑之上,故舉其最上者言之也。 載不言腸、胃者,以既言『長皆及俎 云『肩在上』,則臂、臑從肩而 敖氏以不言腸、胃爲文脱, 俎端有上下,故又言『肩在 且肩又 張氏 拒, 此 皆

有 司 徹

祊 繹 辨

正祭之祊也。 亦引《詩》『祝祭于鬃』。 知門内者,以正祭之禮不宜出廟門也。 賓客之處。』孔疏引孫炎云:『祊謂廟門也。』 神之所在,故使祝博求之平生門内之旁,待 祊。』毛傳:『祊,門内也。』鄭箋:『孝子不知 是繹祭之祊。案:《詩•楚茨》曰:『祝祭于 特牲》孔疏皆謂祊有二種,一是正祭之祊,一 侯,明日祭於祊而繹。」胡氏云:「賈疏及《郊 、説文》作 鬃,云: 『門内祭,先祖所旁皇也。』 鄭君説:「卿大夫既祭而儐尸。 《禮器》曰:『爲祊乎外。』鄭 又云鬃或作 天子諸 祊。 祊, 是

熟之後』是也。

《祭統》『詔祝於室,而

出

在

其説是矣。

而『祊

之於東方』疏

及《詩

茨》疏引乃又以

爲繹祭,賈此

疏引[索祭祝

祊」,亦以爲祭之明日

祊,皆誤。

江氏

永

索祭祝於祊,文承直祭祝於主之下,當

繹祭稱祊,名同

稱

之日

祊

也。』《禮器》疏

之祊者,以於繹祭名也者,以祊是廟門,明

是皆據正祭之日,明此

祊亦正祭日。

禮繹祭於祊。』《家語》雖王肅僞撰,然其不謬處,當襲 郊特牲》『索祭祝於祊』,亦以爲正祭之祊, ,饗之也,嘏,大也。毛、血,告幽全之物。 日之繹祭也。』孔疏:『爲祊乎 下云: 肵之爲言敬也。 祭也。』《家語》云:『周 《郊特牲》:『索祭 廟門曰祊,謂 『此索祭於 注云謂 • 楚 引 $\hat{\mathsf{H}}$ 於 薦 굸 於 《詩》所云『祝祭於祊』。 門求 是繹祭之祊。 當在 神於門内,亦當 竊疑 門。此疏亦誤也。又《郊特牲》引孔 祊,甚是。 與祊合爲 此經言繹、言祊、言朝市,明是三事,鄭乃 祭時,設席於奧東面,以神位在室之西,此求 時,而大名曰繹。 西室,繹又於其堂,神位於西 方,失之矣。』鄭注:『祊之禮,宜於 『繹之於庫門内,祊之於東方,朝 正祭之祊矣。 祊」,鄭注:『出於祊,謂索祭也。』是亦 神,不知 此祊與繹對言,明亦 廟門,今乃於 一解之,恐非。」今案:胡氏 但《郊特牲》「祊之於東方」,當仍 出 圃 蓋 在 於 孔 繹者,祭之明 其祭禮簡, 庫門,均爲失禮之事 西方,今乃於東方,猶 祊,與詔 疏 乃謂 出者,出室,非 是正 明 祝 日 也。 |祭之祊。 圃 於 日又祭之大 繹 事尸禮大。 室 此二者同 市 祭 廟門外之 連 之 子曰 分别二 丽 於 考正 以 出 出 繹 西 爲 即 廟 廟

之祊者,以於繹祭名也。]孔

疏:

祝於祊。』鄭注:「索,求神也。

祊,是正祭日之祊。

相

古書成文。

是繹祭之祊也。

注

『祊祭,明

外,稱外,故知

明

日

繹

於祊 見魯繹與祊東 於東方」是也。 者,又與朝 **繹别出祊禮者,孔子曰「繹之於庫門内,祊之** 繹,别出賓尸禮者,詩序云:「繹,賓尸 又事尸於其堂,謂之賓尸,經傳 繹禮**,**祭事略,而事尸禮大也。 日賓尸,天子諸侯則明日祭於祊 云:「卿犬夫既祭而 繹,又祭」以見繹禮之不徒賓尸,皆證其 壬午,猶釋」以 楚茨》傳云「繹 其 而繹。」此 、禮,先祭 市皆失 繹亦 西遠近異處,竟似二禮不 於 祊、繹二者,時同禮同 而賓尸」是也。 見繹之在明日 瀬門: 主儐尸 灣尸。 其處,故連譏之。 外 、言謂 之西室,謂之祊 天子諸侯明日 又引《春 有據賓尸 有 卿大夫於祭 丽 引《 據。 爲 爾 繹 此 孔子 相 也 祊言 秋 雅 禮 祭 與 注 屬

釋俎

羊俎 焉。 正 俎 羊肉溍。 俎,西枋。』注:『其南俎,司 俎益送之。 匕諳有諳無肉,故載俎時不列之。 皆以 雍人所執一 豕脀,湆魚。』 所謂南俎、北 其餘八俎,及尸、主人、羊匕湆、豕匕湆四俎 主人三魚 主人羊肉淯俎,主人豕俎,主婦羊俎,尸、侑 肉溍俎,尸豕俎,侑羊俎,侑豕俎,主人羊俎 俎 也 也。 西,並,皆西縮。 然唯尸、侑、主人、主婦四羊 凌氏廷堪曰:「儐尸之禮**,**尸 主 其北俎,司士以羞豕匕涪、豕肉涪。 人獻尸 俎,共十二俎。 又云: 『雍人授次賓 上經云:『雍人合執二俎,陳干 , 賓 長 覆二疏匕于其 設羊俎 而匕涪、燔俎不與 俎者,即益送之二 馬 疏 以 于豆 羞羊 匕 俎 ,羊俎,尸羊 爲 與俎,受 南,此尸 上,皆縮 正 匕溍、 俎

卿大夫禮異者。

此

羞

豕脅也。

上賓獻尸,『司士羞湆魚,縮

云:『司士羞

豕脅。』尸受,『如羊

匕

浯,如羊匕湆之禮」,此羞豕

匕湆也。

降』,此羞羊肉湆也。

主婦

獻

尸,『次賓羞

俎于羊俎

南。

乃

載

于羊俎,卒

. 載,

縮 執 俎 湆」字衍。

張氏爾岐曰:

俎

以

升。

尸取

膴祭祭之』,卒爵後,『司

士

俎

于羊俎

南

,横載于羊俎,卒,乃縮執

俎

嚌之,興,覆手以授賓。 賓亦覆手以受,縮匕 羞羊肉溍,縮執俎。』尸祭肺,『嚌之,興,反 司馬縮奠俎于羊溍俎南,楊氏復曰: 觀下受酢羞肉涪節,當是縮奠涪 尸卻手受匕枋,坐祭, 肉溍之禮」, 。又云:『司 以 縮 執 又 豕 以 匕 疏 馬 匕 俎也。 此羞 致爵 侑,[司] 之俎 羊潽俎訖,于此虚不復用。」此羞羊肉潽也。 興,反加 也。 降」,此 士羞 乃載之,卒載,縮執 羊俎于豆西」,此主人正俎 獻侑,『司馬 俎,卒,乃縮 『司馬羞羊肉溍,縮執 羞匕溍,如尸禮。』此羞羊匕湆也。又云: 祭肺後 也。 皆益送之俎 豕匕涪、豕脅也。 于主人,受豕匕涪,受豕脀 一溍魚,如尸禮」,此羞溍魚 八二司 主婦 羞 馬横執羊 于溍俎。 又主婦受尸酢,『司 涪 士縮 獻 羞 魚 執 侑 也。 俎 湆 奠豕晉于羊俎之東,載 俎以升,設于豆東」,此 也。 , 司士縮執 以降」,此羞 魚一,如尸禮』,此羞 司 虚 皆益 馬縮奠湆俎于羊俎西, 俎以降」。 俎。』主人祭肺、『嚌之, 主人 上賓致 送之俎也。 止。 受尸酢、『長 馬 家 爵于主人,『司 **豕**脅也。 又云:『次賓 脅以 注:「言虚俎者 設羊俎于豆 也。 ,皆如尸禮 皆益 升」, 主 主 湆 賓 于羊 人 婦 魚 賓 送 設 侑 獻

加

于

俎。

馬

于俎上,以降」。此羞羊匕湆也。

俎

以升,若是以授尸。

匕,若是者三。]尸祭肺

祭酒後,『次賓縮

執

在羊鼎之東,二手執

桃匕枋以挹湆,注

于

司

枋,縮于俎上,以東面受于羊鼎之西。

于鼎

西,左手

執

俎

左廉,縮之,卻右手

執

禮。 湆。 」 也。 以 在 亦當 次賓羞羊燔 獻尸,次賓羞豕燔,如羊燔之禮,主人獻侑 後,『興,加于羊俎。 執 送之俎也。 南」 衍 執之便也。 賓羞羊燔,如主人之禮。 主人,受豕燔,亦皆如尸禮。主婦受尸酢,次 而 注 俎 内 載 是爲 一盧氏 _ 今 按: 之,不 縮 吴氏 西塾上 以羊肉湆之俎。」考《士虞禮》: 主人受尸酢,次賓羞羊燔,主婦致爵于 云:「其北 (云案:『下司 主 文弨云:「注 燔 淩 用 肝俎 ,南順。」注: ,主婦獻侑,次賓羞豕燔 至于主人獻尸,『次賓羞羊燔 婦 于 雍 氏 E 俎,司 俎 剖 人 俎 在 上,鹽 所 析 . 燔東。』 然則羞 ,主婦不 賓縮 甚 執 士以 「豕 士匕豕即豕脅也,絶 一明,考 『南順、於南 之 李氏如圭 在 執 肉 俎 羞 右。 備三 組以 溍』三字,李云 李 豕匕湆、 經 一獻,故 降」。 無 尸受祭,嚌 氏 燔 曰: 「羞 豕 皆如 之 别 面 肉 羞燔 豕 主婦 説 有 取 燔 無 縮縮 肉 非 俎 縮 俎 P 益

> 無 焉。」又云:「六俎之用,鄭注 北 輿等從而紛更之,謬甚。」 羞之後,即 俎,皆奠于席上。 魚,陰類,故二俎不 以羞豕匕湆、豕脀、湆 人又執二俎設于其西 云:「四羊俎設于鼎 並 豕 列 肉 也。 涪」之名。』今删, 以其實 南 俎 以 後二 併于 羞 相 西,自 ·; 别 羊匕溍、羊 通 魚。 羊 俎 也 俎 爲 爲 北 疏 蓋 確 益送之俎, 而 而執 文 前 |羊,陽類;豕、 列。 不 南 並 四 肉溜,北 可易,郝 爲 [羊俎 同 虚 並者, 俎 列, 蔡 爲 以 則 氏 仲 降 既 正 俎 南

不儐尸者旅酬無算爵辨

交錯其酬指無算爵言者異。 ·交錯: 此 亦 其 與儐同者,在此篇。」《正義》曰:「 賓、兄弟交錯其 怬 」, 謂 旅 酬 也, 、酬,無 與 上 算 注云『此 儐 爵 尸 賓 亦與 及 注 兄 經云 曰 儐 弟

第

二番旅酬

,則長兄

弟

取

了; 其

儀

亦

如

之,

所

謂

旅

阼

階

辯

,卒受者實觶

于

篚

所

謂

旅

西

弟,長兄弟酬衆賓

第

番旅

膕

蕙

 \mathbb{H}

尸

亦

下

大

辟

以

得之耳。

盛

禮,《

略者,亦以

其儀節

린

主人

與酬,是不

盡

如

儐

也。

如

儐

未

詳」,皆非

也。

亦

與

交錯

其酬

與償尸同也。

賈疏泥

夫

一闕

旅

酬,直行

無

算

在

此

篇』,係言禮之節

限

大概

如

|於此

篇堂上儐尸

時

行之,故

酬

取

長

同

者

,在此篇』者,蓋以上大夫

儐尸及《特牲》則但言賓兄弟者,以無尸、侑、 特性》及此篇儐尸言之特詳,經於此 旅,以二人舉觶于尸、侑爲發端。 也,賓取主人酬之之觶以酬長兄 氏云:『以《特牲禮》考之,其 長,衆賓及衆兄弟交錯以 詳具於彼,讀者可參互 上大夫儐尸於堂,尸 爵」,敖氏 弟子所舉 旅酬、無算 云『與: 旅 《此,非 於注説 觶 階 酬、 疑經『不言 之觶 也 儐 謂 無 觶 謂 同 此不 爵之 算 以 此 也 者 番 酬 文 經 爵 下 於其長 與不 夫獨 故啟 不 侑 人君禮,則豈上大夫與士皆無 諸禮,其義未始不顯然也。 若謂 兄弟弟子各舉 特是賓長獻于尸之上,亦當有兄弟弟子舉觶 取其弟子所舉之觶 番 弟子所舉觶 是 酬訖,于是賓弟子兄弟、弟子各舉 加 云:『儐尸,旅 與 在 旅 亦 無 謂 ,又無侑,故無二人舉觶 儐 尸 當辟耶? 算爵始矣。 堂上與於旅 後人不旅 栅 八一條。 賓取、 也 ,,尸、祝、主人皆在室 主人酬 以 굸 觶 怬 酬者再,而 無爵 怬 無 其説固 於其 此經云賓、兄弟 酬 之議耳。 賓,二鱓先後迭舉,而爲 算 一; 而 (算之上,亦當有賓弟子 觶以酬長兄 以 爵 長一條。 相 不 不可通矣。』秦氏 則 酬 與 後行 然詳 謂 而 無 賓 及 算爵。 中, 無算 所 二觶 而文皆不具, 長、兄弟 弟,長兄弟 味經文,參觀 賓 不旅酬爲 辟 交錯 觯 並 爵。 一, 而; 並行 於 《特牲 人 旅 其 其 舉 酬 長

也

之事 各設 于爵 酬,亦謂二 階 亦 云交錯 酢 其本矣。』王氏士讓云:『由獻 膰 自 酬 神 尸不與酬。 也。』章氏 亦有二番旅 皆有旅 靈共 與 丽 而旁推之禮也。 天子達 觶,次旅阼階一觶是也。 尊。 陋 之無算。 有 殆未必然。』《禮 尊 膕 其 其 旅 耳。 曲 不儐尸則同《特牲》, 平云: 『案" 上、下大夫儐尸不 於士,祭之大節也。 大 怬 酬,與《特牲》同。此經文略,故總 |番旅酬。]方氏苞云:『旅酬之禮, 夫 又士不嫌與 個 也 酬 若不行旅酬 賈 不 而 其 特 丽 後及無算爵、《特牲》先 疏 敢 異者,上大夫儐尸於堂,尸 賓與兄弟交相 有旅,由 廢旅 謂 同 經釋例》云:『上 『與 於君,堂下 八人君同 酬 神 無曲 而 旅之爵 靈共 行 此經云交錯其 唯事 而有酢,由 無 ,旅酬得堂下 無 驟 酬 、尊、故 旅 算 算 3有算 行 而 爵 爵 怬 尸于室, 經 無 己。 一, 則 因 闕 以 旅 儐 算 亦 旅 旅 儐 爵 至 獻 無 西 然

> 之説 算。 嘗 算爵,不復及其儀節,亦 《鄉射》詳言無算 也,與上經 其酬者,謂旅酬 之禮 無旅酬也。」今按:諸 此專爲 ,甚是,故詳録之。」 ,賓及兄弟交錯 爵 無算爵 無算承上文而言者 也。 爵之禮、鄉飲 也。 云無算爵 其 酬 家 此 此 。 皆 辨 例。 經云賓兄 遂及私 Ē 者,謂 酒》則 賈 是不 疏 不 弟 無 儐 但 同 無 旅 尸 굸 交 算 爵 未 考 錯 酬 無 爵 無

曹元 弼 學

隆禮

、由禮之君子

衷。 顛倒 是非 仲釋其例,重規疊矩,昭 敖繼公、郝 分其章,張稷若離其句,張皋文繪 弟子止一家之學,鄭注、賈疏 其文則儀法度數之實。自高堂生 以末學淺闇寡聞 薈萃於《儀禮 書》之屬讀、《春秋》之例,言 而禮皆無慮此,其事則倫常日用之閒, 是非,而 學者 ,亦不揆檮昧,爲之《校釋》。 治 敬 經, 正義 及 通 近 人 每苦 , 階數君之成訓 達 》,補苴於《儀禮私箋》,雖 時 士固 程 難 氏 炳光明。 解。 已摧陷 瑶 田 又 人人殊,莫可折 \sim 等各奮 極 易》之取 雖有 其圖 以下,五傳 丽 精 函丈之儒 思事義之 廓清之, 詳 宋,朱子 私 一,淩次 王 肅 智,

> 所行。 食之而肥。 之而安,譬如嘉穀,前 之樂,莫樂于此 青衿之士,不 而振物恥,聚百 譬如周 慎言慎行, 難 道,前 順 ! 以事君親 覽而悟,心 由此 人既 人 無 以節性修身,正 既 尤 除 ,直方而大,不 勤 無 荆 百俱 耕 悔 棘,後人 穫,後 ,是所望 朗。 人 斯 人 讀 於 可 履 疑 心 書

四 九五

闕疑第六

禮

流別第七 禮經

曹元弼學

《禮經》注解傳述人

故曰 侯始僭,將踰法度,惡其害己,皆滅去其籍, 至於周公,代時轉浮。 教之設,其源遠哉! 以經國家、定社稷、序民人、利後嗣者也。」禮 經,地之義,民之行也。」《左傳》云:『禮,所 治民,莫善於禮。 自孔子時而不具矣。 :"『經禮三百,威儀三千。』及周之衰,諸 陸氏德明《經典釋文 鄭子太叔云: 『夫禮,天之 孔子反魯,乃始删定。 帝王質文,世有損 周公居攝,曲 敘録》曰:「安上 爲 之制。 益

禮》。

傳十七篇,所餘三十九篇以付書館,名爲《逸

蒼説禮數萬言,號曰《后蒼曲臺記》。

于魯淹中。」蘇林云:「淹中,里名。」 瑕丘蕭奮 甚。 淮揚太守。 所傳同,而字多異。』《藝文志》曰:「《禮古經》五十六篇,出 禮官大夫。 值 后蒼及魯閭丘卿。 古文《禮》五十六篇,《記》百三十一篇,其十七篇與高堂生 今之《儀禮》也。 、禮》獻之。 戦 漢興,有魯高堂生傳《士禮》十七篇, 國交争,秦氏 鄭《六藝論》云:「後得孔氏壁中、河閒獻 授東: 景帝 而魯徐生善爲容,孝文時 海 時 坑 其《古禮經》五十六篇,蒼 孟 , 河 焚,惟: 卿,孟喜父。 閒 故《禮 獻 王好古,得 經》崩 卿授同 以禮 壞 郡 爲 即 至 爲

普。字孝公,東平太傅。由是,禮有大、小戴、慶聖、字次君,號小戴,以博士論石渠,至九江太守。 沛慶山中尉。及梁戴德、字延君,號大戴,信都太傅。 戴山中尉。及梁戴德、字延君,號大戴,信都太傅。 戴在曲臺校書著記,因以爲名。孝宣之世,蒼爲最明。

服影

業。 守。 家世傳業。 氏之學,普授魯夏侯敬,又傳族子咸。 生禮博士,後又立大、小戴、慶氏三家,後 義長者、順者,●故爲鄭氏學。』漢初立高 鄭玄本治《小戴禮》,後以古經校之,取其於 大戴授琅 及楊榮。 小戴授梁 字子孫 邪 徐 良。 人橋仁字季卿,大鴻臚,家世傳 ,琅邪太守。 字斿卿,爲博士,州牧郡守, 《後漢 書》云: 豫章太 漢 堂

今裁此疏,以諸家爲

本。」

軍。 侯。 彭 不詳何人。 裴松之、字士期,河東人,宋太中大夫、西鄉 倫 城 字敬序,會稽人,東晉廬陵太守。 人,宋海豐令。 田 雷次宗、蔡超、字希遠,濟陽人,宋丞相、諮 **儁之、字僧紹,馮翊人,齊東平太守。** 玄注 《儀禮》十七卷,馬融、王肅、孔 周 續 之。 自馬融以下,並 集衆家注。 劉 陳銓、 道 注《喪 議 拔、 參

黄慶者,齊之盛德;李孟悊者,隋曰碩儒。注,後鄭而已。其爲章疏,則有二家:信都理氏公彦《儀禮疏》序曰:「《儀禮》所

《易》、《書》、《詩》、《春秋》爲五 焉。 萃歷代禮制、漢儒佚説、六朝禮議,學者取 禮學名儒 滋。 黄、李爲本,又旁摭各家,貫穿經傳,鄭學之 法,是以《禮經》傳習者少,賈氏 爲中經。 經反居後。 徒遺言奥義,多賴以存。 唐人實貴文章,薄於經術,孔、賈 《禮經纂 宋 初,聶氏崇義作《三禮圖》,據舊圖 未有著者。 經、記分習,絕非后氏以來治經舊 唐制,以《禮記》爲大經,《儀禮 疏序》 曰:「賈氏《儀禮 唯杜 惜當時以《禮記》配 氏佑: 拉經,而 [作《通: 之疏 禮之本 譌 典》,薈 以後 疏》 爲 則 據 日

列

`學官,而《喪服》一篇又别行於世。」

也。

然范書敘十四博士、《禮》止有大、小戴。今惟鄭注

一禮皆立博士。

今按"三禮當爲三家,即二戴、慶氏

❶ 「順者」、「者」字原脱、據《經典釋文》補。

之喪 儒。 修 子 鄉、學、邦國、王朝諸禮 子 州 本 説 學復興,朱子嘗 釋》,闡發亦多。 石變亂舊制 者名宗朱 又有李氏 、 祭禮 晚年記 改,復以 黄氏幹。 所 足 其後, 刊《儀禮》經注 以 ,皆斬衰 又於宋孝宗之喪,得《鄭志》『天 通 南 與弟子編《儀 補 渡 解 疑 子,而於朱子深信篤好之《禮經》, 如 經定制。 後 》,蓋禮書若此 儒 譌 其書授弟子楊氏 黄氏: ,廢罷《儀禮》,非 圭,與修《通 張 無期」一條,深服鄭君,以 臣多敦崇古學,横 申 稱 自朱子作《通解》後,鄭 氏 成《喪禮》,於祭禮 釋 鄭注三禮大 |作《識誤》,有功此經。 湻 元明之際, 隱滯 禮 據當 前 經 之難 解 傳 以 時 猶 测别 通 `所存各本,校嚴 喪、祭二禮屬弟 聖無法,天下 近 復。 也。 有 經術 解》,自定家、 唐 遭 撰《儀 功,歎 朱子 楊 儒 憸 未及 荒蕪 子 氏 精 人 爲其 實之 諸 爲 禮 弟 别 精 E 氏 ^^; 學 朱 侯 禮 集 成 車 憤 安 大 子 著《禮箋》九篇以授張 禮

裁、孔 大義 經文 義》,足以補之。 世,又爲 校《儀禮識誤》、《儀禮集釋》,武英殿 禮釋例》。 目》,成朱子之志,又作《儀禮釋宮增注 研經術,誦 之首,襃而 古、《欽定三禮義 者,蓋聖經雖存若亡矣。 之極,至於 立異,或隱 束之不讀。 漢讀》未成,後 後、婺源 以就其私。 氏 廣 《學禮篇》未 弟子達者戴氏 法注疏。 不名。 森 詆 竊 妄人敖繼公襲王肅 經! ·, 段 疏 大儒 義 硫》以 孔 胡 氏 郝敬繼之,重性貤 於是四 而小變之,即 氏 以 江 當時 氏 《禮經》自張氏 成。 承珙作《儀禮古今文 六書、聲音、訓 氏 作《禮學 鄭 永繼 無有能 方好學之士莫 氏 聖清之興,右文稽 震、金 以 康成冠百 其 之作 ·巵言》。 故 成 學 氏 正言力 巨 智 授 榜。 爾岐 謬,狂 謬, 「, 務 詁 禮 段 刊 代 考《 辨 金 氏 板 戴 書 創 不 與 師 改 儀 氏 疏 儀 玉 氏 鑽 儒 妄 鄭 綱 通 行

氏

\ 惠言。

張氏作《儀禮

元

弼

揆檮

鄉飲》以

下四篇

同,以

唐石

十三經

注

疏

追

有《儀

禮

經

備

但

阮

書

綜

家

校

勘

不

合

耶、謬

耶

不

謬

耶

鄭注,而

竊

其

意

以

爲

日

此

十七篇,豈

其

本

數

有亡

逸

而

不

具

者

乎

以

經

文與

其

禮

之類

老

儀禮私箋》,袪程氏 戴之學,作《禮 作《復禮》三篇 有校讐 經、宋嚴 味,讚 密,勝 敖繼 》, 説 ,作《儀禮正 氏 於《儀 注 以 祖 未成,餘 公、郝 經釋例》,以言禮之節 於宋楊氏 而辨之,作《禮經校釋》。」 文弨 而 多 疏 阮 州 匡 闡 無發 精 瑶田 正 氏 本注、景德本 衷之學,又從淩氏 禮》尤 明 有《 確。 爲宗 譌 敬之謬; 禮 亦大純 正 義》。 \checkmark 儀 之妄,尤爲有功。 小疏》,江氏筠 書。 褚氏 教,以授 ,胡書《士昏》及 解 詳。 而 禮詳 阮 其餘專精此 淩氏 誼 寅亮作《 不免小 鄭氏 集 氏 校》,金氏 以 疏爲主, 諸 元 胡 胡 廷 7珍作 本 徧 氏 文 堪 氏 疵。 問 儀 作 異 等 校 培 爲 承 然其閒 但 説。 而存其 禮 其求於外 者,馬季長亦但注《喪服》而已。 臺記》之後 鄭 其《自序》又云:『或 由 作《集説》,其自序云:『此書舊有鄭 日 以漢 如 氏 廟神』二句, 經 是不 然 各家 是而已乎,抑 集説》删 儒 禮 則 疵 不謬者。」 澧案:《 經學之盛 注》 可 神也。」此删 多而醕少,予今輒删其不合於經者 鄭 撰 惟 知 述 注 鄭 也 而云:『繼公謂必于門者, 去鄭注『不於堂者,嫌蓍之 合 詳 君 耶 而 <u></u> 或 但

禮管見》,斥

其爲校勘者

盧

明

例

 $\stackrel{\smile}{\sim}$

又

陳

氏

澧

曰

注《儀

禮

者

自

后

蒼

曲

人。

蓋群

儒

無

能

爲

此

元

,時敖

君

善

康

成

注

暈。

胡氏

本承

其

爲學深通洽孰

經之儒

,若沈氏

讀儀

禮

私

記

殺 ;

江、

圖

審精

四 九九 士冠禮》『筮

於

廟

靈

明

《 藝 耶 ? 且《藝 文 恐 志 如是 文 其 シ所 志》此 篇 而 數 云 輕 本 語, 詆鄭注,多見其不知量也。」 不 禮 賈疏、 止 古經 此 也 亦 多多 載之,而 三十 此 竟 九 似 亦 篇 未 未見 者。 見 漢

賈 氏《儀 禮 疏 詳《明 例》。

格書

張 之,其不當讀者,不録。 氏 湻《儀禮 識誤》凡諸家書可緩讀者,低一 詳下

修三 得 有三 特牲 法 以 禮樂之用爲急。 朱子《儀禮經傳 舊 而 度數,則《儀禮》乃 己 來,諸儒補緝 制 以 一禮疏 一禮、通 》、《冠義》等篇,乃其義 誦 廢罷《儀 習 周 而 官》 禮、學究諸科,禮雖 曰: 知 禮》而 其説。 「臣聞之,六經之道同 通解》 ,竟無全書。 書,固 遭秦滅學,禮樂先壞。 其 獨存《禮記》之科,棄經 煕 (本經 爲禮 按 寧 以 其頗存者,三禮 之綱 (疏耳。 朱子嘗草 來,王安石變亂 不 而《禮記 行,而 領,至其 前此 ·疏《乞 歸 漢 士 猶 一, 而 猶 郊 儀 晉 分 散 以 詔 以 有得 招 興

雜書所 濁,學士大夫莫有知 儀法 説,欲以《儀禮》爲經,而取《禮記》及諸 也。 不過 檢閱,無人抄寫,久之未成。 會蒙除用,學徒 具列注疏諸儒之説,略有端緒。 之爲教,則 源,一有大議,率用耳學臆斷 任 補六 致 有 傳 故臣 起 舊 其遺意者。 度數之實而 誦 司,許臣就 ,遂不能就。 遺本宗末 藝之闕,而亦未能具也。 載 日 其 廢墜,垂之永久,使士知實學。 學徒 頃 (虚文以 有及於禮者,皆以 又 在 絶 十餘 山林,當與一二學者考訂 秘 ,其失已甚。 無 立文者 供應舉。 竊欲更 書省關 而鍾律之制 師 人與 其説者, 授,律 (之居 ,則咸幽 加參考,别爲 借 至於其閒 尺 禮樂諸書,自行 附 而不 而 處,令其 而已。 短 ,則士友 於本經之下, 博 而 欲望聖 冥而莫 長、 士諸 知 私家 了,亦有 聲 若乃 其 編類 生,又 異 明 閒 無 經 音 知 爲 書 時 特 史 樂 亦 書 闕 其 其 因

同。

通

解》

云

其

者爲衆賓,或來或否者,此決正賓與贊冠者 否。』《釋文》:『爲,于僞反。』 疏曰:『云不 宿賓』鄭注:『其不宿者爲衆賓,或悉來,或 及字,恐誤。』『爵鞸』鄭注:『士皆爵韋爲韠, 罍,及大小異。』《通解》云:『今詳注文,罍下 絶。』『水在洗東』鄭注:『水器,尊卑皆用 通解》云"『今案"《少牢》禮無此文。』『乃 蓋但使爲衆賓,雖不悉來,亦無闕事 曰: 《少牢》,大夫禮,亦云三人占。』 冠禮》一篇言之,『筮人還,東 只合作如字讀,賓 斯文幸甚 不得成禮,故雖 爵同三字未詳。」 解》云:『鄭注 正實,則 唐 注 !]陳氏 疏之學。 面旅 字 不更 也。 澧 句 宿 金 \exists 《通解》云:『贊者西 《漢書》字亦作約,則是當從均。 得并易屨 但疏乃云當讀如《左傳》均 云: 『今案: 袗, 古文作均, 而 鄭注:『袗,同也。 北上,則或各在其裳之南也。」『兄弟畢袗玄』 文,疑亦在房中,故既加 『玄端黑屨』、『素積白屨』、『爵 之東矣。』『主人之贊者,筵于東序少 此以俟知者。』「贊者立于房中,西面 韻》又釋袀爲戎服偏裻,今亦未詳其義,姑記 知其以袗字爲均耶 房外之西,待賓命。」疏 解》云:『經既 面。將冠者出房,南面」,鄭注:『南面,立于 ,以房外之東南當阼階故也。』《通解》云: 而出也。但不知的在 不 言 古文袗爲均 ,抑以袗音爲振也 屨 面 所 則 日 冠 陳 負 : 服 河而 「知在 處,注 墉 振 **而** 適 弁纁屨』,《 振 何處,疑服 也。」《通 鄭 袀爲是 房改服 房外之西 疏 在 也 注 南上,

宿。

疏

與

育皆非。

是爲

將冠者

北,西

戒

而

又宿之,欲其必來。

其非

本謂

正賓

,或時不來則將

戒

而

又宿,不

. 得

ネ

來

也

]。]《通.

占。疏

即

以《士

:「朱子《通解》之書,純

是漢

亦

無

明

通

可

爲

聖朝制作之助,則

〕,則未

矣。

訓

同。

解

既

即

?

《集

訂之書無異。 户之東壁矣。」澧案: 法也。」案:朱子喪、祭二禮未成,黄氏榦、楊 疏者,有校勘者,有似 此 疏 則 近儒之經學考訂,正是朱子 作階 切 此諸 繪圖者 近 東 條 序之 有 **與** 補 近 西, 疏者 儒 正 經學 有駁 當 家 考 房

氏

復續之。

乾隆 注疏 李氏 世。 惜 全録 字 覈。」按: 者,以宋本經注 全 無恙,唯 元 順 . 如圭《儀禮集釋 中、從《永樂 以 任校讐者爲戴庶常 ,胡氏《正義》采録 鄭注,而 明兩 後,釋《儀禮》全經者,此爲第一書矣。 此 闕《鄉射》、《大射》二篇。 代 書多取賈 習 博 此 補之,武英殿聚珍板 采經傳 大典》録出其十五篇,尚完 經者少,遂至亡佚。 疏 略備 爲釋,以 義 震 胡氏 , 所附 而 損 (培翬 益之,使文從 相 案語 日 證 録 印 明。 亦 一此 是 國 多 以 精 書 蓋 書 行 朝

> 孔子以大聖生乎其地,得其書 國異 者 周 官》,其詳節備文則爲《儀禮》。 弟子修 「, 勒 公制禮 政 爲典籍,與天下共守之。 其 ,典籍散亡,獨 ,用致太平。 儀,定其文,無所失 魯 據當時 號 秉 墜。 禮 而學焉。 施 周德既 其大體 於朝 遺文 子 思 廷 爲《周 尚 衰 與門 鄉 日 列 國

『仲尼 篇。 没,文不在兹乎?』並謂此也。 禮,此書遂熄。 曰:『吾學周禮,今用之,吾從周。』『文 武帝時,有李氏 祖 述 堯 舜,憲章文武。」孔 漢初 高 得《周官》五篇,河 堂生傳《 秦氏 (儀禮 子 亦 任 \mathbb{F} 自 閒 刑 王 獻 廢 既 謂

得《古經》五十六篇於魯淹中,其中十七篇 官》及此十七篇之旨也。 高堂生所傳同,餘三十 王以《考工》補《冬官》,共成六篇奏之。 漢志》所 載 傳禮者十三家,其所 九篇 十三家 無 師 説,後遂逸 發明 獨 小戴 了皆《周 後 復 與

張

氏

爾歧《儀禮鄭注句讀》

自序

曰:「在昔

顯,近代列於經以取士。

而二禮反日

微

蓋

五. 0 愚

之

屢

讀

屢

咔

久而

始

通

也。」互詳《明

例

俾世之讀是書者,或少省

心目之力,不至如

周、孔手澤,慕 時聖君賢相、士君子之所遵行,可斷然 讀故 考注》、《解詁》之類、皆無 有朱子《經傳通解》,無從得其傳本。 以 也。 m 於《周官》疑信各半,而《儀禮》則 儀 以 質 禮》 難讀 問問 夫疑《周官》者,尚以新莽荆 則周公之所定,孔子之所 廢,可乎? 偶於衆 而欲讀之,讀莫能 中言及,或 愚三十許時,以 所是 正,且多謬 阻 通,旁無師 且笑之。 活其 國 述, 坊刻 不 爲 其 疑 當 難 П 江氏 廢

者。

實。

先

儒

案:此書分章極 爲善。吴氏廷華《章句》有 細 了, 按 語 亦 多 精 確 經 注 讀

此其儀 書。 非經曲 《孟子》、《爾雅》、《春秋》内、外傳《大戴》等 禮 《冠》、《昏》等義,則《儀禮》之義 禮之本經。 本莫此 出 公草創未就之書。《禮記》四十九篇,則群 劉向、班固之徒,亦能記 所記録,或雜 自爲説 (樂記》但能言其義 無統紀。至於聲律器數,則 缺久矣。 而外,殘篇逸義,亦或頗見於他經《論 諸子則管子、荀況,漢儒 水《禮書綱目》 正篇。 法度數之略也。 多謬,若但讀經文則可 所謂『周監二代,郁郁乎文』者 今其存者,唯《儀 以 此語未允。 秦漢氏之言,純駁不 ,已失其 自序曰: 又逸其《冬官》,蓋 其 《周禮》爲諸司 一二,然皆紛綸散 、數矣。 則 禮》十七篇,乃 又絶無完篇 「禮、樂全經 伏 疏 經無注,其 耳。 生、賈誼 夫禮、樂 職掌 自三 其 儒 周

誤。

所守者,惟

鄭注、賈

疏

丽

己。

注文

(古質

聞

友

可

去。

至庚戌歲,愚年五十九矣,勉讀六閱月,

丽

疏

説

又漫

衍,皆不易了。

讀不

數繙,輒罷

乃克卒業焉

於是取經與注章分之,定其

句

讀

", 疏

則

節

録

其要,取

足

明

注

而

咋

或

偶

有

得,亦

附

於

末,以便省覽。

且

欲公之同

志

以 者,尚不在此數。樂則統於《大司樂》,律同 目。 之,禮之大綱 之全,雖 未由 千』者,此也。 意制作之初,當如《儀禮》之例,事别爲篇 度數、鏗鏘鼓舞亦必 事散見彼此,又或殷周異制,紀載互殊,學者 類,已不可多覯。其他或一篇雜録吉凶,一 全,已病其闕 二戴之《記》者,如投壺、奔喪、遷廟、釁 儀禮》爲經 儀 《學禮》、曰《邦國禮》、曰《王朝禮 統目,首尾偤貫,條理秩然,所謂『曲禮三 輔之,其 禮 其他通論制度之事,與夫雜記威儀之 觀其聚,則 經傳 木 可 所 通 ,以《周官》、《戴記》及諸經史雜 有 復 略,而存者又病其紛紊,此朱子 自編者,曰《家禮》、曰《 散佚之餘、《儀禮》正篇猶存。 解 見 · 五: 吉、凶、賓、軍、嘉皆 亦不 》所爲作也。朱子之書,以 然以《周禮 別有 能 會其通。 一經與禮相 大宗: 夫禮、樂之 鄉 輔。 伯 而喪、 爾之 禮 有 綱 **>** 細 其 考 竊 四卷。 然。 五卷。 門凡 丽

《祭禮通解》,議論詳贍而 《喪禮》固詳密,亦閒有漏落。《祭禮》未及精 祭二 式。竊不自揆,爲之增損櫽括以成此編。其 析篇章,欲其有條而不紊。 以定之。蓋裒集經傳,欲其該備而無遺 大,條理極密,當别立門目以 蓋纂述若斯之難 專修改,較《喪禮》疏 修於晚歲,前後體例亦頗不一。 朱子爲宗, 排纂之法,當以 自衆手,節目闊 立篇目,分章 八:曰嘉禮,十九篇,十二卷。 秦漢而下,未有 禮 皆因《儀禮》所有者。 日 凶禮,十七篇,十六卷。 屬 之勉 疏,且未入疏義。 以 齋 也! 附 黄 此 傳記 氏 密不倫。信齋楊氏有 書也。 永 其 篇 編類 ,宏綱細目於是燦 竊 而 曰吉禮,十五篇,十 尊經之意,當 統 黄氏《喪禮》 謂 顧朱子之書 類之法, 亦有未精者 之,更爲 附益之曰 日 是 《王朝禮》編 賓禮,十篇 黄氏之書 書 I規模 凡 因 軍 爲 以 釐 例 極 事

禮,六篇,五卷。今按:曲禮之名未當,詳《解紛》。皆補禮,五篇,五卷。曰通禮,二十八篇,二十三卷。曰曲

《儀禮》之所

不備。

樂一門居後,六篇,五

卷。

者,蒐羅略備。而篇章次第較《通解》尤詳密八卷。凡三代以前禮樂制度,散見經傳雜書總百單六篇,八十有五卷,並首三卷共八十

通名曰《禮書綱目》。若夫賈、孔諸家之疏,焉。屢易藁而書成,姑繕寫本文及舊注,一

俟諸異日。嗚呼! 禮樂之書精微廣大,前與後儒考正之説,文字繁多,力不能寫,且以通名曰《禮書綱目》。若夫賈、孔諸家之疏,

敢以其謭陋之識,輒改已成之緒,蓋欲卒朱賢勤勤補綴,具有深旨,末學何敢與知!顧

其本末,究其離合異同之故,或亦諒永之心世之君子取《通解》正、續三書參之,是編考子之志,成禮樂之完書。 雖僭妄有不辭也,

儀禮釋例》 止釋衣服一類,蓋未成之書。

也夫。」

《儀禮釋宮增注》 考正詳備,惟東房、西室

發一大疑,尚未確當。

食》、《喪服》、《士喪》、《既夕》數篇,雖不能沈氏彤《儀禮小疏》 止釋《冠》、《昏》、《

公

盧氏文弨《儀禮詳校》 校勘甚詳,惜多引諸

之。

宗鄭注,而

考覈精

處,

自不可及,當分別

觀

家解經誤説。

菴、黄勉齋、楊信齋諸大儒又崇信之,故鄭氏禮》爲樸學,空談義理者無從措辭,而朱晦宋儒説經,好爲新説,棄古注如土苴。獨《儀宋儒説經,好爲新説,棄古注如土苴。獨《儀者氏寅亮《儀禮管見》 錢氏大昕序曰:「三

有所依據也。然自敖氏之説興,學者厭注疏先儒之言,其實自注疏而外,皆自逞私意,非出,乃詆爲疵多醕少,其所撰《集説》,雖云采專門之學未爲異義所汩。至元,吴興敖君善

繎 學

五. 〇

六

方侍 屬予 不悟。 善意 平,從事禮經者幾三十年,乃確然知鄭 耳。 密。 爲篤 必 以 言統于門。 子鳴噦始出 其義,不幾于無忌憚乎!」予益拊掌歎服 而 上」,敖改『東』爲『西」,鶴侣辨之曰: 鄉射 不露 可從 爲 論。 同 然 序 似 郎 即 丽 • 記》『勝者之弟子洗觶,升酌,南面 不在 "; 而 年 丽 樂其易曉,往 之。 至于説有不通,甚且改竄經文以 ,若無意於排 苞、沈徵士彤 如 然未! 友褚君鶴 所得 敖 鄉 門在 解經, 其《儀禮管見》稿本,將付諸梓 披 説 飲 得讀其全藁也。 讀 膚 之 酒 東, 再 淺 而專與鄭立異。 無 四,乃. 侣 亦 往 閒 擊者,是以 所 則不得以 記》『若 含古訓 於經學最 頗 有 據。 稱其善。 駁 知鶴 嘗謂 正 有 丽 严 西爲 鶴侣没後,仲 侣 入其 從之。 北 深,持 予 特其、 予雖 用 百 面 曰 玄中 心之 之 上也。」 注 者, 義之 Ш 言 論 示 近 以以 坐 東 細 而 含 明 而 就 君 最 敢 儒

非

有二也。』《士虞禮》『明齊醙酒』,敖以『醙

爲右。 練冠 『公子爲其妻,縓冠』,敖改『縓』爲『練』,鶴侣 安可 曰 辨之曰:『練冠之紕,亦緣以縓,故《閒 敖比而同之,昧於東西之别矣。』《喪服 射》所同。 曰:『上射位 射于左」,敖依《鄉射》改爲『于右』,鶴侶辨之 燕禮 文也。』《燕禮》『媵 射賓中年 弓』句爲衍 奠於豐上。 『觶』,鶴侶辨之曰:『凡獻以 縓冠。 縓緣。就其質言之曰 破 辟正主,獻既 大射次在福東,從福 觚 母重,故言其質。 -少者。 爲 但鄉射 鶴 .觶乎?』《大射儀》『以耦 降, 在北,下射位在南、《鄉射》、《大 侣 袒 以 辨之曰:『勝者之弟 位 不以爵,則酬亦不 執 是 在 觚 弓,反 勝黨,故 楅 於賓」,敖 西,從福 練冠 妻輕,故言其紕 位, 向東,則 爵者 袒 ,就其紕言之 敖 執 改 向 ··; 酬 写,非 以 (『觚) 北 西 左還,上 以 三袒 ?傳》云 「則北 子, 爲左。 以 觶 • 記 觶 爲 衍 即 執

禮》『三拜衆賓,衆賓答再拜』,敖改『再』爲 醴,據下文普薦、醙酒,亦專言酒,不及醴,豈 [一],鶴侣辨之曰:《鄉飲酒》衆賓答一拜 敖書今雖未大行,然實事求是之儒 《有司徹》之答一拜者, 而闢之、恐有 益 經 能 例 食 無 是非。 有之。 《識誤》諸書,於以 釐正。 是經,寧詳毋 鄭、賈面 失賈氏之舊。臣於《儀禮注疏》舊有校本,奉 爲删潤,在朱子自成一家之書,未爲不可 之後,更無別本,誤謬相沿,迄今已無從 賈疏文筆冗蔓,詞意鬱轖,不若孔氏《五 惟《儀禮》譌脱尤甚。 今文最爲詳覈,語助多寡,靡不悉紀。 本爲主,疏則以宋單行本爲主,參以《釋文》、 本,屬德清貢生徐 旨充石經校勘官 而明之刻注疏者,一切惟《通解》之從,遂盡 義》之條暢,傳寫者不得其意,脱文誤 宋世注、疏各爲一書,疏自咸 朱子作《通解》,於疏之文義未安者多 大約經、注則以唐石經及宋嚴 目,亦庶還 略 ,用鄭氏家法也。」 一, 曾 正 養原詳列 唐宋之舊觀 明 校經文上石。 經文且然,況注 刻之譌。 異同,臣 雖未 鄭注 今合諸 復定 平校勘 克 州 旬 疏 疊 盡 乎? 往 經 得 其 往 正

之漸

也。

置其喙。

夫 經 與 注 相

:輔而行,破注者,荒

少,而喜

新趨便之士多,不亟辭

者,大夫爲主人也。

大夫爲祭主

也。

此

士禮,安得以

彼 相

乎?』皆貫串全經,疏通證明,雖好辨者莫

酒

三爲

衍文,鶴

侣

辨之曰:『注明言有

酒

得妄解明齊爲醴,輒删經文乎?』《特牲饋

讀 元《儀禮 ,昔顧 校勘記》 炎 武 以 唐 石刻九經 自序曰:「《儀禮》最 校明監

爲 阮 氏 凌氏

廷堪《禮經釋

例》

詳《明

例

胡

氏

匡

衷《儀禮釋官》

詳《明

例

以茫昧。

則是編

洵中

流之砥

柱矣夫

視鄭學爲可取

而代者,而成周制作之精意

五〇八

引據各本目録

朝顧炎武、張爾岐始取以校監本,多所是正。見,即敖繼公當元一統之時,亦未當過而問焉。至國見,即敖繼公當元一統之時,亦未當過而問焉。至國唐、石經明王堯惠補缺。案:此刻自五季以來,名儒俱

人。今案"此本後黄氏丕烈影寫重刊,行於世。元和顧廣圻用鍾本校其異者,書於簡端,今據以采宋嚴州單注本宋本之最佳者,張涫所據即此本也。

明鍾人傑單注本全同徐本,其偶異者是失於讎校異。記中凡與嚴州本及鍾人傑本合者,則稱徐本。翻刻宋單注本明徐姓翻刻於嘉靖時,祖嚴本而稍

明永懷堂單注本全與閩刻注疏本同。

耳

章,記不隨經,而注、疏各爲一書,故讀者不能遽曉。注、疏合刻,起於南北宋之閒,惟《儀禮》又在後。朱宋單疏本此北宋時咸平、景德閒所校勘開雕者也。

《儀禮》經注,因取而附益之。」是馬氏時注、疏猶各爲 《儀禮注疏》即用其本。 影寫刊行,又張氏敦仁據顧氏廣圻所校異文款式,合 中,俾學者知唐時舊式也。今案:此本後汪氏 吴中黄丕烈家有其書,每葉三十行,每行二十七字, 賈公彦五十卷之本,今之學者每恨不可得見。近年 皆以經、注分附於疏,其分卷依疏之卷數,如《禮記注 嚴本、單疏本刻注疏,單疏缺卷依《要義》補編,阮 末葉列宋時諸臣官銜。 志》並云《儀禮疏》五十卷,而注疏本則分爲十七卷。 經注之卷數。如《舊唐書・經籍志》、《新唐書・藝文 疏》七十卷是也。 帙,正經、注語皆標起止,而疏文列其下。 馬廷鸞曰"「余從敗篋中得景德中官本《儀禮疏 今訂此本,盡去諸弊。」是朱子時注、疏各爲一書也。 書也。 此本與馬氏所見正同。又按:宋人各經 惟《儀禮》以疏分附經注,其分卷依 今併將每卷起止具述於記 家有監 士 巡四 刻 鍾 本

國子監注疏本明神宗時北京國子監刊。每行二十一字。監本、毛本俱仿此。李元陽注疏本刻於閩中,故稱閩本。每半葉九行

汲古閣注疏本今校《正義》以此本爲據。記中凡云

「某誤作某」而不言何本者,是此本獨誤者也。

國朝重修國子監注疏本

《經典釋文》內《儀禮》一卷。

《儀禮識誤》聚珍板本。宋乾道八年曾逮命張湻校

本。監本初刊于廣順,復校于顯德,而宋因之。 存焉。其書專宗《釋文》,意在復古,然所辨或祇係偏存焉。其書專宗《釋文》,意在復古,然所辨或祇係偏存焉。其書專宗《釋文》,意在復古,然所辨或衹係偏存。其書專宗《釋文》,意在復古,然所辨或衹係偏

嚴本。書中引石本與唐石經異,疑是成都石經。《儀禮集釋》聚珍板本。李如圭著。全載鄭注,微遜

多與此同。近世校《儀禮》者奉此爲準則,然於其佳儀禮經傳通解》全載鄭注,節録賈疏。明刻注疏

處不能盡依,而移易删潤之處則多據之,是取其糟粕

禮,門人黄幹續成。而遺其精華也。又引温本及成都石經。至喪、祭二

本合。有删節而絶無改竄,遠勝《通解》。閒録經注,抄本《儀禮要義》魏了翁著。專録賈疏,多與單疏

《儀禮圖》通志堂本。與《通解》略同。注內疊今古文

雖不盡與嚴本合,終勝今本。

亦引温本異同

俱删去。

《儀禮集説》通志堂本。敖繼公著。所載鄭注多移

論鄭注? 阮氏過而存之耳。

易點竄,不足盡憑。

今案:繼公於經文尚敢妄改,何

浦鑓十三經正字,内《儀禮》二卷據重修監本

校其誤字。

《食豊羊》》、「魚」と召客。多采者

《儀禮詳校》盧文弨著。多採諸家之説,記中所稱金

曰追正譌,即本諸此。

九經誤字》顧炎武著。

以唐石經正明監本。

又《金

石文字記》載石經誤字。

《儀禮誤字》張爾岐著。

《石經考文提要》

張氏惠言《儀禮圖》 詳《明例》

凌氏曙《禮説》 此書專説喪服、喪禮,力闢

五〇九

及删 代 敖 者居心皆能 蔚 徐 正 亂 行,其學甚正 之禍 諸 爲 傳爲 氏 繼 ,本乎學術 禮家 乾 裁 儒 公、 學、盛 陳氏 ,而 哉 禮説、禮議之誤。 郝 巨觀。 ! 所自爲説皆平實無弊。 敬 如 立 放術 **,其功甚大。凌氏學術至正** 氏 天下 此,何至有 作《白虎通 吴 世佐、 《公羊義 廷 治 不 華 亂 秦氏 可不慎 程 ,繫乎人心,人心邪 疏》雖雜 非 除翦 疏 瑶 蕙 聖無 證 也 田 田 》,沈 荆 輩之謬 、金氏榜 **一棘,示** 法、犯上 引 使治公羊 實精 諸 説 我 岌 兼 未 一, 故 博, 作 周 歷 及

研 違 後 禮經》爲周 胡氏培翬《儀禮正 自 溪户部胡先 經旨 惟 思 述 其 7,積 唐賈氏公彦 例 ,或申注而失注 四 有 +公作,有 生夙 四 餘 年 疏 承家 日 義》 ,成《正 盛 殘 補 學, 行 闕 注 意 羅氏信 河,補 而 ,因參稽衆説 逐精 義 而 無 学若 鄭君 賈 僞 三禮 衍序 疏 干 託 注所 卷。 或 曰:「績 解 鄭 以《儀 未 先 覃 經 注 備 生 精 而 而

外,如袁準、孔倫十數家,大都專

解《喪服

敬惰以考其吉凶之故。《春秋》所記,其 進 也。 心 響,故先王所以教,君子所以履,莫不於是 詳爲辨正,別是非、 聞、佉專己也。 所説 度衷,昭明物則,以是觀其容而 也 焉。 退 禮者 雖 日 怬 異 申 酢 體 鄭怡 注 之閒,目以 也。 申 ·',義 曰 鄭 使 訂 君 可 明折 人 注,鄭君 注 旁 處義,足以 約 義 通 其 衷 也 附 心於登降、揖 也。 注 知其心 而 義 曰 夫禮 步 存 附 偶 目 之 有違 注 即 應 廣 近 異 儒

篇,五 學,而 賴 雖 其學者絶少。 是鄭注孤行,雖有荀崧宜 康 並 成鄭君 置博士 是經以 傳而有大、小戴、慶氏三家之學,其時 顧 嬴 本小戴之學,又校 ,而范史所紀《儒 秦滅學,而 明,宜其爲百代 自 王 肅 沈 後 重、黄慶、李 置 高 博士之請 堂生傳禮 林》未 師 以 表 古經爲 也 有 孟 者,履 一,考中 顯 鄭氏 + 悊 然 而 其

必

爲

曲

解

又

所

申

釋

必

取

經

注

正

文

殊

或

亦

彊

爲

比

傅

則

其

解

經

而

反

違

不歧者而歧之矣。

而

疏

家例

取

專

門,

即

有

免有歧合之殊,更歷千載,豈反能有合無歧?

至《喪服》一篇,精微廣大,六朝禮議異説最多,自 |制禮,貴多貴少,主減進文, 綜全經,旁 去聖未遠 ·逮《喪 案:此 勢必并鄭所 逆經旨 違失, 禮 彼此 考經 堂 節,當 略 疏 不盡 》,鄭 服 禮 不 生 之 甚 ≫ 與之進 以考誼 遠,而 考、神與古會、念釋所在、回 即漢 也; 違 申 成者大也。」 爲之之勤,研之之久,而益信 異同之見,以折衷一是哉? 不能知者,況其更歷千載 之殊制易考也。 其人,則南鄉、北鄉、東面、西 履 存,服其服,則帶、裳、韠、舄之異等易 而器數則有司存。三代以後,即鄭君去古未 其 期 注而并失注義,亦勢所必然。 舉其器, 制以 地、則堂、室、奥、阼之殊 先王法物已罕有 於 退酬酢 理之存,使精 大 相譬況,及賈疏 通 則 哉 ? 《禮經纂疏序》曰 於其 几、席、筐、篚、尊、俎、觚、 故其時君子務察位 閒 雖 融 , 亦 然三代 1知者。 形 時 乎? 安 釋 則 一,若親 能抉經之心、 翔 其所 余於兹,識先 面之異位易辨 并漢 方 以 反覆 故其注 曷若 是非 易 上 擇者精,所 胡氏之書 接 制 識 小即器 稱之義 古人 旁搜 亦多有 典 無 明 也 一禮時 物 所 巾 ; m 析 數 博 觶 生 接 依 具.

推《士

禮》以

合之天子,後儒

雖錯

君已然。

凡説 《其詳。

禮

者無,不然,不獨賈氏。

況

自

高

不

能不致

《喪服》詳

於餘篇、周禮

談詳

於《儀

文自明。

《周

禮》說制度,非博引群籍不明。《儀禮》詳

儀

殊

亦

以

所

本

者多

多

不

同

歟

多

_,其

解

全經惟

取

裁

黄、李二家

,則其詳

推

午貫,而先王

精意所存,有非

"一端可

例。

則即

鄭注以

文,亦不免偶

有歧合之殊。

案

鄭君

င

故

賈氏並

疏二

禮

,而《儀禮》不建《周

之該

治,

即《儀

禮》

經而衆篇亦不

之該洽。

觀其《自

序》,稱《喪服》南

北

章

女名勿、養育器女、教言、「養,人及事己全經,旁通午貫,參稽衆説,擇精語詳。

融

會

自 莫不廣尋道 之參錯,同 訓 故名物、儀節 事 意,條 相 違 器數、微言大義 ,注義之深微,言不盡 貫 八科分。 其盡 ,以及傳記 思 窮 神之 意,

寫定,弟子楊大堉取其叢殘之稿,率爾付刊,昏》、《鄉飲》、《鄉射》、《燕》、《大射》五篇未及處,實能洞見本原,不墜周公之遺法。 惜《士

先生未及辨正者也。又先生之疏,以鄭義爲校,或不盡楊氏之過。又多引謬説而無案語,蓋

脱爛錯誤,至不

可讀。此書刊在離亂之際,未及覆

鄭、而義似可從者附録之,謂之附注。於鄭宗,而旁采各家以解經誼。於後儒説之異於

訂之,謂之訂注。 義之深遠難 見、覽 夫注 文 如 本 詭 者,或 以 解 經,治經爲 以 爲 違 失 經 而

果未是,何必唯鄭之從? 且從善服義者,君也,非爲注也。苟後人之説果是,鄭君之説

子之心也。

屈經以就傳,學者之惑也。

鄭君

者當依文剖裂,以雪其誣,不

得遂以爲

《五經通義》、許君《異義》、盧氏《三禮 附,而訂又非所訂,蓋鄭君時去古未遠,師 訂、所附 救其違,又何必反爲 之意在經義之明,不在己説之申,苟 未失,邪説未興,先秦傳記、曲臺石渠、劉 有未合于經者,方深望後人之彌縫 一一考之,多與經不合。 曲護 ! 然今就 附 其 其 既 先 闕 解 生 説 不 面 氏 傳 必 所 果 匡

之姿,純賢之德,博極淵深之學,沈静精妙之等書完然具存,足以取證。而又重之以上哲

思,神與古會,心與道一,宜其囊括大典,網

元意,非後儒所可輕議也。若賈氏之書,誠羅衆家,删裁繁誣,刊改漏失,確得乎先聖之

皆平實精確,得經注本意,蓋承爲鄭學者相不能無誤,然誤者十之二,不誤者猶十之八,

治此經者鮮,故其文衍脱誤錯,多非其舊,學傳古義,非賈氏一人之私言。特唐中葉後,

五

思源,義固猶賈義也。」今案:賈疏是處多,李氏如圭、張氏爾岐取其文而删節之,飲水

胡

精

處多

一,不可

偏

廢

漢經師 於是 鄭氏 《詩毛傳》,完具平正,則斥以 之」之説,有所謂素王改制、黜周王魯者可 悖禮廢學之心,而巧 皆 日 漢人。《詩》箋、《禮》注完然 傳》文尤繁博,排之尤力。 棄六藝而專言公羊。六藝中,《周禮》、《左 謂素王,所謂王魯,皆以託漢天子,詳公羊説。 爲不奉法之藉口,公羊家此説,乃漢人尊漢之言。 而學者之心術先變。 有 所可勦襲,且必讀 棄 珍《儀禮私箋》 法 佚 東 度,大不 説 漢 無 而 多,可 言西漢,利公羊家「有爲 便 於 疏 以開「不説學」之方便, 爲飾智驚愚之計,利西 小有才未聞道之徒,懷 道、咸之閒,世運漸 彼 乃明,其言又循 所 圖 西漢經 具存,其書非 爲爲。 **一,於是** 師之書有 鄭君,東 於是 群 起 循 變, 以 爲 而 然 旬 盡 所

駁其 異日 記》以奪鄭君典章制度之學,作《喪服文足 邪説横流,不數十年賊 攻,欲滅去其學,蓋鄭學廢 學者之心囂然不靖矣。同時諸老師未及 徵記》以奪鄭君微言大義之學。 乃爲奪席之謀,肆違心之論,作《考工創物 苟,見道亦深,豈不知鄭義之不可妄易? 氏鶚輩實階之厲。 金鶚淺妄不足責,程氏 惡,其智奸於諸侯去籍,其禍烈於暴秦焚書 三綱五常皆可廢。 道,六經可任其去取革易矣。 鄭學廢,則六經皆無真本定解。 履 儒也,以慎修爲之師,以東原爲之友,立身 朝一 相 (後,凌氏廷堪、凌氏 流禍之至於此,而攻擊之習自此 繼 夕之故。 有 所駁正,張 溯厥由 書據胡氏《正義》引,原書未見 有無君之心,而後動於 民遂興,履霜堅冰,非 六經廢,則聖人之道 曙、 唐、 來,乃程氏瑶 宋人説彼 而 胡氏培暈、張氏 後 在彼 六 固以 經可廢。 固 田、金 而 爲不足 不料 開 糾 而 通

四

箋》義 其謂 辨。 斷 條 讀 故 不 猶 推 不 著 精。 此 姑 録。 爲 儀 據 書 姊 百密 禮 通 矣 而 有 妹 私 深 子 功 無 ··, 剖 箋 聖 尹 在 疏 • 經 先 裂至當 室 喪 ,有功世 生 而除此等數事之外, 服 服 精 ", 及 篇 雖 思 影亦 庶 力 道 程 孫 學,其《 力 氏 、《正義》而 中 斥 復 殤 程 起 不 輪 謬 無 從 無 輿 可 後, 鄭 雖 置 私

於注 勘 達 曹 於 各 引 失 剥[元 賈 疏 本 以 注 面 元 蝕 弼 |弼《禮! 易之。 之曲 叢 治 疏 文仍不免隔 異 阮 意 氏 殘 是 特 同 解 尋 爲 少,時 經 ,沈薤千 經 經 而 宗,解 道意 有 又多采 校釋 有 衆 年 所 議 本 閡 誼 適 憫 迥 載,平心讀之,順 並 其非 難 妄 從 以 賈 異 譌 通 此 人敖繼 胡 而 俗 -,皆其 氏之書 書專爲學者通 則未 作。 氏 説 胡氏 爲 者,或 公、 及 備。 蓋 千 條 依注解經,而 讀 或 慮之 郝 理 反 但阮 正 朝 其 詳 敬 以 禮 失 説 整 上 疏 學者 氏 爲 家 一,而 , 而 下, 也。 文、 違 校 校

> 學 異,袪 昧 也。 説 恐 推 釐 倫 達 且 推 義 丽 者苟 當 胡 ,不足紹 ,差以千 大義所在, 耳,後人苟能 所 其 小 後 其 《喪服》一篇用 無 致 賈 氏之訂注 淆 疵 本 其疑 誤之 合《校》 或累 免於誣。 不 意,正譌 元 可 業 所 里,故悉鄙 通矣。 由 大 弼 勘 以 先 禮律之本,政 · 非 純 之 記 堅 駁 達 補 儒 又以 取 取 辨 其 脱 **×**,≪ 其 求 而 功最 然 、乙衍. 正 信 所 勝 釋 其 胡 正 情 行 糾 各説 之,而 未 注 所引各説 氏之書體 義 遠 久,考核 力 達 也 其 改 》觀之,經注 爲 自 教 錯 違 非 固 於 邇 申 後 之 所 不 注 敢 經 辨。 胡 原,失 登 尤 異 以 大思精,深 下千 與 氏 意 義 (於注 詳, 高 成 胡 自 之 偶 不 自 其 餘 之 疏 惟 以 所 氏 有 爲 美 處 之 毫 檮 取 未 立 異

滅。 以相 遠方慕義莫不賓服,雅頌歌詠以思其德。 婦,天下莫不曉然論孝悌之義、悺篤之行,故 教,陳禮樂、絃歌、移風之化,敘人倫,正夫 始興,崇道德,隆禮義,設辟雍、泮宮、庠序之 雖 秋時已四五百載矣,然其餘業遺烈,流 及康、昭之後,雖有衰德,其綱紀尚明。 仁義之道滿乎天下,卒致之刑措 以義相支持,歌詠以相 向、齊之晏嬰,挾君輔政以並立於中國。 會享之國猶有 無德,人臣輔其君者若鄭之子産、晉之叔 一,盟誓以 劉子政《戰 五霸之起,尊事周室。 所恥 國 相 救。 策序》曰:「周室自文、武 小國 感,聘覲以相交,期會 天子之命猶有所行 [得有所依,百姓得 五霸之後,時 四十餘 及春 而 年。 下 君 未 猶

> 禮樂。 王路廢 而禮樂壞,諸侯恣行,政 傳序》曰:「夫周室衰 有?』周之流化,豈不大哉!」《史記 有所息,故孔子曰:"能 適齊聞《韶》,三月不知肉味。 而邪道興,於是論次《詩》、《書》,修起 而《關 由强國。 以禮讓爲國 雎》作,幽、厲 故孔 自 ・儒 一乎,何 衛 子 関 微 林 反

子所謂「春秋,天子之事也」。春秋始乎隱東遷以前,王 善罰惡,討亂臣賊子,使文武之道粲然分明。 秉乎天子東遷以後。王法存乎《春秋》,尊周室貶吴楚,賞 王法,王法,周文、武之法。《中庸》所謂「憲章文武」,孟 曰:『吾道 曰:『苟有用我者 春秋》當王法,絕不如公羊家依託之説。 窮矣。』故因史記作《春秋 ,期月而已矣。』西 其辭微而指 夫是之謂以 . 狩 》,以當 **漢鱗** 法

0 此 標 題 原 書目録闕

流别第七

禮經

五 Ŧī. 濁莫能用,是以仲尼干七十餘君

無

所遇

魯,然後樂正、《雅》、《頌》各得其所。

世以混

博,後 丢。 也。 皆受業於子夏之倫,爲王者師,是時 瓦 此以明儒者之成仁取義,臨節不奪。 陳 世,焚《詩》、《書》,坑術士,六藝從此缺 之業而潤色之,以學顯於當世。 國,儒術既 侯好學。 陳,澹臺子羽居楚,子夏居西河,子貢終於 之徒散遊 委質爲臣者何 士大夫,或隱 至 涉之王也,而魯諸儒持孔 於是孔甲爲陳涉 於威、宣之際、孟子、荀卿之列 一微淺 適 如田子方、段干木、吴起、禽滑釐之屬, 世 ·戍,旬月以 後陵遲以至於始皇,天下並争於戰 學 諸 然而 者 絀焉,然齊魯之閒,學者獨 侯,大者爲 而 多 也? 縉 不見。 録 Ŧ 紳 焉。 楚,不滿半歲竟滅 先生之徒負孔子 以 博士,卒與 故子 秦焚其業,積怨 師 自孔子卒後, 傅 氏之禮器往 陳涉 路 卿 居 相 及至秦之季 涉俱死。 起 , 小 衛,子張 成 匹 '禮器 遵 獨 者 七 」夫,驅 一,其 而發 歸 夫子 不廢 魏文 友 十 焉。 往 陳 居 教 子

> 功如 於是喟然歎興於學。」按:周公、孔子禮教之 章,不知所以裁之。」夫齊魯之閒於文學 魯中 儀,因爲太常,諸生弟子共定者,咸爲選首 其經藝,講習大射、鄉飲之禮,叔 古以來其天性也。 非聖人之遺化好禮樂之國哉? 憤 曰:『歸與歸 於 是。 諸 陳 儒 王 尚 也。 講 與 及高 誦 ! 習 故漢興,然後諸儒始得 吾黨之小子狂簡,斐然成 皇帝 禮樂,絃歌之音不 誅 項 籍 故孔子在 孫通; 舉 兵 作 絶 韋 <u>漢</u> ·,自 禮 修 陳

備法物 者,委它乎其中。 后,登靈臺以 帝即位,親行其禮。天子始冠通天,依日 籩豆千戚之容,備之於列,服 愛好經術,建武 《後漢書·儒林傳序》曰:「光武中興, 之駕,盛 望雲物。 五年迺修起太學,稽式古典 清 中元元年,初 道之儀。 袒割 辟雍之上,尊養 坐 明 方 建 堂 領習矩 三雍 而 朝 月 明 群

議

誦

先

王

言

也

下

畏逆順

埶

也

至

如

多歷 此,而況誣《春秋》者乎! 迺比 典文,襃勵學者之功,篤矣。 其運,世德終其祚。 心 張 下,狼狽 之表,俯 温、 暨乎 年所者,斯豈 於殺逆,其將有意乎!」不循《春秋》其害如 皇甫嵩之徒,功定天下之半,聲 折 仰 剥 顧 扎 橈自極,人神數 之命,散成 盼 則 非 天業 案:東漢崇禮勸學之功 學之效 跡衰敝之所 可移,猶鞠躬 兵,就 乎? 盡 不循《春秋》, ,然後 繩 約 由致,而 故 先 群 而 昏 馳 師 英 主 無 四 至 能 之 海 垂 悔

别立

之士,悉令通《孝經章句》,匈奴亦遣子人學。

校舍,搜選高能以受其業,自期門、羽林

者蓋

億萬計。

其後復爲功臣子孫

应

姓

末

屬

三老、五

更。

饗射:

禮畢,帝正

坐自講,諸儒

執

難

於前

冠帶縉紳之人, 圜

橋

門

而

觀

聽

之也。 鄭君禮 虚造。 漢紀》卷二十九。《後漢紀》之語 袁彦伯云:『鄭玄造次顛 有道之人,若鄭玄之徒。』《後漢書》本傳。 陳 然則鄭君禮學,非但 學,非 孔 氏澧曰:「盧子幹云: 子告 但 . 顔子 注 解, 非 禮 且 ,皆掇會諸古書。 沛 勿動 可 注 ··**,** 非 爲 解 『修 朝 實 禮 顔 廷 禮 不 子 能 者、 定 動 請 非 履 制 袁彦伯 事 然 應 丽 也 《後 斯 則 徵 行

名高

.義開門受徒者,編牒不下

·萬人,皆專相

傳祖,莫或訛雜。

所談者仁義,所傳者聖法

者,蓋布之於邦域矣。

若迺

經

生所處,不

遠

萬里之路,精廬暫建,贏糧動

有千百。

其

耆

如

是

武

中年以後,干戈稍戢,專事經學,自是

其

風

世篤焉。

其服

儒衣、稱先王、遊

庠序、聚横

塾

濟

濟

乎,洋洋乎,盛於永平矣。

論

曰

自光

故

人識君臣父子之綱,家知

違

邪

歸

正

一之路。

自

桓、靈之閒,君道

秕

解,朝

綱

日

陵,國

隙

屢

啟,自中智以

下,靡不

審其崩離

;

而

權

彊

之

臣,息其

闚

盜

之謀,豪俊之夫,屈

於

鄙

生

之

五.

八

十七。 然王 尤重 也 語 賴 禮 自 狄 尤 此劉知幾語,見《文苑英華》卷七百六十六,《唐會要》卷七 昏之世 殘 也。」案:漢 魏晉 亂 故 魏 多引鄭説、見諸史及《通 不 去 以 鄭 中國 殺 其 蓋 維 晉 能 肅 公朝 澧案: 朝 君 一,而 持。 自 至 亦 源,皆出於鄭學。 ,禮學之功大矣哉 過 賢 亦 [漢季 隋 因 ,佛老蝕聖教,然而 也。」 禮議 非 辯 魏 末 是以民 讀 不獨 數 周 論 禮 而後 鄭 而 百 又 曰: 得 尤 勿 時 後學 君 精 年斯 魏晉爲然,南北 事 動 以 書, ,篡弑相 之秉彝,不盡 用夏變夷,貞 者 鄭 故 |《孝經 中 文 乃 范 誦 氏 國 未 起 即 諸 典》者,不 武子 人 法 而 仍,攻戰 喪 江 經學不衰,議 經 倫 Œ 者,賴 角 鄭 左頗遵王 周 無 以 勝 汩 義 君,鄭學 朝議 觀 爲 于 耳 不 序》云: **~**、孔 日 有 仲 可 撮 遂 凶 作,夷 然則 鄭 勝 禮 尼之 以 名 暴 引。 肅 在 禮 者 勝 淫 教 君 舉

陳

氏

又曰:「韓昌黎《讀

儀禮》云:『考

其物雖: 禮》以爲不 於大不備,豈 者。 力之不足,未有能舉而行之者也 堂室之廣,給使之多,儀物之盛,而 此謂《書儀》也。 令小 源流,總合其事類,集以 精學治聞之士,使删定三禮 以 長 書之文雖 未見習行 則至當之論 於今,誠 云: 『冠、婚、飲、射何 此 時 今 乃 碎。 爲 或修之,至乃講 博,而 生民之常事,至難行也。 無 多,而 條牒各别,令易案用。」《自煩篇》。 逆憚 丽 所 可行,而藉 也。 已有望風退怯之意。 讀者見其節文度數之詳,往 亦 用 不誤哉?』跋《三家禮範》。 其 有 。」澧謂 身親 朱子云:『司 (難,以 所 謂 試累月 試之,或不 煩碎之甚耶? 口於文之多、物 此 不若禮不 小不備之故, 相從,務令約儉,無 語過矣。 ?,猶有 ,割棄不要,次其 馬氏 過 余以爲 户 過 **炮** 又或 殊 而 於 竊 書, 誤 好古 丽 敬 頃 不 自 \wedge 1,朴子》 澧案: 之博 讀 見 知 可 反 刻 而 有 病 儀 就 褿 其 往 此 命 餘 其 官 欲

儀法已各不同。

長、賢賢、男女有

抑

又有説

焉,夫禮

有本

冠

則

不

在

此

論

也。」案:

陳説

治禮之法

禮

一,倍宜鑽研。

中,冠、昏、喪、祭諸篇

爲要,蓋古今同

卷九十。

然讀《儀禮》者亦宜知此意。

不亦異乎!』卷七十四。

王西

莊 謂

『唐中

之儀,空事

鑽研,競爲

臨

統,便俗

適

時。

滯儒常情,非今是古。

主之儀。

秦皇帝

蕩平九國

自古至

周,天下封建。

故盛朝聘之禮

此

説

足

學已亂,故杜佑《通典》多狗俗。』《十七史商権 今所不行者,但掇其大要可矣,若專治此經, 經章句,名數尤繁,方今不行之典,於時無用 、昏、喪、祭雖古今同有之禮,而魏晉以 以破之矣。]又曰:「《通典》云: 今祭禮則與《特牲》、《少牢》二篇不同。 以言乎本,則尊尊、親親、長 别、忠厚、敬文、辭讓、和 封執,與夫從宜之旨, 有文,以言乎文,則 ,置列郡縣,易於 十七 是矣。 「重賓 有之 ·葉經 篇 睦 來 禮 譽,其 子則既 興之。 儀,非 能 之亡而禮教不行,有鄭君以維持之,,唐之衰 成,人識君親,家尊孔 恤之風,不絶於窮 至明,忠節尤盛 義士殺身成仁,綱常萬古,節義千秋 以南宋之弱,而能多歷年所,及其末 正人心而 十七篇之大義,所謂「天不變,道 天下之生,一治一亂,天之未喪斯文也! 不容於婦 由則治,不由則亂,何嘗一日之能廢、一人之 而禮學不明,有温 離 乎? 徒以了 有 故 絶復續之别子。 所 先 厚風俗也。風俗人心,國所與立。 人孺子。 爲文也、欲 試。」鄭君之學,温公、朱子之業, 温公、朱子 儒謂康成爲議禮大宗,温公、朱 ,雖屢經喪亂之餘,而孝弟任 公、朱子及程、張諸賢以 鄉僻壤。裂冠毀冕之行 豈 勤勤勤 人因其文以得其本,以 非 孟之效哉? 《語》曰:「如有所 教化 修 冠、昏、喪、祭諸 已行,習俗已 亦 造 不 嗚 歷元 變」。 漢

五. 九 講學崇禮始乎! 問試之效者也。孟子以無禮無學爲賊民所已試之效者也。孟子以無禮無學爲賊民所記。觀六朝衰亂之可爲唐,宋世風俗之到於記。觀六朝衰亂之可爲唐,宋世風俗之到於中國、禦外患,其必自講學非有二事,以禮爲政,謂之中國、禦外患,其必自講學崇禮始乎,其必自講學崇禮始乎!

司馬氏書儀

〔北宋〕 司馬光

張焕君光

校 撰點

• ÷ . .

目 録	上書 三	與平交平狀 三	上尊官問候賀謝大狀 三	私書 三	牒式	申狀式	公文 二	奏狀式 一	表式 一	表奏	表奏 公文 私書 家書 一	司馬氏書儀卷第一	汪郊跋	宋刻本序	汪亮采序	校點説明		目 録		
	與幼屬書 九	與内外卑屬 九	與妻書 九	上内外長屬 九	上内外尊屬 八	上祖父母父母 八	家書 八	名紙 七	平交手刺 七	謁諸官平狀 七	謁大官大狀 七	與稍卑手簡 七	與平交手簡 六		别簡 六	上尊官手啓 六	與稍卑時候啓狀 六	上稍尊時候啓狀 五	上尊官時候啓狀 四	啓事 四

目録	卜宅兆葬日 六四	喪儀三 六四	司馬氏書儀卷第七····································	朝夕奠 六二			小功五月 六一	大功九月 六一	齊衰三月 六〇	齊衰五月 六〇	齊衰不杖期 六〇	齊衰杖期 六〇	齊衰三年 六〇 司馬	斬衰三年 ⋯⋯⋯⋯⋯⋯⋯⋯ 六○	五服年月略 六〇	五服制度 五六	喪次 五五	飲食 五三	1 1 1 1 1 1 1 1 1 1 1 1 1 1 1 1 1 1 1 1
	卒哭	虞祭	反哭	題虞主	祭后土	下棺	及墓	在塗	遣奠	祖奠	陳器	喪儀四	司馬氏書儀卷第八	親賓奠 賻贈	朝祖	啓殯	明器 下帳 苞筲 祠版	碑誌	3 t)

汪祁跋	汪郯跋	影堂雜儀 一〇	祭 九	喪儀六 九	司馬氏書儀卷第十 九	居喪雜儀	禪祭 1	大祥 八	小祥 ,	喪儀五	司馬氏書儀卷第九	祔 八	
〇八	〇七	四	八八	八八	八	<u>—</u>	九〇	九	八七	八七	八七	四四	

校點説明

容相當豐富。 喪、 另附居家雜 之通名。」温公沿用舊稱,内容以日常禮儀爲主。 相 ○八六)撰。《四庫提要》云:「書儀者,古私家儀 關 卷爲表奏、公文、私書、家書、第二卷爲冠儀、並對 五服制度到葬後祭祀、諸多儀式皆囊括其中、内 的 司馬氏書儀》十卷,宋司馬光(一〇一九—一 深衣制度加以考證。 儀於其後。 五至十卷皆爲喪儀,從初 第三、四兩 卷爲婚儀, 第 注

in,莫不用心於此,并出現了不少像《趙李家儀》這當時知名學者,如謝元、蔡超、王儉、王弘、鮑泉、唐禮法爲核心,而其表現形式就是歷代編撰的書儀,禮法爲核心,而其表現形式就是歷代編撰的書儀,婚宦,更在家學、家法。所謂家法,乃以儒家之道德婚宦,更在家學、家法。所謂家法,乃以儒家之道德婚宦,更在家學、家法。所謂家法,乃以儒家之道德

别; 書儀》。 男子之外,復有《婦人書儀》; 種旨在彰顯門户的家用書儀。 就其 内容之豐富,可見一斑。 細 目, 則 有婚 慶、弔 緇衣之中,更見《僧家 喪、書 就其門類,有吉凶之 信、言語 之異。

下》「婦見舅姑」節云:「贊者見婦於舅姑、婦北向 公用心所在。 意,並不一味泥古。 鑒於古今差別,温公對堂室、衣服亦但取其不失禮 於古,但禮意未失,易於施行,便無需改正。 衆。」新婦拜見舅姑,由堂上改爲堂下,形式雖不合 舅於堂下」,注云:「古者拜於堂上。今恭也,可從 庫提要》譽爲「考禮最精之一證」。 「交領方」句下,旁徵博引,探明源流,極爲精辟、 易於施行。 有二:其一,依據經典,考訂精審; 爲「經世之防範,禮法之大端」。 温 公作此書,歷代評價甚高,宋刻本序文稱 如卷二《冠儀》「深衣制度」節,温公於 此類事例、書中甚多、皆可見温 約略而言,其價 其二,參酌古今, 又如卷 四《婚 同樣, 值 之 拜 儀 四

因如此、《書儀》撰成不久、就深受歡迎、宋刻

正

本序 先生禮、朱子將二程、張載與温公相比,而以 與温公多有暗 之。」靖康之後,世事擾攘 云 朱熹於温公編撰旨趣深爲認同,以致朱子 「元豐 合。 中, 《朱子語類》卷八 薦 紳 家 ,書籍散佚、《書儀 争 相 傳 寫, 四 往往往 胡 叔器 》僅 温 皆 公能 治 問 珍 而 得 四 禮 祕

古今結合,有經有權,是「七八分好」,其「婚

禮」較之

圖

書館。

稱 如 修撰之時 諸家,尤爲突出。 《祭儀》只是於温 祭儀》雖因遭竊而未能流傳,但依據此語約 此,以 爲「雙環」、「兩劍」。 不 僅 致清代 如 最 此就 重 一要的 汪亮采序文中將《書 連署名朱子所作的《家禮》也 公《書儀》内少增損之。」朱子所修 在 參 寫給蔡元定的 考慮到《家禮》在元明時 照是《書儀》, 儀》與《家 書信 而不是 中又 伊 略 禮》合 期的 基本 川 可 云: 知 之

等情 到 元修本,書前有無名氏所作的 的「淳熙」、「歲壬子」,以及書中「敦」字皆缺末筆 況,可知作序之時在南宋光宗紹熙三年(一一 '儀》現存版 本均 爲十卷本。 刻書序,依 最 早 據 的 序 是 中 宋 提 刻

正

本爲底本

而加改動

長

盛不衰、《書儀》的影響亦可見一斑

是海内孤本,版本價值不言而喻。 及《善本書目》記載,其或 處頗多,但據《天禄琳瑯書目 九二)。 稚川世家」,其人當爲葛姓。 序末有木記二枚,一 爲後來諸本 後編》、《鄭堂 作「傳 書中雖然 此 梫 書現藏於國 的 書 訛 袓 堂 _, 脫 本, 讀 衍 書 一作 且 倒 記 家 似 之

《學 書 如《四 卷末有「後學 録之後有汪郊跋,書後又有汪郯、 亮采刻本,書前先列汪亮采序,繼之以宋刻本序,目 録,不知是否已佚。 有收藏。 訂,頗爲精審。 目》著録、《書儀》有明刊本,但《善本書目》未 ·津討原》本、同治七年 據《增 庫 全 其後出現 訂 書》本、嘉 四 汪郊校 這個刻本流傳最廣,各 庫 簡 的《書儀》各版 清代刻本中,首推雍正二年 明 慶 訂」,對宋 目 十 江 録 年 蘇 標 張 書局本等,莫不 注 本 海 *<u>`</u> 錯 鵬 本,影響較 汪 訛 氏 祁 郘 照 地 之 兩 亭 圖 處 曠 篇 知 閣 書 多 見 跋。 著者 以 館 有 肵 加 傳 雍 多 校 刻 每 汪 著 本

國家圖書館收藏的一種雍正本與通行本又有

例推 喪雜 或 或 眼 不同,主要區別在於,自卷五「在斂殯」起至卷九「居 禮》,或 諠 之字旁邊,或者頁腳處,補 分爲兩類: 、圈删,或塗改,或乙正,並於其旁及頁 録》所云,知其乃孫星衍校本。 部 補或否,並不徹 (儀)止 斷 分 經核對《儀禮》、《禮記》原文,或根據上下文 補 均 寫内 非臆測,足可徵信,對理解《書儀》頗有幫 ,皆有朱筆校過。 其 一,在雍 容,或 底。 出 正本於宋本錯 其二,對雍 自 殘 寫宋刻本原有之字。 據傳增湘《藏園 宋本《三家冠 考察校語,大致可 Œ 本錯訛 訛 已經修 腳 婚 群 補 之處, 喪 書 寫。 祭 改 但 經

《學 容, 校語 理解文意者,則在校勘 别簡稱爲宋本、四庫本、學津本。 本,以宋刻本通校,而 津討原》本爲參校本。 則 本書校點,即以帶有孫星衍校語的雍正本爲底 概省去; 簡 稱 爲孫 凡針對雍正本所 校。 以影 記中存録。 孫校中 爲簡便起見,所據版本分 印文淵閣《四 關 作 於版本 底本中的孫 的校勘,有 庫 對 全 校 書》本、 助 的 星 於 内 衍

助。

書,則 分段。 見於目録。 處理,統攝於「喪儀某」之下,其所統諸 儀」、卷十「影堂雜 爲標出。 前,亦爲此故。 跋」諸標題,皆爲原書所無,今爲合於出版體 亮采序」、「宋刻本序」、「汪郊跋」、「汪郯跋」、「汪祁 此外,原書十卷,皆不分段,爲便於閱讀,隨 一律保留原有格式。凡書中序跋題目,如「汪 卷一以及卷九、卷十之表奏、公文、私書、 汪郊跋文原在 而在卷内,「五服年月略」作 卷六「五服年月略」、卷九「居 儀 一在 底本目録中皆 目録之後,今移於目録之 小標 按二級 級 題 標 例,特 題 皆 喪 標 處 不 題 雜 家 宜

出校。 「元」,一律回改,首見處出校,餘皆逕改,不再一一 混 此説明。 級下諸小標題在卷内均按二級標題 理,「居喪雜儀」、「影堂雜儀」均按二級標題處理,三 無」或 亂。 異體 俗體 作「无」,並 今按出版體 書中 [字,如「婚」、「婚」並見,「賛」、「贊」錯舉 字, 避 如 諱 一禮 一無義 例做了調整。 改字, 或作「礼」、「體」或作「体」、 例, 如「弘」作「宏」、「玄」作 律改作「禮」、「體」、 因 變改舊式,故 處理,從屬 關 統 係

本書標點時,曾有所參照。特致謝忱。館排印的《叢書集成初編》本原有句讀,頗爲不苟,皆改作「婚」、「贊」。最後需要説明的是,商務印書

校點者 張焕君

四

汪 序

編。 者,亦止資考禮,非以 禮》、《政和 撰述多佚而不傳。 者。朱子答胡叔器問四先生禮,獨謂「温 實本司馬氏《書儀》爲之。 朱子究觀古今之籍,因大體 注》一門,今士大夫所守,惟文公《家禮》 之於婚禮,以婦人門已拜先靈,三月可不廟 較穩,其中與古不甚遠,是七分好」。 爲經,司馬氏則本諸《儀禮》,參以 噫 ! 古言禮之書,自漢石渠論議迄唐以上, 斯禮之行亦僅矣! 禮》、杜佑、馬端臨、鄭 其散見於史册及《開元 便行習。 蓋朱子 吅 少加損 迺《家禮》爲 馬 當時 以《儀 樵輩 氏 至温 **从益,其** 列《儀 卷 可行 禮》 中 公 公

> 易,知者良難」也歟 嘗深探力索,識其確有精意,非所謂 特其誠篤之至,體聖道於人情物理。 其於喪禮之祔,不 以 殷練而 以周卒哭, 「作者不 朱子亦

禮》,温公與文公皆有功《儀禮》,衷於古,不 故《家禮》所以宗《書儀》,《書儀》所以啓《家 著之爲式,將十七篇之可行者不盡亡不止。 齋、信齋之前不有好學深思似此,筆之於簡 戾於今,惟恐驅一世於冥行也 於王氏,何範身 夫《儀禮》久稱難讀,至宋而取士,且罷 獨切於涑水? 使文公、勉

禮》並置几案,如雙環,如 異,若分道揚鑣 藏之家塾。 氏,特以未覩《書儀》卷帙 顧知宋儒所稱 亮采少而椎魯,昧於恭儉莊敬之爲教 覺度數精詳,理道 四家禮、三家禮者,首數司馬 ; 會其 異 而 、爲恨。 兩 同,亦猶 劍。 貫通,與《家 旋購鈔本, 溯其同 先河 後 而

雍正元年冬十月朔日,後學汪亮采謹

序。

以

廣先

生著書之意,亦不負先世收書之志

舛,編排繕寫,命工刊刻,❸以大其傳,或可

宋 刻 本序

范君少潛得是書,❷雖嘗鋟梓,然亦以 之,家藏久矣。 夫雖時有其髣髴,●恨無全編。淳熙間崇川 原俶擾,有能保存渡江者,百無一二。 中,薦紳家争相傳寫,往往皆珍祕之。 於名教豈曰小補之哉?」以故再加訂證訛 範,禮法之大端,士大夫家若能採摭而行之, 僚案,獲見全書,躍然喜,如得至寶,亟求 不全爲欠。余先伯父仕於閩,與先生族 書儀》,温國文正公先生撰次也。 遺訓有謂:「是書經世之防 士大 闕 自中 元豐 孫 録 同 裂

굸。

時歲壬子菊月圓日,序於傳桂堂。●

「間」,原作空格,今據宋本補。 刻」,原本作重文號,今據宋本改。

王」、「堂」、原本缺、今據宋本補。

「有」,原作空格,今據宋本補。

0

汪 郊

跋

朱子《家禮》。朱子因温公本諸《儀禮》,參以 範》二書。 近乃《家範》流傳,《書儀》特著於 可行於後者,故用之最多。且遺命治喪必參 《儀禮》、《書儀》而行,其意蓋可見也。 司馬文正公誠篤之學,具在《書儀》、《家

又或「自堂室以及儀物、恐行之力有不足、顧 忘,況跋在紹熙甲寅,既成《家禮》之年,不以 及,望之後之君子」,則於此書未嘗一日 欲參考裁訂,使覽者不憚難行。以病衰 爲《家禮》所取者已提其要也,其必應專爲流 「節文度數之詳,恐未見習行」,已有退 或疑朱子跋《南軒三家禮範》,謂司馬氏 怯 敢 無

> 播 又何疑哉?

者於《家禮》之外,獲覩司馬氏全本,其猶祭 旋慮非槧本,難公宇内,亟謀校梓以 郊隨家嚴購自藏書家,愛其繕寫特工。 傳,庶學

雍正元年季冬中澣,後學汪郊謹跋

川者之必先河也夫。

司 馬氏書儀卷第

命婦

上皇太后、

皇后,准東宫牋,稱

做此,但易「頓首」爲「叩頭」,不稱「臣」。

妾」。

表奏 公文 私書 家書

表 奏

元豐 官制所修到公式令節文。 四年十一月十二日,中 書 劄子,據詳 定

表 式

臣某言。 者,亦准此。 怍」,後辭末准此。 謝 以 云云。 聞。 臣某誠惶誠懼,頓首頓首,謹言。 稱賀,同。 頓首頓首辭。云云。 臣某誠惶 其辭免恩命及陳乞,不用狀 誠 懼,賀,則云「誠 謹奉 表 懽 稱 誠

右 臣下奏陳,皆 年月 Ħ, 用此式。 具位臣 姓 上東宫牋,亦 名 上表。

奏 狀 式

某司自奏事,則具官。 貼黄,節狀内事。

某事。 云云。 列數事,則 若無事因者,於此便云「右臣」。

云「右謹件如前」。

謹

録

奏

右云云。

聞。 謹奏。 取旨者,則云「伏候 勅旨」。

乞降付去處。 貼黄,在年月前。

年月 日。 具位臣姓名有連書官,

式。 式。 子者,惟不用年,不全幅,不封,餘 子,前不具官,事末云「取進止」。用 右臣下及内外官司陳叙 在京臣寮及近臣自外奏事 皆先具檢本司官畫 即依此列位。 狀奏。 上聞者 日 親 書 *,兼 ··**·**, 並 付 曹司 同 用 用 狀 牓 劄 此

爲案。

本官自陳事者,則自留其案。

公 文

申 狀 式

某司。 自申狀,則具官封、姓名。

某 事。 云云。 有事因,則前具其事; 無所因 , 則

便云「右某」。

右云云。 前二云云。 謹具狀申。 某司謹狀。 取處分,則云「伏候指揮」。● 如前列數事,則云「右件狀 如

則以次列銜。 日。 狀。 具官封姓名有連書官.

司上門下、中書省、樞密院,及臺省寺監上三省、 院,省内諸司并諸路、諸州上省臺寺監,並准此。 右内外官司向所統屬並用此式。 尚書省 樞

牒 式

某司

牒

某司。

或某官。

謹牒。 年月

牒。云云。

若前列數事,則

云「牒件如前」云云。

某事。

云云。

列位。 三司,首判之官一人押;樞密院: 牒。

日。

則都承旨押。

臺、祕書、殿中省,准此。 於比州之類,皆曰「牒上」。 末云「故牒」。 非相管隸者相移,並用此式。 本院 右門下、中書、尚書省以本省、樞 亦同,惟於「年月日」下書書令史名,辭 事相移,並謂非被受者。 官雖統攝 於所轄 而無狀例,及縣 及内外 而無符 寺、監於御史 諸司補牒 密院 官 帖 例 司 以

0 「指」,四庫本、學津本同,宋本作「旨」。

者,則曰「牒某司」,不闕字。

尚書省於御史

臺、祕書、殿中省,及諸司於臺、省,臺省寺監於諸路

諸州,亦准此。 其門下、中書省、樞密院於省内諸司、 尚書省於省内諸司

臺省寺監官司,辭末云「故牒」。

准此。

書

私

上尊官問候賀謝大狀

具位姓 某。

右某。述事云云。 謹具狀 上問 尊候。 申

賀、上謝,隨事。

謹狀。

舊云「謹録狀上牒件狀如

前

長公牒,非私書之體。 謹牒」,狀末「姓名」下,亦云「牒」。 及元豐改式,士大夫亦相與改 此蓋唐末屬寮上官

年月 日。 具位姓 某 狀。

顯云「狀上某所某位」,●下云「謹重封」。

封皮狀上

某位。

具位姓某謹

封。

重封,上

之。

某。

與平交平狀

具位姓 右某啓。述事云云。 謹奉狀

謝,隨事。 伏惟照詧。 謹狀。

起居,陳賀、陳

月

日。

具位姓

某

狀。

重封,題

與

封皮用了 面簽。 某位。 具 位姓某 謹 封。

大狀同。後封皮、重封,皆准此。

上

月日。 今人非平交不可施矣。此無如之何,且須從俗。此下述事 競以虚名相尊。今有謂宰相爲「閣下」,則必怒以爲輕,而 位足下」。凡「閣下」,謂守黄閣者,非宰相不當也,而末俗 上尊官之儀也。 云云。不宣。某頓首再拜 具位某頓首再拜,上書某位執事。 稍尊,則云「閣下」,平交,則云「謹致 書某 此

0 顯」,宋本、學津本同,四庫本作「題」。

某位執事。

啓 事

具位姓 某。

右某啓。述事云云。 謹 奉 ·啓事陳 聞,陳賀、 陳

謝,隨事。 伏惟尊慈俯賜 鑒念。不宣。 謹

爲稍卑,先曾服事,及弟子之類爲極卑。 爲平懷,年小於己,官卑於己,及妻弟、妹夫

今

以裴之《啓狀》爲大書,《四海吉書》爲書,小簡

親、受業師爲極尊,年紀高於己,或職掌稍

有《四海吉書》,分五等,以父之執友、疏屬尊

高,及姊夫、妻兄之屬爲稍尊,齒、爵相敵

者

前「上書」封皮、改「啓」爲「書」字。

封皮用面簽。

某 位。

具位姓某啓上。

月 日。 具位姓 某 啓上。

謹封。 耶 ? 卑,改「平懷」爲「平交」。又今人與尊官書多 及平日往來手簡而微爲增損,以叶時宜。 以爲尊敬者,在於禮數、辭語,豈以多紙爲恭 爲三幅,其辭意重複,殊無義理。凡與人書所 齒、爵極遠者爲尊官與極卑,不甚相遠者爲稍 徒爲煩冗而不誠,不足法也

某啓。 旦 ,則云「元正啓祚,萬物惟新」; 晷度推移,日 南 長至。 月朔及非時起居,則各用 此冬至之儀也。 正

「啓」,宋本無。

上尊官時候啓狀●裴《書儀》「僚屬典吏

起

居官長啓狀」止如此,無如公狀之式者。

裴文

四

以

祐,與 官,則云「職業有守」。 其月時候,如「孟春猶寒」之類。 尊體起居萬福」。 國 同 休。 某 未獲趨拜 即 正旦 日 同。 蒙 伏惟 月朔及 恩,事役 門庭。 非時起居,則 某位膺時納 伏乞 所縻,有 굸

上爲 懇禱之至。 陳賀」爲「參候」。 廟朝,善保 謹奉狀陳賀。 崇重。 月朔及非時起居,則改 下誠不任 詹 依

不宣。 日。 具位姓 謹狀 某 狀上

月

某位。 師,則云「門生上某位先生」。 世契,亦不敢叙。 座前,或云「執事」。 他人父執,則云「從表姪上某位幾丈」, 執政則云「台座」,執政雖有 非平交,不可稱其字。 後手

封皮謹 謹上 某 位。 座前, 或台座,皆如狀中。 具

謹空。

啓准此。

謹空。

位姓 某 狀封。

上 一稍尊時候啓狀平交,改「卑情不任勤禱之

至」爲「用慰勤懷」,「閣下」爲「足下」,無「謹 空」,自餘同

弗宜。 某啓。 蒙 時起居,改「陳賀」爲「參候」。不宣。 養,卑情不任勤禱之至。 免,未由 月朔及非時起居,則云「尊 時候如前。 覲展。 伏惟 伏冀 某位 謹奉狀陳 體萬福 膺 謹狀。 順時善加 時 納 祐 某即 賀。 罄 保 Ħ 無 非

月 日。 粗銜姓 某 狀上

某位。 有契素,則 閣下,或云「侍史」,或云「左右」,或云「足下」。 굸 「從表弟上某位幾兄」。 後稍 尊手啓准 此 若

封。

封皮狀上

某 位。

閣下。

粗

銜姓

某

謹

五.

與 稍卑 時 候啓狀極卑,止有手簡及委曲, 無

某位

座

前

執政

則

云台

座

月 日。

謹

空。

台座,如啓中。

某

弗宜。 某啓。 幸如宜 一,未由 月朔及非時起居,則 時候如前。 展奉。 恭惟 惟冀 云「動止 某位 | 膺時納 順時善加 萬福」。 佑, 某 即 罄 保 日 無

愛,用慰遠懷。 謹奉狀。不宣。 謹狀。

月 耳。 若有事素,則云「從表 粗

銜 姓 某 狀 上

某位。 若有事素,則云「幾弟」。

封皮狀上 某位。 粗銜姓 某 謹封。

上尊 官手啓書中 小 簡 亦同, 但 紙 尾 有 日 無

月,去「謹奉啓」及「謹空」字

某惶 具、宣、悉 恐 頓首 ,據理亦同 再拜。 ,但世俗有此分别,今須從衆。 述事云云。 謹 奉 · 啓 「, 不 備 某

惶恐頓首再拜

啓封。 封皮謹 謹 上 某 位 座 前。

别 簡

某啓。 再拜。 或云「再啓」,或云「又啓」。 述事云云。 某頓首

上稍尊手路書中小簡及别簡,如大官

拜 某再 拜。 述事云云。 謹奉啓。

某位。 閣下,或云「侍史」,或云「左右」。 若其人知州、

府,則云「鈐下」。 月日。

封皮啓上 某 位。 閣下等, 如 啓 中。 某 謹

封。

與平

交手

簡

書中小簡同别簡,直述事,末云

「頓首

某啓。 述事云云。 不宣。 某頓首

六

不宣

某

再

某位。足下,或云「左右」。 日。

封皮手啓上或止云「啓上」。 某位。 某

謹

封。

與稍卑手簡書中小簡同。凡書啓,若不能

如儀,寧於平交用稱尊,不可用稍卑

某啓。 述事云云。不宣。 某咨白

某位。 日。

封皮簡呈 某位。 某 謹封。

謁大官大狀

具位姓 某。

右某謹詣 門屏,祗候 起居參、謝、賀、辭、

別之,日「攀違」。某位。伏聽處分。謹狀。舊 違,隨事。 己欲他適,往辭人,曰「辭」,,人欲他適,己往

亦云「牒件狀如前,謹牒狀」,末姓名下又云「牒」。 元豐

改式,士大夫亦改之。

年月 日。 具位姓 某 狀。

謁諸官平狀

具位姓 某。

複重,今不取。 右某祗候世俗皆云「謹祗候」。 起居謝、賀、辭、違,隨事。 按: 謹,即祗也,語 按::「祗候

涉

人」。❶ 今從衆。 某位。謹狀。 某人起居」乃語、自唐末以來、皆以

云「祗

候起

居其

月

日。

具位姓

某

狀。

平 交 手 刺大約如此,時改臨時

專謁 生未曾往還者也。若已相識,則去爵里, 某爵無爵者,言官。某里姓某無官者,止稱鄉里,此平 見謝、賀、辭、別,隨事。 往還熟,則去姓

某位。 月日。 謹刺。

名

紙

取紙半幅,左卷令緊實,以線近上横繫之,題

·其」、宋本、學津本同" 四庫本作「某」,當是。

七

其陽面,凡名紙,吉儀左卷,題於左掩之端,爲陽面,凶

儀右卷,題於右掩之端,爲陰面。 |云「鄉]貢」、「進

士」、「姓名」。

家書

上祖父母父母上外祖父母,改「孫」爲「外

孫」,著姓,餘同

起居萬福。迷先時往來書云云。某在此與新婦某啓。孟春猶寒,時候隨月。伏惟、某親尊體

奉某親康寧,外」字。 乞不賜遠念。凡此皆平安之儀。以下各循常,若有尊長在此,則於「與新婦」字上添「侍

若有不安者,即不用此語。後准此。下述事云云。未由

至。謹奉狀。不備。孫子男則稱男,女則稱女。省侍,伏乞倍加調護。下誠不任瞻戀之

婢尊其主如父母,故亦謂之阿郎、孃子,以其主之宗族多、

故更以行第加之。今人與妻之父母書,稱其妻爲「幾娘

某再拜上

子」,殊亂尊卑。

名不正則言不順,士君子宜有以易之。

某親。几前

封皮謹謹上 某親。几前。

孫男、女同。

某

狀封。

相半,故「平安」字不可闕,使見之則喜。後家書重封准此。相半,故「平安」字不可闕,使見之則喜。後家書重封准此。重封。平安家書附上某州某縣姓某官。凡人得家書,喜懼

孫男、女同。 粗銜某謹重封。

上内外尊屬謂伯叔祖父母、伯叔父母、姑

舅、妗母、姨夫、姨母、妻之父母

爲「孃子」,故劉岳《書儀》「上父母書」稱阿郎、孃子,其後奴婦以下」爲「家中骨肉」。古人謂父爲「阿郎」,謂母母書,不稱新婦,稱封邑,無封邑,則改「新區前」。姪、甥、壻,隨所當稱。惟與妻之父下壓前」。姪、甥、壻,隨所當稱。惟與妻之父下越居」爲「銀上」,「省侍」爲「觀省」,「調改「起居」爲「動止」,「省侍」爲「觀省」,「調

ハ

上内外長屬謂兄姊、表兄姊及姊夫,妹與嫂

亦同

遠念」爲「幸不念及」,「省侍」爲「參省」,「伏 改 封皮啓上 前」爲「左右」,「狀」爲「啓」,餘如上父母書。 姓, 姑之子,稱外弟,書姓」,今人亦通稱表弟也。 妹,隨所當稱。 戀之至」爲「卑情不勝依戀」。弟妹、内外弟 乞倍加調護」爲「爲 「尊體起居萬福」爲「動 某親。 劉岳《書儀》云「舅之子,稱内弟,不書 國保燮」,「下誠不任瞻 弟 某 止康和」,「乞不 謹 封。 几 賜

與妻書

不悉。裴《儀》作「不具」。今從弟妹法。某書達某邑履清勝。或云「常勝」。某此粗遣免。述事云云。某路。

司馬氏書儀卷第

無封邑,宜稱其字。月日。封。裴《儀》云「某狀通幾娘子足下」,於理亦似未安。

若

曹,附至本宅」。 某選封。 重封云「平安家封皮書達 某邑封。 某選封。 重封云「平安家

與内外卑屬調弟妹、表弟妹

幾弟。 云云。不悉。兄報某親。 尊幼或云「長幼」,隨事。 妹則云「幾妹」。 休 春 寒, 宜。 寒暄 兄 隨 此 時。 粗 常。 想 與諸 述事

月 日

姓押重封。表弟云「謹重封」。 粗銜「幾弟處」,表,則云「書附至某州某縣幾某官處」,無官封,則云妹,云「平安家書附至某州某縣幾某官處」,無官封,則云妹,云「平安家書附至某州某縣幾某官處」,無官封,則云封皮書寄幾弟。親弟妹不空,表弟妹空。 兄手書。封皮書寄幾弟。親弟妹不空,表弟妹空。 兄手書。

與幼 屬書謂兄弟之子孫

告幾某官。春寒,寒暄隨時。想汝與諸尊幼或

九

兒及孫、姪等書,其末皆云「及此不多」。 封皮書付幾某官。 更改從俗。 云「長幼」, 如常。 隨事。 告幾某官。省。 述事云云。 吉健。 不具。 翁餘親准此。 翁或伯,或叔。 翁餘親准此。 月日。 今以與詔語相涉, 此與骨肉 封重封如卑 裴《儀》與

與子孫書

屬。

與外甥女壻書封皮、重封,與表弟妹同

者,云「與幾姐及外孫如宜」。某此粗常。述事云云。某咨。春寒,寒暄隨時。想與尊幼如宜。與女壻

不悉。某咨。 姓甥某官。肾云「某郎

0

月 日。

婦人與夫書婦人與諸親書,皆與男子同。 鴻相推敬之道也 而已。 「老婦」,於己家尊長稱「兒」,於卑 子孫之婦,稱「吾」,於夫家尊長稱「新 之。古者婦人謂夫曰「君」,自稱曰「妾」。今 氏」、「娣某氏」。與子孫書,云「告幾新婦」, 舅姑書,如父母,但改「新婦以下」,稱其夫官 氏」,於卑幼稱「婆」,稱「伯母」、「叔母」,或稱 夫與妻書稱名,妻與夫書稱「妾」,乃冀缺、梁 如與子孫書。其與尊長者,雖有封邑,不敢稱 書,亦當稱「新婦」。今人皆稱「兒」,非也。 ·姑」,稱「姊」。於外人不當通書,若不得已通 與妯娌書,如長屬,其末自稱「姒某 -幼,稱 婦 於

不安,則不云「蒙兔」。子孫有不安者,則不云「諸幼無恙」。妾即此蒙 免,諸幼無恙。此平安之儀也。若己妾啓。春寒,寒暄隨時。動止康和。或云「康勝」。

此下述事云云。不宣。妾上 某官。侍者無官,則

稱「良人」。月日。

封皮狀上 某官。

邑封某

氏。 妾

謹

封。

與僕隸委曲僕隸上郎主,當依公狀式

姓名。僕隸姓名也。述事云云。不具。委曲付姓

名。

封皮委曲付姓名。 押

封。

司馬氏書儀卷第一

後學汪郊校訂

司 馬氏書儀卷第二

儀

冠

冠

티 之「上頭」,城郭則莫之行矣,此謂「禮失求諸野」者也。 近 與?」冠禮之廢久矣。吾少時聞村野之人尚有行之者,謂 之禮焉也。責成人之禮焉者,將責爲人子、爲人弟、爲人 道故也。吉禮雖稱二十而冠,然魯襄公年十二,晉悼公 行,豈知之哉! 之製公服而弄之,過十歲猶總角者蓋鮮矣。 世以來,人情尤爲輕薄,生子猶飲乳已加巾帽,有官者或爲 臣、爲人少者之行也。❷ 將責四者之行於人,其禮可不重 「冠者,禮之始也。是故古之道也,成人之道者,將責成人 「君可以冠矣。」今以世俗之弊不可猝變,故且狥俗,自 男子年十二至二十,皆可冠。《冠義》曰: 往往自幼至長,愚騃如一,由不知成人之 彼責以四者之

> 所服最盛者。後婚、祭儀盛服皆准此。 官者具公服靴笏,無官者具幞頭、鞾襴或衫帶,各取其平日 父及諸父、諸兄。凡男子之爲家長者,皆可也。 恐於今難行。其禮,主人盛服,主人謂冠者之祖父、 然則大功之初亦不可冠也。《曾子問》有「因喪服而冠」者 至,則廢。《雜記》曰:「大功之末,可以冠子,可以嫁子。」 皆嘉禮也。《曾子問》:「冠者至,聞齊而不醴。 已上,能通《孝經》、《論語》,粗知禮義之方,然後冠之,斯具 十二至二十皆許其冠。若敦厚好古之君子,俟其子年十五 必父母無期已上喪,始可行之。冠、婚 親 臨,筮日於 凡盛服,有 如冠者未

兩錢,擲於盤,以一仰一俯爲吉,皆仰爲平,皆俯爲凶。後 之術者,止用环珓亦可也。❸ ト, 揲蓍 曰筮。 影堂門外,西向。 夫卜筮在誠敬,不在蓍龜。 古者,大事必決於卜筮。 其制,取大竹根判之,或止用 或不能 能曉卜筮 灼龜

0

日

⁰ 録調整並補加。 .冠儀」,底本誤作三級標題,「冠」,底本原無,今據目

[「]少」,宋本作「父」。

[·]环」,宋本作「坏」,四庫本、學津本皆作「杯」,當是。

則更筮他日。凡將筮日,先謀得暇可行禮者數日,然 後婚、喪、祭儀中,凡言東西南北者,皆准此。 賓」,不用卜。 婚、 室,不能一一如此,但以前爲南,後爲北,左爲東,右爲西。 喪、祭儀卜筮准此。 此云「西向」,據影堂門南向者言之。 《開元禮 》自親王以下皆筮,曰「筮 若不吉, 私家堂

後筮取其吉者用之。

名也。 寶,則曰擇其可者而已。 朋友賢而有禮者爲之,亦擇數賓,取吉者。或不及筮日、筮 之也。」賓對曰:「某賓名。 子某,子名。 者以次達之,賓答亦然。 能記其辭,則爲如儀中之辭,後云「某上」,一辭爲一紙。 自 主人日 曰「敢辭」,再辭而許,曰「固辭」,三辭曰「終辭」,不許 事,以病吾子。 一戒賓、宿賓,今欲從簡,但遣子弟若童僕致命。 或使者不 使者不欲斥主人名,即稱官位,或云「某親」。 前期三日,筮賓,如求日之儀。凡賓,當擇 「某願吾子之終教之也。」賓對 將 加冠於其 敢辭。」病猶辱也。 後致辭皆倣此。 乃遣人戒賓。《士冠禮》主人 首,●願吾子之教 不敏,恐不 禮辭,一辭而 曰:「某主人 能 曰 也 許 供 有 使

> 傳。 祭儀皆准此,惟納采必用書。 吾子重有命,某敢不從。」凡賓主之辭,或不以 慮有誤忘,則宜書於笏記; 無笏者爲掌記。 後婚、喪

書

省之。 擇子弟親戚習禮者一人爲之。 某之首,吾子將蒞之。 敢不夙興?」古文,宿費冠者一人,今從簡,但令賓自 前一日,又遣人宿賓,曰:「某將加冠於 敢宿賓。」對曰:「某 前夕又有請期、告期、今皆

事皆行之於廟,故冠亦在廟。 執事者、謂家之子弟、親戚或僕妾、凡預於行禮者皆是也 隘,難以行禮,但冠於外廳,笄在中堂可也。 後稱執事者准此。 東南,有臺,帨 設洗,直於東榮,南北以堂深,水在洗東。」今私家無疊洗 其日,夙興,賓、主人、執事者皆 執事者設盥盆於廳事 巾 在 盆 今人既少家廟,其影堂亦編 北,有架。 古禮,謹嚴之 《士冠禮》: 作階下 盛 服

0

[「]其」下空格,宋本同,四庫本作「子」字,無空格。 本既無空格,亦無「子」字。 學津

則暫以 言之。 兩階 **笏**,無官,則襴衫、靴。 故 但 用 , 則 帟幕截其北爲室,其東北爲房。 盥 陳服於房中 分其中央以 帨 市而 東者爲阼階 己。 西 次旋瀾 盥 牖下,東領北上,公服 濯手 ,西者爲賓階 也。 衫,次四 帨,手巾 此皆據廳堂南向者 褑 也。 無 衫,若無 室 廳 無 事 靴 房 無

四 移,衣架也。 幧頭,掠頭也。 褛,止用 一衫。 靴置椸下,笏、腰帶、篦、櫛、總、幧 席二,在南。公服衫設於椸,椸章 腰帶、櫛、篦、總、 幧 頭、總,頭 箒

向

事者三人執之,立於堂下西階之西,南向 100 頭 置 幞頭、帽、巾各承 卓子上。 酒壺在服 以盤 北次,蓋注亦置卓子 , 蒙 以帕,主人執 . '; 東

向。 預於冠禮者,皆謂男子也,尊卑共爲 上,賓升則東向。主人立於阼階下少東,西 子弟親戚立於盥盆東,西向,北上。 列。 若有僮 僕 預 親 於 戚

擯 執事,則立於親戚之後。 外 ,以俟賓。 將冠者雙紒, 主人於子弟親 拜立行列皆倣此。 童子紒似刀鐶,今俗所謂 戚 心中擇 習禮者一人爲 擯 者 「吴雙 立 於

> 紒 屐,幼時多躡采屐,將冠可以素屐。 也。 袍,今俗所謂「襖子」是也, 夏單冬複。 在房中 南 勒 向 帛 素

向; 賓· 入 門。 之禮也、衆子則布席於房户之西、南向 而升。 **贊者盥手,由賓階升,立於房中,西向。** 揖賓,乃先入門。 取席於房,布之於主人之北, 少退,擯者以 再 拜,賓答拜。 賓至,贊者從之,立於門外,東向。 田賓 主人 賓主分庭 階 由 告主人。 繼 阼 階 升,立於階 圃 賓並行,少退。 主人與贊者相 行,揖 先升,立於階上少東 主人迎賓,出門左,西 讓而至 上少 西 向。 揖不 階,又揖 /西,東 **贊從賓** 此適長子 ·拜,又 擯者 攢 了; 西 向 者 讓 後

席西,東向。 席 南 端。 將冠者出房,立於席北, 衆子置於席東端。 賓之贊者取 櫛、總、篦 興,席北 南 向。 幧 少東,西向 頭 衆子立於 了, 置 於

⁰ 「一」,似擠入,宋本無,諸本皆有。

西恩、口桑頁。 至圣,三、下圣,五、三、吉、者即席,西向坐,衆子南向坐。爲之櫛、合紒、立。衆子則席東少北,南向立。 賓揖將冠者,將冠

帛。 成德。 施 房南 ф 今則無數,但三分其階,升降每分一 執巾者升一等授賓。古者階必三等,於中等相授。 **阼階,賓升自西階,皆復位。** 下,賓禮 興 曰:「令月吉日,始加 正 , 賓揖之, 適房, 服四 總 容,徐詣將 面者,一 腰帶,出房,南向良久。《士冠禮》注曰:「復出 興,復位。 加 壽考維祺,介爾景福。」乃跪,爲之著 解。 幧 加禮成,觀衆以容禮。」 頭 賓盥手畢,主人一揖 冠者 贊者爲之取 賓降,主人亦降,立於 席 元服。 前,東 一揆衫、無四揆衫, 止用衫勒 等可 賓降西階 向,衆子 弃爾幼 篦 也。 掠 一讓,升自 髪。 賓執 志 北 向。 -, 順 一 等, 冠者 作階 ф**,** 爾 祝

儀,淑慎爾德。眉壽萬年,永受胡福。」加之,帽進,祝曰:「吉月令辰,乃申爾服。謹爾威福進,祝曰:「吉月令辰,乃申爾服。謹爾威寶揖之,即席跪。賓盥如初,降二等,受

帶。正容出房,南向良久。復位如初。興,賓揖之,適房,服旋襴衫、

腰

爾服。 容,出房立,南向 冠者興,賓揖之,適房,改服公服若鞾襴。正 天之慶。」

營者徹帽,

●賓加幞頭,

復 幞頭進,祝曰: 賓揖之,即席坐。 賓盥 兄弟具在 以以 ,以成厥德。 歲之正,以 |如初,降三等,受 黄耆 月之令,咸 位 無 疆 如 一,受 初。 加

南向。 席。 之南,西向。 擯者取席,布於堂中間 旨酒 贊者取盞,斟酒於房中,出房立於冠者 主人執事者受帽,徹櫛、篦、席,入於房。 既清,嘉薦令芳。 賓受蓋於贊者, 詣 賓揖冠者就席,冠者立於席西 少 拜受祭之,以定爾 席 一西,南 前 ¨; 北 向。 和向,祝 衆子仍故 曰

●「贊者」,四庫本同。宋本無「贊」,「者」爲大字。學津

席西,升席,南向受盞。賓復位,東向答拜。一、「甘醴惟厚」爲「旨酒既清」耳,所以從簡。冠者再拜於門豐則一獻,酒則三醮。今私家無醴,以酒代之,但改醴解祥。承天之休,壽考不忘。」古者冠用醴,或用酒,

兄弟,兄弟拜之:成人而與爲禮也。今則難行,但於拜時於母。母受之。《冠義》曰:「見於母,母拜之,見於南向,再拜。寶東向,答拜。冠者入家,拜見酒。啐,子對切,少飲酒也。興,降席,授贊者盞,酒。啐,子對切,少飲酒也。興,降席,授贊者盞,

母爲之起立可也。下見諸父及兄倣此。

曰:「某雖不敏,敢不夙夜祗奉?」之。曰伯某甫。」仲、叔、季,惟所當。冠者對嘉,髦士攸宜。宜之於嘏,嘏,古雅切。永受保富,髦士攸宜。宜之於嘏,爾白。賓字之,曰:「禮儀既備,令月吉日,昭告爾字。爰字孔曰:「其雖不敏,東向。主人降階,西向。冠者

也。」今慮貧家不能辦,故務從簡易。 主人送於外門外,再拜。 之,尊之飲酒之禮。 賢者爲賓,其次爲介。」又曰:「賓出 與,贊冠者爲介。」注:「贊者,衆賓也。 意也。東帛,十端也。 束帛、儷皮。」注:「飲賓客而從之以財貨曰酬,所以申暢厚 獻者。獻酢酬賓,主人各兩爵而禮成。」又曰:「主人酬賓, 賓,以一獻之禮」,注:「一獻者,主人獻賓而已,即燕無亞 实貧,相禮者亦不當受也。 仍拜謝之。《士冠禮》「乃禮 君子使人必報之,至於婚、喪相禮者,當有以酬之。 主人酬賓及贊者以幣,端、匹、丈、尺,臨時隨意。 設酒饌,延賓及擯、贊如常儀。 儷皮,兩鹿皮也。」又曰:「贊者 歸賓俎。」注:「使人歸諸賓 介賓之輔,以贊 酒罷 賓退, 若主人 凡

見諸母、姑、姊,諸母、姑、姊皆爲之起。母、姑、姊,做此。西向拜贊者。贊者答拜。人兄,諸父爲一列,諸兄爲一列,每列再拜而已。下見諸兄,諸父爲之請退也,冠者東向,拜見諸父、諸於賓之請退也,冠者東向,拜見諸父、諸

友,冠者拜,先生、執友皆答拜。若有誨之遂出,見於鄉先生鄉里耆德。及父之執

賓請退,主人請禮賓,賓禮辭,許,乃入

者,則對如對賓之辭,且拜之。 先生、執友不

答拜。

笄

亦用家之婦女、婢妾。戒賓、宿賓之辭,改者,贊,亦賓自擇婦女爲之。行之於中堂,執事者凡婦女之爲家長者,皆可也。女賓,亦擇親戚之賢而有禮婦、女賓執其禮,主婦,謂笄者之祖母、母及諸母、嫂。女子許嫁,笄。年十五,雖未許嫁亦笄。主

禮。

席。 蒙以 椸。 「吾子」爲「某親」,或「邑封」。婦人於婦黨之尊長 加巾祝。 惟父及諸母、諸姑、兄、姊而已。 笄祝,用冠者始 揖,笄者適房,改服背子。 賓於中門内,布席於房外,南面。如庶子之冠 中門内。將笄者雙紒襦,襦,今之緩子。 人執之。陪位者及擯,亦止於婦女内擇之。 當稱「兒」,卑幼當稱「姑」、「姊」之類,於夫黨之尊長當稱 幧頭,有諸首飾。謂釵、梳之類。 「新婦」,卑幼當稱「老婦」。 賓祝而加冠及笄,贊者爲之施首飾。 '帕',笄如今朵子之類,所以綴冠者。 櫛、總、首飾,置卓子上。 冠笄盛以盤 字辭去「髦士攸宜」一句。 陳服止用背子,無篦 既笄,所拜見者, 餘皆如男子冠 席一,背設於 執 主婦 擯立於 事 者 賓 迎

七

八

堂室房户圖人家堂室房户不能一一如此,當

以帷幕夾截爲之

前爲南

左爲東

深衣制度名曰深衣者,古之男子衣裳上下

各異,惟深衣相連

升數,衣布者亦不復練,但用布之細密耎熟者可也。 短濯謂打洗灰治,以灰治之,使和熟也。今人織布不復知有濯灰治。八十縷爲升,十五升者以一千二百縷爲經也。鍛深衣之制,用細布,古者深衣用十五升布,鍛

無見膚,長無被土,續衽鈎

邊。

鄭 曰 :

「續猶屬

《釋名》曰:「婦人上曰袿,其下垂者,上廣下狹,如刀圭

也。」然則别有鈎邊,不在裳十二幅之數,亦斜割使

端闊

後。 裾。 衽也。 前三幅,後四幅,各自爲之,不相連也。 幅,皆寬頭在下,狹頭在上,似小要之衽,是前後左右皆有 服有曲裾而在旁者,此是也。 復言也。」案:《漢書》江充衣「紗縠禪衣,曲裾後垂交輸」, 今朝服之曲裾也。 「象鼻必卷,長鳥喙必鈎」,鄭據此讀之也。云 「若今曲 不殊裳前後也』。云『鈎讀如鳥喙必鈎』者,案《援神契》云 連之相着,一旁則有曲裾掩之,與相連無異,故云「屬連之 餘衽悉當旁也。云『屬連之不殊裳前後也』,若其喪服裳 裳,以下闊上狹,謂之爲衽。 喙必鈎」之「鈎」,鈎邊若今曲裾也。」孔曰:「衽,謂深衣之 也。 如淳曰:「交輸,割正幅,使一頭狹若燕尾,垂之兩旁,見於 也1者,鄭以後漢之時,裳有曲裾,故以續衽鈎邊似漢時 「交輸,如今新婦袍上袿全幅繒角割,名曰交輸裁也。」 是《禮・深衣》「續衽鈎邊」,賈逵謂之「衣圭」。」蘇 今時朱衣朝服,後漢明帝所爲,則鄭云『今曲裾』者,是 衽,在裳旁者也,屬連之,不殊裳前後 今云『衽當旁』者,謂所續之衽當身之一旁,非所謂 其深衣之衽,已於《玉藻》釋之,故今不 接此衽而鈎其旁邊,即今之朝 衽當旁者,凡深衣之裳十二 今深衣裳,一旁則 也。 鈎 讀 如『鳥 曲

衣,屈而至肘,當臂中爲節,臂上下各尺二寸,則袂肘

以前

0

尺八寸,四幅合七尺二寸。此尺寸皆據中人言之,人有長 二寸。假取布一幅,二尺二寸,則每幅除裁縫各二寸外,有 之,周尺一尺,當今省尺五寸五分弱。 袿音圭。 曲 縫 以膚上要齊肘爲准也。 短肥瘦,臨時取稱,故縫紩於袪,袷純之外皆不言尺寸,但 臂之處」,失其義 畔之廣倍於要中之廣也。」案: 縫者以箴紩衣,今俗所謂 尺四寸。」孔曰: 衿下垂,與裳接者袪尺二寸,圍之爲二尺四寸,三之爲七尺 尺二寸,是云運肘也。」❶案:鄭云「袼當掖縫」,而孔云「當 以運肘,鄭以肘不能出人,袼,衣袂當掖之縫也。 「袼謂當臂之處。 「袝袩」是也。袝,七遥反。 端狹,以闊者在上,狹者在下,交映垂之,如燕尾。 裁其旁邊、綴於裳之右旁,以 齊倍要。 袂之長短,反詘之,及肘。 袪尺二寸,袪,袖口也。 鄭曰:「縫,鉄也。 「齊謂裳之下畔,要謂裳之上畔。 也。 袂中高下宜稍寬大,可以運動其肘,袂二 蓋爲掖下稍寬,容肘出 袷音刼。 袩,奴叶反。 掩不相連之處。 紩下齊倍要,中齊丈四 純,之允反。齊音咨。 凡尺寸皆當用周尺度 衣要三祛,謂 鄭曰:「袂屬幅於 袼之高下,可 人耳。 禪音丹。 言縫下 孔曰: 裕音 有鈎 衣

> 解裁縫。《深衣》曰:「制十有二幅,以應十二月。」鄭 與手齊,則反屈及肩,自然及肘矣。 長、布幅闊狹皆無常准,故但云「屈之及肘」,謂袖之短長適 況從肩至袂口三尺二寸半,則反屈之過肘矣。 幅於衣」,謂裨於身旁,未必皆盡一幅二尺二寸也。 尺一寸,是衣幅之畔覆臂將盡,今屬於衿又二尺一寸半,故 衣幅,衣幅闊二尺二寸,身脊至肩但尺一寸也,從肩覆臂又 手二尺四寸,今二尺二寸半之袂得反屈及肘者,以袂屬於 半,除去其縫之所殺各一寸,餘有二尺一寸半在。 尺二寸。」孔曰:「袂長二尺二寸,并緣寸半,爲二尺三寸 上下各尺二寸」者,亦據中人爲率爾,如孔所言,拘泥太甚: 反屈其袂,得及於肘也。」按: 袂即今之所謂袖也,鄭云 [屬 裳有十二幅,交 經以臂短 從肩 至

二寸是也。其人肥大,則幅隨而闊,瘦細則幅隨而狹,要須幅二尺二寸,除裁縫外有一尺八寸,則狹處六寸,闊處一尺交解邪裁,顛倒縫之,使狹處皆在上,闊處皆在下。假使布大二幅也。」此謂二分其幅,狹處占狹處,闊處占闊處,占二日:「裳六幅,分之爲上下之殺。」孔曰:「每幅交解爲二,是

「云」,宋本作「容」。按"《深衣》孔疏原文正作「容」。

咽,故云「如今小兒衣領」,但方折之也。」如孔所言,似三代 孔曰:「鄭以漢時領皆向下交垂,故云「古者方領」,似今擁 以應方。」鄭曰:「祫,交領也。 令其勢圓如牛胡也。 者給之遺像歟? 音義》曰"「頸下施衿,領正方,學者之服也。」如此,似於頸 見,而《後漢・馬援傳》朱勃「衣方領,能矩步」,注引《前 《周禮》:「枚,狀如箸,横銜之,繣絜於項。」顔師古注《漢 出 以前人,反如今時服上領衣,但方裁之耳。案:上領衣出 下也。」案:牛領下垂者謂之胡,胡下,謂從袖口至掖下,裁 與鄭説頗相符,然事當闕疑,未敢決從也。 白羅爲之、方二寸許、綴於圓領之上,以帶於項後結之,或 下别施一衿,映所交領,使之方正。今朝服有方心曲領,以 則古亦有結紐也。 領也。」《春秋傳》叔向曰:「衣有襘。」杜曰:「襘,領會也,二 朝服,須用結紐乃可服,不知古人果如此不也? Ě 幅 「繣者,結礙也。 下倍於上,不必拘以 「服方領、習矩步者,委它乎其中。」●注:「方領,直 又今小兒疊方幅繫於頷下,謂之涎衣,亦 繣音獲,潔音頡。 交領方。《深衣》曰:「曲袷如矩 潔,繞也。 尺寸。 古者方領,如今小兒衣領。」 蓋爲結紐 袂微 漢時小兒衣領既不可 圓 而繞項也。」然 《後漢 鄭 百 • 儒 鄭注 謂 書 胡

> 簡易,故以如此論之。 則領之交會處自方,即謂給,疑更無他物。今且從之,以就外反。」《曲禮》曰:「視不上於給。」鄭曰:「給,交領也。」然

四 寸。 母,衣純以青,三十以下無父者,純以素。 也。。緣用黑繒,古者具父母、大父母,衣純以績, 音根。又曰:「齊如權衡以應平。」鄭曰:「齊,緝 背縫及裳之背縫,上下相當,如繩之正,故曰負繩,非謂 《三禮圖》玄冠頗相髣髴,故取之。 裳之下,表裹共用三寸。袷廣二寸。 用黑繒,以從簡易。 負繩也。」案:衣之背縫謂之裻,裻音篤。踝,胡瓦反。 曰:「繩,謂裻與後幅相當之縫也。 而漆之。道士所著,本中國之士服不變改者。 《深衣》又曰:「負繩 玄冠。❷ 玄冠亦名委貌,如 緣廣寸半。謂緣袖口及衣裳之邊 及踝 踝,跟也。」孔曰:「衣之 幅 巾 謂緣領表裏共用 以 繢,繣文也。 用 今道 應直。」鄭 深網。 其冠與 士冠 具 方 今 父 跟 實

「它」,宋本作「地」,《後漢書》作「它」。

避趙氏先祖趙玄朗之諱。以下逕改,不另出校。「玄」,原作「元」,乃避清聖祖之諱。宋本缺末筆,則是

9 0

之垂者。古者,天子、諸侯帶終裨,大夫裨垂,士下裨,裨謂 白繒,古者天子素帶朱裹,諸侯及大夫素帶,士練帶,居 幅,裂緝其邊。後漢名士多以幅巾爲雅。大帶用 舄履用五色,近世惟有赤、黑二舄,赤貴而黑賤。 今用黑履 處,但今之五采絛也,以組約結其紐,所期以爲固也。垂其 紐約用組,廣三寸,長與紳齊。 分大夫士,與其僭上,寧爲偪下,故但以黑繒飾其紳之側。 以繒采飾其側。人君終竟帶身,在要及垂,皆裨以朱緑, 從簡易。 也。」今不能辨此二者之異,於今的爲何物,故但用白繒,乃 冬皮屨。今無以葛爲屨者,故從衆。 白緣,亦從其下者。 餘組,齊於紳。 大夫裨其紐及末以玄黄,士裨其末以緇而已。 今既無以 士錦帶,弟子縞帶。案:《説文》:「素,白緻繒也。 廣四寸,被縫之,黑繒飾其紳。 黑履白緣複下曰爲,禪下曰履。《周禮》 夏用繒,冬用皮。 紐,謂帶交結之 古者夏葛屨 紳謂帶 編,繒

司馬氏書儀卷第二

後學汪郊校訂

司馬氏書儀卷第三

婚儀上

可以嫁子」,然則大功未葬,亦不可以主婚也。今依律文,可以嫁子」,然則大功未葬,亦不可以主婚也。今依律文,大之娶,未必皆三十也。禮蓋言其極至者,謂男不過三十人之娶,未必皆三十也。禮蓋言其極至者,謂男不過三十,人之娶,未必皆三十也。禮蓋言其極至者,謂男不過三十,人之娶,未必皆三十也。禮蓋言其極至者,謂男不過三十,之説,當矣。身及主婚者無期以上喪,皆可成之説,當矣。身及主婚者無期以上喪,皆可成之説,當矣。身及主婚者無期以上喪,皆可成之說,當矣。身及主婚者無期以上喪,皆可成。《士昏禮》請期之辭「惟是三族之不虞」,●三族謂父、古今之道,酌禮令之中,順天地之理,合人情之宜,則若此之說,當矣。身及主婚者無期以上喪,皆可成不可以嫁子」,然則大功未葬,亦不可以主婚也。今依律文,可以嫁子」,然則大功未葬,亦不可以主婚也。今依律文,可以嫁子」,然則大功未葬,亦不可以主婚也。今依律文,可以嫁子」,然則大功未葬,亦不可以主婚也。今依律文,可以嫁子」,然則大功未葬,亦不可以主婚也。今依律文,也以以皆言,以以以言言,以以言言,以以言言,以以言言。

荷慕一時之富貴而娶之,彼挾其富貴,鮮有不輕其夫而 戮也。擇壻之道,莫善於是矣。 先祖太尉嘗曰:「吾之男女,必俟既長,然後議婚,婚既通 相仍,或從宦遠方,遂至弃信負約、速獄致訟者多矣。是以 及其既長,或不肖無賴,或身有惡疾,或家貧凍餒,或 又世俗好於襁褓童幼之時,輕許爲婚,亦有指腹爲婚者 財以致富,依婦勢以取貴,苟有丈夫之志氣者能無愧乎? 其舅姑,養成驕妬之性,異日爲患,庸有極乎? 過人者,故邦有道不廢也;寡言而慎事,故邦無道免於刑 不廢,邦無道,免於刑戮。以其兄之子妻之」,彼行能必 肖,今雖富盛,安知異時不貧賤乎? 凡議婚姻,當先察其壻與婦之性行及家法何如,勿苟慕其 富貴。壻苟賢矣,今雖貧賤,安知異時不富貴乎? 之,然後遣使者納采。❷ 以從簡易。 必先使媒氏往來通言,俟女氏許 婦者,家之所由盛衰 使者,擇家之子弟爲之。 孔子謂南容「邦有道 借使因婦 苟爲不 《喪服 也

「士昏禮」,宋本作「婚禮」。

後做此,不另出校。作「綵」,或作「采」,歧出互見,不相統一。今行逕改作「綵」,原作「綵」,宋本同,據諸本改。按"此與宋本忠

書,不數月必成婚。」故終身無此悔,乃子孫所當法也。

納 采納其采擇之禮

名。 脯 撤 家之子弟爲之,後准此。 北 H 某氏。」如壻父之儀 皆先告於祖禰也。 鄭,曰:「圍布几筵,告於莊、共之廟而來。」然則古之婚姻 袓 告廟之文,而六禮皆行之於禰廟。《春秋傳》鄭忽先配而後 家主人亦告於祖 左進,東向,搢笏出辭,跪讀之,曰:「某壻父 男家長爲之。 ,陳鍼子曰:「是不爲夫婦,誣其祖矣。」 楚公子圍娶於 向立,焚香酹酒 醢者,止用食一二味可也。 先告於影堂。 ,闔影堂門,乃命使者如女氏。《士昏禮》無先 之子某壻名。 前 日 ,主人謂壻之祖父若父也。 女家主人准此。 夫婚姻,家之大事,其義不可不告。 敢告。」祝興,主人再拜出 禰 ,俛伏興立。 辭,爲寫祝文於紙。 曰:「某之女某,將嫁於 以香、酒、脯、醢 祝懷辭,祝,以 如無,則 由主人之 主人 以 女 即

其日,日出,婚禮自請期以上,皆用昕,日出時

紙

後,繁年月日、婚主官位、姓名止,賓主各懷之。 既授鴈

就兩 所當。 而已。 也。 授執 北 某壻父名。 升堂。主人立阼階上,西向。 采。」主人對曰:「某女父名。 北,東向。《士昏禮》「賓升西 者入告,女家主人盛服出迎,揖讓入門,揖 續,謂以生色繒交絡縛之。 者,取其順陰陽往來之義。 不答拜。 辭。」《儀禮》先使擯往來傳命,別有致命之辭。今從簡 ·阿·棟也。入堂深,示親親。」今之室堂必不合禮,故 向再拜,此敬壻父之命,非 使者盛服 事者。 楹 **惷愚**,又弗能教,吾子命之,某不 賓曰:「吾子有惠, 貺室某壻名。 間 並 奉使,不敢與尊長抗禮。 有先人之禮,使某使者名。 乃交授書,書者,别書納采、問名之辭於 立,南向。 執生鴈,左首,飾以績,用鴈爲贄 若無生鴈,則刻木爲之。 止於女氏之門外。 賓授鴈,主人受之,以 拜賓 階,當阿,東面 之子妹、姪、孫,惟其 也。 主人、賓皆進, 賓立西階上 賓避席立, 註 請 稍北 飾 也。 敢 一稍 門 納 讓

四四

因交相 俗行書。 授書。 納於懷,退各以授執事者。 壻家書藏女家,女家書藏壻家,以 賓降出 代今之世

間 名

門,東向立。

敢辭。 者名。 者出 門,與主人揖讓升堂,復前位。 名。」擯者入告,主人出延賓。 主人立於門內,如初。擯者出延賓,曰:「請 對曰:「吾子有命,且以備數而 此方叙私禮。 不從?」遂入,與主人揖讓拜起,使者舊拜主人,於 人曰:「敢固以請。」賓曰:「某辭不得命,敢 醴從者。」對曰:「某既得將事矣,敢辭。」主 請事。擯者,主人擇子弟爲之。 主人降階立,俟於門内之東,西向,使擯 既受命,將加諸卜。 女子第幾。」賓授鴈,交授書,降出。 飲酒三行,或設食而退,如常儀 敢問女爲誰氏?」 賓日 賓執鴈,復入 賓曰:「某使 擇之。 某不 請 間

> 納 **古**歸卜得 計納采之前已卜矣,於此 ?吉兆。 復使使者往告 婚

家,以成六禮

之事於是定。

告女

姻

父名。 餘如納采禮 弗堪。子有吉,我與在,某女父名。不敢辭。」 告。」主人對曰:「某女父名。 之子不教,惟恐 加諸卜。占曰『吉』,使某使者名。 納吉,用鴈。賓曰:「吾子有貺,命某壻 也敢

納 **粋**《士昏禮》「納徵玄纁、束帛、儷皮,如

納吉禮」,●注:「徵,成也。 用玄纁者,象陰陽備也。 使者納幣以 東帛,十端。 成婚

納 用雜色繒,五匹爲束,纁既染爲玄纁

兩也。

執束帛以致命,兩皮爲庭實。

皮,鹿皮

「士昏禮」,原作「士婚禮」,二者往往歧出互見。 禮》,統作《士昏禮》。「徵」,缺末筆,乃避仁宗趙禎之 今皆逕改,下做此,不另出校。

0

而 則不堪他用。且恐貧家不能辦,故但 足,右手執後兩足,隨賓入門,及庭三分之一 者二人執皮,反之,令文在内,左手執 端,合爲一束而已。 執皮者之後,受皮於執皮者之左,逆從東出, 之受幣也,主人之執事者二人自東來,出於 也,執皮者釋外足,復之,令文在外。於主人 重禮,某不敢辭,敢不承命?」於賓之致 幣。」主人對曰:「吾子順先典,貺某女父名。 曰:「吾子有嘉命, 貺室某使者名。 止,北向,西上。賓與主人揖讓升堂。 兩鹿皮。 使者執束帛, 雜色繒五匹,卷其 也,請 前 執 命 納 賓 事 兩 兩

請 期夫家卜得吉日,使使者往告之

餘

如納吉禮

日。」主人曰:「某既前受命矣,惟命是聽。」父名。● 既申受命矣,使某使者名。也請吉辞期,用鴈。賓曰:「吾子有賜命,某壻

賓曰: 子。」主人曰:「某 日」,主人曰:「某敢不謹須?」餘如納幣禮。 使某受命,吾子不許,某敢不告期?」曰「某 「某 壻父名。 固 命某 惟 命 使者名。 是聽。」賓 聽 命 |: 「某 於 吾

親迎

事宗廟,下以繼後世也。今世俗之貪鄙者,將娶婦,先問資 富多,此乃婢妾小人之態,不足爲也。《文中子》曰:「昏娶 物若干,某物若干,以求售某女者,亦有既嫁而復欺給負約 裝之厚薄; 而論財,❷夷虜之道也。」夫婚姻者,所以合二姓之好,上以 其衣服襪履等不用者,皆鎖之篋笥。 家當具之。所張陳者,但氊褥、帳幔、帷幕之類應用之物 薦席、椅卓之類,壻家當具之; 謂之「鋪房」。古雖無之,然今世俗所用,不可廢也。 前期一日,女氏使人張陳其壻之室。 將嫁女,先問聘財之多少。至於立契約,云某 氊褥、帳幔、衾綯之類,女 世俗盡陳之,欲矜誇 牀 榻 俗

^{● 「}父」,原誤作「夫」,今依文意及下文改。

^{● 「}娶」,宋本無。

東西 厚資裝,以悦其舅姑,殊不知彼貪鄙之人不可盈厭,資裝既 舅姑既被欺紿 者,是乃駔儈鬻奴賣婢之法,豈得謂之士大夫婚姻哉? 及於財者,皆勿與爲婚姻可也。 喜,生女則戚,至有不舉其女者,因此故也。 責無窮,故婚姻之家往往終爲仇讎矣。 竭,則安用汝力哉? 壺 南向之室而言之、左爲東、右爲西、前爲南、後爲北。 西向而 南面」,既設饌,「御布對席」。 之,。《士昏禮》「媵布席於奧,❶夫人於室,❷即席。 有二盥盆,中央有勺。 便,故止具盛饌而已。 《開元禮 工外切。 在 今則不然,子舍隘狹,或東西北向皆不可知。 相向,各置盃、匕、箸、蔬菓於卓子上,罩 東席之後,墉下置合卺一注於其南卓子 》一品以下用少牢,六品以下用特牲,恐非貧家所 及期,壻 古者命士以上父子皆異宫,故各有堂、室、奥、 ,則殘虐其婦,以攄其忿,由是愛其女者,務 於是質其女以責貨於女氏,貨有盡 具盛饌,古者用牢 設盤盆二於作階東南,皆 今室堂之制異於古,故但 設倚卓各二於室中, 綯音陶。 是以世俗生男則 駔,祖朗切。 而食,必殺 然則議婚姻 今假設 婦尊西 牲。 儈, 酒 有 其 而

之。其盃數,爲時量人之多少也。又設酒壺、盃注於一注有盃,此所以飲從者也。室外隘,則於側近别室置上,愛,以匏剖而爲二,音謹。又設酒壺於室外,亦上,愛,以匏剖而爲二,音謹。又設酒壺於室外,亦

堂 上。

向跪。 贊者盃,又再拜。 跪祭酒。 **壻席前,北向立。壻再拜,升席,南向受盃** 凡壻及婦行禮,皆贊者相導之。 席西,南向。 設壻席於其西北,南向。 枚,可也。主人亦盛服,坐於堂之東序,西向 殊失丈夫之容體。 初婚,壻盛服。 父命之曰:「往 興,就席末坐,啐酒。 **贊者兩家各擇親戚婦人習於禮者爲之。** 必不得已,且 此所謂醮也。 世俗新壻盛戴花勝,擁蔽其首 迎 取盃 隨俗戴花 壻升自西階,立於 爾 進詣父座前,東 相,承我宗事 棋 興,降,西授 酒,執之,詣 兩枝、勝 兩

❶ 「媵」,宋本作「成」。

學津本逕接下文。按:《士昏禮》作「夫入於室」。「夫」下,原有空格,宋本有「人」字,四庫本有「婦」字,

無

曰:「諾!惟恐弗堪,不敢忘命。」俛伏,興,勉率以謹,若則有常。」祖父在,則祖父命之也。 子

再

拜

出。

家必先設壻次於外。 設 母坐於西序,東向。祖父母在,則祖父母醮而命之。 姆在其右,從者在後。父坐於東序,西向; 以乳母或老女僕爲之。 申以父母之命,曰:「謹聽爾父母之言,夙夜 諸母、姑嫂、姊送於中門之内,爲之整裙衫, 之曰:「勉之謹之,夙夜 壻父醮子之儀。 命。」母送女至於西階上,爲之整冠斂帔,命 命之曰:「戒之謹之,夙夜無 婦 於壻之將至,女盛飾,姆相其禮,姆音茂 席 乘馬至於女氏之門外,下馬俟於次。 於母之東北,南向。 姆導女出於母左,父少進, 女家亦設酒壺、盃注於堂 奉女立於室户外,南 無違 贊者醮以 爾閨門之禮。」 違 爾舅姑之 酒 一, 如 向 女

拜。姆奉女出於中門,壻揖之,降自西階以主人侍者受之,壻俛伏,興,再拜,主人不答立,西向。壻升自西階,北向跪,置鴈於地,公,西向。壻升自西階,北向跪,置鴈於地,父既醮女,即先出,迎壻於門外,揖讓以

出,婦從後,主人不降送

婦登 三周之禮,更無所施,姆亦無所用矣。 有性不能乘車,乘之即嘔 檐子,輕氊車,借使親迎時暫乘氊車,庸何傷哉? 輪三周,止車以俟。 壻乃自車右,由車前過,立於左 升車者。僕人之禮,必授人綏。」今車無綏,故舉簾以代之。 車,授綏,姆辭不受」,注: 曰:「未教,不足與爲禮也。」《士昏禮》「壻御 車,下簾。 壻至婦 氊 車後之右,舉簾以俟。 壻 右執策,左撫 吐者 「壻御者,親而下之。緩,所以 今婦人幸有氊車可乘,而 ,如此 ,則自乘檐子。 轅 轅 行行 側。 然人亦 其御輪 世 驅 姆 姆奉 俗 車 辭 重 引 婦

壻乘馬在前,婦車在後,亦以二燭前導。

味。 設 名。 男率女,女從男,夫婦剛柔之義,自此始也。 壻 禰 左 香 東 西,相向。 事 與婦 ...。 祝 「跪酹」 Ę 進,東面 ,婦下車揖之,遂導 香、酒、脯、醢 以令月吉日,迎婦 舅姑盛服 無階,則立於影堂前。 拜, 懷 酒,俛伏,興,立。 辭, 贊者導壻與婦,至於階下,北向 如常儀 , 搢笏, 出辭, 跪讀之, 曰: 「某 出笏,興,主人 立 於影堂,無 於影堂之上,舅在 、出、撤 以 某婦姓。 人,婦從之。 主人進,北向 ,闔影堂門。 祝懷辭,由主人之 脯、醢,量具殺 再 拜,退 婚,事 壻 東,姑 執 先 立,焚 復 古無此 羞 見祖 事 至 位 在 先 壻 兩 廳

壻 行,升自西階。《士昏禮》「及寢門,揖人,升自西階, 者,各以其家之女僕爲之。 婦 ,從者沃壻盥於南,壻從者沃婦盥於北。 立 於南盤之西,婦立於北盤之西,皆東 贊者導,壻揖 婦 而 前 先,婦從之, 准 此 帨 巾 畢 適 ·, 揖 其 向。 室。 從 媵 而

禮,今謂之拜先靈,亦不可

一般也

答拜。 御沃 者,乃今之下酒也。 又斟 夾。 婦踰 布席 壻出就他室,姆與婦留室中 取卺,分置壻婦之前 也。 在西,東面, 世俗始相見交拜,拜致恭,亦事理之宜,不可廢也。 再拜爲禮,女子以四拜爲禮故也。 不云降階,何由復至洗所? 謂壻從者也。 注,斟酒。 婦皆先祭後食。 拜,女子先一拜,男子拜,女一拜,女子又一拜,蓋由男子以 接,情有廉恥,媵御交導其志。」按洗 今人既尚左,且須從俗。 壻揖 盥交」,注: 闖 於閩,向東方,壻從者布席於西 古者婦人與丈夫爲禮則俠拜,鄉里舊俗,男女相 **,**壻立於東席,婦立於西席,婦拜,壻 婦 壻揖 婦在東,西面。 媵沃壻盥於南洗,御沃婦 就 「媵,送 坐,壻東 婦,祭酒 食畢 心也,謂 酒、舉飲不祭,無 斟 故今先盥 , 婦 ,壻從者啓 蓋古人尚右,故壻在西,尊之 女從者也。 壻從者徹冪置饌,壻 酒,舉飲不祭,無殽 舉 西。 古無壻、婦交拜之儀, 个飲 在阼 置, 而 盥於北洗。 古者同牢之禮,壻 升階。 階東南 御 酒舉 壺 音訝 一,人酒 方。 殺。 婦從者 **,** 御 既 殽 夫婦始 升階 迎 俠 又 也 於 音

一八

乃徹饌,置室外,設席,壻從者餕婦之

餘,婦從者餕壻之餘。

也」。今世俗有結髮之儀,此尤可笑。 自釋齒始結髮以來即爲夫婦,猶李廣云「廣結髮與匈奴戰服,壻從者受之。 燭出。古詩云「結髮爲夫婦」,言服,壻從者受之。 燭出。古詩云「結髮爲夫婦」,言

樂,殊爲非禮。
 一次時、婦之家三日不舉樂,思嗣親也。」今俗婚禮用子問》曰:「取婦之家三日不舉樂,思嗣親也。」今俗婚禮用儀。古禮,明日舅姑乃享送者,今從俗。不用樂。《曾賓於外廳,主婦以酒饌禮女賓於中堂,如常

司馬氏書儀卷第三

後學汪郊校訂

二九

司馬氏書儀卷第四

婚儀下

婦見舅姑

者設盤盆 南,皆北上。 立於盆東,如冠禮。 婦 明 於堂阼階 日 夙 興,盛 下,帨架 男女異列 服 飾 ,俟見舅 在 北。 ,男在西,女在 姑。 兄弟姊妹 執 事

笄,可也 漢世已不能 下,古者拜於堂上。今恭也,可從衆。 子於前。 平明,舅姑坐於堂上,東西 實 知。 贊者見婦於舅姑,婦北 以棗栗,升自 今但 取 小箱,以帛 西階 衣之,皂表緋裏,以 ,進至舅前,北 執笄,古笄制度. 相 向拜舅 向,各置卓 於堂 代

> 子上。 相拜。 拜於其室,有卑屬,則來拜於婦室。 拜,以從簡易。 之,無贄。拜畢,長屬退,長屬雖多,共爲一列受 婦,如父母醮女之儀。 子於堂上,婦升,立於席 者設席於姑之北,南向。 向 妹之前,其長屬應受拜者,少進,立,婦 脩,今之暴脯是也。 又拜舅,畢。 奠於卓子上。 少進,相拜畢,退,無贄。 姑舉之以授侍者,婦降,又拜。 幼 乃拜姑,别受笲,實以 屬 升,進至姑前,北 應 舅撫之,侍者徹去。 相拜者,今世俗小郎、小 婦降西階,就 設酒壺及注、盃、卓 西,南面。 若有尊屬 向, 奠於 腶 贊者 兄 婦降, 脩,殿 則 執 弟 乃 姑 婦 拜 姊 醴 事 卓 往

子於堂上舅姑之前,設盥盆於阼階東南,帨貧者不便殺特,故但具盛饌而已。婦從者設蔬果、卓側載」,注:「側載者,右胖載之舅俎,左胖載之姑俎。」今恐婦家具盛饌、酒壺。《士昏禮》「婦盥,饋特豚,合升,婦退,休於其室。至食時,行盥饋之禮,

若舅

(姑止一人,則舅坐於東序,姑坐於西序,

席婦

於姑

坐之

者徹餘 架在 於西 西階。 姑 婦 婦 姑 畢,婦從者餕舅之餘,壻 飯、侍者徹其餘、皆置别室。 舅卓子上。降,俟舅舉酒 姑,侍立 婦升降,皆應自 舅姑已没,則古有三月廟見之禮。 婦 卓子上,食畢,婦降拜舅,升,洗盃斟 降 皆 ,姑受而飲之,餘如 升,立於 共饗婦於堂上,設席,如 自作 階 東。 古者庶婦不 如 不不 饌,置於旁側别室。 朝 於姑之後。 婦盤於 階 盡 來 席 西階 禮 西, 一級,婦往受之,薦於舅 此謂 饋,然饋主供養,雖庶婦 ,惟冢婦受享畢,降自阼階 婦之儀。 作階下 南向。 冢婦 饌有繼至者,侍者 也。 獻舅之儀。 從者 餘婦 贊 執 舅姑 飲畢,又拜。 今已拜先靈,更不行。 饌 者 舅姑、侍者各 朝 婦就: 則舅姑不降,婦降 餕 自西 取 來 先 婦 盃 禮 降 不 之餘。 階 餕姑之饌 婦 升, 可 煁 自 婦之位 闕 姑 升 薦 酒 西 酒 也。 遂 傳 , 凡子 於 门,授 階, 置 置 置 舅 獻 徹 侍 致 舅 若 自

壻

莧

婦之父母

北

外。 迎送 設酒饌,以婦未見舅姑故也。 如常 見諸婦女,如見婦母之禮。 婦婦 (揖 儀 次見妻黨諸親 母 明 '**,**婦 讓,皆如 日 親迎之夕,不當見婦母,及諸親亦不當行私 壻 母 闔 往 門 客 見婦 左 禮。 ,拜起皆如俗儀 扉,立於門内 之父母 拜,即 婦家設 ·, 皆 跪 有 而 扶之。 壻拜 幣。 而 酒 饌壻 無幣 於門 婦 父

見

居 家 雜 儀

授之以 家衆。 均 制財用之節,量入以爲出,稱家之有無,以給 上下之衣食,及吉凶 壹。 凡 分之 爲家 事 裁省冗費,禁止奢華 ,,謂朝夕所幹及非常之事。 長,必 以 職,謂: 謹 之費,皆有 使之掌倉廪、 守 禮 法, 常常 以 而責 廄 品品 須 御 庫、庖廚之類 稍 節 群 ,而莫不 其 存贏餘 子 成 弟 功。 及

以備不虞。

政始可得而治矣。
母,當時爲家長者,亦當咨禀而行之,則號令出於一人,家母,當時爲家長者,亦當咨禀而行之,則號令出於一人,家安有嚴君在上,而其下敢直行自恣,不顧者乎? 雖非父宴於家長。《易》曰:「家人有嚴君焉,❷父母之謂也。」與諸卑幼,事毋大小,●毋得專行,必咨

者,父母飢而子飽者,賈誼所謂 私財乎? 與之。」夫人子之身,父母之身也。 乏。」鄭康成曰:「待舅姑之乏也。 如新受賜。若反賜之,則辭。不得命,如更受賜,藏之以待 服、布帛、佩帨、茝蘭,則受而獻諸舅姑。 私畜,無私器。不敢私假,不敢私與。婦,或賜之飲食、衣 不敢私假,不敢私與。《內則》曰:「子婦無私貨,無 所入,盡歸之父母、舅姑,當用則請而用之, 耰音憂。 取箕箒,立而誶語」,不孝不義,孰大於此? 又曰:「婦若有私親兄弟,將與之,則必復請其故賜,而後 凡爲子婦者,毋得畜私財。 誶音碎 若父子異財,互相假借,則是有子富而父母貧 「借父耰鉏 不得命者,不見許也。」 身且不敢自有,況敢 舅姑受之,則喜 俸禄及田宅 ,慮有德色,母 茝,昌改切。 有

於其父。

撻之流血,不敢疾怨,起敬起孝。罪於鄉黨、州間,寧熟諫? 父母怒不説,而若不人,起敬起孝。説則復諫,不説,與其得若、以父母有過,下氣怡色,柔聲以諫。諫

凡爲人子弟者,不敢以貴富加於父兄宗

族。加,謂恃其貴富,不率卑幼之禮。

敢由東階,上下馬不敢當廳。凡事不敢自擬不敢坐於正廳,無書院,則坐於廳之旁側。升降不不與外別

家訓》曰:「父母有疾,子拜醫以求藥。」蓋以醫者親之存亡不戲笑,不宴遊。捨置餘事,專以迎醫、《顏氏調嘗藥餌而供之。父母有疾,子色不滿容,現父母、舅姑有疾,子婦無故不離側,親

「毋」,四庫本作「無」。

「人」,宋本無。按:《周易・家人》作「家人有嚴君」。

所繫,豈可傲忽也? 檢方、合藥爲務。 疾已復

初。

敬,亦當敬之。至於犬馬盡然,而況於人凡子事父母,父母所愛,亦當愛之,所

乎?

事貴,皆倣此也。目,安其寢處,以其飲食奉養之。幼事長,賤日,安其寢處,以其飲食奉養之。幼事長,賤八子事父母,樂其心,不違其志,樂其耳

之禮焉,没身不衰。 人,若不可教,然後怒之。若不可怒,然後答之,若不可教,然後怒之。若不可怒,然後答之。若不可怒,然後答之。屢答而終不改,子放婦出,然亦不明言之。屢答而終不改,子放婦出,然亦不明言之 過焉,没身不衰。

治内事。男子畫無故不處私室,婦人無故不不共。井不共浴,堂不共厠。男治外事,女凡爲宮室,必辨内外。深宫固門,内外

面。 窺中門。 之言,傳致内外之物,毋得輒升堂室、人庖廚。 有大故,大故,謂水火盗賊之類。 面帽之類。 中門,亦必擁蔽其面。 女僕無故 男子夜行以燭。男僕非有繕修,及 有故出中門,必擁蔽其面。 不出中門,蓋小婢亦然。 鈴下蒼頭,但主通内 亦 必以 袖 有 如蓋 故 遮 頭 外 其 出

若宅舍異制,臨時從宜。 拜,五宿以上,則四拜。 列,各以長幼爲序,婦以夫之長幼爲序,不以身之長 冬、正、朔、望,宗族聚於堂上,此假設南面之堂: 拜,朔、望,四拜。凡拜數,或尊長臨時減而 右,東上,左右,謂家長之左右。 止之,則從尊長之命。 於塗,則下馬。不見尊長,經再宿以 凡卑幼坐而尊長過之,則起。 丈夫處左,西上,婦人處 吾家同居宗族衆多, 賀冬至、正 皆北 向,共爲一 出遇尊長 上,則再 一旦,六

❶ 「曰」,宋本作「悦」。

列。 幼。 儀。 訖,先退。後輩立受拜於門東西,如前輩之 以上同處,亦三而止,皆所以避煩 又三再拜而 以上同處者,先共再拜,叙寒暄、問起居訖, 族多,若人人致拜,則不勝煩勞,故同列共受之。 於門之右,皆南向。 共拜家長,畢,長兄立於門之左,長姊 若卑幼自遠方至,見尊長,遇尊長三人 丈夫西上,婦人 咋 晨夜唱喏、萬福、安置。若尊長三人 東上,共受卑幼拜,以宗 諸弟 也。 妹以次拜訖,各就 受拜 立

介孫,則立而受之可也。 凡受女壻及外甥拜,立而扶, 扶謂搊策。

備膺五福,保族宜家。」授幼者盞、注,返其故執酒盞,立於其左,一人搢笏,執酒注,立於長者一人進,立於家長之前,幼者一人搢笏, 盘服序立,如朔望之儀。先再拜,子弟之最盛服序立,如朔望之儀。先再拜,子弟之最

此蓋父母無深識遠慮,不能防微杜漸,溺於小慈,養成其惡

家長 徧酢 處。 還復就坐。 拜,就坐。 諸 命諸卑幼坐,皆再拜而 長者出笏,俛伏,興,退,與卑幼皆再拜。 卑 幼、諸卑幼 飲訖,家長命易服,皆退,易便服 皆起,叙立 坐。 家長命侍者 如 前,俱再

復制。 子性行亦類之。子能食,飼之,教以右手, 然。」《顔氏家訓》曰:「教婦初來,教子嬰孩。」故慎在其始 舉以禮,況於已有知? 嚴訶禁之。古有胎教,況於已生? 子始生未有知,固 則教之以恭敬尊長。 辨好惡,謂禮當然,及其既長,習已成性,乃怒而禁之,不 侮詈父母,敺擊兄姊,父母不加訶禁,反笑而奬之。 此其理也。若夫子之幼也,使之不知尊卑長幼之禮,每 言,教之自名,及唱喏、萬福、安置。 稍有知 人稍温謹者。乳母不良,非惟敗亂家法,兼令所飼之 凡子始生,若爲之求乳母,必 於是,父疾其子,子怨其父,殘忍悖逆,無所不至。 孔子曰:「幼成若天性,習慣如 有不識尊卑長幼者 擇良家 彼既 子能 ·; 則 婦

讀

一, 必

擇其

精要者而誦之。

如《禮記

學記

小者。七歲,男女不同席,不共食,始誦《孝謂東西南北。男子始習書字,女子始習女工之一六歲,教之數謂一、十、百、千、萬。與方名,

女子亦爲之講解《論語》、《孝經》及《列女子讀《春秋》及諸史,始爲之講解,使曉義理,讓,男子誦《尚書》,女子不出中門。 九歲,男人門户,及即席飲食,必後長者,始教之以謙下,謂之孺子,早寢晏起,食無時。 八歲,出經》、《論語》,雖女子亦宜誦之。 自七歲以

物,亦不必習也

之知衣食所來之艱難,不敢恣爲奢麗。至於纂組華

巧之

或教女子以作歌詩,執俗樂,殊非所宜也。十歲,男子圖史以自鑒,如曹大家之徒,皆精通經術,論議明正。今人傳》、《女戒》之類,略曉大意。古之賢女,無不觀

言童幼矣。

可以讀《孟》、《荀》、《揚子》,博觀群書。凡所之講解,使知仁、義、禮、智、信。自是以往,出就外傅,居宿於外,讀《詩》、《禮》、《傳》,爲

謂蠶桑、織績、裁縫及爲飲膳,不惟正是婦人之職,兼欲使從,婉娩,柔順貌。娩音晚。及女工之大者。女工觀書皆通,始可學文辭。女子則教以婉娩聽賢之書傳,宜禁之,勿使妄觀,以惑亂其志。

食。若既冠、笄,則皆責以成人之禮,不得復面,以見尊長。佐長者供養祭祀,則佐執酒未冠笄者,質明而起,總角靧音悔,洗面也。

衣也。 衣服。 間 具。主父、主母既起,則拂牀襞衾,襞音壁,疊 庭,女僕灑掃堂室,設倚卓,陳盥漱 則 浣濯紐縫,先公後私。 侍立左右,以備使令。 凡内外僕妾,鷄初鳴,咸起,櫛 男僕灑 掃 廳 事及庭,鈴下蒼 退而 及夜,則復拂牀 具飲食,得 頭 總 櫛 灑 盥漱 靧 掃 之 中

則》「雖婢妾、衣服、飲食必後長者」、鄭康成曰:「人貴賤不 事,以供百役。凡女僕,同輩謂兄弟所使。 展 禄,能幹家事,次之,其專務欺詐、背公徇 杖不止者。凡男僕,有忠信可任者,重其 止,即杖之。 者,主父、主 可以無禮,故使之序長幼。」務相 長者爲姊,後輩謂諸子舍所使。 之;屢爲盗 之,其兩面二舌、構虚造讒、離間骨肉者,逐 年滿不願留者,縱之; 私、屢爲盜竊、弄權犯上者,逐之。凡女僕, 之;有離叛之志者,逐之。 衾。 當畫,内 母聞之,即 竊者,逐之,放 理曲者杖多,一止、一不止,獨 外僕妾惟主人之命各從 勤舊少過者,資而嫁 訶禁之。 雍 謂前輩爲姨、《内 蕩 睦。 不謹者,逐 其有鬭 訶禁之不 謂 其

司馬氏書儀卷第四

後 學汪

郊 校 訂

司馬氏書儀卷第五

寷 儀

初 終病甚附

曰:「吾得正而斃焉,斯可矣。」近世孫宣公臨薨,遷於外 禮》「死於適室」,注:「正寢之室也。」曾子且死,猶易實, 男子之手。《春秋》書「公薨於路寢,禮之正也」、《士喪 最善也。 皆未免爲不終天年。故不若安恬静默,以待其氣息自盡爲 傷病者心,叫呼憾悴,尤爲不可。使病者驚怛摇頓而死, 静,以俟氣絶。 蓋君子慎終,不得不爾也。凡男子疾病,婦人侍疾者, 疾病,謂疾 男子不絶於婦人之手,婦人不絶於 諠譁奔走,固病者所惡也。 甚時也。 遷居 正寢。 悲哀哭泣, 内外安

> 非始死所有,今並繫之「復」後。 死事。」復者,返也,孝子之心猶冀其復生也。 又布素之服 布素」及坐哭之位。按"《喪大記》"「惟哭先復,復然後行 哭,各盡哀,止哭。《開元禮》於此下即言「男女易服

以禮自終也。既絕,諸子啼,兄弟、親戚侍者皆

復立喪主、護喪等附

復 心焉。 也。」《士喪禮》:「復者一人,以爵弁服簪裳於衣,左何之, 復者,招魂復魄也。《檀弓》曰:「復,盡愛之道,有禱祠之 曰:「凡復者,男子稱名,婦人稱字。」今但稱官封,或依常 扱領於帶,升自前東榮。 時所稱,可也。 南、北面、招以衣、呼曰:「某人復!」《喪大記 背子,皆常經衣者。 禮》,上服者,有官則公服,無官則襴衫或衫,婦人以大袖或 記》復衣,諸侯以衮,夫人以揄狄,内子以鞠衣。 今從《開元 」三、降衣於前、受用篋、升自阼階、以衣尸。復者降自 侍者一人,以死者之上服,按《雜記》、《喪大 望反諸幽,求諸鬼神之道也。北面,求諸幽之義 凡三呼,畢,卷衣入,覆於尸上。 左執領,右執腰,就寢庭之 中屋北面,招以衣,曰:"阜!

至親,當處數步之外。

婦人疾病,男子亦然。

此所謂能

司馬氏書儀卷第五

司馬氏書儀

主。 服,不出,則代主人受弔、拜賓,及受賻襚。 子孫能幹事知禮者一人爲之,凡喪事皆禀焉。 若主人未成 子孫執喪,祖父拜賓。」主婦、孔颖達《檀弓》「啜主人主 記》曰:「喪有無後,無無主。若子孫有喪,而祖父主之。 氏。」遂命子貢爲之主,曰:「爲爾哭也,來者拜之。」《喪大 伯高死於衛,赴於孔子。孔子曰"「夫由賜也見我,哭諸賜 妹,其夫死而夫黨無兄弟,使夫之族人主喪,妻之黨雖親弗 同,親者主之。」注:「從父昆弟之喪也。」《雜記》曰:「姑姊 長者主之。」鄭康成曰:「昆弟之喪,宗子主之。」又曰:「不 居,各主其喪。」注:「各爲妻子之喪爲主也。」又曰:「親同 主。」注:「與賓客爲禮,宜使尊者。」又曰:「父没,兄弟同 爲之,無長子,則長孫承重。《奔喪》曰:「凡喪,父在,父爲 南面而已。 《開元禮》亦倣此。 之於庭也。 後 婦」《正義》曰:「主人,亡者之子,主婦,亡者之妻。」若亡者 無妻,及母之喪,則以主人之妻爲主婦。 **『西祭。』簪** 夫若無族矣,則前後家,東西家。無有,則里尹主之。」 衣尸者,復之若得魂返之也。 然後行死事,立喪主、凡主人,當以長子 也。 今升屋而號,慮其驚衆,故但就寢庭之 皐 長聲 也。 降衣,下之也。 護喪、以家長或 降,因徹西北扉。 古禮,初喪,主 受者,受

賓有賻襚,則書於别曆收之,以待喪用。其衣服不以襲斂。吏僕可委信者爲之,掌糾貨賄之事。置曆以謹其出人,親或吏人能書札者爲之,掌糾書疏之事。 |司 貨。 以子弟或人常在尸側,惟君命出。出而遇賓,則拜。 司書、以子弟

易服

之帶。 也。 下,丈夫素冠,婦人去首飾,内外皆素服。」按: 笄纚,今人 者爲本生父母,素冠,不徒跣。女子已嫁者,髽。 衫帶、背子之類。被髮。 男子 扱上衽,謂插 衣,被髮,徒跣。婦人易以青縑衣,被髮,不徒跣。 跣,扱上衽」,注:「親始死,去冠。二日,先去笄纚 玉珠翠之類。 去冠及上服。凡齊衰以下内外有服親,及在 喪側給事者,皆釋去華盛之服,謂錦繡緋紅、金 本生父母及女子已嫁者,皆不被髮、徒跣,但 上衽,深衣之裳前。《開元禮》:「初終,男子易以白 既復,妻、子婦、妾皆去冠及上服,上服謂 徒跣,婦人不徒跣。男子爲 著素淡之衣。《問喪》「親始死,笄纚,徒 人後者 齊衰以 爲人後 衣 ··, 括 前 爲 襟

被後右,皆非禮,宜全被之。 被後右,皆非禮,宜全被之。 被後右,皆非禮,宜全被之服,期喪以下,士大夫帽子、皂本應三年喪者,則去冠及上服,期喪以下,士大夫帽子、皂本應三年喪者,則去冠及上服,期喪以下,士大夫帽子、皂本應三年喪者,則去冠及上服,期喪以下,士大夫帽子、皂本應三年喪者,則去冠及上服,期喪以下,士大夫帽子、皂本應三年喪者,則去冠及上服,期喪以下,士大夫帽子、皂本應三年喪者,則去冠及上服,期喪以下,士大夫帽子、皂水。

計 告 計音赴

也。然問候、慶賀之書,居喪誠不當發。必若有事不獲已,哭,然方發外人書疏」,●蓋以哀痛方深,未暇與人通問故友。《檀弓》曰「父兄命赴者」,然則主人不自赴也。若無友。《檀弓》曰「父兄命赴者」,然則主人不自赴也。若無友。《檀弓》曰「父兄命赴者」,然則主人不自赴也。若無

沐浴 飯含 襲始死之奠、哭泣附

須至有聞於人者,雖未卒哭,豈可以不發也?

所卧牀前,縱置之,施簣席、簟枕,不施氊褥。將沐浴,則以帷障卧内。 侍者設牀於尸

斂衾。 冰。 爪髮及沐浴之具,故掘坎於屏處。 禮》「甸人掘坎於階間,少西」,今以孝子之心不忍朝夕見親 南首,惟朝廟北首。 衾。 褥,亦於沐浴便去。❸ 牀,袒實。 堂與古異制,故於所卧牀前置之,以從宜也。 死,乃卧尸於地,訛也。 則復遷尸於牀矣。故《喪大記》曰:「始死,遷尸於牀,幠用 古者疾病廢牀,人生在地,去牀,庶其生氣反也。 士無冰,則併瓦槃,實以水,置於牀下以寒尸。今人既 《禮運》曰「死者北首」,謂葬時也。 去死衣。」或遇暑月,則君設大槃,大夫設夷槃,實以 袒實者,去席,蓋水便也。❷ 侍者掘坎於屏 遷尸於牀上,南首,覆之以 古者沐浴及飯含,皆在牖下,今室 陳襲衣裳於堂前 今藉以簟,不設 自沐浴至殯,古 處潔地、《士喪 古者沐浴設 將沐 浴 瓊 亦

「方」,宋本同,四庫本、學津本作「後」。

長五尺,析其末」,注:「掩,裹首也。

析其末,爲將結於頤

冠,但以帛裹其首,謂之掩。《士喪禮》「掩,練帛,廣終幅

東北,藉以席,西領南上。

幅巾

一,古者死人不

0

❷ 「蓋」,宋本、四庫本同,學津本作「盝」。

「去」,宋本同,四庫本無,學津本作「云」。

下,又還結於項中。」蓋 寸。 以代掩也,其制如今之煖帽。 紗爲之,上有虚簷,置於棺中,何由安怗? 實,冠則磊塊難安,況今幞頭以鐵爲脚,長三尺,而帽用 襲衣之下,而不用以襲也。 餘 寸,所以覆面者也。 之,如棗核 笏,俟葬時置於棺上,可也。 深衣、帶、屐,止用衫勒帛鞋亦得。 上 實於盌。 容、珠玉則更爲盗賊之招、故 也」,飯用貝,今用錢,猶古用貝也。 陳飯含、沐浴之具於堂前西壁下,南上。 夫五,士三。 三,實於小箱,《檀弓》曰:古者「飯用米貝,弗忍虚 加幅巾、深衣、大帶及屐,既合於古,又便於事。 則 所以裹手者也。 繼 陳 大,用塞耳中。 古者、諸侯飯用粱、大夫用稷、士用稻。 大夫以上仍有珠玉,錢多既不足貴,又口所不 丽 不 用。 握手用帛,長尺二寸,廣 以襲斂主於保護肌 深衣,大帶,展,若襚衣有 謂親戚以衣服來襚者。 多陳之爲榮,少納之爲貴。 幎 充耳二,用白纊,以綿爲 但用三錢 深衣、帶、屐自有制度,若無 目 其幞頭、公服、腰帶、靴 一,用帛,方 古禮,諸侯飯七貝,大 而已。 體,貴於柔 莫若襲以常服 米二升, 幅巾,所 今但用 繼陳於 尺二 軟 錢 五 又 漆 緊

上下體各異也。櫛置於卓子上。大,故用二升。沐巾一,浴巾二,設於笲,浴巾二,鄉土所生、平日所食之米,可也。古升小,故用四升,今升

沐浴餘 者以 記》曰"「正尸,謂遷尸於牖下,南首也。」今室堂既異於古 尸於其上,悉去病時衣及復衣,易以 置大帶、深衣、袍、襖、汗衫、袴、襪、勒帛、裹 侍者别設襲牀、施薦席、氊褥、枕如平時。 故舉衾以障之。拭之以二巾,翦爪如平時。 之,晞之以巾,撮爲髻,舉衾而浴,亦爲其裸 其室中間。 故置堂中間,取其容男女夾牀哭位也。 肚之類於其上,遂舉以入,置浴牀之西。 未著幅巾、深衣、屐。 面。以其裸裎,子孫不可在側故也。 沐浴湯入,主人以下皆出,立於帷外 侍者汲新水,淅米令精,復實於盌。 水及巾櫛,皆棄於坎,遂 自餘應在堂者,並做此 移置堂中間,鄭注《喪大 侍者沐髮,櫛 卑幼 執事者置脯 築而實 新衣 ,則各於 但 之。 侍 其 遷 先 裎

也。 尸,然後設奠,於事爲宜。 注:「鬼神無象,設奠以馮依之。」《開元禮》:「五品以上,如 禮》:「復者降,楔齒,綴足,即奠脯醢、醴 斟酒,奠於尸東,當腢,巾之。腢,肩頭也。《士喪 生人有哀素之心故也。 用 醢 止以階之東偏爲阼階,西偏爲西階。祝,選親戚爲之。 主人虞祭,然後親奠酹。 士喪禮,六品以下,含而後奠。」今不以官品高下。 .脯醢而已。今人或無脯醢,但中見有食物一 、酒於卓。《曾子問》:「始死之奠,其餘閣也歟?」 「不容改新也。」古人常畜脯醢,故始死未暇别具饌,但 凡奠、除酒器之外、盡用素器、不用金銀稜裹之物、以 升自阼階,祝盥手洗盏, 巾者,以辟塵、蠅。 奠,謂斟酒奉至卓上,而不酹也。 酒 凡無兩階者 於尸東。」鄭 兩種并酒可 沐浴 正

主婦及衆婦女坐於牀西,藉以稟。同姓女子上,藉以席薦。各以服重輕、昭穆長幼爲叙。皆西向,南上。尊行坐於北壁下,南向,西服期者,坐其後。大功以下,又以次坐其後,服期者,坐其後。大功以下,又以次坐其後,非,

婦人,謂妻妾子姓也。 其後,西面,婦人俠牀,東面。」鄭注"「衆主人,庶昆弟也 小 婦人户外北面,衆兄弟堂下北面。」注:「衆婦人、衆兄弟 注:「謂大功以上父、兄、姑、姊、子、姪在此者。〕又曰:「衆 之東,北向,西上, 異姓丈夫坐於帷外之西 内 喪,謂婦人之喪。 於帷内之西,北向,東上,皆藉以席。 非沐浴之帷,謂設帷於堂裏,所以别内外者也。 姓之親,丈夫坐於帷外之東,北向,西上,此 下,●南向,東上,藉以席薦。 應服期以下,坐於其後。尊行坐於牀東北 北向,東上。《士喪禮》:「主人人坐於牀東,衆主人在 在前,無服者在後,各以尊卑長幼爲叙。若 婦女之後。婦以夫之長幼爲叙,不以身之長幼。 輕、昭穆長幼爲叙,如男子之儀。 ·功以下。」《喪大記》曰:「既正尸,子坐於東方,卿大夫父 則同姓丈夫尊卑坐於帷外 亦嫡妻在前。」又曰:「親者在室。 亦各 妾婢立 以 有服 婦 服 人 異 者 坐 於 重 壁

❶ 「東」,宋本、學津本同,四庫本作「西」。

側。 於帷東北壁下,南面,西上,祖母以下,於帷西北壁下,南 牀西,妾及女子在妻之後,兄弟之女以下又在其後,俱東 則皆立。士之喪,皆坐。」《開元禮》:「主人坐於牀東,衆主 姑姊妹之女。」又曰:「大夫之喪,有命夫、命婦,則坐", 方,内命婦姑姊妹子姓立於西方,外命婦率外宗哭於堂上, 兄子姓立於東方,有司庶士哭於堂下,北面。 席上,可也。 堪稾及單席者,三年之喪聽坐稾薦,期喪以下聽加白氊於 者、諸侯、卿大夫於其宗族有君臣之義,故其臣不敢坐於君 序。」今堂室異制,難一一如古,但做《開元禮》爲哭位。 親,❶户東西上,外親,户西東上。 夫、外親丈夫席,位於前堂,若户外之左右,皆南面。 婦人於主婦西,南面,東上,皆舒席坐。 面,東上,皆舒席坐。 面,南上,藉稟坐。 人在其後,兄弟之子以下又在其後,俱西面,南上。 妻坐於 面。」注:「世婦爲内命婦,卿大夫之妻爲外命婦。 今但依士禮,婢妾之外皆坐哭。 或堂宇狹隘,五服不能各爲一列,則輕服次重 内外之際,南北隔以行帷。 外姻,丈夫於户外之東,北面,西上, 凡喪位,皆以服精粗 寒月老病之人,有不 若内喪,則尊行丈 夫人坐於西 祖父以下, 外宗, 無 古 宗 爲

> 以下,寢於側近,男女異室,外親歸其家可也 喪,夜則寢於尸旁,藉稾枕塊,羸病者藉以草薦可也。 何常聲之有?三至是始就位而哭,盡哀止。三年之 於曾子曰:「哭父母有常聲乎?」曰:「中路嬰兒失其母焉 壞墻然,悲哀痛疾之至也。」注: 安心下氣也。 數,古者哭有擗、踊。 ·惻怛之心,痛疾之意,悲哀志懣氣盛,故袒而踊之,所以動 婦人不宜袒,故發胷,擊心,爵踊,殷殷田田,如 擗 , 拊心也。 「爵踊,踊不絶地也。」曾申問 踊 躍 也。 《問喪》曰: 期喪

● 「宗」、宋本作「衆」。

服之下,絶席以别之。

自既復之後,男女哭擗

無

手,覆以衾。

銘旌

魂 帛影、齋僧附

帕,置倚卓其前,置魂帛於倚上。設香爐、魂帛,結白絹爲之。設椸於尸南,覆以

後。 冪用葦席,北面,左衽,帶用靲賀之,結於後。」注:「久謂 生。 《雜記》:「重,既虞而埋之。」注:「就所倚處埋之。」《開元 其神也。」《士喪禮》:「將葬,甸人抗重出自道,道左倚之。」 塞鬲口也。 尸餘米爲粥也。」又曰:「冪用疏布,久之,繫用幹,縣於重 又曰:「夏祝鬻餘飯,用二鬲於西墻下。」注:「鬻餘飯,以飯 鬲六,五品以上四,六品已下亦然。● 禮》「重木」做此。今國家亦用之,《喪葬令》:諸重,一品 重。」《檀弓》曰:「重,主道也。」注:「始死,未作主,以重主 注:「木也、縣物焉曰重。 禮》:「重木,刊鑿之,甸人置重於中庭,三分庭一在 於倚左。侍者朝夕設櫛頮奉養之具,皆如平 杯、注、酒、果於卓子上,是爲靈座。 左衽,西端在上。 俟葬畢有祠板,則埋魂帛潔地。《士 幹,竹鑵也。 賀,加也。」又曰:「祝取銘旌,置於 以席覆重,辟屈而反兩端,交於 刊,斲治。鑿之,爲縣簪孔也。」 士民之家,未嘗 倚銘旌 南。 柱 喪

[「]挂」、「亦然」作「二」。 《禮院例册》亦作「柱」。按《喪葬令》原文、「柱」作
● 「一品」至「亦然」、諸本同。《宋史・禮志二十七》引

狀,此尤鄙俚,不可從也。 也 神相離,形則人於黄壤,腐朽消滅,與木石等,神則飄若風 知痛癢,或翦爪鬀髮,從而燒斫之,已不知苦,況於死者形 人地獄, 剉燒舂磨, 受無邊波吒之苦。 殊不知人生含氣血 爲此者,滅彌天罪惡,必生天堂,受種種快樂,不爲者,必 喪飯僧、設道場、或作水陸大會、寫經造像、修建塔廟。 又世俗信浮屠誑誘,於始死及七七日、百日、期年、再期 掩面之帛,執筆望相 出 子生時有畫像,用之猶無所謂。 難曉也? 待其親之不厚哉! 而禱浮屠,是不以其親爲君子,而爲積惡有罪之小人也,何 則已,有則君子登; 可得而治乎? 堂地獄者 火,不知何之。 假使剉燒舂磨,豈復知之? 且浮屠所謂天 則乘輜軿,擁蔽其面。 一,皆用 今且從俗,貴其簡易。 此則中智所共知,而舉世滔滔而信奉之,何其易惑 魂 ,計亦以勸善而懲惡也。 帛。 甚者,至有傾家破産然後已。 是以唐盧州刺史李丹與妹書曰:「天堂 魂 帛 地 就使其親實積惡有罪,豈賂浮屠 ,畫其容貌? 亦 獄 主 既死,豈可使畫士直入深室,❶揭 無則已,有則小人人。」世人親 道 又世俗皆畫影置於魂帛之後,男 然世俗或用冠帽衣屐裝飾 也。 至於婦人,生時深居閨闥 禮,大夫無主 此殊爲非禮,勿可用 苟不以至公行之,雖鬼 與其如此,曷若早 者,東帛 所能 如 币 除 死 無 굸 依

> 生。 賣田 言,讀書知古者亦可以少悟矣。 無 人誤 自佛法未入中國之前,人死而復生者亦有之矣,何 營墓而葬之乎? 入地獄見閻羅等十王 彼 天堂 地 者 獄 郭? 若果 有 不學者固不足 之,當 與天 地 俱

弔酹賻襚

使人通之,主人未成服 者反卷之,陽面在 服。若人酹,則須具公服靴笏也。 猶著白衫。今人無弔服,故但易去華盛之服,亦不當著公 不以弔。子游弔人,襲裘帶絰而入。古者弔服有絰,唐 奠,「弔者襲裘,加武,帶経,與主人拾踊」。 孔子羔裘玄冠 寶曰:「竊聞某人薨没,尊官,則云「薨没」,或云「捐 慰同州之人,則但云同郡,皆不著官職。 繋以線,題其陰面,凡名紙,吉者左卷之,題陽面, 凡弔人者,必易去華盛之服,《喪大記》小斂 左,陰面 在 右。 , 則 作名紙,右卷之, 曰「某郡 護 喪 爲之出見。 姓名 先 凶

尺帛 也。 此爲子孫被髮徒跣者不出,其餘皆出。《喪大記》曰:「未 服 遭 贈作,諸爲物焚爲灰燼,何益喪家? 先遣人以書致之,書儀在後。 如 涕之無從也。」蓋君子行禮,情與物必 之喪,人而哭之哀,出,使子貢説駿而賻之,❶曰:「予惡夫 亦不必存也。 不珠玉,則含禮可廢。 貨財曰賻,皆所以矜恤喪家,助其斂葬也。 古有含、襚、賵、賻之禮。 而致之,亦可也。《詩》云:「凡民有喪,匍匐救之。」故 無賻襚以將之,亦君子所恥 數則無常準,繫其家之貧富,親之遠近,情之厚薄,自片衣 斂,大夫爲君命、士爲大夫出。」主人升降未敢由阼階,禮 ,不敢出見。 此 何不淑 賓答拜。 卑官,則 百錢斗粟以上,皆可行之,勝於無也。 凶禍、蒙慰問、若有賻襚、則并言之。 凡金帛錢穀之類,皆可謂之貨財。 云「傾 因 自餘如常儀。 不勝哀感,使某拜。」又再拜。 再 逝」。少年則云「夭没」。 又今人亦無以車馬助喪者,則賵 拜。 珠玉曰含,衣衾曰 也。 護喪答拜,曰:「孤某 前 漢王丹友人喪親,河 然後往弔。 和副。 不若復賻襚之禮。 其所賻襚 今人皆送紙錢 襚, 車馬 孔子遇舊館 苟弔哭雖哀 後 以 其 書 者, 多少之 未成 既 倣 日 赗 此 弔 則 既 面 禮 南

小

館

之親,賻襚之物不白主人,以通 貨,書於别曆,而藏以待喪用。 則白於靈座。 柳不可,曰:「君子不家於喪,請班諸兄弟之貧者。」然則 不以 豐 命,鄉殯將命。」蓋含、襚、賵、賻,主爲死者故也。 執事者必先執之,北面白尸柩,《雜記》曰:「凡將 物專供喪用,有餘,則班諸戚之貧者。 今宜俟其人至,則司貨以曆示之,知其得達於主人也。其 者袒而讀贈,賓致命將行,主人之史又讀贈,所以存録之。 不可,況實囊橐、增産業乎? 人前,日: 太守陳遵爲護喪事,賻助甚豐。 人之子孫者,豈可幸其親之喪以利其家耶? 而誠不副 「菲廢禮。」此之謂也。 「如丹此練、出 ,亦君子所不爲也。 然後白主人,次白護喪, 自機杼。」遵聞而有慙色。 昔子碩欲以賻布之餘具祭器,子 故當使司貨别置曆收之。 古《記》曰:「不以靡没禮 丹乃懷縑 凡 財故也 其同族 一疋,陳之於主 賻襚之物 彼爲祭器 以 若已葬 然則 授 有 服 司 古 爲 且

若主人已成服,則衰絰杖哭而,❷禮,受弔

2

説 津本同、宋本作「乘」,四 庫本作「脱

哭而」,宋本、四 庫本同,學津本作「而哭」,似可從。

不迎 拜。 顙。 褥。 而 重 後拜 禍 主人置杖,坐 賓答拜。 此皆俗禮,然亦表哀素之心,故從之。 茶湯 延 而送之。 ,稽顙,謂以 某親 图至,則 自非親 賓 蒙賜 不 頭觸 進 執 兀子,不 弔 戚,雖平日受拜,至是,須賓主相 地。 慰 托 ,主人曰: 子。 問,不勝 若非三年之喪,則拜 設坐褥,或設 賓退 哀 「某罪 釋 《感。」 杖 而 稽 逆 後 送 白 顙 深 稽

喪 成 亡。 皆如常儀 服 則服 其 蒙賜 (非三年之喪,未成服 其服 慰 問 而出,辭云:「私門不幸,某親 不 勝哀感。」拜 則 小 帽 而 |勒帛 後 徐 稱 類, 既

餘

不入酹。 笑諧謔,豈弔人之道耶? 臨不翔。」《檀弓》曰:「行弔之日,不飲酒、食肉。」孔子於是 日哭,則不歌。又食於喪者之側,未嘗飽也。若在喪者談 酹。 凡 婦人非親戚,及與其子爲執友、當升堂拜母者 弔人者必有感容、《曲禮》:「臨喪不笑,人 名 紙 既 通 ?,喪家 若賓與亡者爲執 於 靈 座 前 炷 香, 友, 澆 則 則

之送賓 服,則 茶,斟 何! 耳稽顙不拜,以未爲後,是故不成拜。今人衆子皆拜,非 可必責於人。孔子弔於舊館而出涕,亦鮮矣。 弔,主人西向,稽**顙** 知死,勿哭可也。若親戚朋友死,安可以不哭哉? 涕爲僞哭,故恥之,弔酹多不哭。 「伏望」。 賓先止,寬釋 感。」又再拜。 也,然恐難頓 被髮徒跣,扱上衽,自椸 香,再拜,跪酹茶、酒,俛伏,興,再拜。 至靈前 某罪逆深重,禍延某親。 望抑 酒、設 護 ,哭盡哀。 古禮,弔人無不哭者。 揖 喪 丽 改。 損 出 出,主人不送,哭而 席 孝 主人,曰:「修短 延賓 賓答拜。 賓答拜。 褥,家人皆哭。 思,俯從禮制。」主人官尊,則 ,曰:「孤某須矣。」賓人**,** 再 拜。 賓主相向哭,盡 左哭而 主人興,進 人之性自有少涕淚者,不 蒙賜沃酹,不 秦穆公弔公子重耳,重 有命,痛 若主人未成 反。 出。 世俗皆以 若知生而 護 謝 賓 毒 ·勝哀 東 喪 主 乃 曰 人 奈 爲 焚 向

負土之類。

擾,謂受其飲食財貨

若主人已成服,則自出受弔。 畢,若賓

請 家人皆哭。 入酹,則主人命炷香 主人揖賓,遂導賓,哭而 **,斟茶、酒於靈** 人,賓亦 座前

哭而 哭。賓酹,如上儀。 人。至靈座前,主人立於賓東,北 酹畢,主人 西西 向 謝賓, 向 立,

曰:「已辱臨弔,重煩沃酹,不勝哀感。」稽顙

再拜。 出,主人送至聽事 賓答拜,相 ,如常儀 向哭。 寬釋如上儀。 賓

親忘己之親故也。 自有三年之喪,則不出弔人。爲其以人之 期喪,十一月以 後 可 以出 弔。

非兄弟,雖鄰不往。」若執友死,雖齊衰亦可以往哭,曾子之 親死而往哭之,非弔也。 如 有服 而將往哭之,則服其服 《檀弓》曰:「有殯,聞遠兄弟之喪,雖緦必往, 服其服,謂服 新死者之服 而往。 謂有服之 也。 事

哭子張是 而 勿擾 也。 也。 助,謂問其所乏,分導營辦,貧者爲之執綍 凡弔及送喪 葬者,必 助 其喪事,

小 斂

葬者,孝子愛親之肌體,不欲使爲物所毀傷,故裹以 厥明,陳小斂衣於堂東北,下以 三月而葬,凡附於棺 「喪三日 席。 而殯,凡附 1,皆所 然古 衣 凡斂

盤 也。 辦則斂,不拘何時。設卓子於阼階東,用置饌及 也。 所有之衣,及親友所襚之衣,隨宜用之。若衣多,不必 以保其肌體也。今世俗有襲而無大小斂,所闕多矣。 明日大斂,顛倒衣裳,使之正方,束以絞衾,韜以衾冒 者,必誠必信,勿之有悔焉耳矣。」古者,死之明日小斂,又 盃、注於其上,冪之以巾。 貧者所辦也。今從簡易,襲用衣一稱,小、大斂,則據死 通用十九稱。大斂,士三十稱,大夫五十稱,君百稱,此 者士襲衣三稱,大夫五稱,諸侯七稱,公九稱。小斂,尊卑 於身者,必誠必信,勿之有悔焉耳矣。 盛以棺槨、深藏之於地下。《檀弓》曰: 人所難辦,但如待賓客之食品,味稍多於始死之奠,則 其西 夏后氏斂用昏,商人斂用日中,周人斂用日出。 設盥盆二,帨巾各二於饌 [無臺,執事者所盥。 中各有架。 古者小斂之奠用牲,今 、,其東有臺,祝 别 以卓子設 今事 產用 所 可 非

四七

枕

帶麻。 用麻。 潔 自項向前交於額上,卻邊髻,如著幧頭也。 髽,亦紐麻爲繩,齊衰以下亦用 今恐倉卒未能具冠絰,故於小斂訖,男子、婦人皆收髮爲 之髽,榛以爲笄,長尺,而總八寸。《喪服小記》惡笄終喪, 始死,去冠,二日,去笄纚,括髮。 男子括髮以麻,婦人髽 冠環絰,視小斂。 既而男子括髮,婦人髽,皆有首絰、腰 遣奠皆同。 ,齊衰以下至同五世祖者皆免,列布或縫絹,廣寸。 , 先用麻繩撮髻, 又以布爲頭帶。 盆 髽者,去纚爲紒也。 婦人惡笄,當用鑑釵,或竹木骨角爲簪。 新 具括髮麻、免布及髽麻。 拭 巾於其東。 南宫縚之妻之姑之喪,夫子誨 布網 所以 爲免,皆如幧頭之制. 斬衰者括髮,紐麻爲 洗盞、 爲母雖齊衰,亦 拭盞 古者,主人 至於鐶 自 婦人 此 絰。 至

顛 以掩足。古者折其末,使可結,然布强而闊,難結,不若於 事 兩端各綴二絹帶,則緊急。 下,縱一於上。横者足以周身相結,縱者上足以掩首,下足 或倒 者鋪絞、絞,以細布或綵爲之,一幅析爲三,鋪横三於 設 取 小斂牀,施薦席、氊褥於西階之西 方而 Ë 斂時平鋪其衣,不復穿袖。 複衾、小 斂衣於牀,或 又去

之類用金銀者,居喪盡當去之。

間。 其面。 之。 則并掩首裹之,束之以絞,使其形正方,適足滿棺。 之處。 斂,移於堂。今堂室之制異於古,且從簡易,故小斂亦於中 牀之南,古者,小斂席於户内,設牀第 即依此次叙。 ,舒絹 乃遷襲奠卓子。 執事者舉牀,自西 又卷衣以夾兩脛,然後以餘衣掩尸,裹之以衾,未掩 蓋孝子猶俟其復生,欲時見其面故也。 或疊衣藉首,卷其兩端,夾首兩旁,以 上衣不倒。上衣,謂公服襴衫之類,故尊 下闕。 階升堂,設 於兩 於 楹之間。 補肩上空虚 及將大斂 中 間 鋪 襲 時 既

棺 **槨**原本全文俱闕

四八

大 斂 殯

盡哀。 牀曰尸,在棺曰柩。」若無護喪,則主人當輟哭,親視殯斂 設靈座於故處。主人以下,皆復位如故。 設跗,立於賓東。 釘,徹小斂牀。 役者累墼塗殯訖,祝取銘旌 掩左,次掩右,令棺中平滿。主人、主婦憑哭 棺中,啓盜賊心。收衾,先掩足,次掩首,次 之,務令充實不可揺動。慎勿以金玉珍玩 喪禮》:「卒塗,祝取銘,置於肂。主人復位,踊,襲。」注: 饌,自阼階升,置於靈座前。 務令安固,不可但哭而已。 動尸、舉柩,主人以下哭、擗無筭。《曲禮》:「在 原本上文闕。● 即又揣其空缺之處,卷衣 婦人退,人幕下,❷然後召匠加蓋、下 卑幼再拜哭,皆如小斂奠之儀。《士 跗,杠足也。 祝帥執事者盥手,舉 其制如人衣架。 祝焚香洗盞,斟 凡 復 新 塞

> 字,並於頁眉處補充闕文,録之如下: 「大殮殯」下,手書「殘宋本三家冠婚喪祭禮此起」十二 「即又揣其空缺之處」,無此十八字。 按:孫校自此始 下 闕」至「上文闕」,宋本自「乃遷襲奠卓子」下徑

0

俱盥手,共舉尸,納於棺中,實鬈爪齒牙於棺之四角中。 中間少西而已。若卑幼之喪,則殯於别室。今世俗多殯於僧 南向者言之。若影堂他向、則以左爲東、右爲西、前爲南、後爲 衣無常數,衾用有綿者。凡此儀言東西南北,皆據靈坐及影堂 蟲流,豈不傷哉? 陳大斂衣衾於堂東壁,下以席。 日,亦無傷也。世俗以陰陽拘忌擇日而斂,盛暑之際,至有汁出 具,亦可以成矣,親戚之遠者,亦可以至矣。是故聖人爲之斷 時落者。《喪大記》曰"「君大夫馨爪,實於角中,士埋之。」 裔,衾四垂也。 或爲僧所棄,不孝之罪,孰大於此! 舍,無人守視,往往以年月未利,踰數十年不葬,或爲盜賊所發 决,以三日爲之禮也。」今貧者喪具或未辨,或漆棺未乾,雖過三 斂,以俟其生也, 三日而不生,亦不生矣。家室之計,衣服之 故匍匐而哭之,若將復生然,安可得奪而斂之也? 故三日而後 曰:「或問:死三日而後斂者何也? 曰:孝子親死,悲哀志懑 靈坐及小斂奠於旁側,役者舉棺以入,置於小斂牀之 今堂室異制,又堂或狹小,不能容哭者之位,故但殯於堂之 周人殯於西階之上,猶賓之也。父母而賓客之,所以爲哀 陳酒饌、卓子、盥帨於阼階東、如小斂之儀。乃遷 侍者先置衾於棺中,垂其裔於四外,乃與子孫、婦女 厥明,古者,死之明日小斂,又明日大斂而殯。《問 髯, 亂髮也, 髯爪, 謂沐浴時所憐翦。 齒牙,謂 具泥墼於西階下,役者 大斂 喪

北。

西。

·入」下,孫校於右側加「立」。

出。

四 九

爲銘

設柎,❶樹之肂東。」又

日

「乃奠,

,**燭**升自

阼 階

祝

執

五〇

後 學汪郊校 司 馬 氏 書儀卷第 五

隅謂之奥。」《既夕・記》:「燕養、饋、

日。」注:「燕養,❷所用供養也。

饋,朝夕食也。

羞

, 四 [時之

生

巾席從,設於奧,東面。]注:

「自是不復奠於尸室中,西

南

羞、湯沐之饋,

如

生

於殯東,亦非禮 西間,東向,兩處饋奠,甚無謂也。 也。 今但設奠於靈座前,庶從簡易。 又靈座若在殯,❸ 而 主 奠

人以下,各歸其次,留婦人兩人守殯,共止代

共」,孫校塗改作「宫」。

如此,屬上讀,成「守殯宫」。

無燕寢。

又朝夕之奠何嘗不用飯?

而更設靈座於下

室

别

其宜也。

今士大夫家,既不可殯於聽事,則正室之外,

古者,室中牖在西,戸在東,故設神席

於西

南隅,東面,得

平生。

東向,施牀、几、案、屏幛、服飾,以時上膳羞及湯沐,皆如

下室者,謂燕寢,無下室,則設靈座於殯東。」按:

施蓋訖,設大斂之奠於殯東。

既殯,設靈座於下室西間,

西

面,設於席前。

六品以下,設於靈座

前

席。

殯於外者

升自阼階,人設於室之西南隅,東面。

贊者以饌升,入室,

有黍稷也。」《開元禮》:「三品以上將奠,執巾、几、席者,

也。」又曰:「朔月若薦新,則不饋於下室。」注:「以殷奠

珍異。孝子不忍一日廢其事親之禮,於下室日設之,如

0 0 跗。 柎 .燕養」下,孫校加「平常」二字。 殯」下,孫校加「南」。 學 津 本 同, 宋本、四 庫本 作 跗 孫 校 塗改

則哭,避市邑喧繁之處。

《奔喪》曰:

「哭避市朝。」

司馬氏書儀卷第六

注:「謂驚衆也。」今人奔喪及從柩行者,遇城邑則哭,❷是

喪儀

聞喪 奔喪

本所有,●且非倉猝所辦,今從便。遂行。日行百白布衫,繩帶麻屨,古者未成服者素委貌、深衣,恐非由也。雖非父母,聞喪而哭,其禮亦然。」裂布爲四脚,哭,盡哀。《奔喪》禮注:「親,父母也。問故,問親喪所哭,盡哀。問故,又

父母之喪,見星而行,見星而舍。 道中哀至或有親屬皆行,不能日行百里,道中亦不可滯留也。惟里,不以夜行。《奔喪》注:「雖有哀感,猶辟害也。」雖

至,則出見之,無人則不爲,飾詐之道也。望其州境哭,有人則爲之,無人則不爲,飾詐之道也。望其州境哭,猶 聖其縣境哭,望其城哭,望其家哭。入門,升 望其縣境哭,望其城哭,望其家哭。入門,升 望其縣境哭,望其城哭,望其家哭。入門,升 理其縣境哭,望其城哭,望其家哭。入門,升 是,則出見之,無人則不爲,飾詐之道也。望其州境哭, 至,則出見之,無人則不爲,飾詐之道也。望其州境哭,

若未得行,須應過三日以上者,則爲位

位」下,孫校加「東」。

❷ 「謂」,孫校塗改作「爲」,又於「哭」下加「過則止」三字。❶ 「本」,孫校塗改作「今」。

^{● 「}出」,孫校塗改作「哭」。

五

注 之儀。 奠者,❶喪側無子孫,則此中設朝夕奠,如在喪側。 今仕宦他方者,始聞喪,比至治裝挈家而歸,鮮有不過三日 行乃行。」又曰:「凡爲位不奠。」注:「以其精神不存乎是。」 位,其哭之,不離聞喪之處。 君命有事者。 不奠,《奔喪》曰: 設位,朝奠而行。 柩,左右前後設哭位,皆如在尸柩之旁,而不設朝夕飲食之 者,安得不爲位而哭? 扱衽,徒跣,袒括髮,其餘皆如未成服之儀。 斂之儀。 長,又受諸卑幼拜 衰者袒括髮,齊衰以下,袒免、代哭,皆如 被髮,扱衽,徒跣,皆如始死之儀。 人門,至殯前,北 「無君事,又無故,而以己私未奔者,父母之喪,則不爲 道中及至家,惟不去冠及上服,被髮, 聞 位,有酇列之處,如其家朝夕哭位矣。」又 喪後四 既就 「聞喪,不得奔喪,乃爲位。」注: 面 館,至夕,設位而奠。 既無酇列,當置倚子一枚,以代尸 ,❷皆哭盡哀。 弔賓至,即 日成服 再拜,哭盡哀。 齊衰以下,更爲位而哭,皆可 而朝哭,皆如在家 明日 酇,子短切。 拜諸 道中亦 一謂 「, 斬 亦 尊 以

> 哭之,何暇擇日? 及師友知識之喪,哭皆有處。 衰以下,聞喪則爲位而哭。古禮,聞父、母、妻之黨 哀,餘如未葬之儀。已成服者,不袒括髮,齊 四 及受卑幼拜,如上儀。 即本位,又哭盡 成服者去布四脚及布衫,袒 哭,至墓,北面哭盡哀,再拜。在家丈夫之待 尊長之喪,則爲位於正堂,卑幼之喪,爲位於别室,❸而 之也,即位於墓左,婦人墓右,皆哭盡哀。未 脚及布衫,袒括髮,至靈 今人皆擇日舉哀,凡悲哀之至,在初聞其喪,聞 若奔喪者不及殯, 又舉哀、挂服皆於僧舍、蓋以《五服年月 哀。 復著布四 今寢廟異制,不能如古,但聞 遂歸至家,入門,去 則先之墓。 座前,北 括髮於墓 脚衫 ,拜尊長 面 望 東南, 喪則 哭 墓 杰 布 而 哭

出

見之。

者」,孫校塗改作「若」。 如此,便應屬下讀

[「]爲」字上側,孫校加「則」字。按:此據上句文例補字。 又」,孫校塗改作「及」。 按"當是依據上文文例類推

舍,不於本家? 蓋由今人多忌諱故也。

儀。

文哭盡哀。乃見諸尊長及卑幼,拜哭如主人北向哭盡哀,再拜。乃易所服之服,即本位,而哭,小功以下至門而哭。人門,始至殯前,速惟所欲。既至,齊衰望鄉而哭,大功望門速惟所欲。既至,齊衰望鄉而哭,大功望門

朔爲位會哭,遂除服。

哭。自是每月朔爲位會哭,月數既滿,次月功以下,始聞喪,爲位會哭,成服,又爲位會哭。大爲位會哭,如日之朝,成服,又爲位會哭。大

見,不變服,各哭盡哀,然後叙拜。自有喪以來親戚未常相見者,既除服而相其聞喪至各哭,固無常準。齊衰以上,

飲食

西,不與人樂之。 民初喪,諸子三日不食,期、九月之喪, 底。親戚鄰里必爲糜粥以飲食之,尊長勉之 強之,亦可少食,足以充虚續氣而已。既斂, 强之,亦可少食,足以充虚續氣而已。既斂, 强之,亦可少食,足以充虚續氣而已。既斂, 不食菜果。五月、三月之喪,再不食,或一不

身,飲酒食肉,處於內。《喪服傳》斬衰「歐粥,朝一九月之喪,既葬,食肉飲酒,不與人樂之。若有疾,雖父母之喪,食肉飲酒,不與人樂之。若太門之喪,既葬,食肉飲酒,不與人樂之。若以一人,食之喪,既虞、卒哭,疏食水飲,不食

❶ 「若」,孫校塗改作「苟」。

粗也。 溢米,夕 果,又期而大祥,有醯醬,中月而禫,禫而飲 之喪,既虞、卒哭,疏食水飲,不食菜果,期 不食菜果,大功,不食醯醬,小功、緦麻,不飲 斂焉,則一不食。父母之喪,既殯,食粥,齊衰,疏食水飲 不食,齊衰二日不食,大功三不食,小功、總麻再不食,士與 食」,注:「二十兩曰溢,爲米一升二十四分升之一。 毁,七十唯衰麻在身,飲酒食肉,處於内。」注:「所以養衰 注 死傷生,毀不滅性」,此聖人之政也。 爲貴,然亦須量力而行之。《孝經》:「三日而食,教民無以 多少不同,食粥者取飽而已,不爲限量。 之。叔母、世母,食肉飲酒。」今參取其中而用之。 之喪,亦一不食、再不食可也,既葬,食肉飲酒,不與 九月之喪猶期之喪也,食肉飲酒,不與人樂之,五月、三月 者先飲醴酒,始食肉者先食乾肉。」注: 止復初。 其常性也。 喪大記》: 「謂其廢 素猶故也,謂復平生時食也。」《間傳》:「斬衰三日 不勝喪,乃比於不慈不孝。 溢 《曲禮》曰:「居喪之禮,毀瘠不形,視聽不衰。」 「祥而食肉。 米。 喪事,形謂骨見。」又曰:「有疾則飲酒 既 虞, 流食 期之喪三不食,既葬,食肉飲酒, 水 飲。 既 滅性,謂毀極失志 五十不致毁,六十不 練 「不忍發御厚 凡居喪,雖以 始食菜果 ()醴酒。 丽 八體酒。 小 祥, 官肉,疾 人食飲 始飲酒 (人樂 父母 毁 食菜 疏 味。」 飯 · 變 瘠 猶 素

餅

也。 也。 菜羹。」彼應食粥也,猶可食菜羹,況既葬應疏食者? 能三日不食者,量食粥可也。 子病之。」故强忍致疾,亦非聖人之所許也。 火,故鄰里爲之糜粥以飲食之。。鄉里舊俗,親鄰有喪, 曰:「不能食粥,羹之以菜可也。」注: 貯粥,就草土中哺之,謂之「飱孝粥」,此乃古禮之尚存 人口者三日。」《問喪》曰:「親始死,水漿不入口三日,不 老。」人五十始衰,曾子謂子思 餌,亦無傷,但 而忘哀,亦非禮也。 《雜記》曰: 疏食水飲不能飽者,既葬食菜茹醯醬可也, 「喪食雖惡,必充飢。 !勿食肉飲酒斯可矣。 視不明,聽不聰,行不正,不知哀,君 **∃** 粥不能 吾 「謂性不能者 飽者,既殯食粗 飢 執 而廢 親 之喪 海,非 人或體羸,不 也,水漿 《喪大記 「, 可 禮 食 以 至 飯 也

飽

此設。」義真曰:「旦甚寒、長史事 可長也。」因言於帝曰:「公方以孝治天下,而聽阮 誕,居喪無禮,何曾面質籍於文帝座,曰:「卿敗俗之人,不 喪,居道上,不素食,霍光數其罪而廢之。 長史劉湛人,因命臑酒炙車鳌,湛正色曰:「公當今不宜 義真居武帝憂,使左右買 哀飲酒食肉於公座,宜擯四裔,無令汙染華夏。」宋 古人居喪,無敢公然食肉飲酒者。 魚肉 珍 '羞'於齊内 同 一家,望不爲異。」酒 漢昌邑王奔昭 晉阮籍負才放 别立 廚 帳。 廬 籍 陵 以 帝 也

可恣食珍羞盛饌及與人宴樂,是則雖被衰麻,其實不行喪 羸憊,恐成疾者,可以肉汁及脯醢,或肉少許,助其滋味,不 有疾,暫須食飲,疾止亦當復初。必若素食不能下咽,久而

唯五十以上氣血既衰,必資酒肉扶養者,則不必然耳。

其居喪聽樂及嫁娶者,國有正法,此不復論

喪 次

帝爲太子,居文獻皇后喪,每朝令進

二溢米,而私令外

肥

湖南楚

至,湛起,曰:

「既不能以禮自處,又不能以禮處人。」隋煬

肉脯鮓,置竹筒中,以蠟閉口,衣襆裹而納之。

曰:「昔阮籍居喪,食蒸肫,何代無賢?」然則五代之時,居

希聲葬其父武穆王之日,猶

食雞臛。

其官屬潘起

~ 譏之、 王馬 取

友食之,則食之矣,不避粱肉。

若有酒醴則辭。」然則飲酒

宴集,靦然無愧,人亦恬不爲怪。

禮俗之壞,習以爲常,悲

尤不可也。今之士大夫居喪,食肉飲酒,無異平日,又相從

其黨也食之,非其黨弗食也。」《喪大記》曰:●「大夫、父之 曰:「有服,人召之食,不往。大功以下既葬適人,人食之, 喪食肉者人猶以爲異事,是流俗之弊其來甚近也。《雜記》

齊衰,寢有席。大功以下異居者,既殯,可 斬衰,寢苫枕塊,苫謂藁薦,塊謂擊。 歸其家,猶居宿於外,三月而後復寢。 虞,寢有席,枕木。 二十七月除 不與人坐焉。非時見乎母也,不入中門。既 中門之外,擇朴陋之室,以爲丈夫喪次。 服 不脱絰 丽 復 寢。 以

斬衰,不寢苫,但徹去帷帳衾褥之類華麗者, 婦人次於中門之内别室,或居殯側。

帶。 之梁柱,楣所謂梁闍也。 喪次。《喪服傳》:「斬衰,居倚廬,寢苫枕塊,寢不脱 既虞,翦屏柱楣,寢有席。 男子無故不入中門,婦人不得輒至男子 舍外寢,於中門之外壘擊爲之,不 既練,舍外寢。」注:「楣謂 絰

此乎!

凡居父母之喪者,大祥之前,皆未可食肉飲酒。

若 至

亦有乘喪即嫁娶者,噫!

習俗之難變,愚夫之難曉,乃

者,初喪作樂以娱尸,及殯葬則以樂導轜車,而號哭隨之。

主人亦自備酒饌相與飲啜,醉飽連日。

及葬,亦如之。

甚

可也。

乃至鄙野之人,或初喪未斂,親賓則齎酒饌往勞之、

喪 大記曰」,宋本作「注往而見食之則食之」九字。

0

五 五

雖

席。 期、大功九月者、皆三月不入寢。 練、居堊室、不與人居。既祥、黝堊。 者。 注:「宮謂圍障之也,襢謂不障。」「既葬,柱楣塗廬,不於顯 塗,寢苫枕塊,非喪事不言。 君爲廬,宮之,大夫士襢之。」 無房者 寢; 父母,既葬。● 父不次於子,兄不次於弟。」注:「謂不就其 麻於大功之南設牀。 禮》:「五品以上喪,爲廬於殯堂東廊下,諸子各一廬。 苄翦不納,期而小祥,居堊室,寢有席,又期而大祥,居復 脱絰帶。 之在土也。」《間傳》曰:「父母之喪,居倚廬,寢苫枕塊,不 非時見乎母也,不入門。」又曰:「童子不廬。」《問喪》曰: 殯宫爲次而居。」《雜記》曰:「廬、堊室之中,不與人坐焉。 廊 衰於廬南爲堊室,俱北户,大功於堊室之南張帷,小 成壙而歸,不敢入處室,哀親之在外也,寢苫枕塊,哀親 既 ,於墻下。 中月而 君大夫士皆宫之。」注: 「不於顯者,不塗見面。」「既 小功、總麻、牀可也。父母之喪、既虞卒哭、柱楣翦屏、 ,所謂堊室也。』《喪大記》曰: 於别 齊衰之喪,居堊室,苄翦不納。 禪,禫而牀。」注:「苄,今之蒲苹也。」《開 先以一木横於墻下,去墻五尺,卧於地爲楣 室。」楊 垂《喪服圖》: 婦人次於西房、若殯後、施 婦人不居廬,不寢苫, 「父母之喪,居 「設倚 吉祭而復寢。 廬 大功之喪,寢有 於東 廊下; 倚廬,不 牀殯堂。 功、 齊衰 緦 喪 齊 元

> 藥。 屏之。 子喪次也。 苄,户嫁反。 處可也。」如此,則非富家大第不能備此禮,故但擇朴陋之 之,西向開門。 室,以 即 之際,不可不慎。 席、白氊布褥、白幬帳,可 大寒、大暑、雨濕、蚊蚋,其羸疾之人有不能堪者,聽施 室不丹艧黝堊者居之,斬衰居一室,齊衰居一室,可 立五椽於上,斜倚東墉,以草苫蓋之。 客往見之,鄉黨以爲貶議,坐是沈滯,坎軻終身。 擊壘三面,上至屋。 向北開門。❷ 其堊室及大功以下幕次,不必每人爲之,共 故男子無事不入中門,婦人不得輒至男 一孝一廬,門簾以 也。 如於墻下,則亦如偏屋,以 晉陳壽遭父喪,有疾,使婢 縗 其 布。 南 北 廬 面亦以草 南 也。 嫌 瓦 爲 若 丸

五服制度

輒, 外,裳縫向内。 音輒。 斬 衰,用 皆屈 極 兩 裳前三幅,後四 麄 邊相著,空其中。 生布爲之,不緝。 [幅,每 負 版 衣 幅 方 作 縫 向

^{● 「}向北」、宋本作「北向」。● 「既葬」下、《喪大記》有「而歸」二字。

負版一寸,亦綴於領下。衰長六寸,廣四寸,垂放之。辟領方四寸,置於負版兩旁,各攙尺八寸,此尺寸皆用周尺。在背上,綴於領下,一

衽用布三尺五寸,留上一尺正方,不破,旁入綴於前衿,當心。 衣長過腰,足以掩裳上際。

沓,綴於衣兩旁,垂之向下,狀如燕尾,掩裳寸,横斷之,留下一尺正方,以兩正方左右相

皆如父與舅、餘親

六寸,乃向下邪裁之一尺五寸,去下畔,亦六

之,兩頭皆在武下,向外反屈之,縫於武。用紙糊爲材,上裹以布,爲三輒,皆向右縱縫

旁際。

冠比衰

布稍細,廣三寸,跨頂前後,以

麻紐爲首經,其大一扼,左本在下。五分去至耳,於武上綴之,各垂於頤下,結之。有子麻繩一條,從額上約之,至頂後。交過前,各

本,散垂三尺。其交結處 ,繫之,使不脱,又 以爲 腰経,兩 股 相交,兩 以 細 ,兩旁各綴細白 繩 頭結之,各存 帶繫 於於 其 上。 紹 麻

> 屨。 爲父截竹爲杖,高齊其心,本在下。 著麄麻

布帶。 代大袖。子爲母杖,上圓 帬,惡竹髮,●布蓋 婦 人亦用 婦爲姑亦緝其衣裳,無子麻爲絰,餘 極麄 頭,麄 生布爲大袖 麻屨。 下方,亦本 及長 衆妾以 裙 在 背子 布 下。 頭

露髻,生白絹爲頭箒、蓋頭,著白屨。 布帶、麻屨。 爲布四脚,其制 大暑則屈 小脚,以 齊衰,以 覆髻,自額 後 小脚,於髻前 婦人 布 如 稍 幅 麄 以 前 巾,前綴二大脚,後綴二 布稍細者爲背子及 者爲寬袖 向 頂 繫之,謂 、後,以 襴衫,稍 大 之幞 脚繫之, 細 頭。 者

繫黑鞓角帶。 大功以生白絹爲四脚,婦人以大功、小功、緦麻,皆用生白絹爲襴衫,

「竹髮」,孫校塗改作「笄髽」。

0

五.

爲頭帶、蓋頭。小功、緦麻,勿著華采之服而生白絹爲背子及裙。● 大功露髻,以生白絹

之,禮也。 家爲之。喪家若貧,親戚異居者自制而服當自制其服而往會喪。今人多忌諱,皆仰喪出,皆與我,皆何來,也,不過我,以所,皆

皂布衫、垂脚黲紗幞頭、脂皮爁鐵或白布裹也。小祥則除首絰、負版及衰。大祥後,服服白布襴衫,白布四脚,白布帶,麻屨,亦可服白布襴衫,白布四脚,白布帶,麻屨,亦可三年之喪,既葬家居,非饋祭及見賓客,

角帶。❷

哭之。 物 除,則服輕服以終其餘日。 服。其除之也,亦服 也,寧無衰。」注:「不當物,謂精 若重 月朔輒 喪未滿 爲位 而 一, 服 遭輕喪,則制 輕服。 而哭之。 麓、廣狹不應法制。」古 若除重喪而 《檀弓》曰:「與其不當 輕喪之服 既畢,返 輕 未 重 而

> 數久矣。 事其布曰緦。」蓋當時有織此布以供喪用者。 縷爲一升,同服之中,升數又有異者焉。 衰以下用布。』《傳》曰 象緇布冠之闕項,❸腰絰象大帶。 絞帶,冠,繩纓,菅屨。] 注:「麻在首、在 幾有好禮者,猶能行之。《喪服傳》曰:「斬衰裳,苴絰、杖 之何者也。今且於父母、舅姑、夫、君之服粗存古制 之者,必爲尊長所不容,衆人所譏誚。 爲父母、婦爲舅姑、妻爲夫、妾爲君之外,莫肯服布。 之際,士大夫家喪服猶如古禮也。 制度略相同,但以精粗及無負版、衰爲異耳。」然則唐、五代 十升、十一升、十二升,總麻十五升去其半。 衰三升,齊衰四升、五升、六升,大功七升、八升、九升,小功 者,五服皆用 裴莒、劉岳《書儀》:「五服皆用布,衣裳上下異 布 以 升數爲別。 「斬者何? 每 幅二尺二寸 近世俗多忌諱,自 不緝也。 又有絞帶,象革帶。 此必不可强,此無如 腰,皆曰絰。 故《間傳》曰:「斬 有事其縷,無 苴絰者,麻之 布之不論升 ,其絰以八十 度,庶 首經 有服 非子 齊

闕」,四庫本同,學津本作「缺」,宋本作「類」。

8 8

① 「婦人」,四庫本同,宋本作「小功」,學津本作「婦上」,

[「]黲」,宋本作「慘」,孫校旁加「慘」字。

畢,鍛而勿灰。 之経,斬衰之帶也,去五分一以爲帶,大功以下皆以是爲 有費者也。 者,謂辟兩側、 也。太古冠布衣布,先知爲上,外殺其幅,以便體也, 束其本,又束其末。箭笄,篠竹也。髽,露紒也。但言衰不 年。」注:「此喪服之異於男子者,總,束髮。 人之扼圍九寸。 内展之,缉衰者外展之。」又曰: 内衰外。」注:「齊,缉也。 爲下,内殺其幅,稍有飾。 衽。」又曰:「凡衰外削幅,裳内削幅,幅三袧。」注:「削猶殺 言裳,婦人不殊裳,衰如男子衰,下如深衣,衰無帶下,又無 功以下左縫。 妻爲夫,妾爲君,女子子在室爲父,布總,箭笄,髽,衰,三 病也。 苴,竹也。 屬猶著也,通屈一條繩爲武,垂下爲纓,著之冠也。 童子何以不杖? 無爵而杖者何? 絞帶者,繩帶也。 苴 外畢者,冠前後屈,而出縫於武也。」又曰: 絰大搹,左本在下。 空中央也。 削,桐也。 衰三升。 擔猶假也。 不能病也。 菅屨者,菅菲也,外納。」注:「中 擔主也。 杖各齊其心,皆下本。杖者何? 凡五服之衰,一 後世聖人易之,以此爲喪服。 凡裳前三幅。」又曰:「若齊,裳 冠繩纓,條屬右縫。 無爵者假之以杖,尊其爲主 「負廣出於適寸。」注:「負 非主而杖者何? 去五分一以爲帶,齊衰 婦人何以不杖? 斬四緝。 謂之總者,既 冠六升,外 緝 一裳者 亦 輔病 後 小 不 袧 知 0 也,以 而已。 有

也。

爵也。

差。

也。

能

大功以下隨俗,且用絹爲之,但以四 所宜服,次道曰: 麻無以異也。宋次道,今之練習禮俗者也。 叔父母,親則衆子、兄弟、兄弟之子,而世俗皆服絹,是與緦 作布大袖及裙而已。齊衰之服,其尊則高祖、曾祖父母、伯 不能備此衰裳之制,亦可隨俗,且作粗布寬袖襴衫,然冠 寸,凡用布三尺五寸。」世俗五服皆不緝 下尺。」注:「要也廣尺,足以掩裳上際也。」又曰:「衽二尺 與關中八寸也,兩之爲尺六寸也。 旁一寸。」又曰:「適博四寸,出於衰。」注:「辟領廣四寸,則 在背上者也。 絰、帶不可闕也。 不緝,餘衰皆緝。 後有負版,左右有辟領,孝子哀戚無所不在。]又曰:「衣帶 又曰:「衰長六寸,博四寸。」●注: 五寸。]注:「衽所以掩裳際也,上正一尺,燕尾二尺 俟後賢, 庶謂釐正之耳。 此子思所謂 適,辟領也。 古者婦人衣服相連,今不相連,故但隨 必外向,所以别其吉服也。 「當服布幞頭,布襴衫,布帶。」今從之。 「有其禮,有其財,無其時,君子弗行」者 負出 古者既葬、練、祥、禫皆有受 於辟 「廣袤當心也。 出於衰者,旁出衰外。」 脚 領也,負出 包 非也。 頭帕額别 余嘗問以齊衰 下俚之家,或 禮 於辟領 前有衰 其輕 惟 斬 重 衰 五. 外

博」,宋本作「廣」。

服,變而從輕。今世俗無受服,自成服至大祥,其衰無變,

故於既葬别爲家居之服,是亦受服之意也。

不得已而出,則乘樸馬,布裹鞍轡。以代古惡父母之喪,不當出。若爲喪事及有故,

車,婦人以布幕車檐。

五服年月略其詳見五服年月次

斬衰三年

爲祖後者。父爲嫡長子。亦謂當爲後者。婦爲子爲父。女在室同。嫡孫爲祖承重。謂當

舅。 其夫爲祖後者,妻亦從服。凡婦服夫黨,當喪而出,

亦如之。妻爲夫。妾爲君。則除之。爲人後者爲所後父。爲父所後祖承重

者

齊衰三年

嫡長子。婦爲姑。其夫爲祖後者,妻亦從服祖姑。子爲母。嫡孫承重,祖卒爲祖母。母爲

齊衰杖期

若爲父後,則無服。夫爲妻。 子爲嫁母、出母,報。報,爲母服其子亦

同

齊衰不杖期

弟之子。 者爲父母。《喪服小記》「未練而出,則三年,未練 與子者亦同。 亦謂當爲後者。爲姑姊妹、女在室。雖適人,無夫 反,則期,既練而反,則遂之。 爲兄弟。 爲祖父母。女出嫁者亦同。 爲衆子。 舅姑爲嫡婦。 爲人後者爲其父母,報。 爲兄弟之子。 妾爲嫡妻。 爲伯叔 爲 爲夫兄 女適人 父母。 嫡孫。

齊衰五月

爲曾祖父母。女出嫁者亦同

齊衰三月

爲高祖父母。女出嫁者亦同。

大功九月此謂成人者也。凡子,年十九至

之易月。生未三月,則不哭也。男子已娶,下,各以次降等。不滿八歲,爲無服之殤,哭殤服七月,下殤服小功五月。應服大功以傷服下殤。應服期者,長殤服大功九月,中歲爲下殤。應服期者,長殤服大功九月,中

爲從兄弟。爲庶孫。爲女、姑姊妹、兄

女子許嫁,皆不爲殤

爲衆子婦。爲兄弟子之婦。爲夫之祖父母、人後、女適人者,爲其私親。大功以下,各降一等,准此。弟、妷。爲人後者爲其兄弟、姑姊妹。凡男爲弟之女適人者。 女適人者爲伯叔父母、兄

小功五月

伯叔父母、兄弟子之婦。

孫。爲從祖父母。父之從父兄弟及妻。爲從兄爲從祖祖父母。祖之兄弟及妻。爲兄弟之

父兄弟姊妹。● 爲兄弟妻。爲夫之兄弟。 《服問》曰:「母出,則爲繼母之黨服,不爲其母之黨服。母 。母之姊妹。爲甥。爲夫兄弟之孫。爲夫 母。母之姊妹。爲甥。爲夫兄弟之孫。爲夫 母。母之姊妹。爲甥。爲夫兄弟之孫。爲矣。 爲從兄弟之子。爲於之好,以為之孫。爲於祖父母。 以兄弟之子。爲從父兄弟之常服,不爲其母之黨服。母 於兄弟之子。爲從父兄弟之子。爲從祖兄弟、姑

緦麻三月

妻服。爲祖從父兄弟之妻服。爲父再從兄子。爲姑之子。爲舅之子。爲曾祖兄弟之姊妹服。爲外孫。爲曾孫、玄孫。爲從母之姊妹服。爲父兄弟姊妹服。爲父之再從兄弟爲祖之從父兄弟姊妹服。爲父之再從兄弟爲三從兄弟。爲曾祖之兄弟姊妹服。

❶ 「同」下,孫校加「母」。

婦。 子者。 之舅及從母。爲姊妹子之婦。爲甥之婦。 子之婦。爲父之從父姊。❶ 在室、適人等。爲夫 服。爲夫之從兄弟之妻。爲從父兄弟子之 曾祖、高祖父母。 爲夫之從祖祖兄弟及妻 弟之妻服。 爲夫之外祖父母服。爲夫之從父兄弟 爲乳母。 爲 爲壻。 庶孫之婦。 爲妻之父母。 爲庶 母。 爲 父之妾有 夫之

成 服

日。 無袒、括髮也。 也。 鄭曰:「與,數也。 死數往日,謂殯、斂以死日數也。」今人大斂即成服,是 大斂之明 五服之人各服其服,人就位,然 日 **,**《曲 生數 來日,謂成服、 . 禮 》 曰:「生與 杖以 來日, 死 來日數 死 與 往

朝 夕 奠❷

後

朝夕奠。

奠逮日,陰陽交接,庶幾通之。 自 成服 之後,朝 夕設 奠。 如平 Ħ 朝 奠 朝餔之食, 日 出

> 二切。层,克盍切。❶ 子心欲見殯肂也。 南,可也。主人以下各服其服,入就位。 執事者具新饌於阼階東,無阼階,則但在靈 奠,然亦不可盛於時 坐哭,卑幼立哭。 加 酒果。 皆褰帷幔、《雜記》曰:「朝夕哭,不帷。」注:「緣孝 事 死 如 既出,則施其层,鬼神尚幽闇也。」肂,以 事 祭之饋。 用素器。 生。 祝帥執事者盥手,徹 月朔 遇麥禾黍稻熟薦新 則設 以主人有哀素之心也 饌,❸古謂之殷 舊饌 亦 尊長 座 如 東 朔

歸次。 夕奠將至,然後徹朝奠。 朝奠之將

盞,斟酒奠之,復位。

卑幼皆再拜,哭盡哀

置座西南,乃設新饌

於靈

座

前,止哭。

祝洗

校於「夕奠」上手書

0

字,今據孫校及目録補 朝」,原脱,目録不脱,孫 姊」下,孫校加「妹」。

一饌」上,孫校加「盛」。

塗改作「功闔」。 「克」,宋本作「功」。 「盍」,宋本作空格。 「克盍」,孫校

設饌如食,頃去之,止留茶、酒、果,仍罩之。至,❶然後徹夕奠,各用罩子。 若天暑,恐臭敗,則

司馬氏書儀卷第六

後學汪郊校訂

「之」,孫校圈删。

0

六三

司 馬氏書儀卷第七

喪 儀

ト宅兆葬日《開元禮》五品以上ト,六品 以下

筮。今若不曉卜筮,止用环珓,❶可也。 若葬

於祖塋,則更不卜筮

與明器。」今但殯畢,則可以謀葬事。 既 殯,以謀葬事。《檀弓》曰:「既殯,旬 既 擇 地, 而布 得 數 材

《孝經》曰:「卜其宅兆而安措之。」謂

卜地決其吉凶

古者天子七月,諸侯五月,大夫三月,士踰月而葬。 也」,又曰「死,則擇不食之地而葬我焉」,明無地不可葬也。 爾,非若今陰陽家相其山 崗風水也。 國子高曰「葬者、藏 蓋以會

> 深遠,恐淺則爲人所汩,深則濕潤速朽,故必擇土厚水深之 而自求其利耶? 葬實能致人禍福,爲子孫者豈忍使其親臭腐暴露,不殯葬 二説者自相矛盾,而世俗兩信之,其愚惑可謂甚矣! 如 凡人所貴身後有子孫者,正爲收藏形骸耳。其子孫所爲乃 擇山水形勢,以爲子孫貧富、貴賤、賢愚、壽夭盡繫於此 其禍福,❷與今不殊,世俗信葬師之説,既擇年月日時,又 葬。 言,則人之禄命固已定於初生矣,豈因殯葬而可改邪? 且彼陰陽家謂人所生年月日時足以定終身禄命,信如此 不葬,或累世不葬,或子孫衰替,忘失處所,遂棄捐不葬者。 紜,無時可決。其尸柩,或寄僧寺,❸或委遠方,至有終身 又葬師所有之書,人人異同,此以爲吉,彼以爲凶,争論紛 何嘗擇年月日時也? 而克葬。 此、曷若初無子孫、死於道路、猶有仁者見而殣之邪。 按:《春秋》:「己丑,葬敬嬴,雨,不克葬。 丁巳,葬定公,雨,不克葬。 悖禮傷義,無過於此。 葬於北方,北首,何嘗擇地也? 壬午,日下昃乃葬。」 然孝子之心,慮 庚寅,日 使殯 爲 是 患 所 中

「环」,宋本同,四庫本作「抔」,學津本作「杯」。

0

舉其中制而言之,今《五服年月敕》「王公已下,皆三月而

葬者遠近有差,不得不然也。

然禮文多云「三月而葬」,蓋

[「]爲」,孫校塗改作「考」。

⁶ 「寺」,孫校塗改作「舍」。

爲常 此 ! 手足形,還葬懸棺而窆,人豈有非之者哉?」 昔廉范千里 謂不及其日月。1又子游問喪具,夫子曰:「稱家之有亡。」 手足形,還葬而無槨,稱其財,斯之謂禮。」注:「還猶疾 子死,葬於嬴博之間,曰:「骨肉復於土,❷命也, 魂氣則無 斂而葬之,殘毁他人之尸,在律猶嚴,況子孫乃悖謬 方,子孫火焚其柩,收燼歸葬者。 食稻衣錦,不知其何以爲心哉? 枕塊,蓋閔親之未有所歸,故寢食不安。 河中進士周孟家貧,改葬其親,騎驢出城,一僕荷鍤隨之。 無以爲禮也。」孔子曰:「啜菽飲水,盡其歡,斯之謂孝。 故也。」予應之曰:「子路曰:『傷哉貧也! 「世人久未葬者,非盡以陰陽拘忌之故,亦以家貧未能歸葬 不之也。」孔子以爲合禮。 葬者,猶賢矣。 其親之骨,掘深坎,埋之而歸。 喪,郭原平自賣營墓,豈待豐富然後葬其親哉?」近世 游曰:『有亡惡乎齊?』夫子曰:『有亡過禮,苟亡矣,斂 而葬之。 ,見者恬然,曾莫之恠,豈不哀哉! 其始蓋出於羌戎之俗,浸染世人,❶行之既久,習以 所擇必數處者,以備卜之不吉故也。 在禮、未葬不變服、食粥、居倚廬、寢苫 必 也不 能歸葬,葬於所在 夫孝子愛親之肌體,故 此雖不及於禮,比於不 世人又有遊 延陵季子適齊,其 奈何捨之出 生無以爲養,死 宦没於遠 可可 或 日 遊 也 也 斂 如 8 0 則 筮。 兆南,北向。 掘

能 取 負

子

地

因喪屨,緇布冠不蕤。 服。 斂切。 不猶愈於焚之哉? 者,但徹去華采珠玉之飾而已。 也。」今從簡易。 者,擇遠親或賓客爲之。 純吉之尤者也。 中, 占者朝服。」注曰: 《雜記》:「大夫卜宅與葬日,有 執 南 事者掘 其 壤。 依《開元禮》皆非純吉,亦 長衣練冠,純 汩音骨。惡音鳥。 爲葬將北 兆 占者皮弁。 「麻衣至緇布冠,非 四 及祝執事者,皆吉冠 隅 外其 首故也。 執事者布卜筮席 凶服 如 筮,則史練冠長衣以 司麻衣、布衰、 齊,子細切。 也。 壤; 莅 純 非 朝服,純 凶也。❸ 1 兆,坐 純 - 或命 凶 布 域 窆,彼 素 吉 皮弁 帶 素 也 於 筮 服 服

壤,北向,免首絰,左擁之。 人之右,北向。 主人既朝哭,適兆所,立於 卜筮者東向,執龜筴,進,南 莅卜筮者立於主 席 南 '',當 中

⁰ 「戎」、「世人」,四庫本同、諸本皆作「胡」、「中華」。 校塗改,從諸本。

[「]復」下,孫校加「歸」。

非」下,孫校加「純吉亦非」四 字。

'馬氏書儀

子姓名,爲父某官,爲母,則稱「哀子爲母某封」。● 以爲幽冥之居,得無將有艱難? 度兹幽宅,無有後艱。」度,謀也。 面 得吉,則執龜筴,東向進,告於莅卜筮者及主 《開元禮》。 筮者許諾,右旋,就席,北 人,曰「從」,主人經哭。 不述命』,既受命而申言之曰述。 · 受命於主人。 指中 **封** 一而卜筮。中封,中央壤也。 莅卜者從旁命之,曰: 若不從,更卜筮他 謂有非常若崩壞也。 面 不述者,士禮略。 坐述命、《士喪禮》 宅,居也。 言謀此 占既 今從 1 孤

有之。 不用紙錢。 所,如初儀 能如此,只常食兩三味。❷ 土氏 立於神位 標,當南門立兩標。 ,神位於中壤之左,南 兆既得吉,執事者於其中壤及四隅各立 置倚卓、盥盆、帨架、盞、注、脯醢,既不 告者 東南 與執 ,重行,西向,北上。立定,俱 事者皆人,❸卜者不人。 皆如常日祭神之儀。 祝帥 向。 執事者人,設后 古無此、《開元禮》 序 但

> 哭。 爲某官姓名,主人也。⑤ 前。 饗!」訖,興,復 俾無後艱。謹以清酌酺醢,♂祗薦於神。 者皆西向 日,子某官姓名,敢昭告於后土氏之神。 於神座之右,東面跪,念之曰:●「維 再 拜。 俛伏,興,少退,北向立,搢笏執 告者盤手洗盞,斟 再拜,徹饌出。 位。 告者再 營建宅兆,神其保祐 主人歸 酒進,跪 拜 出,祝及 殯前 酹 年月 詞, 於 執 北 神 尚 今 朔 事 進 座 面

1 筮葬日於三月之初。 若墓遠,則卜 ·筮於未

0 0

「哀子」下,孫校加「姓名」二字。

[「]詞」下,孫校加「書詞於紙」四字。 「脯醢」至「三味」,孫校於「脯醢」上加「酒」字,又塗改 「告者」下、孫校加「亦擇親賓爲之」六字。 既」作「恐」、「如此」作「辨」、並於「味」下加

念」,孫校塗改作「讀」。

[「]主人」,孫校塗改作「亡者」。 脯醢」下、孫校加「若用他食、則云「庶羞」」八字。

前,北向哭,遂使人告於親戚僚友應會葬者。

告於主婦,主婦亦哭。 主人與衆主人入至殯

某日從」,主人経,與衆主人皆哭。又使人

占既得言,興,告於莅卜者及主人,曰

卜筮不吉,則又興,受命,述命,再

卜筮者許諾,右旋,就席,西向

門外之東壁下,西向,南上。闔東扉,主婦立 也。 三月之前,命曰「某月日」。 筮者執龜筴,東向,進受命於莅卜筮者。 左擁之。 莅卜筮者立主人東北,乃西向。 於其内。 主人既朝哭,與衆主人謂亡者諸子。 日 |二日,●謂可以辦具及於事便者。 執事者布卜筮席於殯門外闑 主人進立於門南,乃北向,免首經 主人先與賓議定可葬 必用三日,備不吉 出立於殯 西, 北 向 命 1

> 官; 若孫爲祖後,則莅卜筮者命之,曰「孤 者,各隨其所稱,曰「某親某,卜葬某某親某官」。6 母夫曰「乃夫某、卜葬其妻某氏」、兄弟及他親爲喪主 孫某,卜 · 葬 某 袓

某

穿 **擴**爲窆具,謂下棺

其横與縮,各足横掩,席抗所以禦塵。 壙上,以承抗席。 鑿連木爲之,如牀,而縮者三,横者五,無簣。 穿。 古之葬者,有折,有抗木,有抗席。 中者,臨時從宜。 實之者,有先鑿埏道,旁穿土室,攛柩 葬有二法,有穿地直下爲壙,置柩,以 抗木横三縮二,抗,禦也,所以禦止土者。 凡穿地,宜狹而深,壙中宜 然則古者皆直下爲 折,由 **窆事畢,加之** 屐 也,6方 於 其 土

0 ·葬日」之「日」,孫校塗改作「者」。

坐述。❸

近於咎悔者乎?

悔?」 考,上也。降,下也。 言卜此日葬,魂神上下無

之曰:「孤子某,將

以今月某日,先卜遠日,不

吉,再卜近日。❷

卜葬其父某官,考降無

有

近

得

「卜」下,孫校皆加「筮」,全段皆然。 又塗改「再」作「則

「述」下,孫校加「命」。

「某祖」之「某」字,孫校塗改作「其」。

"某某親」之上「某」字,孫校塗改作「其」。

由展」,孫校塗改作 「猶庪」。 段末之「展」亦然。

是布土,每尺築之,至於地平,乃築墳於其上。《喪葬令》增至五尺以上,然後用杵築之,恐土淺,震動石藏故也。自以專爲藏,僅令容柩,以石蓋之。每布土盈尺,實躡之,稍與,而上實以土也。今疏土之鄉,亦直下爲壙,或以石,或

置柩於其上而撤之,既而抽去其竹。其明器、下帳、五穀、則崩破尤速,當僅令容柩。葬時先以竹竿布地,稍在壙中,不若直下穿壙之爲牢實也。凡旁穿之壙,不宜寬大,寬大數重塞其門,然後築土,實其埏道。然恐歲久終不免崩壞,尺,然後旁穿窟室以爲壙。或以塼範之,或但爲土室,以塼

以石禦土耳,非違令也。

其堅土之鄉,先鑿埏道,深若干

葬,不得以石爲棺槨及石室」,謂其侈靡如桓司馬者,此但

水深,太尉嘗有遺命令深葬,自是嘗以三丈三尺爲准。昔役者易上下,但且容下柩則可矣。深則盗難近。鄉里土厚穿壙者,既實土將半,乃於其旁穿便房以貯之。穿地狹,則牲、酒等物,皆於埏道旁别穿窟室爲便房以貯之。其直下

名。 爲隧道 則古者乃天子得爲隧道,❷自餘皆懸棺而窆。 晉文公有大功於周襄,●請隧,而王弗許,曰「王章也」。 挽 ,非禮也。 土宜 用 宜懸棺以窆。 兩 轆 轤 展,❸舉綺切,閻藏食物之 重 物上下,宜用 今民間往 革 然 往

> 之。 **6** 月口者,圍徑須同。 木於其上爲梁,梁須圓直之木。 車 當中央,❹下則使兩人按輻,一一縱之,上則兩人攀輻而挽 ,其制用大木四根,交股縛而 於梁兩端各設十二輻,搭組於梁 勻而無失,勝於鷹架木引索有急緩、欹側之患。 麄 一細,則諸絙之轉,或長或短而偏 夜叉交爲月口,梁之加 埋之,謂之夜叉木。 邊。 其垂絙之地 架大 或 於

挽,下則縱之。物尤重則以兩絙交於梁上,各遣數人執其定無轉。以巨絙繫重物,繞梁一匝,遺數人執其末,上則用鷹架木。亦用夜叉木,及大木堅而圓滑者爲梁,然一

板,如常日鞦韆板。組過人頭,則合爲一,以革車或鷹架末,立於埏之兩旁,或挽或縱之。人上下,宜用鞦韆

繋其兩端於兀子四脚,合兩端於兀子四脚,合兩襛,繫二巨木挽之縱之而已。 或用 兀子。 以二絙襛之,高於人頭。

6

6

❷ 「乃」,孫校塗改作「惟」。● 「周襄」下,孫校加「王」字。

[「]當」下,孫校加「埏」字。「展」,孫校塗改作「庪」。

[「]而」,孫校塗改作「一一」。

滑之木。 家繡牀而仰之。廣長出桄於埏口,兩旁之桄,皆用堅而圓 每尺以墨畫之。 索也,以新麻爲之,粗如鞦韆索,其長比兀子,深加倍之。 令去板。 於梁上。 **絙於其上。先以三厚板横於埏口,置兀子於其上,交二絙** 鼓一聲,執紼者左右手互縱一尺。至底,解去綍。 **綍,繞桄一匝,每紼數人執之,如下兀子之法。擊鼓爲節,** 上復以板承之。襛,區貴切。 | 綍繋右鐶,亦如之。 旁徹板,❶乃緩緩縱之令下。若出,則引之令下, 每絙各使數人執其末,立於埏之東西,微引兀子, 置芝牀於埏口,横施三板,置柩其上。左右各三 及室,以二綍繫柩左鐶,樓底結於右鐶。 及芝林,以大木爲之,其制如人 下板宜用四紼♥紼、大 桄音光。

夫、子致封邑。

無官封者,皆不叙。

某年月日終,某

碑誌

或用鷹架木下之,亦可也。

名妻某封某氏」。某州某縣人。考諱某,某官,誌石刻文,云:「某官姓名,婦人,云「某姓

日生。叙歷官遷次。婦人云年若干,適某氏,叙因某氏某封。無官封者,但云姓名,或某氏。某年月

信 ? 辭, ●强加采飾, 功侔吕望, 德比仲尼, 徒取譏笑, 其 可掩蔽, 豈待碑誌始爲人知? 若其不賢也, 乃以巧言麗 使其人果大賢邪,則名聞光昭,❺衆所稱頌,乃流今古,❻不 刻之於石,亦謂之碑。降自南朝,❶復有銘誌,埋之墓中。 其葬則有豐碑,以下棺耳。秦漢以來,始命文士褒贊功德 某」,更不書官。古人有大勳德,勒銘鍾鼎,藏之宗廟 更立小碑,可高二三尺許,❸大書曰「某姓名 寘之便房,若旁穿爲壙,則寘之壙門。 男某某官,女適某官某人。」若直下穿壙,則 年月日葬。 碑猶立於墓道,人得見之,誌乃藏於壙中, 丈夫,云「娶某氏某人之女,封某邑」。 墓前 自 誰 非 開 肯

「去」,孫校塗改作「離」,「旁」下,加「人」。

❷ 「板」,孫校塗改作「柩」。

0

「二三」,孫校加乙正號作「三二」。

) 「自」,孫校塗改作「及」。

光昭」,孫校塗改作「昭顯」。

「乃流今」,孫校塗改作「流播終」。

乃」,孫校塗改作「雖」。「辭」,孫校塗改作「詞」。

六九

此實語也。 不 同貴。」世人好爲高墓大碑,前列石羊、石虎,自誇崇貴,殊 以上立碑,螭首龜趺,趺上高不得過九尺。七品以上立碣 高 但 有吴延陵季子之墓」, 豈在多言? 簿始終而已。季札墓 發,莫之睹 及金陵破,王公貴人之冢無不被發者,惟建勳冢莫知其處。 家人勿對土立碑,聽人耕種其上,曰 武作壽陵,裁令陂池流水而 金玉邪? 四。又曰:「諸喪葬不能備禮者,貴得同賤,賤雖富,不得 圭首方跌, 趺上高四尺。 欲名,❶一卷史書足矣。 知葬者當爲無窮之規,後世見此等物,安知其中不多藏 刻姓名於墓前,他日人自知其賢愚耳。《喪葬令》一品墳 丈八尺,每品减二尺,六品以下不得過八尺。 也。 是皆無益於亡者。 今既不能免俗,其誌文但可直叙鄉里、世家、官 隋文帝子秦王俊薨, 前有後世稱孔子所篆,❷云「嗚呼! 其石獸,三品以上六,五品以上 何用碑爲? 己。 若能 南唐司 俱不用,尤善也。 然後人知其賢邪! 「他日免爲開發之標」。 府僚 徒與人作鎮石耳。」 徒李建勳且死,戒 請 立 碑。 又五品 帝 漢光 日 今

明器 下帳 苞筲 祠版

此皆明哲能深思遠慮者也。

明器,刻木爲車馬、僕從、侍女,各執奉

也。」晉賀循用腐 既饗,卷三牲之俎,歸於賓館。 或問曾子曰:「君子既食,則裹其餘乎?」曾子曰:「大享 弓》曰:「國君七箇,遣車七乘。」《雜記》曰: 也。 悔。 又曰:「其曰明器,神明之也。」又曰:「塗車、芻靈,自古有 體,又生肉經宿則臭敗,不若用循禮 許用十五事,并用器椀楪缾盂之類通数之。 之。』《喪葬令》五品、六品,明器許用三十事。 不成用,瓦不成沫,木不成斵。」注:「成,善也。 「之,往也。 不仁而不可爲也,之死而致生之,不智而不可爲也。」注: 《既夕禮》有明器、 養之物,象平 下帳。 苞、《既夕禮》「苞二」,注 死之、生之,謂無知與有知也。」又曰:「是故竹 爲牀帳、茵席、倚卓之類,皆象平生所用而 用器、燕器。 生 箧,❸以代所苞 而 小。 「所以裹奠羊豕之肉」。 父母而賓客之,所以爲哀 孔子曰:「之死而致死之 多少之數,依官品。 性體。 ,得事之宜。 今遣奠既 「遣車視牢具。 沫音末。 非升朝官者 沫,靧 然遺奠之 無牲 靧 《檀 音 小

0

腐」,孫校塗改作「脯」。

[「]欲」下,孫校加「求」。

[「]後」,孫校塗改作「石」。

聞君之喪,攝主而往」,重,主道也,埋重而立主,大夫、士有 神主,大夫束帛依神,士結茅爲菆。 以竹器或小甖,貯五穀各五升,可也。 時,亦當設脯。 拭之。今士大夫家亦有用祠版者,而長及博、厚不能 醯、醢。 禮》「甕三:。醯、醢、屑」,注「薑桂之屑也」,今但以小甖二貯 類包之,皆可也。 版,主道也,故於虞亦用桑,將小祥,則更以栗木爲之。 君、夫人只爲一匣,今從之。禮,虞主用桑,練主用栗。 題 氏之神座」,續加封贈,則先告,貼以黃羅而改題。 荀氏之制,題云「某官府君之神座」、「某封邑夫人郡縣君某 某封之神座」、「夫人某氏之神座」,書訖,蠟油炙令人理,刮 版,皆正長尺一寸,博四寸五分,厚五寸八分,大書「某祖考 亦有題,今版書名號亦是題主之意。 重 「處士府君之神座」,版下有跌,韜之以囊,籍之以褥。 ,亦宜有主。 以桑木爲祠版。鄭康成以爲卿、大夫、士無 蔡謨以爲今世有祠版,乃禮之廟主也。 既奠,苞以蒲篋或箱,或竹掩耳,或席簟之 筲。《既夕禮》「筲三:黍、稷、麥」,今但 徐邈以爲《公羊》「大夫 安昌公荀氏祠制 **醯、醢甖。**《既夕 無官,則 盡 府 神 主 祠 如

啓殯

啓殯之日,墓近則於葬前一日啓殯,墓遠則於發

引前 制。 稍細者爲之,祝御柩,執此以指麾役者也。 外之屋可置柩者,皆可也。 施哭位,故但祖於聽事。喪事有進而無退,無聽事者,但 朝而殯於祖,周,朝而遂葬。」《開元禮》無朝廟禮,今從周 也。 階上及聽事中央,●仍帷其 者之孝心也,其哀離其室也,故至於祖考之廟而後行。 蓋象平生將出,必辭尊者。」《檀弓》曰:「喪之朝也,順死 帷之,爲有婦人在焉。《既夕禮》「遷於祖,用軸」,注: 禮又周既載而朝於庭,❷今人既載遂行,無祖於庭,難 日啓殯。 夙 **類**,執 備功布,長三尺。以新 事者縱置席於影堂前 聽 事 席,所以藉 五服之親 殷 布 向 柩

者,則既殯先啓之間,雖有事不免。」又曰:「既葬而不報哭則免。」注:「棺柩已藏,嫌恩輕可以不免也。言『則免』子冠而婦人笄,男子免而婦人髽。」又曰:「緦、小功,虞、卒皆來會,各服其服,人就位哭。《喪服小記》:「男

0

^{● 「}聽」,諸本同,孫校皆塗改作「廳」,並於頁腳各寫

周禮」。孫校圈删「又周」二字,「朝」塗改作「祖」。「禮又周」,學津本同,宋本作「禮又庭」,四庫本作「又

司馬氏書儀

恐其驚俗,故但各服其服而已。 卒哭,日數甚多。今已成服,若使五服之親皆不冠而袒免,禮》主人及諸子皆去冠絰,以邪巾帕頭。按"自啓殯至於雖主人皆冠,不可久無飾也。皆免,自主人至緦麻。《開元虞,則雖主人皆冠。及虞,則皆免。」注"「有故不得疾虞,

也。 記》「大夫士哭殯則 將人。 泣。」功布,灰治之布也,執之以接神,爲有拂抗也。❶ 祖免,執功布人,升自西階,盡階,不升堂,聲三,啓三,命哭 殯。」既告,内外皆哭,盡哀止。《既夕禮》:「商祝 北 拂,芳味切。 噫興也」、《開元禮》「祝三聲噫嘻」,今恐驚俗,但用其辭。 三,三有聲,存神也。 凶 向立於柩前,抗聲三,告曰:「謹以吉辰啓 服 哭柩,謂啓殯後也。」輯 無服 主人及衆 執事者遷靈座及椸於旁側,爲將啓殯。 坊, 芳丈切。 者,則去華盛之服。 杖,哭柩則 主 啓三,三言啓,告神也。 一人輯 婦人退避於他所,爲役者 斂 也,謂舉之不以 杖 輯杖」, 立,視 執 功 注 布,止哭者。 啓殯。 「哭殯, 舊説以爲「聲 柱地 謂 也。 《喪大 既 祝 天 聲 淦

> 間,席升,設於柩西。 禮》不朝祖,徹殯,設席於柩東,奠之,謂之啓奠。 不統於柩,神不西面也。 乃徹宿奠,置新奠、既夕禮》:「遷於祖 就位,立哭。執 重,今以魂帛代重,故置於靈座側。 布拂去棺上塵,覆以裌衾。 側 ,役者人,徹殯塗及墼,掃地潔之。 奠設如初。」注: 事 者復設椸及靈 不設柩東,東非神位 《既夕禮》祝取銘置於 役者出 「奠設如初,東 座 一, 婦· ,正柩於兩楹 一於故 也。」《開元 祝 如常 人 以 面 出 也也 處 $\dot{\mathbf{H}}$ 功

朝祖

朝夕奠之儀。

未明,則極前後皆用二燭照之。主人以下皆從哭,執事者奉奠及倚卓次之,銘旌次之,柩次之。役者舉柩,詣影堂前。祝以箱奉魂帛在前,役者人,婦人退避,主人立視,如啓殯。

子諸侯之子,杖不人公門。❷

祝

取

銘旌置

靈

座

之

0 0

[「]公」,孫校塗改作「廟」。「有」下,孫校加「所」。

行。 各以 男子 男居男之右,女居女之左,不與主人、主婦並 婦人皆蓋頭。爲有役者在前故也。 由 昭 穆長幼爲叙。 右,婦人由左,重服在 侍者在末。 . 前 ,輕服在後, 無 役者出,則 服 之親

去蓋頭。

主人 帥 役者人,婦人避退。● 位,位在柩之左右前後,如在殯宫。 迫 隘,則置靈座及奠於旁近,從地之宜。 執 以下哭從如前 事 至影堂前,置柩於席,北首。 役者出,祝 者設靈座及奠於柩 祝奉魂帛導柩,右旋, 西,東向。 立哭,盡哀止。 主人以 若影堂前 下就

前。爾以薦席,如在殯宮。乃代哭,如未殯之側,藉以薦席,如在殯宮。乃代哭,如未殯之前,南向,餘如朝祖。主人以下就位,坐於柩前,南向,餘如朝祖。主人以下就位,坐於柩詣聽事,置席上,南首,設靈座及奠於柩

向。

賓再拜,應哭者哭。

進詣、

主人前,東

向,北

饗

祝

興,凡吉祭,祝出於左,東向,

凶

祭,出

於右,

西

親賓奠世俗謂之祭 賻贈

賓客欲致奠於其家者,以飯牀設茶果酒

賓祝執祝辭,❷出於上賓之右,西向讀之, 衆賓皆再拜。 向。 饌於其庭,暑則覆之以幄。 祭於某官之靈。 洗盞,斟酒於其上。 人,主人絰,杖,降自西階,待於阼階下, 曰:「維年月日,某官某,謹以 東上。置卓子於賓北,炷香澆茶,實酒 賓人,家人皆哭。 上賓進、跪酹茶、酒、俛伏、興。 中 上賓進燒香,退復位,與 間 辭, 賓叙立於饌南,北 臨 時 將命者入白主 請 清酌 文 士 爲之。 庶羞,致 於注, 向, 尚 西

主人哭而入。護喪延賓,坐於他所,茶湯送上。上賓止主人哭,主人稽顙再拜,賓答拜,

^{) 「}避退」,宋本、學津本同,四庫本作「退避」

[「]賓祝」下,孫校加「一作史」三字。

出,如常儀。祝納酒饌及祝辭於喪家。●

家之儀。《既夕禮》:「殯者出請。❷ 祝拜哭。 之外,亦非街衢也。 **塋所,不得於街衢致祭」,然親賓祭於喪家大門之内及郭門** 或有幄,或無幄。《附令勑》「諸喪葬之家,只許祭於 鳥獸、花木、輿馬、僕從、侍女,衣以繒綺, 不遵法度,競其侈靡。 然則奠貴哀誠,酒食不必豐腆也。 米飯,白茅爲藉,以雞置前。 暴乾,以裹雞。 死喪,負笈赴弔。 漢氏以來,必設酒食沃酹。 從柩而行。餘如上儀。奠於墓所,皆如在其 誇尚,有費錢數百緍者。曷若留以遺喪家爲賻贈哉 之,祭食至百餘品,染以紅緑,實不可食。 人,將命如初。 若奠於轝所經過者,設酒饌於道左右, 柩至,少駐,主人詣奠所,拜賓,哭, 徑到所赴冢隧外,以水漬絮,使有酒氣,汁 士受羊如受馬。」然則古者但致奠具 常於家豫炙雞一 望柩將至,賓燒香,酹茶、酒, 始縛祭幄,至高數丈,廣數十步, 徐穉每爲諸公所辟,雖不就,有 醱酒畢,留謁則去,不見喪主。 隻,以一兩綿絮漬酒中, 自唐室中葉,藩鎮强盛 若奠,入告出,以 流及民間, 轜 車 過 則 行己。 遞 盡 作 相 焚

> 《士喪禮》始死,有弔,有襚。 《春秋傳》譏「贈死不及尸」,尸謂未葬時 葬,賻贈之禮,皆可行也。 知死者贈,知生者賻,賻、贈皆用貨財,但將命之辭異耳。 其 親 賓 賻 贈 。 皆 如 將葬,有賵,有奠,有賻贈。❸ 始死之儀, 也。 然則自始死至 而 不 · 襚。

司馬氏書儀卷第七

後學汪郊校訂

「殯」、宋本、學津本同、上「祝」下、孫校加「史」。

四庫

本

作「儐」,

孫校塗改

作

0 0

「殯」,宋本、學津本日

6

「贈」上、孫校加「有」。

於上,炷香其前,藏祠版於箱

篋,置其後。

返 則祠

版於前

司 馬氏書儀卷第八

前,今置柩前。

次大轝。

載柩者也。

宜用輕堅木爲格

藏魂帛於箱篋,亦以小异牀舉之。

《開元禮》靈輿在

方相

喪 儀 四

陳 器

四 品以上用 轝 夫陳器於門外,方相在前、《喪葬令》: 方相,七品以上用魌頭。! 方相四 目,魌頭兩

笏; 則不陳。 無官則襴衫。 次明器,次下帳,次上服,有官則公服,靴 皆有幞頭、腰帶。 次苞,但陳所用之

目,載以車。

魌音欺。

次誌石,次椁,二物已在墓所,

斗盛以瓶。 苞,其脯俟遺奠畢始苞之。 以上並以小牀昇舉之。 次筲、次醯、醢、次酒、一 次銘旌,去跗,使人

執之,人壙則去杠,❶覆於柩上。 次靈异,葬日,置魂帛

> 僅能 棺、君、龍帷、三池、振容、黼荒、火三列、黼黻三列、素錦褚 絙數道,撮角樓底縛於竿上,則可保無虞。 《喪大記》:「飾 容柩。 上施鱉甲蓋,轝竿則宜强壯,多用新絙 纏束,巨 「飾棺

者,以華道路及擴中,不欲衆惡其親也。 加帷荒,纁戴六,纁披六。」大夫、士以是爲差。 荒,蒙也。 注: 在 旁日

竹爲之,如小車苓,衣以青布。 以襯覆棺,乃加帷荒於其上。紐,所以結連帷荒者也。 帷,在上曰荒。 黼荒緣邊爲黼文,火黻爲列於其中爾。 柳、象宫室、縣池於荒之爪 池 褚

端,若承霤然。云君、大夫以銅魚縣於池下,齊,象車蓋蕤

義》:「振,動也,以絞繒爲之,長丈餘,如幡。 縫合雜采爲之,形如爪分然,綴貝絡其上及旁。 也,所以連繫棺束與柳材,使相植,因而結前後披也。」《正 戴之言值

畫幡上爲雉

縣於池下爲容飾,車行則幡動,故曰『振容』。 五行,交絡齊上,魚在振容間。」此等制度,今既難備,略設 上當中央,形圓如車蓋,高三尺,徑二尺。 五貝者,連貝爲 齊者,謂鱉甲

0 · 横」,宋本作「以」,孫校塗改作「窆」。

七五

至不能出人大門。紙爲幡花,繽紛塞路,徒欲誇示觀者,殊飾。今世俗信轝夫之言,多以大木爲舉,務高盛大其華飾,轝之上下四旁,以禦雨濕。繞以畫布帷,龍虎轝,更無它權荒、花頭等,不必繁華高大。若柩遠行,則多以柿單覆藉

但欲用人多,取厚直,豈顧喪家之利害耶?

大轝旁有

彼轝夫

不知轝重,大門多觸礙,難進退,遇峻隘有傾覆。●

其形方,兩角高,衣以白布,柄長五尺。 也。 各二。凡引者,挽轜車索也。 翣,貴賤有數。 庶人皆無之。《喪葬令》三品以上六翣,挽歌六行,三十六 文於翣之内緣,畫以雲氣。 右各四,黼翣二,晝翣二。 六品以下:引二,披二,鐸、畫翣 左右各六,黻翣二,畫翣二。 八,黼翣二,黻翣二,畫翣二。二品、三品:引二,披四,鐸 鐸,所以節挽者。 四品至九品各有差。 《開元禮》一品: 翣,以木爲筐,廣二尺,高二尺四寸。 按: 今人不以車載柩而用舉,則 畫翣者,内外四緣皆畫雲氣。 四品、五品: 披者、繋於旁、執之以備傾覆 引四,披六,鐸左右各 黼翣、黻翣,畫黼黻 引二,披二,鐸左

叙,若柩自他所歸鄉里,則銘旌、靈轝、龍虎轝之外,皆不用

祖奠

也。

者設 復位坐,代哭,以至於發引。 祖道。」俛伏,興。 曰:「永遷之禮,靈辰不留。 餔時可也。 時、《禮》「祖用日昃」,謂日過中時。 酒饌於靈前,祝奠訖,退,北 執事者具祖奠酒饌,如殷奠。 主人以下,卑幼皆立哭。 餘如朝夕奠儀。 謹奉柩車,式遵 今宜比夕奠差早,用 主人以下 祝 面 其 帥 跪, (日餔 執 告 事

遣奠

大轝於聽事前中庭。❷ 執事者徹祖奠,祝奉厥明,執事者具遣奠,亦如殷奠。 瞿夫納

❶ 「有」,孫校塗改作「則」。

代 写、披

《禮》「望柩不歌,里有殯,不巷歌」,豈可身挽柩車而

無所施矣。

舉夫集衆乃爲行止之節,多用鉦鼓,可

以

更歌乎?

況又歌者復非挽柩之人也。

此謂葬日行器之

❷ 「聽」,宋本、四庫本同,學津本作「廳」,孫校皆塗改作「廳」。

二人還重,左還。

厥明,奠者出。

甸

人抗

重,出

白鱼道

~**,**道

左

《既夕禮》:

「祖,還車,不還器。

祝取銘,置於茵

遷 賻、 儀。 載謂升柩於轝也。 柩自他所將歸葬鄉里,則但 算則坐。」注:「必釋算者,榮其多。」執事者徹遣奠,若 哭於帷中。 兩旁,使不動摇。 輿,敢告。」婦人避退。 葬日之朝,乃行遣奠及讀賻禮。 哭,哭者相止也,唯主人、主婦哭。 祝皆退。《既夕禮》「書賵於方」,注:「方,版也。」又曰: 右,南向。 南向,乃設遣奠,惟婦人不在,餘如朝夕奠之 主人之史,請讀賵、執算,從柩東,當前束,西面。 靈座,置旁側。 贈、歷,立於柩 執 事者徹所奠之脯,●置舁牀上。 哭者相止,跪讀 載畢,祝帥執事遷靈座於柩前, 男子從柩哭,降,視載,婦 以新絙左右束柩於轝,乃以横木楔柩足 祝北面,告曰:「今遷柩就 左,當肩,西 |設酒 召轝夫遷柩,乃載。 祝奉 果或脯 祝在右,南 賻、 魂帛,升靈舁, 醢。 贈、 向。 朝哭而行,至 歷 三面,讀 祝 , 畢, 與 不 史執 在 き書、釋 人猶 命毋 史

> 倚之。 哭於柩前,盡哀而 退。 腰 人蓋頭出帷,降階,立哭。 常食於靈座。厥明,又進朝奠,然後行。」今兼取 向,❷設靈座於吉帷下。 輿詣靈座前 掌事者先於宿所張吉凶二帷,凶帷在西,吉帷在東,南 既葬還,埋重於所倚之處。」《開元禮》: 昭告。 少頃 歸。 至宿處,進酒脯之奠於柩東,又進 ,腰輿出 卑幼則再拜辭。 有守家不送葬者 詣 靈車 後。 「將行,祝 一禮。 少 頃,輿 婦 以

在塗

哭步 柩 或先待於墓及祭所。 後,賓客又在其後,皆乘車馬。 鄣之,尊長乘車馬在其後,無服之親又在 前。 2從,如 柩行,自方相等皆前導,主人以下,男女 卑幼 從柩 亦乘 朝 出 車 祖之叙。 馬。 郭,不送至 若郭門遠,則步從三里所 出門,以白 墓者 無服之親及賓客 ,皆辭於 其 夾

▶ 「頁」:,系を四「具」。
● 「之」,孫校圏删,「脯」下加「豚苞筲」三字。

❷ 「南」上,孫校加「俱」。

可 必 以 有親戚宿其旁守衛之。 上,則每 乘 車 馬。 舍設靈座於柩前 塗 中 遇 哀 以則哭, 明旦將行,朝奠亦如之。 ,設酒果脯醢,爲夕哭之奠。 無常準。 若墓 ·遠, 館 舍迫 經 夜 宿

及墓

隘

,則設靈座於柩之旁側

隨

地之宜

置倚 席 哭步從。 雤 車 設 設 銘 服、苞筲、 歸 馬 婦 親 旌 上 施 至是,上下可以具食。 上,設 戚賓客之次,男女各異。 北,❷乃退。 墓道、轝夫下柩、舉之趣壙。 人幄,蔽以 步 事者先張靈幄於墓道 於 進 醯醢、 掌事者設席於羨道南, 暈夫置柩 柩 酒 靈 上 果 帷 酒、 脯 簾 前 賓 掌事 帷。 醢之奠於其 ô 用 客 既食而窆。 飯牀 送 者陳] 祝 柩將及 至 奉 於 墓 祠 明器、下 又於羨道之西 西,設倚卓,又 壙 者,皆拜 版 (墓,親戚皆下 主人拜賓客, 前 東 箱 巾之。 南,北 主人以 及魂帛, 帳 辭 上 上 大 先 於 下

賓客答拜。

下棺

還次。 及諸婦 醯 爲贈,幣雖一制可也。 旁,再拜稽顙,在位者皆哭盡 以服之重輕及尊卑長幼爲叙,立哭。 玄居三,纁居二。」或家貧不能備玄纁束,則隨家所有之帛 爲亡者之累。 棺,乃窆,諸子輟哭,視窆。 上服、銘旌於柩上,慎勿以金玉珍玩入壙中 「丈八尺曰制,二制合之,束。十制五合。」疏:「玄纁之率, 醢 主人及諸丈夫 酒於便房,以版塞其門,遂寔土。 人立 掌事者設 於 主人贈 蜒道 誌石、藏明器、下帳、苞筲 匠 立於埏道 西 以 幄 用制幣、玄纁束置柩 塼 内,東向。 塞 壙 既窆,掌 **哀。《既夕禮》**注 東,西向; 門,在位 皆北上, **舉夫束** ·事者置 親戚 .者皆 主婦

「靈」上,孫校加「靈舁至」三字。

北」下,孫校加「首」。

七八

祭 禮其神也。」今從《開元禮》 以几筵舍奠於墓左。」注:「爲父母形體 后 土《既夕禮》無之、《檀弓》曰"「有司 在 此

祭具等。 名,營建宅兆」爲 與祝及執事者俱入行事,惟改祝辭「某官姓 宅」,❶餘皆如初卜宅兆祭后土之儀。 掌事者先於墓左除地爲祭所,置倚卓、 既 塞 壙 門,告者吉服,亦擇親賓爲之。 「某官封謚,亡者也。 窆兹 幽

題 虞 主

阻 主 於 座 置 人 靈 前 立 執事 硯 座 ,置盥盆 卓子上,❷藉 於 東 者置卓子,設 靈 南, 座 帨 前,北 西 向, 巾 於靈座 以 向。 設筆、硯、墨 褥,使善書者西 香爐、 祝 西 盤 酒 南,又置卓子 手,出 盞、注於靈 於其上。 祠 向 版, 立

> 題之。 哀止。 韜藉 是憑是依。」懷辭,興,復位。 神返室堂。 昭告於先考某官。妣曰「先妣某封」。 褥。 東南,西向,讀之曰:「孤子某,妣曰「哀子」。 匣之,置其前,炷香。 祝炷香,斟酒酹之,訖,執辭,跪於靈 祝藏魂帛於箱篋靈舁上,乃 祝 奉 虞主既成,伏惟尊靈,捨 祠 版立,置靈 執事者徹靈座,遂 座 主人再拜哭,盡 魂帛前 形歸 奉 舊從新 ·祠版, 窀穸, 藉 敢 座 以

反 哭

行。

車馬,徐行,勿 墓門,尊長 靈舁發行 乘車 疾驅。 '', 親 馬, 戚 去 以 《既夕禮》「卒室而歸,不驅」 墓 叙 百 從哭,如 步 許, 卑 來 幼 儀。 亦 乘 出

「窆」,諸本同,宋本作「定」。

·硯」上,孫校加「筆」。

司

乃馬氏書儀卷第八

七九

注: 位 踊 階,丈夫從升,如柩在聽事之位,立哭,盡 雤 中,故但反哭於聽事,如昨日柩在聽事之位,反諸其所 出即位,及丈夫拾踊三。」注:「於室,反諸其所養也。 其祖廟。 不於阼階西面,西方神位。」又曰:「婦人人,丈夫 東面,北上。」注:「西階東面,反諸其所作也。 者,既窆,先歸,待反哭而弔。 殷,既封而弔,❷周,反哭而弔。 故 咋 也。 止。《既夕禮》:「反哭,入,升自西階,東面,衆主人堂下 下及門,下車馬,哭入,至聽事。 家,望門俱哭。 反哭之弔也,哀之至也。反而亡焉,失之矣,於是爲甚。」 也。 ,升自阼階。」注:「辟主人也。」又曰:「主婦人於室,踊 至,祝 ,堂上西面也。 「孝子往如慕,返如疑,爲親之在彼。」哀至則哭,及 婦人先入,立哭於堂,如在殯之位,盡哀 亦反諸其所養也。 寶客有弔者,此謂不弔於墓所者。《檀弓》曰: 奉祠 拾,更也。」古今堂室異制,又祖載不 版 掌事者先設靈 置 匣前,藉 執事者徹簾帷。婦人已人 主人拜之,賓客答拜。 孔子從周。賓客 以 褥。 座於殯宫,靈 主人升自 反哭者,於 主人 有親密 在 出 哀 西 以 作 廟 即

功異居者,亦可以歸。
座。今從《既夕禮》。宗族,小功以下可以歸,大座。今從《既夕禮》。宗族,小功以下可以歸,大靈良止。《開元禮》主人以下到第,從靈輿人,即哭於靈主人入詣靈座,與親戚皆立哭,如在殯之位,

葬,五月而卒哭。諸侯五月而葬,七月而卒一、士三月而葬。是月也,卒哭。大夫三月而之,孝子爲其彷徨,三祭以安之。《雜記》:

也。」注:「弗忍無所歸矣。」❸或墓遠不能及日中,但不出葬是日虞,《檀弓》曰:「日中而虞,葬日虞,弗忍一日離柩既入壙,掌事者先歸,具虞饌。 如朔奠。

版

月

哭。士三虞,大夫五,諸侯七。」今《五服年

勑》自王公以下,皆三月而葬,三虞而卒哭

^{●「}弗忍」下,孫校加「其」。●「封」,宋本作「窆」。按:《檀弓》正作「封」。■」六字。● 「弗忍」下,孫校加乙正號,「藉以褥」側加「靈座出祠

西 但 筋、茶酒盞、醬楪、香爐。 注子及盞一,别置卓子於靈座前,設蔬果、匕 無臺、架,執事者所盥也。● 有架,在盆北,主人以下親戚所盥 座東南,置開酒刀子、拭布於旁。 略自澡 階西南,東 潔 可 也 上。 執 帨,手巾也。 事 者 設 盥 旁置卓子上,設 東 盆 設酒一瓶於靈 帨 盆 有臺,帨巾 巾各二於 也; 其 西

日

也。

主人以

下皆沐浴。

或已晚,不暇

沐浴

爲叙,皆北向。婢、妾在婦人之後。
左,西上,婦人處右,東上,各以昭穆、長幼各爲一列,無服之親,又爲一列。丈夫處前。斬衰爲一列,最在前,齊衰以下,以次皆人,尊長坐哭,如反哭位,卑幼立哭於靈座主人及諸子倚杖於堂門外,與有服之親

者皆盥手帨手,執事者一人升,開酒,拭瓶帨手,詣靈座前焚香,再拜,退復位。及執事頃之,祝止哭者。主人降自西階,盥手,

伏。 者,置靈座前。主人進詣靈座前,❷執事 執 於先考某官,祖、考同,妣則曰「某封某氏」。 「孤」,孫爲母及祖母,稱「哀子」、「哀孫」。 某,敢昭告 取酒盞授主人,主人跪酹,執事者受盞,❸俛 人之左。主人左執盞,右執注,斟酒,授執 所,北向,執事者 向,跪讀之,曰:「維年月日 口,實酒於注,取盞 事者奉饌,設於靈 興,少退,立,祝執辭,●出主人之右,西 ___ 人 斟酒,西向酹之。 取 座 靈座 前。 朔日,⑤孤子孫 前 主人進 酒盞,立 日月不 詣 祝 於 帥 酒 者 事 主 注 餘

[『]其』字。又『帨巾』二字,宋本無,疑宋本脱。』禮》至『帨手巾也』俱小字注,此誤作大字。又脱一註,云:「『其東』至『盥也』卅字,宋本《三家冠婚喪祭〕「東盆」上,孫校加「其」,「帨巾」圈删。又於頁眉處批

[「]酹」下,孫校加「訖授」」「前」下,孫校加「北向」。

[「]離」下,孫校加「書辭於紙」四字。「酹」下,孫校加「乾授」二字,「受」字圈删

[「]朔日」,孫校圈删,加「子子謂六十甲子」一大字六小字。

居 稷 也。 某 敢用潔牲剛鬛,嘉薦、普淖,明齊溲酒,哀薦祫事,適爾皇祖 H 哀薦袷事。 潔性柔毛,家日 男或女,終獻,不焚香,不讀 拜,退,復位,哭止。主婦亞獻 女孝切。齊,才計切。溲,所求切。 甫,皇祖字也。 事者,主欲其祫先祖也,以與先祖合爲安。 日乎? 丁亥,是柔日。 也。」又曰:「主婦洗足爵, 四拜,此其異於丈夫。 主人洗廢爵, 也。 也。 甫。 奄 相 《士虞禮》祝曰: 明齊,新水也,言以新水溲釀此酒也。 饗!!注: ,助也。 今不拘剛柔,葬日即虞,後遇 及初虞。 不寧,悲思不安。 《開元禮》「間日再虞」,然則古人葬皆用 尚饗 饗,勸强之也。」今參用《開元禮》祝詞。 酌酳尸」,注: 「喪祭稱哀。 1剛鬛。 夙 餘皆 **!**」《士虞禮》「始虞用柔日」,葬用 「哀子某,哀顯 興 嘉薦、普淖,明齊溲 夜處,哀慕 酌,亞獻尸。 如 「爵 顯相,助 初獻之儀。《士虞禮 嘉薦, 菹醢 無 祝興,主人哭,再 祝 足 剛日即再虞,不須間 相 E ,親戚一人,或 ,婦人不跪,既酹. 祭名也。❶]廢爵。 , 夙興夜處不寧。 賓長洗繶爵,三 不寧。 皇,君也。 也。 始虞謂之祫 酳,安 普淖,黍 謹 顯,明 洒 淖, 某 以 食 柔

人一獻,今從古。酳音胤。繶,於力切。獻。」注:「繶爵,口足之間有瑑文,彌飾。」《開元禮》止有主

幾歆饗,所 在南、雁用席。」注:「改設饌者、不知鬼神之節、改設之、庶 饌、《士虞禮》:「祝反,入徹,設於西北 哭,應拜者再拜,盡哀止,出就次。 亦可更代休於他所,常留一二人在門左右。 婦人在其後,皆東向。 之。主人以下皆出,祝闔門。主人立於門 成,斂祠版,韜藉匣之,置靈座。 下皆入就位。祝立於主人之右,西向,告利 立於門外,北向,告啓門三,乃啓門,主人 左,卑幼丈夫在其後;❷主婦 畢,執事者别斟 以爲厭 飫 也。 厞**,隱** 酒滿,歷去茶清,以 尊長休於他 也,於屝隱之處,從其 立於門右,卑幼 隅,如其設也。 主人 如食間 執 所。 事者 以 下 湯 卑幼 以 徹 皆 祝 棋 几 幽

^{● 「}後」下,孫校加「皆西向」三字。禮・記》鄭注作「者」。録校塗改,亦作「者」。按"《士虞

户。」注:「聲,噫歆也。 闇。」又曰:「贊闔牖户。」注:「鬼神常居幽闇,或者遠 户,西面告利成,皆哭。」注:「利猶養也。 處絜地。《既夕禮》:「甸人抗重,出自道,之左倚之。」❷ 人哭,出復位。祝闔牖户。 贊,佐食者。」又曰:「無尸,則禮及薦饌皆如 祝取魂帛,帥 將啓户,驚覺神也。」❶又曰:「祝 如食間。 祝升,止哭,聲三,啓 執事者埋於屏 成,畢也,言養禮 初。 人 出 主

邪 ? 剛日,母乙、丁、己、辛、癸爲柔日。 柔日,三虞、卒哭用剛日。 薦虞事」,●餘皆如初虞之儀。《士虞禮》:再虞用 座,主人以下行禮,改祝詞云「奄及再虞,哀 祝 虞,又遇剛日即卒哭,三虞又遇剛日,即甲、丙、戊、庚、壬爲 三虞,壬日卒哭。葬用丁亥,是柔日,然則古人皆用柔 詞 今葬日既不拘剛柔日,但於葬日即虞後,遇柔日 云「奄及三虞」,又云「哀薦成事」,餘如 遇柔日,再虞。質明,祝出祠版,置靈 注:丁日葬,則己日再虞,庚 遇剛日,三虞,改 再 日 日

再虞。

卒哭

過十五品。若家貧,或鄉土異宜,或一時所無,不能 謂黍、稷、稻、粱、粟,所謂飯及粢餻、團粽之類。❻ 餅、油餅、胡餅、蒸餅、棗餻、環餅、捻頭、餺飥。❺ 醢、今肉醬。 羹、今炒肉。 卓子,蔬果各五品,膾、今紅生。 執事者具饌,如時祭,陳之於盥、帨之東,用 三虞後,遇剛日,設卒哭祭。 **殽、今骨頭。 軒、今白肉。** 庶羞、謂豕、羊及其他異味。 其日夙興, 炙、今炙肉。 脯、今乾脯 麵食、如 米食 共不 辦

重,故虞有主亦埋之。

《雜記》「重,既虞而埋之」,注「所倚處埋之」,今魂帛以代

「聲」下,孫校加「者」,「驚」塗改作「警」。

0

「之」、孫校塗改作「道」。

「哀」上,孫校加「又云」二字。

「又遇剛日即」,孫校圈删,另加「凡」字。

「餺飥」下,孫校加「之類皆是」四字。

「團粽」下,孫校加「餳」,又於「之類」下加「皆是」。「魯食」」 多柱力 一名类自是 10号

器用平日飲食器。 此, 奉肉食,升設靈座前、蔬果之北。 帥 瓶,以井花水充之。於酒瓶之西。主人既焚香, 官」。妣云「祖妣某封某氏」。● 既啓門,祝立於西 之左,東向,跪讀祝詞,改虞祭祝詞,云「奄及 婦女降自西階,盥手帨手,以次奉麵食、米 祥,止朝夕哭,惟朔望未除服者饋食會哭。大祥而外 也,朝夕哭而已。」《檀弓》曰:「是日也,以虞易奠。」然則既 禮》「始虞」之下,云「猶朝夕哭,不奠。 三虞。 卒哭」,注: 階上,東向,告利成,餘皆如三虞之儀。《既夕 卒哭」,又云「哀薦成事,來日躋袝於祖考某 食,設於肉食之北。主人既初獻,祝出主人 吉祭易喪祭。」如讀祝於主人之左之類,母是漸之吉祭也。 者,禫而内無哭者。《檀弓》又曰:「卒哭曰成事。是日也,以 虞斯不奠矣。今人或有猶朝夕饋食者,各從其家法。 卒哭,三虞之後祭名。始朝夕之間哀至則哭,至此祭止 · 衆丈夫降自西階,衆丈夫盥手帨手,以次 則 各 隨 所 有,蔬 果、 肉 雖有金銀,無用。2 麵、 米 食,不 拘 數品 主婦帥 設玄酒 , 0 可 至小 無哭 也 衆

> 祔《檀弓》曰: 某甫」,告之以適皇祖,所以安之,故置於此 而祔。按:《士虞禮》始虞祝詞云「適爾皇 善商。」注: 「期而神之,人情。」《開元禮 「商人練而祔 周卒哭而 袝。 談 孔 橝 子 祖

考、曾祖姑,皆以主人言之。 内外夙興,掌事者具 中一以上而袝,袝必以其昭穆。」❸注:「中謂間也。」曾 之爲士大夫者。其妻袝於諸祖姑,妾祔於妾祖姑。亡,則 祖,每《喪服小記》曰:「士大夫不得祔於諸侯,祔於諸祖父 饌三分,妣則具饌二分。《雜記》曰:「男子祔於王父,則 卒哭之來日,祔於曾祖考。

此 則

袝

於 曾

「不拘」、孫校塗改作「各得」。

用」,孫校塗改作「傷」。

0 0

「祖妣」之「妣」,孫校塗改作「姑」。

「如」之上下,孫校分别加「今具饌」、「時祭」。

加「姑」,則「始」疑爲「姑」之訛。 祖」下,宋本有「始」。孫校「此」塗改作「妣」,「祖」下

校亦塗改作「之」。 「姑」,宋本皆訛爲「始」。 次「祔」字,諸本皆作「之」,孫

6

下。 祭。 配; 子於東方,設香卓於中央,●置香爐、炷香於 筯 南 設坐於他所。 尊。」❶祭饌如一,祝詞異,不言「以某妃配某氏」耳。 祭王父也。 在其東。其日夙興,設玄酒、酒缾、盞注卓 ,❷西向,各有倚 女子袝於王母,則不配。」注:「謂若祭王母,不配,則不 設曾祖考、妣坐於影堂,南向,影堂奉,則 設承 有事於尊者,可以及卑, 妣則但 版卓子於西方,●火爐、湯餅、火 設 卓。 祖妣 坐。 設 盥 設死者 盆、帨 有事於卑者,不敢 坐 巾 一於其 於 如時 西 東 階

後。

影堂。 立於庭 版,置於坐,藉以褥。 諸子倚杖於階下,與有服之親、尊長 前,止哭,祝奉祠 奉曾祖考、妣祠版匣,置承祠版卓子上,出 質明,主人以下各服其服,哭於靈 主人以下哭從,如從柩之叙。 ,曾祖考妣在焉,故尊長不敢坐。 版置於坐,藉以褥。 次詣靈座,奉祠 前 無庭 卑幼皆 主人 版 至 座前, 則立 影 匣 祠 及 堂 詣 於

其

上。 上。

上 曾祖 各以 考位前。 婦人處右,東上,左、右,皆據曾祖 昭穆長幼爲叙,皆北向。 位定,俱再拜。參曾祖考、此 以 服 重 一輕爲 列。 婢妾在婦人之 丈夫 考、妣言之。 處 左, 西

袓 某,敢以柔毛,嘉薦、普淖,明齊溲酒 者前設之。 左,●東向跪,讀曰:「惟某年月日,子曾 酹酒,俛伏。興,少退,立。祝奉辭出主人之 考某官,不言「以某封某氏配」。 其進饌,先詣曾祖考、妣前設之,次詣亡 主人先詣曾祖考、妣前,北向,跪 若妣祔於祖妣,則 ,適於曾 孫

0 正是如此 「配」,「援尊」下 苦」,宋本作「中」。 加「配與不配」四 孫校塗改作「并」,「謂」上又加 字。 《雜 記》鄭

「帨」右側、孫校加「手」。

「死」,宋本作「士」。

孫校塗改作「亡」。

「承」下,孫校加「祠」。

「卓」下,孫校加「子」。

酹」,宋本作「祠」。 孫校「奉辭」塗改作「執詞」。

適於祖妣某封氏」。齊祔孫某官。妣云「隮祔孫婦某

旨二者贞,夏可,商等酉,免犬。 趣,尽灵,无。封某氏」。 尚饗!」祝興,主人再拜,不哭。 次

祝讀曰:●「惟年月日,孝子某,●敢用柔毛,詣亡者前,東向,跪酹酒,俛伏。 興,少退,立。

嘉薦、普淖,明齊溲酒,哀薦祔事於先考某

興,降位,●主人再拜,不哭,降復位。官,妣云「先妣某封」。 適祖考某官。尚饗!」祝

食間,祝告啓門三,及啓門,●主人以下各就闔門,主人以下出,侍立於門左右,不哭。如亞獻、終獻,皆如主人儀,惟不讀祝。祝

神。祝先納曾祖考、妣祠版於匣,奉置故位,祝東向告利成,主人以下不哭,皆再拜辭

以下哭從,如來儀。至靈座,置之,哭盡哀止。處,圖次納亡者祠版於匣,奉之還靈座。主人

司馬氏書儀卷第八

後學汪郊校訂

「孝子某」上,孫校加「子」。

「降位」之間,加「復」。

置」下,孫校加「於」。及」,孫校塗改作「乃」。

八六

考某官。妣言「某封」。❸

占既得吉,敢告。」既

曰:「孝子某,將以來月某日,祗薦常事於先

司馬氏書儀卷第九

喪儀五

小祥

北向立。祝執辭出於主人之左,東向,❷讀次擇上旬。既得吉日,主人焚香於靈座前,於來月下旬,卜筮之,不吉,次擇中旬,不吉,爐、炷香,卜筮日於影堂外,西向。● 先擇日糖,貯於漆匣。於十一月之末,主人設香桑板之制。考以紫囊、妣以緋囊盛之,各有桑板之制。考以紫囊、妣以緋囊盛之,各有

ト,則從初忌日。母

讀,卷詞懷之,興,復位。主人再拜,退。

而已。 祥,則男子除首絰及負版、辟領、衰,婦人截長裙,不令曳地 錦繡紅紫。 小祥,男子除乎首,婦人除乎帶。」今人無受服及練服,小 服於其中。《禮》既虞、卒哭,則有受服,《間傳》:「期 視,務極精潔。 具祭饌,如時祭。主人、主婦縱不能親爲,❸亦須監 翦爪,衆丈夫洒掃滌濯,主婦帥衆婦滌釜鼎, 應服期者,及小祥皆改吉服,然猶盡其月,不服金珠 小祥前一日,主人及諸子俱沐浴、櫛髮、 執事者置卓子,設香爐、酒盞 丈夫、婦人各設次於别所,置 注 於 練 而

「西向」下,孫校加「不能卜筮則以环珓代之」十字。

靈座前,置盥盆、帨巾於靈座西南,别設

於靈座前卓子之右,東向,别置卓子於靈

座

座

「東向」下,孫校加「跪」。

「言」,孫校圈删,加「曰先妣」三字。

「L」に,※ モコニルエニにこ。「ト」下,孫校加「筮」、「筮日」,「從」,塗改作「止用」。

親爲」下,孫校加「執事」二字。

祝盥 人立 手焚香,斟 版 東 版,●置於靈座舊位。 曰 ::「年月日,孝子某,❸《開元禮》小祥祝文猶 [畢,以蠟塗炙令人理,刮拭之,復納於匣。 南 於靈座前,北 手,奉桑板,置於東向之座,次 西向,置栗版匣及筆硯墨於其上。 酒 酹之,退少立。 向,使善書者西向立 出之,藉以褥,主人盥 祝執辭出 題 「,❷讀 奉 栗 栗 主 稱

西向。 下,一盆有臺,供親 火筯於西階上。 刀子、拭布、酒盞注於卓子上,在東階之上, 合、香匙於其上。 明日夙興,執事者設玄酒一瓶,酒一餅, 設香卓子於靈前堂中央,置香爐、香 戚,一 對 裝灰餅、⑥設火爐、湯 酒 盆供執事者。 瓶,設 盤 盆二於西階 各 1有帨, 瓶 東

既成,伏惟尊靈,捨舊從新,是憑是依。」祝

興,主人再拜,哭盡哀

告於先考某官。

妣言某氏。❺

來日小祥,栗主

孤哀子」,按《士虞禮》祔祭已稱孝子,吉祭而已。●

敢

昭

上。乃具饌,陳於堂門外之東。

哭。頃之,祝止哭者。 虞祭之位,若大功已下有來預祭者,釋去華盛之服,同 食、米食,如卒哭。 虞祭,帥衆丈夫設肉食,主婦 叙坐、立、亦如虞祭之位。 矣。」人,與期親各服其服,坐立哭於靈前 杖不入於室,袝,杖不升於堂。」注:「然則練杖不入門,明 人及期親出就次,易練服及吉服,復入,就 質明,主人倚杖於門外,《喪服 執事者開酒 大祥、禫准 主人盥手焚香,₹ 此。 帥 衆婦 ,主人斟、 哭 盡 小記》: 女設 哀。 ¨; 如 虞 酹 麯 如 位 主

[「]版」下,孫校加「匣」。

[「]出」下,孫校加「主人之左東向跪」七字。

③ 「孝」上,孫校加「子」。

[「]言」,孫校塗改作「曰先妣」,「氏」,塗改作「封」。「吉祭而已」上,孫校加「如」,下加「則祥禮可知」五字

[「]灰」,孫校塗改作「炭」。

[「]主人」下,孫校加「降」。

某,❷敢昭告於先考某官。 酒 饌,如虞祭。 終獻闔門、啓門、復入就位,皆如虞祭。 饗!」祝興,主人再拜,●退復位,哭止。 齊溲酒,薦此常事 惰其身,哀慕不寧。 不居,奄及小祥。 坐 置靈座,主人以下哭拜,出就次。 向,告利成,如卒哭。 ,埋桑主匣於屏處絜地。**⑤** ,如虞祭。 祝取 祝執辭,❶讀曰:「年月日,孝子 《桑版 夙興夜處,小心畏忌。不 於先考某官。 敢用柔毛,嘉薦普淖,明 祝斂栗 心匣,帥 妣云「某封」。❸ 版,韜藉 執 事 妣如前。 者徹 執 事 三厘之, 日月 者 祝東 東 亞 尚 向 徹

大祥

卜, ●如小祥禮。丈夫、婦人各設次於别所,再期而大祥。於二十三月之末,主人

脂皮爁鐵帶,或布裹角帶。☞ 未大祥間,出詣人家,亦假而置禪服其中。 今世丈夫禫服,垂脚黲紗幞頭,皂布衫,

設酒饌、香火、盥器、●皆如小祥。祥爲除服,即着禫服。今從衆。其日夙興,執事者祭」,云「仍祥服」,又云「著禫服」。按:世俗無受服,謂大衆」、云「佛內外受服,潭。以鵝黄、青碧、皂、白爲衣履,其服之。婦人可以冠梳假譽,以鵝黄、青碧、皂、白爲衣履,其

小祥。出就次,易禫服,復入,就位哭。頃之,前,⑩立哭盡哀,已除服者若來預祭,亦哭於故位,如

質明,主人與

未

除

服

者

入,就

位

於

靈

「醉」下,孫校加「出主人之左,東向跪」八字。

❷ 「孝子」前、孫校加「子」。

0

「妣云」下,孫校加「先妣」二字。

「主人」下,孫校加「哭」。

「潔」,孫校塗改作「潔」。「絮」,諸本同,四「坐」,孫校塗改作「座」。「絜」,諸本同,四

庫

本

作

「卜」下,孫校加「筮日」。

二「帶」字上,孫校皆加「腰」。

「紅」右側、孫校加「錦」。

「盥器」之間,孫校加「滌」。

「前」下,孫校加「後坐」二字。

八九

男設 祝 祭畢,遷影堂及祠匣於影堂,❷徹靈座,斷杖 惟不改題栗主,埋桑主外,其餘如小祥之儀。 小祥祝詞,云「奄及大祥」,又曰「薦此祥事」, ĭĿ 哭者。 肉食,主婦帥衆婦女設麵、米食,●如卒 執事者開酒、主人斟、酹酒、如虞祭。 主人降,盤手焚香, 如虞祭,帥 改 衆

禫 祭

弃之屏處。

月樂。」❸《三年問》曰:「三年之喪,二十五月而畢。」然則所 則其善也。」孔子既祥五日,彈琴而不成聲,十日而成笙歌。 月。」按"魯人有朝祥而暮歌者,子路笑之,夫子曰" 禫」,鄭注云:「猶間也。 是月之中,隨便擇一日,設亡者一位於中堂。 今律勑三年之喪皆二十七月而除,不可違也。紕,避支切。 (檀弓))曰: 「中月而禫」者,蓋禫祭在祥月之中也。 大祥後,間 「祥而縞。」注: 禫,祭名也。 月,禪祭。《士虞禮》「中 「縞、冠素紕也。」又曰: 自喪至此,凡二十七 歷代多從鄭説 「禫,徙 「踰月 涥 而

> 禮 • 降,盥手焚香,如虞祭,帥衆設食,亦同卒哭 版,奉之還於影堂,主人以下從至影堂,不 主人以下應拜者再拜,❸哭盡 拜,不哭,改大祥祝詞 祝奉祠版 位,☞皆如虞祭,而不哭。 下不改服,入就位,俱立哭。 祝止哭,❹主人 「祗薦禫事」。 執 事 匣,置於座,出之,藉以 開 酒,主人斟,⑥ 亞、終獻闔門、啓門、復入就 ,云「奄及禫祭」,又云 祝東向,告利 亦 哀。 褥。 如 虞 祝匣 主人 祭 成, 禮 祠 以

0

執事」下,加「者」,「主人斟」下,

加爾

酒」二字。

「再拜」上,孫校加「皆」。

[「]麵」下,孫校加「食」。

⁰ 「祠匣」之間、孫校加「版」。

[「]禫」上,孫校加「是月」二字。

祝」上、孫校加「頃之」二字。

十二字。 「亦同」、孫校圈删、加「主婦帥 衆婦女設 麵食米食如」

[「]亞」下,孫校加「獻

居 喪 雜 儀

至。 瞿瞿 禮,喪復常,讀樂章。」《檀弓》:「大功廢業。 《曲禮》曰:「居喪未葬,讀喪禮,既葬,讀祭 其理焉,强者可以觀其志焉。禮以治之,義 《雜記》:「孔子曰:『大連、少連善居喪,三日 從而弗及,既葬,慨焉如有不及其反而息」,❶ 死,皇皇焉如有求而弗得,及殯,望望焉如有 或曰:大功誦,可也。」居喪但勿讀樂章,❸可也。 四制》曰:「仁者可以觀其愛焉,知者可以觀 而不怠,三月不解,期悲哀,三年憂。」』《喪服 正之,孝子、弟弟、正婦,❷皆可得 《雜記》: 練而慨然,祥而廓然。」又顏丁居喪,「始 如有求而 《檀弓》曰:「始死,充充如有窮,既 「三年之喪,言而勿語,對而不問。」 弗得, 既葬, 皇皇如 而察焉。」 有 望而: 殯, 弗 以

> 微。《雜記》:「疏衰之喪,既葬,人請見之則 見,不請見人,小功,請見人可也。」 弓》:「高子臯執親之喪,未嘗見齒。」言笑之 不言國事,大夫、士言公事,不言家事。」《檀 喪,非喪事 言,言己事也。爲人説爲語。《喪大記》:「父母之 不言。 既葬,與人立,君言王事

禮,今之賢孝君子必有能盡之者。 身自執事而後行者,面垢 量力而行之,可也。 事行者,扶而起,言而後事行者,杖 浴。《喪服四制》:「百官備,百物具,不言而 沐浴。《曲禮》:「頭有瘡則沐,身有 又凡喪,小功以上,非虞、祔、練、祥, 而已。」凡此皆古 自餘相時 而 瘍 起 則 無

0

「正」右側,孫校加「貞」。

文有「善」,無「有」。 「有」,孫校圈删,並於「顏丁」下加「善」。 按:《檀弓》原

居」上、孫校加「今」。

信 告 書

尊卑長: 幼,如常日 · 書儀。 粗生紙直書其事,

勿爲文飾。

致 賻 襚 狀

聊備 具位姓某,某物若干,右謹專送上某人靈筵, 賻 儀。 財物日 膊 儀,衣服曰襚儀,香酒曰 奠儀

伏惟 歆納,謹狀。 年月日、具位、依常式。

封皮狀上某官,靈筵。 官尊,其儀乃如此。若平交及降等,即狀内無「年」,封皮用 具 位。 某謹: 封。 此 是亡者

面簽,題曰「某人靈筵」,下云「狀謹封」。

謝 賻 襚 書今三年之喪,未卒哭,不發書,多

令姪、孫及其餘親發謝書

襚奠隨事。 書者名。 具位某,某物若干。 某親違世,大官云「薨役」。 下誠不任哀感之至, 謹具狀 右伏蒙 特 尊慈以某發 賜 賻 上 儀。

> 謝 上 |尊慈]爲「仁」,「特賜」爲「貺」,去下「誠」字。 某 位。 謹 狀 某謹 年月 封。 日 此與尊儀也。 .,具位。 後云 [謹奉 如平交,即 某 狀

改

慰大官門狀

謹狀」無「年」,封皮用面簽,餘如前

某位姓某。 右某謹詣 謹狀。 門屏 祗 慰 某

某 狀。 位,伏聽

處分。

年月

日

. 具位。

慰 平. 交

某位姓某。 右某祗 慰 某官。 謹狀。

月 日,具位。 姓 某 狀。

慰 人 名 紙

平交已下用之。若平交已下期喪,亦用慰狀,大功已下, 形 用起居狀。 如常,但題其陰 相面而見慰。 面 ,云「某郡 姓 名 慰 此與

九二

慰人父母亡疏狀鄭《儀》書止一紙,云「月日 君頓首」,末云「謹奉疏,慘愴不次。姓名頓 首」。裴《儀》看前人稍尊,即作複書一紙,月 日名頓首,一紙無月日,末云「謹奉疏、慘愴不 次,郡姓名頓首」。封時取月日者向上,如敵 次,郡姓名頓首」。封時取月日者向上,如敵 本,但尊卑之間,語言輕重差異耳。若别有情 事,自當更作手簡,别幅述之。若慰嫡孫承重 者,如父母法

> 謹疏。 俯從 苫前,百日外,云「服次」、「服前」。」 郡望,并改「疏」爲「狀上」。某位大孝。苫前。 守」。未由奔 母亡,即云「憂苦」。 卒哭,則云「遽及卒哭」。小祥、大祥、禫祭,各隨其時。 下倣此。 云「哀前」,平交已下,云「哀次」。劉岳《書儀》:「百日内 喪,恐不當稱。月日,具位姓某疏上平交已下,可稱 改爲「狀」。 已下,但云「未由奉慰,悲惨增深」。 願」,降等云「惟冀」。 痛奈何! 「不居」,或云「遽及孟仲季春」。 平交已下,云「不宣」,鄭、裴用「不次」。 禮制。 日月流速,遽踰 伏 罔極奈何! 惟 慰,其於憂戀,無任下誠。平交 某事役所縻,在官,即云「職業 氣力何 强 鑒察。 加加 餰 不審自罹荼毒,父在 旬朔,或云「流邁」,或 如? 若已葬,則 降等,不用此。 粥,已葬,則云「蔬食」。 謹奉疏,平交已下, 伏乞平交云「伏 云「遽經安厝」。 日月遠 不備。 自 非 哀 有

下,用面簽,云「某位苫次」。稍尊,用粗銜,平交已下,用封皮疏上某位,苫前。具位姓某謹封。平交已

九四

「郡望姓名狀謹封」。

直書姓、某官。具位某謹封。重封疏上某所某位。尊長,以小紙帖姓,平交已下,

父母亡答人狀於所尊稱「疏」,於平交已下稱

狀

朔。 某稽顙再拜言。平交已下,只去「言」字,蓋稽顙 崩,叩地叫天,無所逮及。日月不居,奄踰 父云「先祖考」,祖母云「先祖妣」。 拜,三年之禮也。古者受弔必拜之,不問幼賤。 慈,俯賜 去此二字。 與父同。 酷 深重,不自死滅,禍延先考。母云「先妣」,承重祖 [罰罪苦,父在母亡,即曰 或云「遽及孟仲季」,安厝、卒哭、大小祥、禫除 無望生全。 祗奉几筵, 苟存視息。 慰問,哀感之至,不任下誠。平交, 即日蒙恩,稍尊云「兔」,平交 「偏罰罪深」,父先亡,則母 攀號擗踊,五内分 伏承 某 ",隨時。 罪 而後 尊 旬 逆

> 問,己因書亦當言之,但不特發書耳。 喪,知舊不以書來弔問,是無相恤閔之心,於禮不當先發 女云「孤女」。平交云「狀上」。 在母亡,稱「哀子」,父先亡,母與父同。 月日,孤子姓某疏上平交已下,云「奉狀謹狀」。 勝隕絶。 書。若不得已,須至先發,當删此四句。 遠蒙眷私,曲加慰問。 謹扶力奉疏,荒迷不次。 哀感之深,非言可 某 位。 承重者稱 未由 餘親,彼雖無書弔 座前、閣下, 論。 謹 號訴,不 凡遭父母 孤孫」, 並 父 如

與居憂人啓狀

封皮。

重

封亦如内封皮。

封皮疏

上某位。

孤子

姓某謹

封。

餘如前平交者

常。

謹空。平交無此

履」, 降等, 云「支宜」、「支福」、「支和」, 重, 「支祐」, 小重 難 毁瘠,僅及支梧也。 禫除,隨時。 某啓。日月流邁,奄踰旬朔。安厝、卒哭、大祥、 居 孟 春猶寒,隨時。 伏惟平交已下,同前。 稱尊,云 「動止支勝」,平交,云「所 起 居 孝心追慕,沈痛 支福。 支者,言其

云「仰承仁恩,特垂慰問。 哀感之情,言不能盡」,降等,云

變,俯 恩,稱尊,云「兔」。 伏乞平交已下,同前。 支宜」、「支適」、「小輕」、「支立大輕」。 某即 從 禮制。 某事役所縻,在官, 日 如前。 節 哀 蒙 順 未

等,云「叙」。 由 悲慘增深」。 拜 不備。 慰。 其於憂戀,無任下誠。 謹奉狀,伏惟 稱尊,云「造」,平交,云「奉」,或云「展」, 鑒察。 謹狀。 平交已下,但 降等,即不用此 降

月 日,具位姓某狀上某 位。 服 二句。

稱尊已下,云「不宣」。

居憂中與人疏狀

前。

餘皆如前。

流速 某叩 即 居 酷罰罪苦,父在母亡,則云「偏罰罪深」。 絶,不自勝堪。 頂福。 日 蒙恩,稱尊云「免」,平交無此二字。 頭泣 降等,無「尊體」字,但云「動止」,餘如前。 血言。 晦 朔。 孟春猶 稱尊已下,改「言」爲「啓」。 奄及大小祥、潭,隨時。 寒,伏惟某位尊體 無復生 祗 奉 攀 慕 日 理, 某 月 號 几 起

> 筵。 苟存視息,未由號訴,隕 咽倍深。 謹扶

力奉 疏。 慰人父母在、 云云,餘如前式。 祖 父母 亡啓狀若已慰

父,則更不慰其子,可

也

其

緬,如 某啓。 履」。 誠。 孝」、「至孝」字,改「苫前」爲「座前」,謹空「苫次」爲「足下」。 毒憂苦」爲「凶變」,改「强加餰粥」爲 父母已亡,則此慰祖父母狀改[縻,在官,如前。 孟 封」,無封云「尊祖妣夫人」。 奄忽違世,亡者官尊, 即云「幾丈」,無契即云「尊祖考府君」。 奄捐館舍」。 春猶寒,未審 平交,如前。 伏乞 前。 禍 孝 無故常, 心 承 深自寬抑,以慰慈念。 未 純 謹奉狀。 至,哀 **訃驚怛,不能已已。** 由趍慰。 尊體 尊祖 慟 何 「痛毒罔極」爲「痛苦」,改「茶 云云,如前式。 摧 似 考 其於憂想,無 裂 ? 「深自抑割」,去「大 祖母云「尊 某位,無官有 平交已下,云「所 何 某事 可 〇若其· 伏 勝 祖妣 惟 任 任 役 恭 下 所 1 某 契

九六

祖父母亡答人啓狀

某啓。 門,伏蒙 增 即 時。 至,不任下誠。仁思、眷私,隨等。孟春猶寒,亦隨 云「先祖妣」。 哽塞。 自 伏惟 謹狀。 不圖 侍奉,幸免他苦,未由詣左右展洩,徒 謹 某位尊體起居萬福。平交如前。 尊慈,特賜 奉狀上 痛 凶 苦摧裂,不自 禍, 先祖 謝。 書尺慰問,哀感之 考奄忽弃背。 不宣。 勝 堪。 極尊,云「不 專 介臨 祖 某 母

慰人伯叔父母、姑亡

猶寒, 惟 尊,云「奄捐館舍 姑,隨時。 某啓。不意凶變, 親 愛敦隆,哀慟 降等,改「尊」爲「賢」。 尊體何如? 承 尊伯父某位,伯母、叔父母、 沈痛,何可堪勝! 伏乞 **訃驚怛,不能已已。** 奄忽傾逝。亡者官 深自 寬抑,以 孟春 伏

慰遠誠。某事役。云云,如前式。

伯叔父母、姑亡答人慰

慰人兄弟姊妹亡

「親愛」爲「友愛」。餘並同。「親愛」爲「友愛」。餘並同。「今妹」。平交已下,改爲「賢」。若彼有兄弟姊妹數人,須「今妹」。亦曰「令兄」,●弟曰「令弟」,姊曰「令姊」,妹曰比「慰人伯叔父母亡」啓狀,但改「尊伯父」爲

兄弟姊妹亡答人慰

比「伯父母亡答人」狀,但改「幾伯父」爲「家

0

同。 須言行第,不必言封。改「弃背」爲「喪逝」。餘並兄」,弟曰「舍弟」,姊曰「家姊」,妹曰「小妹」。有數人者,

慰人妻亡

爲「悲悼」。餘並同。隆」爲「伉儷伉音亢,儷音麗。義重」,改「哀慟」爲「薨逝」,改「驚怛」爲「驚愕」,改「親愛敦爲「薨逝」,改「驚怛」爲「驚愕」,改「親愛敦比「慰人伯叔父母亡」狀,但改「尊伯父」爲比「慰人伯叔父母亡」狀,但改「尊伯父」爲

妻亡答人

「摧痛」爲「悲悼」。餘並同。家」,「幾伯父奄忽弃背」爲「室人奄忽喪逝」,比「伯叔父母亡答人」,但改「家門」爲「私

慰人子、姪、孫亡

某啓。伏承平交已下,爲「切承」。令子某位,姪日

勝! 餘並同「慰人伯叔父母」狀,改「寬抑」惟恭、緬,同前。 慈愛隆深,悲慟沈痛,何可堪若有數人,須言行第。 遽爾夭没,不勝驚怛。 伏

子孫亡答人狀

爲「抑割」。

等書,今並删去。 等書,今述删去。 等書,今述删去。 等書,今述删去。 等書,今述删去。 等書,今述删去。 等書,今述删去。 等書,今述删去。 等書,今述删去。 等書,今述删去。 等書,今述删去。

司馬氏書儀卷第九

後學汪郊校訂

司馬氏書儀卷第十

喪儀六

祭

用丁、己」,又「主人曰「來日丁亥」」,注:「丁未必亥也,直周六廟、濮王廟皆用仲月,以此私家不敢用孟月。 主自周六廟、濮王廟皆用仲月,以此私家不敢用孟月。 主作, 一方, 雖支子亦四時念親, 安得不祭也? 及弟、子、孫侯、卿大夫宗族聚於一國,故可以如是。今兄弟仕宦,散之侯、卿大夫宗族聚於一國,故可以如是。今兄弟仕宦,散之皆盛服親臨,筮日於影堂外。《少牢饋食禮》「古者諸皆盛服親臨,筮日於影堂外。《少牢饋食禮》「日本此男家長也。《曲禮》:「支子不祭。」《曾子問》:「京子爲土,庶子爲大夫,以上牲祭於宗子之家。」古者諸信。其一,以祭,用仲月。《王制》「大夫士有田則祭,無田凡祭,明仲月。《王制》「大夫士有田則祭,無田

及蓍於其上。

於紙。出於主人之左,東向,搢笏,出辭,跪讀立,以蓍授筮者,令西向筮。不吉,則更命已。或無能筮者,則以环珓代之。● 既得吉日,乃入日。或無能筮者,則以环珓代之。● 既得吉日,乃入日。或無能筮者,則以环珓代之。● 既得吉日,乃入以某日,諏此歲事,適其祖考。尚饗!」乃退以某日,郡此歲事,適其祖考。尚饗!」乃退

日以言之耳。禘於太廟禮曰: 「日用丁亥。

不得丁

❶ 「环」,宋本同,四庫本作「抔」,學津本作「杯」,當是。

古者四時之祭,習以爲常,故筮日、宿尸、賓而不告祖考。卷辭懷之,執笏興,復位。主人再拜,皆出。日祗薦歲事於先祖考妣。占既得吉,敢告。」之,曰:「孝孫具官無官,則但稱名。某,將以某

今始變時俗,筮日而祭,故不得不告,蓋人情當然。

樂。 所樂,思其所嗜。齋三日,乃見所爲齋者。」 《祭義》曰:「齋之日,思其居處,思其笑語,思其志意,思其 葷 雖 歲以上,皆居宿於外。 得飲酒 ,葷,謂葱、韮、蒜之類,有臭氣之物。不弔喪,不聽 凡凶穢之事,皆不得預,專致思於祭祀。 前 期三日,主人帥諸丈夫致齊於外,男十 而不至亂,亂,謂改其常度。 主婦 帥 諸 婦女致齋於内。 食肉不茹

東向。 考妣並位,皆南向,西上。 祭器,主人縱不親滌,亦須監視,務令蠲潔。 祭所,影堂迫隘,則擇廳堂寬潔之處以爲祭所。 前期一 自後漢以來,公私 日,主人帥衆丈夫及執事者 廟皆同 堂 古者祭於室中,故神坐 異 (室,南 向西 設倚卓, Ę 洒掃 滌 所以 濯

> 炙肉。 心 辭神而已。 視禮儀。 西上者,神道向右故也。 已善矣。 者,未必皆殺牲。 之物,勿令人先食之,及爲猫、犬及鼠所盜污。 事父母、舅姑,雖有使令之人,必身親之,所以致其孝恭之 夫家婦女皆親造祭饌。 欲預祭,則特位於主婦之前。 姑老,不與於祭。 有,今但能别置椀楪等器,專供祭祀,平時收貯,勿供他用 品以下,祭亦有省牲、陳祭器等儀。按:士大夫家祭其先 今縱不能親執刀匕,亦須監視庖廚,務令精潔。 羹、今炒肉。 或老疾不能久立,則休於他所,俟受胙,復來受胙 時 帥衆婦女滌釜鼎,具祭饌,往歲,士大 蔬、時菓各五品,膾、今紅生。 主人、主婦,必使長男及婦爲之。 又簠簋、籩豆、鼎俎、罍洗,皆非私家所 **殺、**今骨頭。 近日,婦女驕倨,鮮肯入庖廚。凡 主婦主人之妻也。 參神畢,升立於酒壺之北,監 軒、今白肉,音 《開元禮》六 禮,舅没 炙、今 若 未祭 1或自 則

圍 之類是也。 麵食、如薄餅、油餅、胡餅、 脯、今乾脯。 **一粽、餳之類,皆是也。** 米食,謂黍、 醢、今肉醬。 共不過 稷、稻、粱、 蒸餅、棗餻、環餅、捻頭、餺飥 庶羞、猪羊之外,珍異之味。 十五 栗所爲飯 品 若家貧,或 及粢、 餻

於其 阼 肉 鄉土異宜 酒樽所,執樽者舉幕。」私家乏人,恐難備。 洗者取盤承水。 禮》倣此。 東南。設罍水於洗東,有枓。 偏爲阼階,西偏爲西階。 帨,手巾也。 階 麵、米食各數品 東。 東 , 或 南 又云:「贊禮者引主人詣罍洗,執罍者酌 此執事者所盤。《少牢饋食禮》: 此主人以下親戚所盥。 帨 時 主人盥手,執篚者受巾。 所 巾 可 無,不 有 也。 又設盤盆 架,在 能 執 辦 設篚 事 此 其 者 則 於洗西,南 無阼階,則以階之東 設 一、帨巾 各隨 北 盥 遂進爵,主人詣 其所 今但設盤盆、帨 盤,濯 盆,有臺 「設洗於阼階 無臺架者 肆。」《開 有 蔬 1水,執 手 也 果 於 元

婦薦籩豆, 每 所應服之盛者。 具公服靴笏,無官者,幞頭衫帶。 蔬果、粢盛,主人帥衆男薦肉,亦倣此。 位設蔬果,各於卓子南端 明 醬楪,實以醬、鹽、醯。 日 `設黍稷; 主人舉鼎,設俎。 夙興,主人以下皆盛服,丈夫有官者 主人、主婦帥 於卓子北 執 婦人大袖裾帔,各隨其 事 今使主婦帥 酒盞、 執事者設玄酒 者詣 端。 匕 祭 筋、茶 所 婦 禮,主 女薦 ´´; 於

對缾,實水於盥盆。裝灰缾,設水爐、湯瓶、香匙、火筯於西方。東,設香卓於堂中央,置香爐、香合於其上。上。別以卓子設酒注、酒盞、刀子、拭布於其上。別以卓子設酒注、酒盞、刀子、拭布於其一瓶,其日,取井華水充。酒一瓶,於東階上,西

堂。 **阼階上**,西面。 祭,主人朝服 上。 下,北向西上,主 手帨手,各奉祠版,置於其位 所,置於西階上火爐之西向。 主人、主婦 婦從後。 向 叙,婦以夫之長幼,不以身之長幼。 人帥衆丈夫共 東 位定,俱再拜。 Ŀ 二執事者舉祠 質明,庖 衆丈夫在左,衆婦女在右,從 執事者立於其後,共爲 ,即位於阼階 尸 、出入,主人降,立於阼階東,西 者告饌具,主人、主 爲 一婦帥 一列,長幼 版笥,主人前導主婦 此參神也。 東,西 衆婦. 画 女,如衆丈夫 以 祝告利 立於西階下,北 先 《少牢饋食禮》: 叙, 考、妣 成,主人立 婦 立 列,亦 共 面。」此皆 於 後 詣 東 至 之 主 西 階 触 祭 於 主 影

巾

`使自盥手、帨手,以從簡易。

者位於終獻西南。 爲尸之在西也。 主人之正位也。「卒晉,祝盥於洗,升自西階。 向 祠祭,必向神位而拜,無神在此而西向拜者,故此皆北 行,西向北上。 面,立於户内,拜妥尸。 .面,再拜稽首。」皆爲几筵之在西也。 「尸升筵,主人西 而立及拜。 祝先人,南面,主人從,户内西 、終獻位於主人東南,掌事者位終獻東南,俱重 設子孫之位於庭,重行,北面西上。 脅,諸應切。 《開元禮》贊禮者設主人之位於東階下,西 西南享曰參神,皆就此位。按:今民間 尸醋主人,主人西面,奠爵拜。」皆 醋音胙 面 祝酌奠,主人 設贊唱 向

向酹。 復位。 既難行於士民之家,故但焚香、酹酒以代之。 夫盥 升,開酒,拭瓶 泉,蕭合黍稷,臭陽達於墻屋,所以 ,古之祭者不知神之所在,故灌用鬱鬯,臭陰達於淵 手帨手,主人帥之,脱笏,奉肉食。 主人升自阼階,立於香卓之南,搢笏,焚 祝及執事者皆盥手帨手,執事者一人 庖人先用 ,實酒於注子,取**蓋**斟酒,西 飯牀陳饌於盥帨之東,衆丈 廣求其神 也。 再拜,降 今此 主人 禮

向。 日 辭,出主人之左,東向,搢笏出辭,跪讀之, 返故處。 左,一人奉曾祖妣酒盞,立於主人之右。 主 置故處。 搢笏,執注,以次斟酒。 酒盞,皆如曾祖考、妣之次,就主人所。 主人 妣酒盞。一人奉祖考、妣酒盞,一人奉考、妣 人搢笏,跪取曾祖考酒,酹之,授執事者盞 「維 執事者一人奉曾祖考酒盞,立於主人之 年月日,孝子曾孫具位某,敢用柔 主人出笏,俛伏,興,少退立。 主人出笏,詣曾祖考、妣神座前,北 考酒盞,右手奉曾祖 執事者奉之徐行,反

曾祖 降 饗 手、若已嘗盥手者,更不盥。 辭之異者,祖 祖考妣、考妣 毛,性用彘. 位。 「孝子薦歲事 」祝卷辭懷之,執笏興,主 考某官 次亞獻、終獻以主婦或近親爲之。 則曰 府 日 神 剛 君, 於考妣」。 「孝孫薦歲 座,皆如曾祖 鬛 曾 嘉 祖 升 薦普淖, 妣 自 獻畢,祝及主人皆 某 事於祖考妣」,父 西 封 考妣之儀 人 階、 某 用 再 拜。 氏 薦 谌 盥手 歲 配 酒、 事 次 帨 祝 酹 詣 尚 於

就斟 治切。 向。 不言,拜侑。」注: 也。 面於主人之南,獨侑不拜。 拜,主婦四 又 曰 : 主婦升自西 酒盞,皆滿。 既遍,主人升自東階,脱笏,執 正筯,立 「尸又食,上佐食,舉肩。 拜。《少牢饋食禮》:七飯,「尸告飽,祝 一祝 於香 [階,執 言而不拜,主人不言而 執 卓 笏退,立於香卓東 侑 西 曰:「皇尸未實,侑!」」。 匕 南,北 扱 黍中 尸不飯,告飽。 向。 - , 西柄 拜,親 注 主 三子,徧 南 ,扱,初 人 流疏之 主人 "; 北 再 勸 西

> 門西, 隱也。 門外,可 弱羸疾不能久立,則更休他所。 親,庶或享之,忠愛之至也。 隅,几在南,厞用筵,納一尊。 謖」,注:「謖,起也。」又曰:「佐食徹尸 也。 宜。」 息之聲。」鄭曰:「無尸者闔户,若食間。」 出户,肅然必有聞乎其容聲, 厭。」《祭義》曰:「祭之日,人室,僾然必有見乎其位, 所以爲厭飫。 立於門東,西向,衆丈夫在其後, 湯斟之,皆自 今主人斟 執 不知神之所在,或遠諸 也。 事 東向,衆婦皆在 者 謖,所六切。 此所謂當室之白爲陽厭,尸 酒 西始, ,主婦扱 人 執 器 畢 匕 敦音對。 今既無尸,故須設此儀。 了, 皆 人手? 工其後。 正 出户而 瀝 佐食闔牖户,降。」注: 當留親者 筯 去茶 出。 丽 厞,扶米切。 拜, 聽,愾然必有聞 尸謖而改饌爲 《特牲饋 薦 清, 祝 此則孝子 亦 俎敦,設於西 一兩人,侍 未人之前 不 闔 主婦 一 人 言侑食之意 門,主 食》曰 **愛音愛**。 廣水 隨 立 立於 若老 乎 周 爲 闇 ¬ H 於 人 以 其 歎 旋 北

= 《士虞禮》「祝聲三,啓户」,注: 如 食 間 祝 升 當 門外, 「聲者 北 向 噫 歆 告啓 也 將啓 門,

愾,開大切

酒

,皆如上儀,惟不讀祝。

於盤,執事者授以

器,祝受器,取匕抄諸位之黍各少許,置器 主人,搢笏跪授,祭酒 主人人就席,西向立。 户,驚覺神也。乃啓門,執事者席於玄酒之北, 人,曰:「祖考命工祝,承致多福於汝孝孫。 笏,退立於西階上,東向。 於主人之左,執盤,置於地,主人寫袂中之黍 事者器,挂袂於手指,取酒卒飲。 立於東階上,西向。於主人之受黍也,祝執 人,立於主人之右,受盞,置酒注。 旁一人立 前,搢笏,舉酒徐行,詣主人之右,南 祝執黍行,詣主人之左,北向,嘏於主 執事者一人,立於主人之右,主人授執 勿替引之。」主人置酒於席前,執笏, 使汝受禄於天,宜稼於田,眉壽 搢笏,跪受黍,嘗之,實於左 出。 ...啐酒。 主人執笏,俛伏,興, 祝升自西階,就曾祖 主人既就位,祝告 執事者授祝 執事 才者 向 授 以 堂,如來儀。 拜。此受胙也。 利成,降復位。於是在位者皆再 如尊長南向,則以東爲上,是也。 婦之上更有尊長,則主人帥衆男、主婦帥婦女以獻壽。 者温祭饌。 蔬果、醢醢、醬、酒盞、匕筯畢,人酒於注。 夫坐於堂,主婦與衆婦女坐於室。 執書,歸胙於親友之好禮者。 合,并福酒皆緘之。貴於神餘,不貴豐腆。 主人監分祭饌,爲胙盤,品取少許,同置 返於廚,傳於宴器。 餘酒,皆入於壺,封之,所謂「福酒」。 妣先考後。 辭神也。 立向尊長,如祭所之位,而男女皆以右爲上。 執事者設餕席,男女異 主人、主婦皆升,奉 執事者二人舉之,導從歸於影 男尊長就 主婦還、監徹、酒盞不酹者、及注中 主人降,與在 主婦監滌 坐,衆男獻壽,若主人、主 衆丈夫以長者或弟 · 祠 位者皆再拜。此 座,主人與衆丈

永年。

俛伏,興,再拜。

來汝孝孫!

袂。

中。

位

遣

僕

於

書辭在後。

設倚卓、

庖

叙

執事者徹祭饌

祭器,藏之。

版納

於 櫝

笥

拜,主人不

或子。 興立。 置於前,自斟之。 笏跪,右手 長男搢笏跪受,以授執事者,置其位,俛伏, 長男俛 宜家。」執注者 之慶,與汝曹共之。」執事 祀事既成,祖考嘉饗。伏願備膺五福,保族 執 酒 少 尊長命執事者取酒 盏,立 伏,興,退 進 , 執 執注,左手執蓋,斟 於左。 事 退 ?,執盞 者一人執 復 祝曰:「祀事克成,五福 位 長 一,與衆 者置 男即衆丈夫之長也。 者以 酒 注 酒 注,立於右 丈夫 及 於尊長之前 盞致於長男, 酒。 長 男 俱 祝 酒 再 日 拜, 盞 搢

獻 授,不跪,餘皆如衆丈夫之儀。 獻女尊長於室,女尊長 及衆丈夫皆再拜,尊者命坐,乃 不能祝者,默斟而已。 肉食畢,衆婦女詣堂,獻男尊 尊者命執 事 者徧斟 及尊長酢長女,或妹,或女。 酢 記衆丈· 衆婦女,立斟 夫酒,畢 飲畢,執事者 長 就 壽。 坐。 ·, 長 婦 衆 女執 一; 立 女 男

> 會,使之交恩定好,優勸之。 今亦取此儀 禮,祭事既畢,兄弟及賓迭相 如堂上之儀。 皆如衆丈夫之儀。 長女立斟,立受,不跪,婦長 時候泛行酒,間以祭饌,盞數惟尊長之命。 女尊長壽,如婦女,而 執事 者薦 衆丈夫詣 不 獻酬,有無算爵,所以因 酢。 麯 食 , 則 執事者薦米食 () 衆執 室獻女尊長 使執 事者就 事者獻男 餘

賤,其日皆盡。 頒胙於外僕,主婦 力而行之,少壯者自當如 饌不足,則繼 凡祭,主於盡愛敬之誠而已。 凡歸胙及餕,若酒不足,則 以他饌。 孔子祭於公,不宿肉,不敢留神惠 頒 既罷,據所 儀 執事者 和 酒 疾則量 以 ,徧及微 饌 他 (,主人 酒 也 筋

影堂雜儀

儀。主人、主婦親出祖考,置於位,焚香,主主人以下皆盛服,男女左右叙立,如常

主人。主人搢笏跪,酹茶、酒,執笏,俛伏, 人 以下俱再拜。 執事者斟祖考前茶酒,以授

興,帥男女俱再拜。 次酹祖妣以下,皆徧。

納祠 版, 出徹。 月望,不設食,不出祠版,餘

堂前 如 朔 儀。 唱 喏,出外歸 影堂門無事常閉。 亦 然。 外再宿以上,歸 每旦,子孫詣影

出

則 入影堂,每位各 再 拜。 將遠 適 及遷官大

有 事 時 則 新之物,則先薦於影堂。 盥 手 · 焚香, 以 其 事 告, 遇水火盗賊, 退,各再 拜

則 先 救 先公遺文,次祠版,次影,然後救家

歸

財

某惶 恐啓。 今月某 日,有事)於祖 考,謹遺 歸

胙 於執 事。 伏 惟 尊慈俯賜 容納。 某

惶 恐 再 拜 某 人。 執事。

復 書

某咨。 老夫,感慰良深。 吾子孝享祖考,不專有其 某咨 某

福

一施及

平 交 書

伏惟 某啓。 留納。 今月某日,有事 某再拜 於祖考,謹遣 歸

胙。

復 書

某啓。 施及賤交,不勝感戢。 伏承某人孝享祖考,不 某再拜 專有其 某人。

降 等 書

某咨 某咨。 今月某 某 日,有事於祖考,今遣致

復 書

某惶 恐啓。 伏承 某人孝享祖考,欲 其

至。某惶恐再拜 某人。執事。

司馬氏書儀卷第十封皮如常日啓狀儀。

後學汪郊校訂

〇六

雍正甲辰二月朔日,後學汪郯謹書。

汪 郯 跋

汪 祁 跋

哭、不用練。 《書儀》爲温公考諸《儀禮》,通以後世可 是、祭參用不一,觀信齋楊氏之言可見。若 要、祭參用不一,觀信齋楊氏之言可見。若 要、祭參用不一,觀信齋楊氏之言可見。若 要、祭參用不一,觀信齊楊氏之言可見。若

子善殷」,而云「周已戚」,夫周之祔,有《儀也。《檀弓》:「殷練而祔,周卒哭而祔。孔也。《檀弓》:「殷練而祔,周卒哭而祔。孔也。」崔靈恩謂「舅姑偏有存没,厥明,盥饋存也。」崔靈恩謂「舅姑偏有存没,厥明,盥饋存月乃奠菜。」《曾子問》:「三月廟見、稱來婦月乃奠菜。」《曾子問》:「舅姑既没,婦人,三本統一、

之比。 喪禮敬爲 附識之。 適梓是書,而繹《通考》條列陳氏、朱子諸説 緩,衛正叔謂不若且從《儀禮》,温公有以也。 卒哭之祔,有以體死者之不安。 祔祭爲不敢 祖、考之宗子,身死而致四世蒸嘗久缺,庶 禮》自始死以後之節文度數,至此可袝,非 温公雖知孔子善殷,卒從周制, 上 也。 況袝而遷者,是主高 一、曾、 亦 謂 惟 殷

雍正甲辰上巳日,後學汪祁謹跋。

家

禮

〔南宋〕朱

永

熹

撰

王光照

王燕均

校點

	•	
	•	
·		
·		

笄	冠 一三	冠禮 一三	家禮第二	司馬氏居家雜儀	深衣制度 五	祠堂	通禮	家禮第一	家禮叙 六	木主全式 三	書 晦 菴 先 生 家 禮	校點説明			目 録			
朝夕哭奠 上食 三四	成服 三〇	大斂 二九	小斂 二八	靈座 魂帛 銘旌 二七	沐浴 襲 奠 爲位 飯含 二五	初終 二四	喪禮 二四	家禮第四 二四	壻見婦之父母 二三	廟見 二三	婦見舅姑 二二	親迎 二〇	納幣 一九	納采 一九	議昏 一八	昏禮 一八	家禮第三 ······ 一八	

父母亡答人疏 五四	慰人父母亡疏 五三	謝狀 五三	致賻奠狀 五三	居喪雜儀 五二	橝 五一	大祥 五〇	小祥	祔 四七	卒哭	虞祭 四五	反哭	及墓 下棺 祠后土 題木主 成墳 四二	發引 四一	遺奠	遷柩 朝祖 奠賻 陳器 祖奠 四〇	治葬 三六	閗喪 奔喪 三五	弔 奠 賻三四
								家禮附録 六九	墓祭 六七	忌日	禰 六五	先祖	初祖	四時祭 五八	祭禮 五八	家禮第五 五八	祖父母亡答人啓狀 五六	慰人祖父母亡啓狀 五五

校點説明

《總目提要》。 書,乃後人之假託,並得到四 禮辨》,疑《家禮》非朱子所作。 子家禮》或《文公家禮》。 想,是確鑿無疑的。 曾作《家禮》,現本《家禮》基本反映朱熹的禮學思 兒子及私淑弟子等對朱熹作《家禮》一事都持完 譄 肯定的態度,近代以來最新研究成果也證明,朱熹 》作者王懋兹作《家禮考》,極論《家禮》非朱子之 禮》一 但朱熹同 書,舊題 宋朱 時 元至正間武林應氏作《家 代的學者,包括朱熹 熹 庫館臣的採 撰,故後世又 至清代、《朱子年 信 而 稱《朱 寫 的 λ 全

晦,號晦 今屬江西)人。 四 八)進士。 朱熹(一一三〇—一二〇〇),字元晦,一字仲 庵 晦翁等,别稱考亭、紫陽。 歷仕 生於福建尤溪。 高宗、孝宗、光宗、甯 紹興十八年(一 徽 宗 州 四四 婺源 朝。

校

點說

明

曾任泉州同安主簿、 集注》、《周易本義》、《詩集傳》、《楚辭集注》等,編 爲流行。 宋代理學集大成 承程顥、程頤的學説,並加發展,創立了「閩學」,爲 後贈太師,追封信國 焕 有《通鑒綱目》、《近思録》等。 章 閣 待 著述極多,除此書外,還 制 兼 侍 者。 .`講 等 知南康軍、知漳州、秘閣 公,改徽國公。 其學 職。 說曾遠播日本、朝鮮,頗 謚 日 文,世 撰 學術上全面 (有《四 稱 朱文 修 公。 撰、 句 繼

國之家禮尤其喪禮的內容也大都仿此。 的地 稱 書以冠、婚、喪、祭四禮爲主體,故家禮在歷史上又 的 發展,定型於司馬光的《書儀》和朱熹的《家 最多的著作。 家禮》更成了中國宋元明清至民國 儀禮》和《禮記》,經《孔子家語》和《顔氏家 爲 範本和民間 「四禮」。 位,也是在禮學方面影響範 家禮》一書在朱熹禮學體系中佔有十分重 作爲古代家庭禮儀形式的家禮 另外、《家禮》一書還 通 用 禮。 近代 以 前 韋 的 最廣、接 把 時 朝 期傳 原 鮮、 《家禮》一 屬 祭禮 禮 受 日 統 訓》的 本 源於 家 中 禮 而 要 諸

的

祠

堂之制」等

特

别

提

出

,冠於書

前

編成

通

禮

期。 世 地 禮 明 重 迎 民 以 裁 着手,在司 提 儀世俗化和平民 庶人」的古制,將原屬上層社會古奧繁縟的儒家 正 祠堂」一詞 出了 名。 集禮 的 (訂增汰,另作一 風,儒學在 位 卷 使儒家禮教真 》的《 視和肯定。 其 其 2,從而 目 爲了改變這 ,並體現了全書對於宗法觀 後不 家禮 的。 朱熹編 通 》中的《吉 禮 馬 突 斷 也由此取代「家廟」、「影堂」等而 正 要循俗 光《書 民 出 翻刻印 定《家 明 因 祠堂之制》,明人管 間 了 太祖 化 種 Œ 爲 禮 部更加易曉易行的《家禮》讀 的 祠 推廣 從 狀 優》的 如 落實於庶民之家,達 行,並 禮》一書,時 堂 大衆,因 地位因 況 朱 此,此 宗 在 儒 元 廟 至民間 家 受到 基礎上,參 璋 情變 部部 者不得 族宗 書 而 賜 有 封 分 名 通 閭 念的 值 經 所 法 即仿 建 ·志道《從 的 里。 不 的 釋 統 問 削 活 明 考諸家 放 主 維 世 弱 道 動 治 自《朱子家 張,並 初 持 爲此,朱 棄 便 到 的 二教 中 者 禮 和 先維 以 中 的 的 禮 備 之説, 書《大 重視, 得成 高 受 親 古 禮 不 浸 核 本, 俗 熹 禮 下 度 歡 化 自 時 淫 3

格爲一 家日 本 快 儀 年則「頒《文公家禮》於天下」(《明史•禮 於四 末葉的恭愍王時期,侍中鄭夢 以至在明清兩代人家 遂 把《家禮》作爲官方定本收 時 並 休美,其頒制示 議 爲 並 的 被官方 ,成祖朱棣乃令儒臣 依《朱子家禮》」(《明會要 主。」明人汪 倳 》中 ,并産生了很大的 用不 主臬,幾乎家家必備,人人奉行,世人譽爲「人 頒行至全國 海,而家置一廟矣。」「洪武元年,令民間 到 説 部官方認可、 了 禮 可無之書」。 國 同 制 屬 初未定、人明集禮 所 循《汪仁峰文集》也説: 東 則,每以《家禮》爲准,宜乎 各級學校及衙門。 亞 正 式 影 儒 能體現官方意志的 禮》一直被視 吸 |胡廣等編成《性 響。 教 尤其是《家禮 納, 文 入,與《五 特 由 化 • 周 别 卷 禮 就身體 是朝 》原 的 部 九》。 私 爲 鄰 以 》問 經 「我聖 至此,《家 鮮 民 國 朱子《家 理大全》, 早 四 重 撰之禮 力行,逢 世 間 而 朝 要禮 書 ₹ 至永 後 在 鮮 明 日 大 婚 還 常 高 和 治 典, 二升 禮 娶, 全》 禮 父 禮 並 其 樂 麗 很 日

喪,立家廟於廬墓之側,依《家禮》行喪祭之禮。

繼

共尊。 爲「垂世大典」、「萬世通行之制」,爲東土上下人所 禮 朝中葉以後,《家禮》遂俾成朝鮮士庶廣爲通 持續不斷的 禮》,以魂魄返魂行三虞祭,從之。」此後,由於政府 禮》」。《世宗實録》載:「今王女虞祭,請依《文公家 實録》,太祖薨,「聲聞於外,治喪一依《朱子 年,太祖、世宗均極力倡行《朱子家禮》。 仁、尹龜生、全五 (見《高麗史》)。 令推行,「行禮儀式,一依《朱文公家禮 禮》,立家廟,作神主,以奉先祀」,並很快被政府 而又在恭讓王時上書朝廷、「請令士庶仿《朱子家 範,而「家無不 獎勵 有,人無不講」(鄭逑語),並被 或 倫、 許多著名儒者,如文益 頒布强制性的律令措施, 趙浚等也 紛 紛依 行。 》隨 據《太 漸 宜損 李 行 至 朝 鄭 益 譽 之 家 宗 習 李 初 明

來被竊之本、《家禮》遂復得。 稿本在僧寺被行童竊去。 禮 ,後又推及於冠昏禮 家禮》一書作於南宋乾道淳熙年間,初 一,乃成 朱熹下葬之日有士人攜 其 全編。 後,朱子門人紛 書 成 以 爲 後, 紛 喪

兹

分述如次。

刊行。 統則 (一二三一),楊復爲《家禮》作了附注,於淳祐 僅 (一二四一)刊於廣州。 鄉本及陳 了兩種早期 朱熹《家禮》一卷,而《郡 題》、《宋史•藝文志》及《文獻通 宋元著名的 於一些存世的《家禮》序跋,原書則皆不傳。 嚴陵本(陳淳精校並作跋)等。 黄榦後序),以及鄭之悌於嘉定十年左右所 於嘉定九年根 五羊本,並特請陳 一一)在廣州所刻之五羊本。 就 》版本,並有 主 目 最早者 前 要 雷 有 存 公私 世 刊 的《家 五 的《家 明 則 :據五羊本復加精校刊刻 卷 刻的温州本。 確 書目中 係廖德明於南宋嘉定四年(一二 本、十卷本、一 禮》五 淳代爲作跋。 的 禮 卷 然上述早期版本均只見 版 數著録。 卷本,即 齋讀書 也著録了一些早期的《家 本 而 這些版本亦均失傳。 其 志 /考。 卷本等幾大系統。 言,早期的 而到 之後又有 後 趙 如《直齋書 陳 崇思刊 附 經籍考》均 了 憲 志》則 的餘杭(有 紹定 又 刻 刊 趙 重 分卷系 四 録 芫 的 著 行 師 刻 載 作 年 年 萍 録 解 此 恕 7 的

五

卷本

系

統。

現

存最早

的《家

禮》五

卷

本

四

録》、 本)。 附 月上饒周復跋云"「右文公門人三山楊復所附 原分散於《家禮》正文下的楊復注文集中於書末, 乃是周 逐 並 禮 由於《家禮》稿本最 行庫房内見過此本,並著録於《藏園 書隅録》著録。 十年(一七三二)拙修堂刊本、《四庫全書》本、同治 附録本(行款同宋本,國家圖 存《家禮》五卷本的主要版本還 自然成了後世《家禮》分卷系統中的 館 於書後,恐其間 條之下者,可謂 删 、祭禮等五篇,這種 汪士鐘《藝芸書舍宋元本書目》及楊紹 存 繁整 此本在有 復 一宋 理,作爲附録 刻於淳祐 刻 清 近代以後,傅增湘曾於天津鹽業銀 鈔 配 斷文公本書也。」目 有功於《家禮》矣。 五 初即分爲通 [本(卷 代,曾爲黄丕烈《百宋 年 因篇分卷的五 一卷。 的 楊 **一**至 注附 書館等有藏)、清 書末有淳祐 有 禮、 卷三 録本。 冠 明仿宋刊 卷本系統也 群 前,僅 配 復别 禮 書 大 清 此 主 經 婚 一廛 影 出 國 五年二 流 眼 本乃將 禮、喪 和 宋 雍 楊 録》。 家 之 注於 《楹 鈔 注 現 就 書 正 圖 以

> 兵衛等刊本、仙臺藩養賢堂刊本等。 舍刊本及日本大坂河 七年《西京清麓叢書外編》本、光緒十七年 ○)洪氏據 年(一八六五)望三益 宋本景刻《洪氏 屋喜兵 齋 公善堂叢書》本、 刊本、光緒六年(一 衛 刊本、 江 户須 ·思賢 光 八 原 緒 講 Λ 茂 十

增注; 並鈐 家圖書館藏有一足本,上有查慎行親 注文公家禮》本(增入劉 現存《家禮》十卷本的主要版本 還在五卷本的楊復附注之外,又增入了劉 卷、婚禮一卷、 有三點不同"十卷本將五卷本第四卷析爲五卷,第 銅劍樓 乃是宋末元初刻本《纂圖集注文公家禮》十卷。 一卷析 有查氏藏印。 二、十卷本系統。 第三,十 爲 藏書目 兩 卷, 喪禮五卷、祭禮二卷,再者,十卷本 録》著録。 ·卷本 遂 使 此本在清代還曾爲瞿鏞《鐵 的 卷目 插 現存最早的《家 圖 璋之補 十卷本較之五 變爲 較 五 通 還 卷本 注)、明景 禮 有明刻《 爲 筆墨書跋 ·禮》十卷 卷、 多。 卷本主 核孫 泰 纂 冠 此 圖 元 禮 外, 之 要 本 年 集 琴 文 國

五

(一四五○)金陵湯氏執中堂刻《文公家禮會通》本

74

此外、《家禮》版本的

分卷系統尚有以明《性

琿

來的。 及朝鲜刊《家禮諺解》本、《家禮輯覽》本(分卷與中 禮》分卷系統 禮》早期版本系統的兩大主流。 一卷本。 本均略有不同)等。 它和 則 五卷本系統一起,構成了古代《家 很多都是 十卷本系統的出 從十卷本系統中分化 歷史上其他的《家 現 略晚 出 於

五

國

《通書》、《西銘》、《正蒙》、《易學啓蒙》、《家禮》、《律 (一四五○)敬書堂刻《朱子成書》本、清 四年(一七一五)武英殿刊《御纂性理精義》本等。 現存《家禮》一卷本的主要版本還 的文本與早期《家禮》十卷本系統有着傳 經》等十種彙成。 吕新書》、《皇極經世指要》、《周易參同契》、《陰符 節 館的《朱子成書》本。《朱子成書》爲元代學者黄瑞 是編刻於元至正元年(一三四一)、現藏國 取朱熹 三、一卷本系統。 所注 書於《四書》之外者,凡《太極 書各爲集,單立一 現存最早的《家禮》一卷本, 有明景 卷。 《成 康熙五 承 |家圖 泰 《書》本 關係。 圖 元 年 st書 +

> 些分卷系統皆出现较晚,又大都是从早期《家禮 及以朝鲜《家禮源流》爲代表的十八卷本等等。 爲代表的七卷本、以明《文公家禮 大全》本爲代表的四卷本、以明《文公先生家禮》本 十卷本系統中分衍而來,兹不再详述 的八卷本、以朝鲜《家禮增解》爲代表的十四 儀節》本爲 卷本 代 表 这

改進。 《纂圖集注文公家禮》十卷本(簡稱《集注》本)及元 爲《書晦菴先生家禮》,特此説 版社二〇〇二年版),並在其基礎上作 另外,還參考了新編《朱子全書‧家禮》校點本(王 燕均、王光照校點,上海古籍出版社、安徽教育出 鈔配部分,再參校以明仿宋刊五卷楊注《附録》本。 刻《朱子成書》本(簡稱《成書》本)。 宋刻鈔配本爲底本,對校以該 此次校點,以 書前黄榦識 國 語原 家圖書館所藏五 無標題,今依《勉齋集》題 明。 館所 藏 底本中的清 宋末 卷 了 本 一些新 元 系 初 統 的 中 刻

校 點者 王燕均 王光 照

r.				
•				
	•			
			,	
				•
•				
r				
	•			
		•		

書晦菴先生家禮

黄 榦


性 散殊,而禮之制 醇 制 面 莫非天理之自然 則爲火,於四序則 文,人事之儀則 心 以 邪 厚,亦安行於是 禮 事之當然而不容已也。 爲 解,天理 恭敬辭遜 生,則禮之體始具於有 昔者聞諸 ,既本於天理之正。隆古之世,習 堙 ~著而1 先 也。 晦 已存乎其中矣。 而 師 ,於是始以禮爲强世之 理之中。 爲夏,於四德則爲亨, 不 曰 : 蓋 爲威儀度數,則 一可易。 自天高地下, 禮 聖人訟人情 者、天理 世降俗末,人 人禀五 生之初 於五 之 常之 萬 又皆 形 節 而

之作 先生所 心 缺也。 可一 具矣。 不 可 可不 則 絃歌之遺 取是書鋟諸木,以 是書已就,而切於 脱藁而先 侯、國、王朝之禮,以復三代之墜典,未及 書,爲斯世 本末詳略猶 禮 以 日 · , 無 盡 一日缺也。 其可緩與? 脩 務從本實,以惠後 並心與? 先儒 先生教人,自格物、致知、誠 而不存,則是禮亦不 以教人者深致意焉,然後知 其 非天 事。 生殁矣, 身, 慮 取 有可疑 至切 理之自然,人事之當然,而 皆所以 其 學者得 趙君師恕之宰餘杭也,廼 施 **迨其晚年**,討論家、鄉、 見之明,信之篤,守之 廣 人倫日用之常,學者 此 也 了, 斟 於家者,著 其傳,蓋有意乎武 百 是書 正人心 晦 世之遺恨也。 酌 學。 庵 損 而習之,又於 可日 益 朱 蓋 復 爲 先生以其 ,更爲《家 以天理 天理 一家 意、正 是 丽 也 其 書 城 則 或 不 之

家

固,禮教之行,庶乎有望矣。嘉定丙子夏

1154



四

上。 趺高一尺二寸。 名行。 五分爲圓首。寸之下,勒前爲頷而判之,一 厚十二分,象日之辰。身趺皆厚一寸二分。剡上 月日辰。趺方四寸,象歲之四時。高尺有 謂官或號行,如處士秀才,幾郎幾公。旁題主祀之 六寸,閥一寸。 合之植於趺。 身去趺上一尺八分,并 居前,二居後。前四分,後八分。 水以洒廟牆。 二寸,象十二月。 ,謂圓徑四分。 粉塗其前,以書屬稱。屬,謂高曾祖考。稱, 日孝子某奉祀。 伊 曰:宋故某官某公諱某字某第幾神主。陷中長 川程先生云: 作主用栗,取法於時 外改中不改。 竅其旁以通中,如身厚三之 居二分之上。 身博三十分,象月之日 加贈易世,則筆滌而更之, 陷中以書爵姓 謂在七寸二分之 ;

考周尺之長短故也。蓋周尺當今省尺七萬世法。然用其制者,多失其真,往往不程先生木主之制,取象甚精,可以爲

莫知 侍郎家求得此圖,其間有右尺數等,周尺 誤注爲五 臨 者可以曉 長 制始定。今不敢自隱,因圖主式及二尺 之布帛尺,正是七寸五分弱,於是造主之 居其右,三司布帛尺居其左。 所謂三司布帛尺者是也。」繼從會稽司 生,答云:「省尺乃是京尺,温公有圖,子 寸五分弱,而程氏文集與温公《書儀》多 海潘時舉仲善父識 短而著伊川之説於其旁,庶幾 其 八爲 然無惑也。 寸五分弱。 何尺。 時舉舊嘗質之晦翁先 嘉定癸酉季 而所謂省尺者,亦 以周 ·秋乙卯 用 尺校 其 制 馬

家 禮 叙

矣。 以古今之變,更爲一時之法,然亦 日 事之際,亦無以合宜而應節,是亦不可以 之有所,然非講之素明,習之素熟,則 皆所以紀綱人道之始終,雖其行之有時 用之常體,固不可以一日而不脩,其文又 喪、祭儀章度數者,其文也。 其本者有家日 則名分之守、愛敬之實,其 略 居之節皆已不宜於世。世之君子,雖 丽 ,無所折衷。至或遺其本而務其末,緩於 然其存於今者,宮廬器服之制、出 不 凡 禮 講且習焉者也。 有本 -有文。 自 三代之際,禮 其 施 本也,冠、昏、 於家者言之, 或詳 或 其 經 施施 酌 起 備 臨 或

> 遺意。 心猶可 庶幾古人所以 略浮文、務本實,以竊自附於孔子從先進之 實 意,亦或有小補云。 分、崇愛敬以爲之本,至其施行之際,則又 加損益於其間,以爲一家之書。 究觀古今之籍,因其大體之不可變者 以及於禮 舉其要,● 而 急於文。 誠 以 也。 復見,而於國家所以崇化導民之 願得與同志之士熟講 而 困 自有 脩身齊家之道、謹終追遠之 於貧窶者,♥尤患其終不 熹之愚蓋 志好禮之士,猶 兩病焉,是 而勉行之 大抵謹 或不 以 嘗 能 而 名 能 獨 少

「困」、《集注》本作「用」。「要」,原作「契」,今據《晦庵集》改。

六

朱

氏

日作階,西日

|西階。

階下隨地廣狹以屋覆之,令可容家

祠堂之制,三間,外爲中門,中門外爲兩階,皆三級,東

禮此篇所著,皆所謂 有家日用之常體,不可

凡祠堂所在之宅、宗子世守之、不得分析。

〇凡屋之

祭器亦可。

不立廚庫,而東西壁下置立兩櫃,西藏遺書、衣物,東藏 周垣、别爲外門、常加扃閉。若家貧地狹、則止爲一間 衆叙立。又爲遺書、衣物、祭器庫及神廚於其東。繚以

正寢謂前堂也。地狹,則於廳事之東亦可。

制,不問何向背,但以前爲南、後爲北、左爲東、右爲西

通

日而不脩者。

心,尊祖敬宗之意,實有家名分之守,所以開業傳世 堂此章本合在《祭禮》篇,今以報本反始之

祠

其大者,而凡後篇所以周旋升降、出入向背之曲折 亦有所據以攷焉。然古之廟制不見於經,且今士庶

度亦多用俗禮云。

之本也,故特著此冠于篇端,使覽者知所以先立乎 人之賤亦有所不得爲者,故特以祠堂名之,而其制

爲四龕,以奉先世神主。

後皆放此

繼高祖之小宗,則高祖居西,曾祖次之,祖次之,父次 祠堂之内,以近北一架爲四龕,每龕内置一卓,大宗及

之。 亦虚其西龕,如小宗之制。 宗,則不敢祭祖,而虚其西龕三。若大宗世數未滿,則 祖之小宗,則不敢祭曾祖,而虚其西龕二。繼禰之小 繼曾祖之小宗,則不敢祭高祖,而虚其西龕一。繼 神主皆藏於櫝中,置於卓

子,則不敢祭其父。若與嫡長同居,則死而後其子孫爲 香合於其上。兩階之間,又設香卓,亦如之。非嫡長 立祠堂於私室,且隨所繼世數爲龕,俟其出而異居乃備

上,南向。龕外各垂小簾,簾外設香卓於堂中,置香爐

家 禮 第

君子將營宫室,先立祠堂於正寢之東。

制,死則因以爲祠堂。〇主式見《喪禮·治葬》章。 其制。若生而異居,則預於其地立齋以居,如祠堂之

旁親之無後者,以其班祔。

無後者,其祭終兄弟之孫之身。此皆以義起者也。」 祭,終兄弟之身。長殤之祭,終兄弟之子之身。成人而曰:「無服之殤不祭。下殤之祭,終父母之身。中殤之曰:「無服之殤不祭。下殤之祭,終父母之身。中殤之何。 無後者,其祭終兄弟之孫,為兄弟之子之身。成人而祭,終兄弟之身。長殤之祭,終兄弟之子之身。成人而祭,後者,其祭終兄弟之孫之身。此皆以義起者也。」 無後者,其祭終兄弟之孫之身。此皆以義起者也。」 無後者,其祭終兄弟之孫之身。此皆以義起者也。」 無後者,其祭終兄弟之孫之身。此皆以義起者也。」

置祭田。

割之。皆立約聞官,不得典賣。 以給祭用。上世初未置田,則合墓下子孫之田,計數而 盡則以爲墓田,後凡正位祔者,●皆放此。宗子主之,

具祭器。

具貯於庫中而封鎖之,不得它用。無庫,則貯於櫃中。牀、席、倚、卓、盥盆、火爐、酒食之器,隨其合用之數,皆

主人晨謁於大門之内,

不可貯者,列於外門之内。

主人,謂宗子,主此堂之祭者。晨謁,深衣,焚香再拜。

出入必告。

正、至、朔、望則參,

盆、帨巾各二,於阼階下東南。有臺架者在西,爲主人於阼階上,置酒注盞盤一於其上,酒一缾於其西。盥ケ,於神主櫝前。設束茅聚沙,於香卓前。别設一卓廉。每龕設新果一大盤於卓上。每位茶盞托、酒盞盤正、至、朔、望前一日,灑掃齊宿。厥明夙興,開門,軸正、至、朔、望前一日,灑掃齊宿。厥明夙興,開門,軸正、至、朔、望前一日,灑掃齊宿。厥明夙興,開門,軸正、至、朔、望前一日,灑掃齊宿。厥明夙興,開門,軸

伏。 盤,右執盞,酹于茅上。以盞盤授執事者。出笏,❶俛 事者皆跪。 或長女盥帨升,分出諸祔主之卑者,亦如之。皆畢,主 搢 内執事者在主婦之後,重行東上。立定。主人盥帨升, 上。主人弟之妻及諸妹在主婦之左少退。子孫婦女、 父諸兄,則特位於主人之右少前,重行西上。有諸母、 於西階下。 親屬所盥; 瓶隨之,點茶如 長子斟諸祔位之卑者。❸ 主婦升,執茶筅,執事者執湯 奉注詣主人之右,一人執盞盤詣主人之左。主人跪,執 再拜,少退立。❸ 婦以下,先降復位。 諸妣神主置于考東。 主人之右少退。子孫、外執事者在主人之後,重行 姑、嫂、姊,則特位於主婦之左少前,重行東上。 人以下,盛服人門就位。 . 笏,❶啓櫝,奉諸考神主置於櫝前。 主人升,攢笏,母執注斟酒,先正位,次祔位。 興,少退,再拜。降,復位。 主人受注斟酒,反注,取盞盤奉之。 主人有母,則特位於主婦之前。 無者在東,爲執事者所盥。 前。 執事者盤帨升,開瓶實酒于注。 主人詣香卓前降神,攢笏,❷焚香 命長婦或長女,亦如之。 次出祔主,亦如之。命長子、長婦 主人北面於阼階下,主婦北 與在位者皆再拜,參 主婦盥帨升,奉 巾皆在 主人有諸 子婦、 諸弟在 北。 左執 次命 一人 主 西 面

> 子、衫、帶,又不能具,則或深衣或涼衫,有官者亦通 幞頭、襕衫、帶; 再拜,乃降。餘如上儀。 冬至則祭始祖畢,行禮如上儀。 事者先降,復位。 在室者冠子、背子。 帽子以下,但不爲盛服。 ○凡言盛服者,有官則幞頭、公服、帶、靴、笏,進士則 祭。又曰:支子不祭。故今專以世嫡宗子夫婦爲主 西, ∅再拜, 降復位。 人、主婦,其有母及諸父母兄嫂者則設特位於前如此。 主人點茶,長子佐之,先降。 處士則幞頭、皂衫、帶。 主人出笏,與主婦分立於香卓之前 衆妾假髻、背子。 與在位者皆再拜, 辤神而退。 ○準禮:舅没則姑老,不預於 婦人則假髻、大衣長裙。❸ 〇望日不設酒,不出 主人立於香卓之南 無官者通用 女 服 東

「以盞盤授執事者出笏」,原無,今據《集注》本增改。「少退立」,原無,今據《集注》本增改。「摺笏」,原無,今據《集注》本增改。

播笏」,原無,今據《集注》本增改。

0 0

「卑」,原誤作「畢」,今據《集注》本改。「搢笏」,原無,今據《集注》本增改。

「出笏與」,原無,今據《集注》本增改。

衣」、《集注》本作「衫」。

三

俗節則獻以時食

禮如正、至、朔日之儀。者,食如角黍,凡其節之所尚者,薦以大盤,間以蔬果。節如清明、寒食、重午、中元、重陽之類。凡鄉俗所尚

有事則告。

位。 某某」,餘同。 慕,謹以酒果,用伸虔告。 蒙恩授某官,奉承先訓,獲霑禄位,餘慶所及,不勝感 某親某官封謚府君,皇某親某封某氏,某以某月某日 祝版云:「維年歲月朔日,子孝某某官,某敢昭告于皇 之,畢,興。 某官,皇某親某封,某奉承先訓,竊位于朝,祗奉恩慶, 於其上,餘並同,但祝版云「奉某月某日制書,贈皇某親 荒墜先訓,皇恐無地,謹以」,後同。 有此褒贈。 龕前,又設一卓於其東,置淨水、粉盞、刷子、硯、墨、筆 正、至、朔日之儀,但獻茶酒。 主人立於香卓之南。 主人再拜,降,復位。 禄不及養,摧咽難勝,謹以」,後同。 ○告追贈,則止告所贈之龕,別設香卓於 祝執版立於主人之左,跪讀 謹告。」 貶降,則言「 貶某官 再拜訖,主婦先降,復 餘並同。 若弟子,則言「某之 〇告授官 若因事

> 卓上。 第稱號加于府君之上。 再拜,主人乃降復位。 畢,立於香卓東南,西向。 最尊者爲主,止告正位,不告祔位,茶酒則并設之。 宗子不言孝。 皇妣,自稱「孝子」。 高祖妣,自稱「孝元孫」,於皇曾祖考、皇曾祖妣,自稱 上,畢,則揭而焚之,其首尾皆如前。 凡言祝版者,用版長 曰:「某之婦某氏,以某月某日生子,名某,敢見。」告 月而見,如上儀。 主置故處,乃降,復位。 題所贈官封,陷中不改,洗水以灑祠堂之四壁。主人奉 「孝曾孫」,於皇祖考、皇祖妣,自稱「孝孫」,於皇考 執事者洗去舊字,别塗以粉,俟乾,命善書者改 ○告事之祝,四龕共爲一版,❶自稱以其 但不用祝。 有官封謚則皆稱之,無則以生時行 一尺,高五寸,以紙書文,黏於其 後同。 後同。 妣曰「某氏夫人」。 主婦抱子進,立於兩階之間 ○冠、昏,别見本篇。 主人立於香卓之前,告 〇主人生嫡長子,則 但於皇高祖考、皇 凡自稱,非 \bigcirc

次及祭器,然後及家財。易世則改題主而或有水火盜賊,則先救祠堂,遷神主、遺書,

❶ 「龕」、《集注》本作「代」。

特贈,則别爲文以叙其意。

告畢再拜。主人進奉主,置

遞遷之。

之家高祖親盡,則遷其主而埋之,其墓田則諸位迭掌,宗人一祭之,百世不改。其第二世以下祖親盡,及小宗藏其主於墓所,而大宗猶主其墓田,以奉其墓祭,歲率改題遞遷禮,見《喪禮》大祥章。大宗之家,始祖親盡則

深衣制度此章本在《冠禮》之後,今以前章已有其

而歲率其子孫一祭之,亦百世不改也。

文,又平日之常服,故次前章。

中指中節爲寸。

衣全四幅,其長過脇,下屬於裳。

不裁破腋下。其下過脇而屬於裳處,約圍七尺二寸,每用布二幅,中屈下垂,前後共爲四幅,如今之直領衫,但

幅屬裳三幅。

裳交解十二幅,上屬於衣,其長及踝。

用布六幅,每幅裁爲二幅,一頭廣,一頭狹,狹頭當廣頭

家禮

第

或用白細布,度用指尺。

圓袂。

其下,以爲袂。其本之廣如衣之長,而漸圓殺之,以至用布二幅,各中屈之,如衣之長,屬於衣之左右,而縫合

方領。

袂口,則其徑一尺二寸。

兩襟相掩,衽在腋下,則兩領之會自方。

曲裾。

裁其内旁太半之下,令漸如魚腹,而末爲鳥喙,内向綴向上,布邊向外,左掩其右,交映垂之,如燕尾狀。 又稍用布一幅,如裳之長,交解裁之,如裳之制。 但以廣頭

黑緣。

於裳之右旁。

口布外,别此緣之廣。 緣用黑繒,領表裹各二寸,袂口裳邊表裏各一寸半,袂

大帶。

帶用白繒,廣四寸,夾縫之。其長,圍腰而結於前,再繚

Ŧī.

復以五采絛廣三分約其相結之處,長與紳齊。之爲兩耳,乃垂其餘爲紳,下與裳齊。以黑繒飾其紳

緇冠。

笄,笄用齒、骨凡白物。 半寸,自外向内,而黑漆之。 武之兩旁半寸之上竅以受武之袤,而長八寸,跨項前後,下著於武。 屈其兩端各概紙爲之武,高寸許,廣三寸,袤四寸。 上爲五梁,廣如

幅巾。

之,自椒左四、五寸間斜 用黑繒六尺許,中屈之。 頂後,相結而垂之。 之,至兩耳旁,❶各綴 至于兩末。 復反所縫餘繒,使之向裏,以衂 帶,廣二寸,長二尺,自巾外過 縫向左,圓 右邊就屈處爲橫槭,左邊反屈 曲 而下,遂循 當 額 前 左 裹 邊

黑履。

白絇繶純綦。

司馬氏居家雜儀此章本在《昏禮》之後,今按此乃司馬氏居家雜儀此章本在《昏禮》之後,今按此乃司馬氏居家雜儀此章本在《昏禮》之後,今按此乃

品節,而莫不均壹。裁省冗費,禁止奢華,定有無以給上下之衣食,及吉凶之費,皆有實其成功。制財用之節,量入以爲出,稱家意其成功。制財用之節,量入以爲出,稱家不會與一人爲家長,必謹守禮法,以御群子弟及

凡諸卑幼,事無大小,毋得專行,必咨

常須

、稍存贏餘,以備不虞。

● 「耳」,原作「髻」,今據《集注》本改。

當時爲家長者,亦當咨稟而行之。 稟於家長。《易》曰:「家人有嚴君焉,父母之謂也。」安 有嚴君在上,而 其下敢直行自恣不顧者乎? 則號令出於一人,家政 雖非父母

始可得而治矣。

有德色。 之以待乏。」鄭康成曰:「待舅姑之乏也。 之,不敢私假,不敢私 茝,昌改切。耰,音憂。 而父母貧者,父母飢而子飽者。 賈誼所謂:「借父耰鉏,慮 有,況敢有私財乎? 若父子異財,互相假借,則是有子富 賜,而后與之。」夫人子之身,父母之身也。 身且不敢 許也。」又曰:「婦若有私親兄弟,將與之,則必復請 則喜,如新受賜, 食、衣服、布帛、佩帨、茝蘭,則受而獻諸舅姑,舅姑受之, 貨,無私蓄,無私器,不敢私假,不敢 宅所入,盡歸之父母、舅姑,當用,則請 凡爲子爲婦者,毋得蓄私財,俸禄 母 取箕箒,立 若反賜之,則辭,不得命,如更受賜,藏 醉,音碎。 而醉語。 與。《内則》曰:「子婦 不孝不義,孰甚於此。」 私與。 不得命者,不見 婦或賜之飲 及 而 無私 其 用 田 故 自

孫婦亦同。 凡子事父母,孫事祖父母同。 天欲明,咸起,盤,音管,洗手也。 婦 事 舅 姑 漱

> 《詩》云:「惟酒食是議。」凡烹調飲膳,婦人之職也。 帶。 也。 櫛、 婦女驕倨,皆不肯人庖廚,今縱不親執刀匕,亦當檢校監 明暗相交之際。 筋,子婦乃各退就食。 視,務令精潔。 禍不測。 當親自檢數、調煮、供進,不可但委婢僕,脱若有誤,即其 乃退,其或不安節,則侍者以告。 喏,婦人道萬福。 食於他所,亦依 他所,依長幼而坐,其飲食必均壹。 幼子又 食,婦請 母、舅姑起,子供藥物,藥物,乃關身之切務,人子 卑幼各不得恣所欲。 阻瑟切,梳頭也。 丈夫,帽子、衫、帶,婦人,冠子、背子。 婦具晨羞。俗謂點心。《易》曰:「在中饋。」 所 欲於家長、謂父母、舅姑、或當時 供具畢,乃退,各從其事。 適父母、舅姑之所省問。 仍問侍者:夜來安否何如? 長 **緫**,所以束髮,今之頭網。 幼席 退具 丈夫、婦人各設食於 地而 丽 此即禮之晨省也。 洪共之。 坐,男坐於左, 昧爽,謂 尊 侍者曰安 丈夫唱 長 具冠 家長 近 父 舉 天

女坐於右,及夕 食亦如之。 既夜,父母、舅

之所。 即禮之昏定也。 姑將 涕唾喧呼於父母、舅姑之側。父母、舅姑不 下氣怡聲,出入起居,必謹扶衛之。 命之坐,不敢坐,不命之退,不敢退 寢 容貌 ,則安置而 必恭,執事 居閑 退。 無 事,則侍於父母、舅 ,必謹。 丈夫唱喏,婦女道安置。 言語應對,必 不敢 姑 此

必是乎。 凡子受父母之命,必籍記而佩之,時省 以是乎。 见子受父母之命,必籍配而属之, 以母之。若不許,苟於事無大 父母之許,然後改之。若不許,苟於事無大 父母之許,然後改之。若不許,苟於事無大 以母之許,然後改之。若不許,苟於事無大 以是非利害而白之,待 不可 以是非利害而白之,待

而撻之流血,不敢疾怨,起敬起孝。得罪於鄉黨州間,寧熟諫。父母怒,不説,若不入,起敬起孝,悦則復諫;不悦,與其

宗族。加謂恃其富貴,不率卑幼之禮。凡爲人子弟者,不敢以貴富加於父兄

八

坐於廳之旁側。 檢方、合藥爲務。 容,不戲笑,不宴遊,舍置餘事,專以迎醫、 親調嘗藥餌 客,不敢坐於正 不敢當廳。凡事不敢自擬於其父。 凡 凡父母、舅姑有疾,子婦無故不 爲人子者, 而供之。父母 升降,不 廳。 疾已,復初。《顔氏家訓》曰 出 有賓客,坐於書院。 必告,反 敢由東階。 有疾,子色不滿 必 面。 上下馬, 無書院,則 離 有 側 賓

乎? 敬,亦當敬之。至於犬馬盡然,而況於人敬,亦當敬之。至於犬馬盡然,而況於人凡子事父母,父母所愛,亦當愛之,所

可傲忽也。」

「父母有疾,子拜醫以求藥。

蓋以醫者親之存亡所繫,豈

耳目,安其寢處,以其飲食忠養之。幼事凡子事父母,樂其心,不違其志,樂其

長,賤事貴,皆倣此。

之,若不可教,然後怒之,若不可怒,然後之,若不可教,然後怒之,若不可怒,然後之,若不可数,然後怒之,若不可怒,然後之,若不可教,然後怒之,若不可怒,然後不改,子放婦出,然亦不明不可。

之類。 門,有故出 門,必擁蔽其面 治 不共井,不共浴室,不共厠。男治外事,女 繕修及有大故,謂水火、盜賊之類。 不窺中門。 入中門,婦人必避之,不可避,亦謂如水火、盗賊 下蒼 内 事。 亦必 凡爲宫室,必辨内外。深宫固門,内外 頭,但 男子畫 以 中門,亦必 男子夜行以 袖 主 [。 如蓋 遮其 通 無 内 故 画。 擁蔽其面。 頭、面帽之類。 外之言,傳 不處 燭,婦人有故 女僕 私室,婦人無 無 不入中門, 男僕非有 致 故 雖小婢亦然。 内 不 出 外之 出 故 中 中

物,毋得輒升堂室,入庖廚。

起,出 勞,故同列共受之。 受拜訖,先退。 後輩立受拜 妹 於門之左,長姊立於門之右,皆南向。 幼爲序,不以身之長幼爲序。 北 上 南面之堂,若宅舍異制,臨時從宜。 至、正旦、六拜、朔望、四拜。 宿 丈夫唱喏,婦 上,共受卑幼拜。 居,宗族衆多,冬至、朔望,聚於堂上。此假設 長臨時减而 於門東西,如前輩之儀。 以 向,共爲一列,各以 以上,則再拜,五宿以上,則 婦人處右,東上。 次拜訖,各就列。 凡卑幼於尊長,晨亦省 過尊長於塗則下馬。 人道萬福、安置。 止之,則從尊長 以宗族多,若人人致拜,則不勝煩 長幼 共拜家長畢,長兄 左右,謂家長之左右。 丈夫西 若卑幼自遠方至 坐 爲 丽 不見 之命。 問,夜亦安置 丈夫處左,西 序。 凡拜數,或 尊 四 上,婦 長 尊 拜。 婦以夫之長 過 吾家同 長 諸 之 賀 人東 經 弟 皆 冬 尊 則 立 再

所以避煩也 夜唱喏、萬福、安置。 拜,叙寒暄 見 尊長, 遇 一, 問 尊 長三人以 起居、訖、又三再 若尊長三人以上同處,亦三而 上 同 處者, 拜 而 先共 咋 止,皆 再 晨

策。外孫,則立而受之可也。 凡受女壻及外甥拜,立而扶之。 扶,謂搊

笏執 退,與 盛 長者 皆起,序立如 拜 幼者盞注,反其故處。 某官,備膺 於其右。長者搢笏,跪,斟酒,祝曰:「伏願 命易服,皆退易便服,還,復就坐。 服 而 坐。 序立,如朔望之儀。 酒盞,立於其左,一人搢 一人,進立於家長之前。 凡節序及非時家宴,上壽於家長,卑幼 卑幼皆再拜,家 家長命侍者徧 五福,保族宜家。」尊長飲畢,授 前 俱 再拜。 長 長者出 先再 酢諸 命諸 就 坐飲 卑幼,諸卑 卑幼坐,皆 笏執酒注,立 拜,子弟之最 笏,俛伏,興 幼者一人 , 訖, 家長 搢 再 幼

之孺子、早寢晏起、食無時。

八歲,出入門

子性行亦類之。 北 歲,教之數謂一、十、百、千、萬。 識遠慮,不能 父疾其子,子怨其父,殘忍悖逆,無所不至。 當然,及其既長,習已成性,乃怒而禁之,不可復制,於 擊兄姊,父母不加訶禁,反笑而獎之,彼既未辨好惡,謂 其始有知,不可不使之知尊卑長幼之禮,若侮詈父母,毆 慣如自然。」《顔氏家訓》曰:「教婦初來,教子嬰孩。」故 有知,固舉以禮,況於已有知? 者,則嚴訶禁之。 知,則教之以 人 七歲,男女不同席,不共食。 能言,教之自名及唱喏、萬福、安 論語》,雖女子亦宜誦之。 稍 男子始習書字,女子始習女工之小者。 温 凡子始生,若爲之求乳母,必擇 謹 者。 防 微杜 子能· 恭敬尊長; 乳母不良,非惟敗亂家法,兼令所飼 漸,溺於小慈,養 古有胎教,況於已生? 食,飼之,教以 孔子曰:「幼成若天性,習 有不 自七 與 方名。 成其惡故也。 始誦《孝經》、 識尊卑長 歲 置。 右 蓋父母 以下, 子始生未 謂 手。 良家 東西 稍 子 幼 有 婦 南 是

户,及即席 賢之書傳,宜禁之,勿使妄觀,以惑亂其志 讀 爲之講解,使知仁義禮知信。 子出就外傳,居宿於外。 圖史以自鑒,如曹大家之徒,皆精通經術,議論明正。 傳》、《女戒》之類,略曉大意。古之賢女,無不觀 女子亦爲之講解《論語》、《孝經》及《列 男子誦《尚書》,女子不出中門。 兼欲使之知衣食所來之艱難,不敢恣爲奢麗。 女工,謂蠶桑、織績、裁縫及爲飲膳。 娩,音晚。 觀書皆通,始可學文辭。女子則教以婉 《大學》、《中庸》、《樂記》之類,它書倣此。 以讀《孟》、《荀》、《楊子》,博觀群書。 人或教女子以作歌詩,執俗樂,殊非所宜也。 誦《春秋》及諸史,始爲之講解,使曉義理, 書,必擇其精要者而讀之,如《禮記·學記》、 婉娩,柔順貌。 飲食必後長者,始教之以 聽從,及女工之大者。 誦《詩》、《禮》,●傅 不惟正是婦人之職, 自是以往,可 其異端非聖 九歲 十歲,男 至於纂組 《,男子 廉讓 凡所 娩 今 女

以成人之禮,不得復言童幼矣。供養,祭祀則佐執酒食。若既冠笄,則皆責角、靧礦,音悔,洗面也。面,以見尊長。佐長者華巧之物,亦不必習也。未冠笄者,質明而起,緫

音壁,疊衣也。 櫛、靧之具。 人之命各從其事,以供百役。 夜,則復拂牀、展衾。 當畫,内外僕妾,惟主 具飲食,得間,則浣濯、紉縫,先公後私。 掃中庭,女僕灑掃堂室,設倚卓,陳盥 漱、衣服。 凡内外僕妾,雞初鳴,咸起,櫛、 男僕灑 衾,侍立左右,以 主父主母既 掃廳事及庭,鈴下蒼頭 起,則拂牀、襞 備使令。 緫、 退 漱 襞 及 m 灑 盥

婢妾,衣服飲食,必後長者。」鄭康成曰:「人貴賤不可以無後輩謂諸子舍所使。謂前輩爲姨,《内則》云:「雖凡女僕,同輩謂兄弟所使。謂長者爲姊,

「誦」、《集注》本作「讀」。

0

理曲者杖多。一止一不止,獨杖不止者。主父主母聞之,即訶禁之。不止,即杖之。禮。」故使之序長幼。務相雍睦。其有關争者,

盜竊,弄權犯上者,逐之。 家事,次之。 其專務欺詐,背公徇私,屢爲凡男僕,有忠信可任者,重其禄,能幹

蕩不謹者,逐之。有離叛之志者,逐之。離閒骨肉者,逐之。屢爲盜竊者,逐之。放過者,資而嫁之。其兩面二舌,飾虚造讒,见女僕年滿,不願留者,縱之。勤舊少

家禮卷一終

冠

冠

男子年十五至二十,皆可冠。

爲人子、爲人弟、爲人臣、爲人少者之行於其人,故其禮 少矣,彼責以四者之行,豈知之哉? 往往自幼至長,愚 不可以不重也。近世以來,人情輕薄,過十歲而總角者 司馬公曰:「古者二十而冠,所以責成人之禮,蓋將責 騃若一,由不知成人之道故也。今雖未能遽革,且自十 五以上,俟其能通《孝經》、《論語》,粗知禮義,然後冠

大功未葬,亦不可行。

必父母無朞以上喪,始可行之。

前期三日,主人告于祠堂。

首,謹以」,後同。 亦自爲主人,祝版前同,但云「某將以某月某日,加冠於 宗子爲主,曰:「使介子某。」〇若宗子已孤而自冠,則 以」,後同。若族人以宗子之命自冠其子,其祝版亦以 親之子,某年漸長成,將以某月某日,加冠於其首,谨 告禮見《祠堂》章,祝版前同,但云「某之子某,若某之某 高祖之宗子主之,有故則命其次宗子。若其父自主之。 冠者之祖父,自爲繼高祖之宗子者。若非宗子,則必繼 古禮筮日,今不能然,但正月内擇一日可也。主人,謂

戒賓。

供事,以病吾子,敢辭。」戒者曰:「願吾子之終教之 冠於其首,願吾子之教之也。」對曰:「某不敏,恐不 畢,戒者起言曰:「某有子某,若某之某親有子某,將加 是日,主人深衣,詣其門,所戒者出見,如常儀。 古禮筮賓,今不能然,但擇朋友賢而有禮者一人可也。 也。」對曰:「吾子重有命,某敢不從。」地遠,則書初 啜茶

第二

家

禮

之,其亦可也。」

辭但曰「某將加冠於首」,後同。復書曰:「吾子有命,某敢不從。」○若宗子自冠,則戒之辭爲書,遣子弟致之。 所戒者辭,使者固請,乃許,而

前一日,宿賓。

改如其戒賓。 「某敢不夙興? 某上某人。」○若宗子自冠,則辭之所某子某之首,吾子將涖之,敢宿。某上某人。」答書曰:某子某之首,吾子將涖之,敢宿。某上某人。」答書曰:

陳設。

北,❶或廳事無兩階,❷則以堊畫而分之,後放此。設盤帨於廳事,如祠堂之儀。以密幕爲房於廳事之東

厥明夙興,❸陳冠服。

子則少西南向。○宗子自冠,則如長子之席少南。一人守之。長子則布席于阼階上之東,少北西向。衆上。酒注、盞盤亦以卓子陳于服北。幞頭、帽子、冠并上。酒注、盞盤亦以卓子陳于服北。幞頭、帽子、冠并上。酒注、盞盤亦以卓子陳于服北。幞頭、帽子、冠并上。酒注、盞盤亦以卓子陳于服北。幞頭、帽子、冠并

而就主人之位。 而就主人之位。 一人爲儐,立於門外,西向。將冠者雙紒,四 楑衫,勒帛采屐,在房中南面。若非宗子之子,則其父立於主人帛采屐,在房中南面。若非宗子之子,則其父立於主人以所盛假就位:主人阼階下,少東西向。子弟、親主人以下盛服就位:主人阼階下,少東西向。子弟、親

賓至,主人迎入,●升堂。

子之子,則其父從出,迎賓,人從主人,後賓而升,立于東面立,贊者在右少退。儐者入告主人,主人出門左,面向再拜,賓答拜。主人揖贊者,贊者報揖。主人遂揖西向再拜,賓答拜。主人揖贊者,贊者報揖。主人遂揖西,高 大人由阼階先升,少東西向。賓由西階繼升,東面立,贊者監帨,由西階升,立於房中,西向。擯費百澤其子弟、親戚習禮者爲贊冠者,俱盛服,至門外賓自擇其子弟、親戚習禮者爲贊冠者,俱盛服,至門外賓自擇其子弟、親戚習禮者爲贊冠者,俱盛服,至門外

· 「兩」,原作「西」,今據《成書》本、《集注》本改。「東」,原作「南」,今據《成書》本、《集注》本改。

0

● 「入」、《集注》本作「立」。

主人以下序立。

賓揖將冠者就席,爲加冠巾。冠者適房,服

深衣,納履,出。

成德。 跪。 冠,則賓揖之就席,賓降盥畢,主人不降,餘並同。 衣,加大帶,納履出房,正容南向,立良久。○若宗子自 進,賓受,加之,興,復位,揖冠者適房,釋四揆衫,服 前 以冠巾盤進,賓降一等受冠笄執之,正容徐詣將冠 乃降,❷主人亦降。 置于席左,興,立於將冠者之左。 賓揖將冠者出房,立于席右,向席。 ,向之祝曰"「吉月令日,始加元服。 贊者即席,如其向跪。進爲之櫛,合紒施掠。 壽考維祺,以介景福。」乃跪加之。 賓盥畢,主人揖,升復位。 賓揖將冠者即席西 贊者取櫛、狎、掠. 棄爾幼志 贊者以巾 執事 **順** 深 跪 爾 者 者 賓 向

再加帽子,服皂衫,革帶,繫鞋。

房立。 興,復位,揖冠者適房,釋深衣,服皂衫,革帶,繁鞋,出興,復位,揖冠者適房,釋深衣,服皂衫,革帶,繁鞋,出威儀,淑順爾德,眉壽永年,享受胡福。」❸乃跪加之。 戴以詣冠者前,祝之曰:「吉月令辰,乃申爾服。 謹爾賓揖冠者即席跪。 執事者以帽子盤進,賓降二等受之,

家

禮

第

納靴。

三加幞頭,公服,革帶,納靴執笏。

若襴衫,

執事者受帽徹櫛,人于房,餘並同。 时:「以歲之正,以月之令,咸加爾服。 兄弟具在,以成时:「以歲之正,以月之令,咸加爾服。 兄弟具在,以成

乃醮。

者賓左東向少退答拜。 看賓左東向少退答拜。 是子,則儐者改席于堂中閒,少西南向。衆子,則仍故 是子,則儐者改席于堂中閒,少西南向。衆子,則仍故 是子,則儐者改席于堂中閒,少西南向。衆子,則仍故 是子,則儐者改席于堂中閒,少西南向。衆子,則仍故 是子,則儐者改席于堂中閒,少西南向。衆子,則仍故

) 「賓」,原脱,今據《成書》本、《集注》本補。) 「跪」,原脱,今據《成書》本、《集注》本補。

「胡」、《集注》本作「斯」。

「授」、《集注》本作「受」。

五五

賓字冠者,

夙夜祗奉。」賓或别作辭,命以字之之意,亦可。父。〕仲、叔、季,唯所當。冠者對曰:「某雖不敏,敢不爰字孔嘉,髦士攸宜。宜之于嘏,永受保之,曰伯某爱字孔嘉,髦士攸宜。宜之于嘏,永受保之,曰伯某爱降階,東向。主人降階,西向。冠者降自西階,少東,賓降階,東向。主人降階,西向。冠者降自西階,少東,

出就次。

賓請退,主人請禮賓。賓出就次。

主人以冠者見于祠堂。

室有曾祖、祖以下祠堂,則各因其宗子而見。自爲繼曾日冠畢,敢見。」遂再拜,降復位,餘並同。○若冠者私階間,再拜,餘並同。○若宗子自冠,則改辭曰:「某今某,若某親某之子某,今日冠畢,敢見。」冠者進立於兩如《祠堂》章内生子而見之儀。但改告辭曰:「某之子如《祠堂》章内生子而見之儀。但改告辭曰:「某之子

冠者見于尊長。

祖以下之宗,則自見。

者北向拜父母,父母爲之起。同居有尊長,則父母以冠西向。諸婦女在西序,諸叔母姑南向,諸姊嫂東向。冠父母堂中南面坐。諸叔父兄在東序,諸叔父南向,諸兄

子西向拜其尊長,每列再拜,受卑幼者拜。 有母則見于母如儀。族人宗之者,皆來見於堂上。宗父者於堂,乃就私室見於父母及餘親。○若宗子自冠,應答拜者答拜。若非宗子之子,則先見宗子及諸尊於者詣其室拜之,尊長爲之起,還就東西序。每列再拜,

乃禮賓。

隨宜,賓贊有差。

冠者拜,先生、執友皆答拜。若有誨之,則對,如對實之冠者遂出見于鄉先生及父之執友。

辭,且拜之,先生、執友不答拜。

筓

年十五,雖未許嫁,亦笄,女子許嫁,笄,

母爲主。

宗子主婦,則於中堂。非宗子,而與宗子同居,則於私

家 禮 第

室,與宗子不同居,則如上儀。

前期三日戒賓,一日宿賓,

寳,亦擇親姻婦女之賢而有禮者爲之。以牋紙書其辭, 子」作「某親」或「某封」。 〇凡婦人自稱於己之尊長則 使人致之。辭如冠禮,但「子」作「女」,「冠」作「笄」,「吾

曰「老婦」,非親戚而往來者各以其黨爲稱,後放此。 曰「兒」,卑幼則以屬,於夫黨尊長則曰「新婦」,卑幼則

陳設。

如冠禮。但於中堂布席,如衆子之位。

厥明,陳服,

如冠禮。但用背子、冠、笄。

序 立。

主婦如主人之位。將笄者雙紒,衫子,房中南面。

賓至,主婦迎人,升堂。

如冠禮。但不用贊者,主婦升自阼階。

略如冠禮。 但祝用始加之辭,不能則省。 賓爲將笄者加冠笄。

適房,服背子。

乃醮。

家禮卷二終

乃字。

如冠禮。

辭亦同。

乃禮賓,皆如冠儀。 如冠禮。但改祝辭「髦士」爲「女士」。

七

家 禮第三

昏 禮

議 昏

男子年十六至三十,女子年十四至二十, 男年十五,女年十三以上,並聽昏嫁。今爲此説,所以 司馬公曰:「古者,男三十而娶,女二十而嫁。今令文,

參古今之道,酌禮令之中,順天地之理,合人情之宜

身及主昏者,無朞以上喪,乃可成昏。

大功未葬,亦不可主昏。〇凡主昏,如冠禮主人之法。

也。

采。

必先使媒氏往來通言,俟女氏許之,然後納

但宗子自昏,則以族人之長爲主。

也。」 通書,不數月必成昏。故終身無此悔,乃子孫所當法 以先祖太尉嘗曰: 吾家男女,必俟既長,然後議昏。 仍,或從宦遠方,遂至棄信負約,速獄致訟者多矣。 長,或不肖無賴,或身有惡疾,或家貧凍餒,或喪服 於襁褓童幼之時輕許爲昏,亦有指腹爲昏者,及其既 勢以取貴,苟有丈夫之志氣者,能無愧乎? 之性,異日爲患,庸有極乎? 之,彼挾其富貴,鮮有不輕其夫而傲其舅姑,養成驕妬 乎? 婦者,家之所由盛衰也,苟慕其一時之富貴而娶 時不富貴乎? 法何如,勿苟慕其富貴。 壻苟賢矣,今雖貧賤,安知異 司馬公曰:「凡議昏姻,當先察其壻與婦之性行,及家 苟爲不肖,今雖富盛,安知異時不貧賤 借使因婦財以致富,依婦 又世俗好 既 是 相

八

主人具書,

主人即主昏者。 書用牋紙,如世俗之禮。 若族人之子,

則其父具書告于宗子。

夙興,奉以告于祠堂。

如告冠儀。其祝版前同,但云「某之子某,若某之某親

女,今日納采,不勝感愴,謹以」,後同。〇若宗子自昏, 之子某年已長成,未有伉儷,已議娶某官某郡姓名之

則自告。

乃使子弟爲使者如女氏,女氏主人出見使

者,

退。 使者盛服如女氏,女氏亦宗子爲主人,盛服出見使者。 者以書授主人、主人對曰:「某之子若妹、姪、孫意愚、 之某親某官有先人之禮,使某請納采。」從者以書進,使 非宗子之女,則其父位於主人之右,尊則少進,卑則少 啜茶畢,使者起致辭曰:「吾子有惠,貺室某也,某

遂奉書以告于祠堂。

姊,則不云「惷愚,又弗能教」,餘辭並同。

答拜。使者請退,俟命出就次。若許嫁者於主人爲姑

又弗能教,吾子命之,某不敢辭。」北向再拜,使者避,不

之第幾女,年漸長成,已許嫁某官某郡姓名之子,若某 如壻家之儀。祝版前同,但云「某之第幾女,若某親某

親某,今日納采,不勝感愴,謹以」,後同。

出以復書授使者,遂禮之。

主人出,延使者升堂,授以復書,使者受之,請退。主人

請禮賓,乃以酒饌禮使者。使者至是始與主人交拜揖

如常日賓客之禮,其從者亦禮之别室,皆酬以幣。

使者復命壻氏,主人復以告于祠堂。

不用祝。

納 幣 古禮有問名、納吉,今不能盡用,止用納

采、納幣,以從簡便。

納幣。

禮 第 Ξ

九

幣用色繒,貧富隨宜,少不過兩,多不踰十,今人更用釵

釧、羊酒、果實之屬,亦可。

使者復命,並同納采之儀。 具書,遣使如女氏,女氏受書,復書,禮賓,

受幣。主人再拜,使者避之。 典,貺某重禮,某不敢辭,敢不承命?」乃受書,執事者 以書、幣進。使者以書授主人,主人對曰:「吾子順先 禮如納采。但不告廟,使者致辭,改「采」爲「幣」。從者 餘並同 復進請命,主人授以復

親

迎

前期一日,女氏使人張陳其壻之室。

世俗謂之鋪房。然所張陳者,但氊褥、帳幔、帷幙應用

之物,其衣服鏁之篋笥,不必陳也。○司馬公曰:「文 合二姓之好,上以事宗廟,下以繼後世也。今世俗之貪 中子曰: 「昏娶而論財,夷虜之道也。」夫昏姻者,所以

少,至於立契約云某物若干某物若干以求售其女者,亦 鄙者,將娶婦先問資裝之厚薄,將嫁女先問聘財之多

> 哉 ? 則戚,至有不舉其女者,用此故也。 昏姻之家往往終爲仇讎矣。是以世俗生男則喜,生女 殊不知彼貪鄙之人,不可盈厭,資裝既竭,則安用汝女 以攄其忿。由是愛其女者,務厚其資裝以悦其舅姑者 得謂之士大夫昏姻哉? 有既嫁而復欺紿負約者。 於是質其女以責貨於女氏,貨有盡而責無窮,故 其舅姑既被欺紿,則殘虐其婦 是乃駔儈賣婢鬻奴之法,豈 然則議昏姻有及於

財者,皆勿與爲昏姻可也。」

厥明,壻家設位于室中,

北設二盥盆勺於室東隅。 禮,酒壺在東位之後,又以卓子置合卺一於其南,又南 設倚、卓子兩位,東西相向,蔬果、盤盞、匕節如賓客之 又設酒壺盞注於室外或 别

室,以飲從者。〇卺音謹,以小匏一判而兩之。

女家設次于外。 世俗新壻帶花勝,以擁蔽其面,殊失丈夫之容體,勿用 ○初昏壻盛服

主人告于祠堂,

可也。

將以今日親迎于某官某郡某氏,不勝感愴,謹以」,後 如納采儀。祝版前同,但云「某之子某,若某親之子某、

<u>-</u>

同。〇若宗子自昏,則自告。

遂醮其子,而命之迎。

壻出,乘馬,

爲「家事」。〇若宗子已孤而自昏,則不用此禮。

以二燭前導。

至女家,俟于次。

壻下馬于大門外,人,俟于次。

女家主人告于祠堂,

第幾女,將以今日歸于某官某郡姓名,不勝感愴,謹如納采儀。祝版前同,但云「某之第幾女,若某親某之

遂醮其女而命之。

子告于祠堂,而其父醮於私室如儀。 坐西序,東向。設女席於母之東北,南向。贊者醮以坐西序,東向。設女席於母左,父起命之,曰:「勉之敬之,夙夜無違爾閨門之禮。」諸母姑,命之,曰:「勉之敬之,夙夜無違爾閨門之禮。」諸母姑嫂姊送至于中門之内,爲之整裙衫,申以父母之命,姑嫂姊送至于中門之内,爲之整裙衫,申以父母之命,古:「謹聽爾父母之言,夙夜無愆。」非宗子之女,則宗至盛飾,姆相之,立於室外南向。父坐東序,西向,母女盛飾,姆相之,立於室外南向。父坐東序,西向,母

主人出迎,壻入,奠鴈。

之,取其順陰陽往來之義。程子曰:「取其不再偶也。」 ○凡贊用生鴈,左首以生色繒交絡之,無則刻木爲之女,則其父從主人出迎,立於其右,尊則少進,卑則少之女,則其父從主人出迎,立於其右,尊則少進,卑則少之女,則其父從主人出迎,立於其右,尊則少進,卑則少之女,則其父從主人出迎,五所,對應以入,壻執鴈以從,至于廳事。 主主人迎壻于門外,揖讓以入,壻執鴈以從,至于廳事。 主

姆奉女出,登車。

出,女從之。壻舉轎簾以俟,姆辭曰:「未教,不足與爲姆奉女出中門,壻揖之,降自西階。主人不降。壻遂

以」,後同

壻乘馬,先婦車。 禮也。」女乃登車。

主人禮賓。

之禮,謬誤可笑,勿用可也。」

男賓於外廳,女賓於中堂。

婦車亦以二燭前導。

至其家,導婦以入。

壻至家,立于廳事,俟婦下車,揖之,導以人。

壻婦交拜, 婦從者布壻席於東方,壻從者布婦席於西方。 南,婦從者沃之,進帨,婦盥于北,壻從者沃之,進帨。

壻揖,婦就席。 婦拜,壻答拜。

就坐飲食。畢,壻出。

壻揖婦就坐,壻東婦西。 婦之前,斟酒,壻揖婦舉飲,不祭,無殺。 又斟酒,壻揖婦舉飲,不祭,無殺。又取卺分置壻 壻出,就他

從者斟酒,設饌,壻婦祭酒舉

之餘,婦從者餕壻之餘。

室,姆與婦留室中。

徹饌,置室外,設席。

壻從者餕婦

復入,脱服,燭出。

壻脱服,婦從者受之,婦脱服,壻從者受之。○司馬公 曰:「古詩云「結髮爲夫婦」,言自小年束髮即爲夫婦,

猶李廣言「結髮與匈奴戰也」。 今世俗昏姻,乃有結髮

婦 見舅 姑

明日夙興,婦見于舅姑,

壻盥于

婦夙興盛服,俟見。舅姑坐於堂上,東西相向,各置卓

婦進,立於阼階下,北面拜舅,升,奠贄幣于卓上,舅授 子於前。家人男女少於舅姑者立於兩序,如冠禮之叙

之子,而與宗子同居,則先行此禮於舅姑之私室,與宗 姑,升奠贄幣,姑舉以授侍者。婦降,又拜。若非宗子 之侍者以入。❶ 婦降,又拜。○畢,詣西階下,北面

舅姑禮之。

子不同居,則如上儀。

如父母醮女之儀

0 「授」、「成書」本、《集注》本作「撫」。

婦見于諸尊長,

見於其室,如見舅姑之禮。還,拜諸尊長于兩序,如冠 兩序。其宗子及尊長不同居,則廟見而后往。 同居,則既受禮,詣其堂上拜之,如舅姑禮。 禮,無贄。小郎、小姑皆相拜。非宗子之子,而與宗子 婦既受禮,降自西階。同居有尊於舅姑者,則舅姑以 而還見于 婦

若冢婦,則饋于舅姑,

坐。 者又餕婦之餘。 餘饌,分置别室,婦就餕姑之餘,婦從者餕舅之餘,壻從 升,薦于舅姑之前,侍立姑後,以俟卒食,徹飯。 侍者徹 飲畢,又拜,遂獻姑進酒,姑受,飲畢,婦降,拜,遂執饌 上,舅姑之前,設盤盤于阼階東南,帨架在東。舅姑就 是日食時,婦家具盛饌、酒壺,婦從者設蔬果卓子於堂 婦盥,升自西階,洗盞斟酒,置舅卓子上,降,俟舅 非宗子之子,則於私室,如儀。

舅姑饗之。

如禮婦之儀。 禮畢,舅姑先降自西階,婦降自阼階。

廟

見

三日,主人以婦見于祠堂。

家

禮 第

壻見婦之父母

之儀。

古者三月而廟見,今以其太遠,改用三日,如子冠而見 但告辭曰:「子某之婦某氏,敢見。」餘並同

明日,壻往見婦之父母,

非宗子,即先見宗子夫婦,不用幣,如上儀,然後見婦之 婦母闔門左扉,立于門内,壻拜于門外,皆有幣。 婦父迎送揖讓,如客禮。拜,即跪而扶之。人見婦母, 婦父

父母。

次見婦黨諸親,

不用幣,婦女相見,如上儀。

婦家禮壻如常儀。 親迎之夕,不當見婦母及諸親,及設酒饌,以婦未見舅

姑故也。

家禮卷三終

 \equiv

禮

家 禮第四●

禮

喪

終

初

疾病,遷居正寢。

凡疾病,遷居正寢,内外安静,以俟氣絶。 男子不絶於

婦人之手,婦人不絶於男子之手。

既絶乃哭。○復。

侍者一人,以死者之上服嘗經衣者,左執領,右執要,升

屋中霤,北面招以衣,三呼曰:「某人復。」畢,卷衣,降,

覆尸上。男女哭擗無數。○上服,謂有官則公服,無官

立喪主,

時之號。

則襴衫、皂衫、深衣;

婦人大袖背子。

呼某人者,從生

客爲禮,則同居之親且尊者主之。 凡主人,謂長子;無,則長孫承重,以奉饋奠。 其與賓

主婦,

謂亡者之妻,無,則主喪者之妻。

護喪,

以子弟知禮能幹者爲之,凡喪事皆禀之。

司書,司貨,

以子弟或吏僕爲之。

乃易服不食。

妻子婦妾,皆去冠及上服,被髮,男子扱上衽,徒跣。

嫁者,皆不被髮、徒跣。諸子三日不食,期、九月之喪, 餘有服者皆去華飾。爲人後者爲本生父母,及女子已

三不食,五月、三月之喪,再不食。親戚鄰里,爲糜粥

0 「第四」,原脱,依全書通例補。

四四

之帶。華飾,謂錦繡、紅紫、金玉、珠翠之類。以食之,尊長强之,少食可也。○扱上衽,謂插衣前襟

治棺。

訃告于親戚僚友。

自餘書問悉停。以書來弔者,並須卒哭後答之。護喪、司書爲之發書,若無,則主自訃親戚,不訃僚友。

沐浴 襲 奠 爲位 飯含

執事者設幃及牀,遷尸,掘坎。

去薦,設席枕,遷尸其上,南首,覆以衾。 掘坎于屏處潔執事者以幃幛卧内,侍者設牀於尸牀前,縱置之,施實

地。

陳襲衣、

韈、勒帛、裹肚之類,隨所用之多少。 要手者也。深衣一。大帶一。履二。袍襖、汗衫、袴裹手者也。深衣一。大帶一。履二。袍襖、汗衫、袴裹手者也。探衣一。握手用帛,長尺二寸,廣五寸,所以二,用白纊,如棗核大,所以塞耳者也。幎目,帛方尺二以卓子陳于堂前東壁下,西領,南上。幅巾一。充耳以卓子陳于堂前東壁下,西領,南上。幅巾一。充耳

沐浴、飯含之具。

下體各用其一也。升,以新水淅令精,實于盌。櫛一、沐巾一、浴巾二,上升,以新水淅令精,實于盌。櫛一、沐巾一、浴巾二,上以卓子陳于堂前西壁下,南上。錢三,實于小箱。米二

乃沐浴,

<u>二</u> 五

之,晞以巾,撮爲髻,抗衾而浴,拭以巾,剪爪,并沐浴餘侍者以湯人,主人以下皆出帷外,北面。 侍者沐髮,櫛

襲。

水

`巾、櫛棄于坎而埋之。

徙尸牀,置堂中間。

卑幼則各於室中間,●餘言堂者放此。

乃設奠。

于尸東,當肩,巾之。 〇祝以親戚爲之。 執事者以卓子置脯醢,升自阼階。 祝盥手洗盞,斟酒奠

主人以下爲位而哭。

于其後,皆東向南上。尊行以長幼坐于牀西北壁下,南婦、衆婦女坐于牀西,藉以槀。同姓婦女以服爲次,坐尊行以長幼坐于牀東北壁下,南向西上,藉以席薦。主槀。同姓期功以下,各以服次坐于其後,皆西面南上。主人坐於牀東奠北。衆男應服三年者坐其下,皆藉以

期以下,寢於側近,男女異室,外親歸家可也。要,夜則寢於尸旁,藉稟枕塊,病羸者藉以草薦可也。西上,異姓丈夫坐于帷外之西,北向東上。○三年之西上,異姓丈夫坐于帷外之西,北向東上。皆藉以席,以服爲行,無服坐於帷外之西,北向西上,婦人

乃飯含。

中,以匙抄米,實于尸口之右,并實一錢,又於左、於中,倚者一人,插匙于米盌,執以從,置于尸西,以幎巾人,主人哭盡哀,左袒,自前扱於腰之右,盥手,執箱以人。

侍者卒襲,覆以衾。

亦如之。主人襲所袒衣,復位。

加幅巾,充耳,設幎目,納履,乃襲深衣,結大帶,設握

手,乃覆以衾。

● 「室」,原作「堂」,今據《集注》本改。

銘旌

置 靈 座,設魂帛

識也。 所謂,至於婦人,生時深居閨門,出則乘輜輧,擁蔽其 俗皆畫影,置於魂帛之後,男子生時有畫像,用之,猶無 夕設櫛類,奉養之具,皆如平生。○司馬公曰:「古者 倚上。設香爐、香合、珓杯,注酒果於卓子上。 設椸於尸南,覆以帕,置倚卓其前。 面 鑿木爲重,以主其神,今令式亦有之,然士民之家,未嘗 人狀,此尤鄙俚,不可從也。」 畫其容貌,此殊爲非禮。又世俗或用冠帽衣履裝飾如 ,既死,豈可使畫工直人深室,揭掩面之帛,執筆訾相 故用東帛依神、謂之魂帛、亦古禮之遺意也。 結白絹爲魂帛, 侍者 世 朝 置

立銘旌,

右。 官,即隨其生時所稱,以 以絳帛爲銘旌,廣終幅。 八尺",六品以下,七尺。 竹爲杠,如其長,倚於靈座之 三品以上,九尺,五品 書曰:「某官某公之柩。」無 以 下,

家

禮 第 四

不作佛事

乎 ? 登。 之矣,何故無 天地俱生,自佛法未入中國之前,人死而復生者,亦有 早賣田營墓而葬之乎? 之不厚哉! 不以其親爲君子,而爲積惡有罪之小人也。 唐廬州刺史李丹《與妹書》曰:「天堂無則已,有則君子 磨,豈復知之? 已不知苦,況於死者,形神相離,形則入於黄壤,朽腐消 殊不知人生含氣血,知痛癢,或剪爪剃髮從而燒斫之, 快樂,不爲者必入地獄,剉燒春磨,受無邊波吒之苦。 像,修建塔廟,云爲此者滅彌天罪惡,必生天堂,受種種 **朞年、再朞、除喪飯僧,設道場,或作水陸大會,寫經造** 學者固不足言,讀書知古者亦可以少悟矣。」 而難曉也。 而懲惡也,苟不以至公行之,雖鬼何得而治乎? 滅,與木石等,神則飄若風火,不知何之,借使剉燒 司馬公曰:「世俗信浮屠誑誘,於始死及七七日、百日 地獄無則已,有則小人人。」世人親死而禱浮屠,是 此則中智所共知,而舉世滔滔信奉之,何其易惑 甚者至有傾家破産然後已,與其如此,曷若 就使其親實積惡有罪,豈賂浮屠所能 一人誤人地獄 且浮屠所謂天堂地獄者,計亦以勸 彼天堂地獄,若果有之,當與 **,見閻羅等十王者耶?** 何待其 是以 不 親 免 春

二七

執友親厚之人,至是人哭可也。

座,上香再拜,遂弔。 主人相向哭盡哀。● 主人以哭對 主人未成服而來哭者,當服深衣,臨尸哭盡哀,出,拜靈

斂袒 括髪 免 髽 奠 代哭

小

厥明,

謂死之明日。

執事者陳小斂衣衾,

多,則不必盡用也。❷ 衾用複者,絞,横者三,縱者一, 以卓陳于堂東北壁下,據死者所有之衣,隨宜用之,若

皆以細布或綵一幅而析其兩端爲三,横者取足以周身

相結,縱者取足以掩首至足,而結於身中。

設奠,

臺者,執事者所盥也。 設卓子于阼階東南,置奠饌及盃注于其上,❸巾之。 盥盆、帨巾各二于饌東,其東有臺者,祝所盥也,其西無 别以卓子設潔滌盆、新拭巾於其 設

東,所以洗盃拭盃也。母

此

節至遺並同。❺

具括髮麻、免布、髽麻

絹廣寸,自項向前交於額上,卻邊髻如著掠頭也。 亦用麻繩撮髻,竹木爲簪也。 括髮,謂麻繩撮髻,又以布爲頭箒也。 設之皆于别室。 免,謂裂布或縫

設小斂床、布絞衾衣

正方,唯上衣不倒。 乃布縱者一於上,以備掩首及足也。 衣或顛或倒,但取 西階,置于尸南,先布絞之横者三於下,以備周身相結 設小斂床,施薦席褥于西階之西,鋪絞衾衣舉之,升自

乃遷襲奠,

執事者遷置靈座西南,俟設新奠,乃去之。 後凡奠皆放

遂小斂。

此。

「盡」,原無,今據《成書》本、《集注》本增改。 ·向」,原作「持」,今據《成書》本改。

「盃」、《成書》本作「盞」。

「洗盃拭盃」、《成書》本作「洗盞拭盞」。

一」、《集注》本無此字。

一八

卷衣夾其兩脛,取其正方,然後以餘衣掩尸,左衽不紐, 裹之以衾,而未結以絞,未掩其面,蓋孝子猶俟其復生, 而舒絹疊衣,以藉其首,仍卷兩端,以補兩肩空處。 又

欲時見其面故也。斂畢,則覆以衾。

主人、主婦憑尸哭癖,

婦,撫之,於昆弟,執之。凡憑尸,父母先,妻子後。 憑之,父母於子、夫於妻,執之,婦於舅姑,奉之,舅於 主人西向憑尸哭擗,主婦東向亦如之。〇凡子於父母,

袒、括髮、兔、髽于别室。

男子斬衰者,袒、括髮,齊衰以下至同五世祖者,皆袒、

還遷尸牀于堂中,

免于别室。婦人髽于别室。

執事者徹襲床,遷尸其處。 哭者復位。 尊長坐,卑幼

立。

(以下哭盡哀,乃代哭,不絶聲。

家 禮 第 四 乃奠。

祝帥執事者、盤手舉饌、升自阼階。 洗盞斟酒奠之。卑幼者皆再拜,侍者巾之。 至靈座前,祝焚香,

大

斂

厥明,

小斂之明日,死之第三日也。○司馬公曰:「《禮》曰:

三日而斂者,俟其復生也。三日而不生,則亦不生矣。 故以三日爲之禮也。今貧者喪具或未辦,或漆棺未乾,

雖過三日,亦無傷也。 世俗以陰陽拘忌,擇日而斂,盛

暑之際,至有汁出蟲流,豈不悖哉!」

執事者陳大斂衣衾,

以卓子陳于堂東壁下,衣無常數,衾用有綿者。

設奠具,

如小斂之儀。

舉棺人,置于堂中,少西,

執事者先遷靈座及小斂奠於旁側,役者舉棺以人,置于

置衾于棺中,垂其裔於四外。 牀西,承以兩凳。若卑幼,則於别室。 ○司馬公曰:「周人殯于 役者出。 侍者先

西階之上,今堂室異制,或狹小,故但於堂中少西而已。

二九

家禮

十年不葬,或爲盜賊所發,或爲僧所棄,不孝之罪,孰大今世俗多殯於僧舍,無人守視,往往以年月未利,踰數

於此。」

乃大斂。

設靈床于柩東,

從其便。

墼塗之,今或漆棺未乾,又南方土多螻蟻,不可塗殯,故

牀帳、薦席、屏枕、衣被之屬,皆如平生時。

乃設奠。

如小斂之儀。

主人以下各歸喪次,

而復寢。婦人次于中門之内别室,或居殯側,去帷帳衾衰,寢席。大功以下,異居者既殯而歸,居宿於外,三月不脱絰帶,不與人坐焉,非時見乎母也,不及中門。齊中門之外,擇朴陋之室,爲丈夫喪次。 斬衰,寢苫枕塊,中門之外,擇朴陋之室,爲丈夫喪次。 斬衰,寢苫枕塊,

止代哭者。

褥之華麗者,不得輒至男子喪次。

成服

厥明,

大斂之明日,死之第四日也。

五服之人,各服其服,入就位,然後朝哭,相

瞰,謂屈其兩邊相著而空其中也。 衣,長過腰,足以掩裳前三幅,後四幅,縫内向,前後不連,每幅作三 噉。

裳上際,縫外向。背有負版,用布方尺八寸,綴於領下

前。 垂之。 以爲武,屈冠兩頭入武內,向外反屈之縫於武,武之餘 用麻繩一條,從額上約之,至頂後交過前,各至耳結之, 裁,却以兩方左右相沓,綴於衣兩旁,垂之向下,狀如燕 寸,綴於領下,在負版兩旁,各攙負版一寸。 竹釵麻屨。 婦人則用極麤生布爲大袖長裙蓋頭,皆不緝,布頭 経之下。 從左過後至前,乃以其右端穿兩股間,而反插於右,在 絰,中屈之,爲兩股,各一尺餘,乃合之,其大如絰圍 處兩旁各綴細繩繫之。絞帶用有子麻繩一條,大半腰 餘,兩股相交,兩頭結之,各存麻本,散垂三尺,其交結 本上,又以繩爲纓以固之,如冠之制。腰絰大七寸有 寸,麻本在左,從額前向右圍之,從頂過後以其末 繩垂下爲纓,結於頤下。 三寸,長足跨頂,前後裹以布,爲三陬,皆向右縱縫之。 尾,以掩裳旁際也。冠,比衣裳用布稍細,紙糊爲材,廣 於左旁裁人六寸,下於右旁裁人六寸,便於盡處相望斜 衽,各用布三尺五寸,上下各留一尺正方,一尺之外,上 左右有辟領,各用布方八寸,屈其兩頭相著爲廣四 前當心有衰,用布長六寸,廣四寸,綴於左衿之 苴杖用竹,高齊心,本在下。 衆妾則以背子代大袖。 首經以有子麻爲之,其圍九 凡婦人皆不杖。 屨亦粗 兩腋下 麻爲之。 加 죆 腰 其 於 有

> 舅也。 祖承重 祖承重者也,父爲嫡子,當爲後者也。其義服,則婦爲 菔 ,則子爲父也。 夫承重則從服也,爲人後者爲所後父也,爲所後 也、夫爲人後、則妻從服也、妻爲夫也、妾爲君 其加服 **,則嫡孫父卒爲祖,若曾、高**

正

二曰齊衰 三年、

币

降也。 下方。 緝其旁及下際。 妾之無子者慈己也,繼母爲長子也,妾爲君之長子也 重則從服也,爲繼母也,爲慈母,謂庶子無母而父命他 其正服,則子爲母也,士之庶子爲其母同,而爲父後,則 之,大七寸餘,本在右,末繫本下布纓。 也,母爲嫡子,當爲後者也。 絞帶以布爲之,❶而屈其右端尺餘。 齊,緝也。 婦人服同斬衰,但布用次等爲異。後皆放此 其加服,則嫡孫父卒爲祖母,若曾高祖母承重者 其衣裳冠制,並如斬衰。 冠以布爲武及纓。 其義服,則婦爲姑也,夫承 杖以桐爲之,上圓 但用次等麤生布, 首 腰経大五寸餘 経以 無子麻爲

杖期、

絞」,原無,今據《成書》本、《集注》本增改

0

服 爲出母嫁母無服,繼母出則無服也 爲父卒,繼母嫁,而己從之者也,夫爲妻也,子爲父後則 在,爲祖母也。 制同上。 但又用次等生布。 其降服,則爲嫁母出母也。 其正服,則嫡孫父卒,祖 其義服,則

不杖期、

服制同上。但不杖,又用次等生布。其正服,則爲祖父 兄弟之爲父後者也。其降服,則嫁母出母爲其子,子雖 其加服,則爲嫡孫,若曾元孫當爲後者也,女適人者爲 之子也,爲姑姊妹女在室及適人而無夫與子者也,婦人 不服也,爲伯叔父也,爲兄弟也,爲衆子男女也,爲兄弟 母,女雖適人不降也,庶子之子爲父之母,而爲祖後則 衆子也,舅姑爲嫡婦也 父同居父子皆無大功之親者也,妾爲女君也,妾爲君之 前夫之子從己者也,爲伯叔母也,爲夫兄弟之子也,繼 爲父後猶服也,妾爲其父母也。其義服,則繼母嫁母爲 無夫與子者爲其兄弟姊妹及兄弟之子也,妾爲其子也。

五月、

三月,

服制同上。 其正服,則爲曾祖父母,女適人者不降也。

> 有子己有大功以上親者也,其元不同居者則不服。 其義服,則繼父不同居者,謂先同今異或雖同居而繼父 服 制同上。 其正服,則爲高祖父母,女適人者不降 也。

三曰大功九月,

也,夫爲人後者,其妻爲本生舅姑也。 兄弟子之婦也,爲夫之祖父母、伯叔父母、兄弟子之婦 父之子也,爲衆孫男女也。 餘,腰経四寸餘。 服制同上。但用稍粗熟布,無負版、衰、辟領,首經 其正服,則爲從父兄弟姊妹,謂伯 其義服,則爲衆子婦也,爲 Ŧi. 叔 寸

四曰小功五月,

也 也,爲外祖父母,謂母之父母也,爲舅,謂母之兄弟 爲從祖兄弟姊妹,謂從祖父之子,所謂再從兄弟姊妹者 父之子、父之從父兄弟姊妹也,❶爲從父兄弟之子也: 弟姊妹也,爲兄弟之孫,爲從祖父、從祖姑,謂從祖 三寸餘。 服制同上。但用稍熟細布,冠左缝,首絰四寸餘,腰 **,爲甥也,爲從母,謂母之姊妹也,爲姊妹之子也** 其正服,則爲從祖祖父、從祖祖姑,謂祖之兄

0 ·姊妹」,原無,今據《成書》本、《集注》本增改。

 \equiv

第之妻也,爲夫之兄弟也。 第之妻也,爲夫之兄弟也。其義服,則爲從祖祖母也,爲 爲夫之姑姊妹,適人者不降也,與兄弟姪之妻,已適 房夫之姑姊妹,適人者不降也,女爲兄弟姪之妻,已適 房夫之姑姊妹,適人者不降也,女爲兄弟姪之妻,已適 兒弟姊妹也,爲娣、姒婦,謂兄弟之妻相名,長婦謂次 兄弟姊妹,嫡母死則不服也,母出則爲繼母之父母、兄 弟姊妹也,爲庶母慈己者,謂庶母之乳養已者也,爲 弟姊妹也,爲庶母慈己者,謂庶母之乳養已者也,爲 弟姊妹也,爲庶母慈己者,謂庶母之乳養已者也,爲 弟が妹也,爲庶母慈己者,謂庶母之乳養已者也,爲 弟が妹也,爲庶母慈己者,謂庶母之乳養已者也,爲 弟之妻也,爲夫之兄弟姓也。其義服,則爲從祖祖母也,

五曰緦麻三月。

無服也。其義服,則爲族曾祖母也,爲夫兄弟之曾孫無服也。其義服,則爲族曾祖父、族祖常祖之兄弟姊妹也,爲從母兄弟之子也,爲族兄弟妹,謂族曾祖父之子也,爲從祖兄弟之子也,爲族兄弟妹妹,謂族曾祖父之子也,爲從祖兄弟之子也,爲族兄弟姑,謂族祖父之子也,爲從祖兄弟之子也,爲族兄弟姑,謂族父之子也,爲從母兄弟姊妹也,爲族兄弟以為,謂姑之子也,爲從母兄弟姊妹也,爲族祖父、族祖曾祖之兄弟姊妹也,爲從母兄弟,謂姑之子也,爲從母兄弟,謂此之子也,爲於母兄弟姊妹,謂從母之子也,爲族兄弟妹,謂姑之子也,爲從母兄弟姊妹也,爲族祖父、族祖曾祖之兄弟姊妹也,爲族母兄弟姊妹,謂於母之子也。其降服,則庶子爲父後者爲其母,而爲其母之父母,兄弟姊妹則成之子也,爲於祖兄弟之子也,爲族曾祖母也,爲夫兄弟之曾孫妹,謂於母祖父、於祖兄弟之子也,爲於祖兄弟之子也,爲族自祖父、於祖兄弟之子也,爲於祖兄弟之子也,爲族自祖父兄弟之所以,謂於自祖父兄弟之皆孫

凡爲殤服,以次降一等。

婦也。

等,私親之爲之也亦然。 凡男爲人後,女適人者,爲其私親,皆降

女適人者降服,未滿被出,則服其本服,已除則不復服

也。 〇凡婦服夫黨,當喪而出,則除之。 ○凡妾爲其私

親,則如衆人。

成服之日,主人及兄弟始食粥。

諸子食粥。妻妾及期九月,疏食水飲,不食菜菓, 三月者,飲酒食肉,不與宴樂。 自是無故不出,若以喪 五月

事及不得已而出人,則乘樸馬布鞍,素轎布簾。

朔設位,服其服而哭之,既畢返重服。 凡重喪未除而遭輕喪,則制其服 而哭之,月 其 除

則服 之也,亦服輕服。 輕服,以終其餘日。 若除重喪,而輕服未除,

朝夕哭奠 上食

朝奠,

每日晨起,主人以下皆服其服入就位。 立哭。侍者設盥櫛之具于靈牀側,奉魂帛出就靈座,然 尊長坐哭,卑者

以下再拜、哭盡哀。

後朝奠。

執事者設蔬果脯醢。

祝盥手焚香斟酒。

主人

食時上食;

如朝奠儀。

夕奠,

如朝奠儀。 畢,主人以下奉魂帛入就靈牀,哭盡哀。

哭無時。

朝夕之間,哀至則哭於喪次。

朔日則於朝奠設饌,

有新物則薦之。 饌用肉魚麪米,食羹飯各 器,禮如朝奠之儀。

如上食儀。

弔 奠 賻

凡弔皆素服

奠用香茶燭酒果 幞頭衫帶,皆以白生絹爲之。

賻用錢帛 有狀,或用食物,即别爲文。

三四

具刺通名,

賓主皆有官,則具門狀,否則名紙,題其陰面,先使人通

之,與禮物俱入。

人哭奠訖,乃弔而退。

既通名,喪家炷火然燭,布席,皆哭以俟。 人至廳事,進揖曰:「竊聞某人傾背,不勝驚怛,敢請入 護喪出迎賓,

香,跪酹茶酒,俛伏。 酹,并伸慰禮。」護喪引賓人,至靈座前哭盡哀,再拜焚 興,護喪止哭者。 祝跪讀祭文奠

哭出西向,稽顙再拜,賓亦哭,東向答拜,進曰:「不意 賻狀於賓之右,畢,興。賓主皆哭盡哀。賓再拜。 主人

對曰:「某罪逆深重,禍延某親,伏蒙奠酹,并賜臨慰! 凶變,某親某官,奄忽傾背,伏惟哀慕,何以堪處。] 主人 不勝哀感。」又再拜,賓答拜,又相向哭盡哀。賓先止,

寬譬主人曰:「脩短有數,痛毒奈何,願抑孝思,俯從禮 制。」乃揖而出。主人哭而入。護喪送至廳事,茶湯而

退。 無官,即云「色養」。 尊,即云「捐館」,生者官尊,則云「奄棄榮養」, 主人以下止哭。〇若亡者官尊,即云「薨逝」,稍 若尊長拜賓,禮亦同此,惟其辭各 存亡俱

家 禮 第 四

> 聞喪 奔喪❶

如啓狀之式,見卷末。

始聞親喪,哭,

親,謂父母也。 以哭答使者,又哭盡哀,問故。

易服,

遂行。 裂布爲四脚白布衫,繩帶麻屢。

日行百里,不以夜行,雖哀戚,猶辟害也。

道中哀至則哭,

哭避市邑喧繁之處。○司馬公曰:「今人奔喪及從柩 行者,遇城邑則哭,過則止,是飾詐之道也。」

望其州境其縣境其城其家皆哭。 家不在城,則望其鄉哭。

與下 「聞喪奔喪」、《成書》本作「聞喪奔喪治喪」,即將此 節合併題之也。

0

三五

家 禮

人門詣柩前,再拜,再變服 ,就位哭。

初變服,如初喪。 柩東西面坐,哭盡哀,又變服如小斂

大斂,❶亦如之。

後四日成服。

與家人相弔,賓至拜之如初。

若未得行,則爲位不奠。

設倚子一枚,以代尸柩,左右前後設位哭如儀。 但不設

奠,若喪側無子孫,則此中設奠如儀

變服,

亦以聞後之第四日。

在道至家,皆如上儀。

若喪側無子孫,則在道朝夕爲位設奠至家,但不變服,

其相弔、拜賓如儀。

若既葬,則先之墓哭拜。

之墓者、望墓哭、至墓哭拜、如在家之儀。 未成服者,變

服於墓,歸家詣靈座前,哭拜,四日成服如儀。 已成服

者亦然,但不變服

齊衰以下聞喪,爲位而哭。

舉哀,凡悲哀之至,在初聞喪即當哭之,何暇擇日? 舍,其它皆哭於本家可也。」 法令有不得於州縣公廨舉哀之文,則在官者當哭於僧 尊長於正堂,卑幼於别室。 ○司馬公曰:「今人皆擇日 但

若奔喪,則至家成服,

哭,大功望門而哭,小功以下至門而哭。 奔喪者釋去華盛之服,裝辦即行。 既至,齊衰望鄉而 入門詣柩前

哭再拜,成服就位,哭弔如儀。

若不奔喪,則四日成服 不奔喪者,齊衰三日中朝夕爲位會哭,四日之朝成服 之。皆每月朔爲位會哭,月數既滿,次月之朔乃爲位會 亦如之"大功以下,始聞喪爲位會哭,四日成服,亦

哭而除之,其間哀至則哭可也。

治

葬

三月而葬,前期擇地之可葬者。

0 「大斂」,原無,今據《集注》本增改。

三六

如

耶 ? 禍福 孫衰替,忘失處所,遂弃捐不葬者。正使殯葬實能致人 争論紛紜,無時可決,至有終身不葬,或累世不葬,或子 孫貧富貴賤,賢愚壽夭,盡繫於此,而其爲術又多不同 俗信葬師之説,既擇年月日時,又擇山水形勢,以爲子 月而葬。今五服年月,敕王公以下,皆三月而葬。 則如之何? 葬之,所以不可不擇也。 淺則爲人所扣,深則濕潤速朽,故必求土厚水深之地而 司馬公曰:「古者天子七月,諸侯五月,大夫三月,士踰 藏之,殘毀它人之尸,在律猶嚴,况子孫乃悖謬如此。 蓋閔親之未有所歸,故寢食不安,奈何舍之出遊,食稻 葬其親哉? 在禮,未葬不變服,食粥,居廬,寢苫枕塊, 哉?」昔廉范千里負喪,郭平自賣營墓,豈待豐富然後 苟亡矣,斂手足形,還葬,懸棺而窆,人豈有非之者 亡。」子游曰:「有亡烏乎齊?」夫子曰:「有,亡過禮。❶ 孫火焚其柩,收燼歸葬者。 衣錦,不知其何以爲心哉。 始蓋出於羌胡之俗,浸染中華,行之既久,習以爲常 ,爲子孫者,亦豈忍使其親臭腐暴露,而自求其利 悖禮傷義,無過於此。然孝子之心,慮患深遠,恐 公曰:子游問喪具,夫子曰:「稱家之有 或曰:家貧鄉遠,不能歸葬, 世人又有遊官没於遠方,子 夫孝子愛親之肌體,故斂而 然世

> 使它日不爲道路,不爲城郭,不爲溝池,不爲貴勢所奪 見者恬然,曾莫之怪,豈不哀哉! 今人不曉占法,且從俗擇之可也 避村落、遠井窖」。 不爲耕犂所及也。」一本云「所謂五患者,溝、渠、道路 爲慮,尤非孝子安厝之用心也。 之吉凶,不亦泥乎? 之惡者則反是。 靈安,其子孫盛。 于其地可也, 豈不猶愈於焚之哉! 死,葬於嬴博之間。 危則此危,亦其理也。 木之茂盛,乃其驗也。 地之美惡也,非陰陽家所謂禍福者也。 齊,子細切。室,彼斂切。」〇程子曰:「卜其宅兆,卜其 然則曷謂地之美者? 若培壅其根而枝葉茂,理固然矣。 ○愚按,古者葬地葬日皆決於卜筮 孔子以爲合禮。 甚者不以奉先爲計,而專以利後 而拘忌者惑以擇地之方位,決日 父祖子孫同氣,彼安則此安,彼 惟五患者不得不謹,須 延陵季子適齊,其子 必也不能歸葬,葬 扣音骨。惡音鳥。 土色之光潤,草 地之美,則其神 地

擇日開塋域,祠后土。

主人既朝哭,帥執事者於所得地掘兆四隅,外其壤,掘

「亡」、《集注》本作「毋」。

0

放此。 日: 告者與執事者皆盥帨。 中,南其壤,各立 執事者皆再拜,徹出。 清酌脯醢,祗薦于神,尚饗。」訖,復位。 告者再拜,祝及 神,今爲某官姓名營建宅兆,神其保佑,俾無後艱,謹以 伏興,少退 人取盞東向跪。 人立於神位之前,北向,執事者在其後,東上,皆再拜。 有臺架告者所盥,其西無者執事者所盥也。 注、酒果、脯醢於其前,又設盥盆帨巾二於其東南,其東 人告后土氏。 「維某年歲月朔日子,某官姓名,敢告于后土氏之 立。 祝帥執事者設位於中標之左,南向 祝執版立於告者之左,東向跪,讀 告者斟酒,反注取盞,酹于神位前,俛 標,當南門立兩標,擇遠親或賓客 主人若歸,則靈座前哭再拜。 執事者一人取酒注西向跪,一 告者吉服 , 設 後 之 盞

遂穿壙

者唯天子得爲隧道,其它皆直下爲壙,而懸棺以窆,今 以室者,有鑿隧道旁,穿土室而攛柩於其中者。 司馬公曰:「今人葬有二法: 當以此爲法。 其穿地宜狹而深,狹則不崩損,深則盜難 有穿地直下爲擴,而 按古 :懸棺

近也。」

作灰隔

當如是耳。」 必誠必信之義? 得土而黏,歲久結爲全石,螻蟻、盜賊皆不能進也。 瀝清,故爲此制。又炭禦木根,辟水蟻,石灰得沙而實 三物居內,如底之厚,築之既實,則旋抽其板,近上復下 灰上。乃於四旁旋下四物,亦以薄板隔之,炭末居外 世俗淺識,惟欲不見而已,又有求速化之説者。是豈知 物,尚保藏固密,以防損污,況親之遺骨,當如何哉? 程子曰:「古人之葬,欲比化不使土親膚。 炭灰等而築之,及墻之平而止。 清塗之,厚三寸許,中取容棺。 築實,厚二三尺。 灰、細沙、黄土拌匀者於其上,灰三分,二者各一可也 穿壙既畢,先布炭末於壙底,築實,厚二三寸,然後布 别用薄板爲灰隔,如椁之状,内以瀝 且非欲求其不化也,未化之間,保藏 牆高於棺四寸許,置於 蓋既不用椁,則無以容 今奇玩之

刻誌石,

用石二片,其一爲蓋,刻云「有宋某官某公之墓」,無官 官某公諱某字某,某州某縣人。考諱某某官,母氏某封 者則書其字曰「某君某甫」。 其一 爲底,刻云:「有宋某

某。某年月日生,叙歷官遷次,某年月日終,某年月日

此石先見,則人有知其姓名者,庶能爲掩之也。此石先見,則人有知其姓名者,庶能爲掩之也。其底叙年若干適某氏」,夫無官則云「某君某甫妻某則云「某官某公某封某氏」,夫無官則云「某君某甫妻某則云「某官某公某封某氏」,夫無官則書夫之姓名,夫亡氏之墓」,無封則云「妻」,夫無官則書夫之姓名,夫亡氏之墓」,無封則云「妻」,夫無官則書夫之姓名,共立 此石先見,則人有知其姓名者,庶能爲掩之也。

造明器,

准令五品六品,三十事,七品八品,二十事,非陞朝刻木爲車馬、僕從、侍女,各執奉養之物,象平生而小。

下帳,

官,十五事。

謂床帳、茵席、倚卓之類,亦象平生而小。

苞,

竹掩一,以盛遣奠餘脯。

筲,

竹器五,以盛五穀。

器王 じ盛王豪

家

禮

第四

甖,

聚蟻,尤爲非便,雖不用可也。不忍死其親之意,然實非有用之物,且脯肉腐敗,生虫實土及半,乃於其旁,穿便房以貯之。」愚按,此雖古人養器三,以盛酒脯醢。○司馬公曰:「自明器以下,俟

大轝,

之,上如撮蕉亭,施帷幔,四角垂流蘇而已。 縛,此皆切要實用,不可闕者。但如此制,而以衣覆棺 圓枘,令人鑿中,長出其外,枘鑿之間須極圓滑,以膏塗 鑿。 平穩而已。 可爲此虛飾,但多用油單裹柩,以防雨水而已。 太高、恐多罣礙、不須太華、徒爲觀美。若道路遠、決不 亦足以少華道路。 上施短杠,短杠上或更加小杠,仍多作新麻大索以備札 横扃,扃兩頭出柱外者更加小扃,杠兩頭施横杠,横杠 之,使其上下之際柩常適平。兩柱近上,更爲方鑿,加 古者柳車制度甚詳,今不能然,但從俗爲之,取其牢 别作小方牀以載柩,足高二寸,旁立兩柱,柱外施 其法用兩長杠,杠上加伏兔附杠處,爲圓 或更欲加飾,則以竹爲之格,以綵結 然亦不可 固

翣,

三九

家

雲氣。 以木爲筐,如扇而 以白布; 其緣皆爲雲氣,皆畫以紫准格 柄長五尺。 方兩角,高廣二尺,高二 黼翣,畫黼;黻翣,畫黻;畫翣,畫 |尺四寸; 衣

作主。

圓首,寸之下勒前爲頷而判之,四分居前,八分居後,頷 以受主身、身高尺二寸、博三寸、厚寸二分、剡上五分爲 爲一櫝。」〇愚按,古者虞主用桑,將練而後易之以栗。 竅其旁以通中,圓徑四分,居三寸六分之下,下距趺面 下陷中,長六寸,廣一寸,深四分,合之,植於趺,下齊。 程子曰:「作主用栗,趺方四寸,厚寸二分,鑿之洞底, 櫝用黑漆,且容一主,夫婦俱人祠堂,乃如司馬氏之制。 今於此便作栗主,以從簡便。 七寸二分,以粉塗其前面。」〇司馬公曰:「府君夫人共 或無栗,止用木之堅者。

遷柩 朝祖 奠賻 陳器 祖奠

發引前 日 因 朝奠以遷柩 告。

柩,敢告。」俛伏,興。 設饌如朝 奠。 祝斟酒訖,北 主人以下哭盡哀,再拜。 面跪,告曰:「今以吉辰 蓋古有 遷

> 啓殯之奠,❶今既不塗殯, 無節文,故爲此禮也 則其禮 無所施,然又不 可全

奉柩朝于祖

平生將出,必辭尊者也 于柩西,東向。 婦人由左,重服在前,輕服在後,服各爲叙。 銘旌次之,役者舉柩次之,主人以下從哭。 祝以箱奉魂帛前行詣祠堂前,執事者奉奠及倚卓次之, 將遷柩,役者入,婦人退避。 上,北首而出。 婦人皆蓋頭。 無服之親,男居男右,女居女左,皆次主人主婦之後。 至祠堂前,執事者先布席,役者致柩於其 主人以下就位,立哭盡哀止。 婦人去蓋頭。 主人及衆主人輯杖立視。 祝帥執事者設靈座及奠 侍者在末。 男子由右 此禮蓋象

遂遷于廳事

前 席,役者置柩于席上,南首而出。 柩右旋,主人以下男女哭從如前。 執事者設帷於廳事。役者入,婦人退避。 南向。 主人以下就位作哭,藉以薦席 祝設靈 詣 廳 事 座及奠于柩 祝奉魂帛導 ', 執 事者布

0 「啓」、《集注》本作「遺」。

如未斂之前,以至發引。

親賓致奠賻。 如初喪儀。

陳器。

奉魂帛、香火,次大量,轝旁有翣,使人執之。 苞、筲、甖,以牀舁之,次銘旌,去跗執之,次靈車,以 上,四目爲方相,以下,兩目爲魌頭。 方相在前,狂夫爲之,冠服如道士,執戈揚盾。 次明器、下帳、 四品以

日晡時,設祖奠。

不留,今奉柩車,式遵祖道。」俛伏,興。 饌如朝奠。祝斟酒訖,北向跪告曰:「永遷之禮,靈辰 ○司馬公曰:「若柩自它所歸葬,則 行日但設朝奠,哭 餘如朝夕奠儀。

而行,至葬,乃備此及下遺奠禮。」

乃設遣奠,

載畢,祝帥執事者遷靈座于柩前,南向。

之,令極牢實。男子從柩哭降視載,❸婦人哭於帷中。 婦人退避。召役夫遷柩就轝,❶乃施扃加楔,❷以索維 北向跪,告曰:「今遷柩就畢,敢告。」遂遷靈座置旁側 轝夫納大轝於中庭,脱柱上横扃。

執事者徹祖奠。

祝

饌如朝奠。有脯。 惟婦人不在。 奠畢,執事者徹脯納

祝奉魂帛升車,焚香。

苞中,置异牀上,遂徹奠。

哭。守舍者哭辭盡哀,再拜而歸。 别以箱盛主置帛後。至是,婦人乃蓋頭出帷,降階 尊長則不拜。 立

發

引

柩行,

「召」,原無,今據《集注》本增改。

「乃」下、《集注》本有「載」字。

「男子」、《集注》本作「主人」。

禮 第 四

家

厥

明

?,遷柩

就糧。

遣

奠

四

方 《相等前導,如陳器之叙。

主人以下男女哭步從,

如朝祖之叙。出門則以白幕夾障之。

尊長次之,無服之親又次之,賓客又次之。 皆乘車馬。親賓或先待於墓所,或出郭哭拜辭歸。

親賓設幄於郭外道旁,駐柩而奠,

如在家之儀。

塗中遇哀則哭。

若墓遠,則每舍設靈座於柩前,朝夕哭奠。 食時上食。

夜則主人兄弟皆宿柩旁,親戚共守衛之。

及墓 下棺 祠后土 題木主 成墳

未至,執事者先設靈幄,

在墓道西,南向,有倚卓。

親賓次,

向。

在靈幄前十數步,男東女西,女次北,與靈幄相直,皆南

婦 八人幄。

在靈幄後壙西。

方相至,

以戈擊壙四隅。

明器等至,

陳於壙東南,北上。

靈車至,

祝奉魂帛就幄座,主箱亦置帛後。

遂設奠而退。

酒菓脯醢。

柩至,

執事者先布席於擴南,柩至,脱載置席上,北首。

執事

者取銘旌,去杠置其上。

主人男女各就位哭, 幄内,東向。 主人、諸丈夫立於擴東,西 皆北上。 如在塗之儀。

向

主婦、諸婦女立於壙西

賓客拜辭而 歸。

主人拜之,賓答拜。

四二

乃窆。

須詳審,用力不可誤有傾墜動摇,主人兄弟宜輟哭,親柩底兩頭放下,至杠上乃去索,用布如前。大凡下柩最下之,更不抽出,但截其餘棄之。若柩無鐶,即用索兜下之,至杠上,則抽索去之,别摺細布若生絹兜柩底而先用木杠横於灰隔之上,乃用索四條穿柩底鐶,不結而

主人贈。

臨視之。已下,再整柩衣銘旌,令平正。

也。其餘金玉寶玩,並不得人擴,以爲亡者之累。位者皆哭盡哀。家貧或不能具此數,則玄、纁各一可玄六,纁四,各長丈八尺,主人奉置柩旁,再拜稽顙。在

加灰隔納外蓋,

令其速凝,即不透板,約已厚三寸許乃加外蓋。加於柩上,更以油灰彌之,然後旋旋少灌瀝清於其上,先度灰隔大小,制薄板一片,旁距四牆取令脗合,至是

實以灰,

酒灑而躡實之。恐震柩中,故未敢築,但多用之,以俟三物拌匀者居下,炭末居上,各倍於底及四旁之厚,以

家禮第四

乃實土而漸築之。

下土每尺許,即輕手築之,勿令震動柩中。

祠后土於墓左。

如前儀。祝版前同,但云「今爲某官封謚,窆兹幽宅,神

藏明器等,

其」,後同。

實土及半,乃藏明器、下帳、苞、筲、甖於便房,以版塞其

下誌石,

門。

磚四圍之,而覆其上。若墓在山側峻處,則於壙南數尺墓在平地,則於壙内近南先布磚一重,置石其上。又以

復實以土而堅築之。

間掘地深四五尺,依此法埋之。

下土亦以尺許爲準,但須密杵堅築。

題主,

某官某公諱某字某第幾神主」,粉面曰「皇考某官封謚卓上。使善書者盥手,西向立,先題陷中,父則曰「宋故盆帨巾如前。主人立於其前,北向。祝盥手出,主卧置執事者設卓子於靈座東南,西向,置硯筆墨,對卓置盥

四三

放此。 神主」,旁亦如之。 敢昭告于皇考某官封謚府君,形歸窀穸,神返室堂,神 板出,於主人之右跪讀之,日子同前,但云:「孤子某 某封某氏諱某字某第幾神主」,粉面曰「皇妣某封某氏 府君神主」,下其左旁曰「孝子某奉祀」, 興,復位。主人再拜,哭盡哀止。 主既成,伏惟尊靈,舍舊從新,是憑是依。」畢,懷之, 祝奉置靈座,而藏魂帛於箱中,以置其後,炷香斟酒,執 凡有封謚皆稱之,後皆放此 無官封則以生時所稱爲號。 母 喪稱「哀子」。 母 則 \Box 題 宋 畢, 後 故

祝奉神主升車,

魂帛箱在其後,

執 事者徹靈座,遂行。

墳高四尺,立小石碑於其前,亦高四尺,趺 許,卑幼亦乘車馬,但留子弟一人,監視實土以至成墳。 主人以下哭從,如來儀。至墓門,尊長乘車馬去墓百步

高尺許。

多藏金玉邪?❶ 司馬公曰:「按令式,墳碑石獸,大小多寡,雖各 數,然葬者當爲無窮之規。 是皆無益於亡者,而反有害,故令式 後世見此等物,安知其中不 1有品

> 實,而刻於其左,轉及後右而周焉。 用司馬公説,别立小碑,但石須闊尺以上,其厚居三之 立,面如夫之誌蓋之刻云。 二,圭首而刻其面,如誌之蓋,乃略述其世系、名字、行 也。」〇今按:孔子防墓之封,其崇四尺,故取以爲法、 又有貴得同賤、 賤不得同貴之文,然則不若不用之爲愈 婦人則俟夫葬乃

反 哭

主人以下,奉靈 車在塗徐行哭,

其反如疑,爲親在彼,哀至則哭。

至家哭。

望門即哭。

祝奉神主入,置于靈座。

執事者先設靈座於故處。 祝奉神主入就位,出櫝之,并

魂帛箱置主後。

0 邪」,原作「即」,今據《集注》本改。

主人以下,哭于廳事

主人以下及門哭,入,升自西階,哭于廳事。婦人先

入,哭於堂。

遂詣靈座前哭。

有弔者拜之,如初,

盡哀止。

謂賓客之親密者,既歸,侍反哭而復弔。《檀弓》曰:

甚。」「反哭之弔也,哀之至也。反而亡焉,失之矣,於是爲

以下,大功異居者可以歸。期九月之喪者,飲酒食肉,不與宴樂,小功

虞 祭

土,魂氣則無所不之,孝子爲其彷徨,三祭以安之。」家經宿以上,則初虞於所館行之。鄭氏曰:「骨肉歸于葬之日,日中而虞。或墓遠,則但不出是日可也。若去

家禮第四

主人

以下皆沐浴

執事者陳器,具饌。

或已晚不暇,即略自澡潔可也。

之東。 型盆、帨巾各二,於西階西,東南上,東盆有臺巾,有架, 整西南。置卓子於其西,資酒于瓶。設香案於堂中,炷火 東,果居外,蔬居果内,實酒于瓶。設香案於堂中,炷火 東,果居外,蔬居果内,實酒于瓶。設香案於堂中,炷火 於靈座前卓上,匕筯居内當中,酒盞在其西,醋楪居其 於靈座前卓上,匕筯居內當中,酒盞在其西,醋楪居其 於靈座前卓上,匕筯居內當中,酒盞在其西,醋楪居其 於靈座前卓上,匕筯居內當中,酒盞在其西,醋楪居其 於雪爐,束茅聚沙於香案前。具饌如朝奠,陳於堂門外 於香爐,束茅聚沙於香案前。具饌如朝奠,陳於堂門外 於香爐,東茅聚沙於香案前。具饌如朝奠,陳於堂門外

祝出神主于座,主人以下皆入哭,

卑幼立。丈夫處東,西上,婦人處西,東上。逐行各以其位皆北面,以服爲列,重者居前,輕者居後。尊長坐,主人及兄弟倚杖於室外,及與祭者皆人哭於靈座前。

降神,

長幼爲序,侍者在後。

注授主人,主人跪受,一人奉卓上盤盞,東面,跪於主香再拜。執事者皆盥帨,一人開酒,實于注,西面跪,以祝止哭者。主人降自西階,盥手,帨手。詣靈座前,焚

四五

禮

人之左。 主人斟酒 於蓋,以注授執事者,左手取盤 盏

右手執蓋,酹之茅 上,以 盤盞授執事者,俛伏,興,少

退,再拜,復位。

祝進饌,

初獻,

執事者佐之。 其設之叙如朝奠。

者俱詣靈座前,北向立。主人跪,執事者亦跪,進盤蓋, 主人進詣注子卓前,執注北向立。 前盤盞立於主人之左。主人斟酒,反注於卓上,與執事 執事者一人取靈座

主人受盞,三祭於茅束上,俛伏,興。執事者受盞,奉詣

之,前同,但云:「日月不居,奄及初虞,夙興夜處,哀慕 靈座前,奠於故處。 祝執版出,於主人之右,西向跪,讀

不寧,謹以潔牲柔毛,粢盛醴齊,哀薦祫事,尚饗。」祝

興。主人哭,再拜,復位,止。牲用豕,則曰「剛鬛」, 不用牲,則曰「清酌庶羞」。袷,合也,欲其合於先祖也。

亞獻,

主婦爲之,禮如初。 但不讀祝,四拜。

親賓一人,或男或女爲之,禮如亞獻。

侑食。

執事者執注,就添盞中酒。

主人以下皆出,祝闔門。

婦立於門西,東向,卑幼婦女亦如之。 主人立於門東,西向,卑幼丈夫在其後,重行,北上。主 尊長休於它所

如食間。

祝啓門,主人以下入哭,辭神,

就位。 祝進,當門北向,噫歆告啓門三,乃啓門。主人以下入 執事者點茶。祝立于主人之右,西向,告利成

斂主匣之,置故處。主人以下哭再拜,盡哀止,出就次。

執事者徹。

祝埋魂帛,

祝取魂帛,帥執事者埋於屏處潔地。

罷朝夕奠。

朝夕哭。哀至,哭如初

遇柔日再虞,

乙丁己辛癸爲柔日,其禮如初虞。 祝辭改「初虞」爲「再虞」,「治事」爲「虞事」爲異。 饌,厥明夙興,設蔬果酒饌,質明行事,祝出神主于座 惟前期 日陳器具

四六

遇剛日三虞。

虞」,「虞事」爲「成事」。 甲丙戊庚壬爲剛日,其禮如再虞,惟改「再虞」爲「三 若墓遠,亦途中遇剛日且闕之,

須至家乃可行此祭。

卒

故此祭漸用吉禮。

三虞後遇剛日卒哭。前期一日,陳器,具饌。

並同虞祭。惟更設玄酒瓶一於酒瓶之西。

厥明夙興,設蔬果酒饌。

並同虞祭。唯更取井花水充玄酒。

質明,祝出主,

同再虞。

主人以下皆人哭,●降神,

並同虞祭。

家 禮 第 四

哭

《檀弓》曰:「卒哭曰「成事」。是日也,以吉祭易喪祭。」

猶朝夕哭。

自是朝夕之間,哀至不哭,

主人兄弟,疏食水飲,不食菜菓,寢席枕木。

袝

《檀弓》曰:「商既練而祔,周卒哭而祔。 孔子善商。」注

「下皆入」,原無,今據《集注》本增改。

0

主人主婦進饌,

以進,如虞祭之設。 主人奉魚肉,主婦盥帨,奉麫米食,主人奉羹,主婦奉飯

初獻,

詞並同虞祭,但改「三虞」爲「卒哭」,「哀薦成事」下云: 並同虞祭。惟祝執板出於主人之左,東向,跪讀爲異。 「來日隮袝于祖考某官府君,尚饗。」按此云祖考,謂亡

亞獻,終獻,侑食,闔門,啓門,辭神,

者之祖考也。

並同虞祭。唯祝西階上,東面,告利成。

四八

今三虞卒哭皆用周禮次第,則此不得獨從商禮。曰:「期而神之,人情。」然商禮既亡,其本末不可考。

卒哭明日而祔。卒哭之祭既徹,即陳器,具

饌。

可以及卑,有事於卑者,不敢爰尊也。」

「可以及卑,有事於卑者,不敢爰尊也。」

「有事於尊者,是此二人以上,則以親者。○《雜記》曰:「男子祔于王祖妣二人以上,則以親者。○《雜記》曰:「男子祔于王祖妣二人以上,則以親者。○《雜記》曰:「男子祔于王祖妣二人以上,則以親者。○《雜記》曰:「男子祔于王祖妣二人以上,則以親者。○《雜記》曰:「男子祔于王母則不配。」之。「我知於陳堂隨便設亡,以及卑,有事於卑者,不敢爰尊也。」

可以及卑,有事於卑者,不敢援尊也。」

厥明夙興、設蔬果酒饌。

並同卒哭。

質明,主人以下哭於靈座前,❷

宗子,則皆以亡者繼祖之宗主此祔祭。○《禮》注云:宗子之喪,其世嫡當爲後者主喪,乃用此禮。若喪主非主人兄弟皆倚杖于階下,入哭,盡哀止。○按此謂繼祖

詣祠堂,奉神主出,置于座。

祔于祖廟,宜使尊者主之。

則宗子爲告于祖,而設虚位以祭。祭訖,除之。上,然後啓櫝。 ○若喪主非宗子,而與繼祖之宗異居,妣之主置于坐,西上。 若在它所,則置于西階上卓子妣的藥,啓櫝,奉所祔祖考之主置于座内。 執事者奉祖

還,奉新主人祠堂,置于座。

迎。出主,如前儀。若喪主非宗子,則唯喪主主婦以下還出主,如前儀。若喪主非宗子,則唯喪主主婦以下還子上。主人以下哭從,如從柩之叙,至門止哭。祝啓櫝主人以下還詣靈座所,哭。祝奉主櫝,詣祠堂西階上卓

叙立,

宗子婦之左,長則居前,少則居後,餘亦如虞祭之儀。則宗子主婦分立兩階之下,喪主在宗子之右,喪主婦在若宗子自爲喪主,則叙立如虞祭之儀。若喪主非宗子,

參神,❸

「堂」、《集注》本作「事」、在位者皆再拜參祖考妣。

- ●「堂」、《集注》本作「事」。
- ❸ 「參神」及注文,原在下「降神」及注文之後,今據《集❷ 「座」,原無,今據《集注》本增改。

注》本改。

降神。

行之。並同卒哭。 若宗子自爲喪主,則喪主行之,若喪主非宗子,則宗子

祝進饌,

並同虞祭。

初獻,

哭,祝版但云:「孝子某,謹以潔牲柔毛,粢盛醴齊,適 不拜。 若宗子自爲喪主,則喪主行之,若喪主非宗子,則宗子 則云"「皇某妣某封某氏隮袝孫婦某封某氏。」次詣亡 行之。並同卒哭。 非宗子,則隨宗子所稱。若亡者於宗子爲卑幼,則宗子 于先考某官府君,適于皇某考某官府君,尚饗。」若喪主 者前。若宗子自爲喪主,則祝版同前,但云:「薦祔事 于皇某考某官府君隮祔孫某官,尚饗。」皆不哭。 但酌獻先詣祖考妣前,日子前同卒 内喪

亞獻,終獻,

非宗子,則喪主爲亞獻,主婦爲終獻。並同卒哭及初獻 若宗子自爲喪主,則主婦爲亞獻,親賓爲終獻,若喪主

,惟不讀祝

家 禮 第 四

並同卒哭,但不哭。

侑食,闔門,啓門,辭神,

祝奉主各還故處。

之,盡哀止。 儀,盡哀止。若喪主非宗子,則哭而先行,宗子亦哭送 子上匣之,奉之反于靈座出門。主人以下哭從,如來 祝先納祖考妣神主于龕中匣之,次納亡者神主西階卓 若祭於它所,則祖考妣之主亦如新主納

小

之。

祥

鄭氏云:「祥,吉也。」

春而小祥。

初忌,以從簡易。大祥放此。 自喪至此,不計閏,凡十三月。古者卜日而祭。今止用

前期一日,主人以下沐浴,陳器,具饌,

主人帥衆丈夫洒掃滌濯,主婦帥衆婦女滌釜鼎,具祭

饌。 它皆如卒哭之禮

四 九

設次,陳練服。

爲冠去首絰、負版、辟領、衰,婦人截長裙,不令曳地。 丈夫、婦人各設次於别所,置練服於其中。 男子以練服

唯爲妻者猶服禫,盡十五月而除 應服期者改吉服。 然猶盡其月,不服金珠、錦繡、紅紫。

厥明夙興,設蔬果酒饌。

並同卒哭。

質明,祝出主,主人以下入哭。

皆如卒哭。但主人倚杖於門外,與期親各服其服而人。

若已除服者來預祭,亦釋去華盛之服,皆哭盡哀止。

祝止之。

乃出就次,易服復入哭。

降神,

如卒哭。

三獻,

如卒哭之儀。 祝版同前,但云:「日月不居,奄及小祥,

柔毛,粢盛醴齊,薦此常事,尚饗。」

夙興夜處,小心畏忌。

不惰其身,哀慕不寧。

敢用潔牲

告遷于祠堂。

侑食,闔門,啓門,辭神

皆如卒哭之儀。

止朝夕哭,

者相見,雖已除服,猶哭盡哀,然後叙拜。 惟朔望、未除服者會哭、其遭喪以來、親戚之未嘗相見

始食菜果。

大 祥

再朞而大祥。

前期一日,沐浴,陳器,具饌, 自喪至此,不計閏,凡二十五月,亦止用第二忌日祭,

皆如小詳。

設次,陳禫服,

白爲衣履,其金珠、紅繡,皆不可用。」 大祥間假以出謁者。 司馬公曰:「丈夫垂脚黲紗幞頭,黲布衫、布裹角帶,未 婦人冠梳假髻,以鵝黄、青碧、皂

五〇

使其主祭告訖,❷題神主,如加贈之儀,遞遷而西,虚東以酒果告,如朔望之儀。● 無親盡之祖,則祝版云云,

其餘改題遞遷如前。若親皆已盡,則祝版云云,告畢,未盡者,則祝版云云,告畢,遷于最長之房,使主其祭,云云,告畢,而遷于墓所不埋。其支子也,而族人有親一龕,以俟新主。若有親盡之祖,而其别子也,則祝版

厥明行事,皆如小祥之儀。

埋于兩階之間,其餘改題遞遷如前

惟祝版改「小祥」曰「大祥」,「常事」曰「祥事」。

畢,祝奉神主入于祠堂,

主人以下哭從,如祔之叙。至祠堂前哭止。

徹靈座,斷杖棄之屏處,奉遷主埋于墓側,

始飲酒食肉而復寢。

橝

鄭氏曰:「澹澹然,平安之意。」

大祥之後,中月而禫。

家禮第四

間一月也。自喪至此,不計閏,凡二十七月。

前一月下旬卜日。

前期一日,沐浴設位,陳器,具饌。

設神位於靈坐故處,它如大祥之儀。

● 「望」、《集注》本作「日」。

▶ 「使其主祭告訖」、《集注》本作「告畢」。

五

厥 明行 事 ,皆如大祥之儀

于座。主人以下皆哭盡哀。三獻不哭。 主至祠堂,不哭 爲「禪祭」,「祥事」爲「禪事」。 但主人以下詣祠堂。 祝奉主櫝置于西階卓上,出主置 至辭神,乃哭盡哀。 改祝版「 大祥 送神

居 喪 雜 儀

至。 而 焉,如有從 喪,始死,皇皇如有求 檀 如有 息。』《雜記》:「孔子曰:少連、大連善居 練而 弓》曰:「始死,充 求 慨然,祥而廓然。」〇「顔丁 而 圃 弗得。 弗及,既 既 葬,皇皇如 充 葬 丽 如 ,慨焉如 弗得,及殯,望 行有窮。 有望 不及 既 殯, 善 其 丽 反 望 居 弗 瞿

> 章》。』《檀弓》曰:「大功廢業。 禮 而 治之,義以正之。 察 焉。」《曲禮》曰: 既 葬,讀《 · 祭禮 孝子、弟弟、 「 居 ≫ 喪 喪 復 貞婦 未 或曰:大功, ,葬,讀 常, 皆 讀 可 樂 喪 得

誦 可也。」

今居喪但勿讀《樂章》可

也

雜記》:「三年之喪,言 丽 不 語 對 而

不

問。」

《喪大記》:「父母之喪, 言公事,不言家事。」《檀弓》:「高子臯執親 葬,與人立,君言王事,不言國 言,言己事也。爲人説爲語。 非

事,大夫、士

喪

事

不 言。

既

之喪,未嘗見齒。」

言笑之微。

喪,小功以上,非虞、祔、練、祥,無沐浴。」 《雜記》:「疏衰之喪,既葬,人請見之則見, 不請見人。 小功,請 見人可也。」又:「凡

可

以

觀

其理焉, 彊者可以

觀其志焉。

禮

以

喪服

四制》曰:「仁者可以觀其愛焉,知者

喪,三日不怠,三月不解,期悲哀,三年憂。」

力而行之,可也。 之賢孝君子,必有能盡之者。自餘相時量執事而後行者,面垢而已。」凡此皆古禮,今者,杖而起,言而後事行者,杖而起,身自服四制》:「百官備,百物具,不言而事行服四制》:「頭有創則沐,身有瘍則浴。」《喪《曲禮》:「頭有創則沐,身有瘍則浴。」《喪

致賻奠狀

具位姓某。

某物若干。

食,云「奠儀」。 伏惟 歌納。 謹狀。 年月日,右謹專送上 某人靈筵,聊備 賻儀,香茶酒

封皮"狀上某官靈筵。具位姓某謹封。

具位姓某狀。 降等,不用「年」。

降等,即用面簽,云「某人靈筵。 具位姓某狀謹封。」

謝狀三年之喪,未卒哭,只令子姪發謝書。

某郡姓名。

某物若干。

慰人父母亡疏慰嫡孫承重者同。

某頓首再拜言:降等,云「頓首」。不意凶變,亡

云「先府君」。有契,即加「幾丈」於「某位府君」之上。○者官尊,即云「邦國不幸」。後皆放此。 先某位無官,即

母,云「先某封」,無封,即云「先夫人」。 〇承重,則云「尊

下誠。 亡者官尊,即云「奄捐館舍」,或云「奄忽薨逝」。 祖考某位」、❶「尊祖妣某封」。 亡,即云「憂苦」。 **訃驚怛,不能已已。** 人者,亦云「薨逝」。若生者無官,即云「奄違色養」。 位降等,用「郡望」。 字。不備,謹疏。平交,云「不宣,謹狀」。月日,具 奉疏,平交,云「狀」。 伏惟鑒察。平交以下,去此四 官,即云「職業有守」。 已葬,則云「疏食」。 俯從禮制。 某役事所縻,在 伏乞平交,云「伏願」。降等,云「惟冀」。 强加 溪粥, 哀痛奈何,罔極奈何,不審自罹荼毒,父在母 葬,即云「遽經襄奉」。卒哭、小祥、大祥、禫除,各隨其時。 云「緬惟」。 孝心純至,思慕號絶,何以堪居? 日月流 平交已下,但云「某未由奉慰,悲係增深」。❸ 邁,遽踰 氣 旬朔,經時,即云「已忽經時」。 姓某疏上平交,云「狀」。 力何 未由奔慰,其於憂戀,無任 伏惟平交,云「恭惟」,降等, 如 ? 餘並同。 平交,云「何似」。❷ 奄棄 母封至夫 榮養。 某官 承 謹 已

> 若慰人母亡,即云「至孝」。 降等,即用面簽,云「某官大孝苫次。 封 皮 疏上某官大孝。 苫前。 具 位 郡 望姓名狀謹封」。 姓某謹 封。

五四

封。 重封: 疏上平交,云「狀」。 某官。 具 位 姓某謹

父母亡答人疏●嫡孫承重者同。

某稽顙 擗踊,五内分崩,叩地 妣」。承重,則祖父云「先祖考」,祖母云「先祖妣」。 罪逆深重,不自死滅,禍延 再拜言:降等,云「叩首」,去「言」字。6 叫天,無所 先考。母,云「先 建及。 號 某 日

大孝。

苫前。

母亡,即云「至孝」。平交以下,云「苫次」。

[「]平交云何似」,原無,今據《集注》本增改。 則」、《集注》本作「即」。

[「]增」、《集注》本作「彌」。

[「]人」下、《集注》本有「慰」字。

[「]云叩首去言字」,原作「叩首」,今據《集注》本改。

封

皮、重封並同前。

同。

俯垂 前謹空。 等,云「狀」。 即删此四句。」未由號訴,不勝隕絶。 問,是無相恤之心,於禮不當先發書。不得已,須至先發, 哀感良深」。○司馬公曰:「凡遭父母喪,知舊不以書來弔 問,哀感之至,無任下誠。 几筵,苟存視息。 全。即日蒙 在母亡,即云「偏罰罪 者稱「孤孫」、「哀孫」、「孤哀孫」。 日 ,孤子母喪,稱「哀子」,,俱亡,即稱「孤哀子」。 慰問,其爲哀感,但切下懷」。降等,云「特承慰問, 平交以下,去此二字。 荒迷不次。 恩,平交以下,去此四字。 深」。 伏蒙 祖父母亦如之。 謹 疏 姓名疏上某位。 平交,云「仰承尊慈,❷ 尊慈,俯賜 降等,云「狀」。 謹奉疏,降 祗奉 無 望 承重 月 慰 生 座

> 慰人祖父母亡啓狀謂非 兄姊弟妹、妻、子、姪、孫同 承重者。 伯 叔父母、

月不居,奄踰

旬朔,隨時。

同

煎

酷罰

罪苦,父

位,奄 怛」。 伏惟「恭緬」,見前。 孝心純至,哀慟摧裂, 但云「賢閣」。〇子,即云「伏承令子幾某位」。姪、孫並 宅」「尊姑」、「令姊妹」。〇妻,則云「賢閤某封」,無封,則 行第,云「幾某位」,無官云「幾府君」。 契,已見上。○伯叔父母、姑,即加「尊」字。 兄姊弟妹,加 某啓:不意凶變,子、孫,不用 不能已已。妻,改「怛」爲「愕」。子、孫,但云「不勝驚 「幾兄」於「某位府君」之上。 「令」字。降等,皆加「賢」字。 降等,則曰「賢」。 忽違世。 祖母,曰「尊 無官者,稱「秀才」。 姑、姊妹,則稱以夫姓,云「某 若彼一等之親有數人,即 祖妣某封」。 此 有契,即加「幾丈」、 句。 承計驚怛, 尊 無官封 祖 考某 有 加

祖父母亦如之」、《集注》本作「父先亡則母與父同」。

0

尊慈」《集注》本作「仁恩」。

五六

平交,如 前。 尊體何似? 痛 義 何可堪勝」。 何 服 前 未由趨慰,其於憂想,無任下誠。 云「遠誠」,連書不上平。 重,悲悼沈痛」。❶ 可 前。 謹奉狀,伏惟 深自寬抑, 餘與伯叔父母、姑同。 勝 前。 平交,云「服次」。 任 兄姊弟妹,則云「友愛加隆」。 ? 謹狀。 降等,云「所履」。 伯 以慰 叔父母、姑, 子、姪、孫,則云「慈愛隆深,悲動沈 月 日,具位姓名狀上某位 封皮、重封同 鑒察。平交,如前。 某事 孟春猶寒,隨時。 慈念。 云「親愛加隆,哀慟 役 伏乞平交以下,如 (所縻, 其人無父母,即但 妻,則 平交以下,如 前 在 官 不備。 云「伉 不 如 沈 前。 審 痛 儷

祖父母亡答人啓狀謂非承重者。 兄姊弟妹、妻、子、姪、孫同 伯叔父母、姑、

某啓: 不幸」。 家門 妻,云「私家不幸」。2 凶 禍,伯叔父母、姑、兄姊弟妹,云「家門 子、姪、孫,云「私 門不

> 幸」。 未由 某即 居萬 問,哀感之至,不任下誠。 姊。 春猶寒,隨時。 孫,改「悲悼」爲「悲念」。 棄背,兄、弟以下,云「喪逝」。子、姪、孫,云「遽爾夭折」。 痛苦摧裂,不自勝堪。 云「小子某」。姪,云「從子某」。孫,曰「幼孫某」。 叔父母」。姑,云「幾家姑」。 摧 痛酸楚,不自堪忍」。 弟、妹,云「幾舍弟」、「幾舍妹」。 福。 面 日 先祖考祖母,云「先祖妣」。 訴,徒增 平交,不云「起居」。 侍奉,無父母,即不用此句。 伏惟「恭緬」,如前。 1哽塞。 伏蒙 妻,改「摧痛」爲「悲悼」。子、姪、 謹奉狀上平交,云「陳」。 伯叔父母、姑、兄姊弟妹,云 兄、姊,云「幾家兄」、「幾 降等,但云「動止萬福」。 平交、降等,如前。 尊慈,特賜 妻,云「室人」。子, 伯 叔父母,云「幾 某 幸免它苦, 位 尊體 奄忽 起 孟 慰 伯

0

⁰ 悼」、《集注》本作「慟」。

[「]私家」下,原書竄入一頁亂版,今據《集注》本删。

幸不幸子姪孫」,今據《集注》本改。 私家不幸子姪孫云私門不幸」,原作「私家云私門不

家 第 Ŧ<u>i</u>

祭

四 時 祭

時祭用仲月,前旬卜日。

北上。子孫立於主人之後,重行,西向,北上。 服,立於祠堂中門外,西向。兄弟立於主人之南,少退, 孟春下旬之首,擇仲月三旬各一日,或丁或亥,主人盛 日,諏此歲事,適其祖考,尚饗。」即以珓擲于盤,以 笏,焚香薰珓,而命以上旬之日,曰:「某將以 於主人之前,設香爐、香合、环珓及盤於其上。 仰爲吉。不吉,更卜中旬之日。又不吉,則不復卜, **以來月某** 主人 搢 置卓子 一俯

前期三日齋戒。

退。

祗薦歲事于祖考,有司具脩。]執事者應曰:「諾。」乃 祝立于主人之右,命執事者曰:「孝孫將以來月某日, 主人以下復西向位。

執事者立于門西,皆東面,北上。

吉」。主人再拜,降復位,與在位者皆再拜。

祝闔門。

事于祖考,卜既得吉,敢告。」用下旬日,則不言「卜既得 跪于主人之左,讀曰:「孝孫某,將以來月某日,祗薦歲 立,如朔望之位,皆再拜。主人升,焚香再拜。

祝執辭

丽

直用下旬之日。

既得

日,祝開中門,主人以下,北

齋于内。 前期三日,主人帥衆丈夫致齋于外, 沐浴,更衣。 飲酒,不得至亂,食肉,不 主婦帥衆婦 ·得茹 女致

前 日,設位陳器

葷。

不弔喪。不聽樂。

凡凶穢之事,皆不得預

蠲潔。 主人帥衆丈夫深衣,及執事灑掃正寢,洗拭倚卓,務令 設高祖考妣位於堂西北壁下,南向。 考西妣東

「祭禮」,原無,據《集注》本補。 第五」,原無,據全書通例補。

五八

解大床于其東。 解大床于其東。 解大床于其東。 解大床于其東。

省牲,滌器,具饌。

鼠所污。 鼠所污。 卷二串,務令精潔,未祭之前,勿令人先食及爲猫犬蟲各二串,務令精潔,未祭之前,勿令人先食及爲猫犬蟲品,肉、魚、饅頭、糕各一盤,羹、飯各一椀,肝各一串,肉祭器,潔釜鼎,具祭饌。每位果六品,菜蔬及脯醢各三主人帥衆丈夫深衣省牲涖殺,主婦帥衆婦女背子滌濯

厥明夙興,設蔬果酒饌。

端,盞西楪東,匙筯居中。設玄酒及酒各一瓶于架上,位卓子南端,蔬菜、脯醢相間次之。設盞盤、醋楪于北主人以下深衣,及執事者俱詣祭所,盥手。設果楪於逐

下大床上。瓶。主婦背子炊煖祭饌,皆令極熱,以合盛出,置東階瓶。主婦背子炊煖祭饌,皆令極熱,以合盛出,置東階玄酒,其日取井花水充。在酒之西,熾炭于爐,實水于

質明,奉主就位,

在後。 考 謚,皆如題主之文。祔食,謂旁親無後者及卑幼先亡 各以執事者一人捧之。主人出笏前導,主婦從後,卑 者,無即不言。告訖,搢笏斂櫝。 奠獻。」告辭,仲夏秋冬,各隨其時。 官府君,某親某封某氏祔食,敢請神主出就正寢,恭 妣某封某氏,皇考某官府君,皇妣某封某氏,以某親 某官府君,皇曾祖妣某封某氏,皇祖考某官府君,皇祖 事于皇高祖考某官府君,皇高祖妣某封某氏,皇曾祖 階,搚笏焚香,出笏,告曰:「孝孫某,今以仲春之月,有 者,在主婦之後重行,皆北向東上,立定。主人升自 婦之左,其長於主母主婦者皆少進。子孫婦女内執 於主婦之前,諸伯叔母諸姑繼之。 嫂及弟婦姊妹在 如告日之儀。主婦西階下,北向立。 主人以下各盛服,盥手帨手,詣祠堂前。 `神主出就位。 至正寢,置于西階卓上。 主婦盥帨升,奉諸妣神主亦如之。 主人播笏啓櫝,奉 正位祔位,各置一笥 祖 主人有母則特位 考有無官爵 衆丈夫叙立 諸 其 幼 封 伸 某 事 主

家禮

祔位,則子弟一人奉之。既畢,主人以下,皆降復位。

參神,

者,休於它所。主人以下叙立,如祠堂之儀。立定再拜。若尊長老疾

降神,

進饌,

初獻,

牲柔毛,粢盛醴齊,祗薦歲事,以某親某官府君,某親 版立於主人左,跪讀曰:「維年歲月朔日子,孝元孫 兄弟之長一人奉之,奠于高祖考妣前匙筯之南。 執事者亦跪。主人受高祖考盤蓋,右手取蓋祭之茅上。 立。 稱 封某氏祔食,尚饗。」畢,興。 曾祖前稱「孝曾孫」。 氏,氣序流易,時維仲春,追感歲時,不勝永慕,敢以 官某,敢昭告于皇高祖考某官府君,皇高祖妣某封 出笏,俛伏。興,少退立。執事者炙肝于爐,以碟盛之, 以盤盞授執事者,反之故處。受高祖妣盤盞,亦如之。 奉高祖妣盤盞,亦如之。 冬月即先煖之。主人 搢笏,奉高祖考盤盞位前,東向 極」。〇凡祔者,伯叔祖父祔于高祖,伯叔父祔于曾祖 人,奉高祖考妣盤盞立于主人之左右。主人,攢笏跪, 主人升,詣高祖位前。 「孝孫」。考前稱 執事者西向,斟酒于蓋,主人奉之,奠于故處。次 「孝子」,改「不勝永慕」爲「昊天罔 執事者一人,執酒注立于其右, 出笏,位前北向立。 執事者二 祝取 祖 某 潔 某

❷ 「受盤盞」、《集注》本作「執盤」。

位,酌獻如儀。但不讀祝。獻畢,皆降復位。執事者以畢,即兄弟衆男之不爲亞終獻者,以次分詣本位所祔之見上。主人再拜,退詣諸位,獻祝如初。每逐位讀祝

亞獻,

它器徹酒及肝,置盞故處。

主婦爲之。諸婦女奉炙肉及分獻,如初獻儀。但不讀

終獻,

祝。

如亞獻儀。 兄弟之長或長男或親賓爲之。衆子弟奉炙肉及分獻,

侑食,

南。主婦升,扱匙飯中,西柄,正筯,立於香案之西南。主人升,攢笏,執注就斟諸位之酒,皆滿,立于香案之東

闔門,

皆北向。

再拜,降復位

於門東,西向,衆丈夫在其後,主婦立於門西,東向,衆主人以下皆出。祝闔門。無門處即降簾可也。主人立

啓門,

婦女在其後。

如有尊長,則少休於它所,此所謂厭也。

袝位,使諸子弟、婦女進之。 它所者,亦入就位。主人主婦奉茶,分進于考妣之前,祝聲三噫歆,乃啓門。主人以下皆入。其尊長先休于

受胙,

向。 致多福于汝孝孫,使汝受禄于天,宜稼于田,眉壽永年 少許、奉以詣主人之左、嘏于主人曰:「祖考命工祝、承 笏,俛伏,興,立於東階上,西向。 執事者受蓋,自右置注旁,受飲自左,亦如之。 **攢笏,跪受飯,嘗之,實于左袂,掛袂于季指,取酒卒飲。** 勿替引之。」主人置酒于席前,出笏,俛伏,舆,再拜, 笏,受盤盞,祭酒啐酒。 前,舉酒盤盞,詣主人之右。 執事者設席于香案前,主人就席,北 告利成,降復位,與在位者皆再拜。 祝取匙并盤,抄取諸位之飯各 主人跪,祝亦跪。 祝立於西階上,東 面。 祝 主人不拜 詣 主人執 主人 搢 高 祖 考

- 「行」、《集注》本作「孫」。
- ❷ 「東向」,原無,今據《集注》本增改。

禮第五

家

家 禮

降復位。

辭 神,

主人以下皆再拜。

納主,

徹,

堂,如來儀 主人主婦皆升,各奉主納于櫝。 主人以笥斂櫝,奉歸祠

之。

所謂福酒;

果蔬、肉食並傳于燕器,主婦監滌祭器而藏

麵

主婦還監徹酒之在盞注它器中者,皆人于瓶,緘封之,

餕。

是日,主人監分祭胙品,取少許置于合,并酒皆封之,遣 僕執書歸胙於親友,遂設席。 男女異處,尊行自爲一

酒

列,南面,自堂中東西分首。若止一人,則當中而坐,其 左。 立。 世爲一行,以東爲上。皆再拜。子弟之長者一人少進 餘以次相對,分東西向。 獻者抒笏跪,弟獻則尊者起立,子姪則坐。 執事者一人執注立于其右,一人執盤盞立于其 尊者一人先就坐, 衆男叙立, 受注斟 酒

> 皆盡,受者皆再拜,乃徹席。 就斟在坐者徧,俟皆舉,乃再拜退,遂薦米食,然後泛行 男詣中堂,獻女尊長壽,女尊長酢之如儀。 長於内,如衆男之儀,❶但不跪。 男進揖,退立飲。 位,斟酒皆徧。 人頒胙于外僕,主婦頒胙于内執事者,徧及微賤。 笏,尊者舉酒。 祀事既成,五福之慶,與汝曹共之。」命執事者以次就 食。 ,間以祭饌酒饌,不足,則以它酒它饌益之。將罷,主 五 諸婦女詣堂前,獻男尊長壽,男尊長酢之如儀。 尊者命取注及長者之盞置于前,自斟之。 福,保族宜家。」授執盞者,置于尊者之前。 内外執事者,各獻內外尊長壽如儀,而不酢,遂 畢,長者俛伏,興,退復位,與衆男皆再 長者進跪受飲畢,俛伏,興,退立。 長者與衆男皆再拜。 既畢,乃就坐,薦 諸婦女獻女尊 乃就坐,薦 祝曰: 長者出 其日 衆 衆 肉

儀。 無,疾則量筋力而行之,財力可及者自當如

凡祭,主於盡愛敬之誠而已,貧

則

稱

家

之有

0 儀」,原作「義」,今據《集注》本改。

反注受盞。

祝曰"「祀事既成,祖考嘉饗,伏願某親,備

冬至祭始祖。

程子曰:「此厥初生民之祖也。冬至一陽之始,故象其

類而祭之。」

如時祭之儀。前期三日齋戒。

前期一日設位,

位於堂中間北壁下,設屏風於其後,食牀於其前。主人衆丈夫深衣,帥執事者灑掃祠堂,滌濯器具,設神

陳器,

便。神位用蒲薦,加草席,皆有緣,或用紫褥,皆長五確祭器,潔釜鼎,具果楪六、盤三、杅六、小盤三、盞盤匙溜祭器,潔釜鼎,具果楪六、盤三、杅六、小盤三、盞盤匙避祭器,潔釜鼎,具果楪六、盤三、杅六、小盤三、盞盤匙

具饌。

二寸,二寸之下,乃施版,面皆黑漆。

牀以版爲,❶面長五尺,陽三尺餘,四圍

亦以版,高

尺食

尺,闊二尺有半。

屏風如枕屏之制,足以圍席三面。

厥明夙興,設蔬果酒饌。

十一體實烹具中、❸以火爨而熟之、盤一杅六置饌牀毛血腥盤切肝肉皆陳于階下饌牀上、米實階下炊具中、尺五寸、盤盞各一於筯西、果子在食牀南端、蔬在其北、尺五寸、盤盞各一於筯西、果子在食牀南端、蔬在其北、居工,

- ❶ 「版」、《集注》本作「板」。
- 「盞」,原無,今據《集注》本增改。

0

「一」、《集注》本作「二」。

家

禮第

五

六三

禮

質明,盛服就位,

上。

如時祭儀。

降神,参神,

以冬至有事于皇始祖考、皇始祖妣,敢請尊靈降居神 主人盥升,奉脂盤詣堂中爐前,跪,告曰:「孝孫某,今 位,恭伸奠獻。」遂燎脂于爐炭上,俛伏。 執事者開酒,主人跪,酹,如時祭之儀。 興,少退立,再

進饌,

拜。

之,飯在盞西,大羹在盞東,鉶羹在大羹東。皆降,復 不和者,又以杆二盛肉涪以菜者,奉以進。主人受,設 設之于蔬北,西上。 主人升,詣神位前。 人受,設之腥盤之東。執事者以杅二盛飯,杅二盛肉湆 執事者出熟肉、置于盤、奉以進、主 執事者奉毛血腥肉以進,主人受,

位。

初獻,

如時祭之儀。 昭告于皇初祖考、皇初祖妣,今以中冬陽至之始,追惟 小盤以從。 祝辭曰:「維年歲月朔日子,孝孫姓名,敢 但主人既俛伏興,兄弟炙肝,加鹽,實于

> 終獻, 如時祭之儀。

> > 但衆婦炙肉加鹽以從。

亞獻

尚饗。」

報本,禮

不 敢 忘,謹

以潔牲柔毛,粢盛醴

齊,祗薦歲事,

如時祭及上儀。

侑食,闔門,啓門,受胙,辭神,徹餕。

並如時祭之儀。

祖繼始祖、高祖之宗得祭。 繼始祖之宗,則

先

自初祖而下,繼高祖之宗,則自先祖而下。

立春祭先祖。 程子曰:「初祖以下,高

祖

以上之祖也。

立春生物

之

始,故象其類而祭之。」

前三日,齋戒。

如祭初祖之儀

六四

前 一日,設位陳器。

如祭初祖之儀。 于堂中之東。 蔬果楪各十二、大盤六、小盤六。 但設祖考神位于堂中之西,祖妣 餘並 神位

同

具饌。

如祭初祖之儀。 盤,脂蒿爲一盤,切肝兩小盤,切肉四小盤。 但毛血爲一盤,首心爲一盤,肝肺爲 餘並同。

厥明夙興,設蔬果酒饌。

如祭初祖之儀。 但每位匙筯各一,盤盞各二,置階下饌

牀上。餘並同。

質明,盛服就位 ,降神,參神

如祭初祖之儀。 但告辭改「始」爲「先」。餘並同。

進饌,

二節、脊三節、後足上一 如祭初祖之儀。 足一節、脅三節、後足下一節。 但先詣祖考位,奉毛血、首心、前足上 節,次詣祖妣位,奉肝、肺 餘並同。 前

初獻

如祭初祖之儀。 炙肝兩小 盤以從。 但獻兩位,各俛伏興,當中少立,兄弟 祝詞 改 「初」爲「先」,「中冬陽至」爲

家 禮

第 五.

「立春生物」。

餘並同。

亞獻,終獻

侑食,闔門,啓門,受胙,辭神,徹餕。 如祭初祖之儀。但從炙肉各二小盤。

並如祭初祖儀。

禰繼禰之宗以上皆得祭,惟支子不祭。

季秋祭禰。

程子曰:「季秋,成物之始,亦象其類而祭之。」

前 一月下旬卜日。

如時祭之儀,惟告辭改「孝孫」爲「孝子」,又改「祖考妣」

爲「考妣」。 若母在,則止云「皇考」,告于本龕之前。 餘

並同。

前三日齋戒。 前一日,設位陳器。

如時祭之儀。 但止於正寢,合設兩位於堂中,西上。 香

案以下並同。

具饌。

六五

如時祭之儀,二分。

厥明夙興、設蔬果酒饌。

如時祭之儀。

質明,盛服,詣祠堂,奉神主出就正寢,

物之始,有事于皇考某官府君、皇妣某封某氏。」 如時祭于正寢之儀。但告辭云:「孝子某,今以季秋成

參神,降神,進饌,初獻,

某官府君、皇妣某封某氏,今以季秋成物之始,感時追 如時祭之儀。但祝辭云:「孝子某官某,敢昭告於皇考

慕,昊天罔極。」餘並同。❶

亞獻,終獻,侑食,闔門,啓門,受胙,辭神,

納主,徹餕。

並如時祭之儀。

忌 日

前 一日齋戒,

如祭禰之儀

質明,主人以下變服,

如祭禰之儀。

厥明夙興,設蔬果酒饌。

如祭禰之儀,一分。

禰則主人兄弟黲紗幞頭,黲布衫,布裹角帶。 祖以上則

黲紗衫。❷ 旁親則皂紗衫。 主婦特髻去飾,白大衣,淡

黄帔。餘人皆去華盛之服。

詣祠堂,奉神主出就正寢,

如祭禰之儀。但告辭云:「今以某親某官府君遠諱之

本補。

「上」、《集注》本作「下」。

0

如時祭」至「餘並同」凡四十九字,原脱,今據《集注

如祭禰之儀。 但止設一位。

陳器,

如祭禰之儀。

具饌。

設位,

六六

參神,降神,進饌,初獻

如祭禰之儀。但祝辭云:「歲序流易,諱日復臨,追遠

旁親云:「諱日復臨,不勝感愴。」若考妣,則祝興,主人 感時,不勝永慕。」考妣改「不勝永慕」爲「昊天罔極」。

以下哭盡哀。餘並同。

亞獻,終獻,侑食,闔門,啓門,

並如祭禰之儀。但不受胙。

辭神,納主,徹。 並如祭禰之儀。但不餕。

是日不飲酒,不食肉,不聽樂,黲巾,素服,

素帶以居,夕寢于外。

墓

祭

三月上旬擇日。 前一日,齋戒,

如家祭之儀

具饌

家 禮 第 五

厥明灑掃,

后土。

墓上每分如時祭之品,更設魚肉米麵食各一大盤以祀

主人深衣,帥執事者詣墓所,再拜。

繞,哀省三周,其有草棘,即用刀斧鉏斬芟夷灑掃。 奉行塋域,内外環

復位,再拜。又除地於墓左,以祭后土。

布席,陳饌,

用新潔席陳於墓前。 設饌,如家祭之儀。

參神,降神,初獻,

如家祭之儀。 但祝辭云:「某親某官府君之墓,氣序流

易,雨露既濡,瞻掃封塋,不勝感慕。」餘並同

亞獻,終獻,

並以子弟親賓爲之。

辭神,乃徹,遂祭后土,布席,陳饌,

四盤于席南端,設盤盞匙節于其北。

餘並同上。

降神,參神,三獻

0 「晨」、《集注》本作「辰」。

六七

同上。但祝辭云:「某官姓名,敢昭告于后土氏之神,

某恭修歲事,于某親某官府君之墓,惟時保佑,實賴神

家禮卷五終❶ 辭神,乃徹而退。

休,敢以酒饌敬伸奠獻,尚饗。」

0 「卷五終」,原無,據全書通例補。

家禮附録

《年譜》〇黄籥云:先生既成《家禮》,爲一行童竊《年譜》〇黄籥云:先生既成《家禮》,自年後來之時歲之論不合者,故未嘗爲學者道也。○陳淳云:生晚歲之論不合者,故未嘗爲學者道也。○陳淳云:編來,因得之。○楊復云:《家禮》始成而失之,不及再加考訂。先生既没,而書始出。愚嘗竊取先生後來之加考訂。先生既没,而書始出。愚嘗竊取先生後來之考訂議論,以與朋友共參考云。

之「東廟」。太廟亦然。〇司馬公曰:所以先生曰:今廟制以西爲上。至禰處謂

西上者,神道尚右故也。

按先生論廟制詳見《中庸或問》

第

二十章。

之。 却有古宗法意。 從兄弟。 今且説同居,同出於曾祖,便 及叔伯父之類,則須令其嗣子别得祭之。 族家行之,做箇樣子,方可使以下士大夫行 今要如宗法祭祀之禮,須是先就宗室及世 父。又次日,却 孫與祭。次日,却令次位子孫自祭其祖及 者之嫡孫,當一日祭其曾祖及祖及父,餘 先生曰:人家族衆或主祭者不可 衮做一處祭,不得。 令次位子孫 古今祭禮 ,這般處皆有之。 自祭其父。 有從兄弟及再 要好,則主祭 以祭 此

者,曾祖、祖、考皆然。 亡者。纔祭高祖畢,即使人酌獻祔于高祖亡者。纔祭高祖畢,即使人酌獻祔于高祖一楊氏曰:祔位,謂旁親無後,及卑幼先

六九

恐 不 得 先 專 生 精 曰 於 : 元 祭 事 旦 , 某 在 鄉 官 里 者 却 有 止 朝 於 謁 除 之 夕前 禮

禮

四

日

行

事

此

亦

更在

棋

酌

也

之俗 安。今人既以 處 隆 如 則飲食燕樂隨俗自如 燕,况今於此俗節既 祖考,而復以其物享之,雖非禮之正,然 陳於廟中,而 人情之不能已者。且古人不 無 事存之意也。 得好,謂之節祠,殺於正祭。 殺 疑 引以其 之節 矣。 節,古所無 問 俗 答南軒 節之祭 (所尚 而 盡 以告朔之禮奠焉 先生書 爲 乎委曲之情,可 之時、所用之物 愚意 有,故古人雖 重,至於是日不能不 如 何 ? 已據 非 時祭之外,各因 事 經 先 死 而 (生日: 不祭,情 如 廢 祭則不 〇又曰 則庶 行於久遠 奉 祭,而 事 以 生、 韓 幾合乎 大槃, 鄉 事 敢 思 魏 生 亦 俗 面 者 以 亦 其 自 公

先 生日: 焚黄 近 世行 之墓次,不知於

> 禮 何 據 ? 張 魏 公贈 謚 只告于 廟,疑 爲 得

按先生《文集》有《焚黄祝文》云: 告于家廟

四 代 以 上 則 可不祭否? 先生曰: 若是始

問

而

今士庶亦有始基之祖

,只祭四代,

基 三之祖 ·,想 亦 只存得墓祭。

楊氏曰: 按《祠堂》章云:始祖 親 盡 則藏其主於墓

説 所。 文》: 周制寸尺咫尋,皆以 深衣》章云:「度用指尺。」楊 然則墓所必有祠堂以奉墓祭。 人之體 氏 爲 日 法 :

楊氏云:按《禮記・深衣》篇云:「袂之

先生謂 後 長 之象;謂 幅 幅 短 之縫 裁之如鉤 蔡淵 反屈之及肘。」然則未嘗以 方 屬衽 左右 領 云: 者, 鉤 而 深 交鉤 只是衣領既 邊者,只是連續裳旁,無 綴于裳旁也。 衣 方 。 即 領 與 爲 屬 鉤 交則 衽 邊 一幅爲 方領之説 一**,** 非 鉤 自 邊 有 有 之制 拘。 别 如 先 前 矩 布

按

生已修之《家禮》矣,而續衽鉤邊則未及修

自。 邊。」鄭注云:「續猶屬也。屬音燭。衽, 屬 云: 側。」《深衣》。 曲 鉤,讀如『鳥喙必鉤』之『鉤』,鉤邊若今 在裳旁者也。 後,上下相變。」《玉蘽》。 又云:「續衽鉤 殺而下,或殺而上,是以小要取名焉。 互之義。 注云:「純,謂緣之也。 邊,衣裳 衣則 .裾也。」又云:「純邊。」純,之允反。 已難 「衽謂裳幅所交裂 其釋 唯 復按《禮記》云:「衽當旁。」鄭 、曉,而 朱 垂而放之,屬裳則縫之以合前 諺所謂鉤 鉤邊之義,以 先生之説爲簡明,蓋 鄭氏 引曲裾爲證 屬連之,不殊裳前後也。 牽、鉤 釋 續衽 連是 也。 鉤 也。 ,又復不可考 如鳥喙必鉤 之義 凡衽者,或 邊 則 者裳 鉤 有交 其 鄭 之 明 注 幅

> 名,注 之 故因得衽之名,注所謂衽在裳旁者也。 衽處,下垂以掩裳際,以其 是也。若夫交解布一 ○衽蓋 者似又鳥喙之别名也。 須,卵無毛 云:「鉤有須, 楊氏曰: 其交解而爲深衣之裳者,亦因得衽之 布之交解而屬於衣者,既謂之衽。故 側 消調 所謂衽謂裳幅所交裂者也 衣襟交結之處,所謂左衽右 而曰有毛,蓋堅白異同之論 請期之禮具書,遺使如女氏 其相 卵有毛。」鳥之喙 掩 而交鉤 幅沓而綴於衣之 因 也。 附記 上 無須 屬於衽 巾 按 一于此 而 荀 則 日 子 衽 鉤 有

之儀。
女氏受書、復書、禮賓,使者復命,並同納采女氏受書、復書、禮賓,使者復命,並同納采場氏曰:請期之禮具書,遣使如女氏,

務本實,以自附於孔子從先進之意」矣,故今不得而悉從《儀禮》及温公《書儀》之詳,愚謂文公固曰「略浮文,使者致辭,一用《儀禮》。〇按,楊氏於《家禮》多欲

録 之也

爲是,近則迎於其國 先生 日 親 迎 之禮 ,遠則迎於其館 恐 當 從 伊 川 妻家就 之 説

近設一處,壻即就彼迎歸

乘 墨 車 先 前 生曰:昏禮用 執鴈,皆大夫之禮 命 服,乃是古禮, 也 如 士

配後 説 然其 廟 而《左傳》曰:「圍布几筵,告於 。」是古人亦 後 先生 恐所謂 祖 一之説。 説 曰:《儀 親 後祖者 迎 有告廟之禮。 先生曰:《左氏》固 處 禮》雖 亦 ,譏其失此禮耳。 有 布几筵告廟 無娶妻告廟之文, ○問《左氏》先 莊、共之 難 而 盡 來之 信,

面 人迎于門 人揖入,三揖三讓。 ,奠鴈。今宜從之。 楊 氏 外, 曰 西 勉 面 齋先 再 拜。 生定 主人升 賓 龔 東 氏 西 面答 親 面,賓升 迎 拜。 禮 北 主 主

司馬公曰:女子與丈夫爲禮

則俠

(音夾)

月之久,亦須第二日見舅姑,第三日

. 廟見,

了,舅姑方令見祖廟。

某思量,今亦不能三

恭,亦事理之宜,不可廢 無壻婦交拜之儀,今世俗始相見交拜,拜致 拜 `男子以再拜爲禮,女子以 也。 四 拜 爲禮。

是。 禮。 古禮 得於夫,方可見舅姑,到 揖入内,次日見舅姑,三月而 小女,這不是。 者即出。」不先見妻父母者,蓋以婦未先見舅姑也。 古人意。 禮,都是依《儀禮》,只是各改一處,便不 入些己意,便做病。 以後則從伊川。〇又曰:人著書,只是自 司馬禮. 古人初 如 先生曰:某定昏禮,親迎用温公,入門 此。 司馬禮云:「親迎,奠鴈,見主 伊 却說 未 成 川却教 伊, ,婦人門即 婦,次日方 川云:「壻迎婦既至,即 司馬文正與伊 拜了,又入堂拜大 兩三月得 拜影堂,這又 見舅姑。 廟 見。」是古 舅 Ш 姑 蓋 定 先 男 是 是 昏

地,故 喪 廢牀 高 氏 寢 日 於地 庶 始 死 其生氣之復 廢 、 牀,寢 也。 於地。 本出《儀禮 人始 記記 生 及 在

貧者 大斂 明 襲則 從簡 小 按 宜用之,若衣多不 衣三稱 有 約,韜以衾冒,皆所以 初 高元 襲 斂 述《家禮》,皆 日,大斂。 削 易 所 丽 無冒,大斂則無絞終,此爲疎略。 有 司馬公曰: 能 無大小斂,所闕多矣。 ,襲、斂用衣 據死者所 布紋,大斂 ,衣單複具曰 用 禮 辦 也。 顛倒衣裳,使 經,襲斂 取 古者 有之衣及親友所襚之衣 今從簡易,襲用 稱。 司 有 必 少,故· 盡 馬 布 保其肌體也。 等而上之有差,此 死 公《書儀》。 絞 用 用 之 小斂雖 也。 布 衣 明 之正 給。 多,故襲有冒 日 然古者士 ○楊氏 ¨; 小 方, 有布 衣 司 一稱,小 束 馬 今世 斂。 後 紋 公欲 E. 先生 與 以 隨 非 襲 又 學 而 俗 絞

謹

也。

然欲悉從高氏之説,誠 用《儀禮》。 者論禮,以 司 摇首。 問 用 馬公之所慮者,但當量其 詳略之中,酌貧富之宜,學禮者不可以 略。」范元裕 萬 疾。 如 一不諱 何 蔡沉復請曰:「《儀禮》、《書儀》參 葉味 按李、 ?」乃頷之。 高氏 此 可以 道因 請 當 方子述先生年譜云:諸生人 【喪禮爲最 曰 : 用 請曰:「先生之疾革矣 見其・ \sim 書 用《儀禮》乎?」先生 非 然則通古今之變,參 儀 去取 :貧者 善。 》乎?」 力之所及可 折 所 遺 衷之意矣。 命 能 治喪,俾 辦,有如 也 疎

帛依 於古 然 曰 且 問重。 古人遺衣裳,必置於靈 也。 如温 神。 公之説 ○楊氏 温 先生曰:三禮圖,有畫象可考。 一公用 日 亦自 魂 帛,蓋 按禮、大夫無主者,束 合時 之宜 座 本 既 於 一,不 此。 而 必 藏於 高 過 廟 氏 泥

家

禮

附

録

七四

中。 恐當從之。 而 加 魂帛於其上 可 也

辟,猶 也。 當領 差誤 各 摺 法也。合二尺二寸者四,疊爲四重,從一角 尺有二寸。」蓋指衣身自領至要之長 加 寸,故曰 後,爲二尺二寸者四,此即尋常度 四寸者二,又取四尺四寸者二,中摺 之左右各 適博 兩 有 兩肩 向 相 處 用布八尺八寸,中 ,自《通典》始。 外 楊 四 開 四 向 氏 寸 加 上,以爲 四寸下取方,裁 外 辟 也。 寸」,注 有四 曰 虚 兩 ,各四寸」是也 領。 處 肩 從一 喪 寸 上 當 左 以 疏 服 虚 脊 以 右 角當領處取方,裁開 此 所 制 適 處當 爲左右 按《 丽 辟 謂 度 相), 故 曰 斷 領 「辟領 喪 入四寸, 惟 胸 並 以分左右,爲 四 服》記云:「衣 辟領 辟 , 謂 適,故後之左 而 一寸,反 適。 領 相 四 之闊 對 四寸,既 乃 乃疏 寸」是 衣 摺 節 記 亦謂 中。 身之常 而 以 浴 向 入四 言之 所 所 分前 四 也。 外, 謂 之 反 謂 尺 襲

> 接,以 加 布 謂 闊 與裁之之法也。 謂「而又倍之」者是也。 前之闊中者又倍之,而 中者用布八寸,而上一半從項 辟領各四寸處 去不用,只留中間 中分之,其下一半裁斷 也 加於前 布之中間從項上分左右對 辟 别用 中 o 領八寸是 條縱長一尺六寸,横闊 注 爲 之 又 此 布一 左右領也。 云「加 闊 則 中,與 衣 尺六寸,以 而塞 也。其上一尺六寸不裁 身 辟 古者 所用 八寸,以 領 元 其闕,當脊相並處。 夫下 八 裁 衣 左右 布 爲一尺六寸焉, 寸 • 此 斷 塞 服 之 一 半 則衣領 摺,向 加 處 吉凶 前後之闊 八寸,又縱 兩端各四寸,除 數 而 當 後之闊 與 而 加 胸 又倍之」者 異制 前 相對 裁之之法 所用 下 於 垂下 中元 以 後 此所 中也。 故故 處 摺 之 此 之 加 ",以 布 衰 闊 所 於 相 謂 裁 而

⁰ 辟領」、《儀禮 • 喪服》注作「闊

服 又當少寬其布,以爲針縫之用。然此即衣身與衣 凡 尺六寸,合爲一丈四寸也。此是用 領與吉服領不同, 用布一丈四寸」者,衣身八尺八 而 其 制 如 此。 寸, 注又云 布 Ē 衣 數。 領

矣。 之數,若負衰帶下及 但領必有 1袷, 此. 布 兩衽,又在此數之外 何從出 乎 ? 曰,衣

領用布闊八寸,而長一尺六寸,古者布幅 一尺二寸,除衣領用布闊八寸之外,更餘 闊 闊

尺四寸,而

長

尺六寸,可以分作三條

施

適,本用注疏,又自謂《喪服》記文難曉,而 於袷而適足無餘 欠也。 《 通 典》以辟 領 爲

制 用 領所用 臆説以參之,既别用 何布,又不計 衣 布 身衣領用 以 爲 辟 領,又不言 布之數,

失之矣。 布一尺六寸以爲領,凡用 但 知 衣身八尺八寸之外,又别用 布共一丈四尺,則

又 按 喪 服 記 及注 云:「袂二尺二 文

義

不待

辯

而

自

[明矣。

寸,縫合其下一尺,留上一尺二寸,以爲袖 二寸,欲使縱橫皆正 寸。」緣衣身二尺二寸,故左 云:「袪尺二寸。」袪者,袖 也。 方 也。 口也。 右兩袂亦二尺 喪 袂二尺一 服 記》又

綴兩衽於其旁也 腰,則以腰之闊狹 衣帶之下,用縱 尺二寸,僅至腰 者上衣下裳,分别上下,不相侵越。 又按《喪服》記云:「衣帶下尺。」 布 丽 爲準,所以掩裳 止,無以掩裳上際,故 一尺,上屬 於衣 上際 ()横繞 衣身一 緣古 而 於 後

經圍九寸、七寸之類亦同 已上度用指尺,中指中節爲寸。 首經、 腰

裁辟 領 四

家

禮

領中塞八寸尺長布别 圖爲闊寸廣六一横用

> 掩項領 塞前 腦中 塞前 麗士 不去 用此 去不此用 中闊後塞

四寸下取方 裁入四寸


]寸之圖

反 摺 反向 摺前 向反 前摺 向 前 圖


右適 左適 中闊

反摺辟領四寸爲左右適圖

七六



加領於衣前圖



加領於衣後圖

七七

其悲哀。 適者,指適緣於父母,不念餘事。」 負版 又按注疏,衰、負版、辟領,惟子爲父母 之,旁親則不用 在。」疏云:「衰者,有哀摧之志。 負者, 7,左右 楊 氏 曰 有辟 《儀 領。 也 禮 孝子哀戚之心 》注云: 「前有 1,無所 衰, 後 用 負 有 不

之記。 衰、布 云: 杖 則 屨,悉數而 絞帶,削杖之異於苴杖,疏屨之異於菅 苴絰,冠布纓之異於繩纓,布帶之異 絰、衰裳、杖屨之目。 期 無 》:「大夫卜宅與葬日,有司麻衣、 「麻衣,白布深衣 異於斬衰者,故不復言。 按《儀禮 以 自齊衰章而下,若牡 帶,因喪屨,緇 至總 詳言之。若衰、負版、辟 麻 喪服》於斬衰章首列 例 應 布 ,而著衰焉,及布 如 其制度則詳見於本篇 冠 此。 不蕤。」鄭 麻 又按《 絰 自 之異 齊 注 雜 衰 於 於 冠 領

稱,不 喪服 衰用 帶、 注 服小記》云:「齊衰三月,與大功同者繩屨。」『緇 用布帶。 吉布也。 也。」疏 以上之服乎? 夫深衣吉服 冠不蕤」者,以 深衣前,當胸上。 又有負版,長一尺六 未然也。 寸,廣四寸。」 布帶,以 三升半布爲衰,長六寸,廣四寸,綴 疏 緇 自斬 布帶,况緦麻以 以爲用之父母而不用之旁親,似 應有 布 因 云: 布衰,謂 冠 衰 經帶 「麻 喪屢」,謂因喪之繩 心地,猶 至總皆有 此 緇 有司 衣 i 麤衰 服 丽 布爲冠,不 ·, 謂 加 無 非 非親 衰 上之親 也。 衰及負版、辟領 白 純 布爲 绖有帶,服 及 吉, 布 也,所服 布帶,况 皇氏云:『以 深 帶。 必乎? 亦 衣。 加 非 屨。 齊衰三年 緌 + 又况 純 必 猶 緦 也 五 《喪 相 於 布 有 麻 [X]

未得質正。 皆不杖,與《喪大記》、《喪服小記》不同,恨皆不杖,與《喪大記》、《喪服小記》不同,恨

者不杖,則子一人杖。」婦杖。」《喪ل記》云:「女子子在室,爲父母,其主喪婦杖。」《喪大記》云:「三日,子、夫人杖。 五日,大夫、世

當添 父後 詔 可妄有改易也。 從古,父爲長子三年。 此禮猶在也 令猶云:「賜民當爲父後者爵一級。」是 姊妹 在爲妻 者手 先生曰:宗法 既 一條。 一, 豈 嫁相 楊氏 可謂宗法 如漢時宗子法已廢,然其 爲服 曰:不杖 是亦 雖 未能 一條。 愛禮 廢 立,然服 期章,其 而庶子皆得爲 其義服,當添 存羊之意,不 制 正 自 服, 當

在 可 復 爲 尊 母 先生 在 期 日 非 母 ', 然 是薄 喪禮 亦須 須從《儀禮》爲正。 於母,只爲尊 心喪三年。 在其父,不 這般處 如 皆 父

殷祭故也。朔祭亦殷祭,故夫主之。之喪,虞,卒哭,其夫若子主之。」虞、卒哭皆殷奠以尊者爲主也。《喪服小記》曰:「婦母喪,恩重服重故也。朔奠則父爲主者,朔母喪,恩重服重故也。朔奠則父爲主者,朔

既 代神祭也。 之説,見《祭禮》降神條。 獻 則 楊氏 徹 去。 曰:按程 今人直 酹者初酌 子、張子與朱先生後 一以奠爲酹,而 奠酒則安置於神座前 酒 則 傾 少酒於茅, 盡 傾之於 來

牾 地 **干奠賻** 非 忇 條。 與《 當以 家 禮 後來之説 所 謂 人 爲 酹 正 跪 酹 似 相 牴

是。 生曰: 安 時 卿云: 只 問 存 祭 合葬 東畔 時 地 以 道 夫 西 以 婦之位 位,亦不曾考禮 爲 右 上, 爲 尊, 則 先 葬 恐 生 時 男 日 亦當 當 是 某 居 如 如 右。 葬 何 此 方 先 陳 室

之四傍 之厚 椁 之,此 其 傍,謂沙灰之四傍也。 屑,側厚寸許 丽 上, 瀝 加 清, 廖子 調棺 炭 也 四傍又下三物如前。 寸許, 屑 似 之外椁之内。 晦 棺 於 亦 問 底 其 (無益。 下 其 葬 及 上,然後 上 法。 與 棺 築之既平,然後安石 先 即 俟 四 但於穴底 先生 所 鋪 滿 傍 以 鋪 沙 上 加 日 + 者 灰 此所謂 面 蓋 相 築之,盈 先鋪 復 四 後 接 復 傍 用 四 來 炭 布 傍, 沙 即 講 此 屑, 沙 ,謂石椁 所謂 椁 坎 灰 用 究 灰 實 而 於 炭 築 木 四

行

得。

止

蓋

沙

灰以

隔

螻

蟻,愈

厚

愈佳。

頃

嘗

見

數片 外, 者, 帷 籍 多,使人難行,後聖有作,必是裁 但法中不許 灰 荒 已化爲 溪 四 亦 先 石合成,庶幾不 先 延 里 面 生日: 生 平 周 人 石 説 · 改葬 密, 矣。 営見 用 生 某 石椁,故 都 以 炭 舊 所 用 無 爲 屑 爲 親 灰 戾 縫 不 則 葬 先 見, 法 此 罅, 切。 者 以 人 意 不 故 後 隔 然後 飾 · 敢 爾 須 而 木 棺 用 因 令在 今禮 根之自 減了 可 全 遷 考 以 葬, 石 文 制 沙 爲固 覺 方始 度 灰 外 則 以 之 作 至 見

易,但 法,固 子。 又曰 也。 亦 須 又曰: 若 凡 先 似主之大小高 無官 繼 主 此 生 此 式 曰 皆是後賢 不當作 品 乃 : 之 伊 伊 是 限 川 Ш 士 爾 制, 先 義 下,但不 人 萬 起之制 生 用 土 牌 所 繼 主 庶 子 制 亦 世 不 爲 亦 ",今復 用 無 無 判 初 無 定 主 官 合 非 一,只 大 了, 亦 制 以 陷 朝 利 意 用 中 難 廷 切 綨 可 意 立 牌 澽

酌如此,若古禮則未有考也。

可也。 同 人 今家禮皆不用。 .'小斂。 髽。 楊氏 啓殯之後男子免,至虞、卒哭皆免, 蓋 今既不塗殯,則 小 日 : 古禮啓殯,斬衰 斂 括 髮、髽, 啓殯 亦不啓,雖不變服 見尸 男子 柩 ,括 in,故 髮, 變 婦

既駕,往即幽宅。載陳遣禮,永訣終天。」楊氏曰:高氏禮遣奠之祝辭曰:「靈輌

生曰:旁注施於所尊,以下則不必書也。問夫在妻之神主宜書何人奉祀? 先

右,卒哭讀祝於主人之左,蓋得禮意。 先生曰:温公以虞祭讀祝於主人之

清酌庶羞,哀薦成事,尚饗。」不居,奄及卒哭,叩地號天,五情糜潰,謹以不居,奄及卒哭,叩地號天,五情糜潰,謹以楊氏曰:高氏禮卒哭之祝辭曰:「日月

袝 妻 /於祖 楊氏 妣 日 父在祔 年 喪 妣 畢 ·, 尚 則父爲主,乃是夫 袝 於祖 妣 待

妣之旁。此當爲據。也。胡泳曰:先生内子之喪,主只祔在父它日三年喪畢,遞遷祖考妣,始妣考同

祖

遷

制,而 告其祖 禮 獻 竊 遂 故 遞遷,則群室皆遷,而新死者當入于其禰 以 此 常爲穆,故祔新死者,于其祖父之廟,則 者猶 議 變 室 意 西爲上之制,而無復左昭右穆之次,一 廟之漸也。 于朝,盡復公私之廟,皆爲左昭右穆之 矣。 與其依違 而 先生曰: 一洗其繆之爲快乎。 父,以當遷他廟,而告新死 祔 執 此乃禮之大節 祔于祖父之文,似無 于 禰 古者昭穆之次,昭常爲 牽制,而 今公私之廟,皆爲同堂 廟,則又非愛禮存羊之意。 均不免爲失禮,曷若 ,與古 意義。 不 同 者 以 昭, 異 然 當 丽 欲 有 爲 室 爲 穆

辟領之制,而不言衰、負版、辟領何時而除。楊氏曰:《儀禮‧喪服》記載衰、負版、

家禮》并 首 絰 並 去 於 小 祥之時,蓋 用 司 馬

首,謂首絰也。 家禮》、《書儀》以小祥去首經 按《間 傳》云「期 婦人除乎帶」,謂腰經 而 小祥,男子除 也。 也 故 平

如何 純 即 小祥、大祥之祭,皆夫主之。但小祥之後,夫 主祭者雖已除服,亦何害於與祭乎。 改其祝詞,不必言爲子而祭也。 用吉服,須如弔服及忌日之服可也。 除服,大祥之祭,恐須素服,如弔服可也。 問子爲母大祥及禫,夫已無服,其祭當 先生曰:今禮,几筵必三年 〇先生日 而 但 除 示 但 可 則

室 可 置處。不得已,只埋於墓所。 ,祧主藏於其中。 問 .祧主。先生曰:天子諸侯有大 今士人家無 此 祧 八廟夾 主 無

因 其祭畢還主之時,遂奉祧主歸於夾室,遷 先生 曰 横渠 説三年後袷祭於太 廟,

> 主 周 新 禮注》大宗伯享先王處,似亦有此意 主皆 歸 于 其 廟。 此 似 爲 得禮 鄭 氏

吉祭前一 事至重。 俟 迭遷,昭穆繼序,先王制禮,不敢不至。」 祝文曰:「年月日孝曾孫某,罪積不滅,歲及免喪,世次 祧主埋于墓所,奉遷主新主各歸于廟。 (袷畢,而後遷。 李繼善曰:既祥而撤几筵,其主且祔于祖父之廟。 《家禮》但以酒果告遷于祠堂,恐禮太輕,當於 夕以薦告遷主畢乃題神主,❶厥明合祭畢奉 ○楊氏曰:世次迭遷,昭穆繼序,其 ○高氏告祔遷

説 徙月樂」之説 祥後便禫,看來當如王肅之説,於「是月禫 月 在祥月之中。 凡二十七月,三年之喪二十五月而畢,禫祭 ,雖是禮疑從厚,然未爲當。 Щ 除,不可 司馬公曰:《士虞禮》注云: 達也。 爲順。《檀弓》。 今律勑三年之喪,皆二十七 〇先生曰:二十五月 而今從鄭氏之 自喪 至 檀

0

遷」,原作「還」,據《性理大全書》引楊氏説改。

行。 讀祝 胙非 廟行 服 就 丽 韓 俗節薦享則以 又曰:頃 魏 祠 禮可 未 哭奠子,則至慟 ,不受胙也。 居喪所可行,而 公 先 堂 葬 生日 所 内致薦,用深衣 也 可 謂 年居喪,於四 廢,既 節 薦新 四時 祠者 墨衰行之,蓋正祭三獻受 〇先生 葬 告朔,吉凶 大祭,既葬 「, 則 俗 則使輕 節 如 幅 以 時正祭則 則 薦 ψ̈́ 子 唯 服 新 相襲,似 普同 亦不 喪不舉盛祭, 或已除者 行 薦畢,反喪 之 不敢 可行,如 一獻,不 可 不 也 可

祭, 氏 月。」今國家享太廟用 鮮 廟 皆用 曰 用 無 牲 司 田 唯 何 馬 仲 休 則 公曰: 月, 設 日 薦。」注:「祭 庶羞 以 , 有 《王制 此 牲 而 私 已。 日 家 孟 祭, ¥ 不 月 以首時, 「大夫、士 敢 無 ,自周六廟 用 牲 孟 日 月。 薦。 薦 有 淡濮 以 今人 田 高 仲 王 則

問 先生祭儀 ,時祭皆卜日 ·, 今聞 却 用

> 有 至二分祭是如何? 不虔,温公亦云只用 先 分至亦可 生 三三 ト 日 不定,慮

不能久立 若或自欲 畢,升,立於酒壺之北,監視禮儀。 神而 分至也。 者,職業既繁,但時至事暇可以祭,則卜筮亦不必亥日及 司 司 틴 馬 馬公曰:孟 若不暇卜日,則止依孟儀用分至,於事亦便也。 公曰: 預 ,則休於他所,俟受胙,復 祭,則特位 詵家祭儀,用二至二分。 舅 没 則 於主 姑老,不與 婦之前。 來受 或老 然 於祭。 今仕 胙 疾 神 官

服 諸 天子至於庶 有服,不祭甚非,某家 必及於高祖,但 生曰:今人不祭高祖,如何? 程子之言,則 既 如 司馬公《書儀》祭及曾祖,有 是,祭 人,五服 祀 有 雖 亦 \equiv 疏 須 廟、一 未 數之不同耳。 如 却祭高 嘗有 是。 廟以至祭寢,亦 異,皆 〇先生曰: 祖 曰 問 又 至 疑此 伊 高 日 一高 祖 Ш : 祖 考 最 自 自 先 辭

大夫有 爲 主,只 弟 蓋 或貴仕於朝,則奉二主以從之,於事爲 他 畢 有 禮之變而 神不分矣。 如 與 文 而 未 立 必 得 上不失萃聚祖考精神之義,二主常相依 ,焚之,如此似亦得禮之變也。 此 執 祀 及高 日 祭祀 ,則當留以 可以義起者蓋如此。 有 於祭時 ?考耳。 事省於其君,干祫及其高祖,此則可 事 廟 以 而 下使宗子得 兄弟異居,廟初 或以 不 遠近爲 祖之文,然有月祭享嘗之别,則 之 相 而 - 失其 祭 本 去遠 旋設 物助之爲宜,向見説前 及 意 奉祀,不得 疏數亦可見矣。 中 高 又曰:主祭者 者 位 祖 今 「, 則 一,以 所謂 以 己之驗。 以 田 兄家設主,弟 紙 祭法考之, 不異,只合兄祭 但支子所得自主 禮雖先王 禄 榜標記 隨宗子而 薦 但 享 遊 干 禮家 祖 1,逐位 宦 袷之制 所未之 雖 徙 四 不 輩 又言 未 ,則精 宜, 方, 也 祭 立 有 丽 處 占 見

祖之祭,只設

虚位

而

無主,則又當先降而

常以爲終天之痛,無以自贖。 棄捐 屬,皆當存之,勿令殘穢褻慢,以重吾不 等,切宜謹戒。 祀,致其謹潔,猶是可 知 (,所以) 陳淳曰: ,不及供養,事 先 生嘗 承顔 書 降神 順色,甚有 凡祭肉臠割之餘,及皮毛之 戒 子 在參神之後。然始祖 先妣 塾 着 曰 力處。 四 乖戾。 : 十年 吾 不 汝輩 惟有歲時享 至今思之, 孝 然 爲 及 愚 新 無 先 孝。 先

參,不容以是爲拘 伊川先生曰:古者灌以降神, 故 以 茅

地。 生 縮 上,甚非也。 酌 若奠酒,則安置 ,謂求神於陰陽有無之間 奠酒: 既獻 奠,安置 則 撤 在 也,若言「奠 此。 去 可 今 人 也。), 故 以 酒 擎」「 横 澆 必 渠 在 灌 奠 先 地 於

酒有 」是也。 兩説 注之於地,非也。 一用鬱 鬯灌 地 〇朱先 以 降神 生日 則 唯

酹

枕

其禮 天子諸 祭,鬼神自不能祭,故代之祭也。 ,是盡傾。 而失其義,不可不知。 侯有之,一是祭酒,蓋古者飲 先生曰:降神是盡 \bigcirc 問 傾 酹 今人 酒 是 雖 食 少 存 必

楊氏曰: 祭酒是少傾于地

問

改葬。

曰:

須告廟而後

告墓、

方啓

户,如食間 楊氏 曰:《士虞禮》 注:「如 尸一食九飯之頃 無 尸者,「祝 闔 牖

也

覺得不安,遂已之,季秋依舊祭禰。 〇又 立 曰:始祖之祭似禘,冬至。 春、季秋三祭。 春 先生曰:某家 後以 舊時 冬至、立春二祭似僭, 時祭外,有冬至、立 先祖之祭似祫。

似,有四隻帶,若當幞頭 問忌日黲巾之制。先生曰: 然 如帕 複 相

禮 ,全然滅裂,吾甚 先生嘗書戒子云: 懼 焉 此 見 既 墓 爲 祭 先 土 公託 神 體 之

> 器,以盡吾寧親事神之意,勿令少有隆 大 墓 Ш 盤 林, 前 ,凡所具之物悉陳之,羹飯茶 ൬ 樣,菜果鮓脯 祀 其主 者, 豈 共十 可 器 如 ", 此 ? 魚 今 饅 湯 後 頭 殺。 各 各 可 與

於寢。 方穩當。 墓以葬; 葬畢奠而 行葬更不必出主,祭告時却出 歸,又告廟哭而 後 畢事

主

也。 禮》通於今、《儀禮》備其詳、《家禮》舉 多不滿之意。 昏禮之六禮,喪禮 答拜之類。其所同者又不能無詳略之異 禮》或有不同,如婦人用今之衰裝,弔喪者徇俗 之,以附于書之後,恐其間斷文公本 之下者,可謂有功於《家禮》矣。 抑文公此書欲簡 右文公門人三山 襲斂用 復竊 謂《 衣多少之類。 (便而 楊復所附註 儀 禮》存乎古、《 易行,故 楊 氏 復 於 與《 往 别 逐 書 往 出 條

禮》在。楊氏之説有不得而盡録云。淳 喪,必令參酌《儀禮》、《書儀》而行之,其意 禮》,而尤拳拳於編集《儀禮》之書,遺命治 要,蓋並行而不相悖也。故文公雖著《家 祐五年乙巳歲二月既望上饒周復謹書。 蓋可見矣。好古而欲盡禮者,固有《儀

家禮附録終

《儒藏》精華編惠蒙善助,共襄斯文,谨列如左,用伸謝忱。

本焕法師

智海企業集團董事長

馮建新先生

《精品購物指南》報社常務副總編 NE·TIGER 時裝有限公司董事長 《優品》雜誌主編 張志峰先生

王明亮先生

貳拾萬元

壹佰萬元

壹佰萬元 **壹佰萬元**

北京大學《儒藏》編纂與研究中心

本册責任編委本册審稿人

沙志利

李祚唐

張衍田

[General Information]

丛书名=

书名=儒藏 精华编 73

作者=北京大学《儒藏》编纂与研究中心编

出版計=

出版日期=2012.01

页数=1246 ; 26cm

原书定价=500.00

DX号=000008262742

SS号=13185122

ISBN=978-7-301-11791-0

中图法分类号=B222 (哲学、宗教>中国哲学>先秦哲学>儒家)

分类号=02040302

主题词=

参考文献格式=北京大学《儒藏》编纂与研究中心编.儒藏 精华编 73.北京市: 北京大学出版社,2012.01.

简介="北京大学儒藏工程"是我国一项重大学术文化项目。《儒藏》收录自先秦至清朝结束这一时段中,儒家经典及其注疏、儒家学者的著述和体现儒家思想文化发展的相关文献,包括传世文献与出土文献,尽量选用最好的底本,按...